

hic in exemplo. Ex iis apparet nihil huic constitutioni obstare, quod dicitur in glossa: Non licere quicquam præpostere facere, seu contra naturæ ordinem, aut ius constitutum. Quod & verissimum est. *l. ve debitum supr. de hered. act. l. prolatam, inf. de sententiis, & inter. l. i. inf. de execut. res. iud.* Sed tantum abest, ut hic contra quicquam dicatur, ut maxime id ipsum in hac specie confirmetur, postquam stipulatio præpostera quatenus est, non valet, quatenus res est & naturalis dicitur, eatenus valet.

Ad L. In testamentis. 26.

Imp. Iustin. A. Mennæ præfecto prætorio.

In testamentis sine scriptis faciendis omnem formalem observationem penitus amputamus: ut postquam septem testes convenerint, satis sit voluntatem testatoris, vel testatrici simul omnibus manifestam significantis, ad quos substantiam suam peruenire velit, &c.

S Y M M A R I V M.

1 Testibus rogatis non necesse est adijci à testatore, eos adhibitos ad testamentum scripto, aut sine scripto faciendum.

In testamentis testes rogatos esse oportet, id est, admoneri se adhibitos esse ad testamentum, *leg. heredes, §. in testam. D. h.* Hac constitutione declaratur cum id factum erit, non esse necesse adijci à testatore eos adhibitos ad testamentum scripto, aut sine scripto faciendum, & merito, quia ex eo, quod scriptura profertur à testatore, aut non profertur, facile quid hic geratur, à testibus intelligi potest.

Ad L. Sancimus. 27.

Imp. Iustin. A. Iuliano præfecto prætorio.

Sancimus, si quis legitimo modo condidit testamentum, & post eius confectioem decennium profuxerit: Siquidem nulla innovatio, vel contraria voluntas testatoris apparuerit, &c.

S Y M M A R I V M.

1 Decennium ad voluntatem testatoris accedens, qua dixit se nolle testamentum valere, à quo die numerandum sit.

Testator testamento facto, si dixerit, se id testamentum valere nolle, & ad eam voluntatem hoc accesserit, ut prætereunte decennio viuo testatore testamentum rescindatur, eeterum neque lapsus decennij sine contraria voluntate, neque contraria voluntas sine decennij lapsu testamentum infirmat: Hic quæsitum est, ex quo tempore hoc decennium numerandum sit, an ex quo testamentum factum est, an ex quo contraria voluntas secuta est? Nam Iustinianus nihil de eo expressit in *vers. fin. autem testator.*

Respondeo: Recte receptum est, vulgo hoc decennium sic accipi debere, si præterit post testamenti confectioem, ut conjectura voluntatis sumatur ex iis, quæ in constitutione præcesserunt. Nam quoties aliquod verbum vel in lege, vel in testamento ambiguit, vel obscure scriptum est, si de eo alia parte testamento, aut lege apertum, ex eo, quo à aperte scriptum est, obtinenti, interpretamur, quasi scriptor de eodem senserit, *l. si scurum plurimum, §. ult. D. de legat. 1. l. heredes, §. 1. in fin. D. h. l. qui filius, in pr. de leg. 1.* In hac constitutione initio decennium nominatum est, quod elapsum sit post confectioem testamenti.

Hanc significationem decennij post Iustinianus non mutavit: Proinde & hoc casu locum habebit decisio superior.

* *

Ad L. Cum antiquitas. 28.

Imper. Iustinianus A. Iuliano præfecto prætorio.

Cum antiquitas testamenta fieri voluerit nullo actu interveniente, & huiusmodi verborum compositio non rite interpretata pene in perniciem & testantium & testamentorum processerit: Sancimus in tempore, quo testamentum conditur, vel codicillus nascitur, ut ultima quadam dispositio, &c.

S Y M M A R I V M.

1 Brevis summa huius legis.

Hæc constitutionis, cum antiquitas, continet duas exceptiones eius iuris, quod de scripto testamento comprehensum est in *l. hac consultissima, supr.* Prior exceptio pertinet ad eam partem iuris, qua cauetur solemnia peragi debere vno contextu actionis, nullo alieno actu interveniente. Posterior exceptio, quæ est in *§. cum eorum*, refertur ad eam partem iuris, qua exigitur, ut testator subscribat testamento sua manu coram testibus, si impeditus est scribendi, octavum testem adhibeat, qui subscribat; excipitur, nisi testator testamentum sua manu scripserit, de quibus exceptionibus dictum est supra.

Ad L. Iubemus. 29. cum Auth. seq.

Imper. Iustinianus A. Ioanni præfecto prætorio.

Iubemus omnino testatorem, si vires habeat ad scribendum nomen heredis, vel heredum in sua subscriptione, vel in quacunque parte testamenti ponere, ut sit manifestum secundum illius voluntatem, hereditatem esse transmissam, &c.

Auth. ex Nouell. 119. cap. 9.

Et non obstructo eo, subuenitur testamentis, siue per se, siue per alium quis inscribat nomen heredis.

S Y M M A R I V M.

1 Legis huius cum leg. hac consultissima, supra, antinomia & conciliatio.

Hæc quoque constitutio exceptionem habet eius iuris, quo cautum in *l. hac consultissima, supr.* nihil refert, cuius manu testamentum scriptum sit, testatorisne, an alterius. Hic Iustinianus iubet nomina heredum, aut scribi à testatore, aut ab eo palam nuncupari. Sed & hoc ius mutatum est in *Auth. sequ.* & reditum ad ius antiquum, ut dictum ad *l. hac consultissima.* Sed in hac constitutione *§. quod si non fuerit*, animadversionem desiderat. Videtur enim hic locus antinomiam habere huiusmodi. Si testamentum scriptum sit alterius manu, & in eo quinque heredes exempli causa scripti, Iustinianus vult nihilominus hos heredes ab ipso testatore scribi, aut nuncupari. In hoc *§.* subiicit, si testator ex iis quinque heredibus tres solum scripserit, reliquos duos omiserit, aut si tres nuncupavit, reliquos duos non nuncupavit, eos, qui nuncupati non sunt, heredes non futuros, sed eos solum, qui scripti, aut nuncupati sunt. Interim vult eos, qui scripti, aut nuncupati sunt, heredes esse.

Videri autem potuerunt ne hi quidem heredes esse potuisse, idque efficitur *l. si is, qui testamentum, ff. eod.* ubi si testator ex dictis quinque testibus, quos constituerat heredes instituere, tres nuncupavit, deinde obmutuerit, placet testamentum nullius esse momenti, quasi imperfectum, eoque nec eos heredes futuros, qui aperte nuncupati sunt. Respond. in *l. si is, qui testamentum.* testator voluit eos heredes instituere, quos non nuncupavit;

cupavit; ideo enim non nuncupavit; quia non potuit, puta voce morbo interclusa, ut nominatim scribitur in extremo eius responsi. In hac autem constitutione agitur de eo testatore, qui eos heredes, quos non nuncupavit, noluit heredes instituire, idque eo colligitur, quod eos potuit heredes nuncupare, si vellet; quoniam satis temporis habuit ad eos nuncupandos: non nuncupavit, cum posset, noluit igitur. Satis autem ei temporis fuisse ad eos nuncupandos, ex eo intelligimus; quia post testatoris nuncupationem subsecutæ sunt subscriptiones & obfignationes testium; proinde hæc species voluntatem distinguit testatoris.

Ad L. penult. Nostram.

Imp. Iustinianus A. Iohanni præfecto prætorio.

Nostram provisionem, maxime circa ultima elogia defunctorum, nunc etiam extendi properamus. Unde cum inuenimus quasdam controuersias veteribus iuris interpretatoribus ortas propterea testamentum, &c.

DE hac l. dictum est ad l. hac consultissima. §. si quis autem. sup.

Ad L. ult. Et ab.

Imper. Iustinian. A. Iohanni præfecto prætorio.

Et ab antiquis legibus, & à diuersis retro principibus semper rusticitati consultum est, & in multis legum subtilitatibus stricta obseruatio eis remissa rerum inuenimus documentis, &c.

S V M M A R I V M.

1 De testamentis rusticianorum.

IN testamentis rusticianorum remittitur necessitas solemnium ad formam hic constitutam, de quo dictum ad l. hac consultiss. ante initium, §. ex imperfecto.

AD TITVLVM XXIV. COD. DE
HEREDIBVS INSTITVENDIS, ET QVÆ
personæ heredes institui non
possint.

S V M M A R I A.

- 1 Testamentum ut ab initio iustum, quibus in rebus positum sit.
- 2 Heredis institutio quam necessaria sit in testamento.
- 3 A parentibus liberos habentibus & testamentum conscientibus qua exigantur, ut testamentum valeat.
- 4 Testamentum quibus modis infirmetur, rumpatur & irritum fiat.
- 5 Hereditas quomodo nobis ex testamento deseratur.
- 6 Heredis institutio quibus ex causis sit necessaria ad acquisitionem hereditatis.
- 7 Heres quando quis institutus esse intelligatur.
- 8 Instituire heredem quid.
- 9 Heres quibus verbis sit instituendus.

Diximus initio tit. qui testam. fac. poss. sup. ita hereditatem deferri testamento, si etiam iustum sit. Ut autem ab initio iustum sit, tribus in rebus positum esse. In persona testantis, ut sit, qui testamentum facere poterit: in solemnibus testamentorum: tum in iis, quæ testamento continentur. De personis dictum est tit. qui test. fac. poss. De solemnibus dictum est tit. prox. Restant ea, quæ continentur testamento, in quo genere sunt heredum institutiones, legata, fideicommissa, libertates & tutorum dationes, l. verbis legis. de verb. sig. Sed ex iis cetera testamento cauere possunt. Vnum ad vim testamenti necesse est, ut testator sibi heredem instituat vel vnum, vel plures, cetera sunt libera testatori.

Sine heredis ab initio institutione nihil in testamento valet, §. 3. vers. Calpurnius. ff. de iis, qui in testam. del. i. in fin. ff. de vulgar. l. vlt. de vulgar. l. vlt. de iur. codicill. §. in primis. Inst. de legat. Cetera, ut dictum, libera. Et ideo qui neque legare vult quicquam, neque de ceteris rebus cauere, sed tantum heredem instituire, eum Vlpianus ait tribus verbis testamentum conficere posse, ut dicat; Lucius heres esto, l. i. §. qui neque. ff. eod. & hæc lex generalis omnibus testatoribus posita est. Vna est specialis in parentibus, ut qui liberos habent, non quouslibet alio instituant, ut testamentum valeat, sed ut instituant liberos suos omnes. Quod si eos indignos successione sua putant, duo ab illis exiguntur ad vim testamenti. I. Ut liberos nominatim iustis de causis exheredent, & quidem iustis causis exheredationi adscriptis, tit. de exher. lib. l. inter cetera, de liber. & posthum. Authent. non licet. inf. de liber. præter. Deinde hoc quocumque exigitur, quod est omnium testamentorum commune, ut si liberos heredes instituant, cum dixerimus, sine heredis institutione testamentum non valere. Hæc cum obseruata erunt & in persona testatoris & in solemnibus, & in heredum institutionibus & exheredationibus, quæ diximus, habebimus ad testamentum, quod ab initio iustum est.

Sed ad vim testamenti non est satis ab initio iure factum esse testamentum, nisi etiam iustum perseveret. Multis autem modis accidit, ut quæ ab initio iure valuerunt, postea infirmetur. Quare si tenere volumus, quodnam sit testamentum ex omni parte iustum, etiam hoc loco quaestio introducenda est, quibus modis testamentum infirmetur, ut iis modis notatis statuamus id testamentum iustum esse, de quo quaeritur, quod & recte factum est in ff. illos enim titulos duos, qui test. fac. poss. tit. de lib. & posthu. sequitur tertius hanc postremam quaestionem continens de iniusto, rupto, irritoue testamento.

Est autem hæc summa iuris de eo. Testamenta ab initio rite facta postea aut rumpuntur, aut irrita fiunt. Rumpuntur vel agnatione sui heredis; aut quasi agnatione, vel alio testamento postea rite facto. Agnascitur testator sui heres, cum post testamentum suum heres testatori nascitur, vel eo vivo, vel mortuo. De hac agnatione est in §. posthumi Inst. de instit. & exher. liber. toto tit. inf. de posthum. hered. inst. Quasi agnasci dicitur heres, cum vel testator adoptat sibi liberos, quos in potestate incipiat habere, de qua specie est in princip. tit. quibus modis testam. inf. Aut cum nepotes cum tempore testamenti nati erant, mortuis parentibus suis in eorum locum succedunt, & iura suorum heredum nascuntur. De hac specie est in §. posthumorum. Inst. de exher. lib. & l. posthumorum. ff. de iniusto, rupto. Posteriore testamento quomodo rumpatur prius, dictum ad l. hac consultissima. §. si quis autem. sup. prox. tit.

Irritum fit testamentum duobus modis. I. Testatore capite minuto, id est, vel libertate amissa, vel ciuitate, vel tunc, cum arrogatione, aut adoptione in aliam familiam transit, §. alio. Inst. quib. mod. testa. infirm. Sed hoc ita, si testator capite minutus eodem statu decesserit. Nam si ad pristinum statum redierit, recenti eius voluntate testamentum conualecet, ut secundum id detur honorum possessio, §. non tantum. Inst. quib. mod. test. infirm. Fit quoque irritum testamentum non adita hereditate ex eo: nam hereditate non adita res eo redit, quasi ab initio testator heredem non haberet. Est autem heredis institutio fundamentum testamenti. Hoc modo irritum fieri testamentum traditur in l. i. ff. de iniusto, rupto.

Distinguitur tamen alibi irritum testamentum ab eo testamento, ex quo hereditas adita non est, nempe sub tit. de her. qua ab intestat. in pr. Sed hoc docendi causa fit, ut res plures nominibus suis distinctæ magis intelligantur. Ceterum reuera irritum id testamentum est, quod exitum non habet, indicatur hoc in d. §. alio. Inst. quib. mod. test. Licet etiam modos infirmandi testamenti ita diuidere fortasse commodius, certe plenius, ut statuamus testamentum infirmari partim volente testatore, partim iniuto. Voluntate sola non nunquam testamentum infirmatur, sed cum ad voluntatem accesserit aliquid, nimirum, ut aut inueniantur tabulae testamenti, aut tabulis integris manentibus aliud testamentum fiat, de quibus generibus dictum ad l. hac consult. sup. i. prox. §. si quis autem. Iniuto, tribus modis: Agnatione heredis sui, seu quasi, capitis diminutione testatoris, & hereditate ex eo testamento non adita, de quibus ante dictum. Cum testamento ab initio rite factum nihil istorum postea incidit, quibus testamentum infirmatur, iam certo statuere poterimus, id testamentum, de quo agitur iustum esse, de quo huc usque quaesumus.

Hoc constituto longius progrediendum in quaestione acquirendae hereditatis. Nam ut nobis hereditas acquiratur ex testamento, hoc non est satis, iustum esse testamentum, ex quo iudicemus hereditatem, sed oportet etiam ex testamento eo nobis hereditatem deferri. Sic autem et nobis deferatur, si eo testamento heredes instituti simus. Ex quo apparet heredis institutionem, seu omnem de heredibus instituendis quaestionem duabus de causis necessariam esse ad acquisitionem hereditatis. Primo propter testamentum, ut valeat; nam supra dictum sine heredis institutione testamentum non valet, propter quam causam, et si sola esset, aptissime hic titulus subicitur superioribus, ut in eo constituatur vis testamenti. Sed & necessaria est haec quaestio propter nos, qui hereditatem ex testamento vindicare volumus, posteaquam nihil ad rem pertinet testamentum iustum esse, nisi & eo heredes instituti simus. Hinc introducitur quaestio de heredibus instituendis.

Utergo hoc modo nobis deferatur hereditas, duabus rebus continetur, si heredes instituti simus, & ita, ut consistat iure institutio. Nihil enim interest, utrum aliquid non fiat, an non recte fiat, *l. quoties. §. ff. qui satisdax. cog.* Institutus aliquis intelligitur heres, cum testator id fecit, quod verbum significat, & id quoque voluit. Instituire etiam heredem est statuere & designare sibi successorem, id est, scripto & verbis declarare, quem tibi mortuo successorem esse velis in omne ius tuum; nam hereditas hanc successionem vniuersi iuris significat, *l. nihil aliud. de verb. sig. l. hereditas. de reg. iur.* Proinde heres intelligitur vniuersi iuris successor, *§. legataris. de test. ordin. l. quadam. §. i. ff. de eodem.*

Quibus autem et verbis id testator declarat, nihil refert, *l. quoniam. sup. tit. prox.* Solemnia verba antiquitus haec erant: Lucius Titius heres esto, *l. i. §. neque. ff. de hered. instit.* Sive autem scribatur heres, sive nuncupetur sine scripto, institutum intelligimus, *d. l. i. §. neque. ff. de hered. instit.* Non est tamen satis hoc verbis exprimi, nisi etiam concurrat voluntas testatoris, quod interdum non fit, & ob hanc causam nulla est institutio. Exempla sunt in *l. 3. 4. & letiam. inf. b.* Si consistit heredis institutio, si & is instituitur heres, qui institui potest, rite instituitur, ut vis institutionis consistat in his tribus: In persona heredis, conditione, & in instituendi modo. Hinc duae quaestiones vim institutionis explicant. I. Qui heredes institui possint, vel non, de qua est hoc titulus praecipue, ut inscriptio declarat. II. Quomodo heredes institui possint, ad quam proximi duo referuntur. Qui heredes institui possint, ostenditur in *l. i. b.* pertinet huc *l. collegium. lextranenium. inf.*

14 An omnes, qui sunt ciues Romani, heredes institui possint.

TRia et hic statuuntur. I. Peregrinos heredes institui non posse: cum enim dicitur, deportatos non posse institui tanquam peregrinos, id est, ut qui peregrini sunt, prius praesupponitur, peregrinos institui non posse, alioqui male colligeretur de deportatis. II. Statuitur, deportatos peregrinos esse, & ob hanc causam institui non posse. III. Continet effectum vniuersae definitionis superioris, nempe ut siue deportati, siue qui alii peregrini heredes instituantur, hereditatem capere non possint, sed pro non scriptis habeantur. Quae tria sigillatim excutienda sunt.

Dicimus et peregrinos heredes institui non posse. Peregrini in usu iuris et dicuntur, qui ciues Romani non sunt, & peregrinitas status eorum, qui ciues Romani non sunt, *l. §. solemus. ff. h. l. sed si hoc. §. sed si per poenam. ff. de ius voc.* Vnde intelligimus superioribus verbis hoc statui, eos, qui ciues Romani non sunt, heredes institui non posse. De quo iure, ut facilius & plenius possit statui, ad intelligentiam aliorum locorum; ad eandem quaestionem pertinentium, sic habendum est, eos solos heredes institui posse, cum quibus testamenti factio est, *l. si aliorum. §. i. l. non minus. ff. b.* Cum solis autem ciuibus Romanis testamenti factio est. Soli igitur et ciues Romani heredes institui, & ex nostro testamento capere possunt. Cum solis ciuibus Romanis testamenti factioem capere possunt. Cum solis ciuibus Romanis testamenti factioem esse intelligimus ex primo & secundo capite legis Falcidia, quae exstat in *l. i. ff. ad leg. Falcid.* Quibus cautum est, solis Romanis ciuibus testamento legari posse. Intelligimus autem ex *§. legari. Instit. de legat.* solis iis relinqui posse, cum quibus testamenti factio est. Ex quo efficitur, cum solis ciuibus Romanis testamenti factioem esse.

Quaerendum est igitur, qui sint et ciues Romani, & qui non sint, ut utraque definitio intelligatur. Dictum superiori titulo, ciues Romanos esse, qui liberi sunt & in orbe Romano: nulli ciues Romani, nisi liberi, *§. vlt. in fin. Instit. de libertin.* Nec satis est liberos esse, nisi sint in orbe Romano, *l. in orbe Ro. ff. de stat. hom.* Quod si ita est, duo sunt genera eorum, qui ciues Romani non sunt, serui, & qui non sunt in orbe Romano: proinde totidem genera eorum, qui ex ciuium Romanorum testamento capere non possunt, ut ne heredes institui. Quod et ad seruos attinet, videri potest in his, quod sit falsa definitio. Contat enim etiam seruos a nobis institui posse, & nostros & aliorum ciuium, & item eos, qui ab hostibus capti sunt, *l. non minus. l. illa. §. vlt. ff. eod.* Sed nihil sit aduersus definitionem supra positam: nunquam enim seruus heres institui potest, nisi cum in horum persona ciuis Romanus institui intelligitur, cum seruum nostrum heredem instituere non possimus, nisi cum libertate, & ideo non nisi tunc, cum liber erit, & ciuis Romanus factus est, *tit. eod. in pr.*

Alienum seruum etiam sine libertate recte instituimus, *§. alienus. Instit. eod.* sed hoc ideo; quia sub persona serui dominus serui, idemque ciuis Romanus institui intelligitur; quoniam hereditas illi acquiratur, & ex eius tantum persona cum seruo testamenti factio est, ut diserte scribitur in *d. l. non minus. ff. b.* Qui autem ex ciuibus nostris ab hostibus capti sunt, ideo recte instituantur; quia si redierint, postliminij ius habent, quo efficitur, ut perinde habeantur, quasi nunquam capti essent, & proinde quasi ciues Romani mansissent, *d. l. illa. §. vlt. ff. eod. §. si ab hostib. Instit. quib. mod. ius.* Quod si in persona serui neque ius postliminij est, neque alius dominus ciuis intelligitur, omnino seruus heres institui non potest. Et breuiter, seruus ut seruus institui non potest. Exemplo sunt serui poenae, aut qui in metallum damnati sunt, his institutis, placet nullam esse institutionem; quia nullos dominos habent, ex quorum persona consistat institutio, *l. 3. ff. de his, quae pro non scriptis habentur.*

In orbe Romano sunt duo genera hominum. Primum hi, qui Imperio Romano subiecti non sunt, in quo genere sunt hostes. Ideo et citra controuersiam hostes inutiliter instituantur. Vnde qui ab hostibus nostris capti sunt, si a nobis instituti ibi decedant, nulla institutio est; quia hostibus hereditas acquiri non potuit; ut intelligitur ex *d. l. illa. ff. eod.* Hostes qui sunt, et definitur in *l. hostes. ff. de verb. sig. & l. hostes. ff. de captiuis.* Hostium numero sunt, qui ad hostes defecerunt; item qui cum arma ferrent aduersus patriam, tanquam hostes a senatu iudicati sunt. Horum vtrique ciuitatem amittunt, ac proinde omnia, quae sunt ciuium Romanorum, qua ratione etiam capite minui dicuntur, *l. amissionis. §. i. de e. diminut.* Alterum genus est eorum, qui Imperio Romano subiecti sunt; nec sunt in numero hostium; sed ex numero ciuium

Ad L. Qui deportantur. i.

Imp. Titus Aelius Anton. A. Anthestiano.

Qui deportantur, si heredes scribantur, tanquam peregrini, capere non possunt, sed hereditas in ea causa est, in qua esset, si scripti non fuissent. Sine die & consule.

S V M M A R I A.

- 1 Summa huius legis.
- 2 Peregrini heredes institui non possunt.
- 3 Peregrini in usu iuris qui dicuntur, & quid peregrinitas.
- 4 Soli ciues Romani heredes institui possunt: quia cum iis solis testamenti factio est.
- 5 Ciues Romani qui sint, & qui non.
- 6 Seruus an heres institui possit.
- 7 Hostis noster inutiliter heres instituitur: similiter et is, qui ad eum defecit.
- 8 Hostes & hostium numero qui sint.
- 9 Serui poenae olim qui & an heredes institui poterint.
- 10 Deportati qui sint, & qui eorum numero habeantur, & an heredes institui possint.
- 11 Relegati qui.
- 12 Heretici qui sint, qui eorum numero habeantur, & quod heredes institui nequeant.
- 13 Deportatis heredibus institutis, cum ex hereditate nihil capiant, ad quem ea hereditas pertinet, ad fiscum ne; an ad heredes legitimos redeat.

Romanorum exenti sunt damnatione. Horum tria sunt genera, serui pœnæ, deportati, hæretici, hi, de quibus constitutionibus Imperatorum cautum est.

9 Serui ꝑ pœnæ erant olim, qui damnabantur in metallum, aut ad bestias, vt iis subicerentur, aut ad ferrum, hoc est, ad gladium, vt cum alio decertaret gladio spectacula publice præbendi causa, quæ olim spectacula Romæ erant, *l. ius. §. vt. ff. de testam. & qui test. fac. poss. §. pœna seruum. Instit. quibus modis ius patr. potest. solu.* Hi ciues Romani esse desinebant; quoniam non tantum ciuitatem amittebant, sed etiam libertatem: efficiebantur enim serui pœnæ, §. maxima. *Instit. de capis. diminus.* Ob hanc causam institui heredes non poterant, nec quicquam ex testamento ciuium Romanorum capere poterant, *l. sunt quidam. ff. de pœnis. l. 3. de iis, que pro non script. habentur.* Hodie constitutione Iustiniani nemo damnatione fit seruus, §. quod autem prius. & §. sequent. *Donell. de nupt.* Sed nihilominus libertate iis relicta, alterum ex iure antiquo manet, vt ii ciuitatem amittant; qua vna de causâ ex testamento ciuium Romanorum capere non possunt, ex definitione propofita.

10 Deportati sunt, ꝑ quos præfes pronuntiauit in Insulam deportandos, si modo & Princeps sententiam præsidis confirmauit, & assignauit insulam, *l. 6. §. eius qui. ff. de iniust. rupt. l. 1. §. deportatos. ff. de legat. 3.* Non omnes, qui iubentur excedere ex finibus alicuius regni, aut regionis, deportatorum numero sunt. Nam & relegati in insulam, efficiebantur finibus; qui tamen & ciuitatem & libertatem retinebant, §. cum autem. *versio. relegati. Instit. quibus modis in patria potestas. soluat.* Igitur deportatos à relegatis distinguebant verba sententiæ præsidis, vt deportati intelligerentur, in quibus eiiciendis præfes deportandi verbo vltus esset: relegati, in quibus relegendi: deportati de portatione ciuitatem amittunt, eo que modo caput eximitur ex ciuitate, cuius & persona eximitur ex ciuitate, *d. §. cum autem. Instit. quibus modis patria potestas soluat. l. 2. ff. de public. iudic. & l. 2. §. 1. ff. de pœnis.* Ob hanc causam deportati heredes institui non possunt, vt hic cautum est. Sic enim intelligimus, eos ad definitionem superiorem peregrinorum pertinere.

11 Hodie moribus ꝑ nostris & fere omnium Christianorum, cum nullæ insulæ fiat, in quas damnati deportari soleant, intelligere debemus omnes, qui iubentur exsulare, id est, quibus interdicitur finibus alicuius regni, vel regionis, solum in numero relegatorum esse, non deportatorum, & iura ciuitatis prioris, & libertatem retinere, vt & testamenta facere possint de iis, quæ habent, & ex testamento ciuium eorum veterum quidvis capere, nisi nominatim sententia præsidis ius ciuitatis illis ademptum sit, & sententia comprobata sit à Principe, *arg. d. l. 1. §. deportatos. ff. de legat. 3. d. l. 3. §. eius qui. ff. de iniust. rupt.*

12 Hæreticos ꝑ tetiam intelligimus eximi ex numero ciuium Romanorum, ex eo, quod constitutiones iubent nihil ex legibus eis commune esse cum ceteris, *l. Manicheos. sup. de heretic.* Nam ciues iuris ciuilibus communionem habent. Hæreticos dicimus eos, de quibus nominatim comprehensum est, *l. Manicheos. & l. Ariani. sup. de heres.* Hac de causâ vetantur etiam ex testamento alieno quicquam capere iisdem constitutionibus. Hæreticorum numero habentur Apostatæ, qui à fide Catholica defecerunt ad hostes fidei, de quibus cautum est, *l. 1. & l. 3. sup. de Apostat.* Hæc de primo capite peregrinorum dicta sunt. Secundum caput pertinebat ad deportatos, & de iis satis dictum supra.

13 Tertium caput diligenter expendendum est. Cum ergo hic dicitur, peregrinos & nominatim deportatos heredes institutos capere nihil posse, sed pro non scriptis haberi, id hanc significationem habet: iis heredibus ꝑ institutis cum hereditatem non capiant, hereditatem ad heredes legitimos redire, aut si qui alii heredes instituti sunt, his portionem incapacium heredum accrescere, breuiter autem hereditatem ad fiscum non pertinere; quia id iuris est, quasi ii heredes instituti non essent. Quam sententiam, quia nonnulli loci dubiam faciunt, conducer nos in ea sententia confirmare, probatur autem iis argumentis tribus. Primum, si deportati nullo modo instituti essent, nec alii heredes scripti, hereditas rediret ad heredes legitimos, nec prius pertineret ad fiscum, quam constaret bona esse vacantia, id est, defectum nullum habere heredem, *l. 1. in pr. & §. qui semel. §. de success. edict.* Ergo etsi deportati instituti fuerint, nihilominus hereditas in eadem causâ erit, ex hoc loco; quia perinde habetur, quasi scripti non essent.

Deinde, deportatis heredibus institutis non potest hereditas

ad fiscum pertinere, ni hereditas auferatur heredibus scriptis tantaquam indignis, vt sic illis ablata m fiscus vendicer, *l. cum quidam. & tor. tit. ff. de iis, que vt indig.* Non potest autem hereditas deportatis auferri, nisi prius eam cœperunt, quod & verbum satis probat, & declaratur *ex Lex factio. §. vlt. ff. de vulgar.* Deportati autem institui capere non possunt, vt hic exprellum est, proinde nec eis hereditas auferri potest, ideo que ablata vindicatur fiscus. Postremo hæc sententia certis locis & discretis statuitur, ea, quæ pro non scriptis habentur, ad fiscum non pertinere, *l. 3. ff. de iis, que vt indig. vn. §. 1. infr. de codicill.* Hic autem discrete scriptum est, deportatos heredes institutos pro non scriptis esse. Ex quo efficitur, eam hereditatem non pertinere ad fiscum.

Sed dubitationem adferunt hi duo loci. Primum *l. cum quidam. ff. de iis, que vt indig. ans.* Nam illic ita scriptum est: Cum quidam scripserit heredes, quos instituere non poterat, tanquam indignis hereditatem auferri pridem placuit. Respondeo: Diligenter hæc verba expendenda sunt, heredes, quos testator instituere nõ poterat. Quibus verbis significantur hi heredes, qui alioqui sua conditione institui possunt, sed non possunt institui à testatore propter delictum aliquod, quod cum sit, si ii nihilominus instituantur, valebit quidem institutio, sed hereditas tanquam indignis heredibus auferretur, & vindicatur fiscus. Huiusmodi est heres mulier, quam testator prius adulterio cognouerat, si illa instituat heres, & è conuerso si illa instituat heredem eum, à quo cognita erat, *l. Claudius. & l. mulierem. ff. eod. de iis, que vt indig.* Nos hoc loco de iis heredibus agimus, qui in totum heredes institui non possunt, quos cum dicamus pro non scriptis esse, consequens est, si instituantur, institutionem de priore iure hereditatis nihil mutare.

Alter locus est *l. si deportati. ff. de leg. 3.* vbi scriptum est, si deportati seruo fideicommissum relictum sit, id ad fiscum pertinere. Si quis dicat aliud esse, si quid relinquatur deportati seruo, aliud si ipsi deportato, de quo hic agitur, in promptu responsio est; nam quorum seruis relinqui potest, iis etiam relinqui ipsi potest; non est enim testamenti factio cum seruis, nisi ex persona dominorum, cui quibus etiam testamenti factio est, *l. non minus. ff. eod.* Quare si concedimus deportati seruo fideicommissum recte relinqui vt relictum ad fiscum pertineat, necessario concedendum est, etiam deportato recte relinqui, vt relictum ad fiscum eodem modo pertineat. Quod & verum est, sed non aduersatur huic loco: distat enim multum, vtrum deportato fideicommissum relinquatur, an heres instituat deportatus. Fideicommissum deportato relinqui potest, heres institui non potest. Differentiæ ratio sumitur ex ea definitione deportati bonorū, quæ traditur in *l. sunt quidam. ff. de pœnis.* Illic scriptum est, deportatos & omnes tales, non habere ea, quæ sunt iuris ciuilibus, sed habere, quæ sunt iuris gentium. Secundum hanc sententiam deportati heredes institui non possunt; quia non est institutio, nisi testamento, nec testamentum, nisi ordinatum ex iuris ciuilibus solemnibus, §. sed cum paulatim. *Instit. de testam. ordin.* Huius iuris communionem non habent deportati, vt pote, qui ciues Romani non sunt, vt dictum. Contraria de causâ fideicommissum deportatis recte relinquitur; quia fideicommissum naturaliter ex sola voluntate testatoris valet, *l. post. ff. de leg. 1. l. cum proponatur. ff. de leg. 2.* Nec solemnia iuris desiderantur in fideicommissum, quod declaratur hoc argumento. Nam codicillis recte relinquitur: codicilli autem solemnia iuris non desiderant, §. vlt. *Instit. de codicill.*

Sed huic rationi & distinctioni aduersantur verba *d. l. deportati. ff. de leg. 3.* Nam si verum est, quod dicimus fideicommissum recte relinqui; quia deportatus possit habere ea, quæ sunt iuris gentium, consequens erit fideicommissum pertinere ad deportatum, non ad fiscum. Nunc autem in *d. l.* scriptum est, fideicommissum ad fiscum pertinere. Respondeo: Fideicommissum deportato acquiri verum est, *iuxta d. l. sunt quidam.* Nec eo minus verum est, idem ad fiscum pertinere. Pertinet enim ad fiscum, sed suo tempore, sed quod quid sit, intelligimus *ex l. 2. inf. de bon. proscript.* vbi significatur, deportatum ea, quæ post deportationem acquirit, sibi habere, sed ea, quæ prius habuit, etiam fiscus publicari, vt sic effectu omnia deportati bona publicentur, & ea, quæ ante deportationem habuit, & ea, quæ postea, sed alia prius, alia postertus.

Cum autem hic dicimus, peregrinos, ꝑ & qui ciues Romani non sunt, heredes institui non posse; quia non sit cum iis testamenti factio, ex eo per contrarium admonemur, cum ciuibus Romanis testamenti factionem esse, eosq; ex testamento ciuium Romanorum capere posse, quod & verum esse declaratur cap. 1. & 2.

1. & 2. legis Falcid. l. 1. ad l. Falcid. Id adeo verum est, vt quamuis sint aliqui ciues Romani, qui testamenti factionem non habeant nihilominus sit cum illis testamenti factio, vt alterius testamento heredes institui & capere possint, vt murus surdus, prodigus, impubes, furiosus, l. filiusfam. ff. de testam. & qui test. fac. poss. Sed tamen hoc non est perpetuum. Etiam si enim omnes ciues Romani conditione sua heredes institui possint, tamen quidam sunt, qui non possunt à quouis institui, neque quouis modo: quidam sunt, qui solidum capere non possunt: quidam, qui in totum possunt institui, sed non ita, quin iis institutis hereditas auferatur vt indignis, & filco vindicetur. Quidam sunt, vt dixi, qui à quouis institui non possunt. In hoc genere sunt hi, qui nati sunt ex incesto coitu. Nam hi à quibusvis extraneis heredes institui possunt, à ciuibus Romanis, à parentibus non possunt, neque quicquam ex testamento eorum capere, §. vlt. Nouel. quib. mod. nat. eff. Sunt etiam, qui institui possunt, sed non eodem modo, quo sunt instituti. In hoc numero est Imperator & Princeps, quæ constat simpliciter heredem institui posse, l. non dubium sup. t. prox. Sed placuit eum non posse institui litis causa, §. vlt. Inst. quib. mod. test. infirm. Ratio redditur in l. pen. ff. h. Quidam etiam capere solidum non possunt. Huius generis multos olim fuisse constar, & huius iuris varias causas, de quo iure extat in fragmentis Vlpiani de solid. incapar. Sed totum illud ius ex ioleto, manit tantum pars in filiis naturalibus, de quibus cautum eadem Nouel. Inst. quib. mod. nat. eff. in §. discretis, ad hanc summam, vt si testator legitimis liberis habeat, filij eius naturales ex vna tantum vncia ab eo institui possint, si non habet liberos legitimos, sed parentes, tunc filij naturales ex bestie, id est, octo vncijs, heredes institui possunt reliquis vncijs destinatis parentibus pro legitima ratione. Quod si testator neque liberos legitimos, neque parentes habeat, placet filios naturales solidum capere posse ex testamento patris.

Sunt etiam, vt dixi, qui à quouis recte instituuntur, sed inuititer; quia si fiscus hereditatem vindicat, id accidit, cum aliquis mulierem adulterio cognouit. Nam siue ipse eam mulierem postea heredem instituat, siue ab ea ipse iustituatur, consistit quidem institutio, vt hereditas non veniat ad legitimos defuncti, sed ea instituto vt indigno aufertur, l. Claudius. & l. mulierem ff. de ius, qua vt indign. aufer. Quæ admodum autem ciues Romani heredes institui possunt, sic possunt eorū serui ex persona eorū, d. l. non minus ff. d. t. Sed & hoc nõ est perpetuum: nõ primū seruis adulterio cū domina maculatus, nõ potest institui ab ea, quæ eius criminis postulata est, propterea quod vetatur ab ea manumitti. No potest autē proprij serui institutio procedere sine libertate, §. est autem. Inst. de hered. instit. Præterea lege Ælia Sentia cautum est, nec eos, qui soluen to non sunt, seruos suos testamento posse manumittere præter vnum, quem heredem instituere possunt, ita vt ei liber fiat, & heres solus ac necessarius, vt est in Inst. quib. causis manum. non licet.

Ad L. Pater tuus. 2.

Imp. Antoninus A. Cælitio.

Pater tuus si ex residua parte heres institutus est, quam aliter heres scriptus capere non poterat, isque ad nullam partem hereditatis per conditionem suam admitti potuit: ex asse heres existit. Nam residui commemoratio etiam totum admittit. PP. 15. Kalend. Iulij. Roma. Duobus & Aspris. Coß 213.

S V M M A R I A.

1. Residuum quid significet.
2. Heres quoties quis instituitur ex parte residua, si nulla pars residua est, omnino non est heres.

Testator primum & secundum heredes instituit, iis verbis: Primus ex ea parte, quam per leges capere potest, heres esto. Ex residua secundus heres esto. Mortuo testatore competum est, primum nihil capere posse. Quæsitum est, vtrum secundus admittatur, & ex qua parte, propterea quod institutus non ex toto, sed ex residua, deinde quod nihil videtur residuum? Rescriptum est, eum ex asse heredem futurum, etiam si verbo sit institutus ex parte.

Nec ob stare significationem residui, quod verbum videri potest esse partis nomen, qui residui commemoratio totum continet. Sed huic sententiæ duo obitant, primum significatio verbi. Nam residuum significat partem sine dubio, non totum. Residuum enim dicitur, cum duæ sunt partes, aut plures alicuius totius, & quibusdam prius remoris restat aliquid, quod nondum actum est, id enim, quod restat, solum dicitur residuum. Respondeo: Ita est, residuum partem significat verbi significatione. In specie autem proposita ex voluntate testatoris, significat totum, eaque significatio ex præcedentibus liquido intelligitur. Cum enim testator dixerit: Ex residua parte secundus heres esto, subaudiendum est ex residua parte, quam non poterat capere. Ita sententia testatoris secundus institutus est ex eo, quod primus capere non poterat. Primus autem capere nihil potuit. Proinde voluntate testatoris ex eo toto, quod primus capere non poterat, secundus heres institutus est. Itaque hæc verba: Residui commemoratio totum continet, &c. sic accipienda sunt: In hac specie totum continet, vbi voluntas testatoris manifesta est. Rursus eadem significatio verbalio modo effecti potest, secundum non modo non admitti ex asse, sed ne in partem quidem. Nam in proposito nihil est residuum. Quoties autem aliquis heres instituitur ex residua parte, si nulla pars residua est, omnino non est heres, litem quod Sabini. §. sed si ex asse, ff. h. Ex quo efficitur in proposito secundum nulla etiam parte heredem fore. Nihil autem hic residuum esse apparet ex eo quod nulla pars ante detracta est, quam primus possit capere. Vbi autem prius nihil detrahitur, aut ponitur, nihil dici potest residuum esse, id enim residuum est, quod restat. Respondeo. Reueta hic nihil residuum est, quod primus capere non possit, cum nihil sit, quod capere non potuerit. Sed cogitatione testatoris hic duas habet partes, quo primus vnam capiat, alteram non capiat. Testator ad hæc cogitationem orationem suam accommodat, secundum quam appellat residuum id totum, quod primus heres capere non poterat, & ex eo toto secundum substituit. Cum de voluntate testatoris constat, subtilitatem verborum spectare non debemus, l. ex factio 2. §. verum, ff. h. Huc pertinet l. non aliter, de leg. 3. Huic autem quæstioni huius loci locus esse potest, si proponas patrem naturalem instituisse filium suum ex ea parte, quam capere poterat, deinde mortuo patre competum sit, hunc filium natum esse ex incesto coitu: sic enim fit, vt in totum capere nihil possit ex testamento patris naturalis secundum ea, quæ dixi supra ad l. 1.

Ad L. Cum proponas. 3.

Imp. Alexand. A. Vitali militi.

Cum proponas Alexandrum equidem testamento primo loco Iulianum vt libertum suum heredem instituisse, eique substituisse his verbis: Quod si ex aliqua causa primus heres hereditatem meam adire noluerit, vel non potuerit: tunc in locum eius secundum heredem substituo Vitalem: Post mortem autem testatoris Iulianū seruum communem fuisse defuncti militis & Zoili fratris eius apparuerit, an tu ex substitutione admittaris, voluntatis est quæstio. Nam si credens eum proprium & suum libertum heredem instituit, nec per eum ad alium quenquam hereditatem pertinere voluit: existit conditio substitutionis: tibi que hereditas delata est. Quod si verba substitutionis subscripta ad eius retulerit, vt si nec per semetipsum alium fecisset heredem (potuit enim quamuis iubente domino, nolle adire) ita demum substitutus vocaretur: si tamen paruerit domino, & adierit, substitutioni locus non est. PP. 6. Kalend. Maii, Maximo II. & Æliano Coß. 224.

S V M M A R I A.

1. Testatore seruum heredem instituyente, & nisi heres esset, si aliquem substituyente, si seruus postea iussu domini hereditatem adeat, an eo ipso substitutus excludatur: an vero ambo pro parte admittantur. nam. 2. & in quam, num. 3.

4 L. si paterfamilias, genuina & emendata electio contra Cuiacium.

5 Affines qui sint.

9 Demonstratio falsa heredi non nocet.

1 **C**um testator seruum heredem instituit, & nisi heres esset, ei aliquem substituatur, seruo iussu domini hereditatem ad eunte, quaesitum est, an substitutus excludatur, quasi deficiente substitutionis conditione. Controuersia hinc nascitur; quia alio videntur trahere verba substitutionis, alio sententia testatoris. Nam verbi significatione seruus hereditatem ad eundo non fit heres; quoniam domino hereditatem acquirit, vt nec videatur hereditas apud eum momento substituisse, placet. ff. de acquir. her. Rursus voluntas testatoris est, seruo herede instituto, vt is sibi hereditatem acquirere possit vel domino, alioqui frustra institueretur heres. In hac controuersia ex sententia & errore testatoris, iremque ex eius obscura & certa voluntate, varie constitutum est à veteribus, vt declaratur §. vlt. Instit. de vulg. l. si paterfam. l. seq. ff. h. & h. l. 3. qui omnes loci ad eandem quaestionem pertinent, nec vnus sine alio recte intelligi potest.

Est autem de hac re hæc iuris veterum distinctio. Refert, vtrū testator, qui seruum heredem instituit, eum sciat seruum esse, an vero liberum putet, & ita ei alium substituatur. Si scit seruum esse, seruo hereditatem ad eunte substitutus excluditur; quia testator voluit seruum, quem instituebat, hereditatem domino acquirere aut sub conditione acquirere sibi. Nam aliter hic seruus heres fieri non poterit. Id autem intelligitur testator, voluisse, quod iure fieri potuit, vt declaratur in dict. §. vlt. in fin. Instit. de vulg. Quod si testator seruum, quem instituebat, liberum putauit, nec quicquam amplius significauit de sua voluntate, quatenus vellet eum seruum heredem esse; placuit, quāuis is seruus iussu domini hereditatem adierit; tamen hereditate admitti, non quidem in totum, sed admitti in partem vna eum domino serui instituti, vt sic ambo in partem hereditatis admittantur, §. vlt. in pr. l. & hoc. ff. h.

Hoc à veteribus prima ratione absurdum constitutum videntur. Nam cum seruus hereditatem adierit, vt & superiore casu: Cur non & ibidem & hic substitutus excluditur? Hoc Iulianus expedit in l. si paterfam. ff. h. & totidem verbis in d. §. vlt. Instit. de vulg. explicatur. Est autem: hæc ratio, quia & secundum verba substitutionis & secundum voluntatem testatoris seruus, quamuis hereditate adita heres non est, & proinde existit conditio substitutionis, eoque & substituto locus factus est. Quod ad proprietatem verborum attinet, iam dictum, seruum hereditatem ad eundo, proprie heredem non esse, sed dominum, cui hereditas acquiritur, d. l. placet. de acquir. hered. Quod attinet ad voluntatem testatoris, perspicuum est, cum testator eum instituerit, quem liberum putabat, testatorem hoc animo esse, vt ipse sibi hereditatem acquirat, vel vt ex libero seruo factus eam acquirat alij; quoniam id futurum erat, si seruus heres institutus liber fuisset, qualem testator esse putauit. Et ideo etiam subiicit: Quod si heres non erit, Titius heres esto. In verbis, heres non erit, cogitatione sua hoc dixisse intelligitur: Si neque ipse sibi hereditatem acquisierit, neque in mutata conditione alium heredem fecerit, vt in proposito nihil eorum factum est, cum seruus hereditatem adierit iussu domini, primum quia sibi non acquisiuit hereditatem, cum seruus esset; deinde quia mutata conditione non quaesit alij, cum neque mutauerit ipse conditionem, & etsi mutasset, hereditatem acquisiuisset sibi & non alij. Ex quo intelligimus secundum conditionem substitutionis eum heredem factum non esse, & ita existente conditione substitutionis substituto locum esse.

Sed ex hac re incidimus in maiorem difficultatem. Nam si conditio substitutionis existit, substitutus admitti debet in totum, non in partem seruo & domino eius exclusis. Respondeo: Hoc recte diceretur, si constaret plane, quid in hac conditione substitutionis testator sensisset: nunc autem quid senserit, incertum est, & nihilominus pro domino serui instituti faciunt & verba institutionis & voluntas testatoris. Nam seruus heres institutus postquam iussu domini adit hereditatem, non est quidem heres iuris, at est heres voluntate testatoris, neque id sine manifesto effectu. Nam si seruus interit, liber fiat, sibi hereditatem soli acquirat: si seruus maneat, tamen hereditatem non adibit, nisi velit, eo que nec domino acquirat, nisi velit, vt dicitur in d. l. 3. in fin. Neque cogitatio, seu error testatoris refragatur: nam si testator voluit eum seruum, quem liberum putabat, mutata postea conditione nouum dominum heredem facere, consentaneum est, vt si

seruus adhuc seruus sit, voluerit testator, vt presentem dominum faceret heredem, cum nouum dominum testator nosse non posset, presentem autem antehac nosse poterit.

In hac ergo incertitudine voluntatis testatoris visum est neque substitutum excludendum in totum, neque rursus in totum admittendum, sed mediam sententiam sequendam esse, vt ambo ad hereditatem admittantur pro parte, vt alibus mediam sententiam veteres sequi placet in ambiguis rebus, in quibus rationes contrariæ rem in contrarias sententias distrahunt. Exempla sunt in l. antiqui circa fin. ff. si pars hered. per. §. cum ex aliena. Instit. de ver. diuis. §. vlt. Instit. quib. ex caus. man. non licet. Sed videri potuit in hac incertitudine voluntatis testatoris, neuter esse heres, neque institutus, neque substitutus, vt fit, cum ex duobus Titius, Titius tutor datus est, & non intelligitur de vtro testator dixerit: placet enim neutrum tutorem fore, l. duo sunt. ff. de test. tur. Respond. Dissimilia hæc sunt: nam cum testator Titium tutorem dat, vnum tutorem dat, non duos, & fieri potest, vt si vnū tutorem dedimus ex duobus, eum eligamus, de quo testator non sensit, & ob id neuter erit, ne contra eius voluntatem faciamus. At in proposito testator aperte duos heredes instituit, seruum, quem primo loco instituit, & substitutum, quem secundo loco. Proinde vtrumque excludi, est contra voluntatem testatoris.

Restat ergo, vt cum de parte ignoremus, vtrumque in partem admittamus. Quaesitum est, in quam partem? Resp. Cum voluntas testatoris & pro domino instituti & pro substituto pariter faciat, consequens est, vt pari causa, partem quoque portionem esse vtriusque partis oporteat. Admittentur ergo ex æqualibus portionibus. Id intelligitur ex d. l. & hoc. ff. hoc. tit. vbi simpliciter dicitur, in hac specie hereditatem diuidi inter dominum serui & substitutum. Qui hereditatem diuidit, neque partes adiecit, & quas partes dicere intelligitur ex d. §. vlt. Instit. de vulg. vbi simpliciter scriptum est, in hac specie medium substitutum in partem admitti. Qui partem nominat, neque adiecit, quotam intelligat, dimidiam intelligere dicitur, l. nomen §. partitionis. ff. de verb. sig.

Sed huc partitioni aduersatur l. si paterfam. in fin. ff. h. vbi ita scriptum est, in hoc casu duos semisses fieri, ex quibus vnus diuidatur inter dominum serui & substitutum. Resp. Hoc in d. l. si paterfam. scriptum esse in dissimili specie. Nam cum dicimus, hereditatem ex æqui partibus diuidi inter dominum serui & substitutum, id tum dicimus, cum vnus est institutus seruus, & vnus, qui seruo sit substitutus. Imperator autem in d. l. si paterfam. ait de ea specie, cum duo sunt heredes instituti, primo loco Titius, quem paterfamilias ingenuum putabat, qui tamen seruus erat, & Sempronius, qui vere erat liber, ex quibus Sempronius coheres substitutus est Titio, si ille heres non esset. In hoc casu recte dicitur primū duos semisses fieri. Sic enim fieri necesse est ex institutione, cum duo sunt heredes instituti sine partibus, vnde æquales partes factæ intelliguntur, l. 9. §. heredes ff. h. t. Hæc partes duæ sunt semisses duo, ex quibus vnus accipit Sempronius ex institutione, de altero semisse ambigitur propter Sempronium substitutum in eum semissem. Et Iulianus ait hunc semissem diuidi oportere inter dominum serui & Sempronium substitutum: Merito, quia in hunc tantum semissem fuerat substitutus. Quemadmodum igitur cum ex tota hereditate seruus heres institutus est, substitutus vna cum domino instituti ad diuisionem totius hereditatis vocatur: Ita necesse est, cum seruus ex semisse tantum institutus est, eum solum semissem inter dominum serui & substitutum diuidi.

Sed sententiæ huic refragantur verba legis. Nam in principio d. l. si paterfam. tantum proponitur seruus heres institutus, deinde Sempronius ei substitutus. Resp. Alciatus lib. 1. disput. cap. 2. testatur in huius loci interpretatione, se legisse in veteri Codice hæc verba in pr. d. l. si paterfam. Et Sempronium coheredem ei substituerit. Sempronium coheredem qui dicit, satis significat eum prius heredem institutum fuisse, & Titio seruo coheredem datum. Sed siue Alciatus ita legat, siue non: non dubium est, quin ita legi oporteat, cui lectio mire respondent illa verba responsi: igitur in hoc casu. Quibus verbis significatur. Iulianum non putare idem iuris esse in omnibus casibus, in quibus testator seruum quasi liberum putat institui, sed in hoc casu, vt intelligamus in eo proprium aliquid propositum esse, diuersum à ceteris, nempe hoc modo, quod duo coheredes instituti sunt.

Vt autem intelligamus, solum Titium institutum esse, vt vulgo veteres interpretes putant, & nihilominus hanc fieri diuisionem, vt vnus tantum semis diuidatur inter istos, nulla ratio patitur.

tur. Primo repugnat superioribus locis, de quibus dictum §. *vir. inf. de vulgar. & l. & hoc ff. h.* Deinde de altero semisse, de quo tamē præcipue dici oportebat ad diuisionem hereditatis. Præterea vtrū ex his, de quibus quæritur, hunc semissem attribuemus, abfurdisse faciemus. Cum enim ad eos eadem quasi voluntas defun-
 Si pariter pertineat, dispariter hereditatem partiemur.

Sunt, † qui in *d. l. si paterfam.* ita legendum putent: Igitur in hoc casu semisses fient, ita ut ad diuidatur ex æquis portionibus, & quæ sequuntur. Qui cum refelluntur auctoritate publicæ & receptæ scripturæ; aiunt Iulianum ita scripsisse, Tribonianum imperitum iuris pro *as* reposuisse alter *semis*, quasi esset *as* alter, & litera *s*, semis valeret. Sed hæc temeritas mutandæ receptæ lectionis valde vitanda est, atque etiam explodenda; vbi mutatio nullo teste, nullo auctore probatur. Quamquam in proposito hæc mutatio euidentissime refellitur. Nam quod dicitur; Tribonianum non intellexisse verbum *as* in responso Iuliani, conuincuntur ex *l. seq. & hoc.* Nam is Tribonianus collegit legem *Et hoc*, quemadmodum collegit legem *Si paterfam.* Et in *l. & hoc*, nomen admodum posuit hereditatem inter dominum serui & substitutum diuidendam, hereditatem & *assem*, ut non sit dubium, quin idem facturus fuisset in Iuliani responso, si Iulianus scripsisset *assem*, non alterum semissem. Deinde dum verba responso Iuliani emendare volunt, apertissime eius orationem deprauant. Nam quod dixit duos semisses fieri, in hoc casu tantum addere debuit inter dominum serui & substitutum non autem adicere illa verba, ita ut ad diuidatur ex æquis partibus. Nam duos semisses fieri inter aliquos, & hereditatem diuidi inter aliquos ex æquo; sunt orationes quidem plane pugnantibus.

Hæc sententia declaratur hoc exemplo huius scripti. Testator Semproniam Cassiani vxorem heredem instituit: his verbis: *Sempronia Cassiani affinis heres esto.* Constat vxorem affinem non esse. Nam affines † deserviuntur vxoris & viri cognati, *l. non facile §. affines ff. de grad. affim.* Ex quâ definitione intelligitur vxorem & vxorem esse affinitatis causam: affinitatem autem viri & vxoris, seu nuptiarum effectum. Certum est autem diuersa esse naturam causam & effectum. Non est igitur, ut dictum, Sempronia Cassiani affinis, cum sit Cassiani vxor. An igitur heres non erit, cum huius institutionis verba ei non conueniant; & placet nihilominus heredem esse; quia verbo Sempronia satis demonstrata est. Quod ad iurisdictionem affinis, demonstratio est noua, quamuis falsa sit. Falsa demonstratio † heredi non nocet, satis est, ut dixi *ad l. 4. sup. si quis nomen. & §. heres ff. eod.*

Ad L. Si compensandi. 6.

Imp. Philipp. A. & Philippus C. Antonio.

Si compensandi debiti gratia vxor maritum fecit heredem: desiderio tuo prater portionem hereditatis debitum quoque restitui postulantis, non tantum iuris seueritas, verum etiam defuncti voluntas refragatur. PP. 12. Kal. Martii. Prasente & Albino Coss. 247.

SUMMARIÆ.

- 1 Casus legis proponitur.
- 2 Maritus ab vxore testamento heres cum alio institutus hac lege, ut debitum sibi ab vxore cum hereditate penset, an dimidiam debiti partem ab coherede petere possit.

Vxor † marito debuit 100. ea testamento instituit duos heredes ex æquis partibus, Sempronium & maritum suum, sed maritum hac lege, ut debitum cum hereditate pensaret. Si de debito non petendo nihil cauisset vxor, ius ita futurum erat, ut maritus pro dimidia parte heres existens, dimidiam partem debiti amitteret obligatione pro ea parte consueta, reliqua autem pars salua maneret, quam proinde posset maritus petere à coherede, *l. vi. debitum. l. si adult. sup. de heredit. act. l. licet. infr. ad leg. Falc.* Secundum † hoc ius maritus in proposito instituit petere 50. aureos à coherede Sempronio, id est, dimidiam partem debiti. Quæritur, an possit: Rescriptum est non posse, quia voluntas testatoris im-

pediat. Idem cauere posse à testatore cautum est in *l. si vxor. inf. de bonis auth. iud. possid.* Et merito, quia hæc scriptura pro liberatione coheredi legata accipienda est, huic autem liberationem legari posse, & quod idem est, heredem creditorem damnari posse, ne à debitore petat, inter omnes conuenit, *l. 2. non solum autem. §. i. ff. de liber. leg.*

Adiicitur hoc rescripto & hæc ratio, quod legis seueritas id exigat, quod referri debet ad l. Papiam, qua cautum erat, ne coniuges inter se ex testamento capere possint amplius, quam decimam præterquam certis casibus, de quibus in fragment. *Vlpiani sub tit. Decimis. & t. seq. & t. de solidi capacitare.* Sed & hæc lex postea sublatâ est, & ciuissum, ut coniuges non minus inuicem capere possint ex suis testamentis, quâ quicvis alii ciues Romani, *l. vi. inf. de inf. pœn. coelibat.* Po quam constitutionem rescriptum hoc sola voluntate testatoris defenditur, nisi sententiam legis interpretari velimus ius, quo obligatio tollitur per confusionem, quod tamē minus proprie ici potest. Nam confusio æquitatem habet, non seueritatem d

Ad L. Nec apud. 7.

Imp. Dioclet. & Maxim. AA. Zenoni.

Nec apud peregrinos fratrem sibi quisquam per adoptionem facere poterat. Cum igitur, quod patrem tuum voluisse facere dicis, irritum sit: portio nem hereditatis, quam is, aduersus quem supplicas, velint adoptatus frater heres institutus tenet: restitui tibi præses provincie cura habebit. PP. 3. Non. Decemb. Diocletiano II. & Aristobulo Coss. 285.

SUMMARIÆ.

- 1 Adoptatus ab aliquo in fratrem, & postea ab eodem adoptionem valere rato, tanquam frater heres cum alio institutus, an pro herede habendus sit.
- 2 Nemo alium sibi in fratrem adoptare potest.
- 3 Adoptio quid.
- 4 Obiectio refellitur.

Quidam apud peregrinos vel hostes, vel eos, qui ciues Romani non erant, sibi aliquem adoptauerat in fratrem, & dum putat adoptionem valere, hunc temper pro fratre habuit. Idem postea testamento heredem instituit filium suum, & vna cura filio hunc, quem pro fratre habuit, & instituit tanquam fratrem, nimirum sub appellatione fratris. Cum fieret ei † controuersia, quasi heres non esset, de eo ita hoc constitutum est, rum defuncti fratrem eum non fuisse, proinde tanquam fratrem institutum heredem non futurum, quæ sententia conuenit cum *l. 4. sup. & l. neque supra. prox. tit.* Adiicitur, eam portionem filio defuncti addici debere, quod sic iure accrescendi, *l. qui ex duob. §. vlt. ff. de acquir. hered.*

Adiicitur præterea ratio, cur hic non fuerit frater, quia nemo † alium sibi adoptare potest in fratrem, idque nec apud peregrinos. Quod dicitur neminem in fratrem adoptari posse, sumitur ex definitione & natura adoptionis. Nam adoptio † est modus ciuilis, quo nobis quodammodo generamus liberos, *l. i. ff. de adopt.* Non gignimus autem nobis fratrem, sed liberos. Sed † obitare videtur, quod defunctus fratrem sibi adoptasset non apud ciues Romanos, sed apud peregrinos, apud quos facile obinebat, ut adoptione frater fieri posset. Respondent Imperatores, nihil profuturum defuncto, aut adoptato; quoniam ubiunque frater adoptatus sit, semper ius ciuile Romanorum eam adoptionem repudiat: nunc autem hereditas, de qua hic, percipitur secundum ius ciuile Romanum, & non secundum ius peregrinorum.

Ad L. Collegium. 8.

Imp. Dioclet. & Maxim. AA. Hadriano:

Collegium, si nullo speciali privilegio subnixum sit, hereditatem capere non posse, dubium non est. PP. 10. Kal. Iun. ipse IV. & III. AA. Coss. 290.

SUMMARIÆ.

S Y M M A R I A.

- 1 Collegia an hereditatem capere possint? distinguendo affirmatur.
- 2 Collegia illicita collegia non sunt.
- 3 Collegia licita que.

1 **V**etus dubitatio fuit, an capita † certa ciuium Rom. institui possint, vt collegia, & dum obtinuit, non posse, vt dicemus ad l. hereditatis. infr. tandem receptum est, & hæc institui posse omnia, vt ciuitatem l. hereditatis. inf. l. si quis heres. §. viii. de legat. 1. vt collegia, de quibus hic dicitur & merito: nam si ciues Romani singuli recte instituuntur, nihil causæ est, cur non corpora certa ciuium Romanorum recte instituuntur, cum sub illis capitibus intelligantur instituti ciues Romani. Sed cum de collegiis dicimus, hæc ex testamento capere posse, licita collegia intelligimus, vt hic declaratur. Nam illicita non † sunt collegia, vt generaliter pro non factis dicimus esse, quod contra legem sit. l. non dubium sup. de legib. Licita collegia † sunt non ea, quæ ciues sibi priuatum sua voluntate constituunt, sed quæ permissu vel constituuntur, vel confirmantur, l. 1. ff. quod cuiuscunque vniuers. nomine. quod & hic significatur.

Ad L. Extraneum. g.

Imp. Dioclet. & Maxim. AA. & CC. Iulix.

Extraneum etiam, cum quis moreretur, heredem scribi sibi placuit. PP. 16. Kalend. Nouembr. Sirmii AA. Coss.

S Y M M A R I A.

- 1 Duplex huius loci lectio, & vtraque probata.
- 2 Hac institutio, Titius heres esto, cum Sempronius morietur, valet.
- 3 Valet & hac institutio, Titius cum morietur, heres esto.
- 4 Adiectio hac in persona heredis instituti, cum morietur, superuacua & pro non adiecta est.
- 5 Inter institutiones has, Cum heres morietur, & Cum alius morietur, quid intersit.

1 **H**IC † locus legitur dupliciter, vel vt extraneus institui possit, cum quis alius moritur, vel vt extraneus institui possit, cum ipse moritur. Quo posteriori modo Accursium legisse, ex glossa eius apparet. Vtraque lectio probata est, & sententiam veram & certi iuris continet. Habet tamen vtraque institutio non-nihil dubitationis, quæ remouenda est. Dicimus hanc † institutionem valere, Titius heres esto, cum Sempronius morietur. Hoc amplius dicimus ita valere, vt Titius heres institutus non ante hereditatem possit adire, quam Sempronius mortuus fuerit; quoniam institutus sit sub conditione, quam conditionem expectare oportet, idque de ea ipsa specie conditionis discrete scriptum est in l. heres meus, §. vlt. ff. de condit. & demonstrat.

Sed opponitur l. hereditas. ff. eod. vbi scribitur, hereditatem ex die dari non posse. Quidam respondent, non posse quidem ex die dari, vt dies expectetur, sed diem reiiciendam esse, vt in ea l. hereditas, scriptum est, ideoque in propofita institutione idem faciendum esse, sed male; non enim intellexerunt his verbis, Cum Titius morietur, contineri diem incertum, ac proinde conditionem. Nam dies incertus conditionem facit, l. dies de condit. & demonstrat. Denique inter omnes veteres constitit, nihil interesse, vtrum dicam; cum Sempronius morietur, an si moriatur, cum venerit, an vero si venerit, l. si Titio. ff. quæ dies leg. ced. l. quodcumque §. non solum. de verb. oblig. Vnde & hanc conditionem expectandam esse scribitur in d. l. heres meus. Non obstat, quod dicitur conditionem quæ certo exitura est, non facere conditionem, l. si pupillus. §. qui sub condit. ff. de nouat. Hoc enim vere dicitur in stipulationibus; quoniam conditionis euentus etiam ad heredes stipulatoris defertur, §. ea conditio. inf. de verb. oblig. At in heredis institutione, nisi viuo herede existit conditio frustra eo mortuo existit, quoniam mortuus amplius hereditatem adire non potest: hereditas autem non adita ad heredes non transferitur l. vn. §. an nouissimo. inf. de caduc. toll.

Sed † nec minus valet illa institutio, Titius, cum morietur, heres esto. Quidam tamen hanc institutionem inutilem putant; quia heres institutus hereditatem adire non potest, cum moritur. Hi decepti sunt ideo; quia putauerunt heredem institutum non posse hereditatem adire, nisi cum moritur, & in summa, diem mortis esse expectandum, quod non ita est. Nam † hæc adiectio † in persona heredis instituti, cum morietur, superuacua est, quod sic liquido potest intelligi. Cum hæc scriptura, cum heres morietur, conditionem habet & diem, cum morietur, l. si Titio. ff. quando dies leg. ced. quod atinet ad conditionem, hæc pro non adiecta est. Denique non est hæc institutio conditionalis: nam quoties conditionem certum viuo herede, aut legatario non existuram, qualis hæc est, toties pro conditione non habetur, l. heres neque in pr. ff. de cond. & dem. Superest dies; At hic etiam frustra institutioni adiicitur, & hæc adiectio perinde habet, quasi pura esset institutio, d. l. hereditas. ff. h. Quibus efficitur, cum heres ita institutus est, cum ipse moritur institutionem pro pura haberi, & ob id valere quia quando cumque velit heres, possit adire hereditatem, cuius institutio differtur conditione, neque ius perditur mora. Referunt huc eodem exemplo de relicta libertate & relicto usufructu. Nam si Stichus in testamento liber esse, cum moreretur, placet inutiliter relinqui libertatem, l. libertas. ff. de manum. test. non alia ratione, quam quod hic dies mortis Stichi expectandus est secundum adiectionem testatoris, quo die expectato nulla libertas esse potest, cum moriatur. Similiter si Titio usufructus relictus sit, placet inutiliter relinqui; quia dies morti eius expectandus sit, quo expectato, nullus usufructus est, vt pote, qui incipiat eo tempore, quo à persona recedit, l. Titio. ff. de usufr.

Sed male hæc comparantur cum heredis institutione. Ideo enim in legatis diem mortui legatarii expectamus, cum in eius mortem legatum datum est; quia cum libertas & quidvis aliud ex die & sub conditione relinqui possit, l. 1. ff. de cond. & demonstrat. Heres autem contra ex die heres institui non potest, d. l. hereditas. ff. h. & §. heres. inf. h. Summa † hæc est: Heres quamuis recte instituitur, & cum morietur ipse, & cum alius morietur; tamen inter vtrumque hoc interest, quod cum heres institutus est, cum ipse morietur, pura institutio est, & volens hereditatem recte adibit, ob eam causam, quam supra dixi. Cum autem institutus est, cum alter morietur, conditionalis institutio est, quoniam non est certum illum alterum moriturum viuo instituto. Proinde expectanda conditio est, & si ea pendente heres institutus decesserit, nihil ad heredes suos transmittit.

Ad L. Neque 10.

Imp. Dioclet. & Maxim. AA. & CC. Asclepiada

Neque per se heredes institutos, quibus hoc concessum non est, neque per seruos proprios hereditatem posse quarere, iuris dicitur ratio. S. 16. Kal. Sept. Sirmii, Coss.

S Y M M A R I A.

- 1 Qui per se hereditatem acquirere non potest, nec per seruum suum potest.
- 2 Qui ipsi heredes institui non possunt, eorum nec serui institui possunt.

1 **Q**ui per se hereditatem acquirere non potest, nec per seruum suum potest. Deportati, exempli gratia, institui non possunt, nec instituti capere hereditatem, l. 1. sup. h. Si eorum serui instituti sunt, nihilo magis per seruos capient, vt hic est constitutum, & recte. Plus est enim acquirere per alios, quam per semetipsam & cum alicui non conceditur quod minus est, per seipsum scilicet acquirere, non debet concedi quod maius est, acquirere scilicet per alios. Hinc regula nat: Quod quis per se non possit, per alium non posse e. quod alicui. extr. de reg. iur. Huic loco opponitur l. cum autem. §. vlt. ff. de adilit. edict. Deportatus cum seruum ex donationis, aut emtionis causa acquisiuisset, eum vendidit, & pretium consecutus est, quod & rite facere potuit, cum & donatio & emtio sit de iure gentium, l. iurigen. ff. de pact. Hic iustus venditus cum apud emtorem esset, heres institutus est, & iustus emtoris eiusdemque noui domini hereditatem adit, quæ & emtori

quæ sita est, §. item nobis. Instit. per quas person. Postea cum seruum morbosum, aut vitiosum esse appareat, idcirco emtor eum ex edicto ad iudicio redhiberi vult venditori, vt in integrum restituitur emtio, quod ex d. lege licet, vbi scriptum est: Emto rem non alia conditione eum seruum redhibere posse de portato, quam si vna cum seruo hereditatem per seruum quæ sita restituitur, tamen si de portatus ex sua persona capere non poterit. Ex quo responso colligi videtur, eum de portatum, quem constat ex testamento alieno hereditatem alienam capere; tamen in proposito, aut per seruum suum, aut emto rem capere: vtrum autem dicamus, ad iuris rationem nihil refert.

Sed dicendum est, nihil tale ex eo loco colligi, & in summa nihil hic queri de portato, quod per se quæ sita non poterit. Nā ipse hereditatem per seruum non capit ex testamento: hæc enim prius emtori quæ sita est. Rursum hereditatem non acquirit per emto rem: hæc enim semel emtori quæ sita, desinit esse hereditas, & cæpit proprium esse emtoris. Non prohibetur de portatus ab emto re requirere res eius priuatas: hic autem eo modo acquirit, cum acquirit ex causa redhibitionis. Nā redhibito est ex natura & iure actionis, ex emto, l. ex emto. §. 3. de act. emt. Plus dicimus hoc loco: Qui ipsi heredes institui non possunt, eorum nec serui institui possunt, l. non minus. ff. eod. Quod tamen hic interpretandum est: Quod si de portati serui heredes instituti, frustra sint instituti, vt de portatis acquirant, si terui postea manumissi, sint ad hereditatem admittendi, l. si seruus eius. de acquir. hered.

Non obstat, quod in heredibus instituendis spectatur tempus, quo instituuntur, vt sit cum eis testamenti factio, l. si alienum §. 1. ff. eod. §. in extraneis. Inst. de hered. qual. & differ. Hoc enim ita est, nisi is, qui capere non potest, instituat in id tempus, cum capere potuit, l. in tempus. ff. eod. Id autē tempore testatoris intelligitur, cū seruus heres instituit: hic enim intelligitur institui, vt vel domino suo acquirat, vel si alienatus erit nouo domino, vel manumissus, sibi acquiri possit, Inst. de hered. instit. §. alienus. l. si patrisam. ff. eod.

Ad L. Extraneum. 11.

Imp. Theod. & Valent. AA. Hierio PP.

Extraneum etiam penitus ignotum heredem quis institue-
re potest. Dat. II. Kal. Mart. Constantin. Felice & Tauro
Coff. 428.

S V M M A R I A.

- 1 Extraneus ignotus an heres institui possit?
- 2 Quod dicitur, Iudicium testatoris in testamento certum esse debere, quo modo intelligatur.

Dubitatum est, an quis extraneum sibi ignotum possit institui, propterea quod constitit inter omnes auctores iuris, iudicium testatoris in testamento certum esse oportere, & eum, qui certam legem testamento dicere non possit, testamentum facere non posse, l. qui in testamento. ff. de testam. & qui testam. arg. in lilla. ff. hoc tit. Non videtur autem testatoris iudicium certum esse posse de homine, quem penitus non nouit. Sed nihilominus placuit etiam maxime ignotum institui posse, vt hic & in §. ult. Inst. eod. Nec ad id rem pertinet, quod iudicium testatoris debet esse certum. Hoc enim iudicium requiritur in rebus eius & in persona eius, vt sciret se testamentum facere posse, & sciat se iure posse & habere, vnde testetur, vt declarat exemplo d. l. qui in testam. Certum quoque iudicium esse debet testatoris in eo, vt sciat nomen eius, quem instituerit, ne erret in persona. Cetera quæ ad voluntatem supremam testatoris nihil pertinent, quales sunt mores heredis instituti, conditio & familia eius, testatorem ignorare concessum est. Denique dum persona heredis instituti constat, ex ea demōstratione, quæ certa sit, ad institutionem heredis satis est, d. l. quoties. §. heres. ff. eod. Nihil huc pertinet, quod dicitur in l. i. peregrinos institui non posse. Alius enim est extraneus ignotus, alius peregrinus ille, qui nulla nos necessitudine attingit, hic etiam maxime ignotus institui potest, dum cuius Romanus sit, ille cuius Romanus non est, vnde non potest institui etiam si nobis notissimus sit, vt dictum ad l. i.

Ad L. Hereditatis. 12.

Imp. Leo A. Erythrio PP.

Hereditatis, vel legati, seu fide commissi, aut donationis titulus domus, aut annonæ ciuiles, aut qualibet adificia vel, mæcipia, ad ius incluta urbis, vel aliter cuiuslibet ciuitatis peruenire possunt. D. 5. Kal. Mart. Martino & Zenone Coff. 469.

S V M M A R I A.

- 1 Ciuitates & municipia olim heredes institui non poterant, nec hinc legari.
- 2 Ratio huius constitutionis.
- 3 Contrarium hic constituitur.

Constat quod olim existimatum esse, ciuitates & municipia non posse heredes institui, perinde vt neque legari. Id scriptum in fragm. Vlpian. tit. qui fac. her. poss. Sed huius iuris certum est argumentum in l. omnibus. ff. ad Trebell. vbi scriptum est. Senatusconsulto effectum esse, vt municipibus fideicommissa hereditas possit restitui. Ex quo intelligimus, ante id Senatusconsultum nullam fuisse necessitatem restituendi, quia videlicet municipium capere non posset. Ratio hæc videtur, quia incertis personis tum non poterat legari, §. incertis. Inst. de legat. quo ex genere putabatur esse ciuitates & municipia, quia ciuitates nihil sunt, sed ex ciuibus singulis est mancus, ciues autem incerti. Eodem accedebat, quod non videbatur, singulos ciues adire posse, vt cernebant hereditatem.

Sed tandem obtinuit, ciuitates & municipia institui posse, & quiduis ex alieno testamento capere, quod & ante hanc constitutionem inductū videri potest, vt colligitur ex l. 6. §. si fisco. ff. ad Trebell. Vcunque est, id diserte hac constitutione cauetur, nec mouebimur, quod incerta persona ex testamento heres institui, & capere non possit: nam singula capita ciuitatis certa sunt. Vt ipsa autem ciuitas instituitur, non singuli ciues, et si quis putaret singulos ciues institui, tamen non minus hi certi sunt, vnde ciuitates nominantur, cum nominatur aliquid, quod certo loco nominetur, id vt & locus ipse certum est, l. palam. de legat. 1. l. ait. ff. de re iud. Adde quæ dixi ad l. collegium.

Ad L. penult. Quoties.

Imp. Iustinianus A. Mennæ præfecto prætorio.

Quoties certi quidem ex certa re scripti sunt heredes vel
ris rebus pro sua institutione contenti esse iussissent, quos legatariorum loco haberi certum est: Alii vero ex certa parte, vel sine parte, qui pro veterum legum tenore ad certam vnciarum institutionem referuntur, eos tantummodo omnibus hereditariis actionibus vti vel conueniri decernimus, qui ex certa parte, vel sine parte scripti fuerint, nec aliquam diminutionem earundem actionum occasione heredum ex certa re scriptorum fieri. Das. 8. Id. April. Constantinop. Decio V. Coff. 529.

S V M M A R I A.

- 1 Ex re certa heres quis institui non potest.
- 2 Si quis ita sit institutus, an institutio valeat.
- 3 Quoties aliquid sit partim legitime, partim non, id quod licite sit, valet, nec per partem inutile vitiat.
- 4 Quoties fieri aliquid volumus, etiam ea velle intelligimus, quæ necessario antecedunt, & sine quibus ad id, quod volumus perueniri non potest.
- 5 Duobus heredibus ex rebus certis institutis quid iuris sit.
- 6 Vno ex re certa, alio, vel aliis non ex re certa institutis, quid iuris sit.
- 7 Ex re certa institutus, vtrum legatarii, an heredum locum habere debeat, quid intersit.

8 *Heres ex re certa instituitur, reliquis heredibus vel hereditatem non ad-euntibus, vel deficientibus, quid consequatur, & num 9.*

1 **Q**uæritur, an quis institui possit ex re certa, veluti ex fundo Tusculano? Et certum est non posse, ut quidem efficitur heres ex ea re certa. Nam heres est iuris vniuersi successor, non vnus rei, l. 9. §. *heredes ff. h. §. legatariis. Inst. de testam. ordin. l. hereditas. ff. de reg. iur. l. nihil aliud. de verb. sig. Vnde et rursus quaesitum est, an si quis ita sit institutus heres, institutio valeat? Et placuit valere, ut vel institutus legatum solum haberet, vel ut in totum heres esset: ut constat ex hoc loco, & l. 1. §. *si ex fundo. l. si alterius. cum l. seq. ff. eod.* Sed qui ita institutus est ex re certa, placet alias eum heredem esse in totum, alias legatarii locum habere. Pro herede habetur, si solus ex ea re certa institutus est, d. l. 1. §. *si ex fundo.* Sed hic primum repugnat ratio iuris: nam dicitur neminem ex re certa heredem esse posse. Respondeo: Cum dicimus, institutum hoc casu heredem futurum etiam in vniuersum heredem fieri: non enim ex fundo dixi, ut sit heres, vel quasi sine mentione fundi simpliciter institutus esset, ut ibidem scriptum est.*

Sed rursus hic repugnat scriptura testamenti. Nam testator institutum non simpliciter heredem voluit sed ex re certa. Respondeo: Is, qui heres institutus est, esset, si posset, nunc quia non potest, idcirco quod non legitime adicitur, pro non adiecto habetur, ut sic institutus fiat heres detracta mentione fundi, idque congruit cum ea definitione: Quoties est aliquid sit, sed partim legitime, partim non, id, quod licite, neque vitari peralteram partem inutilem placuit, l. 1. §. *ante p. ff. de verb. oblig.* Quod contingit in hac institutione: nam testator vult primum Sempronium sibi esse heredem, hoc vtiliter facit, & ideo heres erit. Vult præterea heredem esse ex certa parte, hoc vero inutiliter adicitur, proinde pro non adiecto habetur, Quæ ratione receptum est, etsi quis heres institutus sit ex re, is institutus intelligatur detracta mentione diei, l. *hereditas. ff. eod.*

Sed rursus eadem vtilitas testatoris restringi videtur, quo minus is, qui institutus sit in totum heres. Nam cum testator eum instituit ex re certa, amplius eum habere nihil voluit, ac proinde ex voluntate testatoris heres non erit. Respondeo: Imo hoc ipso, quod testator voluerit heredem institutum rem certam habere, etiam illum heredem esse voluit, quia eam rem ex testamento habere non potest, nisi adeatur hereditas ex testamento, leg. *numquam inf. de fideicom.* Non poterit ex eo hereditas adiri, nisi is, qui institutus est, sit heres. Proinde testator eum quoque heredem esse voluit, Quoties enim fieri aliquid volumus etiam ea velle intelligimus, quæ necessario antecedunt, sine quibus ad id, quod volumus, perueniri non potest, l. *illud. in fin. de acquir. her. l. 1. §. 1. ff. si vsufr. per. l. 2. ff. de cond. instit.*

5 Idem iuris est, si duo sint heredes ex rebus certis instituti. Nam & hic, cum non possint eas res consequi ex voluntate testatoris, nisi & ipsi heredes sint, fit, ut ex eadem voluntate heredes sint, & quoniam non possunt heredes esse, nisi detracta singularum rerum mentione, fit, ut non pro modo rerum legatarum sint heredes, sed ex æquis partibus, l. *si alterius. & l. seq. ff. eod.* Solum res, ex quibus instituti sunt, percipiunt prælegati iure in diuisione hereditatis, de quo multis verbis differitur in *lex facta proponebatur. ff. eod.* Quod si vnus institutus sit ex re certa, alius autem, aut alii instituti non ex re certa, hic locum habet hæc constitutio, qua cauetur eum, qui ex re certa institutus est, legatarii loco, non heredis esse: eum autem, eosue, qui non ex re certa instituti sunt, solos heredes esse, solos exercere actiones hereditarias, solos à creditoribus hereditariis conueniri, & solos in summa hereditatis oneribus teneri. Differentiâ non facit sola voluntas testatoris: nam quoties testator instituit aliquem ex re certa, toties vult eum rem solum habere, si habere eam potest sine hereditate. Quod si eam habere non potest, nisi sit heres prius, vult quoque heredem prius esse. At prioribus duobus casibus, quos commemorauimus, institutus ex re certa, eam rem habere non potest, nisi prius sit heres, ut eius aditione testamentum confirmetur, & proinde seruetur voluntas testatoris, quo fit, ut etiam sit heres. In hoc autem postremo, de quo agitur hac constitutione, euenit, ut heres ex re certa institutus eam rem solum habere possit etiam si non sit heres; quia alii sunt heredes instituti: nam ex re certa, quia veri heredes existere possunt, & quorum aditione testamentum confirmetur, ut sit ex eo testamento res certa, quæ hinc ex re certa instituto præstari possit. Ergo ut dicimus hic, qui exemplo proposito ex re certa institutus est, legatarii tantum loco habetur.

Quid est interest, utrum legatarii locum eum habere dicamus, non heredis? Hoc interest; quia legatarius nihil consequi potest præter rem legatam, heres autem in vniuersum ius defuncti succedit, l. *heres in omne de acquir. her.* Præterea legatarius sine onere legatum habet, id est, non tenetur creditoribus hereditariis, soli heredes rei alienæ obnoxii sunt, l. *vl. sup. de her. act. l. si hereditatem. ff. mandat.* Ceteri autem heredes instituti soli heredes sunt, & in solidum tenentur, siue instituti sint sine parte, siue ex certis tantum partibus, ut hic adicitur. Sine parte hoc modo: *Primus ex fundo Tusculano heres est. Secundus & tertius heredes sunt.* Dicimus hoc casu secundum & tertium solos obligari iure alieno, quod dubitationem non habet, quia heredes sine partibus instituti, in totum instituti intelliguntur, l. *quoties 9. §. heredes. ff. h.*

Ex certis vnciis institutio fit hoc modo: *Primus ex fundo Tusculano heres esto, secundus & tertius ex 4. vnciis heredes sunt.* Dicimus hic secundum & tertium in solidum heredes esse, & teneri creditoribus hereditariis. Hoc vero videbatur absurdum, teneri videlicet istos in duabus vnciis, in quas diuiditur hereditas, cum verbis testatoris solum instituti sunt ex 4. vnciis. Huius ergo dubitationis remouendæ causa in hac adicitur constitutio, reliquos heredes, quamuis ex certis vnciis instituti sint, nihilominus tamen heredes in solidum futuros, & onera hereditaria admissuros. Non obstat, quod sunt tantum ex 4. vnciis instituti: nam quoties testator certas tantum vncias nominat, in his totam hereditatem ponere intelligitur, l. *interdum. §. 1. eod. §. hereditas. Inst. eod.*

Sed hæc omnia ita se habent, si in hac specie hi, qui finire erant instituti sunt, aut omnes, aut quidam ex iis hereditatem adierunt, ut sic testamenta confirmentur, & legatum præstari possit ei, quem legatarium esse volumus. Sed quid est si nemo ex hereditatis institutis hereditatem adeat? Prima ratione videri potest ei, qui ex re certa institutus est, nihil deberi; non eam rem certam; quia ea legata est; quo nomine dicitur legatarius is, qui institutus est: hereditate autem ex testamento non adita, nullum legatum deberi potest, d. *l. eam quam. infr. de fideicom.* Rursus nec deficientium heredum portiones huic ex parte instituta possunt accrescere; quoniam ipse non est heres; sed legatarius: portiones autem deficientes solum ei accrescunt, qui & ipse sit heres, & prius portionem hereditatis adierit, l. *qui ex plurib. §. vl. ff. de acquir. her. l. 1. §. vl. & l. seq. de bon. poss. l. si ex pluribus. de suis & legit. hered.*

Sed dicimus, et eum, qui ex parte institutus est, aliis hereditatis institutis deficientibus solum heredem esse, quasi institutus esset detracta rei certæ mentione. Nam hoc ius futurum erat, si solus heres institutus esset ex re certa, l. 1. §. *si ex fundo. de her. instit.* In specie autem proposita, cum hi, qui instituti heredes erant sine re certa, hereditatem non ademerunt, solus reperitur institutus esse is, qui ex certa re institutus est. Proinde eodem modo solus heres erit, non quasi iure accrescendi aliorum portiones obtineat, sed quasi ab initio solus heres institutus esset, ut dictum. Non obstat, quod in hac constitutione dicatur legatarii loco esse, qui in specie proposita ex re certa institutus est. Hoc enim totum sic accipiendum est, si alii non ex re certa instituti heredes sint, quod fit illis hereditatem aduentibus. Idque satis ostenditur ex eo, quod inuentur actionibus hereditariis uti & teneri. Idem declarat verbo legatarii: nam is, qui ex re certa institutus est, non potest esse legatarius, nisi legatum consequatur: non potest autem consequi, si ex testamento alii hereditatem non adierint.

Huic distinctioni, quæ hic tradita est, male vulgo putant aduersari *Auth. nouissima sup. de inoff. testam.* in quo agitur de filio, qui trientem habere debet, vel institutionis, vel quouis titulo, ex quo intelligimus, eam legem ad speciem huius constitutionis nihil pertinere omnino. Nam hic aut filius instituitur non ex re certa, aut illic res certa relinquitur, sed non instituitur heres: nobis autem hic sermo est de eo, qui coniunctim instituitur heres, & vitiose instituitur; nempe ex re certa.

Ad L. vl. Cum in.

Imp. Iustinianus A. Iohanni præfecto prætorio.

Cum in libris Vlpiani, quos ad Masurium Sabinum scripsit, talis species relata sit, hæc apertius expedire nobis visum est. Quidam testamentum faciès ita instituit, Sempron. Plocii heres esto.

V. ceteris

Veteres quidem existimabant, errorem nominis esse, & sic institutionem valere, quasi testator Plocius nominaretur, & Sempronium sibi scripsisset heredem, &c.

S V M M A R I A.

- 1 Institutio hæc, Sempronius Plocij heres esto, quo accipienda modo, & an valeat, vel minus.
- 2 Iustiniani super controversia huius institutionis decisio, & nu. 4.
- 3 Heres heredis heres quoque est testatoris.
- 4 Ius certum circa interpretationem voluntatis testatoris observandum.
- 6 Error nominis in institutione non nocet.

Testator ꝑ ita heredem instituit: *Sempronius Plocij heres esto*, si quidem testator Plocius vocetur, expedita interpretatio est huius institutionis. Sic enim est accipienda, quasi testator instituerit sibi, vt de se sub tertia persona sit locutus. Sin testator Plocius non vocetur, quæsitum est, an valeat institutio? Non valere statim dixeris; quia testator sibi heredem non instituit: instituit Plocio, sed non potuit; quia incerta est voluntas testatoris, si quis legauerit rei suæ, non alienæ, *l. verbis leg. de verb. sig. l. estandi. sup. prox. tit.* Rursum institutionem valere dixeris, vt valeat detracta Plocij mentione, quemadmodum fieri dicimus in iis speciebus institutionum, de quibus *ad l. pen. sup. dictum est, l. r. §. si ex fundo, ff. h.* Quod posterius veteres quidam secuti sunt, quasi non videretur testator satis nominis sui meminisse. Iustinianus ꝑ hanc controversiam decidens ita constituit: Institutionem hanc duobus casibus recipi posse: Vnus est, si testator alicui nomine Plocio heres prius existerit. Sic enim accipietur institutio, quasi testator iusserit Sempronium sibi heredem esse, ac per se Plocio. Quæ interpretatio ita recte defenditur: cum enim testator iubet Sempronium heredem esse Plocio, intelligitur velle ea omnia, sine quibus Plocio heredes esse non potest, *arg. in l. illud. de acq. hered. l. 2. ff. de iur. dict.* Non potest autem Sempronius Plocio heres esse nisi prius testatori heres existerit, cui si existerit heres, idem quoque Plocij heres erit. Proinde ex voluntate testatoris Sempronius testatori heres erit, ac per Sempronium heres erit Plocio.

Idque ꝑ consentaneum est regulæ iuris: Heredem heredis heredem quoque esse testatoris, quæ regula hic refertur, estque, sententia iuris certi, *ex l. 3. de pes. her. l. interdum, de appell. l. sciendum est heredem. de verb. sig.* Secundum quæ regulam dicemus, in proposito Sempronium, cum heres factus erit defuncti, de cuius testamento nunc agitur, heredem quoque futurum testatoris Plocij, cui defunctus hic heres existerat, & merito; nam in proprio defuncti reperiuntur, omnes hereditates eorum, in quibus prius heres factus erat.

Altero ꝑ casu defenditur hæc institutio, si testator alicuius Plocium sibi heredem instituit, deinde ita scripsit: *Sempronius Plocij heres esto*. Hic enim sic accipitur hæc institutio, vt Sempronius testatori sit heres, si Plocius heres institutus, heres non erit. Sed videtur hæc interpretatio verbis institutionis plane repugnare, ac propterea admitti non debere. Nam verba institutionis exigunt, vt Sempronius fiat heres Plocio, secundum sententiam autem Iustiniani fit heres testatori, non Plocio. Nam ex substitutione vulgari, qualè hic interpretatur Iustinianus, testatori succeditur, non heredi instituto, *Inst. de pupill. subst. disertè dicitur in prin. Respon.* Fatendum est, Sempronium in proposito secundum verba institutionis, admitti non posse ad hereditatem testatoris, sed secundum sententiam testatoris admittitur, & institutio valet. Nam his verbis, *Sempronius Plocij heres esto*; intelligitur testator prius Plocium heredem instituisse, deinde Sempronium ei substituisse, in pupillarem casum, siue in secundum casum, si Plocius heres erit; & intra aliquot annos postea decesserit. Quod ita interpretamur; quia qui in hunc casum primo heredi substituitur, fit heredi instituto heres, non testatori, *dist. loco Inst. de pupill. subst. in pr.* Est ꝑ autem ius certum circa interpretationem voluntatis testatoris, quoties testator primo instituto aliquem substituit in secundum casum, si primus heres erit, videri etiam eundem substituisse in primum casum vulgarem, si primus heres non erit, *l. iam hactenus. D. de vulg. subst.* Ex hoc vulgari substitutione tacita hæc institutio defenditur.

Quod si testator neque existerit heres alicui Plocio, neque Plocium aliquem heredem instituerit, placet institutionem in titulum esse. Hic occurritur. At error ꝑ nominis non nocet: quid igitur prohibet, quo minus hic errante testatore intelligatur sem-

per heres institutus esse? De nomine est *l. 3. §. 1. D. de legat. 1. Resp.* Non dicimus institutionem ideo hic non valere, quasi testator in nomine proprio errauerit, & hic error non nocet: tantum enim abest, vt hæc rejiciatur institutio propter errorem nominis, vt nominatim Iustinianus dicat, ideo non improbari; quia testator in nomine erravit. Non vero verisimile esse quemquam in nomine suo errare. Sed hæc ratio est, quam initio ostendit; quia potuerit testator sibi heredem instituire, sed noluit.

At quomodo, cum quis ex re certa instituitur, institutio valet rei certæ detracta mentione? Item cum quis institutus est ex die, institutio recipitur, detracto eo die: *l. hereditas, D. eod.* Respondeo: Quia in superioribus causis testator voluerit eum, quem instituit, aliquo modo heredem esse, vt aliquo modo capere non possit etiam heres, nisi inutilibus detractis. Ea igitur secundum voluntatem testatoris detrahuntur, vt sit heres, quem instituerit. In proposito autem apparet testatorem non instituisse Sempronium sibi, sed Plocio, non detrahetur igitur, quod testator adiectum voluit, ne fiat illi heres is, quem sibi heredem esse noluit.

AD TIT. XXV. COD. DE INSTITUTIONIBVS, ET SVBSTITVTIONIBVS, ET RESTITUTIONIBVS SUB CONDITIONE FACTIS.

S V M M A R I A.

- 1 Continuatio huius tituli cum superiore.
- 2 De institutione, quæ fit sub conditione, tria quaeruntur.
- 3 I. An omnes sub quavis conditione institui possint.
- 4 Condicio, quæ aperte verbis in alienam transfertur voluntatem, inutilem reddit institutionem; secus, si tacite id fiat.
- 5 Institutio captatoria institutionem vitiat & tollit.
- 6 II. An conditio sit expectanda.
- 7 Impossibilis conditio in testamento pro non adiecta habetur.
- 8 III. An si conditio expectanda est, ita expectanda sit, vt nisi impletur, nulla sit institutio, nullum legatum.

Dictum est ꝑ prox. tit. vt institutio valeat, duabus in rebus positum esse, in persona heredis, vt sit, qui institui possit; & in instituendi modo, vt recte facta sit institutio. De persona heredis illic dictum est. Instituendi modus hic enarratur. De eo autem in summa hoc est satis. Heredem pure institui posse citra controversiam: ex die, aut ad diem non posse: sub conditione autem itidem posse, *§. heres. Inst. de hered. instit. l. hereditas. D. h.* Hinc ꝑ de institutione, quæ fit sub conditione, tria quaeruntur. I. An omnis sub quavis conditione institui possit? II. Si quis sub conditione recte instituitur, vt institutio valeat, an omnis conditio, id est, eius eventus, sit expectanda? III. Si expectanda est, an conditione non impleta inutilis sit institutio? Quod quaeritur, ꝑ an omnes sub quavis conditione institui possint, de eo sic habendum est, regulariter posse: sed hic & quaedam personas excipi, & in omnium heredum persona quaedam conditiones. In personis excipiuntur filij, qui sunt in potestate testatoris, quos placuit non posse heredes institui, nisi sub ea conditione, quæ fit in eorum potestate, *l. 4. b. vbi dicitur.* In omnium autem persona heredum excipiuntur duæ conditiones, quibus adiectis inutilis est institutio. I. Illa conditio, ꝑ quæ aperte verbis in alienam voluntatem transfertur, vt puta hæc inutilis est institutio, *Titius heres esto, si Mercurius voluerit*, vbi voluntas Mercurij aperte exprimitur. Diuersum est, si conditio conferatur in voluntatem Mercurij, sed tacite, vt pote hæc institutio valet, *Titius heres esto, si Mercurius Capitolium ascenderit*, tamen sit in potestate Mercurij Capitolium ascendere; aut non. Hæc in *l. illa. D. de her. instit. l. si quis Sempr. eod. l. nunquam, D. de cond. & dem.* ad quam distinctionem pertinet regula iuris, cuius est hic sensus: Si quid lex adijci verat, id ita nocet, si expressum sit: quod si expressum non sit, non nocet, etiam si intelligatur. Huius generis est hæc voluntas extranei, quam lex in conditione institutionis huius adijci vetat. Alterum ꝑ genus est conditionis, quæ captatoria est, & captoriam facit scriptura, veluti *Titius heres esto, si me heredem instituerit.* Huius generis institutiones, & legata nullius sunt momenti, *l. captatorius. sup. de testam. milis. vbi de hoc g. meredicitur.*

Si iuste & recte institutio sub conditione facta est, sequens est quaestio, ꝑ an conditio sit expectanda? Et hic hoc conuenit inter institutionem, quæ fit ex die, & eam, quæ fit sub conditione, quod vtraque pariter valeat, vt heres admittatur. Hæc differentia est,

quod dici adiectio inutilis est, d. l. hereditas. D. de hered. instit. Conditione autem adiecta & institutio vtiliter fit, & conditio vtiliter adijcitur, id est, quod quarimus, conditio est expectanda, l. vn. §. si autem. infr. de cad. toll. Differentiæ ratio nata est ex regula iuris, qua efficitur: Neminem in paganis pro parte testatam, & pro parte intestatam decedere posse, l. ius nostrum, de reg. iur. Aduersus hanc regulam peccatur, si dies vtiliter adijcitur, & ob hanc causam pro non adiecta habetur. Non item peccatur, si conditio admittitur: Nam cum testator heredem instituerit post duos annos, quam moriatur, aut eos duos annos heredem esse non vult, ac proinde intestatus pro eo tempore decedit, sic fit, vt velit interim hereditatem ad legitimos heredes pertinere: argumento est, quod ita res transigeretur, si heres ex die à milite institutus esset, leg. miles ita de milit. testam. Hoc autem, vt d. xi, regula iuris non patitur in pagano testamento, vt testator pro parte temporis testatus, & pro reliqua intestatus decedat, vbi testator heredem instituerit sub conditione, quemadmodum conditione deficiente non vult institutum in totum heredem esse. Sic conditione contra existente vult in totum esse heredem, non tantum pro eo tempore, sed sequitur euentum conditionis, sed etiam pro tempore antecedente, vt appareat conditionem non tempori adijcitur, id est, adijcitur, vt intelligatur, an testator voluerit institutum heredem esse, non autem ex quo tempore voluerit. Ita rursus fit, vt ex conditione, aut in totum testatus decedat, aut in totum intestatus, siue conditio defecerit, siue existerit.

Sed hæc de conditionibus possibilibus dicta sunt. Impossibilis est conditio in testamento pro non adiecta habetur, l. 3. D. de cond. & demonstr. l. 1. de condit. inst. §. impossibilis. Instit. de her. Instit. aliter atque in contractibus, §. si impossibilis de inuicil. stip. l. non solum, de verb. oblig. Proinde impossibili conditione institutioni adiecta is, qui institutus est, erit heres omni modo, si velit, vt is, qui pure institutus erit. Impossibiles conditiones quædam sunt natura, quædam iure: natura, veluti, si digito cælum attingerit. Postrema quæstio, si conditio expectanda est, an ita expectanda est, vt nisi impleta sit, nulla sit institutio, nullum legatum, cui conditio erat adiecta: Responso consequens est superioribus, postquam conditio vtiliter adijcitur, nisi ea impleta sit, nullam institutionem esse, nihil denique deberi, l. cedere, de verb. sig. quod tamen non est perpetuum; nam interdum quæ reuera non est impleta conditio, pro impleta habetur, de quo est in l. i. h.

Ad L. Cum auum. 1.

Impp. Seuerus & Antoninus AA.
Alexandro.

Cum auum matrem ea conditione filiam tuam heredem instituisse proponas, si Anhylli filio nupsisset: non prius eam heredem existere, quam conditioni paruerit, aut Anhylli filio recusante, matrimonium impeditum fuerit, manifestum est, PP. Calend. Octob. Anulmo & Frontone Coss. 200.

SUMMARIA.

- 1 Conditionum distinctio, in quaestione, an conditio pro impleta habeatur, aduertenda.
- 2 Casualis conditio quocunque modo defecerit, institutio nulla est, legatum nullum.
- 3 In conditione potestatis, si per eum, in cuius persona implenda est, stat, quo minus impleatur, pro impleta habetur.
- 4 Item si conditio hoc casu non impleatur, cum per rerum naturam impleri non possit, conditio deficit & nulla est institutio, nullum legatum.
- 5 Is, cuius interest conditionem impleri, intelligitur, in cuius persona conditio est implenda.
- 6 De eo, in cuius persona conditio est implenda, casu mortuo, auctorum iuris dubitatio & triplex præsertim varietas aduertenda est, & num. 7. 8. & 9.
- 10 Prædictorum conciliatio.
- 11 In conditionibus ceteris, que in alterius persona impleri debent, quid obrineat.
- 12 Conditio possibilis non impletur sine exceptione defecisse intelligitur.
- 13 Conditio impossibilis pro impleta habetur.

Cum quæritur, an conditio pro impleta habeatur, videndum est, cuiusmodi sit: Nam quædam conditiones conferuntur in euentum, quædam in potestatem heredis, aut legatarij. Priores dicuntur à Iustiniano casuales, posteriores potestatis, l. vn. §. si autem. infr. de cad. toll. Casualis est conditio, quocunque modo defecerit, institutio nulla est, legatum nullum. Non enim hic spectamus, quid voluerit hic, qui instituitur, cum voluntate testatoris non fit conditio in voluntatem eius, aut potestatem collata, sed in casum, ex quo testator legatum, seu institutionem valere voluit. Quod si conditio in potestatem heredis collata sit, ita vt impleti debeat in persona alterius, in hoc genere hæc distinctio est. Nam si per eum, in cuius persona conditio implenda est, stat, quominus impleatur conditio, pro impleta habetur. Hoc autem per casum si conditio ea non impleatur, cum per rerum naturam impleri non possit, placet conditionem deficere, & nullam esse institutionem, nullum legatum, quantumvis per heredem, aut legatarium non sit, terit, quo minus conditio impleteretur. Vtriusque partis distinctione: suppleditur l. i. Cuius distinctionis pars prior expressa est in leg. §. ver. sed si. Dig. quando dies leg. ced. & statuitur diserte in exemplo h. l. si Seia Titio nupsisset.

Eadem regula est expressa à Veteribus his verbis: Quoties per eum, cuius interest conditionem impleri, stat, quo minus impleatur, toties pro impleta habetur. Item in iure ciuili. ff. de reg. iur. Is, cuius interest conditionem impleri, intelligitur, in cuius persona conditio implenda est, vt pote ad quem ex ea realiquid peruenit, est: Vt in hac conditione, si heres Stichum manumiserit, Stichus est is, in cuius persona conditio implenda est, & ita cuius interest impleri; nam ex eo consequitur libertatem. Ita in hac conditione, si Titio decem dederit, Titius est is, in cuius persona conditio implenda est. Iam cuius interest conditionem impleri, vt decem consequatur, talis est Titius in hac conditione, si Seia Titio nupsisset: Nam & Titius impleta conditione accipiet uxorem. Ergo eius interest. Quæ conditio eleganter negatiue expressa est, & recte his verbis: Quoties per eum, cuius interest conditionem non impleri, stat, quo minus impleatur, toties pro impleta habetur, l. vn. §. ver. sed si. ea. D. quando dies leg. ad. Iulius. de condit. & demonstr. Hæc pars nullam dubitationem habet.

Altera pars distinctionis supra scriptæ de eo, in cuius persona conditio implenda est, casu mortuo, magnas dubitationes habet. Varia enim & in speciem pugnancia tradita sunt de hoc genere à veteribus. In eo est autem varietatem triplicem animaduertere possumus. Nam per eum is, in cuius persona conditio implenda est, mortuus est, priusquam recufaret admittere conditionem; quædam sunt definitiones, in quibus responderetur defecisse citra distinctionem. Qualis est hæc conditio, si Seia Titio nupsisset; vbi Titio mortuo priusquam matrimonium recufaret, placet Seiam conditione desertam videri, siue Titius decesserit viuo testatore, siue mortuo. Quæ sententia non obscure colligitur ex hoc rescripto, vel diserte expressa est in l. legatum. D. de condit. inst. l. 3. de cond. & demonstr. Quædam sunt definitiones, in quibus contra conditio pro impleta habetur, qualis est hæc conditio; si alimenta libertis legata sint, si cum matre, aut liberis morarentur; nam quo minus cum matre, aut liberis morati sunt, placet alimenta nihilominus deberi, si per libertos non feterit, quo minus morarentur, l. i. infr. de legat. l. annua. de an. leg. l. Caio. §. i. de alim. & cib. leg. Est tertium est genus conditionum, in quo ipso veteres videntur contraria scripsisse. Talis est hæc conditio, si heres Stichum manumiserit. Nam mortuo Stycho, quibusdam in locis scriptum est conditionem pro impleta haberi, vt in l. que sub cond. §. quoties, de cond. inst. & l. turpia. §. i. de leg. 1. Aliis in locis contra scriptum est, conditionem defecisse videri, siue mortuo testatore Stichus decesserit, siue viuo, l. inde Neratius. §. idem Iulianus. D. ad l. Aquil. Quæ, vt dixi, non de re contraria videri possunt. Nec enim audiendi sunt interpretes, qui ista genera conatur distinguere. Aiunt hanc conditionem, si heres Stichum manumiserit, esse in potestate solius heredis. Iam autem conditionem, si Seia Titio nupsisset, esse in potestate partim Seiæ, partim Titij. Nam vtraque mortuo per-

perspicuum est neutrum fuisse in potestate heredis, ut pote quem casus mortis pariter impedierit. Deinde, quemadmodum in potestate est Titij matrimonium, ita in potestate est Titij efficere, ne manumittat, vel fugiendo, vel sibi manus inferendo. Idem quoque in manu Dei positum est, si illi mortem attulerit. Neque enim illud verum est, quod dicunt in hac conditione, *si liberti cum matre morabuntur*, mortua matre, conditionem pro impleta esse favore alimentorum. Nam in *l. illius, de cond. & dem.* dicitur, hanc conditionem superiore casu non pro impleta esse sed defecisse.

Hæc igitur conciliari possunt, statuendum est ita. Primum animadvertendum est in hac conditione, *si liberti cum matre non morabuntur*, proprium quoddam esse diversum à ceteris huius generis conditionibus, ut scilicet mortua matre & generaliter conditione quoquo modo impedito, conditionem pro impleta videri, dummodo non stet per libertos, quo minus morentur. Id autem intelligitur ex fine huius conditionis. Nam cum testator libertos morari iussit cum matre, voluit, ut non modo obsequium præstent matri & iis, cum quibus morari debent, id notatur in *d. l. illius, de cond. & dem.* Porro quod hic exigitur obsequium à libertis, non est positum in factio morandi, sed in propensione voluntatis. Is enim obsequio satisfacere intelligitur, qui paratus est obsequi, modo liceat, quemadmodum hi serui dicuntur seruasse, qui cupientes seruire non potuerunt, quia ægroti erant, *l. 4. §. Stichus, de stat. liber.* Ceteræ omnes igitur conditiones, quæ in alterius persona impleri debent, sunt dissimiles. In his autem cum queritur, an mortuo eo, in cuius persona conditio implenda erat, conditio pro impleta habeatur distinguendum est. Interest enim, utrum mortuus sit tunc, cum conditio potuit impleri, an vero tunc, cum non

potest. Nam priore igitur casu conditio sine exceptione defecisse intelligitur, quia fuit possibilis, conditio autem implenda est, si potest *l. qua sub cond. §. quoties. in fin. de cond. inst.* id est, si potest impleri iure & natura. Vnde intelligimus, si tum non est impleta, defecisse, si videri. Posteriore autem igitur casu conditio pro impleta habeatur; quoniam quæ conditio impleri non potest, est impossibilis. Impossibiles autem conditiones non nocent, non tam quod habeantur pro impletis, quæ impleri non potuerant, quam quod habeantur pro non adimplendis, *l. 3. de cond. & dem.* Ex hac distinctione natum est, quod distinguantur conditiones à veteribus; si *Seia Titio nupsit*; & *si heres Stichum manumiserit*. Scire enim oportet hanc conditionem; si *Seia Titio nupsit*; quandoque impleri posse, non solum mortuo testatore, sed etiam testatore adhuc viuo, *l. hac conditio 10. l. cond. g. de cond. & dem.* Contra autem hæc conditio; si *heres Stichum manumiserit*, mortuo testatore impleri potest, viuo non potest, *l. 2. de cond. & dem.* Ob hanc causam placuit in hac conditione; si *Seia Titio nupsit*; Titio quandoque mortuo conditionem defecisse, & Seiam heredem Titij futuram, scilicet, quia quandoque Titius decedit, tunc decere intelligitur, cum Seia illi nubendo conditionem implere potest. At in hac conditione; si *Seia Stichum manumiserit*; res aliter se habet, Nam si Stichus decedit, adhuc viuo testatore, placet Seiam heredem conditione defecta non esse, sed conditionem pro impleta videri.

Hæc est species *l. qua sub cond. §. quoties. de cond. inst.* ubi proponitur Stichus mortuus, sed nominativum adijcitur viuo testatore. Igitur hoc casu conditio defecisse non videtur; quia tunc conditio fuit impossibilis heredi sub hac conditione instituto. Non enim potuit eam iure implere. At si idem Stichus moriatur mortuo testatore, conditionem placet defecisse videri, & eum, qui sub conditione institutus est, heredem non futurum. Hæc enim species est *l. inde, §. idem Iulianus. D. ad leg. Aquil.* Sed utraque species huius distinctionis suas obiectiones habet. Nam 1. quod dicitur, si Stichus viuo testatore decesserit, conditionem pro impleta haberi, id negari videtur in *d. l. inde Nerat. §. idem Iul. ad leg. Aquil.* Non enim tantum illic dicitur, si Stichus occisus sit mortuo testatore, defecisse conditionem, sed etiam adijcitur: si viuo testatore occisus sit, æstimationem heredis cessare. Quibus verbis significatur, etiam hoc casu amissam esse hereditatem domino, qui conditione defecisset sit, sed tantum hoc casu hereditatem non esse æstimandam in actione *l. Aquilæ de seruo occiso*. Hoc loco adducti interpretes, generaliter statuerunt, quocumque tempore occisus sit Stichus; conditionem superiorum defecisse videri, diversum esse; si Stichus non sit occisus, sed naturaliter mortuus sit, quo rursus casu statuunt, semper conditionem haberi pro impleta; quocumque tempore mortuus sit; & ita interpretantur *d. l. qua sub cond. §. quoties, de cond. inst.* Et nos hanc distinctionem sequemur libenter, ut non improbabile plane, nisi & verba Vlpiani & vera ratio

huic definitioni refragaretur. Nam Vlpianus in *d. l. qua sub cond. §. quoties*, de Stichio mortuo nihil distinguit, quando mortuus sit; tam enim moritur, qui occiditur, quam qui naturaliter moritur, Deinde vera ratio facit, ut in quibus causis eadem ratio est, in iis deinde ius statui debeat, *l. illud, D. ad leg. Aquil.* Nihil autem interest ad casum naturæ, an Stichus naturaliter moriatur, an occidatur ab alio; tam enim casu moritur, qui moritur natura, quæ qui ab alio occiditur. Ac proinde in utraque morte ad conditionem vel implendam, vel deficiendam nihil interest. Nam quod illi hanc rationem differentie reddere conantur, plane ridiculum est. Volunt, cum Stichus ab alio occisus est, ideo conditionem defecisse; quia dominus sub ea conditione institutus hereditatem persequi possit ab eo, qui occidit. Quod præpostere & absurde dicitur. Non enim ideo conditio deficit; quia dominus hereditatem amissam persequi potest, sed ideo persequi potest; quia prius conditio defecit. Oportet igitur prius demonstrari conditionem defecisse, deinde tractari de hereditate persequenda. Isti autem contra naturam faciunt priorem persequutionem domini, quam defectum conditionis.

Deinde si hanc rationem sequimur, conditio hæc, *si heres Stichum manumiserit*; pro impleta habeatur, si viuo testatore occisus sit. Nam hoc casu dominus hereditatem ab extraneo conieci non potest, ut dicitur nominativum in *d. l. inde Nerat. §. idem Iul.* Et tamen illic sequitur, conditionem videri defecisse hoc casu. Tenebimus igitur: Vbi viuo testatore Stichus decessit siue naturaliter, siue occisus sit, conditionem non videri defecisse ob eam rationem, quam supra dixi; quia tum conditio sit impossibilis probatur, in *d. l. qua sub cond. §. quoties. de cond. & dem.* Ad obiectionem autem *l. inde Neratius. §. idem Iul.* sic respondemus: Illic non dicitur, si Stichus viuo testatore occisus sit, conditionem defecisse, ut in priore casu, sed dicitur hoc casu hereditatis æstimationem cessare, & conditio defecerit, quod ideo dicitur ab Vlpiano; quia etiam viuo testatore Stichus occidatur; interdum tamen potest deficere conditio, ut puta si testator fecerit potestatem Titij manumittendi, etiam se viuo. Item ita instituendo; *Titius mihi heres esto, si Stichum manumiserit, vel me viuo, vel me mortuo*. Ceterum si testator simpliciter ita scripserit; *si Stichum manumiserit*; constanter tenendum est, eam conditionem viuo testatore impleri non posse; *d. l. 2. D. de cond. & dem.* Quod si impleri non potest, ne deficiente quidem potest, quæ est impossibilis.

Rursus quod dicitur, si Stichus mortuo testatore decesserit, conditionem defecisse, siue naturaliter mortuus sit, siue occisus sit ab alio; hæc quoque pars incurrit in alios locos specie contrarios, in quibus generaliter tradi videtur, mortuo Stichio superiorum conditionem haberi pro impleta, quandoque mortuus sit, hac ratione; quia per heredem, aut legatarium non stat, quominus Stichus manumittatur, qui mortuus est. Hoc scribi videtur primo in *d. l. qua sub cond. §. quoties*. Nam in extremo illa verba sunt: *Nam mortuo Stichio nemo diceret heredem submovendum*: implenda est enim conditio, si potest. Respondeo hæc verba postrema ad priora referenda sunt: Nam Vlpianus eo loci persequitur vnum eundemque sermonem. In initio autem proposuerat de Stichio, qui mortuus est viuo testatore, quæ igitur sequuntur, cum eadem adiectione intelligenda sunt, ut sit sensus: Nam mortuo Stichio, viuo adhuc testatore, ut proposuimus, nemo dicit heredem submovendum; implenda est enim conditio, si potest natura impleri, quod non fit, ubi Stichus viuo testatore moritur.

Rursus hic obstat *l. turpia. §. 1. D. de leg. 1.* ubi ita scriptum est generaliter; *sed et si mors Stichi impedierit manumissionem, cum legatum esset, si legatarius Stichum manumisset, legatum debetur; quia per legatarium non stat, quo minus conditio impleatur*. Responso est in his verba bis; *si mors Stichi impedierit manumissionem*: Et illa verba intelligenda sunt viuo testatore; nam prius scriptum erat, si Seia legatum relictum esset sub conditione, *si Titius arbitrata nupsisset*, & Titius viuo testatore mortuus esset, legatum debetur. Continenter subiicitur, *sed et si mors Stichi impedierit manumissionem*; ex quo apparet hæc verba ad priora referri, ut sic idem casus intelligatur, ut prius.

Postremo obstat *l. si fundum per fid. §. 1. de legat. 1.* ubi proponitur fundus legatus esse Titio, & Titius rogatus Stichum seruum alienum manumittere, videtur Stichio mortuo Titium legatum consecutum, ubi non dubium est, quin intelligi debeat, Titium consecutum esse legatum, etiam si Stichus mortuo testatore decesserit. Sed nihil aduerfatur, ut & vulgo bene acceptum. Nos enim agimus de eo, qui heres institutus est, aut cui legatum sit sub conditione, si Stichum manumiserit, in *d. l. si fundum per fid. §. 1.*

Apparet ex his, quæ diximus, legatum relictum fuisse pure, sed legatarium rogatum esse, ut Stichum manumitteret. Certe iuris est legatum pure relictum statim deberi, nec adimi legatio, nisi aliqua culpa sit legatarii, propter quam adimat, quæ culpa nulla est in eo, qui manumittere seruum alienum & mortuum non potuit. Conditionis diuersa est causa; nam hac adiecta, nisi ea prius exiret, nihil debetur, *l. legata sub conditione, D. de cond. & demonst. l. cedere de verb. sign.*

Ad L. Conditioni. 2.

Imperator Antoninus A. Cassia.

Conditioni, sub qua testamento matris tuæ heres institutus es, si non paruerit, locum habet substitutio. Nec enim videri potest sub specie turpi nuptiarum viduitatem tibi indixisse, cum te si isororis tuæ consobriuo tuo probabili consilio matrimonio iungere voluerit. Nec extraordinario auxilio indiges: cum ex his precibus, quas libello complexa es, declaratur, non per eum steris, quo minus supreme voluntati matris tuæ testatrici satisfieret. PP. 8. Id. Mart. Roma. Antonino A. IIII. & Balbino Coss. 214.

S V M M A R I A.

- 1 Filia sub conditione, si consobriuo nuberet, instituta, an si conditioni non paruerit, nihilominus tanquam reiecta conditione, hereditatem habere possit?
- 2 Condicio non reicitur, nisi aut contra bonos mores aut contra leges sit.
- 3 Filia, qua conditioni non paruit, an integrum restitui possit, ut hereditatem consequatur. & seq. num. 4.

1 **S**I filia † instituta est sub conditione, si consobriuo nuberet, quod si non nuberet, Titius substitutus sit, filia conditioni parere non vult, & nihilominus tanquam reiecta conditione vult hereditatem habere an possit, quaeritur? Respondeo: Nisi conditioni paruerit, eam non futuram heredem, & recte.

2 Nam non † reicitur conditio, nisi aut contra bonos mores, aut leges sit. Contra bonos mores, ut si viduitatem iniungat, *l. cum ita legatur. de cond. & demonst.* Contra leges, ut matrimonium inter consobrinos consistere non possit, quorum neutrum in proposito accipit. Nam conditio inuitat ad matrimonium. Huius generis conditiones omnes receptæ sunt, si modo honeste nubere liceat ei, in cuius persona conditio implenda est, *l. Titius 100. §. 3. de condit. & demonst.* Sed & iure matrimonium inter consobrinos recte contrahitur, ut hic scriptum est, & in §. duorum. *Insti. de nupt. l. in copulandis. C. de nupt.* Cum igitur nihil obstat conditioni, res pertinet ad regulam iuris communis. Nisi conditio prius exiret, in substitutioni locum non futurum. Proinde in proposito substitutioni locus erit.

Hoc metiens si iam cum iam recusasset consobriuo suo nubere, amplius, quaeritur, † an possit in integrum restitui, ut hereditatem consequatur. Filiam finge fuisse minorem 25. annis, cui etiam restituito tribui solet, ad hoc, ut repudiatam, vel semel omifam hereditatem iterum adire sibi liceat, *titul. si ut omiff. hereditat. sup.* Respondet Antoninus, eam auxilio extraordinario non indigere, cum per eam factum sit, quominus matrimonium consequeretur, non autem per consobrinum, ubi auxilium extraordinarium vocat restitutionem in integrum, ut in *l. l. in pr. de min.* Hæc sententia † certa est, si adhuc filia conditioni parere possit: Potest autem parere, quam diu viuit, & consobrinus aliam vxorem non habet. Nam extraneus & maxime filius, vel filia heredes instituti ea conditione parere possunt, cum per naturam licet, aut per ius, *l. 4. sup. de hered. insti. l. ult. de cond. insti.*

Quod si consobrinus aliam vxorem duxerit, desinit conditio impleri posse. Nā ei nubere non potest, qui aliam habet vxorem, §. *affinitatis. Insti. de nupt.* Hic igitur dicimus quamdiu consobrinus aliam vxorem non habet, tamdiu filia minor ad consequendam hereditatem restitutione in integrum non indiget; nam si vult consobriuo nubere, consequitur hereditatem iure communi, dum scilicet conditioni pareat. Porro qui iure communi munitus est, is extraordinario non indiget, *l. in causa. 2. de minor.* Quod si non vult filia nubere consobriuo, etiam hoc casu restitutione in integrum non indiget; quia dum conditioni non pareat, etiam hereditatem habere non vult; quoniam hac conditione deferretur, si

conditio pareret. Non indiget autem in integrum restitutione, ut aliquid obtineat, qui id obtinere non vult, proinde cessabit utroque casu restituito:

Sed † quid si consobrinus vxorem duxerit, & filia, dum vult ei nubere, non potest; quia sic impeditur, an non saltē hoc casu recte postulabit in integrum restitui aduersus substitutum? Dixerit aliquis recte postulare. Nam cum prius conditioni parere voluerit, eodem facto hereditatem amisit, ac proinde recte aduersus infirmitatem ætatis restitui petere videatur, *d. rit. si ut omiff. her. l. ait prætor. §. hoc iure, & §. restitutus, l. non omnia, de min.* Sed generaliter hic scriptum est, filiam, per quam stetit, quo minus conditioni superiori pareret, non indigere restitutione: ergo restitui non debere. Ex quo intelligimus etiam hoc casu illā ab hoc beneficio excludi: & verum est. Tam diu enim minor heres instituta in integrum restitui potest, ut consequatur hereditatem, quam amiserat, quamdiu nihil petet contra voluntatem testatoris. Nā in testamento totum voluntas testatoris facit, *l. ex facto. §. ita, D. de her. insti.* Proinde nec minor, nec quicumque alius contra voluntatem testatoris heres fieri potest, ut puta institutus minor, si nauis ex Asia venerit, naue capta heres non erit; quia testator id noluit. Eodem modo si minor institutus fuerit sub conditione, quæ in eius potestate erat, & conditio vitio eius defecerit, ne hoc quidem casu heres erit; quia heres fieret contra voluntatem testatoris, quæ fuit, ut conditioni pareret.

Non obstant superiores loci de in integrum restitutione, minoribus ad adeundam hereditatem concessa. Nam in omni testamento hæc conditio inest si minor læsus, aut circumscriptus exit, non est autem læsus, qui iure communi vitur, ut est *l. vit. sup. de rest. in integr. l. inter, §. pen. de fiduci.* Cuius sensus est, non videri læsum minorem, qui aliquid facit, quod iure communi & publico facere cogitur. Omnes autem, qui heredes testamento instituti sunt, volūtatē testatoris parere necesse habent. Sed cur hoc casu non dixit Imperator: Auxilium extraordinarium non habebis, potius, quā, auxilio extraordinario non indiges, cum manifestum sit, filiam, hoc casu hereditate exclusam, indigere restitutione, si habere velit hereditatem, ut pote quæ alio modo ad hereditatem peruenire non possit. Resp. Auxilium hic viā persequendi debemus accipere, ut sit sensus extraordinaria via non indiges & persecutione, quam ex rescripto meo prosequor, nam hæc tibi apud iudicem esset iniuris; quoniam hoc casu restitui non potes.

Ad L. Si mater. 3.

Imper. Antoninus A. Maxentio & aliis.

Si mater vos sub conditione emancipationis heredes instituit, & prius, quam voluntati defunctæ pareretur, sententiam deportationis pater meruit, vel aliter defunctus est: mortuus, alio modo patria potestate liberati, ius adeunda hereditatis cum sua causa que sitis. S. Prid. Cal. Maii, Sabino & Anulino, Coss. 217.

S V M M A R I A.

- 1 Conditio quando videatur impleta.
- 2 In conditionibus maxime voluntas testatoris spectanda est!
- 3 Testatrix in vnum casum liberationis à potestate patria liberat heredes instituens, in omnes alios casus, quibus liberi sui iuris efficiuntur, instituisse videtur.
- 4 In his, qua pendens ex auctoritate legis, voluntas legis spectanda est.
- 5 In his, qua ex voluntate testatoris pendens, solius testatoris voluntas sequenda.

Cum constat conditionem vtiliter adiectā esse, ita ut iure traheretur, aut eo deduci, ut pro impleta habeatur, ad quā partem pertinet illa cōstitutio, quam initio hoc tit. proposuimus, consequens est, ut quaeratur, an conditio impleta sit? De eo sub extremum huius loci vtilis præcepto traditur. Eam † trunc impletam videri, non solum cum id factum est, quod verbis comprehensum est in conditione, sed etiam quod testator voluit, si id ex verbis conditionis apparet. Id declaratur exemplo huius loci. Mater liberis heredes instituit, si emancipati essent à patre. Non sunt emancipati, sed pater aut mortuus, aut deportatus est in insulam, liberis non emancipatis. Nihilominus placet hoc loco liberos heredes futuros & habituros hereditatem cum sua causa, id

id est, cum ea conditione, in qua est hereditas, ut scilicet vel fisco restitui debeat, vel non, denique ut quatenus debeat ex conditione deportationis restituatur.

Hic statim occurritur, conditionem impletam non esse, ac proinde liberos heredes esse non posse. Nam conditio emancipationem exigebat, quam non secutam esse fatemur. Dicendum vero secundum verba conditionem non esse impletam, secundum voluntatem impletam, quod satis est, ut conditio impleta intelligatur.

Nam in conditionibus maxime voluntas testatoris spectanda est. *Lin. in conditionibus. in pr. de cond. & d. m. inst.* Porro cum mater hanc conditionem adiecit, verbo emancipationis, etiam de ceteris casibus sensisse intelligitur, quibus liberi efficiuntur sui iuris, quæ voluntas ex fine & consilio testatrix manifesta est. Nam emancipatio hoc spectabat, ut liberi sui iuris efficerentur. Est enim hæc vis emancipationis, §. *præterea, Inst. quib. mod. ius pat.* Voluit autem mater liberos fieri sui iuris ideo, ut sibi hereditatem acquirerent, qui alias patri acquirere essent saltem vsum fructum. §. *1. Inst. per quas pers.* At hoc, quod testatrix voluit, efficitur etiam hoc modo, si pater mortuus sit, efficitur & de portatione patris, *Inst. quib. mod. ius pat., pot. §. cum autem.*

Non obstat quod dicitur in *l. qui heredi in pr. D. de cond. & dem.* non videri conditionem impletam, nisi ad præscriptum verborum & formam impleta sit. Hoc enim semper ita accipiendum est, nisi manifestum sit, aliud sensisse testatorem, quam id, quod verba in specie præscribunt. Secus vero; ut dixi, in conditionibus voluntatis testatoris spectandum est, id que etiam satis intelligitur ex exemplo *d. l. qui heredi. &c.* Nam legata eius, qui Stichus 10. dare iussus est, domino Sticho dando, non implet conditionem; quia non id apparet sensisse testatorem, ut domino recte daretur. Quin imò verisimile est, aliud testatorem sensisse; quoniam est aliquid in eo, ut prius Sticho datur; deinde per Stichum ad dominum perveniat. Hæc enim datio facit aliquid ad conciliandum Sticho dominum, vel propter meritum, vel propter fidem in pretio accepto quaesitam.

Quod de emancipationis casu diximus, idem de quovis alio casu liberationis à patria potestate intelligendum est. Vt puta: Mater instituit liberos, cum pater morietur, cuius in potestate erant. Conditio impletur etiam viuo patre, si liberi emancipati erunt; aut de portatus pater, *l. mulier, ad Treb. l. si ita esset. D. quando dies leg. ced.* Unde generaliter definiendum est, cum testatrix in vnum casum liberationis à potestate liberos heredes instituit, etiam in omnes alios casus, quibus liberi sui iuris efficiuntur, instituisse videri.

Huic parti aduerari videtur *l. commodissime de liber. & posth.* ubi si quis posthumum instituit in vnum casum natiuitatis, in alterum præteritis videtur, etiam si casu expresso id egerit, ut qui nascetur, heres esset. Et proinde uterque casus eos effectus habebit. Vt puta instituit testator eum, qui se viuo postea nascetur, si is, qui in vtero est, nascetur eo mortuo; institutus non videtur, idemque placeat conuerso. Respondeo. Diffimilitudo rerum obstruenda est, alia causa est earum rerum, quæ ex auctoritate legis pendunt, alia earum, quæ ex voluntate testatoris. Nam in his, quæ pendunt ex auctoritate legis huius ipsius legis voluntatem spectabimus, ut si sit, quod lex iubet, ratum id sit; si non sit, pro infecto habeatur; quia legi paritum non fuit, etiam si testator hoc animo fuerit, ut idem factum veller. Huius generis est institutio post mortem, non enim testator posthumos pro arbitrio instituit, sed lex iubet institui, §. *posthumi, Inst. de exher. liber. l. posthumus, de iustro, rupt.* Et iubet institui in omne tempus. Proinde si is institutus non est; quia nascetur viuo patre, pro instituto non erit, etiam si testator de eo senserit; quia non fecit, quod lex iubebat, & res in voluntate testatoris posita non est, sed in legis auctoritate.

At in his, quæ ex voluntate testatoris pendunt; huius solius voluntatem sequi dicemus, idque fit non modo non refragante lege, sed etiam lege voluntatem testatoris confirmante, uti quisque legasset, &c. *l. verb. legis, de verb. sign.* Huius generis conditiones in testamento sunt, quas adieci institutioni, aut legato neque leges iubeant, neque vetant. Proinde conditione in vnum casum adiecta, si testator de aliis partibus sensit, hanc sententiam sequemur. Hic etiam occurritur nobis: Nam in his, quæ pendunt ex auctoritate priuatorum, cum quis sibi in vnum casum cauit, in alterum non cauisse videtur, etiam si eandem effectum habeat, ut probatur exemplo *l. si cum darem, sol matr.* ubi si extraneus in dote pro muliere danda pacificatur, aut stipuletur in vnum casum vel diuortij, vel mortis alterius ex coniugibus dotem sibi reddi,

placet eum actionem non habere in eum casum, qui omisus est, etiam si constet iure ciuili pariter matrimonium solui diuortio & morte:

Respondeo in his, quæ ex vnius voluntate pendunt, ut sunt res testamenti, quæ pendunt ex vnius testatoris voluntate, cuius solius voluntatem spectamus, ut sic vno casu expresso, ceteri quoque contineri intelligantur, de quibus senserit. At stipulatio & pactio ex consensu duorum constat, stipulantis & promittentis, idcirco utriusque consensum & placitum spectare oportet, & vno dissentiente nihil agitur. *l. inser stipulantem, §. 1. de verb. obl.* Hinc fit, ut cum stipulator sibi in vnum casum cauit, in alterum actionem non habeat; quia et si ipse sensit de alio; tamen promissor non consensit de eo, cuius hic animus est, ut quæ minimum debeat, certe ut nihil debeat, nisi quod verbis comprehensum est, vsque adeo; ut orationem ambigam aduersus stipulantem semper interpretemur, nisi quid actum sit, constat, *l. stipulatio ista §. in stipulatione. l. quicquid, de verb. oblig. l. semper, de reg. iur.*

Ad L. Si pater. 4.

Imperator Alexander. A. Emiliano.

Si pater filium, quem in potestate habebat, sub conditione, quæ in ipsius potestate non erat, heredem scripsit, nec in defectum eius exheredauit: iure testatus non videtur. Cum autem trans mare & longe te agentem sub hac conditione heredem scriptum esse dicas, si in patria, quæ in provincia Mauritania erat, regressus fuisses, nec exheredatum te alleges, si in eum locum non redisses: manifestum est multis casibus non voluntariis, sed fortuitis euenire potuisse, ut eam implere non posses: & ideo adire hereditatem non prohiberis. PP. VI. Calend. Apr. Jul. 11. & Crisp. Coff. 225.

SUMMARI A.

- 1 Filius, qui est in potestate, an sub conditione institui possit? Distinguedo responderet sub num. 2. & 3.
- 2 Filio, qui in potestate est, sub ea conditione instituto, quæ in potestate eius non est, pater institutus decedit.
- 3 Quæstio, an ab hac lege sit discessum constitutionibus Iustiniani, late discutitur & negatiua defenditur.
- 4 Conditionum, quæ in potestate filii non sunt, tria genera.
- 5 Filio sub impossibili conditione instituto, & institutio & testamentum nullius est momenti.
- 6 Filio sub conditione possibili, quæ tota in casum conuertitur, institutio, inutilis est institutio.
- 7 Conditio collata in potestatem filii, non videtur omni ex parte in eius esse potestate, nisi statim possit incipere eam implere, quando velit.
- 8 Conditio in potestate filii posita qua fit.
- 9 Quod dicitur, filium non posse institui sub ea conditione, quæ in eius potestate non est, an sit perpetuum.
- 10 Nepotes & ceteri liberi an sub conditione institui possint.

Filius, qui in patris potestate est, iubetur heres institui, aut nominatim exheredari, idque in omne tempus; quod si neque institutus, neque exheredatus est etiam id dici possit factum esse in aliquam partem, placet testamentum nullum esse, *inf. de exher. lib. Inst.* Hinc quaesitum est: An filius qui in potestate est, possit institui sub conditione: Nam fieri potest, ut conditio deficiat, hæc deficiente filius reperitur non institutus esse, sed nec exheredatus est; nam de eo loquimur, qui non omnino sit exheredatus. Proinde in id tempus, eundemque casum præteritis videtur. De hac re placuit hæc distinctio veteribus, ut intersit, quænam sit conditio, sub qua est institutus. Sub ea quæ conditione, quæ in eius potestate est recte instituitur, ut siue pareat conditio sit heres ex testamento, siue non pareat; omnino non fit heres, neque ex testamento, neque ab intestato *l. 4. l. iam dubitatur. D. de her. instir.*

Sed hoc ius emendatum videtur constitutione Iustiniani, cui placuit intra legitimam filio herede instituto reici de institutione omnem conditionem, quæ ius filij imminuat; quæque hereditatem, aut onus inducat, *l. quoniam in prioribus, sup. de inoffic. testam.* Quare conditio noua constitutione Iustiniani postea confirmatur vna ex 50. decisionibus, *l. scimus, §. cum autem supra, de inoff. test.* Et hoc, ut

dixi vsque ad legitimam. Quod si ultra legitimam filius institutus erit sub ea conditione, quæ in eius potestate est, nihil mutat Iustiniani constitutio. Proinde exigemus à filio vt conditioni pareat. Sub ea verò conditione, quæ in eius potestate non est, filius institui non potest, ob causam, quam initio reddidimus, quod deficere conditio non potest, ita vt nihil imputetur filio, cur impleta non sit. Hac deficiente reperitur esse præteritus, quo fit, vt eo tanquam præterito res pertineat ad definitionem initio positam. Et ideo cum dicimus filium sub eiusmodi conditione institui non posse, hoc dicimus, si erit institutus, non inutilem esse conditionem, vt hac reiecta institutio valeat, sed inutilem esse institutionem, & tanquam eo præterito testamentum non valere, id quod cauetur hic. Idem significatur in *l. vlt. de cond. inst.*

4 Ergo conditione filio, qui in potestate est, sub ea conditione instituto, quæ in eius potestate non est, intestatus pater decedit. Est enim is intestatus non tantum, qui testamentum non facit, sed etiam qui iure non facit. Proinde filius heres erit patri, vt in hoc rescripto dicitur in fine sed non ex testamento, vt quidam putauerunt; quoniam testamentum nullum est, sed ab intestato, quoniã, vt dixi, intestatus pater decedit. Hic opponitur *l. 2. §. si sub cond. D. de poss. secun. tab.* Nam si filius sit sub quavis conditione institutus, illic scriptum est, eum statim petere posse bonorum possess. secundum tabulas, eamque possessionem necessariam esse emancipato. Respon. Recte sentiunt hi, qui eum locum, etiã indefinite scriptum accipiunt de filio emancipato, in cuius personam cadit, vt possit institui sub quavis conditione, ad filium familias non pertinet: Nã qui sub conditione inutiliter instituuntur, vt est filius, qui in potestate est, si bonorum possess. secundum tab. petere non possunt vt discrete traditum est in *l. hi demum de bon. poss. secun. tab.* non tantum efficeretur testamentum iure ciuili valere. Nam prætor dat bonorum possess. secundum tabulas. si 7. testium signis signatæ sint, & sit aliquis testamento institutus, etiam si mero iure testamentum non valeat, §. non tantum, *Inst. quib. mod. test. infirmantur.* Itaque hæc sententia prior manet de filiofam. instituto sub ea conditione, quæ in eius potestate est.

5 Quæritum est ¶ an ab hac lege discessum sit constitutionib. Iustinianis? Bartol. quæ alij certatim sequuntur postea, putauit ei iuri derogari, *leg. quemadmodum in priorib. supr. de inoff. test.* vbi discrete Iustinianus vsq; ad legitimam filij remouet conditionem institutioni filij adscriptam, neque distinguit de filio, aut conditione, vt videtur. Sed verba constitutionis aperte refragantur, ex quibus apparebit eos omnes, qui in hac sententia sunt, valde esse hallucinatos. Nam primum constitutio nominatim loquitur de his filiis, qui ex iure veteri querelam inofficiosi mouere potuerunt. Hæc verba aperte non pertinent ad filium, qui est in potestate, qui idem institutus est sub ea conditione, quæ in eius potestate non est; nã hie iure ciuili ab intestato heres fuit patri, ac proinde querelam mouere non potuit. Nam quoribus quis alio iure ad hereditatem peruenire potest, locus non est querelæ inofficiosi testamenti, §. *tam aulem, Inst. de inoff. test. am.*

Deinde in ea constitutione Iustinianus rejicit non omnes conditiones, sed eas, quibus minuuntur filij iura. Item eas, quibus dilatio aut onus inducitur. In hoc numero non est conditio, quæ in potestate filij non est, si sub ea conditione à patre non sit institutus. Hæc enim non imminuit filij ius; quia perinde est, quasi scripta non esset; & quia filius pro parte hereditaria, quam aliqui habere potuissent ex testamento, non totam hereditatem obtinet ab intestato; tamen inducit etiam dilationem ac onus, postquam hæc contenta statim viderit. Dilatio dubitari non potest, quin ea constitutione nihil in iure veteri superiore innouetur, cum filius familias institutus est à patre sub ea conditione, quæ in eius est potestate. Sed mouentur Bartolus & alij *l. scimus, §. cum autem, supr. eod. de inoff. test.* vbi proponitur extraneus aliquis heres institutus & rogatus cum morietur, restituere hereditatē filio testatoris. Hic hereditatem reliquit filio sub conditione; nihil enim interest vtrum dicat testator, cum morietur heres, an si morietur, *l. si Titio, D. quando dies leg. ced. l. centesimis, §. pen. de verb. obl. Eãdem etiam conditionē manifestum est non esse in potestate filij & tamen Iustin. eo loco interpretatur legem suam priorē, quomodo in prioribus constitutionibus, vbi ea conditio non expectatur vsq; ad legitimam filij, sed statim legitima portio reprobentur. In reliqua autē parte hereditatis expectetur mors heredis. Existimauit igitur Bartol. quod illic dicitur de fideicommissaria hereditate, restituenda, id etiã probandum esse in institutione, in quò ab illo vehementer erratum est. Nam filius sub ea conditione, quæ in*

eius potestate non est, institui nequit; quia lex vetat ita institui; vetat enim præteriri & ideo si sit institutus, institutio non valebit; quia cõtra legem facta est. At fideicommissum filio relinqui potest quouis modo, id est, & pure & sub conditione qualibet; quia lex non iubet fideicommissum relinqui filio, sed hoc relinquit in potestate testatoris, & ideo quocunq; modo restator fideicommissum reliquerit, iure valebit; quia nihil hic contra legem sit, siue hoc modo, siue illo relinquatur. Male igitur quod de fideicommissio illic dicitur, transfertur ad institutionem. Hoc amplius, vt intelligamus eam legem nullo modo obstare, nec ad hanc quæstionem pertinere, diligenter animaduertendum est, illic autem agi de filio emancipato, aut de filiofam. exheredato. Nã proponitur solus extraneus esse institutus, quod ex eo intelligitur; quia rogatur non partem hæreditatis, sed totã hereditatem restituere, quod fieri non potuit, nisi esset ex asse institutus. Necesse est igitur, si testamentum valere volumus in quò filius institutus non est, aut eum emancipatum, esse, aut filium familias exheredatum; nam emancipatos non est necesse heredes instituire; aut exheredare, §. emancipatos, *Inst. de exher. liber.* Filij familias recte exheredantur. Quod si neque exheredantur, neque instituuntur, testamentum nullum est, ac proinde nihil illic valet fideicommissum, *vis. Inst. de exher. liber. in pr. l. eam quam, infr. de fideicom.* Hoc si ita est, nihil constitutio ad hanc quæstionem pertinet; nam non agimus de filij emancipatis non agimus etiam de filijfam. qui sunt exheredati, sed qui sub conditione instituti sunt, quæ in eorũ potestate est. Quare manebit rara sententia, hæc etiam post constitutiones illas Iustiniani, si filiusfam. institutus sit sub conditione, quæ non est in potestate eius, nullum esse testamentum, proinde filium ab intestato patri statim heredem futurum.

Videndum nunc est, quæ sit conditio in potestate filij, quæ non sit. Et earum conditionum, quæ in filij potestate non sunt, sub quibus instituto filio testamentum nullum est, tria sunt genera. Aut enim conditio est impossibilis, aut possibilis, sed in euentu tota collata, aut ita collata in futurum & potestatem filij vt tamen non possit statim incipere eam implere, aut non possit eã implere sine longinquo itinere, aut summo periculo. Filio ¶ sub impossibili conditione instituto, singulare ius est, quod non rejicitur conditio, vt sic institutio propterea valeat, sed & institutio & testamentum nullius momenti est, siue conditio impossibilis sit natura, siue iure. Veluti, *filius meus heres esto, si cælum digito attigerit, vel si ex hoc loco cras Lugdunum peruenerit, si ab vxore disuererit, aut si liberis non aluerit.* Hic opponitur regula iuris, quæ efficitur in testamentis impossibiles conditiones vel institutiones vel legatis adscriptas, pro non adiectis haberi, & nihilominus legatũ valere; *l. 3. de cond. & dem. §. impossib. Inst. de her. inst. l. 1. l. conditiones, de cond. inst.* Intelligendum est, hoc dictum esse de ceterorũ omnium institutionib. & legatis, in institutionib. filijfam. locum non habere, differentiationem esse hanc; quia in ceteris liberum est, his aliquid relinquere, vel non liberum etiam conditionem impossibilem adijcere, ac proinde ea adiecta nihil nocere; quia in ea adijcienda nihil sit contra legem. At filiorum præteritio non est libera sed videtur pater instituire, nisi velit exheredare. Proinde vetatur instituire sub conditione, quæ in filij potestate non sit, ideoque quacunque conditionem adijcere, eiuſmodi institutio non valebit; quia contra legem facta est, & generaliter constitutum est de his, quæ contra leges fiunt, *l. non dubium, C. de legib.*

Sub secundo ¶ genere conditionis, quæ tota in casum confertur, nulla dubitatio est, quin instituto filiofam. inutilis sit institutio, ac propterea testamentũ: Veluti; *Filius heres esto, si nauis ex Asia venerit.* Nã semper constitit hanc conditionem rejici ex testamento. Sed etiã ¶ conditio collata erit in potestatem filij; tamen non videbitur omni ex parte in eius potestate esse; nisi statim possit incipere eam implere, quando velit, & idem sit institutus sub conditione, si in Alexandria venerit, nullum erit testamentum, si hyems ei obster, quominus possit nauigare, tamen si præterita hyeme peruenerit in Alexandria possit, *l. 4. §. puto, D. de her. inst. l. idē dicendum est, si statim possit incipere conditionē implere, sed res longum iter desideret, & impleri non possit sine periculo.* Veluti, si sit institutus filius sub hac conditione, *si in patriam Mauritaniam redierit,* cum longe abesset, quod est exemplum *h. l. 4. vel, si Titio dederit,* cum Titius peregre profectus esset, quod est exemplum *in l. 4. §. puto, de her. inst.* Ex his intelligi potest, ¶ conditionem in potestate filij eam esse, quam filius non aliquo tempore implere potest, sed quam statim incipere implere potest; nulla causa impediente, quo minus possit, & quã eandem sine molestia longinquã

quinquaginta & sine metu periculi implere potest, l. 4. §. puto. de hered. instit.

Quod dicitur filium non posse institui sub ea conditione, quæ in eius potestate non est, non est perpetuum, sed hanc exceptionem habet, nisi sub contraria conditione, seu in defectum conditionis sit exheredatus, ut hoc rescripto cautum est, & l. iam dubitari. de hered. instit. Quod ideo recipitur; quia cessat hic periculum præteritionis, propter quod superior institutio rejicitur, ut puta filius institutus est, si nauis ex Asia uenerit, quod si nauis non uenerit, exheres esse iussus est. In hac specie si conditio existit, institutus est, si deficit, exheredatus est, & ita neutro tempore præteritus est; quia utroque aut institutus, aut exheredatus est. Non obstat, quod dicitur, filium pure exheredatum esse, l. 3. §. pure. de lib. & post. Hoc enim semper cum hac exceptione accipiendum est, nisi sub contraria conditione sit institutus, ut hoc loco & similibus cauatur. Non obstat etiam, quod dicitur, filios certo iudicio ab herede remoueri debere, l. sed sub cond. D. de bon. poss. contr. tabul. Nihil enim vetat, quo minus pater iustas causas exheredationis habeat, propter quas certo iudicio exheredet filium; & tamen placeat patri filium sub conditione exheredare, in qua conditione etiam certum patris iudicium intelligitur, cum filium heredem sub contraria conditione instituit; tunc enim filium ab hereditate non remouet.

Expendenda autem sunt verba definitionis hoc loco positæ, quam supra exposuimus. Verba enim concepta sunt de filio, qui est in potestate patris. Vtrumque recte & consulto. De filio definitione concepta est; quia alia causa est nepotum, & deinceps ceterorum liberorum, de iis scriptum est in l. 6. §. 1. D. de hered. inst. hos institui posse sub quavis conditione aliter, atque filij, qui sunt in potestate. Et animaduertendum diligenter, illic agi de nepotibus, qui sunt in potestate aui, sic enim verba sunt: Nepotes autem & deinceps ceteri, qui institui non rumpunt testamentum. Quæ verba notant eos nepotes, qui ita demum non rumpunt, si sunt institui, id est, qui institui debeant, aut exheredari, alias rumpunt. Hi autem soli id faciunt, qui in potestate sunt aui, & qui filiis sublati in parentum suorum locum successerunt quasi agnoscendo, ut res explicatur in §. posthumorum, Instit. de exhered. lib. & l. 6. §. si autem, de in ius. rupt. Tantum abest autem, ut repugnent illa verba, quæ sequuntur in d. l. 6. §. 1. de hered. instit. licet redigantur nepotes ad filij conditionem, ut maxime hæc ipsa verba superiorem sententiam confirmant. Nam sic nepotes rediguntur ad filijfamilias conditionem, ut sicut filius, ita & ipsi institui, aut exheredari debeant.

Quid sibi igitur uult, quod Vlpianus ait, licet nepotes redigantur ad filij conditionem, si nepotes aliter institui possunt, quam filij? Respondeo: Ex verbis præcedentibus apparet, Vlpianum hoc sentire, licet ceteris in rebus, quæ in conditione, redigantur nepotes ad filij conditionem, id, ut dixi, ex præcedentibus liquet; quia prius Vlpianus conditionem excepit. Sed hic rursum occurrit: Nam si nepotes sub conditione instituuntur, deficiente conditione instituti non sunt. Nos autem illis non institutis, aut non exheredatis, dicimus æque nullius esse testamentum momenti, ac si filius esset præteritus, d. tit. de exher. lib. Instit. Respondeo, & hoc verissimum est, sic certum esse cæperit conditionem, sub qua nepotes instituti sunt, defecisse, sed priusquam defecerit, expectandum est, utrum existat, an deficiat conditio. Nam fieri potest, ut consistat, qua existente nepotes recte instituti reperiuntur. Et in hac re consistit discrimen inter nepotes & filium, qui sunt in potestate, quamuis omnes sub eadem conditione casuali instituti sunt.

Nam in nepotibus expectamus euentum rei, in filiis non spectamus euentum, sed quod euenire potest. Potest autem accidere natura, ut conditio casualis deficiat: ob hanc causam ex eo, quod euenire potest, placet filium in omnem euentum institutum non uideri, ac proinde præteritum. Sed cur non idem dicimus in nepotibus? Respond. quia plus in hac re tributum est filiis, quam nepotibus, ut olim ius fuisse certum est ex d. tit. de exher. lib. in princ. in illis uerbis; sed non ita. Quod ius in conditione mutatum non est. Præterea definitio huius loci concepta est de filio, qui est in potestate. Recte hoc quoque; quia emancipatos iure ciuili heredes instituere, aut exheredare necesse est, §. emancipatos, Instit. de exher. lib.

* *

Ad L. Reprehendenda. 5.

Imp. Valerian. & Galien. Maximo.

Reprehendenda tu magis es, quam mater tua; illa enim se heredem te sibi esse uellet: id quod est inutile, matrimonium te dirimere cum viro non iuberet. Tu porro uoluntatem eius diuortio comprobasti. Oportuerat autem, etsi conditio huiusmodi admitteretur, præferre lucro concordiam maritalem: Enim uero cum boni mores hac obseruari uidentur: sine ullo damno conuentionem retinere potuisti. Redi igitur ad maritum, sciens hereditatem matris, etiam si redieris, retineatur: quippe quam retineres, licet prorsus ab eo non recessisses. P. P. 12, Kal. Decem. Valeriano IV. & Gallieno III. A. A. Coss. 258.

S Y M M A R I A.

1. Conditiones turpes, & quæ contra bonos mores, item contra leges sunt, in testamento adiectæ, pro non scriptis habentur, & cur.
2. Exemplo hoc declaratur.
3. Verba hæc, non iuberet, quomodo intelligenda.

Conditiones turpes, & quæ contra bonos mores sunt, item contra leges, si in testamento adijciuntur institutioni, aut legato pro non scriptis habentur, l. conditiones 3. D. de cond. inst. Hoc ideo; quia sunt impossibiles, quæ enim factæ lædunt pietatē, estimationem, uerecundiam nostram, ea nec facere nos posse credendum est. ratio & sententiæ Papiniani est in l. si filius, D. de cond. inst. Huius generis conditio est, si uxor à marito diuerterit. Nam si secundum haturam est matrimonium, seu uiri & mulieris coniunctio indiuiduam uitæ consuetudinem retinens. §. nuptia, Inst. de pat. pot. est contra ius nature, ac proinde contra bonos mores à marito sine causa diuertere, eaque lex nature ualuit inter nationes semper. In populo autem Dei scimus hoc Dei præceptum esse, ne id fiat. Proinde si mulier à matre sub hac conditione instituta erit, nihilominus filio heres futura est, siue omnino non diuerterit à marito, siue aliquando diuerterit, & deinde ad maritum redierit ut hic cautum est.

Quid si diuerterendo conditioni paruierit? Resp. Erit etiam hoc casu heres, sed ita, ut sic magis reprehendenda sit, quam si conditioni non paruisset. Itaque cum filia in specie diuortio factæ, cõfuleret Imperatores an rediens ad maritum posset obtinere hereditatem, increpatur ab Imperatoribus, quod conditioni paruisset. Illa excusabat, quod diceret matrem fuisse in culpa, quæ talem conditionem induxisset, ex qua omne responsum huius rescripti sumptum est. Mater reprehendenda est, quod non debuit se sub conditione turpi & inciuili instituere, sed tamen magis est reprehendenda. Quid, quod mater uerbis tantum iussit, tu tuo facto comprobasti; diuertisti enim à marito, in quo duplex tuum peccatum est: Nam etiam si conditio superior admitteretur iure, id est, etiam si heres matris esse non potuisses, nisi conditioni paruisses; tamē oportebat re lucro præferre concordiam maritalem, id est, hereditatem repudiare potius, quam hanc turpitudinem in te admittere, ut à marito diuertas. Sed crescit in eo peccatum, quod nulla necessitas fuit parendi conditioni. Nam hæc conditio est contra bonos mores, quæ neglecta, etiam hereditatem potuisses obtinere. Redi igitur, inquit, ad maritum, sciens fore, ut nihilominus hereditatem matris obtineas.

In hoc rescripto uerba, quæ sunt in principio, animaduertenda sunt. Aiunt Imperatores: Si mater te heredem tibi esse uellet, non te à marito diuertere iuberet. Queritur, quomodo id dicant Imperatores, cum appareat contra, matrem uoluisse filiam sibi heredem esse, & præterea iussisse, ut à marito diuerteret. Respondeo, hæc uerba, Non iuberet, potenciali modo dicta sunt, pro non deberet iubere, siue non debuisset, ut sit sensus: Si mater te sibi heredem esse uellet, ut uoluit, non debebat iubere, ut à marito diuerteres; non enim debuit tibi hanc turpitudinem iniungere, & rationem reddunt Imperatores; quia hoc inutile est; sic enim uulgaris est lætitiæ & in omnibus libris recepta. Sed sententiæ loci necessario flagitat, ut legamus inciuile hac ratione; quia non est peccatum à matre, ideo quia iussit, quod est iure impossibile, id est, quod turpe est & contra bonos mores, ut inciuile usurpatur plerumque apud iuris auctores, l. si medicus, D. de extraord. cognis. l. ubi, §. pen. & vlt. D. quod met. caus.

Ad L. Generaliter. 6.

Imp. Valer. & Galien. A. ad Senatum.

Generaliter sancimus, si quis ita verba sua composuerit, ut edicat, si filius, vel filia intestatus, vel intestata, vel sine liberis, aut sine testamento, vel sine nuptiis decesserit: & ipse vel ipsa liberos susceperit, siue nuptias contraxerit, siue testamentum fecerit, firmiter res possideri, & non esse locum substitutioni eorum, vel restitutioni, &c.

S Y M M A R I A.

- 1. Conditionibus pluribus institutioni, aut legato adiectis, an omnes impleri oporteat.
- 2. Species huius legis, & Iustiniani in ea constitutio.
- 3. Ratio huius constitutionis.
- 4. Duo huius loci consecratoria.

Conditionem possibilem implendam esse diximus initio huius tit. & confirmatur in l. 1. 2. sup. Et hoc expeditum est, si vna conditio institutioni, aut legato adiecta est. Quid si plures sint adscriptæ, an omnes impleri oportet? De eo hæc est distinctio, si coniunctiue adscriptæ sint, omnes existere oportet, si distinctiue, sufficit vnam aliquam existisse, l. 5. de cond. instir. l. pen. de her. instir. l. si ita 12. q. de verb. obl. Hoc ius in pluribus conditionibus coniunctim adscriptis perpetuum est: In pluribus autem conditionibus distinctiue adscriptis, non item, l. nam hic interdum, D. de her. instir. In quo genere est exceptio huius loci, vbi instituens sub conditione, si sine liberis decesserit, & præterea alias condiciones distinctim, Iustinianus constituit non esse locum institutioni, nisi omnes condiciones existerint.

Et Iustinianus hanc speciem proponit: *Filius meus heres esto: Si intestatus decesserit, cum decesserit sine liberis, vel sine nuptiis, hereditatem restituat L. Titio.* Secundum verba locus esse debebat fideicommissio, etiamsi solum filius intestatus decessisset, quamuis suscepisset liberos, aut nuptias contraxisset: itemque de quavis alia conditione, quæ ex infra scriptis existisset, dicendum etiam erat. Nunc autem Iustinianus constituit, non aliter fideicommissum deberi, quam si coniunctim hæc omnia concurrant, vt filius & sine testamento, & sine nuptiis, & sine liberis decedat: ita vt si eorum aliquid ex his desit, non fit locus fideicommissi restitutioni, & hæc est summa constitutionis Iustiniani.

De hac parte autem Iustin. hanc habuit actionem, quod etiam si ceteræ omnes condiciones adscriptæ existissent, tamen pater semper voluit, hanc conditionem coniungi, si sine liberis decesserit. Nam si filius liberis suscepit, voluntas patris est, vt hereditas potius ad eius liberos pertineat, de quo dicitur in §. seq. Quod si testator in hac conditione, si filius sine liberis decesserit, voluit persistendum, aut pro coniunctione eam accipi, non potest exilimari aliter eam particulam accepisse in aliis conditionibus.

Ex quo colligimus duo, si testator filium negauerit post mortem suam, hereditatem restituere pluribus conditionibus distinctim adscriptis, inter quas non esset illa conditio, si sine liberis decessisset, semper secundum regul. iur. omnes iuris conditiones pro distinctis accipiendas esse, vt quæcunque ex his existerit, fit locus restitutioni. Alterum colligimus, si testator extraneum instituerit heredem, & rogauit eum hereditatem alij restituere, sub iisdem conditionibus, si heres intestatus decesserit, vel sine liberis, aut nuptiis decesserit: has quoque condiciones pro distinctis habendas esse; quia cessat coniectura potestatis in extraneo, propter quam coniunctio conditionum admittitur.

Ad §. ult.

Cum autem inuenimus excelsi ingenij Papinianum in huiusmodi casu, in quo pater filius suis substituit; nulla liberorum ex huius procreandorum adiectione habita, optimo intellectu disposuisse euanescere substitutionem, si is, qui substitutione prægrauatus est, pater efficiatur, si liberos susceperit, intelligentem non esse verisimile patrem, & de nepotibus cogitauerit, talem fecisse substitutionem, &c.

S Y M M A R I A.

- 1. Pater filio heredi instituto substitutus, aut simpliciter iubens heredi-

tatem post mortem restituere, semper intelligitur id sub hac fecisse conditione: Si filius sine liberis decesserit, ac proinde liberis susceptis, nec substitutioni, nec restitutioni locus est.

2. Duplex Iustiniani constitutio circa hanc materiam.

Cum pater filio heredi instituto substituit aliquem, si heres filius non erit, aut filium iubet hereditatem post mortem restituere, etsi verbis nullam conditionem adiciat; tamen intelligitur hæc conditio, si filius sine liberis decesserit. Proinde liberis ab eo susceptis nunquam restitutioni, neque substitutioni locus erit. Hoc verum est responsum Papin. quod exstat in l. cum auus. de cond. & dem. Confirmatur à Iustiniano in l. cum acutissimi. inf. de fideicom.

Hoc idem responsum confirmans Iustinianus hoc loco duo circa id constituit: Primo id produci ad filium naturalem. Constitat filium naturalem à patre institui heredem posse ex his partibus, de quibus cautum est in l. humanitatis. & Auth. licet, seq. sup. de nat. lib. Hoc modo institutus filius naturalis si rogetur hereditatem simpliciter restituere; tamen liberis susceptis non erit fideicommissio locus, non magis, quam si filius legitimus fuisset, qui rogatus est.

Alterum Iustinianus constituit hic, liberis à filio susceptis excludi substitutum, aut fideicommissarium, si liberi legitimi sint, id est, iustis nuptiis procreati, quibus verbis filij naturales excluduntur. Cui parti significatio verborum repugnare videtur; nam & multi loci sunt, quibus declaratur nominatim in hac conditione, si heres, aut legatarius sine liberis decesserit, omnes liberorum appellatione contineri. Proinde etiam naturalibus susceptis, deficere fideicommissum, l. Lucius. §. tamen. l. cum pater, §. volo, de leg. 2. l. heredu. §. ult. ad Treb.

Dicendum est aliam esse interpretationem huius conditionis, si heres sine liberis decesserit, cum conditio à testatore adiecta est; aliam in specie proposita. Nam cum agitur de conditione à testatore adscripta, & queritur, quid in ea fumerit testator, sequimur verbi significationem, nisi manifestum sit testatorem aliud sensisse, l. non aliter. in princ. de leg. 3. Liberorum autem appellatione significantur non tantum legitimi, sed etiam naturales, d. l. pen. de leg. 2. Proinde & naturales quoque ex voluntate testatoris hic intelligimus, vt conueniens sit his susceptis fideiulionem defecisse & hoc ita, nisi ex dignitate & consuetudine testatoris appareat testatorem auersatum esse omnes inhonestas consuetudines, & eos solos pro liberis habuisse, qui iusti essent, quo referri oportet sententiam Vlpiani in l. ex pacto. §. si quis rogatus, D. ad Treb.

At in specie proposita, cum filius simpliciter rogatus restituere hereditatem, vbi hæc conditio, si sine liberis decesserit, intelligitur ex mente legis & eorum, qui hanc conditionem intelligi voluerunt, non possumus intelligere filios naturales; quia in his ratio intelligendæ eius conditionis deficit. Nam cur hæc conditio intelligatur, hæc ratio fuit; quia non est verisimile testatorem voluisse alienas successiones propriis antepone, quæ ratio expressè est in d. l. cum acutissimi, inf. de fideicom.

Hæc autem ratio ad legitimos tantum filios pertinet, ad naturales non pertinet, quia soli legitimi filij perueniunt ad successionem patris & auj, naturales nullo modo perueniunt ab intestato, d. Auth. licet, sup. de nat. lib. Dantur quidem naturalibus liberis duæ vnciæ patre intestato mortuo, sed non velut heredibus, verum vt inde alantur, vt ibidem scriptum est.

Ad L. Si quis heredem. 7.

Imp. Valer. & Galien. Ioanni præfecto Prætorio.

Si quis heredem scripserit sub tali conditione, si ille conful factus fuerit, vel prætor: vel ita filiam suam instituerit heredem, si nupta fuerit: viuo autem testatore vel ille consul processerit, vel prætor fuerit factus, vel filia eius nupta fuerit, vel adhuc viuo testatore consulatum quidem, vel prætoriam ille deposuerit, filia autem eius à marito diuerterit: omni veterum dubitatione explosa sancimus, quandocumq; impleta fuerit conditio, siue viuo eo, siue mortis tempore, siue post mortem, conditionem videri esse completam, &c.

S V M M A R I A.

1. *Conditiones in euentum collata, quoadcumque exstiterint, pro impletis habentur.*
2. *In conditionibus in potestatem heredis collatis, quid aduertendum.*
3. *Conditiones potestatiuae, quae promissae, seu quouis tempore impleri possunt, non nisi post mortem testatoris recte impleri possunt.*
4. *Conditio, quae quouis tempore natura impleri non potest, eiusmodi est, vt recte & viuo testatore impleatur.*
5. *Ratio cur conditionum genera hic distinguantur.*
6. *Particula distinctiua, vel, in hac constitutione pro coniunctiua accipienda est.*

HOc loco attingitur, quod dictum ad leg. 2. sup. Etsi in exemplis conditionum, quae hic proponuntur, dicatur, eas & viuo testatore impleri posse & mortuo; non tamen sic accipiendum est, quasi ad omnes conditiones pertineat. Nam quaedam non nisi post mortem testatoris impleri possunt, l. 2. de cond. & demonstr. Vt igitur de reliquo, quando conditiones impleri possunt, videndum est, vtrum conditio in euentum collata sit, an in potestatem heredis, vel legatarij. Quae in euentum collatae sunt, quoadcumque exstiterint, pro impletis habentur, vt nihil interfit testatorem viuum, an mortuum esse, leg. 2. in pr. de cond. & demonstr. quod confirmatur & hac constitutione.

Non exigimus in his, vt sciat heres eas conditiones certe esse adscriptas, aut vt velit eas impleras esse; quoniam nihil in his in voluntatem heredis collatum, sed totum pendet ex euentu, proinde & solum euentum hic spectare debemus. Quod si in conditio in potestatem heredis collata sit, veluti si *io. dederit, vel si in Capitolium ascendit, si Seia Titio nupserit*: refert vtrum conditio per rerum naturam promissae, id est, indifferenter quouis tempore impleri possit, an vero non. Quouis tempore promissae impleri possunt naturaliter haec, si *io. dederit, si Capitolium ascendit*. Nam qui viuo testatore deicit & ascendit, idem si viuus & valet, potest dare & ascendere mortuo testatore.

Huius generis conditiones placet non nisi post mortem testatoris impleri posse, & ideo non videri impleuisse eum, qui viuo testatore dedit, aut ascendit, l. 2. in pr. de cond. & demonstr. l. si iam facta n. §. vlt. de cond. & demonstr. Quod praeter significationem verborum receptum est a veteribus, ex sententia testatoris, idque colligitur hac ratione. Nam cum testator contulit conditionem in potestatem heredis, simul contulit in eius voluntatem, vt veller conditioni parere. Non obtemperat autem conditioni, qui casu & fato facit, quod erat in conditione; sed is solum, qui iudicio facit, & eo animo, vt conditioni pareat, dict. l. 2. Non potest autem iudicio obtemperare conditioni, nisi qui scit conditionem esse testamentum insertam, & insertam certo & vtiliter. In totum enim, quae animi destinatione agenda sunt, non nisi vera & certa scientia perfici possunt, l. in totum, de reg. iur. Et haec tenus progreditur ratio d. l. 2. in fin. de cond. & demonstr. Adijciendum autem est non intelligi hereditatem, siue conditionem certo insertam viuo adhuc testatore, quantumvis interfuerit, cum testator nuncuparet testamentum, aut cum testamentum scriptum curaret recitandum; nam testator voluntatem mutare potest, vt ambulatoria est suprema voluntas, vsque ad vltimum vitae spiritum, l. 4. de adim. leg. Quo fit, vt tum solum intelligatur testamentum esse, & in testamento aliquid certo scriptum, cum testator decessit. Ex quibus efficitur, quod est propositum, conditiones propositas, in quibus implendis destinationem exigimus, non nisi post mortem testatoris impleri posse. Quod si in conditio quouis tempore natura impleri non potest, eiusmodi est, vt recte & testatore viuo impleatur, qualis est haec conditio: *Titia si Sempronio nupserit*, haec quamuis nubat viuo testatore; tamen conditio pro impleta habetur, l. hac conditio. 10. l. 1. §. vlt. l. conditionum. 91. de cond. & demonstr. Id quod hac constitutione item confirmatur.

Sed cum in hac conditio conferatur in potestatem Seiae, non minus, quam illa, si *io. dederit*, cur haec genera distinguimus? Respondet; quia si conditio commode quouis tempore impleri potest secundum naturam, haec voluntas est testatoris, vt impleat post mortem tantum eius; quia haec voluntas eius esse intelligitur, vt heres ei conditioni omnino obtemperet, quod fieri non potest, nisi post mortem testatoris, vt dictum. At cum conditio non potest semper impleri, sed vt plurimum semel tantum; hic rursus animus testatoris esse intelligitur, vt impleatur conditio, cum potest; quoniam vult eam impleri, non potest autem imple-

ri, nisi per opportunitatem & occasionem naturae. Talis est conditio haec, si *Seia nupserit*. Nam si expectamus mortem testatoris, vt nubat Seia, fieri potest, vt non nubat, vel quia Sempronius decedat, vel quia interim ducat aliam.

At qui haec eadem in veteri iure fuerunt; vnde quaeri potest, quid opus fuerit hac constitutione? Animaduertendum est non tantum hanc constitutionem pertinere ad confirmationem superioris iuris, sed praecipue ad hoc, vt haec particula adiciatur iuri veteri, nempe in his conditionibus, quae viuo testatore impleri possunt, probandum esse ita eas conditiones tunc impletas vere pro impletis haberi, vt nihil referat, vtrum implementum non perleuerit. Proinde ex his conditionibus, si *Titius consul factus fuerit: si factus fuerit praetor: si Titio Seia nupserit*: intelliguntur exstitisse conditiones, cum ille consul factus fuerit, aut praetor viuo testatore, aut Seia viuo testatore nupserit, & adhuc testatore viuo, vel ille consulatum, aut praetoratum deposuerit, aut haec impleta esse defierit. Et ideo in illis verbis, quae leguntur in hac constitutione: *Vel adhuc viuo testatore*, distinctiua particula, vel, pro coniunctiua accipienda est, vt alias saepe in vltu iuris, l. saepe. ff. de verb. sign.

Ad L. penult. Si testamentum.

Impp. Valer. & Galien. A. Ioanni praefecto Praetorio.

Si testamentum ita scriptum inueniatur: Ille heres esto secundum conditiones infra scriptas: Siquidem nihil est adiectum, neque aliqua conditio in testamento posita est, superuacua esse conditionum pollicitationem sancimus, & testamentum puram habere institutionem. Et argumento utimur, quod Papinianus respondit: vicos Reipublicae relictos, qui proprios fines habebant, non ideo ex fideicommissis minus debentur, quod testator fines eorum & certaminis formam, quod celebrari singulis annis voluit, &c.

S V M M A R I A.

1. *Institutio haec, Titius haeres esto secundum conditiones infra scriptas, conditionibus nullis adscriptis, valet & pura est: conditio postea adiecta, conditionalis habetur, & nu. 3.*
2. *Obiectiones, quae contra adferri poterant, refelluntur.*

HAEC institutio, si *Titius heres esto, secundum conditiones infra scriptas*, etiam nullis conditionibus adscriptis valet, & qui institutus est heres, erit quasi pure institutus. In hanc tamen sententiam haec dicuntur. Primum non valet institutio, eoque; nec testamentum, vbi institutio imperfecta est, id est, vbi institutioni testator aliquid adicere voluit, nec adiecit. l. si uis, qui testam. D. qui testam. fac. pos. In institutione autem hac proposita testator conditionem adicere voluit, nec adiecit, proinde imperfecta institutio, eoque; testamentum. Resp. Falsum est testatorem in hac institutione voluisse conditionem adicere; imo quia non adiecit, ideo certe colligitur, eum adicere noluisse. Noluit igitur cor ergo conditionum facit mentionem in institutione? Respondet; quia constituerat deliberare, an postea conditionem adiceret, nec ne, cum non adiecerit, apparet propositum prius omisisse.

Deinde obiicitur, l. quoties. §. tunc eundem. D. de hered. Instit. vbi ita scribitur, si testator conditionem adicere destinans, non adiecerit, heredem pro non instituto haberi, quae sententia Marcelli est, quam nominatim postea probat Vlpianus. Respond. Nihil est verius hac sententia; si modo testator conditionem adicere destinavit, vt illic scriptum est, sed prius constare oportet, illum hoc voluisse, vt dilerte scribitur in d. l. si uis, qui test. D. qui testam. fac. pos. Nos autem hic dicimus ex his verbis secundum conditiones supra scriptas, non colligi testatorem omnimodo conditionem adicere, quam non adiecit, voluisse. Postremo dici potest institutionem propositam ideo nullius esse momenti; quia sit sub conditione, quae conditio defecerit. Nam haec verba, secundum conditiones infra scriptas, hoc significant, secundum conditiones, quas infra scribam. Haec autem oratio, quas infra scribam, conditionem habet, leg. 6. de leg. 1. Respondet; non ideo recte colligitur hanc institutionem conditionalem esse. Nam haec conditio, si conditiones infra scribam, non adiecit institutioni, sed conditioni adiecit. Hoc dicere intelligitur testator: *Titius heres mihi esto, sub conditione, seu hac lege,*

lege, si conditionem infra scribam. vnde colligitur si conditionem infra non scribam, heres esto sine conditione. Nam quoties aliquid fieri iubetur sub conditione, sub contraria conditione non iuberi intelligitur, l. quib. diabus. §. quidam Titio, de condit. & demonst. Quæ ratio euidenter sufficiebat, vt probaretur nullis conditionibus infra adscriptis institutionem propositam puram esse, non conditionalem.

Maluit tamen Tribonianus ad hanc institutionem confirmandam vti responso & argumento Papiniani, quod subiicit, quod totidem verbis exstat *ml. cum pater, §. vlt. de l. 2.* cum testator vicos legauit, & adiecit, *se fines vicorum postea monstraturum.* nam etiam his finibus non demonstratis, placet vicos deberi. Sed verendum est, ne non hæc institutio posita cum legato illo recte comparetur. Nam hæc oratio, *quos fines postea demonstrabo.* nullam habet conditionem, sed tantum demonstrationem. Hæc autem verba *Secundum conditiones infra scriptas,* conditionem, quam dixi, continent. Itaque tutius erit hanc institutionem superiori ratione defendere.

3 Vt autem † in hac institutione, si conditio nulla infra scripta est valet, institutio, & pura est: Ita quacunq; parte testamenti postea conditio adscripta est, institutio habetur conditionalis non secus, quam si in ipsa institutione conditio expressa & adiecta esset. Vt puta testator in principio testamenti sic scribit; *Titius mihi heres esto secundum conditiones infra scriptas;* Deinde in extremo dixit; *Conditio, de qua initio dixi, hanc esse volo, si nauis ex Asia, &c.* Dicitur institutionem Titij perinde accipiendam, quasi testator initio dixisset ita coniunctim: *Titius heres esto, si nauis ex Asia venerit.* At quod constituendum visum est opus fuisse hac constitutione; quia dici potest. Institutionem hoc modo scriptam puram esse, non conditionalem, vt dixi. Nam in principio institutio conditionem non habuit, in extremo conditio adiecta est, sed nulla institutio. quo fit, vt neutra parte videatur conditionalis esse institutio.

Sed hæc recte dicuntur, cum institutio & conditio separatur, cum autem coniunguntur, necesse est institutionem conditionalem videri. Constituit autem Iustinianus hæc coniungi oportere, quasi eodem loco scripta essent, quod non constituit ea ratione, quæ redditur ab Accursio; quia quæ in continenti fiunt, ea inesse intelligitur. Nam si testator ita scripserit: *Titius heres esto secundum conditiones, quas codicillis adscribam:* Deinde multo post tempore conditionem adscribat, videbitur à principio fuisse conditionalis institutio testamento adscripta, l. *asse de her. inst.* Sed hæc ratio est, quod in qua parte aliquid demonstratur ex eo, quod postea euenturum est, quando cunq; euenerit, iam in principio expressum fuisse, in ea parte videri. Puta testator in testamento scripsit: *Is mihi heres esto, quem codicillis scribam:* His verbis statim Titius heres instituitur & demonstratus intelligitur, quando cunq; etiam in codicillis postea scribat. d. l. *asse de her. inst.*

Ad L. vlt.

Imp. Valer. & Galien. A. Iohanni PP.

Cum quidam prægnantem habens coniugem, scripsit heredem ipsam quidæ suam uxorem ex parte, ventræ vero ex alia parte, & adiecit, si non posthumus natus fuerit, alium sibi heredem esse, posthumus autem natus impubes decessit: dubitabat, quid iuris sit, tam Vlpiano, quam Papiniano viris discretissimis voluntatis esse questionem scribentibus, cum opinabatur Papinianus eundem testatorem voluisse posthumo nato, & impubere defuncto matrem magis ad eius venire successionem quam substitutum, &c.

S Y M M A R I A.

- 1 Quoties pater filio impuberi in alterum casum substituit, simul in vtrumque substituisse videtur.
- 2 Species huius legis plenius declaratur, & quid iuris in ea sit, deciditur.

Cum pater filio impuberi substituit Titium in hunc casum, si filius posthumus natus non erit, id est, si filius heres non erit, quamuis filius nascatur & heres existat patri: Si deinde intra pubertatem decedat, pure & vulgariter institutus nihilominus admitteret ex constitutione D. Marcelli. Quæ efficitur: Quoties † pater filio impuberi in alterum casum substituit simul in vtrumq; casum substituisse videtur, siue filius heres fuerit, siue nō, & intra

pubertatem decesserit, *liam hoc iure 4. de vulg. & pupil.* de qua cōstitutione dicitur suo loco tit. sequenti. Hinc dubitatio orta verteribus in specie proposita: Testator, qui uxorem prægnantem habebat, uxorem heredem instituit ex parte, ventræ, id est, qui in vtero est, filium, instituit in reliqua parte. Hanc filio Titium in hunc casum substituit, id est, in hanc conditionem, *si posthumus natus non esset,* id est heres omnino nō esset; nam non potest heres esse, qui omnino non est in rerum natura. Deinde posthumus natus est, & iure ipso patri heres existit, ac deinde intra pubertatem decessit. De eius hereditate queritur inter matrem & substitutum, substituto ex substitutione hereditatem sibi vendicante: matre autem sibi vendicante legitimam filij ex Senatusconsulto Trebelliano.

Questio in eo est, vtrum substitutus in hunc casum substitutus sit, si impubes heres erit, & intra pubertatis tempus decesserit. Nā si est substitutus, iure admitretur: quoniam pater filio in hunc casum potest substituere; adire poterit, tam diu ab intestato legitimus non decesserit, *l. quam diu, de acquir. hered.* Rursum si Titius in hunc casum alterum substitutus non est, impubes decessit intestatus. Intestatorum liberorum hereditas ad matrem pertinet, vbi neq; est pater, neque descendens, *Inst. de Senatusconsulto Orphis.* Hic si superiorem regulam constitutionis sequimur. Titius in vnum casum substitutus, etiam in vtrumque casum substitutus intelligitur, eoque admittetur exclusa matre.

Sed hæc sententia non placuit; visum est Papiniano & Vlpiano, matrem potius in proposito admitti debere, si modo heres esset instituta cum filio: sed hæc dubitanter dicebant. Iustinianus hæc duo effecit, eorum dubitationem sustulit, & sententiam certam effecit. Alterum, admitti matrem excludere substitutum aduersus tacitam pupillarem, siue heres instituta esset, siue non. Vt vero obster constitutio superior, & quamobrem placuerit hunc casum excipi, dicitur suo loco ad l. *precibus in seq. et.*

AD TIT. XXVI. COD. DE IMPVBERUM & ALIIS SUBSTITUTIONIBUS.

S Y M M A R I A.

- 1 Ratio ordinis & tractandi modus.
- 2 Substituere q. proprie significet, & quomodo hoc loco accipiat. m. 3.
- 4 Fideicommissarius heres proprie substitutus non est & num. 29.
- 5 Substitutio secundæ heredis in substituto dicitur.
- 6 Institui & substitui qui dicantur, & quomodo in vsu iuris distinguantur.
- 7 Vocabulum, Institutionis, & generale & speciale est.
- 8 Gradus vocabulum quid iuris auctorib. significet, & cur hic vsurpetur & num. 10.
- 9 Primus & secundus locus heredum quomodo accipiat, & qui sit primus, quis secundus heres. & n. 11.
- 12 Heres primus quor. modis dicatur deficiere.
- 13 Substitutionum genera quot. & num. 30.
- 14 Conditiones substitutionum in vsu iuris casus appellantur, & cur: hinc quidam in primum casum, quidam in secundum dicuntur substitui. & num. 15. 16. 17.
- 15 Casus in substitutionibus duo tantum sunt.
- 19 Quis dicatur primus, quis secundus casus.
- 20 An vt natura, sic etiam iure in vtrumque casum substituere liceat, vt valeat substitutio. & num. 22.
- 21 Vulgaris substitutio vnde dicatur.
- 23 Substitutio impuberum, vel pupillaris vnde dicitur, & qua in eadem requirantur?
- 24 Substitutio pupillaris quomodo à vulgari differat.
- 25 Tertium substitutionis genus, que vulgo exemplaris, à Diareno quasi pupillaris, & hic substitutio mente capti vocatur.
- 26 In plurib. personis heredem in secundum casum substituere, iure dicitur non licet.
- 27 Directe substitui quis dicatur.
- 28 Oblique substituere quid sit.
- 31 Directa substitutio qua, & quotuplex.
- 33 Vulgaris substitutio qua.
- 32 Non vulgaris qua, & quotuplex.
- 34 Fideicommissoria substitutio quibus permessa sit.
- 35 Cetera substitutionum genera ab interpretibus addita, vt sunt substitutio compendiosa & breuiuolua, improbantur.

VT licet heredes instituere testamento; ita his & substituere, non tantum secundo gradu, sed tertio, quarto, quinto, & in infinitum, *l. 36. post. de vulg. & pupil. subst. ut. de vulg. Institut. in pr. l. 1. verbi legis. 120. de verb. sig.* Ex quo post institutiones heredum, recte agitur de substitutionibus heredum, in quo explicando prius de verbo dicemus, deinde de iure, quod sic constituitur.

Substituere ¶ Latinis est in locum aliarum rerum deficientiū, vel inutilium, alia submittere & subrogare, vt cum dicimus fructuarium in locum de mortuorum capitum alia substituere debere, & ita gregem supplere, *l. 1. verus 68. in fin. & l. seq. de usufruct.* Vallet hæc ipsa significatio, cum heredes substitui posse dicimus. Est enim ¶ substituere in locum primi deficientis vel heredis, vel exheredati alium heredē instituere. Recte instituere: nam & substitutio institutio est heredis, vt vbiq; heres non instituitur, ibi intelligendum sit, nec substitutione esse. Quam ob ¶ causam fideicommissarius heres proprie nō est substitutus: nam proprie non est heres is, cui restituitur ex fideicommissio hereditas, §. *restituta. Inst. de fid. her.* Hinc substitutio ¶ dicitur a iuris auctoribus secundi heredis institutio, *lex facta. 43. §. Lucius. de vulg. & pupil.* Et cum quis heres institutus effect sub conditione, si testatorem institueret, placuit videri heredem conditioni paruisse, si testatorem in quouis gradu institueret, id est, etiam si substitueret vel secundo, vel tertio gradu. Et ¶ tamen in vsu iuris distinguuntur instituti a substitutis, non vt genus a specie, sed vt species contraria.

Nam instituti dicuntur, qui instituti sunt primo gradu: substituti autē secundo gradu instituti sunt, *l. 1. de vulg. & pupil.* Et passim hic vsus loquendi occurret in argumento heredum institutorum & substitutorum. Sed hæc contraria non sunt. Nam ¶ institutio dicitur & generaliter & specialiter. Generaliter instituere est heredem scribere, aut nuncupare, quocunq; gradu id facias, id est, etiā si substituas quarto, vel quinto loco. Vt enim in scrip- tione inest simplex verbū *scriptio*; sic in substitutione inest semper institutio. Sed cum hæc coniunguntur, instituti & substituti, tunc institutos proprie intelligimus eos, qui primo gradu instituti sunt. Sic vsus est adoptionis *m. l. 1. & 2. ff. de adopt. sic cognationis, sic agnationis in l. non facile. §. cognationis. l. iure consul. §. 1. de grad. & affir. sic actōnis in l. pecunia. 17. §. actionis. ff. de verb. signific.*

Sed substituere est alium heredem instituere, sic non omnis institutio, substitutio est, sed tunc demum, cum quis instituitur in locum alterius deficientis, qui vel sit a testatore prius institutus, vel exheredatus. Quod de exheredato dixi, ideo dixi; quod pater filio impuberi, quem in potestate habet, substituere potest heredem, non tantum instituto, sed etiam exheredato, de quo postea, id autem an ita sit; quoniam aperte certis locis expressum non est danda est opera, vt ex ijs, quæ a veterib. hac de re scripta sunt, confirmetur. Exstat autem in *d. l. 1. de vulg.* hæc definitio institutorum & substitutorum, vt instituti sint primo gradu, substituti autem, qui secundo, vel tertio, vel deinceps instituti sunt. Gradum ¶ vocat iuris auctores locum, quo heres institutus est vt eo loco succedat. Is primo gradu institutus est, qui primo loco. Is secundo gradu, qui institutus est secundo loco, & sic deinceps, vt hoc verum explicat Vlpianus *l. 2. §. defertur. ff. de bon. poss. secundū tab.*

Sed primum ¶ & secundum locum heredum accipere debemus non ex ordine scripturæ, sed ex ordine successione, vt intelligatur esse institutus secundo loco is, non qui secundo loco scriptus est, sed qui ita institutus est nominatim vt secundo loco succedat post heredem primo scriptum. Nam fieri potest, vt quisquam secundo loco scribatur, qui tamen institutus erit, vt in hoc exemplo: *Primus ex semisse heres esto, secundus ex quadrante heres esto, tertius ex quadrante heres esto* Hic secundus & tertius q̄ amittit ordine scripturæ secundo & tertio loco scripti sunt; tamen pariter cum primo heredes instituti intelliguntur, *l. si quis heredes. 14. cum 1. seq. de hered. instit.* scilicet quia non sunt ita instituti, vt succedant post primum, sed simpliciter instituti. E conuerso potest quis primo loco scriptus esse heres; qui tamen substitutus erit, non institutus, vt in hoc exemplo: *Titius heres esto, si secundus heres non erit.* Hic secundus quamuis postea scriptus tamen institutus est: Titius quamuis scriptus primo loco, tamen est substitutus *l. si quis ita. 28. de her. instit.* nempe ob id; quia Titius nominatim ita institutus est, vt heres esset post secundum.

Adid ¶ significandum appositissime iuris auctores vsi sunt verbo *gradus*, vt dicerent institutum esse, qui primo gradu institutus esset, substitutum, qui esset institutus secundo gradu. Vt autem in gradibus primus quisq; gradus nobis occurrat, nec ad secundum perueniat, nisi post primum, nec ad tertium

nisi post primum & secundum, sic institutus & substitutus. Hic est ordo progressionis, vt primo deferatur hereditas institutis; deinde ijs deficientibus deferatur substituto, nec vnquam locus sit substituto nisi instituto excluso, *l. quamdiu institutus. 69. de acquir. her.* Ex hoc ordine successione institutorum & substitutorum heredum hæc appellationes veteribus natae sunt. Nam ¶ heres institutus dicitur primus heres: substitutus autem dicitur secundus heres, vt intelligatur is, qui ita institutus est, vt secundo loco succedat.

Occurrunt hæc voces in *l. precibus. infr. h. l. si posthumus. vers. nam & cum. ff. de liber. & posth.* sicque primi & secundi heredis nomē usurpatur a Cicerone, cum alibi, tum præcipue in Topicis. Inde substitutio dicta secundi heredis institutio, vt supra dixi, *lex facta. §. Lucius. ff. de vulg.* Pro ijs Caius in *fragmentis Institutionum lib. 2. de subst.* substitutionem vocat secundi heredis appellationem. Quæ si recte dicta sunt a veteribus, non errauit Accursius in *princ. titul. de vulg.* cum substitutionem dixit secundam institutionem. Nam secundi heredis institutio & secunda institutio coniugata sunt. Substitutus autem est secundus heres, proinde huius heredis institutio est secunda institutio; neq; eo moueri debemus, quod dicitur, heredem substitui posse non tantum secundo loco, sed etiam tertio, quarto, quinto & in infinitum, *l. 1. & l. potest. de vulg.* Nam qui quinto loco substitutus est, si conferatur cum primo, ex ordine scripturæ recte dicitur quinto loco institutus, non autē secundo: sed si conferatur cum proximo herede, id est, quarto, vel alio, cui deferatur hereditas, ceteris heredibus prioribus deficientibus, non potest dici, nisi secundo loco institutus & secundus heres; quia prior heres, cui soli deferatur hereditas, incipit solus esse heres institutus, vt pote ceteris omnibus exclusis. Quam rationem secuti veteres, non aliter substitutorum omnes appellauerunt, quam secundum heredem.

Hic autem intelligitur heres institui, ita vt secundo loco succedat post primum, cum nominatim instituitur in primi deficientis locum, id est cum instituitur sub conditione, si primus defecerit, si primus remotos erit. Proinde, vt propositum est, vere definitimus initio substituere heredem, esse in primimi heredis deficientis locum alium heredem, vt heredem instituere. Deficit ¶ autem primus heres dupliciter, vel quod heres non existit, vel quod heres sit, sed postea moritur, atque ita heres natura esse definit. Vnde intelligimus, ¶ substitutionem totidem esse genera, vt vel substituat quis sub conditione, si primus heres institutus heres non erit: vel vt substituat sub altera sequenti conditione, si primus heres institutus heres erit, & deinde defecerit. Quæ conditiones norantur & comprehenduntur in substitutione impuberum, *l. 1. de vulg. & pupil. subst. in pr.*

Hæc duæ ¶ conditiones substitutionum in vsu iuris appellatur casus, in quos quis heres substituitur. Vt is qui substituitur, si primus heres non erit, dicitur in primum casum ¶ substitutus, vt sit sensus in primum casum sum substitutionum, id est, in primam conditionem, sub qua heredes substituantur. Is autem, qui ¶ substituitur sub hac conditione, si primus heres erit, & postea defecerit, dicitur substitui in alterum casum, in quæ heredes substitui solent. Sic vocantur passim hæc conditione, præcipue in *l. precibus. infra. h. & in l. 4. ff. de vulg. & pupil.* Et ¶ recte hæc conditiones vocantur casus: nam conditio nihil aliud est, nisi euentus & casus in quem aliquid differtur, vt definitur in *§. sub conditione in Insti. de verb. oblig.* Sunt ¶ autem hi casus in substitutionibus tantum duo, vt consequens sit substitutionum non plura esse genera summa.

Id docet primum natura: nam si substituere est surrogare in locum deficientis heredis; consequens est, non plures esse posse conditiones substitutionis, quam iurascriptas duas; quoniā non deficit heres institutus, nisi vel quia heres non est, vel quia cum heres esse cœperit, postea definit. Id etiam manifesti loci iuris confirmant. Nam in *l. precibus* nominantur tantum substitutionis duo casus, primus & secundus. Sed euidentius id declaratur in *d. l. 4. de vulg.* vbi casus substitutionū nominantur vnus & alter, quod verbum posterius uō usurpatur, nisi de duob. Quomodo autem de numero horum casuum hoc tenendum est, duos tantū esse: sic & ¶ illud obseruandum de ordine horum casuum: In vsu iuris priorem illum; Si primus heres non erit; dici primum casum substitutionum; illum autem alterum; Si primus heres erit, & postea defecerit, dici secundum casum, siue sequentem. *d. l. precibus. infr. l. Lucius. de vulg.* id quæ duabus de causis. Vel quia ille casus: Si primus heres non erit, primo receptus est iure, alter autem longe post cœpit recipi, non iure scripto, sed moribus, *l. 2. de vulg.*

Vel quod est verius; quia cum hi duo casus coniunguntur in substitutione impuberum, id est, cum quis substituitur impuberi; si impubes non erit, siue heres erit, & intra pubertatem decesserit. Ordo id exigit, ut prius quaeratur, an sit heres, nec ne; quoniam si heres non erit, inepte quaeritur, an postea desinat. Quod si heres erit, tunc quaerendum est, an postea decedat, atque ita heres esse desinat. Ex quibus, ut dixi, apparet, & quid sit substituere heredes, & quibus conditionibus substituantur, & ex iisdem conditionibus, quae sunt genera substitutionum natura. Haec de nomine substitutionis dicta sunt, de qua re huic verbo subiecta. Nunc de iure substitutionis videndum est.

- 20 Est autem ¶ de iure substitutionum haec quaestio an quemadmodum natura licet substituere in vtrumque; superiorem casum quo etiam licet iure, vt substitutio valeat: Et placuit non licere, de quo ita ius est. In priorem casum: Si primus heres non erit licet prioribus institutis, alios, quos velint, & quot velint, heredes instituere, l. potest. ff. de vulg. & pupill. Inst. de vulg. in pr. Hic casus à iuris auctoribus vulgaris dicitur, & qui substituitur in hunc casum, 21 dicitur substitui vulgari nomine, l. 4. ff. de vulg. Vnde ¶ & substitutio ipsa vulgaris dicitur, §. fin. autem. Inst. de pupill. & tot. tit. in ff. Appellatio hinc nata, non quod vulgaris substitutio sit directa, vt quidam hoc loco imperitissime scripserunt; nam & pupillaris directa est, l. post aditam. infr. b. vbi dicitur; quae tamen nihil minus est, quam vulgaris, sed nata est ex eo, quod substitutio in hunc casum: Si primus heres non erit; omnibus iure permittitur, vt sit in vsu omnium vulgarium; quomodo vulgares actiones, & vulgaris actionum nomina dicuntur vsitata, l. 1. & 2. de praescript. verbis. Quo nomine ita appellatur hoc genus substitutionis, vt distinguatur à pupillari & similibus, quae fiunt in secundum, quae non omnibus permittuntur, sed paucis & certis personis, vt postea patebit. Ergo ¶ in secundum casum; Si primus heres erit, & postea decesserit; iure ciuili, id est, leg. 12. tabularum, nulli licet heredem substituere, ac ne patri quidem, vt filio impuberi alium heredem substituat in secundum casum; Si impubes heres erit, & intra pubertatem decesserit. Quod ex eo intelligimus, quod de hoc genere substitutionis postea introductum est moribus, l. 2. ff. de vulg. & pupill. Inst. in pr. b.

Hoc ius sumtum est ex leg. 12. tabularum, quae ita facit potestatem heredis instituendi & substituendi si quis instituit suis bonis; non alienis, his verbis: Vt quisque rei suae legasset, &c. l. verbis leg. de verb. sig. l. estandi. sup. de testam. Hinc sic recte collectum est à veteribus. Licet heredem substituere suis bonis, alienis non licet. At cum quis substituitur à testatore in hunc casum: Si primus heres institutus non erit, substituitur instituitur bonis testatoris, cum autem substituitur in hunc casum, Si heres institutus heres existerit, ac postea decesserit, substituitur in bonis heredis, non testatoris, tit. de pupill. in pr. vers. quo casu. Proinde in priorem casum substituere licet, in alterum sequentem iure non licet. Sed hoc ius postea in quibusdam personis remissum est.

- Ac primum moribus populi Romani obtinuit, id est, vsu & consuetudine, vt parentes filijs suis impuberibus, quos in potestate habent, substituere heredem possint, in hunc casum; Si impubes heres erit, & intra pubertatem decesserit, d. l. 2. in pr. ff. de vulg. & 23 Inst. h. in pr. Haec ¶ substitutio ex re dicta est substitutio impuberis; quia esset impuberum propria, vt quibus satis posset parès in secundum hunc casum substituere, §. fin. autem. in fin. Inst. de pupill. subst. l. sed si plures. §. ad substit. ff. de vulg. Vnde in scriptio huius tituli, de impuberum & alius substitutionibus, vt sic de pupillari substitutione & alijs generibus substitutionum admoneremur. Haec eadem magis proprio vocabulo appellatur substitutio pupillaris, d. l. 2. & l. seq. de vulg. & pupill. Ita dicta, quia pupillus est is impubes, qui sui iuris esse cepit, vel morte patris, vel emancipatione, l. pupillus. de verb. sig. In hoc autem solum tempus conferretur substitutio pupillaris, cum impubes sui iuris erit post mortem patris. Substituitur enim in hunc casum: Si heres erit. Non potest heres patri esse, nisi defuncto; ac proinde nisi tunc, cum sui iuris erit factus, morte patris.

- 24 Obseruandum est ¶ autem, cum in hac substitutione tria haec exiguntur, vt sit parens, qui substituit, vt sit impubes is, cui substituitur, & praeterea, vt sit in potestate patris, satis confirmari his, quae supra diximus, hanc substitutionem non esse vulgarem, vt pote extraneo nulli permittatur, & quae parenti ne quidem permittatur, vt substituat liberis emancipatis, aut substituat post pubertatem. Quae omnia contra quam permittantur in substitutione, quae fit in priorem casum non existentium heredum, apparet merito vulgarem substitutionem eam dici, quae ita in vulg. & in omnes

passim recepta sit. Haec substitutio pupillaris, de qua dicimus, primo sola recepta est; vnde non plura genera substitutionum apud veteres fuerunt cognita, quam haec duo, vulgaris & pupillaris substitutio. Vnde titulus de vulgari & pupillari, & duo illi separati in Inst. vnus de vulgari, alter de pupillari substitutione. Confirmitur in fragmentis Caij lib. 2. Inst. tit. de subst.

Postea ¶ autem constitutione receptum est, vt liceret parenti, etiam post pubertatem, in secundum superiore casum heredem substituere filio furioso, seu mente capto, si in ea alienatione mentis decessisset, de quo exstat Iustiniani constitutio in l. humanitatis. inf. Cuius summa exponitur in §. qua ratione. Inst. de pup. subst. Hanc vulgo exemplarem vocant; quia in d. §. qua ratione. Iustinianus scribit, hanc se introduxisse ad exemplum pupillaris substitutionis.

Sed hoc verbum nobis repudiandum est. Primo; quia est contra consuetudinem iuris auctorum, ac non tantum barbarum; deinde quaecumque hoc verbum sit, etiam Latinum esset, tam est ad id, de quo quaeritur, explicandum inutile. Cum enim exemplarem substitutionem dico, dubium relinquo, & cui substitutio fiat, & à quo & in quem casum, vt nihil hic plus explicem, quam si nihil dixerò. Verba autem rebus consequentia esse oportet, vt bene monet Iustinianus in §. est & aliud. Inst. de donat. Duarenius quasi pupillarem vocat lib. 2. disp. cap. 2. Sed ne hoc quidem satis rem explicat. Commode igitur substitutionem, quae fit impuberi, eiusque propria est, appellamus substitutionem impuberis. Sic eam, quae fit mente capto & furioso, dicimus eadem ratione substitutionem mente capti, vel furiosi, idque ad rem, quam volumus, intelligendam accommodatissimum.

In pluribus personis ¶ substituere heredem in secundum casum nulli licet, si de iure directo & communi quaeritur, de quo nunc agitur, cum tractatur de heredum institutionibus & substitutionibus. Dixi iure directo, quia oblique & per fideicommissum etiam in hunc secundum casum quibuslibet heredibus à nobis institutis licet alios substituere. Directe dicitur ¶ heres substitui, cum testator substituit his verbis, aut aliis idem significantibus: Si primus heres non erit, secundus heres esto. Quibus verbis heredem substitutum, heredem esse interest, ita vt hereditatem à testatore recte capiat, §. in primis. Inst. de fid. her. Obliquè ¶ autem idem facit testator, cum heredem à se institutum rogat, vt hereditatem in secundo restituat, vel viuus, vel post mortem suam. Hoc genus fideicommissariae restitutionis iure communi receptum est, de quo in Inst. de fideicom. her. & ad Senatusconsult. Treb. ff. & C. Haec restitutio, vt apparet, fit in secundum casum: iubetur enim heres restituere, non nisi prius eam habuerit; vnde etiam inuitus eam adire cogitur, §. sed quia heredem. Inst. de fid. her. Is autem, ¶ cui restituitur hereditas, proprie non est substitutus; quia non est heres lege ciuili, §. restituta. Inst. de fid. her. Et ideo cum proprie institutionem & substitutionem heredum nominamus, inter substitutiones non numeratur fideicommissaria substitutio. Vnde factum est, vt in hoc argumento institutionum & substitutionum non agatur de Senatusconsulto Trebelliano, sed omnibus partibus exponantur ea, quae pertinent ad directas heredum institutiones & legata testamento relicta.

Sed etsi is, cui restituitur hereditas ex fideicommissaria hereditate, non est heres; tamen heredis loco habetur ex Senatusconsulto Treb. quia effectus actiones hereditariae omnes ei datur, & aduersus eum transeunt, non fecus, quàm si vere heres esset testatori, §. sed quia hered. Inst. de fideicom. hered. l. 1. in pr. ad Senatusconsult. Trebell. Hac ratione fit, vt non male is, cui restituitur ita hereditas, dicatur substitutus heres, & id fideicommissum testatoris recte dicatur substitutio, quomodo Papin. vocat in l. 41. coheredi. §. cum filia. de vulg. & pupill. his verbis: Nec aliud seruandum est, cum substitutionis condicio pupillarem aetatem verbis precariis egredietur. Verba precaria cum nominat, declarat se intelligere hereditatem fideicommissariam: quam tamen substitutionem vocat.

Dixi non licere in hunc casum secundum alijs substituere, quam supra scriptis personis iure directo & communi; quia aliud militibus licet ex priuilegio militum, l. precib. infra. b. Nunc autem de iure communi instituendorum & substituendorum heredum agimus. Ex his nullo negotio intelligi potest, quae genera sint receptatum iure substitutionum, de quo tam multae sint interpretum dissensiones. Igitur substitutionem ¶ si proprie intelligimus institutionem secundi heredis, qui vere heres sit, solae substitutiones sunt, quae sunt directae, quae in significatione de substitutionibus agitur h. l. & tit. de vulg. & pupill. in finem in Inst. Sin autem

rem substitutionem dicamus generaliter, vt continetur ea non tantum substitutio veri heredis, sed etiam eius, qui heredis loco habetur, substitutionum duo sunt genera summa; aut enim directa est, aut obliqua, quæ eadem est, quæ fideicommissaria.

Directa nominatur in *l. post aditam. infr. hoc z.* Fideicommissaria eodem verbo satis significatur, nominatur autem à Papin. sapius, vt in *l. 4. coher. s. cum filio. de vulg. l. heredes mas. s. 1. & s. vt. ff. ad Treb.*
 31 Directa substitutio est, cum quis ita substituit heredem, vt iubeat heredem esse, vel ita vt velit eum recta hereditatem ex testamento suo capere, non ab alio herede prius instituto. Fideicommissaria quæ sit, supra diximus. Directa substitutio duplex est, vulgaris & non vulgaris. Vulgaris est, qua quis substituitur in priorem casum, si primus heres institutus, heres non erit. Dicta, quod vulgo permilla sit, eoq; in vsu etiam vulgari. Non vulgaris est, qua persona substituitur in sequentem casum; si primus heres erit, ac postea decesserit; in quem casum quia non omnibus conceditur alios heredes substituere, ideo non vulgaris dicta est. Vt sunt hæc persone, quibus in hunc casum substitui potest, ita huius substitutionis genera distinguuntur. Quia igitur solis parentibus concessum est in hunc casum substituere duobus generibus liberorum, nempe impuberibus & mente captis, hinc totidem species huius substitutionis, siue superioris casus existunt.

Sunt igitur duæ substitutiones huius generis. Vna impuberis, quæ & pupillaris dicitur; altera furiosi, siue mente capti. De vulgari dicitur in *l. post aditam. infr. b.* De pupillari in *l. si testamento. eod.* De furioso, in *l. humanitati. eo.* Et hæc genera sunt solum cognita iure communi. In militibus licet in eundem secundum casum quibuslibet heredibus institutis alios substituere, *l. precib. infr. b.* Sed hoc ex privilegio militum, de quo nunc non agimus. Fideicommissaria substitutio omnibus testatoribus & quibuslibet heredibus institutis, iure communi permilla est, vt scilicet qui heres institutus est, rogetur hereditatem alij restituere, vel viuus, vel post mortem suam, prout testatori visum erit, vt supra dixi. Cum neq; in plures casus substituere liceat, quam in superiores, quos initio posuimus, & in sequentem secundum casum non admittatur substitutio in pluribus personis, quam quas supra comprehendimus, & ea forma, de qua supra; conuincitur non plura genera esse substitutionum, quam supra posuimus, quæ quidem agnoscantur iure.

Imperite autem fecerunt interpretes, quod alia quædam addiderunt, ex quibus potuit intelligi, quid hic quaereretur, ab illis perceptum non fuisse, multo minus, quid ius constitueret. Faciunt illi quandam substitutionem, quam vocant compendiosam, *ex l. precibus. infr. hoc rit.* cum scilicet miles filio impuberi heredi instituto alium substituit, in hunc casum; si filius intra vigesimum annum decesserit; comprehendens compendio orationis duo tempora, pupillaris ætatis, & ætatis puberis. Sed hæc non sunt vlla noua genera substitutionis; nam si filius impubes decedit, non continentur hæc substitutione alia, quam illæ, de quibus diximus, vulgaris & pupillaris, post pubertatem autem continetur substitutio noua in secundum casum, etiam si filius heres existerit. Sed hoc ex privilegio militum est, non ex iure communi, in quo merum nouum substitutionis genus non efficitur. Forma conceptionis, qua vsus est miles, & qua paucis verbis hæc genera substitutionum complectitur, diuersa est à formulis singularum substitutionum, sed hæc diuersitas in verbis & non in rebus est; nam species substitutionis semper eadem sunt.

Faciunt præterea & illi quandam substitutionem, quam appellant breuiloquam, quam possumus reciprocam appellare, cum videlicet testator vel pluribus filiis impuberibus institutus breuiter mones eos inuicem substituit. Hoc, in qua, genus substitutionis diuersum à ceteris faciunt; quia in *l. 4. s. 1. de vulg. & pupill.* Modestinus hoc genus substitutionis tertium posuit, in quo ab illis etiam in iure manifesto valde erratur. Nam in ea ipsa constitutione, quam citant, nominatim dicitur, in huiusmodi substitutione reciproca nihil amplius contineri, quam substitutionem in vtrumque casum, id est, in vulgarem & pupillarem, vt sit sensus, his verbis contineri non nouas species substitutionis, sed illas duas priores, de quibus Modestinus dixerat, interdum vnam duntaxat, interdum duas. Fefellit eos, quod Modestinus appellat hanc substitutionem tertium genus, dum non intelligit tertium genus illud dici, non ex re & specie substitutionis, sed ex conceptione & formula substitutionis. Nam vulgaris substitutio sic exprimitur: *Filius meus impubes heres esto, si heres non erit, secundus filius heres esto.* Pupillaris autem sic exprimitur: *Si filius meus primus impubes heres erit, & intra pubertatem decesserit, secundus heres esto.* Ab his differens

conceptio & formula substitutionis hæc est, cum vtroq; filio herede instituto, testator ita breuiter dicit: *Eosq; inuicem substituo.* Sed conceptio ita fieri debet, vt tamen substituendi verbo perinde sit, quasi testator expressisset vtrumque casum substitutionis vulgaris & pupillaris. Non sunt igitur, vt dixi, genera plura substitutionis cognita, quam quæ supra posuimus, quæ dum nobis occurrerent, nos admonebunt non in alios casus, non aliis personis heredem substitui posse, quam iis, de quibus initio dixi.

Ad L. Cum heredes. 1.

Impp. M. Aelius Antoninus A. Secundo.

Cum heredes ex disparibus partibus instituti, & inuicem substituti sunt, nec in substitutione facta est vllarum partium mentio: verum non est, non alias partes testatorem substitutioni tacite inseruisse, quam quæ manifeste in institutione expressæ sunt. Datum Claro II. & Seuerus Coss. 171.

SUMMARI A.

- 1 Plures heredes instituti nullis partibus adscriptis, ex æquis partibus instituti intelliguntur: itemq; in substitutis locum habet.
- 2 Instituti ex partibus aequalibus & postea substituti nulla partium mentione facta, in eas partes, quæ in institutione expressæ sunt, instituti intelliguntur, & num. seq.

Cum plures heredes substituantur nullis partibus adscriptis, intelliguntur ex æquis partibus instituti esse, *l. 9. s. 3. de hered. inst. s. si plures. Inst. eod.* Contentaneum videri poterit, vt si plures heredes in locum deficientis prioris substituti sint sine partibus, videantur similiter æqualiter esse substituti, quod & verum est, si hi substituti sint, qui prius instituti non fuerunt: nam substitutio nihil aliud est, nisi institutio secundum heredem. Sed si iidem prius instituti sint, qui & postea inuicem sunt substituti, hoc ius placuit, vt si instituti sint ex inæqualibus partibus, deinde substituti nulla mentione partium facta, tunc quæ partes in institutione expressæ sunt, eadem & in substitutione repetita intelligantur, quod hic constitutum est, *s. 1. inst. de vulg. l. si in testamento. de vulg. Exemplum constitutionis in l. si plures. ff. eod. existat.*

Coniectura voluntatis ducta est ex his, quæ præcesserunt in institutione, ex quibus etiam amor testatoris in heredes colligitur: nam quibus maiorem honorem habuit in institutione, eos etiam magis dilexit, vt apparet, quos autem plures fecit in institutione, verisimile est eosdem plus dilexisse in substitutione, neque subito amorem istum mutasse. Sed hoc ius tunc quod locum habet, cum duo concurrunt in substitutione, videlicet cum & heredes sub nominibus appellatiui substituti sunt, vt sit his verbis, *Eosq; heredes inuicem substituo;* & præterea eos, qui substituantur, non oneravit testator, vt quid præstarent ei heredi, qui deficit, aut heredibus eius. Quod si testator inter heredes ex inæqualibus partibus institutos vni alterum substituit, vel substituit omnes inuicem, sed nominibus singulorum proprijs appellatis, placuit videri ex æquis partibus substitutos, *l. nonnunquam. ff. ad Trebell.* Hoc nomen propriorum appellatio efficit, vt personæ exæquentur; quomodo in his in capita res diuisa, *argum. l. si heredes. 12. 4. de legat. 1.* Sed etiam si testator sub nominibus appellatiuis heredum eos substituerit, ceterum iusserit singulis tantundem dare, quantum cui substituti sunt: Placuit hoc quoq; casu ex onere substitutis adscripto etiam quantitatem eiusmodi confici debere, vt qui in onere pares sunt, in commodo hereditatis percipiendo pares fiant, *l. quoribus. ad Trebell.*

Ad L. Hereditatem quidem. 2.

Impp. Seuerus & Anton. AA. Frontinæ.

Hereditatem quidem defuncti intestati filij delatam tibi dubitari non oportet. Substitutio enim testamento patris facta ad pubertatis tempora porrigi non potest. Quia ipso & aliis non eiusdem conditionis heredibus institutis, & inuicem substitutis, propter eorum personam, quibus in vnum casum duntaxat substitui potest, etiam in filio idem debere seruari, & ratio suadet. & diuus Marcus pater constituit. P. 6. Kal. Aug. Chilonò & Libonè Coss. 205.

SYMMARIA.

- 1 Substitutus an qui sit in vulgarem, aut in pupillarem.
- 2 Substitutio, quæ verbis expressa non est, quando admittatur.
- 3 Vulgaris substitutione expressa, an contineatur pupillaris, & vice versa.
- 4 Lectio huius legis emendata.

Pendet hic locus, quemadmodum *l. 4. inf. h. ex eo iure*, quod refertur in *l. 4. ff. eod.* de quo hic dicendum est, non tantum, vt exceptio horum locorum intelligatur, quæ alioqui intelligi non potest, sed etiam; quia his exceptionibus ius superiorum in contrariis causis euidenter confirmetur. Ius autem refertur ad hanc quæstionem, vt quærat, quæ sit vis & effectus vulgaris & pupillaris substitutionis? Prius quærendum est, an quis sit testamento in vulgarem casum substitutus, aut in pupillarem, de quo frustra quæretur, si vtraque substitutio existimaretur tantum verbis testatoris; nunc autem placet eas etiam sine verbis intelligi ex sententia testatoris, de quo ita est constitutum, cum pater filio impuberi substituit, vt in alterum casum verbis expressum, & in alterum non expressum substitutus intelligatur, *l. iam hoc iure. de vulg.* Idque ita est, siue pater substitueret tantum in vulgarem casum, siue in pupillarem tantum. Itaque tertiæ hæc debent esse ratæ priori de vulgari substitutione, si pater filio impuberi substitueret in hunc casum, *si filius impubes heres non erit*, vi ipsa etiam in hunc casum substituisse, *si heres erit, & intra pubertatem decesserit*.

Sententia in specie confirmatur in *l. 2. §. ult. vers. sed est ita scripta. ff. de vulg. item l. ult. inf. de inst. & substit. vbi posthumo substitutus quis est in hunc casum, si posthumus natus non esset*, id est, si heres non esset, & tamen placet, si posthumus natus erit, & heres fiet, sed intra pubertatem decesserit, substitutum admitti, si viuo impubere adhuc mater decesserit. Altera sententia de pupillis est hæc: Si pater filio impuberi substitueret in hunc casum, *si filius heres erit, & intra pubertatem decesserit*, qui casus secundus dicitur & pupillaris, etiam in vulgarem casum substituisse intelligitur, si impubes heres non erit, vt sic in vtrumque euentum substitutus admittatur ex substitutione. Hæc sententia discrete expressa est in *d. l. 4. §. 1. in illis verbis: Cum autem impubes*.

Hinc ergo fit, vt quæramus, † quando admittatur ea substitutio, quæ verbis expressa non est? Respondeo: Ex voluntatis coniectura admitti sine verbis. Nam cum voluntas testatoris intelligitur, hæc, etiam si verbis expressa non sit, seruanda est. Tota enim testatoris voluntas fieri debet, *l. ex pacto. §. verum de hered. l. 2. in fin. de leg. 1.* Voluntas autem hæc testatoris facile inde colligitur, si filio impuberi substituat in vulgarem casum, *si filius heres non erit*. Nam ex hac substitutione pater vult substitutum sibi heredem esse, *tit. de pupil. substit. inst.* Hoc casu consentaneum est, eum testatorem, qui voluit substitutum sibi heredem esse tum, cum filius heres non esset; etiam voluisse eundem heredem esse sibi, cum filius heres exstitisset, & intra pubertatem decessisset. Id autem tunc contingit, cum pater eundem substituit filio impuberi in hunc casum, *si filius heres erit, & intra pubertatem decesserit*. Nam ex hoc casu, si substitutus admittitur ad successionem impuberis, vna opera, & fit heres impuberi primo & principaliter, deinde vulgariter & pupillariter, *vers. hoc casu.* & sic etiam patri testanti, vt discrete scriptum est in *l. in fin. ff. de vulg.* Idque ex regula iuris; heres heredis impuberis, heres quoque est testatoris, cui impubes heres exstitit, *l. ult. inf. de her. inst. l. 7. si quis filius am. §. ult. de acquir. her.*

Hæc coniectura voluntatis confirmatur etiam hac ratione; quia verisimile est, testatorem voluisse etiam in secundum casum consulere filio impuberi, vt ei heredem daret, & consentaneum est, quem pater heredem sibi esse voluit, eundem non indignum iudicasse, quem heredem impuberis faceret. Quæ coniectura si admittitur in vulgari substitutione expressa, multo magis in pupillari substitutione expressa admittenda est, vt propter eam etiam vulgaris intelligatur. Nam ex pupillari substitutione, vt dixi, substitutus fit heres & impuberi & patri. Si pater voluit ex ea substitutione substitutum vtrique heredem esse, multo magis voluit heredem sibi soli esse, quod euenit in hunc casum, *si impubes heres non erit*, qui est casus vulgaris substitutionis. Quo † magis reprehendendi videntur quidam, qui in re aperta litem mouent, & cum aduenserunt vulgari substitutione expressa contineri etiam pupillarem; negant tamen eundem ius esse vice versa, vt pupillari expressa contineatur vulgaris, quod contra omnino dici oportebat, vt ratio euidenter ostendit, præsertim cum in *princ. d. l. 4. §. 1. vers.*

cum autem. tam aperte refellantur. Huic constitutioni quædam obstant, quæ discutienda sunt. Ac primum dici potest, nihil in testamento valere, quod scriptum non sit, ac proinde frustra intelligi substitutionem, quæ non sit expressa, *l. quoties. g. de her. inst.* Respondeo: Non est necesse, quiduis nominatim in testamento scribi, vt ex testamento valeat, satis est, si aut scribatur aliud, ex quo id, quod volumus confici potest, *l. heredes. §. 1. in fin. qui test. fac. post. l. si seruis plurium. §. ult. de leg. 1.* Secundo loco dici potest, si testator in vnum casum substituit, ideo in alterum casum substitutionem factam accipi non debere, quod non solum scriptum desit, sed etiam voluntas testatoris. Iam cui quid sub conditione datur, sub contraria conditione vel adimi, vel non dari intelligitur, *l. aliquando. l. quibus diebus. §. 2. de cond. & demonst.* Proinde qui substitutionem est sub conditione, *si filius heres non erit*, dicendum est potius eum sub contraria conditione substitutum non esse, *si filius heres erit, & impubes decesserit*. Respondeo: Hæc in re dubia vere dicuntur, sed vbi intelligimus, testatorem etiam sub contraria conditione idem sensisse, voluntas eius seruanda est. Id autem contingit, cum testator in vnum casum filio impuberi heredem substituit, filium enim substituit, vt velit eum sibi heredem esse. Volet autem heredem sibi esse non tantum, si filius heres non erit, sed etiam multo magis, si filius heres erit, vt sic pater & simul sibi heredem faciat & prospiciat etiam filio.

Postremo siue testator de casu non expresso sensit, siue non sensit, tamen obstant hi loci, in quibus declaratur, cum testator sibi in vnum casum cauit, alterum casum omissum videri, *l. 10. commodissime. de liber. & post. h.* vbi si testator instituerit heredem eum, qui le mortuo nasceretur, traditur, si quis eo viuo nasceretur, eum institutum non videri, tamen si causa dici nihil possit, cur testator filium vtroque tempore sibi natum non pariter velit heredem esse. In eandem sententiam scriptum est in *l. 2. si cum dote. in princ. solut. matrim.* si quis in dote danda stipulatus sit sibi dotem reddi matrimonio morte soluto, eum actionem non habiturum, si matrimonium solum sit diuortio. Respondeo: Multum interest, vt utrum id, de quo sensit testator, pendeat ex eius voluntate, an vero positum sit in iuris voluntate, vt scribat, aut exprimat testamento. Si res in eius voluntate posita est, sufficit testatorem de ea sensisse, si modo ex alio scripto id colligatur, cuius generis est substitutio, quæ fit impuberi. Pater enim impuberi substituire potest, si vult, si non vult non habet necesse.

At cum exigitur a testatore, vt quid scribat, aut caueat testamento, id nisi scripserit, non valet, quantumuis de eo senserit, quoniam legi non satisfecit. Quicquid autem contra legem sit, pro infecto est, *l. non dubium. sup. de legib.* cuiusmodi est institutio liberorum posthumorum. Non enim liberum est pari liberis instituire, si instituire iubetur, aut exheredare, *l. inter. de lib. & post. tit. inst. de exhered. lib. in pr.* cui consequens est, vt qui posthumus in vnum casum institutus nominatim non est, is pro instituto haberi non debeat, quod ad id tempus attinet. Exemplum *leg. si cum dote*, huc non pertinet. Nam stipulatio & pactio est quidem posita in voluntate contrahentium, non vlla iuris necessitate, *l. sicut. inf. de oblig. & act.* sed pendet ex duorum consensu, non autem solus stipulatoris, seu creditoris. Proinde non est mirum, si is, qui in vnum casum sibi, aut nominatim in alterum casum actionem non habet; quia etsi ipse de altero fortasse idem sensit; non tamen idem sensit promissor & debitor, cuius hæc mens est, ne plus debeat, quam aperte cautum est, voluntas testatoris ex vno testamento pendet.

Hæc constitutio superior hanc exceptionem habet, nisi voluntas refragetur, *l. 4. in fin. ff. h.* Nam cum superior constitutio sumta sit ex coniectura voluntatis, ea aduersus voluntatem testatoris seruari non debet. Interdum autem aperte voluntas refragatur, quo minus, qui in vnum casum substitutus est, in alterum casum intelligatur substitutus. Id contingit, cum testator in singulos casus separatim singulos dat substitutos, hoc modo: *si filius heres non erit, primus heres esto: si heres erit, & impubes decesserit, secundus heres esto, l. cum ex filio. §. 1. ff. eo.* Vbi autem nihil à testatore aperte in vtramque partem expressum est, perpetua est hæc sententia: Quoties pater filio impuberi substituit in secundum casum, id est; *si filius heres erit, & impubes decesserit*, toties etiam in vulgarem casum heredem substitutum videri. At non idem perpetuum est, vt cum quis in vulgarem casum substitutus est, etiam intelligatur substitutus in secundum casum; *si filius impubes decesserit, cum heres exstitisset.* Refragatur enim interdum voluntas, quæ colligitur nonnunquam ex verbis testatoris, interdum ex persona heredum

heredum legitimatur impuberis. Intelligitur contraria voluntas ex verbis testatoris, quoties testator, cum persona impuberis alios vel puberes, vel extraneos coniungit, & iis communiter substituit, vna oratione & conditione; *Si hi heredes non erunt*. Exemplum est l. 15. inf. h. Est autem huiusmodi: *Filius meus Firmianus & vxor mea heredes sunt, si filius & vxor mea heredes mihi non erunt, Firmianus in totum mihi heres esto*. Placet hoc casu, si filius heres exstiterit patri, Firmianum ex substitutione pupillari heredem non futurum, quantumvis filius impubes decesserit. Hæc ratio redditur; quia conditio communiter relata est ad filium & vxorem, vt proinde in vtriusque persona idem exprimere debeat. At in persona vxoris exprimere non potest secundum casum; quia extraneæ personæ in secundum casum substituere non possumus, proinde nec in persona filij hic casus intelligitur, sed is solum, in quem vtrique personæ testator substituere potuit, id est, vulgaris. Idem probandum est, si testator cum impubere alios heredes coniunxit, & communi verbo seu communi oratione eos inuicem substituit, quæ species est huius l. 2. Vt puta testator ita scripsit: *Filius meus impubes ex semisse mihi heres esto, primus, secundus, tertius, &c. ex altero semisse heredes sunt, quos omnes inuicem substituo*.

Placet, si filius impubes patri heres non erit, reliquos coheredes ex substitutione heredes futuros tanquam substitutos in vulgarem casum, quemadmodum & pupillus iis coheredibus in secundum casum substitutus est. Ceterum si filius heres exstiterit patri, deinde impubes decesserit, substitutionem nullam esse, ex qua coheredes in hunc casum admittantur, in quam sententiam est l. in testamento. sup. de testam. mitit. l. 4. §. 1. ff. eod. de vulg. Ratio hic addita est, videlicet constitutum hoc ideo esse, quod coheredum persona, quibus in vnum casum tantum substitui potuit, nempe in vulgarem, quasi incongruum sit, vt iis heredibus inuicem substituis, in quorum persona duplex substitutio locum habet, id est, duæ substitutiones, vulgaris & pupillaris: in duorum autem personarum locum habet sola vulgaris, vt scriptum est in d. l. 4. §. 1. ff. h. Sed eum hoc ita videtur absurdum, cum verbum *substituto*, vtramque speciem substitutionis admittat: Ratio rationis reddi hæc videtur in d. l. 4. §. 1. Quod hi verbo communi substituti sunt: *Eosque inuicem substituo*: Hic enim verbum commune significat, non quod commune est vtrique substitutioni, vulgari & pupillari, alioqui hac ratione efficere potius vtramque substitutionem hoc casu contineri: Sed dicitur commune, quod communiter ad omnes heredes institutos & pariter refertur, idque semel & sæpius. Quod argumentum est, testatorem semel hoc verbo prolato rem vnam in omnium heredum persona significasse, non plura.

Est autem in verbis huius legis secundæ & lectio & rationes obseruanda. Species hæc fuit, quam supra dixi, sed hoc accesserat, quod filius heres exstiterat patri, ac deinde pubes factus decesserat. Eius mortui hereditatem sibi vindicabant coheredes ex substitutione supra scripta. Mater impuberis dicebat & contendebat filium intestatum decessisse, eoque hereditatem filij ad se pertinere ex Senatusconsulto Tert. Institur. de Senatusconsulto Tertull. Consultus à matre Alexander respondit, dubitari non de re in proposito; quia nullâ sit substitutio, atque ita hereditas intestati filij ad matrem pertineat, idque duabus rationibus, quæ subiunguntur. Prior est; quod substitutio testamento patris facta ad tempora pubertatis porrigi non potest, id est, post 14. annum fieri non potest, l. 7. verbis. l. 15. centurio. ff. de vulg. Hic autem proponitur filius pubes decessisse. Altera ratio est; quia etiam si filius impubes decessisset; tamen cum filio & aliis heredibus diuersa conditione substitutus, hi omnes inuicem substituuntur. Verbo *substitutio* non intelligitur, nisi substitutio vulgaris, ob eam causam, quam supra dixi.

Ex quo intelligimus, lectionem huius loci mendosam esse, & pro quia, legendum, *quin*, hoc modo: *Substitutio enim testamento patris facta ad tempora pubertatis porrigi non potest, quin & ipsi & alii, & quæ sequuntur*. Nam non ideo substitutio ad pubertatem porrigi non potest; quia heredes inuicem substituti sunt; ideo vero non potest, quod in secundum casum tantum moribus recepta est substitutio pupillaris, singulari ratione, quæ in puberibus locum non habet. Ex persona autem heredum legitimorum intelligitur testator vulgari casu expresso non substituisse in secundum casum, quoties mater impuberis est superites; de qua exceptione dicitur ad

l. precibus infra.

Ad L. Heres instituta. 3.

Imp. Alexander A. Achillæ.

Heres instituta matris testamento, si successionem ex testamento omisisti, & ab intestato honorum possessionis habere voluisti: substituto locum quin feceris, in dubium non venit, &c.

Vide ad l. post aditam.

Ad L. Quamuis placuerit. 4.

Imp. Alexander A. Firmiano.

Quamuis placuerit substitutionem impuberi, qui in potestate testatoris fuerit, a parente factam ita, Si heres non erit, porrigi ad eum casum, quo posteaquam heres exstiterit, impubes decesserit, si modo non contrariam defuncti voluntatem exstiterit, &c.

Dixi ad l. 2. supra.

Ad L. Post aditam. 5.

Imp. Dioclet. & Max. AA. Hadriana.

Post aditam hereditatem directæ substitutiones non impuberibus filiis factæ expirare solent. PP. 10. Kal. Iun. ipis IV. & III. Coss. 293.

S Y M M A R I A.

- 1 Legis huius summa.
- 2 Substitutiones non impuberibus filiis factæ qua sint.
- 3 Vulgares substitutiones post aditam hereditatem expirant; & ante etiam ante.
- 4 An idem verum sit in hereditate adita à seruo herede instituto, qui iussu domini adit hereditatem.
- 5 Quid iuris in filiis familias olim, & hodie.
- 6 Substitutio quo pacto finitur, & an perpetuum sit, vt conditione substitutionis euanescat.
- 7 Quid si heres institutus hereditatem adierit, aut suus heres exstiterit patri, ac deinde hereditas ei à seculo auferatur tanquam indigno.
- 8 Institutus quamdiu admitti potest, tamdiu substituto locus non sit.
- 9 Hereditas quibus modis amittatur.
- 10 Quid in seruo herede instituto, cui substitutus datus sit.
- 11 Quid in filiofam, herede instituto, cui substitutus datus sit.
- 12 Filiusfam. vtrum repudiante patre admittatur, an vero locus suo substituto ex voluntate patris.
- 13 Voluntas testatoris si est manifestata, seruanda est.
- 14 Heres institutus si repudiat hereditatem ex testamento, sufficit, vt sit substituto locus.
- 15 Ex testamento quamdiu heres aliquis esse potest, tamdiu hereditas legitima non deseruit.
- 16 Heres an aliquis possit esse desinere iure, & quot modis contingat.
- 17 Institutus si quis sit, qui decedens hereditatem transmittat ad suos heredes ex supra scriptis locis, si is substitutum habeat, vtrum eo mortuo non adita hereditate, hereditas pertineat ad eius heredes secundum ius scriptum, an vero ex iudicio testatoris substituto locus fiat.
- 18 Ex substitutione vulgari ad cuius hereditatem quis admittatur.

Sententia est; post aditum ab herede instituto hereditatem vulgaris substitutio expirat, atque hoc modo substitutus excluditur. Air rescriptum, *directæ substitutiones*. Directæ, additum est propter substitutionem fideicommissariam, qua adita ab herede instituto hereditates non modo non expirant, sed maxime confirmantur. Nam institutus heres rogatus hereditatem alteri restituere non potest restituere, nisi prius hereditatem habeat, quam restituat, neque habere potest, nisi hereditatem adeido, vsque adeo, vt si volens à lite nolit, cogi possit ex Senatusconsulto, l. nam quod. ff. ad Treb. §. sed quia Inst. de fid. her. Directæ institutiones & fideicommissariæ quæ sunt, initio huius tituli dictum. Notandum est autem, ex his verbis confirmari, restitutionem fideicommissariam etiam substitutionem dici. Nam illud *directæ*, differentia causa additum est, vt intelligamus quasdam esse substitutiones non dire-

etas, alioquin sufficiebat ita dicere, *Substitutiones non impuberibus filijs facta euanescent.*

Ait: *Non impuberibus filijs facta*, id est, non pupillares quoniam pupillaris substitutio itidem, vt fideicommissoria, tunc solum locum habet, cum pupillus heres matri existit. Hæc enim conceptio est substitutionis; *Si filius impubes heres erit, & intra pubertatem decesserit, etc. Inst. de pupill. subst.*

2 Non t̄ impuberibus filijs factas sic accipere debemus, que nō sunt facta impuberibus vt impuberibus: nam & filio impuberi pater in vulgare casum substituere potest, quæ substitutio non minus euanescit impubere filio herede existente. Sed eiusmodi substitutio vulgaris fit impuberi non vt impuberi, sed vt cuius extraneo, illa solum fit impuberibus vt impuberibus.

quæ fit in secundo; *Si impubes heres erit, & intra pubertatem decesserit*; hæc demum non exstat impubere herede existente. Hic rursus notandum est, substitutionem pupillarem, siue impuberibus factam, directam dici, alioquin sit. Itē ex numero directarum exciperetur, & directam esse; plus quam manifestum est ex nō dubijs locis, vt *l. centurio. l. verbus de vulg. & pup. subst.*

In summa autem tota hac descriptione nihil aliud exprimitur, nisi t̄ vulgaris substitutiones post aditam hereditatem expirare. Nam quo tempore hoc rescriptum relatum est, duo tantum genera fuerunt substitutionum directarum, vt in initio h. tit. dictum, vulgaris & pupillaris. Nam furiosi substitutio nondum recepta erat; proinde qui ex directis substitutionib. pupillarem excipit, is vulgarem solum relinquere intelligitur, de qua dicat. At post aditam hereditatē hoc accipiendum est, non prius ante aditā substitutionem herede, quo tempore maxime confirmatur substitutio, sed post aditam ab instituto herede hereditatē, quod ius ex conditione & forma substitutionis facile intelligitur. Nam vulgaris substitutionis conditio hæc est: *Si primus heres institutus, heres non erit*; hac conditioe deficiente, necesse est expirare substitutionem: quod conditioe deficiente nihil debetur, neq; ex institutionibus, neque ex legato, neq; ex contractibus, *l. cedere diem. de verb. sig.* At heres institutus fit heres hereditatem aduendo, §. *vt. Inst. de hered. qual.* Ita hoc modo deficit conditio substitutionis, qua deficiente, nulla substitutio. Hac ratione intellecta dicemus vulgarem substitutionem expirare, non tantum adita hereditate ab herede instituto, sed generaliter quocunque modo heres institutus heres existit, puta si erit iuris heres, & ipso iure exstiterit heres patri. Et ideo si pater filium impuberem heredem instituerit, eique substituerit Titium; *Si filius heres non esset*, mortuo patre filius impubes heres existit patri ipso iure, id est, sine vlla additione, §. *si. Inst. de hered. qua ab. l. in suis. ff. de sum. & legitim. l. quidam de verb. obl.* Et simul dicemus statim euanescere substitutionem pupillarem. Ac proinde, quāuis impubes filius postea decedat, intra pubertatem tamen substituto ex substitutione vulgari locum nō futurum. Sed quia pupillus heres exstiterit, atq; ita defecerit conditio substitutionis, poterit quidem substitutus admitti ex tacita pupillari, *l. iam hoc iure. ff. eod. Sc.* cundum ea, quæ dixi ad *l. 2. sup.* Ceterum ex vulgari substitutione non admittetur.

Dicit quis, quid refert, ex quo casu, aut qua substitutione admittatur substitutus, dummodo admittatur? Respondeo: Multū interest. Nam in vulgari expressa non semper pupillaris intelligitur, vt declaratur exemplis, *l. 4. & l. 2. hic.* Id autem cum fit, in totum substitutus excluditur: nō enim admittetur ex substitutione pupillari, quod nulla est, neq; ex vulgari, quæ euauit conditioe substitutionis deficiente. Neque vero probandum videtur, quod Bartolus scribit ad *l. 1. ff. eod.* differens de substitutione vulgari, nēpe cum pater filio, quem in potestate habet, substituerit in vulgarem casum, *Si heres non erit*, filium ex hac conditioe necessitate vltima heredem fieri. Nam hæc verba, *Si filius meus heres non erit*, non significant, si heres esse velit, quoniam fieri potest, vt velit esse heres; & tamen non possit, vt puta, si pater viuo moriatur, aut si posthumus institutus non nascatur. Idque etiam probatur verbis *l. Iulianus. ff. de acquir. her.* vbi proponitur pater impuberi filio, quem in potestate habebat, substituisse heredem; & tamen dicitur pupillus in ea specie se abstulisse, quod verbum cadit tantum in eos, qui heredes sui exstiterunt, *l. nunquam. de acquir. her.*

Ait rescriptum generaliter, *post aditam hereditatem*, quo loco

4 quæsitum est, an idem accipiendum sit etiam t̄ de hereditate adita seruo herede instituto, qui iussu domini adierit hereditatem.

Hic inquam, quæritur, an si huic seruo substitutus aliquis sit heres, *be. redit. ab eo adita iussu domini substitutio euanescat?* Dubitatio nascitur ex contrarijs in speciem locis. Nam verum est, ab hoc seruo hereditatem aditam esse, ac proinde secundum verba huius rescripti euauit substitutio. Rursum seruo ita hereditatem aduente; non existimatur defecisse conditio substitutionis, sed potius existisse. Ac proinde locus esse debuit substituto. Nam conditio hæc erat; *Si seruus heres non esset*, seruus autem in proposito heres non fit, sed dominus, cui statim hereditas acquiritur pro seruo, *l. placet. de acq. her. §. item nobis. Inst. per quas pers.* Ergo placuit etiam hoc casu substitutionem expirare; vnde definitio veterū in substitutione vulgari, his verbis, *Si primus heres non erit*, hoc significat, si hereditatem alij non adquisierit, aut mutata conditione sibi, vel contra, si sibi hereditatem non adquisierit; vel mutata conditione alij, *l. si pater. ff. de her. inst. §. vt. Inst. de vulg.* Sed placet hoc in persona serui ita accipiendum esse, si testator non ignorabat eum, quem instituebat, seruum esse. Quod si ignorauit, placuit hoc casu hereditatem diuidi inter dominum serui instituti & substitutum seruo, propter incertitudinem voluntatis testatoris, qui locus à nobis tractatus est ad *l. cum proponas. sup. de her. inst.*

Hoc idem olim t̄ in filiofamil. seruabatur, si is heres institutus esset ab extraneo, iq; substitutus datus, ac deinde filius iussu patris hereditatem adijisset: nam & hic itidem, vt seruus, hereditatē statim acquirebat patri, §. *1. Inst. per quas pers. d. l. placet. de acq. her.* Hodie & constitutio hæc in filiofamil. sublata est; quoniam filiofamil. heres institutus consensu patris adiens hereditatem, non minus acquirit sibi hereditatem, quod ad proprietatem attinet, quam cuius pater. *l. vt. §. 1. l. inf. de bon. qua lib.* Proinde in huius persona dubitandum non est quin hereditate ab eo adita non minus euanescat substitutio vulgaris, quam si substitutus cuius alteri substitutus esset; & hereditas ab instituto adita esset.

Ait rescriptum: *Expirare solent*, quibus verbis hic exprimitur vulgaris t̄ substitutio, adita hereditate finis, vt pote conditioe substitutionis euanescente, ita vt substitutus excludatur substitutione. Quod tamen non est perpetuum. Nā si institutus, hereditate adita, defectu ætatis; quia minor, est restitutus in integrum, vt sibi hereditatem repudiare liceat, retro versus substituto locus erit, *l. 7. ait p. etor. §. 7. sed quod Pap. de minor.* Neq; refragantur huius rescripti verba, quod enim dicitur, *substitutionem expirare post aditam hereditatem*, hanc sententiam habet, quamdiu adita erit hereditas, seu quamdiu pro adita habebitur. Incipit autem pro non adita haberi, cum minor restituitur. Idem dicendum est, si filius suus heres se abstineat, hereditate patris. Idem enim consequitur abstinentia, quod ceteri minores restituti in integrum, nempe vt heredes non sint, *l. nunquam. de acq. her.*

Hic quæsitum est, t̄ an idem probandum sit, si heres institutus hereditatem adierit, aut tuus heres exstiterit heres patri hac deinde hereditas à fisco ei auferatur tanquam indigno, puta quod non vindicaerit mortem testatoris occisi. Et placet hic nondem probandum esse, sed statim excludi admisso fisco, *leg. ff. sequens. de Senatuconsulto Syllan.* Et merito. Nam is, cui auferatur hereditas tanquam indigno, etiam hereditate ablata nihilominus heres est. Ideo enim ei auferitur, quia prius heres exstiterat, & qui semel heres exstiterit, propterea heres esse non definit, *l. 43. ex factis. §. vt. ff. de vulg. l. 7. §. 2. in fin. de minor.* Vt substitutus in vulgarem casum; *Si primus heres non erit*, excluditur conditioe substitutionis; *Si primus heres existat*, sic admittitur ex substitutione, *Si primus heres non erit*, vtputa conditioe substitutionis existente. Sed hæc conditio sic accipienda est, non si primo quoque tempore heres non erit, sed si certum erit, eum heredem esse non posse. Nam quamdiu t̄ institutus admitti potest, tamdiu substituto locus nō fit, *l. quamdiu. ff. de acquir. her.* Admittitur autem t̄ hereditas, & ceterum est, aliquem heredem amplius fieri non posse duobus modis, vel quod noluit esse heres, vel quod iure non potest. *l. cum proponas. sup. de her. inst.* Non vult esse heres extraneus, qui repudiatur, suus, qui hereditate se abstineat, atq; vtroque modo amittit hereditatem, *l. 2. & l. 4. inf. de repud. hered.* Ac proinde substituto locus fit, *l. cum proponas. sup. de hered. inst.*

Hic quæsitum est, t̄ an idē probandum sit in seruo herede instituto, cui substitutus datus sit, si forte seruus iussu domini hereditatem nō adierit? Mouet dubitationem, quod videtur satis esse, si dominus heres esse velit, cum ipso seruo hereditatem aduente heres fiat, non autem in seruus, vt *sup. dictum.* Et placuit hoc quoque casu substituto locum fieri, quod verum seruo repudiante, quod facere potest etiam inuito domino; neq; enim heredem existisse,

Atque, quod noluit, neque dominum heredem fecisse, quod non ponit hereditatem alij acquirere, quam ipse non habuit, & nunquam acquiritur, quod comprehensum est d. l. cum proponas. sup. de hered. insti. Hinc ꝑ oritur quæstio de filiofamilias herede instituto, cui substitutus datus sit, utrum idem dicendum sit, si ipse quamvis iubente patre hereditatem repudiaverit? Mouet quæstionem l. vi. §. i. inf. de bon. qua. lib. vbi Iustinianus constituit, filiofamilias herede instituto ab extraneo, si is hereditatem repudiet, patrem hereditatem adire posse, non aliter, quam si ipse heres esset institutus. Quæritur igitur, ꝑ utrum filiusfamilias repudiante patre admittatur ex hac constitutione, an vero locus fiat substituto ex voluntate testatoris? Quod verum sit, filiumfamilias repudiantem heredem factum non esse, atque ita existisse conditionem substitutionis, quod mihi verius videtur.

Non debemus moueri Iustiniani constitutione: hæc enim in voluntate obscura testatoris locum habet, id est, tunc, cum filiofamil. nullus substitutus datus est. Nam ei substituto dato, manifestum est testatorem velle substituto locum esse, cum filius heres non exhereditetur. Est autem certum, cum ꝑ voluntas testatoris manifesta est, hanc seruandam esse, idq; ut fiat, publice expedire, l. sup. de sac. Eccl. h. i. vel negare. ff. que. mad. test. aper. l. verbi. leg. de verb. sign. §. dispon. Nouell. de nupr. Nihil ad rem pertinet, quod Iustinianus indistincte locutus est: nam hæc sententia tenenda est; Quoties testator aperte in aliquo casum prouidit, heredem nimirum in eum casum instituendo, toties cessare contrariam prouisionem legis, l. cum ex filio. §. filio. Lex facta. de vulg. Multo minus mouere nos oportet argumentum Bartoli, quo ille vitur ad l. ff. eod. cum ait: Ideo in proposito patrem admitti, quod iis verbis, Si institutus heres non erit, significetur etiam is, qui alium heredem fecerit. Hoc enim verum est. Sed in proposito filiusfamilias repudiando hereditatem patrem heredem facere non potest, etiam si concederemus patrem hereditatem adire posse. Multum autem interest, utrum dicatur, filiumfamil. occasionem dedisse acquirendæ hereditatis, an vero causam acquirendi præstitisse. Is, qui rem amittit, facit, ut alius eam rem possit recipere, sed ei tradere dici non potest; quia prius non habuit, non magis, quam heredes instituti repudiando dici possunt proximos cognatos facere heredes ab intestato. Item non magis, quam is, qui rem pro derelicto habet, dici potest cum dominum rei fecisse, qui postea rem occupauit. Postremo non magis, quam Lilius Salinator dici potest tradidisse Tarenum Q. Fab. Max. quod Salinator Tarenum amiserat, quod postea Fabius recepit, de quo apud Ciceron. in Caton. Maior.

Quod si ita est in filiofamilias repudiante, recte generaliter definitimas: Quoties heres institutus, cui substitutus datus erat, repudiavit hereditatem, toties substituto locum esse. siue sit sui iuris heres, qui institutus est, siue alieno iuri subiectus, & siue seruus erit, siue filiusfam.

Hoc loco notandum est, sufficere ꝑ heredem institutum repudiante hereditatem ex testamento, ut sit substituto locus. Itaque si is heres institutus sit, qui etiam testatori ab intestato succedere poterat, si ei substitutus datus sit in hunc casum, Si heres non esset, & repudiauerit hereditatem ex testamento eo animo, ut ab intestato hereditatem possideret, nihilominus in totum excludetur, & substituto locus erit, ut cautum est in l. 3. sup. Obstat l. nec is 17. §. i. de acq. her. vbi dicitur, si is institutus sit heres, qui ab intestato heres esse poterat, eum hereditatem repudiando ex testamento non ideo tamē legitimam hereditatem amittere. Sed hoc ex d. l. 3. sup. sic accipiendum est, si is solus sit institutus, aliter, si ei substitutus datus sit. Sed rursus refragari videntur verba conditionis, Si institutus heres non erit. Nam hæc verba generalia non sunt, & hoc continent, Si heres non erit, quouis modo, vel ex testamento vel ab intestato. Nam totidem modis heredes esse alicui possumus. Verbo autem generali omnes species contineri intelligendum est, l. si seruus de seru. vrb. præd. Respond. Secundum verba hoc recte dicitur, id enim verba significant, sed refragatur voluntas testatoris, cuius coniectura ex prioribus verbis ducitur iuxta regulam traditam in l. si seruus plurium. §. vlt. de leg. 1. Nam cum testator heredem instituit his verbis, Lucius Titius mihi heres esto; manifeste hoc dicere intelligitur, heres esto ex hoc meo testamento, non autem ab intestato. alioqui testator secum pugnaret, qui testatus decedere voluit, non intestatus. Cum ergo eadem verba repetit, & ita scribit, Si mihi heres non erit, plane eadem significatione reperere intelligitur & hoc dicere, Si heres non erit, ut supra voluit, id est, ex testamento, secundum quam sententiam repudiata ex testamento hereditate substituto locus fit. Et hæc coniectura voluntatis adiu-

natur regula iuris, qua efficitur, quamdiu ꝑ ex testamento heres aliquis esse potest, tamdiu hereditatem legitimis non deferri, l. in plurium 70. de acq. hered.

Hæc de repudiatione & voluntate heredis in hereditate admittenda; sed aliquis ꝑ etiam heres esse posse definit iure, quod contingit & herede viuo & mortuo. Viuo contingit, cum heres institutus est sub conditione, & conditio deficit; quo casu certum est & iure & voluntate testatoris locum fieri substituto, l. 2. sup. de Insti. & substit. Mortuo herede hoc idem certum esse incipere, cum mortuus est non adita hereditate. Nam neque minus heres effectus est, cum hereditatem non adierit, neque mortuus adire potest, ut heres fiat. Sed nec in persona heredum suorum heres effici potest, prohibete regula iuris, quæ efficit hereditatem non aditam, ad heredem non transmitti, l. vn. §. i. nouis. mo. inf. de cad. toll. exceptis quibusdam personis & causis, in quibus etiam hereditas non adita transmittitur. Personarum huiusmodi sunt duò genera. Primum est liberorum, qui à parentibus instituti etiam ignorantes, hereditatem ad suos heredes transmittunt. l. vn. de ius. qui ant. ap. t. ab. inf. Alterum est omnium heredum, etiam extraneorum, qui intra annum à morte testatoris decedunt, dum de hereditate deliberant, l. cum in antiquiorib. inf. de iur. deliber. Causæ, in quibus idem accidit, sunt hæc, quales describuntur in l. 8. de acq. hered. de quibus alio loco diceretur commodius.

Hæc personæ & causæ quæstionem hic introduxerunt, si forte is ꝑ sit institutus, qui decedens hereditatem transmittat ad suos heredes ex supra scriptis locis, & is substitutum habeat, utrum eo mortuo non adita hereditate, hereditas pertineat ad eius heredes secundum ius scriptum, an vero ex iudicio testatoris substituto locus fiat? Mouet dubitationem, quod hic, qui ita decessit, omnino heres non est, neque esse potest, si persona eius tantum spectetur, secundum ea, quæ modo dixi, atq; ita conditio substitutionis existit, ut prouide substitutionis locus fiat. Sed verum est, quæ & sententia vulgo recepta est, iis casibus, hereditatem secundum ius commune ad heredes transmitti excluso substituto, idq; efficitur non tantum iure, sed certo iudicio testatoris; quia conditio substitutionis hoc casu defecerit. Nam his verbis; Si substitutus heres non erit; iure putatur heres ad excludendum substitutum, si vel ipse heres erit, vel alium heredem fecerit, l. 40. ff. de her. insti. Qui autem ius adeundi, quod habet, transmittit ad heredes suos legitimos, is legitimos in eo heredes facere intelligitur. Nam is hereditatem intelligitur transmississe, qui transmittit ius adeundæ hereditatis: nam ex hoc iure hereditatis acquisitio nascitur. Præterea secundum verba conditio substitutionis deficit, cum heredes heredis instituti iure hereditario heredes exsisterent: iis enim heredibus factis etiam is, qui decessit, in persona eorum quodammodo heres factus intelligitur; quoniam eadem persona esse intelligitur heredis & defuncti.

Secundo iudicium defuncti in hanc sententiam cõcurrit: nam cum aliquem heredem instituit, qui aperte hoc animo est, ut quamdiu velit hereditatem habere, aut se non repudiet, tamdiu eam habeat, & sibi & suis heredibus. Hæc autem voluntas est in herede instituto, per quem non stat, quo minus hereditatem adeat, nisi aut ignorantia, aut iuris aliqua necessitate impediatur, ut initio diximus. Quod dicitur, post aditã hereditatem substitutiones vulgares esse spirare, sic accipiendum est, quamdiu hereditas pro adita erit, diuersum est, si heres, qui hereditatem adit, aliquo beneficio consecutus sit, ut hereditatem repudiaret, vel sese abstineret. Sic ex contrario in hac posteriore parte ita statuendum est; quod dicitur substituto locum fieri, si institutus hereditatem repudiarit, aut aliter hereditatem amiserit, tamdiu verum esse, quamdiu iure aliquo hereditatem postea consecutus non sit, ut hereditatem adiret, quã repudiavit, aut se abstinuit, deinde restituatur, ut sibi adiret, substitutus excludetur, cui prius repudiatione locus esse ceperat, l. 7. de minorib. Idem dicendum, si heres institutus, aut substitutus datus erit, rogatus vero idem hereditatem restituere Titio. Nam si primo hereditas deferretur substituto, sed ꝑ postea cogente fideicommissarius hereditatem adierit, ut cogi potest, l. 4. ad Trebell. ius commutatur, & deficiente substitutionis conditione admittitur fideicommissarius excluso substituto, de qua specie diuersè scriptum est in l. non iustam. inf. ad Trebell. & l. 63. facta. §. Iulianus. ff. eod.

Ex his intelligimus, ex substitutione vulgari quis & quando ad hereditatem admittatur, & quando non admittatur. Quæritur, ad ꝑ cuius hereditatem admittatur? Et certum est ex hac substitutione succedi defuncto, Inst. de pupill. in pr. vers. quo casu. Idque ex

eo perspicuum est, quod omnis heres institutus primo loco instituitur testatori heres, porro substitutus in prioris heredis locum substituitur. Huc accedit, quod necesse est, substitutum ex hac substitutione aut hereditatem heredis prioris obtinere, aut testatoris; hereditatem heredis obtinere non potest, cum is heres heredem defuncti non habeat, ut pote repudiatione, aut lege exclusis. Restat igitur, ut hereditatem testatoris habeat, tanquam testatoris hereditatem, non heredis; nam in bona, quæ olim heredis instituti ferant, nemo heres instituitur, neque potest, prohibente lege duodecim tabularum, *l. verbis legis. de verb. sig.*

Ad L. Testamento. 6.

Imp. Dioclet. & Max. AA. & CC. Quintiano.

Testamento iure factio, multis institutis heredibus, & inuicem substitutis: ad eundem suam portionem etiam inuitis coheredum repudiantium accrescit portio. Sine die & consule.

S Y M M A R I A.

- 1 Portiones deficientium cur non acquirantur legitimis heredibus, sed coheredibus.
- 2 Heredes, qui suas portiones agnouerunt, cur non possint eas repudiare, ut sic in totum ex hereditate nihil habeant, sed solida hereditas referatur ad heredes legitimis ab intestato.
- 3 Quid iuris in substitutis coheredibus, an & in inuitis deficientium portiones accrescant.

Cum ex pluribus heredibus institutis, aut etiam legitimis, quidam portiones suas agnouerunt, quidam defecerunt, vel quod amiserint hereditatem, vel quod morte, aut conditione impediti sint, quo minus heredes fierent, deficientium portiones reliquis coheredibus, qui suam portionem agnouerunt, acquiruntur, non tantum volentibus, sed etiam inuitis, ut hic & *l. qui ex duobus. §. vlt. de acq. her. l. si ex. de suu. & legitim. l. vncia. §. hic ita. infr. de cad. toll. l. 3. §. vlt. & seqq. de bon. poss. l. 1. supr. quando non perent.*

1 part. Sed cur deficientium portiones non acquiruntur legitimis heredibus, tanquam testamento hactenus destituto? Resp. Quia hoc modo eueniret, ut testator in iis heredibus, qui portiones suas agnouerunt, testatus decederet, in deficientibus autem portionibus intestatus, quod ius non patitur, *l. ius nostrum. de reg. iur.* Unde placuit, neminem eiusdem hereditatis partem habere posse, & partem repudiare: sed aut totam habere debet, aut nihil *l. 1. 3. de acq. her.* Sed secundum hoc, cur non licet ꝑ iis heredibus, qui suas portiones agnouerunt, eas suas repudiare, ut sic in totum ex hereditate nihil habeant, sed solida hereditas referatur ad heredes legitimis ab intestato? Resp. Ideo fit; quia qui suas portiones acquisierunt, eas postea repudiare non possunt; quoniam non possunt efficere, ut qui existerunt semel heredes, iidem heredes esse desinant, *§. extraneus. Inst. de hered. qual. & differ. l. 4. infr. de repud. her. l. aut p. ator. §. sed quod Papin. de minorib.* Hoc tamen sic accipiendum est, si coheredes deficientes extranei fuerint: nam necessario herede, puta filio defuncti, qui in potestate morientis fuit, si postea abstineat, eius portio deficiens non continuo accrescit coheredibus reliquis, quamuis portiones suas iam ante adierint, sed fit, ut si suas partes repudiare velint, liceat & deficientem necessarii, heredis portionem repudiare, *l. cum heredem. de acq. hered.* Hoc idem; quia iam ante portio deficiens quæ sita erat necessario heredi, ut pote qui patri heres existisset: ipso iure, *§. sui. Inst. de hered. qual. & differ. §. sui. Inst. de hered. que ab intestato.* Sic fit, ut cum postea se abstineat, magis eius portio referri intelligatur coheredibus, quam bona testatoris. Non est autem æquum, coheredem cogi inuitum alia bona admittere, quam testatoris; tamen ne hoc casu testator pro parte testatus decedat, & pro parte intestatus, hæc necessitas imponitur coheredibus, ut si deficientem portionem admittere nolit, etiam suam cedere debeat, ut sic in totum defunctus fiat intestatus.

3 Hoc iure ꝑ constituto quæsitum est, an idem admittere debeamus, si coheredes, qui portiones suas agnouerunt, nominatim substituti sint à testatore. coheredibus deficientibus, siue quod sibi soli substituti sint, siue quod omnes heredes sint inuicem substituti, de quo præcipue hic? Et placuit eodem modo deficientium portiones substitutis coheredibus etiam inuitis accrescere, idem

traditur in *l. 2. §. si quis heres institutus. de acq. her.* Mouet dubitationem, quod eadem conditio debere esse videtur substitutionis, quæ est institutionis; quia substitutio institutio est, *l. ex facto. §. l. u. de vulg. & pupillar.* Cui autem ex testamento defertur hereditas, huic potestas est vel adeundi, vel repudiandi, *§. vlt. Inst. de hered. qual. & differ.* Unde colligitur, idem quoque ius esse ex substitutione debere. Deinde si substitutis coheredibus etiam portiones deficientes, quamuis inuitis, accrescant, substitutio nullum effectum habebit: nam & sine substitutione idem iuris futurum erat.

Porro si verba testatoris recipienda sunt, ut aliquid egisse intelligatur, *l. si quando. de leg. 1.* Sed nihilominus etiam hoc ius in substitutis coheredibus recte placuit, & vero necesse fuit admitti; quia alioqui hic eadem incommoda metuemus, quæ prius. Eueniet enim, ut testator pro parte testatus decedat, pro parte intestatus, item ut coheredes, qui portiones agnouerunt, partem eiusdem hereditatis haberent, partem repudiarent. Nihil ad rem pertinet, quod isto modo substitutio testatoris nullum effectum habeat. Hoc enim non est absurdum, quod ius contra leges aliquid cauetur à testatore, quinimo ita ius est, ut Prætori testatoris cautione legibus derogari non possit, *l. quod bonis. §. 1. ff. ad leg. Fals.*

Ad L. Si testamento. 7.

Imp. Dioclet. & Max. AA. & CC. Feliciano.

Si testamento iure factio intra pupillarem ætatem & in sua potestate constituta filia, si intra pubertatem decesserit, directis verbis pater substituit: heredem testatum ex testamento post euentum conditionis, intestato successionem exclusisse constit. S. K. Ia. Sirmii, A. A. Coll. 293.

S Y M M A R I A.

- 1 Substitutio pupillaris quæ fit.
- 2 Quibus rebus fiat, ut valeat ad fin. vsque.
- 3 Puberibus liberis cur non liceat pupillariter substituere, cum & illi liberi sint.
- 4 Pater cur non possit impuberi emancipato substituere.
- 5 Substitutio pupillaris vsque fiat, quo tempore impubes in potestate patris esse debeat.
- 6 Particula quoque aliud tempus, quam mortis includit.
- 7 Error quorundam interpretum notatur.
- 8 In omni institutione duo tempora sunt spectanda, ut iis valeat testamentum.
- 9 Impubes cui pater substituit pupillariter, cur talis esse debeat, ut morte patris sui iuris fieri possit.
- 10 Pater si pupillariter substituat, & pupillarem ætatem excipiat, an substitutio post pupillarem ætatem valeat.
- 11 Liberatorum nomine an in pupillari substitutione femina quoque contineantur. An item posthumi. An item nepotes, & abnepotes. An etiam instituti & exheredati.
- 12 Substitutio pupillaris vsque valeat, tria in testamento paterno requiruntur.
- 13 I. Ut pater sibi testamentum facias.
- 14 Substitutio pupillaris verum conuerso ordine scriptura valeat.
- 15 II. Ut prius heredem sibi scribas, deinde substituas filio.
- 16 III. Ut testamentum patris valeat.
- 17 Substitutio pupillaris quibus casibus valeat, oriam rescisso patris testamento.
- 18 Substitutio cur ita dicatur.
- 19 Substitutus quis dicatur.
- 20 Substitutionis variae appellationes synonymicæ.

Hoc rescripto valde commode comprehensa sunt breuiter ea, quæ in substitutione pupillari cognoscenda sunt, sed obscurius; quia breuius, ideo ut plane intelligatur, paulo explicatius tradenda sunt. Quæ hic cognoscenda sunt, tria sunt numero. I. Quid sit substitutio hæc. II. Quibus vebus fiat, ut valeat. III. Cum valebit, quis sit eius effectus. Substitutio ꝑ pupillaris, ut initio huius tituli dictum est, quæ pater filio impuberi instituto substituit heredem in hunc casum, *Si impubes heres eris, & intra pubertatem decesserit, aut impuberi instituto ita substituit, si impubes decesserit, ut declaratur Inst. de pupil. in princ. & §. non solum.*

In qua substitutione; quia heres instituitur pupillo, non patri, ideo substitutio dicitur *testamentum pupillare*, de quo paulo post plura. Ut si valeat substitutio pupillaris, positum est in quibusdam observationibus, quarum alie spectantur in ipsa substitutione, alie spectantur intrinsecus, nempe in testamento patris in substitutione ipsa. Ius hoc solum concedit, ut parentes hoc modo substituunt, seu testamentum faciant, primo liberis, secundo impuberibus, tertio quos in potestate habent, quarto qui quidem morte patris sui iuris fiunt, tum substituunt cum hac conditione, *Si intra pubertatem decesserint*, quæ summa colligitur ex l. 2. in pr. ff. de & idem hoc rescripto comprehensum est. Exigitur, ut substituunt parentes liberis impuberibus. Sunt autem impuberes masculi usque ad annum decimum quartum, feminae usque ad duodecimum, intra quod tempus potestas huius substitutionis consistit, §. pen. *Instit. de pupill.* Igitur pupilibus liberis hoc modo heredem substituere non licet.

Sed si cur non licet, cum & hi liberi sunt? Quia si sunt sui iuris, ipsi sibi testamentum facere possunt, quæ libertas homini sanæ mentis adimi non debet, l. 4. §. ex facto ff. eod. Si sunt filij familias, & si bona castrensia & quasi habeant, etiam de ijs ipsi sibi testamentum facere possunt, quæ libertas itidem illis relinquenda est. Si hæc bona non habeant, ne in ijs quidem heredem habere possunt, non ex testamento; quia de ijs testari non possunt, l. penult. & ult. qui testam. facere possunt. *Instit. quibus non est perm. ff. testam. fac.* non ab intestato, quia peculium filij familias intestati, etiam militis, occupat pater iure peculij, non ut hereditatem, l. pater ff. de castrens. pecul. Non sunt in eadem causa impuberes, quibus pater hoc modo substituit; nam ij, quia morte patris sui iuris futuri sunt, ideo bona habere possunt, proinde etiam heredem. Sed quoniam propter ætatem ipsi sibi testamentum facere non possunt, §. præterea. *Instit. quibus non est perm. ff.* Ideo æquum visum est, ut parentes eis facerent, *Instit. de pupill. in fin.* Ideo enim æquum; quia vile est pupillis heredem habere non eum, quem fors dedit, qui potest esse idoneus, sed quem dederit iudicium & electio patris, qui de hac re propter affectionem suam erga filium recte existimabit.

Exigitur præterea, ut impuberes, quibus pater hoc modo substituit, sint in patris potestate, ut patet ex hoc rescripto, & d. l. 2. in pr. Ex quo colligitur, neque matrem filio impuberi, neque patrem filio emancipato impuberi hoc modo testamentum facere possit, §. ult. *Instit. de pupillar.* Sed si cur non potest impuberi emancipato patens substituere, cum & hic non magis, quam is, qui in potestate est, testamentum sibi facere possit, & videatur, in quibus eadem ratio sit, idem ius statui debuisse? Respondeo: Quia nulli debet licere, ne parenti quidem, alienis bonis heredem instituere, nisi in quæ bona ius habet, vetante lege duodecim tabularum & naturæ æquitate.

At pater in filij emancipati bona iuris nihil habet, in filij familias autem bona ius habet, propter potestatem patriam, quæ olim tribuebat parenti etiam ius vitæ & necis, l. ult. inf. de patr. potest. Qui autem de vita statuere potuerat, multo magis potuit de bonis. Unde & illud receptum fuit, ut quamvis filius familias vivo etiam patre existimeretur dominus esse bonorum; tamen liceat parenti eum exheredare, id est, bonis ijs suis excludere, quod argumentum etiam est Pauli in *Lim. suæ, in fin. D. de lib. & posth.*

Notandum est autem si hoc loco duob. temporibus impuberem in potestate parentis esse debere, ut substitutio pupillaris valeat, nimirum & eo tempore, quo pater ei substituit, & eo tempore, quo pater moritur, quod utrumque tempus notandum est, l. 4. coheredi. §. cum filio. *D. eod.* h. i. verbis: *Cum filio, aut nepoti pater substituit, nisi mortis quoque tempore sit in potestate patris, substitutio fit irrita.* Hæc autem si particula, quoque, aliud tempus, quam mortis includit, hoc aliud tempus intelligere non possumus, quam id, quo parens substituit. Nam ex eo maxime tempore spectatur institutio, ut consistat, deinde & tempus mortis, ut exitum habeat, media tempora non nocent, l. si alienum, §. 1. de hered. *instit. §. in extraneo, de her. qual. & differ.*

Ideo diligentius si notandum est, quod inolevit error vulgaris interpretum, admittentium mortis patris tempore debere impuberem esse in potestate patris, quo tempore fit substitutio, dummodo postea veniat in potestate patris substituentis, idque propter verba l. 2. in pr. *vers. sed extraneum.* Qui error valde notandus est. Refellit autem sententia non tantum *dict. leg. cum heredi, §. cum filio.* sed manifestis verbis huius l. si testamentum l. 2. *D. de pupill. in pr.* Nam in hac lege dicitur, patrem ita recte filiz

substituere in secundum casum, non si filia constituetur postea in potestate patris, sed si iam antea constituta erit in potestate patris. Et in *tot. tit. de pupill.* dicitur, permitti parentibus testamentum facere liberis impuberibus, non quos in potestate habebunt, sed quos habeant, & in d. l. 2. permitti parentibus facere testamentum liberis impuberibus, non si liberi erunt postea in potestate, sed si sint in potestate, quæ omnia ad præsens tempus substitutionem referunt, non ad futurum. Huc accedit, quod antea dixi, in omni si institutione duo tempora spectanda esse utrius valeat testamentum, tempus, quo testamentum fit, & tempus, quo testator moritur, *dict. l. si alienum, & d. §. in extraneo.*

Non recte in contrarium mouentur verbis *dict. leg. 2. vers. sed si extraneum, D. eodem.* Sic enim verba sunt: *Sed si extraneum qui impuberem heredem instituerit, potest substituere, si modo eum adoptarit, vel arrogauerit filio præcedente.* Hæc verba, potest ei substituere si, acceperunt, ei nempe extraneo, non recte. Nam adicere debuerunt conditionem, quæ sequitur, ut possit testator ei substituere pupillariter, si modo eum prius adoptauerit, vel arrogauerit. Et quamvis Vlpianus adiecit, id prius vel postea, tamen cum alterutrum verbum supplendum sit, oportet ex iure sumere, utrum intelligamus. Ius autem præcepit, ut cum oratio ambigua sit, eam sententiam accipiamus, quæ vitio caret. Hæc autem vitio caret, si intelligimus testatorem ei impuberi extraneo substituere posse, qui ante extraneus fuit, sed quem antequam substitueret, arrogauit, aut iubeat potestati suæ.

Exigitur præterea, ut impubes, si cui pater pupillariter substituit, morte parentis sui iuris fieri possit, ut colligitur ex d. l. 2. in pr. *D. eo.* Quod exigitur propter duas causas: Primo propter eos, qui vivo patre sui iuris fiunt, quo casu dixi substitutionem heri irritam, ex l. coheredi. §. cum filio. *D. eod.* Deinde & maxime propter eos nepotes impuberes, quibus avus pupillariter substituit, qui iidem manfuri sunt in potestate patris mortuo avo, *ut. quib. mod. in prin. Instit.* ijs avus frustra pupillariter substituit, d. l. 2. in pr. Et ea ratio est, quam supra diximus; quia cum sint in potestate patris hi impuberes mortuo avo, ut bona, sic heredem habere non possunt, frustra autem ijs testamentum sit, quibus heres esse non potest, cum sine heredis institutione nullum sit testamentum, l. 1. in pr. *D. eod.* Exigitur ad extremum, ut parens, qui pupillariter impuberibus liberis substituit, substituat hac conditione, si intra pubertatem decesserint, ut *hic & tit. de pupill. in pr.* Quid ergo si pater hanc conditionem exceperit? Resp. Placet substitutionem quidem valere intra pubertatem, sed si filius hanc ætatē exceperit, substitutionem finit, l. verbu legis, in pr. l. verbu 7. in prin. *de pupill.* Quod ita intelligendum est, si pater filio directis verbis substituit post pupill. ætatem, ut in hac lege expressum est. Diuersum est, si post eam ætatem roget filium, ut hereditatem suam alij restituar, quod omnibus etiam extraneis testatoribus facere concessum est, §. ult. *Instit. de pupill.*

Notandum si est autem, quemadmodum liberi sunt impuberes, quibus parens substituit, ita nihil amplius exigi, quam ut liberi sint. Quod dictum est sine distinctione sexus, ut intelligeremus, ut pater substituere potest masculis, sic posse & feminis impuberibus, §. pen. *Instit. de pupill.* vnde & hoc rescripto proponitur pater substituisse filiz impuberi. Item sine distinctione natiuitatis, ut intelligeremus substitui licere, non tantum iam natis, sed etiam posthumis, d. l. 2. in pr. Item sine distinctione gradus, ut sciretur licere substituere non tantum filijs, sed etiam nepotibus, & liberis inferioribus in infinitum, qui mortuo testatore manfuri non erant in alterius potestate, l. 2. in pr.

Postremo & liberis dictum est, neque distinguitur, si sine institutione exheredati, ut hoc quoque intelligeremus, non tantum patrem liberis institutis testamentum facere posse, sed etiam exheredatis, l. 1. §. 1. *D. eod.* Nec obstat, quod in exheredato filio, cui pater testamentum facit, aperte de alienis bonis statuit, nullo autem modo de suis, l. 2. l. verbu legis. *de verb. sign.* Nam hoc singulari iure receptum est moribus in persona patris, & cur receptum sit, supra diximus. Nec illud obstat, quod dicitur, cui testamentum nihil relictum est, ab eo nec legatum, nec fideicommissum relinquere posse, l. 6. *D. de legat. 3. leg. ab eo, infra. de fideicommiss.* Nam hoc ad legata & fideicommissa pertinet, non ad institutionem heredis quem interim substituere pater filio potest, nempe impuberi, & intra pubertatem, si eum parens in potestate habet. Neque hæc inter se contraria sunt. Nam eum aliquid ab aliquo relinquitur, si oneratur legati, & fideicommissi præstatione, item ei detractur aliquid de bonis, quorum neutrum sit in pupillari substitutione. Nam in hac pater heredem filio impuberi dando, hunc

non onerat, sed honorat, ei non detrahit, sed adiicit heredem non sine impuberis utilitate, cuius interest idoneum heredem habere, vt supra dictum. Vnde qui oppugnat substitutionem pupillarem, is dicitur oppugnare utilitatem pupilli, in l. Iulianus, de acquir. her. ed.

Atque hæc in substitutione ipsa pupilli spectantur, vt valeat. Extrinsicus autem ad vim huius substitutionis etiam quædam in testamento patris exigimus, quæ ex hoc principio ducuntur, quod substitutio pupillaris, & quod idem est, testamentum pupillare, pars est & sequela paterni. §. liberis, Inst. de pupil. l. qui plures liber. §. vt. in fin. D. eod. Cui sententiæ consequens est, nisi sit paternum testamentum, quod speciale est, non posse locum esse accessioni id est testamento pupillari. Propterea † vt substitutio pupillaris valeat, hæc tria de testamento paterno exigimus. I. Vt parens, qui filio impuberi testamentum facit, ipse sibi testamentum faciat. Secundo, vt prius heredem sibi scribat, deinde substituat filio. Tertio, vt idem testamentum valeat, id est, exitum habeat.

13 Primum † exigitur, vt pater sibi testamentum faciat, l. 2. §. quisquis, D. eod. Ac proinde hoc exigitur, vt pater sibi heredem instituat, siue instituat ipsum filium impuberem, siue alium quævis extraneum; quoniam sine heredis institutione testamentum non valet, l. 1. in fin. D. eod. Atqui cum hoc exigimus, simul hoc intelligimus, vt testamentum iure factum sit, puta ne liberi præteriti sint; nam iniustum testamentum nullius momenti est, id est, ne testamentum quidem est, l. 1. de inoff. test. Hoc est, quod in hac lege scribitur in pr. si testamento iure facto pater substituit, non est satis patrem sibi testamentum facere. Hoc amplius exigitur vt prius sibi heredem scribat; deinde substituat filio, & non conuertat ordinem scripturæ. Hoc ita dicitur & multis verbis scribit Vlpianus in d. l. 2. §. prius. Et vt intelligere liceat hanc sententiam ei probari, eam & ratione & auctoritatibus pluribus, scilicet Iul. & aliorum Imperatorum confirmat.

14 Sed † difficultatem facit hoc loco, quod in eod. §. vers. sed si quis, hæc sententiam videtur mutare; scribit enim substitui filio impuberi recte hoc modo, *si filius meus impubes intra pubertatem decesserit, Titius heres esto*, deinde, *Sempronius filius meus heres esto*, ubi Titius substitutus primo loco scribitur, Sempronius filius institutus secundo, in substitutione recte fit, & addit, vt videtur sententiâ superioris contrariam, vt non ordo scripturæ, inquit, sed ordo successione spectetur. Sed principium cum fine ita cõciliandum est: Obseruandum est in extremis verbis, quæ supra retulimus, Vlpianum exemplum proponere de impubere filio instituto, cui pater substituit, sed de instituto tantum, non de exheredato. Ex quo intelligere debemus, illum hunc casum à priori sententiâ generali excipere, vt sit totius eius §. prius, hæc distinctio, cum pater 15 prius substituit filio, deinde sibi heredem scribit, & queritur, vtrum † conuerso ordine scripturæ substitutio pupillaris valeat, nec ne? Intere est, vtrum pariter substituat filio impuberi exheredato an instituto, vt si substituit, exheredato, substitutio nullius momenti sit; sin autem substituit instituto, valeat, idque optima ratione, quia cum pater filio impuberi prius substituit, deinde eundem filium instituit, secundum manifestam verborum sententiam ita heredem filium instituit, vt velit cum primo loco succedere, substitutum autem impuberi datum, velit secundo loco & postea, vt merito hic ordinem successione & sententiâ testatoris, non verba scripturæ spectare debeamus. Nam cum pater hic substituit filio impuberi, substituit nominatim sub cõditione, *si filius intra pubertatem decesserit*. Cum autem eundem instituit paulo post, instituit simpliciter & pure; ac proinde filio mortuo statim illum heredem esse, & iure ipso statim heres erit, quia est suus heres, sic fit vt secundum necessitatem naturæ & iuris non possit fieri, qui sit prius heres, quam moriatur, eoq; non sit prius heres, quam substitutus ex substitutione vocetur, quod contra fit in impubere exheredato. Propone enim hoc modo testatorem scripsisse: *Filius meus impubes exheres esto, si intra pubertatem decesserit, Titius heres esto, Sempronius heres esto*.

Hic prius exheredato impuberi substitutus datus est Titius, deinde Sempronius testatoris heres ex testamento. Sed Titius impuberi heres ex substitutione non erit, quamuis intra pubertatem decesserit; quia substitutio non valet, & ideo non valet; quia vere dicitur in hoc exemplo & secundum verba, & secundum sententiam, patrem prius substituisse filio; deinde sibi heredem scripsisse, quoniam substitutio est sub cõditione, *si filius impubes decesserit*, & institutio heredis item sub cõditione tacita; *si Sempronius heres institutus hereditatem adierit*; quia nisi adeat, heres

non fit: At per rerum naturam non potest adiri, quamdiu impubes filius viuunt, vt tunc adeat, cum impubes erit mortuus, quo fit, vt in hac specie, siue scripturæ ordo spectetur, siue ordo successione, videatur pater prius substituisse filio, posterius sibi heredem instituisse. Hæc est autem conuersio scripturæ, quæ improbat in principio eius §.

Ne hæc quidem satis sunt in testamento patris, tertium † etiam hoc exigitur, vt testamentum patris iure factum & scriptum, rite etiam valeat, id est exitum habeat l. 2. §. quisquis, D. eod. §. liberis, Inst. de pupil. Huic rei hæc sunt consequentia. Primo, vt ne rumpatur testamentum patris, itaque rupto testamento, testamentum pupillare euanescat, dicit. l. 2. §. quisquis. Item & illud consequens, si testamentum querela inofficij perlatum, rescissum sit, simul & tabulas pupillares euanescere, l. Papin. §. sed nec impub. §. vlt. de inoff. testam. Consequens & illud, hereditatem ex testamento patris adiri oportere, hac non adita euanescere substitutionem pupillarem, quamuis testamentum patris ita iure factum sit vt ex testamento eo adiri possit hereditas, d. l. 2. §. quisquis, l. sed si plures, §. si ex affe. D. eod. de vulg. & pupil. Hoc ideo consequens; quia non adita ex testamento patris hereditate testamentum eius sit irritum, leg. 1. D. de in iust. rupt.

Sed hoc quod de adeunda patris hereditate dicitur, in extraneo heredibus locum habet, qui non aliter fiunt heredes, quam si hereditatem adierint. Ceterum ad heredes suos testamento patris institutos, non pertinet. Itaque si proponas patrem filium impuberem, quem in potestate habet, heredem instituisse, eiq; substituisse si impubes decessisset, si mortuo patre pupillas per tutores abstineat hereditate patris, deinde impubes decedat, nihilominus substitutus ex substitutione admittetur, quia substitutio valuerit, l. filius qui se. l. Iulianus, leg. de acquir. hered. Nec ad rem pertinet, quod filius impubes hereditatem patris non adierit; nam sine aditione ipso iure existit patri heres, l. in suis, de suis & leg. hered. Quod autem exigitur in extraneo, vt hereditas ab eo adiri sit, ideo exigitur vt heres existat. Proinde si quis heres erit eius modi, qui sine aditione heres iure non existit, idem probandum est, nempe confirmatum esse patris testamentum, vt sic confirmetur quoq; tabulæ pupillares. E ideo vere dictum est à Bart. in d. l. filius, qui se. existentia sui heredis confirmari tabulas pupillares.

Interdum tamen, etsi hereditas ex testamento patris adita non sit, aut rescissum etiam sit patris testamentum, nihilominus † substitutio pupillaris valet. Ac primum quibus casibus sit potestas heredi repudiata hereditate iterum eam adire, si adierit, confirmantur tabulæ pupillares. Id autem contingit duobus modis. I. Si heres minor 25. annis hereditatem repudiauerit; nam huic potestas est impetrata restitutione in integrum rursus hereditatem adeundi, quod si fecerit, vt ei dantur viles actiones ex edicto prætoris, ita confirmantur tabulæ pupillares, & pupillo quamquam decedente, decernuntur etiam viles actiones eius substituto, l. 2. §. in re idem, D. eod. Secundo modo idem accidit, si heres testamento patris rogatus sit hereditatem alteri restituere, nam quamuis iniuria hereditatem repudiauerit; tamen cogi potest à fideicommissario, vt hereditatem adeat & restituat, l. 4. ad Treb.

Quod si euenerit, vt adeat, eadem opera confirmantur tabulæ pupillares, vt ex his quandoq; substitutus admittatur l. nam quod, §. 1. ad Trebellian. Idem probandum est, si substitutus pupillo heres rogatus sit hereditatem restituere alteri. Nam hoc casu quamuis heres institutus testamento patris hereditatem patris repudiauerit: Et quamuis filius impubes eo testamento fuerit exheredatus; tamen postulante fideicommissario, cogi potest substitutus impuberis hereditatem adire ex substitutione pupillari.

Quod si quis dicat substitutionem pupillarem valere non posse; quia testamentum patris non valet, ex quo hereditas adita non est, huic non incommode ita occurrit. Nam vt substitutus impuberis ex substitutione adire possit, fideicommissario postulante, cogitur heres patris hereditatem eius adire, vt sic confirmetur paternum testamentum prius, deinde eo confirmato tabulæ pupillares confirmantur, quæ species est d. l. 2. §. merdum, in prin. de vulg. Præterea etsi ex testamento patris non adeatur omnino hereditas; tamen quibus casibus ex eiusmodi testamento legata iure prætorio conferuantur, iidem casibus etiam ex testamento valent tabulæ pupillares. Id rursus accidit duobus casibus: Vnus est, si legitimus defuncti heres sit testamento institutus; deinde mortuo testatore omnia causa testamenti ab intestato possideat hereditatem, placet hoc casu confirmari tabulas pupillares.

res d. l. 2. §. quisquis, in princ. D. eod. Hoc ideo; quia etsi repudiata ex testamento hereditate, testamentum iure civili non valet; tamen ex edicto prætoris, si quis omnia causa, &c. perinde id habetur, quasi ex testamento esset adita hereditas; quoniam sic ex testamento & legata & cetera relicta præstantur, ac si ex eo adita hereditas esset, leg. d. si quis om. caus. test. At si legata à prætore conseruantur, multo magis substitutio pupillaris propter utilitatem pupillorum.

Altero modo hoc idem fit, cum testamentum patris rescissum est, bonorum possessione contra tab. perita; nam & hoc casu etsi non valeat testamentum, non eo minus tamen substitutio pupillaris valet, lex duob. §. ult. l. seq. D. eo. Hoc ideo; quia singulari quodam iure prætor rescisso per bonorum possessionem contra tabulas testamento, nihilominus legata seruantur quibusdam personis, nempe parentibus & liberis, l. i. de leg. præst. Si legata, multo magis seruat hereditatem liberis puberibus ex substitutione pupillari.

Hæc summa est earum obseruationum, quas in substitutione pupillari tenere oportet, vt valeat substitutio. Ex his autem varia nomina substitutionis nata sunt, quæ ideo nobis sunt obseruanda, vt cum occurrant, statim ex his res, quæ de monstrantur, intelligantur, & simul explicetur eorū verborum appellatio. Primum igitur dicitur † substitutio, tit. de pup. in pr. & §. non solum. quoniam in hac substitutione instituitur heres secundo loco & gradu. Prius enim pater sibi heredem facere debet, deinde filio, & ita debet, vt prius heredem oporteat existere patri, quam substitutio pupillaris valeat. Is autem † dicitur substitutus, qui secundo loco institutus est heres, ita vt non nisi secundo loco succedat, vt initio dixi h. l. Et notandum est substitutum impuberis, seu hanc substitutionem non dici substitutionem habita ratione impuberis; nam substitutus impuberis est impuberi prius heres, & solus, non secundus. Sed nec ita dicitur habita ratione patris substituentis. Nam substitutus impuberi non est omnino patri heres, nedum primo, aut secundo, sed est solius impuberis heres. Verum ita substitutio & substitutus hic dicitur, ex comparatione heredis paterni; nam prius heredem à patre institui oportet, vt dixi; deinde secundo loco filio impuberi, & non conuertitur ordinem scripturæ, quod ab Vlp. significatur in l. 2. in fin. D. eod. Dicitur substitutio pupillaris §. igitur. Instit. de pup. in pupillari. Lex duob. §. ult. de vulg. & pup. Quia etsi non possit substitui pupillo, nisi tunc, cum est in potestate patris; tamen substitutionis euentus confertur in id tempus, cum impubes morte patris, sui iuris erit factus, quo tempore dicitur pupillus, l. pupillus. de verb. sig. Eadem † dicitur testamentum pupillare, tit. Instit. de pup. in pr. Eodem sensu dicuntur tabulæ pupillares, hoc ideo; quia ex hac substitutione heres instituitur impuberi, non patri, §. i. vers. quo casu. Instit. de pup. Id autem cuiusq; dicitur testamentum, in quo heres cuique instituitur; quoniam ex heredum institutione testamentum pendet, l. i. §. qui neque, de her. Instit. §. cum heredem. Instit. de leg. Idem testamentum ex ordine institutionis dicitur secundæ tabulæ, vt eadem sunt tabulæ pupillares, & secundæ tabulæ; d. §. interdum, in pr. d. l. qui plures, §. ult. D. h. e. Ex quo intelligimus in institutione pupillari, substitutione facta in testamento patris, duo testamta esse; vnum patris, ex quo heres ei instituitur, alterum filij, ex quo instituitur pupillo heres ex substitutione pupillari, l. patris & filij. D. h. §. igitur. Instit. de pupil. Et tamen quia tabulæ pupillares, seu substitutio pupillaris per se nõ valet, sed pars & sequela est paterni testamenti, §. fibi ipsi. Instit. de pupill. rursum hac ratione fit, vt substitutione pupillari facta, nihilominus vnum dicatur testamentum esse patris, cuius pars fit & accessio, substitutio pupillaris; Ideoque dicitur hoc sensu vnum esse testamentum duorum casuum, id est, hereditatum, dicit. §. igitur. Ex hac ratione, cum pater substituit filio impuberi in secundum casum, dicitur patris esse testamentum duplex, & in quibus testamentis eadem sunt, ea dicuntur duplicia testamenta in vsu iuris l. in duplicib. D. ad l. Falcid. Hæc substitutio autem hic in testamento patris, non minus ex sententia intelligitur, quam ex verbis, de quo ad leg. 2. supr. vbi constabat pupillæ substitutionem testamento patris ordinatam esse, & ita ordinatam secundum ea, quæ dixi. Restat, vt de effectu eius queratur, id est, substitutus pupillo heres quando & cui, seu ad cuius hereditatem ex ea substitutione admittatur, id quod paucis verbis notatum est in extremo hac lege. Ergo ex ea substitutione admittitur substitutus post euentum conditionis, vt sunt verba rescripti, id est, si pupillus intra pubertatem decesserit. Nam hæc huius substitutionis conditio est. Admittetur autem ita, vt excludat intestati successorem, vt sunt ver-

ba rescripti, quibus verbis significatur, quod aliis locis explicatius traditum est, substitutum impuberis, succedere pupillo, & in omnia bona eius, ac proinde in hereditatem patris, si prius impubes patri heres existit, & tit. pupil. vers. quo casu. l. sed si plures, §. substitutos, l. pater familias, de vulg. & pupill. Hoc idem verbis huius rescripti significari dicimus; qui si tota hereditas impuberis non pertineret ad substitutionem impuberis, ex testamento seu substitutione pupillari, impubes succederet. At perinde casu alio proximo ex intestato ei succederet. Nunc autem secundum verba testamenti hæc intestati successio ex substitutione à substituto excluditur. Ex quo colligitur illum in totum succedere in substitutione, exclusis legitimis pupilli heredibus.

Ad L. Precibus 8.

Imp. Dioclet. & Maximian. AA. & CC.
Patronæ.

Precibus tuis manifestius exprimere debueras, maritus quondam tuus miles defunctus, quem testamento facto heredem communem filium vestrum instituisse proponis, & secundum heredem scripsisse, vtrumne in primum casum, an in secundum filio suo, quem habuit in potestate mortis tempore, si intra decimum quartum sue ætatis annum aut postea decesserit, substituerit. Nam non est incerti iuris, quod si quidem in patris militis potestate, primo tantum casu habuit substitutum, & pater heres existit: eo defuncto ad te omnimodo eius pertinet successio. Si vero substitutio in secundum casum, vel expressa, vel compendiosa, non usq; ad certam ætatem facta reperitur: si quidem intra pubertatem decesserit, eos habeat heredes, quos pater ei constituit, & adierint hereditatem. Si vero post pubertatem: tunc eius te successionem obtinente, veluti ex causa fideicommissi bona, quæ cum moreretur, patris eius fuerint, à te peti possunt. S. V. Id. April. AA. Coss. 293.

SUMMARI A.

- 1 Species facti, questio, & responsi summa.
- 2 Primus & secundus casus in substitutione, qui.
- 3 In proposito cur nulla substitutio matri obstat, quominus intestati filij hereditatem obtineat.
- 4 Vulgari substitutione expressa contineri pupillarem, nisi voluntas restatoris refragetur.
- 5 Vulgari substitutione à pagano facta non admitti pupillarem tantam aduersus matrem, sed hanc filio impubere herede mortuo admitti ad hereditatem intestati excluso substituto: si modo mater vna cum filio instituta sit: alioqui in pagano patre contra. L. vlt. C. de Inst. & subst. explicatur. ibidem.
- 6 Vulgari substitutione expressa nec tunc contineri pupillarem tantam aduersus matrem, cum substitutio à patre militis facta est? & cui diuersum in patre pagano.
- 7 Compendiosam substitutionem vtrumq; casum continere etiam aduersus matrem impuberis, quisquis pater substituerit, siue miles, siue paganus. Compendiosa substitutio que; ibid.
- 8 Militem cuius heredi à se instituto etiam post pubertatem in secundum casum directo recte substitueri, vt bona militis sola ad substitutum pertineant: heredi propria bona ad eius heredes siue testamentarios, siue legitimos redeant.
- 9 Ex substitutione militis in secundum casum post pubertatem, aut extraneo heredi facta, non solum pertinere ad substitutum bona propria militis, sed & fructus eorum bonorum inuentos in hereditate, cum heres, cui substituitur, moritur: & quod fructus his verbis intelligantur. L. Centurio. D. de vulg. explicatur. ibidem, & nu. 8.
- 10 Ex substitutione militis in secundum casum post pubertatem facta filio pertinere ad substitutum bona militis iure directo, non fideicommissi, quamuis mater sit superstes.
- 11 Hac verba, velut ex causa fideicommissi, addita, vt significetur restitutionem hereditatis ex substitutione militari in secundum casum facta, similem esse restitutioni hereditatis fideicommissaria: & cur, ac qua in re fit simile.
- 12 Obtineri filij hereditas à matre quo sensu hic dicatur.

1 Miles pater ꝛ filium impuberem, quem in potestate habebat, heredem instituit, eique substitutum dedit; filius mortuo patri existit heres: deinde decessit viua matre. hæc filij hereditatem vt intestato mortui occupat, eamq; pro sua obtinet ex secusconsulto Tertulliano. substitutus contra hereditatem filij ex substitutione sibi vindicat. queritur, *ad verum hereditas pertineat?* De hac re consulit mater Imperatores, & in facti narratione rem nude ita exposuit, vt *supra dixi*, nempe substitutum filio datum, neque expressit in quem casum, vt in primum, an in secundum. Respondent Imperatores, vt mater certum & absolutum responsum acciperet, debuisse eam manifestius exprimere, in quem casum substitutus datus sit; quia multa referat ad id, de quo queritur, in vtrum casum substitutus quis sit. Proinde cum id mater non expresserit, respondent non absolute, sed sub distinctione, in qua versatur hoc rescriptum. Est autem hæc distinctio. Interest, vtrum miles filio impuberi, quem in potestate habebat, & habuit tempore mortis, substituerit in primum tantum casum, an vero in secundum.

2 Primum ꝛ casum vocant vsitato iuris auctoribus loquendi more vulgare, huiusmodi, *si filius heres non erit*: Secundum non vulgare, qui priorem sequitur, *sive heres erit filius, & postea decesserit*; *l. 4. D. de vulg. & pup. subst. de quo alias.*

3 Si ꝛ in primum tantum casum substitutus datus sit, & filius heres existit, aiunt Imperatores nõ esse incerti iuris hereditatem filij hoc casu ad matrem omnimodo pertinere, non autem ad substitutum. Id autem sic colligitur. Nã si nullus est filio substitutus datus, & is testamentum non fecit, intestatus decedit. Intestati autẽ filij, qui nec patrem habuit, nec filios, hereditas certo iure ad matrem pertinet ex senatusconsulto Trebelliano. *Inst. de sen. Tertull.* Iam vero hic substitutio nulla fuit, vbi proponitur substitutus in primum tantum casum datus esse, & filius existisse heres. Nam si qua hic substitutio est, necesse est aut vulgare esse, si filius heres non erit, aut non vulgare, si heres erit, & postea decesserit. Hic vulgaris non est, quippe quæ filio herede existente expitauerit, quod & ipsum certi iuris est. *l. post aditam, sup. hoc tit.* Non est non vulgaris substitutio; quoniam cum proponatur in primum tantum casum substitutus datus, hæc particula, *tantum*, satis significat secundum casum a testatore comprehensum non fuisse, ita fit, quod dixi, vt intestatus filius decesserit, eoque & ad matrem pertineat intestati hereditas.

4 Et ꝛ hæc recte dicerentur, ac citra controuersiam si vulgari substitutione expressa, vt hic factum proponimus non contineretur pupillaris. Nunc autem certi iuris est, eam contineri, *l. 4. Dig. de vulg. & pup. subst.* Secundum quam sententiam dici debuit filio impubere mortuo, quãuis prius patri heres existisset, eius hereditatem ad substitutum pertinere ex substitutione pupillari. consequens esse hereditatem nullo modo pertinere ad matrem, quoniam substitutio pupillaris est testamentum impuberis, quam diu autem potest ex testamento impuberis adiri hereditas, tam diu ab intestato non defertur neque matri neq; ceteris heredibus legitimis; *quamdiu potest, D. de acq. hered.* Sed quod dicitur vulgari substitutione expressa contineri tacite pupillarem non est perpetuum. Id hæcenus verum est, nisi voluntas testatoris refragetur, quod in specie proposita factum esse intelligendum est. Queritur igitur in proposito, quare substitutus in vulgare casum datus a patre, qui filium in potestate habuit, non videatur etiam in secundum casum datus, vt sic admittatur in vtrumque exclusa matre ab intestato & cur non videatur pater de secundo casu cogitasse. Et vgo obtinuit hæc sententia, ideo in proposito id fieri; quia filius decesserit viua matre: matri non nocere substitutionem pupillarem tacitam: quasi coniectura sit testatorem voluisse, si filius heres existeret, deinde intra pubertatem decederet, luctuosam hereditatem filij ad matrem pertinere potius, quam ad substitutos, de quibus in secundum casum nihil aperte.

5 Sed vereor, ꝛ ne hæc sententia defendi non possit. Nam si ob hanc causam propter matrem excluditur substitutus in secundum casum in substitutione vulgari a milite facta; etiam in pagano testatore idem probandum erit, qui filio impuberi substitutum dederit in vulgare tantum casum; quia hic eadem mater est, quæ de hereditate filij litigat, idem humanitatis sensus in pagano patre, vt proinde in eadem ratione idem ius statui debeat. *l. illud. D. ad leg. Aquil.* Et hoc etiam vulgo admittunt. Sed resellitur hæc sententia non obscure *l. ult. sup. prox. tit. de institut. & substit.* Nam illic proponitur testator, qui miles non est, vxorem prægnantem heredem instituisse; & vna cum vxore ventrem, id est, pupillum,

qui in ventre est, pupillo substituisse hoc modo, *Si filius natus non esset, id est, si heres non existisset, ac propterea substituisse ei in vulgarem tantum casum deinde proponitur posthumus natus esse & heres existisse patri, ac deinde impubes decessisse. Quæ situm est de eius hereditate, vtrum ex substitutione pupillari tacite pertineat ad substitutum, an vero ad matrem & reiecta pupillari substitutione.* Et illic refertur sententia Papiniani & Vlpiani, probantium quidem matrem ad successionem intestati filij admitti excluso substituto, vt sic vulgari substitutione, quæ expressa erat, non intelligatur contineri pupillaris aduersus matrem. Sed hæc sententia a Papiniano & Vlpiano defenditur hac solum ratione; quia mater itidem vt filius, instituta erat a testatore. Proinde si instituta non erit, non admittetur, sed substitutus. Vis huius argumenti indicatur in *l. 1. §. huius rei. D. de off. eius, cui mand. est iuris d.* Defenditur præterea eadem sententia ab illis auctoribus hac ratione, quod si testator voluit hereditatem suam, quæ vxori non debetur, ad vxorem pertinere; multo magis voluit ad eam pertinere hereditatem filij impuberis, vt pote quæ naturaliter matri debetur. Hæc ratio cessat in ea matre, quæ a testatore instituta non est. Quare in ea hoc quoque ius cessabit. *l. quod dictum, D. de pact. l. in omnibus causis id obseruatur. D. de reg. iur.* Nec obstat Iulianiani constitutio, qua prior sententia remota omni dubitatione confirmatur. Confirmatur enim nominatim a Iulianiano in hac specie, & in hoc casu. Nam bis hæc verba repetit ea constitutio, proinde in alijs casibus ius vetus manere oportet. *l. principis, in fin. infra de appell.* Apparet autem ex superiore dubitatione Papiniani & Vlpiani, in ea matre, quæ instituta non esset, dubium nõ fuisse, quin filio impuberi heres nõ esset ab intestato, si pater impuberi substitutum dedisset, quamuis in primum tantum casum. Neque aduersatur hic locus, vbi simpliciter dicitur hereditatem impuberis ad matrem pertinere. Nam adicitur, in hoc casu id non esse incerti iuris. Ex quib. verbis liquet Imperatores non loqui de pagano testatore, qui filio impuberi in primum casum substitutum dederit non instituta matre, aut etiam instituta. Nam vt in eo casu admitteretur mater, impubere mortuo res dubij iuris fuit; non certi. Ad eiusdem rei confirmationem adicere oportet *l. quamuis, sup. h. tit.* vbi vxore testatoris & filio impubere heredibus institutis pater ambobus substituit hoc modo; *si vxor & filius heredes non erunt*; & respondetur quidem, si filius impubes heres existat, deinde intra pubertatem decedat, substitutum ex substitutione pupillari non admitti, sed matrem ab intestato. Verum ratio obseruanda est, quam obrem id placeat. Non enim dicitur ideo mater admitti, quia substituto in primum tantum casum dato, mater excludat tacitam pupillarem: sed quia testator his verbis, *si heredes non erunt*, substituendo, intelligitur tantum sensisse de eo casu, qui in vtriusque persona locum habere potuit. potuit autem solus casus vulgaris in vtriusque persona intelligi. Quo non obstatre significatur, si vni tantum filio impuberi pater substituisset in primum tantum casum, cum in eius persona locum habere potuerit etiam secundus casus, matri locum non futurum, sed substituto, quantumuis mater vna cum filio instituta fuerit. Neque hæc sententia iniqua est. Nã cum pater filio impuberi substituit aliquem in primum casum, vult substitutum sibi heredem esse. Qui autem semel eum sibi heredem esse vult is, vult eum etiam perpetuo sibi esse heredem, siue filius heres non sit; siue sit heres. Quapropter etiam filio herede existente, & intra pubertatem mortuo, substitutus testatori heres erit ex eius voluntate. Et quoniam non potest testatori heres esse, nisi etiam sit heres pupillo; quia iunctæ hereditates esse ceperunt patris & impuberis, *l. sed si plures §. filio, D. de vulg. & pup. subst.* ideo substitutus etiam ad hereditatem impuberis vocari intelligitur, vbi alia voluntas manifestior non refragatur.

Sed obijciatur ꝛ hic locus, in quo contra placet matrem admitti, Et obseruandum est locum scriptum esse de testatore milite. Sic enim diserte verba sunt: quod si filius in patris militis positus potestate: ex quibus intelligimus aliud iuris esse in milite, aliud in pagano. Merito est enim in vtroque alia arque alia coniectura voluntatis. Nam in milite hoc probatur, vt tantum sensisse & voluisse intelligatur, quantum dixerit, non amplius; scilicet vt quædam modum seruetur per omnia id, quod voluit; ita etiam præter voluntatem non seruetur. quod non aperte voluit. *arg. in leg. Diuus. & l. Lucius. D. de testa. mil.* Idque recte placuit, cum propter imperitiam militum, de qua scriptum est in *l. 3. sup. de test. mil.* cum propter occupationes expeditionum, in quibus iure militari testantur. *§. 1. Instit. de test. milit.*

Imperitia facit, vt de iure non intelligatur cogitasse miles, si non expleserit, *leg. vit. in princ. infr. de iure delib.* Occupatio autem militiae & expeditionis omnem aliam cogitationem adimit, vt non temere putandus sit cogitasse; quod nominatum non dixerit. Quod cum ita sit, si miles filio impuberi substituit in hunc casum, si heres non esset, non videbitur substituisse in hunc casum, si heres erit, & deinde decesserit. Ex quo efficitur, si heres existat, certi iuris esse expirasse substitutionem, ac proinde patri locum futuram, non substituto. Cui consequens est, si impubes hoc casu heres existat, & intra pubertatem decedat, etiam alium quemlibet legitimum heredem impuberis heredem futurum ab intestato, excluso substituto. Alia coniectura est voluntatis in ijs testatoribus, qui milites non sunt. Nam si ius non ignorant, secundam regulam eius iuris testari intelliguntur: si imperiti sunt; tamen de hoc ipso iure videntur sensisse; quia se iure communi testari intelligunt: vt velint etiam ea omnia admitti, quae sunt ex iuris communis sententia, nisi aperte eorum voluntas refragetur. Ex his colligimus, quoties testator in vnum casum, puta vulgare, substituit aliquem filio impuberi, simul etiam in secundum casum substituisse videri: nisi conditio heredis legitimi, qui ad hereditatem impuberis vocatur; aliam admittat coniecturam, id autem contingere; quoties filius impubes decedit viua matre: si modo & ea testamento instituta sit ab eodem testatore vna cum filio impubere ex *l. vi. supr. prox. cit.* aut ea non instituta proponatur substitutio facta esse à testatore milite.

Atque hæc ita sunt si pater miles filio impuberi substituit in primum tantum casum. diuersum est, si substitutio à patre etiam in secundum casum vel expressa, vel compendiosa facta fuerit. sic enim verba sunt huius *l. in vers. sed si.* In secundum casum fit hoc modo: *si filius meus heres erit, & deinde decesserit, Titius heres esto.* Expressa est hoc modo: *si intra pubertatem, aut postea decesserit, quæ formula initio huius rescripti expressa est.* Dicitur autem hoc casus expressa; quia tempus vtrumque verbis specialiter exprimitur, & quod pubertatem præcedit, & quod sequitur. Compendiosa seu compendio fieri dicitur hoc modo: *quandocumq; filius meus decesserit, vel, si decesserit, vel, cum decesserit,* quia hoc compendio sermonis vtrumque tempus superius comprehenditur, non exprimitur: vt alibi appellatione hominis dicuntur compendio sermonis omnes homines contineri, *l. Marcus. §. duorum. D. de leg. 3.* Ergo si substitutio in hunc casum facta sit, quandocumq; filius heres factus decesserit, nunquam hereditas filij tota ad matrem pertinebit, sed aut tota ad substitutum, aut saltem pro parte. Vtrum autem tota, an pro parte pertineat, ex hac distinctione statuendum est. Aut enim filius decedit intra pubertatem, aut post pubertatem. Si intra pubertatem, eos heredes habebit, quos pater ei substituit, si & hereditate adierint, vt sunt verba rescripti. Ex quibus intelligimus, hoc casu totam hereditate filij impuberis ad substitutum pertinere. Itaque in hac hereditate & bona patris ad substitutum pertinebunt, & item bona proprie filij impuberis, vnde cumque illa obuenerint. Nam cum is patri heres existent, iuncta hereditas cepit esse patris & filij. *l. sed si plures §. filio. D. de vulg. & pupill. subst.* Hoc autem fiet iure communi, et si paganus testator filio impuberi substituisse aliquem in secundum casum. *inst. de pup. subst. vers. quo casu. & d. l. sed si plures §. ad substitutos. de vulg. & pup. subst.* Bene igitur Papinianus in *l. centurio, Digest. eod. dixit,* hoc casu substitutos iure communi etiam propria bona filij impuberis capturos. Si bona impuberis ex substitutione ad substitutum hoc casu pertinent, sequitur nihil ex his ad matrem redire. Nam, vt superius dixi, hæc substitutio testamentum est pupilli, quod pater ei fecit. *l. 2. D. de vulg. & pup. subst.* Quamdiu autem potest ex testamento impuberis a iuri hereditas, tamdiu ab intestato non defertur neque matri neque aliis legitimis heredibus. *l. quam. diu posse. D. de acq. hered.*

Si vero filius decessit post pubertatem, rescripti verba ita sunt: *matre eius (filij) hereditatem obtinente, bona qui patris, cum moreretur, fuerint, veluti ex causa fideicommissi à matre peti posse.* Quæ verba quia obscuriora sunt, & magnas difficultates pepererunt interpretibus, nobis excutienda sunt. Et in his duo expendenda potissimum: quæ hoc casu bona ad substitutum pertinent: vnum quo iure. Igitur cum filius, cui in secundum casum substitutus datus est à patre milite, post pubertatem decedit, non omnia eius bona ad substitutum pertinent, sed bona duntaxat patris, id est, quæ fuerunt patris, cum is moreretur. Idem in *l. centurio, in fin. D. de vulg. subst.* Hic occurrit ex iure communi. Nam verbis civilibus, id est, directis, post decimum quartum annum frustra substitutio

fit: & si facta erit, tamen pubertate finitur. *leg. verbis civilibus, & l. in pupillari. D. de vulg. subst.* Sed hoc in paganis ius est, in militis substitutione, de qua hic agitur, locum non habet. Potest miles ex privilegio militum heredibus à se institutis etiam in hunc casum, cum heredes existerint, substituere, non tantum liberis, sed etiam extraneis: nec tantum impuberibus, sed etiam puberibus. *leg. milites. supr. de test. mil. l. miles ita heredem. D. eod.* Pertinet igitur bona patris militis ad substitutum non iure communi, sed ex privilegio militum, vt dicitur in *l. l. centurio.* Quid? bona propria filij ad quem pertinebunt? nempe ad heredes legitimos. & ideo in specie, quæ nunc proponitur, ad matrem quæ temporibus huius rescripti inter legitimos heredes primum locum tenuit ex senatus consulto: Sed cur ex eodem privilegio militis hæc bona non pertinent ad substitutum, cum miles substituerit heredem filio, non sibi? Quia suis bonis miles quauis substitutionem facere potest, alienis non potest, ne ius alienum imminuat. *d. l. milites. supr. & l. cum filius famul. D. de test. mil.* Durum est autem, vt minuat ius alienum filij; si heredem ei dandum auferat ei libertatem testamenti faciendi, *l. ex facto. i. resp. D. de vulg. subst.*

Adiicitur in rescripto, ad substitutum bona patris pertinere, quæ patris, cum moreretur, fuerunt. Imo etiã ea, dicit aliquis quæ eius non fuerunt, cum moreretur. Nã hæc bona ad substitutum pertinent cum fructibus inuentis in hereditate patris, vt scriptum est in *dict. l. centurio. infr.* Quibus verbis intelligere debemus fructus inuentos in hereditate patris, & inuentos; quo tempore filius moritur. Neque enim de fructibus inuentis in hereditate patris, quo tempore pater moritur, sentire potest Papinianus; qui prius dixerat bona patris pertinere ad substitutum. Bonorum appellatione etiam fructus tempore mortis patris inuenti satis continentur, siue pendentes sint, siue iã ante à patre percepti. Nã pendentes pars sunt fundi, *l. fructus pendentes. D. de rei vind.* Percepti autem sunt eius, qui fundi dominus fuit, *l. quis sit. §. 1. D. de vsur.* Quapropter cum Papinianus à bonis, de quibus locutus erat, separaret & distingueret fructus in his inuentos; perspicuum est eum intelligere fructus in illis bonis inuentos, quo tempore filius moritur. Et verum est, hos fructus etiam ad substitutum filij pertinere: dummodo fructus in hereditate patris eo tempore inuentos, intelligamus eos dici, qui in hereditate eo tempore pendet, non autem qui ante à filio percepti sunt. Vt corpora, quæ patris fuerunt, hereditaria sunt ita & fructus eorum corporum pendentes. Proinde vt hereditas patris ad substitutum pertinet, sic & fructus eius hereditatis pendentes. Qui autem fructus viuo filio percepti sunt, hi non pertinebunt ad substitutos, duabus de causis. Primum; quia amplius non reperiuntur in hereditate patris, vt pote ab ea separati. Deinde; quia percepti à filio, qui dominus erat bonorum paternorum, ei quoque eadem opera acquisiti sunt, vt sint pars hereditatis eius, non paternæ. *d. l. quis sit. §. 1. ff. de vsur.* Nõ obstat hæc lex, quæ de bonis tantum loquitur, quæ patris fuerunt, cum moreretur. Loquitur enim solum de corporibus non de fructuum præstatione. Corpora ipsa hereditaria si spectamus, ea solum ad substitutum pertinent, quæ fuerunt patris, quo tempore is moritur.

Videamus, quo iure hæc bona ad substitutum pertineant. Ait enim rescriptum, *veluti ex causa fideicommissi, pet. posse.* Quæ verba errori communi anam præbuerunt. fecerunt enim, vt existimarent vulgo interpretes bona hæc in substitutione proposita ad substitutos pertinere non iure directo, sed iure fideicommissi. Et cum illis obijcitur privilegium militis, quo privilegio miles etiã heredibus à se institutis & existentibus substituere alium potest: respondent hic substitutionem directo factam redigi ad causam fideicommissi propter matrem filij intermediã. Quæ sententia explodenda est: Aduersatur enim cum manifestæ rationi, tum manifestis locis iuris, & maxime etiam huic loco. Ius certum est, militum heredibus à se institutis alium heredem substituere directo posse in secundum casum, *d. l. milites. & l. miles ita heredem. D. de test. mil.* Porro in specie hic proposita, vt narratur factum in principio rescripti, miles filio suo secundum heredem scripserat, id est, directo, substituerat heredem, his verbis, *si filius meus decesserit intra pubertatem, aut postea, Titius heres esto.* Vt igitur miles substituit directo, ita & directo substitutio valebit. Declaratur vero id euidentissime in *l. l. centurio, D. de vulg. subst.* vbi scribitur in eadem hypothese bona patris ad substitutum pertinere ex privilegio militum. Si ex privilegio, certe non fideicommissi iure. Nam vbi fideicommissum relictum est, fideicommissum iure communi valet etiam post pubertatem, non autem ex privilegio. *§. vi. l. ff. de sing. reb. pet. sit. com. relic. §. vi. inst. de pup. subst.*

Et ridiculum est, quod vulgo dicunt, propter matrem filij superstitem directam substitutionem a milite factam obliquari. Hoc enim perspicue dicitur aduersus notū priuilegium militare. Sed & hinc magis falsum esse intelligemus. Nam si substitutio & institutio directā militis valet iure directo etiam aduersus filios militis, ut valet: *l. scint. & l. seq. si pr. de test. milit.* multo magis valebit aduersus uxorem militis, ad quam nullo iure hereditas militis pertinet. Hæc eadem sententia aperte verbis huius rescripti confirmatur. Nam hæc verba, velut ex causa fideicommissi; verba sunt similitudinis. Nullum autē simile est idem. Quare si bona patris in proposito petuntur, veluti ex fideicommissi causa, nō dubium argumentum id est, hic fideicommissum non esse, alioqui dicendum fuit bona hæc peti ex causa fideicommissi, non velut ex causa fideicommissi. Quod si hic fideicommissum non est: necessesse est directam substitutionem re iniqui, quæ hic statuatur, nihil est enim medium *d. §. vlt. Instit. de sing. reb. per fideicom. vel.* Et hinc est, quod Imperatores dicunt, hæc bona à matre peti posse. Petendi verbo proprie actio in rem significatur, *l. actio in personam, D. de obl. & act. l. pecunia. §. actionis, D. de verb. sign.* Si actio in rem substitutio datur ad hæc bona patris petenda, indicio est etiam nondum restitutus illis bonis substitutum eorum dominum esse; quoniam in rem actio nisi domino non competit. *l. in rem, D. de rei vind.* Non potuit autem substitutus rectā à testatore dominus fieri, nisi voluntate, in eum collata directo, *§. vlt. Instit. de sing. reb. per fideicom. vel. l. c.*

11. Quid est ergo quod dicunt Imperatores, bona hæc peti posse velut ex causa fideicommissi? Additum hoc est conuenientissime, ut intelligeremus, non omnia bona filij pertinere ad matrem, sed ea tantum, quæ propria essent filij: bona autem patris sola in restitutionem venire. Quippe idem fieret, si pater miles filium heredem instituisset, & cum rogasset hereditatem suam restituere Lucio Titio post mortem suam. Ex hoc inquam, fideicommissio bona tantum patris restituenda essent: propria autem facultates filij fideicommissio non continerentur, ut est in *l. coheredi. §. cum filia, D. de vulg. & pup. subst.* Sed & illud huic restitutioni cum restitutione fideicommissi conuenit, quod si fideicommissum relictum esset à filio testamento patris militis, omnia bona patris restitui deberent ex fideicommissio non imminuta ex lege Falcidia, seu senatusconsulto Trebelliano; quia in testamento militis cessat lex Falcidia, *l. in testam. sup. de rest. mil.* Sic & hoc loco ex substitutione directā militis, quæ post pubertatem facta est, omnia bona patris ad substitutos pertinent. Ex quo apparet, non alium sensum esse horum verborum, velut ex causa fideicommissi, quam hunc: nimirum in proposito bona patris à matre peti posse & restitui debere similiter, uti peti possent, & restituerentur, si pater filio herede instituto eum rogasset, cum moreretur, hereditatem suam restituere Lucio Titio: id est, in summa, restitutionē hanc similem esse restitutioni fideicommissi. Vnum dissimile est in fructibus. Nam ex substitutione directā militis, de qua nunc agitur, ut bona ipsa patris ad substitutos pertinent; ita & fructus inuenti in hereditate patris; quo tempore filius moritur. In restitutione autem fideicommissi fructus nō veniunt, nisi ex quo tempore mora facta est, *l. in fideicommissaria D. ad Trebell.* Sed id non aduersatur huic loco. Nam, ut dixi, loquuntur Imperatores de restitutione bonorum, non etiam de restitutione fructuum. Verum est autem in restitutione bonorum priuatorum, id est, corporum ipsorum, omnia esse directā substitutioni, quæ post pubertatem facta est, similia cum fideicommissio. Nihiligitur hæc verba, velut ex causa fideicommissi, obstant, quorū inus in proposito intelligamus bona patris ad substitutum pertinere iure directo, non fideicommissi, ex priuilegio militum.

12. Magis quod ob stare videri possunt illa verba, *te eius hereditatem obtinente*, quibus significatur matrem obtinere hereditatem filij. Obtinere autē est iure obtinere: & hereditas filij non tantū propria bona filij continet, sed etiam hereditatē patris; qua postquā filius heres exstitit, cœpit esse in patrimonio filij, cœpitque; ex utraque vna hereditas fieri, *d. l. sed si plures, §. filio, D. de vulg. & pup. subst.* Et concedenda est hoc ita esse, si in his verbis obtinendi verbo intelligeremus iure hereditatem obtineri a matre, & præterea hereditatis verbo totam hereditatem filij acciperemus. Sed neutrum necesse est sic accipi, cum possit alius esse sensus idoneus. Et vero potest hic esse sensus horum verborum duplex, & is quidem ad verba, & quæstionem propositam quam accōmodatissimus. Vnus, ut sic interpretemur, *Te eius*, id est eius solius filij hereditatem propriam obtinente, sitque hæc sententia: *heredes as*

propria filij ad te pertinet in proposito, o mater; reliqua autem bona, que fuerunt patris, à te peti possunt, ut si nihil amplius ad te pertineat, quam propria bona filij tui, ut appellantur hæc bona in *d. l. centurio, de vulg. & pup. subst.* Quæ sententia ut verbi conuenientia per se verissima est, ac proinde accipienda; quia vitio caret, *l. in ambigua, D. de legib.* Esse etiam potest horum verborum alter hic sensus, non minus vitio carens, quam prior, ut intelligamus hic conditionem esse, *si hereditatem filij obtines, o mater.* Est enim hic ablatiuus abfolutus, *te obtinente.* Dici autem vulgo solet, & verū est ablatiuos abfolutos resolui in conditionem, ut, *restituas hereditatem fundo retento, vel pecunia accepta*, id est, cum fundum retinueris, vel pecuniam acceperis: seu si retinueris, si acceperis *l. à testatore, D. de cond. & demonstr.* Quo modo interpretantibus erit hæc sententia, *si hereditatem totam filij, o mater, obtines*, id est, tenes, possides; bona patris, qua in ea hereditate sunt, à te peti possunt. Recte vero, & necessario ad hanc petitionem dandam superior conditio adiecta est. Nam ut quis vel res singulas, vel hereditatem possit vindicare, non est satis eum, qui vindicat dominum esse vel rerum singularum, vel hereditatis, sed opus est, ut is, à quo hereditatem petat, possideat pro herede, vel pro possessore, *l. regulariter, & seq. D. de her. pet.*

Ad L. Humanitatis. 9.

Imper. Iustinian. A. Mennæ PP.

Humanitatis intuitu parentibus indulgemus, ut si filium, nepotem, vel pronepotem cuiuscunque sexus habeant, nec alia proles descendantium eis sit, iste tamen filius, vel filia, nepos, vel neptis, pronepos, vel proneptis mente captus, vel mēte, capta perpetuo sit, vel si duo, vel plures isti fuerint, nullus vero eorum: liceat hisdem parentibus legitima portione, vel eis relicta, quos voluerint, his substituere: ut occasione huiusmodi substitutionis ad exemplum.

SUMMARIA.

- 1 Summa huius constitutionis.
- 2 Parentes, quibus modis, quæue ratione liberis mente captis substitui.
- 3 An omnes parentes illo modo substituere possint. An & mater & auus. Et quid si plures sint parentes liberorum mente captorum, quorum ex iis testamentum valeat.
- 4 Beneficium huius legis an ad furiosos quoque pertineat.
- 5 An quoque ad prodigos, furiosos & mutos.
- 6 Liberi mente capti, quibus pater in secundum casum substituit, valeat substitutio, oportet, ut mortuo testatore non sint in potestate alterius parentis cuiusquam.
- 7 Mente capti liberis quibus conditionibus substituere liceat.
- 8 Mente capti ex minori parte, quam legitima instituti sint, an nihilominus substitutio valeat.
- 9 Mente capti si respiciant post substitutionem, deinde recidui sint, atque decedant, utram substitutio euaneſcat, maneatue.
- 10 Substitutio mente captorum quid distet à substitutione pupillari.

Summa quæ constitutionis hæc est: permittitur hac lege parentibus liberis suis mente captis, quamuis publicis, heredibus, prius nō minus, quam ex portione legitima institutis, substituere in secundum casum; si heredes erunt, & in eadem valetudine decesserint. Et substituere his quēlibet, præterquam si liberi mente capti filios habeant, aut fratres ex eodē parente testatore natos. Nā si filios habent, hi substituedi sunt: si non, substituendi sunt fratres; dū tamen intelligamus sufficere vnum aliquē ex his substituere, neque necesse esse substituere omnes. Et hoc permittum ad exemplum pupillaris substitutionis, eadem ratione. In his multa queruntur ad explicationem constitutionis, quæ ut recte & ordine explicari possint, partes huius iuris nobis distinctæ excutiendæ sunt. Sunt autem hæc, de quibus queritur. I. quod genus substitutionis hic permittatur parentibus; & qua ratione. II. Qui possint hoc modo substituere. III. Quibus possint. IV. Qua lege & quibus conditionibus. V. Quos possint substituere. VI. Huius substitutionis recte constitutæ quis sit effectus.

Primo loco genus substitutionis obseruandum est. Permittitur quæ parentibus, liberis mente captis substituere, non in hunc casum, si heredes non erunt quod superuacuum fuerit; cum hoc modo quis

quis substituere possit, quibus suis heredibus à se instituitis: sed in huc casu, si liberi heredes erunt, & postea, antequam respuerint, siue mentis composes facti sint, decesserint, quod contra rationem iuris constitutum est, ut in initio huius tit. dictum. Recte autem id permittum est hac constitutione, quod prius non licebat, nã hæc substituendi facultas prius impetrari solebat à principe, l. ex factis, D. de vulg. Introdúcendæ autem huius cõstitutionis æquitas hæc fuit, quod liberi mente capti etiã ætate puberes sint, tamen non magis testamētum facere possunt, quam impuberes: proinde æquum hic quoq; fuit, vt parētes ipsi facerent, §. quæ ratione, Inst. de pupill. subst. Et hæc ratione dicitur hæc substitutio introducta esse ad exemplum pupillaris substitutionis, nam alioqui in multis vel in singulis fere partibus distat hoc genus substitutionis à pupillari.

Videndum est, † qui possunt hoc modo substituere liberis. Et generaliter hoc permittum est parentibus omnibus, sine distinctione sexus, aut gradus. Nam & matri eadem substitutio permittitur & aucto, & aliis parentibus in infinitum, de quibus expressum est in pr. cons. De sexu intelligere ex vers. pen. & vlt. vbi nominatum, qui vel qua testator & testatrix dicitur, qui hoc modo substituerit. Vnde & intelligimus parentes hoc modo substituere posse liberis, etiã si liberis in potestate non habeant, nã fœminas constat liberos in potestate non habere, §. fœmina, Inst. de adop. In quo primum discrimen obseruandum est inter hanc substitutionem & pupillarem. Nam parentes liberis substituere possunt in secundum casum, sed iis solum, quos in potestate habent, l. 2. de vulg. Quod si plures sint parentes liberorum mente captorum, an omnes possunt hoc modo substituere eum? nam constitutio parentibus in vniuersum permittitur. Resp. Non posse, quoniam hæc substitutio est testamentum filii mente capti, vt appellatur in hac constitutione, quia si licet omnibus parentibus, hoc modo substituere liberis, liberi decederent, pluribus testamentis relictis, quod ius civile in paganis non patitur, l. quærebatur, D. de test. mil.

Quid ergo, si nihilominus plures parentes eiusdem filij mente capti hoc modo substituerent, puta pater, mater, auus, auia? Resp. Tunc dicendū, plus vno testamento ex his valere non posse. Cuius ergo testamentum valebit? Resp. Si is substituit, qui mente captum in potestate habet, huius substitutio valebit, quoniam in eandem personam & naturalia & civilia iura cõcurrant: Sin omnes parentes iure potestatis parēs sint, admittitur solius patris substitutio, si is substituerit secundo loco matris; deinde ceterorum parentum, vt quisq; gradu propior erit, argum. in l. 2. vers. quærebatur, D. de senatu cons. Treb. & l. vlt. in pr. sup. de cur. sur. Quid si mater, quæ sola substituerit, filio mente capto, iterum nuplerit, & induxerit vitricum filio mente capto? Resp. Verba constitutionis etiã hanc substitutionem admittunt. Et hæc mater parens est. Sed probo iuxta communem existimationem, huius matris substitutionem recipi non debere, quoniam cui non permittitur bonorum administratio filij, dum filius viuat, huic permittenda non est morte filij. Huc pertinet l. g. tutores, §. pen. sup. de administ. tut. l. 1. sup. vbi pupill. educ.

Tertium caput est, quibus parētes substituere possunt? Et placeat liberis pluribus mente captis. Mente capti qui sint, notū est. Sed quoniam constitutio de mente captis solum loquitur, & multi sunt puberes liberi, qui quamuis mente capti non sunt, tamē sibi testamentū facere non possunt: Ideo de iis si quæritum est, an ad eos quoq; porrigi possit beneficium huius legis, vt p̄te in quibus eadem ratio sit: Et certi iuris sit, in quibus causis eadem ratio est idem ius admittendum esse, l. illud ad l. Aquil. Ac † primò quæsitum est, quod si liberi sint furiosi; nam furiosi distinguuntur à mente captis in leg. furiosi, sup. de nupt. Resp. iis multo magis substitui posse hæc constitutio, verbis substitutionem admittentibus, non solum sententia. Nam furiosi sunt mente capti, distant quidē mente capti à furiosis, sed vt distat genus à specie. Nam mente capti genus est, furiosi species, nã non omnes mente capti furiosi sunt, sed omnes furiosi sunt mente capti: Nam in his est abalienatio mentis, communiis omnium mente capacium, sed ad hanc amplius accedit furor, ita plus est furiosum esse, quam mente captū. Vnde factum est, vt quod olim de furiosis constitutum erat, dubitaretur, an pertineret ad omnes mente captos, quæ dubitatio est d. l. si furiosi, sup. de nupt.

Quid si liberi erunt prodigi, † quibus bonis interdicitum sit, nã & ij testamentum facere non possunt, §. item prodigus, Inst. quib. non est permittum, & tamen non videtur esse mente capti? Resp. Et in his hanc substitutionem admittendam esse, quoniam & hi in bonorum administratione furiosorum loco habentur, l. his qui, §. vlt. D.

de iur. & curat. dat. vt si substitutio admittitur in furiosis, ex verbis huius legis admittenda sit etiã in prodigo. Quid si liberi erunt surdi & muti, cum & ipsi testamētum facere non possunt, l. discretus, sup. qui testam. fac. possunt. Et vulgo admittum est, parentem hoc modo substituere posse eo, quo hic constitutum est; quia & in his eadem ratio sit, quæ in superiori. Non recte, nam hi sunt sana mentis, cõstitutio autem de mente captis loquitur. Nihil ad rem pertinet, quod & hi testamentum facere non possunt: Nam animaduertendū erat, quod hic permittitur in filiis mente captis, singulare ius esse, contra rationem iuris communis introductum. Certi autem iuris est, quod contra rationem iuris constitutum est, non esse producendum ad consequentias, id est, non esse transferendum ad casus, quantumuis similes, l. quod contra, de reg. iur. l. quod contra, & 2. l. seqq. D. de legib.

Non est, † satis liberis, quibus pater substituit in secundum casum, esse mente captos, sed oportet etiã esse huiusmodi, vt mortuo testatore non sint in potestate alterius parentis cuiusquam. Finge hæc ratione: Mente captus patrem & matrem habet, estq; in potestate patris sola mater eo filio herede instituto, ei substituit, si heres erit, & in eadem valetudine non decesserit: dicemus substitutionem non valere. Idemq; dicendum est, si auus filium heredem, & ex eo nepotem habeat mente captum, vt utrumq; in potestate, & nepoti substituit in supra scriptum casum, nam mortuo auo nepos recedit in potestatem patris, in pr. tit. Inst. quib. mod. ius, & c. Quamobrem substitutionem euanescere dicimus. Nihil quidem de hac comprehensum est hæc constitutio, sed ex verbis & sententia satis colligitur. Nam constitutio permittit parentibus liberis mente captis testamentum facere & substituere heredem, non permittitur hoc, nisi in iis liberis, qui decedentes heredem habere possunt, quoniam habent bona, filij autem simile heredem habere non possunt, vt dix. ad l. si testam. sup. h. t. Proinde hæc parte idem probandum est in hac quæstione, quod in pupillari, quo genere substitutionis dixi, non posse parētem substituere liberis impuberibus qui mortuo parente mansuri sunt in potestate patris, l. 2. in pr. de vulg.

Quartum caput est, † quibus constitutionibus hic constituere mente captis liceat? Et licet omnino tribus. Prima conditio est, si liberi non minore ex parte quam legitima instituti sint, Verba enim constitutionis hæc sunt, legitima eis portio relicta, quæ valet, si legitima eis portio relicta sit, in hanc enim conditionem ablatius absolutus resolutur, l. à testatore, de cond. & dem. Quo exigit primum constitutio, vt liberi instituti sint, in quo rursum aliud discrimen notandum est inter hanc substitutionem, & substitutionem impuberum: Nam parēs impuberibus liberis substituere etiã potest ex heredatis, l. 3. §. 2. D. h. Cur secus in mente captis constitutum sit, infra dicitur. Exigitur amplius, vt liberi instituti sint non minori ex parte, quam legitima. Ea fuit olim quarta eius portionis, quam quis habiturus esset ab intestato, l. Papin. §. quoniam, D. de inoff. testam. Nunc triens, aut semis, pro numero liberorum, Nouell. de triente & semisse.

Quid autem † si mente capti minori ex parte instituti sint, quã 8 legitima? Resp. Consequens est constitutionem non valere, cum enim lex aliquid fieri iubet, id intermitteri vetat, proinde si contra factum erit; non valet, quod actum est, tanquã contra legem factum, l. non dubium, sup. de legib. Nec alia ratione placuit præteritis liberis, qui in potestate parentis sunt, testamentum nullius esse momenti. Cum enim lex liberos institui, aut ex heredari iubet, simul præteriri vetat, vnde consequens est, contra legem eos præteriri, eoq; testamētum factum non valere. Non obstat, quod cū filius minori ex parte, quam legitima institutus est, placet institutionem valere, vt filius ad supplementum legitimæ agat, l. omni modo sup. de inoff. testam. Nam hic de institutione filij non agitur, sed de substitutione, quæ fit filio. Institutio ex minori parte facta valet; quia hæc tueri l. omni modo. Substitutio huic institutioni subiecta non valet, quia hæc infirmatur lege. Nihil etiã ad rem pertinet, quod filius ex d. l. omni modo. quartum supplere potest, aut trientem. Nam ex hac constitutione non est factis, si liberi mente capti legitimam portionem quouis modo habeant, sed exigitur, vt eis credata sit, id est, vt habeant eam, non iure, sed iudicio testatoris.

Secunda conditio, seu cautio exigit, vt liberis mente captis substituantur, sub conditione, si in eadem valetudine decesserint. Nam si respuerint, constitutione expressum est, substitutionem cessare, Quid † ergo si mente capti, quibus substitutio facta erat, respuerint; deinde in eandem alienationem mentis inciderint, atq; ita decesserint, vt r̄u euanuit substitutio, an vete manere intelligitur?

Secundum verba constitutionis prima fronte dici potest substitutionem euansisse, quia verum est semel mente captos resipuisse. Et quamuis postea in eandem mentis alienationem incidant, tamen dici potest, non ideo magis substitutionem confirmari, quia semel euauerit, & quod semel euauit, tractu temporis non cõualeat, arg. §. 1. *Instit. de inuul. stip. l. inter. §. factum, D. de verb. obl.* Sed melius est substitutionem hoc casu valere. Quemadmodum enim in substitutione pupillari oportet impuberem duobus temporibus esse in potestate patris, & quo tempore ei fit substitutio, & quo tempore is moritur: media autem tempora non nocent, *l. coheredi §. cum filio, D. de vulg. l. si alienum. de hered. inst.* Sic in hac substitutione mente captorum probandum est sufficere, si duobus temporibus mente sint capti, & quo tempore fit eis substitutio, & quo decedunt. Ceterum media tempora ne nocent. Non obstant verba constitutionis, quibus dicitur *constitutionem cessare, si liberi resipuerint*, non quod cessare significet, cessare & tempus & ius suspendi, nam cessare dicitur, quod ipso iure & omnino locum non habet, vt cum dicitur in testamento militis cessare Falci diam, *l. in testamento, sup. de sup. de testam. milit.* sed quia hæc verba, *si resipuerint*, sic interpretantur, si omnino resipuerint, vt si in eandem alienationem mentis postea non recidant, nam qui recidat, plane resipuisse dici non possunt.

Si tamen filius mente captus per id tempus, quo sanæ mentis fuit, testamentum fecerit, substitutio euanescit, quamuis postea in eundem morbum inciderit. Nam testamentum, quod prius fecit, nihilominus valet. Is autem plus vno relicto testamento, decedere non potest, *l. quarebatur. D. de test. milit.* & si queritur, vtrum potius valere debeat, certi iuris est, eius potius valere debeat, certi iuris est, eius potius testamentum valere debet, ne heredi sanæ mentis auferatur testamenti factio, *l. ex facto. D. de vulg.*

Tertio cautio, seu conditio exigat, vt pater prius sibi testamentum faciat, id est, sibi prius heredem instituat testamento, & ita instituat, vt testamentum valeat, & ex eo hereditas adeatur. Id quidem non exprimitur hac constitutione, sed verbis significatur. Nam constitutio permittit parentibus, substituere liberis. Non est substitutio, nisi sibi prius parens heredem instituat. Hinc intelligimus ipsum sibi prius heredem instituere debere, *l. 2. in §. de vulg.* Et quoniam exigimus, vt heredem sibi testamento instituat simul exigimus, vt testamentum valeat & exitum habeat, nam pro non facto est, quod iure non valet. Denique intestatus decedere dicitur, qui ita fecit testamentum, vt idem non valeret. *Instit. de her. qua ab intest. in pr.* Proinde quæ de testamento patris dicta sunt, institutionem impuberis nimirum in eo præcedere & valere oportere, *l. si testamento, sup. h. huc omnia recte transferentur.*

Supra constitutum est, quod heredes possint parentes liberis mente captis substituere, item constitutione expressum est licere quoslibet substituere. In initio excipitur, nisi mente capti filios habeant, aut fratres ex eodem testatore parente natos: Nã si liberos habent, i iubeantur institui, fratres item, vel vnus, vel certi, vel omnes. Ex quibus verbis perspicuū est, si mente capto plures filij sint, non tamen necesse habere patrem omnes liberos eius mente capti substituere, sed sufficit instituere vel vnum ex illis. Sed hic occurritur ex iure communi, nam hæc substitutio est testamentum mente capti patris, iam si liberi eius sint præteriti, testamentum nullius est momenti, *et. de exher. lib. Instit. l. inter. de lib. & posth.* Hæc obiectio mouit Accursium & plerofq; alios, vt hoc loco interpretarentur, non omnes liberos mente capti necesse esse substituere, si modo hi ex iusta causa exheredantur.

Sed hæc sententia manifestis verbis huius constitutionis refellitur, nec tantum verbis, sed manifesta etiam sententia. Nam primo fit potestas vnum tantum instituendi, vel certos. Quo significatur, esse in potestate testatoris non omnes instituere, nec exigimus, vt qui non instituuntur, exheredentur: nam exigere, vt exheredentur, nihil aliud est, quam exigere, vt instituuntur. Ideo enim exigimus, vt exheredentur liberi, quia volumus eos institui, nisi exheredentur, *d. tit. de exhered. liber.* Propterea in hac constitutione verbis expressum est, ita licere parentibus substituere liberis mente captis, vt aduersus eorum testamentum querela in officio testamenti non cõpetat. Quæ verba ad alios referri non possunt, quam ad eos, quibus alioqui aduersus testamentum sani hominis competeret in officio testamenti querela. hæc tamen competit liberis merito exheredatis, & inde intelligi oportet etiam liberis mente captis, vel præteritis, vel immerito exheredatis in substitutione mente capti facta, nihilominus substitutionem manere, nec rescindi eam querela in officio testamenti.

Additur & hoc verissimum argumentum. Nam si dicimus licere aliquos liberos mente capti nõ substituere, si modo iusta ex causa exheredentur: licebit etiam dicere licere nullum instituere. Intelligimus enim hanc conditionem, si modo omnes exheredentur, quod est aduersus manifestam sententiam huius loci. Verissimum igitur est, verba constitutionis remedium esse, vt quamuis mente capto patri plures sint filij, tamẽ possit pater mente capti vnum tantum ex eis liberis substituere, vt nihilominus substitutio valeat, quamuis sine causa ceteris præteritis. Nõ obstat, quod liberis testamentum patris præteritis testamentum nullius momenti est, nam hæc substitutio, quæ fit mente capto, est testamentum eius, qui substituit, nam is testamentum mente capto facere intelligitur, non mente captus sibi. Hæc Papiniani ratio est ad defendendum testamentum impuberis aduersus querelam, quæ aut matri, aut fratri impuberis manere potest, *in l. Papin. §. sed nec impub. D. de inoffic. testam.* Nec dubium, quin hanc rationem senserit Iustinianus, cum dixerit aduersus testamentum huiusmodi mente capti, querelam non dari, ad exemplum pupillaris substitutionis.

Et hoc rursum notandum est, ¶ distare hac parte hæc substitutione pupillari: Nam in substitutione pupillari, potest pater filiis impuberibus, quos in potestate habet, & suos heredes, & extraneos substituere, prout velit, *l. sed si plures, §. quos. leg. vel singulis, de vulg. substit.* Non male igitur hoc loco queritur, cum hæc substitutio mente captorum introducta sit ad exemplum substitutionis pupillaris, cur placeat tam multis in rebus, etiam extra personas esse dissimiles? Resp. Cum hæc substitutio cõtra rationem iuris communis introduceretur, consultum fuit, quam minimum in ea iure communi recedere, etiam si aliud constitueretur in substitutione pupillari. Quod si in hac constitutione amplius in aliqua parte constituitur, non alia huius rei ratio est querenda, quam quod hæc constitutio est beneficium principis. Licet autem vniciuique modum beneficio suo statuere, quem voluerit.

Substitutione mente captis rite facta secundum formam supra scriptam, restat postremum, vt de effectu videamus. Is est in eo, vt intelligatur, quatenus substitutio valeat, & ad quæ bona filij mente capti substitutus admittatur. Prius expressum est in hac substitutione, cum dicitur, ita valere hæc substitutionem, vt ad exemplum pupillaris substitutionis, in officio testamenti querela aduersus eam non competat. Posterius ex eo intelligitur, quod hæc substitutio testamentum filij nominatur sic testamentum filij est, si substitutus ei succedat, siue eius bonis; nam vt diximus *ad l. si testamento, sup.* id demum cuiusq; testamentum est, in quo heres ei instituitur. Quod si ex hac substitutione succeditur filio mente capto, apparet substitutum non capere tantum bona patris, aut eius parentis, qui substitutionem fecit, sed filij quoque, vnde cunq; a patre quaesita, idque ad exemplum pupillaris substitutionis, de qua *ad d. si testamento, dixi.*

Ad L. penultim.

Imper. Iustinian. A. Ioanni præfecto prætorio.

Cum quidam duobus impuberibus filiis suis heredibus institutis adiecit, si vterque impubes decesserit, illum sibi heredem esse: *dubis abatur apud antiquos legum auctores, vtrumne tunc voluerit substitutum admitti, cum vterque filius eius in prima ætate decesserit: an alterutro decedente, illico substitutum in eius partem succedere. Et placuit Sabino substitutionem tunc locum habere, cum vterq; decesserit. cogitasse enim patrem primo filio decedente fratrem suum in eius partem succedere, &c.*

S Y M M A R I U M.

1 Substitutus hoc modo, si vterq; institutorum decesserit intra pubertatem, Titius heres esto, si vnus tantum decesserit, ex substitutione admittatur in partem.

T Estator ¶ duobus filiis heredibus impuberibus institutis, ita his substituit, si vterque eorum decesserit intra pubertatem, Titius heres

heres esto. Vnus decessit. Queritur, an substitutus in eius partem ex substitutione admittatur? Iustinianus Sabinū sententiam secutus constituit in hac specie non prius substituto locum esse, quā uterque impuberum decesserit, quod & ipsum scriptum est in l. qui duos, D. h. Id non tantum ratio personarum, sed etiam verba substitutionis exigunt, nam hic vna substitutio est facta, sub conditionibus duabus sed coniunctim adscriptis, omnes impleri oportere, ut substitutioni locus sit, §. pen. Inst. de hered. instit. l. si heredi. de condit. & substit. Dubitatio nata videri potest ex eo, quod scriptum est in l. falsa. D. de cond. & de nonst. vbi traditur pluralem orationem resolui in plures singulariter, ut cum testator dicat, Stichum & Pamphilum do lego, si mei erit, cum moriar, tantum valet, ac si testator ita dixisset separatim, Stichum do lego, si meus erit, cum moriar, & item Pamphilum, si meus erit, cum moriar.

Huius sententiæ conueniens esse videri potest, ut hanc substitutionem, si uterque intra pubertatem decesserit, sic accipiamus, quasi dictū esset: Si impubes decesserit, Titius heres esto, rursū, si alter posterior impubes decesserit, idem Titius heres esto. Sed hoc tantum abest, ut colligatur ex superiori dicto, ut potius contrarium ex eo efficiatur. Nam cum testator ita dixit semel, Titius heres esto, hæc singularis non pluralis ratio est. Proinde vna substitutio, non plures. At cum dixit, Si uterque impuberum decessit, fatemur hanc orationem, quæ collectiua est, pluralem orationem habere, quasi dictū esset, Si ambo impuberum decesserit, & hanc orationem resolui in has duas, si prior impubes decesserit, & si posterior isem impubes decesserit. Sed utraque oratio nihil, nisi duas condiciones efficit diuersas, easque coniunctim adscriptas, ut efficiatur vna substitutio sub duabus conditionibus coniunctim adscriptis. Quod si verum est, constituitur magis sententia huius loci & ratio ea, quam reddidimus.

Obiiciantur huic sententiæ tres potissimum loci. I. leg. pen. D. de inst. rupt. vbi duobus heredibus institutis substituti dati proponuntur, & vno herede deficiente responderit substitutum in partem eius admitti. Sed locus ad rem nihil facit, nam proponuntur pluribus heredibus institutis substituti dati, vnde intelligimus, singulis heredibus singulos substitutos datos, non sub hac conditione, si omnes heredes decesserint, sed si singuli. Obiicitur etiā l. Lucius, §. Caio ad Treb. vbi duo heredes instituti Seius & Titia, ita rogati sunt restituere hereditatem, Rogo vos Sei & Titia, post obitum vestrum hereditatem restituatis primo & secundo. Hæc verba, post obitum vestrum, hoc exprimit, cum obieritis. Hæc autem oratio conditionem habet, si obieritis ambo, leg. si Titio, D. quando dies leg. ced. Et tamen responderetur, ut fideicommissum debeatur primo & secundo, non esse expectandum, dum Seius & Titia ambo decesserint, sed vno demortuo, fideicommissi eius partem deberi. Hic locus nihil obstat. Hic enim sunt duo fideicommissa separatis conditionibus relicta: cum enim testator ita scribit: Sei & Titia restituatis: perinde est, quasi sigillatim dixisset: Sei restituatis post obitum tuum, & tu item Titia post obitum tuum, ita ut sunt plura fideicommissa, ita plures condiciones distinctæ. Hic autem agimus cum vna substitutio est, in qua substitutus vocatus est, si uterque heredum decesserit, id est, sub duabus conditionibus coniunctim adscriptis.

Maxime aduersari videtur l. heredes mei, §. cum isa. ad Treb. vbi duo filij heredes instituti sunt à patre, & fideicommissum ab illis relictum nepi, femel & vna oratione, sub conditione, si uterque filiorum sine liberis decesserit. Vnus decessit relicto filio, alter decessit sine liberis. Secundum verba & ita secundam sententiam huius legis dici debuit, nepi nihil deberi, quia uterque filiorum non decesserit sine liberis; quod conditio fideicommissi & substitutionis exigebat. Nihilominus illic responderetur: Nepem in partem vniuersam filij sine liberis decedentis admitti. Sed ne hic quidem locus obstat. Nam Papin. ibidem testatur, secundum verba conditionis, nepem admitti nō debuisse, neque in totum, neque in partem, in quo aperte sententiam huius relicti confirmat: sed putat nepem in partem admitti propter voluntatem testatoris, quæ verisimile sit in specie superiori voluisse ut nepis, vel utroque vel altero filio sine liberis mortuo admitteretur saltem in partem, & hanc voluntatem intelligi hic argumentis duobus. I. Quia duæ illæ factæ sunt substitutiones: Vna quæ frater superstes fratri substituitur, si prior frater sine liberis decederet. Altera substitutio, qua substituitur nepis, si uterque filiorum sine liberis decesserit. Prior substitutio defect, quoniam frater priori loco decessit relicto sine liberis, ex quo consequitur, posteriori constitutioni ex substitutione aut locum esse debere. Deinde, si uterque fratrum

sine liberis decesserit notissime, hereditatem totam haberet nepis. Constataneum igitur est, si nouissime filius decesserit sine liberis, nepem saltem eius habere debere.

Ad L. ultim.

Imp. Iustin. A. Ioan. præfecto prætorio.

Si quis duobus heredibus institutis filio suo impuberi eos vna cum alio tertio substituerit, & verba testamenti ita composuerit: quisquis mihi heres erit, & Titius filio meo heres esto: secundum quod apud Vlpianum inuenimus, mortuo impubere filio quærebatur, quomodo ad substitutionem vocentur tres substituti, &c.

S V M M A R I V M.

I Pluribus heredibus institutis, aut substitutis siue coniunctim, siue disiunctim, qua partes inter eos faciendæ sint.

Q UOTIES plures heredes instituti, aut substituti sunt, & quidam instituti coniunctim, alij disiunctim, & quaritur de partibus hereditatis, quæ inter eos faciendæ sint, ita veteres definiuerunt, coniunctos vnius personæ partem tantum ferre, id est, non plus accepturos, quam si vna persona esset instituta, ut puta testator ita scripsit: Et primus & secundus heredes sunt, Sempronius heres esto. Hic tantum duo similes fient, ex quibus semper hic vnus solidum capiet, alterum primus & secundus, ut sic ambo non plus capiant, quam si vnus esset institutus, quod fuit coniunctim scripti. Regula hæc in legatis traditur in leg. plane, in pr. de leg. i. Valet non minus in institutionibus heredum: Exempla sunt in leg. Attius l. inter dum, in pr. §. ult. de hered. instit.

Ut autem plures heredes coniunguntur particula, & aut similibus coniunctionibus, ut in exemplo subiecto, ita coniunguntur nomine appellatiuo & collectiua, vel plurali, plures eiusdem generis homines sub se continente, utpote testator plures heredes scripsit, & duos deinde ita substituit filio suo impuberi: Heredes à me scripti & Sempronius filio heredes sunt. Hic eadem partes fient, quæ supra, nempe semisses ex quibus vnus ferent heredes testatoris, alterum integrum Sempronius, dict. leg. inter dum, in pr. de her. instit. Hoc ideo quia heredum nomen collectiua & idem coniunctiua est, quo scilicet plures colligantur in vnum corpus, & vna ratione, idem confirmatur in leg. si quis in pr. de vusu. accres. Hinc nata est dubitatio huius coniunctionis, an idem dicendum sit, si testator filio impuberi ita substituerit heredem: Quisquis mihi heres erit, & Sempronius filio meo heredes sunt. Non enim videtur referre, vtrum testator dixerit, omnes heredes mei, an vero, quisquis mihi heres erit. Et Iustinianus constituit non idem esse, sed si duo heredes testatoris fuerint, & his aditus Sempronius, pro numero personarum & capium hereditatem impuberis dirigi. Itaque non duos semisses fieri, sed tres trientes, ex quibus singuli heredes vnum ferant.

Recte Iustinianus. Ratio enim differentiæ non est obscura, nam hæc oratio, heredes mei, collectiua est, & proinde coniunctiua: Verbum autem quisquis, distributiua est, ac proinde disiunctiua. Cum enim testator dicit: Quisquis mihi heres erit: perinde est, quasi ita dixisset: Siue hic mihi heres erit, siue ille, siue omnes, quos scripsi heredes, & Sempronius, heredes sunt, quam orationem totam esse disiectiuam apparet. Ex eo quaesitum est de hac forma, si testator impuberi filio ita substituit, Titius & Sempronius cum heredibus meo filio meo impuberi heredes sunt, an hic Sempronius & heredes sint coniuncti in vnum corpus, ac proinde vnius personæ vice fungi debeant, ut sic hereditas diuidatur in duos semisses, ex quibus vnus capiat Titius, alterum Sempronius cum heredibus testatoris? Et placuit in hac oratione heredes non magis coniungi cum Sempronio, ac cum Titio, sed perinde habendum, quasi testator ita dixisset: Titius & Sempronius & heredes mei filij heredes sunt. Proinde hereditatem filij in tres trientes diuidendam esse, ex quibus primum habeat Titius, alterum Sempronius, tertium heredes scripti. Quod diserte scriptum est in d. l. si quis auct. in fin. de vusu. accres.

Hinc altera dubitatio huius constitutionis, an idem probandum sit

dum in hac substitutione: *Filius cum filiis suis, ac Sempronius heredes sunt*? Et Iustinianus constituit hic duas tantum esse partes faciendas, ex quibus una pars ad filium cum filiis eius, altera solida ad Sempronium referatur. Hic obiicitur *dist. l. si quis auo. de usufru. accresc.* Respondeo: Dissimiles esse species horum locorum. Nam hic filius nominatus est cum filiis suis, hic filij in unam orationem & unum corpus coniunctim intelliguntur, non propter conditionem orationis, sed propter conditionem personarum. Nam filij cum patre coniuncti sunt, filij autem & patris una & eadem persona intelligitur, quae ratio redditur in hac constitutione, quae satis admonemur, non idem etiam dicendum fuisse, si alij extranei cum Titio coniuncti essent: veluti si ita dictum esset, *Sempronius & Titius cum heredibus meis heredes sunt*.

AD TITVLVM XXVII. COD.
DE NECESSARIIS SERVIS HEREDIBUS INSTIT.

S V M M A R I A.

- 1 *Seruus proprius institui potest testamento domino non aliter, quam cum libertate.*
- 2 *Domina adulterij cum seruo commisi rea, eum heredem facere non potest.*
- 3 *Debitor, qui soluendo non est, heredem testamento seruum instituere non potest.*
- 4 *Seruus an sine libertate heres institui possit.*
- 5 *Liberti appellatio supponit manumissionem precedentem.*
- 6 *Libertus quis sit.*
- 7 *Dominus si aliquid legauerit seruo proprio, an legatum inutile sit, an vero valeat.*

ETIAM seruus proprius testamento domini heres institui potest, ut dictum *ad tit. de hered. inst. tit. inst. de hered. inst.* Sed is non aliter, quam cum libertate, ut idem prius liber sit, deinde heres, quoniam non est testamenti factio, nisi cum omnibus Romanis, *l. ad l. Falcid.* Huius rei argumentum est, quod si seruus a domino prius institutus sit, & libertas ei data sit sub conditione: institutio heredis differtur in id tempus, quo libertas data est, *l. 3. §. de her. inst.* Quod confirmatur in *l. vit. hic. Quia* ante euentum conditionis liber esse non potest, nec potest esse heres domino, nisi prius liber sit, id est, ciuis Romanus. Atque hinc etiam consequens erat, ut deficiente conditione libertatis, seruus neque liber fieret, neque esset heres. Sed Iustinianus hanc distinctionem adhibuit in *d. leg. vit. infra*, ut siquidem seruus liber esse iussus erit, sub ea conditione, quae in potestate eius esset, neque ei paruisset, non sit liber, eoque nec heres. Sin libertas data sit, sub conditione, aut casu alio, nihilominus deficiente conditione seruus liber fiat, & heres, etiam si hereditas soluendo non sit. Interim hoc manet, non prius seruum heredem futurum, quam si liber erit, eadem de causa, quos quis testamento non potest manumittere, eosdem nec heredes testamento potest instituere.

Hinc tria genere dominorum, qui seruum proprium heredem instituere non possunt. Domina adulterij cum seruo commisi rea, eum seruum heredem facere non potest, quia & liberum facere prohibetur, *§. est autem casus. Inst. de hered. inst.* Debitor, qui soluendo non est, heredem testamento seruum instituere non potest, quia nec potest manumittere in fraudem creditorum, ut ante *l. Aelia Sentia*, nisi unum instituatur, qui ei heres sit solus & necessarius, *tit. Instit. quibus ex caus. man. in pr. tit. de hered. inst. in pr.* Quod etiam confirmatur in *l. is, qui in fr. h.* Et hic tantum additur exceptio, nisi is, qui solus heres instituitur, sit alij creditoribus pignori obligatus, *d. l. is, qui soluendo.* Et hoc tertium genus est eorum, qui seruum manumittere non possunt, si qui seruum pignori obligauerint, neque debitor, neque pignus alienando, neque manumittendo, neque legando, neque quouis alio facto deteriore conditionem creditoris sui facere potest, *l. debitor. de pignor.* Sed hoc ita, si modo seruus obligatus sit specialiter: nam bonis generaliter tantum obligatus, licet domino etiam seruum manumittere, ac proinde instituere, ut liber & heres fiat, *l. ab eo. inf. de seru. pig. dat. manumiss. l. est differentia, quib. in causis pig. t. acite contrab.* Atque haec omnia efficiuntur ex eo, quod nemo dominus seruum proprium instituere potest, nisi cum libertate, & post constitutiones Iustiniani postremas:

Quid sibi vult qui igitur, quod Iustinianus in *d. tit. de hered. inst. in pr. ait*; *Ex sua constitutione seruum heredem institui posse etiam sine libertate*? nimirum hoc sentit, posse institui sine libertate nominatim adscripta. Hoc enim est, quod constituit praeter ius, quod ius prius obtinebat: nam ita prius iuris erat, ut seruus proprius institui non posset, nisi aperte ei etiam testamento libertas data esset, & hoc secundum plurimum sententias, ut ibidem dicitur: *Ex quo nata est dubitatio & responsio l. cum serui. inf. h. t.* Testator seruos suos ita heredes instituerat: *Stichus & Pamphilus liberti mei heredes sunt*, neque adiecit, *& liberi sunt*. Quaesitum est, an institutio valeat? Responsum iure non valere, sed benigna interpretatione eam scripturam sic accipiedam, quasi testator heredes & liberos esse iusserit, sed hac ratione, quia instituit sub appellatione libertorum. Nam liberti qui appellatio supponit manumissionem precedentem. Est enim libertus is, qui ex iusta seruitute manumissus est, *tit. Inst. de liberr.* Ex quo satis intelligitur, si sub hac appellatione heredes instituti non essent, heredes etiam futuros non fuisse, utpote inutili institutione constituta, cui libertas verbis adscripta non esset.

Sed Iustinianus constituit, ut etsi serui sine libertate instituti sint, id est, libertate nominatim non adscripta, tamen libertas tacite data intelligatur, ut in institutio simul liberi fiant, & heredes, quemadmodum veteribus placuit, ut si seruus proprius tutor datus esset, libertate non adscripta, nihilominus & liber & tutor esset. Hoc Iustinianus in *l. quidam in pr. §. 1.* quia prius non obtinebat, merito scripsit, *§. idemque iuru. Inst. quib. ex causis manumitt. se hoc constituisse noua ratione. Recte noua, quae prius non obtinebat: & tamen non minus vere idem scribit sub tit. de hered. inst. se hoc non induxisse, ut nouam sententiam, & nullis iuris auctoribus ante probatam. Noua igitur constitutio est, si ius spectes, non noua sententia, si eo spectemus, quibus antea placuit.*

Hoc autem iure posito consequens est, quod scribitur in *eadem l. quidam. §. sed cum ver. inf.* ut si testator seruum testamento suo heredem instituerit, libertate non adscripta, dein de codicillis ei libertatem dederit, nihilominus is testamento & liber sit & heres. Ante constitutionem Iustiniani institutio non valere, quia codicillis hereditas dari non potest, *§. codicillis. Inst. eod. eoq;* nec libertas, ex qua hereditas consequitur: sed hoc post constitutionem Iustinianam non metuimus. Etsi enim etiam nunc frustra hereditas & libertas, per quam hereditas sequitur, codicillis detur, tamen codicillis libertatem datam in specie proposita nihil nocere. Nam etsi omnino libertas seruo data non esset, nihilominus institutio valet ex superiori constitutione, tanquam libertate tacite data. Multo igitur magis valebit libertate codicillis data, etsi inutiliter data sit.

Per occasionem huius constitutionis quaesitum est, an si quis minus aliquid legauerit seruo proprio, legatum inutile sit, quasi libertate non data, an vero legatum valeat, quasi per legatum libertas tacite data sit, ut in institutione serui supra fieri dictum: De hoc Iustinianus cauit, ne idem ius exstet in legato, quod in institutione, ut si seruo legatum datum sit non adscripta libertate, & ideo seruus liber fiat, & tamē legatum ita valeat, ut praeter seruum hereditatis ratione, hoc in *d. l. quidam. §. sed cum ver. vers. illo etiam obs.* Sed cur non idem constituitur in legato, quod seruo relicto est, quod instituit in serui institutione, cum non magis iure ciuili seruo heredi legatum dari possit, quam seruus heres institui? Differentiae ratio est, quia qui heredem instituit, sua causa instituit, proinde qui heredem esse vult, ea etiam velle intelligitur, sine quibus heres esse non potest. At qui legat seruum, serui causa legat, & ideo non continuo velle intelligitur, ut liber fiat, quoniam potest testamentum non valere, ut nihil intersit testatoris. Hac accedit, quod seruus heres esse non potest, nisi sit liber: at ex constitutione Iustiniani etiam seruo legatū praestari debet, quamuis liber non fiat. Proinde etiam post hanc constitutionem manebit id quod dicitur in *l. si serui. inf. h. v.* ut si seruo proprio aliquid legatum sit, libertate ei nominatim non adscripta, non eo magis fiat liber, quamuis legatum ei datum sit sub appellatione liberti, de quo dictum *ad l. ex his verbis. sup. de test. milit.*

Ex eadem constitutione de libertate tacita data sunt & alia consequentia, de quibus cauet Iustinianus *eadem l. quidam.* In quibus est illud, ut si idem seruus heres institutus sit a domino libertate non adscripta, & idem legatus eodem testamento, is nihilominus liber sit & heres, & quoniam non simul potest esse liber & legatus, sit etiam ut inutile sit legatum, hoc in *pr. §. 1.* Non obstat, quod dicitur in testamentis manumissionem scriptam valere, *l. 12. §. vlt. de leg. 1.* hoc enim in libertate locum non habet. Nam si alicui

aliqui libertas data sit, & idem sit legatus, ea scriptura valet, quæ tribuit libertatem, nisi manifeste appareat aliud sensisse testatorem, & hoc favore libertatis, leg. si pecul. præleg. §. vlt. de mil. testam. Eodem pertinet l. quod dicitur, cum seqq. de condit. & demonstr. Sicut autem Iustinianus voluit seruum à domino institutum simul libertatem accepisse videri, proinde libertas legato præualebit, unde eueniet, vt legato inutili instituto, seruus & liber fiat & heres domino suo.

Ex eadem ratione consequens est, vt si idem seruus pure legatus sit & institutus heres sub conditione, legatum statim non sit inutile, sed expectari debeat euentus conditionis, sub qua seruus heres institutus est. Id constituit Iustinianus in eadem l. quidam. §. vlt. in hoc exemplo: Dominus seruum legauit Titio, eundem seruum secundis tabulis substituit filio suo impuberi heredem, si filius intra pubertatem decesserit. Veteres in hac specie idem statuebant, primum hunc seruum liberum non esse, quia non esset heres institutus adscripta libertate. Hinc consequens erat, vt legatum serui valeat. Quod ad substitutionem attinebat, quidam putabāt omnino hic non valere, quod substitutus est seruus proprius testatoris, iure libertate. Alij putabant valere, quod cum seruus legatus esset, videretur substitutus esse seruus alienus. Ex quo consequens erat, vt legatarius, idemq; dominus huius serui legati efficeretur heres ex persona, posteaquā iussu legatarij hereditatem adiiisset. Iustinianus omnia contra, vt pote superiori suæ constitutioni consequentia. Nam primum ex constitutione seruus heres institutus liber erit, hoc ipso, quod substitutus est libertate seruo data, consequens est, vt legatum serui sit inutile, si modo conditio libertatis exstiterit. Erat autem hæc conditio substitutionis & libertatis, si filius intra pubertatem decessisset. Proinde placet, expectari debere euentum huius conditionis, vt si quidem filius impubes decedat, seruus liber fiat & impuberi heres, legatio autem nihili deberetur. Si autem filius intra pubertatem non decessisset, tunc vtiliter legatus seruus intelligatur, vt qui neque liber factus sit, neque heres ex domini testamento.

Seruus ita institutus à domino, vt dixi, vt sit liber, ita domino fit heres, sed necessarius, non voluntarius, id est, ita vt fiat heres, siue velit, siue nolit, §. i. in iustur. de hered. qual. & differ. Sed duo concurrere oportet, primo, vt sit à domino institutus, deinde, vt ex domini testamento vtrumque consequatur & hereditatem & libertatem, §. seruus autem. Instituit. de her. instit. Primo à domino institutum esse oportet. Hinc quæstio eiusmodi in l. 3. h. Tutor pupilli sui ancillam contubernio sibi iunxit, & moriturus eam liberam esse iussit testamento, & quidem instituit. Quæsitum est, an sit tutori heres necessaria & libera? Mouet dubitationem, quod tutor pro domino habetur, l. tutor, qui tutelam. de admin. serui. Respondetur, ancillam non magis eo liberam futuram. Quod ad institutionem attinet, ipsa adire hereditatem potest, sed iussu pupilli sui domini, qui cum extraneus sit, voluntarius erit heres, non necessarius. Non obstat, quod tutor dicitur loco domini esse. Hoc enim sic temperatur, dummodo tutelam administraret, non si pupillum spoliaret & priueret suis bonis; vt sit cum seruis impuberis manumittere vult, l. qui fundum. §. si tutor. ff. pro emp.

Etiā alterum illud exigitur, vt seruus, quem necessarium heredem esse volumus, non tantum consequatur hereditatem testamento domini, sed etiam libertatem. Quare si libertatem aliunde consequitur, fit arbitrio suo heres, d. §. seruus autem. Instit. de hered. instit. Hinc rursum nara dubitatio leg. cum quidam. h. in specie huiusmodi: Dominus seruum suum testamento suo liberum esse iussit, & in secundis tabulis eundem seruum filio suo impuberi substituit. Mortuo domino heredes testamento instituti heredes exstiterunt, & eo dem tempore seruus liber factus est. Moritur deinde filius impubes, cui hic seruus substitutus erat. Seruus libertate quasi ex alio testamento accepta, quam ex testamento pupillari, non vult hereditatem adire. Quæritur, an fiat heres impuberi necessarius, nec ne? Mouet dubitationem, quod ex eodem gradu, id est, eodem testamento pupillari seruus non consequitur libertatem & hereditatem. Iustinianus constituit, nihilominus seruum impuberi necessarium heredem futurum, & creæ, & secundum regulam supra scriptam traditam in d. §. seruum. Nam testamentum patris & filij vnius testamentum est patris, l. patris & filij. de vulg. & pupill. Quod si verum est, consequens est hunc seruum tametsi ex primo gradu libertatem consequatur, ex secundo autem hereditatem, nihilominus vere dici vtrumque accipere ex eodem testamento domini.

Quod dicitur, seruum necessarium heredem domino fieri, hæc vim habet, vt seruus heres factus obligetur creditoribus hereditariis in solidum, siue sit hereditas soluendo, siue non sit, vt proinde si vendantur bona, dicantur bona serui venundari, non domini defuncti, l. morte. de acquir. hered. §. vlt. Instit. de her. qual. Et ad hoc onus defugiendum nihil seruo prodest, si minor erit annis. Nam aduersus hanc necessitatem nulla est restitutio in integrum, l. necessarius. in fin. de acquir. hered. Et merito. Quia restitutio lapsis datur & aliquid gerentibus: non labitur autem, vel decipitur is, qui iure communi vtitur, id est, vtitur necessitate iuris communis, l. vlt. sup. de in integr. rest. min. Et hoc sine exceptione verum est, quatenus patiuntur facultates patroni defuncti. Quod si seruus post mortem patroni aliquid adquisierit, placet id non attingi, si modo separationem bonorum seruis impetrauit, quam impetrare potest, dicit. §. vlt. Instit. de her. qual. & diff. leg. i. §. vlt. de separ. bon. Verum hæc separatio sub conditione conceditur, si seruus eam tunc petat, cum bona patroni nondum attingit, nam si se iis immisceat, sera petitio est, d. l. i. §. vlt. Sed hoc ita, nisi filius minor, qui hereditatem patroni attingit. Nam hic in integrum restitui potest, vt est in l. ait prætor. §. non solum. de minor. Quod sic accipiendum est, vt restitui possit, non vt non sit heres, quod nullo modo ei conceditur, d. l. necessarius. in fin. de acquir. hered. sed vt possit impetrare separationem, quam rebus integris poterat, cum nondum facto suo hereditati se obligasset.

AD TITVLVM XXVIII. COD. DE LIBERIS PRÆTERITIS vel exheredatis.

S V M M A R I A.

- 1 Liberi omnes aut heredes instituendi, aut exheredandi.
- 2 Particula Omnes quid in se contineat hic.
- 3 Liberi si non exheredantur, saltem ex aliqua parte instituendi sunt.
- 4 In forma exheredationis que sint obseruanda.
- 5 Liberi exheredandi sunt nominatim, & pure, & simpliciter.
- 6 Dicitio Nominatim quid significet.
- 7 Filius simpliciter exheredatus vtrum videatur ab omnibus gradibus exheredatus, an ab vno tantum, & si ab vno, à quo exheredatus intelligatur.
- 8 In causis exheredationis que requirantur.
- 9 Præteriti testamento qui dicantur.

In his, quæ testamento cauentur, quæ desiderantur ad vim testamenti, non tantum hoc est, vt quis heres instituatur testamento, sed præcipuum est in liberis exheredatis, vel instituendis, l. inter. de lib. & post. de quo agitur hoc tit. cuius est hæc summa: Liberos omnes, quos quidem nemo gradu præcedit, aut heredes instituendos, aut exheredandos esse, neq; institutos, neq; exheredatos testamento, præteritos videri. Præteritionis hanc esse pœnam constitutam, vt testamentum factum à patre vel inuito sit, vel postulatibus iis, qui præteriti sunt, rescindatur. Hinc in scripto de liberis præteritis, quia hic traditur, quæ sit pœna præteritionis: non dicitur de liberis institutis & exheredatis, sed vtrumq; eandem significationem habet. Nam qui dicit, præteritionis pœnam constitutam esse hoc dicere intelligitur, liberos ad hanc pœnam euitandam instituendos, aut exheredandos esse. Adicitur de liberis exheredatis, quoniā præcipue hic traditur, quando liberi sine exheredandi, & quibus de causis. De institutis nihil adicitur, quia quomodo instituendi sunt liberi, dictum est in l. 4. sup. de inst. & substis. Hæc pluribus explicanda sunt, vt quæstio & partes huius tituli intelligantur.

Primum igitur de liberis ita statuendum est. Liberi ¶ omnes, qui modo pari conditione sunt, aut heredes instituendi, aut exheredandi sunt, §. sed hoc idem. Instit. de exher. lib. l. maximum. inf. & Au. h. non licet. inf. h. Dixi omnes, ¶ quia placet hoc ius ad omnes liberos pertinere. Primo sine exceptione sexus, vt non minus filiz instituenda sit, aut exheredanda, quam filij. Item sine exceptione gradus, vt non minus instituendi, aut exheredandi sint nepotes & deinceps reliqui liberi in infinitum quam filij, l. maximum. inf. h. Postremo etiam sine exceptione potestatis; nam qui liberi in potestate sunt, instituendi sunt, aut exheredandi iure communi, tot. tit. Instit. de exhered. lib. in princ. Emancipati vero præterea §. emancipati. Instit. eod. Reliqui, qui nunquam in potestate parentis fuerunt, vt sunt filij matris, aut auig, item nepotes auo materno, hi in iurati

aut exheredari debent eo iure, quo constitutum est de querela inofficiosi testamenti, §. *vt. in str. eod.* Solum hoc exigitur, vt liberi sint primi gradus. Nam filio vno non est, vt nepotes instituantur, aut exheredentur, de quo in l. 2. *infra*.

Non solum autem liberi institui, aut exheredari debent, sed certo modo, & certis legibus institui, aut exheredari iubentur. Si instituantur pure, potest etiam substitutio sub conditione fieri, quæ sit in eorum potestate, sub alia conditione non potest, nisi sub contraria exheredentur, de quo in l. 4. *sup. de instir. & subst. vbi dictum.* His autem rebus obseruatis, nihil refert, quæ ex parte liberi heredes sint instituti. Qui ex vna vncio hereditatis heres est institutus, recte institutus est, vt testamentum valeat. Debet quidem filius legitimam partem habere, olim quartam, nunc trientem ac semissem pro numero liberorum, leg. *Pap. §. quoniam. de inoffic. testam. Nouell. de triente. & semiss. §. 1.* Sed qui ex aliqua parte institutus est, hanc portionem legitimam supplebit ex his, quæ ei testamento relicta erunt: si nihil relictum erit amplius, aut relictum ad legitimam portionem non sufficiat, constitutum est à Iustiniano, vt, institutione firma manente, agat filius ad supplementum reliquæ legitimæ, *L. omnimodo. inf. de inoffic. testam.*

Interim hoc t̄ exigitur, vt liberi instituantur saltem aliqua ex parte, nisi exheredentur, quod diserte cautum est *Nouell. 12 vt cum de appellat. §. aliud quoque capis.* Non obstat *Nouella, de triente & semiss. §. 1.* vbi dicitur, ad trientem suppleri omnia relicta, siue sint relicta iure institutionis, siue iure fideicommissi, legati, aut donationis causa. Nam iis verbis non cauetur de iis, quæ desiderantur ad vim institutionis, sed de iis, quæ in legitima portione imputentur. Fatemur omnia relicta imputari, sed dummodo supponatur prius testamentum valere. Cognoscimus autem ex alia eiusdem Iustiniani constitutione, non valere testamentum, nisi aliqua ex parte liberi instituti sint. Sunt igitur instituendi etiam, quamuis priori illa *Nouella, de triente,* nominatim scriptum esset, licere parenti totam legitimam partem implere filio legatis & fideicommissis: tamen cum *Nouella, vt cum de app. cognosc.* posterior sit, priori derogat. Per posteriorem intelligimus, si quis liberos instituere non vult, potestas est exheredandi, quod quibus verbis recte fiat, dicitur l. 3. *infra*.

Sunt autem exheredandi certa ratione & modo, partim in forma exheredandi, partim in exheredationis causis. In t̄ forma exheredationis hæc obseruanda sunt. Debent t̄ liberi exheredari nominatim, quod ius portetum est constitutione Iustiniani & ad filios & ad nepotes, *L. maximum b. Nominatim t̄ nō significat,* nomine filij appellato, led filio aliquo signo, aut aliqua demonstratione ita designato, vt intelligatur, de quo testator sentiat, quod declaratur in l. 1. 2. & 3. *in princ. ff. h. & in §. nominatim. inf. de exhered. lib.* Debent præterea exheredari pure, non sub conditione, quoniam certo iudicio exheredandi sunt, l. 3. §. *pure ff. eod.* Et hoc ideo, quia si sub conditione exheredati sint, contraria cōditio instituantur, *d. l. 4. sup. de inst. & subst.* Debent exheredari simpliciter hoc modo: *Filius meus ex heres esto.* aut si quid adiciatur, debent exheredari ex hereditate, non autem ex re certa, vt pote hæc exheredatio inutilis est: *Titius meus ex rebus Italicis heres esto. l. cum quidam. ff. eod.*

Obstat huic sententiæ, quod receptum est, filios ex re certa, puta ex fundo recte institui. Quod, vt institutio valeat, perinde accipitur, quasi institutus esset detracta fundi mentione, l. 1. §. *si ex fundo. de hered. instir.* Respondeo: sciendum in *d. l. cum quidam,* hanc institutionem recipi, non summo iure, sed quia benigne interpretamur institutionem quasi fundi mentio non esset adiecta. Hæc benignitas & hereditatis interpretatio non est admittenda in exheredatione: est enim exheredatio res odiosa, quæ interpretatione a liuanda non est.

Postremo debent liberi ab omnibus heredibus & ab omni gradu heredum exheredari, id est, tam ab institutis, quam à substitutis, si forte testator plures gradus heredum in testamento fecerit: si ab vno tantum ex heredibus institutis filius exheredatus sit, inutiliter exheredatur, l. 3. §. *filius. ff. eod.* Si ab vno aliquo gradu exheredatur, is gradus valet solus, is non valet à quo est præteritus l. 14. *si posthumus. §. quod enim vulgo. ff. eod.* Hinc quæsitum, t̄ cum filius simpliciter exheredatus est, vtum videatur ab omnibus gradibus exheredatus, an ab vno tantum, & si ab vno, à quo intelligatur exheredatus? Quæstio est l. 1. *inf. h. vbi explicabitur.*

In causis exheredationis t̄ hoc ius est, vt non nisi meritis de causis liberi exheredentur, quæ causæ, quot & quales sint, & quid in iis obseruandum videatur, dicitur *Aut. h. non licet. inf. h.* Si

autem omnino instituti liberi non sunt, aut non exheredati, aut sunt quidem vel instituti, vel exheredati, sed non vt oportet, hi sunt, t̄ quos præteritos testamento dicimus, §. *eadem. inf. de hered. 9 qua ab intestato.* Præteritioni pœna constituta est, sed varia, prout sunt liberi, de quo dicitur partim in *Auth. ex causa,* partim in *Auth. non licet inf. h.*

Ad L. Cum post omnes. r.

Imp. Antoninus A. Fauiano.

Cum post omnes heredum gradus exheredatio scribitur, si adijciat testator ab omnibus se gradibus exheredare: non dubitatur iuri satisfactum esse. Et ideo etiam si id nō adijciatur, appareat tamen eum id eo consilio scripsisse, vt ab omnib. exheredaret: recte factum testamentum videtur. Proinde cum paternæ filijs institutis & inuicem substitutis, filium exheredauerit, intelligendus est exheredationem ab vtroque gradu fecisse, &c.

S Y M M A R I A.

- 1 Filius exheredatus à patre, vtum ab omnibus heredum gradibus, an ab vno tantum intelligatur exheredatus.
- 2 Filius quando dicatur exheredari inter medias heredum institutiones.
- 3 Filio post omnes gradus exheredato, quid iuris sit.
- 4 Filius inter duos gradus exheredatus, ab vtroque gradu intelligatur exheredatus.
- 5 Filius exheredatus inter medias heredum institutiones, à toto gradu exheredatus videtur.

A Quo gradu filius præteritus est, is gradus non valet. Regula est iuris, tradita in l. *si posthum. §. quod vulgo. ff. eod.* Hinc quæstio, cum t̄ filius exheredatus est à patre, vtum ab omnibus heredum gradibus institutorum & substitutorum intelligatur esse exheredatus, an ab vno tantum? Hæc quæstio dicitur partim hoc loco, partim l. 3. *filius. v. §. ad fin. ff. eod.* Ex quibus conlunctis locis hæc sententia efficitur de ea quæstione. Si testator expressit, à quibus gradibus, quibusve heredibus vellet filium exheredatum esse, voluntas seruanda est. Itaque si nominatim filium exheredauit ab omnibus gradibus, is ab omnibus exheredatus est, vt hic respondetur in *pr.* Qua ratione si dixit se ab vno gradu exheredare, ab eo solo gradu filius exheredatus est. Similiter & si dixit, se ab vno herede exheredare, ab eo solo exheredatus filius intelligitur, quo casu exheredatio plane nullus est momenti, *d. l. 3. §. filius.* Quod si testator simpliciter filium exheredauit, hic sequitur quod verisimile est sensisse testatorem. Quod autem hic senserit, de eo varie statuitur pro loco, quo exheredatio est scripta. Est autem varietas hæc scripturæ in eo. Nam aut filius exheredatur ante heredis institutionem, aut post omnes gradus, aut inter duos gradus, aut in vno gradu inter medias heredum institutiones.

Quid sit ante heredis institutionem, quid sit post omnes gradus, quid sit inter duos gradus, notum est. Inter t̄ medias autem heredum institutiones dicitur filius exheredari, cum pluribus heredibus institutis, inter eorum institutionem exheredatio filij intericiatur hoc modo: *Primus & secundus heredes sunt. Filius meus ex heres esto. tertius & quartus heredes sunt.* Igitur si filius ante heredis institutionem exheredatur, ab omnibus gradibus exheredatus intelligitur, *d. l. 3. §. ante hered.* Quia hoc cōsilio exheredatio in capite testamenti posita est, vt ad totam testamentum pertineret, posita est enim fundandi testamētī causa. Si t̄ post omnes gradus filius exheredatus sit, casus est huius rescripti, de quo ita respondetur: Filium hoc casu ab omnib. gradibus, id est, à substitutis, quam institutis exheredatum videri, si iidem instituti sint, qui & substituti, quod contingit, cum testator quos heredes prius instituerat, eosdem postea inuicem substituit. Et merito hoc casu exheredatio ad vtrumq; gradum pertinet. Nam cōstat eam pertinere etiam ad proximum gradum substitutorum. Non potest autem à substitutis filius exheredari in hac specie, quin ab institutis exheredetur, qui iidem erant instituti, qui & substituti sunt.

Ex hac

Ex hac conditione liquet, nõ idem probandum esse, si alij substituti sint, quã prius instituti erant, proinde filium extremo loco exheredatum, solum à substitutis exheredatum videri, non item ab institutis, argumento certissimo ducto per contrarium, *arg. l. i. ff. de offic. eius, cui mand. est iur.* Idq; etiam intelligitur ex ratione, quã tradidimus supra quã in institutis & inuicem substitutis locum solum habet, cessat autem in substitutis, qui non sunt instituti. Proinde etiam huic iuri locum nõ esse dicemus, *argumento l. quod dicitur, de pact.* Si ¶ inter duos gradus filius exheredatus est, ab utroque gradu exheredatus intelligitur, *d. l. 3. §. ante hered. Idq; omnino consequens est superioribus.* Nam secundum ea, quã dixi, exheredatio subiecta ad proximum præcedentem gradum, præposita ad omnes sequentes pertinet. Idem placuit, si testator ita exheredauit filium inter duos gradus, vt gradus misceret, seu vt gradibus misceret exheredationem, quod ita fit, cum duobus heredibus institutis & in vnus locum substitutione facta filium exheredat, deinde in alterius heredis locum alium substituit, hoc modo: *Primus & secundus heredes sunt, si primus heres non erit, tertius heres esto, filius exheres esto, si secundus heres non erit, quartus heres esto, hoc in d. l. 3. §. in eo.*

Quod ¶ si testator filium exheredarit inter medias heredum institutiones, placet filium à toto gradu exheredatũ videri, id est, ab omnibus heredibus institutis, tam qui scripti sunt ante exheredationem, quam qui postea, *d. l. 3. §. filius.* Idque etiam plane his consequens, quã dixi de exheredatione inter duos gradus interiecta, vt scilicet exheredatio tam ad præcedentem, quam ad sequentem gradum pertineat. Quod de pluribus gradibus dicitur, id nunc dicimus in pluribus personis. Verba autem Vlpiani in hac re expendenda sunt. Non dicit hoc casu filium exheredatum ab omni gradu, vt intelligeremus non esse exheredatum à substitutis, sed ab institutis tantum, in quorum institutione inclusa est exheredatio. Sed dixit à toto gradu, vt intelligeremus, non à proximis tantum heredibus institutis exheredatum esse, sed ab omnibus etiam remotis, qui eo gradu instituti sunt. Optima ratione, quia non potest exheredatio casu hoc valere, nisi intelligatur ab omnibus heredibus institutis facta esse. Nam si fingamus, ab vno aliquo herede filium esse præteritum, totus is gradus non valet, *d. l. 3. §. filius.*

Optima ratione, quia spectamus tempus mortis testatoris, vt testamentum exitum habeat, quo tempore non fuit necesse nepotem heredem institui, aut exheredari, cum eum filius præcederet, *l. si alienũ. §. i. de hered. instit. §. in extraneis. Inst. de hered. qual. & differ.* Sed propter periculum rumpendi recte faciet autus, si filio instituto, aut exheredato, nepotem quoq; institueret, aut exheredabit. Nã fieri potest, vt filius viuo auo moriatur: quod si contingat, lege Velleia constitutum est, vt nepos in sui heredis deficientis locum suus heres succedat, & simul vt tanquam agnatione heredis rumpat testamentum, nisi sit institutus, aut exheredatus, quod in proposita specie huius loci accedit. *§. posthumorum. Inst. de exhered. liber. l. posthumorum. de iust. rupt.* Sed notandũ est, quod in hac ¶ lege subiicitur: *nepotem (præteritum videlicet) rumpere testamentum sine impedimento legis Velleia.* Non potest dici rumpi testamentum sine impedimento legis Velleia, nisi lex Velleia aut impediatur, aut rumpatur, aut impediri videatur. Atqui tantum abest, vt videatur impediri, vt eadem ipsa lege dicatur rumpi testamentum, si nepos, qui suus heres factus est, viuo auo non sit institutus, aut exheredatus, *d. §. posthumorum.* Et intelligendum est, vt rumpat, recte dici, legem Velleiam velle, vt hic nepos præteritus rumpat testamentum, & rursum videri legem impedire, ne rumpat. Nam vt colligere licet ex *l. Gallus. §. illo casus. vers. denique. ff. eod. posteriore parte legis Velleia cautum erat, vt si liberi, qui gradu præcedunt, sui heredes esse desierint viuo auo, tunc nepos in suorum heredum deficientium locum suus heres succedat. Adiecit lex in eadem parte, ne ob eam successionem eo minus ratum sit testamentum, & hoc est, quod ait Scævola in *d. §. legem Velleiam* in hac posteriore parte vetere testamentum rumpi, propter successionem superiorum. Itaque hæc tenet lex videtur impedire, ne nepotes rumpant testamentum. Sed eadem parte legis Velleia hæc conditio adiicitur: *si modo nepos institutus, aut exheredatus erit.* Vnde intelligitur, si institutus, aut exheredatus non erit, tunc sine impedimento huius partis nepotem rumpaturum testamentum aui, siue testamento hereditatem accipiendo, siue impediendo, quod lex impedire videatur, ne rumpatur testamentum, re autem vera non impediatur.*

Ad L. Si auius. 2.

Imp. Alexand. A. Heraclidæ.

Si auius tuus, qui patrem tuum & nouercam æquis portionibus heredes instituit, cum te quoque haberet in potestate, testamento nominatim non exheredauit. mortuo patre tuo viuo auo, sine impedimento legis Velleia succedendo in patris tui locum, rupisti aui testamentum, & ad te hereditas eius tota peruenit. PP. 6. Id. Apr. Fusco. II. & Dextro CC. 226.

S Y M M A R I A.

1 Si quis filium habet, & ex eo nepotem, aut generaliter liberos plurium & diuersorum graduum, an omnes instituere, aut exheredare teneatur, an sufficiat, si eum, qui primo gradu est, instituat, aut exheredat.

2 Verba huius legis, sine impedimento legis Velleia rupisti testamentum, examinantur.

¶ Si quis ¶ filium habet, & ex filio nepotem, vt rumpat, in potestate, & generaliter si quis liberos diuersorum graduum habet, & quæ plurium nõ necesse habet omnes heredes instituere, aut exheredare, satis est filium, & eum, qui primo est gradu, heredem instituat, aut nominatim exheredat. Nepos præteritus non infirmat testamentum, quamdiu filius, qui præcedit, viuat, & ideo à principio statim testamentum valet, *§. posthumorum. Inst. de exher. lib.* Et si filius moriente auo viuet, nunquam postea nepos, quamuis præteritus scriptis obstat heredibus, siue filius existerit auo heres institutus vt ex hoc scripto colligitur, siue non existerit heres, vt pote à patre exheredatus, *l. si quis posthumus. §. si filium. ff. eod. l. 6. de iust. rupto.* Idq; adeo verum est, vt quamuis filius exheredatus decesserit deliberantibus heredibus de aduenda hereditate, atq; ita desierit filius obstat nepotibus tamen non eo magis nepos obstat heredibus, vt declaratur in præscriptis locis duobus.

Ad L. Si quis. 3.

Imper. Iustinian. Iohanni PP.

Si quis filium proprium ita exheredauerit: Ille filius meus alienus meæ substantiæ fiat, & ab his filiis ex huiusmodi verborum conceptione non præteritus, sed exheredatus intelligitur. Cum enim manifestissimus est, sensus testatoris: verborum interpretatio nusquam tantum valeat, vt melior sensus existat. Dat. 10. Kalend. Mart. Constantin. post consulatum Lampadij & Orestis VV. CC. 531.

S Y M M A R I A.

1 Formula institutionis & exheredationis veteribus vseta.

2 An mutata formula exheredationis valeat exheredatio.

¶ Quæ admodum ¶ institutionis formula vetus hæc erat: *Titius heres esto, titul. de vulg. Institur. h. sic exheredationis formula hæc erat, Filius exheres esto. §. nominatim. & §. sequens. Institur. de exheredat. liberor. leg. 3. §. in eo. ff. de liber. & posthum.* Formulam institutionis si quis aliis verbis conciperet, dummodo idem sensus esset, recipiebatur institutio olim, citra controuersiam, vt si testator ita dixisset: *Titius hereditas mea dominus esto, l. his verbis. in pr. de hered. institur.* Sed ¶ non idem placebat de formula exheredationis, veluti si quis ita filium exheredasset: *Filius meus ab hereditate mea alienus fiat,* quæ conceptio hoc loco proponitur. Verisimile est dubitasse verces, an exheredatio hæc valeret? Neque ad rem pertinere exemplum institutionis, quoniam, vt est in *leg. cum quidam. de lib. & posth.* institutiones, vt beneficia, benigne accipiuntur, exheredationes, vt odiosæ, non sunt adiuuandæ interpretatione.

Hanc dubitationem sustulit Iustinianus hoc loco, & constituit, quibuscumque verbis filius remoueat ab hereditate patris scriptura testamenti, satisfactũ esse iuri. Et generaliter definit, vbi sententia testatoris manifesta est, nunquam interpretationem

verborum, id est, orationem, quæ aliis verbis formulam vſitatam interpretatur, nunquam, inquam, hanc orationem tantum valere poſſe, vt potior ſit ſententia teſtatoris, vbi verborum interpretatio ſignificat verborum ſenſum, vt interpretatur Accurſius. Alioqui hic eſſet ſenſus: Nunquam ſenſum verborum tantum poſſe, vt ſit potior ſenſu: quod eſt ridiculum & abſurdum.

Hoc loco non male opponitur *l. ſi alij. ff. de vſu. leg. vbi ſi teſtator legauerit fundum Tullianum vni, & vſumfructum eius alij, placet vtrumque in vſumfructum concurrere, quia fundi appellatione & vſusfructus & proprietates continetur, ſecundum vim & ſignificationem verbi. Idque ita eſſe placet, quamuis errore teſtator aliud exiſtimauerit, vt ſic pluriſcriptura valeat, quam id, quod ſenſit teſtator. Bene reſpondetur vulgo, *leg. ſi alij*, loqui de eo teſtatore, qui erret quidem, ſed non conſtet, an velit ita eſſe, vt exiſtimat. Hæc inquam recte. Nam ſi teſtator declararet, ſe fundum legando, non amplius legare velle, quam fundi proprietatem, nemo dubitaret, quin eius voluntas ſeruanda eſſet. Nemo dicere intelligitur, quod non ſenſit, etiam ſi verbo exprimat, *l. 3. de reb. dub.* Huc pertinet generale illud, voluntatem in teſtamentis dominari, nec præter voluntatem quicquam ratum eſſe, *l. 12. de leg. 1. l. ex pacto. §. rerum. de hered. inſtit.**

Ad L. Maximum vitium. 4.

Imp. Iuſtinian. A. Ioanni PP.

Maximum vitium antiquæ ſubtilitatis præſenti lege corrigimus, quæ putauit alia eſſe iura obſeruanda in ſucceſſione parentum, ſi ex teſtamento veniant, in masculis, & alia in feminis, cum ab inſtato ſimile ius vtrique ſexui ſeruauerint. Et alijs verbis exheredari filium debere ſanxerunt, alijs filiam, &c.

S Y M M A R I A.

- 1 Differentia filiorum & filiarum, nepotum & filiorum, item poſthumorum & iam natorum, in materia inſtitutionis & exheredationis olim qua fuerit, & qua nunc ſit. & num. 2.
- 3 Effectus liberorum ad inſtituenda teſtamenta qui & quomodo accipiendus.

Cum † de liberis inſtituendis, aut exheredandis agitur, alia erat conditio filiarum, quam filiorum: nepotis, quam filij, poſthumi, quam iam nati. Nam filias non erat neceſſe inſtituere, aut exheredare, vt filios. Illis præteritis valebat teſtamentum, ſed accreſcebat heredibus ſcriptis, fratribus quidem pro rata portione, extraneis autem ſcriptis heredibus pro ſemiſſe, quem ſemiſſem illis auferrebant, Theophilus §. 1. *Inſtit. de exhered. liber.* Quod ſi filiarum exheredabantur, non erat neceſſe exheredari nominatim, vt filios, ſed poterant inter ceteros exheredari, vt puta, *Primus & ſecundus heredes mihi ſunto, ceteri exheredes ſunto.* Hoc verbo ceterorum intelligebantur contineri filiarum, ſi quas haberet teſtator, §. 1. *Inſtit. de exher. liber.* Eadem nepotum erat conditio, quæ filiarum, ſi modo nepotes viuui eſſent, & nemo eos gradu præcederet, vt eſt in eod. §. 1. *de exhered. liber.* Poſthumorum hæc erat conditio, vt ſiue masculi eſſent, ſiue feminæ, pariter inſtitui, aut exheredari deberent. Sed hoc intererat in exheredatione, quod masculi nominatim exheredandi erant, feminas licebat exheredare inter ceteros, dummodo eis aliquid relinqueretur teſtamento, ne præteriti viderentur per obliuionem, §. *poſthumi. Inſtit. de exher. liber.*

Iuſtinianus † hic conſtitutione ſuperiore differentia ſublata, exæquauit feminas masculis, nepotes filiis, poſthumos iam natis. Et conſtituit, vt pariter omnes inſtitui debeant aut exheredari, & ſi exheredentur, vt exheredentur nominatim omnes, ſi aliter factum ſit, cauet, vt omnes liberi eundem effectum habeant ad teſtamentum parentum inſtituenda, quem habeant filij, tam ſui, quam emancipati. Differentiarum, quas dixi, exponitur in *tit. de exhered. liber. §. 1. & ſeqq.* Summa autem huius conſtitutionis comprehenſa eſt in §. *ſed hæc quidem. eod. tit.* Notandum eſt, quod Iuſtinianus dicit de eo effectu, quem vult liberis habere ad inſtituenda teſtamenta. Is † autem erat, vt ſi filij præteriti in poteſtate eſſent, teſtamentum iam à principio nullius eſſet momenti: ſi liberi eſſent emancipati, vt teſtamentum iure valeret, ſed reſcinderetur bonorum poſſeſſione

contra tabulas petita, §. *emancipati. Inſtit. de exhered. liber.* Iuſtinianus intelligit, præteritis filiabus, præteritis item nepotibus idem iuris futurum, vt ſi in poteſtate fuerint filia, vel nepotes, teſtamentum nullius ſit momenti. Sin autem emancipati erunt, habeant bonorum poſſeſſionem contra tabulas. Quod de liberis viuui accipiendum eſt: nam poſthumis præteritis, non inſtituitur teſtamentum, niſi iis natis. Quod & in feminis & nepotibus poſthumis eodem modo obſeruandum eſt.

Authent. Non licet.

Non licet parenti aliquem ex liberis exheredare, vel præterire, niſi ſis probetur ingratus, & ingrati tudinis cauſas nominatim inſerat teſtamento. Cauſa vero ingrati tudinis nona conſtitutione expreſſa ſunt quatuor decim.

Authent. Ex cauſa.

Ex cauſa exheredationis, vel præteritionis irritum eſt teſtamentum, quantum ad inſtitutiones. cetera namque firma permanent.

S Y M M A R I A.

- 1 Sententia harum authenticarum tribus capitibus comprehenſa, & quibus.
- 2 Liberos omnes inſtituendos, aut exheredandos ſine diſcrimine ſexu, poteſtatis, atatis. Hic præteriti non eſſe impune.
- 3 Liberos non ſolum riſe, id eſt, nominatim, pure, & ab omni gradu exheredandos: ſed hoc amplius ex conſtitutione Nouella ex iuſta cauſa ea conſtitutione comprehenſa, & ea adſcripta teſtamento, & ab herede probata.
- 4 Præteritionis liberorum pœnam quadruplicem eſſe iure veteri pro qualitate & differentia liberorum conſtitutam: & qua ſit.
- 5 Præteritionis pœnam & nunc eandem eſſe, neq; in eo ius veteris conſtitutione Nouella emendari: & quanti referat id noſſe.
- 6 Exheredati riſe liberi ſolam fuiſſe olim propoſitam querelam inofficioſi teſtamenti: & nunc quoque eſſe poſt Nouellam Iuſtiniani, quamuis nulla cauſa exheredationis adſcripta ſit teſtamento, aut non iuſta.
- 7 Recte hic dictum, non ſolum ex cauſa exheredationis, ſed etiam præteritionis reſciſſa inſtitutione cetera teſtamenti firma manere.
- 8 Hac conſtitutione ſublata eſſe omnia iura vetera, quibus placebat inſtitutione heredi ſublata, nihil ex teſtamento deberi.
- 9 Præteriti liberi, quos teſtator ſe habere ignorauit, vnum argumentum eſſe, quo diſputari poſſit, vna cum inſtitutione heredi cetera teſtamenti euerſit: ſed verius eſſe etiam hoc caſu inſtitutione reſciſſa cetera eo teſtamento relicta valere.
- 10 Herede ex re certa inſtituto, ſi præteriti ſint liberi, aut immerito exheredati, ſic reſcindi inſtitutionem, vt res certa heredi relicta ſi habeatur ex hac conſtitutione.
- 11 Ex cauſa præteritionis, vel exheredationis legata ab herede inſtituta hodie valere: at non item, ſi qua relicta ſunt à filio præterito, vel exheredato.
- 12 Ex cauſa præteritionis, vel exheredationis quædam reſcindatur inſtitutio, tamẽ legata, qua hodie præſtantur, ex teſtamento peti, & valere.

His † fragmentis duobus tria conſtituuntur. Primum, liberis & omnes heredes eſſe inſtituendos, aut exheredandos. Alterum ſi exheredentur, certis cautionibus exheredari debere, quæ hic comprehenſæ ſunt. Tertium, liberis præteritis, aut non ita exheredatis, vt ſupra comprehenſum eſt, quæ ſit præteritionis, aut exheredationis pœna. Duo priora comprehenſa ſunt in *auth. non licet.* Tertium in *auth. ex cauſa.* Principio † lex ait, non licere parentibus liberis præterire. Conſtituit eam ſententiam, quam alibi explicatius poſitam legimus, liberis omnes inſtituendos eſſe, aut exheredandos: alioqui fore, vt teſtamentum non valeat *l. antepenult. ff. eod. tit. Inſtit. de exher. liber. in prin.* Nam præterire eſt, neq; heredes inſtituere, neque exheredare, etiam ſi quid maxime liberis teſtamento legetur. §. eadem. *Inſtit. de hered. qua ab inſtato defer.* Ex quo intelligitur, quantumuis aliquid legetur liberis, tamen ſi inſtituti, aut exheredati non ſunt, pœnam præteritionis fore eam, quæ hic conſtituta eſt, vt apertius intelligitur ex *Nouell. vt cam de appellat.*

*appellat. cognosc. §. aliud quoque capitulum. vnde authent. non licet. sum-
ta est. De omnibus liberis lex scripta est, siue sint in potestate, si-
ue non sint, siue primi gradus, siue sequentium in infinitum, siue
masculi, siue feminae, vt plenius comprehensum est in d. §. a-
liud quoque capitulum. Quo magis confirmatur l. maximum. supr.
hæc it.*

Alterum ꝑ caput pertinet ad exheredationem liberorum, do-
cetque, quid hic seruari oporteat. Diximus alibi, & ita habet, in
exheredatione, vt valeat, duo spectari. Primum, vt quis rite exhe-
redetur, deinde, vt iustus de causis. Rite, id est, vt nominatim, vt
pure, vt ab omnibus gradibus, & tota hereditate exheredetur,
de quibus alias. nihil enim nunc ista ad hunc locum. Vt autem ius-
tus de causis liberi exheredentur, etiam ius antiquum est, neq;
aliter ab hereditate eos summouere licuit, l. vlt. ff. de bon. dam. Ni-
hil hic mutat Nouella constitutio, vnde sunt hæc fragmenta. Sed
plus de his Iustinianus exegit, quã iure vetere cauebatur, in quo
ius ab alio constitutum est nouum. Quæ amplius exigit, tria sunt.
Tot enim erant, de quibus olim non erat necesse testatorem esse
solicitum, vt exhereditatio consisteret. Primum non erat necesse
filiam exheredare ex aliqua causa, quæ nominatim legibus com-
prehensa esset, sed causæ exheredationis erant in arbitrio & æsti-
matione iudicium, ne c vilo certo iure continebantur. Vnde illa
Valerius Maximus, lib. 7. c. 8. de testamentis rescissis. Præterea si qua
esset iusta causa exheredandi, satis erat hanc allegari postea ab
herede scripto: non erat necesse adscribi nominatim à testatore.
Vnde querela de inofficioso testamento, id est, de eo, quod filius
nulla de causa merito esset exheredatus, non autem, quod exhe-
redatus esset causa non adscripta. Postremo causa exheredationis
adscripta à parente, non erat necesse heredi hanc probare, sed
iniungebatur liberis necessitas, vt se purgarent, & docerent se
semper in officio & obsequio parenti debito mansisse, leg. liberi.
sup. de inoff. test. De his, inquam, tribus ius nouum constituitur su-
periore lege. Primum non posse liberos exheredari, nisi iustus de
causis, & iis, quæ nominatim ea lege comprehensæ sunt à Iusti-
niano. Hæc autem sunt quatuordecim, numero & ordine expo-
sitæ in d. §. aliud quoque capitulum. & seq. Exigit amplius lex ibidẽ, vt
causa iusta nominatim adscribarur testamento, vt intelligamus,
quamuis iusta causa exheredationis fuerit, & paratus sit heres
hanc probare, tamen hanc non nocere, vbi testamento præter-
missa est. Tertio loco exigit Iustinianus, vt causa quæcunq; ad-
scripta erit, probetur ab herede, non probata nihil noceat liberis
quantumuis de innocentia sua nihil docere velint. Duo hæc po-
steriora in ead. Nou. §. siue igitur.

Hoc iure de causis constituto, si aduersus ea factum erit, se-
quitur præteritionis & exheredationis pœna: de qua & ipsa ali-
quid noui iuris hic constitutum est, estque id tertium caput ex
iis, quæ his fragmentis contineri proposuimus. Est autem hæc
pœna, vt si liberi præteriti sint, aut non exheredati secundam
formam præscriptam, testamentum sit irritum, quod ad institu-
tionem attinet: cetera firma permaneant, sic verba sunt *authent. ex
causa*. quæ deinceps expendemus. Apparet autem in his de iure
constituito duas esse quæstiones. Vnam, quomodo testamentum
hic irritum interpretetur. Alteram, quatenus, Et cum queritur,
quomodo testamentum irritum sit, siue non valeat, hoc queri-
tur, vtum ex causa præteritionis, vel exheredationis, vbi forma
suprascripta seruata non est, testamentum à principio nullum
sit, an vero valeat, sed postea rescindatur vel bonorum possessione
contra tabulas petita, vel querela inofficiosi testamenti perla-
ta. Hoc queritur maxime propter liberos, qui non sunt in pote-
state testatoris, & id ius, quod ante hanc constitutionem Iusti-
niani de his personis in hoc genere obtinuit. Queritur enim, an
id ius maneat etiam post hanc constitutionem, an vero hac con-
stitutione emendetur, vt in his quoque liberis ex suprascriptis
causis testamentum nullum sit. Et quoniam ius vetus manere
putamus, de eo prius dicemus, ac primum, quod ius fuerit vetus
liberis præteritis ad testamentum infirmandum: deinde, quod
liberis exheredatis.

4. Liberis ꝑ præteritis, præteritionis pœna quadruplex iure
constituta est pro qualitate & differetia liberorum. Si filij & reli-
qui liberi iam nati, quos nemo gradu antecedit, qui iudem in po-
testate testatoris fuerint, neque instituti sint, neque exheredati, id
est, vt nunc loquimur, sint præteriti, ipso iure testamen. um nul-
lius momenti est, leg. inter cetera. ff. de liber. & posthum. Si ꝑ posthumi
præteriti sint, qui si nascerentur viuo patre, sui heredes essent fu-

turi, id est, qui in potestate parentis essent, & primum locum in-
ter liberos tenerent, hi, inquam, si præteriti sint, iure civili testa-
mentum à principio valet, sed si postea nascantur, testamentum
agnatione ipso iure rumpitur, & paterfamilias sit in testatus, leg. i.
infra, tit. proxim. §. posthumi. Institur. eod. Eadem causa est neporum
præteritorum, qui posthumorum loco habentur, §. posthumorum.
Institur. eod. In his præteritis omnium interpretum consensu nihil
mutat hæc constitutio, quin potius hoc ius aperte confirmat,
cum lex ait, non licere liberos præterire. Hoc enim consequens est,
his præteritis contra legem fieri, ac proinde testamentum pro in-
fecto esse. l. non dubium. sup. de legib. nisi quid lege exciperetur post-
ea, quo declararetur nominatim placere, vt testamentum valeret
ab initio, sed postea perentibus liberis rescinderetur, quod in his
generibus liberorum factum non est, vnde multo magis in iure
vetere manere oportet. l. præcipimus. in fin. C. de appellat. Quod si li-
beri emancipati præteriti sint à patre, iure civili vetere testamen-
tum valet: sed datur præteritis bonorum possessio cõtra tabulas
qua petita testamentum ita rescinditur, ac si à principio nullius
momenti fuisset, quod ad institutiones heredum attinet. l. non pu-
tauit. §. vlt. ff. de bon. poss. con. tab. §. emancipatos. Institur. eod. Quod si
præteriti sint ij liberi, qui neque sunt in potestate parentis, neque
esse potuerunt, eoque nunquam fuerunt in eius potestate, vt
esse filij matri, nepotes auar, vel auo materno, testamentum &
iure civili vetere, & iure prætorio valet, sed datur præteritis que-
rela inofficiosi testamenti, §. vlt. Institur. eod. in qua si filius obtinet,
non minus & hic ipso iure testamentum rescinditur, l. Papinianus.
§. vlt. ff. de inoff. test.

Queritur ergo, ꝑ an in his duobus & postremis generibus
liberorum ius superius emendetur hac constitutione, vt scilicet
non expectetur, dum emancipatis, vel ceteris liberis præteritis
postulantibus testamentum rescindatur, sed statim à principio
testamentum nullum sit? De quo non tam magnæ sunt dissensio-
nes, quam magni errores, & non ferendi. Neque hæc quæstio de
nihil est, vtum potius statui oporteat, Etsi enim rescripto testa-
mẽto aut per querelam, aut petita bonorum possessione contra
tabulas, testamentum eque non valeat, ac si ab initio nullum fuisset,
tamen hoc ita est, si actum fuerit querela inofficiosi, aut si pe-
tita sit bonorum possessio contra tabulas. Multis autem modis
accidere potest, ne agatur de inofficioso testamẽto, vel quia filius
repudiet querelam, vel quia intra quinquennium huic actioni
præstitutum non egerit, vel quia prius, quam ageret, decesserit, l.
qui repudiant. l. Papinianus. §. vlt. & l. si autem. seq. l. quemadmodum. ff.
de inofficios. testam. Idemque bonorum possessione dicendum est
quam repudiare potest filius, & quæ non competit, nisi intra an-
num, l. i. §. quib. §. largius. ff. de suc. ed. intra quem fieri potest, vt eam
non petierit, fieri etiam potest, vt priuquam peteret, decesserit:
quibus omnibus modis accidit, vt testamentum sicut à prin-
cipio valet, sic nunc in totum confirmetur: vnde & admittantur
scripti heredes exclusi legitimis: quæ contra euenire necesse est,
si dixerimus testamentum ex causa præteritionis nullum esse.
Na. n. testamentum nullo constituto paterfamilias deedit in-
status, eo que hereditas ad legitimos heredes pertinet exclusi re-
liquis heredibus, l. filio præterito. ff. de inoff. sup. l. i. sup. tit. prox. Cum
igitur tanti referat, vtum dicamus, semper diu & multum quæsi-
tum est, vtum videretur constitui hac lege Iustiniani. Et inualuit
sententia vetus interpretum hanc constitutionem pessime intel-
ligentium, ex causa præteritionis nullum esse testamentum, et-
iam si liberi emancipati præteriti sint, atq; adeo si liberi præteriti
sint, qui nunquam sui heredes esse potuerunt, id est, qui nunquã
fuerunt in potestate morientis. Qua sententia deletur bonorum
possessio contra tabulas, & quæ inde sequuntur. Deletur §. e-
mancipatos. Institur. eod. item maxima ex parte titulus de inoff. testam.
cum in Pandectis, tum in Codice, & in Institutionibus. Item leg.
maximum virum. hic, vbi superiores rationes infirmandi testamẽ-
ti leguntur. Statuunt autem hanc sententiam ex his verbis, quæ
sunt in *authent. non licet*. & in Nouell. vnde hoc fragmentum sumi-
tur, in §. aliud quoque capitulum, cum dicitur, *parentibus non licere
liberos præterire*. Sic enim colligitur; igitur lex vetat præterire. Er-
go & si testamentum fiat his præteritis, apparet fieri contra le-
gem. Quod si contra legem, etiam iure pro nullo esse fatendũ est.
l. non dubium. sup. de legibus. Et habet argumentum maximam spe-
ciem veri. In quo & manendum esset, si ex aliis partibus consti-
tutionis non intelligeretur, quæ sit sententia Iustiniani de hac re.
Sed inculcãt est, nisi nota lege perspetua iudicare, vel respondere. l.
incivile. ff. de legib. Potro ex iis, quæ consequuntur in constitutione
Noel,

Novel. liquido demonstrari potest, Iustinianum, cum de ratione infirmandi testamenti ob præteritione liberorum quaeritur, non tantum manere in veteri iure, sed etiam aperte id constituere. Primum igitur observandum est, constitutionem Iustiniani ius vetus emendare. Sic ius, quidquid lege posteriore corrigente specialiter expressum non est, id veterum constitutionum regulis relicto intelligi. *l. præcipimus. in fin. inf. de appell.* At Iustinianus de causis exheredationis tatum cavit, ut & iusta sit exheredationis causa, & testamento adscripta, & ab herede probata, si quid autem horum observatum non sit, de ratione infirmandi testamenti nihil exprimit in hac sententia, ut velit testamentum nullum esse. Quo circa id mutare intelligi non debet, sed veteris iuris regulis relinquere. Nec aliud servandum in præteritione. Nam ad rationem infirmandi testamenti communi verbo *rescindendi* & iisdem rationibus Iustinianus vitur tam ex causa præteritionis, quam exheredationis, in *§. siue igitur. & §. hac autem*, ut postea pluribus ostendimus, cum ventum erit ad alteram quaestionem supra nobis propositam. Et circa præteritionem quoque eo magis in iure veteri manere existimandum est. Quod si contra statuerimus, tam multa delenda sunt in iure Pandectarum & Codicis, quam multa delenda esse supra diximus effici ex contraria sententia. quod minime legislatori est propositum, cuius officium est potius bonas & veteres leges tueri, *l. si quando princ. supr. de inofficioso testamento*. Sed multo magis hoc statuendum est, si constabit Iustinianum non constituere, ut si superiora servata non sit, testamentum nullum sit, sed ut petentibus liberis rescindatur. Id autem luce clarius apparet Iustinianum facere, cum ex verbis constitutionis, tum ex iis rationibus, quibus in hac re vitur in dict. *Novell. ut cum de appell. §. siue igitur*. Nam ita scribit, *Quod si hac observata non sint, nolumus exheredatis liberis præiudicium fieri, & addit, sed quantum ad institutionem attinet, rursus Δεσθίνης άνογραμής quod significat, testamento irrito constituto. Nihil negotij erat totidem verbis dicere rursus Δεσθίνης μηδεμίαν εόνος, id est, nullo testamento constituto. Nunc autem dicit diserte testamento irrito constituto. Potest quidem testamentum, quod nullum est, dici esse irritum, sed fieri, aut constitui irritum non dicitur, nisi id, quod à principio valuit, ut diserte scriptum est in *§. alio. Instit. quibus modis testamentum infirm.* Idem Iustinianus in *§. si autem hac omnia. ead. const.* pro his verbis rursus Δεσθίνης άνογραμής vitur his verbis, rursus Δεσθίνης άνογραμής, quod valet, testamento everso, vel ut vulgaris interpretes reddidit, testamento rescisso. Ad absurdum est rescissum testamentum interpretari id, quod nullum est. Nam quod nullum est, rumpi, aut rescindi non potest, ut diserte scriptum est in *l. 5. ff. de inoff. rump.* Et eadem verba usurpat idem Iustinianus in *d. §. siue igitur*. cum ita scribit, *μη άνωταπεισθη ή διαθήκη ένε ερεται*, de legatis eo testamento relicto, in quibus vult testamentum non rescissum suam vim tenere. Ratio autem, quæ annectitur à Iustiniano in dicto *§. siue igitur*, hæc est, ne liberi falsis accusationibus lædantur, aut aliquam circumscriptionem in testamentis parentum patiantur. quorum alterum ad exheredationem, alterum ad præteritionem pertinet. Ex hac ratione perspicuum est, dummodo præteritis liberis ita testamentum confirmetur, ut præteritis liberis nihil noceat, constitutioni Iustiniani, & voluntati eius satisfactum esse. At non magis nocetur filiis præteritis, si detur illis bonorum possessio contra tabulas, aut querela inofficiosi testamenti, ubi res exigat, quam si testamentum ipso iure nullum sit, quia utraque via rescinditur testamentum non minus, quam si à principio nullum esset, ut supra ostendimus. Et petenti bonorum possessio statim datur, & in querela statim vincunt filij, ubi aut iusta causa non est, aut non est adscripta, aut non est ab herede probata. Nec ad rem pertinet, quod petere oportet bonorum possessionem, aut instituire querelam inofficiosi testamenti, cum testamento nullo constituto, nulla sit petitio, nullo iudicio opus. Nam & institutio, aut petitio querelæ est in potestate filij, & si non petit bonorum possessionem, aut non instituit querelam, de se queri debet, quemadmodum queri debet de se ipso, si institutus fuisset sub conditione, quæ in eius potestate esset, & ei conditioni non parvisset, *l. suæ. de hered. inst.* Proinde, ut dixi, dum liberis præteritis detur bonorum possessio contra tabulas, aut querela inofficiosi testamenti, constitutioni Iustiniani satisfactum est. Præterea ex eadem ratione apparet Iustinianum in hac constitutione, dum iubet præteritionem non nocere, voluisse consulere liberis. Ex quo intelligitur noluisse eum consulere extraneis heredibus, eoq; noluisse introducere ullam infirmationem testamenti, per quam extraneis heredibus consulitur, non*

autem liberis. Collectio est *Ulpiani in leg. 3. §. sed utrum. ff. de min. Prætor*, inquit, hoc edicto succurrere voluit minoribus. non est igitur ei propositum consulere maioribus.

At si dicimus præteritis liberis omnibus testamentum ipso iure nullum esse, non liberis tantum consulitur, sed etiam extraneis legitimis heredibus defuncti. Quid enim, si filius repudiet hereditatem? quid, si viuo patre decedat? quid, si decedat prius, quam hereditatem adeat? dicemus nihilominus patrem intestatū decessisse, eoq; hereditatem pertinere ad cognatos eius. Contra vero si liberis præteritis damus bonorum possessionem contra tabulas, aut querelam inofficiosi testamenti, filiis consulitur, & solis liberis, quia his bonorum possessionem non petentibus, aut de inofficioso non quaerentibus, ratum est testamentum, & scripti heredes admittuntur, exclusis extraneis legitimis heredibus. Hanc igitur viam posteriorem voluit Iustinianus, priorem repudiavit aperte, nisi quatenus iure civili veteri testamentum nullū esset. Ratio, qua interpretes in contrariam sententiam ducti sunt, mouere nos non debet. Constitutio in *§. aliud quoq; capitulum. ca. uet*, non licere parentibus liberis præterire, ex quo colligere eos dixi, si liberi præterantur, testamentum contra legem factum videri, ac proinde infectum esse, *d. l. non dubium. supr. de legib.* Hoc recte colligitur & statuitur, quoties lex simpliciter aliquid vetat fieri, nec ullam pœnam nominatim adiecit. hanc enim pœnam intelligimus, ut quod factum est, infectum sit. At cum lex aliquid fieri vetat, & si id factum sit, nominatim pœnam constituit, ut quod factum est, valeat aliquo modo, sed postea rescindatur, aduersus legis sententiam manifestam facere non debemus, sed ea erit pœna, quam lex voluit. Proinde quod factum est, valebit, ut lex vult: sed ita rescindetur, ut lex nominatim iubet. Id autem accidit in hac constitutione. Nam Iustinianus primo caverit non licere parentibus liberis præterire, sed hic non subsistit, etiam postea, si hoc factum non sit, pœnam constituit in *§. siue igitur*. & nominatim hanc constituit, non ut præteritio: aut exheredatio testamentum nullum reddat, sed ut non noceat liberis: item ut valeat testamentum, sed postea rescindatur. Vbiq; enim *rescindendi* verbo vitur, & præterea manifesta eius sententia est, nolle eū testamentum ipso iure esse nullū. Proinde aduersus verba & manifestam eius sententiam hanc pœnam constituere præteritionis, ut testamentum nullum sit, nec possumus, nec debemus.

Hæc de pœna præteritionis dicta sunt cum ex iure veteri, tum ex hac constitutione noua. Quod ad exheredationem attinet, iure veteri vna cum omnibus liberis exheredatis pœna cōstituta est, ut queri possint de inofficioso testamento: dummodo sint rite exheredati, id est, nominatim, pure, & ex tota hereditate: neq; inter est, ut rursus filij exheredati in potestate parentis fuerint, an vero non fuerint. Generale ius est, exheredatos liberos neq; iure civili, neque prætorio turbare testamenta parentum, vnamq; his superesse querelam inofficiosi testamenti. *l. non putauit. ff. de bon. poss. cont. tab.* Idq; ita erat, siue causæ ingratitudinis adscriptæ essent, siue non essent: item siue constaret liberos ingratos fuisse, siue cōstaret, ne ingratos quidem esse potuisse. ideo etiã infante & posthumo exheredato testamentū valebat: quamuis daretur exheredato querela inofficiosi testamenti. *§. tam autem. Inst. de inoff. test.* Quod etiã Iustinianus confirmat in *l. si quis suo. §. ult. supr. de inoff. test.* Queritur, an hic quidquam immutavit Iustiniani constitutio? Et vulgo quoque hæc sententia recepta est, si aut exheredationis nulla iusta causa sit, ut in infante, aut iusta causa sit, sed non adscripta, testamentum ipso iure nullum esse, quicumq; liberi exheredati sint. Ceterum iusta causa exheredationis cōstituta, & ea adscripta, valeat testamentum, sed dari querelam exheredato, in qua vincet, si heres eam causam non probauerit. Nos vero hanc sententiam itidem ut superiorem: constitutioni Iustiniani plane aduersari contendimus, & ita statuimus, dummodo liberi, quicumque erunt, rite sint exheredati secundum formam iuris veteris, quamvis nulla causa sit exheredationis, aut non sit adscripta, tamē ius antiquum manere, & solum querelam dari exheredato, etiam infanti, iisdem argumentis, quibus supra vti sumus. Primum, quia constitutio vult testamentum rescindi. Deinde, quia vult ita exheredari secundū formam illic præscriptā, ut si ea observata non sit, ea exheredatio non inutilis sit, sed non noceat: itē ut non noceat solis liberis, non autem, ut per hoc hereditas perveniat ad alios extraneos: quod futurum est, si dixerimus testamentum nullius momenti esse, non autem rescindi. Opponitur huic sententiæ, *non putauit. §. non quavis. ff. de bon. poss. cont. tab.* ubi scriptū est, exheredationem non rite factam exheredationem non videri. Ex hac senten-

sententia sic vulgo argumentantur. Præteritis liberis qui sunt in potestate, testamentum nullius momenti est, ut supra confirmavimus. Præteriti autem intelliguntur, qui rite exheredati non sunt, *d. §. non quæritur*. Quare liberis ita exheredatis testamentum nullius est momenti. Hæc concedimus, sed nihil adversus id, de quo quæritur. Prius enim efficiendum fuit, liberos videri non rite exheredatos, qui exheredati sunt non iusta de causa, aut causa non adscripta: quod negamus, & recte. Nam dum nominatim, & pure, & à tota hereditate exheredati sunt, rite exheredati sunt ex iure veteri. Sunt etiam rite ex constitutione Iustiniani, quam tractamus, quoniam Iustinianus non iubet liberos exheredari iustis de causis, & eas adscribi, ut testamentum à principio constet, sed ut, si contra factum sit, exheredato non noceat, *d. §. siue igitur. Nov. ut cum de appel. cog.* Vult igitur testamentum consistere, sed exheredatis id non nocere.

Ac de priore capite dictum est, quomodo ex causa præteritionis, aut exheredationis testamentum irritum sit ex constitutione Iustiniani. Alterum quæritur, ex his causis quatenus testamentum irritum fiat? Et res ita definita est in *authent. ex causa*, ut ex causa præteritionis, aut exheredationis testamentum irritum sit, quod ad institutiones heredum atinet: cetera autem in testamento relicta & constituta valeant. In quo posteriore ius singulare notandum est. Nam iure communi, cum testamentum rescissum est, nihil in eo testamento scriptum valet, *leg. cum mater. ff. de inoffic. testam.* de quo mox plura. Quam ob causam multa circa hoc caput quærita sunt, cum de causis, propter quas testamentum infirmatur, tum de iis, quæ testamento relicta sunt, quæ constitutio iubet valere.

Ac primum quod iubet valere cetera ex causa exheredationis, id pro certo & perpetuo iure habendum est. Expressum est enim in *Nov.* unde hæc *auth.* sumitur in *d. §. siue igitur*, his verbis, quod si hæc observata non sint, sancimus exheredatis liberis nullum præiudicium fieri quod ad heredum institutiones atinet, cetera omnia alia testamento constituta suam vim obtinere, quasi non rescisso testamento. Quæritum est, an idem probandum sit ex causa præteritionis, & an recte hoc verbum adiectum sit ab eo, qui confecit hoc fragmentum, cuius initium est; *Ex causa præteritionis?* Mover dubitationem, quod Iustinianus in *d. §. siue igitur*, unde est hoc fragmentum, de exheredatis tantum liberis loquitur, nihil nominatim adicit de præteritis. Semper autem hæc regula interpretationis tenenda est, quod specialiter legibus posterioribus expressum non est, id veterum constitutionum regulis relinqui oportere, *l. precipimus. inf. de appell.* Quæ sententia apud plerumque obtrivit. Sed bene hic dictum est, cetera in testamento valere non tantum ex causa exheredationis, sed etiam ex causa præteritionis, idque recte sumtum ex constitutione Iustiniani. Nam primum in *d. §. siue igitur*, loquitur quidam in initio de exheredatis liberis Iustinianus; sed sequitur postea, quod si in aliquibus talibus testamentis legata, aut fideicommissa relicta sunt, hæc suam vim tenebunt. His verbis, *si que sint talia testamenta*, aperte non intelligit ea, in quibus liberi tantum exheredati sunt. Nam hæc dici debuissent eadem testamenta, ubi filij vel aperte, vel tacite remouentur à bonis paternis, aperte exheredatione, tacite præteritione. Deinde in *ead. §.* Iustinianus iubet testamentum irritum esse, si priora, de quibus locutus erat, observata non fuerint. Proposuerat autem in initio non tantum de exheredatis liberis, sed etiam de præteritis in *§. aliud quoque capitulum*. Proinde hæc verba, *si hæc observata non sint*, ad utrumque caput referenda sunt. Id evidentius apparet ex ratione subiecta in *d. §. siue igitur*. Ait enim Iustinianus ideo se iubere, ut testamentum irritum sit, ne filij falsis accusationibus lædantur, aut aliquam circumscriptioem in parentum testamentis patiantur. Accusatio falsa est in exheredatione, circumscriptio est in præteritione, utramque igitur causam Iustinianus intelligit, ut quamvis exheredatorum verbo usus sit, tamen intelligi debeat, verbo generali eum omnes liberos ab hereditate remotos comprehendisse. Præterea hoc constitutum esse debet, etiam si Iustinianus tantum iuberet legata ex testamento valere, ubi liberi immerito exheredati sunt, tamen vel hoc ipsum certum argumentum esse, legata æque valere debere liberis tantum præteritis. Nam ubi minor est iniuria testatoris, æquum est illius voluntati plus tribui, quam ubi maior est eius iniuria. Maior autem ea est, cum aperte falsis accusariis liberos exheredat, quam ubi silentio præterit, ubi eos verbis non lædit.

Quare si ex causa exheredationis hoc tribuitur patri, ut legata ab eo relicta valeant, multo magis hoc ei tribuendum, ut valeant

liberis tantum ab eo præteritis. Sed omnem dubitationem sustulit *§. hæc autem in ead. Nov. in fin.* ubi Iustinianus constitutionis summam complectens ita concludit, solum sibi propositum esse à parentibus & liberis præteritionis & exheredationis iniuriam arceri. Item, ex his constare, ad utriusque partis utilitatem & cautionem præsentem legem fuisse latam. Quæ apparet referri non tantum ad testamenta liberorum, de quibus proxime locutus erat, sed etiam ad testamenta parentum, de quibus egerat prius. Hoc idem & cordatoribus interpretibus placet.

Sed si siue ex causa exheredationis tantum placet cetera testamenti valere, siue etiam ex causa præteritionis, opponuntur huic sententiæ innumeris locis, in quibus traditur, testamento nullo constituto, aut rescisso, nihil in eo testamento relicto valere. Verum hanc dubitationem sustulit Iustiniani constitutio non tantum in *d. §. siue autem*, sed multo magis in *§. si autem hæc omnia*, ubi discrete cauet, si in legatis & ceteris relictis, quæ iubet valere, aliud cautum sit veteribus legibus, nolle se eas leges valere. Et ideo sciamus hos locos omnes & sententias veteris iuris ad normam huius constitutionis emendari, hoc modo: Filio, qui in potestate est, præterito, placebat neq; legata, neq; libertates deberi, *l. filio præterito. ff. de inoff. rube.* hodie & legata & cetera debebuntur. Item posthumo præterito placebat eius agnatione rumpi testamentum ita, ut paterfamilias intestatus decederet, nec quidquam ex eo testamento deberetur, *l. i. inf. tit. proxim.* hodie legata & cetera præstabitur. Item filio emancipato præterito, bonorum possessione contra tabulas petita ita rescidebatur testamentum, ut ius rediret eidem ad causam intestati. *l. non putavit. §. ult. ff. de bonor. possess. contra tabul.* nisi quod legata præstabantur ex eo testamento certis personis, puta liberis & parentibus, *l. i. ff. de leg. præst.* hodie præstabitur omnibus, & omnia. Item rescisso ex causa quærelæ inofficiosi testamento, placebat neque legata, neque libertates præstari, *leg. Papinianus. §. ult. l. cum mater. ff. de inoffic. testam.* hodie etiam ex hac causa legata valebunt, & cetera relicta ex eo testamento. Postremo ita est ius verum, ut ex quo testamento hereditas adita non est, ex eo nihil omnino debeatur, *leg. si nemo. §. ff. de test. iur. leg. si nemo. ff. de regul. iur.* hodie hoc ita est, si ex aliis causis accidat, ne debeat hereditas à scriptis heredibus. ceterum ex causa præteritionis vel exheredationis si adita non erit ius nouum hæc est, ut cetera in eo testamento valeant præteritionem.

Et circa causam institutionis minime dubitatur legata tunc valere, cum testator sciuit se liberos habere, & cõsulto eos præterit, tunc enim apparet testatorem voluisse legata præstari omnia. Quæritum est, an idem probandum sit, si testator ideo liberos præterit, quia se habere ignorabat? Finge patrem falso rumore perlatum de filij morte existimasse illum esse mortuum, & ob id alios instituisse heredes testamentò, & eo testamento quædam legata reliquisse. Constat ex voluntate testatoris, heredes scriptos non futuros heredes, sed filium. De legatis quæritur, an etiam hæc debeantur ex hac constitutione, an vero non debeantur, quia tunc relicta sint, cum pater se filium habere non putaret? Bartolus non ineptis rationibus motus contendit, hoc casu nec institutionem, nec legata valere. Mouetur voluntate testatoris, quia non est verisimile, si pater putasset se filium habere, alios heredes eum institutum fuisse, aut legatis oneratum filium. Vtitur autem ad eam rem tribus argumentis. Primum dicitur est à militis præteritione. Nam si miles præterit liberis omnibus heredes instituat, testamentum non valet: sed ita, nisi liberos se habere ignorauerit, hoc enim casu præteritio militis non nocet liberis, *l. siuit. & l. si cum. seq. sup. de test. milit.* proinde & in paganò idem dicendum est. Nam & in paganorum testamentis legata contra voluntatem testatoris deberi non possunt, cum in testamento totum voluntas testatoris faciat, *l. quories. in pr. l. ex factis. §. rerum. ff. de her. inst. l. 12. in fin. ff. de l. i.* Alterum argumentum est, quod non sit verisimile quæquam suis successoribus alienos præferre velle, quæ & coniecturali voluntatis pro certa cõfirmatur *l. cum auus. ff. de cond. & demonst. l. cum auctissimi. inf. de fidei. com.* Tertium argumentum ex *l. si unquam infra. de reuoc. donat.* ubi placet, quæ quis donavit viuis, cum liberos non haberet, liberis postea susceptis reuocari, & redire in donum iniunxi donatoris. Si hoc placet in donationibus puris & inter viuos factis, multo magis in legatis testamento relictis recipiendum est, quoniam donationes maiorem vim obtinent, quam legata. Donationes statim perficiuntur, nec reuocantur postea ex pœnitentia, *§. alia. Inst. de don. legata perpetuo reuocari possunt quamdiu testator viuit. leg. §. ff. de alim. leg.* Et possit hæc sententia recipi,

recipi, nisi diserte contra scriptum esset duobus in locis, in l. vlt. ff. de her. inst. & præcipue in l. cum mater. ff. de inoff. test. quo in loco posteriore proponitur mater falso rumore perlato quasi filium suum in prælio amississet, dum putat se liberos non habere instituisse extraneos heredes, & quædam legata, item libertates testamentato reliquisse. Tamen in hac specie illic scribitur Diuum Hadrianum de creuisse hereditatem maris ad filium pertinere, ita ut legata & libertates præstarentur. Nec miratur hæc sententia postremis verbis eius loci, sed magis confirmatur. Verba hæc sunt: *Hic illud adnotandum est, quod de libertatibus & legatis adiicitur. nam cum inofficiosum testamentum arguitur, nihil ex eo testamento valet.* Adnotare non est reprehendere & corrigere, sed notare tanquam rem notatu dignam, & singularis iuris. & ratio singularis iuris subicitur, quia iure communi in omnibus testamentis, quæ rescinduntur, hoc seruatur, vt rescisso testamento nihil inde debeat. quod cum contra hic decretum sit, merito decretum hoc adnotatum esse dicitur.

His autem verbis, *hic adnotatum est*, non corrigi præcedentia, ex eo plus quam euidenter liquet, quod adnotatio hæc est iuris interpretum, sententia autem, quæ præcedit, est sententia Imperatoris. Ineptum est putare iuris interpretem, qui potestatem iuris condendi non habuit, mutasse, aut emendasse constitutionem Imperatoris, quæ ius publicum facit. Huc accedit, quod illa sententia sine vlla correctione confirmatur in d. l. vlt. ff. de her. inst. Et frustra tentat Bartolus hæc responsa eludere. Nam aut institutio scripti heredis in hac specie ideo non valet, quia filius præteritus est; aut quia mater voluit hoc casu filium remouere, & alios heredes, qui scripti sunt, instituere. Si volumus institutionem non valere ex causa præteritionis, legata debebuntur ex hac constitutione. Si volumus institutionem non valere, quia scripti heredes deficiunt voluntate testatoris, etiam hoc casu legata debebuntur ex supra scriptis legibus, & præferim ex leg. vlt. ff. de her. inst. vbi hoc significatur non obscure, ideo hereditatem ad filium pertinere, quia non videatur testator voluisse non instituere eum, quem se habere ignorabat. Non obstat exemplum militis. Nam cum miles præterit filium, quem ignorat se habere, in institutione heredis admittit hæc distinctio, vtrum sciat se habere filium, an ignoret, vt si ignoret, institutio non valeat. Non eadem distinctio adhibenda est in legatis. Nam si miles ignorans se filium habere, alios heredes instituit, & quædam ab his legauit nihilominus legata debebuntur. Hic enim placuit ea deberi ex testamento pagani, idque ex eius voluntate. d. l. cum mater. & d. l. vlt. ff. de her. inst.

Multo ergo magis in eadem causa debebuntur ex testamento militis, vt voluntas militis conseruetur. Non obstat, quod dicitur, neminem propriis successionibus alienos præponere velle: nam & nos in hac specie idem admittimus. Cum enim testator præterit filium, quem ignorat se habere, & alios heredes instituit, ex superiori ratione dicimus successionem ad filium pertinere, non ad heredes scriptos, sed quod de successione dicitur, ad legatum transferendum non est. Nihil enim prohibet testatorem filium suum heredem esse velle, & nihilominus ab eo quædam relinquere. Certe quotidie id vsu venire videmus, vt parentes liberis institutis, nihilominus quædam testamento legent, qua ratione solum nititur, quod responsum est in d. l. cum mater. ff. de inoffic. testam. & in d. l. leg. vlt. Non obstat leg. si vnquam. infra. de reuoc. donat. Nam illic reuocantur donationes liberis postea susceptis: sed ex donationes, quæ à patrono in libertos collatæ sunt, ceterorum donationes non reuocantur, tamen vsu vulgo contra receptum sit, de quo scripsimus postea ad eam legem. Tum autem, vt concedamus eam legem in omnium donationibus locum habere: tamen non reuocatur ad legata. Nam in vna re donationes inter viuos maiorem vim habent, quam legata: nempe in eo, quod reuocari non possunt viuentis donatore, legata possunt. Sed in eo plus est firmitatis in legatis, quod cum reuocata non sunt à testatore, præcipue placet ea conseruanda esse, quia testator aliud amplius non potest, l. i. sup. de sacros. eccles. Vnde dictum publice expedit testantium voluntates exitum habere, l. vel negare. ff. quemad. test. aper. Stet igitur iam hæc sententia, non solum ex causa exheredationis, sed etiam præteritionis verissimum & perpetuum esse, quod in hac authent. ex causa. dicitur, ex his causis ita institutionem non valere, vt cetera firma permaneant: neque interesse, quare testator præterierit liberos, vtrum quia sciebat se habere, & volebat præterire, an vero quia se habere ignorabat.

Deinceps quæ infirmet, aut confirmet hæc constitutio, consideremus. Ait institutionem ex supra scriptis causis non valere.

Hic ¶ quæsitum est de eo, qui institutus est ex fundo, aut alia re certa. In eo institutionem non valere constat. Sed an saltem ei fundus, aut alia res certa debebitur tanquam legatum? Dicit potest ei nihil deberi ex verbis huius constitutionis. Nam cum quis instituitur ex fundo heres, iubetur detrahi fundi merito: quia detrahta fundus legatus dici non potest, l. i. si ex fundo ff. de her. inst. Rursus ex hac constitutione institutio non valet. Sed si legatum valere potest ex testamento, placet illum tanquam legatum eam rem certam, ex qua institutus est, iure legati habiturum. l. quoties. sup. de her. inst. Porro in hac specie legatum rei certæ ex testamento deberi potest ex hac constitutione, Quare & hic fundum, aut aliam rem certam, quæ appellata sit, deberi dicemus. Ait constitutio cetera firma permanere. Ceterorum verbo quæ intelligantur, expressum est in d. Nou. vt cum de appell. cog. §. siue igitur. & §. si autem. vbi nominatim hæc commemoratur, legata, fideicommissa, libertates, tutelæ dationes: adde his substitutionem pupillarem: quam placet valere, quotiescunq; ex testamento patris legata relicta præstantur, l. 2. §. i. ff. de vulg. subst. Sed quod ¶ dicitur de legatis, hæc ex supra scriptis causis deberi, non de omnibus legatis accipiendum est, sed de iis tantum, quæ ab institutis relicta sunt. Si quid autem pater à præterito filio relinquit, neq; iure vetere valuit legatum, l. 2. ff. de leg. 2. neq; ex hac lege confirmatur, quia in d. l. §. siue igitur, diserte scribitur, ex causa præteritionis, vel exheredationis legata suam vim obtinere, tanquam si testamentum rescissum non esset. Ex quibus verbis intelligimus, ea sola legata hic confirmari, quæ valent, si heredes instituti hereditatem adissent.

Sed ¶ vnde, & quo iure legata petentur? vtrum ex testamento, an ab intestato? non videntur ex testamento peti posse; quia id nullum est sine heredis institutione, l. i. ff. de vulg. & pup. subst. §. ante heredis. Inst. de legat. Nulla autem institutio est, quæ est irrita. Rursum ab intestato non magis videntur posse peti, quia testamento relicta sunt, non ab intestato, nisi quis dicat peti posse conditione ex lege. Sed verum est, ea ex testamento peti posse, & valere. Id enim diserte expressum est in d. Nou. vt cum de appell. cog. §. siue igitur. Hic opponitur regula iuris, quæ vetat in paganis testamentum pro parte valere, & pro parte non valere, seu quæ vetat aliquid pro parte testatum, pro parte intestatum decedere. l. ius nostrum. ff. de reg. iur. Sed hanc obiectionem hic metuere non debemus. Nam Iustiniano ita placuit, vt ex causa exheredationis vel præteritionis pro parte, id est, pro institutione, testamentum non valeat, pro his autem, quæ eo testamento relicta sunt, valeat, d. §. siue igitur. Huc accedit, quod in ead. Nou. §. siue autem, nominatim cauere, si quid sit huic parti in veteribus legibus contrarium, nolite se id valere.

AD TITVLVM XXIX. COD. DE POSTHVMIS HEREDIBVS IN- stituentis, vel exheredandis vel præteritis.

Ad L. 1. 2. & 3.

Imp. Anton. A. Brutatio.

Si post testamentum factum, quo posthumorum suorum nullam mentionem testator fecit, filium filiamve suscepit, intestato vita functus est: cum agnatione posthumi vel posthumæ, cuius non meminit, testamentum ruptum sit. Ex rupto autem testamento nihil deberi, neq; peti posse explorati iuris est. Dat. & PP. IV. Kal. Iul. Antonino A. IV. & Balbino Coss. 214.

Imp. Dioclet. & Maximian. A. A. &
CC. Soterico.

Vxoribus abortu testamentum mariti non solui: posthumo vero præterito, quamuis natus ilico decesserit, non restitui ruptum, iuris euidentissimi est. S. XII. Kal. Mart. Sirmij. Cæsariensis Coss.

Imp.

Imp. Iustinianus A. Ioanni præfect. præ.

Quod certatum est apud veteres, nos decidimus. Cum igitur is, qui in ventre portabatur, præteritus fuerat, qui si ad lucem fuisset redactus, suus heres patri existeret, si non alius eum antecederet, & nascendo ruptum testamentum faceret: si posthumus in hunc quidem orbem deuolutus est, voce autem non emissa ab hac luce subteractus est, dubitabatur, si is posthumus ruptum facere testamentum posset: & veterum animi turbati sunt, quid de paterno elogio statuendum sit, &c.

S Y M M A R I A.

- 1 Summa huius tituli.
- 2 Posthumus quis, & quando præteritus intelligatur, & num. 3.
- 3 Suus heres quis.
- 4 Posthumus præteritus rumpit testamentum, & quomodo.
- 5 Nasci quomodo intelligatur.
- 6 Si Posthumus natus illico decesserit, an nihilominus irritum sit testamentum, an vero ruptum restituitur.
- 7 Quid iuris sit, si posthumus natus non solutus statim decesserit, sed etiam decesserit, priusquam vocem ederet.
- 8 Quod iuris est de filio superstitite præterito, idem in posthumo præterito seruandum est.
- 9 Iniustum testamentum quorū dicitur modis.
- 10 Posthumus natus magis infirmat testamentum, quam filius superstitis præteritus, & num. 12.
- 11 An, si posthumus mortuo testatore nascatur, & deinde illico decedat, testamentum restituitur.

Summa tituli hæc est: Posthumus præteritus, qui natus suus heres futurus esset, si nascitur, rumpit testamentum, eoque modo fit, ut testamentum non valeat, videlicet, si à principio natus esset præteritus, si posthumus à princ. D. de lib. & post. l. 3. de iniust. rupt. §. posthumi, Instit. de exher. lib. Singula huius definitionis explicanda. Posthumus intelligitur non tantum is, qui post mortem patris nascitur, qui proprie posthumus dicitur, sed etiam qui nascitur viuo patre post testamentū factum: Nam & hic præteritus rumpit testamentum lege Velleia l. 3. in pr. de iniust. rupt. Præteritus autem posthumus, qui neque institutus est, neque exheredatus, §. eadem, Instit. de her. qua ab intest. Hoc eo pertinet, ut si neque institutus sit posthumus, neque exheredatus, quamuis ei aliquid legatum sit testamentum; tamen natus rumpit testamentum, §. posthumi, Instit. de exher. lib. Si exheredatur, siue sit masculus, siue femina, hodie nominatim exheredandus est, alioqui intelligitur præteritus, l. maximum, supr. t. prox. §. sed hac quidem, Instit. de exher. lib. secundum quam sententiam accipi oportet, quod in l. 1. h. dicitur de posthumo, cuius pater nullam mentionem habuit.

Exigimus, ut sit is posthumus, qui natus inter suos heredes futurus esset. Suus titulus heres est, qui ex liberis est, & in potestate morientis, & inter liberos primum gradum tenet, §. sui, Instit. de hered. qual. & differ. Exigimus igitur in posthumo, ut natus sit ex numero liberorum. Hoc eo spectat, ut si mulier aliquid ediderit, sed non posthumum, verum portentosum, id non rumpat testamentum, ut est in l. pen. in fi. h. scilicet quia non sunt liberi, id est, filii, qui contra formam humani generis nascuntur, l. non sunt liberi de stat. hom. Exigimus etiam ex hac definitione, ut posthumus si nascatur, sit in potestate patris, l. quod dicitur, D. de liber. & posthum. Nam emancipatos, & ex emancipatis conceptos posthumos iure civili impune præterire licet, tantum præteritis datur bonorum possessio contra tab. §. emancipatos, Instit. de exher. lib. qua non petitiui decedant posthumi nati, non obstant scriptis heredibus. Hoc ius etiam post constitutionem Nouellam Iustiniani mansisse & manere supra docuimus ad Auth. non licet, cum seq. Ex eadem definitione exigimus, ut posthumus, qui nascatur, primum gradum inter liberos teneat. Nam si testator habeat filium, & ex eo nepotem, nihil necesse est nepotem instituere, aut exheredare, l. si quis posthumus, D. de lib. & posth.

Posthumus præteritus rumpit testamentum. Sed hac conditione, si nascatur, d. §. posthumi, ex quo colligitur, quamdiu pender, an nascatur, testamentum valeat. Item si posthumus non nascatur, siue quod mulier ventre vacuo fuit, quæ prægnas putabatur, siue quod abortiuum fecerit, nihil esse impedimento, quo minus heredes scripti adeant, l. 2. h. & d. §. posthumi. Nasci autem intelligitur,

vbi animal natum est non tantum, vbi secundum consuetudinem naturæ partus editus sit, sed etiam cum exciso ventre extractus est, l. quod dicitur, de lib. & posth. Natus cum sit testamentū id est officit, ut non magis valeat testamentum, quam si ab initio natus esset præteritus. Hic quaesitum est. Quid si posthumus natus illico decesserit, an nihilominus irritum erit testamentū, an etiam ruptum restituitur? Et placet rumpi testamentum, nec restitui ruptum. Rumpitur testamentum, quia vere filius natus est, lex autem solam agnationem posthumi exigit, ut testamentum rumpatur. Quod non restituitur testamentum, eo fit, quia quod cœpit non valere, tractu temporis non potest confirmari, siue ab initio non consisterit, siue postea ruptum dissolutum sit, l. quod initio, de reg. iur. leg. si res. §. aream, de sol. inter. §. sacram, de verb. oblig.

Quid si posthumus natus non solum statim decesserit, sed etiam decesserit, priusquam vocem ederet? Iustin. constituit hio idem esse, l. pen. h. secutus Sabinorum sententiam optima ratione, quod non eo minus partus vitalis est, etiam si vocem non edat. Argumento est, quod nemo negat partum editum esse, si mutus editus sit, quem tamen constat vocem emitte non posse. His de causis fit illud, quod supra dixi, ut posthumo nato ita rumpatur testamentum, ac si natus ab initio esset præteritus. Nam & in filio præterito hoc idem accidit, ut statim testamentum nullius sit momenti. Et quamuis viuo patre mortuus sit, non eo magis tamen conualefcit testamentum, l. si filius, de lib. & posth.

Sed huic sententiæ opponitur l. posthumus, de iniust. rupt. vbi superioribus casibus datur scripto heredi bonorum possessio secundum tabulas. Et ita quod testamentum iure civili ruptum esse dicimus, nec villo modo restitui, iure prætorio confirmatur. Patum autem interest, vtrum scripti heredes iure civili admittantur, an prætorio, dummodo admittantur. Et ut hic locus explicetur: quod si de filio superstitite prætorio iuris est, idem in posthumo præterito seruandum est, l. 3. §. 1. de iniust. rupt. De filio autem præterito, qui item viuo testatore decessit, scriptum est in d. l. posthumus vers. itemque, dari hoc casu bonorum possessio scripto heredi, sed hac conditione, si bonorum possessio detur ei, qui ab intestato quoque succedere potuit. Id significat Vip. cum ait: Idemque circa iniustum testamentum dicendum est; nam prius de posthumo dixerat, si is præteritus, nascatur viuo testatore, & eodem viuo decedat, posse scriptum heredem bonorum possessio secundum tabul. petere. Subiicit, idem esse, si filius superstitis præteritus viuo testatore decedat: Idem, nempe ut tamen si subtilitate iuris testamentum nullius momenti sit, tamen ex æquo & bono heredi dari bonorum possessionem secundum tabul. Id iniusti verbo eo loco significat. Nam iniustum testamentum si duobus modis dicitur: Primo id, in quo solemnia iuris deficiunt, l. de iniust. rupt. Altero id, in quo filius præteritus est, sic appellatur nominatim in l. 3. §. ex his apparet, de iniust. rupt.

Prior significatio leg. posthumus, non conuenit, nam secundum testamenti tabulas, quod solemniter factum non est, prætor non dat bonorum possessionem, §. non tamen, Instit. quib. modis testam. infirm. Restat igitur altera significatio, quam illic sequamur. Sed cū ibi dicitur filio præterito, si is viuo testatore decedat, dari bonorum possessionem secundum tabulas, addicitur nominatim hæc conditio, si modo ei data sit, qui ab intestato quoque hereditatem auferre potuit. Ex quo intelligimus, si scripti heredes extranei fuerint, & alij heredes legitimi, præteritione filij ita nullum esse testamentum, quod ad institutionem attinet, ut neque iure civili valeat, neque iure prætorio, secundum quod non datur bonorum possessio scriptis heredibus extraneis aduersus legitimos heredes. Similiter & si filius præteritus, mortuo patri superstitis, abstineat se hereditate patris, placet scriptis heredibus bonorum possessionem dari, sed hac lege, si & ipsi legitimi heredes futuri erunt. Id significatur in l. filio præterito de iniust. rupto, vbi filio viuo præterito ceteri eius fratres heredes instituti erant, placet, si præteritus non auocet hereditatem, fratribus voluntatem ex æquo & bono tuendam esse. Quod sic intelligi debet, tuendam esse, non iure civili, quo iure testamentum nullius momenti sit, sed iure prætorio, data bonorum possessione secundum tabulas fratribus scriptis heredibus, iuxta d. l. posthumus, eod.

Sed non adiicitur in lege, fratribus bonorum possessionem dari, si ab intestato quoque possint succedere, videlicet quia non fuit necesse hoc adicere, satis enim constat, hos patri intestato legitimos heredes esse. Quod de filio præterito deinde mortuo, aut abstimente se dixi, idem de posthumo præterito intelligendū

est, ut si is viuo patre natus decedat, iure civili non restituatur omnimodo testamentum; sed tamen scriptis heredibus datur bonorum possessio secundum tabulas; verum ac eadem conditione, quae supra, si detur iis heredibus, qui ab intestato quoque poterant succedere. Opponitur huic sententiae incitium d.l. posthumus. vbi hoc casu dicitur scripto heredi bonorum possessio dari sine vlla conditione. Respondeo, conditio, quae in ea lege adiecta est; in versidem circa, non solum ad proxime praecedentia referenda est, sed etiam ad superiora omnia, ut sit sensus, in supra scriptis omnibus casibus bonorum possessio secundum tabulas datur scripto heredi, sed in omnibus hac conditione, Si modo bonorum possessio deservit ei, qui ab intestato quoque rem auferre poterat. Id ita interpretandum, his argumentis euidenter demonstratur. Nam quod in filio iuris est, idem in posthumo seruat, nec ratio diuersitatis reddi potest vt est in l. 3. §. 1. in fi. de iniust. rupt. l. si posthumus à primo. de lib. & posth.

11 Deinde ¶ quia posthumus natus magis infirmat testamentum, quam filius superstes praeteritus, vt declaratur in l. 5. ar. fin. D. de iniust. rupt. Proinde filio praeterito deinde mortuo, non datur scriptis heredibus possessio bonorum secundum tabulas, nisi legitimi quoque heredes essent, multo minus posthumo praeterito, si viuo testatore natus decedat, dabitur scriptis heredibus bonorum possessio, nisi & iidem legitimi heredes futuri erant. Tertia ratio cum iure civili testamentum non valet, idque sit iusta de causa, veluti ex causa praeteritionis, etiam praetor debet iure civili in eo obsequi, nec dare bonorum possessionem secundum tabulas, l. scio. ff. de testib. Adde hanc rationem, quod non potest hoc casu bonorum possessio dari extraneis heredibus, sine manifesta iniuria legitimatorum heredum, nam vbi posthumus praeteritus natus est, sciure civili rumpitur testamentum, statim vocantur legitimi heredes, qui ab intestato succedunt. Hoc ius illis à praetore adimi non debet; l. 2. de his, qui sunt sui, vel. l. vlt. de pact.

Non audiendi sunt, qui vulgo hanc rationem diuersitatis reddunt inter filium praeteritum & posthumum praeteritum, quod dicunt, posthumo praeterito saltem ab initio constitisse testamentum, facilius vero restitui, quae aliquando valuerunt. Nam hoc posterius falsum est. Quemadmodum vero quae ab initio non valent, tractu temporis non confirmantur: sic quae semel rescissa sunt, ex euentu non restituuntur. l. inter §. facta, D. de ver. obl. l. si res §. area. D. de solut. Idque in posthumo verissimum est, qui natus 12 ¶ magis infirmat testamentum, quam filius superstes praeteritus, vt dictum est d.l. 5. de iniust. rupt. Quorsum hæc? Nempe vt intelligatur, cum in l. 2. & 3. h. dicitur, si posthumus praeteritus viuo patre natus, eodem viuo decedat, rumpi testamentum, nec restitui: hoc verissime dici & esse perpetuum, scilicet vt non restituatur hoc casu testamentum, neque iure civili, neque praetorio iure. De iure praetorio intelligi potest ex his, quae supra dixi, nam hoc casu extraneis heredibus, qui ab intestato succedere non possunt, non datur bonorum possessio secundum tabulas, vt supra effectum est. His autem heredibus, qui & legitimi futuri essent, datur quidem bonorum possessio secundum tabulas, d.l. posthumus. de iniust. rupt. sed hæc possessio est inutilis scriptis; nam sine hac hereditatem quoque ab intestato obtinerent.

Curigitur in hac possessione bonorum danda dubitabant veteres? Propter legatarios & fideicommissarios, nam testamento confirmato, legata & fideicommissa debentur ex testamento, & hoc est, quod dicitur in d.l. posthumus. Idcircoque legatarii & fideicommissarii legata & fideicommissa habebunt securi. Sed hodie hæc bonorum possessio, vt scriptis heredibus qui ab intestato succedere possent, inutilis est; sic etiam inutilis est legatariis. Nā ex Auth. ex causa, sup. prox. tit. Etiam si ex causa praeteritionis succedatur ab intestato, nihilominus legata & fideicommissa debentur. Atque hæc dicta sunt de posthumo praeterito, qui natus viuo 13 ¶ testatore decessit, Quod ¶ si mortuo nascatur, & deinde illico decedat, superuacuum est quaerere, an restituatur testamentum, nā hoc casu posthumus natus statim sibi locum facit, vt est in l. 5. de iniust. rupt. Qui cum sit ius heres, statim heres existit patri ipso iure, & moriens hereditatem sibi iure quaesitam transmittit ad quosuis heredes legitimos l. 3. prox. t. Hæc si dicuntur in posthumo, qui natus statim decessit, sine dubio in eo, qui natus viuit, ita rumpitur testamentum, vt non sit locus scriptis heredibus. Placebat olim etiam ex eo testamento nihil deberi, l. i. h. Sed hoc ius hodie in institutione locum habet: hæc vero infirmatur vt olim; cetera autem in eo testamento constituta firma manent,

ex Auth. ex causa, supra tit. prox. Ex his satis expolita est l. 1. 2. 3. h.

Imp. Iustinian. August. Iohanni praefect. praet.

Quidam cum testamentum faciebat, his verbis usus est: Si filius, vel filia intra decem mensium spatium post mortem meam editi fuerint, heredes sunt. Vel ita dixit, filius, vel filia, qui intra decem menses proximos mortis meae nascentur, heredes sunt. Iurgium antiquis interpretatoribus legum exortum est, an videantur non contineri testamento & hoc ruptum facere, &c.

SUMMARI A.

- 1 Posthumus quomodo recte instituat.
- 2 Si testator in institutione alterum tantum nascendi tempus expresserit, qui altero tempore natus erit, praeteritus videtur.
- 3 In hac institutione, si quis mihi post mortem meam intra 10. menses nascetur, heres esto, quid iuris sit?
- 4 Item quid in hac, si quis me mortuo nascetur, heres esto.

Postquam ¶ posthumus heres instituendus est à patre non ex hereditate, quaesita est, quando commode inbitur, de quo scriptum est in l. commodissime, de liber. & posthum. ad hanc sententiam: Posthumus recte institui hoc modo: Quisquis mihi postea natus erit, heres esto: aut si testator adiciere velit tempus nascendi, ita commode instituetur, siue quis viuo, siue mortuo me nascetur, heres esto. vtroque; scilicet tempore nominatum expresso. Quod ¶ si alterum, tantum tempus testator expresserit, placet eum, qui altero tempore natus erit, praeteritum videri, & ideo esse eam hanc poenam praeteritionis, de qua supra dixi. Vt puta testator ita scripsit: Si quis mihi post mortem meam nascetur, heres esto, aliquis viuo testatore natus est, habetur pro praeterito; quia non est natus, vt testator scripsit.

Iustinianus hic hanc sententiam ex parte emendauit. Constituit enim, ¶ vt si testator ita scripsit: Si quis mihi post mortem meam intra 10. menses nascetur, heres esto. Constituit, inquam, in hac constitutione Iustinianus, posthumum natum recte institutum videri, non tantum si mortuo testatore natus erit intra 10. menses mortis proximos, sed etiam si viuo testatore natus erit, si quis obicit huic loco leg. commodissime, recte respondemus, hanc esse vnam et 50. decisionibus Iustiniani, qua veteri iuri derogauit, vt Iustinian. initio declarauit. Sed monendi sumus, hic emendari ius vetus in hac specie, vbi testator instituit eum, qui se mortuo nascetur his verbis adiectis, intra menses. Quid ergo si testator simpliciter dixerit, si quis me mortuo nascetur, heres esto, an hoc quoque casu emendatur l. commodissime? Quidam ita putant, quod probandum non est duobus de causis. I. Quia quicquid lege corrigente specialiter expressum non est, id veteris iuris regulis relinquendum est, l. praecipuus in fin. infr. de appellat. II. Quia inter has species & formas multum interest, vt proinde quae ratione certa distinguuntur, etiam iure distingui debeant.

Diuersitas hæc est non obscura. Nam cum testator dicit, si quis me mortuo nascetur, apparet hæc verba, me mortuo, non posse esse addita, nisi ad distinguendum, & excludendum eum, qui viuo testatore nascetur. Proinde viuo testatore natus & verbis & sententia verborum excluditur. Contra vero vbi testator ita dicit: Si quis me mortuo intra 10. menses nascetur: addit hæc verba, intra 10. menses, non ad distinguendum & excludendum, qui nascetur viuo testatore, sed ad excludendum, qui nascetur mortuo quidem testatore, sed non intra 10. menses. Voluit enim solum excludi eum, qui post mortem eius nascetur, vltra 10. menses; quoniam hunc pro legitimo filio habere noluert. Quare cum hunc solum excludi voluerit per hæc verba, intra decem menses, ex eo intelligitur, ceteros omnes, qui quandoque nascuntur, se velle heredes esse, ac proinde constitutione hac Iustiniani hæc voluntas confirmatur.

AD TITVLVM XXX. COD. DE iure deliberandi, & de aequa, vel acquirenda hereditate.

SUMMARI A.

- 1 Summa titulorum praecedentium, & ratio ac series sequentium breuiter ostenditur.

- 2 Hereditas quor modis acquiratur.
 3 Heredum distinctio.
 4 Necessarius heres quis, & cur ita dicatur.
 5 Sui & necessarii heredes qui, & cur ita appellentur.
 6 Voluntarii heredes qui.
 7 Voluntariis heredibus quomodo acquiratur hereditas, & num. 9.
 8 Hereditas quomodo acquiratur iis, qui sunt in aliena potestate.
 9 Adita & quasi hereditatis effectus.
 10 Remedium duplex ad incommoda, ex hereditate adita emergentia,
 11 evitanda.

VT series † & ratio sequentium titulorum facilius intelligatur, paucis colligenda est summa eorum, quæ antecesserunt. Agitur hic de rebus per vniuersitatem acquirendis, quod fit inter cetera, cum alicuius nobis hæreditas quæ sita est. Acquiritur hereditas, cum delata est, iustus & constitutus ad eam rem modis, sed prius delatam esse oportet. Defertur autem testamento, vel ab intestato patrefamilias mortuo. Vocantur aliqui lege ad hereditatem. Ex testamento ita defertur, si & testamentum sit, & sit iustum, & eo testamento heredes instituti simus. An fuerit testamentum, testamenti definitio declarabit. Iustum testamentum efficitur aliter in milite, aliter in pagano. In milite iustum testamentum est, quando cumque miles fieri aliquid post mortem suam voluerit. In pagano ut testamentum iustum sit, tribus in rebus positum est, in persona testantis, in solemnibus testamentorum, & his, quæ testamento cauentur. In persona testantis est, ut sit is, qui ius testandi habeat; nam non omnibus testamentum facere permittitur. Huc pertinet *titulus*, qui *testam. fac. possunt, supr.* De solemnibus testamentorum, quæ & qualia sunt, explicatur *sub tit. de testamentis.*

In his, quæ testamento cauentur: Primum caput est, ut aliquis heres instituitur, ac sine heredis institutione nihil in testamento scriptum valet. Instituitur heres intelligitur, non tantum qui scripto iustus est esse heres, aut verbis nuncupatus; sed is, qui præterea recte instituitur, quod fit, si & sit cum eo testamenti factio, ut heres institui possit, & instituitur eo modo, quo oportet. Hic tit. consequentes, de *heredibus instituendis, & institutione & substitutione*, quorum in priore ius explicatur de persona heredum, in posteriore de instituendi modo. Et quoniam ad quæstionem de heredibus recte instituendis pertinet, intelligi, an plures heredes institui liceat, & quando ordine factum sit. Nam de hac quoque re ius subiicitur, ad hanc summam, licere non tantum plures heredes institui, sed etiam plures heredum gradus facere, ut alij instituti, alij substituti sint, ubi & de iure & effectu institutionum dictum est. Id agitur *in titulo, de impuber. & aliis substitut.*

Alterum caput ad vim testamenti pertinet in his, quæ cauentur testamento, ut si testator liberos habet, hos heredes instituat, aut exheredet nominatim, siue hi iam nati sint, siue post nascentur, hinc *tit. de liber. instit. vel exher. & de posthum. her. instit.* Cur hæc ita transacta sunt, intelligemus, quando defertur testamento hereditas. Sic enim incipiet deinceps deferri, si testator mortuus sit, & heres pure institutus, aut sub conditione, quæ iam exstiterit. Hoc modo delata hereditate sequitur, ut quibus modis delata acquiratur, cognoscendum sit: id ergo optimo ordine agitur *hoc tit. & seq. per contrarium.*

Acquiritur † hereditas dupliciter, prout est conditio & qualitas heredum, non tantum ex testamento, sed etiam ab intestato. Ob hanc † causam hæc distinctio heredum traditur. Quidam sunt necessarii heredes, quidam voluntarii, id est, quidam, quibus hereditas iure acquiratur etiam nolentibus, quidam, quibus non nisi volentibus. Necessariorum duo genera sunt, quidam, qui necessarii tantum dicuntur, quidam sui & necessarii, ut est *in pr. tit. de hered. qual.* Necessarius † heres est seruus à domino heres institutus cum libertate, ita ut ex testamento hereditatem simul & libertatem capiat. Necessarius ideo dicitur; quia heres est dominus, siue velit, siue nolit, ita ut nec edicto prætoris fiat ei potestas abstinendi, de quo genere dictum *supr. de neces. seru. her. & in d. §. 1. instit. de her. qual. & differ.* Sui & necessarii † sunt liberi, qui cum primo gradu essent, in potestate morientis fuerunt, ut ostenditur *in §. sui d. tit.* Necessarii dicuntur, quia itidem ut serui à domino instituti sunt heredes, seu nolint, seu velint: proinde inuiti: quod si inuiti multo magis sui iuris ignorantibus, ut sunt furiosi & infantes, §. *sui instit. de her. que ab intestat.* Quam ob causam etiam decedentes prius, quam de iure suo cognoscerent, aut quicquam statuerent, transmittunt hereditatem ad quosuis heredes, *l. 3. infr. hoc tit. Sed*

iniuriosum videri potest liberos oneribus hereditariis inuitos implicari, præsertim cum extranei heredes uon cogantur hereditatem adire, *l. nec temere, infr. hoc tit.* Pagnare etiam videtur cum regula, quæ dicitur, inuito beneficium non dari, *l. inuito, de regul. iur.* Hæc soluuntur hac adiectione, qua dicuntur *sui.* Scire enim debemus suos heredes dictos esse, quod sint sui toti heredes, siue sibiipsis heredes, quod ex ea re fit; quia sui heredes etiam viuo patre domini existimantur bonorum paternorum, *l. in suis, de lib. & posthum.*

Hoc declaratur nomine patrefamilias & filiiam. quibus distinguuntur personæ patris & filij, sed in verbo *familias* coniunguntur, ut intelligatur familiam vtrique esse communem familiam, id est bona, quod est argumentum Pauli eo loci. Nec huic sententiæ obstare, ait Paulus, quod licet parentibus suos filios exheredare, id est, remouere à bonis suis; nam non eo minus domini erant liberi eorum bonorum. Non igitur exheredare potest pater liberos; quia bona ad eos non pertinuerint, sed quæ hoc ius patri pro potestate sua tributum sit, ut etiam bona, quæ liberorum sunt, possit adimere. Argumentum est, quod & pater potuit occidere, quod primum est argumentum superioris sententiæ. Nam nihil tam omnium hominum proprium esse solet, quam vita à Deo tributa, quam tamen pater iure potestatis potuit adimere, neque quisquam ex eo colliget, vitam non esse liberorum propriam: sic nec ex eo, quod pater potest ordinare bona liberis, colligere possumus bona non esse liberorum etiam viuo patre. Sunt ergo bona liberorum propria, etiam viuo patre, ut supra diximus. Hinc efficitur, ut mortuo patre liberi, qui sunt sui heredes, fiant quidem heredes patri, sed fiant etiam heredes sibiipsis, ut qui in priore statu etiam bonorum domini fuerint.

Quorsum hoc ad necessitatem hereditatis acquirendæ? Respondeo: Id vero ad hanc rem optime pertinet; nam bona oblata nemo cogitur acquirere, incommoda oblata nemo cogitur suscipere, ut efficitur & regula iuris, de qua dixi, & exemplo extraneorum heredem. At bonis quæ sitis iam ante, etiam inuiti & ignorantes retinemus incommoda suscepta, multo magis, ubi non consentiunt hi, quibus obligati eramus: sic fit, ut verbo, *necessariorum*, intelligamus suos heredes & iure fieri, & inuitos: ex verbo autem *suorum*, intelligamus rationem hic contineri, cur fiant inuiti, quod alioqui iniustum & iniuriosum videri poterat. Sed acerbum est non tribuere liberis in potestate paterna, quod tribuitur extraneis: etsi enim fictione iuris domini habiti sint viuo patre; tæuera tamen domini non fuerunt, sed nec cum creditoribus paternis quicquam contraxerunt. Idcirco prætores hanc acerbam iuris civilis mitigarunt, & fecerunt potestatem liberis abstinendi se hereditate paterna, de quo *titul. seq.* sed hæc lege, si se non immiscuerint hereditati paternæ, de quo *in l. si re bonis, infr. h.*

Voluntarii † heredes sunt ceteri omnes, qui non sunt in numero necessariorum heredum. Atque hi omnes vno verbo extranei dicuntur, in est, qui nec in potestate morientis fuerunt, aut si fuerunt, non tenuerunt primum locum inter liberos, §. *ceteri. Instit. de her. qual. & diff.* His non acquiritur hereditas inuitis, sed tantum volentibus, *l. nec emere, infr. hoc tit.* Vnde voluntarii heredes à iuris auctoribus sunt appellati. Hinc fit, ut liceat his hereditatem repudiare, de qua repudiatione agitur *tit. seq.* Fit etiam, ut priusquam voluerint heredes esse, heredes non fiant, etiam si maxime his delata sit hereditas. Proinde si interim decedant, hereditatem delatam non transmittunt ad heredes, *l. 3. in fin. infr. hoc tit.* Sed † cum his sola voluntate acquiratur hereditas, an amplius quid desideratur ad acquirendum; Et placet extraneis heredibus sola destinatione animi hereditatem acquiri, *l. si auiæ, infr. hoc tit.* Nec interest, quomodo id clarius declaratur, verbis, an re aliqua & factis; Verbis adeundo, re & factis gerendo se pro herede. Vnde dicitur omnis, qui ad hereditatem vocatur, vel ex testamento, vel ab intestato.

Aut heres adeundo fit, aut pro herede se gerendo, §. *ult. instit. de hered. qual. & diff.* Additionis verbum occurrit *l. nec emere, hoc tit.* & amplius de eo dicitur *in Lærentium scrupulosam, seq. infr.* Pro herede se gerere quid sit, dicitur *ad l. 1. & 2.* Sed hoc modo acquiritur hereditas his heredibus, qui sunt sui iuris. His autem, qui sunt † in aliena potestate, ita destinatione animi volentibus hereditas acquiratur, si præcesserit eorum iustus, in quorum sunt potestate, *l. si quis mihi, §. iustum, de acquir. hered. de quo in l. filiosam, infr. h.* Interim in omnibus heredibus ad acquirendam hereditatem destinationem animi esse oportet, ex quo intelligitur, eos, qui

iudicio præditi non sunt, & quorum animi destinatio nulla potest esse, hos per se acquirere hereditatem nõ posse. Hinc quæsitum de pupillo, cui delata est hereditas, de quo in *l. potius, inf.* Hinc de infante, de quo in *l. si infanti, h.*

9 Sed ꝑ hoc modo acquiritur hereditas extraneis heredibus, verum non statim, sed his tribus conditionibus. Prima est, de qua iam intro diximus, omnium heredum, tam necessariorum, quã extraneorum communis, si his delata sit hereditas, *l. si quis extraneus, §. 1. de acquir. hered. l. si curator, inf. hic.* Quod quando contingat, supra expositum est. Altera conditio est, si sciat heres extraneus sibi esse delatam, id est, vt aliis verbis expressum est, *Instit. de hered. qual. & differ. §. vlt. si heres sciat defunctum testatum, aut intestatum decessisse, seque ei heredem esse, id est, aut se testamento institutum, aut sine testamento proximum se cognatum esse, qui lege, aut edicto prætoris vocetur ad successionem.* Et hoc proprium est solum extraneorum heredum. In suis heredibus & necessariis scientia sui iuris non requiritur, vt pote qui ignorant, & inuiti fiunt heredes, *l. cum quidam, §. seruum, de acq. hered.* In extraneis heredibus contraria de causa requiritur, vt de iure suo certi sint; his enim destinatione animi acquiritur, vt dixi, hereditas. Placet autem quæ destinatione animi geruntur, non nisi vera & certa scientia peragi posse. *leg. in totum, de reg. iur.* Tertia conditio est in heredum persona, si, quo tempore hereditatem adierunt, aut pro herede se gerunt, sit cum illis testamenti factio, *§. in extraneis, Instit. eodem.* Quod non item in suis & necessariis exigitur, quia vnum & idem tempus est, cum heredes existant, & tempus, quo testator moritur, nam statim eo mortuo heredes fiunt, etiam ignorantes.

10 Aditæ ꝑ & quæ sit hæc hereditatis hic est effectus, vt siue suis, siue extraneus sit, in omne ius defuncti succedat, suscipiatque eius rei commodum & incommodum, *l. 1. 2. 3. in prin. de bon. possess.* Commodum in eo, quod succedunt in dominium rerum omnium hereditariarum, itemque in actiones, quæ defuncto competierunt, *l. heres in omne, de acquir. hered.* Incommodum in eo, quod creditoribus hereditariis heres incipit obligari, non secus, quam defunctus, idque siue hereditas soluendo sit, siue non sit, *leg. vlt. infra de hered. actionibus, leg. morte, de acquir. hered.* Hoc periculo proposito admonemur, vt de lata hereditate rebus adhuc in

11 egris caueamus hoc incommodum. Ad ꝑ id euitandum duo sunt remedia, vnum in deliberando, alterum in inuentario rerum hereditariarum faciendo. Deliberatio hoc præstat, vt cognoscamus de facultatibus hereditatis, quibus cognitis si patremus expedire, hereditatem adibimus, sin minus, repudiabimus. Quod si etia deliberatio hoc non præstitit, vt omne æs alienum cognoscere, vt sæpe multa latent, aduersus omne periculum ratio inuenta est & constituta à Iustiniano, vt heres inuentarium faciat rerum hereditariarum, secundum formam ab ipso præscriptam, tum sine periculo adeat, de quo in *l. vlt. inf. h.*

Ex his intelligitur, quæ sit ratio huius inscriptionis, de iure deliberandi, & de adenda, vel acquirenda hereditate. De iure deliberandi, quoniam deliberatio ante aditam hereditatem necessaria est: de adenda hereditate, quia adendo extraneis acquiritur: acquirenda, quia non sola adicione acquiritur, sed etiam ipso iure, nempe necessariis heredibus.

Ad L. 1. & 2.

Imp. Antoninus A. Titia.

Si à patre emancipata, eo defuncto bonorum possessionem non agnouisti: frustra vereris, ne hereditatis paterna sis obligata, quod seruum eius nullo iure manumisisti, res quoque & mancipia quadam propter funeris impensas distraxisti, PP. Calend. Iulii. Meisala & Sabino Coss. 215.

Imp. Alexand. A. Florentino militi.

Cum debitum paternum te exsoluisse alleges: pro porci me hereditaria agnouisse te hereditatem defuncti non ambigatur. PP. VI. Id. Feb. Maximi. II. & A. I. a. Coss. 224.

- 1 Tria recensentur facta, quibus heres pro herede se gerere intelligitur.
- 2 Conciliatio legum 1. 2. & 12. cum §. vlt. Instit. de hered. qualitat. & differ. & num. 4.
- 3 Quis pro herede se gerendo heres fiat.

Debitatio horum locorum hinc nascitur: ius certum est, eum, qui ad hereditatem vocatur, vel ex testamento, vel ab intestato, heredem fieri, se pro herede gerendo, *§. vlt. Instit. de hered. qual. & diff.* In his autem ꝑ duobus rescriptis ita facta proponuntur, quibus heres pro herede se gerere intelligitur, qui ea facit, quæ suo nomine vtiliter facere non potest citra ius & nomen hereditatis, id est, nisi sit iure & nomine heres, *l. pro herede in pr. de acq. her.* Huius generis facta hæc sunt, de quibus hic agitur, seruum hereditarium manumittere, distrahere res hereditarias, exsoluere æs alienum hereditarium. Nam manumittere seruum nemo potest, nisi dominus, qui prius seruum in manu & potestate habuit, cum manumissio sit missio è manu & potestate, *Instit. de l. bert. in pr.* Non potest autem serui hereditarii quisquam dominus esse, nisi sit heres defuncti, si modo eo is seruus legatus non sit.

Similiter nec quicquam res hereditarias distrahendo in alium transferre potest, nisi qui earum sit dominus. Non enim plus iuris in alium transferre potest, quam ipse habuit, *l. nemo, de reg. iur. l. traditio, de acquir. rer. dom.* nec dominus rerum hereditariarum esse potest, nisi qui heres est defuncti, si ei res legatæ non sint. Idem dicendum est de eo, qui exsoluit æs alienum, nam suo nomine exsoluere nemo potest, nisi debitor, nec potest ex persona defuncti quisquam debitor fieri, nisi eius heres. Proinde qui hæc omnia facit, recte dicitur se pro herede gerere. Potest quidem heres æs alienum soluere non suo nomine, sed defuncti, vel hereditatis nomine. Quod si apparet eum hoc animo fecisse, pro herede se non gerit, sed in re dubia qui exsoluit, magis suo nomine soluere videtur, quam alieno, *l. merito, D. pro soc.* Ob hanc causam de eo, qui seruum hereditarium manumisit, discrete responsum est, eum qui id fecit, obligari oneribus hereditariis, quasi pro herede se gessisset, *l. Iulianus, §. pen. de acq. her.* Idem traditur de eo, qui res alienas distraxit, nihil testatus de sua volunrate, cur scilicet eas res distraheret *d. l. pro herede, cir. pr.* Et is, qui æs alienum hereditarium persoluit, dicitur hoc facto iudicium defuncti agnouisse, *l. patrib. de inoff. testam.*

Hæc cum ita sunt, consequens esse videbatur, vt in *l. 1. h.* responderetur filiam emancipatam, quæ patre defuncto, horum quid fecit, heredem fieri & obligari hereditariis oneribus quia reuera pro herede se gesserit. Nunc autem contra responderetur in *l. 1. h.* Augetur difficultas *ex l. 2.* quia ex eiusmodi factis responderetur, heredem videri agnoscere hereditatem & pro herede se gerere. Quæritur ꝑ igitur, quam recte hæc tam varie dicantur, & quomodo cum superiore definitione conueniant eius, qui pro herede se gerat. Et recte sane omnia dicuntur, & nihil aduersatur superiori definitioni, aut his locis, in quibus dicitur, his factis vnumquemque heredem pro herede se gerere videri. Animaduertendum est ꝑ enim, non dicere nos omnem, qui pro herede se gerit, heredem fieri, & hereditatem acquirere, sed eum solum, cui delata est hereditas, & vt est in *d. §. vlt. Instit. de hered. qual. & differ.* eum tantum, qui extraneus heres vocatur ad hereditatem vel ex testamento, vel ab intestato. Proinde pro herede se gerendo is solum heres fit, & obligatur hereditariis oneribus, qui vocatur ad successionem iure ciuili, non etiam qui vocatur ad successionem iure prætorio tantum. Nam prætor heredem non facit, sed tantum dat bonorum possessionem, *§. quos autem, Instit. de bon. possess.* His autem, quibus bonorum possessio tantum datur, non acquiritur hereditas, cum pro herede gesserint, quia bonorum possessio tantum datur his, qui eam à magistratu petunt, vt olim erat necesse petere, aut apud magistratum agnoscere, quod ex constitutionibus nobis nunc facere satis est, *l. vlt. inf. qui admitt. ad bon. possess.* Hoc cognito intelligi debet, emancipatam, de qua agitur in *l. 1.* non fuisse patri heredem, seu eam, quæ vocaretur iure ciuili ad hereditatem patris, sed eam, cui tantum daretur bonorum possessio in hereditate patris. Vnde intelligimus hoc quoque, non fuisse eam institutam testamento patris, nam ex testamento defertur hereditas, *l. 1. 2. b. t. l. lege obuero, de verb. sign.* sed aut t. testamento patris fuisse præteritum, quo casu ei tantum datur

pat iure prætorio bonorum possessio contra tabulas, §. emancipatos. *Inst. de ex her. liber.* aut eius patrem intestatum decessisse, quo casu emancipata iure ciuili non succedit, sed datur ei bonorum possessio vnde liberi, §. emancipati, *Inst. de her. qua ab intest.*

Sed vnde colligitur talem filiam hic proponi, cum nihil exprimitur de eo? Respondeo: intelligitur ex duabus partibus rescipi: I. quod proponitur filiam vocari ad successionem vt emancipatam. Si instituta esset, non vocaretur ad hereditatem patris, vt emancipata, sed vt quouis extranei instituti heredes: sed filia emancipata vocatur, cum datur præterita bonorum possessio vnde liberi, Colligitur præterea ex illis verbis, quod dicitur manumississe seruum nullo iure, distaxisse res hereditarias nullo iure, priusquam bonorum possessionem agnouisset. Nam si ad hereditatem vocaretur iure ciuili, hæc omnia suo iure posset facere, cum vellet sine vlla bonorum petitione, quia hereditas sola animi destinatione acquiritur, vt dictum, *l. si auia, h.* Non obstat ergo illo loco, in quibus traditur, eum, qui seruum hereditarium manumissit, aut res hereditarias distaxit, pro herede gerere videri, *d. l. pro herede, l. Iulianus, §. pen. de acq. her.* Nam & hic fatemur filiam emancipatam, quæ litem fecit, pro herede se gerere voluisse, sed negamus ideo heredem fieri, quia non erat vocata, sed tantum admissa ad bonorum possessionem iure prætorio. Hæc autem nullo extraiudiciali facto acquiritur, sed agnatione apud magistratum testata, *d. l. vlt. qui admitti ad bon. poss.*

Quod si filia in proposito a patre heres instituta esset, quia iure ciuili ei hereditas deferretur, dicemus eam iis factis pro herede gerere, & oneribus hereditariis implicari. Idem hodie dicemus, si ab intestato patri succedat. Nam ex *Novell. de hered. ab intest.* §. non omnes liberi vocantur ad successionem patris, seruato ordine gradus, sed sublata differentia patriæ potestatis & emancipationis. Solum huic rescripto locus erit hodie cum filia emancipata testamento patris præterita erit, quemadmodum hoc casu testamentum iure ciuili valere dixi, tantumquæ emancipatæ relinquunt bonorum possessionem contra tabulas, *Auth. non licet, & seq. de lib. prætor.* Cur ergo in *l. 12. h. t.* dicitur simpliciter eum, qui æs alienum exsoluit, id est, quialiquo facto pro herede se gessit, statim videri hereditatem agnouisse? Respondeo, quia de eo agitur, qui iure ciuili sit heres, seu qui iure vocatur ad hereditatem. Id quidem non exprimitur aperte, sed non obscure intelligitur ex eo, quod dicitur, ex solutione æris alieni agnouisse hereditariam portionem. Nam hoc verbo, *hereditariam portionem*, supponitur, eam portionem, de qua queritur, fuisse hereditariam, id est, ad hunc iure hereditario pertinuisse: sed solum quærebatur, an heres videretur hanc portionem agnouisse, dum æs alienum exsoluit. Ex his apparet infirmari, quod dixi de ratione acquisitionis hereditatis in extraneis successioneibus, vt scilicet tunc illis acquiratur, cum animi destinatione iis deferatur iure ciuili hereditas, diuersum esse, cum iis deferretur iure prætorio bonorum possessio.

Ad L. Si fratris. 3.

Imp. Gordianus A. Florentino militi.

Sifratris tui filius mortis tempore in patris sui fuit potestate: siue ex asse heres institutus est, etiam clausis tabulis heres potuit existere: siue ex parte, nihilominus statim suus ei heres existit: nec ea propter, quod intra paucos dies mortis patris sui concessit in satum, tu ad eiusdem fratris tui potes accedere successionem. Quod si cum iuris sui esset, ante aditam hereditatem decessit, tu que fratri tuo legitimus heres exististi: siue inuata tempora edicto præfinita, bonorum possessionem agnouisti: que hereditariarum facultatum sunt, vel que ab alio iniuria detinentur, præsidis diligentia tibi restituuntur. PP. XV. Kal. sep. Gordian. A. II. & Pompeiano. Coss. 242.

S V M M A R I A.

- 1 Pater relicto filio herede, relicto item fratre, decessit: filius ante aditam hereditatem moritur, institutus extraneis, queritur, vtrum successio ad extraneos, an vero ad patruum perueniat?
- 2 Hereditas non adita ad heredes suos, cui delata erat, non transmittitur:

Pater decessit relicto filio vel herede instituto, vel legitimo herede relicto, decessit idem & relicto fratre suo, eodemque filio patruo. Filius defuncto patre priusquam adiret hereditatem, aut bona hereditaria patri attingeret, statim decessit institutis forte extraneis heredibus. Hic successionem defuncti fratris vindicat frater eius superstes, de quo dixi, aut vindicat res hereditarias singulas contra heredes defuncti filij, vt eam successionem ad se pertinere contendunt. Quæstio est, quid vtrum pertineat successio defuncti patris? Quæstio in eo, vtrum patris hereditas filio adhuc viuenti quæ sita esset? Nam si quæ sita sit, transmittitur ad heredes suos, sin minus, datur locus fratri defuncti legitimo heredi. Horum vtrumque efficitur ex defuncti hereditate, nam hereditas huius filij de quo queritur, est successio in vniuersum ius, quod is filius moriens habuit, non in ius alienum, *l. hereditas, de reg. iur. l. nihil aliud, de verb. sign.* Inde mota controuersia fratri defuncti patris, consulit Imperatorem, quid iuris.

Rescriptum est accommodatum ad eam dubitationem, de qua dixi, hac distinctione: Referre, vtrum filius, de quo queritur, fuerit in potestate morientis patris, an vero fuerit emancipatus, vel alio modo sui iuris factus viuo adhuc patre. Si in potestate patris, statim heres existit, id est, ipso iure sine alia aditione, aut imixtione, §. sui, *Inst. de hered. qua ab intestat. leg. in suis & legitim.* & clausis etiam tabulis testamenti, quod hic adiectum est, propter ius vetus, quo cautum erat, hereditatem non posse adiri ante apertas tabulas testamenti, *l. vnica, §. in nouissimo infr. de cad. toll.* Sed hoc ius locum habebat in extraneis heredibus, quibus non potuit acquiri hereditas, nisi certis de iure suo. Non videbantur enim iuris sui certi esse posse, pr utquam tabulæ aperirentur, ex quibus de iure suo cognoscerent. At in suis heredibus, quemadmodum destinatio animi, & certitudo iuris sui non desideratur, semper placet hoc ius ad suos heredes non pertinere. Et hoc est, quod dicitur, aperturam testamenti ius sui heredis non mutare, id est, non impedire eos, quo minus iure heredes existant, siue apertæ sint tabulæ, siue non, *leg. 2. §. apertura, de hered. Inst. l. i.*

Scriptum quidem est, *leg. 5. §. vlt. de iur. & facti ignor.* qui ex asse heres est, posse petere bonorum possessionem, etiam ante apertas tabulas. Sed aliud iuris est in hereditate ad eunda. Hæc non poterat adiri olim, nisi apertis tabulis, Sed hoc ius hodie sublatum est, & effectum, vt non tantum sui heredes clausis tabulis heredes existant, sed etiam vt clausis tabulis adiri possit hereditas ab extraneis heredibus, *d. §. in nouissimo, infr. de cad. toll.*

Hereditate hoc modo iure filio quæ sita, conuequens est, quod hic dicitur, fratrem superstitem ad fratris successionem accedere non posse. Nam si filius is, qui heres patri existit, alios heredes instituit, quam hunc fratrem, patruum suum, ad institutos pertinere & filii & fratris hereditas. Si filius intestatus decessit, pertinet quidem hereditas, & successio ad hunc fratrem, vt legitimum heredem eius, sed non pertinet vt successio fratris, sed vt successio filii, cui iam ante erat quæ sita. Quod si filius hic sui iuris fuerit viuo patre, & non adita hereditate decesserit, non quæ sita hereditatem, vt initio dixi. Proinde mansit semper hereditas, ex quo consequens est, eam pertinere ad omnes heredes patris defuncti legitimos: inter quos cum sit defuncti frater, consequens est, hereditatem ad eum pertinere, si adiret hereditatem, aut quouis alio modo agnouerit. Quod si defuncti fratris hereditas ad eum pertinet, etiam in rerum singularium dominium succedit, sine alia rerum singularium apprehensione, *leg. cum heredes, de acquir. hered.* Quod rursum, si ita est, efficitur, quod extremo hoc loco dicitur, hunc fratrem defuncti fratris res hereditarias singulas iure vindicare posse, seu in rem actione petere & consequi, vt à quouis possessore sibi restituatur. Nam in rem actio competit ei, qui iure gentium, aut ciuili acquisiuit dominium, *l. in rem de rei vindic.* Obiter quod hic illa sententia notanda est, hereditatem aditam, ad heredes eius, cui delata erat, non transmitti, de quo plura ad *l. quoniam infr.*

Ad L. Filiosfam. 4.

Imper. Decius A. Athenaidi.

Filiosfamilias delata hereditate, si pater pro herede voluntate filij gessit, solemnitate iuris satisfactum videri, si pere scriptum est, PP. X. Kalend. Mart. Decimo A. & Grato Coss. 251.

S Y M M A R I A.

- 1 Hereditas seruo, aut filiofamilias delata, domino, vel patri non acquiritur, nisi volentibus & adire iubentibus.
- 2 Hereditas filio delata, an patri, si consentiente filio pro herede se gerat, acquiritur, & num. 4.
- 3 Pro herede se gerere quis dicitur?
- 5 Post constitutionem Iustiniani, an ad hereditatem filio acquirendam, & patris iussus & filii consensus sit necessarius.

PER seruum & filium familias qui in potestate nostra sunt, ceteræ res acquiruntur etiam nobis inuitis. Hereditas tamen illis delata non acquiritur, nisi volentibus nobis, atque ideo iubentibus, ut hereditatem adeant, l. *acquiritur. l. etiam inuitis. de acquir. rerum, domin.* Quod hac ratione constituitur; quia ceteræ res singulæ acquiruntur sine onere & incommodo nostro, hereditas autem ære alieno nos obligat, l. *pure. de acquirend. hered. l. si hereditas D. mandat. l. vlt. sup. de hered. actio.* Ratione civili & naturali permiffum est vnicique alterius conditionem meliorem facere inuiti & ignorantis, deteriorem autem facere non licet, l. *soluendo, de negot. gest.* Ob hanc causam ius ita constitutum est, ut siue seruo hereditas delata sit, siue filiofamilias, iussus patris & domini præcedere debeat, sequi aditio filiofamilias, aut serui, leg. *si quis mihi bona. §. iussus de acquir. hered.*

Hinc tamen quæritur, an hereditas filiofamilias delata acquiratur patri, si consentiente filio se pro herede gerat? Dubitationis causa manifesta est ex eo, quod supra dixi. Nam hic non mandat pater, ut filius hereditatem adeat, sed filius mandat patri, aut consentit, ut pro herede se gerat. Præterea filius hereditatem non adit, sed pater solus pro herede se gerit. Itaque vtrumque contra supra scriptam sententiam fieri videtur, ideoque nec videtur hereditas patri hoc modo acquiri posse. Hic rescriptum est, nihilominus hoc modo recte acquiri; quia solemnitati iuris satisfactum sit. Hoc vero dicitur: Satisfactum enim est in hac specie solemnitati iuris, si non secundum verba, at secundum sententiam superioris iuris, si non recte, at certe per sequentiam. Nam primo pater pro herede gerendo declarat se velle hereditatem filii acquiri, ac nihil aliud egisset, si mandasset, filio, ut ipse adiret. Nihil aliud enim hoc mandatum significaret, quam patrem velle sibi hereditatem acquiri, ut sic intelligatur hereditatem sibi non acquiri inuito, luxta l. *qui in aliena. de acq. her.*

Sed hæc in proposito specie voluntas patris de acquirenda hereditate præcedit, quamdiu exigimus, ut iussus præcedat. Prius est enim, ut pater velit, hereditatem acquiri, quam ut acquirere filio consentiat. Ergo hic omnino mandato & iussu patris præcedente confirmatur sententia. Quod ad additionem filii atinet, hoc pro cepto haberi debet, hereditatem filio delatam sine additione filii acquiri non posse; nam nec delata seruo acquireretur, nisi seruo adeunte, l. *3. sup. de iussu. & substit.* Et merito; quia soli filiofamilias hereditas defertur iudicio testatoris, aut legis, l. *qui liberis. §. vlt. de vulg. & pup.* Sed intelligendum est; cum in proposito filius consentit, ut pater pro herede se gerat, hoc ipso, quod consentit, hereditatem adire videtur. Nam hereditas patri acquiri non potest, nisi filio prius adeunte, ut dictum. Proinde filius permittendo id, quod est consequens, intelligitur simul velle id, quod est antecedens, nempe hereditatem adiri, *argum. in l. illud, de acquirend. hered.* Quinimo filius permittendo patri pro herede se gerere, hoc ipso inteligitur & ipse se pro herede gerere. Nam tamen pro herede gerit, qui id facit, quod nisi heres facere non potest. At permittere patri, ut fiat heres, nemo potest, nisi filius, qui ipse heres est; quoniam nemo plus iuris in alium transferre potest, quam ipse habet, l. *nemo plus, de reg. iur.* Proinde filius hoc permittendo etiam pro herede se gerere intelligitur. Recte igitur dictum est in hoc rescripto: Cum pater voluntate filii pro herede se gerit, solemnitati iuris satisfactum esse, id est, perinde habendum esse, quasi iubente patre filius hereditatem adisset, aut pro herede se gessisset.

Interim hoc rescripto & definitione ea, quam supra posui, constituitur hoc, ubi tamen filiofamilias hereditas delata est, hanc patri non acquiri, nisi aut filius mandato patris, aut pater voluntate filii hereditatem acquirat, & ita vtriusque voluntatem in hac actione concurrere debere. Videri potest huic sententiæ ad l. *qui in aliena. §. 1. de acquirend. hered.* ubi scriptum est: Filiofamilias delata hereditate, si pater diu possiderit hereditatem, vi-

deri ipsum & hereditatem admisisse. Item l. *si filiusfamilias de per. heri.* ubi conuerso modo dicitur, si filiusfamilias delata hereditate filius hereditatem domini possiderit, videri commodum hereditatis patri quæsiuisse. Sed hi loci non obstant; quoniam in his non agitur de acquirenda hereditate filiofamilias delata, sed de probatione acquisitionis. Si de acquisitione quæritur, vtriusque voluntas est necessaria & filii & patris, ut hic declaratur, neque refragatur id superioribus locis. Siue enim pater possideat hereditatem, exigimus, ut filio consentiente id fiat; siue filius ipse possideat, exigimus, ut fiat voluntate patris, alioqui hereditas inuito non acquiritur. Sed si quæritur, an pater filio, aut filius patri consenserit? Illis locis ostenditur, id non solum testibus probari posse, sed etiam longa hereditatis possessione.

Quæritur, tamen hodie post constitutionem Iustiniani, iussus patris & consensus necessarius sit ad hereditatem acquirendam, quæ filiofamilias delata sit? Nam constituit Iustinianus omnium aduerentorum proprietatem filiofamilias acquiri, & inter cetera etiam delatæ hereditatis proprietatem, l. *cum oportet. l. vlt. infr. de bon. qua. lib. §. 1. inst. per quas person.* Et puto hodie vtriusque consensus non esse necessarium, si filius adire hereditatem voluerit, licet ei hoc facere etiam ignorante patre; nam potest adire etiam patre inuito, l. *vlt. infr. de bon. qua. lib.* multo igitur magis ignorante patre, l. *qui potest. de reg. iur.* Quod si filius hereditatem adire voluit, sit potestas patri hereditatis adeundæ, idque sine voluntate filii qui iam repudiari, d. l. *vlt.* Quod si filius hereditatem patri acquirere voluit, hic quidem voluntas patris necessaria erit, ne inuitus pater obligetur hereditati. Sed non est necesse etiam hoc casu vtriusque consensus interuenire. Nam repudiante etiam filio patri volenti hereditas acquireretur, ut dixi. Neque tamen tublatum est ius, quod hic traditur, & in d. l. *si quis mihi bona. §. iussus. ff. de acq. her.* Nam si filiofamilias hereditas delata est contemplatione patris, hæc videtur à patre potius profecta, & patri acquirere per filium, *arg. in l. sed si plures. §. in arrogato, de vulg. l. profectitia, de iur. dot.* Porro etiam constitutionibus Iustiniani bona profecticia ad patrem redeunt, eique acquiruntur pleno iure, d. l. *inst. per quas person. nob.* Proinde & in hoc quoque genere hereditatis necessarius erit consensus & iussus patris ad acquirendam hereditatem.

Ad L. Potuit. s.

Valerianus & Gallienus. AA.
Paulo.

Potuit pupillus pro herede, tutore auctore, gerendo consequi successionem, seu ipsius actus & voluntas fuit necessaria. Nam si quid nesciente eo tutor egit, illi hereditatem non potuit acquirere. PP. XVI, Cal. Tul. ipsi III. & III. AA. Coss. 258.

S Y M M A R I A.

- 1 Pupillus an acquirere possit.
- 2 An omnis pupillus possit acquirere.
- 3 Pupillus quando acquirere possit.
- 4 Pro herede se gerere, item hereditatem adire, quid sit.
- 5 Pupillus an solus, an vero non, nisi alterius, & cuius auctoritate acquirere possit, & num. 6.
- 7 Actus & voluntas pupilli ad hereditatem sibi per tutorem acquirendam necessario requiritur.
- 8 Causæ, propter quas tutor pupillo inuito acquirere nequeat.
- 9 Tutor pupillo inuito possessionem bonorum acquirere non potest, & cur.

PUPILLO, id est, impuberi, qui non sit sui iuris, l. *pupillus, de verb. significat.* delata est hereditas, siue quod heres instutus sit, siue quod tanquam proximus agnatus defuncti vocetur ad successionem. Circa hereditatem hanc acquirendam duæ sunt summæ quæstiones. Vna, an ipse pupillus hereditatem possit accipere suo facto? Altera, an possit tutor ei acquirere eius nomine adeundo? In priore capite hæc quæruntur. Primo, an possit pupillus acquirere. Secundo, an omnis pupillus, etiã infans. Tertio, quando. Quarto, an solus, an vero non, nisi alterius auctoritate. Quinto, cuius auctoritate. Primum, tamen simpliciter pupillus hereditatem acquirere possit, ideo quæritur; quia hereditas destinatione

viōne animi acquiritur, *l. si auia, seq.* Nulla autem animi destinatio esse videtur in ea ætate. Et placuit pupillum delatam sibi hereditatem posse acquirere sibi, vt *hic, & leg. pupillus, de hered. acquirend.* Sed fauorabiliter, vt dicitur in *dict. l. pupillus*; id est, non summo iure, sed benignitatis causa pro fauore pupilli, vt hereditas acquiritur. Nam reuera non est in his destinatio animi certa. Neque tamen, cum dicimus eum posse hereditatem acquirere, fit contra præcepta iuris, quæ desiderant destinationem animi; quia quod iudicio pupilli deest, suppletur auctoritate tutoris, vt est in *leg. quamuis, §. vlt. de acqu. hered.*

Sed an omnis pupillus hereditatem possit acquirere, quod propter infantem quaritur, cuiusmodi ætas pupillorum nullum intellectum haber, nec multum a furioso differre putatur, §. *pupilli, Inst. de inutil. stip.* Et placet etiam infantem posse acquirere se pro herede gerendo, vt est diferte scriptum in *l. seruo, §. si pupillo, D. ad Trebellian.* Vnde & sine exceptione iuris, recte hoc loco definitum est de omni pupillo.

Sed obstat *d. l. pupillus, de acqu. her.* vbi excipitur pupillus, qui fieri non potest, cum dicitur, pupillum, qui fieri potest, hereditatem posse acquirere. Obstat etiam conditio ætatis, cum in infante nullus sit intellectus. Respondeo, observandum est in *d. l. pupillus*, generaliter definiti, pupillum hereditatem acquirere posse, quod declaratur, posse eum acquirere quouis modo, & adeundo, & pro herede se gerendo. Cum ita definitur, recte excipitur infans; quia infans non potest quouis modo hereditatem acquirere. In hac autem lege non dicitur simpliciter pupillum successione consequi posse, pro herede se gerendo, quorum vtrumque recte dicitur, & inde est sequens quæstio, Quando pupillus, vel infans, vel maior infans hereditatem possit acquirere? Et respondetur, quod maior infans hereditatem acquirere possit adeundo, multo magis pro herede se gerendo, *l. si infans, §. vlt. h. tit.* Infans autem pro herede gerendo acquirere potest, vt hic generaliter definitum est, adeundo acquirere non potest, vt declaratur in *d. l. seruo, §. si pupillo, ad Trebell.*

4 Differentiæ ratio est; quia se pro herede gerere est, tanquam dominum res tractare hereditarias, vel ad heredem pertinentes: hoc etiam potest facere heres infans, cum ei tanquam domino res in manus traduntur. Adire vero est verbis declarare voluntatem de agnoscenda hereditate, vt suo dicitur loco. Hoc vero infans præstare non potest; quia loqui non potest. Sed tan solus pupillus hoc modo, scilicet, pro herede se gerendo hereditatem acquirat, vetus fuit quæstio, propterea, quod cum de acquirendo agitur, non est pupillo necessaria tutoris auctoritas, *Inst. de auct. tut.* Hic autem de acquirenda hereditate agitur, sed non solum de ea acquirenda agitur, verum etiam de pupillo obligando; quia hereditas nos æri alieno obligat, *leg. more, de acquirend. hered.* Et ideo iam olim receptum est, nec hereditatem acquiri, nec bonorum possessionem, nec fideicommissum hereditatis pupillo restitui posse, sine tutoris auctoritate, §. *neque, Inst. de auct. tut.* Et hoc ita intelligendum est, nisi sit infans, *l. si infans, vt dicitur infra.*

6 Desideratur tamen hic nominatim auctoritas tutoris; quia curatoris auctoritas est ad acquirendam hereditatem inutilis pupillo, etiam si fingamus curatorem datum esse pupillo tutorem habenti, vt in aliquibus causis receptum est, *leg. cum in vna, §. vlt. de appellatio.* Idque commune est; quia curator rebus datur; non personæ. Tutor autem personæ, non rebus, §. 2. *Inst. de curat.* In hereditate autem acquirenda noua persona magis suscipitur, quam nouum dominium, & per consequentiam dominium rerum suscipitur; nam heres in personam & locum defuncti succedit, *leg. quadam, §. 1. de edendo.* Vnde dicitur heredis personam eandem esse cum defuncti. *Novell. de iureiurand. a mor. prest. in medio.* Sciendum tamen est, si pupillo tutor non sit, posse pupillum adire magistratum, cuius de creto si hereditatem agnoscer pupillus, solemnitatibus iuris factis factum est, & hereditas pupillo acquiratur, *leg. si infans, §. vlt. infr. leg. honorum, supr. qui admitt. ad bonor. poss.* Hæc de hereditate pupilli per ipsum acquiritur.

Hic dixerit aliquis, cur laboremus, an hoc, an illo modo, an huius, an illius auctoritate hereditas acquiritur, cum sit compendiosa via ad acquirendum, si tutor, qui iudicio valet, potest eius nomine adire hereditatem, eique acquirere, Et ne frustra in superiori definitione laborauerimus, subiicitur hic, quod ad posteriorem quæstionem pertinet, Nempe t ipsius pupilli actum & voluntatem, ad acquirendam hereditatem necessarium esse:

Tutorem autem ipso ignorante ei acquirere hereditatem non possit. Quod ait rescriptum: Actum & voluntatem pupilli in acquirenda hereditate esse necessariam, videtur aduersari §. *vlt. Inst. de hered. qual. & differ. & leg. si auia, sequi.* vbi traditur; hereditatem sola animi destinatione, & sola voluntate acquiri.

Respondeo: Hæc non sunt contrariæ. Nam hereditas non acquiritur, nisi aut pro herede gerendo, aut adeundo, id est, verbis voluntatem suam testando de acquirenda hereditate, vt explicatur in *d. §. vlt. Inst. de hered. qual. & differ.* Proinde si pupillus se pro herede gerit, hic maneste vtrumque requiritur, & actus gestionis, & voluntas, quatenus voluntatis pro suo capto capax est. Sed etsi pupillus hereditatem adit, hic quoque vtrumque requiritur & actus & voluntas. Voluntas, vt velit hereditatem agnoscere; deinde actus, vt hanc voluntatem testetur, vt est in *dicto §. vlt. Inst. de hered. qual. & differ.* Et quod dicitur sola animi destinatione hereditatem acquiri, id intelligendum est, ita sola destinatione, quæ tamen testata est, *d. §. vlt.*

Quod t additur: Tutorem pupillo hereditatem acquirere non posse, duabus de causis recte constituitur. Primo; quia nemo hereditatem acquirere potest, nisi cui delata sit, *dict. leg. si quis extraneus, §. 1. de acquir. hered.* Defertur autem hereditas pupillo non tutori; deinde hereditas obligat nos æri alieno, vt supra dictum. Tutor autem inuito pupillum hereditati obligare non potest, non magis, quam filius patrem, aut seruus dominum, *dict. leg. qui in aliena.* Quod t de hereditate dicimus, idem etiam de bonorum possessione diceimus, tum videtur, tutorem inuito pupillo bonorum possessionem acquirere non posse, ob eam, quam dixi, causam. Non obstat *l. tutor, & l. si pupillo, de bonor. poss.* *l. bonorum, sup. qui ad bonorum poss. adm.* vbi constanter traditur, tutorem pupillo bonorum possessionem petere posse. Aliud enim est bonorum possessionem petere pupillo, aliud possessionem ipsi acquirere. Prius recte fit, sed non acquiritur pupillo, nisi aut iam ante consenserit, aut petitionem postea ratam habuerit, *argumentum in leg. 3. §. acquirere, de bonor. poss.* Hæc tamen temperata est in *leg. si infans, infra.* in infante, de quo constituitur, vt tutor eius nomine hereditatem adire possit. Secundum quam exceptionem & *l. potuit, interpretanda est,* iuxta regulam iuris, in toto iure generi per speciem derogatur, *l. in rebus, de regul. iur.*

Ad L. Si auia, §.

Imp. Diocletianus & Maximian. A A.
Philippæ.

Si auia tua patrem tuum ex duabus vncias scripsit hereditatem, ex sola animi destinatione pater tuus heres fieri poterat. Igitur, si testamento suo easdem vncias ad te pertinere decreuit: apud rectorem prouincia duarum vnciarum ius persequi poteris, PP. XVI. Calend. August. Sirmij ipsi IV. & III. A. Cass. 298.

S V M M A R I A.

- 1 Hereditas: em aperte non agnoscens, si vel in testamento, vel alibi dixerit, se velle vt hereditas ad heredes suos perueniat, hoc ipso heres fit; & hereditas em transmittit.
- 2 Hereditas: vnde adita intelligatur.

Q V i t hereditatem sibi delatam aperte verbis non agnouit; vt diceret se velle heredem esse, neque quicquam hereditatum in ea hereditate attigit, si moriens in testamento, aut alibi dixerit, se velle, vt ea hereditas ad heredes suos vel institutos, vel legitimos perueniat, hoc ipso heres fit, & hereditatem transmittit ad heredes. An quo t hic de hereditate auie agitur, quæ ex constitutione Theodosii filio delata transmittitur ad nepotes etiam non adita? *l. vn. inf. de hu. qui ante aper. tabul. hered. v. an. sm.* Minime, nam nondum edita illa Theodosii fuit constitutio. Itaque non potuit hic dici hereditatem transmitti ad nepotes, nisi quia à patre erat adita. Sed vnde t aditam intelligimus, cum non acquiratur hereditas, nisi aliquo modo heres testatus sit voluntatem suam de hereditate acquirenda, §. *vlt. Inst. de her. qual. & differ.*

Respondeo, Qui dixit se velle, vt hereditas sibi delata ad suos heredes perueniat, satis declarauit, se velle eam hereditatem patris ad se pertinere, ideoque se heredem esse, nam nisi quæsitâ esset ei hereditas, non perueniret ad eius heredes, vt tempore huius rescripti ius fuit: qui voluit aliquid, id etiam voluisse intelligitur, quod necessario antecedit, l. illud, de acquir. hered. Proinde qui se velle dixit hanc hereditatem peruenire ad extraneos, eam ad eos transmittet.

Ad L. Licet. 8.

Imp. Dioclet. & Maxim. A A. & C C. Claudio.

Licet incontinenti sui heredes se paternis non immiscuerint bonis: tamen ignorantes delatam sibi esse hereditatem, longi temporis præscriptione, quo minus hanc recte vindicent, excludi non possunt. S. XVII. Calend. Ianuar. Sirmij. A A. Coss.

Ad L. Quadam. 7.

Imp. Dioclet. & Maximian. A A. & C C. Eufobino.

Quoniam sororem tuam prius functam esse pro patris, quam agnosceret, an à fratre sibi aliquid hereditatis fuisset retinuit: manifestum, atque euidentis est, antequam pro herede gereret, vel bonorum possessionem admitteret, defuncti successorem eam non potuisse ad heredes suos transmittere. P P. Cal. Maij, Thiralli A A. Coss.

S V M M A R I A.

- 1 An vindicanti hereditatem obstat longi temporis præscriptio.
- 2 Quid si possessor triginta annis possederit hereditatem?

Filius, qui in potestate patris morientis fuit, patri defuncto existit ipso iure suus heres; etiam si ignoret patrem defunctum esse, leg. 3. sup. hic. Heres factus hereditatem sui iuris recte vindicat à quibusvis possessoribus, qui hereditatem pro herede, vt possessores possident, l. regulariter. ff. de hered. pet. l. hereditas, sup. d. titu. de pet. hered. Quæsitum est, an vindicanti obstat longi temporis præscriptio, si is, à quo hereditas vindicatur, bona fide eam hereditatem longo tempore possederit, id est, 10. annos inter præsentem, 20. inter absentes, l. vltim. infr. de long. temp. præscript. l. vlt. de vsucap. transfor. infra. Mouent quæstionem constitutiones, quibus efficitur, his, qui rem altquam bona fide & iusto titulo initio possident, competere præscriptionem longi temporis, l. 2. & cor. tit. infr. de præscr. long. temp. Et placet hereditatem vindicanti non obstat longi temporis præscriptionem, quicumque heres sit, qui hereditatem vindicabit, vt hic traditur, & leg. hereditatis, sup. de pet. hered. leg. diuina, infr. de præscript. long. temp. l. hereditatem, infr. in quibus causis long. temp. præscript. cess.

Non obstat, quod longi temporis præscriptio bonæ fidei possessori datur. Non enim solum hac conditione datur, si quis bona fide possederit, sed hoc amplius, si iusto titulo, dict. leg. 2. & leg. penult. l. nullo. de rei vindicat. Is autem, à quo hereditas petitur nullo iure possidet, quæ ratio significatur in dict. leg. diuina, infr. de long. temp. præscript. & dict. leg. hereditatem, infr. in quibus causis cess. long. temp. præscript. Idque intelligitur ex definitione possessionis. Nam petitio hereditatis competit aduersus eum, qui pro herede, prout possessore possidet, dict. l. regulariter, de hered. pet. Is autem possidere dicitur pro herede, qui putat se heredem esse, & non esse. Pro possessore autem possidet prædo, id est, is, qui non putat etiam se heredem esse, l. pro herede. in prin. & §. vlt. cum l. seq. de pet. hered. Neuter igitur istorum titulo possidet, cum neuter sit heres, nec illi prodest, si putet se heredem esse. non enim ideo heres est; quia se esse putat. Denique error tituli vsucapationem non adfert, l. Celsus, de vsucap. Quid si præscriptor hereditatis 30. annis possederit hereditatem? Respondeo; Nocebit vindicanti heredi triginta annorum præscriptio, siue sit filius defuncti, siue extraneus, l. sicut, infr. de præscript. 30. vel 40. annorum.

Ad L. Si te bonis. 10.

Imp. Diocletia. & Maximian. A A. & C C. Sabinæ.

Si te bonis maternis maior quinque & viginti annis immiscuisti: neque inopia patris te excusat, neque vis fratris portionem tuam vel testamentum eripientis arcere de exactione creditorum, qui iure ciuili pro hereditaria portione te conueniunt, potest. S. XVI. Kal. Ian. Sirmij, Casaribus Coss.

S V M M A R I A.

- 1 Heres bonis paternis sese immiscens, si hereditas eius soluendo non suerit, vtram creditoribus ita teneatur, vt de suo soluere cogatur.
- 2 Quid si frater, vel alius portionem eius hereditariam occupauerit, vt in satisfacere non possit.

Quod

S V M M A R I A.

- 1 Hereditatem, quam quis sibi delatam ignorat, adeundo, vel pro herede gerendo acquirere nemo potest.
- 2 Hereditas non adita, quamuis sine vitio heredis adita non sit, ad heredes non transmittitur.
- 3 An ius adeundi ad heredes transmittatur.
- 4 Hereditas non adita certis in casibus ad heredes transmitti potest.
- 5 Causa, cur hereditas non adita transmitti possit, duplex assignatur.

Hic statuuntur duæ sententiæ, quas initio huius tituli attigi. Prior est: Neminem posse adeundo, aut pro herede gerendo hereditatem acquirere, quamuis sibi delatam, si ignoret eam hereditatem sibi delatam esse, quæ sententia expressa est in §. vlt. Instit. de hered. qual.

- 2 Altera est sententia est, hereditatem non aditam, quamuis sine vitio heredis adita non sit, ad heredes eius non transmitti, regula iuris antiqui, quæ refertur & confirmatur leg. vnica. §. in nouissimo. inf. de cad. tollend. Sed an hæc ius adeundi saltem, quod habuit, ad heredes suos transmittit? Ergo regulæ sententia hæc fuit: hereditatem, neque ius hereditatis adeundæ transmitti. Quod optima ratione constitutum est. nam heres heredis, qui hereditatem non adiit, aut voluit eam hereditatem adire, vt hereditatem sui antecessoris, & id facere non potuit; quoniam illi quæsitâ non fuit: aut voluit adire, vt hereditatem eius, cuius iussu & à quo delata erat suo antecessori, & hoc multo minus facere potuit; quia illius non est heres. Cum igitur nullo iure possit hanc hereditatem acquirere, bene statuitur hanc hereditatem ad eos non transmitti.
- 4 Hoc tamen ius non est perpetuum, sed quibusdam in casibus hereditas non adita ad heredes transmittitur, quod statuitur partim ex persona, partim ex causa. Ex personis tunc, cum agitur de hereditate parentum in liberis transmittenda, de qua est constitutio Theodosii l. vnic. inf. de his, qui ante aper. tab. cuius mentio est in d. §. in nouissimo, de condit. toll.

Causa, cur placeat hereditatem non aditam transmitti, est duplex. Prima, si heres, cui ius delibandi tribuitur constitutione, intra tempus ad delibandum præstitutum decesserit, leg. cum in antiquioribus, infr. hic. cuius item mentio est in dict. §. in nouissimo.

Alterâ causa est, si is, qui legitimus heres esse poterat defuncto, institutus sit ab eo, testamento suo, in quo is, qui in vtero erat, præteritus sit. Nam si hic, dum pendet, an posthumus nascatur, nec ne, decesserit, non adita hereditate, placet eius heredes petere posse bonorum possessionem ex æquo & bono, leg. illud, §. vlt. l. sequen. de bonor. possess. contra tabul. leg. ventre, de acquir. hered. Has quoque exceptiones attingimus supra ad l.

emancipata. sup. qui ad bon. poss. admitt. poss.

Quod in extraneis hereditatis aditio, aut pro herede gestio, id valet in suis heredibus immixtio. Heres extraneus hereditatem adeundo, aut pro herede gerendo fit heres, ita ut iure civili postea repudiare non possit *l. inf. prox. tit.* Eodem modo & suus heres, cum se bonis paternis immiscuit, ita efficitur iure civili suus heres, ut nec iure prætorio habeat abstinendi facultatem *l. necessarius, de acq. her.* In suis heredibus immiscere se bonis id ipsum est, quod in extraneis pro herede gerere, id est, ita se immiscet filius bonis paternis, cum aliquid gerit tanquam heres patris, *l. eum bonis, de acq. her.* Sed extraneus dicitur adire & pro herede, id est, tanquam heres gerere; quia venit ad bona nondum quaesita, sed oblata tantum, idque facit, non quia iam fit heres, sed quasi heres. Suius autem priusquam sese immisceat patri heres est, & dominus rerum hereditarium: ideo si eas res attingit, dicitur se suis bonis immiscere.

Et hæc de maiore 25. annis herede dicta sunt, ut initio huius rescripti dictum est; quia minor sine hereditate adierit, cum esset extraneus, siue suus se immiscuerit, ita fit iure cõmuni heres, ut tamen possit impetrare in integrum restitutionem, ut sibi repudiare, aut sese abstinere liceat bonis, *tit. si. ut minor se abstineat hered. sup.* Heres ita factus, ut supra dictum est, statim obligatur creditoribus hereditariis, de quo effectus hic agitur, quaeriturque primum, quid si hereditas eius non fuerit soluendo?

Respondetur, eam nihilominus obligari hereditariis creditoribus, pro qua parte heres est, ut si non soluendo sit hereditas, de suo dependere cogatur, *l. more, de acquir. hered.* Rursum quid si huius heredis frater, vel alii portionem eius hereditariam ei occupavit, ut non habeat, ut fati facere possit creditoribus? Respondetur hoc ei nihil prodesse aduersus creditores, optima ratione: Nam quod portio eius hereditaria occupatur ab aliis, casus fortuitus est. Porro neque incendium, neque quivis alius casus fortuitus, ære alieno eximit creditorem, *leg. incendium, sup. si cert. per.* Præterea hæc ipsa occupatio iniuria est, quæ fit heredi: iniuriam sibi facta heres ad aliorum iniuriam proferre non debet: seu iniuria vni facta, non debet nocere aliis, *l. si per imprudenciam, in princ. de evict.*

Ad L. Resistente. II.

Imp. Dioclet. & Maxim. AA. & CC.
Philumenæ.

Resistente te pater tuus, in cuius fuisti potestate, neque spem delata tibi legitima quærenda successione absumere, neque hereditarios manumittendo seruos, his præstare libertatem potuit. S. 6. Id Feb. Sirmij, CC. Coss.

S V M M A R I V M.

1 Delata filiofamilias hereditate pater non potest inuito filio repudiare hereditatem, vel eam acquirere, vel res hereditarias alienare.

Hereditate filiofamilias delata, quam vis hereditas adita acquiratur patri in totum, aut saltem acquiratur eius fructus; tamen soli filio hereditas defertur, ita ut nisi filio adeunte acquiri non possit; quia si recusabit hereditatem, cogi non potest. Hoc ius in seruo herede instituto locum habet, nullo magis in filiofamilias, *l. 3. sup. de instit. & substit.* Huc facit *l. qui liberis, §. vit. de vulg. l. si posthumus, de lib. & postum.* Ex hoc iure hæc sunt consequentia, quæ hoc rescripto traduntur, scilicet delata filiofamilias hereditate, patrem non posse inuito filio repudiare hereditatem, vel eam acquirere, vel res hereditarias alienare, & in summa ius filii inuito imminuere facto suo non potest: non potest pater eam hereditatem repudiare sine filio; quia nec eo inuito acquirere potest, *l. si quis heres, §. vit. l. si potest, de acquir. hered.* Non potest pater eam hereditatem acquirere inuito filio; quia solus acquirere potest, cui delata est, *l. si quis extraneus, §. 1. de acquir. hered.* Filio autem delata est hereditas, non patri. Quod si pater inuito filio acquirere non potest, palam est, cum seruos hereditarios manumittere non posse, res hereditarias vendere, aut de ceteris rebus statuere: hæc enim solus dominus facere potest, iuxta regulam iuris: *Nemo plus, &c. de reg. iur.* Iam autem effectum est primum dominum non esse. Hinc intelligi potest licere si-

lio hereditate sibi delata procrastinare aditionem, & in id tempus reicere, dum sui iuris efficiatur, ut sui iuris factus hereditatem adeundo sibi acquirat in totum, & quod ad proprietatem, & quod ad usum fructum attinet, *l. non est dubium, inf. h.*

Ad L. Non est dubium. 15.

Imp. Constant. A. ad Leontium Comitem
Orientis.

Non est dubium, si priusquam filius iussu patris adierit hereditatem, propria potestatis effectus sit, arbitrio suo eundem hanc sibi potuisse quarere. Dat. 17. kal. April. Limenio & Casulino Coss. 349.

S V M M A R I A.

- 1 Filius sui iuris factus an suo arbitrio hereditatem ante sibi delatam adire possit, & si potest, utrum sibi, an patri acquirat.
- 2 Vnumquodque patri per filium duabus de causis acquiritur.

Filiofamilias delata hereditate, si priusquam adiret, sui iuris factus sit, puta à patre emancipatus, quaeritur, si postea hereditatem adire velit, utrum suo arbitrio possit, & si potest, utrum ei, an patri acquiratur eatenus, quatenus acquisitum esset, si dum erat in potestate, eam adisset? Et respondetur, eum non solum arbitrato suo adire posse, sed etiam si adiret, sibi hereditatem acquirere in solidum, nihil patri. Mouebat in contrariam sententiam exemplum stipulationis & contractuum. Nam si filiofamilias stipulatus sit sub conditione, si navis ex Asia venerit, quamvis emancipato eo conditio postea existit; tamen nihilominus obligationem & actionem acquiri patri, non filio, ut spectetur id tempus, quod ante fuit, non id, quo conditio existit. At hereditas cum defertur filiofamilias, omnino sub conditione acquiritur, si eam adeat; proinde si pendente conditione hac, sui iuris fiat, & postea hereditatem adeat, eodem exemplo videtur dici debuisse hereditatem patri acquiri, non filio, ut spectetur id tempus, quo conditio existit. Ius de conditionali stipulatione supra dictum est in *leg. si filiofamilias, de verb. obligat.*

Respondetur exemplum nos mouere non debere. Nam inter omnes iuris auctores constitit, differre in hac re stipulationes à testamentis, seu differre, utrum filiofamilias stipuletur aliquid, & hoc sub conditione: an vero filiofamilias deferatur aliquid testamento. Sub conditione stipulatio fit, ut omnimodo acquiratur patri, quandoque conditio existerit. Quod autem testamento relicta est sub conditione, id non alter acquiratur patri, quam si filio manente in potestate, conditio existerit, & qua legata de regul. iuris. *leg. si uxorem infra, de condition. insert.* Idque significatur in *dict. leg. si filiofamilias, de verb. obligat.* Differentiæ ratio multum qualita est, in quo aliis aliud videtur. Hæc ratio, quam dicam, certa est. Vnumquodque per se filium patri acquiri potest duabus de causis; vel quia filiofamilias iam quaesitum sit, vel quia in eo acquirendo filiofamilias aliud fecerit. Nam quod filiofamilias fecit, dixitque, quod ad acquirendum pertineat, id fecisse & dixisse pater videtur voce filii, & si vero. §. post mortem. *instit. de inutil. stipul. l. quodcumque, de verb. obligat.*

Ex hac ratione fit, ut stipulatio conditionalis à filiofamilias interposita, statim acquiratur patri; quia etsi pendente conditione nulla obligatio esse potest, quæ acquiratur vel patri, vel filio; tamen filius st. potest, ut proinde habendum sit, quasi patet stipulatus esset. Quod si pater stipulatus esset, nemo negaret, quandoque conditione existente, obligationem acquiri patri. At in legatis & hereditatibus, quæ sub conditione deferuntur, vel expressa, vel tacita, nulla ex his causis interdicte pendente conditione, propter quam causam hereditas, aut legatum patri acquiri possit. Nam pendente conditione legati, aut hereditatis nulla res est, quæ acquiratur, etiã filio, nedum patri, *arg. l. cedere, de verb. signif.* Sed nec in legato, aut hereditate voluntas filiofamilias interuenit, qua legatum, aut hereditas deferatur. Hæc enim deferuntur sola voluntate testatoris sine facto heredis, aut legatarii. Manifesta igitur ratio est, cur neque legatum

gatum conditionale, neque hereditas patri acquiratur, si filio emancipato legati conditio existat.

Ad L. Nec emere. 16.

Imperatores Arcadius & Honorius AA.
Annodio.

Nec emere, nec donatum adsequi, nec damnosam quisquam hereditatem adire compellitur. Datum VI. Kal. Ian. Olibrio & Probino Coss. 395.

S V M M A R I A.

- 1 Nemo rebus adhuc integris emere, aut vendere cogitur, secus si res non fuer. ut integra, & num. 2.
- 3 Nec hereditatem inuitus quisquam adire compellitur.

Nemo ꝑ emere compellitur, aut vendere, *leg. inuitum, supr. de contrahend. emti.* quia emtio contractus est, & is, qui solo consensu perficitur, *leg. 1. §. ult. de contrahend. emt.* Et quamuis solo consensu non perficeretur; tamen consensu vacare non posset, si esset contractus. Nullus est contractus sine conuentione & consensu, *d. leg. 1. §. 1. de pact.* Non consentit autem, qui cogitur; nihil enim tam contrarium est voluntati, quam vis, *l. nihil consensui de reg. iur. l. 1. quod metus causa.* Sed hoc ita est, ꝑ si ab initio de re emenda agatur rebus adhuc integris. Nam si quis partem communis fundi emerit, & iudicio communi diuid, altera pars aliud cara sit emtori, hæc quoque pars venditori inuito accedit, *l. Iulianus. §. idem Celsus, de act. emti.* Quod item fit; quia qui semel partem emit voluntate sua, ea voluisse intelligitur, quæ necessario accederent. Idemque in hereditate acquirenda receptum est. Nam ab initio nemo cogitur subire hereditatem; si tamen hereditatis partem adierit quis, deinceps reliquorum coheredum portiones deficientes inuitus accipiet, *l. quidam. infr. hic.* Nemo donatum accipere cogitur, *leg. inuito. de reg. iur. leg. hoc iure. §. non potest. de donation. l. inuitus. §. ult. de regul. iuris.* Idque eadem ratione; quia nemo emere cogitur; quia nemo rem accipit, nisi volens, nec transferitur dominium, nisi cum ex vtraque parte tradentis & accipientis concurrat affectus, *l. in omnibus. de obligat. & action.*

Non aduersatur huic sententiæ, quod dicitur per seruum etiam inuito domino acquiri, *l. seruus vetante. de verb. obligat. l. etiam inuitus. de acquir. rer. dom.* Item quod dicitur, vnumquemque pro debitore soluendo ignorantem & inuitum debitorem liberare, *Instit. quib. mod. oblig. toll. in pr. l. soluendo, de neg. gest. l. solutionem. de solu.* Nam nec donatum seruo inuito acquiri posset inuito, sed à seruo quaesitum acquireretur inuito domino: verum in persona domini non est donatum aut etiam simpliciter datum. Non enim ut datum dominus acquirat, sed vt rem, quæ à seruo data est tanquam fructum serui percipit per consequentiam rei suæ, quemadmodum & fructus ex sua re perciperet & perceptos acquireret, *l. qui scit. §. 1. de vsur.* Sed & illud, quod quis nomine debitoris soluit, creditori nunquam inuito acquiritur. Nam creditor nunquam accipiet, nisi volet, cum autem accepit, debitor inuitus liberatur; non quia illi quicquam detur inuito, sed quia inuito obligatio adimatur, quod per rerum naturam facere licet. Eadem ratione ꝑ nec hereditatem inuitus quisquam compellitur adire: acquiratur enim hereditas extraneis heredibus volentibus, *§. ult. Instit. de her. qual. & differ.* Acquiritur quidem hereditas necessariis heredibus iam inuitis, vt seruis & filiis, qui in potestate morientis fuerunt, in quibus est superuacua, *d. l. in suis. de sus. & legit.*

Ad L. Cretionum. 17.

Imp. Arcad. & Honor. & Theodof. AAA. Anthemio, præfecto prætorio.

Cretionum scrupulosam solemnitatem hac lege penitus amputari cernimus. Dar. s. Ka. April. Constantinop. Honor. 110 7 & Theod. AA. Coss. 407.

- 1 Hereditas heredibus extraneis quot acquiratur modus? & nu. 7.
- 2 Pro herede se gerere quid.
- 3 Adire hereditatem quid.
- 4 Adire hereditatem, & pro herede gerere, quid differant.
- 5 Adire hereditatem vnde dictum.
- 6 Aditio olim solemnium verborum formula fiebat, & qua illa.
- 7 Agnoscere hereditatem quid.

ET adeundi verbum, quod supra vsurpatum est, & cretionis, quod hic commemoratur, nos admonet, vt quaeramus, non solum quid his verbis significetur, sed etiam quibus modis acquiratur hereditas extraneis heredibus, quem locum initio huius tituli obiter attigimus. Et acquiritur ꝑ extraneis hereditas sola animi destinatione, *l. si auia. sup.* sed hic animus declaratur aut adeundo, aut pro herede gerendo. Vnde totidem modis hereditas acquiri dicitur extraneis heredibus; tunc enim ponitur in his locis, *l. cum in antiquioribus. infr. l. & si quis. §. si quis. de religio. l. quamdiu institutus. de acquir. her.* Quæ genera ita distincta sunt, vt neque qui adit, pro herede se gerere, neque qui pro herede gerit, secundum significationem verbi adire intelligatur: vnde dubitatio in *l. si quis mihi bona. §. sed quid si, de acquir. her.* Pro herede ꝑ gerere, est facere aliquid, quod non possis facere vtiliter, nisi sis heres, vt *ad l. 1. & 2. dictum.* Sic dictum, quasi pro domino gerere, *§. ult. Instit. de hered. qual. & differ.* Adire ꝑ autem hereditatem est aperte & recta profiteri, se velle heredem esse, quod fit verbis, vt est in *d. §. ult. vel nutu,* cum quis interrogatur, an velit heres esse, & annuit, *l. seruo. §. si pupillo, ad Trebell. vel scripto,* dum se velle heredem esse scribit, *arg. in l. 1. de acquir. her.* Ex quibus definitionibus intelligitur, adire esse nudæ voluntatis; pro herede gerere esse facti & administrationis. Item adire habere apertam professionem voluntatis de hereditate acquirenda: pro herede autem gerere nullam voluntatis professionem habere, sed factum ipsum, ex quo deinde ratiocinando animus agnoscendæ hereditatis colligitur.

Adire ꝑ hereditatem ita dictum est, quasi dicas ire ad hereditatem, vt eam habeas. Vnde pro verbo *adeundi* veteres hac vsi sunt formula, vt dicerent: Eum heredem, qui vellet heres esse, accedere ad hereditatem, seu successionem, *l. 3. sup. h. tit. l. ult. de acqu. her.* Aditio ꝑ olim fieri solebat solemnibus verbis, vt dicimus ex fragmentis Vlpiani *tit. de hered. instit.* Solemnis autem formula hæc erat: *Cum me Lucius heredem instituerit, eius hereditatem adeo, cernoque.* Ex quo verbo postremo genus aditionis *cretio* appellatum est. Tunc autem necesse erat verbis his solemnibus hereditatem cernere, cum testator heredem instituerat cum cretione, vt testis est ibidem Vlpianus, id est, cum ita eum heredem instituerat, vt simul iuberet eum cernere hereditatem suam intra certos dies, quos illi præstituebat, vt vellet eos dies vtilis esse, quibus sciret heres, possetque cernere: interdum ita, vt vellet esse continuos. Hoc posterius dicebatur *cretio* continua, quod exigeret dies continuos.

Prius cum fiebat, dicebatur *cretio* vulgaris, quod vulgo testatores in cretione iniungenda, dies vtilis exigerent, quibus heres sciret, possetque hereditatem cernere, ad quod alludit Anton. *lib. 2. de orator.* cum ita loquitur: *Et dicam, quod scio posteroque, vt est in cretioneibus.* Sic enim legendum esse post edita illa fragmenta Vlpiani intelligimus, vt prius perperam & nullo sensu lectum sit, vt est in conditionibus. Hac constitutione *cretionum* solemnitas sublata est, postquam constitutione effectum est, vt ad acquirendam hereditatem nihil interesset, vtrum quis pro herede gereret, an adiret, & in adeundo vtrum solemnibus verbis vteretur, an non? Et hoc est, quod in *§. ult. Instit. de her. qual.* dicitur: *Quibuscumque verbis declarauerit quis voluntatem suam de acquirenda hereditate, hereditatem acquiri.* Neque eo minus tamen etiam nunc re & dicitur adiri & cerni hereditas: vtrumque enim per translationem dicitur, & alterum sine altero in acquirenda hereditate esse non potest. Nemo enim adit hereditatem, id est, accedit ad hereditatem, vt acquirat, nisi cernat animo, tanquam suam, nec cernit quisquam, nisi qui prius ad eam accesserit, id est, vno verbo, qui eam adierit.

Manent ꝑ igitur duæ illæ species distinctæ, acquirendæ hereditatis, quas supra posuimus, aditio & pro herede gestio, neque plures species leguntur, vt apparet ex iis locis, quos de iis duabus speciebus supra retulimus. Neque adeo plures esse possunt, si hereditas sola animi destinatione acquiratur, vt acquiritur. Sicut tamē q
hac

hac diuisione vsi sunt, vt dicerent hereditatem acquiri, aditione, pro herede gestione, cretione, immixtione, agnitione, quæ diuisione ex ignorantia verborum, & manifesta imperitia iuris nata est. Nam primum certi iuris est, immixtione hereditatem acquiri nō posse, nisi suis heredibus, in quibus solis locum habet immixtio, vt dictum ad l. si te sup. Nam tui sunt heredes, siue se immiscuerint, siue non, vt dictum supra ad l. 3. Cum ipso iure illis hereditas quæ sita sit statim ab initio: eam nullo suo facto postea amplius querere possunt, §. sic itaque. Inst. de action. Iure quidem prætorio iis, qui se immiscuerint, denegatur abstinendi facultas, l. necessarius de acquir. her. Sed non item immixtione acquiritur iure prætorio. Acquiritur ipso iure tam ex legibus, quam ex edito prætoris, sed acquisita retinetur iure prætorio post immixtionem; quoniam si se immiscuerint, postea abstinere non possunt. Cretione autem æquirebatur olim hereditas, sed cretio nihil aliud erat, nisi aditio solemnī, vt testantur verba cretionum; Eius hereditatem adeo, cernoque. Quæ verba coniunguntur, non quia diuersæ hic res sunt adire & cernere, sed vt magis animus aduentis intelligeretur.

Agnitionem autem distinguere ab aditione, & nouam speciem acquirendæ hereditatis facere, summæ est imperitiæ. Nam & agnoscere hereditatem nihil aliud est, quam testari se heredem esse velle, l. si auiā. sup. Hoc autem nihil aliud est, quam hereditatem adire. Quod si propter verbum agnoscendi noua species acquirendæ hereditatis statuenda est, debuit etiam dici hereditatem acquiri aditione, & complexatione, susceptione. Nam & heredes cum aduent hereditatem, dicuntur hereditatem admittere, l. 6. §. 1. de acquir. her. l. quidam. infr. h. Dicuntur etiam amplecti hereditatem, l. quæ situm. de acquir. her. l. si liberti sup. de bonis liber. Dicuntur etiam suscipere hereditatem, l. eum bonis. de acquir. her. §. vlt. Inst. de hered. qual. & diff. Sed hæc omnia plurā verba sunt, sed vnam eandemque rem significantia, nempe aditionem, & testationem voluntatis de acquirenda hereditate. Nam hæc tria, agnoscere, amplecti, admittere hereditatem, dicta sunt per translationem, ducta ab illis, qui aliquos tanquam amicos suos agnoscant, pro suis amplectuntur, & salutati ad se admittunt & suscipiunt, vt probent se illos vere pro suis agnoscere, quod in hereditate acquirenda facit is, qui vult heres esse. Eadem translatio est in verbo aduendi, quod in prioribus verbis hereditas sic accipitur, quasi esset res mobilis, quæ ad nos veniat. In aduendi autem verbo sic de hereditate agitur, quasi res sit immobilis, ad quam accedamus, & ad quam introtramur. Quæ ratione heres cum adit hereditatem, non tantum dicitur hereditatem admittere, sed etiam dicitur eodem sensu admitti ad hereditatem, l. si ferum. de acquir. her. sup. qui admitti ad bon. poss. possunt.

Ad L. Si infanti. 18.

Imp. Theodof. & Valentin. AA. ad Senatam.

Si infanti, id est, minori septem annis, in potestate patris, vel aui, vel proaui constituto, vel constituta, hereditas sit delata, vel ab intestato delata à matre, vel linea, ex qua mater descendit, vel aliis quibuscunque personis: licebit parentibus eius, sub quorum potestate est, adire eius nomine hereditatem, vel bonorum possessionem petere. §. 1. Sed si hoc parens neglexerit, & in memorata ætate infans decesserit: tunc parentem quidem superstitem omnia ex quacunque successione ad eundem infantem deuoluta, iure patrio quasi iam infanti quæ sita capere. §. 2. Parente vero non subsistente, siquidem post eius obitum tutor infanti sit, vel datus fuerit: posse eum etiam adhuc infante pupillo constituto eius nomine adire hereditatem, siue viuo parente, siue post mortem eius ad eum deuoluta: vel bonorum possessionem petere, & eo modo eidem infanti hereditatem querere, &c.

S Y M M A R I A.

1. Hereditatem infanti, qui parentem masculum habet, delatam solus pater infantis nomine adire, eiq. acquirere potest.

2. Pater hereditatem infanti delatam adire negligens, eam, mortuo in-

- fante, iure patrio capere potest, ac si infanti fuisset quæ sita.
3. Hereditas infanti delata, si defuncto parente in tutoris sit potestate, quomodo acquiratur & ad quos transmitatur? & nu. 4.
3. Hereditas, tutore non aduente, ad quem post mortem infantis transmitatur.
6. Hereditas pupilli, qui maior est infante, quomodo & acquiratur & transmitatur.

Hæc lege ius constituitur in primis animaduersione dignum de hereditate, quæ pupillo delata sit, tum acquirenda, tum non quæ sita transmittenda. Sic quoque aliud ius lex constituit in infante, aliud in eo, qui sit maior infante. In infante vtraque in parte, id est, tum in acquirenda, tum in transmittenda hereditate lex ius constituit singulare & nouum, à quo posterioribus constitutionibus recessum non est. In eo autem, qui maior est, ius antiquum obtinet. Rursum in infante distinguitur is infans, qui patrem, aut alium parentem masculum habet, ab infante, qui parente mortuo est in potestate tutorum. De eo, qui patrem habet, ius est constitutum in princ. & vers. 2. Ad primum de hereditatis infanti acquirendæ ratione, ad hæc sententiam.

Quæcunque † hereditas delata erit infanti, qui parentem habet masculum, hanc pater solus infantis nomine adire potest, eique acquirere. In quo si regulas iuris sequemur, multa sunt, quæ huic sententiæ aduersantur, sed, vt dixi, ius singulare est constitutum & nouum, ideo quoque contradicuntur, nihil negotii est diluere. I. Opponitur l. potuit. sup. h. vbi cauetur hereditate pupillo delata ipsius actum & voluntatem esse necessariam in hereditate accipienda. Respondeo: Hac lege infantem excipi, in quo propter vtilitatem infantis ab eo iure consulto discessum sit, & merito. Nam infans neque hereditatem adire potest, vt illius dominus, neque pro herede vilo modo gerere, si vere iudicare volumus, Nam pro herede gerere facti est, sed & nihilominus animi est, nec quisquam gerit, nisi qui animo agnoscit hereditatem, l. pro herede. l. gerit. de acquir. her. Proinde priusquam hereditas infanti amittatur, recte constitutum est, vt ei acciperetur à patre, quamuis ipso ignorante, nec consentiente, qui alioqui nullum intellectum habet, §. pupillus. Inst. de inut. stip.

Pagnat etiam hoc ius cum regula iuris de acquirenda hereditate. Nam quibus ex causis repudiari hereditas non potest, iidem nec acquiri potest, l. si quis extraneus. §. 1. de acquir. her. Pater autem sine consensu infantis repudiare hereditatem non potest, l. is, qui heres, §. vlt. de acquir. her. Proinde nec secundum hanc regulam acquirere potest ignorante infante. Sed hic ius singulare est pro vtilitate infantis constitutum, vt ei acquiratur hereditas. Postremum est commune ius, quo constitutum est, ne cui hereditas ignoranti acquiratur & inuitus obligetur ære alieno, l. 6. in pr. de acquir. her. quo placet pupillum, ne auctore quidem patre, obligari posse, l. vlt. §. pupillus. de verb. oblig. Sed & hic, vt dixi, ius singulare est, vbi non de obligando tantum infante agitur, sed de hereditate ei acquirenda: neque iniquum est, infantem ignorantem, per consequentiam obligari. Nam si maiora sunt commoda hereditatis, quam incommoda, nullum damnum est infanti hereditatem acquisiuisse. Quod si maiora erunt incommoda, quæ præter spem emerferunt, vt sic, ne hoc quidem ei damnosum est, quia licet ei, cum adoleuerit, aut sui iuris factus fuerit, imperrare in integrum restitutionem, l. vlt. §. vbi autem. inf. de bon. quæ liberis.

Vt autem singulare ius est in ratione hereditatis infanti accipiendæ, cum patrem habet, ita & singulare ius est in hereditate transmittenda. Nam hic in vers. 2. ita constituitur. Si † pater hereditatem infanti delatam adire neglexerit, patrem eam hereditatem mortuo infante iure patrio capere posse, quasi infanti fuisset quæ sita. In quo primum singulare ius est, quod constituitur de hereditate transmittenda, quæ adita non fuerit, neque ab infante, neque à patre. Est enim contra regulam iuris; quia hereditas non adita non transmittitur, l. vn. §. in nouissimo. inf. de cond. tollent. Et ideo hic casus notandus est, & aditiciendus his, in quibus regulam iuris locum non habere dixi ad l. sup. Deinde & illud singulare, quod placet, hanc hereditatem non transmitti ad heredes quosuis infantis, sed ad parentem masculum duntaxat. Ait enim constituto, iure patrio: deinde in §. fin. vero. eadem lege, constituitur ita, si infans, qui non habet parentem, decedat hereditate non adita, vt hereditas non transmittatur ad eius heredes, sed redeat ad eos, ad quos pertineret, si infanti non esset delata.

Hic quæ situm est, quo iure pater eam hereditatem capiat &

an capiat iure peculij: nam quotiescunque filiusfamilias intestatus decedit, ut hic infans, qui fuit in potestate, decessit, toties pater bona filij occupat tanquam sua, peculij iure, etiam si essent bona castrensia, aut quasi. multo magis si erunt aduentitia? *l. 2. de pecul. cast.* Hoc autem ideo quaeritur; quia si pater hanc hereditatem peculij iure occupat, eam capit ipso iure sine ulla additione, suo iure, eoque et si ea adita non erit, nihilominus eam transmittet ad quoscunque heredes. Et dicendum est, eam hereditatem patrem peculij ratione & iure occupare non posse. Prius est enim, ut ea hereditas fuerit in peculio infantis, ut tanquam peculium infantis occupari possit. Nunc autem in peculio infantis esse non potuit, cum illi non fuerit quaesita. Praeterea hanc hereditatem peculij iure non capere patrem, argumentum certissimum est, quod placet in hac ipsa constitutione eam hereditatem etiam ad parentem pertinere, si infans sui iuris fuerit, non in potestate patris, *vers. ea vero.* Infantis vero & eius filij, qui in potestate patris non est, nullum peculium est, *l. vlt. quando act. de pecul. l. vlt. cir. fin. sup. de inoffic. test.*

Sed an pater hanc hereditatem capit tanquam heres? Respondeo: Nec id quidem, alioqui si tanquam heres caperet, etiam ea hereditas ad reliquos infantis heredes pertineret, ubi pater non esset, quod secus est, *§. fin. vero. infr.* Quo iure igitur capiet? Id expressum est in constitutione. Capit iure patrio, id est, ut heres quidem, sed non solum ut heres, verum etiam ut pater, ac nisi pater esset, non caperet in quo singulare ius perspicitur patris causa maxime constitutum. Hoc loco quaesitum est, an recessum sit ab hoc iure *ex Nouell. constit. Iustin. de hered. ab intest. venientibus. §. 1.* Cuius summa comprehensa est in *Aurb. de functo inf. ad Tertull.* Nam illic constitutum, si quis intestatus decesserit sine liberis, relicto patre & matre & fratribus, hereditatem inter ipsos ex aequo diuidi, non solum ad patrem pertinere. Num ergo idem dicemus in hac hereditate infanti delata, quae non adita ad patrem iuberetur pertinere? Respondeo, speciem huius legis ad constitutionem Iustiniani non pertinere vllō modo, & ideo manere huius legis constitutionem. Nam Iustiniani constitutio loquitur de hereditate defuncti, quam vult inter supra scriptas personas ita diuidi, ut diximus. Nunc autem ea hereditas, de qua ibi agitur, infantis non fuit. Non obstant verba huius constitutionis, cum oicitur, patrem eam hereditatem capere, quasi infanti esset quaesita. Haec enim verba sunt similitudinis, quae non significant vere quaesitam esse, sed cum de transmittenda agitur, perinde habendam esse, quasi quaesita esset, ut acquiratur patri, sic in *l. precibus. de impub. in fin.* dicitur hereditas restitui, verum ex causa fideicommissi, ubi tamen nullum fideicommissum est.

3 Hæc de infante, qui parentem habuit. Quod si parente defuncto infans sit in potestate tutoris: hic singulare ius est in ratione acquirendae hereditatis: in transmittenda autem hereditate ius antiquum est. Nam in *§. parente*, ita statuitur, etiam tutorem infantis nomine hereditatem adire posse, eique quaerere, quod hic singulare est, constitutum contra *l. potuit sup.* & contra eas rationes, quas illic reddidimus. Sed hoc, ut dixi, infantis causa est constitutum, cum per ipsum hereditas quaeri non posset, ut qui nullum intellectum habeat.

4 Et notandum tutore ita aduente, sic acquiri infanti hereditatem, ut eo mortuo transmittatur ea hereditas ad quosuis eius heredes; tum enim solum non transmittitur, cum hereditas à tutore adita non est, ut est in *§. fin. vero.* ubi colligitur differentia notanda inter infantem & furiosum. Nam si furioso hereditas delata sit, placet quidem hereditatem ei viuo tribui, ut administratur per legitimum curatorem, tãquam furioso quaesita. Ceterum si furiosus in eodem morbo decedat, non pertinet ad furiosum hereditas, sed ad eos, ad quos pertineret, si furioso non esset delata, *l. vlt. §. pen. sup. de curat. furiosi.* Differentiae ratio est in auctoritate tutorum & curatorum. Tutor hereditatem accipere & acquirere potest infanti; quia infantis quodammodo loco est. Tutor enim personae datur; curator non personae, sed rebus, *in copulanda. sup. de nupt.* Et ideo dicitur curatoris auctoritas in iuris esse pupillo ad acquirendam hereditatem, *l. cum in vna. §. vlt. de appell.*

5 Quod si tutor hereditatem non adierit, infans postea decedens hereditatem non transmittet ad heredes suos, sed redibit hereditas ad eos, ad quos pertineret, si infanti delata non esset, ut est in *d. §. fin. vero.* Quod ita intelligendum est, nisi fuerit hereditas patris, cuius in potestate fuerit infans. Nam hæc infanti quaeritur ipso iure, ut de ius heredibus dixi *ad leg. 3. sup. §. sui. Institut. de hered. qua ab intestato.* Quaesita infanti non potest, quin ad eius he-

redes pertineat, de quo quia quidam dubitant propter verba huius loci, non abs re erit, hanc sententiam paucis confirmare. Statuitur autem certa auctoritate & manifesta ratione. Expressa est hæc sententia in *leg. 3. sup.* sed apertissime in *l. apud hostes. de suis & legitimis heredibus. l. qui duos. §. cum bello. de rebus dubiis.* Ratio autem certa hæc est: Hereditas defuncti ad eius heredes legitimos citra controuersiam pertinet. At hereditas patris infanti delata est, si infans suus heres exstitit. Probat ex definitione hereditatis: nam hereditas cuiusque est successio in vniuersum ius, quod is moriens habuit. At infans, qui suus heres exstitit, hereditatem patris habuit, ut pote iure ipso sibi quaesitam. Ergo hæc ad quosuis legitimos eius heredes pertinebit. Non debemus moueri in contrarium verbo huius *§. fin. vero.* eo quod constitutio loquitur de qualibet hereditate infanti delata. Nam temperamentum adicitur, ex quo intelligimus, de hereditate extraneo infanti delata agi. Agitur enim de hereditate, quae à tutore ad eundem sit, §. precedenti, deinde de hereditate deuoluta, item de hereditate non adita. Hæc etiam verba suis heredibus non conueniunt, sed extraneis. Nam in suis heredibus aditio nulla est, *in suis. de suis & legitimis.* Praeterea hereditas patris ad liberos suos heredes, non tam deuoluta dicitur, quam dominium continuari, ita ut videatur nulla successio fuisse, *in suis. de lib. & posthum.*

Haecenus de hereditate infanti delata. Quid si pupillus maior erit infante? De eo constituitur in *§. vlt. hic. &* constituitur ita, ut ius antiquum seruetur, tum in ratione acquirendae hereditatis tum in hereditate non adita transmittenda. Est autem hæc summa: Huiusmodi pupillum sine facto & voluntate sua hereditatem quaerere non posse, iuxta *l. potuit sup.* Sed ei auctoritate opus esse ad hereditatem acquirendam. Adhibebitur autem patris auctoritas, si est in eius potestate, *l. more. §. vlt. de acquir. hered.* Si pupillus sui iuris est, adhibebitur auctoritas tutoris, aut nullo tutore constituto adhibebitur decretum iudicis. Hereditate enim ita non adita, placet secundum regulam iuris, ut aditam non transmitti.

Ad L. Cum in antiquioribus. 19.

Cum in antiquioribus legibus, & praecipue in questionibus Iulij Pauli inuenimus, filiosfamilias paternam hereditatem deliberantes posse & in suam posteritatem hanc transmittere: & aliis etiam quibusdam adiectis, quae in huiusmodi personis praecipua sunt: eam deliberationem & in omnes successores, siue cognatos, siue extraneos, duximus esse preelendam, &c.

S Y M M A R I A.

- 1 Summa huius legis.
- 2 Heres an post annum, quo hereditatem sibi delatam cognouit, hereditatem adire possit.

Summa hæc est: Heres hereditatem sibi delatam & non aditam, nec tamen repudiatam, decedens, & vna ius ad eundem transmittit ad quosuis heredes, dummodo sciens hereditatem sibi delatam decedat, & decedat intra annum, ex quo sibi delatam cognorat: sic vero transmittit, ut quod ex eo anno reliquum est, tantum relinquat heredibus suis ad deliberandum, non amplius. Tribuitur hoc ius in hereditate delata. Nam non delata hereditate, heres neque hereditatem habet, neque ius eius acquirendae. Qui nihil habet, nihil potest heredi suo tradere iuxta regulam iuris *l. nemo plus. &c. ff. de reg. iur.* Tribuitur praeterea in hereditate non adita, non quod hereditas non adita multo magis transmittatur, sed ut intelligamus, hic beneficium constitui à Iustiniano, contra regulam iuris, qua efficitur, hereditatem non aditam non transmitti, *l. vi. §. in nouissimo. infr. de cond. toll.* Tribuitur praeterea in hereditate non repudiata; nam hereditas repudiando in totum amittitur, ut nec ipse heres, qui repudiavit, si viueret, possit eam adire, *l. 4. infr. tit. pro. l. ii. qui heres. de acquir. her.*

Hoc ius tribuitur duabus conditionibus. Vna, si heres, cui delata est hereditas, cognouit aliquo modo sibi delatam esse; proinde qui ignorauit delatam, nihil transmittit. In quo retinetur ius antiquum etiã in hac parte quod traditur in *l. quoniam. sup. cod.* Et ratio est,

est, quia est constitutio de iure deliberandi transmittendo. Non potest autem dici deliberare heres, si ignoret esse, de quo deliberet. Altera conditio est, si decedat intra annum, ex quo sibi delatam hereditatem cognouit, quæ pars nullam aliam rationem habet, quam voluntatem legislatoris, cui visum est beneficium hoc suam intra hoc tempus concludere. Quid si annus is exceperit, & heres adhuc uiuat, quaesitum est, an possit postea hereditatem adire, propter verba huius constitutionis, cum scribit ita Iustinianus: *Quod si annus præterierit, heres cum sua successione ab huiusmodi beneficio excludatur.* Sed in prompta responsio est, iis verbis non excludi ius adeundi, sed ius transmittendi arbitrii, seu transmittendæ deliberationis. Nam de hoc iure transmissiois prius constitutum erat. Ius adeundi tributum lege heredibus perpetuum est, nisi à magistratu impetratum est tempus præstituenti ad deliberandum, vt ad *l. si curatoris. sup.* At ius transmittendæ deliberationis non concluditur, & ideo verborum Iustiniani hic sensus est: Si heres post annum, quo sibi delatam hereditatem cognouit, decedat, neque ipse ius deliberationis ad suos transmittit heredes: neque heredes eius, si intra alterum annum, ex quo eam hereditatem olim fuisse delatam cognouerint, decedant, ius hoc transmittent, optima ratione; quia non acceperunt.

Ad L. Quidam elogio. 20.

Quidam elogio condito heredem scripsit in certas vncias, & post certa verba testamenti eundem in alias vncias, vel tantas, vel quantascunque, & tertio vel in aliam partem hereditatis, vel in quendam vnciarum modum: ille autem vnam institutionem, vel duas admittens, vnam, vel duas, vel quantascunque respuendas esse censuit: quarebatur apud veteres, si hoc ei facere permittatur, &c.

S V M M A R I A.

- 1 Si quis delata hereditate dicat, se velle partem adire & partem repudiare, nihil agit.
- 2 Si quis hereditatis partem simpliciter adierit, reliquas partes quandoque sibi delatas inuitus admittere cogatur. & num. 3. 4. & seqq.
- 7 Heres pupillo exheredato substitutus, an post aditam paternam hereditatem repudiari possit.
- 8 Substitutus filio heredi ex parte instituto, si impubes hereditate patri se abstinuerit, an partem eam admittere cogatur.
- 9 Si coheres impuberi datus, eique substitutus mortuo pupillo vel hereditatem pupillarem amplecti, & paternam omittere, an ei id permittatur?
- 10 Qui partem aliquam hereditatis simpliciter repudiat, is ceteras quoque, quamvis delatas habere nequit.
- 11 Omittere partem hereditatis & omittere aditionem partis, quid differant.

Diximus initio, & significatur in *l. si auia. sup.* & *l. nec emere.* liberum esse extraneis heredibus, delatam hereditatem aut agnoscere, aut repudiare; quoniam volentes, non inuiti sunt heredes. Hoc loco admonemur recte dici, si de tota hereditate agnoscenda, aut repudianda agitur, non idem ius esse de singulis partibus. Hic enim regula iuris veteris traditur, neminem eiusdem hereditatis sibi delatæ, seu eius, quam acquirere potest, partem agnoscere posse, partem repudiare. Eadem ratio existat in *l. 2. de hered. acqui. l. vn. §. huius ita. infr. de cad. roll.* Ex hac ratione, veluti ex fonte, tria consequuntur, quæ totidem regulis iuris veteris comprehensa sunt, ex quibus vna hoc loco explicatur.

I. Illud efficitur, si quis \dagger delata hereditate dicat, se velle partem adire, & partem repudiare, nihil agere eum, *l. 1. de acqui. her.* Quia qui ita adit & ita repudiat, contra ius adit & repudiat, vt quod pro imperfecto sit, quod ita agitur, *l. non dubium. sup. de legib.* II. Ex eadem ratione efficitur, si \dagger quis hereditatis partem simpliciter adierit, reliquas partes eius hereditatis quandoque sibi delatas, inuitus admittere cogitur, quod ita efficitur. Nam heres, qui ex aliqua parte heres existit, aditam portionem repudiare non potest, *l. 4. mf. proxim. tit.* Quod si eam retinere cogitur, hic locus fit regulæ, quam supra posuimus, eum, qui vnam par-

tem habet, reliquas habere debere. Idque ita est, quocumque modo reliquæ partes deferantur ei, quæ aliquam partem agnouerit; id est, siue deferantur ei iure accrescendi, seu ex institutione, siue ex substitutione tum vulgari, tum pupillari: Iure accrescendi reliquæ partes deferantur, hoc modo: cum is, qui portionem aliquam admittit institutus cum aliis coheredibus, & huiusmodi portiones suas repudiauerint, aut non adita hereditate decesserint. Nam horum portiones iure accrescendi deferuntur ei, qui portionem suam ademit, ne idem defunctus pro parte testatus, &c. *l. ius nostrum. de regul. iuris.*

Sed an \dagger volenti defertur, an etiam inuito? Et placet inuito. Hinc regula alia de iure accrescendi: Qui ex aliqua parte heres defuncto existit, eum deficientium partes etiam inuitum accipere, siue sint plures coheredes ex testamento, siue ab intestato, *l. qui ex duob. §. vlt. de acqui. her. l. si ex pluribus. de suis & legit. l. vn. §. huius ita. mf. de cas. roll. de quo dictum ad l. vn. sup. quando non partes. D. xi. & ad l. testament. sup. de imp.* Idem iuris est, si portiones reliquæ deferantur ex institutione ei, qui aliquam partem admittit, quod tunc contingit, cum quis solus heres institutus sit ex pluribus partibus disunctim, vt puta; *Titius ex semisse heres esto: idem Titius ex triente, idem heres esto ex duabus vnciis.* Hic dicimus, si Titius hereditatem adierit ex duabus vnciis, statim in totum heres futurum, quæ species est huius legis in princ. Idque \dagger adeo verum est, vt quamuis quis heres institutus sit ex vna parte pure, ex altera sub conditione, si nauis ex Asia venerit, & adierit hereditatem ex pura institutione, statim in totum fit heres, etiam pro reliqua parte, non expectato euentu conditionis; quia etiam deficiente conditione nihilominus heres est. *l. cum heres. §. vlt. l. qui ex duobus. de acqu. her.*

Idem ius est, & si reliquæ portiones deferantur ex substitutione, veluti duo sunt heredes instituti, primus & secundus; primus secundo hereditatis substitutus. Primus portionem suam adit, secundus repudiavit, secundo portio defertur primo ex substitutione vulgari. An volenti, an vero inuito? dicimus inuito accrescere, *l. testamento. sup. de impub. vbi dictum.* Idem probandum \dagger est, & si ei heredi, qui partem hereditatis admittit, reliquæ partes eiusdem hereditatis deferantur ex substitutione pupillari, quæ species est altera hoc rescripto decisa. Est autem hæc species facti. Testator filium impuberem, quem habet in potestate, heredem instituit ex parte, & Titium extraneum ex altera parte, & huic filio substituit pupillarem, id est, iub hac conditione, *si intra pubertatem filius decessit mortuo testatore.* Impubes heres existit patri ipso iure vt suus: extraneus coheres portionem suam adit, deinde filius vt impubes moritur, cum impuberis hereditas deferretur coheredi substituto, sed videretur ei damnosa, nolebat eam admittere, & contendebar, se non cogi eam habere; quoniam hæc alia esset hereditas; quam patris. Placuit eum, qui paternam hereditatis partem haberet, etiam impuberis hereditatem admittere cogendum; quod quibusdam ex veteribus primum vilius est, vt Neratio, cuius hæc de re sententia existat in *l. qui patri. de acqu. her.*

Sed cum sententia haberet dubitationem, placuit Iustiniano eam hoc rescripto confirmari. Hæc igitur sententia hanc habet rationem; quia in hereditate impuberis est portio hereditatis paternæ, cuius qui partem habet, consequens est, vt reliquam eius hereditatis partem sibi ex substitutione pupillari delatam agnoscere cogatur, secundum regulam, quam initio posuimus, quæ efficitur non licere ei eiusdem hereditatis partem habere & partem repudiare. Quod si coheres, idemque pupillo substitutus cogitur admittere eam partem paternæ hereditatis, ex qua pupillus heres existit, & illud consequitur, vt totam hereditatem impuberis admittere cogatur; quoniam vna hereditas impuberis fuit, constans & rebus à patre acceptis, & rebus, quæ aliunde obigerunt. Porro eandem hereditatem delatam separare non licet, *l. sed si plures. §. 1. de vulgari. & pupillar.* Et hæc ratio est, quam obsecratoribus verbis intelligit Neratius in *l. qui patri. de acqu. her.* Nam inquit: Pater pupillum impuberem inuitum obligat hereditati suæ. Facit enim eum necessarium heredem, quod si paternam hereditatem necessario habet pupillus, reliqua eius hereditas coniungitur paternæ: coniunctam substitutus totam habere debet; quia partem hereditatis paternæ accipere cogitur.

Sed hæc sententia videtur recipi non posse. Nam non potest coheres impuberis, qui partem hereditatis paternæ adit, cogi admittere hereditatem impuberis, nisi in hereditate impuberis sit portio hereditatis paternæ. Nam duabus hereditatibus diuersis delatis, nemo prohibetur vnam adire & alteram repudiare, sed tantum prohibetur eiusdem hereditatis partem adire & partem

Itum seruus mihi heres esto, placet cogendum esse adire, tanquam institutum contemplatione possessoris, qui pro domino habeatur. Sin simpliciter institutus sit, placet non esse cogendum, sed expectandum euentum iudicii liberalis. Quo casu autem dicitur cogendum esse hic, qui de statu suo litigat? adiucitur eum cogendum esse per iudicem. Merito. Quia ordinata liberali causa, seruus pro libero habetur, *l. ordinata. de liber. causa.* Et sic consequens fit, eum qui non putatur habere dominum à iudice cogi posse. Cogendi autem ratio est in minis & verberibus, quæ in seruum hominem cadunt. Itaq; cogetur à iudice, his rebus adhibitis, quibus à domino cogetur, si dominum haberet.

Sed videtur hic seruus cogi non posse vllò casu hereditatem adire. Id enim in *l. 3. in fin. scriptum est, sup. de instit. & substit. idque scriptum est de eo, quem constat seruum esse, diciturque eum non posse adire.* (apparet ex glossa, difficultatem esse summam) Respondeo: Necessitas est duplex: Vna absoluta & præcisa. Altera, quæ dicitur à Cicerone necessitas cum adiuncto, necessitas consequentiæ. Absolute & præcise seruus heres institutus cogi non potest, licet enim ei conterrito omnibus minis & verberibus obstinate hereditatem non adiret: at cogi potest ea necessitate, quam consequentiæ dicimus. Adhiberi enim possunt minæ & verbera, quæ in se ille noluerit suscipere. Hoc autem posito consequitur necessitas ad eundem. Nam nisi adeat ille, suscipere cogitur, quæ dixi. De priore genere loquitur *l. 3. sup. de instit. & substit.* De posteriore autem hoc loco.

Ad L. ult. incip. Scimus.

Imp. Iustinian. A. ad Senatum.

Scimus iam duas esse promulgatas à nostra clementia constitutiones: vnam quidem de his, qui deliberandum pro hereditate sibi delata existimauerint: aliam autem de improvisis debitis, & incerto exitu per diuersas species eis imposito. Sed & veterem constitutionem non ignoramus, quam diuus Gordianus ad Platonem scripsit, de militibus, qui per ignorantiam hereditatem adierunt, &c.

S V M M A R I A.

- 1 Constitutioni huius duo capita.
- 2 Ius inuentarij consiciendi duas partes continet.
- 3 Inuentarium quid sit.
- 4 Vnde dictum inuentarium.
- 5 Ritus in inuentario consiciendo requisitus.
- 6 Intra quantum tempus inuentarium conscribi debeat.
- 7 Quo circa hoc tempus heredi sine obseruanda.
- 8 Inuentarium quæ præter descriptionem rerum continere debeat.
- 9 Inuentarij rite conscripti effectus.
- 10 Commoda hereditaria quæ sint.
- 11 Incommoda hereditaria tria.
- 12 Heres potest omnes impensas necessarias hereditatis causa factas retinere.
- 13 Impensa necessaria hic qua sint.
- 14 Creditores quæ actione consistant aduersus legatarios, cum quibus nihil contraxerunt.
- 15 Tempus deliberandi ad eunda hereditatis quorsum peti astineat.
- 16 Incommoda inuentarij.
- 17 Tempus deliberandi ad eunda hereditatis à quo impetretur.
- 18 Tempus id quantum sit.
- 19 Tempus deliberandi non impune peti.
- 20 Heredi an liceat statim adire, aut repudiare hereditatem spresis his duobus beneficijs inuentarij consiciendi & deliberationis.

Intio huius tituli dixi, hereditatem obligare nos ære alieno. Aduersus hoc incommodum remedium quaeritur. Id autem remedium vnum veteribus ante tempora Iustiniani positum fuit in deliberando. Nam si quis res hereditarias diligenter agnouisset, poterat statuere, vtrum hereditas soluendo esset, vel non, vti putaret heres expedire, eam adire, sin minus, vt damnosam repudiaret. Sed experientia docuit, hanc etiam viam esse periculosam. Nam diu deliberabis, & mature tamen potest emergere æs alienum, quod prius latebat. Fieri enim potes, vt quæ res

putabantur hereditariæ, non sint. Ob hanc causam visum est Iustiniano, hic remedium inducere, quo adhibito secure heres hereditatem adire, sine vlla deliberatione, potest. Id autem est, si inuentarium conscribat secundum formam præscriptam, quod tamen remedium hic ita introduxit, vt nihilominus ius deliberandi relinqueret integrum heredibus, verum hac conditione, vt si deliberationem petierit heres, non impune id faciat, quæ huius constitutionis est sententia. Itaque eius constitutionis duo sunt capita summa. I. De inuentario faciendi. II. De deliberando. De priore agitur in *§. fin.* Et hoc quidem vltique ad finem legis.

Iuris de inuentario hæc summa est: Si quis heres delata hereditate ex præscripto huius legis inuentarium confecerit rite, is statim ab initio secure hereditatem adit, & sine periculo. Hoc ius duas partes continet: vna est de ritu, qui hic sit obseruandus: altera, quis sit effectus inuentarij recte conscripti. Inuentarium autem est descriptio rerum hereditariarum literis consignata, quod & Repertorium vocatur, *l. tutor. qui repertorium. de administr. tutor.* Inde dictum, quod sit scriptura eiusmodi, vbi res quæ sitæ inueniri & reperiri possint. In ritu à Iustiniano præscripto hæc obseruanda sunt: intra quod tempus hoc conscribi debeat, per quas, quibus personis, & quid continere debeat, qui ritus comprehensus est in *§. fin. autem dubius.* Tempus huic rei præstitutum alijs sunt sex menses, alijs annus. His quidem, qui degunt in iis locis, in quibus hereditas, aut maior pars hereditatis sita est, sex menses; his autem, qui absunt, annus. Sed sex menses computandi ex eo solum tempore, ex quo delatam sibi hereditatem cognouit; annus autem ex die mortis testatoris. hæc indicantur in *§. fin. autem dubius. in prin. & vers. fin. autem à locis. item in §. donec.* Circa autem hoc tempus legitimum monendi sumus, ita hoc tempus præstitui, vt si intra hoc tempus heres inuentarium non patefecit, teneatur omnibus hereditarijs creditoribus: *§. fin. vero.* priusquam autem hoc tempus præterit, totum id spatium liberum esse heredi, quamuis adierit hereditatem sub beneficio inuentarij, vt vulgo loquimur, id est, adierit testatus se velle inuentarium conscribere, & beneficio huius legis vt.

Sic autem liberum illi hoc spatium esse dicimus, vt inquietari non possit, nec à legatarijs, nec à creditoribus hereditarijs, *§. donec.* Hoc tamen adiecto, vt si creditores interim præscriptiones temporis metuant, illis præscriptio non cedat; quoniam agere non possunt iuxta id, quod vulgo traditur, ei, qui agere non potest, non currit præscriptio, *l. 1. §. 1. inf. de annali except.* per quos tabellarij, conscribuntur. Quod ex iis verbis Iustiniani intelligitur, cum iubet inuentarium conscribi sententia tabellariorū, *d. §. fin. autem dubius.* His autem verbis intelligitur non solum debere præsentem esse tabularios, sed ita præsentem esse, vt per eos conscribatur. nam alias infra superuacua requireretur subscriptio heredis: deinde non adhibentur tabularij, vt testamentum faciant, alioquin quibus populares sufficerent, sed adhibentur, vt pro officio publico tabulas faciant, & notandum, tabularios exigi, non tabellarium, vt sciamus, si tabellarij adhibentur, plures adhibendos. Cum enim non subscriptur, duo sufficiunt, *l. vbi. de testam.* Personæ etiam aliæ præsentem sint. Adiciuntur enim *dict. §. fin. autem dubius.* sub persona ceterorum, qui ad eam conscriptionem sunt necessarii. Quibus verbis verisimile est intellexisse Iustinianum vel alias personas, quæ publico munere fungerentur, præter tabularios, vel alio testes, si forte vnus tantum tabularius esset adhibitus. Hodie autem ex constitutione. N. 1. x. intelligimus adhiberi debere ad hanc conscriptionem, præter tabularios, etiam legatarios & fideicommissarios, quibus itidem aliquod testamentum relictum est, & si absunt debere ad minimum adhiberi rite idoneos testes.

Continere autem inuentarium debet præter descriptionem rerum, quæ à tabulario facta est, etiam subscriptionem heredis, quæ profiteatur heres, se agnoscere quantitatem rerum ibi descriptarum, apud se res esse, præterea nihil se adhuc in illis dolo fecisse, neque porro facturum. Quod si heres literas non noverit, aut scribere non poterit, cauetur, vt eius loco alius tabularius adhibeatur, qui eius nomine idem subscribat, adhibitis idoneis testibus, qui & heredem norint, & interfuerint, cum mandaret tabulario subscriptionem. Hæc in *dict. §. fin. autem dubius.* Inuentario hoc modo rite conscripto effectus hic est, vt heres secure & sine periculo hereditatem adeat. Ista enim duo continet, vt quæcunq; commoda sunt hereditaria, ea heres habeat: quæcunq; autem sunt onera & incommoda, ea non noceant heredi. Commoda autem hereditaria duo hæc sunt: Primum, vt

heres succedat in ius & dominium omnium rerum hereditarium, *l. heres in omne. de acquir. heredit. l. cum heredes. de acquir. possess.* Hoc ius cum omnibus ceteris hereditibus tribuatur, etiam qui non fecerint inventarium, dubium non est, quin ad eum, qui inventarium fecit, pertineat. Deinde hoc lege Falcidia tribuitur hereditibus, ut si supra dotantem hereditatis legata relicta sunt, possit heres de singulis legatis quartam retinere, *l. l. ad l. Falcid.* Et hoc beneficio utitur heres, qui inventarium conficit, *Instit. h.*

11 Incommoda ¶ autem hereditaria hæc tria sunt. I. Quod hereditate adita obligatur heres æri alieno, *l. more. de acquir. heredit.* II. Quod si heres hereditate adita, quid impendit, quamvis necessario in res hereditarias, aut propter commodum hereditatis, nullam eo nomine actionem habeat. Non enim potuit sibi obligare hereditatem, cum eam iam haberet, & secum negotium ipse haberet, non cum hereditate. Non poterit etiam obligare defunctum; quoniam cum illo nihil contraxit. III. Quod si heres aliquas actiones habuit aduersus defunctum, hæc adita hereditate, confusione amittuntur, *l. si actionem sup. de pact. l. si Stichum. §. 2. Titio. de fideiussor.* Hæc incommoda ex hac constitutione non metuunt heredes, qui rite fecerint inventarium. Primo enim non tenentur legatariis, aut creditoribus hereditariis ultra vires hereditatis, *§. si presatam.* Et hoc nullam dubitationem habet, si constet de viribus hereditatis.

Quod si de his controversia inter heredem & creditores & legatarios erit, qui plus in hereditate fuisse dicant, quam in inventario descriptum sit; placet in hac controversia iure dubio stare inventario, sic tamen, ut postulantiibus creditoribus & legatariis heres iurare debeat, nihil se amplius scire, quam illic continetur. Quod si creditores, vel legatarii docere parati sunt, plus esse in hereditate, audiendi sunt, & si probauerint, aliquid amplius esse, vel etiam heredem id amouisse, vel subtraxisse, vult Iustinianus non tantum id habendum in hereditate, quod reuera est hereditarium, verum etiam heredem in duplum, id est, in alterum præstandum, damnandum esse, ut vel præstet, vel in hereditatem computet. Hæc summa est *§. licentia.*

12 Quod ad impensas factas per causam hereditatis attinet, placet eum omnes necessarias eius generis impensas retinere posse, *§. in computatione.* vbi notandum est, inter necessarias impensas numerari impensas factas in funus, item in insinuationem testamenti, de quo *sub titulo, Quomodo testamentum aperiatur. infra.* & ¶ in confectioem inventarii factas, tamen hæc videri possunt vitales esse magis, quam necessitate vlla factæ, cum heres non cogatur inventarium facere: illa citra controversiam necessaria sunt, cum iumenta & pecora pavit, familiam hereditariam aluit; item cum res hereditarias fulcit & restaurat; item cum ea, quæ seruari non possunt, distraxit, & in ea distractione aliquid impendere coactus est. Tertium incommodum confusionis remouetur itidem hereditate, *d. §. in computatione.* ut scilicet heres, qui aliquam actionem aduersus defunctum habuit quamvis adierit hereditatem; tamen debitum possit retinere, non minus, quam ceteri creditores extranei, cum quibus eodem iure utitur, de quo mox dicemus.

Solum hoc onus iniungitur heredi, qui inventarium rite facit, ut teneretur legatariis & creditoribus, quatenus facultates patrimonij ferant. In quo hoc tamen ei commodum præstatur, ut quibuscumque primo loco soluerit petentibus hoc, nihil ei noceat: & ideo si primo legatarii veniunt, iis recte soluet legatum, quibus solutis, si nihil superest creditoribus hereditariis, nihilominus securus est heres. Item si inter creditores hereditarios hi primo loco veniant, qui iure temporis posteriores sunt, nihilominus his recte soluet heres, nec tenetur antiquioribus creditoribus, si prioribus dimissis nihil superest in hereditate. Sed hæc non nocent creditoribus, quæ summa est *§. si presatam.* Nam si res agatur inter legatarios & creditores, & hereditas omnibus soluendo non sit, semper præferuntur creditores legatariis, qualescumque; creditores sint, siue sint hypothecarii, siue chirographarii, id est, hi, qui nullas hypothecas habentes constituta chirographo nituntur, ut crediti cautione. Idque æquissimum est; semper enim magis fauendum est repetitioni, quam aduentio lucro, *l. non debet. de reg. iur.* Constat autem creditores certare de repetitione & damno vitando, legatarios autem de lucro ageret. Sed ita creditores præferuntur legatariis, ut si legatarii prius legata consecuti sint, & exhausta sit hereditas, creditores regressum habeant non aduersus heredem, qui legata soluit, & eo facto liberatus est; non etiam aduersus emptores hereditarium rerum, quas vendi-

dit heres, & quarum pretium vertit in præstationem legatorum, aut in dimittendis aliis creditoribus: sed aduersus ipsos legatarios, qui priore loco legata immerito sunt consecuti, cum creditores illis oporteret præferri.

Quæritur, ¶ qua actione creditores consistant aduersus legatarios, cum quibus nihil contraxerunt? Et datur duplex actio hoc loco aduersus legatarios, aut hypothecaria, aut condictio ex lege. Hypothecaria tunc locum habet, cum res hereditariae aliquæ præstitæ sunt legatariis, quibus erant legata, & si creditores agunt, quibus res hereditariae obligatæ erant pignori. Condictio autem ex lege tunc locum habet, cum creditores non persequuntur hypothecas, sed tanquam debitum à legatariis petunt. Hanc actionem hic introduci oportuit; quia reuera legatarii cum creditoribus nihil gesserunt negotij, cum legatum acceperunt, & ideo condictioni ex lege locus est, ex definitione, quæ traditur in *l. unica. de condiction. ex leg.* Similiter si ex creditoribus hi occupant debitum, qui hypothecas posteriores tempore habent, aut qui nullas habent, ab iis debitum auocabunt hi creditores, qui hypothecas habent, & eas antiquiores, qui hypothecas habent, & eas antiquiores. Ex quo colligimus, si hi creditores, quibus adhuc solutum non est, nullas hypothecas habeant, non habere regressum aduersus eos creditores, qui suum iam consecuti sunt, quantumvis hi, qui nunc agunt, sint privilegij, id est, hi, quibus debetur ex ea causa, quæ inter creditores prærogatiuam habet, vbi bona à creditoribus possideri iusta sunt. Hæc, inquam, summa est *rotius. §. si presatam.* Quod si heredi debeat aliquid à defuncto, heres in eadem causa erit cum reliquis creditoribus, ut dicitur in *d. §. est presatam.* Sensus est: Potest heres debitum suum retinere, sed si qui creditores hypothecas tempore priores habebunt, hi heredi præferuntur. Hæc disputatio huc redit, ut intelligamus ita heredem tenent legatariis & creditoribus hereditariis, intra modum facultatum hereditarium, ut tamen etiam in hac parte eius solutio, qualis erit, non noceat. In quibus omnibus spectantur commoda inventarii recte confecti. Et hæc tenus de priore cap. huius legis.

Alterum caput est de deliberando, de quo agitur in *§. & hæc quidem. vsque ad fin.* in quo hæc summa constituitur. Tamen superioris beneficio inventarii constitui, non est necessaria deliberatio hereditatis ad adeundam hereditatem; tamen liberum illis relinqui etiam ius deliberandi impetrare: & adicitur, à quibus impetretur, quod tempus præstitatur ad deliberandum. Postremo non impune deliberationem peti, contempto superiori beneficio: & adicitur, quæ in eo incommoda sint.

Peti ¶ igitur deliberandi tempus potest, sed quorsum peti? ¶ tinet, aut potius quis post superius beneficium tam stultus erit, ut rem non necessariam cum incommodo postulet? Respondeo: Inventarii confectio etiam sua incommoda habet, quæ plerique fugientes malunt ius deliberandi impetrare.

Inuentarii ¶ incommoda sunt. I. Quod non sine magnis sumptibus sit inventarium, in magnis præferuntur hereditatibus, non etiam sine sumtu aluntur tabularij, personæ publicæ & testes, qui adhibentur, nec statim res hereditariae discutuntur, ut discutæ & cognitæ rectius inventario describantur. Et tamen in damnosa hereditate heres hos sumptus ante omnia deducit, *§. in computatione.* tamen si hereditas soluendo est, certum est hereditatem his sumptibus valde minui. Alterum incommodum, cur plerique inventarium fugiunt, est, quod deteguntur facultates patrimonij, quas latere plerique volunt, vel propter inopiam latentem, vel inuidiam, quæ sequitur locupletes heredes. Ob hanc causam etiam nunc non est inutile ius deliberandi, ad adeundam hereditatem impetrare.

Hoc tempus præterit à iudicibus, aut Principe, *§. est presatam.* Sed quid necesse postulare hoc ius à magistratu, cum heres apud se posset deliberare de hereditate? Nihil necesse est, si heres non urgeatur à creditoribus hereditariis; sed illis suum persequentibus, alterum cogitur facere heres, aut his soluere, aut bonorum hereditarium distractionem pati, nisi magistratus auctoritas interueniat. Ob hanc causam ius deliberandi à magistratu petitur, ut intra hoc tempus non inquietetur à creditoribus heres, de quo dixi *ad l. si curatoris sup.*

Tempus ¶ ad deliberandum præstitutum summum est, ut à iudicibus non amplius dentur, quam nouem menses: à Principe annus duntaxat, ea lege, ut si amplius datum sit etiam à Principe, quasi non datum sit, neque verum tempus ad deliberandum liceat petere, *ead. §. & hæc quidem.*

Sed videntur aduersari huic constitutioni quidam loci, l. 2. de iure deliberandi. vbi centum dies præstuntur cum minimum, deinde l. 1. eodem. dicitur, totum hoc tempus esse in arbitrio magistratus, vt pro re qualitate id tempus statuat. Sed inter hæc optime conuenit. Sunt enim inter hæc tempora quod ad minimum, quod ad summum, quædam interiecta tempora. Si minimum tempus queritur, quod dandum est, non minus, quam centum dies dari oportet: si summum tempus queritur, non licet excedere nouem menses iudices, Principis rescripto frustra exceditur annus. Sed non iudicio magistratus non potest aut amplius dare, quam centum dies, aut minus præstitueret, quam nouem menses, sed id tempus statuet, quod satis sit ad deliberandum pro conditione hereditatis & distantia locorum: atque ita moderatum tempus statuet, vt est in d. l. si curatorum sup.

Sed non impune ꝑ petitur tempus ad deliberandum. Nam quædam incommoda denuntiantur his, qui contempto beneficio Iustiniani deliberandi ius petierint, & constituuntur hæc incommoda. I. Adeuntri. II. Non adeuntri. III. Repudianti. Ei, qui intra tempus ad deliberandum constitutum hereditatem adit, duo hæc incommoda denuntiantur. I. Quod omnibus creditoribus hereditariis in solidum obligetur, etiam si inuentarium rerum hereditariorum fecerit: deinde hoc incommodum, quod iubetur etiam post deliberationem impetratam inuentarium facere, & nisi fecerit, hæc pœna est, quod non solum tenetur creditoribus in solidum, sed legatariis; quia legis Falcidie beneficio carebit. Ei autem, qui intra tempus constitutum adierit, tria hæc incommoda denuntiantur. Primo, quod etiam si aperte non adierit, nihilominus perinde habetur, quasi adiiisset, eodemque modo obligatur creditoribus hereditariis in solidum, & non vtetur beneficio l. Falcidie, si inuentarium non fecit. Ei autem, qui intra tempus constitutum aperte repudiat, hoc iniungitur incommodum, vt nihilominus inuentarium faciat, priusquam repudiet. Quod si non fecerit, hæc pœna statuitur, vt res omnes hereditarias restituat creditoribus, aut his, qui ad hereditatem vocantur, quantitate rerum iureiurando eorum, quibus restituuntur, estimandam quæ summa est. §. si autem pen.

Queritur, si quis ꝑ neutro ex his beneficiis vti velit, sed statim aut adire hereditatem, aut repudiare, an non heredi liceat? Et scriptum est in §. fin. legis huius. vtrumque; vnicuique heredi licere, vt si adierit, statim subeat omnia onera hereditaria vna cum commodis hereditariis: si repudiarit, nullo modo teneatur creditoribus, aut vllis oneribus hereditariis.

AD TITVLVM XXXI. COD. DE REPUDIANDA, VEL ABSTINENDA hereditate.

S Y M M A R I A.

- 1 Repudiare hereditatem quid & eius Synonyma ibid.
- 2 Hereditas quomodo & factio repudietur.
- 3 Eius est nolle, qui & velle potest.
- Non cuius hereditatem repudiare potest.
- 4 Vt quis hereditatem acquirere possit, quæ requirantur.
- 5 Hereditas nisi delata nec adiri, nec repudiari potest.
- 6 Delata hereditatis definitio.
- 7 Hereditatem vt quis possit consequi, quibus rebus efficiatur.
- 8 Vinensis nulla est hereditas: itaq; ea nec adiri, nec repudiari potest.
- 9 Hereditas quot modis deferatur.
- 10 Testamenti quomodo deferatur: quomodo item ab intestato. nu. 11.
- 11 Hereditas delata nisi ab sciente acquiri & repudiari non potest. Ratio ibid.
- 12 Hereditatem adire non potest, nisi, qui vult adire, possit obligare eum, qui acquirat. Idem in repudianda hereditate.
- 13 Pupillus & filiusfamilias cur hereditatem adire non possint.
- 14 Repudiationis hereditatis effectus.
- 15 Abstineri hereditate quid.
- 16 Heres sumo quando abstinere se intelligatur.
- 17 Ad impetrandam abstinendam hereditatis facultatem an prator adendum sit.
- 18 Abstinenti facultas puberibus & impuberibus dissimili conditione data est. Rationes monstrantur ibid.
- 19 Immiscere se bonis quando sumo heres dicitur.
- 20 Abstentionis hereditatis effectus.

Exceptis seruis necessariis heredibus, nemo omnium heredum inuitus hereditatem habere cogitur, sed à se remouent aliter extranei, aliter sui. Extranei repudiando: sui abstinendo: Hinc tit. de repud. & abst. her. vt sit de omittendo tam suis, quam extraneis, quæ altera pars est tit. de acquir. hered. ff. De repudianda agit in l. 4. & seq. De abstinenda reliquis legibus l. 2. 3. & vlt. De his igitur ordine dicemus.

Extranei heredes vt hereditatem adire, ita repudiare possunt. Repudiare est ꝑ nolle hereditatem ad se pertinere, l. si iud. de acquir. her. vbi omittit hereditatem, & nolle ad se pertinere hereditatem, pro eodem vsurpantur. Hoc idem iuris auctores dicunt reculare. l. recusare. de acquir. her. Item omittit d. l. si iud. eod. Item prætermittit, l. qui patri. eod. Vt hereditas animi destinatione acquiratur, sic contra destinationem repudiatur, §. vlt. insit. de her. qual. & differ. Ad hanc destinationem animi non est necesse, verbis id testari, sed re & factio hereditas recte recufatur, & quouis iudicio voluntatis, d. l. recusare. eod. Quomodo repudietur verbis, notum.

Re autem & factio ꝑ repudiari hereditas intelligitur, quoties heres aliquid facit, quod vtiliter facere non potest, nisi velle prius repudiatam hereditatem. Huius generis exempla sunt duo: Primum si is, qui legitimus heres esse poterat, sit idem à testatore institutus heres, & cum puret, se non institutum, hereditatem ab intestato repudiavit. Nam hic etsi prius aperte non repudiauerit testamentariam; tamen factio suo repudiante intelligitur, hoc ipso quod repudiavit legitimam; quoniam nisi omittat, aut repudiata hereditate testamentaria, non potest legitimam repudiare, l. nec in §. vlt. l. iud. de acquir. her. Secundum exemplum est, si proponas filium esse exheredatum, aut præteritum immerito, ita vt competat ei querela inofficioli testamenti, & is ab herede scripto vel hereditatem emat, vel conducatur res hereditarias, vel quod debet, defuncto soluat, l. si ponas. §. 1. de inoffic. testam. Nam qui hæc fecit, hereditatem scriptam pro iusto herede agnouit, id est, pro vero domino, quod facere nõ potest, nisi ipse querelam repudiauerit. Quia vni duo in solidum heredes esse non possunt.

Videndum est, quis hereditatem adire possit, & quando, tum quis sit repudiationis effectus, qui duo loci attinguntur in l. 4. & seq. Non statim cuius hereditatem repudiare potest; vt possit repudiari hereditas, videndum est, an eis, qui repudiat, possit acquirere, si velit. In quo hæc regula traditur: Eius ꝑ est ꝑ nolle, qui & velle potest, l. eius de reg. in. Eius est velle hereditatem, qui & adire potest; proinde eius etiam est nolle adire, qui adire potest. Hinc regula ad hanc speciem translata, & ita definitur, is, qui potest repudiare, quod sit, qui etiam acquirere potest, l. is, potest. l. 4. de acquir. her. Quare qui quando hereditas acquiri potest, nõ ita; idem eadem operâ quando & à quo repudiari possit, nõ ita; proinde vtrumque illdem præceptis continetur. Vt quis ꝑ hereditatem adire & acquirere possit, tria summe necessaria desiderantur. I. Vt ei delata sit hereditas. II. Vt sibi sciat delatam. III. Vt sit in ea causa, vt obligare possit eum, cui hereditatem acquirat.

Ante omnia delatam esse oportet hereditatem. Nemo ꝑ enim hereditatem adire potest, cui delata non est, proinde nemo repudiabit, cui non sit delata, l. si quis extraneus. §. 1. l. in qui potest. de acquir. hered. Delata ꝑ hereditas definitur, quam quis consequi possit ad eundem, l. delata. de verb. sig. Vt ꝑ possit quis hereditatem consequi, tribus rebus efficitur; primo si testator mortuus est, de cuius hereditate agitur; deinde si hereditas delata sit iis modis, quibus oportet: postremo si hereditas heredi nondum quæ sita sit. Primo mortuum oportet esse eum, de cuius hereditate agitur; quia ꝑ viuentis nulla hereditas est, l. 1. de hered. vel act. vend. Non potest autem delata dici hereditas, vbi nulla est, hinc illa tradita sunt: neminem pro herede posse gerere viuo eo, de cuius hereditate agitur, l. nemo. de acquir. hered. Hinc consequens de repudiatione, neminem item viuentis repudiare posse hereditatem, l. qui superstitis eod. Vtrumque, vt dixi, ex eo, quod viuentis hereditas nõ deferretur. Non potest autem acquiri, aut repudiari, quæ nondum est delata. Mortuo eo, de cuius bonis agitur, videndum est, an hereditas delata sit iis modis, quibus iure deferri potest & solet. Defertur autem duobus modis, ex testamento & ab intestato. §. vlt. in st. per quas pers. Testamento ꝑ deferretur, non si testamentum solum valet, sed etiam si concurrat voluntas testatoris, quod ita sit, si heres pure sit institutus, aut institutus sub conditione, quæ iura

existerit. Pendente autem conditione hereditas non defertur. Proinde placuit pendente conditione hereditatem neminem adire posse, eoque nec repudiare, *l. i. qui heres. in prim. ff. b.* Hac de causa placuit, quamdiu institutus admitti potest, tamdiu substitutus neque adire, neque repudiare posse, *l. quamdiu. l. in plurium. ff. eo.* Quia substitutus omnis substituitur sub conditione, si institutus defecit. Ab intestato defertur hereditas, cum nulum testamentum est, aut siquidem est, non valet. Hinc rursus illa regula: Quamdiu ex testamento adiri hereditas potest, tamdiu ab intestato nec adiri, nec repudiari posse, *l. quamdiu. eod.* Et si forte plures erunt heredum legitimi gradus, nunquam posteriores adendum, aut repudiando quicquam egerint, priusquam priores exclusi sint, quamvis posterioribus h. l. defertur hereditas, *d. l. in plurium. ff. eod.* Nihil prodessit aliquando iis modis delatam fuisse hereditatem, si ea hereditas iam quaesita sit heredi; quaesita repudiari non potest; quoniam nec amplius acquiritur: nam quod nostrum est, amplius nostrum fieri nequit, *§. si ita q. Inst. de act. Queritur autem hereditas extraneis heredibus, si delatam adierint. Hinc est, quod dicitur in l. 4. neminem, qui semel adierit hereditatem, aditam repudiare posse; qui nec acquirere amplius potest. Is autem repudiare potest, qui & acquirere, nec potest acquirere; ideo quia non est delata. Tunc enim intelligitur etiam delata hereditas, cum quis eam consequi potest: non autem consequi potest, ut dixi, eam, quam iam adquisierit. Suis autem heredibus acquiritur statim hereditas ipso iure. Hinc rursus illud efficitur: Neminem suum heredem hereditatem adire posse, eoque nec repudiare potest, *l. i. qui putat. ff. b.**

¹² Hoc primum genus est, quod ad acquirendam vel repudiandam hereditatem necessarium esse dicimus. Alterum illud est, ut qui hereditatem adire volet, sciat sibi delatam esse hereditatem *§. vlt. Inst. de hered. qual. & differ.* Cuius rei hanc rationem reddimus initio superioris tituli, quod hereditas animi destinatione aditur, aut acquiritur. Nihil autem animi destinatione geri, nisi & scientia certi potest, *l. in votum. de reg. iur.* Proinde in repudiatione idem ius seruabimus. Hinc regula de hac specie: In repudianda hereditate, vel legato, certus esse debet de iure suo is, cui hereditas, aut legatum defertur, *l. in repudianda. ff. b. de acq. vel omitt. her.* Quod rursus eadem ratione efficitur, qua superius. Nam & contraria animi destinatione repudiari, exemplo erunt hae species, in quibus dixi hereditatem non deferi. Ut ergo si vivens hereditas non defertur; ita si quis dubitet, an testator vivat, nec ne, hereditatem eius nec adire, nec repudiare potest, quantumvis reuera decesserit is, de cuius bonis agitur, *l. i. qui. eod.* Similiter ut hereditas ex testamento, quod non valet, adiri non potest, aut repudiari; itemque; ut pendente conditione nec adiri, nec repudiari potest: ita si testamentum valeat, & quis de viribus testamenti dubitet; item si conditio existerit, aut etiam si nulla conditio adiecta sit; si tamen de eo dubitet heres, hereditatem frustra adibit, frustra repudiabit, *l. heres institutus. l. seq. ff. eod.* Similiter si quis sit extraneus heres, cui vere sit delata hereditas, & nondum quaesita; si tamen se necessarium heredem putat, neque hereditatem adire, neque repudiare potest, ut si sit emancipatus, qui aliquo errore vel facti, vel iuris non putat se emancipatum, aut qui putat se iure emancipatum, *l. i. qui putat. & l. seq. eod.*

¹³ Tertium genus necessarium esse dicimus ad acquirendam hereditatem, ut is, qui hereditatem adire vult, possit obligare eum, cui acquiritur. Hoc qui non potest, hereditatem adire non potest; quoniam hereditas obligat nos ari alino, *l. more. ff. eod.* Si acquirere non potest, nec repudiare potest. In hac autem causa sunt duo genera personarum: Pupillus, cui delata est hereditas, & filiusfamilias. Pupillus sine auctoritate tutoris obligari non potest, & ob hanc causam nec delatam sibi hereditatem adire, *§. neq. Inst. de auctor. tutor.* Hinc fit, ut nec repudiare possit sine tutorum auctoritate, *l. pupillum. h.* Filiusfamilias non potest, nisi consentiente & iubente patre acquirere hereditatem, ne inuitum patrem hereditate obliget, *l. 6. in princ. ff. b.* Ideo nec repudiare potest sine consensu patris, *l. i. qui. §. vlt. ff. b.*

Sed in hoc genere notandum est, quod dissimile est à primo. Nam ita exigimus, ut hereditas delata sit, ut heres habeat facultatem hereditatis adendum, aut repudiandum, ut velimus etiam heredem hoc certo se re. In hoc postremo generaliter accipitur: factis est enim, si quis heres sui iuris & pubes sit, ut hereditatem adire possit, & repudiare, non est necesse, ut sciat hanc suam conditionem.

Itaque qui de ea conditione dubitat, nihilominus recte adit &

repudiat, *l. sed est. eod.* Similiter & pubes, si hereditatem adeat, quamvis se pupillum falso existimat, tamen is error non nocet, *l. qui se pupillum. ff. b.* Differentiae ratio est, quia tamen quis filiusfamilias esset, aut impubes, nihilominus ei & quae hereditas delata esset. Cum dicimus hereditatem acquiri aut repudiari non posse, antequam heredi delata sit, & antequam delatam sciat, & antequam obligare possit eum, qui acquirit, hoc dicimus, etiam si non adita, aut repudiata sit; tamen non prohiberi heredem postea delata hereditate, eam repudiare, quam prius ignoret, & adire eam, quam prius repudiarat. Qui superstitis voluntatem agnouit, non prohibetur eo mortuo repudiare, quia aditio praematura nihil egit: & contra si superstitis quis hereditatem repudiavit, non prohibetur eo mortuo adire hereditatem, aut pro heredem gerere, quia repudiatio praecedens nihil egit, *l. qui superstitis. ff. eod.*

Repudiationis effectus est aditioni contrarius. Vnusquisque hereditatem adendum sic acquirit, ut quaesitam postea repudiare non possit, duabus de causis. I. Quia iam delata esse desit, postquam quaesita est. II. Quia heres hereditate adita obligari cepit creditoribus hereditatis. Nemo autem se facto suo liberat à creditoribus, nisi aut soluendo, aut satisfaciendo. Solutione eius, quod debetur, tollitur obligatio. Satisfactio autem pro solutione est, nec alius modis facto debitoris obligatio tollitur, *l. si rem. §. omnia. de pignor. atit. action. l. si seruum. §. nunc videamus. de verb. obligatio.* Contra repudiando vnusquisque hereditatem amittit, *l. i. qui heres. ff. eod.* Quod eam vim habet, ut quamvis postea velit adire repudiatam, non possit; quoniam post eius delationem desit esse delata. Nemo autem non delatum acquirit, quorum vtrumque traditur in l. 4. Sed posterius accipiendum est de his, qui repudiatam hereditatem nolentes adire constituunt, quod nullis licet. Ceterum interdum ii, qui repudiant, coguntur adire, quod receptum est in his heredibus institutis, qui iussi sunt hereditatem restituere. Nam quamvis semel repudiarunt; tamen Senatusconsulto coguntur adire postulate fideicommissario, *l. nam quod. §. 1. ad Treb.* Horum vtrumque ita est, si is, qui adit hereditatem, aut repudiavit, sit maior viginti quinque annis, ut adicitur in d. l. 4. h. Nam si minor hereditatem adit, aut repudiavit, beneficio aetatis restitui in integrum potest, ut sibi repudiare liceat, quam adit, & adire, si repudiavit, *l. ait praetor. §. non solum. & §. restitutus. de min. sit. si minor her. se abst. supr. & sit. si vt omiff. hered. sequ.*

Sui quoque heredes hereditatem à se remouere possunt, itidem ut extranei, sed hoc consequuntur non repudiando, sed abstinendo hereditate. Fit enim eis abstinendi potestas, edicto praetoris, *l. necessarius. eod.* Non possunt repudiare; quia repudiamus oblata, nondum quaesita, *l. i. §. decreta. de success. edict.* Suus autem iam statim heres existit, ex quo hereditas deferri coepit, sed potest se bonis abstinere. Nam abstinemus rebus praesentibus & nostris. Hic videndum est, quid sit abstinere, quando sui se abstinant, quibus datur abstinendi facultas, & abstinendo quid efficiat. Abstinere proprie est non attingere res hereditarias; sed intelligendum, abstinence, de qua loquimur, non esse huius facti solius, si quis non attingat, & ideo si quis suus heres est, priusquam attingeret res hereditarias, quam decesserit, si nihil aliud de voluntate sua testatus est, nihilominus hereditatem ad suos heredes transmittet, *l. 3. sup. prox. tit.* Quia non attingendo non dicitur se ideo abstinuisse, sed abstinere animi est, non solius facti. Itaque breuiter suus heres se abstinere dicitur hereditate, cum testatur se nolle hereditatem retinere: nam hoc verbum describitur in *l. seruum quis. §. praetor. ff. eod.*

Abstinere se intelligitur suus heres, cum hoc de voluntate sua est testatus, non tantum si in iudicio & iure id faciat, sed etiam si extra iudicium quouis loco. Dubitari vero potuit, an cum edicto praetoris abstinendi facultas concederetur, necesse sit in eo praetorem adire, qui hanc daret facultatem, ut hoc modo recte abstineretur hereditate. Et placuit in eo necesse non esse adire magistratum, *l. ei qui. 12. ff. eod.* Omnibus suis heredibus abstinendi facultas datur, non tantum impuberibus, sed puberibus etiam, dissimili tamen conditione. Nam impuberibus sine conditione data est, siue se immiscuerint bonis, siue non, *l. impuberibus. l. necessarius. in princ. eod.* Pluribus autem duabus his conditionibus, si se non immiscuerint, & si per eos factum non sit, quod de hereditate amoueretur.

Vnde intelligimus, ex puberibus duo genera esse eorum, quibus abstinendi facultas non est. Primum est eorum, qui se bonis imital-

immiscuerint, d. l. *necessarius eod.* Immiscere se bonis dicitur suis heredes, cum bona hereditaria tractat ut heres, & ut breuiter dicam, qui remoto potestatis vinculo pro herede se gerit, l. *eum bonis ff. h. id est*, quid id facit in hereditate patris, quod filius emancipatus faciendo diceretur pro herede gerere, eo quod dixi ad l. *siu, qui bonis*. Quid sit pro herede gerere dixi ad l. *& eod. sit sup.* Hæc igitur qui fecit in hereditate patris, hereditatem postea non potest reicere, quoniam nec hereditatem repudiare potest extraneus, qui ad eundem eam qua suam vel pro herede gerendo.

Hinc quaesitum l. 3. *huius tit.* pubes patri suus heres exstiterat, & se immiscuerat bonis, cum esset præteritus testamentum patris, & iniunctum testamentum patris diceret: deinde controuersia orta inter eum & scriptum heredem transiit cum herede, & cauit se nihil amplius de hereditate ea petiturum: deinde cepit petere. Duo videbantur ei obstat. I. Quod videretur superiore conuentione se abstinuisset hereditate, eamque respicere, ac proinde repudiasset. II. Obstat & transactio. Rescriptum est, conuentionem ei nihil obstat, quominus sit heres, quia hereditatem quaesitam sic accipit, se immiscendo. Deinde non obstat transactionem in specie proposita, quia facta esset transactio, nullo retento nullo dato, nullo promisso, cuius generis transactiones non valent. Interim hæc sententia confirmatur, & in suis heredibus hoc ius valet, ut si se immiscendo quaesierunt hereditatem, postea contraria voluntate eam reicere non possunt.

Alterum genus eorum est, qui non solum quid amouerunt ex hereditate, sed etiam qui dederunt operam, ut amoueretur, l. *si seruum eod.* bi hic locus vsque ad finem l. dilucide explicatur.

Abstentionis effectus hic est, ut quamdiu suus heres in eadem abstentione manet, ea omnia conuectantur, quæ tribuuntur extraneis heredibus, cum repudiauerunt. l. *pro herede §. Papin in fin. D. h.* Vnde suus heres abstentione duo conuectantur. I. Ut non teneatur creditoribus hereditariis, non magis, quam extraneus, qui repudiavit d. l. *necessarius eod.* II. Si quas actiones aduersus patrem amisit, dum patri heres exstitit, illi restituuntur integræ actiones, postquam abstinuit hereditate, d. l. *eum demum, §. vlt. D. eod.* Sed quemadmodum abstinenti non nocet aliquem heredem exstitisse, sic ei hereditas non prodest. Itaque hereditatem non habet, & si interim decedat, hereditatem ad suos heredes non transmittit, l. *filius, qui se l. Iulianus, seq. D. h.*

Sed hi effectus sunt in persona sui heredis, quamdiu in eadem abstentione perseverat. Ceterum extra personam impuberis, & aliis in rebus diligenter tenendum est, suum heredem, postquam se abstinuit, nihilominus iure ciuili heredem manere, qui semel exstitit, quoniam, ut supra dixi, semel teneri cepit creditoribus hereditariis, ab his nullo suo facto liberari potest. Et hæc definitio est iuris certi, eum, qui semel exstitit heres, nunquam heredem esse postea desinere, leg. *ait pretor, §. sed Papinianus, de minor. lei, qui soluendo, 88. de hered. in fin.* Neque vero sine effectu hoc statuitur, ut quis putet rem hanc esse positam in subtilitate iuris ciuilis, cum iure prætorio is, qui se abstinuit, pro herede non habeatur. Huius iuris effectus tres sunt. Primus in confirmatione testamenti, ut si ad res aliquas confirmandas, quæ testamento erant datæ, opus sit herede, ibi ad eorum rerum confirmationem satis sit suum heredem exstitisse, quamuis se postea abstineat, quia & post abstentionem heres manet, ut puta libertates testamento datæ nõ debentur, ubi nemo heres exstitit, leg. *9. de testamen. tut.* Et hæc valebunt, si semel heres aliquis suus exstiterit, quamuis postea se abstineat, l. *sciendum, de man. test. l. cum quasi, §. sed & si quis, vers. sed & si suus, de fid. lib.* Idem & in secundis tabulis contingit. Secundæ tabulæ, seu pupillares, id est, substitutio pupillaris non valet, ubi ex testamento patris nemo heres exstitit, l. *§. 1. de vulg. dicimus, ut secundæ tabulæ valeant, satis esse, si quis suus heres patri exstiterit, quamuis se postea abstineat, l. Iulianus, l. filius, qui se de acquir. her.*

Secundus effectus est in rerum hereditariarum administratione, quas suus heres ante abstentionem administravit. Nam quæcumque heres suus gessit in rebus hereditariis, omnia rata sunt & manent, quamuis postea se abstinerit, dum modo bona fide, l. *quoties, de acquir. hered.* Ut puta, debitores hereditarii soluebant has res, quæ seruando seruari non possunt; heres easdem res distraxit, & pretium consecutus est, dicimus, quamuis postea se abstineat, tamen & debitores recte liberatos esse: & emptores de rebus emtis inquietari non posse, quamuis pupillus omnia, quæ consecutus erat, amiserit, dicit leg. *quoties*. Bona autem fide in his

rebus versatus intelligitur, cum eatenus liberauit debitores, quatenus ab his accepit, & cum res conferuari non poterant, vendidit, & tantum vendidit; quanti valebant. Non bona fide autem res gesta est, si debitores vitro, antequam soluerant, liberauerit vel paciscendo, vel acceptum his ferendo, aut si res multo minoris vendidit.

Tertius effectus est, & is præcipue animaduertendus, qui certitur in hereditatis acquisitione, longe dissimilis repudiationi, Nam cum quis volutarius heres hereditatem repudiat, repudiatione hereditatem amittit, l. *si de acq. hered. id est*, ut explicatur in l. 4. b. ita desinet heres esse, ut si velit hereditatem postea adire, non possit. Abstentionis longe dissimilis effectus. Nam suus heres abstentione tamdiu heres esse desinit iure prætorio, quamdiu in eadem voluntate manet, ceterum ex pecunia si volet esse heres fiet; quinimo si immiscuerit se bonis paternis post abstentionem, nisi prober se alio animo fecisse, quam ut heres esset, obligatur inuitis creditoribus hereditariis ut suus, l. *si quis suus, de iur. deliber.* Quæ sententia in l. *vt. infr.* confirmatur, sed id colligitur præcipue ex l. 1. & 2. Nam in l. 1. dicitur: Si suus heres, postquam se abstinet, habitat in domo hereditaria; non posse eum à creditoribus conueniri, si habitauerit non ut heres, sed ut inquilinus & custos. Vnde se contraria conditione recte & manifeste colligitur, si here inhabitet, teneri eum creditoribus hereditariis, ac proinde esse heredem, quia aliter creditoribus teneri non possit: In l. 2. dicitur: item, si suus heres, postquam se abstinuit, comparauerit res bona fide hereditarias à creditoribus, non teneri eum creditoribus posterioribus. Vnde rursum intelligitur teneri eum sub contraria conditione, si mala fide comparauerit. Hinc quaesitio in his duabus legibus, verum his factis, quæ hic proponuntur, dicendum sit suus heres se immiscuisse, an non? de quo paulo post in extremo dicetur.

Sed & hæc potestas abstentione iterum hereditatem acquirere, diu intra certas metas conclusa est, l. *vt. infr. b.* Ad hanc sententiam finitur hæc potestas duobus modis. Primo, si res hereditaria, seu bona omnia hereditaria distracta sint, quod ius etiam olim obtinebat, dicit leg. *si quis suus de iur. deliber. l. quod si minor, §. Scauola, de minor. Confirmatur in prin. leg. vlt.* Et adeo olim hereditatis rebus distractis non poterat suus heres post abstentionem redire ad eandem hereditatem, ut nec in integrum restitutio ea causa vili concederetur, vel aduersus substitutum, qui vendidisset bona, vel aduersus legitimum heredem, qui post abstentionem hereditatem adlisset, ut traditur in dicit leg. *quod si minor, Iulianus* autem in hac parte restitutionem dedit minoribus in hac l. *vt. circa fin.* Vnde intelligimus hac Iulianiani lege derogatum esse dicit leg. *quod si minor, §. Scauola*. Nam constitutio Iulianiani est vna de 50. decisionibus eius.

Præterea finitur superior potestas tempore, quamuis rebus adhuc integris in hereditate manentibus, nempe finitur post triennium, quod cedit varie. Nam his, qui in vigesimum nonum annum se abstinerent, hoc triennium cedit tantum ex fine vigesimi noni anni. His autem, qui post hanc ætatem se abstinerent, cedit statim post triennium, ex quo se abstinerent. Ex hac parte quaesitum est, quando videatur heres, qui se abstinuit, ex quibus factis videatur abstinerere, quæ sunt quaestiones leg. i. & 2. hic.

Ex his autem rescriptis hæc summa colligitur: Videri suum heredem immiscuisse bonis paternis, quoties aliquid de bonis paternis tractaret, vel inhabitando ædes, vel res hereditarias possidendo, tenendoue; nisi eluceat alio se animo tractasse, & alio iure quam hereditatis.

Exempla sunt hæc, si inhabitauerit in domo hereditaria, videatur se immiscuisse, nisi ut inquilinus, aut custos id fecit, quod exemplum l. 1. Quod si de eo ambigatur, an inhabitauerit ut inquilinus, aut custos, vter probare debet, aduersarius sine eum habitasse ut heredem, an vero hic, qui inhabitauerit, se non pro herede, sed ut inquilinum habitasse? Et ex rescripto perspicuum est, suum heredem ad sui defensionem dicere debere, se inhabitasse ut inquilinum, aut custodem, ex quo intelligitur id probare debere eum; quia est regula iuris: Eum probare, qui dicit, nõ qui negat, l. 2. de probat. Itaque & in re dubia ut heres inhabitasse intelligitur.

Sed cur potius ut heres existimatur id fecisse, quam ut inquilinus, cum prioribus debeamus esse ad liberandum, quam ad obligandum, l. *Arrianus de obligat. & action.* Respondeo; quia quotiescunq; quis re aliqua suo iure uti potest, & in eadem re furti facere

re, aut prædari, benignius & proclivius creditur eum suo iure fecisse potius, quam aut furtum commisisse, aut prædatum esse, *l. merito autem pro socio*. Similiter si filius suus heres res hereditarias teneat & possideat, videbitur, ut heres fecisse, nisi doceatur eum alio iure fecisse, quæ hereditatio. Id autem probatur, si res emit à creditoribus, hereditariis, quod est exemplum *l. 2. Nā qui emit nō hereditario iure, sed emtoris possidet, id est, si filius suus heres bona fide res comparavit*. Vnde intelligimus, si cōparaverit mala fide, pro eo haberi, atque si se immiscuisset, *l. si is, qui, de acq. hered.* Probatur autem fraus & mala fides alias recte & aperte, ut cum probatur de cōsilio fraudandi inter creditores & filiū inito. Probatur item ex coniecturis, sunt autem hæc, si filius per suppositam personā emtoris emerit, & si appoluerit aliquem, qui emerit à creditoribus & ipse deinde ab eo emtore possidere reperitur, quæ coniectura est *in d. l. si is, qui bonis, de acq. hered.* Potest hæc quoque coniectura fraudis esse, si creditores non iusto pretio res vendiderint. Item, si prius venderint, quam bona possidere cœpissent.

Adicitur in eadem *l. 2.* cum filius bona fide comparavit à creditoribus, res hereditarias, non posse eū conveniri à posterioribus. Creditoribus, quibus eadem res pignori erat obligata; & recte, quia filius à prioribus emendo in eorum locum succedit, ita ut vltro actiones habeat ad persequendum pignus aduersus posteriores creditores. Multo igitur magis aduersus eos possidens retentionem habebit, *l. i. infra, si antiq. creditor*. Quod si autem filius familias ab his emerit, primum heres erit, ut dixi, deinde recta à posterioribus creditoribus convenietur, duabus de causis. I. Quia non emit, cum emit, si res illius sunt hereditario iure, rei autem nostræ non consistit emtio, quæ pars confirmatur in *l. debitor, de pign. actio*. Deinde, quia in prioris creditoris locum succedere non potest, cui à defuncto deberi nihil potest. Non potest autem heredi quicquam deberi ex causa hereditaria, quoniam etsi ei deferretur, prius tamen aditione hereditatis obligatio tolleretur, *l. creditori, l. debitori, supr. de pact.*

AD TITVLVM XXXII. COD.

Quemadmodum testamenta aperiuntur, inspiciantur, & describantur.

SUMMARIA.

- 1 Interest heredi ad adeundam hereditatem tabulas apertas esse, ut de iure suo possit ex illis tabulis cognoscere.
- 2 Deinde interest heredis tabulas testamenti non quouis modo aperiri & inspicere, sed aperiri per magistratum.
- 3 Competens magistratus quis sit.
- 4 Per libellum quando adiri dicatur magistratus.
- 5 In aperiendis tabulis qui seruetur ordo.
- 6 Reipublica interest suprema iudicia hominum exitum habere.
- 7 Tabulae testamenti quibus modis aperiri debeant.
- 8 Testamentum insinuari & publicari debet.
- 9 Insinuare testamentum est actus insinuare.
- 10 Referre in acta quid sit.
- 11 In re dubia à verborum significatione recedi non debet.
- 12 Improbum est, sollicitum esse de hereditate iuuentis.

Interest heredis ad adeundam hereditatem aperiiri tabulas testamenti, & eorum omnium interest, quibus quid eo testamento est relictum, ut si forte quid sub conditione relictum sit, conditioni pateant, si conditio iam existerit, sciant relictum ad se pertinere. Interest amplius istorum omnium, non tantum aperiiri testamentum, sed certo modo aperiri per magistratum, ut fides earum tabularum confirmetur. Interest præterea ad publicam & perpetuam fidem non tantum eas tabulas per magistratum aperiiri & approbari, sed etiam insinuari. De his igitur tribus agitur hoc titulo, & D. eod. Quæ cum pertineant ad hereditatem adeundam partim, partim ad eam ex testamento retinendam, recte & ordine hæc tractatio superiori dicitur.

1 Principio interest heredis ad adeundam hereditatem tabulas apertas esse, ut de iure suo possit ex illis tabulis cognoscere, quod priusquam cognouit, hereditatem adire non potest, nec repudiare, §. vlt. *instit. de hered. qual. l. in repudianda, de acquir. hered.* Nam quod dicitur in *l. vnica, §. in nouissimo, infr. de cad. toll.* posse hodie heredem & apertis tabulis & clausis, hereditatem adire, de herede accipiendum est, qui alio modo sciat se heredem esse, quæ

apertis tabulis, cuiusmodi est is, qui interfuit, cum testator testamentum fecit, & palam suum testamentum recitandum curauit. Quod si heres nō potuit cognoscere aliunde, an heres scriptus esset, nec ne, opus est, ut ex tabulis testamenti id cognoscat, nec prius hereditatem poterit adire, quod significatur in *l. vlt. §. 2. supr. de iur. delib.* Ad hanc autem rem nihil interest, quando tabulæ testamenti aperiuntur, neque quæ tabulæ testamenti. Si tabulæ testamenti sua natura sunt patefactæ, ut sepe testatores eas non claudunt, sufficit eas tabulas per se aperire & inspicere, ut heres de iure suo certus esse possit, neque necesse erit magistratum adire, quo iubente tabulæ aperiuntur & inspiciantur, *l. si in duobus, §. 1. D. eod.* Si testator duobus exemplaribus testamentum fecit, eadem solennitate in vtraque adhibita, & alterum exemplum apertum est, sufficit ad adeundam hereditatem, neque necesse est alterum exemplum aperiiri & cognosci: etiam si enim duo sint exemplaria, vnum tamen est testamentum, *d. l. si in duob.*

Quod si testator vnum testamentum fecerit, deinde ex eo exemplum descriperit sine solemnibus, tabulæ testamenti apertæ intelliguntur. Aperto autem exemplo nihil est actum, neque ea res ad cognitionem iuris suo heredi proderit, *l. vlt. D. eod.* quia ita ius est, ut exempla fidem non faciant, *l. 2. de fide instrumen. auth. si qui in aliq. supr. de edendo.*

Interest etiam amplius heredis, tabulas testamenti nō quouis modo aperiri & inspicere, sed aperiri per magistratum, ita ut fides earum tabularum confirmetur, si quando opus erit aduersus legitimos heredes testamentum controuersiam facientes. Idemque fieri & legatariorum interest, & omnium, quibus quid eo testamento relictum. Ob hanc causam in hac parte edicti præscribitur certus modus, quo tabulæ testamenti aperiuntur. In eo magistratus & iudex adeundum est, quo iubente tabulæ testamenti aperiuntur. Iubetur autem adiri competens iudex, ut est in *l. i. h.* Competens est magistratus, qui iurisdictioni præest, puta olim Romæ prætor, in prouinciis præses, *l. ab initio, eo. l. 2. in fi. h.* In eo autem non necesse est, adire magistratum sedentem pro tribunali, sed etiam adiri per libellum potest, ut est in *d. l. i. in fi.* Sensus est, posse eum adiri de plano. Per libellum autem dicitur adiri magistratus, quod libello supplicii ab eo postularum, quod eius auctoritate transigi debet, sine causæ cognitione, *l. nec quicquam, §. 1. de officio proconsul.* Talis est hæc postulatio de aperiendis tabulis testamenti.

In his autem aperiendis hic seruatur ordo & ratio earum cōfirmandarum. Magistratus iubet per apparitores suos cogi ad ille testes, eosdemque signatores testamenti, ut præsentibus sigilla sua recognoscant, vel sua esse negent, *l. cum ab initio, & l. seq. D. eod.* Sed quare iubet hoc fieri? Ut recognitis sigillis, declaret magistratus, recognita esse sigilla à testibus, eoque testamentum esse legitimum, id quod postulatum est, & idem esse solemnem.

Quod si testes & signatores negabunt, sua signa esse, incipiunt suspicari esse tabulas, si vel vnus id fecit, *l. i. in fin. eod.* Notandum est autem hic duas ad res cogi testes & signatores. Primo, ut iussi conueniant apud prætorem, id est, iussi agnoscant sigilla sua, vel esse negent, *dict. leg. cum ab initio*. Conuenire & adesse iubentur, sed hi, qui præsentibus sunt in his locis, vbi aperiuntur testamentum; si signatores absunt, mittitur ad eos domum, non euocantur, ut domi signa recognoscant, *leg. sed si quis, D. eod.* Coguntur autem omnes, siue præsentibus, siue absentes, ad quos domum mittitur, iussi signa sua cognoscere, aut repudiare. Vbi queritur, quare necesse sit, ad eam rem cogi signatores, vbi forte controuersia non sit de testamento, & nulla necessitas tunc præsentibus cogat testimonium ferre? Aduersus hanc rationem ratio redditur in *leg. vel negare, D. eod.* quia reipublica interest, suprema hominum iudicia exitum habere. Quod si iussi signatores adesse, aut recognoscere signa sua non pareant? Respondeo: Iam dixi à prætore eos cogendos, cogendi ratio est, ut iis multam dicatur, quam ab iis exigat, nisi pareant. Est enim vnum ex remediis prætoris, seu magistratus ad cogendos inobedientes ciues.

His rebus præterea prætor iubebit testamentum aperiiri & recitari, sed ne quid falsi postea admittatur, aut ne quid suspectum fiat, aperiatur testibus præsentibus, idque fit tribus modis. Primo, testibus iidemque signatoribus testamento præsentibus, si omnes adsint: deinde his non præsentibus, si maior pars adsit, *leg. si maior, D. eodem*. Postremo, si testes, iidemque signatores non adsint, & necessitas aliqua urgeat, ut testamentum aperiatur & cognoscatur, curet magistratus id aperiiri interuenientibus aliis honestis personis, quibus præsentibus aperiatur & recitatur testamentum, & ab iidem postea testamentum descrip-

primum ob signari. *leg. sed si quis, in fin. D. eod. leg. 2. h. 1.* Sed in omnibus his hoc auctor, ut si testamentum apertum erit, priusquam alii ex signatoribus praesentes recognouerint sigilla sua, ad eos postea mittatur, ut sigilla sua recognoscant. Hæc ideo desiderantur, ut intelligamus, siue testes mortui sint, qui sigilla sua non recognoscant, siue praesentes negent sigilla sua esse, siue his agnoscantibus testamentum, non sic apertum iubente magistratu, testamentum non facere fidem, vel negante vno teste signum suum etiam tabulae suspectæ sunt. *leg. 1. in fin. supr. His demortuis & non agnoscantibus sigilla sua, significatur in leg. vel negare, D. eodem. supremum iudicium defuncti exitum non habebit. Proinde recte initio diximus hoc modo, atque ordine testamenta aperiiri interesse & heredis & omnium, quibus quia relicta sunt, ut testamenta impofterum fidem faciant. Cum autem res isto ordine transacta erit, nihil impofterum deerit ad fidem tabularum testamenti, ut probetur a testatore scriptum id factum esse.*

Sed tabulae testamenti intercidere possunt, vel casu amitti, vel incendio, vel alio casu, vel ita subtrahi, ut non existant. Proinde, ad certam & firmam fidem testamenti, interest id tertium fieri, de quo ꝑ initio proposuimus, nempe testamentum insinuari & publicari, de qua specie agitur in *l. 1. & 2. h. vt verba publicandi & insinuandi testamenti declarant. Insinuare ꝑ testamentum, est insinuare actis, hæc enim duo pro eodem accipiuntur, l. in hac l. in donationibus infr. de donationibus. Id autem tum fit, cum testamentum ita apertum est, ut supra dixi. Magistratus iuber apud acta testamentum publice legi & recitari, deinde a scriba pro officio suo iuber testamentum describi & in acta iudicialia publica descriptum referri, seu mandari actis publicis. R. Referre ꝑ in acta est, quod recentiores Imperatores dicunt insinuare actis, quasi dicat efficere, ut res actis accipiantur, & illis commendetur.*

Hoc cum ita factum est, exemplum testamenti, quod in acta publica relatum est, deinceps sine vllis testibus publicam fidem facere potest, *leg. in donationibus de donat.* Sed hac lege, si priores tabulae testamenti casu non intercederint, ut traditur in *leg. 2. de testamen. vbi plura dixi, & præterea ostendimus, apud quos iudices testamenta nostra insinuantur, de quo l. testamenta & l. consilia, supr. de testamen. item ex dict. leg. in hac, de donat.* Ex quibus locis intelligitur, quis sit ille competens iudex, qui commemoratur in *leg. 1. h. per quam publice testamentum recitari debet, & publicari.* Ex fide autem publica, quam exempla in acta relata nanciscuntur, factum est, ut quod instrumentum insinuatur a testis, idem dicatur publicari.

Hæc omnia facile transiguntur, cum testamentum est penes eum, qui aut cognoscere vult, aut eo modo aperiiri & publicari, ut dixi. Nam si testamentum sua sponte patefactum est, potest apud se inspicere, si est clausum, potest ad magistratum referre & petere, ut solemniter aperiatur. Sed quid si testamentum sit penes alium, qui non patiarur testamentum, vel ab herede, vel legatario, vel aliis desiderantibus inspicere & proferri? In hac re altera parte edicti prætori prospicitur desiderantibus, ut id consequi liceat. Est autem in hac parte hæc sententia edicti: Pollicetur prætor omnibus desiderantibus tabulas testamenti inspicere & describere, ad quos ea res pertinere dicitur, iurantibus non calumniæ causa se id petere, potestatem se facturum inspicendi describendique, quodcumque ad causam testamenti pertinebit, præter pauca quædam, quæ eo edicto, vel sententia edicti excepta sunt, idque se constituturum aduersus eum, qui tabulas testamenti apud se esse non negabit: & si is potestatem facere nolit, adiicit prætor se compensaturum.

In hoc edicto, seu in hoc iure hæc capita spectanda sunt. I. Quibus personis id concedat prætor, & qua conditione. II. Quid effectum det, quod concedit. Principio prætor pollicetur hoc beneficium omnibus sine exceptione desiderantibus tabulas testamenti inspicere, seu describere, *l. 1. D. eodem.* Ergo omnibus, siue eorum inter sit, siue non, & hoc ita est, si tamen hi, qui desiderant, dicant sua interesse; vel quia illis aliquid relicta sit vel quia implicitam cum aliquo controuerisiam habeant, de qua iudicari non possit, nisi cognitis testamenti verbis, ut colligitur ex ratione *d. l. 1. & 2. in prin.* Sed intelligendum est, cum quis dicat eam rem ad se pertinere; non tamen id debere probare, neque summam: sed tamen ut de sideranti imponatur prius, ut iure non calumniæ causa id se petere, id est, sua interesse ita, ut dicit, quæ pars indicatur in *l. 3. in pr. h.* Ex qua conditione satis confirmatur id, quod in edicti sententia confirmamus, non concedi

hoc beneficium, nisi his, ad quos ea res pertinere docetur, cum id confirmare debeant iururando ita esse.

Pollicetur autem prætor se desiderantibus potestatem facturum inspicendi & describendi, *d. l. 1. D. eod. & l. 3. h.* Cuius autem rei inspectionem & descriptionem concedit prætor? Eius quicquid ad causam testamenti pertinebit, ut intelligitur ex *d. l. 2. §. 1. D. eod. & ideo l. 3.* iisdem verbis utitur, ut intelligamus eam translationem esse ex edicto. His verbis continentur 1. tabulae testamenti. Sed an cuiusvis testamenti? Quid enim si testamentum vel imperfectum, vel iniustum sit, & denique si non valeat. Mouet questionem, quod edictum testamenti verbo utitur. Non est autem proprie testamentum id, quod non valet. Potro ꝑ in re dubia à significatione verborum recedi non oportet, *l. 1. §. in re. de exercit. act. l. non aliter, de leg. 1.* Et placuit edictum ad cuiusvis testamenti tabulas pertinere, siue iustum sit, siue non iustum, siue perfectum, siue imperfectum, *d. l. 2. §. 1.* Id quod dictum est ex sententia edicti. Nam propositum est prætori in hac concessione inspicendi describendique testamenti, ut cognosci possit, quid testamento scriptum sit, & qualis sit scriptura. Hoc enim non minus de iniusto & imperfecto testamento cognosci potest & debet, quam de iusto & perfecto. Cognita autem sententia scriptoris recedimus à significatione verborum propria & sententiam scrutamur, *d. l. non aliter, de leg. 1.* Sic tamen, quod vis testamenti continetur verbis edicti, ut intelligatur testamentum mortui, non viuientis. De viuenti testamento nihil pollicetur prætor, & ideo si dicitur adhuc viuere testatorem, cognoscat prætor an ita sit, nec ne, & si liquebit eum viuere, nihil de testamento statuet, *l. 2. §. si dubiet. D. h.* Et merito; nam ꝑ improbum est, sollicitum esse de hereditate viuientis, *l. 3. interdum, de vulg.*

Iisdem verbis prætor testamentum continentur codicilli ad testamentum pertinentes, id est, tabulae secundæ, seu pupillares, seu substitutio pupillaris. Nam & hæc pars est patris testamenti, ideoque, ut & hæc inspicantur, describanturque, vnusquisque desiderare potest ex hoc edicto, *l. pen. D. eod.* Sunt tamen hic quædam res, quæ excipiuntur. I. Excipit prætor diem & consulem testamento adscriptum. Vtunque & describi & inspicere etiam prohibet, ne quid falsi fiat, *l. 3. §. diem, D. eod. l. 3. h.* Consulem dicit; quia erat in more Romanorum, annos notare consulibus; nam singulis annis noui creabantur consules. Itaque hodie intelligimus his verbis excipi diem & annum, qui testamento sit adscriptus. His enim temporibus cognitio facile aliud testamentum fieri potest, quasi eodem die & tempore scriptum, ut idem cum vero testamento esse dicatur. Excipit præterea ius eam partem testamenti, quam testator noluit aperiiri, *d. l. 1. h. & recte;* nam quæcumque hic cauta sunt, eo computata sunt, ut supremæ voluntates exitum habeant, *l. vel negare, D. h.* Proinde & in hac parte maxime voluntas testatoris est seruanda, ne quid aduersus voluntatem eius aperiatur, retineatur, cognoscatur. Intelligitur autem testator id negare, non tantum aperte sed etiam in tabulis pupillaribus, cum eas separatim scribit & claudit. Itaque ob hanc causam tamen clausæ tabulae pupillares non aperiuntur à magistratu, nisi causa cognita, *l. pupillares eod.* Causa autem interdum exigit, ut etiam hæc aperiantur, ut si mulier ventris nomine (si substitutio facta est) in possessionem missa sit. Ideo enim tum necesse est aperire tabulas pupillares, ut sciatur quis, quomodo curator detur bonis, *leg. si mulier, D. eod.*

Tertio loco ius excipit eas partes testamenti, quæ ad ignominiam alicuius scriptæ intelliguntur, *d. l. 3. h.* Exempli gratia, si testator ita heredem instituat, *ille, qui nuper in hac vrbe suisibus casus est, heres esto.* Hanc partem non permittit prætor aperiiri & cognoscit prætor repugnantem ei, qui tabulas testamenti penes se habet: nam hæc pars ad ignominiam heredis est scripta. Et merito non permittit prætor hanc partem aperiiri, quia desiderantis nihil interest. Quisquis vero ita scribitur, eius institutio nullius est momenti, idemque est, si quid sub eiusmodi signo alioque relinquitur, *l. quoties, §. si quis nomen, de hered. instit.* Initio autem dixi, non fieri potestatem describendi testamenti, nisi his, qui sua interesse dicant. An autem pars aliqua, ad cuius ignominiam scripta sit, ipse prætor cognoscat, & si ea lecta deprehenderit, talis esse, non permittit inspicere, multoque minus describi. Hanc petitionem inspicendi & describendi testamenti, non pollicetur prætor se facturum, aduersus omnem possessorem testamenti, sed aduersus eum tantum, qui tabulas testamenti apud se esse non negauit, *l. 2. §. vit. D. h.* Quid ergo si quis dicatur tabulas testamenti apud se habere,

& eo negante se habere auctor dicat se esse paratum id probare, an non poterit consequi, ut sibi tabulas inspicere describere liceat? Imo poterit, sed id consequitur non hoc edicto, sed ordinaria via, nempe actione in factum de tabulis exhibendis, ut adicitur in *dict. l. 3. in fin. D. eod.* Multum autem interest, utra via quis experietur hoc edicto, an vero interdico de tabulis exhibendis. Nam in interdico de tabulis exhibendis, si quis neget tabulas testamenti apud se esse, iudicium instituitur, in quo de ea re cognoscitur, si iudicio probatum erit, tabulas apud eum esse, cum quo agitur, iubebitur arbitrio iudicis exhibere eas, ac describendi & inspiciendi potestatem facere. Quod si reus arbitrio iudicis non paruerit, sequitur condemnatio, quanti ea res erit, id est, quanti auctoris intererit tabulas exhiberi. Hic ordo est arbitrij & condemnationis in omnibus actionibus in rem & ad exhibendum. Regula iuris generalis est *l. qui restituere, de rei vindic. cat. l. 3. §. 2. de tabul. exhiben.* Quod si controuersia erit, quanti interit auctoris, non exigentur ab eo probationes sed & iureiurando eius aestimabitur, ut fit in huiusmodi actionibus, quae sunt in rem & ad exhibendum *l. in actionibus, de in lit. iur. l. qui restituere, de rei vindic. cat.*

At ex hoc edicto cum aliquis non negarit tabulas testamenti apud se esse, si neget se exhibiturum actio aduersus eum non datur, sed officio magistratus compellitur exhibere tanquam iudicatus. Nam confessio in iure pro iudicato habetur, *leg. vnic. in fin. de confess.* Hæc est illa compulsio, de qua in *dict. leg. penult. D. hic* Compellitur autem magistratus remediis suis, id est, aut vi & manu, dum per apparitores auferet testamenti tabulas, si exstabit, ut fieri solet in his iudiciis, in quibus magistratus decretum suum exsequitur, *argumen. dict. leg. qui restituere, & leg. 3. ne quis eum, qui in poss. miss.* aut multam dicit reculanti possessori, & pignora capiet, ut his distractis multa exigatur. Et hæc remedia sunt prætorum, ut dicitur *l. 1. §. ex hoc de vent. in fin.*

Hæc omnia, quae supra dixi, de aperiendis & recitandis tabulis aguntur in his locis, ubi testamenta scripta sunt, nisi testator testamentum iusserit alio transferre, veluti si exiit Roma, testamento facto iubeat testamentum in patriam suam perferri. Nam ex voluntate testatoris recte in patriam perferretur, nec alibi coegerat quis aperire, inspiciendi potestatem facere; quo pertinet *lex 2. ubi adicitur testamentum in his locis, in quæ testamentum testator perferri voluit, aperiiri secundum consuetudines moresque locorum, quod de eo dictum est, ne quis putet apud magistratum census tantum aperiiri posse ex præscripto leg. testamenta. l. consulta. de testamen. supr.* sed ut sciamus, apud quosvis iudices eorum locorum testamentum recte aperiiri iuxta formam *leg. in his, supra, de testamen.* Hæc de testamentis aperiendis dicta sunt, sed quæ nihilominus etiam ad codicillos aperiendos pertinent, ut si clausi sint codicilli, & de his aperiendis agatur initio, ut fidem faciat, aperiantur secundum ordinem supra expositum, de quo cauetur in *l. vi. h.*

AD TITVLVM XXXIII. COD. DE edicto diui Hadriani tollendo, & quemad- modum scriptus heres in possessionem mittatur.

S V M M A R I A.

- 1 Petitio hereditatis, interdico quorundam bonorum & missio in possessionem an aduersus omnes competant.
- 2 Summa huius constitutionis & quibus hoc remedium comparatum sit.
- 3 Institutus heres quis dicatur.
- 4 An omnis scriptus heres in possessionem mittatur ex hac lege.
- 5 Substitutus si cum institutus eodem testamento se mitti postulent in possessionem, an impetrare possint.
- 6 Fidei commissarius an huius constitutionis beneficio uti possit.
- 7 Scripti heredes, ut in possessionem mittantur, nullum in testamento vitium, & solemnibus iuris munus esse oportet.
- 8 Solemnia testamenti quæ sint.
- 9 Deposito testium quid.
- 10 An ob omne vitium testamentum inutile fiat.

Hereditate adita, de quo hucusque actum est, consequens est, ut ius hereditatem in rebus hereditariis tueatur. Est autem heres, posteaquam heres factus est, statim sine aliqua apprehensione dominus fiat omnium rerum hereditariarum, &

cum hereditas, de acq. poss. tamen nihil prodest dominum esse, nisi heres rebus hereditariis utatur fruatur, quod facere non potest, nisi eas teneat, possideat. Consequens est igitur, ut & hæc possessio ei iure tribuatur. Ad hanc consequendam sunt hæc viæ tres iure constitutæ aduersus eos, qui hereditarias res tenent, petitio hereditatis, interdico quorum bonorum & missio in possessionem ex constit. de quo agitur hoc tit.

Petitio hereditatis maxime & pleno iure hanc possessionem consequitur, sed non aduersus omnes competit, & longa via est. Interdico quorum bonorum iudici breuius est, quoniam est possessio, sed & hoc non competit aduersus omnes rerum hereditariarum possessores, neque omnibus heredibus, & est etiã paulo longius, ut extremo loco dicitur in istorum remediorum comparatione. Breuis & expedita ratio est possessionis nanciscendæ constituta in hac missione in possessionem, de qua his constitutionibus agitur, sed ea est tantum constituta scriptis heredibus. Summa huius iuris comprehensa est constit. Iustin. *l. vi. h. ad cuius interpretationem reliquæ duæ leges referri debent.*

Summa autem iuris est hæc: Scriptus heres si apud competentem iudicem proferat testamentum, in quo scriptus est, quod careat omni vitio, quod sub sensum cadat, mittitur in possessionem rerum hereditariarum, omnia omni quaestione, an testamentum verum sit, an falsum, iure valeat, an non valeat; idque aduersus omnes rerum hereditariarum possessores, qui quouis titulo quauis singulari dicant se eas res possidere, præterquam si aduersus eum agatur, qui itidem ad defensionem eiusdem iuris simili testamento, nec vitioso utatur, inter quos si incidit controuersia, res cognoscetur, & is vincet in possessione, qui potiore iure nisi videbitur. estque hoc hic constitutum omnibus heredibus, intra quodcumque tempus desiderent, se in possessionem mitti, nisi præscriptio temporis submoueat; qua submouerentur si hereditatem peterent.

Ut liquet de hoc iure, partes eius nobis considerandæ sunt. Continetur autem hoc ius his locis; Quis ex dicta parte iuris mittatur in possessionem rerum hereditariarum, & qua conditione, in qualium heredum possessionem mittatur, aduersus quos mittatur, per quem iudicem, intra quod tempus, & missionis huius quis sit effectus. I. Hoc remedium comparatum est tantum scriptis heredibus testamenti causa, ut magis beneficium testamenti videatur tributum, in *l. 3. Iustin.* loquitur de instituto herede, sine sit ex alie heres institutus, ex parte. Institutus autem dicitur heres, non tantum, qui scribitur testamento, sed etiam, qui sine scriptura nuncupatur, *l. 1. §. 1. de hered. in fin.* Vnde quis existimet, hoc beneficium propositum esse non tantum scriptis heredibus, sed etiam nuncupatis, sed verba quæ sequuntur in *l. 3.* restringunt id, quod prius generalius scriptum erat. Nam dicitur mitti in possessionem heres institutus hac conditione subiectis; si testamentum scriptum proferat, quæ conditio non potest, nisi ad scriptos heredes pertinere. Itaque sententia hæc rata erit, non esse propositum beneficium huius legis, nisi scripto heredi. Hinc versio huius legis de scripto herede tantum concepta est. Hinc illa verba *l. 2. heres scriptus in possessionem mitti solet.* Ex quo intelligitur legitimos heredes eodem modo non in possessionem rerum hereditariarum mitti. Merito, quia nullam eiusmodi probationem proferre potest in præsentia, qualem scriptus heres: probare quidem potest testatorem intestatum decessisse, & se cognatum esse proximum defuncti, & testibus & instrumentis. sed earum rerum fides sub sensum non cadit, & statim non potest expediri. At testamentum, quod sine villo vitio proferatur, sub sensum cadit, & statim ostendit se, quale sit.

Idem dicemus de nuncupatis heredibus, qui se mitti postulant in possessionem rerum hereditariarum, hos nimirum ex hac parte iuris mittendos non esse; quoniam nullam talem probationem statim proferre possint, qualem hic exigimus. Non deest tamen his omnibus heredibus aliud remedium, quo possessionem nanciscantur, interdico quorum bonorum, sed ita hæc interdum utantur, si bonorum possessionem apud magistratum agnouerint. Sed an omnis scriptus heres in possessionem mittitur ex parte hæc? Verba legis generalia sunt, & ad omnem scriptum heredem pertinentia. Hinc dubitatio *l. 1. supr. h. t.* Si forte eodem testamento quidam sint instituti heredes, quidam substituti, & substituti postulent, de mitti in possessionem cum instituto, an impetrare debeant? Verba facere videntur, quod debeant. Rescriptum est in *d. l. 1.* Solos institutos in possessionem mitti debere, idque efficitur & verbis & sententia Nam substitutus est quidam

dem institutus & heres *l. mulier §. vlt. de condit. inst.* Sed substitutus instituitur sub conditione, si heres institutus heres non erit, *l. de vulg.* Instituto hereditatem ad eum conditio substitutionis deficit. Proinde eo res deducitur, vt substitutus nec institutus videatur.

Idem de substituto dicemus, et si se sibi mitti postulet in possessionem bonorum aduersus quosuis, alios rerum hereditariarum possessores. Nam et si nondum certum est institutum hereditate adesse, tamen quamdiu hereditas ab eo adiri potest, tamdiu substituto non defertur, *l. quamdiu, de acquir. hered.* Reuera is non est heres, cui hereditas non defertur.

Quid si fideicommissarius beneficio huius constitutionis vti velit? Finge testamento aliquem institutum heredem rogatum esse vt Lucio Titio restituat hereditatem, hereditatem heredem adisse, & restituisse si fideicommissario Titio, quod si si vel aliquam rem hereditariam ei restituerit eo modo, vt tota hereditas restituta haberetur, *l. restituta ad Trebell.* Queritur, an de ceteris rebus hereditariis, quae illi restituta non sunt, agere possit ex hac parte iuris, & desiderare, vt mittatur in rerum earum hereditarium possessionem? Mouet quaestione quod, fideicommissarius heres est. Dicendum est, & ad fideicommissarium hoc beneficium pertinere; nam heredis loco habetur restituta hereditate; cum in eum transeunt omnes actiones heredum & aduersus eum, *l. i. D. ad Treb. §. sed quia. Inst. de fideicom. her.*

Hac missio proposita est scriptis heredibus, hac conditione, si testamentum proferatur, quod in scriptura nulum vitium omnino ostendat, & quod solemnibus iuris omnino munitione sit, vt est in *pr. l. §. ver. sancimus.* In scriptura exigitur, vt nihil sit cancellatum, id est, nihil deletum in scriptis, inductis lituris. Item vt nihil sit abolitum, id est, vetustate ita deletum, vt legi non possit. Itē nulla formae suae parte vitiatum. Formam intelligimus id, sine quo testamentum iure civili non consistit. est enim forma, quae facit, vt res sit, *l. si is, qui. 400. §. vlt. D. ad l. Falg.* Hae autem res in scriptura testamenti sunt dies & annus, vt more vsuq; Romanos dies & consules, & quae reliqua desiderantur in testamentis. Itē, heredum institutiones, *§. ante heredis. Inst. de leg.* Ex quibus intelligimus, si aut totum testamentum abolitum non sit, deletumue, aut non sit vitiatum in his, quae formam & substantiam scripturae ac testamenti continent, tamen si aliud quid deletum sit in aliis partibus; tamen id scripto heredi non nocere, quo minus in possessionem rerum hereditarium mittatur.

Et hoc ita est, si nihil adiceretur amplius in constitutione Iustiniani. Sed adicitur id, quod omnem dubitationem eximit, cum in scriptura desideratur, vt testamentum prima facie sine vilo vitio appareat. Quibus verbis aperte remouetur heres à possessione, si vel minimum vitium in scriptura testamenti appareat. Quid ergo dicemus testamentum non valere, aut fidem non facere, si quid in eo deletum sit? Valere nihilominus testamentum, siue quid consulto deletum sit, siue non deletum sit consulto, vt constat ex *l. de his qui in test. delent. l. si neque, supr. de testam.* sed hoc tunc locum habet, cum aduersus testamentum nihil obicitur. Quod si quid obicitur, id testamentum heredi non proderit ad impetrandam missionem in possessionem, priusquam de vitio alio quo testamenti cognitum sit, quasi coepit esse suspectum ob id, quod in scriptura aliquid deletum, aut corruptum est. Ceterum cum aduersus testamentum nihil aliud obicitur, probandum est ea, quae delentur, aut inducantur in partibus testamenti, quae ad substantiam testamenti non pertinent, non eo minus scripturam fidem facere, quod confirmatur in *cap. ex literis, de fid. instrum.* Haec de scriptura testamenti.

In solemnibus praeterea exigitur, vt suis solemnibus testamentum munitione sit, quod significatur illis verbis *l. 3.* & depositionibus testium legitimo modo vallatum sit. Solemnia testamenti constant iis rebus, iusto numero testium, & eorundem subscriptione & obsignatione. *§. sed computat. Inst. de testam. ord. l. hac consultiissima, supr. de testam.* Numerus testium hic expressus est. Depositionem autem testium, quae hic appellatur à Iustiniano, recte intelligemus subscriptionem & signationem testium, quae à testibus in testamento deponuntur, id est, in testamento confertur. Deposito testamentum ex vlt. recentiorum Imperatorum dicuntur testificationes, seu ea, quae testes testimonio dicunt, in exercendis *supr. de fid. instrum. l. si quis testibus.* Sed difficile est, vt eam significationem hoc loco admittamus. Nam in testamentis conficiendis non munitur testamentum testimonio testium, sed testium praesentia, audientium testamentum testatoris, & deinde

subscriptione & subsignatione, *dict. leg. hac consultiissima supr. de testam.* Deinde si viginti annis, aut amplius post conditum testamentum, illud ab herede scripto proferatur, difficile est, vt eo tempore omnes testes viuunt, qui agnoscant suas subscriptiones & sua sigilla. Proinde, quod loco conueniat, melius est, si depositionem testium hic interpretemur, vt supra fecimus, nempe ea, quae testes in testamenta conferunt: ea autem sunt subscriptio & obsignatio. Si quis tamen depositionem testium hic interpretur testificationes testium, qui vocati sunt, vt agnoscerent sigilla sua, non errauerit. Nam et si id *leg. 3. infra.* praetermitteretur; tamen intelligendum est ex his, quae sup. citat. potuimus, testamentum, vt fidem faciat, non recte aperiri, nisi praesentibus testibus & signatoribus, sigilla sua agnoscentibus. Neque eo minus desideramus solemnia testium, vt scriptus heres secundum testamenti scripturam mittatur in possessionem. Nam solemnium exactio satis continetur illis verbis *leg. 3.* cum desideratur, vt testamentum nullam formam suam parte sit vitiatum. Nam solemnia testamenti ad formam & substantiam testamenti referenda sunt.

Ex his, quae de vitis testamenti hic cauentur, apparet, testamentum inutile fieri non ob vitium quoduis, sed tantum ob vitium, quod ex inspectione testamenti seipsum ostendat, quod vulgo dicitur vitium visibile, ex quo satis colligitur, si quod vitium obicitur aduersus testamentum, quod ex inspectione testamenti non appareat, qualecunque id sit, heredi non ob stare, quo minus heres mittatur in possessionem rerum hereditarium, si modo proferat testamentum tale, quale supra exigimus. Haec pars et si satis colligatur ex *dict. leg. 3. infr. h.* tamen aperte confirmatur in *leg. 2. h.* Ideoque ad hanc partem ea l. referenda est. Vitium, quod sub sensum non cadit, in testamentis duplex est, aut enim testamentum falsum est, aut iure non valet: idque praeter omissionem solemnium testamenti contingit, aut ex persona testantis, aut ex omissione eorum, quae in testamento iure caueri oportuit. Ex persona, si is testamentum fecerit, qui testandi non habet, veluti si seruus fuerit, si filius familias, si prodigus, si fatiosus, *tit. inst. quibus non est permitt. facere testament.* Ex omissione, eorum, qui in potestate sunt, praeteritio, *l. inter. D. de liber. & posthum.* eorundemque exhereditatio contra officium parentis facta, & vno verbo exhereditatio inofficiosa, *Aurhent. non licet. & Aurhent. ex causa, supra de liber. praeter.* Hinc dicimus, si heres scriptus postulet se mitti in possessionem rerum hereditarium aduersus filium defuncti, mittendum esse nihilominus in possessionem prolato integro testamento, quamuis filius aliquid eorum, quae supra dixi, aduersus testamentum dicat, puta falsum esse, se praeteritum esse testamento inofficioso, testatorem seruum fuisse, aut in aliqua conditione existisse, propter quam testamentum facere non potuerit.

Atqui haec certissima vitia sunt testamenti, non minus, quam omissionem solemnium, aut cancellatio, aut alius partis testamenti obliteratio: cur igitur haec eadem vitia heredem non submouent? Quoniam ex inspectione testamenti non apparent: neque ideo fit iniuria filio, aut alii possessori. Nam is si est vere heres, testamento irrito constituto, hereditatem petere potest ab herede scripto, & statim vincet, si quid eorum, quae supra obiciebantur, probauerit, sed haec non nisi directo iudicio, in quo plena sit cognitio, sequuntur, *l. 3. §. ibidem. D. ad exhib.* Quod tamen in *d. l. h.* dicitur de superscriptis vitis, quae ex inspectione testamenti statim non apparent, duas exceptiones habet. Prima est, quam omnes interpretes dicto loco vulgo recte agnoscant, si is, qui haec vitia obicit aduersus testamentum, se paratum esse dicat eodem die vitium probare, id est, statim & sine dilatione. Nam haec exceptio ab omnibus reis admittitur, etiam in causis maxime summaris & momentariis, *l. 3. in pr. D. vt in poss. §. §. bonor.* Huiusmodi probatio semper adferri potest, si possessor dicat testatorem fuisse prodigum, & ad manum habeat acta magistratus, quibus ipsi bonis interdictum est.

Alteram exceptio est in eo, quod dicitur de filio, qui se testamentum praeteritum esse dicit. Quod enim cauetur in *dict. l. 2.* nihilominus heredem scriptum aduersus filium, qui se praeteritum dicit, mitti in possessionem, sic interpretandum est, si heres scriptus negat aduersarium esse filium defuncti. Nam haec quaestio, an sit filius, altiore indagacionem desiderat, de qua ex inspectione testamenti constare nihil potest. Sed si heres scriptus fatebitur eum filium esse, putat heredem non esse admittendum, idque duabus, de causis. 1. Quia herede hoc constituto praeteritio filii incipit esse

esse vitium, quod ex inspectione testamenti statim appareat: nam lecto testamento statim apparere potest, filium neque heredem institutum esse, neque exheredatum: is autem præteritus intelligitur, qui neque institutus, neque exheredatus est. *Inst. de her. inst.* Proinde testamentum pertinere incipit ad constitutionem Iustiniani, ut dicatur testamentum non apparere prima facie sine ullo vitio. Idem dicendum est, si is, quem constat esse filium defuncti, dicat, testamentum esse inofficiosum; quoniam immerito sit exheredatus: nam constare potest ex verbis testamenti statim, cum sit exheredatus causa non adscripta, & si adscripta est, cum sit vna ex quatuordecim, quæ commemorantur in *Auth. ex causa. supr. de liber. præter.* Quod si causa exheredationis adscripta erit, & erit causa legitima, hic locum habebit, quod dicitur in *l. 2. h. non nocere heredi scripto*, quominus mittatur in possessionem quâuis filius dicat testamentum esse inofficiosum. Altera ratio est, cur, ubi constat eum, qui se filium, eundemque esse præteritum, aut non iuste exheredatum, non debeat scriptus heres aduersus eum mitti in possessionem rerum; quoniam hoc modo heres dolo facit, petens eam possessionem, quam statim & certo restitutus est. Ac proinde exceptione doli mali merito à filio subtrahi potest, *l. dolo. D. de doli mali except.* Nec ad rem pertinet, quod hoc iudicium possessorium est & summarium, in quo hæc exceptio obicitur scripto heredi: nam generaliter tenendum est, etiam in iudiciis maxime summariis & præparatoriis exceptiones omnes æstimari, & remouere agentem, si ita euidentes sunt, ut aperte agentem remoueat, *dist. leg. 3. §. ibidem. D. ad exhib.* Talis est autem hæc, cum dicitur, quod scriptus heres, qui fateatur filium esse præteritum, aut immerito exheredatum, petat se mitti in possessionem aduersus eum, quem constat iure certo testamento irrito constituto heredem esse, *Auth. ex causa. supr. de lib. præter.*

Ad L. Edicto. 3.

Imperator Iustinian. A. Juliano præfect. prætorio.

Edicto diui Hadriani, quod sub occasione vicesima partis hereditatis introductum est, cum multis ambagibus, & difficultatibus, & indiscretis narrationibus penitus quiescente, quia & vicesima hereditatis ex nostris recessit Republica: antiquatis nihilominus & aliis omnibus, quæ circa repletionem, vel interpretationem eiusdem edicti promulgata sunt: sancimus, ut si quis ex assè, vel ex parte institutus, competenti iudici testamentum ostenderit non cancellatum, neque abolutum neque ex quacunque sua formæ parte vitiatum, sed quod in prima figura sine omni vituperatione appareat, & depositionibus testium legitimi numeri vallatum sit, &c.

S V M M A R I A.

- 1 Ob vitium testamenti, quod ex inspectione eius apparet, heres à possessione submouetur.
- 2 In quarum rerum possessionem mittatur heres ex hac parte iuris.
- 3 Quid iuris, si res, de quibus agitur, sint vere hereditariae, sed possessor tales esse neget.
- 4 An in possessionem omnium rerum hereditariarum mittatur heres non tantum si sunt res soli, seu immobiles, sed etiam si sint mobiles.
- 5 Aduersus quos missio in possessionem constituta sit.
- 6 Pro herede quis possidere dicatur.
- 7 Pro possessore quis.
- 8 Aduersus quos heres in rerum possessionem non mittatur.
- 9 Quoties ex duobus aliquid deferatur vni vel lege, vel testamento, neque intelligitur vtri deferatur, noster admittitur.
- 10 Intra quod tempus heres desiderare possit se mitti in possessionem rerum.
- 11 Per quem iudicem, seu à quo heres consequi possit missionem in possessionem.
- 12 Heres quomodo mittendus sit in possessionem.
- 13 Missionis in possessionem rerum effectus.

14 *Petitio hereditatis & missio in possessionem quid differant.*

15 *Missionis remedium quid differat ab interdico quorum bonorum.*

Summa hæc est: Ob vitium testamenti, quod ex inspectione testamenti statim apparet, heredem à possessione submoueri, quod non apparet, non submoueri, nisi aduersarius offerat præsentem probationem. Secundo loco videndum est, in quarum rerum possessionem mittatur heres ex hac parte iuris. Et expressum est in *dist. leg. 3. h.* mitti eum in possessionem earum rerum, quæ testatoris tempore mortis fuerunt, quibus verbis duo exiguntur. Primum, ut res testatoris fuerint. His verbis intelligimus non tantum eas, quæ dominio testatoris fuerint, sed etiam, quæ possessione eius fuerint, siue in bonis eius fuerint, siue periculum earum ad eum pertinuerit, ut puta, mittetur heres etiam in possessionem veterum prædiorum, ædium, quæ testatoris fuerant: item, in possessionem rerum ab eo bona fide possessarum, item rerum illi pignori obligatarum, & eo nomine possessarum, quoniam hæc omnes sunt in bonis, *l. bonorum de verb. significat.* Hoc amplius, etsi res testatori commodata, aut apud eum deposita fuerint, consequetur heres hac parte, ut mittatur in earum possessionem; nam & hæc ad periculum testatoris pertinetur.

Hæc ex eo dicimus: Primo, quod omnes hæc res ad ius & possessionem defuncti pertinerunt. Est autem æquius eas res ad heredem defuncti pertinere, quam ad alios detentores, qui nihil iuris habeant. Deinde, quia constat supra scriptas omnes venire in possessionem hereditatis, id est, hereditatem petenti hæc res omnes restitui debere, *l. & non tantum de petit. hered.*

Porro facilius ex hac parte iuris consequi debet heres rerum hereditarium possessionem, quam petitione hereditatis, quoniam hæc pars iuris habet beneficium momentaneum, nempe possessionem & detentionem nudam, quæ possessio in iudicio directo non præiudicat. Postremo etsi præfacte retineremus verba Iustiniani, ut heres mitti deberet in possessionem rerum, quæ plane testatoris fuerunt, tamen hoc consequeretur heres, à solum doceret eas res à testatore possessas fuisse. Nam aduersarius, qui diceret eum dominum fuisse, id probare deberet & maneret in suo loco possessor, *l. 2. supr. de probat.*

Alterum exigitur, ut res fuerint testatoris tempore mortis eius. Quid ergo si mortuo testatore iacente adhuc hereditatis aliqua quæ sita sint, puta per seruos hereditarios: item, alluione aliquid accreuerit, aut vterque hereditarius, aut vterque fructus earum, qui alienus erat, finitus est, & ita cum proprietate coniunctus: item, si fructus rerum hereditariarum ab aliquo percepti & collecti sunt: namque hæc omnia acquiruntur hereditati, sicutque hereditaria leg. hereditas in multis, de acquir. rer. domin.

Responsio etiam his superioribus verbis continetur, mitteturque heres ex hac parte in earum rerum possessionem: hoc ipso videntur hæc res defuncti, quod sunt hereditatis adhuc iacentis. Nam hereditas non adita defuncti personam sustinet, leg. hereditas, de acquir. rerum domin. Ita in summa efficitur heredem ex hac parte mitti in possessionem rerum hereditariarum, seu defuncti vere fuerint, cum viueret, seu postea hereditariæ esse ceperint. Quod si res neque defuncti fuerint, neque hereditati sint postea quæ sita, non mittetur heres in earum rerum possessionem: & merito, quia nihil ad heredem pertinere potest, nisi quod sit hereditatis: nihil autem hereditatis est, nisi quod defunctus habuit, & est definitio hereditatis leg. hereditas, de reg. iur. *l. nihil aliud, de verb. significat.* non habuit autem defunctus, nisi tunc habuit, cum defunctus est, idque apertius exprimitur in definitione bonorum possessionis, leg. 3. §. bonorum igitur, de bonorum possess. Quid si res, de quarum possessione agitur, sint vere hereditariæ, sed possessor hereditarias esse neget, & de eo sit controuersia? Respon. Heres debet probare esse hereditarias; quoniam non ex hac parte aliter ad rerum possessionem admittitur, quam si res defuncti fuerint. Proinde ad fundandam petitionem hereditatis, necesse habet intendere res hereditarias esse, quæ à Lucio Titio possidentur, in quarum possessionem ob id se mitti postulat. Id cum intendat, probare debet, secundo regulam iuris, & eo non probante reus absolendus est, leg. 3. D. de probat. *l. qui accusare, supr. de edendo.*

Sed an in possessionem omnium rerum hereditariarum mittetur heres, non tantum, si sunt res soli, seu immobiles, sed etiam si sint mobiles. Mouet dubitationem, quod proprie dicitur

illi mitti in possessionem, qui ire iubentur in possessionem; imus autem in res immobiles quemadmodum & de his solis deijciuntur, res autem mobiles manu capimus. Sed usus iuris hic est, ut in verbis legis, mittitur quis in possessionem, intelligatur mitti in possessionem rerum omnium, etiam incorporalium, ut declaratur l. 5. §. qui in possess. & §. sequen. D. de possess. legat. vel fideicom. seru. causa esse liceat.

Tertius locus est, et aduersus quos fit hæc missio in possessionem constituta; & constituta est hæc missio aduersus possessores rerum, ut significatur illis verbis l. 3. non autem legitimo modo ab alio detinentur. Quod si hæc res nemo possideat, an etiam ex hac parte postulari debeat à competente iudice missio in possessionem? Et vltimo existimant peti posse & debere, hoc est ineptissimum. Nam non ob aliam causam iudex ad eundem est, cuius auctoritate possessionem rei occupemus, quam ne vim faciamus, & vi facta possessionem rei amittamus, leg. ex stat. D. quod metus causa, leg. si quis in tantam. inf. vnde vi.

At heres, qui res hereditarias à nullo possessas auctoritate sua occupat, iure occupat & nulli vim facit, nec ad superiores constitutiones pertinet, quæ vim facienti constituunt pœnam. Proinde in his rebus non est necesse adire magistratum; sed recte res à nullo possessas, ut suas & hereditarias occupabit sine vlllo iudice. Quinimo huius rei causa adire iudicem & impetrare ab eo potestatem earum possidendarum, inutile est & ridiculum; quia hæc res heredi non magis profunt, quam si à iudice impetrasset. Nam quisquis possessor earum rerum, aut qui se dominum dicit, eas res repetet ab eo herede; qui eas occupauit, non oberit repetenti vlla exceptio rei iudicata. Primo, quia res ante non est iudicata, cum nulla fuerit condemnatio, aut absolutio, leg. 1. de re iudic. Secundo, quia non est iudicata aduersus eum, qui nunc agit. Et autem, aduersus quem res iudicata non est, res iudicata non nocet, l. 1. de re iudic. Possideri igitur res hereditarias oportet, ut aduersus possessorem petat heres se mitti in possessionem earum rerum, si petitione & missione aliquid agere volumus.

Mittitur autem heres aduersus omnes possessores rerum, quæ defuncti fuerint tempore mortis eius, aut postea hereditate esse cœperint, quocumque tandem titulo eas res possideant. Id colligimus ex illis verbis dicitur leg. 3. Non autem legitimo modo ab aliis detinentur. &c. Nam in illis verbis & præcedentibus, illas res, quæ fuerint testatoris tempore mortis, opponit his rebus, quæ ab alio detinentur legitimo modo, nempe per aduersariam, autem ex quo colligitur eas res, quæ testatoris fuerint tempore mortis, non legitimo modo detineri, à quocumque tandem detineantur, si modo constet defuncti fuisse, & post mortem eius detineri cœpisse, idque non immerito constituitur. Nam qui res, quæ defuncti fuerint tempore mortis eius, postea detineri cœpit, necesse est, aut eas res pro herede possideat, aut pro possessore, aut singulari aliquo titulo, veluti pro emtore, pro donato, pro legato. Pro herede titulus non est constitutus, nam si pro herede dicitur possidere, qui non est heres, sed se putat heredem, aut se dicit esse, leg. pro herede, D. de petitio. hered. Et titulus non esse, diserte scriptum est in leg. diuina. inf. de pres. longi temporis. Pro possessore multo minus titulus est. Nam pro possessore possidet prædo, id est, qui nullam aliam causam suæ possessionis reddit, quam quod possidet, dicitur leg. pro herede, §. vlt. & §. seq. de petit. hered.

Singulares autem tituli, pro emtore, pro donato, &c. et si sunt iniusti, tamen si post mortem defuncti nati sunt, incipiunt fieri iniusti. Nam is, qui rem se emisse dicit, pro se rem occupauit sine emtione, & mentitur. Quod si vero ab alio emit; tamen auctor eius eam sine vlllo titulo occupauit; quoniam hereditariam & defuncti rem fuisse posuimus, quam nemo sua auctoritate possidere potest, nisi pro herede, aut possessore, qui non sunt iniusti tituli, ut dixi. Hæc autem vitia etiam successoribus in hac possessionis missione nocebunt.

Solum igitur relinquatur possessori ad defensionem, ut dicat, se eas res, quas possidet, etiam viuo testatore possedisse & habuisse, neque esse hereditarias; quod cum sit, iam diximus, heredis esse probare eas hereditarias esse, quod non difficile probabit, siue doceat, eas fuisse in possessione defuncti, cum moreretur, seu doceat, eas à defuncto aliquando possessas fuisse. Nam possessione præcedente probata, ex eo existimatur in futurum quoque defunctus possedisse, nisi aduersarius probet, eum transtulisse in alium possessorem, leg. si emancipari, supra, de probar. Id autem si aduersarius probare paratus sit, quod dicat in se possessionem translatam esse ex iusta causa, audiendus est, & here-

dem submouebit ex iisdem verbis dicitur leg. 3. Quia scilicet tunc legitimo modo detinet.

Ex possessoribus tamen, qui res, quæ defuncti fuerunt, detinent, duo genera hic excipiuntur, a diuersis et quos heres non mittitur in possessionem rerum. Primum genus est eorum, qui post mortem defuncti rem ita possidere cœperunt, ut etiam possessione temporis præscriptionem sibi acquirerent, de quibus dicitur in versic. penult. & vlt. dicitur leg. 3. & nos paulo post dicemus plura suo ordine. Secundum genus est eorum possessorum, qui itidem à se proferunt testamentum non vitiatum, quo & ipsi scripti sint heredes. De hoc genere contradictorum agitur in dicitur leg. 3. in §. sui autem. Loquitur quidem constitutio generaliter de contradictore, nec exprimit, quem contradictorem intelligat, sed id ex sequentibus verbis intelligi potest, cum dicit: Inter heredem & hunc contradictorem, de quo loquitur, eum acquirere possessionem, qui potiora iura & legitimos modos ostendat. Legitimi modi acquirendæ, vel retinendæ possessionis in hac parte, de qua nunc agitur, sunt testamentum proferre, & proferre nulla sui parte vitiatum. Deinde hæc verba pertinent ad duos, qui eadem iura ostendunt, in quibus tamen aliud sit alio potius. Quisquis contradictor ostendit aliud testamentum integrum, quo sit scriptus heres aduersarius, qui desiderat se mitti in bonorum possessionem, prolato alio testamento eiusdem generis, non mittetur in possessionem.

Quid ergo an in totum submouebitur? Minime, sed ad iocit Iustinianus in dicitur leg. 3. §. Sin autem. controuersia inter istos orta, examinari debere causas in possessionem missionis & contradictionis. Causa, cur quis in possessionem mitti debeat, ex hac parte est ea, quam iam diximus, si proferat testamentum & proferat non vitiatum. Eademque causa contradictionis est, ut quis possessionem rerum hereditariam retineat. His causis cognitis, id est, cognitis testamentis istis, quæ ab vtraque parte proferuntur, is possessionem acquirat, qui potiora iura ostendat, ut sunt verba constitutionis. Sed quæro, cum ab vtraque parte proferatur testamentum, nulla sui parte vitiatum, quomodo dici possit, vnum esse altero potius?

Respond. Id ita continget, si ea, quæ in vno scripta sunt, magis conueniant personis, locis, temporibus, & testes integrioribus & honestiores habent. Exempli causa in vno testamento heres scriptus est, sed ignotus, aut extraneus scriptus est, aut ea manu, quæ non satis agnoscitur, scriptum est testamentum, eo tempore, quo vehementer testator laborare dicebatur, adhibiti sunt testes, sed ignoti, aut non sunt exploratæ fidei. In altero autem heres institutus proponitur amicus, vel cognatus defuncti, testes, qui subscripserunt, noti & integræ fidei. Hoc posterius testamentum vincet, argum. l. g. ab carmen. §. vlt. ff. de testib.

Quid si in vtroque testamento omnia paria conueniant? Respond. Neuter mittitur in possessionem, idque certissima ratione defenditur. Aut enim necesse est, vtrumque mitti, aut alterum duntaxat, aut neutrum. Vterque mitti nequit natura possessionis repugnante, quoniam duo in solidum possidere non possunt, leg. 3. §. ex contrario. de acquiren. possess. Vnum tantum in possessionem mitti non decet; quoniam is non plus iuris habere proponitur, quam alter.

Restat igitur, ut neuter admitti debeat, & est generaliter probandum, quoties et ex duobus aliquid deferatur vni vel lege, vel testamento, neque intelligitur vtri deferatur, neuter admittitur. Ut puta, Titius testamento tutor datus est, duo sunt Titij neque intelligitur de vtro senserit testator, placet neutrum tutorem fore, leg. 2. D. de testamen. tut. Item, Titio quid legatum est, duo sunt Titij, neque intelligitur, de quo senserit testator. Item legauit testator ei, qui prior montem ascenderit, duo pariter ascenderunt, neutri debetur legatum, leg. si fuerit, de rebus dubis.

Quarto et loco videndum est, intra quod tempus desiderate possit heres se mitti in possessionem ex hac parte iuris. Iustinianus cauit in dicitur leg. 3. §. Sin autem. perpetuo id desiderari posse, non autem intra annum duntaxat. In qua parte edictum. Diui Hadriani, quod de hac parte erat constitutum, antiquauit Iustinianus.

Verisimile est enim eo edicto cautum fuisse, ne post annum admitteretur heres scriptus ad possessionem rerum hereditiarum nisi vicefimam partem hereditatis silco soluisset. Iustinianus & post annum hanc missionem desiderari posse constituit, & voluit ius vetus de vicefima hereditatis sublatum etiam in

hac parte manere, vnde inscriptio tituli de edicto Diui Adriani tollendo, & quæ sequuntur. Id colligi potest ex initio *dictæ leg. 3. hic.* colligitur ex eo, quod Iustinianus annale tempus in *versic. penult.* commemorat. Sed quando hoc edictum fuerit, ad rem nihil pertinet, satis est intelligi, quid de hoc tempore constituat Iustinianus. Sed hic est ea exceptio constituta, vt heres desiderare possit perpetuo, se mitti in possessionem bonorum, aduersus possessores, nisi tamen tempus præterierit, quo aut possessori res vsucapta sit, aut sine domino possit præscriptione temporis actorem submouere. Ergo si possessor post mortem defuncti cepit rem hereditariam possidere ex iusta causa & bona fide, rem mobilem vsucepit triennio, im mobilem decem annis inter presentes, viginti annis inter absentes, *leg. v. nica. in fin. infra. de vsucap. transform. leg. vlt. infra. de præscript. longi temporis.* Hoc tempus si præterit, & ita possessor tutus est, non mitretur heres in possessionem rerum ita vsucaptarum. Quo casu dicitur ab vtraque parte longinquitas temporis occurrere heredi, *dict. leg. 3. in fin.* occurrere, id est, submouere heredem. Nam à parte possessoris actor submouetur propter diligentem possessionem possessoris, cui lex fauet, cum vult dominia rerum in incerto non esse, *leg. 1. de vsucap.* A parte item actoris hac vsucapio eum submouebit, propter actoris negligentiam, qui rem negligenter videtur alienare voluisse, *leg. alienationis, de verb. signific.*

Sine vsucapione autem rei præscriptio temporis intentionem heredis submouet, si possessor qualis rem de qua agitur, triginta annis possederit, *leg. sicut. infra. de præscriptio 30. vel 40. an.* Quo casu in *dicta leg. 3. in fin.* dicitur longinquitas temporis occurrere heredi ab vna parte, nempe à parte ipsius heredis, propter eius negligentiam tam diuicam, non etiam à parte possessoris, qui hanc præscriptionem habet, etiam si fuerit malæ fidei possessor. Ideo autem submouetur heres à possessione, quia etiam his modis causa principalis topitur, vt est in *sine leg. 3.* vbi principalis causa intelligitur petitio heredis, in qua de iure hereditatis quæritur. Hac submouetur vsucaptis rebus hereditariis; quoniam petitio hereditatis non competit aduersus eos, qui iusto titulo singulari pendunt, *leg. hereditatis. in fin. supr. de petitio. hereditat.* & præterea rebus non vsucaptis submouebitur præscriptione triginta vel quadraginta annorum, vt diximus.

11 Quinto loco videndum est, per quem iudicem seu à quo heres consequi debeat missionem in possessionem. Et constitutio Iustiniani in *dict. l. 3. vers. sancimus.* exigit iudicem competentem. Competens iudex in hac causa est, qui & pro potestate sua potest in possessionem mittere, & cuius territorio subiectæ sunt res, de quarum possessione agitur. Solus potest in possessionem mittere, qui non iurisdictionem tantum, sed imperium habet sine iurisdictione; hac enim res dicitur esse magis imperij, quam iurisdictionis, *l. iubere, de iurisdic.* In hac autem causa est magistratus populi Romani, seu magistratus à principe constitutus, non autem municipalis, id est, magistratus à ciuitate constitutus. Proinde magistratus municipalis frustra aditur huius missionis impetrandæ causa, *leg. ea, qua ad municipal.* Non est satis magistratum posse pro iurisdictione sua in possessionem mittere, sed oportet etiam res, de quarum possessione agitur, esse in eius territorio; quoniam ibi quisque mittendus in possessionem, vbi res sunt sitæ, & causæ missionis ibidem transigendæ, *l. 1. supr. vbi de hered. agatur. l. cum vnus. §. si. qui. D. de reb. auctor. iud. poss.*

12 Sexto loco docet constitutio, quomodo heres mittendus sit in possessionem, & ait, id fieri sub testificatione publicarum personarum, *dict. leg. 3. vers. sancimus, in fin.* His verbis intelligitur, heredem iustum à iudice ire in possessionem, non occupatum suam auctoritate possessionem vi deiectis possessoribus, sed induci in possessionem per apparitores magistratus, aut eas personas, quæ sunt in officio magistratus, per quas magistratus suum exsequitur decretum, vt sunt iudices, qui dicuntur commissarij, vt sunt scribæ graphiarum, quorum opera vitur interdum magistratus; nam per istos magistratus sententiam exsequitur, *l. si pign. de euit.*

13 Sequitur effectus huius missionis. Est autem hic. Consequitur ex hac parte heres possessionem rerum hereditariarum. Diligenter hic videndum est, quid verbo hoc, *hereditariarum*, contineatur. Et animaduertendum est, quod non continetur id solum, quod continetur, cum ex aliis partibus iuris quis in possessionem rerum mittitur, vt cum mittitur legatarius in possessionem legatorum hereditariarum seruadorum causa, cum mittitur creditor in pos-

sessionem debitoris rei seruandæ causa, & cum missio fit ex similibus causis, de quo comprehensum est *leg. quib. ex causis in possess. eatur.* Nam in his omnibus, nihil amplius consequatur is, qui mittitur in possessionem, quam custodiam & obseruationem rerum, veteri domino nihilominus in possessione manente, *leg. cum legati quibus ex causis leg. is, qui. D. vt in possess. legat.*

At ex hac parte iuris conlequitur heres plenam detentionem rerum, eo, qui prius possidebat, possessione cedente, vt solus detineat, qui in possessionem missus est, id quod liquet ex *dict. leg. 3. §. si autem*, vbi ex duobus litigatoribus, qui de possessione contendunt, ex hac parte iuris dicitur, in totum posse acquiri, nimirum ei, qui potiora iura ostendit, interim nihil amplius consequitur heres, quam possessionem rerum. Non igitur dominium consequitur. Proinde veteri possessori nihil hic præiudicatur, quominus si se heredem esse putet, hereditatem vindicet ab herede scripto, qui in possessionem missus est: aut si se putet dominum rerum, vindicet res singulas: vt fieret, si heredi res restituta essent ex interdico quæ rerum bonorum, ex quo itidem, vt ex hac parte, nihil consequitur heres, nisi possessionem rerum, id probatur in *leg. vlt. infra, quorum bonor.*

Quid fuerit hoc remedio opus? Respond. nihil opus esset, si nullas utilitates haberet, præter eas, quæ superioribus actionibus continentur, sed suas proprias & singulares commoditates habet, quibus bene & vtiliter à superioribus distinguitur, & propter quas tutius & commodius est ad hoc remedium confugere. Differit tamen à petitione hereditatis, quia & probatione facilius, & petitione plenius est. Faciliorem & expeditiorem probationem habet; quia in petitione hereditatis non sufficit heredi, testamentum non vitiatum proferre, vt res ei eo iudicio restituatur, sed si quid contra testamentum dicitur, exceptiones sunt admittendæ, & de his plene cognoscendum.

Veluti si possessor dicat, se esse filium præteritum, aut exheredatum contra officij pietatis, de hoc cognoscendum erit, nec prius vindicet heres, quam pronuntiatum fuerit, testamentum non esse in officiosum, *leg. Papinian. §. si filius. D. de inofficio test.* Et generaliter tuendum est in omnibus directis iudiciis, id est ijs, in quibus de proprietate & pleno iure actoris agitur, iudices oportet rem plena inquisitione cognoscere, sic deinde causa cognita statuere, *leg. iudicis. supr. de iudic.* At in hac missione in possessionem, quæ petitur ex hac parte iuris, sufficit testamentum non vitiatum proferre, neque ideo fit iniuria possessori, quia nihil ei auferitur, nisi possessio momentanea, quam in causa pari æquius est apud eum esse, qui testamento mittitur.

Est & remedium huius partis plenius. Nam petitio hereditatis non competit, nisi aduersus hos, qui pro herede, aut pro possessore possident, non datur aduersus eos, qui pro emtore, aut ex alia iusta causa singulari possident, *l. hereditatis. supra, de petitio. hereditat.* At hoc remedium dixi competere aduersus omnes possessores, earum rerum, quæ probantur testatoris fuisse, cum is moritur, nisi tamen tantum temporis intercesserit, vt possessori præscriptio acquireretur.

Differit etiam tamen hoc interdicitum ab interdico quorum bonorum: quia plenius est. Nam inter scriptos heredes competit aduersus plures & pluribus competit: interdicitum quorum bonorum non datur omnibus heredibus, seu scriptis, seu legitimis, sed his tantum, quibus ex edicto prætoris bonorum possessio data est, id est, qui apud magistratum bonorum possessionem agnouerunt, *leg. 1. D. quorum bonor. vlt.* adeo, vt ijs, qui bonorum possessionem non agnouerunt, ne vile quidem interdicitum quorum bonorum competat, vt alias dictum *ad leg. infra. quorum bonor.* et si verba eius legis vulgo refragari existimantur. At remedium ex hac parte iuris omnibus scriptis heredibus datur, seu possessionem apud magistratum petierint, seu non petierint, dummodo testamentum non vitiatum iudici ostendatur. Præterea interdicitum quorum bonorum similiter, vt petitio hereditatis datur aduersus eos tantum qui pro herede, aut possessore possident, *d. l. 1. quorum bonor.* Iam autem dixi hoc remedium constitutum esse aduersus omnes rerum hereditariarum possessores.

Donellus Auctor.

Consulto præterimus titulos duos, scilicet 34. & 35. Prior enim saltem lectione diligenti indiget: alter circa aliquas difficultates versatur, quæ quia non raro accidunt, minus sunt difficiles.

S V M M A R I A.

- 1 Codicilli quid & unde dicantur & quomodo à testamentis differant, & num. 2.
- 2 Codicillorum vis qua.
- 3 Codicilli ut valeant, ex tribus rebus pendet.

Codicilli sunt scriptura, non in hoc instituta, ut testamentum esset, voluntatem minus solemnem continens de eo, quod quis post mortem suam fieri voluit. Scripturam esse constat; non enim aliter, quam scribi codicillos, declaratur in *pr. l. 1. de codicillis*. Declaratur etiam significatione verbi latinis nota. Nam ut codex non est, nisi scriptus; sic nec codicilli, nisi scripti sunt, seu breues scripturae. Est enim verbum à sup. riore per diminutionem derivatum, non quod nemo possit voluntatem suam testari sine scripto, imo potest, ut dicitur *ad leg. vlt. §. infr.* sed ea testatio codicilli non sunt. Scripturam esse volumus de eo, quod quis post mortem suam fieri velit, id quod etiam constat *ex dict. leg. 1. de codicillis in princ.* Et haec tenentur inter testamentum & codicillos. Sed hoc proprium est codicillorum, quod continent voluntatem minus solemnem, & ut dicitur *in dict. leg. 1. de codicillis in fin.* nullam solemnitatem iuris desiderant; quod quomodo interpretandum sit, suo loco dicemus *ad l. vlt. §. vlt. h.* At testamentum est voluntatis nostrae iusta sententia, *leg. 1. d. qui testam. fac. poss. iusta*, id est, legitima, & secundum regulas iuris de testamentis & superius voluntatibus constitutas. Ea autem res duabus rebus continetur: solemnibus, quae extrinsecus adhibentur, & heredis institutione. Solemnia sunt in testibus, in numero testium, in eorum signis & subscriptionibus, *§. sed cum paulatim, Instit. de testam. ord. dir.* Heredis institutio ita testamentum facit, ut sit caput & fideicommissi & testamenti, *§. ante heredis, Instit. de legat. leg. 1. de vulg. leg. vlt. D. de iur. dot.* In quibus haec duo interueniunt, ea testatori sunt testamenta, si quid horum deest, non erit testamentum, sed erunt codicilli; sed hoc ita, nisi scriptura instituta sit in hoc, ut testamentum fieret. Nam si quis voluerit testamentum facere, et si facere opatus sit lege id testamentum non valebit. Nec faciet ea scriptura ut codicillus, quamvis iure codicilli valere possit, nisi testator voluisset & nominatim hoc expresserit, ut diceret, se velle eam scripturam pro codicillo valere, *l. 1. D. eodem iur. l. coheredi, §. cum filia, vers. sed ita, D. de vulg.* Et hoc est, quod in definitione adieci-mus, scilicet pruram, non ad hoc instituitur, vt esset testamentum.

Codicillorum vis & ius hoc est: quicquid codicillis relinquitur, id iure debetur, praeterquam si hereditas verbis directis relicta sit, *l. 2. in fi. §. codicillis, Instit. eod.* Sed hoc ita, dummodo codicilli iure valeant. Id autem pendet ex tribus rebus, ex conditione personae testantis, ex obseruationibus quibusdam, quae adhiberi debent, ex testamento, ad quod codicilli pertinent. Ex conditione personae; quia non omnes codicillos facere possunt, non magis, quam testamentum, ut furiosus, *leg. 4. h.* Ex obseruationibus; quia et si codicilli solemnia testamenti non desiderant; tamen desiderant nonnullas obseruationes, de quibus *leg. vlt. §. vlt. infra.* Ex testamento, ad quod codicilli pertinent; quia enim codicilli pertinent ad testamentum; ideo ius & conditionem testamenti sequuntur, eoque infirmato & codicilli euanescent, *de quo in leg. 1. h.*

Ad L. Rupto. i.

Imp. Alexander A. Mocimo & aliis.

Rupto quidem testamento posthumi agnatione, codicillos quoque ad testamentum pertinentes non valere, in dubium non venit, sed cum post ruptum testamentum patrem pupillorum vestrorum literas emisisset proponatis, quibus praecedens iudicium confirmauit: Praetor nihil contra ius fecit, si nonissimam eius voluntatem secutus, relictum testamentum reipublica fideicommissum, ut ex codicillis relictum, praestandum esse pronunciauit. PP. 3. Kalend. Iul. Maximo 3. & Paterno Coss. 234.

- 1 Species & questio huius legis explicatur.
- 2 Codicilli ad testamentum pertinentes testamenti conditionem sequuntur: ad id non pertinentes, per se ipsos consistunt, nec ex testamenti viribus pendunt, & nu. 5. & 8.
- 3 Qui codicilli ad testamentum pertineant. Codicilli post testamentum facti, quamuis aperte non confirmati testamento, nihilominus valent, & ad testamentum pertinent: quod limitatur, ibidem.
- 4 Ad testamentum pertinere, quid sit.
- 6 Testamentum iure ruptum codicillis postea factis & recenti testatoris voluntate confirmari nequit.
- 7 An quod codicillis relictum non est, ex codicillis deberi possit. Item, an quod codicillis nominatim scriptum non est, codicillis relictum dicatur.
- 9 Codicilli iam facti an agnatione posthumi rumpantur.

Testator testamentum iure fecit, sed testamento facto, ei filius natus est, quem neque instituerat, neque exheredauerat, id est, suo verbo quidem praeterierat testamento; agnatione huius posthumi testamentum ruptum fuisse constat, *leg. 1. & 3. D. de in iusto, rupto.* Deinde literas emisit, id est, codicillos, quibus suum iudicium confirmauit, id est, declarauit se rata velle esse omnia, quae in priori testamento scripta erant, & ita deceffit. Posthumus ab heredibus legitimis fideicommissum petit: hi erant pupilli, iidemque filij defuncti, qui in potestate tutorum erunt. Tutores negant fideicommissum deberi argumento hoc: Quod si debeatur, non possit deberi, nisi aut ex testamento, aut ex codicillis postea factis. Non potest deberi ex testamento; quia id ruptum est, neque sola voluntate conualescere potuit: Non potest deberi ex codicillis; quia ius est, rupto testamento, simul codicilli non valent. Re apud praetorem agitata, praetor pronunciauit, fideicommissum deberi. A qua sententia appellatum est ad praesentem praetorem; aut principem. In hac appellatione consultitur Imperator: Num fideicommissum debeatur, & num recte praetor pronunciauit. Et afferuntur haec rationes, quas diximus, cur non videatur deberi. Responderet Imperator: Recte pronunciauit praetorem deberi fideicommissum. Ad ea autem, quae contra dicebantur, ita Imperator occurrit: fatetur fideicommissum in proposito ex testamento rupto deberi non posse, quia nuda voluntate non potuerit confirmari, sed deberi aut ex codicillis: non obstat, quod dicitur, testamento rupto codicillos etiam rumpi; à cuius obiectionis solutione statim orditur. Nam rupto testamento, rumpuntur quidem codicilli, sed codicilli ad testamentum pertinentes. In proposito autem; quia codicilli rupto ante testamentum facti sunt, non pertinent ad testamentum ruptum, Proinde ex his, ut iure constitutis, fideicommissum recte deberi.

Hic multa notanda & expendenda sunt. I. Notandum est de iure codicillorum, codicillos ad testamentum pertinentes conditionem testamenti sequi, non pertinentes autem ad testamentum, per se ipsos consistere, neque ex viribus testamenti pendere. Videndum est, qui codicilli ad testamentum pertineant, qui non, & quid sit hoc, pertinere ad testamentum. Ita definiendum est: Quoties testator testamentum iure factum habet, si per id tempus, quo testamentum consistit, codicillos habeat, quocumque tempore codicilli facti sint, ad testamentum pertinent, *l. ab intestato, circa fin. ff. eod.* ut potest codicilli, quos fecit primo; deinde testamentum iure fecit, ad testamentum pertinent, idque sequuntur, et si testamento nominatim confirmati non sint, *l. 3. §. vlt. ff. eod.* Papin. adiebat hanc conditionem, si modo aliquo indicio voluntatis eos testator confirmasset, *l. ante, ff. eod.* Sed Diui Seuerus & Antoninus codicillos valere voluerunt, etiam si nihil aperte his confirmandis testator ostendisset, dummodo contraria nulla testatoris ostenderetur, quae sententia *§. 1. Instit. eod.* probata est. post quam sententiam receptam ita responsum Papin. *in d. Lante, &c.* interpretabimur, ut videatur testator codicillos confirmasse si uouo testamento facto, hoc ipso, quod non aperte repudiavit.

È conuerso si testator primo testamentum fecit, deinde codicillos, & hi quoque codicilli, quamuis aperte non confirmati testamento, nihilominus valent, & ad testamentum pertinent, *d. l. ab intestato, ff. eod.* Sed hoc posterius ita accipiendum est, dummodo codicilli posterius facti, tunc facti sint, cum testamentum adhuc iure consistat. Quod si tunc facti sint, cum iam testamentum ruptum, aut irritum factum esset, codicilli ad testamentum non

pertinebunt, eoque nec conditionem testamenti sequentur, quæ sententia hoc declaratur rescripto. Et merito hi codicilli ad testamentum prius ruptum non pertinent, quoniam ut dicantur codicilli ad testamentum pertinere, prius est, ut sit aliquod testamentum, ad quod pertineant, idque natura ipsa efficit. Nullum est autem testamentum, quod ante ruptum fuit: intestatus enim definitur is, non tantum qui omnino testamentum non fecit, sed etiam, cuius testamentum, quod prius fecerat, iure rescissum est.

4 *Instit. de hered. qua ab intest. Pertinere ÷ ad testamentum est partem testamenti esse, l. quidam vers. nimirum. ff. eod. Vnde codicilli dicuntur pars esse testamenti. l. ven. ff. quemadmodum testam. aper.*

5 Quod ÷ dicuntur codicilli pars testamenti esse, hanc vim habet, ut intelligantur codicilli ad testamentum pertinentes legem & conditionem testamenti sequi, ut si testamentum valeat, codicilli valeant, si testamentum non valeat, nec codicilli valeant, d. l. ab intestato. d. l. quidam vers. nimirum. l. 3. §. vlt. ff. eod. Ex quo per contrarium intelligimus, si qui sunt codicilli ad testamentum non pertinentes, quales sunt hi, qui testamento iam ante rupto scripti sunt, hos per se valere, nec conditionem testamenti sequi, quod exemplo huius loci evidenter confirmatur.

6 II. Notandum ÷ est testamentum iure ruptum codicillis postea factis, & recenti voluntate defuncti nõ confirmari, quantumvis iusserit rata esse, quæ eo testamento scripta erant. Id aperte colligitur ex hoc rescripto: hic enim dicitur, testamento ita confirmato, ut supra dictum est, fideicommissum quidem deberi, sed non ex testamento. Et merito dicitur testamentum non confirmari codicillis, aut alia voluntate. Nam testamentum agnatione posthumi ruptum efficitur iure, seu ius rumpi debet, pactis & voluntatibus priuatorum iuri publico derogari non potest, l. quod bonis. ad l. Falcid. Proinde non potest, quod ius ruptum esse iubet, priuata voluntate fieri, ut valeat. Non obstat l. qui ex liberis. §. vlt. de bon. poss. sec. tab. vbi dicitur: Si testamentum priori testamento facto ruptum sit, id conualescere, si testator posteriores tabulas ruperit, ut priores valerent. Item dicitur, testamentum capituli diminutione testatoris irritum factum, recenti voluntate testatoris confirmari, si is sui iuris factus testamentum valere voluerit. Hæc, ut dixi non obstant. Dicta sunt enim de eo testamento non solum quod testator valere voluit, sed etiam à quo impedimentum remotum erat, quod prius testamentum obstat. In hac autem lege agitur de testamento rupto agnatione posthumi, qui adhuc vivebat. Proinde hoc vitio testamenti manente iure publico priuata defuncti voluntate derogari non potest. Et merito. Hic respondeatur, fideicommissum ex testamento hoc non deberi. Non obstant verba rescripti huius, cum dicitur, testator, litteris supremam voluntatem confirmasse. Hæc enim verba ad factum testatoris, non ad ius referenda sunt: Testator supremam voluntatem suam codicillis confirmauit, id est, verbis; quia id ratum esse iussit, sed iure non confirmauit; quia non potuit. Hic autem de facto quærebatur, quod præcesserat, secundum quod Imperator respondet.

7 III. Notandum ÷ est, quod relictum testamento, ex testamento non valet, id ex codicillis peti possit, quasi relictum codicillis. Et quomodo, quæret aliquis, ex codicillis deberi potest, quod codicillis relictum non fuit? Quomodo autem dici potest codicillis relictum, quod codicillis nominatim scriptum non est? Respond. Nihil codicillis deberi potest, quod codicillis relictum non est: sed intelligi potest id codicillis relinquere, nõ tantum, quod codicillis speciatim & nominatim relinquatur, sed quod verbis generalibus, eam speciem, de qua agitur, continentibus relinquatur, quod in ea specie accidit. Nam cum testator voluit in testamento ea valere, quæ scripta erant, voluit etiam ea præstari. Verbo testamenti omnia continentur, quæ sunt in testamento, perinde quasi specialiter expressa essent. Et generaliter definiemus nihil interesse, utrum quid testamento, aut codicillis aperta exprimat, ut videatur ibi relictum; an vero relinquatur per reiectionem ad eum locum, vbi id continetur. Exempla sunt in l. asse toto. de hered. Instit. & in l. institutio. de cond. Instit.

* * * * *

Hæc quæstio hodie non est necessaria; quia ex constitutione Iustiniani, ex causa præteritionis, institutiones quidem irritæ sunt, sed cetera testamento relicta debentur, & quidem ex testamento rupto, Aut venit. ex causa sup. de liber. præterit. Quod si id sit testamen-

torum nullis codicillis confirmato; multo magis idem admittemus, si recenti iudicio testamentum ruptum confirmauit. Sed non ideo hoc rescriptum inutile est; quoniam potest prius testamentum rumpi ex alia causa, quam præteritionis. Deniq; hoc rescriptum locum habebit in hac specie: Testator testamentum fecit, quo nihil Reipub. deinde aliud testamentum fecit, quo nihil Reipub. relictum est: constat posteriori testamento prius ruptum esse. Deinde & post secundum testamentum filius testatoris natus est, qui secundo testamento præteritus erat, ita & secundum testamentum agnatione posthumi ruptum est. Ad extremum testator codicillos fecit, quibus prius testamentum confirmauit. Si quaratur, utrum fideicommissum Reipubl. debeatur, quod priori testamento relictum erat? necessario ad hoc rescriptum confugiendum est, ut dicamus, fideicommissum ut codicillis relictum, & codicillis iure consistentibus ex codicillis deberi. Nam ex testamento quamvis confirmatio deberi non potest, ex constitutione Iustiniani; quia id testamentum ruptum non est ex causa præteritionis. nõ ideo, quia confirmatum sit recenti voluntate defuncti; quia defunctus posteriores tabulas non incidit, ut priores valerent, quo casu priores confirmare possent, l. qui ex liberis. §. vlt. de bon. poss. sec. tab. Ita solus locus relinquatur codicillis, de quibus quæretur, an valeant? Respondebimus ex hoc rescripto, & hoc amplius fideicommissum ut iis relictum deberi. Interim ÷ ius manet, quod dictum, pertinens ad vim codicillorum, nempe si idem testamentum habeat iure factum, & præterea codicillos, ius codicillorum ex testamento pendere, & rupto testamento rumpi codicillos. At si quis aut nullum testamentum habeat, aut habeat non iure perfectum, codicillos postea factos per seipios consistere, neque ideo rumpi, quia testamentum prius ruptum fuerit agnatione. Sed hoc dictum, cum filius agnatus est defuncto ante codicillos factos. Quid ÷ si codicillis factis filius agnatus sit defuncto, an hoc casu agnatione posthumi codicilli rumpentur? Et placet ne hoc quidem modo codicillos rumpi, quamuis certum sit rumpi testamento agnatione posthumi, de quo dicitur oportunius ad l. 3. infr.

Ad L. Hereditatem. 2.

Imp. Philippus A. & Philippus C. Aclepiodotæ.

Hereditatem quidem neg. dari, neg. adimi codicillis posse, man. festum est. Verbis tamen precariis per huiusmodi etiam nouissimi iudicij ordinationem iura non faciunt irritas voluntates. Vnde inefficaciter te codicillis rogatam esse, ut quibusdam rebus contenta portionem quam testamento fueris consecuta, alius restitueres: falso tibi persuasum est. PP. Idibus Octobr. Peregrino & Emiliano Coss. 245.

S Y M M A R I A.

- 1 Hereditas codicillis neg. dari, neque adimi potest, & num. 2.
- 3 Codicillis conditio heredis institutio adici nequit.
- 4 Conditio institutioni adiecta codicillis detrabi non potest.
- 5 Regula hereditatem codicillis dari non posse, quatenus valeat.
- 6 Hereditas quando directis, quando precariis verbis dari intelligatur.
- 7 Fideicommissum an recte codicillis ab intestato relinqui possit, ut ab herede legitimo præstetur.
- 8 Si hereditas directo codicillis relicta sit, an plane inutilis institutio.

Testator mulierem quandam testamento ex parte heredem instituit, & codicillis postea factis, mulierem rogauit, ut quibusdam rebus contenta, portionem hereditatis restitueret Titio. Titius petiit ab ea fideicommissum: mulier negat deberi quasi inutiliter codicillis relictum: & vitur hac ratione, quia hereditas codicillis dari non possit, quæ regula est iuris. Ea consulit Imperatorem. Respondet, ordiens à dissolutione dubitationis: hereditas, ait, neque dari codicillis, neque adimi potest, sed ita, si directo hereditas detur. Ceterum per codicillum fideicommissum relinqui potest, id cum in proposito factum sit, respondet errare mulierem, quæ putabat, fideicommissum non deberi. Ius autem hac de re constitutum expendendum est.

Ergo regula iuris est, hereditatem ÷ codicillis neque dari, neque adimi posse, ut h. & in §. codicillis. Instit. h. Observandum est autem

tem, regulam natam esse à veteribus Iureconsultis, ut significat Papinianus in l. quod per manus. ff. eo. Vnde merito dubitarum est, quam recte fuerit ab illis constituta. Nam prima facie videri potest iuri de codicillis constituto aduersari. Vt enim intelligimus ex princ. de codicillis. Inst. codicillorum ius simpliciter admissum est, ut valeret, neque distinguitur, quid codicillis relinquatur. Cur igitur interpretes iuris hereditatem exceperunt? Et ut intelligeretur id recte factum esse, sedulo ratio reddita est, cur hereditas codicillis dari non possit, de qua ratione commodius dicitur in l. si idem infra. Vt autem placuit hereditatem codicillis dari non posse; ita consequens fuit, placere et hereditatem codicillis adimi non posse; quia qui quibus institutis, aut substitutis hereditatem adimere hereditatem vel sequentibus, vel institutis, vel legitimis dare intel igitur, quod prius prohibebatur. Est & hæc ratio, cur hereditas codicillis adimi non possit; quia eius est nolle, qui potest & velle, l. eum. de reg. iur. Cui regulæ conueniens est, ut qui non potest nolle in codicillis hereditatem dare, non possit etiam velle in iis dare. Eadem regula admissa consequens fuit, ut placeret codicillis et conditionem heredi instituto adici non posse. quod fieri non posse traditur in d. §. codicillis. Inst. eod. l. diui. ff. eod. Ideo autem hoc consequens; quia qui conditionem institutioni adicit, is in defectum conditionis hereditatem adimere intelligitur.

Exempli gratia: Testator testamento heredem instituit Titium pure: deinde codicillis ita cauit: volo Titium ita mihi heredem esse, si nauis ex Asia, &c. Dicimus conditionem inutiliter adiectam, & quamuis nauis ex Asia non venerit, nihilominus Titium heredem futurum; quia qui instituit heredem Titium, si nauis ex Asia, &c. intelligitur adimere hereditatem, si nauis ex Asia non venerit. Porro codicillis hereditas adimi non potest. Hæc ratio reddita est in hac specie, l. pen. §. vlt. ff. de cond. Inst. Qua ratione autem conditio institutioni in codicillis adici non potest; eadem ratione probandum est, nec et conditionem institutioni detrahi posse codicillis.

Nam etsi de hac parte nihil nominatim scriptum; tamen qui institutioni conditionem detrahit, is in defectu conditionis hereditatem dat, quod multo minus codicillis facere permittum est. Vt puta, testator testamento Titium heredem instituit, si nauis ex Asia venerit; deinde codicillis eum pure heredem esse iussit. Dicimus, si nauis ex Asia non venerit, eum heredem non futurum; quia sub conditione sit institutus, nec ad rem pertinere, quod conditio codicillis detracta est; quoniam hereditas codicillis dari non potest. Sed quod et dicitur hereditatem codicillis dari non posse, ita temperandum est, si directis verbis hereditas datur. Ceterum verbis precariis, seu per fideicommissum, vtiliter hereditas codicillis relinquatur, quod constituitur hoc rescripto,

in §. codicillis. Inst. eo. Directis verbis et hereditas dari intel igitur, cum ita datur ut hereditas capiatur recte ex testamento defuncti, seu à defuncto, non autem interueniente persona heredis. Quod contra fit, ubi precariis verbis relinquatur hereditas; tum enim rogatur heredi vel testamentarium, vel legitimus, ut hereditatem restituat ei, cui defunctus restitutum vallet, ut si hereditas ab herede recta capiatur, non à defuncto, cuius generis relictum dicitur fideicommissum; quia committitur fidei heredis, ut restituat. Dicitur relinqui verbis precariis; quia testator precatur & rogat heredem, ut restituat. Hæc in titantur in §. pen. & vlt. Inst. de sing. reb. per fidei. om. relictis. Et constat fideicommissum recte relinqui codicillis ab herede, quem testator testamento scripsit. Quæ species fuit huius rescripti. Dubitarum et etiam est, an relinqui possit fideicommissum ab intestato, ut sic fideicommissum præstaretur ab herede legitimo. Dubitatio nata est ex regula iuris, ex qua efficitur: Cui nihil datum est à defuncto, ab eo nihil relinqui posse, l. ab eo. inf. de fideicom. l. 6. in pr. de legat. 3. Secundum quam regulam recte admittitur fideicommissum relinqui ab herede rescripto, ut potest cui testator prius hereditatem dederit. Sed eadem regula effici videtur, ne possit fideicommissum relinqui codicillis ab intestato; quoniam hoc præstari non potest, nisi ab herede legitimo. Iis autem testator non dat hereditatem, sed lex, ut dicitur, hereditatem intestati lege obuenire, quia lege sola obuenit, l. lege obuenire. de verb. sign. Vnde & heredes ab intestato succedentes dicuntur legitimi heredes. Et aduersus hanc dubitationem monemur alia regula, qua traditur, fideicommissum codicillis etiam ab intestato recte relinqui §. 1. Inst. eo. & quodcumque ab intestato relictum erit, id præstabitur ab omnibus legitimis heredibus, et si post codicillos nati sint, l. 3. ab intestato. ff. eo. Neque aduersus superiorem regulam, sed magis ea regula confirmatur. Nam & hereditus legitimus intelligitur testator hereditatem dare hoc ipso; quod hereditatem ad eos peruenire patitur, cum esset in eius potestate hereditatem his adimere alios heredes instituendo. Ratio redditata est in l. 1. §. sciendum de legat. 3. Quid et autem si hereditas directis verbis codicillis relicta sit? Puta aliquis codicillo heres institutus sit, aut substitutus, an plane inutilis erit institutio & substitutio? Placet inutilem esse institutionem & substitutionem; sed tamen hereditatem ex fideicommissum peti posse, l. 2. §. vlt. ff. eod. Et quid interest, dicat aliquis, utrum quis dicat directe relictum non valere, aut valere, si iure fideicommissum valet? Respond. Differentia exposita est in dicta leg. 2. in fin. Nam directa hereditas si relinquatur, & relictum valet, tota hereditas capitur ab herede: ubi autem relinquatur per fideicommissum, non capitur tota hereditas à fideicommissario, sed detrahitur prius quarta ex lege Falcidia, seu Senatusconsulto Trebelliano. Estque hæc species l. Scavola. ff. ad Trebell. Quod tamen sic accipiendum est, si testator codicillo; quibus hereditas directo data est, voluit nominatim pro codicillis valere. Ceterum si testamentum facere intulit, & se facere opinatus est, fideicommissum non debebitur, quocumque modo hereditas data sit, siue directo, siue per fideicommissum; quia neque ea scriptura, in qua hereditas data est, ut testamentum valet; quia iure perfecta non est, neque ut codicillis; quia testator codicillos facere noluit, l. illud. §. 1. ff. eod. l. coheredi. §. cum filia. vers. quæ ita. de vulg. & pupill.

Quod si hereditas directis verbis inutiliter codicillis data; tamen iure fideicommissum defenditur; multo magis iusto testamento directis verbis inutiliter data, eodem iure defenderetur. Nam si conferantur inter se scriptura; testamentum multo idem est & solemnior scriptura, quam codicilli. Si conferatur inter se voluntas defuncti in eadem scriptura, eadem est voluntas defuncti volentis aliquid fieri post mortem suam, quamquam in testamento hæc voluntas est plenior. Proinde si quis substituerit filio heredem post quatuordecim annos, & si substitutio tanquam substitutio valere non potest, l. verbis. l. in pupillari. de vulg. tunc recte existimatur vulgo heredem defuncti fideicommissum teneri substituto, uti teneretur, si codicillis substitutio facta esset, ut est in l. Scavola. ad Trebell. Non enim substitutio codicillis facta iure fideicommissum defenditur; quia codicillis facta, sed quia codicillis valuerunt. Ergo multo magis idem in testamento dicendum est, si testator voluit.

Ad L. Cum proponatis. 3.

Imp. Dioclet. & Maximin. AA. Hyacintho & aliis.

Cum proponatis pupillarum vestrorum matrem diuersis temporibus ac dissonis voluntatibus duos codicillos ordinasse: in dubium non venit id, quod priori codicillo inscripserat: per eum, in quem postea secreta voluntatis sua contul. rat. si à prioris tenore discrepat, & contrariam voluntatem continet, reuocatum esse. PP. 6. Idib. Septemb. ip. sis IV. & III. AA. Coss.

S Y M M A R I A.

- 1 Codicillis pluribus factis diuersam voluntatem continentibus vter valeat?
- 2 Codicillis, an iis modis, quibus testamenta, rumpantur.
- 3 Cur ut testamentum prius rumpitur posteriori, non item eodem modo rumpantur codicilli.
- 4 Codicillus cur non rumpatur agnatione posthumi.

SI quis plures et codicillos fecit, contrariam voluntatem continentes, non potest; plus vna scriptura valere. Sed vtri codicilli valent? Hic scriptum est, per posteriores prioribus derogatum esse; quo significatur solum posteriores valere, idque responderetur ex regula iuris certi, in legatis & fideicommissis nouissimam voluntatem spectari, l. 2. §. vlt. de legat. 1. l. quod traditum, de cond. & demonst. Quid si diuersi tantum erunt, non contrarij? Colligitur ex hoc loco omnes valere, quod etiam verum est. Id est; quod aliis locis traditur, posse vnumquemque plures codicillos facere vtiliter, ut omnes consistant, §. vlt. Inst. eod. l. diui. §. codicillis. ff. eod. In quo singulari ius norandum est & proprium codicillorum. Nam in testamentis hoc ius est, ut si quis prius testamento facto, deinde aliud testamentum faciat, posteriori testamento prius rumpatur, §. 1.

Ad L. Non idcirco.

Imp. Dioclet. & Maxim. AA. & CC.
Stratonico.

Non idcirco minus, quod intestato te absente codicillos mater tua fecit: hi, quibus precariis verbis adscripti sunt, relicta capiunt. Sine die & consule.

S Y M M A R I V M.

1 Voluntas sola testatoris testamentum facit.

SI quod quisque legauit de re, ita ius est, ut cautum est lege duodecim tabularum, *l. verbis l. de verb. sign.* consequens est, ut quicquid erit testamento, aut codicillis, aut omni scriptura de suprema voluntate cautum, id totum pendeat ex defuncti voluntate, non alterius cuiusquam siue heredis, siue legatarij. Unde dictum est, voluntatem testatoris solam testamentum facere, *Lex facta. §. ver. ff. de her. instit. l. 12. in fin. de l. 1.* Sic fit, ut quicquid relinquitur, id ab inuito relinqui possit, si modo is fit, cui testamentum dederimus aliquid, *l. sciendum. de l. 3.* Si inuito eo legatum & fideicommissum recte relinquitur, multo magis relinquitur eo ignorante, quod hic cauetur

Ad L. Ne codicillo s. s.

Imp. Dioclet. & Maxim. AA. & CC. Flauix.

Ne codicillos quidem furentem posse facere, certissimum iuris est. Si igitur scriptura velut codicillorum patris tui fuit prolata, ut aliquid ex hac peti possit: adseuerationi tue, mentis eius compotem fuisse negantis, fidem adesse probari conuenit. Datum Kalend. Decembr. Diuelli C. C. Coss.

S Y M M A R I A.

1 Furiosus an possit codicillos facere: & qui non.

2 In dubio utrum defunctus fuerit sana mentis, nec ne, cui incumbet onus probandi: petenti ne ex codicillis, an heredi.

QUOD placet furiosum testamentum & codicillos facere non posse mirum non est; nam furiosus nihil natura agere potest, in quo animi iudicio sit opus, *l. 2. §. pen. ff. de her. instit. l. 12. in fin. de l. 1.* Sed hic consistendum non est, cui queritur, qui codicillos facere non possint, verum generaliter definitur, neminem codicillos facere posse, qui testamenta facere non potest, *l. diuis. §. pen. l. consueuntur. §. 1. ff. de her. instit. l. 12. in fin. de l. 1.* Si quis igitur ciuis Romanus non sit, puta sit peregrinus, deportatus; siue quis iudicio praeditus non est, ut furiosus, prodigus, mete captus, pupillus; siue quis fari & scribere non possit, ut mutus & surdus; siue quis in bonis iure nihil habet, ut filius familias & seruus; siue quis iustus est esse intestabilis, ut qui ob carmen famosum damnatus est, is codicillos facere non potest, quia nec potest testamentum facere. de quibus generibus dictum est suo loco, scilicet titulo, *qui testam. fac. poss.* Huc pertinet titulus *Institutionum, quibus non est permissum fac. testam.*

Hic notandum est, qui aliquid petit ex codicillis, cui obijcitur, defunctum furiosum fuisse, si contendat fuisse defunctum sanæ mentis, tum id probare non debere, sed heredem, qui sanæ mentis fuisse neget. Hoc prima ratione videtur repugnare regulis iuris de probationibus, quarum prima est: *Ei qui dicit, incumbere probationem, non eis, qui neget, l. 2. de probation.* Altera certior, semper actorem in eo, quod in eundem, probare debere, non reum, qui negat, *l. v. ruius proat. leg. actor. supra de probation.* Atqui in specie proposita qui ex eo petit, actor est, heres vnde petit, reus est. Sed nihil hic dicitur superioribus regulis contrarium. Voluntas enim etiam actorem probare debere defunctum fuisse compotem mentis, sed satis probatorem fuisse, hoc ipso, quod probat, aliquando eum fuisse mentis compotem: probat autem id natura ipsa, nam tunc saltem, cum natus est, non fuit furiosus, non insanus. Ex quo necessitate consequentia sequitur semper illum talem fuisse deinceps, nisi ab alienata mente esse ceperit, aut ceperit frare. Hoc autem actor nunquam dicit, quia contra se diceret. Id igitur reus si dicit, probare debet iam secundum

sup.

instit. quibus mod. test. infir. Sed hic consistendum non est, sed generaliter ita definiendum, codicillos iure consistentes nunquam rumpi villo modo exiis, quibus testamenta rumpuntur, sed sola aperta contraria voluntate, aut consequenti hoc modo: *Si conditio ad testamentum pertineat, & testamentum ruptum sit.*

2 Testamentum rumpitur duobus modis, posteriori testamento rite facto, & agnatione posthumi sui heredis, qui testamento præteritus erat, *ut. Instit. quibus mod. test. infir.* Codicilli priores alijs codicillis postea factis non rumpuntur, omnes pariter valent, ut dictum. Sed et si codicillis factis ius heres agnoscatur defuncto, cum nullam eius heredis mentionem fecerit in codicillis, codicilli non ideo euanescent, sed relictum debetur ab omnibus heredibus legitimis etiam ab ipso filio, qui postea natus est, si heres patri existat, *l. 3. ab intestato. ff. eod.*

Hoc tamen ita, nisi testator codicillis specialiter vnum aliquem ex heredibus rogauerit, ut aliquid præstaret, quo casu is solus heres tenebitur fideicommissio, & tenebitur tantum pro parte, si id, quod relictum est, recipiat: si autem non recipiat, nullo modo tenebitur, *hoc in l. pen. Digest. eod.* Solum, ut dixi, contraria voluntate testatoris codicilli tolluntur; quemadmodum & testatoris voluntate consistebant, ut hic cauetur. Et hoc principaliter; nam per consequentiam hoc euenit in codicillis, ut si codicilli ad testamentum pertinent, postea rupto testamento, etiam codicilli, qui pars erant testamenti, rumpantur, de quo dictum est *ad l. 1. sup.*

3 Sed cur testatorum posteriori testamento prius rumpitur; ita posterioribus codicillis non rumpuntur priores? Mouet questionem, quod par ratio in utroque videtur esse. Ut enim duorum testamentorum par vis est; sic duorum codicillorum *vim eadem.* In quibus autem eadem ratio est, in his idem ius statui debet, *l. illud. infir. ad leg. Aquil.* Proinde si posteriore testamento rumpitur prius, quod eandem vim habet; par est, & posterioribus codicillis priores rumpi, qui eandem vim habent. Respondeo: Si propter testamentum posterius rumpatur prius, esset eadem ratio in scriptura testamenti posterioris, & scriptura posteriorum codicillorum. Nunquam autem posteriori testamento non rumpitur prius propter posterius testamentum, seu propter scripturam posterioris testamenti, sed quia posteriori testamento declaratur prius testamentum esse imperfectum: sic autem ius est, ut si quid testamento desit ad heredem institutionem, de quibus testator cogitauit, testamentum sit imperfectum, & hoc ipso inuitis, *l. si is, qui testam. qui testam. fac. poss.*

Hæc ratio cessat in codicillis; nam posterioribus quidem codicillis declaratur aliquid deesse prioribus ad voluntatem defuncti, sed non ideo priores codicilli infirmantur. Nam codicilli natura sua sunt voluntas imperfecta; imo nunquam plenam voluntatem continent. Non est enim plena voluntas, nisi quis constituerit sibi heredem, id est, vniuersi iuris sui successorem. At codicillis id fieri non potest, *l. 2. sup.* Proinde non ideo priores codicilli infirmantur, et si sint imperfecti.

4 Rursum quaero, cur testamentum iure factum & solemniter, agnatione posthumi rumpitur: codicillus autem eadem agnatione non rumpitur? cum plus sit rumpere testamentum, ut pote scripturam iustam & solemnem, quam rumpere codicillos, scripturam non plenam, & regula iuris facit, ut non debeat, ei, cui quod plus est licet, quod minus est non licere, *l. non debeat. de reg. iur.* Quare cui licet rumpere testamentum, licet etiam codicillos rumpere multo magis. Respondeo: Et hic diuersa ratio est testamenti & codicillorum. Differentia autem hæc est: Agnatione posthumi præteriti rumpitur testamentum, non propter agnationem solam, sed quia herede alio instituto in testamento hereditas posthumo auferitur. Huic autem hereditas auferri non potest, nisi ex heredatione iuste facta; quoniam hereditas est viuo parte filij, *l. in suis. ff. de lib. & posthum.*

At codicillis, qui agnationem posthumi antecedunt, non auferitur hereditas posthumo postea nato, sed magis ei confirmatur. Nam quæ relinquuntur codicillis, ea relinquuntur à legitimis heredibus; proinde testator simul vult legitimis suos heredem sibi heredem permanere. Quare cum codicillis hereditas non auferatur, cessat ratio, propter quam præteritione rumpi debeant. Hoc amplius cum testamento præteritur posthumi, qui postea nascitur, culpa testatoris est, qui potuit eum instituire.

In codicillis si filius heres non instituitur, nulla culpa patris est; quia codicillis hereditas dari non potest, ut quasi hereditas confirmetur.

commiffum poteft petere à legitimis heredibus, vt *est in d. l. 2. §. vlt. ff. eod.* Sed ita si duo concurrant, nimirum, si testator nominatiuè cauerit, se velle, vt ea scriptura quouis iure valeret, vel quod idem est, vt ea scriptura etiam pro codicillis valeret, & præterea si scriptus heres prius ex ea scriptura tanquam ex testamento hereditatem non petierit.

Ceterù duob. etiam temporibus fideicommissi persecutione ex ea scriptura heres non habebit. Nā alias ab initio fideicommissi persecutionem non habet, alias etiam si habuit, tamē postea factō suo amittit. Fideicommissi persecutionem ex ea scriptura ab initio non habet, nisi testator expresserit, vt ea scriptura etiā pro codicillis valeret. Nam si expresserit, pro codicillis valet, & tanquam ex codicillis iure factum fideicommissum peti poteft. Quod si testator hoc non expressit scriptura, quæ pro testamento non valet nec fideicommissum petet. Hæc sententia vetus est, multis locis in ff. expressa, l. 1. ff. eod. l. 3. coher. §. cū filia. vers. cum ita. de vulg. & nominatiuè in l. ex ea scriptura, qui test. fac. poss. Eadem sententia confirmatur in hac. l. vers. illud. sed ita, vt in hac parte nihil noui iuris constituitur, sed tantum confirmetur. Quid si heres ab initio hoc modo persecutionem fideicommissi habuit, placebat olim eundem etiam petitionem retinere, quamuis hereditatem ex ea scriptura tanquam ex testamento petiisset. At hic noui ius constituitur hac lege: placet enim eum, qui ex ea scriptura tanquam ex testamento hereditatem petijt, simul fideicommissum petere velit, postea ex codicillis non admittatur fideicommissi persecutio, quod initio huius. l. constituitur vsq; ad versic. illud.

Hoc ne quis ita interpretetur, quasi heres, qui hereditate petijt, non possit ex codicillis fideicommissum petere, si testator nihil nominatiuè, se velle vt scriptura pro codicillis valeret, adiecit; Theodosius se hoc ius etiam tunc constituere ait, cum testator nominatiuè complexus est, vt scriptura pro codicillis valeret, vt intelligamus hoc casu nihil prodesse heredi a fideicommissi persecutionem voluntatem expressam defuncti, non quod voluntas defuncti seruanda non sit, quæ præter ceteras omnes seruanda est: sed quia heres huic voluntati renuntiasse videtur, dum prius hereditatem tanquam ex testamento petiit. Hæc sententia est *vers. in iis verb. tantum enim abest.* Quid si heres initio dum hereditatem petit, vt tanquam persecutionem proponat, & dicat, se velle hereditatem petere ex testamento, si tanquam testamentum valeat, sin minus, velle se tanquam ex codicillis fideicommissum consequi? Theodosius adiecit, etiam in hac protestatione heredem nõ esse audiendum, sed deferri ei potestatem eligendi vtrum petat, & hoc initio petitionis explanare debere, ita vt intelligatur vna via electa, alteram repudiasse. Hæc sententia est illorum verborum, *ita vt siue bonorum possessionem, & quæ sequuntur.*

4 Sed hic diligenter videndum est, aduersus quem constituitur hæc amissio persecutionis fideicommissi, & ob quod factum heredis, nam verba constitutionis in hac parte rem non satis explicant. Loquitur Theodosius initio de eo, qui velut ex testamento de hereditate agere voluit. Quid ergo, an hoc ipso, quod heres ea scriptura institutus, voluit & constituit apud se de hereditate agere, tanquam ex testamento, an, inquam, ob id amittit fideicommissi persecutionem, tanquam ex codicillis? Respondeo. Hoc nõ sic accipiendum est, sed verba sic interpretanda sunt, si quis agere voluerit, & reuera egerit, ac petierit hereditatem velut ex testamento, vt voluerit cum effectu, siue voluerit & voluntatem facto declarauerit. Id declaratur verbis seq. constit. liquido; quæ postea diriguntur ad eum tantum, qui hereditatem petiit, seu de ea agit. Huc referenda sunt illa verba: *Qui hereditatem petiit in ipsi in sententia sua exordis.* Idem illa verba, quæ sunt in vers. *Si quis vero: licebit ei, qui ex voluntate defuncti agens superatus fuerit.* Idem illa verba: *Cum Theodosius vocat heredem, postquam agere voluit: tanquam ex testamento migrare ad fideicommissi persecutionem.* Quibus verbis vtitur statim in pr. & in vers. illud. in fin. Non migrat autem petitione hereditatis ad persecutionem fideicommissi, nisi is, qui prius petitionem hereditatis instituit vt sic dicatur ab vna petitione ad alteram transire. Ex quibus omnib. locis iam intelligimus, non aliter heredem in specie proposita, neq; ob aliud factum fideicommissi persecutionem amittere, quam si hereditatem tanquam ex testamento petierit. Et ideo quamuis prius hereditatem tanquam ex testamento adierit, quamuis etiā bonorum possessionem petierit secundum eas tabulas, atque adeo quamuis petierit, se mitti in bonorum possessionem, si nondum iudicio directo hereditatem petiit, seu quod idem est, nisi petitione hereditatis egerit, tanquam ex eo testamento heres nulla a-

gnitione sua præcedente persecutionem fideicommissi amittit quo minus cognito errore suo & iure scripturæ recte ex ea scriptura tanquam ex codicillis agat & fideicommissum petat.

Non obstant illa verba: *ita vt siue bonorum possess.* & quæ seq. Nā in his verbis Theodosius non constituit vt heres qui bonorum possessionem petiit, aut qui se petiit in bonorum possessionem mitti, declaret, vtrum velit, se admitti tanquam ex testamento, an tanquam ex codicillis, alioqui ita dicendum fuisset si quis bonorum possessionem postulet, non autem postulauerit. Item, si quis se mitti in bonorum possessionem petat, non autem petierit. Sed hoc constituit, vt heres explanet & declaret propositum intentionis suæ, id est, vtrum vel tanquam hereditatem petere, an tanquam fideicommissum, inter exordia huius iuris, nempe huius petitionis hereditatis, de qua institutus est sermo. Nam petitio & omnis actio ius est persequendi, *ur. de act. in pr.* Et hoc declarat heres & declarare poteft, quamuis ante vel hereditatem adierit vel bonorum possessionem petierit, vel petierit se mitti in possessionem. Ita vt hæc omnia præcedentia non obstant heredi, postea petenti hereditatem, quo minus declarare possit, vtra persecutione vti velit. Iterum hæc sententia manebit eum heredem, qui ex proposita scriptura hereditatem petiit tanquam ex testamento, hac sola petitione fideicommissi persecutionem amittere, quam instituere postea velit ex eadem scriptura codicillorum.

Hoc loco excipiuntur in hac eadem lege parentes defuncti, vsq; ad quartum gradum, & cognati defuncti vsque ad tertium gradum, qui si supra dicta scriptura heredes instituti sunt, & hereditatem ex ea tanquam ex iusto testamento petierint, possunt nihilominus postea migrare ad petitionem fideicommissi ex eadem scriptura, si pro codicillis valere potuit, & testator, vt valeret, expressit. Et hoc in §. si quis vero. Sed videtur hæc constitutio non tantum esse contra manifestam regulam iuris, sed etiam pugnare aduersus manifestam æquitatem. Nam primo constat, si quis rem aliquam petierit, non prohiberi alio iudicio aliam rem petere, etiā si priore iudicio victus sit, aduersus eandem personas. l. cum queritur. l. cum de eo. l. an eadem. ff. de except. rei iudic. Et certe iniquissimum esset, quod in vna re factum esset, in altera nocere, l. si vnus. §. pacta. vers. ane omnia. de pact. At in specie proposita duæ res videtur esse, de quibus diuersis iudicijs agatur; hereditas, quæ prius petita est, & fideicommissum, quod nunc, tanquam ex codicillis petitur, vt proinde non videatur, quod de hereditate prius actum, in fideicommissi persecutione nocere debere.

Præterea etiam si eadem res ab ipso petatur; tamē & illud certi iuris est, eum, qui rem ex aliqua causa petiit, quamuis eo iudicio victus sit, eandem rem ex alia causa petere. l. an eadem. §. adiones. de except. rei iud. At rursum in hac specie duæ causæ sunt, ex quibus hereditas petitur. Nam prius petitur tanquam ex testamento; deinde, tanquam ex codicillorum & fideicommissi iure. Nec obstat, quod hæc causæ contrariæ sunt, scilicet dicere eandem scripturam testamentum esse, & esse codicillos. Nā etiam illud certo admissum, eum, qui ex aliqua causa egerit de aliqua re, non prohiberi de eadem re agere ex alia causa, quantumvis priori contraria & repugnante, vt puta petijt quis hereditatem tanquam heres ex testamento, & victus est; quoniam pronuntiatum est testamentum non iustum esse; non prohibetur tamen idem eandem hereditatem petere ab ipso possessore, ex causa intestati, *l. in plurium. leg. illud. de acquirend. hereditat.* Item, debitor creditori suo legauit decem, quæ ei mutuo dedit: in hac specie si pecunia ex mutuo debetur, nullum fideicommissum est, & vice versa si fideicommissum est, non est mutuum; quoniam quod vere debetur, inutiliter legatur creditori. §. ex contrario. *Institus. de legat.* Ita fit, vt si creditor dicat, sibi eam pecuniam ex mutuo deberi, & ex ea causa petat, simul vi ipsa dicat, sibi fideicommissum non deberi; & tamen placet, si in hac specie creditor decem ex causa mutui petierit, & pronuntiatum sit non deberi, quod possit idem eandem pecuniam petere ex causa fideicommissi quamuis videatur prius de fideicommisso negasse, *leg. Aurelius. §. vlt. de liber. legat.* Ergo in specie proposita consequens esse videtur vt qui hereditatem petiit tanquam ex testamento, si pronuntiatum sit, testamentum imperfectum esse, non prohibeatur hereditatem petere tanquam fideicommissi iure: æquissima, vt videtur ratione, quoniam cum prius pronuntiatum esset, scripturam non esse testamentum, simul etiam effectum est, scripturam esse codicillos; quia alterutrum sit necesse est.

Respondeo: Nihil verius est & nihil æquius, quam horum vtrumque. Eum, qui rem aliquam petit, & victus est, non prohiberi aliam rem petere. Deinde, cum etiam, qui rem aliquam ex aliqua causa petit, & victus est, non prohiberi eandem rem ex alia causa petere, quamvis contraria, quoniam priore causa remota posterior constituitur, ut fit in rebus contrariis. Sed aduersus has regulas iuris & æquitatis nihil peccatur hac distinctione. Nam quod ad rem petitam attinet, vna res petitur, non duæ. Petitur enim vtroque & ex testamento & codicillis hereditas, & vna eademque hereditas defuncti. Nec ad rem pertinet, quod priore iudicio dicitur peti hereditas, posteriori dicitur peti fideicommissum. Nam his verbis nihil aliud significatur, quam priore iudicio peti hereditatem directissime, tanquam hereditatem: posteriore autem eandem hereditatem peti iure fideicommissi, & peti non tanquam relictæ testatore, sed tanquam ab heredibus restituendam. Interim vna eademque vtroque est hereditas defuncti. Quod attinet ad causam agendi, etiam hic vna causa est, ex qua hereditas & fideicommissum petitur. Quod vero prius petitur hereditas tanquam ex testamento; deinde petitur fideicommissum tanquam ex codicillis, non sunt hic duæ causæ petendi, testamentum & codicilli, sed vna est vtroque scriptura, siue vna testatio defuncti, quæ modo ab herede dicitur testamentum, modo codicilli. Hoc qui dicit de vna scriptura, is de altera affirmare, de altera negare videtur, atque eo modo seipsum excludere; quoniam natura non potest eadem scriptura, & codicillus esse & testamentum, *l. pen. sup. h.*

Sed ex hac re incidit rursus constitutio in difficultatem. Nam si is, qui scripturam testamentum esse dicit, intelligit negare, eam scripturam esse codicillum, cur hac constitutione admittuntur parentes & cognati ad fideicommissi perfectionem, si prius hereditatem tanquam ex testamento petierint, cum in quibus causis eadem ratio est, in ijs idem ius statui debeat, *l. illud. Digest. ad l. Aguil.*

Respondeo. Ratio differentia: proposita est in § si quis vero. Ex qua colligitur hæc responsio ad obiectionem. Extranei heredes cum ex eadem scriptura petant fideicommissum tanquam ex codicillis, non petunt, nisi iure huius scripturæ, à quo iure prius sua confessione & intentione exclusi sunt. At parentes & cognati cum ex eadem scriptura tanquam ex codicillis fideicommissum petunt, si ex alia causa petere videntur, quæ ex scriptura; quoniam petunt, hereditatem tanquam ab intestato etiam sine codicillis debitam. Supra autem dictum, non prohiberi quenquam ex duabus causis eandem rem petere. Non enim iniquum in hac constitutione, quod extraneus ab initio institutus petitionem cogitur eligere, vtrum tanquam hereditatem petat ex testamento, an tanquam fideicommissum esse codicillis. Toties enim plures actiones ab eodem auctore aduersus eum admittuntur, sub distinctione, quoties facta rei accidit, ut incertus sit actor, qua actione experiri debeat, & tunc certum est illi vnam aliquam competere. Exemplum est in *l. §. quia autem. quor. leg.* At in proposito incertitudo actionis ex facto & culpa heredis nascitur. Est enim in eius potestate dispicere testamenti tabulas, & videre, num testamentum perfectum sit, nec ne?

Quid ergo si testamentum proferatur, quod prima facie sine villo vitio appareat, & in hoc errore heres hereditatem petierit, tanquam ex iusto testamento; deinde in iudicio emerferit aliquid vitium latens, ut quia probatum sit, testes non esse eius conditionis, cuius esse debeant, quæ tamen conditio ignorabatur ab herede; an hoc casu dicemus prohiberi heredem errore cognito ad fideicommissi perfectionem transire, tanquam ex codicillis. Respondeo: Puto hoc casu huic constitutioni locum non esse, & admittendum esse heredem ad fideicommissi perfectionem, quoniam iustus error facti excusatione dignus est; cum fallat factum etiam prudentissimos, *l. 2. de iuris & facti ignor.* Deinde quia quæ postea emergunt nouo auxilio indigent. Et probatur hæc sententia aperte in *l. de estate. §. ex causa. de interrog. in iud. fac.*

Non obstat, quod in hac constitutione generaliter & indistincte sine exceptione prohibetur heres petita hereditate migrare ad fideicommissi perfectionem. Nam sequentia verba ostendunt, de quo herede Imperator sentiat: datur enim sequentibus verbis heredi potestas eligendi, vtrum velit. Et præterea dicitur heredem vnius iuris electione alterum repudiasse videri. Hæc tantum cadunt in eum heredem, qui scire potuit, scripturam non valere tanquam testamentum. Nam si omnia concurrebant, ut existimaretur testamentum iustum esse, non potuit heres eligere scri-

pturam pro codicillis, vbi potestas eligendi codicillos ei non deferretur. Sed nec potest dici electo testamento repudiari ius codicillorum, vbi ius codicillorum sibi competere ignorauit. Quorum vtrumque probatur in *leg. mater. versic. ceterum. de officio testatorum.* Vnde relinquitur, constitutionem hanc tantum ad istos heredes pertinere, qui potuerunt de scriptura cognoscere, qualis esset, perfecta, an imperfecta, ut in heredibus culpa hic puniatur, non iustus error.

Ad §. vltimum.

In omni autem vltima voluntate, excepto testamento quinque testes vel rogati, vel qui fortuito venerint, in vno eodemque tempore debent adhiberi: siue in scriptis, siue sine scriptis voluntas conficiatur, testibus videlicet, quando in scriptis voluntas componitur, subnotationem suam accommodantibus, Dat. 15. Cal. Mart. Constantinop. Victore. V. C. Coss. 424.

SUMMARI A.

1. An extra testamentum plures sint species suprema voluntatis: & eorum nomen quod.
2. Codicillis nominatim testamento confirmatis, an in iis ea, quæ hic præcipiuntur, obseruanda sint: & quid si confirmati non sint. ibid.
3. Codicillis quæ sint cum testamento communia: & in quibus a testamento discrepent.

Sententia est non obscura, etiam extra testamentum omnem supremam voluntatem valere dummodo adhibitis iis obseruationibus, quæ hic præscribuntur. Ait constitutio omnem voluntatem, quibus verbis significatur extra testamentum plures esse species supremæ voluntatis. Queritur ergo, quæ sint: Id declaratur in hoc loco, cum dicitur, voluntatem valere supremam, siue scriptis, siue sine scriptis conficiatur. Vnde rursus intelligitur non tantum in testamento nuncupato valere, *§. vlt. Instit. de test. ordin. l. hac. cons. §. per nuncupat. sup. de test.* Sed etiam extra testamentum, quicquid defunctus de sua voluntate testatus sit, etiam sine scripto, sed id ratum esse iis obseruatis, quæ hic traduntur. Quomodo igitur supremam voluntatem, quæ sine scripto conficitur extra testamentum, & quo nomine appellabimus? Initio huius tituli dictum, proprie codicillos dici non posse, sed tamen obtinuit vsu posteriorum Imperatorum, ut & hæc voluntas codicillus diceretur, *l. vlt. sup. de bon. libere. l. generat. sup. de sacros. eccles.*

Constituit Theodosius eiu(s)modi omnem scripturam valere, sed hac conditione, si ea obseruata sint, quæ hic præscribuntur. Quid si codicilli sint nominatim testamento confirmati, an in his quoque, quæ hic præcipiuntur, adhiberi oportebit? Minime, quoniam quæ his codicillis relinquuntur, non tam codicillis relinquuntur, quam testamento. *l. ass. ff. de heredib. instit. l. institutio. de cond. inst.* Non obstat, quod hic in vltima voluntate exiguntur quinque testes, & quæ sequuntur. Nam adijcitur, in omni voluntate, excepto testamento. Iam autem dictum, codicillis testamento confirmatis relicta, videri relicta testamento, non codicillis. Et ideo ad horum relictorum vim solemnitas testamenti sufficit etiam secundum hanc constitutionem.

Quid si testamento nominatim codicilli confirmati non sint, & tamen defunctus vna cum codicillis testamentum fecerit, vel ante, vel post codicillos, an in his idem dicendum? Mouet dubitationem, quod huiusmodi omnes codicilli, etiam si testamento confirmati non sint, tamen dicuntur ad testamentum pertinere, & testamenti ius sequi, *l. §. vlt. l. ab intestato. de iure codicil.* Respondeo: In iis non idem iuris esse, quod in codicillis nominatim testamento confirmatis, sed ita hoc valere, si ea obseruata sint, de quibus hic. Mouet me *l. heredes. §. i. ff. qui testam. sacer. poss. vbi traditur: Si testamento facto testator aliquid mutauerit aut acquirere velit, omnia ex integro esse faciend.*

Vnde intelligimus, quæcunque postea codicillis fient, etiam si dixerimus, illis codicillis mutari testamentum, aut testamentum adijci, tamen omnia ex integro faciend, ut ex testamento valeant. Superest igitur, ut si valere volumus tanquam ex codicillis, ea obseruari debeant, quæ hic præscribuntur. Non obstat, quod dicitur, hos codicillos ad testamentum pertinere: nam ut ad testamentum pertineant, prius codicillos esse oportet. Non erunt autem codicilli, nisi iure facti & ex præscriptione huius constitutionis.

3 In his, quæ hic obseruari iubentur, notandum est, quatuor esse, quæ sunt cum testamentis communia, tria esse, in quibus codicillia testamentis discrepant, cum de solemnibus adhibendis agitur. I. Igitur hic exiguntur testes, vt in testamento. II. loco desideratur, vt testes adhibeantur ad codicillos, quo verbo significatur non esse idoneos testes in codicillis, nisi qui admodum prius fuerint, se ad codicillos adhiberi, *l. heredes. §. in testamento, qui testament. facer. poss.* Vnde intelligimus etiam, hic quoque testes rogatos adhiberi debere, vt declaratur in *dict. §. in testamento*. Non obstat, quod hic dicitur, testes recte adhiberi, siue rogati sint, siue fortuito aduenerint: nam non est necesse testes rogare, vt veniant, etiam qui fortuito interuenerunt, rogari possunt: sed interim cum interfuerint, moneri debent se adhiberi ad codicillos, quod nihil aliud est, quam eos rogare, vt testimonium præbeant. Hoc igitur & cum testamentis commune est. III. desideratur, vt coram ijs negotium ficiatur, vno eodemque tempore, id est, vno contextu actionis. Hoc quoque cum testamentis est commune, *l. hac consultißima. supr. de testam. l. heredes. §. vlt. qui testam. facere. poss.* Postremo in codicillis scripi iubentur adhiberi testium subnotationes. Subnotare est subscribere, *l. pen. ff. qui test. fac. poss.* Et hoc quoque cum testamentis est commune.

Sed tria discrepant: numerus testium, & conditio, & signa. In testamentis numerus testium est septem, *§. sed cum paulatim. Instit. de testam. ordin. d. l. hac consultißima*. Conditio testium in codicillis hæc est, vt quicumque non prohibentur in alijs causis dicere, hi nec prohibeantur in alijs causis testes esse, & prohibetur mulier in testamento esse testis, in codicillis non prohibetur; proinde recte testis adhibebitur ex *d. reg. l. i. de test.* Sed & hoc ipsum nominatim expressum est de muliere, *l. qui testam. §. mulier. qui testam. facer. poss.* Postremo signa testium desiderantur in testamentis: at in codicillis non desiderantur.

AD TITVLVM XXXVII. COD. DE LEGATIS.

S Y M M A R I A.

- 1 Legare vnde dictum & legare quid.
- 2 Legandi appellatio & generalis & specialis est.
- 3 Legare in genere quid sit.
- 4 Legare in specie quid.
- 5 Legatum est donatio testamento relicta.
- 6 Donare est aliquid in aliquem conferre gratis.
- 7 Legatum quid differat à contractibus, donationibus non gratuitis, hereditate, fideicommissis, libertate, tutela, relictis testamento, donationibus, &c.
- 8 Legatum an possit codicillis, vt testamento, relinqui.
- 9 Legati diuersa definitiones, & earum examen & enotatio, & nu. 10.

Non solam hereditas, seu vniuersitas & successio nobis acquiritur potest testamento & codicillis, sed etiam acquiritur sunt res singule, quæ testamento, aut codicillis legantur, aut fidei committuntur, vnde ea dicuntur legata, aut fideicommissa, de quibus deinceps agitur, vt sciamus, quid sint, & quid in ipsis relinquere cuique defuncto liceat, & quatenus valeant, seu quem effectum habeant. Ac prius de Legatis. Legare *†* auctore Varro. *lib. 4. de legib.* dictum est à legendo, seu à delectu, vt sit cum delectu amandare à nobis, quod apud alios vice nostra fungatur, idque, vt vsus loquendi docet, & idem Varro testis est *lib. 5. refertur & ad personas & ad res*. Nam & personæ dicuntur legari & res legari. Cum ad personas refertur, legare est dimittere à nobis pro imperio aliquem, qui apud alios vice nostra utatur; vnde Legati dicti sunt. Cum ad res refertur, legare est aliquid testamento relinquere, quæ significatio non multum à priore distat, certe ambæ eadem ratione coniunguntur. Nā quicumque testator constituit de re sua, id sublato testatore eiusmodi est, vt defuncti vicem obtineat apud eum, apud quem constituitur.

2 Legandi *†* appellatio & generalis & specialis est. Generaliter *†* legare est aliquid testamento de re sua constituere & relinquere, quomodo accepta est *l. 12. tabul.* in illis verbis, *vti quisq; legasset*, id est, vt de re sua constituerit pro imperio & iussu. Vnde verbis ijs legi. quatuor hæc confirmari intelletum est: hereditum institutiones, legatorum & libertatum donationes, item tutorum constitutiones, vt est in *verbis legis de verb. sig.*

Generalis autem hæc significatio verbi intellecta est ex adiun-

cto, nempe ex verbo *vti*, quod significat quodcumque, seu prout, vt sit sentus: *vti quisque legauerit*, id est, quodcumque erit, aut quodcumque decreuerit de re sua, ita ius esto. Specialiter *†* legare est aliquid testamento donare, quæ significatione semper Legati verbum usurpatur, nisi ex adiuncto intelligatur sententia scribentis, quasi de omni alia re, de qua constituerit testator, loquatur & sentiat is, qui scribit. Hæc de verbo.

Res definitur multis locis. Definitio hæc traditur in *l. legatum. 36. de legat. 2.* Legatum *†* est donatio, testamento relicta. Est autem *†* donare aliquid in aliquem conferre gratis. Id ergo legatum est, vt nunc de legato loquimur. Hoc verbo *†* separantur à legato contractus: sunt enim contractus conuentiones, non donationes. Huc pertinet *l. verba, contraxerunt, de verb. sig.* Distinguantur item donationes omnes non gratuitæ. Præterea eodem verbo separantur omnia alia, quæ testamento relinquuntur ordinanturque, vt hereditas, fideicommissum, libertas tutorum datio. Nam hæc omnia testamento relinquuntur, & in his datur aliquid, sed non sunt donationes. Hereditas non est donatio: nam sæpe in hereditate nihil est præter æs alienum: & tamen non eo minus hereditas est, *l. hereditas, de heredit. pet. l. hereditatis de verb. sig.* Et quamuis hereditate adita heres nanciscatur dominium rerum omnium hereditariarum, *l. cum hereditas, de acquir. poss.* Tamen hoc fit per consequentiam successionis; nam principalis successio acquiritur heredi, successionem sequuntur commoda & incommoda, *l. 1. & 2. de bon. poss.*

Eadem nota distinguitur & fideicommissum à legatis, non tantum verbis: nam in fideicommissis testator nihil donat, vt initium fuit fideicommissorum. Est enim fideicommissum, cum quis fidei heredis, aut alterius committit, vt aliquid det, præstet Lucio Titio. Quod cum fit, neque testator ipse quicquam confert, neque eum, quem rogat, obstringit, vt det, vt olim ius erat de fideicommissis: poterat enim is, qui rogatus erat dare, si vellet, si noller, nulla erat necessitas præstandi, vt declaratur *Instit. de fideicom. hered.*

Libertas quoque hæc nota distinguitur à legatis. Nam reuera libertas nulla res est, vt dici possit eam dari. Certe non est res, quæ æstimationem recipiat, *l. libertas, de reg. iur.* Præterea in donatione nihil inuito acquiritur: at vniuersumque seruatorum inuitus libertatem accipit, *l. vlt. §. si n. vero quidam, infr. de test. manumiss.* Tutorum datio non esse certum est; proinde hoc verbo intelligimus legata non esse.

Adiicitur, *testamento relicta*. Hæc verba adiunguntur duarum rerum significandarum causa. Primo, vt intelligatur, *†* vt olim ius fuit, legatum, nisi testamento, relinqui non posse, non vero posse codicillis, *§. præterea. Instit. de fideicommiss. hered.* Quod tamen ius hodie sublatum est, de quo dicitur postea in comparatione legatorum & fideicommissorum *sub titul. de fideicom.* Deinde, vt intelligatur ita legatum donationem esse; vt tamen is, qui donat, non velit donatum, nisi post mortem suam fieri velit, *l. i. qui test. facer. poss.* Hæc nota discernitur legatum à ceteris donationibus non testamentarijs, quales sunt donationes inter viuos & causa mortis. Nam in his omnibus præsens præsentiam nunc donat. De donationibus inter viuos nulla dubitatio est, *l. i. de donation.* Sed & idem ius est in donationibus causa mortis, vt expressum est in *l. inter, de donation. causa mortis*. Idque satis demonstratur eo, quod dicuntur donationes causa mortis ex præsentia reuocari & condici: quæ donata sunt, non conciduntur, nisi iam ante tradita, *l. i. l. fenatus, §. donat. de mortis causa donation.* In legato nihil tale est, nihil defunctus præsens præsentiam legatario dat, sed post mortem dari vult.

Hæc definitio recta est, *†* et si non addatur *ab herede præstanda*, vt fit in *§. legatum. Instit. de legat.* non quod legatum non sit donatio ab herede præstanda, vt mox dicitur, sed quia in definitione solum explicatur quid sit legatum. Quomodo autem fiat, vt iute valeat, ad definitionem non pertinet necessario, sed in præceptis iuris de relinquendo, postea traditur.

Alia definitio exstat in *dicto §. legatum. Instit. de legat.* alijs verbis concepta, sed idem exprimitur: Legatum, inquit Iustinianus, est donatio quadam à defuncto relicta, ab herede præstanda. His verbis, *relicta à defuncto*, declaratur illud, quod supra dixi, legatum ita donationem esse; vt tamen defunctus nolit quicquam donatum, nisi post mortem suam. Id defuncti verbum significat, id significat etiam verbum *relinquendi*, quod solum ad ea pertinet, quæ post mortem nostram relinquimus, *l. i. §. vlt. de tabul. exhib.* Non dicit, *testamento relicta*; quoniam, vt dixi, satis est definire, quid sit

S Y M M A R I A.

fit legatum, etiam si non adiciatur, ubi legatum relinqui possit. Adicitur, ab herede præstanda. Quæ verba quidam ascititia putant, & non satis legato cōuenire, argumento prioris definitionis moti, in qua hæc verba prætermittuntur: sed non recte iudicant, qui hæc verba repudianda existimant. Nam si repudiantur ut falsa, pessime repudiantur. Vt enim legatum olim non potuit relinqui, nisi testamento; ita non potuit relinqui, nisi ab herede: à legatario legati non potuit, *Inst. de sing. reb. per fideicom. relicta.*

Vt igitur in priori definitione recte additur testamento; quia non potuit legatum relinqui, nisi testamento; ita in posteriore additur, ab herede præstanda; quoniam non potuit legatum relinqui, nisi ab herede; & quoniam etiam simpliciter legatum relictum, ab herede præstandum fuit, ut perueniret ad legatarium. Nam certi iuris est, legatarios non posse legata sua auctoritate occupare, sed voluntate heredis debere præstari. Quod si sua auctoritate occupauerint, constitutum est heredi interdictum, de legatis ita occupatis, reuocandis, *l. 1. quod legat. ut nihil sit verius*, quam legatum ita relinqui debuisse, ut præstaretur ab herede, & relictum debere præstari ab herede.

Quod si superiora verba repudiantur tanquam superuacanea, necesse est, ut eadem ratione reiciamus definitionem Florentini in *l. legatum. l. 16. de leg. 1.* Cuius definitio idem plane expressit, quod Iustiniani continetur. Definitio hæc est: *Legatum est delibatio hereditatis, qua testator ex eo, quod vniuersum heredes foret, alicui quid collatum velis.* Significat donationem esse legatum, cum ait, *esse id, quod testator collatum velis.* Significat à defuncto relictum esse, cum ait, esse delibationem hereditatis, id est, id, quod delibatur, & dicitur ab hereditate. Nam hereditas viuens non est, sed defuncti, *l. 1. de heredit. vel act. l. hereditas. de reg. iur. l. nihil aliud est. de verb. signific.* Significat ab herede esse præstandum, cum ait, *esse delibationem hereditatis ex eo, quod vniuersum foret.* Non deciditur quicquam ab eo, quod vniuersum heredis foret, nisi quod ab herede deciditur, & præstatur. Ergo quod relinquitur à legatario, vel fideicommissario, id non deciditur ab eo, quod heredis foret, sed ab eo, quod foret legatarij, aut fideicommissarij.

Non obstat, quod defunctus adhuc viuens legatum testamenti relictum præstare potest, *l. Lucius. de leg. 2.* Nam in definitione Iustiniani non dicitur, legatum esse donationem, quæ præstabitur ab herede, sed esse donationem ita relictam, ut præstanda sit; quia ab initio hoc animo relictum sit, ut ab herede præstetur; quod multis tamen modis contingere potest, ut ne præstetur, vel quia testator legatum adimat, vel quia res legata perierit, vel quia decesserit legatarius viuò testatore, vel quia conditio defecerit, sub qua legatum erat: neque eo minus verum est, legatum ab initio fuisse & constituisse. Nam in initio legati animus spectamus relinquentis, non euentum legati. Non obstat etiam, quod legata testamento relicta, statim fiant legatarij sine opera & traditione heredis, postquam testator mortuus est, *l. à Titio. ff. de iur. iur.* Nam et si reuera dominium ad legatarium transeat, nihilominus tamen res ab herede legatario præstanda est, alioqui reuocabitur legatum interdicto, quod bonor. ut supra dictum. Nihil igitur verius, quam a legatum esse donationem à defuncto relictam, ab herede præstandam.

Sed cum definitio carere potuerit his verbis, an nō hæc verba superuacanea addita videri possunt? Respon. Si necessitatem spectamus, non fuit necesse addere ad definitionem; nam & sine his intelligitur, quid sit legatum, etiam si non intelligatur, ubi aut à quo præstandum sit. Sed si spectemus commoditatem explanationis, commode hæc verba adiecta sunt, ut intelligeremus non posse relinqui legatum, nisi ab herede, ut olim ius fuit. Et præterea ut intelligeremus, in qua parte discernentur legata à fideicommissis. Nam fideicommissa ab herede relinqui potuerunt, sed non fuit necesse; nam & possunt relinqui à legatario & fideicommissario. Quid legatum differat à fideicommissis, infra dicetur, ubi de natura fideicommissorum tractabitur.

Ad L. Quamuis. 1.

Imp. Antoninus Pius A. Libertis Sextiliae.

Quamuis verbis his, quoad cum Claudio Iusto morari esse. Alimenta vobis & vestiarij legatum sit: tamen hanc fuisse defuncti cogitationem interpretor, ut & post mortem Iusti Claudio eadem vobis præstari voluerit. Sine die & consule.

- 1 Species huius legis prima.
- 2 Conditio quibus casibus pro impleta habeatur.
- 3 Mortuo Iusto, cum quo legatarij morari debebant ex condicione, exstiterit ne conditio, aut an pro impleta habenda sit.
- 4 Strichus liber esse iustus sub condicione, si heredi anno vno seruerit, an si egrotus seruire nequirit, nihilominus liber futurus sit.
- 5 Seruire qui intelligatur.

Alimenta si liberis relicta sunt hac condicione, si cum Iusto Claudio morari essent, non dubitatur, quin alimenta liberis præstata sint, siue morari sint cum Iusto, siue per Iustum steterit, quo minus morarentur. Nam priore casu conditio impleta est: posteriore non est impleta, sed perinde habetur, quasi impleta esset; quoniam per eum stetit, quo minus impleteretur, in cuius persona implenda fuit. Sed mortuo Iusto quaeritur, an eadem alimenta liberis præstata sint: Non abs re quaeritur: nam secundum verba & regulam iuris, de conditionibus, quæ pro impletis habentur, alimenta non debentur. Obseruandum est enim alimenta esse relicta sub condicione, & eam conditionem in proposito non videtur exstitisse: non enim potuerunt liberi morari cum Iusto, ubi iustus mortuus esset. Itaque hoc relinqui videtur, ut conditio nō impleta tamen pro impleta habeatur, quod regula iuris non ferunt. Nam si conditio pro impleta habeatur duobus tantum casibus. I. Si stet per eum, cuius interest conditionem non impleri, id est, per heredem, aut eum, qui legatum præstaturus est, *liure. de reg. iur.* Alter casus est, si per eum stet, in cuius persona conditio impleri debuit, ut si legatum relictum sit Titio, si decem Sempronio daret, si Sempronius arrogaret, & Titius interpellatus recusabit accipere, aut se adrogandum dare, legatum debebitur, quasi impleta condicione. *l. 3. l. si quis testament. o. de cond. Inst. d. l. 5. quando dies leg. ced.*

At si per eum, in cuius persona conditio implenda est, nō fiat, quo minus conditio impleatur, conditio deficit, nec legatum debetur, veluti si is, in cuius persona conditio implenda fuit, ut in proposito Iustus, decesserat. Exempli causa: Legata sunt Titia decem, si Sempronio nupserit, aut instituta est heres eadem condicione: Sempronio mortuo, Titia condicione defuncta est, nec quicquam ei debetur, *l. cum ita datur, 94. de cond. & dem. l. legatum, id. cond. inferr. l. 1. sup. de Inst. & substituit.* & tamen in specie proposta, ubi alimenta legata sunt, hæc conditio, si legatarij morari sine cum Iusto Claudio, filio, matre testatoris & similibus, placet quamuis mortuo Claudio, item filio & matre, nihilominus alimenta debentur, quamuis verum sit, legatarios cum mortuo morari non posse, ut sic videatur deberi legatum, quamuis deficiente condicione, *l. annua. de annua legat. l. illis. de cond. & demonstr.*

Vulgo existimant id fieri in hac specie singulari fauore legatarij & alimentorum. Non recte: nam siue alimenta, siue quid aliud relinquatur sub condicione, spectari non debet quid relinquitur, aut cui, sed an conditio exstiterit. Quod enim sub condicione relinquitur, non debetur, nisi aut conditio exstiterit, aut habeatur pro impleta. Ita in proposito hoc solum quaerendum est, an si mortuo Iusto, cum quo legatarij morari debebant ex condicione, exstiterit, nec ne conditio, aut an pro impleta habenda sit? Et frustra effectum est pro impleta haberi non debere. Dicendum est enim in omnibus iis conditionibus, quæ ex facto legatarij & alterius communiter pendunt, mortuo eo, in cuius persona impleri debuit conditio, si per eum non steterit, quo minus impleteretur, conditionem defecisse, nec legatum sub ea condicione relictum, deberi, *d. l. 1. sup. de Inst. & substit. l. legatum. inferr. de cond. inferr. l. in testamento 3. de cond. & demonstr.* Nec refert, utrum res alia legatae sint, an alimenta, *l. Seio. ff. de an. leg. l. sed propriam & singularem rationem esse huius conditionis*, si legatarij morari sint cum filio, matre, Iusto Claudio, ut mortuis iis, cum quibus legatarij morari debent, conditio exstiterit, dummodo per legatarios non steterit, quo minus cum viuus morarentur.

Ratio sequitur in *d. l. illis. de cond. & demonstr.* quippe in hoc genere conditio testator secundum verba exigit à legatariis, ut morentur cum iis, aut illis; re autem vera & secundum sententiam exigit tantum à legatariis obsequium commorandi. Vult enim eos commorari cum Iusto Claudio & similibus, ut illi obsequium & obseruantiam eo facto exhibeant. Obsequium autem non est in facto commorandi, sed in propensione voluntatis, id est, obsequium ex hac condicione præstitit, qui cupiens morari alioquo casu impeditur, quo minus moretur, quod tursum innuit

Ad L. Qui post. 3.

Imp. Seuerus & Antoninus AA.
Victorino.

Qui post testamentum factum pradia, qua legauit, pignori, vel hypotheca dedit, mutasse voluntatem circa legatariorum personam non videtur. Et ideo etiam si in personam actio electa est: recte placuit ab herede pradia liberari. PP. 6. Kalend. Maij, Gentiano & Passo Consulib. 212.

S V M M A R I A.

- 1 Legatum relictum an à testatore reuocari possit.
- 2 Legatum quomodo reuocetur, an vt verbis, ita etiam factis & re ipsa, quomodo.
- 3 Res legata pignori data an nihilominus adhuc debeat.
- 4 Heres, si fiat ei controuersia hereditatis, an legatum soluere cogatur.

Legatum † quamuis ab initio recte relictum nihilominus à testatore reuocari potest, vt reuocatum non magis debeat, quam si omnino relictum non esset. Ambulatoria est enim voluntas testatoris vsque ad vltimum vitæ spiritum, l. 4. ff. de adm. legat. Nec tantum testamentis, aut codicillis rite confectis reuocari legatum potest, sed etiam nuda voluntate, vsque adeo, vt si capitales inimicitia inter testatorem & legatarium, hoc ipso legatum non debeat, vt tacita voluntate reuocatum, l. 3. vltim. de adm. legat.

Reuocatur † autem legatum non tantum verbis, & aperta voluntate, sed etiam rebus ipsis & factis. Verbis, vt si testator nominatim adimat legatum, aut in alium transferat: nam alij dando eandem rem, priori eam adimere intelligitur, Inst. de adm. leg. Re & facto intelligitur iis modis, si rem legatam sustulerit, veluti si ædes à se legatas deiceret, l. si legatum. §. vltim. de leg. 1. Deinde si rem legatam transtulerit in aliam speciem, quæ ad priorem materiam reuerti non possit, veluti, si legarit lanam certam, & ex ea postea vestem fecerit, l. lana, de legat. 3. Postremo, si rem legatam testamento alienauerit, leg. si ex toto, 8. in princ. de legat. In qua specie tamen adicitur hæc conditio, si modo testator adimendi animo alienet, quæ conditio est in §. si rem. Inst. de legat. Hic autem animus declaratur hac distinctione, quæ ob id aliis locis exprimitur. Nam si testator rem alienauit sine necessitate rei familiaris, hoc ipso existimatur renuntiasse legatum, quasi adimere voluerit; & ideo; quia rem legatam postea alij donauerit, fecit, vt legatum amplius non debeat, leg. rem legatam. de adm. legat.

Quod si propter necessitatem rei familiaris alienauerit, non creditur adimere voluisse, nisi aperte probetur, dict. leg. rem legatam, leg. fideicommissa. 11. §. si rem, de leg. 3. Hinc cõsequens est, quod hic traditur, si testator † rem à se legatam postea pignori, vel hypotheca dederit, nihilominus adhuc legatum deberi, quod idem traditur in dict. §. si rem. Inst. de legat. Ratio ex superioribus distinctionibus: nam quisquis rem familiarem pignori obligat, vel ideo facit, vt pecuniam à creditore accipiat, qua indiget, vel vt cum prius pecuniam deberet, satisfaciat creditoris suo, pignus dando, ne rerum suarum distractionem pateretur.

Defuns hic in Autographo Donelli tres pagine integræ.

Legatum ab herede deberi diximus ad leg. 2. supr. Ita id debetur, vt præstari debeat, quamuis heres controuersiam heredis metuat. Sed etsi † controuersiam heredis iudicio patiat, nihilominus legata præstare debet, vt hic rescriptum est. Veluti, cum exstitit aliquis, qui testamentum accusaret tanquam falsum, quæ species est hoc loco proposita. Sane hoc casu cum iudicio agitur aduersus heredem, & fit ei hereditatis controuersia, non aliter cogitur soluere legata legatariis, quã si caueant se legata restituros, si hereditas heredi euincatur, quod hic quoque adiectum est. Idque fieri aiunt Imperatores secundum Iurisdictionis formam, id est, secundum quod in similibus controuersis ius dici solet, vbi vel hereditas, vel legatum petitur ab eo herede, cui alio iudicio fit controuersia heredis, leg. penult. de petit. hered. leg. 2. à quo. de rei vindic. Sed non exigitur hæc cautio à legatariis aliter, quam si fiat controuersia hereditatis heredi,

Non

Paulus in ratione data in d. l. illis. Qua ratione efficit mortuo Iusto, aut iis, cum quibus liberi morari debuerunt, conditionem non videri defecisse. Id euidentiùs significat explicatio l. 4. §. Stichus si hered. de statu liber. vbi Stichus † iubetur esse liber, si heredi anno vno seruerit, & placet, quamuis ægrotus per totum annum seruire non potuerit, nihilominus liberum futurum hac conditione nominatim adiecta, quia seruitium hic exigitur in seruo.

5 Seruire autem † etiam illi nobis intelliguntur, qui cupientes seruire per valetudinem impediuntur. Quod significatur seruitium & obsequium omne esse in eo, vt cupiant seruire & obsequi, etiam si casu impediuntur. Quod & iuris est alienamenti legatis sub hac conditione, si liberi cum Iusto Claudio, &c. morati sint. Sed idem iuris esse placuit non aliter ita relictum, quoad liberi cum Iusto Claudio morati sint. Quod hic rescriptum est, & refertur planius rescriptum in l. Caio §. de alimen. & cub. leg.

Potuit tamen hoc in hac specie posteriore lecus videri, quasi hoc verbo, quoad, tempus præstitum sit, ad quod vsque deberentur alimenta, vt consequens sit, post id tempus non deberi. Sed non est ita: nam iis verbis, quoad liberi morati sint, significatur tempus, non quoad vsque morentur, sed per quod morentur. Perinde est enim, quasi dictum esset, liberis alimenta volo præstari, quamdiu, seu per omne id tempus, cum morati fuerint cum Iusto Claudio, &c. Nihil interest inter has conceptiones, cum morati fuerint, & si morati fuerint. Priori conceptione exprimitur tempus, sed per tempus incertum significatur conditio. Non enim erit tempus, cum liberi morentur, nisi si morentur. Posteriori conceptione exprimitur conditio, sed per conditionem exprimitur tempus; non enim existet, vt liberi morentur, nisi per aliquod tempus, quo morabuntur. Traditur hoc in l. si Titia. ff. quando dies leg. ced. l. quodcumque. §. pen. de verb. oblig. Et hoc est, quod dicitur, diem incertum in testamentis conditionem facere. l. dies. ff. de condit. & demonstr.

Ad L. Quamuis. 12.

Imp. Seuerus & Anton. AA. Sabiniano.

Quamuis heres institutus hereditatem vendiderit, tamen legata & fideicommissa ab eo peti possunt: & quod eo nomine datum fuerit, venditor ab emtore, vel fideiussores eius petere poterit. PP. X. Kal. Sept. Laterano & Rufino Coss. 198.

S V M M A R I V M.

- 1 Heres an vendita hereditate nihilominus legatariis teneatur.

Quæcumque legata testamento, aut codicillis relinquuntur, etiam si non relinquuntur nominatim ab herede vel scripto, vel legitimo, dummodo non relinquatur nominatim à legatario, aut fideicommissario, omnia ad onus hereditatis pertinent, & ab eo præstanda sunt, quod declaratur hic, cum dicitur, legatum esse ab herede præstandum, §. legatum. Inst. eod. Item esse delibationem hereditatis ex eo, quod per vniuersum heredis foret, l. legatum. de legat. 1. Hanc obligationem suscipit in se heres, cum hereditatem adit. Nam hoc facto intelligitur primo suscipere personam defuncti; deinde se obstringere in hoc, vt pareat voluntati defuncti; vnde hereditatem adeundo dicitur contrahere cum legatariis & creditoribus hereditariis, §. quoque. Inst. de obl. quæ ex quasi contract. l. 3. in fin. quibus ex causis in possess. eat. Hac obligatione suscepta non potest heres villo suo facto se ea obligatione eximere, l. si seruum. §. num. videamus. de verb. oblig. Quippe deteriore conditionem alterius facere non potest, repugnante regula iuris & natura, l. soluendo. de negot. gestis. Quod si ira est, consequens est, † quod hic dicitur heredem, quamuis hereditatem vendiderit, nihilominus adhuc legatariis teneri; neque enim potuit se sua venditione ea obligatione, qua tenebatur, liberare. Sane omne lucrum & damnum hereditatis ad emtorem respicere debet, vt est in l. 2. §. sicuti de hered. vel act. vend. Sed hoc ita est, vt debeat ad eum respicere secundum conuentionem: hæctenus tamen, dum conuentio aliis non noceat. Ergo si heres vendidit hereditatem, conuenitur à legatariis, iis reddere cogitur & legata iis præstare, sed iis præstitis regressum habet ex vendito aduersus emtorem hereditatis, vt hic dicitur, & plenius explicatur in l. 2. sup. de hered. vel action. vend.

Non obstat, quod interdum legatarij cauent heredi, se legata restituros, quamuis nulla fiat controuersia heredi de hereditate, quod fit, cum periculum est, ne sit locus leg. Falcidia, & legatarij plus capiant, quam per legem Falcidiam licet, *leg. l. si cui plus, quam per legem Falcid.* Nam hæc cautio in hoc casu solum recepta est. Idque est, quod Imperatores significant in extremis verbis huius rescripti.

Ad L. Cum alienam. 10.

Imp. Alexander A. Ingenuz.

Cum alienam rem quis reliquerit, si quidem sciens: eam ex legato, quam ex fideicommissis ab eo; qui legatum, seu fideicommissum meruit, peti potest, quod si suam esse putauit: non aliter ualet relictum, nisi proxima persona, vel uxori, vel alij quali persona datum sit, cui legatum esset, & si scisset rem alienam esse. PP. V. Kal. Feb. Albino & Maximo Coss 228.

S Y M M A R I A.

1. Res aliena an legari possit.

2. Res aliena legata an semper debeatur, siue testator alienam esse sciuerit, siue non: & si debeatur, quid petendum sit ex hac causa, nu. 3.

De re aliena legata tria quaeruntur: An res aliena legari possit, an legata debeatur, & si debeatur, quid petendum sit ex hac causa. De primo ius certum est. Non solum rem propriam testatoris, sed etiam alienam legari posse, §. non solum. *Inst. de legat.* Non obstat, quod l. i. tabul. fecit tantum mentionem & potestatem legandi de suo, *leg. verbu legu. de verb. sign. l. testandi. sup. de testam.* Nam & qui legat rem alienam, de suo legare intelligitur. Onerat enim heredem, ut rem redimat, & redemptam praestet; sic enim fit, ut eam rem possit praestare. Ideo placet, re aliena legata, heredem hanc redimere, & ita praestare debere, *d. §. non solum.*

Quid si dominus eam rem nolit vendere heredi? Hic prima fronte videbitur liberari heres; nam eam rem debet, quæ est in eius potestate, neque esse potest inuito domino: impossibile autem nulla est obligatio, *leg. impossibile. de reg. iur.* Rursus non debet aestimationem; quia res, non aestimatio legata est. Sed placuit hoc casu, ubi dominus heredi rem non vendit, aut plus iusto vendit, heredem aestimationem auferre debere, *leg. non dubium. §. vlt. leg. qui quat uor. §. vlt. D. de legat. 3.* Vnde sumtum est, quod dicitur de eadem rem in *d. §. non solum.* Non obstat, quod aestimatio legata non est; nam res legata est, quam idcirco heres praestare debet, si non praestat, nihil relinquitur, nisi ut pro re praestet aestimationem, ut accidit; quotiescunque rem debitam debitor non praestat, *leg. in re suriua. de condict. furti. in pr. §. i.* Si quis dicat rem ipsam non debere, quoniam impossibile nulla obligatio.

Respondemus, non esse impossibile rei alienæ præstationem; quoniam etiam si dominus voluntate sua non vendat; natura tamen res vendi potest, vel ab eodem domino mutata voluntate, vel ab alio, ad quem ea res peruenit. Non est impossibile impedimentum, nisi quod natura impossibile est, & solum id impedimentum obstat obligationi, quod est naturale, *leg. continuis. §. illud. de verb. oblig.*

Quod secundum est de eo constitutum hoc rescripto. Non semper rem alienam legatam debere, sed in eo hanc distinctionem esse; interesse, utrum quis rem alienam legans sciuerit rem alienam esse, an vero suam esse putauerit. Si sciuit rem alienam, debebitur ita, ut supra dixi. Quod si res tota aliena legata debetur; multo magis si in ea re legata pars solum erit aliena, ea pars debebitur, si testator alienam sciuit. Obstat l. 5. §. vlt. de legat. 1. ubi si testator fundum commune legauit, id est, ex parte suam, & ex parte alienam, placet solum ex hoc legato partem debere, quæ fuit, testatoris, partem alienam non debere, quamuis testator alienam esse non ignorauerit. Respond. Ex verbis eius loci apparet, id ideo responderi; quia testator fundum legando nominatim adiecit, *meum*, ut dicebat, *fundum Tusculanum meum do, lego.* Ex hac adiectione manifestum est, testatorem nihil amplius voluisse legare, quam id, quod suum erat. Idem responsum esse volumus ad d. l. si damus. §. vlt. de leg. 1. ubi fundus qui erat proprietate municipium, iure autem erat vectigalis fundus testatoris, id quid sit, cognoscitur ex l. i.

& 2. si ager, vectig. Testator enim fundum legauit, & adiecit, *fundum illum meum vectigalem do, lego.* Quia adiecit *vectigalem*, placet nihil amplius debere in eo fundo, quam ius vectigalis fundi: proprietatem autem de municipibus redimi non debere, ut ea praestetur legatario; quia scilicet hoc verbo, *vectigali fundus*, declarauit testator, se nolle fundum legare, nisi quatenus esset vectigalis.

Ceterum ubi simpliciter testator rem alienam legauit, quam sciat alienam esse, hæc legatario debebitur ex hoc loco, non solum, si tota res aliena erit, sed multo magis, si aliena erit tantum pro parte. Quod si testator putauit rem suam esse, quam pro sua possidebat bona fide, hæc non debebitur, & si forte praestita, euicta erit à legatario, legatarius de euictione agere non poterit; quia nec à principio res debebatur, ut hic scriptum est, & in d. §. non solum. Sed cur hoc loco res aliena legata non debetur, cum testator eam legare potuerit, & verbis legauerit? Respondeo: Ideo non debetur; quia testator legare noluit. Ad supremam enim voluntatem non sufficit scriptum, nisi etiam accedat voluntas testatoris, *leg. quoties. 9. de hered. Inst.* Sed vnde colligimus testatorem noluisse? Quod scriptum est in d. §. non solum, *vers. quod diximus*, ideo rem non debere, quia fortasse, si testator sciuisset esse alienam, non legasset: hæc ratio non est satis sufficiens, sed indiget alia ratione: dici enim potest statim, fortasse, etiam si sciuisset testator esse alienam, legasset; nam etiam hoc contingere potest, & in obscura voluntate testatoris procliuiores esse debemus pro legato, & plenius voluntatem interpretari, *in testamentis, de reg. iur.* Dicendum est igitur ideo testatorem videri legaturum non fuisse, si sciuisset; quia errauit in dominio rei legatæ: non consentiunt autem qui errant, *l. si per errorem. D. de iurifil. l. 2. in pr. de iudic.*

Huius parti opponitur l. si domus. §. de euict. de leg. 1. ubi his verbis definitum est: Quoties res legata sine iudicio praestita, euicta est, heres eam petere potest ex testamento. Dicitur, *quoties*, ex quo colligi videtur id dicendum esse, siue testator sciuerit rem alienam esse, siue ignorauerit, ac deinde quia aliena erat, euicta est. Respond. id ex eo colligi nec debet, nec potest. Nam non quaeritur eo loco, an res legata euicta praestanda sit, sed si res legata euicta praestanda est, quando praestanda sit, & quando hæres ob euictionem teneatur? Et responderetur, si heres ob euictionem rei legatæ teneatur, non alias teneatur, quam si eam rem praestiterit, sine iudicio, id est, extra iudicium, sententia iudicis non coactus. Quod si ea res iudicio petita sit, & heres sententia damnatus eam rem praestiterit, non tenebitur ob euictionem si forte res postea legatario euicta sit, nisi heres cauerit, se euictionem praestitutum: & ob hanc causam inquit Africanus eo loco: cautio euictionis hoc casu necessaria est legatario. Hinc apparet hoc omne dici sub conditione, si res legata in ea causa fuerit, ut ea euicta heres teneatur, quod interdum contingit, puta si seruus exempli gratia generaliter legatus sit, non nominatim, *l. heres seruus, D. de euict. l. si substitutus, §. vlt. de leg. 1.* Idem iuris est, si res aliena certa legata sit, quam testator sciuerit alienam, heres autem, ut eam praestaret, redemit à possessore non domino, deinde à vero domino legatæ est.

Rata igitur erit hæc sententia, cum quis legat rem alienam, quam suam putat, regulariter eam non debere; quia deficit voluntas. Sed hoc sic accipiendum est, nisi verisimile sit, testatorem rem legaturum fuisse, etiam si alienam esse non ignorasset, quæ coniectura voluntatis in quibusdam causis admittitur, alias ex re, quæ legatur, alias ex persona eius, cuius res est, alias ex persona legatarij. Ex re, quæ legata est, cum libertas relinquitur seruo alieno, quem testator suum putat. Nam si testator iubeat heredem, hunc seruum manumittere, tamen si videatur ignorans reliquisse libertatem alienam, id est, potestatem manumittendi, quæ aliena est, nihilominus placet heredem debere seruum redimere, & ita manumittere, idque fauore libertatis, *l. Paulus respond. de fideic. libert.* Ex persona eius, cuius res est, cum res heredis legata est. Quamuis enim testatur eam rem suam esse putauerit; nihilominus ab eo legata debebitur, coniectura voluntatis ex persona ducta; quia heres eam rem praestare potest facile, quamuis non redimatur, *l. unum. §. si rem, de leg. 2.* Ex persona legatarij, cum aut persona iuncta est sanguine, aut matrimonio, ut vxor; aut amicitia; aut cum alicui aliquid legatur propter merita, ut præceptor, procurator, vel institori. Quod tamen dicitur, legatum debere, ubi res aliena proximæ personæ legata est, quam testator suam putauit, tunc locum non habet, cum res legata est ab ea persona, quæ eodem modo coniuncta sit defuncto. Exempli gratia: Pater filiis suis hereditibus instituitur, vni prædicia quædam prælegauit, quæ sua esse existimauit, deinde euincuntur. Secundum exceptionem supra scriptam,

ptam, & quæ hoc loco traditur, dici debuit, filium petere posse hæc prædia à fratribus coheredibus, pro portionibus eorum hereditariis; quia etsi pater putauerit sua esse, quæ erant aliena, tamen proximæ personæ legata sunt, & secundum eam exceptionem debentur, non secus, quàm si pater sciuisset rem esse alienam. Et tamen placuit in hac specie filio euictis prædiis actionem non esse, *l. cum pater. §. euictus. de leg. 2.* Ratio responsi hæc est: Quia si hæc prædia peti possunt, necesse est ea peti à fratribus coheredibus, quæ sunt personæ defuncto eodem modo coniunctæ, ut is filius, cui prædia legata sunt, si testator filio legatario consultum voluit, ut liberarentur, ubi par omnium causa est; nam procliuiores debemus esse ad liberandum, *l. Arrianus. de obl. & act. l. fauor abiliiores, de reg. iur.* Et ideo dicemus idem, si filio herede instituto testator prædium alienum, quod suum putabat, legauerit alicui cognato suo, vel intimo amico, nempe prædio euicto legatum non deberi; quia ut coniuncta persona est, cui legatur, & coniuncta est, à qua legatur. In pari autem causa prior debet esse causa debitoris, *l. si seruum. §. sequitur, de oblig. & act.*

3 Quod ad petitionem † attinet rei alienæ legatæ, declaratur hoc rescripto: Quo ies res aliena legata debetur, hanc ex testamento peti posse. Idem declaratur in *l. si domus, §. de euictione, de leg. 1.* Et merito hæc res petitur, quamuis nõ sit in potestate heredis; hæc enim sola debetur, non eius rei æstimatio: res enim, non æstimatio legata est. Actio autem est ius persequendi iudicio, quod nobis debetur, *§. 1. Inst. de act. l. nihil aliud, de obl. & act.* Itaq; receptum est, quod vulgo placet, in hac specie petitionem ita concipi debere, ut legatarius rem petat sibi dari, aut rei æstimationem. Non enim potest peti, quod sibi non debetur: non debetur æstimatio, quæ legata non est. Nec ad rem pertinet, quod heres æstimationem prestare potest & debet, si rem non redimat: nam æstimationem præstat officio iudicis, non ut debitum, nempe æstimationem pro re debita, ut expressum est in *l. qui quatuor. 30. §. vlt. de leg. 3.*

Ad L. Filia. 11.

Imp. Alexander A. Albiniano.

Filia legatorum non habet actionem, si ea, quæ ei in testamento reliquit viuus pater, postea in dotem dederit. PP. V. Non. Mars. Pompeiano & Peligno Coss. 232.

S Y M M A R I V M.

1 *Legatum an extinguatur, si ea, quæ in testamento pater viuus reliquit, postea filia in dotem dederit.*

SI testator rem à se legatam viuus legatario dederit, legatum extinguitur; v' uti solutione, siue speciem ipsam præstiterit, quam legauit, siue dederit tantundem, cum pecuniam legasset, aut dederit huius rei pretium. Hæc sententia & ad extraneos pertinet, quibus quid legatum est, de quibus in *l. Lucius D. de leg. 1.* Sed etiam † ad filiam, cui dos legata est, ut hic rescriptum est, tamen si & persona filia & legatum dotis singularem fauorem mereri videbantur. Ratio est; quia solutione eius, quod debetur, tollitur omnis obligatio, *Inst. quib. mod. tol. obl.* In hac autem specie etsi vera solutio non sit; quoniam non est solutio, nisi rei debita, non debetur legatum, nisi mortuo testatore: tamen destinatione animi testatoris res ab eo legata, itidem ab eo quodam modo debetur; quia vult eam præstare, & cum eam præstat, eo facit, ut ea velut obligatione liberetur.

Ad L. Cum responsio.

Imp. Gordianus A. Mutiano.

Cum responsio viri prudentissimi Papiniani, quo à precibus inferum est, præceptionis legatum, & amissa parte hereditatis vindicari posse declaratur. Intelligis desiderio tuo iuxta iuris formam esse consilium. Verba vero responsi hæc sunt: Filia mater prædium ita legauit: Præcipito, fumito extra partem hereditatis. cum hereditati matris filia renuntiaffer: nihilominus eam recte legatum vindicare visum est. PP. Constitutio. V. Idus Iul. Sabino II. & Varrustio Coss. 241.

- 1 *Duobus heredibus institutis, si vni aliquid ex his prælegetur, tota res prælegata ad legatarium pertinet, siue hereditatem adierit, siue omiserit.*
- 2 *Heres, qui noluit adire, cur non videatur impugnare iudicium defuncti.*
- 3 *Heredi hereditatem omittenti an legatum debeatur.*

QVOTIES duobus heredibus institutis, vni † ex his aliquid prælegatur, placet totam rem prælegatam ad legatarium pertinere, non tantum si hereditatem adierit, de quo nulla dubitatio est, sed etiam si hereditatem omiserit: quisquis is erit heres, siue extraneus, siue filius, ut hic cautum est, *l. qui filiam, 17. §. vlt. l. filio, 87. & seqq. de leg. 1.* Sed huic heredi hereditatem omittenti quædam obstat. Ac primum videtur à toto legato remoueri debere, quia iudicium defuncti impugnauit: qui iudicium defuncti impugnauit, id est, qui contra facit, quam testator iussit, is legatum testamento relictum amittit, *leg. post legatum. in pr. & §. omittit. D. de his, quibus ut indign.* Heres autem iussus heres esse, iudicium defuncti impugnauit, cum hereditatem omittit; quia facit contra quam testator iussit. Proinde etiam legato sibi relicto carebit. Hanc obiectionem sensit Papinianus & diluit in *d. l. filio, 87. de leg. 1.* Diluit autem hoc modo; quia non videatur impugnare iudicium defuncti, qui iustis rationibus noluit hereditariis oneribus implicari.

Sed amplius † quæro, cur qui hoc noluit, non videatur impugnare iudicium defuncti, cum siue iustis rationibus, siue nulla ratione hereditatem omittit, semper faciat contra, quam facere iussus est. Respondeo, non video heredem hereditatem omittentem facere contra iudicium defuncti, si idcirco omittit, ne implicetur oneribus hereditariis, id quod Papin. sensit. Non obstat, quod is iussus est heres esse. Nam iussus est pro commodo suo, si ei expediret, dummodo defuncto alius heres exstiteret, proinde nihil aduersus hoc iudicium facit, qui non putat sibi expedire adire hereditatem. Ita prior obiectio remota, quæ effici videbatur heredem in proposito omittentem hereditatem etiam relictum sibi legatum amittere. Sed superest altera. Nam si à toto legato non remouetur, at saltem videtur remoueri à parte, quæ ab ipso relicta erat. Nam legatum testamento simpliciter relictum debetur ab omnibus heredibus pro portionibus hereditariis. Proinde cum in specie proposita proponantur duo heredes instituti, & vni prædium esset prælegatum, intelligitur hoc prædium partim à coherede relictum esse, partim ab eo ipso herede, cui prædium relictum est; ergo partem prædij à coherede recte capiet is, qui hereditatem omittit. Sed alteram partem, quæ ab ipso relicta erat, non videtur posse capere: nam aut ei debetur ea pars iure hereditario, aut debetur iure legati, iure hereditario ei deberi non potest; quia non est heres, omisit enim hereditatem. Rursum iure legati non videtur ei deberi posse, prohibente regula iuris, quæ efficitur, heredi à se ipso legari non posse, *l. legatum, 116. §. 1. de leg. 1.* Respondeo: In proposito non videtur pars heredi omittenti hereditatem, legari ut heredi; quoniam heres non est, multo minus legari ei à se ipso, cum non sit heres, nec quisquam obligetur legatis, nisi heres.

Hic occurritur. Nam etsi nunc heres nõ sit, cum hereditatem omittit; tamen ab initio, cum ei legatum est, heres scriptus erat, & ei ut heredi prædium legatum est; proinde ab initio non constituit ex parte eius legatum; quare etiam si postea heres non existat; tamen legatum pro ea parte non conualefcit, ex regula iuris, quod ab initio non valet, tractu temporis nequit conualefcere, *leg. 1. de regul. Cæson. leg. quod ab initio, de reg. iur.* Respondeo, verum est, partem huius prædij legatam esse ab herede, & legatam ut heredi, sed sub conditione, si heres exstiteret; quod si heres non esset, legatum est ei prædium ut L. Titio, & ideo ut L. Titio debeatur, quamuis non heredi. Non obstat regula Cæson. quoniam hæc regula ad legata & institutiones conditionales non pertinet, ut dicitur in *leg. sequens.* Sed quod dicimus, heredi hereditatem omittenti † legatum eo testamento relictum nihilominus deberi, sic accipiendum est, nisi hæc conditione legatum sit, si heres esset, aut nisi appareat ex testamento, testatorem voluisse, eum ita legatum consequi, si heres esset, *leg. sed non aliam, 88. de leg. 1.* Exemplum est in *l. vlt. §. vlt. de dol. mal. except.*

Obiter insignis locus notandus est, quo demonstratur iam olim etiam ante tempora Gordiani, hanc auctoritatem tributam esse responsis eorum, qui in numero Iureconsultorum publice haberentur, ut pro iure certo obtinerent. Id declaratur hoc rescripto,

rescripto, cum Gord. responsum Papipiani sequitur pro iure explorato, idque facere dicit secundum iurisdictionis formam. Id pertinet ad interpretationem §. *responsa*, *Inst. de iur. nat. gent. & ci. ul. vide C. Th. lib. i. tit. 4. l. 1.*

Ad L. Proprias, 13.

Imp. Dioclet. & Maximian. AA. Severæ.

Proprias tuas res legari, vel fideicommissi tibi non potuisset fieri, PP. XV. Kalend. Maij. Maximo II. & Aquilino Coss. 286.

S Y M M A R I A.

- 1 Res propria an sibi relinqui possit.
- 2 Res propria qua.
- 3 Res, quæ initio legatarij erat, si postea ab alienata sit, an debeatur.

1 **R**es legatarij ꝑ propria inutiliter ei relinquitur; quoniam amplius res eius fieri non potest, quo fit, vt legatum legatario sit inutile & proinde nullum, §. *sed si rem legatarij*. *Inst. eod.* Rem propriam ꝑ sic accipere debemus, quæ omni ex parte propria est legatarij. Quod si in ea re, cuius proprietas est legatarij, testator aliquod ius habeat, velut ius vctigalis prædij, velut superficiem in solo legatarij, aut vsum fructum in re legatarij, hanc rem vitiliter legabit testator; quoniam hæc ius legatum vitile est, vt ei præstetur, quod fuit alienum. Exempla sunt *in l. si domus*. §. *vt. l. si sibi*, §. *vt. de leg. 1. l. 3. §. vt. de leg. 3.* Et hoc ius de re propria legatarij certum est, si legatæ rei proprietates adhuc erit legatarij. At qui si res, quæ initio legatarij erat, postea ab alienata sit, an non debeatur videtur debere impedimento sublato, quod prius legato obstabat. Respondeo: Hic distinguitur: Distinctio existat *in l. cetera*. de leg. nam si pure res legatarij ei legata est, nunquam debebitur, etiam si postea eius esse desierit, quamuis viuo adhuc testatore.

Efficitur id regula Catoniana, quæ ita se habet: quod si testator statim decessisset, non valuit id, quodcumque; decesserit, non valebit, *l. de reg. Car.* quæ regula aliis verbis expressa est, cum ita definitur, quod ab initio non valuit, tractu temporis cõualefcere non potest, *l. quod ab initio*, de reg. iur. Posuimus autem rem propriam legatarij ab initio inutiliter ei legari, si testator statim decesseret. Proinde quamuis mutata sit postea rei conditio, quodcumque testator decesserit, legatum non valebit. Quod si res legatarij legata ei sit sub conditione, & existente conditione res eius esse desierit, legatum valebit, *d. l. cetera*. §. *1.* Ratio differentie hæc est; quoniam, vt alia regula comprehensum est à veteribus, regula Catoniana ad legata conditionalia & conditionales institutiones nõ pertinet, *l. pen. de reg. Caton.* Exemplum de legatis existat *in d. l. cetera*. §. *1.* Cur autem ad conditionalia nõ pertinet hæc regula, exponitur *in l. 1. de reg. Caron.* Cuius hæc sententia & ratio est, quod regula Catoniana recepta est de eo, quod non valet ab initio ad legatum conditionale, in quo res legatarij ei relinquitur, non tam ac initio non valet, seu vitiosum est, quam nullum est; quoniam quod sub conditione datur, pendente conditione non datur, *l. cetera*, de verb. sig. Quod si re aliena sub quavis conditione legata domino legatum debeatur, si existente conditione res legatarij esse desinat; multo magis debebitur, si res ei sua legata sit nominatim sub hac conditione, si viuis eam alienasset, quod est exemplum *dist. leg. 1. in fin. de reg. Caton.*

Ad L. Monumenta, 14.

Iidem AA. Tatiano.

Monumenta quidem legari non posse manifestum est: ius autem mortuum inferendi legare nemo prohibetur. PP. 2. Kalend. Septemb. Maximo II. & Aquino Coss.

S Y M M A R I A.

- 1 Monumenta que hic dicuntur.
- 2 Monumenta cur non possint legari.
- 3 Ius mortuum inferendi in sepulcrum potest legari. Quid hodie apud Christianos.

Res, quæ in heredem commercii, seu bonis non sunt, non possunt legari: contra res priuatæ omnes legari possunt tam propriæ, quam alienæ, *l. cum seruus*, §. *vt. de leg. 1.* Ad hanc definitionem referri debet species huius rescripti. Monumenta legari non possunt, vbi monumenta ꝑ specialiter dicuntur, non monumenta quæuis, sed monumenta, in quæ mortuus illatus est, id est, vno verbo sepulcra, vt *in l. si sepulcrum*, sup. de relig. Hæc ideo ꝑ legari non possunt; quia sunt religiosa, §. *religiosum*. *Inst. de rer. diu.* Res autem factæ religiosæ, existimantur esse diuini iuris, ac proinde nullius in bonis, *l. 1. de rerum diuis.* At contra ius ꝑ mortuum inferendi in sepulcrum legari potest; quoniam hoc ius priuatum est, vnde & de eo priuatæ actiones competunt, *l. 1. & tot. tit. de mort. infer.* Hoc autem dictum est ex more Romanorum, apud quos sepulcra erant priuata, & iure Romanorum vnusquisque locum religiosum facit mortuum inferendo in suum locum, *d. §. religiosum*. Apud Christianos sepulcra non sunt, nisi in cæm teris, quæ sunt publica. Proinde & ius mortui inferendi in cæmterium, publicum est; quapropter nihil horum hodie legari potest.

Ad L. Si vniuersa, 15.

Iidem AA. Terentio & alijs.

Si vniuersa facultates, quas pater vester reliquit, d. bito fiscali, aut priuato absumantur, nihil ex his, quæ testamento eius adscripta sunt, valere potest. Quod si deducto debito in relictis bonis superfluum est, libertates impediri in iis ratio non permittit. Quinctiam legata, nec non fideicommissa salua lege Falcidia præstanda sunt. PP. 3. Kalend. Octob. ipis IV. & III. AA. Coss. 290.

S Y M M A R I A.

- 1 Heres quibus modis creditoribus hereditarijs, & quibus legatarijs ad legata præstanda obligetur.
- 2 Heres cur aliter legatarijs, aliter creditoribus obligetur.

Heres obligatur ꝑ creditoribus hereditarijs, *l. vlt. sup. de hered.* *ad. Idem* obligatur & legatarijs ad legata præstanda, de quo *l. 2. sup.* Sed obligatur ex iis causis longe dissimiliter. Nam creditoribus hereditatis tenetur in solidum, etiam si hereditas solueri non sit, *l. more de acquir. hered.* nisi inuentarium fecerit secundum formam à Iustinião constitutam; quo casu tenetur in solidum, quatenus facultates ferunt, *l. vlt. §. et si præstatam*, & *§. si in vero postquam* *infr. de iur. delib.* At sic non tenetur heres legatarijs, vt h. nam vltra vires proprij non debentur legata, vt *h. in princ. & in l. si si, qui, ad Trebell.* Et bona, seu proprium cuiusque intelligitur deducto ære alieno, *l. sub signatio* §. *bona de verb. sign.* Proinde cum de legatis præstandis agitur, ante omnia deducendum est, quod creditoribus debetur: quo deducto si nihil superest, nihil legato, aut fideicommissio debetur, vt idem epertius positum *in princ. h. e.* Id autem efficitur lege 12. tabularum, qua fit potestas cuique legandi, sed de re & bonis suis, *l. vlt. de verb. signifi. l. testandi. sup. de testam.* Non legat autem de bonis suis, qui supra vires suorum bonorum legat, ac proinde inutiliter legat.

Quod si deducto ære alieno aliquid superest; tamen ex lege Falcidia nõ licet legare vltra dodrantem proprij, quod proprium lex vult æstimari, non tantum deducto ære alieno, sed etiam deductis pretijs seruorum testamento manumissorum, §. *vt. Inst. ad legem Falcid. leg. 1. Dig. ad leg. Falcid.* Proinde si deducto ære alieno aliquid in bonis superest, videndum est, an aliqui serui sint testamento manumissi, hi ante omnia libertatem saluam consequuntur. Et rursum eorum pretia de eo, quod supererit, deducuntur. Iis omnibus deductis, si quid adhuc superest, de eo legata præstantur, ad hunc modum, vt tres partes dentur legatarijs, quarta apud heredem maneat. Hoc enim lex Falcidia exigit, & hoc modo fiet, vt legata præstentur salua lege Falcidia, vt hic in extremo scriptum est. Sed cur ꝑ heres aliter obligatur creditoribus, aliter legatarijs? Quia creditoribus solidum debetur ex l. Heres autem in ius omne defuncti succedit: At legata relicta non statim ipso iure valent, sed in modum lege constitutum. Hic modus lege Falcidia constitutus est.

* *

Ad L. Creditor. 16.

Iidem AA. & CC. Syllæ.

Creditor si à debitore suo rem, quam pignoris nomine suscepit, legatam sibi contendit, etiam debito ab heredibus eius oblato, quo minus restituat, defendi potest. S. 18. Kalend. Febr. Sirmij CC. Coss.

S V M M A R I A.

1. Pignus creditori legatum ab eo repeti non potest, atq; ita ipse pignoratitia actione liberatur, quamuis heredes defuncti pecuniam debitam ei offerant.
2. An è conuerso debitor, siue heres eius actione in personam, qua creditor tenebatur, liberetur, num. 2.

Creditor, qui à debitore pignus accepit, eodem tempore & actionem aduersus debitorem habet, & ipse debitori actione tenetur. Actionem habet aduersus eum de pecunia credita. Debitori tenetur actione pignoratitia de pignore restituendo, cum pecunia ei à debitore soluta erit, aut eo nomine ei satisfactum, §. vlt. Instit. quibus mod. re contrah. obligat. l. si rem, §. omnis. D. de pignorat. act. Si debitor hoc pignus leget creditori suo, duo quaesita sunt de iis actionibus, quas supra dixi. Ac primo quaeritur, an heredes defuncti debitoris, qui & ipsi in actione pignoratitia succedunt, possint oblata pecunia creditori, rem illi pignori obligatam repetere, quemadmodum ab initio defunctus potuisset? De hac quaestione hic rescriptum est: Pignus ꝑ creditori legatum ab eo repeti non posse, quamtumuis heredes defuncti pecuniam debitam ei offerant. Hic opponitur ius publicum de pignoratitia actione, de quo supra dictum. Verum Imperatores significant, postquam pignus creditori legatum est, eadem opera & dominium rei legatæ in eum translatum esse, & pignoratitia actione de pignore esse liberatum.

Sed quomodo dici potest esse liberatus pignoratitia actione, cum testator de ea liberatione nihil cauerit? Respondeo, hæc liberatio necessaria consequentia efficitur: Nam regula iuris est: Pignus rei nostræ non consistere, id est, rem nostram nobis pignori esse non posse, leg. neque pignus, de reg. iur. Huic regulæ consequens est, si creditor rei pignori datæ dominus esse cœperit, continuo pignus extingui, ac proinde eum pignoratitia actione de pignore liberari. Incipit autem esse dominus, cum pignus ei legatum est; nam rei legatæ dominium in legatarium transit, etiam ipso iure, l. legatum, de leg. 2. l. à Titio, de furt.

Secundo loco quaesitum est, an quemadmodum ex hoc legato creditor liberatur actione pignoratitia, qua prius tenebatur, an item è conuerso ꝑ liberetur debitor heresi eius actione in personam, qua creditori tenebatur, vt deinceps ambo inuicem liberi discedant, & creditor & debitor? Et placuit solum creditorem pignoratitia actione liberari. Debetur autem ei non minus pecunia de re, quam ante, leg. creditorem, de legat. 2. Differentia ratio est in promptu; quia legatum pignoris non potest consistere, cum statim pignus perimatur. At nihil prohibet, quo minus in eiusdem creditoris persona concurrat, vt & dominus sit pignoris, & ei pecunia à veteri debitore debeatur, quoniam pecunia sine pignore deberi potest.

Ad L. Datum. 17.

Iidem AA. & CC. Eutychniano.

Datum legatum adimi tam iure, quam sub conditione, non libertas tantum, sed etiam ingenuus placuit. Dat. 3. Non. Martij CC. Coss.

Potestas adimendi legati hic constituitur, de qua parte dictum est ad l. 3. supra. Vtrum autem ademptum legatum non debeatur ipso iure, an vero per exceptionem, recte in glossa exponitur.

* *

Ad L. Ex legato. 18.

Iidem AA. & CC. Iustino.

Ex legato nominis, actionibus ab his, qui successerunt, non mandatis, directas quidem actiones legatarius habere non potest: Vtilibus autem suo nomine experietur. Dat. 6. Idus Decemb. CC. Coss.

S V M M A R I A.

1. Nomen dicitur id, quod est in actione, seu id, quodcumque debetur quamvis actione.
2. Ex legato nominis 100. aureorum quid consequatur legatarius, & an possit eos à L. Titio petere cõditione incerti, vt potuisset defunctum.
3. Mandare actionem quid.
4. Procurator quis.

Testator 100. aureos mutuo dederat L. Titio, qui proinde ei debentur, & peti possunt certi conditione in eam rem constituta. Inst. quib. mod. re contrah. obl. in pr. Hoc nomen testamenti legauit. Nomen ꝑ dicitur id, quod est in actione, seu id, quodcumq; debetur, quamvis actione, l. qui chirographum, in fin. de leg. 3. Itaque ex hoc legato solum actiones defuncti legatæ intelliguntur, leg. si sic legatum, §. fin. de leg. 1. Quaesitum est, ꝑ ex hoc legato quid consequatur legatarius, & an possit 100. aureos à L. Titio petere conditione certi, itidem vt potuisset defunctus? Respondeo: Legatarium directas actiones habere non potuisse, nisi ei mandata sint ab heredibus, ceterum vtilis eum habere suo nomine, quamuis nullis datis actionibus.

Directa actio cum vtili opponitur, dicitur actio, quæ ex verbis legis competit, non tamen ex sententia. Vtilis, quæ deficientibus verbis legis, datur ex sententia legis, propter vtilitatem, §. vlt. Inst. de leg. Aquil. vbi exemplis accommodatis hoc ius explicatur. Directa sic dicta; quia verba legis de ea actione dirigitur ad eum, cui hæc actio competit, & in quem competit. Vtilis autem dicitur vel ideo; quia etiam sine verbis, tamen vtilis est ad acquirendum, vt quibusdam placet, vel quod verius est; quia cessantibus verbis legis tamen constituitur propter vtilitatem & æquitatem eandem, quod significatur in l. quia actiones. D. de præscr. verb. vbi dicitur actionem in factum suppleri à prætore ex lege Aquilia, idque ideo, quod vtilitas legis id exigit. Ab vtilitate vtilem dici constat, & quæ illic dicuntur in factum, hæc ipsæ sunt, quæ dicuntur vtilis. dicit. §. vlt. Inst. ad leg. Aquil. vt intelligitur ex l. boues. D. ad leg. Aquil. vbi in exemplo eius loci actio in factum datur, quæ in eodem exemplo dicitur vtilis in d. §. vlt.

In contractibus, seu testamentis exemplum propositum est: Actio ex verbis iuris, id est, directa, competit ei, qui contraxit, aduersus eum, cum quo contractum est, id est, aduersus eum, qui ex contractu obligatus est, §. 1. Inst. de obl. iuncto §. sed ista, eod. tit. l. actio-num, de obl. & act. Proinde in specie proposita, vbi pecunia mutuo data est, directa actio competit creditori; atqui si actio competit, competit eius pecunie reperendæ causâ, vnde eam vtilem esse necesse est. Secundum hoc in proposito recte dicitur, cum testator nomen alicui legauit, legatarium directam actionem habere non posse; hæc enim creditoribus dantur: Legatarius creditor non est, nec legatum nominis potest efficere, vt videatur pecuniam creditisse is, qui reuera non credit. Id adeo verum est, vt quamuis heredes testatoris eiusdemque creditores, actiones suas mandauerint legatario, tamē legatarius directam actionem habere non possit suo nomine: semper enim verum est, legatarium creditorem non esse; sed tamen, vt hic dicitur, si ei mandata sint, eas habere potest, nempe nomine heredum, non suo, & ex persona heredum, non sua, quod intelligemus, si sciuerimus, quid sit mandare actiones.

Mandare actionem, ꝑ eodem modo dicitur, quo mandare administrationem alicuius negotij. Vt igitur mandare administrationem est negotium alicui gerendum nostro nomine mandare, sic mandare actionem, est actionem nobis competentem, id est, directam committere alicui exercendam in iudicio nostro nomine. Et quod aptius dictum est à veteribus aliis verbis, mandare actionem alicui, est cum procuratorem in rem suam facere ad petendum, quod nobis debetur, ex persona nostra & nostro nomine, quod intelligitur ex leg. ex nominis, supr. de hered. vel act. vend. vbi dicitur emtor actionis habere vtilem actionem, etiam si procura-

curator factus non fit in rem suam: quibus verbis exprimitur hæc sententia, etiam si ei mandata non sint actiones: quib. verbis virtur. *Lemtor. eod. tit.* Is cui mandatur directæ actiones, dicitur procurator duabus de causis. Primo, quoniam mandato creditorum actionem exercet. Est tamen procuratoris, qui mandato domini negotia administrat, *l. de procur.* Deinde, quod exercet actionem nomine mandantis. Vnde procurator in rem suam numeratur inter eos, qui actionem sibi alieno nomine dari postulabunt, *l. seruus. §. vlt. de procurat.* Sed idem dicitur procurator in rem suam quia hæc actiones ei mandantur, vt exercentur ad vtilitatem & commodum eius, vt & commodum & incommodum iudicii ad eum pertineat, *l. qui stipendia, supr. de proc.* Vnde subtilitate iuris procurator est effectus & re ipsa dominus actionis, euentu scilicet inspecto. Quam ob causam is, cui mandata sunt actiones, siue qui in rem suam procurator factus est, præfertur domino, id est, vero creditori in ea lite, nec ab eo mandatum reuocari potest, vt à ceteris procuratoribus, *l. procuratore in rem suam dato, de procurat.* Hæc de directis actionibus.

Quod ad actiones vtilis, attinet, expressum est hoc rescripto etiam, nullo modo mandatis actionibus directis, tamen legatariū habere actionem aduersus ebitorem testatoris, non minus, quam si ipse pecuniam credidisset, sed habere nõ ex verbis legis, verum ex mente & sententia legis propter vilitatem & æquitatem rei. Æquitas hæc est; quia si alias res corporales testator legasset, statim dominium in legatarium transiret, *l. legatum, de legat. 2.* Par igitur & æquum est, idem de actionibus legatariū statui. Est enim natura actio nihil est, non enim est res corporalis, quæ subsistat; tamen iuris intellectu res est, & subsistit, numeraturq; in bonis. Et generaliter iure communi receptum est, quotiescunq; verus creditor voluit actionem suam in aliquem transferre, interposita ea causa, ex qua ceteræ res corporales transferri & acquiri solent, toties in eum, cui creditor actionem translata voluit, actio vtilis transit, sine alia cessione, & sine alio mandato, quam is suo nomine exerceat, veluti si creditor actionem suam vendat, si dedit creditori in solutum, si dedit in dotem, si donet, si leget. Exempla existant multis in locis. *Lemtor, & l. ex nominis, supr. de hered. vel actio. vend. l. vlt. quando fideus, vel priuat. sup. l. 2. supr. de oblig. & act. l. infra. de donat. & hac lex legato.*

Hinc oritur dubitatio, si et cui nomen, seu actio legata est, cõpetat actio vtilis suo nomine, etiam non mandatis directis actionibus, quid opus est querere de actionibus directis, & expectare, donec illa mandentur ab heredibus, cum traditum sit in *l. actio, antepen. d. de neg. gest.* directam & vtilem actionem esse eiusdem potestatis, & eundem effectum habere? Respondeo: Vtilis actio eundem effectum habet, si actio sola spectatur: si spectetur sola persona agentis, inter directam & vtilem multum interest. Is, cui actio legata, aut vendita est, directam actionem sibi mandatam exercere potest, sed non exerceat, nisi ex persona mandantis, *l. ex nominis, supr. de hered. vel act. vend. l. vlt. quando fideus, vel priuat.* At vtilem actionem exercet tantum suo nomine, non alieno, hinc fit, vt qui directam actionem exercet: quoniam exercet ex persona creditorum, simul etiam creditorum iure in ea actione vtatur, *l. emtor, de hered. vel act. vend.* Qui autem exercet vtilis actiones; quoniam suo nomine agit, etiam suo iure vt tantum debet, vel potius iure communi actionis, nec villo proprio priuilegio creditoris vtitur. In qua differentia magnum commodum versatur directarum actionum, si quis proponat creditorem esse priuilegiatum, & actionem daram priuilegiariam, puta, actionem tut. mandatam esse ab eo, qui olim pupillus fuit, aduersus tutores suos.

Ad L. Non tantum. 19.

Idem AA. Eutychiano.

Non tantum duorum mensium, sed & minoris temporis maritus uxoris testamento scriptus succedit, nec legata, vel fideicommissa, seu donationes temporis huius angustia capi prohibet. Datum. V. Idus Decemb. Nicomedia. CC. Coss.

S V M M A R I A.

1 Donationes inter viuos in maritum collata morte vxoris confirmantur.

2 Vxor an marito legare possit.

Vxor marito inter viuos donare non potest: testamento donare, & eum heredem instituire potest; & generaliter quiduis donare potest post mortem suam, adeo vt donationes tamen inter viuos, in maritum collata moriente vxore confirmantur, si reuocata non sint, *l. cum hic status, de don. inter vir. & vx.* Vxor marito legare potest, & tamen ita legatum consistit, quatinus matrimonium cum marito vel vna die steterit, vt hic scriptum est: Et merito: nã etiam ignoto & extraneo cuius relinqui potest, *§. vlt. Inst. de hered. Inst.* multo magis noto & coniuncto, vt maritus est: quamuis hæc coniunctio non fuerat duratura.

Ad L. Vxor. 20.

Imp. Constantinus, Constantius & Constans, AAA. ad populum.

Vxor patru tui, si testata decesserit, res tuas, tantum vsumfructum earum habens, legare non potuit. Dat. VIII. Cal. Ian. CC. Coss.

S V M M A R I A.

1 Anque vsumfructum habes rerum, eas legare possit Titio. Et an legatum rei aliena valeat.

Estque in quibusdam rebus vsumfructum tantum habebat, eas res legauit Titio. Hic scriptum est, eã eas res legare non potuisse, quod manifeste falsum esse videtur. Nã certi iuris est: Vnumquemq; nõ tantum res proprias legare posse, aut res heredis, sed etiam alienas, *l. cum seruus alias apud tul. §. vlt. de leg. 1. l. cum alienam, infr. eod.* Ad solutionem huius obiectionis nihil pertinet, quod vulgo responderetur: Cum scilicet testatrix legauit eas res, in quibus tantum vsumfructum habebat, non videri proprias legasse, sed tantum vsumfructum, quia voluerit legare id solum, quod habebat. Primo, quia si quis rem alienã legauit, tota res debetur, etiam si testator in ea re aliquid sui habeat, nisi testator adiecerit in eum, vt videlicet diceret fundum meum Tusculanum do; lego. Nam hæc adiectione declarat, se nihil legare velle, quam quod suum est *l. 5. §. vlt. de legat. 1.* Deinde etiam si re aliena legata non intelligatur testator amplius legare, quam id, quod suum est, non tamen ideo efficitur eum legare non potuisse id, quod alienum est, potuit enim, si voluisset, & id aperte declarasset. Nunc autem in hoc rescripto dicitur testatricem non potuisse res alienas legare. Propositio concepta est de eo, quod testator potest. Interpretes respondent de voluntate testatoris, id est, de carbonaria interrogari, ad calcaria respondent.

Vera solutio hæc est: Recte dicitur testatricem in proposito potuisse res alienas legare & eandem non potuisse legare, diuersa significatione. Potest res alienas legare, vt legatum consistat. Id significatur, cum dicimus rem alienam legari non posse, *§. non solum Inst. eo.* At testatrix res alienas non potest legare, vt eas pro suo iure in legatarium transferat; nam legare donare est: eã proprie dicimus donare, quæ in alios transferimus, *l. 1. de donat.* Et hæc quoque legati vis est, vt dominium rei legatæ transferatur in legatarium, *l. legatum, de legat. 2.* Hoc sensu non potuit testatrix in specie proposita res alienas legare, vt earum dominium transferret. Dubitationis causa hæc fuit quod testatrix in his rebus vsumfructum habebat, vnde videri poterat de iis rebus potuisse statuere pro suo iure. Respondent Imperatores, si legatarius id putet, eum errare, & addunt rationem, quia testatrix solum vsumfructum habuerit in iis rebus: qua ratione explicata, certum est res illas non fuisse testatricis; nam vsumfructus est ius vtendi fruendi rebus, sed alterius.

Ad L. In legatis. 21.

Imp. Constantinus, Constantius & Constans, AAA. ad populum.

In legatis, vel fideicommissis necessaria non sit verborum obseruantia: ita vt nihil profus inter sit, quis talem voluntatem verborum casus exceperit, aut quis loquendi usus effuderit. Datum. Calend. Februar. Constatio II. & Constante Coss. 339.

S V M M A R I A .

- 1 Quatuor genera legatorum olim qua.
- 2 Eorum effectus diuersi.

1 **S**criptum est in §. 1. *Instit. eod.* olim † quatuor genera legatorum fuisse, per vindicationem, per finendi modum, per præceptionem, per denuntiationem: & singulis generib. propria verba attributa fuisse, quibus singula exprimerentur. Horum † generum diuersos fuisse effectus, cum de actionibus quaeretur. Huiusmodi autem solemnitate verborum, postea constitutionibus Imperatorum sublata esse. Accurcius illic scribit, hanc constitutionem non extare. Errat, constitutio significatur huius legis: Est enim constitutio trium Imperatorum; vna, si omnes Imperatores coniungas; sin autem singulos Imperatores spectes, totidem sunt singulorum constitutiones. Diserte autem hic tollitur obseruantia verborum solemnium in legatis. Vitate hæc obseruantia nihil aliud est, nisi solemnitas verborum, hanc Iustinianus dicit sublata esse à prioribus principibus. Manebat etiam adhuc differentia singulorum generum; hæc deinde à Iustiniano sublata est; vnde bene Iustinianus hanc emendationem sibi tribuit, ne forte quis hunc locum refragari existimet. Hoc in l. i. *infr. commun. de legat. §. nostra, Instit. eod.*

Ad L. In annalibus. 22.

Imp. Iustinian. A. Mennæ præfecto Prætorio.

In annalibus legatis, vel fideicommissis, qua testator non solum ex actione omnibus heredibus, & eorum heredum heredibus seruari pro voluntate testatoris præcipimus. Dat. III. Id. Decemb. Constantinop. Dn. Iustin. A. PP. 2. *Coss.*

S V M M A R I A .

- 1 Si testator decem annua legans Titio, nihil exprimat de heredibus Titij, legatum est personale, nec morte legatarij finitur.
- 2 Testatore decem annua legante Titio, & heredibus, vtrum mortuo Titio legatum ad primum heredem eius tantum, an vero ad omnes heredes & heredum heredes pertineat, vsq. in infinitum.
- 3 Significatio heredis omnes heredes in infinitum continet.
- 4 Vusufructu Titio legato, herediq. eius, vsufructus ad heredem fructuarij transire; ad heredem tamen primum solum: mortuo illo finitur.
- 5 An idem sit in legato annuo.

1 **C**um † testator decem annua Titio legat, si de heredibus Titij nihil exprimit, placet legatum esse personale, & morte legatarij finiri, similiter & vusufructum, l. 4. *D. de annuis legat.* Vbi & ratio huius iuris addita est. Idem in l. si Stichum 16. §. 1. *de verb. obl.*

2 **Q**uod si testator † decem annua legat Titio, & heredibus eius, quaesitum est, vtrum mortuo Titio legatum ad primum heredem eius tantum pertineat, aut vero ad omnes heredes & heredum heredes, vsque in infinitum? Controuersia nascitur ex contrariis legibus. Nam significatio † heredis omnes heredes in infinitum continet, & ita receptum est, l. heredis appellat. *de verb. sign.* Rursum † cum vusufructus Titio legatus est, hereditate eius, Iustinianus constituit vusufructum quidem ad heredem fructuarij transire, sed solum ad heredem primum: mortuo autem herede primo finiri, l. antiquitas. *sup. de vusufruct.* Par † esse videbatur, vt idem probaremus in legatis annuis, nam & hæc, vt vusufructus, personalia, & morte legatarij extinguuntur.

Iustinianus in hac dubitatione hic constituit, cum decem annua legata sunt Titio, hereditate eius, legatum esse perpetuum, & ad omnes heredum heredes successionem pertinere. Recte Iustinianus, nimirum ex verbi significatione, à qua recedendum non est, nisi cum apparet aliud sensisse testatorem, l. non aliter. *de leg. 3.* Cur ergo aliud constituit idem Iustinianus in vusufructu, qui legatus est Titio, herediq. eius? Ratio hæc est; quia in vusufructu apparet non sensisse testatorem, vt vusufructus ad omnes heredes & heredum successores in infinitum pertineret, quoniam cum vusufructum legauit, apparet eum noluisse legare proprietatem. At si vusufructus ad omnes heredes in infinitum pertineret, non esset vusufructus, sed proprietas; quoniam proprietas nulla esset, vt quæ proprietario esset inutilis. Hoc sensu Iustinianus in *dist. l.*

antiquitas, dixit; se constituere in vusufructu, ne proprietatis inutilis esset semper abecedente vusufructu.

Ad L. Cum quaestio. 23.

Idem A. Iuliano præfecto prætorio.

Cum quaestio talis de significatione verborum animos verum mouit, si quis cuidam agrum Cornelianum puta, vel alium quempiam in solidum legauerit, deinde alij partem eius dimidiam, quantam portionem primus, quantam secundus legatarius consequitur: simili dubitatione & in hereditate & in fideicommissis habita: cumque computationes multa introducebantur, & multis ratiocinationibus dignæ nos huiusmodi computationes quasi superfluas & contrarias voluntati testatoris, omnes esse sapiendas censemus. Cum enim manifestum est, eum, qui ab initio duodecim vncias rei cuidam reliquit, alij autem postea sex, recessisse quidem à priorie voluntate, voluisse autem minus eam sex vncias, cum alij eas obtulis: & præsens casus exitum apertissimum inueniet. Si quis itaque vel agrum, vel hereditatem reliquerit, primo quidem in totum, secundo autem in partem dimidiam: vtrumque in sex vncias esse, vel dominum rei legata, vel heredem. Et si tota re primo relicta, tertiam partem secundo reliqueris, secundum traditum modum octo quidem vncias, vel agri, vel hereditatis apud primum remanere, tertiam autem partem, vel quatuor vncias ad secundum migrare. Et sic in omnibus statuendum est, id est, in hereditatibus, vel legatis, vel fideicommissis. Vestigia enim voluntatis testatoris non aliter, nisi per huiusmodi viam estimanda sunt.

S V M M A R I V M .

- 1 Testator legante alicui totum, & eiusdem rei partem dimidiam alij, quantum in hoc legato ad vtrumque legatarium pertineat, & quomodo res legata inter primum & secundum diuidi debeat.

Cum testator † legat alicui totum, & eiusdem rei partem dimidiam alij, hoc modo: fundum Tusculanum primo fundum de lego, eiusdem Tusculani partem dimidiam secundo de lego. Quaesitum est, quantum in hoc legato ad vtrumque legatarium pertineret, & quomodo res legata inter primum & secundum diuidi deberet? Iustinianus initio constitutionis ostendit varias diuisiones hic à veteribus excogitatas esse. Possunt autem in hac specie tres diuisiones fingi, quarum vnaquæque sua ratione defenditur, vnde ambigendi causa, quæ constitutioni Iustiniani materiam præbuit. Primo dici potest fundum, de quo quaeritur, in tres partes diuidendum esse, ex quibus duas accipere debeat primus, vnam secundus. Optima ratio; quia cum totum primo legatum est, deinde totius dimidium secundo, apparet duplo plus primo legatum esse, quam secundo. Igitur in diuisione eadem proportio seruanda est, vt primo duplo plus tribuatur, quam secundo ex voluntate testatoris, & ita ex prima & secunda vncias, primus octo vncias habebit, secundus quatuor, id est, primus duplo plus, quam secundus. Pro hac diuisione facit *Interdum §. i. vers. sed si excesserit. D. de hered. Instit.*

Secunda diuisio admitti debere videtur, vt fundus legatus diuidatur in duos semisses, ex quibus vnus integer sine controuersia ad primum pertinebit; nam cui totus fundus legatus est, ei multo magis dimidium integrum legatum est. Alter semis diuidetur inter primum & secundum. Hæc diuisio differet à prioribus, quia ex priorie diuisione primus accipit tantum octo vncias ex duodecim, secundus quatuor. Ex secunda autem diuisione, quam diximus, primus accipit nouem vncias ex duodecim, nempe semissem, & præterea tres vncias, partem semissis reliquit; secundus autem accipit tantum quartam partem totius, id est, tres tantum vncias. Defenditur autem hæc diuisio hac ratione; quia dimidilla pars fundi, quæ secundo legata est, eadem etiam legata est primo; cum enim primo legatur totus fundus, simul legantur ei duæ dimidillæ fundi, ex quibus totus fundus constat. Proinde in hanc dimidiam ambo concurrunt, vt fit cum eadem res duobus legata est, si eadem. *Instit. de legat.*

Sed iis diuisionibus duabus repudiatis Iustinianus hic constituit tertiam, ut fundus inter primum & secundum legatarios diuidatur ex æquis partibus & primum vnam dimidiam accipiat. secundus alteram dimidiam. Quæ sententia non tantum prima ratione noua videtur, sed etiam absurda. Nam aperte absurdum est, ut secundus, cui dimidium tantum legatum est, tantundem accipiat, quantum primus, cui duplo plus legatum est.

Respondeo: Estet omnino hoc absurdum, si totus fundus primo legatus esset, ut ab initio legatus videtur, sed cum testator legauit postea secundo eius fundi partem dimidiam, hanc ipsam dimidiam intelligitur ademisse primo, ac proinde nec ei legalia ademta primo dimidia, sola altera dimidia relinquatur, quæ ei tribuatur. Vnde intelligitur nihil amplius vtrique legatum, quam dimidiam. Primum omnibus interpretibus occurrit hic locus, qui ex diametro pugnare videatur *dict. leg. interdum, §. i. vers. sed si excessiue, de herediibus insit.* vbi testator vnum heredem instituit ex æsse, id est, ex tota hereditate, deinde alterum instituit ex sex vnciis, id est, ex dimidia parte æssis, & sic primo totam hereditatem dedit, secundo partem dimidiam: Placet non idcirco videri sex vncias ademtas priori heredi, ut sic prior heres habeat tantum sex vncias, & posterior sex. Sed placet priorem heredem integrum æssim habiturum, posteriorem sex tantum vncias, ut diuidatur hereditas in tres partes, ex quibus prior heres bessellem accipiat, id est, duas partes, nempe duodecim, posterior accipiat trientem, id est, tertiam partem, nempe sex ex octodecim vnciis.

Hic vulgo interpretes multa diuinando rem inuoluunt potius, quam expediunt, neque animaduertunt manifestam esse vtriusque loci decisionem in specie, quæ vtrouque proponitur. Longe aliud est vni dare totum, & alteri eius rei prius datæ partem dimidiam, ut fit in specie huius constitutionis: aliud primo dare totum æssim; deinde secundo sex vncias, seu partem dimidiam æssis, non addito, sex vncias eiusdem æssis. Qui dimidiam dat secundo, & nominatim adiicit dimidiam eius rei, quæ prius legata est, aperte priori legatario dimidiam partem detrahit, ac proinde in priore legato dimidiam eiusdem debitor. At is, qui secundo dat sex vncias simpliciter, seu dimidiam æssis simpliciter, non intelligitur dare sex vncias eiusdem æssis: æssis quidem, sed noui æssis, non prioris, propterea, quod testator potest hereditatis suæ tot vncias facere, quot velit, idque est, quod differit Vlpianus in *d. l. interdum, §. i.*

Secundum quam sententiam dicendum est, vbi testator heredem primum instituit ex æsse, id est, duodecim vnciis, secundum autem heredem ex sex vnciis instituit, hereditas intelligitur diuisa in octodecim vncias, quæ in tres partes diuidetur, è quibus duas accipiet primus, secundus tertiam, pro ea portione, ex qua prius instituti erant: ut si res reuocabitur ad vnum æssim, id est, ad duodecim vncias, as ita diuidetur ut primus habeat bessellem, id est, octo vncias, secundus trientem, id est, quatuor vncias, ut loquitur ibi Vlpianus, id est, ut primus duplo plus accipiat, quam secundus, nam in octo vnciis institutus est, ut hic in quatuor.

Et hic quidem locus solus occurrit interpretibus huic constitutioni contrarius, sed sunt adhuc aliæ obiectiones multo grauiores, quæ nobis diluendæ sunt. Ac primum aduersus rationem huius constitutionis & sententiam totam vehementer pugnat ea ratio, qua supra proxima secunda diuisione vsumus. Est autem ratio huiusmodi: Quoties duobus eadem res legata est, testator posteriori rem legando, non intelligitur eam priori adimere, sed ita legat, ut ambo legatarij in eandem rem concurrant, *§. si eadem, Institutus, de legat.* At in specie proposita, dimidia, quæ secundo legata est, prius legata fuit primo; nam cum primo totum legatum sit, non est dubium, quin ei singulæ dimidiæ totius legatæ sint. Proinde hæc dimidia, quæ secundo legata est, non intelligitur priori ademta, sed ambo primus & secundus in hanc dimidiam concurrerent, ut primus dimidiam integram suo iure habeat, & alterius dimidiæ secundo legatæ partem vna cum secundo accipiat, atque ita nouem vncias habeat ex duodecim vnciis, secundus tres duntaxat.

Respondeo, quod dicitur, cum eadem res duobus legata est, posteriore legato non a limi legatum priori, sed ambo legatarij in rem legatam concurrere, sic accipiendum est, cum duobus res solida legata est, ut duobus idem fundus Tusculanus, ut exempla probant in *dict. §. si eadem, & declaratur, in dicta leg. si pluribus, de legat. i.* Diuersum est, cum vna res primo tota legata est, alteri eiusdem rei pars dimidia. Nam pars dimidia priori detracta intelligitur, ut declaratur hac constitutione, ut dici possit

hanc constitutionem esse prioris illius interpretationem. Sed huic solutioni occurrit hac ratio: Quæ de re tota dicitur, eadem & de parte intelligenda sunt, *leg. qua de tota, de rei vindic.* At cum primo tota res legata est, deinde eadem tota legata est secundo, non intelligitur posteriore legato res tota detracta esse primo. Ergo & tunc secundo dimidia pars legata est, non intelligitur hæc dimidia priori ademta, ut eadem sit ratio partis, quæ totius.

Respondeo: Quod dicitur de parte, idem & de toto dici, sic accipiendum est, si in parte eadem sit ratio, quæ in toto, ut accidit in vindicatione partis, de qua agitur in *dict. leg. qua de tota, de rei vindicatio.* Sed in proposito non eadem est ratio totius, si secundo totum legatum sit, & dimidij, si secundo pars dimidia tantum legata, sit. Nam cum testator legat eandem rem totam secundo, tantum abest, ut hoc legato intelligatur voluisse totam adimere priori, ut potius singulis totam legando intelligatur eos in eadem re coniungere voluisse, quali coniunctim & vno verbo singulis legata. At cum secundo legat partem dimidiam eiusdem rei, apparet eum voluisse partes separare, ut dimidia apud secundum esset, altera dimidia apud primum. Sic enim fit, ut in his partibus legatarios disiungat, non vero coniungat.

Sed & aduersus solutionem superiorem & totam sententiam huius constitutionis opponitur *l. si alii, D. de v. usufr. legat.* vbi vni totus fundus legatus est, & alteri eiusdem fundi dimidia; & tamen placet ambo legatarios in hanc dimidiam concurrere. Species ita proponitur: Testator primo fundum Cornelianum legauit, deinde secundo eiusdem fundi Corneliani vsum fructum. Obseruandum est in hac specie videri primo totum legatum esse, deinde secundo eiusdem totius partem. Nam cum primo legatur fundus Cornelianus, intelligitur ei & legari proprietates fundi, & vsum fructus, ita ut nisi vtrumque detur separatim, fundus ex testamento peti possit, *l. Mauius, §. penult. D. de legat. 2.* Cum autem vsum fructus legatur secundo, non intelligitur solum legari vsum fructus, qui primo legatus erat, sed etiam ei intelligitur pars fundi legata, qui vsum fructus rei vicem obtinet, *l. qui vsum fructum, D. de verb. oblig. dict. l. Mauius, §. penult.* Et tamen placet in *d. l. si alii, de v. usufr. leg.* vsum fructum secundo legatum non adimi priori, sed vtrumque & primum & secundum in hanc fundi partem concurrere.

Respondeo: Species hæc si recte expenditur, ad speciem huius constitutionis nihil pertinet. Nam reuera vsum fructus fundi pars non est, & ideo dicitur emolumentis pars esse, non fundi, *d. l. Mauius, §. vlt.* Ob eandem causam is qui stipulatur vsum fructum, dicitur ei similis esse, qui partem stipulatur, *in dict. l. si vsum fr. de verb. signific.* Nam certe simile non est idem, idque per se patet. Nam fundus est res corporalis, vsum fructus res incorporalis. Nemo autem dixerit rem incorporalem rei corporalis esse partem. Porro qui partem dimidiam non legauit secundo, non potest dici eam partem priori ademisse, quam non legauit. Huc accedit, quod iterum ex constitutione Iustiniani pars dimidia secundo legata intelligitur priori ademta, si testator nominatim verbo, *partis eiusdem rei*, vsum sit id legando, quod testator non facit, qui fundum prius legat deinde vsum fructum; quod constitutum est non tantum propter auctoritatem constituentis, sed etiam propter manifestam rationem & æquitatem sententiæ Iustinianæ in hac lege, qua posita ita statuimus, quoties duobus eadem res solida legata est, potius singuli in eandem rem concurrunt ex æquis virilibus portionibus, *§. si eadem, Inst. eod.* Idem ex hac constitutione probandum est, si duobus ita res legata sit, ut vni legaretur solida, alteri eius rei pars sola dimidia. Neque hoc absurdum, quoniam pars dimidia secundo legata priori detracta intelligitur: ex quo euenit, ut dimidia solum priori relinquatur; vnde & æquas partes vtriusque in diuisione fieri oportet.

Ad §. vltim.

Sed et aliam disceptionem iuris antiqui non absterilem constituta decidere nobis humanum esse apparuit. Agitabatur enim si quis agrum Cornelianum, vel forte alium, vel quandam rem cuiusdam legauerit, & postea iterum, vel sapius et eandem rem per legatum, vel fideicommissum dederit, post rursus autem verba testamenti Sempronio eundem agrum, vel alium rem legauerit, ut sapius quidem fuisse Titii mentio, semel autem Sempronii, quid ista uendum est? Et quid iuris sit, si coniunctim,

aut separatim eis relinquatur, siue in legato hoc consistat, siue in hereditate? Huiusmodi igitur decedentes antiquam controuersiam, sancimus, cuiusque sit hereditas, vel ager in memoratis casibus, siue coniunctim, siue soli: siue sapius eidem relictus: aqua lance & hereditatem & agrum, & aliam quamcumque rem diuidi, & ad dimidiam partem unumquemque, vocari: nisi specialiter expresserit, & dixerit testator, tantas quidem partes uelle unum, tantas autem alterum habere. In omnibus etenim testatoris voluntatem, qua legitima est, dominari censemus: Datum XV. Kalend. Decemb. Lampadio & Orestis VV. C. l. 30.

S V M M A R I A.

- 1 Testatore legante eandem rem vni, quamuis leget sapius, tamen ei semel tantum debetur.
- 2 Verba stipulationis sic accipiuntur, vt semper aliquid egisse intelligantur.
- 3 Quicquid verba significant, id pro stipulatione accipi debet.

Cum testator ꝑ eandem rem vni legat, quamuis leget sapius, tamen semel e tantum debetur, l. plane vbi. §. 1. de legat. 1. Et merito; quoniam vna res legata est, non plures, quamuis eadem sapius legata sit. Vna autem amplius, quam semel præstari non potest. Itaque ingeminatio legati in eadem persona legatarij facta legato nihil adiicit. Hinc consequens est, quod hic à Iustiniāno constituitur, quoties eadem res duobus est solida legata, quāuis vni sapius legata sit, tamen non aliter inter legatarios res diuiditur ex æquis portionibus, quam si singulis semel tantum legata esset; quia quod sapius vni legatum est, ad legatum nihil adiicit: hoc enim iuris est, si vni soli legata esset.

Sed nō caret res dubitatione, quam ob causam Iustiniani constitutione opus fuit. Nam aliud receptum est in stipulatione serui communis, leg. 4. de stipulat. seruorum. Stichus duos dominos habens. Titium & Mæuium, hoc modo fundum stipulatus est: *Fundum Tusculanum Dominis meis, & Titio dare spondes?* Vel hoc modo, *Titio & Mæui, & Titio dare spondes?* Propter ingeminationem Titij placuit in hac specie duplicem diuisionem fieri; primum diuidendum esse fundum in duos semisses, ex quibus vnus semis ineger pertineat ad Titium, alter semis rursus diuidi debeat in duos quadrantes, ita vt Titius vnū quadrantem id est, tres vncias habeat, Mæuius alterum quadrantem, id est, reliquas tres vncias, vt in summa Titius dodrantem habeat, id est, nouem vncias, Mæuius quadrantem, id est, solum tres vncias.

Sed aliud seruatur in cōtractibus, aliud in legatis & testamentis; quoniam aliud contrahentium, aliud testatoris voluntas exigit. In stipulationibus; quoniam qui stipulatur hoc animo est, vt sibi caueat & acquirat aliquid, placet ꝑ verba stipulationis sic accipi, vt semper aliquid egisse intelligantur, l. quicquid, l. quoties in stipulat. de verb. oblig. Et ꝑ quicquid verba significarunt, placet id pro stipulatione accipi debere; quia non frustra sibi cauerit, leg. quicquid, in fin. prim. vers. de verb. oblig. Proinde, quod seruus bis Titio domino stipulatus est, sic accipi debet ingeminatio, vt nōn frustra Titio bis stipulatus sit. Id autem ita fiet, si verbis ei stipulatus est, vt bis in eius vtilitatē fundus diuidatur. Alia mens est testatoris, cum fundum duobus legat, quamuis bis vni leget. Non enim intelligitur propter ingeminationem legati, plus vni tribuere voluisse, propter alterum col' egatarium, quem pariter dilexit. Id ex eo apparet, quod ei pariter fundum solidum legauit. In testamentis autem non quid scriptum sit, spectatur: sed quid testator voluerit: quia totum in his voluntas facit, *Lex factio. §. rerum. D. de hered. In fl. 12. in fin. de leg. 1.*

Ad L. Cum quidam. 24.

Idem A. Ioanni prefecto Pratorio.

Cum quidam suum filium familias impuberem exheredatum fecit, aliis heredibus scriptis, eidem autem pupillo alium substitutum reliquit, maximam scilicet ostendens ad filium suum affectionem, cui nihil quidem emolumentum reliquit, sed post exheredationis iniuriam, etiam substitutionem ei addidit, & à substituto legato vni reliquit: querebatur, si huiusmodi le-

gatum, vel fideicommissum posset valere. Sed & si legatum eidem exheredato filio pater reliquerit, & substituerit ei exheredato facto aliquem extraneum: iterum certabatur, si saltē per eandem modum fideicommissum posset relinquere. Cum igitur antiquitas quidem hoc diuersē tractare maluerit, nobis autem huiusmodi iurgia superuacua esse videantur: sancimus, nullo legato, nullo fideicommissum huiusmodi substitutum, qui exheredato pupillo datus est, prægruari: nec si ipsam rem, quam pupillo legauit, à substituto eius vel legare, vel fideicommittere voluit. Datum II. Kal. May, Constantinop. post consulatum Lampadij & Orestis VV. CC.

S V M M A R I A.

- 1 Sententia huius legis.
- 2 An ab exheredato substituto legari, aut fideicommissum possit, & nō.

Sententia est, ꝑ ab impuberis exheredati substituto legatum, aut fideicommissum inutiliter relinquatur, quamuis pater filij exheredati leget, & id ipsum corpus leget à substituto. Hæc summa tres sententias continet, quarum vnaqueque suam dubitationem habet. Prima illa est: Ab ꝑ exheredati substituto legari, aut fideicommissum non posse. Regula vetus est, non hoc tantum loco constituta, leg. antepenult. de legat. 1. Hæc vt intelligatur, sciendum est, patrem filio impuberi, quem in potestate habet, heredem substituere posse in hunc casum, si impubes intra pubertatem decesserit, neque id tantum filio impubere herede instituto, sed exheredato, vt dicitur hoc modo: *Filius meus impubes exheres esto, si is intra pubertatem decesserit, Lucius Titius ei heres esto, l. 1. §. 1. de vulg. substit. in princ. §. non solum.* Hinc quaesitum est, ꝑ cum exheredato impuberi pater heredem substituit, an ab hoc substituto legatum, aut fideicommissum relinquere possit?

Controuersia nascitur ex alia regula iuris, qua efficitur, quibuscumque aliquid datur testamento, ab his fideicommissum relinqui posse, leg. 1. §. sciendum, de legat. 3. Secundum quam regulam videbatur dici debere, etiam à substituto exheredati relinqui posse; quia pater, qui relinquit, prius ei hereditatem filij impuberis dedit: sed placuit, quod supra scripta regula comprehensum est, ab hoc substituto relinqui non posse. Idque hac ratione, quia pater à filio ipso exheredato legare, aut fideicommittere non potuit. Nam cui testamento nihil dedimus, ab eo nihil relinqui potest, leg. ab eo. infr. de fideicommiss. l. 6. §. vlt. de legat. 3. Perro qui non habuit ius legandi ab eo exheredato, is plus iuris in personam heredis eius transferre non debet. Ratio est Iuliani in leg. qui fundum, §. qui filios, in fin. ad leg. Falcid. Ratio sumpta est ex regula iuris nota, quod qui in ius & locum alterius succedit, eodem iure vti debeat, l. qui in ius, D. de reg. iur. Non obstat, quod dicitur, quibus testamento aliquid datum est, ab his fideicommissum relinqui posse. Hoc enim sic intelligendum est, si is testator aliquid de suo dederit, vt intelligitur ex l. quæ ratione, §. quod. nullo. cir. fin. D. ad l. Falcid. Sed & illud recte dici potest, cum pater filio impuberi exheredato heredem substituit, non videri patrem quicquam dare substituto, neque de suo, neque de alieno. Nam magis videtur impubes ipse dare, facto tamen & auctoritate patris: nam substitutio pupillaris est impuberis testamentum, tamen pater hoc ei testamentum fecit, vt dicitur in dict. leg. Papinianus, §. sed nec impuber. D. eod.

Quid si in superiori hypothese retenta, pater filio impuberi exheredato fundum legarit, & tantundem leget ab exheredati substituto, videbatur hoc saltē casu à substituto legari, aut fideicommissum posse, commutata videlicet in contrarium ratione, propter quam dicebamus à substituto exheredati legari non posse. Hæc enim est ratio; quia ab exheredato ipso legari non poterat; at ratio cessat, cum exheredato quid legatum est. Nam hoc casu ab exheredato tantum relinqui potest, leg. coherede, §. 1. in fin. D. de vulg. Vnde effici quis non immerito dixerit, vt etiam ab eius herede relinqui possit; quoniam cessante ratione iuris, etiam ius locum non habet, leg. quod dictum, de pact. Ad huius sententiae confirmationem facit regula iuris, qua diserte id expressum est in leg. §. vlt. de legat. 3. his verbis: *Cum ab herede, aut legatario relinqui potest, etiam ab herede & legatarij herede fideicommissum relictum valere, benignum est.* Sed tamen etiam hoc casu placuit ab exheredati substituto legatum, aut fideicommissum relinqui non posse, non

non tantum hac lege, sed etiam iure veteri. Exstat enim hæc sententia in d. l. qui fundum. §. qui filio vers. ne cui contrarium, ad l. Falcid.

Non obstat, quod exheredato, cui legatum datum est, fideicommissum relinqui potest. Non enim si ab herede relinqui non potest, quod ab exheredato non potuit: idcirco recte colligitur, contra si quid exheredato legari potest, recte etiam legari posse ab eius herede substituto. Nam quod exheredato legatario fideicommissum relinqui potest, id beneficium personale est, nec personam exheredati egreditur, quoniam non est eadem ratio in herede filij, quæ in filio ipso. A filio exheredato, cui pater legatum dedit, fideicommissum relinqui potest; quia pater ei tantundem dedit, aut amplius. Hæc ratio locum non habet in substituto filij, quia pater huic substituto nihil de suo dare intelligitur. Nec nos mouerit, quod dicitur à legatarij heredib. fideicommissum relinqui posse, dicta leg. 5. de leg. 3. Nam aut simpliciter dicitur fideicommissum ab heredibus legatarij relinqui posse, aut relictum valere, sed valere benignum esse.

Ex his verbis intelligimus, hanc regulam locum habere solum in alijs legatarijs, non autem in legatario filio exheredato, hac ratione; quia quod benigne in alijs recipitur, id in exheredato recipiendum non est propter odium exheredationis paternæ. Exheredationis enim ut res odiosæ benignitate interpretationis adiuvandæ non sunt, l. cum quidam, in fin. de lib. & posthum.

Sed cum hæc sententia fuerit etiam veteris iuris, quid opus erat Iustiniani constitutione ad eam confirmandam? Respondeo: Quia tertiam dubitationem Iustinianus dirimit. Quærebatur enim amplius, si pater non potest aliud tantundem relinqueri à substituto exheredati, an saltem non possit idem niliud corpus relinqueri, quod prius exheredato legatarij? Et Iustinianus adjicit, ne hoc quidem patri concedendum esse, in odium exheredationis, ut ipse in principio huius constitutionis significat.

Ad L. penult.

Idem A. Iohanni præfecto prætorio.

Si legatarius, vel fideicommissarius celauerit testamentum, & postea hoc in lucem emerferit, an possit legatum sibi relictum is, qui celauerit, ex eo testamento vindicare, dubitabatur. Quod omnimodo inhibendum esse censuimus, ut non accipiat fructum sua calliditatis, qui voluit heredem hereditate sua defraudare: sed huiusmodi legatum illi quidem auferatur, maneat autem quasi pro non scripto apud heredem, ut qui alii nocendum esse existimauit, ipse suam sentiat iacturam. quemadmodum si legatarius, cui propter tutelam gerendam aliquid relictum sit, non subierit tutelam, ei quidem legatum auferatur, pupillo autem assignatur, cui ille utilis esse noluit. Dat. Cal. Nou. Constantinop. post consulat. Lampadii & Orestis VV. CC. 531

S Y M M A R I V M.

1 Legati actionem amittit is, qui tutor datus tutelam non subiit.

Sententiam huius legis complexi sumus ad leg. 5. supr. Notandum est, quod hic dicitur, eum qui legati actionem amittere, qui tutor datus tutelam non subiit. Hoc enim generalius dictum est, sed ita accipi debet, si is, qui tutor datus erat, cum posset, tutelam suscipere noluit, non etiam, si non potuit, leg. post legatum, §. amittere de his, quæ ut indig. aufer. leg. qui tutelam. Digest. de testam. tur. Quod si quis ideo tutelam non subiit, quia non potuit, nihilominus ei legatum saluum est. Is non potuit tutelam subire, qui tutor iure dari non potuit, vt miles. Et ad hanc causam supra constitutum est, leg. ab administratione supr. h. si miles tutor datus, tutor non fiat, nihilominus eum legatum consequi. Is etiam tutor esse non potest, qui cum ex inquisitione magistratus dari deberet, & paratus esset tutelam suscipere, à prætore non est admissus, vt non satis idoneus. Et hoc hanc causam placuit eum, qui ita admissus non est, nihilominus legatum consequi, leg. cum filius §. non iure de legat. 2. Hæc superioris regulæ exceptiones non sunt, sed confirmationes potius. Confirmant enim eum solum, qui tutor datus tutelam non subiit, legatum amittere, quia noluit tutor esse, de quo solo regula concepta est.

Ad L. ult.

Idem Augustinus Iohanni præfecto prætorio.

Illud, quod de legatis, vel fideicommissis temporalibus, ut potest irritis, à legum conditoribus definitum est emendare prospeximus, sancientes etiam talem legatorum, vel fideicommissorum speciem valere & firmitatem habere. Cum etiam iam constitutum sit fieri posse temporales donationes & contractus: consequens est etiam legata, vel fideicommissa, quæ ad tempus relictæ sunt, ad eandem similitudinem confirmari: post completum videlicet tempus ad heredem ipsæ legatis, vel fideicommissis remaneant necessitate habere legatario, vel fideicommissario etiam in personam heredis exponere, ut ei post transactum tempus res non culpa eius deterior facta restituatur. Dat. 15. Cal. Nou. Const. post consulat. Lampadii & Orestis VV. CC. 531.

S Y M M A R I A.

- 1 Legata temporalia, quamuis ad tempus data, nihilominus sunt perpetua.
- 2 Legatum temporale verum finiatur tempore præstito prætorio ipso iure, an per exceptionem.

Cum decem annua Titio legata sunt, vsque ad decem annos; aut cum fundus Titio legatus est vsque ad decem annos, & si qua sunt legata Titio ad tempus vsque certum relictæ, quæ in hac lege temporalia vocantur, de iis ita ius olim fuit, vt quamuis ad tempus data sint, nihilominus essent perpetua; quia tempore finiti non possunt, secundum regulam iuris leg. nemo. de legat. 1. Regulæ iuris id exigunt, vt obligatio semel cepta non finiatur, nisi & iure constitutis modis, tit. Inst. quibus modis toll. obl. Inter hos autem modos non est solum factum, aut sola voluntas testatoris. Hæc ratio significatur in leg. obligationum fere in principio, placet. de oblig. & act. Iustinianus hac lege hoc ius mutauit, & eiusmodi legata omnia confirmauit, vt valerent non minus, quam cetera.

Hic quaesitum est, vtum ex hac constitutione legatum temporale finiatur tempore præstito prætorio ipso iure, an per exceptionem? Mouet quaestionem, quia etiam olim huiusmodi legata finiebantur ope exceptionis. Nam si legatarius legatum post decem annos annum peteret, ab herede quidem iure peteret, sed exceptione doli mali submouebatur, quia petebat contra conventionem. Idque expressum est in dicta leg. obligationem fere. verfic. placet. Hinc quaerimus an idem etiam nunc post hanc constitutionem peribandum sit? Quod vulgo probatur.

Sed perspicuum est, Iustinianum hac legata omnia constituisse temporalia, ita tempore constituto finito ipso iure finiri. Id autem planum fit ex eo, quod dicit, se in eo vetus ius emendare. Nihil emendaret in iure veteri, si legatum tempore, iure non finiretur, sed tantum per exceptionem; nam & olim idem ius fuit. Deinde ita scribit, se constituisse, vt legata temporalia, quæ prius irrita erant, non valeant: prius erant irrita iure summo tantum; non iure prætorio. Hoc igitur constituit etiam ipso iure non valere nunc ea legata. Quod autem dicitur legata temporalia olim non valuisse, sic accipiendum est, vt non valuerint, quatenus temporalia erant: nam quatenus legata erant, debebantur & erant perpetua, sed quatenus iis tempus adijciebatur, ad quod vsque legata valerent, hæc adiectio non valebat.

Iustinianus addit, se hoc constituisse; quia & idem ante in donationibus receptum erat, & idem in contractibus. quod de donationibus tantum quibusdam, & quibusdam contractibus accipiendum est, alioqui sententia falsa. Nam cum alicui dono fundum ea lege, vt id faciat, aut non faciat, causa non secuta non reuocatur dominium ipso iure, sed tantum conditio ob causam leg. 4. & leg. 5. supra. de condit. ob. causis. Sed solum ipso iure finitur dominium rei donatæ in specie, cum donator dedit alicui, vt ab eo aleretur, & causa secuta non est; l. 1. infra. de donat. quæ sub. mod. Idem in contractibus dicendum est: nam si tibi vendiderim fundum, & tradiderim, vt tuus sit, donec illud non faceres, causa non secuta nihilominus fundus tuus manet, ne calia mihi actio tecum est, quam actio in personam, ex venditione, vt mihi

rem

rem reddas. Solum dominium translatum ipso iure finitur, cum res vendita est & tradita lege commissoria, id est, ea lege, vt si intra certum tempus pretium solutum non esset, fundus inemptus esset, *tit. de lege commissoria*. Has igitur species in hac lege accipere debemus.

De his itaq; causis hæc constitutio accipienda est, quorum argumento Iustinianus dicit, se idem constituere in legatis omnibus temporalibus, vt post tempus constitutum, & decem annua definant ipso iure deberi, & fundus legatus definat ipso iure legatarij esse. Quamobrem causam adiecit Iustinianus, non aliter huiusmodi legata præstanda esse legatario, vbi aliquid illi daretur, quod postea restituendum esset, quam si caueret heredi, se id legatum post tempus constitutum restitutum saluum & integrum, quod sine culpa sua fieri posset, cuiusmodi cautio rec. pra est in re fructuaria, quæ fructuario fruenda datur, *l. i. ff. v. usufr. quemadmodum caueat*.

Auctor Lectori.

Quoniam titulus sequens tanrum de verborum significatione, non de iure est, omnia rescripta eius talia sunt, vt legenti facilia sint, itaque pergimus ad seq. tit.

AD TIT. XXXIX. COD. SI OMISSA SIT CAUSA TESTAMENTI.

SUMMARIA.

- 1 Actio legatorum, seu fideicommissorum noua in quem datur.
- 2 Omittere hereditatem quis dicatur, quis item causam testamenti.
- 3 Actio legatorum, seu fideicommissorum quibus, quantum rerum gratia, & quatenus datur.

Heredem legatis teneri certum est, si hereditatem ex testamento adierit, de quo dictum *ad l. 2. sup. de leg.* Placuit Imperatoribus etiam eum, qui ex testamento hereditatem omisisset, legatis obligari, si ab intestato possideret hereditatem, *l. vlt. hic*. Quæ ob causam merito hic titulus superioribus de legatis subiungitur, vt intelligeretur quæ in totum obligatio esset heredis in præstatione legatorum. De hac parte fuit edictum prætoris ad hanc sententiam: *Si quis om. ssa causa testamenti, ab intestato hereditatem, partemve eius possidebit, aut dolo malo fecerit, quo minus possideret, quo legatarii, ceterique, quibus ex iudicio defuncti aliquid deberi potuit, si non ab intestato possideretur hereditas, careant ius, quæ sibi relicta sunt: in eum perinde, quasi ex testamento adisset, cognita causa, actionem dabo*. Hæc propemodum verba edicti fuisse, arguunt ea fragmenta, quæ iuris auctorores veteres interpretantur, *sub eodem tit. ff.*

Sed singulæ partes facile notabuntur in explicatione edicti, & totius huius tituli, quam subijcio. Constituitur hoc edicto actio legatorum, seu fideicommissorum noua, & quæ iure ciuili est incognita. Videndum est, in quem datur, quibus datur, quæ sit actio, & quatenus datur.

1 Hæc actio in eum datur, in quo quatuor concurrunt. I. Eum esse oportet, qui omisit causam testamenti, *l. i. in pr. ff. h. vnde titulus*, *Si quis om. ssa causa, &c.* Omittere hereditatem maxime is dicitur, qui cum posset ex testamento hereditatem obtinere, vel per se; quia institutus erat, vel per alium; quia institutus erat eius seruus, aut filius, quem in potestate habebat, noluit hereditatem ex testamento habere: quod contingit in extraneis heredibus repudiando; in suis se abstinendo hereditate, aut iubendo, vt is, per quem acquirere potuimus, repudiet, *l. i. in pr. ver. & nihil refert, l. i. §. prætermittere, ff. eo*. Hic volumus non aliter videri omitti hereditatem, quam si quis ideo non adeat, quia noluit, cum posset. Ex quo intelligitur, si quis heres testamento institutus ideo hereditatem non adijt: quia testamentum iure non valet, non teneri legatarijs, quamuis ab intestato defuncti possideat hereditatem, quod scriptum est *in l. 2. h.* scilicet quia qui iure non potuit esse heres, non potest dici ex superiore definitione omisisse hereditatem. Edictum autem ad eos solos pertinet, qui omiserunt causam testamenti. Præterea omittere causam testamenti etiam dicitur, qui testamento præteritis bonorum possessionem contra tabulas aduersus testamentum patris petere potuit. Et ideo placet, si is omisisse bonorum possessionem contra tabulas ab intestato petat bonorum possessionem, vnde liberi, eum in solidum legato præstare debere, quæ certis tantum personis debe-

ret, si petisset bonorum possessionem contra tabulas, *l. quia. 6. §. pen. l. si filius, ff. eod.*

Sed quomodo dici potest testamenti causam omittere, qui ex testamento nihil habuit, quantumuis non petat bonorum possessionem contra tabulas. Item quæro, etiam si bonorum possessionem contra tabulas peteret, quomodo dici possit causam testamenti sequi; qui testamento præteritus est? Respon. Hoc ideo responsum est; quia existimatum est, non solum bonorum possessionem secundum tabulas esse ex testamento, sed etiam bonorum possessionem contra tabulas; quia neutri locus esset, nisi testamento rite facto. Sunt autem, qui bonorum possessionem petere possunt, non tantum heres testamento institutus, aut filius testamento præteritus, qui omittere potest causam testamenti, & ab intestato possidere hereditatem, sed etiam legatarius, cui testamento aliquid relictum est, quod facti tunc, cum dolo malo facit, vt heres scriptus omittat hereditatem, & sic non ex causa testamenti legatum obtrineat ab herede. Itaque placet hoc casu, si is legatarius rogatus sit testamento, legatum id restituere, fideicommissi nomine obligari, tanquam qui omisisse causam testamenti possideat hereditatem, vel rem hereditariam, *l. 4. §. quanquam, ff. eod.*

Ex hac parte intelligimus, si quis non sit testamento institutus heres, & ab intestato possideat hereditatem, eum legatarijs non teneri ex hoc edicto, quoniam non omisit causam testamenti, qui ex testamenti causa nihil habuit. Sed hoc est, nisi is, qui ita possidet hereditatem ab intestato, participato cum heredibus scriptis fraudis consilio hereditatem possideat. Nam hunc placuit vtili actione teneri, *l. i. §. vlt. ff. eod.* Et ideo si heres scriptus pecuniam accepit, vt omitteret hereditatem, vel gratis omiserit hereditatem, hoc consilio, vt hereditas ad substitutum, aut legitimum heredem perueniret, hoc casu vtili actione à legatarijs & fideicommissarijs conueniri potest. Vtili, id est, non ex verbis edicti; quoniam heres possidet hereditatem, sed non omisisse causam testamenti, verum ex sententia prætoris, seu edicti; quia perinde est, quasi omisisset causam testamenti, qui huius omissionis fructum percipit. De hoc scriptum est *l. 2. §. 4. ff. h. De substitut. est. l. i. h.*

Non sufficit omisisse causam testamenti, nisi quis possideat hereditatem, vel partem eius, aut dolo malo fecerit, quo minus possideret. Horum igitur alterutrum concurrere oportet. De eo, qui possidet est *in l. i. statim in pr.* Nihil autem refert, vtrum quis possideat hereditatem, an partem, an vero etiam hereditatis rem hereditariam minimam, *l. etsi. cum 3. seq. ff. h.* In eadem causa cum possessore est is, qui dolo malo fecit, quominus possideret, de quo *in l. i. sane interueniente. §. seq. ff. h.* idque ex regula iuris perpetui constituitur; secundum quam par causa est eius, qui possidet, & eius, qui dolo desit possidere, secundum quam eandem regulam semper qui dolo desit possidere, pro possessore habetur, *l. qui dolo de reg. iur.* Duo dolo facere intelliguntur, quo minus hereditatem ab intestato possideant. Primo & quidem proprie hi, qui ab intestato possidere cœperant; deinde ad alium hereditatem, quam possidebant, trãstulerunt volentes scientes, cum ab his hereditas non euinceretur, *l. i. §. sane interueniente. ver. dolo, ff. h.* Deinde hi, qui ab initio malitiose fecerunt, ne hereditatem possiderent, quo ea vel ad substitutum, vel ad heredem legitimum perueniret, *l. i. §. pen. ff. h.* Et ideo siue heres scriptus pecunia accepta omisit hereditatem, siue nulla pecunia accepta, sed tantum gratia substituit aut legitimi heredis idem facit, vt roq; casu actione tenebitur, non vtili, sed directâ; quoniam dolo fecit, quo minus possideret. De eo qui pecunia accepta omisit hereditatem est, *in l. 2. ff. eod.* De eo, qui omisit gratia tantum est *in l. 4. ff. eod.* Sed ita, vt ex ea lege non satis aperte colligatur, vtrum hoc casu heres omittens hereditatem conueniri debeat; sed satis intelligitur ex eo, quod dolo possidere desit, & hic generaliter dicitur ex edicto teneri, *d. l. i. §. pen.* Secundum hæc euenit, vt cum heres institutus dolo malo hereditatem omittit, quo ea perueniat ad substitutum, aut heredem legitimum, hoc casu incipere duos teneri ex hoc edicto legatarij, heredem scriptum directâ actione; quia omisisse causam testamenti perinde habetur quasi possideret, cum dolo desierit possidere; & præterea substitutum & heredem legitimum vtili actione, vt in superiori parte dicimus, & *l. i. h. comprehensum est*.

Vbi tamen monendi sumus, hoc casu prius conueniendum esse & excutiendum possessorem; deinde si ab hoc omnia obtineri non possunt, tum secundo loco perueniendum esse ad eum, qui dolo malo omisit hereditatem. Quæ cautio diligenter notanda est *ex l. 2. ff. eod.*

Ex hac parte primum colligimus, si quis omisit causam testamenti neque hereditatem possidet, aut dolo malo possidere desit, hunc legatarij nullo modo teneri, quantumvis alij possideant hereditatem ab intestato. Liberum est enim cuius hereditatem non adire & implicari hereditariis oneribus, *l. si quis. ff. eo.* Alterum ex eadem colligimus parte, si heres institutus omissa causa testamenti non possideat hereditatem, neque dolo fecerit, quo ad alij perueniret, alius vero ab intestato possideat, euenire id quod scribitur *l. 2. in fin. b.* nempe legata nullo modo præstari debere: non enim tenetur heres institutus, qui omisit quidem causam testamenti, sed non possidere hereditatem: non etiam is, qui possidet hereditatem; quia neque causam testamenti prius omisit, cum institutus non esset, neque fraudis consilium percipere potuit cum eo, qui dolo nihil fecit.

Ne hoc quidem satis est, omissa causa testamenti possidere hereditatem, partem eius, sed & tertium concurrere oportet, ut quis possideat hereditatem, partemve eius ab intestato, ut omnia huc scripta declarant, & est *in l. 1. in pr. ff. eo.* Ab intestato possidere hereditatem intelligitur, qui possideat tamquam heres: nam iure intestati non nisi heres possidet. Sive igitur quis iure legitimo heres erit, ut olim agnati; siue quis bonorum possessione perierit, ut cognati; siue etiam quis hereditatem nullo iure possideat ab intestato, possideat tamen tanquam heres, quod se heredem contendant, aut heredem esse velit, is est, qui hac edicti parte tenetur, *l. 1. §. non querimus. ff. eo.* Quod si quis omissa causa testamenti possidet re aliquam hereditariam, sed titulo singulari, velut pro dote, pro emto, pro donato, item quia legatorum seruandorum causa, aut rei seruandæ causa in possessionem rerum missus est, is non tenetur hoc edicto; quia non possidet intestati titulo, sed alio iure, *l. vlt. l. 1. §. non querimus. ff. eo.*

Hic excipitur substitutus, qui participato fraudis consilio cum herede instituto hereditatem possidet; nam hunc diximus vili actione teneri, *l. 1. 2. 3. ff. b.* Et, tamen hic ab intestato non possidet hereditatem, verum ex testamento, nempe ex substitutione, sed habita ratione institutionis, perinde habetur, quasi ab intestato succederet & obtineret hereditatem; videtur enim magis succedere in locum instituti. Excipiendus præterea est legatarius, de quo supra *ex l. 4. §. pen. ff. eo.* Nam hic tametsi omissa causa testamenti obtinet legatum; tamen non obtinet tanquam heres, sed titulo priuato. Ex hac distinctione nata est inscriptio tituli in *ff. Si quis omissa causa testamenti ab intestato, vel alio iure possideat hereditatem.* Qui ab intestato possidet, tenetur, qui alio iure, non tenetur.

Ad hæc omnia & quartum exigitur, ut quis ex hoc edicto legatis teneatur. Id autem est, ut qui omissa causa testamenti ab intestato hereditatem possidet, id fecerit in fraudem legatariorum, & ceterorum, quibus quid testamento datum est, quo carerent his, quæ sibi relicta sunt, quæ pars indicatur *in l. 1. in pr.* sed apertius *in §. sane inseruiente vers. dolo. ff. eo.* Ex quo intellectum est, non teneri hoc edicto eum heredem scriptum, qui sine fraude hereditatem omisit, & ab intestato possidet, ut sibi consuleret, cuiusmodi est patronus, si sit à liberto institutus ex legitima portione, sed ea portio legatis sit exhausta, *l. quia autem. §. si patronus. l. exculatus. ff. eo.* Simile exemplum est in filio instituto, quem pater nimum oneravit, *in l. quæstum. ff. de acq. her.* Hæc cum in aliquem concurrerent, tum is erit, in quem actio ex hoc edicto competat.

Ceterum quibus detur, quarum rerum gratia, quæ actio, & quatenus detur, continetur in his verbis edicti: *Perinde ac si ex testamento hereditatem adisset.* Quæ verba in edicto expressa fuisse constat, *ex l. si duo. & l. si dolo. ff. eo.* Ex his primum intelligitur hanc actionem permitti legatariis, & his, quibus testamento quid datum est. Nam is teneretur heres, si ex testamento hereditatem adisset. Ex iisdem verbis intelligimus, non tantum legata ex edicto peti posse, sed etiam saluas esse libertates testamento relictas tam directas, quam fideicommissorias. *Antepen. §. 1. pen. l. de libertatibus. ff. eo.* Quod & expressum est *in l. 2. in pr. b.* Ex iisdem verbis intelligimus, quatenus legatorum, siue fideicommissorum nomine actio detur in eum, qui omissa causa testamenti ab intestato conuenitur. Nec minus ex illis verbis intelligitur, quæ sit actio, & qualis tum in legatis, tum in hereditatibus. Sed intelligitur, quatenus detur actio in eum, qui omissa causa testamenti ab intestato hereditatem possidet. Intelligimus autem ita dari, ut quemadmodum tenetur possessor legatarij, ita etiam eadem commoda consequatur, quæ habiturus esset, si ex testamento hereditatem adisset.

Ea autem commoda tria sunt. Primum, quod ei, qui omissa causa

testamenti ab intestato possidet hereditatem, commodum legis Falcidie concedatur, ut quemadmodum legata ex hoc edicto præstari, sic ex hac parte edicti ea præstet, retenta quarta ex lege Falcidia, *l. si duo. §. vlt. l. cui. ff. eo. l. vlt. b.* Id autem ex eo efficitur, quia si heres ex testamento hereditatem adisset, beneficio legis Falcidie citra controuersiam vteretur. Nam ea lex ad heredem scriptos pertinet. Secundum commodum est, quod si duo omissa causa testamenti ab intestato possideant hereditatem, singuli in solidum tenentur legatariis, sed pro ea tantum parte, quæ possident, *l. si duo. l. si dolo. ff. eo.* Nam & idem efficitur, si duo testamento hereditatem adisset: tenentur enim heredes oneribus hereditariis pro portione tantum hereditaria, *l. 2. in fr. de her. action.* Tertium commodum est in libertatibus fideicommissariis, & si is, qui omissa causa testamenti ab intestato possidet hereditatem, seruus hereditatem præstiterit ex causa fideicommissi, hos sibi libertos habeat, *leg. penult. ff. eo.* Nam & idem iuris foret, si ex testamento hereditatem adita manumisset, *§. vlt. Inst. reb. per fideicom. relicta. sing.*

Sed datur hæc omnis actio non simpliciter, verum causa cognita, ut est *in l. quia autem. §. non simpliciter. ff. eo.* Quibus verbis significatur, præterea ita actionem dare aduersus eum, qui omissa causa testamenti hereditatem ab intestato possidet, nisi aliqua æquitas suadeat, ne detur, & an sit aliqua æquitas præterea cognituræ & estimaturæ. His autem verbis contineri intelligimus, neque hanc actionem dari semper in eum, qui omissa causa testamenti ab intestato hereditatem possidet, neque dari semper omnibus legatariis.

Ex his, qui omissa causa testamenti ab intestato possident, non tenentur ex hoc edicto ij, qui facultatem omittendi ex testamento nominatim à testatore acceperunt; quoniam prætori in hoc edicto solum propositum fuit, ut voluntas testatoris seruaretur, *l. quia autem. §. plane. l. 5. §. non simpliciter. ff. eo.* Idem qui cum hereditatem ab intestato cepissent possidere, ab his postea hereditas euicta est sine vlla aduersarij collusionione, *d. §. non simpliciter.*

Ex legatariis autem excipiuntur ij, qui & ipsi omissa causa testamenti ab intestato possident hereditatem, ut puta heredes instituti sunt Titius & Mæuius. Mæuius centum legata sunt, ambo omissa hereditate, ex testamento ab intestato possident hereditatem. In hac specie actio non erit Mæuius aduersus coheredem, denique centum legata non debebuntur, *l. quidam. Digest. eodem.* Idem est si legata sunt data substitutis & institutis, idemque substitui omissa causa testamenti ab intestato possideant hereditatem. Nam hic placet substituto legata sibi relicta ab instituto non deberi, *l. si non solus. §. 1. ff. eo.* Huius sententiæ æquitas manifesta est: nam indignus est auxilio edicti, qui ipse aduersus edictum committit, *l. auxilium. in fin. ff. de minorib.*

AD TITVLVM XL. COD. DE INDICTA VIDVITATE ET L. IVL. Miscel. tollenda.

SUMMARIA.

- 1 Non omnes conditiones pro scriptis habentur.
- 2 De legato indicta viduitate.
- 3 Cautio Mutiana.
- 4 Condicio viduitatis an pro scripta habeatur.

Legatum sub conditione recte relinquitur, ut non aliter debetur, quam si conditio exstiterit, *l. 1. de cond. & demonst.* Quædam tamen conditiones excipiuntur, quæ adiectæ legato pro non scriptis habentur, nimirum impossibiles conditiones, *l. obrinnu. de cond. & demon.* In his, quæ sunt contra leges numeratur hæc conditio, quæ viduitatem alicui iniungit, contra alicui legatur, mulieri, si non nupsit: viro, si uxorem non duxerit. Et ideo legatum sub hac conditione relictum, & nubenti mulieri & viro uxorem ducenti nihilominus debetur, quasi conditione non adscripta. Idque lege Iulia Papiæ de maritandis virginibus effectum est, ut liquet *ex l. cum ira legatum. & l. hoc modo seq. & earum legum inscriptiombus. l. cum tale. §. si arbitrato. de condit. & demonst.*

Hac conditione tamen iniungitur viduitas proprie cum hæc conditio refertur in personam ipsius legatarij, hoc modo: *Titio si non nupsit, vel Titio si uxorem non duxerit, heres meus centum dato.* Nam legatarius spe legati mouebitur, ne vel nubat, vel uxorem ducat. Itaque constitit hoc legatum præsertim conditione deberi, *dict. l. cum ira leg. & l. sequenti.*

Idem dicendum est, si conditio viduitatis collata sit in personā alterius, sed eius, qui sit in potestate legatarij, hoc modo: *Titio patri heres meus centum dato, si filia, quam is in potestate habet, non nupserit.* Nam hoc casu vt pater legatum consequatur, facile perficiet, ne filia nubat.

Idem iuris est, si conditio conferatur in personam alterius, sed ad quem legatum postea peruenturū est, hoc modo; *Filio illi filiusfamilias heres meus dato, si pater eius non duxerit uxorem;* hic propter spem legati iniungitur viduitas patri, qui vt legatum per filium consequatur, uxorem non ducet; quo filius prius ad legatum perueniat. Ideo placet in duabus his speciebus, posterioribus, conditionem viduitatis pro non scripta esse, & legatum statim capi posse, *l. heres meus. §. vlt. ff. de condit. & demonstr.* Quoties autem conditio confertur in personam alterius, quam legatarij, & is, in quem confertur, plane extraneus est placet legatum conditionale esse, veluti; *Titio heres meus dato si Sempronia non nupserit,* placet in hac specie, & Sempronia nubente nihil deberi, & non nubente nihil deberi, priusquam constiterit illam amplius nubere non posse, puta quia mortua sit, quod *in l. i. b. scriptum est,* hac ratione, quia huiusmodi cōditione in personam alterius extranei collata nulla viduitas iniungitur, propter spem & commodum legati. Nam & Sempronia nihil vnquam ex legato consequitur, vt pote, cui legatum non est, & ob hanc causam non potest dici propter commodum legati inductam viduitatem.

Hocius ex lege Papia ad omnes eiusmodi conditiones pertinet, siue quibus prohiberentur primæ nuptiæ, siue secundæ, & ideo si maritus uxori suæ testamento aliquid legasset, si ea ad secundas nuptias non transfret, nihilominus ex lege Iulia vxor postea nubens legatum consequeretur, quoniam conditio viduitatem iniungeret. At eius generis conditiones omnes eo genere improbatur, *d. l. cum is a legatum. de cond. & dem. l. mulieri. & Titio. eo.*

Sed in hac parte secundarum nuptiarum postea non nihil ius variavit I. Iulia Miscellæ, qua quid caueretur, exposuit Iustinianus *in Nouell. de nupt. §. qua vero.* Erat autem legis hæc sententia: *Si maritus sub conditione superioris aliquid uxori legauerit, uxorem nihilominus intra annum, quo diceret se velle nubere, & legatum peteret, legatum esse consequatur, etiam sprete conditione & interdictione mariti, si modo prius vxor iurauerit, se ad secundas nuptias transire liberorum procreandorum causa. Quod si prius annum legatum peteret, uxorem nubentem nihil consequi, si nondū nupsisset, is a legatum consequi, si interponeret Mutianam cautionem, id est, si caueret heredi, se, si non nupsisset, postea legatum cum fructibus esse restitutum.* Hæc enim ¶ cautio est Mutiana, quæ ab omnibus legatariis exigitur, quæ exigitur sub conditione, si ipse aliquid fecisset, *l. Mutiana. ff. de cond. & dem.* Hanc legem postea sustulit Iustinianus *l. 2. b.* Qua lege veterem legem Iuliam Papiam in totum reuocauit. Constituit ¶ enim, vt conditio viduitatis, & quæ prohiberet secundas nuptias, pro non scripta haberetur, non minus, quam si prohiberet tantum primas, qua lege effectum est, vt vxor, cui ita legatum est, vt diximus, legatum capere possit, etiam si nubat, nec iuret, quo animo nubat. Proinde ab ea vxore non exigi cautionem vllam Mutianam de legato restituendo, si postea nupsisset. Et quod Iustinianus constituerat in legato vxori relicto, si vxor ad secundas vota non transfret, idem postea alia constitutione constituit in legato, quod vxor marito dedisset, sub cōditione hac, si maritus iterū uxorem duceret, quæ est *l. vlt. h.*

Sed idem Iustinianus *in Nouell. de nupt. §. qua vero.* non modo reuocauit I. Iul. Miscell. sed etiam in locum, quod prius constituerat, circa eius legis emendationem, mutauit & constituit, vt conditione adscripta, quæ viduitatem à secundis nuptijs iniungeret, legatum vti cetera legata valere, nec reijci conditionem, non solum si maritus leget uxori, si vxor ad secundas nuptias non transfret, aut contra vxor marito leget sub hac conditione, si maritus uxorem non duxerit, sed etiam si quius extraneus sub ea conditione, quæ secundas nuptias prohibeat, leget vel mulieri, vel viro. Et ideo si mulier iterum nubat, aut vir iterum uxorem ducat, placet legatum non deberi, cuius conditio defecerit. Quod si neque mulier nupserit, neque vir iterum uxorem duxerit, placet petentibus legatum mittendum esse, sed interposita prius cautione Mutiana, qua caueant legatarij, se legatum restitutos, si ad secundas nuptias transferint, voluitq; Iustinianus ad cautionem etiam adici iurandam, aut hypothecam, aut fideiussores pro ea distinctione, quam ex verbis constitutionis licet cognoscere.

Huius constitutionis fragmentum & sententia relata est *in Auth. cui relicto. b.* qua derogatur & leg. ambiguitates. & *l. vlt. bic.* Quapropter post hanc cōstitutionem Iustiniani noua hæc distin-

ctio inducitur circa hanc conditionem, *si vir non uxorem duxerit, si mulier non nupserit,* vt multū intersit, vtrum hæc conditio conferatur in personam eius, qui nunquam in matrimonio fuerit, vt sic conditio prohibeantur primæ nuptiæ; an vero conditio cōferatur in personā eius, quæ aut est, aut fuit in matrimonio secūda, vt sic conditio secundæ prohibeantur nuptiæ. Posteriori casu conditio secūda adiicitur, nec differt à ceteris conditionibus, quæ in non faciendo consistunt, ex Nouell. Iustiniani. Priore autem casu ius antiquum manet, de quo initio hic dictum. Illa pars *l. vlt. h.* diligenter notanda est, quæ docemur multum interesse inter has conditiones, *Si vidua erit, vel cum erit, vel quando erit, & lego Titia, si non nupserit.* Nam priore conditione non iniungitur perpetua viduitas secundis, aut tertijs nuptijs, sed sufficit mulierem tunc esse viduam, cum dies legati cedit. Verum est enim, si vidua est, extitisse conditionem. Hac autem conditione: *si non nupserit,* non exigitur solum, vt non nupserit tunc, cum legatum petit, sed ne omnino nubat, quo fit, vt illa postea nubente legatum reuocetur, si prius acceperit.

AD TITVLVM. XLI. COD. DE HIS, quæ pœnæ nomine in testamento, vel codicillis scribuntur, vel relinquuntur.

SUMMARIÀ.

- 1 Legatum pœna an & quatenus valeat.
- 2 Pœna nomine quando aliquid relinqui intelligatur.
- 3 Quicquid sit iniuriandi delicti causa, turpe est.
- 4 Legata turpia nullius sunt momenti.
- 5 Pœna subiecta præcepto impossibili cur non valeat.
- 6 Conditio impossibilis legato adiecta pro non scripta habetur.

Inter cetera legata, quæ vel propter conditionem rei legata, vel propter personas, quæ legant, aut quibus à quibus legatur, vel propter obseruationem in legando, vel propter finem legati nõ valent, vnum genus fuit, cum scilicet pœnæ nomine aliquid relinquatur, de quo genere hic. Quod pœnæ causa legatione ¶ vel adimitur, vel transfertur, olim quidem ante hanc constitutionem in totum nullius momenti erat. Ex hac constitutione hæcenus non valet, si testator iussit aliquid impossibile, vel legibus, interdictionum, vel turpe, & nisi fieret, pœnam adiecit, dum vel aliquid legat ab eo, qui non fecit, vel quod ei legatur, adimit, aut in alium trãfert. Res explicatur pluribus *in §. vlt. Inst. de legat.* Pœnæ ¶ nomine relinqui aliquid intelligitur, cum testator heredem, legatarium, vel aliquid facere iubet, vel non facere, & pœnam adiecit, si aduersus voluntatem suam fecerit, & hanc pœnam legat alij. Exempli causa: *Heres meus Stichum seruum meum exportato, si non exportarit, Titio centum dato.* Idem; *heres fundum illum ne alienato, si alienarit, Titio decem dato.* Pœnæ causa adimi intelligitur in iisdem exemplis, si dicit testator; *Titio seruo fundum Tusculanum do, lego: Titius seruum Stichum exportato, si non, ei, quod dedi, non do, vel quod ei dedi, Sempronio do, lego,* vbi priore casu legatū adimitur, posteriore transfertur, vtrumq; pœnæ causa. Congruit Iustinianus *in d. §. vlt.* cum ait, pœnæ causa relinqui, cum relinquitur coercendi heredis, vel legatarij causa, quo magis aliquid faciat, vel non. De hoc genere iuris hocius fuit, vt quamuis testator possibile aliquid iussisset, nec turpe, nec illicitum: tamen quicquid pœnæ causa legasset, aut ademisset, aut transtulisset, ob id, quod heres vel legatarius præcepto testatoris non paruisset, placebat nihil magis legatum, aut ad emtionem, aut ad translationem valere. Rationes non ineptas reddidit Theophilus *in d. §. vlt.*

Iustinianus in hac specie contrarium hac lege statuit, & rationem habet; quia non minus in hac parte voluntas testatoris seruanda fuerit, quam in ceteris, vbi voluntas moribus simul & legibus nature aduersatur. Congruit hoc cum lege veteri, vti quilibet legasset. *l. verbis legis. de verb. signific.* Itaque hocius in hac parte dubitationem habere non debet: sed illud in hac ipsa parte dubitationem habet, quod Iustinianus ait; Antea prioribus legibus pœnæ causa legatum in totum non valuisse, quod & ante scriptum *in d. §. vlt. Inst. de legat.* Hoc refelli videtur partim exemplis, præsertim duob. partim certis locis, in contrarium partem scriptis. Nā primum inter veteres interpretes constitit hoc legatum valere: *Heres meus filia penum dato, si penum non dederit, Titio 10. dato, leg. i. de pen. leg. l. i. §. cum is a, ad leg. Val. l. cum sine. l. si penum. Digest. quando dies legat. ced.*

Et tamen ex definitione superiori videntur hic 10. relicta esse pœnæ causa. Adicitur enim coercendi heredis causa, si penum non dederit. De hac quoque specie veteres non dubitarunt, quin multa vtiliter iniungerentur: *Heres meus monumentum arbitratu L. Titij edificato, vel ad illam formam adificato, si non adificauerit, Sempronio 100. dato, l. multa. 6. in pr. leg. in testamento. de condit. & demonstr. Hæc multa adici fatemur, dict. leg. multa. de cond. & dem. Postremo in l. i. ff. h. de his, quæ pœnæ nomine relinq. definitio eadem traditur, quæ in hac constitutione Iustiniani, nempe, in pœnam relicta nullius esse momenti, si illicite, aut probrose datum sit. Qua conditione declaratur, si quid illicite, aut probrose non sit iussum, etiam tunc valuisse, cum eius legis auctor id scribebat.*

Ad huius rei explicationem diligenter cauebimus, ne idem respondeamus, quod Bartolus & alij interpretes, qui fingunt ab initio pœnæ causa legatum non valuisse, vt hic scriptum est: sed temporibus Iureconsultorum ante constitutionem hanc Iustiniani ius secundum inualuisse, quo placet eiusmodi legatum valere. Refragatur huic constitutioni manifeste: nam secundum superiorem sententiam nihil emendaret Iustinianus in veteri iure, quod contra se facere initio profiteretur, & apertius in d. §. vlt. Inst. de legat. Nec vero est, quod dubitemus, ante tempora Iustiniani pœnæ causa legatum non valuisse. Primo id generaliter scriptum est in d. §. vlt. Inst. de legat. Conuenit autem inter eruditos eas institutiones magna ex parte sumtas esse ex Institutionibus Caii. Idem confirmatur fragmentis Vlpiani *in d. §. de legat. Sed præcipue id demonstratur in l. si ita legatum 12. de condition. & demonstr. vbi in specie, quæ illic proponitur, respondetur, legatum valere, & additur hæc ratio, quia in legato causa addita est, non pœna. Hac ratione declaratur, si legatum pœnæ causa datum esset, futurum fuisse, vt legatum non valeret. Non adferuntur huic sententiæ ea exempla, quæ retulimus, Quod vt intelligatur, sciendum, cum dicimus pœnæ causa legari, quod coercendi heredis causa legatur. Quod probatur ex edicto de deposito. In eo proponitur ætior inter cetera de iis, quæ tumultus, siue incendij causa deposita sunt.*

Hæc verba Vlpianus sic interpretatur, eum saltem videri incendiij vel tumultus causa deposuisse, qui nullam aliam causam deponendi habuit, quam imminens ex his causis periculum, *l. i. in pr. & §. eum tamen. de pos.* Hinc consequens est, non videri legatum esse pœnæ nomine, si quidem testator iussit aut legatarij causa, aut sua ipsius causa. At legatarij causa totum hoc legatum comparatum est, *Heres meus uxori penum dato, si non dederit, 100. dato.* Hoc autem comparatum est testatoris causa, *Heres meus mihi monumentum adificato, si non adificet, 100. dato.* Quare secundum superiorem definitionem in vtraque hac specie non proprie pœnæ causa legatum videri debet, vt non sit mirum, si veteribus in vtraque specie multa recepta fuerit.

Quod attinet ad l. de his, quæ pœn. nomin. non dubitum est, quin locus interpellatus fuerit à Tubero. Nam verba, quæ sunt in hac constitutione, eo trāsata sunt, & præterea non satis apte dicitur, eum quid probrose, aut illicite iuberetur, & nisi fiat, adicitur pœna. Non proprie dicitur, inquam, pœnam adici probrose, aut illicite, sed vt locum tanquam ab Africano scriptum accipiamus, tamen non probat cetera legata pœnæ nomine relicta olim non valuisse. Faremur enim, quod illicite pœnæ nomine relicta sunt, non valuisse, vt illic scribitur: sed non ideo recte colligitur, valuisse cetera, quæ eodem modo relicta sunt. Argumento est, quod etiam omnibus temporibus & nunc impossibilem præcepti pœna adiecta non valet: quam tamen nemo dixerit, illicite, aut probrose adici. Verum est igitur, quod Iustinianus hac in l. proficitur, in totum pœnæ causa legatum datum olim non valuisse, id ius se hic primum emendasse, vt huius generis legata itidem valerent vt cetera.

Excepit Iustinianus, ea legata pœnæ nomine relicta tunc, eum prius testator iussisset aliquid vel impium, vel legibus interdictum vel probrosum. Impossibilem præcepti exemplum hoc est, *heres meus Stichum (qui mortuus erat) intra triduum, quam moriar, in iudicio sistito, si non siterit, Titio 100. dato.* Homo mortuus sisti non potest, igitur hoc inutiliter præcipitur, quia impossibilibus pœna subiecta non debebitur. Hoc idem fieret in stipulatione, si quis stipulatus esset hominem mortuum sisti, & nisi siteretur, adiecisset pœnam, *leg. si homo. de verb. oblig.* Præcepti legibus interdicti exemplum est: *Heres meus sororem suam uxorem ducito, si non duxerit, 100. dato.* Probrosi & turpis præcepti hoc: *Heres meus patrem suum domo eijcito, si non eiecerit, Titio 100. dato.* In his impune

heres & sororem suam non ducet, & patrem domi retinebit. Cur autem illicito, vel turpi præcepto pœna subiecta non debeat, ratio in promptu est, quoniam vt præceptum, sic & pœna illicita est & tutoris, quoniam adicitur inuitandi & promouendi delicti causa, quo magis heres velit ea peccare, quæ testator iussit. Quicquid tamen sit inuitandi delicti causa, turpe est, *l. s. de dot. Omnia tamen legata turpia nullius sunt momenti, l. turpia, de leg. 3. 1.* Similiter, vt omnes turpes stipulationes, *l. generaliter. cum l. seqq. de verb. oblig.*

Sed tamen cur impossibilem præcepto pœna subiecta non valeat, queritur vt in exemplo proposito, *si heres hominem mortuum non siterit, 100. dato?* Dubitationis causa est, qua hoc legatum neque impium, neque turpe est, vt superiora, nam 100. natura dari possunt, & si dabuntur, nullam ea res turpitudinem continet, neque futuram, neque præteritam, quia heres ad delinquendum non inuitabatur. Quod si ita est, idem videtur de eadem specie legati statui debuisse, quod de ceteris omnibus legatis puris. Dicendum est ideo, præcepto impossibilem pœnam subiectam non deberi, quia & ipsa pœna est impossibile. Possunt quidem 100. natura præstari, sed non possunt præstari vt pœna, ex definitione pœnæ.

Nam pœna est culpæ & delicti coercitio, vt vbi delictum non est, ibi nec pœna esse possit, *l. aliud est fraus. de verb. sig.* Porro nullum delictum est in eo, nulla culpa, qui non fit, quod per rem naturam fieri non poterat. Proinde nec ibi pœna esse potest huius facti coercendi causa. Et hæc vera ratio est cur pœna impossibilem stipulationi subiecta non magis valeat, quam impossibilem præcepti, *dict. leg. si homo. de verb. oblig.* Sed huic parti opponitur *l. impossibilem. & l. in illa. seq. de verb. oblig.* vbi placet, hanc stipulationem valere, & præsentem esse, *si in cælum non ascenderit, 100. debebis.* Et merito hæc stipulatio recepta est, quia nullam conditionem impossibilem habet, & si quam conditionem habet, ea etiam statim existit. Certum est enim, promissorem ascendisse in cælum, neque quamdiu in hoc corpore viuit, ascendurum: illi autem stipulationi hæc stipulatio similis est, *si hominem mortuum non siteris, 100. debebis.* Quod si hæc stipulationes valent, multo magis propter voluntatem supremam defuncti valebit hoc legatum, *si hominem mortuum non siterit heres, 100. dato.* Respondet: Ideo hæc stipulatio valet, *si in cælum non ascenderit, aut si hominem mortuum non siteris, 100. dabis.* Quia stipulatio incipit à conditione. Hæc autem conditio non est conditio, aut si est, nihil impossibile continet. Proinde idem in legato dicemus legatum huiusmodi valere, *heres meus si in cælum non ascenderit, vel si hominem mortuum non siterit, 100. dato,* vbi illicet legatum incipit à conditione.

Sed longe diuersum est, vbi stipulatio superioris pœnæ incipit à stipulatione præcedente rem impossibilem continente, hoc modo, *hominem mortuum sistes, si non siteris, 100. dabis.* Nam hoc casu neque prior stipulatio valet, quia est impossibile, neque sequens stipulatio pœnæ, quia & ipsa pœna impossibile est. Estque ea species *dict. leg. si homo. de verb. sig.* qua ratione & legatum pœnæ eiusmodi hac constitutione improbat. Differentiæ ratio non est obscura, quia cum à principio stipulatio 100. si in cælum non ascenderit, non potest dici hæc stipulatio vllam pœnam continere, vbi prius iustus non est, aut non promissit in cælum ascendere. Est enim pœna, cum adicitur aliquid coercendæ promissoris causa, si id non fecerit, quod prius iustus erat: at vbi prius iustus est, & nisi fecerit, quod iustus est, adicitur, vt præter aliquid, tunc demum, quod adicitur, pœnam esse dixeris. Ceterum vbi iustus nullus testatoris præcesserit, vt id, quod in conditione erat, fieret, non dubitamus, quin legatum valeat. Iustum impossibilem præcedere debere, vt pœna subiecta non valeat, euidenter probatur verbis huius constitutionis, *illic, nisi disp. & prætere in vers. extremo.*

Accurrit eidem parti opponit §. impossibilem. *Institut. de hered. institut. l. obtinuit. de cond. & demonstr.* vbi traditur, conditionem tamen impossibilem legato adiectam pro non scripta haberi, & nihilominus legatum valere, in quo explicando valde sudat, quo nihil est ineptius. Hæc enim conditio, *si heres in cælum non ascenderit, vel si heres hominem mortuum non siterit,* non modo possibile est, sed etiam necessaria natura. Non enim tantum fieri potest, vt quis in cælum non ascendat, sed & necesse est ita euenire, quamdiu hic versamur in hoc corpore. Non est ergo mirum, si hæc conditio, vt non impossibile, retinetur. Cur autem retenta legatum vitiet diximus.

Idem opponit *l. 12. si mihi & tibi. §. 1. de legat. 1.* ubi si quid testator impossibile iubeat, impossibili detracto, nihilominus legatū valere. In hoc exemplo testator moriens testamento Romæ factō iussit heredem suum biduo, postquam moreretur, seruos dare, quos habeat, placet seruos deberi, etiāsi intra eas angustias præstare id non possit. Respondeo: Idem & in hoc legato fit, de quo hic agimus; nam cum testator iubet impossibile quid fieri, pro non scripto est. Quod ad poenam huic præcepto subiectam attinet, non aliam ob causam eam improbari dicimus, quam quod & ipsa est impossibilis, vt docuimus.

AD TITVLVM XLII. COD.

De Fideicommissis.

SYMMARIA.

- 1 Fideicommissi definitio.
- 2 Fideicommissum vnde dictum.
- 3 Fideicommittere quid.
- 4 Fideicommissum quid differat à legato.
- 5 Prætor fideicommissarius Romæ quæ.

1 Fideicommissum † est id, de quo post mortem nostram præstando quis rogatus est. Intellegitur definitio hæc *ex pr. tit. de fideicom. her. Instit.* Fideicommissum † dictum, quoniam committebatur fidei vel heredis, vel legatarij, vt præstet. Rogando id fit, quod indicant verba fideicommissi, quæ referuntur in *§. vlt. Instit. de sing. reb. & c. leg. 2. infr. com. de leg.* Vnde precariis verbis aliquid relinquere, est fideicommittere seu † relinquere per fideicommissum, & fideicommissaria voluntas dicta est precaria voluntas, *l. coheredi. §. cum filia. circa med. de vulgar. l. 2. infr. com. de legat. l. cum proponebatur. de legat. 2.*

4 Differt † fideicommissum à legato verbis, differebat olim & iure. Differt verbis, quoniam legatum legis modo relinquitur, vt est in *fragmentis Vlpiani, tit. de legat.* Legis modo relinqui dicitur, quia vel testator ipse dat, & se dare dicit, vel iubet heredem dare, vel iubet legatarium capere, & sibi habere, vt declarant species legatorum relatæ in *§. 1. Instit. de legat.* Hæc autem tria sunt propria legis, habere, vetare, permittere, *l. legis virtus. de legib.* Fideicommissum autem precariis verbis relinquitur, & vt loquitur Vlpianus in *fragm. tit. de fideicom. relinquitur precatio modo.* Hinc iuris differentia à principio nata est: nam legatum valuit, quoniam lex 12. tabularum iubebat ratas esse supremas voluntates testantium de legatis conceptas, his verbis, *vti quisque legasset, & c. l. verbis legis. de verb. sig.* Fideicommissum autem à principio nullam necessitatem iuris habuit, sed vt secundum verba committebatur fidei heredis, ita ex fide sola heredum pendebat, vt declarat *Instit. de fideicom. her. in pr.* Sed tandem & fideicommissa obtinere cœperunt, vt ibidem scriptum est, id tamen ita factum est, vt de his esset persecutio solū extraordinaria, *l. pecunia verbum. §. actionis. de verb. sig.* Extraordinaria hæc persecutio dicta est, quia comparata est præter morem & ordinem in ceteris actionibus vsitatum. Nam in ceteris actionibus exercendis ita mos erat iurisdictionis, seu prætorum in iudicando, vt prætores, etsi poterant ipsi cognoscere & iudicare, tamen cognoscere non solerent, sed iudicium & iudices dare litigantibus, qui iudices ex formula prætoris de re cognoscerent & iudicarent. Indicant edicta prætorum, quibus prætores pollicerentur, se actiones daturos. Probat ea sententia, quæ est in *l. 3. de iurisdic.* cum iudicis dandi licentia dicitur esse iurisdictionis, cuius hic est sensus, *iudicem dare licere, esse partem iurisdictionis, vt is, qui iurisdictione præditus est, pro iurisdictione sua possit iudicem dare,* atque hic ordo in iudiciis exercendis & iuridicando vsitatus erat.

Quod si prætor cognoscere cogebatur, hæc cognitio, quia erat præter ordinem vsitatum, ex re ipsa dicta est extraordinaria cognitio. Huius generis fuit cognitio de fideicommissis: nam prætor ipse de fideicommissis cognoscebat, non iudicem dabat. Eius rei causa proprius † prætor Romæ creatus est, qui fideicommissarius dicebatur *l. 2. §. capta. de orig. iur.* Hoc est, quod legimus in fragmentis Vlpiani *tit. de fideic.* fideicommissum non peti per formulam, id est, actiones vulgares & vsitatas, sed huius cognitionem esse Romæ quidem consulum & prætoris, qui fideicommissarius dicitur: in provinciis autem præsidum provinciarum. Interim hæc persecutio constituta effectum est, vt vim fidei-

commissa haberent non minus, quam legata. Ex quo effectum illa nata sunt, vt fideicommissa dicerentur esse vice legatorum, seu nomine legati contineri, *l. fideicommissa. de legat. 3.* Hinc & illa formula, quæ Scævola legauerat aliquid per fideicommissum, *l. xxv. rem §. legauerat. de legat. 3.* Quod ita dictum esse apparet, quasi legare idem sit generaliter, quod relinquere, cuius relictæ sunt duæ species: vna, cum per legatum relinquitur: altera cum per fideicommissum.

Et res ita habebat, fideicommissa effectum pro legatis erant, sed nihilominus etiam hac persecutione constituta differentia manserunt inter legata & fideicommissa apud veteres. Differentia autem legata à fideicommissis, & in actionibus, & in viribus vtriusque relictæ. In actionibus plus tributum erat legatis, quam fideicommissis. Nam legata olim variis actionibus consequi licebat, *l. cum filius. §. variis. de legat. 2.* nempe actione in personam ex testamento, & actione in rem, vbi res testatoris fuisset, & actione hypothecaria, vbi legatarius missus esset in possessionem bonorum legatorum seruandorum causa, de quibus dicitur *ad l. infra. commun. de legat.* Fideicommissa autem, quia præstabantur tantum de manu heredis, seu legatarij, vnde relinquiebantur, *§. pen. Instit. de sing. reb. per fideicom. relictæ,* ideo intelligimus recta dominium in fideicommissarium non transiisse, sed peti debuisse ab herede, vt transfret. Proinde vnam tantum actionem in personam fuisse, non etiam in rem.

In viribus autem vtriusque relictæ differentia hæc erat, quod fideicommissa, quia non nascebantur ex vilitate & subtilitate legis, ideo plerumque & benignius accipiebantur, quam legata, *§. sed non vsque Instit. de legat.* Ex hoc fonte quinque differentie nate erant. I. Quod legatum testamento solum relinqui poterat, non etiam codicillis, nisi codicilli ad testamentum pertinerent: Fideicommissum relinqui poterat & testamentis & codicillis, *§. præterea Instit. de fideicom. heredit.* I. Differentia ex hoc nata est, quoniam vt legata constituta sunt lege 12. tabularum, ita conuenire putabatur, vt legatis eiusdem iuris solemnitas seruaretur, solemnitas autem fuit in testamentis, non codicillis. Fideicommissa cum ex iure non essent, subtilitas iuris ciuilibus in his negligebatur. II. Differentia est, quod legata à solo herede relinqui poterunt, non etiam à legatario: fideicommissum autem & ab herede relinqui potuit, & à legatario, nec non fideicommissario, *Instit. in pr. de sing. reb. per. & c.* Differentia hæc ex verbis legis 12. tabularum nata est, quæ potestatem facit legandi de suis: autem legare videtur de suo, qui ab herede legat, quia heres intelligitur eadem persona cum defuncto, *Novell. de iur. à mor. præsit. in med.* Quod autem legatariis relinquitur, id alieno relinqui certum est. Sed hæc ratio contemta est in fideicommissis, quia etiam si fideicommissum de alieno relinquatur, tamen æquum est, quatenus quisque à nobis accepit, eatenus eum nobis obligari.

III. Differentia erat, quod post mortem heredis legari non poterat, fideicommissum relinqui poterat, *§. post mortem Instit. de legat.* Differentia hæc nata est ex regula iuris ciuilibus, quæ efficiebatur, actiones ab heredibus & contra heredes incipere non posse, *tit. vt actiones ab heredib. supr.* Hæc regula, vt iuris veteris erat, ita in legatis ex iure nascens seruabatur, non ita in fideicommissis.

IV. Differentia erat, quod legari non poterat ante heredis institutionem, quasi quæ esset caput & fundamentum testamenti, *§. ante heredis. Instit. de legat.* At fideicommissi poterat, vt *ex eodem §. colligitur,* quia de legato tantum illic nominatim scriptum est, sed expresse relictum est in fragmentis Vlpiani, *tit. de fideicom.* V. Et postrema differentia erat in lingua, vt auctor est Vlpianus *eod. tit.* Nam legata tantum Latine relinqui poterant, fideicommissa & Latina & Græca lingua. Iustinianus has omnes differentias edicta constitutione sustulit, non tantum in actionibus, sed etiam in viribus legati & fideicommissi, *l. 2. infr. commun. de legat.* Ea constitutione, quod legatorum proprium erat, fideicommissis tribuitur, & quod fideicommissorum erat, translata legata. Legatorum proprium erat plures actiones, Iustinianus effecit, vt totidem actionibus fideicommissum peti posset, de quo plenius *titul. infra. commun. de legat.* Proprium fideicommissorum erat, vt multis modis fideicommissa valerent, quibus non valerent legata. Iustinianus constituit, quibus modis fideicommissum vtiliter relinquatur, iisdem modis legatum datum valeat. Ita effectum est, vt legari possit codicillis & à legatario, & post mortem heredis, & ante heredis institutionem, & quacunque lingua, quoniam & his modis fideicommissum datum valet.

Postquam constitutionem in summa fere definiemus, legata esse per omnia ex æquata fideicommissis, & fideicommissa legatis, idque ex eo, quod totidem verbis legimus *l. i. de legat. i.* cuius hæc inscriptio est, Vlpian. &c. Vnde valde laboratum est omnibus temporibus, quomodo ille locus conciliaretur cum innumeris locis Pandectarum, in quibus vtriusque generis differentiam manifeste apparet, & præcipue quomodo conciliaretur cum Iustiniani constitutione, *d. l. i. inf. cum de legat.* in qua ille profiteretur, differentias legatorum & fideicommissorum, non solum fuisse temporibus Vlpiani, sed etiam ad sua tempora mansisse, utpote qui eas hac constitutione sustulit, quæ omnia falsa sunt, si verum est, Vlpiani temporibus per omnia ex æquata fuisse legata fideicommissis. Sed ne laboremus, meminisse oportet eius quod Iustinianus scribit *l. 2. §. tantum. sup. de ver. iur. enucleando.* se potestatem fecisse Pandectarum compositoribus emendandi & mutandi, si quid superuacaneum, vel alienum à suo tempore, vel minus idoneum in veterum scriptis inuenissent, & mutata atque emendata etiam sub inscriptionibus veterum ius actorum in Pand. redigendi fecisse potestatem. Ex quo genere esse dubitare non debemus *d. l. i. de leg. i.*

Nam cum Vlpianus, ut verisimile est, ex usu & iure suorum temporum scripsisset, legata maxima ex parte ex æquata esse fideicommissis, Tribonianus, ea potestate à Iustiniano sibi facta, pro illis verbis, *maxima ex parte*, vel similibus, reposuit, *per omnia*, ut in eo seruiret constitutioni iam editæ, vel quæ mox promulganda esset. Moneandi tamen sumus, hæc tamen differentias Iustinianum sustulisse inter legata & fideicommissa, quatenus ad voluntatem testatoris conservandam natura id fieri potuit: sed ubi id non potest fieri, intelligendum est, etiam veterem differentiam manifeste, quod accidit libertatibus. Nam si seruo libertas directe data sit, deinde ab eo, cui per fideicommissum iam relicta erat, ut prior fiat libertus testatoris, posterior heredis, *§. vlt. Instit. de sing. reb. per fid. per rerum naturam* fieri nequit, ut idem sit libertus heredis & testatoris. Quapropter & veterem differentiam manere in his libertatibus necesse est.

Ad L. Si probaueris. i.

Imp. Antoninus A.

Si probaueris Demetrium petiisse de matre heredeque sua, ut tibi alimenta menstrua & vestiarium annuum præstaret, eamque secutam voluntatem filij sui per multum temporis, id est, non minus in tali causa triennio. ea præstitisse: ut in futurum quoque ea præstentur, & si qua in præteritum præstita non sunt, ut exsoluantur, impetrabis. PP. 17. Kal. Sept. Duobus & Aspris. Coss. 213.

S Y M M A R I A.

- 1 Fideicommissum an ex imperfecto testamento & iniustus codicillis relinqui possit vtiliter.
- 2 Sententia huius & seq. legis.
- 3 Prima huius legis sententia.
- 4 Altera huius legis sententia.
- 5 Tertia huius legis sententia.

Coniungenda est cum hac lege *lex. 2.* Vtraque enim ad eandem definitionem iuris pertinet. Ius ita est: Fideicommissum fita ut legatum non relinqui, nisi iusto testamento, aut iustis codicillis. Ex imperfecto autem testamento & iniustus codicillis fideicommissum inutiliter relinquitur, ac proinde inutiliter relictum non debetur, *l. & in epistola. inf. eod.* Interdum tamen, quod ita inutiliter relictum est, voluntate heredis confirmatur, ut non minus valeat, quam si vtiliter esset relicta. Id contingit, cum heres, à quo fideicommissum relictum est, sciens à se relictum, sponte sua agnoscat voluntatem & iudicium defuncti. Quæ sententia est harum legum, qui voluntatem defuncti agnoscat in fideicommissum, quamuis inutiliter relicto, fideicommissum confirmat, ut siue præstiterit, repetere non possit, *leg. 2. b.* siue nondum quicquam præstiterit, nihilominus ad præstandum obligetur, quæ sententia expressa est in *leg. non dubium. in fin. sup. de testam.* Eadem sententia est *l. i. b.*

Voluntatem defuncti intelligitur agnoscere heres, aut à patre, cum se eam agnoscere profiteretur, & legatum præstare velle, in quo an sola voluntas sufficiat, an vero cautio, seu stipulatio necessaria sit, oportunius dicitur *ad l. si veritas. inf. b.* At agnoscat legatum re ipsa præstando, & quidem in eo, quod præstat heres sua sponte, ita voluntatem agnoscat, ut quod præstitit, repetere non possit, *leg. 2. b.*

Sed an in futurum quoque obligetur, ut fideicommissum præstet, ex eadem causa quaeritur, quæ quomodo locum habent in fideicommissis annuis, cum decem annua puta relicta sunt Titio, vel alimentorum, vel alterius rei causa? Et placet eum, qui ex causa huius fideicommissi aliquandiu fideicommissum præstitit, se actum, non tantum ut non iure possit repetere, quæ soluit, sed etiam in futurum obligare, ut fideicommissum deinceps præstet, non secus, quam si vtiliter esset relictum, si modo præstiterit fideicommissum non minus, quam triennio. Quæ sententia est *l. i. hic. Quæ*, ut recte explicetur, animaduertendum est, hoc rescripto exprimi sententias tres, quæ separatim sunt discutendæ.

Prima sententia est, fideicommissum inutiliter relicto, puta, vel imperfecto testamento, vel imperfectis codicillis, si heres sponte sepius id præstiterit, ex iudicio defuncti, non ideo in posterum obligatur, ut præstet, si nolit, nisi fideicommissum diu antea præstiterit, id est, in hoc casu non minus triennio. Hic opponitur *l. non dubium. sup. de testam.* ubi simpliciter definitur heredem, qui iudicium defuncti agnoscat, hoc ipso, quod agnoscat, in posterum fideicommissum obligari non tantum, si fideicommissum aliquoties præstiterit, sed si non præstiterit. Multo ergo magis si aliquoties præstiterit, ut *h. in l. i.* Nam heres fideicommissum aliquoties præstiterit, & adicitur id eum fecisse secutum voluntatem defuncti. Resp. Quia fideicommissum aliquandiu præstiterit, non agnoscat voluntatem defuncti in futurum: nihil enim vetat, nisi ut heres velit præstare id, quod præstat per id tempus, quo præstat, nolit autem id amplius in posterum præstare, aut certe nolit in posterum obligari.

Hoc loco opponitur *l. 2. seq. vbi vna præstatione fideicommissi* dicitur heres agnoscat defuncti voluntatem, ideo agnoscat in his, quæ præstat, in his autem, quæ non præstitit, non aliter agnoscat intelligitur, quam si triennio fideicommissum præstitit, ideo lex prima est de fideicommissum præstito, secunda de fideicommissum præstando. Quia ratione responsum est argumento Accursij, ex enumeratione partium sumto, quod est glossæ. Ille argumentatur hoc rescriptum non posse consistere. Nam si vtiliter fideicommissum relictum fuerit, statim debetur, siue quis præstiterit, siue non. Si inutiliter relictum est, & heres ignorans inutiliter relictum præstitit, dum in facto errat, non obligatur fideicommissario, quamuis per decennium præstiterit, quia errantis nulla voluntas, *l. cum testamento. sup. de iur. & fact. ignor.* Hoc amplius etiam quod præstitit, potest repetere ut indebitum per errorem facti solutum, *l. erro. inf. ad l. Falcid.* Quod si heres sciens inutiliter relictum sponte soluit, secutus defuncti voluntatem, hoc ipso, quod agnoscat voluntatem fideicommissum confirmat, ut probatur *leg. 2. b.* Respondeo: Priora duo certissima sunt, tertium distinctione est explicandum. Nam cum heres sciens fideicommissum annuum esse inutiliter relictum, soluit, agnoscat voluntatem in eo, quod soluit, & ideo non repetit, *d. l. 2. b.* In his autem pensionibus, quas nondum soluit, non continuo agnoscat voluntatem defuncti, sed ita si per triennium fideicommissum annuum præstiterit.

Alter sententia hic statuitur, si fideicommissum annuum, 4 quamuis inutiliter relictum, heres secutus voluntatem defuncti, triennio præstiterit, non solum quæ soluit, non repetet, sed & ut quæ nondum præstitit, in posterum præstet obligatur. Cur potius hoc casu, quam tunc, cum per triennium non præstitit? Quia ubi per triennium præstitit, constantia & perseverantia præstationis declaravit, animam heredis fuisse velle declarare, *l. quod calore. de reg. iur.* Constantia igitur præstationis declarat agnitionem voluntatis defuncti.

Hæc sententiæ opponitur *l. si seruus. de pact. & l. creditor. sup. de vsur.* Quibus in locis hæc sententia exprimitur: Si quis pensionem annuam, aut vsuras annuas, vel menstruas pactus, factio inutiliter promiserit, quamuis facti fidem secutus, pluribus annis eam pensionem, aut eas vsuras præstiterit, tamen non eo magis obligari in posterum, ut præstet, si nolit. Et in summa multorum annorum præstationem in re aliqua indebita non inducere rei prius indebitæ obligationem. Respondeo: Nihil verius dicitur in yniuersum, quam præstationem multorum annorum

non inducere obligationem rei prius indebita, quoniam certis & constitutis modis obligationes nascuntur & finiuntur, *l. obligat. fere vers. placet, de oblig. & actionib.* Inter hos non numeratur præstatio alicuius rei, quamvis sæpius repetita. Proinde ex ea obligatio non nascetur, idque verissimum est, non tantum inter vivos in his rebus, quæ inutili pacto debentur, sed & fideicommissis, neque tamen hi loci inter se pugnant.

Qui sit igitur, ut qui ex inutili pacto sæpius eandem pensionem promissam præstitit, in posterum non obligetur inuitus, fideicommissio autem inutiliter relicto obligetur, si per triennium totum præstitit? Respondeo: Differentiæ ratio est, quia cum ex pacto inutili sæpe aliquid præstatur, non nascitur nova aliqua actio, ex qua præstatio inducatur. Nam effectum est, solam præstationem non esse in hoc numero earum causarum. Præter autem eam præstationem nihil inducitur, nisi agnitio prioris pacti, quod promissor se agnoscere ostendit hoc ipso, quod ex pacto soluit. Sed hæc agnitio pacti non magis est causa iusta inducendæ obligationis, quam præstatio atque adeo ipsum pactum, si promissor iterum pacto idem constitueret id, quod sola natura debetur, *leg. 1. §. debitum de pecunia constituta.* Nunc autem qui hodie aliquid præstat, non ideo id in futurum promittere intelligitur, ita præter questionem nulla hic nova causa est, ex qua promissor in posterum obligetur. Proinde in totum nulla, quia nec præstatio ipsa causam inducendæ obligationis continet, ut supra dixi. At in fideicommissio inutiliter relicto, cum heres id sponte triennio præstitit, in futurum obligatur, non quia id præstitit, sed quia præstando voluntatem defuncti agnovit. Hæc autem agnitio satis est ad eum obligandum ex manifesta ratione æquitatis. Nam heres prius a defuncto accipit & lucrum & honorem. Equum est igitur, ut quatenus accepit, eatenus voluntati defuncti obligetur, maxime si sponte est eam voluntatem secutus. Non obstat huic parti *l. quod bonis. vers. non iudico. ff. ad l. Falcid.* ubi testator legat fideicommissum annuum, sed quia supra dodrantem legat, totum fideicommissum non debebatur. Poterat enim heres ex lege Falcidia retinere quartam, verumtamen voluntatem defuncti securus primo & secundo anno solidum legatum præstitit: illic responderetur non ideo in futurum obligari, ut solidum præstet. Id ipsum hoc loco confirmatur, non enim dicimus, heredem primo & secundo anno fideicommissum præstantem in futurum obligari, sed ita demum, si non minus, quam triennio præstitit.

Sed videri potest etiam in hac sententia falsum esse, quod dicitur, fideicommissum deberi, si solum triennio præstitum sit. Videntur enim exigi non minus, quam decem anni, ut quis ob præstationem plurium annorum in futurum obligetur, *ex l. cum de in rem verso. de vsur.* ubi filius familias pecuniam mutuum acceperat sub certis vsuris, si ea pecunia in rem patris versa sit.

Constat patrem de in rem verso obligari, etiam si filius nihil in peculio habeat, *l. 1. de in rem verso.* Cum de hoc non constaret, pater eius pecuniæ vsuras per decem annos creditori filij soluit. Mortuo patre conveniuntur heredes a creditore filij tanquam de pecunia in rem patris versa: negat heres patris, pecuniam in rem eius versam. Creditores quia agunt & dicunt esse versam, id probare debent *l. 2. de probat.* Dicunt creditores id satis probari ex eo, quod pater tamdiu eius pecuniæ vsuras solverit. Rescriptum est, heredes patris de in rem verso teneri, quasi pecunia in rem patris versa esset, idque probari ex eo, quod tamdiu pater vsuras præstitisset. Verissimile est enim, eum præstiturum non fuisse, nisi sortem ipsam debuisset. Interim ut conveniri pater possit de in rem verso, aut patris heredes, exigitur: ut vsuræ sint præstitæ, non per triennium, sed non minus, quam per 10. annos.

Respondeo: Non constabat in hac lege, pecuniam in rem patris versam non esse, & ideo non constabat a patre non deberi: quod si constitisset, & id faterentur creditores nunquam præstatione diuturna vsurarum patrem, aut eius heredes obligasset, nõ magis, quam obligat debitores, in *l. si certis. sup. de pact. & l. creditor. sup. de vsur.* ubi creditor, qui pecuniam annuam petebat, fateretur initio fuisse indebitam, sed contendeat deberi cæpisse ab eo, quod tamdiu solvisset, & ideo illic negatur, qui præstitit, propter præstationem obligari. At in *l. cum de in rem verso.* creditores dicebant pecuniam in rem patris versam, & ita a patre debitam, & de eo erat controuersia.

Dicitur autem probari, versum esse in rem patris ideo, quia pater eius pecuniæ vsuras diu præstitisset: ex quo intelligimus, nun-

quam præstationem diuturnam inducere obligationem rei, quæ constat indebitam fuisse: si de eo dubitatur, an debita fuerit, tunc præstationem plurium annorum continere pecuniæ debite præstationem. Id ad speciem hanc pertinet, ubi constabat fideicommissum inutiliter relicto, & non quærebatur huius rei probatio, sed quærebatur, an propter præstationem plurium annorum in futurum heres obligaretur ad hoc præstandum? Ad hoc dicimus sufficere triennij præstationem. Ceterum si quæretur, an hoc fideicommissum esset a defuncto relicto, & id præstitisset heres per aliquot annos: deinde negaret a se nullum fideicommissum relicto esse: diceremus ad hoc probandum non sufficere, quod per triennium præstitisset ex fideicommissi causa, sed exigendam diuturnam præstationem, id est, 10. annorum, *argumento l. cum de in rem verso. de vsur.*

Tertia ¶ sententia huius legis pertinet ad petitionem fideicommissi & earum rerum, quæ in posterum peti possunt. Sic autem rescripto expressum est: *Postquam heres fideicommissum inutiliter relicto triennio sponte præstitisset, fideicommissarium impetraturum, ut non tantum præterita annua, vel mensura exsoluantur, sed ut in futurum ea quoque præstentur.* Exempli causa: Heres hoc fideicommissum triennio præstitit, deinde duobus annis cessavit nihil petente fideicommissario, post eos duos annos agit & fideicommissum petit. Itaque non tantum pensiones diuturnæ præteritorum annorum consequetur, quæ adhuc solutæ non sunt, sed etiam consequetur, ut in futurum quoque sequentium annorum pensiones præstentur. Huic parti opponi non quemadmodum de iudicijs, ubi regula iuris certissimi traditur, iudicium non posse esse in pendente, id est, de his rebus, quæ nondum debentur, & postea futuræ sunt. Ex quo efficitur, in fideicommissio annuo de pensionibus annuis sequentium annorum agi non posse, quia hæc nondum debeantur. Omnes interpretes fatentur, locum esse contrarium, sed speciale, in huius legis specie, ubi de pensione agitur, quæ iam debebatur, & propter præterita agitur de futuris: atqui id fieri dicunt fauore allimentorum.

Sed hæc sententia dici non potest, utrum magis falsa sit, an inepta. Nam cum annuum aliquid legatur, aut fideicommitteretur, in hoc legato plura sunt legata: primi anni purum legatum, sequentium annorum conditionale. Inest enim hæc conditio, si legatarius, aut fideicommissarius initio cuiusque anni viuat, *leg. 4. de annuis legat. l. nec semel. quand. dies leg. cod.* Proinde ubi nondum sequentes anni venerunt, eorum annorum pensiones non debentur, & ut in *dict. leg. nec semel.* eorum legatorum dies non cessit: quod si non cessit, eorum annorum legata non peti possunt, *l. cedere diem. de verb. sign.* Secundum quam sententiam verè dicitur *ex l. non quemadmodum. de sequentium annorum pensionibus* iudicium esse non posse. Ineptum est autem, quod putant id esse huic legi contrarium, ubi nullo modo id legatur. Cum enim dicitur, fideicommissarium impetraturum, ut in futurum quoque legata præstentur, sic accipiendum est, ut impetret suo tempore, non præmature, id est, ut impetret, cum sequentium pensionum dies cessit. Et merito, quia agnitio legati, quo heres legatum præstando voluntatem defuncti agnovit, non mutavit qualitatem fideicommissi: sed tantum fideicommissarium confirmavit, ut post triennij præstationem non minus obligetur heres, quam si fideicommissum vitiliter esset relicto. At si vitiliter esset relicto, non possent peti sequentium annorum pensiones, priusquam dies venisset, *dict. leg. nec semel. quando dies legat. cod.* Ergo nec tum peti poterunt, ubi heres fideicommissum tantum agnovit. Absurdum enim est plus tribui inutili fideicommissio, quam vitili, plus tribui voluntati heredis, quam vitili voluntati defuncti.

Ad L. *Et si. 2.*

Idem A. Eupatrio.

Et si inutiliter fideicommissum relicto sit: tamen si heredes, comperta voluntate defuncti, prædicia ex causa fideicommissi auctore præstiterint: frustra ab heredibus eius de ea re questio tibi mouetur, cum non ex ea sola scriptura, sed ex conscientia relicti fideicommissi defuncti voluntati satisfactum esse videatur. PP. 6. Kal. Aug. Læo II. & Cereale Coss. 216.

Hæc lex exposita est ad *l. sup.*

Ad L. Cum secundum. 3.

Ad L. Voluntas. 4.

Idem A. Rufino.

Imp. Alexander A. Victorino.

Cum secundum voluntatem defunctæ Chrysidem puellam ab heredibus manumissam, eamque priusquam ei restitueretur hereditas, intestato vitâ defunctam proponas: ad manumissos eius successio pertinet. Qui si adierint eius hereditatem: confusus actionibus, fideicommissi sunt liberati. PP. Idib. Decemb. Lato II. & Cereale Coss. 216.

Voluntas patris prohibentis liberos fundos extra familiam vendere, vel pignori dare, fratrem sorori donare prohibuisse non videtur. PP. 5. Kalend. Iul. Maximo II. & Aeliano Coss. 224.

S V M M A R I V M.

Summa huius rescripti.

Testatrix † duos heredes instituit, eosque rogavit, vt Chrysidem ancillam, quæ forte heredum erat, manumitterent, manumillæ hereditatem restituerent. Testatrice mortua puellam heredes manumiserunt, sed nomina in fideicommissio fecerunt. Itaque priusquam ei restitueretur hereditas, puella decessit intestata, quia testamentum facere non potuit, & sine liberis, quia puella erat: ita factum est, vt ei heredes sint ex lege duodecim tabularum, iidem illi heredes, à quibus manumilla erat, vt defunctæ patroni, §. sed nostra. versic. fin. autem, Inst. de successione. liber. Cum heredes supra scripti non tantum ex fideicommissio obligentur Chrysidem, sed etiam id restituere debeant Chrysidis heredibus: ipsi autem Chrysidis heredes sint: quæsitum est de fideicommissi obligatione, & an adhuc ea obligatione teneantur? Rescriptum est, eos confusus actionibus liberatos esse fideicommissio.

S V M M A R I A.

- 1 Testatore simpliciter vetante, ne heres fundum alienet, præceptum nullius est momenti, & heres impune fundum alienat.
- 2 Prohibitus fundum vendere extra familiam, an videatur fecisse contra voluntatem defuncti, si sorori eum donarit? Quid si alij donarit: quid si extraneo?

Cum testator † vetat, ne heres fundum alienet, si simpliciter vetet, præceptum nullius momenti est, tanquam nudum itaque impune heres fundum alienabit, l. filiusfam. §. diui de legat. 1. Tum præcipitur hoc vtiliter, vel cum testator vetat alienari, vt in familia maneat, aut vetat alienare extra familiam, & ob hoc hic proponitur testator prohibuisse fundum vendi extra familiam. Hoc adiecto, quæ sit alienationis pœna, si forte heres contra voluntatem defuncti fecerit, dicitur in l. quoties. Hinc quæsitum est, an † qui prohibitus est fundum vendere extra familiam, videatur fecisse contra voluntatem defuncti, si sorori fundum donarit? Scriptum est hic non fecisse. Quid si alij heres donarit, quam sorori? Respond. Etiam alij donare potuit, quam sorori, si modo ei donarit, qui sit ex familia. Nam solum extra familiam prohibitus fuit alienare. Familiæ verbo in hoc genere legati quid contineatur, cautum est l. vt. de verb. signif.

Quid ergo si heres extra familiam vendere prohibitus donet extraneo? Mouet dubitationem, quod vendere tantum prohibitus est: aliud autem est donare, aliud vendere, vt proinde non videatur prohibitus donare. Respondeo: Ex hoc loco satis colligitur, si alij, quam sorori, aut ei, qui sit æque in familia, vt soror, donarit, contra præceptum testatoris videri factum, alioqui frustra hic de sorore esset comprehensum, quod verum est. Nam qui prohibet quod minus est, multo magis id, quod maius est, prohibere intelligitur. Tolerabilius autem est vendere extra familiam, quam donare, quia qui vendit, habet pretium, quod saltem in familia maneat, qui autem donat, & pretium & rem amittit, quia gratis donat. Proinde qui vendere prohibitus est extra familiam, ex sententia testatoris multo magis donare prohibitus intelligitur. Sed & voluntas huius testatoris manifesta est. Idcirco enim fundum vendi vetat extra familiam, vt fundus maneret in familia. At multo minus manet in familia donatus, quam venditus, ob eam causam, quam supra dixi, quia fundo donato, ne pretium quidem retinetur in familia. In summa qui vendere extra familiam prohibitus est, ex sententia testatoris quouis modo alienare prohibitus est extra familiam.

Ad L. Si frater. 5.

Idem A. Regina.

Si frater tuus postquam patri heres exstitit, pubes iam factus sine liberis decessit: ex pupillaribus substitutione tibi hereditas eius delata non est. Sed si verbis fideicommissi aliqua parte testamenti confirmata est: fideicommissum ab heredibus petere non prohiberis. PP. 15. Kal. Feb. Iuliano II. & Crispino Coss. 225.

S V M M A R I V M.

- 1 Primo & secundo heredibus institutis, defuncto secundo an eum hereditas ad primum pertineat ex substitutione.

Pater duobus filiis, primo & secundo heredibus institutis, secundo primum substituit, quandoque moreretur. Secundus pubes factus sine liberis decessit. Quæritur, an † eius hereditas ad primum pertineat ex substitutione? Respondeo: M m m 3 Distin.

Hoc videtur falsum esse: nam quoties debitor succedit creditori, vt hic debitorum Chrysidis ex causa fideicommissi successerunt creditrici suæ, non confunditur obligatio, nisi pro ea parte, ex qua defuncto heredes successerunt, l. penult. sup. de hered. act. l. si vxor. inf. de bon. auctorie. iudic. Proinde in proposito cum duo heredes ex æquis partibus Chrysidem successerunt, non confunditur actio fideicommissaria in singulis heredibus, nisi pro dimidiæ parte, & ita singuli portionem suam dimidium debent, nisi aliquo casu pro ea dimidia portione fideicommissi liberentur. Ceterum alteram dimidium suæ portionis debent coheredi: hoc enim illi restituere debent; neque eatenus fideicommissio liberantur. Neque hoc dicimus sine manifesta vtilitate, quæ in hac specie subiecta apparebit. Finge duos heredes esse institutos, primum & secundum, primum ex octo vnciis, secundum ex quatuor: eosdem existisse Chrysidem heredes ex æquis partibus, nempe ex semissibus. Fideicommissi diuisione ita res transegerunt, primum ex octo vnciis, quas est in suis restituere heredibus Chrysidem, retinebit quatuor, tanquam heres pro dimidia parte, alteras quatuor restituet secundo, secundus ex his quatuor, quas est in suis restituere, retinebit duas vt heres ex parte dimidia: reliquis duas restituere primo, & ita fiet, vt primus, qui institutus erat ex octo vnciis, nihil habeat ex diuisione fideicommissi, nisi lex vncias: secundus autem habeat tantundem, qui institutus tandem erat ex quatuor. Huic rescripto hodie etiam locus erit, si heredes rogati erunt restituere hereditatem libero homini, puta cognato, ac deinde cognatus ante restitutionem fideicommissi decesserit, cui postea iidem heredes successerunt ab intestato. Nam hoc casu succedunt heredes ab intestato ex æquis partibus.

Quod si fingamus in specie proposita hic primum & secundum heredes institutos successisse Chrysidem ex inæqualibus partibus, diuisio fideicommissi inter eos ita fiet, vt si primus successisset pro dodrante, secundus pro quadrante, primus ex tribus partibus, in quas eius portio diuideretur, duas retinere debeat, & vnam restituere, secundus ex tribus partibus, in quas eius portio diuideretur, duas restituere debeat, vnam retinere. Sic autem eueniet in specie proposita, vt primus & secundus pro his partibus succedant Chrysidem libertæ suæ, si fingas Chrysidem fuisse ancillam testatoris, & primum institutum fuisse ex dodrante, secundum ex quadrante. Nam ex portionibus hereditariis intelliguntur manumillæ Chrysidem succedere, vt primus sit patronus pro dodrante, secundus pro quadrante, pro quo iure patronatus constituto consequens est, vt ab intestato Chrysidem succedat pro iidem partibus, pro qua sententia facit §.

illud Inst. de sociis.

Distinguendum est: nam si primus secundo substitutus est directe, hereditas ex substitutione primo non deferretur, ac nec potest. Exempli causa, pater ita substituit, *si heres erit, & quodcumque decesserit, frater eius primus heres esto*. Ex hac constitutione non potest secundi hereditas primo deferri. Non deferretur enim ex substitutione pupillari, quia secundus proponitur decessisse pubes. Substituto autem pupillaris pubertate evanescent, *l. in pupillari. ff. de vulg.* Non deferretur ex substitutione, quae post annum 14. facta sit, quoniam post eam aetatem substitutio directa frustra fit, *l. verba. l. in pupil. de vulg.* Proinde recte responderetur, in totum ex substitutione directa, hereditatem secundi, primo deberi non posse. Quod tamen sic est interpretandum, ut non possit deferri tanquam ex substitutione. Ceterum ex causa fideicommissi ad eum pertinet, tanquam tacito fideicommissio in hac substitutione comprehenso, *argum. l. 2. §. 2. ff. de iur. codicil. de quo dixi ad l. sup. de codicil.*

Quod si pater verbis precariis, seu fideicommissariis petat a secundo, ut post mortem suam restituat portionem suam fratri suo, hoc casu substitutio fideicommissaria valebit, *§. vlt. Inst. de pupil. l. cohered. §. cum filia. de vulg.* Cuius substitutionis effectus hic est, qui declaratur in hoc scripto, ut hereditas secundi iure pertineat ad omnes alios heredes eius legitimos, sed ita, ut hi ex fideicommissio obligentur primo, ut hereditatem restituant, quod facient deducta quarta ex Senatusconsulto, *§. sed quia heredes. Inst. de fideicommiss. heredit.* Veruntamen ita fideicommissum debetur primo, si secundus pubes factus sine liberis decesserit: non si decesserit susceptis liberis & exstantibus, sed si succedunt excluso substituto, *ex l. cum acutissimi. infr. hoc tit.* Et haec causa est, cur in principio huius rescripti proponatur frater secundus decessisse pubes & sine liberis. Nam alioqui quod ad directam substitutionem atinet, nihil refert, utrum secundus frater sine liberis decesserit, an susceptis liberis, ad hoc, ut primus frater eius ex substitutione pupillari non admittatur.

Ad L. Pradia. 6.

Idem A. Nilio.

Pradia obligata per legatum, vel fideicommissum relicta, heres luere debet: maxime cum testator conditionem eorum non ignoravit, aut, si scisset, legatarius tibi aliud, quod non minus esset, fuisset. si vero a creditore distracta sunt: pretium heredes exsoluere cogitur, nisi contraria defuncti voluntas ab herede ostendatur. PP. 16. Kalend. Mart. Iuliano II. & Crispino Coss. 225.

S Y M M A R I A.

- 1 Luere pignus quid.
- 2 Res aliena legata, si testator sciuit pignori obligatam, ab herede luenda est: & quando quibusve casibus ibid. & num. 3.

Cum testator legat rem, quae pignori obligata est, non talis est praestanda, qualis est, sed interdum heredes pignus luere debent. Est tamen luere, pretium creditoribus exsoluere, & liberare nexu pignoris, *tit. de iur. pig. inf.* Quod ita dictum est, quasi dicat pignori eluere & delere, ut amplius ea obligatio, & tanquam macula in re non maneat. In hac re autem est eadem distinctio, quae servatur, cum res penitus aliena est legata. Si testator sciuit pignori obligatam, ab herede luenda est, *l. si ignoravit. §. sed et si rem. si res obligata. de legat. 1.* sed ita demum cum testator ignoravit rem pignori obligatam, res fideicommissario luenda est, nisi alteruter ex his duobus casibus contigerit. Vnus est expressus hoc rescripto, si testator rem alienam testatus fuerit, aut legatarius tantundem, si rem pignori obligatam esse sciuit. Quando autem existimetur testator id facturus fuisse, dicitur *ad l. cum alienam. sup. de legat.* Alter casus est adiectus *in d. l. si res oblig. de leg. 1.* Est autem hic, ut fideicommissarij rem pignori obligatam luere non debeant, si aliquid superfuturum est excluso a re alieno, verbi gratia: Fundus aliquis 200. legatus, aut fideicommissus est. Is fundus pignori obligatus erat creditoribus, cui 300. debebam. Dicemus legatarium seu fideicommissarium, vique ad 200. debere luere fundum, sed illa 200. non praestabit, verum heres, ut ita pi-

gnori liberato fideicommissarius fundum consequatur, & ita, ubi aliquid superfuturum est, quod debeat creditori, cum exsolutum erit a alieno, tantum, quantum fundus valebat, pro superflua quantitate fideicommissarius non luere, quia ultra, quam fundus valet, fideicommissarius praestare nihil cogitur, *l. civitatibus §. vlt. de legat. 1.* Ceterum ad eam quantitatem, qua fundus aestimatur, praestare debet, *l. Titius. de leg. 2.* Ex his intelligi potest, cur hic scriptum sit, heredem luere debere pignus maxime in his casibus, qui hic expressi sunt. Hoc verbo maxime significatur, heredem & in aliis casibus luere debere. Id verum esse, ex his casibus, quos complexi sumus, intelligitur. Quibus tamen casibus luendi pignoris onus ad heredem pertineat, id vt faciat, heres consequetur legatarius actione in personam ex testamento, non etiam actione in rem, ut dictum *l. 3. sup. de legat.* Sed & illud intelligendum est, tunc solum heredem posse pignus luere, id est, pecunia soluta pignus recipere, cum pignus nondum a creditore legitime est distractum. Nam ubi distractum est, amplius possessio a possessore tenocari non potest, ut dominio pignoris in eum iure translato, *l. vlt. infr. si vend. pig. l. non est novum. de acquir. rerum dom.* Proinde hoc casu in superest, quod dicitur in extremo huius rescripti, ut heres rem a creditore distractam aut redimat a creditore, aut si non redimat, aestimationem exsoluat, ut fit in rebus alienis legatis, *§. non solum. Inst. de legat.*

Ad L. Voluntatis. 7.

Idem A. Septimo.

Voluntatis defuncti questio in aestimatione iudicis est. PP. 15. Kal. Mart. Fusco II. & Dextro Coss. 226.

S Y M M A R I A.

- 1 Voluntatis quaestio quando fit locus.
- 2 Vbi nihil scriptum, aut nuncupatum est, nihil debetur, etiam si de praestando testator senserit.
- 3 De voluntatis quaestione ex iuris ratione responderi nequit.

Voluntatis tamen quando est quaestio, qua quaeritur, quid testator voluerit, senserit, huic quaestioni non est locus, ubi testamento, aut codicillis nihil scriptum a testatore, aut nuncupatum est. Nam tamen ubi nihil scriptum, aut nuncupatum est, nihil debetur, etiam si de praestando testator senserit, ut proinde sit superuacua hoc casu voluntatis quaestio, *l. quoties. 9. de heredit. inst.* Sed tunc ei locus est, cum testator aliquid scripsit, aut dixit, sed verba obscura sunt, aut ambigua, aut ea, quibus aliquid desit, ut proinde ex his quaeratur, quid senserit testator, veluti si Moxo 100. nummos legauerit, & quaeratur, de quibus nummis senserit. Huiusmodi voluntatis quaestio est in cognitione & aestimatione iudicis, ut hic traditur, id est, quaestio iudici cognoscenda & iudicanda committitur, non autem Principi, aut prudenti alicui. Cuius sententiae haec est ratio, quia voluntatis quaestio diiudicatur ex circumstantiis, quae sunt in facto positae. Nam ut maneamus in exemplo nummorum legatorum, cum 100. nummi Titio legati sunt, & quaeritur, quos nummos testator intellexerit, praecipitur id aestimandum esse ex consuetudine loquendi testatoris, aut ex more regionis, ubi res geritur, aut ex his, quae in testamento antecedunt, vel sequuntur, *l. si seruis plurium. §. vlt. de legat. 1. l. nummis. de legat. 3.*

Haec omnia, quomodo loqui sit solitus testator, quid frequentetur in ea regione, quid in testamento ante, vel post scriptum sit, haec inquam, omnia facti sunt, quae nulla definitione iuris, aut prudentia Iurisperiti explicari possunt, sed cognoscuntur probationibus testium & instrumentorum. Causa autem omnis facti est in cognitione & aestimatione iudicis, id est, iudici examinanda & iudicanda committitur, ut in *l. mor. a. ff. de iur. scriptum est, ubi initio dicitur, an mora facta sit, iudicem examinare debere.* Et ratio hic subiicitur, quia haec sit quaestio, & adicitur ideo nulla definitione iuris, nulla prudentia Iurisperiti, vel Principis auctoritate decidi possunt. Idem de definitione, facti significatur a Scaeuola, *l. si ita quis, §. scia, in fin. de iur. vbi ita scriptum est. Respondetur agi posse, si debitor non multo post obtulisset, & nihil actoris interesset, quod omne ad iudicis cognitionem remittendum est. Recte, quoniam an debitor obtulerit*

terit pecuniam, & an interfit actoris, nec ne, in facto, non in iure consistit, *l. quatenus, de reg. iur.*

Hoc est igitur, quod Imperator scripsit hoc loco, cum confuleretur de voluntatis testatoris † quaestione, rescriptis de ea quaestione consulti non debuissent, quia non possit de eo ex ratione iuris respondere. Rem enim facti esse: facti autem cognitorem in iudicis esse, non Iureconsulti, aut principis. Idque est, quod dicitur in *l. eum, qui temere, §. vlt. de iudic.* Iudicibus de iure consulentibus, praesides prouinciarum respondere solere, de facto autem consulentibus respondere non debere, quia res ex cognitione & religione iudicis pendeat.

Ad L. Qui fideicommissariam, §.

Idem Maseulo.

Qui fideicommissariam libertatem meruit, legata, seu fideicommissa à defuncto sibi data suo iure persequitur. PP. XV. Cal. Iun. Fusco II. & Dextro Coss. 226.

S V M M A R I V M.

- 1 Fideicommissum, aut legatum, an vel n̄ qui possit ei seruo, qui eodem testamento manumissus est, per fideicommissum, seu quem heres est rogatus manumittere.

Regula iuris est, heredi à seipso legari, aut fideicommissi non posse, *l. legatum, §. i. de leg. i.* Item hæc regula nota est, seruo proprio aut seruo heredis sine libertate legari non posse, *l. plane vbi, §. si conuictum, leg. si minor, de legat. i.* Nempe quia hoc modo heredi à seipso relinqueretur. Nam ab ipso legatum præstandum esse certum est, sed & ei legatum per seruum acquiri constat. Quod si libertate seruo data, seruo aliquid relinquitur, siquidem ei pure libertas data est, & libertas & legatum valet, quia hoc modo non seruo legatur, sed liberto, *leg. quaesitum, §. i. de legat. i.* Sed si libertas ei datur sub conditione, quæ existere non potest, nisi per aditam hereditatem, frustra ei legatum, aut fideicommissum relinquitur, *dict. leg. quaesitum.* Et oratio est eadem regula superiori, quia cum hic legatum seruo datum, primum sit, eius legati dies statim cedit à morte testatoris, *l. vnica, §. in nouissimo inf. de cad. toll.* At libertas sub conditione data non existit, nisi adita hereditate, ita fit, vt adita hereditate, reperiat aliquid tempus intermedium, quo tempore hic seruus fit heredis seruus, vt sic verum sit, seruo heredi is legatum datum esse, atque ita heredi à seipso legatum esse.

Hinc quaesitum est, † an fideicommissum, aut legatum relinqui possit ei seruo, qui eodem testamento manumissus est per fideicommissum, seu quem heres est rogatus manumittere? Dubitationis causa hæc est; quia qui per fideicommissum manumittitur, videtur sub conditione manumitti, quæ non existit, nisi post aditam hereditatem, nam manumittitur, si heres eum manumittat. Libertatem enim ab herede accipit, *§. vlt. institut. de sing. reb. per fideicommiss.* Porro heres non potest manumittere, nisi adita hereditate, si seruum testatoris fuisse proponat. Sed placuit eum, qui fideicommissam hereditatem pure accepisset, vtiliter legari & vtiliter fideicommissi, vt manumissori legati & fideicommissi conditio competat, vt hic traditur & pluribus in *l. si quis seruo, de legat. 2.* Non obstat, quod dicitur, in fideicommissaria libertate conditionem inesse. Nam conditio iuris est, quæ sua sponte inest, non à testamento. Adicitur: Conditiones huiusmodi non reddant supremam voluntatem conditionalem, *l. condiciones extrinsecus, de cond. & demonstr.* Et ideo tamen non competit iure libertas, nisi ei, qui manumissus est ab herede, tamen fideicommissi die statim cedit, non minus, quam legati seruo relicti. Ita simpliciter verum est, eo tempore legatum & fideicommissum relinqui manumisso, non seruo, et tamen si heres manumittat statim, tamen pro manumisso seruus habendus est, in quo manumittendo heres moram fecit. Hæc est sententia *l. si quis seruum de leg. 2.*

Ad L. Ab eo, §.

Imp. Gordianus A. Paulinæ.

Ab eo, qui neque legatum, neque fideicommissum, neque hereditatem, vel mortis causa donationem accepit, nihil per fideicommissum relinqui potest. PP. XVII. Cal. Octob. Pio & Pontiano Coss. 239.

S V M M A R I A.

- 1 Dna huius legis sententia.
- 2 A quibus fideicommissum, aut legatum relinqui potest, à quibus non.
- 3 Definitio huius rescripti multis modis falsa est.

Dvæ sententiæ hic statuuntur verbis contrariæ de his, à quibus fideicommissum, aut legatum relinqui possit, aut non. Sunt † autem hæc: cui testator nihil morte dedit, ab eo nihil relinqui potest, cui autem dedit, ab omni eo vtiliter relinquit. Prior expressa est *leg. i. §. vlt. de legat. 3.* Posterior hoc ex loco intelligitur. Sed datum hic peritus accipiendum est; non tantum, quod testamento pleno & aperto in aliquem contulit, sed & quod morte defuncti ad eum peruenit, dum ei à defuncto non adimitur, & ideo plenior definitio huius rei est concipienda, vt concepta est *leg. i. §. sciendum, de legat. 3.* Ab omnibus † fideicommissum relinqui potest, ad quos morte defuncti aliquid peruenit, dum vel ei datur, vel quod à defuncto accipi poterat, non adimitur. Ergo sunt duo genera eorum, à quibus fideicommissum relinqui poterat. Primum eorum, quibus ita defunctus quid dedit, vt ad eos morte defuncti, seu suprema voluntate defuncti perueniret. In hoc numero sunt heredes à defuncto instituti, vel substituti legatarij, fideicommissarij, debitor defuncti, à quo defunctus fideicommissum reliquit. Item hi, qui legatorum vicem obtinent.

Ab heredibus institutis, aut substitutis legari posse certum est, vt quibus à testatore detur hereditas. At à legatario & fideicommissario fideicommissum quoque relinqui posse constat, *inst. de sing. reb. per. fideicom. in pr.* Idque ob eandem causam, quia his legatum, aut fideicommissum datur & à debitore defuncti fideicommissum relinqui potest, quatenus debet, *l. si pecunia, de legat. i.* quoniã cum defunctus à debitore fideicommissum relinquit, prius ei liberationem legare intelligitur, *dict. leg. si pec.* Legatorum loco sunt hi, quibus mortis causa donauit defunctus, his enim in donatione causa mortis, viuus viuenti donat, *leg. inter. de donat. caus. mort.* Sed tamen ita donat, vt donatio non, nisi morte confirmetur, non magis, quam legatum, quia tamdiu donator donationem reuocare potest, *leg. non videtur. l. donatus, §. donatio, de mortis causa donatio.* Inde dictum donationes mortis causa legatis comparari, *leg. illud de mort. caus. donatio.* Ob hanc causam etiam ab eo, cui mortis causa donatum est, fideicommissum relinqui potest, vt à legatariis, *leg. cum pater, §. i. de leg. 2.* In eodem numero sunt donationes inter virum & uxorem: nam hæ non reuocantur morte donantis confirmantur, vt donationes mortis causa, *l. cum hic status, de donat. inter vir. & vx. l. vlt. infr. eodem tit.* Ob id etiam placuit, vnum ex coniugibus, qui alteri coniugi donauit, fideicommissum, ab eo, cui donauit, relinqui posse, *l. in donationibus, infr. ad legem Falcid. dict. leg. cum hic status, §. i. in fin. de donat. inter vir. & vxor.*

Alterum genus eorum, à quibus fideicommissum relinqui potest ex superiori definitione, est eorum, quibus testator reuera nihil dedit iudicio suo, sed solū videtur dedisse, quia non ademit, quod poterat adimere. In hoc numero sunt heredes legitimi defuncti: heredes legitimi impuberis, qui est in defuncti potestate. Item hi, qui mortis causa capiunt ex testamento defuncti. Postremo hi, ad quos legata, aut hereditatis alius datæ emolumentum pertinet. Primo, ab omnibus, ad quos defuncti hereditas, aut bonorum possessio peruenit, ita est, fideicommissum relinqui potest, *l. 3. §. sciendum, de legat. 3. l. si fundum, §. vlt. de leg. i.* Et tamen defunctus hereditatem hic non dat, nam hereditas à lege datur, vnde & legitima hereditas appellatur, *l. lege obuenerit, de verb. signific.* Sed testator his hereditatem adimere potuit, alios heredes instituendo. Proinde, si alios non instituit, hoc ipso videtur legitimis heredibus hereditatem dedisse, quia non ademit, *dict. leg. 3. §. sciendum, de legat. 3.* Eadem ratione pater impuberis, quæ in potestate habet, fideicommissum relinqui potest ab heredibus legitimis

impuberis, quia fuit in potestate patris alios heredes filio substituendo, legitimis eius heredibus hereditatem adimere, *l. si fundum per fideicom.* §. *ult. de legat. 1.* Ab his etiam, qui mortis causa capiunt ex testamento fideicommissum relinqui potest. Verbi gratia: Stichus liber esse iustus est, si *to.* Titio daret. Hæc *10.* à Titio fideicommissi possunt, *l. quidam. de leg. 1.* Et tamen hæc *10.* non dantur Titio à defuncto, quoniam hæc *10.* Titius ex testamento petere non potest, *leg. si quis sub conditio. D. si quis manumiss. caus. testam.* Sed tamen mortis defuncti causa capiuntur, ideo defunctus videtur quodammodo ea dedisse, quia conditionem detrahendo, aut manumissionem reuocando potuit perficere, ne illa *10.* ad Titium peruenirent, unde dicuntur mortis defuncti causa capi, quia capiuntur per accessionem mortis eius, *leg. mortis causa capi. mus. de mortis causa donatio.*

Hi, ad quos hereditatis, aut legati alius relicti emolumentum pertinet, sunt legatarij, dominus, aut pater, aut heres. Nam cum seruo legatum est, per seruum domino acquiritur: cum legatum filiofamilias, per filium patri acquiritur, §. *1. & 2. Instit. per quas personas. leg. placet. de acquir. hered.* Sed & quod legatario quæsitum est, id eo mortuo ad heredem eius pertinet. Proinde si quid seruo legatum sit, aut filiofamilias, placuit à domino & patre fideicommissum relinqui posse, *l. cum filiusfamilias 11. de leg. 1.* Placuit item ab herede heredis, aut legatarij non minus fideicommissum relinqui posse, *l. 5. §. ult. de leg. 3.* Atqui testator iudicio suo neque domino, neque patri, neque heredi legatarij quicquam debet, *leg. qui liberis. §. ult. de vulg.* Argumentatio est verissima, quia si filius, aut seruus viuo testatore decedebat, patri, aut domino nihil debetur. Si legatarius decedat viuo testatore, legatum ad heredes legatarij non pertinet, sed adeo defuncto seruo, aut filiofamilias legando videtur dedisse patri, aut domino, hoc ipso, quod legatum seruo, vel filiofamilias viuis non adimit: eademque heredis & legatarij ratio est.

His cognitis, multis \dagger modis definitio huius rescripti falsa esse videtur. Nam I. falsum esse dixeris in debitorum defuncti, à quo defunctus fideicommissum relinquit, cum ei prius nihil aperte dederit. Sed supra responsum est. Nam hoc ipso, quod fideicommissum relicti dicitur, prius liberatio ei relinqui intelligitur. II. Videri potest esse falsa in donationibus inter virum & uxorem. Nam hæc hac definitione comprehensæ non sunt, & tamen qui donauit uxori, ab uxore fideicommissum relinquere potest. Sed & de hoc supra responsum est. Nam huiusmodi donationes specics quædam sunt donationis causa mortis. III. Falsa esse videtur in heredibus legitimis, à quibus fideicommissum relinqui potest, & tamen defunctus his hereditatem non dat, sed lex. Respondeo & lex & defunctus. Lex recta, vel proprie: defunctus hoc ipso, quia non adimit his hereditatem, quam adimere potuit. Sed precipue & certe videtur falsa esse in his, qui causa mortis capiunt, cuiusmodi sunt hi, quibus implendæ conditionis causa aliquid datum est, vel ab herede, vel legatario, vel manumisso. Nam ab his fideicommissum relinqui posse constat, & tamen neque hereditatem, neque legatum, neque fideicommissum, neque mortis causa donationem à defuncto accipiunt, ut expressum est in *l. mortis causa capimus. de mortis caus. donat.*

Dicendum est, eum, qui mortis causa quid accepit, proprie nihil eorum, quæ suprascripta sunt, accepisse, secundum quam proprietatem verbi scriptum est in *dict. leg. mortis caus. cap.* Abusue autem & improprie, quod per mortui defuncti occasionem capitur, dici potest à defuncto capi, quasi defunctus vi deatur dedisse, quod non adimit, cum possit adimere. Postremo videri poterit etiam falsa definitio in patre, domino, & herede legatarij, utpote quibus nihil omnino defunctus dedit, neque viuis, neque moriens. Sed dicendum est defunctum nihil his dedisse recta, sed reuera dedisse per interpositam legatarij personam, quia per legatarium legatum ad istos peruenit, *argum. leg. 1. in si. & leg. 2. de her. petit.*

Ad L. Verbum, Volo. 10.

Idem A. Firmo.

Verbum, Volo, licet desit: tamen quia additum perfectum sensum facit, pro adiecto habendum est. III. Idem Decemb. Cor. diano A. & Aniola. Coss. 40.

- 1 *Voluntas sine scripto, & scriptum sine voluntate, nihil proficit ad hereditatem, legatum, aut fideicommissum relinquenda.*
- 2 *Testator an plena & perfecta oratione scribere, vel nuncupare debeat.*

Nihil ad rem pertinet defunctum aliquid alicui dare voluisse, ut legatum, aut fideicommissum debeatur, nisi hanc etiam voluntatem testamento, vel codicillis scripserit, aut nuncuparit, ut \dagger neque voluntas sine scripto, neque scriptum sine voluntate quicquam proficiat ad hereditatem, legatum, aut fideicommissum relinquenda, *l. quoties. de hered. inst.* Quod tamen desideratur, ut testator voluntatem suam scribat, vel nuncupet verbis, non sic accipiendum est, ut debeat scribere \dagger vel nuncupare plena & perfecta oratione, sed si quid possit, ex quo intelligi possit, quid voluerit, voluntas eius seruabitur, quasi minus scriptum fuerit, plus nuncupatum, ut ibidem, in *d. l. quoties.* adicitur. Id quale sit, explicatur in *d. l. quoties. & l. 1. §. si ex fundo, de hered. inst.* Idem in fideicommissum, quale sit, hic traditur. Secundum hanc sententiam huiusmodi fideicommissum valet, Titio fundum Tusulanum dari, etiam si non adiecit defunctus, volo, ut plena oratio fideicommissi efficeretur, tamen valebit. Idem dicendum est, et si testator tantum ita dixerit: Titio fundum Tusulanum, &c. quia satis intelliguntur hæc verba ex præcedentibus, do, lego, vel dari volo, &c. Ad hanc sententiam pertinet *l. si vnus. sup. de testam.* vbi dictum.

Ad L. Quoties ab. 11.

Idem A. Papyriano.

Quoties ab omnibus, qui alienatione facta ad fideicommissum petitionem aspirare possunt, venditio celebratur, aut quibusdam vendentibus alij consenserint: contractus auctoritas conuelli nequaquam potest. PP. 2. Calend. Iann. Gorliano A. II. & Pompeiano Coss. 2. 42.

S Y M M A R I A.

- 1 *Prohibitio alienationis fundi, vel hereditatis, vel legati quando valeat.*
- 2 *Alienationis pœna.*
- 3 *Alienatio & venditio rerum distrahentibus prohibitarum, quando & quibus casibus rata sit, nec reuocari possit, & num. 4.*

PROhibitio \dagger alienationis fundi, vel hereditatis, vel legati tunc valet, cum testator nominatim vetuit alienari certarum personarum causa, quibus consultum voluit, *l. filiusfam. §. diuis. de leg. 1.* Id fit, cum vetat alienari, & adiecit, ut fundus ad certas personas perueniat, veluti, cum fundum vetat alienari, ut in familia maneat. Idem fit, cum testator quibusdam personis permittit vendere, & extra has personas alienari vetat, veluti cum fundum libertis legat & vetat extra familiam libertorum alienari, aut cum tribus legat, *1. 2. & 3.* & vetat, ne quis partem suam vendat, nisi collegatariis. Exempla sunt in *l. vnus. §. ult. l. cum pater. §. libertis. de leg. 2.* Alienatione ita probata, rem contra præceptum testatoris alienare non licet. Alienationis \dagger pœna hæc est, ut reuocetur alienatio ab his, quorum causa alienatio probata est. Perinde est enim, quasi testator his personis fideicommissum dedisset, si res vetita alienari alienata esset, secus quam testator prohibuisset. Proinde re alienata hæc omnes personæ ad fideicommissum si persecutionem vocantur. Et si sint plures gradus earum personarum, hi vocati intelliguntur, qui sunt primi gradus, *l. vnus. §. ult. de leg. 2.*

Sed cum hæc persecutio & reuocatio rei alienatæ constituta sit eorum tantum gratia, quibus testator consultum voluit, \dagger euenit interdum, ut quamuis res alienari prohibita alienetur, tamen venditio & alienatio rata sit, nec possit reuocari, quod hoc rescripto declaratur. Id autem contingit duobus casibus hic comprehensis. Vnus est, si omnes, qui facta alienatione vocabantur ad persecutionem fideicommissi, rem vendiderunt, ut puta prohibitus est heres fundum alienare extra familiam, & alienauit, omnibus, qui sunt ex familia, fideicommissi persecutio competit. Dicimus, si hi omnes fundum vendiderint, venditio reuocari non posse: cuius sententiæ ratio hæc est, quoniam si quis ex

his venditoribus potest rem venditam reuocare fideicommissi iure, necesse est, ut aut partem à se venditam, aut partem ceterorum reuocare non possit, quia vendidit, & si alius eam partem euicisset, is, qui vendidit, de euictione teneretur, *leg. ex emto. de actio furt.* Ergo si ipse eam partem vindicet, ut euincat, multo magis exceptione remouebitur, *l. vindicantem. de euictione.* Nam si emtori reuicta vltro actio datur aduersus venditorem, multo magis venditore rem euiciente, dabitur emtori aduersus euictionem exceptio. Cui enim damus actionem, ei multo magis exceptionem quis competere dixerit, *leg. inuiuis, §. 1. de regul. iuris.* Partem ceterorum, quibus fideicommissi persecutione competebar, reuocare non posse, tamen partem ceterorum non vendidit. Nam in hoc genere fideicommissi hi solum ad fideicommissi persecutionem inuitantur, qui iudicio defuncti paruerunt, id est, qui & ipsi partem suam non alienarunt. Indignus est enim iudicio defuncti, qui contra iudicium defuncti facit, *dict. leg. cum pater. §. libertis, de leg. 2.*

Alter tamen casus est, si hi, qui ad fideicommissi persecutionem inuitantur, non vendiderunt quidem, sed venditori consentiunt, ut si heres prohibitus sit fundum alienare extra familiam, & ipse vendat familia tota consentiente: aut si tribus legatus sit fundus, & singuli prohibiti vendere, nisi collegataris, vnus autem iam partem vendat ceteris consentientibus, qui consenserunt si fideicommissi persecutionem non habent, aut certe exceptione pacti ab emtore repellantur.

Exceptio est sumta ex edicto prætoris de pactis, quo prætor pollicetur se pacta seruaturum. Vnde sumta sunt hæc regulæ: Licere vnicuique suo iuri renuntiare. Item, licere vnicuique futuri iuris persecutionem & præsentis deteriore pacto constituere, *leg. pactum. Digest. de pact. leg. penult. supr. de pactis.* Item illud: Remittentibus actiones suas non dari regressum, *leg. quaritur, §. si venditor, Dig. de adilit. edict.* Hæc enim sunt consequentia edicto, seruati pacta.

Ad L. Post mortem. 12.

Imp. Philippus A. & Philippus C. Rufino.

Post mortem suam rogatam restituere hereditatem, defuncti iudicio, & antequam facti munus impleat, posse satisfacere, id est, restituere hereditatem quare a parte vel retenta, vel ommissa, si voluerit explorati iuris est, & P. Id. Octob. Peregrino & Aemiliano Coss. 245.

S Y M M A R I A.

- 1 Mulier heres instituta, & post mortem suam hereditatem restituere Titio rogata, si viua, detracta quarta ex Senatusconsulto, fideicommissum restituere velit, an possit.
- 2 Verba, post mortem tuam, quid significant.
- 3 Natura non est solutio, nisi eius, quod debetur.
- 4 Restitutio fideicommissi ante mortem heredi in quibus causis alijs noceat.

HERES mulier instituta est, rogataque est restituere hereditatem post mortem suam Titio. Viua mulier tamen fideicommissum restituere vult, detracta quarta ex senatusconsulto, quaritur, an possit? non quatenus de voluntate Titij, nam constat volenti restitui posse, sed quaritur, an possit restitui inuito, quasi id sit ex voluntate & iudicio defuncti. Quid dubitationem faciat, mox dicemus. Hic responderet, etiam ante mortem mulierem fideicommissum restituere posse ex senatusconsulto, & quidem ita, ut iudicio defuncti satisfaciat. Huic sententiæ videtur refragari certa ratio iuris ciuillis & nominatim, & præterea *l. sed & si alio. §. 9. vlt. l. sed etsi ante seq. ad Treb.* Quæ ratio aduersatur huic sententiæ. Ut intelligatur, sciendum est, hoc fideicommissum, post mortem tuam restituas, esse conditionale. Nam hæc verba, post mortem tuam, valent, postquam mortua fueris. Hæc adiectio habet diem incertum. Dies incertus in testamentis conditionem facit. Itaque perinde hoc fideicommissum accipitur, quasi ita dictum esset: Restituas, si mortua fueris, nempe per heredes tuos, *leg. dies. de condit. & demonstr.* Ideo disertè scriptum est in *leg. 4. quando dies leg. ced.* hoc genus fideicommissi

si esse conditionale, & si Titius fideicommissarius viuente herede decedat, neque fideicommissario, neque eius heredibus quicquam deberi. Hoc posito consequens est, hoc fideicommissum ante mortem heredis restitui non posse hac ratione: Quod non debetur, solui non potest, quia tamen natura non est solutio, nisi eius, quod debetur, *rit. Insitut. quib. mod. toll. obl. in pr.* Quod autem sub conditione debetur, id pendente conditione non debetur *l. cedere diem. de verb. sig.* Ergo pendente conditione solui non potest. Iam vero hoc fideicommissum, post mortem tuam restituas, habet conditionem, si morieris. Ergo ante mortem restitui & solui non potest, *l. sed etsi. §. 9. l. seq. ad Trebell.* Diserte scribitur, fideicommissum conditionale pendente conditione restitui non posse, & si forte volente fideicommissario restitutum sit, actiones in fideicommissariam non transire, quia non sit restitutum, ut testator voluit. Respondeo primo ad rationem, quam initio posuimus: fatemur quod sub conditione debetur, quemadmodum pendente conditione non debetur, ita nec pendente conditione solui posse. Idque non tantum in certis obligationibus admittimus ex superiore ratione, sed in fideicommissis, *ex dict. leg. 9. §. vlt. D. ad Trebell.* Sed hoc dicimus: Fideicommissum hoc post mortem heredis restituas, hæcenus esse conditionale, quatenus heres viuus fideicommissum non restituit: quod si valeret restituere, non est fideicommissum conditionale ex voluntate & iudicio defuncti, qui voluit licere heredi etiam ante mortem suam restituens. Id probatur liquido ex verbis huius rescripti, vbi dicitur, heres ante mortem fideicommissum restituere, satisfacere iudicio defuncti, id est, voluntati, ergo testator volebat fideicommissum id etiam ante mortem restitui posse. Idem probatur apertius ex *l. patrem, qua in fraudem credit.* Vbi in hac ipsa specie responderetur, heredem, qui ante mortem suam fideicommissum restituit, plenam fidem & debitam pietatem restitutionis sequi. Ergo fides heredis erat, ut si vellet ante mortem restitueret: ergo ante mortem si restituit, pie facit, satisfaciens voluntati defuncti. Sic fit, ut dum heres vltro fideicommissum hoc restituere vult, intelligatur fideicommissum ex voluntate defuncti purum esse, non conditionale. Idque ex genere conditionis facile intelligitur. Nam cum testator voluit heredem non restituere, nisi post mortem suam appareat conditionem adiecit hæc causa, ut viuus hereditate frueretur: sed hac conditione, ut non inuitus vellet: nam inuito beneficium non datur, *Linuio. de rog. iur.* Proinde, si voluit hereditatis commodum frui, testator hoc animo est, ut vellet illi licere restituere hereditatem fideicommissario, cui post consultum volet.

Ex his responsum ad *leg. 9. §. vlt. & leg. seq. ad Trebellian.* Fatemur enim, ut supra dictum, fideicommissum sub conditione restitutum, pendente conditione restitui non posse. Sed iam dixi, fideicommissum, de quo agitur, non esse conditionale, vbi heres ante mortem vult restituere fideicommissum. Hinc consequens est fideicommissum ante mortem heredis restitutum, omnia locum habere, quæ haberent, si post mortem restitutum esset ex Senatusconsulto. Primum cum ante mortem heres restitueret fideicommissum, quarram detrachere poterit, si volet, quod hic scriptum est, & tamen non potest, nisi ex Senatusconsulto detrahi, *§. sed quia hered. Insitut. de fideicommiss. hered.* Eadem ratione & restituta hereditate transibunt actiones in fideicommissarium, propter quod restituitur hereditas, ut testator voluit, quod quotiescunque fit, transeunt actiones, *ex dict. leg. sed etsi. §. 9. ad Trebell.* Restitui autem fideicommissum ex voluntate testatoris, etiam ante mortem supra ostendimus. Et probat hoc rescriptum, & *dict. leg. patrem qua in fraud. credit.* Quod tamen dicitur in hac specie, fideicommissum ante mortem heredis restitui, sic accipiendum est, nisi restitutio noceat aut fideicommissario, aut aliis, quibus testator eodem fideicommissum consultum voluit.

Fideicommissario nocet restitutio, si is ante mortem heredis sit in patris potestate. Nam si tunc fideicommissum restituitur, non filio acquiritur restitutum, sed patri per filium. Proinde placet hoc casu expectandam esse mortem heredis, quia fieri poterit, ut interim filius sui iuris efficiatur, atque legatum sibi acquirat, non patri. Aut certe esse expectandum, donec filius liberetur patris potestate ante mortem heredis, *l. filius am. §. diuis. de leg. 1.* Restitutio fideicommissi tamen ante mortem heredis, nocet aliis in his causis tribus, si heres rogatus sit fundum restituere pluribus, puta primo, secundo & tertio, & viuus partem restituat primo, deinde primus viuus herede decedat. Nam hoc modo futurum est, ut restitu-

restitutio huius partis nocet eius collegatariis, quia si fideicommissum restitueretur post mortem heredis, totus fundus pertineret ad duos reliquos collegatarios, & pars deficientis illis accresceret. Proinde placet hoc casu idem iuris statuendum esse, nec liberari heredes heredis, nisi solidum fundum reliquis duobus collegatariis superstitibus restituant. Nocet præterea restitutio aliis in hac specie, cum heres rogatus est post mortem suam restituere fideicommissum ei ex filiis, cui volet, & viuis vnum ex filiis eligat, cui restituit. Nocet hæc restitutio aliis, quia si mors heredis expectaretur, aut illud tempus, cum heres moreretur, foras vel heres, vel heredes eius alium ex filiis eligerent. Proinde recte quoque hoc casu placuit electionem ante mortem non extingui, l. cum pater, §. hereditatem & a filio, de legat. 2. Postremo restitutio aperte nocet aliis in hac specie, cum heres rogatus est, fideicommissum post mortem suam restituere primo, & si primus viuo herede decederet, rogatus est restituere idem Sempronio. Hic, inquam, aperte nocet restitutio Sempronio, si heres restituat fideicommissum ante mortem primo, & primus viuo decedat herede. Nam ex conditione substitutionis fideicommissum ad Sempronium pertinere, deinde post mortem heredis. Quapropter recte hic quoque est responsum, si heres restituat fideicommissum primo ante mortem & primus decedat viuo herede, heredem fideicommissum non liberat, l. uxorem, §. Seium, de leg. 3.

Ad L. Quoties, 13.

Idem A. & C. Sempronio.

Quoties principali loco heres institutus testatori succedit: legata, seu fideicommissa à substituto data posci iure non possunt. P. P. 8. Calend. Martij Præsente & Albino Coss. 247.

S V M M A R I A.

- 1 Legata à substituto relicta an debeantur.
- 2 Institutus, qui hereditatem defuncti totam obtinet, an legata ex iudicio defuncti præstare debeat.

Testator primum heredem instituit, & ab eo ita legauit, *Primo à te primo, vt fundum Tusculanum Titio restituas*. Primo secundum substituit, hoc modo: *Si primus heres non erit, secundus esto*, & à secundo ita legauit: *Rogo te secunde, vt 100. Sempronio des*. Primus heres existit, quo factum est, vt excluderetur secundus, itemque substitutus, *leg. post aditam, supra, de impuber. & a lijs substitut.* Quæsitum est, † an legata à substituto relicta debeantur? Hic scriptum est non deberi, & constat non deberi à substituto, quem hereditate exclusum esse dicimus. Nam cui testamento nihil datum est, ab eo nihil relinqui posse constat, *leg. ab eo, supr. h.*

- 2 Sed quæritur, † an institutus, qui hereditatem totam obtinet, hæc legata ex iudicio defuncti debeat præstare? Mouet dubitationem ius conditum de substituto. Nam quoties edito testamento quidam sunt instituti, quidam substituti, placet deficientibus institutis legata ab his relicta, ab substituto præstanda esse, *leg. licet, de legat. 1.* Idem è conuerso dici debuisset, vt legata à substituto relicta etiam ab instituto præstanda sint. Aduersus quam dubitationem hoc rescripto cauetur in totum, legata à substituto relicta non deberi, vt intelligamus neque à substituto deberi, qui nihil accepit, neque ab instituto deberi, qui nihil accepit, neque ab instituto, à quo relicta non sunt. Differentiæ ratio est, quia substitutis substituitur in locum primi heredis, quo fit, vt non solum in ius, seu commoda, sed etiam in incommoda succedat. Institutus autem non substituitur in alterius locum, vt proinde ex persona alterius nihil præstari debeat.

Ad L. Eam, quam, 14.

Imp. Valerianus & Galienus AA. Falconi.

Eam, quam frater tuus instituerat, siue quæ sita, siue non quæ sita hereditate decesserit: cum eam simpliciter, antequam duodecimum ætatis annum impleuisset, verbis precarijs testa-

mento facta nonnullos ei voluerit substitutos, nihil prohibet fideicommissum petere, vel ab ipsius heredibus, vel ab his, qui bona intestati tenent. Tunc enim locum habet, quod regulariter iradiiur, ea, quæ in testamento relinquuntur, si ex testamento non adeatur hereditas, non valere: cum verbis relicta directis adiri potuit hereditas, non cum illa ipsa data est, vt esset ab intestato successoribus postulanda. Quod rescriptum sequentes adseuerationem tuam, quasi scripta heres non fuerit iure adoptata. Alioquin si in familia relicta heres facta decesserit: & consequenter ipsius heredes petitione fideicommissi respondere coguntur. PP. XIII. Cal. Decemb. Valeriano I II. & Galieno II. Coss. 256.

S V M M A R I A.

- 1 Facti species ex verbis rescripti sigillatim demonstrata.
- 2 Dubitandi in proposito causa, & ex his quæstio.
- 3 Hereditate simpliciter inissa rescripti quibusdam, omnes heredes rogatos videri de ea restituenda, scriptos si hereditatem adierint, & his non ad utribus heredes legitimos. & num. 8.
- 4 Generalem & indefinitam orationem de restituenda hereditate id efficeret, & quo exemplo.
- 5 Directam substitutionem non adita hereditate euanescere, fideicommissariam manere, si testator hoc animo fit, vt hereditas suæ restituantur à quibuslibet heredibus: differentiæ ratio exposita.
- 6 A legitimis heredibus qui quid præstari iubet testamento, satis declarat se velle, vt ea scriptura in eum casum habeatur pro codicillis.
- 7 Adoptata puella si à patre instituta esset, futurum fuisse, vt viua omnimodo patri demortuo, heres existeret, quo casu fideicommissum obligari, quam recte hic dicitur.
- 8 Summa rescripti.
- 9 Regula iuris, ea, quæ testamento relinquuntur, si ex eo non adeatur hereditas, non valere, quam rationem habeat.
- 10 Hactenus iure communi veram esse, nisi testator velit scripturam testamenti pro codicillis valere, aut quod idem est, velit id, quod testamento relinquebatur, etiam ab heredibus legitimis præstari.
- 11 Hinc exceptiones variæ ex eodem fonte natae iure communi? & quæ sint.
- 12 Eiusdem regulae & iure singulari quasdam exceptiones esse, tum quæ in hoc numero habende sint, aut non sint.
- 13 Lectio vulgaris vitiosa, Eam quam, & non aliter recte legi posse, quam, Ea, quam.

Testator puellam † adoptauerat, sed non iure, vt postea comperit. sic enim Falco consultor asseuerabat, vt indicat extremum rescripti. Finge testatorem absentem arrogasse, vel testatorem gessisse tutelam puellæ: quibus casibus arrogatio non valer. Inque ei, *neg. absens. & l. seq. D. de adop.* Is testator, siue quod puellam haberet pro iusta filia, siue quod putaret filiam non esse, eam heredem testamento instituit, non vt filiam, id est, non ita, vt filiam nominaret, sed solum illam heredem instituit suo nomine, vt patet ex his verbis, quæ sunt in principio: *Ea, quam frater tuus heredem instituerat*. Quod dicimus, vt sciamus eam puellam potuisse hereditatem adire, si veller: quæ alioqui non potuisset, si vt filia fuisset instituta, *l. s. supr. de testam. l. nec apud, supr. de hered. inst.* Hoc amplius testator voluit eodem testamento ei puellæ quosdam esse substitutos, puta Primum & Secundum. Et, subintellige mortuæ, quod intelligitur ex his verbis rescripti, *peti fideicommissum potest vel ab eius puella heredibus*. Non sunt heredes, nisi demortui. Item dicitur in extremo, *si heres factus decesserit*. Sed testator voluit ei substitutos quosdam verbis precarijs, vt adicitur in rescripto, id est, verbis fideicommissi, quæ verba quæ sint traditur in *S. vit. Inst. de sing. reb. per fideicom. relicta*. Itaque hic sensus est: testator voluit quibusdam hereditatem suam restitui. Adicitur in rescripto, testatorem voluisse quosdam esse puellæ substitutos, antequam intra duodecimum annum decederet. Nam diximus hos esse substitutos non viuenti, sed mortuæ. Adicitur amplius, esse substitutos simpliciter. Quod habet hanc sententiam: testatorem ita voluisse hereditatem restitui, si puella intra duodecimum annum decessisset, vt cum id dixisset, nihil amplius adiceret, sed solū diceret se velle hereditatem illis & illis restitui. Ita in summa institutio & fideicommissum testamento relictum sunt eiusmodi: *Sempronia puella mihi heres esto: si Sempronia intra duodecimum ætatis annum decesserit, volo hereditatem meam restitui Primo & Secundo: vt intelli-*

Intelligamus hic non fuisse substitutionem directam, sed fideicommissum, quod testator voluerit relinquere non ab hoc, vel illo herede, sed simpliciter restitui, quisquis heres eam hereditatem obtineret. Dicitur autem hoc fideicommissum substitutio, & fideicommissarij dicuntur hic substituti, quia etiam fideicommissum substitutionis nomine continetur, diciturque vilitate substitutio fideicommissaria. *l. coheredi. §. cum filia. D. de vulg. subst.* Mortuo testatore, post etiam puella intra duodecimum annum decessit non adita hereditate, unde quaestio maxime huius loci, ut declarant ea verba rescripti; *Nam quod traditur.* Hinc enim euenit, ut cum puella non esset sua heres defuncti, utpote non legitime adoptata, & extranea hereditatem non adierit: euenit, inquam, ut non quaesita hereditate decesserit: & simul ut testator decesserit intestatus, utpote, testamento eius, nemine herede existente, irrito factum, ut est definitio intestati in *Inst. de hered. quae ab intest. def. in pr. l. in fi. D. de iust. rupt.* Intestari hereditas post filios & parentes ad proximos agnatos & cognatos pertinet. *Inst. de succes. cognat.* in quo numero est defuncti testatoris frater Falco, qui eo nomine etiam fratris intestati hereditatem adiuit, & intestati iure eam hic obtinet. Fideicommissarij Primus & Secundus petunt ab eo, ut sibi restituit hereditatem ex causa fideicommissi superioris, cuius conditio existerit.

Falco negat fideicommissum se debere, & ita se tueretur. Fateatur fideicommissum peti potuisse, si puella hereditate quaesita decessisset, siue quod exstitisset ipso iure heres, siue quod extranea hereditatem adiuisset. Nam hoc modo confirmatum esset testamentum, & per testamentum ea omnia, quae testamento cauta essent, sic deinde puella hereditatem quaesitam transmitteret ad heredes suos, *leg. 1. sup. de iur. delib.* Ab his fideicommissum recte peti potuit, quia videtur puella rogata esse, aut heredes eius. Nunc autem puella decessit non quaesita hereditate. Non enim existit ipso iure heres, quoniam non fuit filia defuncti, multoque minus in defuncti potestate, utpote quae non fuerit iure adoptata, ut intelligitur ex definitione fuorum in §. 1. *Institut. de hered. quae ab intest. & §. fin. eodem titul.* Sed nec extranea hereditatem adiuit, de quo constabat. Hoc concessio, defendit se fideicommissum non teneri duabus rationibus. Una est, quod et si fideicommissum valeret tamen relictum non est a legitimis heredibus, cum consequens est fideicommissum tantum deberi vel a puella, vel a puellae heredibus. Ipse autem puellae heres non est, sed defuncti fratris, qui intestatus decessit. Altera, quod et si fideicommissum hoc nominatum relictum esset ab heredibus legitimis, tamen frustra relictum esset, quia non esset adita ex testamento hereditas. Efficiturque id regula iuris, qua traditur, ea, quae in testamento relicta sunt, non valere, si ex eo adeatur hereditas. Quae regula hanc rationem habet, quod non potest ex testamento quidquam valere, nisi aut tanquam ex testamento, aut tanquam ex codicillis. Sunt enim haec tantum duae species supremarum voluntatum. *l. si idem. l. vlt. §. vlt. sup. de cod. T* estamentum irritum factum, ut testamentum valere non potest. nec potest valere ut codicilli, cum testator nominatim non cauit, ut tanquam codicilli valeret. *l. coherede. §. cum filia. D. de vulg. subst. leg. 1. D. de iur. codicill.* Quaestio, an fideicommissum debeatur, & an a Falcone legitimo herede fratris peti possit?

Respondent Imperatores, fideicommissum deberi, siue ea puella, quam testator instituit, decesserit quaesita hereditate, siue hereditate non quaesita: atque ita fideicommissum peti posse, vel ab eius puellae heredibus, vel ab iis, qui intestati hereditatem possident, qualis est Falco consultor: non tamen ut ab his, vel illis peti possit eodem tempore, sed diuersis, prout puella quaesita hereditate decesserit, aut non quaesita hereditate. Peti ab eius heredibus poterit, si ipsa heres exstitit. sic enim hereditatem quaesitam transmittit ad heredes suos: quam deinde illi possunt restituere. Peti autem potest ab heredibus legitimis defuncti, cum puella non quaesita hereditate decesserit, sic enim fit testator intestatus, ut proinde eius hereditas ad legitimos eius heredes pertineat. Neque vero tenentur restitutione fideicommissi, seu hereditatis, nisi heredes, qui hereditatem possident. Vt autem ab his aut illis petitio futura est, illud manet, fideicommissum in proposito peti posse ab heredibus legitimis, si puella non quaesita hereditate decesserit.

Ad primam defensionem Falconis responderetur in illis verbis cum tamen simpliciter.

Est enim hic sensus: non obstat, quod fideicommissum relictum non est ab heredibus legitimis. Sane enim expressim ab his

relictum non est: sed generaliter satis relictum intelligitur. Nam testator simpliciter voluit, hereditatem suam restitui. Primo & Secundo, simpliciter, id est, generaliter & indefinite, sine expressione personae, a qua hereditatem restitui vellet. Generali oratione omnes heredes continentur, ad quos ea hereditas peruenire potest, *argumento in l. si seruitus. D. de seru. vrb. praed.* Proinde continentur heredes tam puellae, quam heredes legitimi defuncti. Idque simpliciter responderetur in hac specie, ut veteres responderunt in edicto: *Quod metus causa.* Edictum ita scriptum est, *Quod metus causa gestum erit, ratum non habeo. leg. 1. D. quod metus causa.* Non dixit praetor, *quod gestum est ab hoc, vel illo:* non dixit, *ratum non habeo aduersus eum, qui vim fecit,* sed simpliciter & generaliter, *ratum non habeo.* Inde veteres edictum sic acceperunt, quasi polliceretur praetor, se ratum non habiturum aduersus omnes, qui commodum ex vi sensissent, quia edictum non esset in personam, sed generaliter conceptum, & in rem, *leg. metus autem. §. vlt. ff. quod metus causa.* Sic in proposito, quia testator voluit simpliciter hereditatem suam restitui, nec adiecit ab hoc, aut illo, intelligere debemus voluisse eum hereditatem suam restitui ab omnibus heredibus, ad quos ea hereditas peruenisset.

Secundam rationem & defensionem Falconis remouent Imperatores in illis verbis; *Tunc enim locum habet.* Est enim haec sententia: quod diximus, etiam hoc fideicommissum peti posse ab heredibus, qui intestati bona possident, non est in eo metuendum, quod dicitur de viribus fideicommissi. Nam etiam tunc, cum puella non quaesita hereditate decesserit, fideicommissum valet; quia restator ab intestato restitui voluit.

Non obstat quod regulariter traditur, ea, quae in testamento relinquuntur, si ex eo non adeatur hereditas, non valere. Nam id tunc locum habet; cum hereditas verbis directis relicta potuit adiri, *supple ex substitutione:* de quo genere hic agitur, id est, tunc locum habet, cum substitutio fuit directa, hoc modo: *si puella intra duodecimum annum decesserit, primus & secundus heredes sunt.* Idque hanc rationem habet, quod testator ex hac substitutione vult hereditatem suam capi ex testamento, quoniam institutio omnis nisi ex testamento, non valet. Quod si ex testamento, non vult hereditatem ab intestato capi. Pugnans enim ex testamento, & ab intestato, & si vni causae locus est, alteri locus esse non potest. *l. quamdiu potest. l. illud. ff. de acquir. hered. l. ius nostrum de regul. iur. D.* uersum est, cum hereditas ex substitutione fideicommissaria ita data est, ut esset ab intestato a successoribus postulanda, aiunt Imperatores, id est, cum ita data est, ut praestari deberet ex voluntate defuncti etiam ab heredibus ab intestato succedentibus. quod hic factum est, ut supra demonstrauimus. Et habet haec sententia hanc rationem, quod cum testator vult hereditatem deberi etiam ab intestato, hoc ipso probauit, se velle tunc eam praestari, cum testamento non valeret. Nam si valeret, utique ab intestato hereditas non deferretur. *l. illud. ff. de acquir. heredit.*

Sed haeret adhuc scrupulus, quem imperatores attingere non videntur, quod fideicommissum hoc non potest deberi ab intestato, nisi ex codicillis. Sunt enim tantum haec duae species supremarum voluntatum, ut supra dixi. Iam vero non potest tanquam ex codicillis deberi, vbi testator non expressit, ut tanquam codicilli valeret. *dict. leg. coheredi. §. cum filia ff. de vulg. subst.* Verum satis hoc significasse intelligitur testator, cum voluit hereditatem etiam ab intestato restitui: non enim potest restitui ab intestato, nisi ex codicillis. Proinde hoc prius voluisse intelligitur, ut ea scriptura testamenti pro codicillis valeret. Nam quoties aliquid volumus, ea etiam omnia velle intelligimus, sine quibus ad illud prius perueniri non potest. *l. 2. ff. de iuris. d. l. illud. ff. de adq. heredit.*

Sequitur in rescripto, *Quod rescripsimus.* Haec verba subiecta sunt vitandae reprehensionis causa, quae ex proximo responso oriri poterat. Est enim hic sensus: quod proxime diximus, in eum casum, quo puella hereditate non quaesita decessit, ne videatur, in epte dictum in puella, ut nunc proponitur, adoptata, quasi potius videatur dici debuisse, decessisse eam quaesita hereditate, quia si fuit iure adoptata, & mansit in potestate defuncti, etiam defuncto existerit sua heres, neque in eo desideret additionem. *§. sui. Inst. de her. quae ab intestat. deser. l. in suis. ff. de suis & leg. her.* Hoc enim rescripsimus, inquit, sequentes afluerauerunt tuam, qui proposuisti puellam non fuisse iure adoptatam. Quod si verum est, & non adita hereditate puella decessit, consequens est, eam non quaesita hereditate decessisse. Ad hanc consulationem tuam, rescri-

rescriptum nostrum accommodauimus. Ceterum si puella fuit iure adoptata, & in familia defuncti relicta est, hæc defuncto patri adoptiuo heres existit, ac propterea quæ sita hereditate decessit: quo casu multo magis valebit fideicommissum, sed quod ab heredibus puellæ peti debeat, non à te, qui eius puellæ heres non es.

7 Quod ¶ dicunt Imperatores, puellam hanc heredem factam decessisse, si is familia relicta fuit, sic iure plenius colligitur, quod paulo ante obiter attingi. Si puella iure adoptata est à defuncto, fuit olim in defuncti potestate. Vt enim natura iusti liberi sunt nuptiis, sic iure ciuili adoptione: & utroque modo liberi subiciuntur patris potestati. *l. i. ff. de adoption. Inst. eod. in pr.* utque adoptiuo dicuntur esse in patris adoptiuo potestate: sic dicuntur esse in patris familia eodem sensu. Nam familia significat omnes personas, quæ sunt in alicuius potestate. *leg. pronuntiatio. §. i. ff. de verb. signific. vnde dicuntur arrogati transire in ius & familiam patris arrogatoris. l. penult. §. vlt. ff. de bon. poss. sec. tab.* Si puella semel potestati patris per adoptionem subiecta, in potestate & familia retenta est, apparet eam in potestate morientis patris fuisse. Retinetur autem in familia, si aperte non emancipatur à patre viuo, & in ciuitate manente. *§. præterea. Inst. quibus modis ius patriæ potestatis solui.* Qui liberi sunt in potestate morientis patris, hi sunt patri sui heredes, siue sint naturales, siue adoptiuo. *§. i. Inst. de her. quæ ab intest.* Porro ius certum est, suos heredes statim heredes defuncto patri existere etiam inuito, multo magis ignorantes, vnde non solum impuberes, sed etiam furiosi statim sui heredes existunt. *§. sui. Inst. de her. quæ ab intest.* Recte igitur dicunt Imperatores, puellam hoc casu heredem factam decessisse, quæ ipso iure & statim heres facta est. Quod secundo loco significat puella ita herede facta fideicommissum deberi, manifestam rationem habet. Nam cum suus heres existit, testamentum confirmatur, utpote quod heredem habere cœpit. *leg. cum quasi. §. sed est quis. ff. de fidei. lib.* Confirmato testamento nihil dubij est, quin omnia valeant, quæ testamento relicta sunt. Quod dicunt tertio loco, hoc casu fideicommissum respondere debere heredem puellæ, id est fideicommissum obligari, non Falconem consultorem, hoc quoque certa ratione iuris defenditur. Non enim possunt teneri ad hereditatem restituendam, nisi qui iure hereditatem obtinent. Cum autem puella semel heres existit, hereditatem sibi quæ sitam ad heredes suos transmittit. *l. 3. sup. de iur. delib.* Quapropter non alij heredes obligari possunt, vt eam hereditatem restituant, quam heredes puellæ, ad quos hæc hereditas rediit.

8 His ¶ cognitis statuatur iam rescripti iumma, duabus his sententiis, velut capitibus comprehensa. Vna est, cum testator post mortem heredis instituti vult hereditatem suam quibusdam restitui, & ita vult, vt simpliciter dicat se velle eam restitui, id est generaliter & indefinite, non expressa persona heredum, à quibus fideicommissum restitui vellet, his verbis videri eum compendio sermonis rogasse omnes heredes, ad quos ea hereditas peruentura est, etiam si sint heredes legitimi. Altera est, quoties testator fideicommissum præstari voluit, etiam ab intestato ab heredibus legitimis, toties etiam non addita ex testamento hereditate fideicommissum deberi, neque huc pertinere regulam iuris, quæ traditur, ea, quæ testamento relinquuntur, si ex eo non adeatur hereditas non valere. Quorum ratio est exposita.

Sed quoniam prius extra speciem huius loci statuitur superior regula, cuius velut quædam exceptio est, quod hic traditur, locus flagitat, vt in eam ipsam regulam hic inquiramus, videamusque, num extra hunc locum: sit perpetua, si non est, quas habeat exceptiones, & quam cum definitione generali iuris consentientes. Idque eo visum est faciendum diligentius, quod si vera sunt ea, quæ excipiuntur ab Accursio, & si recte ad hanc regulam accommodantur, innumeris in causis hæc regula falsa est. Quod longe aliter se habet, quin ex illis exceptionibus quædam falsa sunt, bona pars non modo à regula non recedit, sed etiam eam maxime confirmat. Sed & in illis, quæ veræ sunt, tradendis explicandisque, ne iuris ratio secum pugnare videatur, dexteritas quædam est: quæ bonis illis veteribus iniuria temporum sæpe defuit. hic maxime. Quare quæ ad rem pertineant, hic præcipue videndum puto.

Principio ¶ regula hanc rationem habet quam dixi. Si quid testamento relictum valet, necesse est aut testamento valere, aut codicillis. Non enim pluribus modis supremæ voluntates valent. *l. vlt. §. vlt. C. de eod.* Hereditate non adita, atque hoc modo

testamento irrito facto, ea, quæ testamento relicta sunt, certum est ex testamento, quod nullum esse cœpit, deberi non posse. Atqui non possunt deberi ex codicillis, quia testator testamentum facere voluit, non codicillos. *l. i. ff. de iur. codicil. l. ex ea scriptura. in pr. ff. qui testamentum facere poss.*

Hoc tamen posterius ita, nisi testator eam scripturam, quam pro testamento instituebat, voluerit etiam pro codicillis valere, idque testamento declarauerit. Tum enim commutata ratione superiore, sit iure communi, vt quæ ea scriptura relicta sunt, valeant tanquam ex codicillis, voluntate testatoris id postulante, quæ iam proprie non exceptio est regulæ, sed interpretatio. Exceptio est, si ad verba referas: interpretatio, si ad sententiam, quoniam sententia regulæ ad hunc casum non pertinet. Traditur autem hæc sententia multis locis. *l. vlt. §. i. sup. de cod. d. l. ex ea scriptura. §. i. ff. qui test. fac. poss. leg. coheredi. §. cum filia. ff. de vulg. subst.* Ergo idem iuris est, vbi testator voluit id, quod testamento relinquere, etiam ab intestato ab heredibus legitimis præstari, quoniam hoc idem valet, atque si de codicillis expressisset. Neque enim relicta deberi possunt ab intestato, nisi testamento irrito constituto, & id tanquam ex codicillis, expressa est rursus hæc sententia in *l. ex testamento. in fr. hoc tit.* significatur *in dict. l. ex ea scriptura. in fr. item & in hac l. ea, quam.*

Solum ¶ hic videndum est, quando testator id, quod testamento relicto, velit etiam ab intestato præstari. Nam quibus rebus id constabit, in his omnibus dicimus, id, quod relictum est, etiam non adita hereditate deberi, nempe ab intestato ex voluntate testatoris. Hæc autem voluntas testatoris intelligitur ex eo, si testator voluerit post mortem heredis instituti hereditatem restitui quibusdam, idque simpliciter dixerit se velle, nulla expressa persona heredum, à quibus restitui vellet. Nam his verbis indefinitis & generalibus intelligitur comprehendisse de omnibus heredibus, ad quos eius hereditas peruenisset. hæc est propria species huius rescripti. Idem de voluntate testatoris colligitur, tum testator testamento obnixè rogauit heredem suum, & per Deum, vt aliquid Titio præstaret. obnixè voluntatis preces, inquit Papinianus, ad omnem successionis speciem porrectæ videntur. Ideo ex voluntate testatoris heres præstabit, non tantum si hereditatem adierit ex testamento, sed etiam si testamentum imperfectum sit, & adierit ab intestato. *l. cum pater. §. cum filius. ff. de leg. 2.* Eadem voluntas testatoris collecta est ex persona eius, cui testamento quid præstari voluit, si hæc duo concurrant, nempe si testator eam personam dilexerit vnice, & in legando eam dilectionem verbis significauerit. Quod placuit in persona eius testatoris, qui testamento alumnæ suæ libertatem dedit, & præterea quædam præstari voluit. in qua specie scriptum est in *l. in testamento. ff. de fid. liber.* non solum alumnæ libertatem constitutam esse, sed etiam ea, quæ testamento relicta sunt, præstanda esse: reddita hac ratione, quia filius pius debuerit patris voluntatem sequi in ea, quam pater vnice dilexit, & alumnam nominauit. Probatur argumento *l. Antoninus. in fr. ff. de fidei. liber.* vbi si testator paganus inserit seruum suum testamento liberum esse, & el voluerit aliquid amplius præstari, placet hereditate ex testamento non adita, solam libertatem favore libertatis ei seruari, fideicommissum autem ex testamento irritum non deberi. Cur hæc tam variè? quia testator neque hunc seruum dilexit, neque si dilexisset, de hac causa dilectionis quidquam significauit verbis vt tunc fecit, cum aliquid puellæ legauit, & addidit, *alumnæ meæ.* In quibus omnibus causis apparet, non nouas exceptiones regulæ nasci, sed declarari tantum, quando testator videtur voluisse à se relicta etiam ab intestato præstari. Itaque summa huc redit, iure communi hereditate ex testamento non adita, nihil in eo testamento scriptum valere, nisi testator, vt valeret, voluerit, quod duobus casibus velle intelligitur. vno, si nominatim voluit scripturam testamenti quouis iure valere. altero, si voluit, quod testamento relictum erat, etiam ab intestato præstari, quamquam vterque casus idem efficit. Nam qui vult scripturam etiam iure codicillorum valere, vult eam valere ab intestato, quia sublata causa testamenti sola causa intestati relinquitur: & vice versa, qui vult relictum ab intestato præstari, hoc ipso vult præstari ex codicillis, quia ex suprema voluntate nihil possit deberi, nisi aut testamento, aut codicillis, vt ante dixi.

Et ¶ hæc iure communi ita sunt, ceterum singulari quodam & proprio iure receptum est, quibusdam in causis, vt hereditate non adita nihilominus valeant, quæ testamento relicta sunt, etiam præter voluntatem testatoris, qui non voluit aliud facere, quam

quam testamentum. In quibus vere dixerimus consistere superioris regulæ exceptiones. Primum id receptum est in eo herede, qui testamento scriptus, ab intestato possidet hereditatem: si modo in fraudem omnia causa testamenti possideat, quod edicto prætoris effectum est aduersus calliditatem heredum; l. r. ff. si quis om. caus. test. Deinde generaliter constitutionibus Iustiniani receptum id est, quoties certis ex causis rescinditur institutio, ut ea rescissa, hereditas ad alios, quam heredes scriptos pertineat. Rescinditur institutio constitutionibus Iustiniani, præteritis; aut immerito exheredatis liberis, vel parentibus. Rescissa institutione ex causa præteritionis, vel exheredationis, nihilominus cetera testamento relicta firma manent. *auth. ex causa sup. de lib. præ. vel exh.* Hæc exceptio continet speciem l. cum mater. ff. de inoff. test. & l. vlt. ff. de her. inst. vbi mater filiam præterit aliis heredibus institutis, id eodem; quia falso rumore allato audierat filiam decessisse. Placuit Principibus illius temporis, filiam heredem esse ex tacita voluntate testatricis, sed nihilominus legata debituram hac ratione, quod si mater sciuisset filiam viuere, eam instituisset. Iustinianus autem multo plus complexus est constitutione sua. Voluit enim institutione ex causa præteritionis, vel exheredationis rescissa omnino legata deberi, etiam si parens consulto filiam præterierit, aut exheredauerit. Proinde hac constitutione multo magis superior species continebitur: ut valde ineptum sit propter eam speciem nouam exceptionem fingere. Eadem constitutione continentur legata, quæ petita bonorum possessione contra tabulas ex edicto præstanda sunt certis personis, nempe parentibus & liberis. de quo in l. i. ff. de leg. præst. Et enim constitutio efficitur, vt petita bonorum possessione contra tabulas ex causa præteritionis legata præstentur omnibus, non tantum parentibus & liberis, sed etiam maxime extraneis. Quare ne in his quidem legatis, quæ ex edicto præstanda sunt parentibus & liberis, nouam exceptionem introducere oportuit. Rescinditur præterea institutio, si liberi, vel cognati captiuum testatorem non redemerint, aut redimendum curauerint, ita vt ex hac causa exheredari possint. Hoc amplius etsi sint heredes instituti, placet eos, qui in supra scripta causa sunt, ad hereditatem non admitti: vt necesse sit hereditatem ab his adiri non posse. Et tamen hoc placuit cum hac exceptione, vt legata eo testamento relicta præstentur, *auth. si captiu. sup. de Episc. & cleric.* Rescinditur etiam institutio alia constitutione Iustiniani ex hac causa, si liberi parentem furiosum neglexerint, aut contra. Itaque quamuis ante futorem filius institutus esset à patre; tamen ob hanc causam heres non erit patri. Sed ita, vt placeat nihilominus cetera firma manere. *auth. liberi furiosi. sup. de episc. aud.* quæ tria ad vnam illam exceptionem generale pertinent, quam secundo loco posui, & iure singulari constituta esse appareat. Postremo singulari iure receptum est in libertate, quæ testamento perfecto relicta est, vt hæc debeatur, quamuis ex testamento adita non sit hereditas. l. Antoninus. in fi. ff. de fideicom. liber. Quo exemplo recte defendetur etiam, hereditate ex testamento non adita deberi ea, quæ ad pia causas relicta sunt, puta in pauperes, aut in institutionem iuuentutis. Pietatis enim causa non minus fauorabilis est, quam libertatis. Ad superiorem regulam non pertinent ex causis, ex quibus hereditas heredi tanquam indigno aufertur, & fisco vindicatur. Nam in his causis omnibus heres, quamuis indignus, nihilominus heres est, & hereditatem recte adit ex testamento, licet ei tanquam indigno postea aufertur hereditas. l. ex facto. §. vlt. ff. de vulg. subst. Et quamuis heres scriptus non adierit, tamen fisco in eius locum succedit, & tanquam si heres institutus esset, sic hereditatem potest adire, vt iure priuati heredis in eo utatur. l. fisco. ff. de inr. ff. Ita etiam secundum supra scriptam regulam, cum hereditas ab indigno fisco vindicata est, nihilominus legata debebuntur à fisco, quia hereditas adita est. l. 3. §. cum ex causa. ff. de iur. ff. Quo circa male ex superiore regula excipitur species. l. 3. ff. de his, que in test. del. vbi si testator nomen heredis induxerit consulto, placet hæc institutiones in eo herede non valere, vt nihilominus legata debeantur. Etenim in hac specie hereditas heredi, cuius nomen inductum est, tanquam indigno aufertur, & vindicatur fisco, nepe quia ex testamento prius adita est. l. cum quidam. ff. de his, que vt indig. auf. Nihilominus excipitur species, l. i. §. sed si legatum. ff. si quis aliquem test. prohib. vbi placet, si quis prohiberit aliquem libere testari, & heres sit institutus, & ab eo relicta legata, hereditatem ei tanquam indigno aufertur, & nihilominus legatum præstari debet. Eadem ratio est, l. cum fisco. ff. de sen. Syllan. vbi ideo heredi

hereditas tanquam indigno aufertur, & adieitur fisco, quia non est virtus mortem eius, cui successit. Regula superior concepta est de eo testamento, ex quo non est adita hereditas. In supra scriptis autem causis hereditas aditur, vel ab herede scripto, vel à fisco: vt appareat, quod diximus, has causas ad regulam non pertinere. Neque vero nisi ineptissime à regula excipi potest, quod regula non continetur: vt ridiculus sit omnino, si quis dicat, se legare liberos suos omnes, exceptis lapidibus, qui sunt in cœnaculo.

Expendenda est etiam lectio, quæ est in principio rescripti. Vulgaris lectio est, *Eam, quam*. Alii legunt, *Ea, quam*. Prior lectio defendi nullo modo potest, neque recto ordine sermonis, neque figurato. Nam si recto sermone, ita legimus; *Nihil prohibet eam fideicommissum petere, quam frater tuus instituerat heredem*; sententia aperte falsa est. Non enim ea puella fideicommissum petit, cui fideicommissum relictum non est, sed fideicommissarii ab ea petunt. Quod si legimus; *Nihil prohibet fideicommissum peti eam*, pro ab ea, quam frater tuus heredem instituit: hic quoque sententia manifeste falsa est, & aliena. Nam proponitur in rescripto puella iam decessisse, à puella autem mortua fideicommissum peti non potest; etiam si proponeremus eam adhuc viuentem rogatam restituere hereditatem fideicommissarii. Deinde repugnat contextus & structura orationis, quo minus ita interpretemur. Sequitur enim continenter, nihil prohibet fideicommissum peti vel à puellæ heredibus. Dicendum igitur prius fuisset, *nihil prohibet fideicommissum peti vel ab ea puella, vel ab eius heredibus*, vt sic oratio cohereret casibus. Sunt, qui lectionem defendant figura orationis Græca, vt sit, *eam, quam*, pro, *quam eam*, vt in illo loco Virgilii:

Vrbem, quam statuo, vestra est.

quod defenditur conuersis verbis, vt sit, *quam urbem statuo, vestra est*. Sed in verbis huius rescripti nihil est simile. Recte enim & naturaliter dicimus, *quam urbem*, vbi adiectiuum & substantiuum naturaliter coniunguntur. At *quam eam*, nullo sensu; nulla ratione sermonis recte dicere possumus, vbi vtrumque est adiectiuum. Restat igitur, vt legamus, *ea, quam frater tuus*. Estque hæc structura orationis: *Sive ea, quam frater tuus instituit, quasita, siue non quasita hereditate decessit, nihil prohibet fideicommissum petere substitutos vel ab eius puella heredibus, vel ab iis, qui bona intestati tenent, dum testator voluit ei quosdam substitutos, idque verbis precariis, & simpliciter.*

Ad L. Quamuis. 15.

Idem A. Philocrati.

Quamuis simpliciter te ac fratrem tuum aliquis instituerit heredes, eiusque hereditatis commodum pater ex tua fratrisque persona pro portionibus vestris potestatis ratione quasierit: tamen quia inferioribus verbis testamenti vos sui iuris facere testator curauit, intelligi potest restituenda hereditatis commodo fideicommissum patrem obstructum esse. PP. 6. Idus Octob. Roma Maximo II. & Glabione Coss. 257.

S Y M M A R I A.

- 1 Species huius legis, & quid in ea iuris. & num. 2.
- 3 Quicquid in testamento lege pactone cauetur, vel adieitur, id semper ita accipiendum est, ne superuacuo, aut inutiliter cautum sit.
- 4 Pater rogatus emancipare liberos, an cogi possit, vt emancipet.

Testator ¶ duos filios Titii, in patria potestate constitutos, ¶ heredes instituit, & rogauit Titium patrem, vt filios emanciparet: de hereditate autem à Titio filiis restituenda nihil adiecit, & ita filios hos instituit simpliciter, vt in principio huius rescripti dicitur, id est, tantum instituit, non autem hoc amplius eos substituit patri per fideicommissum. Mortuo testatore filii iussu patris Titii hereditatem adierunt, ita hereditas iure patri quasita est, olim quidem in totum, l. placet, de acquir. hered. nunc autem ex constitutione Iustiniani ad vsum fructum, dixi §. i. Instit. per quas personas leg. cum oportet infr. de bon. que lib. Proinde pater voluntate testatoris secutus vltro liberos emancipauit. Emancipati perunt

Naa

à patre,

à patre, ut sibi hereditatem restituat. Obstant liberis duo. Primo, quod hereditas est patris, nempe iure potestatis per filios illi quaesita. Deinde, quia pater non est illis obligatus, nam non est rogatus quiquam à testatore liberis restituere.

2. Consulti sunt Imperatores respondent, patrem filijs fideicommissio obstrictum esse commodo restituendae hereditatis: commodo, id est, ad commodum hereditatis, more Latino id est, in hoc, ut restituatur hereditas patri quaesita. Non obstat, quod hereditas patris est vel in solidum, vel ad usum fructum vltus: non enim liberi petunt eam tanquam suam, sed iure fideicommissi: fideicommissio autem relicta est liberis. Non obstat, quod liberi sint simpliciter instituti, ut in principio dicitur, id est, ita instituti, ut nullum fideicommissum, nulla substitutio fideicommissaria adiecta sit. Nam etsi verbis aperte de fideicommissio cautum & comprehensum non sit, tamen satis comprehensum intelligitur hoc ipsos, quod testator curavit liberos emancipari, id est, petiit à patre, ut emanciparentur.

Sed vnde ex his verbis colligitur fideicommissum cum nihil commune habeat emancipatio cum restitutione hereditatis; nihil enim prohibet, quo minus liberi sint emancipati, & tamē hereditatem non habeant? Sed responsio fimitur ex regula, quae generaliter est tenenda: Quicquid in testamento lege pacto cauerit, vel ad iicitur, id semper ita esse accipiendum ne superuacuo & inutiliter sit cautum, argumento in leg. si quando, de legatis l. leg. i. ad Municipalem. litem. §. vlt. de seruis, rusti. praed. leg. 3. in fin. de pact. & similib. locis. At in specie proposita inut. le est liberis cauere à testatore, ut emancipentur à Titio patre, nisi in hoc emancipentur, ut sui iuris facti hereditatem sibi habere possint, ita ut non acquirant patri. Nam sine hac interdum eis emancipatio nocet. Proinde hanc obiectionem sic accipiemus, quasi testator voluerit, filios emancipari, & emancipatos sibi obtinere hereditatem: quod quoniam facere non possunt, nisi illis à patre hereditas restituatur, ideo necesse est patrem fideicommissio oneratum fuisse. Valde congruit in hanc sententiam litem de seruis, rusti. praed. Constat autem etiam à patre, cui per filium est quaesita hereditas, legatum & fideicommissum relinquere posse, ut dictum ad l. ab eo supra.

Sed haec ita sunt, si pater vltro liberos emancipauerit, ut proposuimus: quod si non emancipet, frustra liberi aduersus eum agent de eo, quod patri legat possit acquirere, l. his nulla de iudic. Ideo 4. queritur, an pater cogi possit emancipare, de quo dissentanea scripta videntur. Nam in l. filius familias. §. ut quis de legat. x. nominatim est scriptum, patrem rogatum emancipare filios, non cogi, ut emancipet, quia potestas patria inestimabilis res est. Contra in l. si cui legatum, de cond. & demonstr. in pr. & extrem. legis, scriptum est patrem liberos emancipare debere. Idque in specie hac constitutum esse. Sic hi loci conciliandi sunt: Pater, qui ex testamento aliquid consequitur, & rogatur filios emancipare iure fideicommissi, non tenetur, ut filios emancipet, id quod scribitur in dict. l. si cui legatum, in princ. In hanc sententiam scriptus est §. ut quis. d. l. filius fam. de leg. i. Illic autem queritur, an quod testator cauit in causis illis propositis, tanquam fideicommissum peti possit: sed quod à patre tanquam fideicommissum relicta peti non potest, id obliqua via ab eo peti potest & obtineri.

Obtrahitur autem his rationibus: Nam si patri quid legatum, aut fideicommissum est, non cogetur heres praestare fideicommissum, priusquam pater filios emancipauit, quasi relicta sit sub conditione, si filios emancipauerit. Sed etsi heres vltro fideicommissum praestitit, poterit à patre repetere, nisi ille filios emancipet tanquam relicta sub modo, ut emanciparet liberos: quo modo non secuto, id, quod datum est, non repetitur. Haec Vlpianus significat in dict. leg. si cui legatum, vers. ar virror. autem. Sed & liberi ipsi cum patre agere possunt, ut emancipentur; sed hac lege, si praeter emancipationem pater rogatus sit, ut filijs quid restitueret. Nam propter hoc fideicommissum filijs relicta, quod vltro relicta est, sit per consequens, ut petere possint, ut emancipentur; quoniam sine emancipatione inutilis esset restitutio. Haec autem erit condemnatio aduersus patrem, ut nisi emancipet liberos, & emancipatis restituat hereditatem, sciat se in posterum eius fideicommissi vsuras & fructus restitutum: ex qua sententia consequentur liberi, ut quoadcunque mortuo patre integrum fideicommissum consequantur. Id autem declaratur in dict. leg. si cui legatum.

in fin.

Ad l. Cum virum. 16.

Carus, Carinus & Numeria. AAA.
Fidoæ.

Cum virum prudentissimum Papinianum respondisse non ignoremus, etiam legata huiusmodi fideicommissis contineri, id est, ubi heres rogatus fuerit, quicquid ex hereditate ad eum peruenerit, post mortem restituere: animaduertimus etiam preceptionis compendium testatoris verbis, comprehensum esse, sane quoniam in fideicommissis voluntas magis, quā verba plerumque intenda est: si quas pro rei veritate praeter ea probationes habes ad commendandam hanc patris voluntatem, quam fuisse adseueras, apud praesidem provinciae experiri non vetaris. PP. Pridie Idus Nouembr. Caro & Carino. AA. Cos. 283.

S Y M M A R I A.

1. Heres, cui praelegatum aliquid fuerat, rogatus à testatore restituere quicquid ex hereditate ad ipsum peruenerit: queritur, an hereditatis verbo etiam praelegatum contineatur, & quatenus, num. 3. & 4.
2. Item, an eodem verbo donationes mortis causa facta veniant.

Cum duo sunt heredes instituti, & vni ex heredibus aliquid praelegatum est, id est, vnus iustus est ea hereditate aliquid percipere: si is rogetur à testatore, ut restituat alteri, quicquid ex hereditate ad ipsum peruenerit, constat his verbis contineri portionem hereditaria eius heredis; qui rogatus est restituere. Quaesitum est, an iisdem verbis etiā praelegata ei relicta contineantur, ut omnia restituere debeat iste heres? Finge hoc modo: Primus & secundus heredes instituti sunt ex æquis partibus. Fundus Tusculanus, qui testatoris erat, primo legatus est: Deinde is primus rogatus est, post mortem suam restituere secundo coheredi suo, quicquid ad ipsum ex hereditate peruenerit. Mortuo primo secundo fideicommissum petit ab heredibus: primi: hi restituere portionem hereditatis, quae iure hereditario ad primū peruenerit, sed retinere volunt fundum Tusculanū illi praelegatū, quod non contineatur verbis fideicommissi, Mouet dubitationē, quia verbo hereditatis videntur ea tantum contineri, quae ad primū iure hereditario peruenerunt. Hic autem fundus ad eum peruenerit iure legati. Placuit Papiniano, superioribus verbis etiam praelegata contineri, cuius sententiam hoc rescripto confirmat Imperatores, & secundum illam ius dici volunt, tanquā ea sententia pro iure certo obtineretur, ut etiā factū legitimus in l. cum responso, sup. de leg. Id autē recte statuitur: est enim ex significatione verborum, à qua non est recedendum, nisi manifestum sit aliud testatorē sensisse, l. non aliter, de leg. 3. Nam fundus praelegatus est etiam ex hereditate defuncti mortis. Nihil ad rem pertinet, quod iure hereditario capiatur: non sunt relicta ea quae iure hereditario capiuntur, sed quae ex hereditate peruenerunt. Peruenit autē quicquid ex hereditate, quod est in hereditate quocunque: tanquā titulo capiatur. Qua ratione recte placuit superioribus verbis donationes causa mortis non contineri, veluti si proponas testatorē, dum viueret, quaedam mortis causa donasse, dicemus, si rogatus sit à testatore restituere post mortem suā, quod ad eum ex hereditate peruenerit, non contineri fideicommissio ea, quae mortis causa illi donata erāt, l. sequens, de leg. 2. Nempe ex eadē significatione verborum: Nā id ex hereditate est, quod est ex bonis, quae quis mortis habuit, ut est definitio hereditatis in l. nihil aliud, de verbor. significat. l. hereditas, de reg. iur. Quod autē mortis causa donatum est, proprie non est in bonis mortis. Nā iam testator viuus uiuenti, praesens praesenti donauerat, l. inter, de mort. caus. don. Et hoc est, quod dicitur in d. l. sequens, ideo superioribus verbis donationes mortis causa non comprehenduntur; quia non pertinent ad causam bonorum, seu hereditatem mortis. Non obstat, quod dicitur, donationes causa mortis per omnia legatis comparari, & quod in legatis iuris est, idem iuris esse in donationibus causa mortis, leg. illud, de mort. caus. don. Nam haec tenus id verum est, nisi testator aliud senserit. Aliud autem sensisse eum apparet, cum vsus est his verbis: Rogo te, ut restituas, quicquid ex hereditate ad te peruenerit: nam, ut dixi, quod antea mortis causa donatum est, non est ex hereditate, voluit igitur testator his verbis id contineri, quod ante donatum est. Quod tamē dicitur hic his verbis, quicquid ex hereditate ad te peruenerit, contineri etiam praelegata, adiicitur in extremo rescripti, ita accipiendum esse, nisi

& hic

& hic testator aliud senserit. Proinde si heredes primi, qui rogatus est, parati sint dicere, testatorem noluisse restituere praelegata, audiendi sunt. Sed tamen hoc testatorem sensisse probare debent. Finge testatorem, vel codicillis, vel epistola, vel apud alios testes voluntatem suam declarasse.

Sed obstant huic sententiae verborum Imperatorum verba fideicommissi, quia superioribus verbis praelegata manifeste continentur. Respondetur, Imperatorum verbis quidem legata contineri, sed in fideicommissis magis voluntatem quam verba seruanda esse. Optime, nam in testamentis totum voluntas testatoris facit, ut est in *l. ex facto. §. verum. de hered. inst.* idque si in aliis partibus testamenti valet, praecipue obseruatur in fideicommissis. *l. pen. de leg. 1. l. cum proponeretur, de leg. 2.* Idque ius perpetuum est, ubi constat voluntatem a verbis discrepare. sumtum est ex lege 12. tabularum, uti quisque legassit. *l. verbis legis, de verb. sig.* Id si ita est, cur in hac sententia exprimenda, voluntas magis, quam verba seruanda sunt. Addiderunt Imperatores, plerumque. Respondeo; Recte id additum esse, quia interdum &que verba, ut voluntas, seruanda sunt, quod tum contingit, cum verba congruunt cum voluntate. At ubi discrepant, quod plerumque accidit, semper seruabimus definitionem huius rescripti.

Hactenus sententia huius rescripti: cui tamen in eo, quod de praelegatis dicitur, haec contineri superiori fideicommissis, contrarium videri potest, quod scribitur in *l. in fideicommissaria. §. vlt. ad Trebel.* ubi vnus ex heredibus, cui quaedam praelegata erant, rogatus est restituere portiones hereditatis suae, & placet id, quod legati iure à coherede accipitur, in fideicommissi restitutionem non venire. Propter hoc eum locum monendi sumus, cum vnus ex heredibus cui aliquid praelegatum est, rogatur restituere portionem suam, quam accepit, multum referre, quibus testator verbis in eo sit vnus. Est enim in eo fere haec varietas, interdum restituere iubetur heres, quicquid ad eum peruenit ex hereditate interdum portionem suam, alias hereditatis portionem. His verbis; *quod ad te peruenit ex hereditate*, aperte continetur omnia quae sunt ex hereditate, quae ad heredem perueniunt; proinde & res ei praelegata; nam & haec ex hereditate sunt. Eadem significatio est, & ius verborum, cum testator ita scribit: *portionem tuam restituas*, nam portio intelligitur non tantum hereditatis, sed etiam rerum legatarum, *l. 3. §. quidam ad Trebel.* Longe alia significatio est horum verborum *restituas portionem hereditatis*. Nam portio hereditatis non habetur ab herede, nisi hereditario iure: legata iure hereditario non capiuntur. Ita manifestum est verbis huius fideicommissi, legata & fideicommissa ei praelegata non contineri in restitutione, *l. si Titius de legat. 3.*

Hinc si in specie proposita hic fundus primo heredi praelegatus sit, & iussus sit post mortem suam restituere portionem hereditatis, placet eius heredes retinere posse partem fundi, quam à coherede primus accepit iure legati, alteram autem partem fundi venire in restitutionem reliquae hereditatis, quoniam haec pars capta est à primo non iure legati, sed iure proprio hereditatis, hoc in *d. l. in fideicom. §. vlt. ad Trebel.* Interdum tamen in hoc genere fideicommissi, placet eam quidem partem praelegati fundi venire in restitutionem, quae pars iure hereditario capitur, ut in specie *l. Titia. ad l. Falcid.* Quod tunc contingit, cum heres primo rogatur restituere portionem hereditatis, deinde fundus ei praelegatur. Nam hoc casu visum est testatorem fundum postea praelegatum ex restitutione fideicommissi exemisse.

Ad L. Si creditoris. 17.

Imp. Dioclet. & Maxim. AA. Fortunato.

Si creditoris voluntas iure subnixta liberari te debito voluntas doceri potest: etiam antequam solemniter tibi liberatio à successore praestetur, exceptionem tibi ex voluntate defuncti descendentem competere, manifestum est. PP. 12. Kal. Maii, Maximo II. & Aquilino Cos. 286.

S V M M A R I A.

1 Res incorporales recte legantur.

2 Liberatione legata, quis sit huius legati effectus.

3 Debitor quam habeat exceptionem aduersus heredem liberare nolum.

Res etiam incorporales recte legari constat, *§. tam autem. de legat.* Hic placuit, si testator, idemque creditor debitori suo liberationem leget, seu quod idem est, damnet heredem, ut liberet debitorem, vtile legatum esse placuit, tanquam re incorporali legata, nempe liberatione, *§. si quis debitori. Instit. de leg.* Liberatione est legata, de effectu legati quaesitum est, de quo hic comprehensum. Hoc et effectu duo continentur, I. ut heres liberet debitorem eo modo, quo iure liberari potest sine solutione. Id autem fit per acceptilationem, *§. item per acceptilationem. Instit. quib. mod. toll. obligat.* Id autem ut praestet heres, consequitur debitor actione in personam ex testamento. II. Sed et si heres debitorem non liberarit, tamen hoc legato continetur, ne heres à debitore petat, in eamque rem est debitori aduersus heredem petentem exceptio. Sed sententia est comprehensa in *d. §. si quis debitor. non solum & plenius exposita de lib. leg.*

De priori effectu non dubitatur; nam aperte verbis legati continetur, de posteriore dubitatur, nam secundum verba; nihil amplius continetur legato, quam ut heres debitorem liberet ipso iure, secundum quod efficitur, ut priusquam liberatio sit secuta, nihil contineatur legato, ac proinde debitor, ut ante, obligatus maneat. Respondeo, ex sententia verborum intelligitur posterior hic effectus. Nam si debitorem ipso iure liberari voluit, etiam debitum ab eo peti noluit. Haec exceptio est secundum voluntatem defuncti. Sed et quae haec exceptio est, nam ex voluntate, seu remissione creditoris solum legitimus exceptionem dari pacti conuenti, *sub tit. de excep. Inst.* Voluntas autem suprema non est pactum conuentum, *l. haec verba de verb. sig.* Respondeo, Exceptio haec est, exceptio voluntatis supremae, & ad reliquas exceptiones in Instit. comprehensas adiungi debet. Nam ex pacto conuento creditoris debitum remittens nascitur debiti exceptio, quae dicitur *l. iurigentium. §. sed cum nulla. §. ait praetor. de pact. l. 5. sup. de pact.* Ita verum est, ex voluntate testatoris remittentis debitum nasci debitori exceptionem, quia lex 12. tabularum, itidem supremam voluntatem tuetur, *l. verbis leg. de verb. sig.* Ut igitur prior dicitur pacti conuenti, quia ex pacto est, sic superior recte dicitur supremae voluntatis exceptio, quia ex hac voluntate nascitur.

Sed cur ante liberationem praestitam ab herede non liberatur debitor etiam ipso iure remissione testatoris, cum lex duodecim tabularum supremas voluntates omnino tales esse iubeat *d. l. verbis legis.* Respondeo, quia contra ius est id fieri: sic enim ius comparatum est, ut quibus modis quaeque obligatio contracta est, iisdem modis dissoluatur in contrarium actis. *l. nihil tam naturale. l. seq. de reg. iur.* Porro debitor testatori obligatus est, aut consensu, aut stipulatione, aut re, aut maleficio, non autem suprema voluntate, proinde contrariis modis liberetur necesse est, siquidem iure liberatum volumus.

Sed aduersus hanc subtilitatem iuris, placuit debitorem defendi exceptione opposita, vel pacti, vel supremae voluntatis vel generali, doli mali. Sed cum secundum reg. iur. nihil inter sit, vtrum quis ipso iure non debeat, an per exceptionem liberetur, *l. nihil interest. de reg. iur.* cur hic & similibus locis, dubitatur, vtrum debitor; liberetur ipso iure, an per exceptionem. Respondeo quia ad vim & effectum liberationis debitoris attinet, inter ista duo nihil interest, sed aliis in rebus differentia est, de quibus dicitur *ad d. l. 5. sup. de pact.*

Ad L. Cum necessitatem. 18.

Idem AA. Apolausto.

Cum necessitatem reddende rationis defunctus remittendam tibi esse petierit: manifesti iuris est, voluntatem defuncti immutatam esse debere, PP. Idib. Mart. ipsi III. & III. AA. Cos.

S V M M A R I A.

1 Tutor, curator, negotiorum alienorum gestor, finita administratione, ratio-

rationes administrationis reddere coguntur.

- 2 Remissa necessitate rationum reddendarum, rationes reddere non debent. Limitatur num. 3.
- 4 Remittens in futurum administratori necessitatem reddenda rationis, fretum de dolo remittendo sentiat, nihil agit.

Tutor, & curator, negotiorum alienorum gestor, finita administratione rationes administrationis reddere debet, in quo eo nomine tenentur, si quid non, ut oportet, gesserint, aut aliquid ex his negotiis retinuerint. In omnibus ut praestent & dolum suum & culpam, l. 1. in pr. de tut. & var. distrah. l. 2. de neg. gest. Vti ceteri creditores debitoribus suis debitum remittere possunt, ex quavis alia causa, de qua proximo re scripto est dictum; sic possunt necessitatem remittere rationum reddendarum his, qui negotia administrarunt, quod factum hi, quibus necessitas haec est remissa, immutata voluntate & versa, rationes reddere non coguntur. In eamque rem est constituta administratoribus aduersus eos, qui rationes exigunt, exceptio, de qua superiori re scripto dictum est. Haec sententia non tantum pertinet ad praeteritam administrationem, sed etiam ad futura: ubi is, cuius tutela gesta erat, testamentum factum vetuit a tutoribus rationem tutelae praeteritae exigi, remissio citra controuersiam valet, quatenus tutor culpa quid peccauit. l. Aurelio. §. ult. de liber. leg. Idem esse dicendum, & si pater testamento filiis tutorem dedit, & in ius aeneas dicitur esse, l. §. quidam de admin. tut. Quod posterius exemplum ad futuram tutelam refertur.

- 3 Sed admonendi sumus in omni hac remissione rationum reddendarum, semper dolum administratoris exceptum videri, ut comprehensum est duobus locis proxime iam citatis, & certe si de praeterita administratione agit, & testator remittit generaliter necessitatem reddendi rationem, de dolo tutoris sensisse non videtur, arg. l. tres fratres de pact. l. qui cum tutoribus, §. 1. 2. de transact.
- 4 Qui in futurum administrator remittit necessitatem reddenda rationis, etiam si de dolo remittendo sentiret; tam remissio nihil ager; quoniam eiusmodi remissio est turpis, quae inuitat tutorem ad delinquendum. l. iuris gentium. §. pactorum. de pact. Praeteritus dolum nominatim remitti potest, ut pactio sic testamentum. d. l. iuris gentium. §. si paciscar. de pact. l. 4. in fin. sup. de transact.

Ad L. Clari. 19.

Idem AA. Ampliato.

Clari & aperti iuris est, in fideicommissis posteriore voluntates esse firmiores. PP. Id. Septembr. ipsi AA. IIII. & III. Coss.

SUMMARIUM.

- 1 Regula, Nouissimam scripturam valere. & in fideicommissis, & in legatis, & in omnibus relictis testamento locum habet, exceptis libertatibus: & cur. num. 2.
- 3 Limitatio huius regulae, & ratio limitationis.
- 4 In libertatibus si diuersae sint scripturae, seruat ea, quae libertati commodior est.

Non in fideicommissis tantum, de quibus hic, sed in legatis & omnibus relictis testamento, exceptis libertatibus, haec regula seruat, nouissimam scripturam valere. Imo utraq; dixerit aliquis, & prior & nouissima. Nam si testator in prima parte testamenti Titio quid legauit, in postremo eidem, vel alicui aliud quid legauit, constat hic testamento valere legata, idque lege 12. tabularum efficitur, Vti quisque legasset l. verbis legis. de verb. sig. Respondeo hoc ita est, ubi res diuersae legatae sunt, & diuersae voluntates non contrariae. Regula autem superior in contrariis scripturis locum habet, sed ideo id expressum non est superiori regula; quia satis ex aliis verbis intelligitur. Regula enim per comparationem concepta est, quae comparatio solum pertinet ad res contrarias, quarum plus vna valere non potest. Et ideo per comparationem quaeritur utra potius, vel quae potissimum ex pluribus valeat? Et respondetur nouissimam valere. Sed cur non aequae prior scriptura valet, nam nouissima scriptura non alia ratione seruat, quam quod testator voluit fieri, quod illic scriptum est, propter supra scriptam

legem 12. tabularum. Ergo hac ipsa ratione priorem scripturam valere dixeris, quia in hac quoque scriptura voluit quid fieri testator. Respondeo, ideo in nouissima scriptura potius valet, quia haec sola voluntas est testatoris. Prior autem scriptura voluntatem testatoris non continet. Nam testator priori contrarium scribendo à priori voluntate recessisse intelligitur, veluti si ita scripserit: Titio fundum Tusculanum do, lego, deinde posteriore: quod Titio dedi, non do, lego. Hic apparet posteriori scriptura à priori voluntate recessisse esse. Idemque conuersa scriptura dicendum est. Sed in regula, in dubia voluntate testatoris locum habet. Ceterum si testator aperte scripserit, quid de prima, aut nouissima scriptura fieri vellet, id sequetur, propter voluntatem, quam solum lex tueretur. Et ideo si testator in priore voluntate dixerit, se nolle valere, quod postea sciebat, prior voluntas valebit, non posterior. Veluti si ita scripserit, quod Titio infra legauero, neque do, neque lego, deinde, Titio fundum Tusculanum do, lego, Dicimus legatum non valere sed priorem scripturam seruari lege 12. tabularum, l. si ita 14. de leg. 1. Hoc ideo, quia testator expressit, quid de prima & nouissima scriptura sentiret, & primam solum valere voluit. Et ob hanc causam etiam dicimus, quamuis testator priore scriptura derogauit posteriori, tamen ex voluntate eius posteriorem scripturam valere, si videlicet posteriori scriptura declarauerit, se prioris penituisse, veluti si ita scripserit: quod Titio infra do, lego, id dari ei nolo, deinde, Titio fundum Tusculanum do, lego, repudiata priori mea voluntate, qua dixi me illi dari nolle. l. si quis. in pr. 2. de legat. 2. Quod rursum apparet responderi, propter manifestam voluntatem testatoris. In libertatibus obtinuit, ut si de libertate sent contrariae scripturae, ea seruetur, quae libertati commodior est, seu prima, seu media, seu nouissima sit, l. quod traditum, & l. seq. de cond. & demonst. Fautor libertatis in causa est, quia aliud hic placuit, quam in ceteris scripturis testamenti.

Ad L. Etiam. 20.

Idem AA. Iuliano.

Etiam à pupillarum tutoribus, velut ab ipsis relictis fideicommissa debentur. PP. III. Non. Decemb. ipsi IV. & III. AA. Coss.

SUMMARIUM.

- 1 Quicquid à tutoribus pupillarum legatur, aut fideicommittitur, ab ipsis pupillis legatum, aut fideicommissum videtur, & cur.
- 2 Tria huius regulae consecraria.

Regula iuris est, cum pupilli testamento heredes instituti sunt, & tutores pupillis dati, si quid à tutoribus legatur aut fideicommittitur, ab ipsis pupillis legatum & fideicommissum videri. Regula hic est tradita, item in l. sup. de reb. cred. l. peto. §. mater. de leg. 2. Regula hanc rationem habet, quia tutores pupillarum personam sustineant, vnde pro pupillis esse dicuntur, domini autem sunt pupilli l. tutorem qui tutelam, de admin. tut. Ex hac regula tria sunt consequentia, in quibus cernitur vis & usus huius regulae. I. est, quamuis tutoribus testamento nihil sit relictum, tamen legata, aut fideicommissa ab his deberi, quod sine superiori regula non fieret. Nam cui testamento nihil datum est, ab eo nihil relinquere potest, ut alia regula iuris efficitur, l. Labeo sup. Sed regula superior facit, ut hanc obiectionem metuere non debeamus. Nam à tutoribus relictis, videntur à pupillis esse relictis. Hi autem heredes sunt instituti, ut proinde ab his quoque legata, & fideicommissa potuerint relinquere. II. Consequens est, legata à tutoribus relictis, vti valent, sic deberi non à tutoribus, sed à pupillis, à quibus ea relictis videri dicimus. Id expressum est hic. III. consequens est, si à tutoribus, quibus nihil datum est, testamento aliquid relictum sit pupillis, fideicommissum non valere, d. l. peto. §. mater. in fin. de leg. 2. Idque hac ratione, quia quod à tutoribus relictum est, à pupillis ipsis relictum videtur. Hi autem sunt heredes; porro heredi à seipso relinqui non potest, l. legatum. §. 1. de leg. 1.

Ad L.

Ad L. Si in personam 21.

Idem AA. & CC. Tiberio.

Si in personam patris tui, cui te successisse proponis, fideicommissi dies utiliter cessit: licet tempore quo fuerat datum, nec dum te natum fuisse probetur: uxorem patris tui, quem contemdis rogatum fuisse patri tuo, si sine liberis decesseris, ab eo tuo relicta restituere: si ei successeris, de fideicommissio consentire debes. Nam si patrueriam hereditas tibi quesita est: non de fideicommissio querendum, sed hereditas ab ea vindicanda est. Dat. 6. Id. Feb. AA. Coß.

S V M M A R I A.

- 1 Species huius legis.
- 2 Quorum legatorum, vel fideicommissorum dies cessit, viuo fideicommissario, ea legata fideicommissarius ad quoscunque suos heredes transmittit.
- 3 Relictum, quod his relinquitur, qui in rerum natura non sunt, non valet.
- 4 Fideicommissi conditionalis dies quando cedit, eius idemque perceptio ad quos transmittatur, & quomodo extinguatur.

Pater ¶ duos filios suos primum & secundum heredes instituit. A primo petit, vt sine liberis decederet, portionem hereditatis restitueret fratri suo superstiti: primus decessit sine liberis, vxore sua herede instituta, ita fideicommissi superioris exstitit conditio, ac proinde fideicommissi dies cessit. Nam legati & fideicommissi conditionalis dies cedit mortuo testatore, cum conditio exstitit. l. vn. §. *sin autem, infr. de cad. toll. §. quando dies leg. ced.* Secundum frater priuquam fideicommissum peteret, decessit relicto filio, eodemque nepote aul testatoris. Cum vxor patris eius, nempe primi, hereditatem mariti sui possideret, nepos hic fideicommissum ab ea petit. Hic ¶ sciendum est ita ius esse, vt quoniam legatorum, vel fideicommissorum dies cessit, viuo fideicommissario, ea legata fideicommissariis transmittat, ad quoscunque suos heredes, *dicta leg. §. quando dies leg.* Omnium autem legatorum, quæ pure, aut in diem sunt relicta, dies statim cedit mortuo testatore; conditionalium autem legatorum dies cedit, postquam exstitit conditio, *dicta leg. §.* Secundum hæc constat, huic nepoti fideicommissum: eius patri relicto deberi, si patri heres exstitit, vt hic contigit. Proinde si vxor patris, à quo patruo fideicommissum relicto erat, heres marito suo exstiterit, constat et iam fideicommissum ab ea peti posse. Hoc iure fretus nepos fideicommissum ab ea petit.

Sed obiicitur nepoti, quod non fuerit natus tunc, cum auis fideicommissum relinquebat, & ideo müller contendebat non deberi ei fideicommissum. Hæc obiectio habet aliquem colorem probabilis. Nam certum ¶ ius est, quod his relinquitur, qui in rerum natura non sunt, relicto non valere l. vn. §. *in primo, infr. de cad. toll.* Respondetur hoc rescripto, quamuis nepos tempore testamenti aui natus non sit; tamen cum fideicommissum patri eius relicto, cuius fideicommissi dies patre viuo cessit, recte petere. Obiectio ad rem nihil pertinet: nam fideicommissum huic nepoti relicto non fuit, sed patri eius, qui tum vixit, cum relinquebatur fideicommissum. Sed ita nepos fideicommissum ab vxore patris petere potest, si illa marito heres exstitit. Quod si illa repudiante hereditatem, hereditas ad nepotem pertinet iure agnationis, de fideicommissio aduersus eam agi non potest, sed hereditas ab ea est vindicanda, si possidet, vt in extremo hic.

Sed cur hoc casu de fideicommissio agi non potest? Respondeo, non quod fideicommissum patri relicto non transferatur ad heredes eius quosuis sed quia nepos patruo succedendo fideicommissi obligatio exstinguitur. Nam patruus debitor erat huius fideicommissi, nepos creditor is, cui debebatur fideicommissum ex persona patris. Quoties debitor creditori succedit, confusione exstinguitur obligatio *leg. debitori sup. de pact.* Ita solum hoc relinquitur nepoti, vt si vxor defuncti patris eius hereditatem mariti possidet, solum possit hereditatem ab ea vindicare, quod facere secundum reg. iuris potest: nam petitio hereditatis datat heredibus aduersus eos, qui hereditatem pro herede, prove possellore possident, *l. regulariter. de pet. her. in summa quod ad fidei-*

commissum pertinet, rescriptum hæredit: fideicommissi ¶ conditionalis, siue sit singulare, siue vniuersale fideicommissum, die cedere, cum conditio exstitit, & testator mortuus est. Si hic dies cessit viuo fideicommissario, fideicommissi persecutionem ad omnes eius heredes transmitti, quamuis eo tempore nati non fuerint, quo fideicommissum est relicto. Hanc persecutionem exstingui, si is, cui fideicommissum debebatur, successerit ei, qui debebat: quæ supra satis confirmata sunt certis locis.

Ad Leg. Et in Epistola 22.

Idem AA. & CC. Plautiano.

Et in epistola, vel libello, vel sine scriptura, immo etiam in fideicommissum relinqui posse adhibitis testibus nulla dubitatio est. Dat. Id. April. Bizantii AA. Coß.

S V M M A R I A.

- 1 Fideicommissum etiam extra testamentum quauis scriptura, siue epistola, siue libello, recte relinquitur.
- 2 Epistola quid hic dicatur.
- 3 Libellus quomodo hic accipiatur.
- 4 Fideicommissum etiam sine scriptura quouis modo recte relinquitur.
- 5 Voluntas fideicommissitensis quomodo nutu significetur.
- 6 Heredes codicillis neque scribi, neque nuncupari, neque nutu institui possunt.

Fideicommissum ¶ etiam extra testamentum quauis scriptura recte relinquitur, siue epistola, siue libellus, vt hic. Epistola ¶ hic dicitur scriptura supremam voluntatem testatoris continens, cuius verba diriguntur ad eum, cui fideicommissum datur, quibus testator in morem epistolæ significat fideicommissario absentem; quid illi datum voluerit, hoc modo, *Sempronio scito re mihi charum esse, propter merita tua, me tibi fundum Tusculanum dedisse, vt scires me ingratum non fuisse, cuiusmodi exemplum legitur in leg. miles de legat. 2.* Libellus ¶ dicitur quæuis scriptura nudam defuncti voluntatem continens, vt sit libellus idem, quod codicillis, quod intelligi potest ex *leg. 4. sup. de his, quib. vt indig. vbi pro his verbis, epistola, vel libello, scriptum est, epistola, vel codicillis.* Et certe nos omnes scimus librum & codicem, idem valere Latini, vt consequens sit, idem valere codicillos & libellum, diminutive. Sed ¶ & sine scriptura fideicommissum quouis modo recte relinquitur. Sic autem aliquid sine scriptura significari potest, vel vt exprimat lingua vel vt nutu significetur. Placet autem fideicommissum non tantum lingua, sed etiam nutu relinqui posse. *l. nutu de leg. 3.*

Sed ¶ quomodo nutu voluntas fideicommissi significari potest, vbi defunctus nihil dicit? Respondeo, id fit hoc modo, cum alio loquente & interrogante, an testator velit L. Titio centum aureos dari, vel testator nutu declarat se velle. Nutus autem ad præcedentia verba interrogationis relatus certum fideicommissum, & certam voluntatem efficit. *leg. seruo si pupillus. ad Trebellian.* Hæc olim in legatis utiliter obseruabantur, vnde hic de fideicommissio est concepta definitio: sed sublata differentia legatorum & fideicommissorum, idem ius & in legatis esse intelligemus, de quo initio hic dictum est. In heredum institutionibus contra obseruatur. Heredes ¶ codicillis neque scribi, neque nuncupari possunt. §. *penult. instit. de codicill.* Vbi autem testamento nuncupatiue heredes instituuntur, non possunt institui nutu, sed palam exprimi oportet a testatore: nam ita ius est, vt heredes aut scribantur, aut nuncupentur. *leg. i. §. 1. de hered. instit.* Scribuntur iusto testamento. Nuncupare autem heredes est, palam nuncupare, ita vt omnes vocem nuncupantis testatoris exaudiant, *leg. palam. qui rest. fac. poss.* Ita hæc definitione nutus eius in heredibus instituendis excluditur. Quod tamen hic dicitur, superioribus modis omnibus fideicommissum relinqui posse, cum hæc exceptio semper est intelligendum, dummodo testes & idonei & quantum satis, interueniant, vt hic sequitur.

De quo apertius est cautum in *leg. vnica. §.**vl. infr. de cad. toll.*

Ad L. Si veritas. 23.

Idem AA. & CC. Stratonico.

Si veritas, vel solemnitas iuris deest, nec amplexus parentis voluntatem relicta dedisti, vel transactionis causa stipulantibus promissisti, negotiumque integrum est: absolutionem ut gerere non potes. Datum s. Cal. Februa. AA. Coss.

S Y M M A R I A.

- 1 Veritas & solemnitas testamento quando deesse dicatur.
- 2 Ex falso aut imperfecto testamento nihil debetur. Limitatur ibid.
- 3 Heres voluntatem testatoris quomodo agnoscere intelligatur.
- 4 Heres an solo pacto, quo se fideicommissum praestitutum pollicetur fideicommissum agnoscere & pacto obligari videatur.

Veritas testamento deest, cum scriptura aliqua dicitur esse testamentum Lue i Titij defuncti, & hoc falsum est. Solemnitas testamento deest, cum aliquid ex his deest obseruationibus, quae in testamentis faciendis desiderantur, quod testamentum vno verbo dicitur imperfectum. *leg. hac consultiissima in pr. §. ex imperfecto sup. de testam.* Ex falso testamento nihil deberi potest, quoniam ne testamentum quidem est, sed nec heres defuncti L. Titij ea, quae in testamento scripta sunt, agnoscentibus obligatur, ut ea praestet, quoniam ut quis voluntatem defuncti dicatur agnoscere, prius est, ut sit voluntas defuncti. Iam autem dictum falsum testamentum esse: ex imperfecto autem testamento nihil deberi potest l. 3. d. l. hac consulti. d. §. Sed hoc ita est, nisi heres voluntatem defuncti ea scriptura testatam agnouerit, agnoscendo obligatur, ut praestet in postum, quod ea voluntate continetur, *l. non dubium in fin. sup. de testam. de quo dictum ad leg. 1. 2. sup.* Agnoscere testamento voluntatem intelligitur heres vltro fidem praestando, *l. 2. sup.* Agnoscere in futurum intelligitur, ut obligetur in legatis annuis, si legatum praestet, non minus quadriennio l. 1. sup. In ceteris & generaliter in omnibus voluntatem agnoscere intelligitur promittendo se praestitutum, quod reliquit testator, ut hic scriptum est.

Sed adicitur hoc loco de promissione, qua quis stipulanti fideiussori promittit. Vnde oportune quaeritur, an solo pacto, quo heres pollicetur se fideicommissum praestitutum, videatur fideicommissum agnoscere, & pacto obligetur? Mouent dubitationem contrarii loci. Nam hoc rescriptum videtur stipulationem exigere. *Lex vlt. inf. ad l. Falc.* exigit cautionem, cautionis verbo significatur stipulatio. *l. iuncimus, sup. de verb. sig.* Item ex pacto nudo non nascitur actio. *l. iurigenium. §. sed cum nulla de pact.* Rursum in d. leg. non dubium, sup. de testam. simpliciter scriptum est, si heres legatum, aut fideicommissum agnouerit, necessitatem habere id in postum praestandi. Intelligitur agnoscere voluntatem defuncti, quisquis testatur legatario, se secundum eam voluntatem legatum, aut fideicommissum praestare velle. Deinde in d. l. 1. sup. placet, si quis fideicommissum annuum triennio praestiterit, eum obligari fideicommissum in postum praestandum, non alia ratione, quam quod heres saepius id praestando, facto declarauit, se id fideicommissum praestare velle. Si tacita agnitio legati, quae ex facto colligitur, sine vlla stipulatione heredem in futurum obligauit, multo magis expressa eius agnitio sine vlla stipulatione enim obligauit.

Ad hoc rescriptum hoc modo responderi potest, quod stipulatio hic exigitur, ut fideicommissum in postum debeat, ideo fieri, quia heres agnouit iudicium defuncti transactionis causa. Aliud probandum est in eo, qui ideo agnouit, quia sciebat non deberi, sed nihilominus sol. voluntati defuncti satisfacere cupiebat. Ad l. quoque vlt. inf. ad l. Falcid. dici potest, cautionem heredibus exigi, sed cautionem illam significare chirographum heredibus, ut saepe cautionis verbo significatur *l. emtor. §. vlt. sup. de pact.* Sed rutilius est dici id, quod & scripsimus ad d. leg. non dubium sup. heredem promittendo se praestitutum legatum, aut fideicommissum quod in vili testamento relicto erat, ita demum obligari in postum, si stipulanti promittat, non autem pacto nudo. Primo propter verba huius rescripti, vbi stipulatio exigitur, & nominatum in eo, qui amplectitur voluntatem defuncti. Sed multo magis propter verba l. vlt. ad l. Falcid. Huius legis Iustianus auctor est, ac proinde verba eius, ex illius sententia sunt accipienda. Ipsum autem cautionis verbum sic vituperat, ut velit stipulationem significare, l. san-

ctimus. *sup. de verb. sig.* Accedit ius certum, quo cautum est, ex pacto nudo actionem non nasci. Mouere nos non debet exemplum l. 1. sup. b. Et si enim cum heres fideicommissum triennio praestat annuum, quod non debebatur, videtur tacito pacto testari, se velle in posterum id praestare, tamen non semel id facit, sed saepius, ut quodam modo quoties id facit, tot sunt pacta, quibus de voluntate sua pollicetur. Fatemur, vbi idem debitor pluribus factis idem pollicetur, et si priori non obligetur iure ciuili, tamē posteriori obligari, nempe de constit. pec. de qua obligatur, quisquis constituit se soluram, quod prius debebat, §. constituta. *Inst. de act.* Qui autem constituit, quod prius pactus erat, is debitu constituit intelligitur: pacto enim promissum, natura debetur, l. 7. §. 1. de solut. Natura autem debitum sufficit, ut constitui possit. l. 1. §. debitum, de constit. pec.

Ad L. Instrumenta praediorum. 24.

Idem AA. CC. Menoftrato.

Instrumenta praediorum per fideicommissum relictorum, quae ad probationem originis eorum pertinent, heredes praestare necesse non habent, cautionem tamen praestare debent, quod si opus fuerit, legatario seu fideicommissario, ipsa si habeant, proferant. Dat. Kalen. Decemb. Sirmis. AA. Coss.

S Y M M A R I A.

- 1 Praedii legatis seu fideicommissis, vtrum instrumenta, acquisitionem eorum continentia, praestari debeant? Obiectiones diluuntur, & pro negatiua respondetur.
- 2 Proferendi verbo quid hic significetur.
- 3 Heredem ad cautionem de instrumentis legatario exhibendum teneri, vnde colligatur.

Praedii legatis, seu fideicommissis, quaesitum est, vtrum instrumenta acquisitionem praediorum continentia fideicommissario praestari debeant. Quaestio in eo est, an ea instrumenta sint legata nam si legata non sunt, non debentur. Hic rescriptum est, ea instrumenta ab herede praestari necesse non esse. Hic multa occurrit, quae contraria sententia suadeant, quae ordine diluimus. 1. Adibus legatis constat omnia deberi, quae sunt tanquam aediu, seu quod propter aedes habentur, l. Iulian. §. vlt. de act. emt. Haec autem instrumenta propter aedes, & propter alia praedia habentur, proinde etiam legata intelliguntur, & tanquam legata praestari debent. Respondeo, negandum est eiusmodi instrumenta propter aedes, aut praedia haberi: argumeto est, quod sine his praedia recte habentur, & recte coluntur. Sed habentur haec instrumenta propter possessores, ut qui emerunt, & ea praedia ex ea causa possident, teneantur possessionem his instrumentis. Propter personas igitur haec instrumenta fiunt, ut illis caueatur, non propter praedia.

Sed & alia ratione efficitur, haec instrumenta fideicommissario praestari debere. Nam quoties quid ab alio petitur, quod petenti prodest, ei autem a quo petitur, praestari nihil nocet, toties aequum est, id impetrari ab eo, vnde petitur l. 2. *quanquam de aq. plu. arc.* Ex merito id placuit, quoniam malitiam hominum non est indulgendum, ut recte scriptum est in *l. in fundo de rei vind.* At haec instrumenta fideicommissario praestari valde ei prodest ad tuendum dominium eorum praediorum. Nam si defunctus eorum praediorum dominus non fuit, non erit etiam fideicommissarius dominus, quia traditio defuncti nihil iuris amplius transferre potuit, quam fuit apud defunctum, *leg. traditio de acq. rer. dom.* An autem defunctus dominus fuerit, haec instrumenta probabunt, ex quibus intelligitur etiam fideicommissarium dominum factum esse. Vt autem haec instrumenta praestentur ab herede, quid ei nocet: cum ipse amplius ea praedia non possideat, & multo minus sit eorum dominus. Vnde efficitur, haec sola ratione heredem haec instrumenta praestare fideicommissario debere.

Respondeo, ut cetera concedamus, tamen falsum est, heredem nihil nocere haec instrumenta restituendo: imo ob id maxime heres haec instrumenta retinere potest, quoniam maxime eius interest, ne ab illo recedat. Nam ut Bartolus recte scripsit ex sententia veterum, qui illud antecesserunt, aut praedia generaliter fideicommissa sunt, aut haec, aut illa certa specialiter. Si generaliter legata sunt, quae cumque praedia heres postea praescribit, pro euius tenetur, si a substituto. in fin. de leg. 1. proinde hoc casu interest eius, instrumenta em-
nium

num & acquisitionum apud se habere, vt possit rem tueri, ne euincatur. Quod si certa prædia à testatore relicta erunt, & deinde tanquam aliena euincantur, non tenetur quidem heres præstare euicta, si testator sciuit, prædia aliena esse. Sed si de eò quæratur, an defunctus putauerit, sua esse, nec ne, ipse se tuebitur instrumentis illis; quoniam ex iis apparebit, testatorem existimasse prædia ad se pertinere ex l. cum alienam, sup. de legat.

Postremo huic parti obstat l. sicut datam, inf. de liberali causa, vbi si quis seruum manumiserit, & manumissionis instrumenta conscripserit, placet non tantum patronum non posse reuocare libertatem, sed etiam manumissionis instrumentum seruo præstare debere. Respondeo longe hæc in dissimili causa versantur. Nam seruo manumissionis instrumentum præstandum est; quia instrumentum est serui, non patroni. Id enim instrumentum cuiusque est, cuius causa factum est. l. pen. in pr. de acq. rer. dom. Constat autem manumissionis instrumentum fieri serui manumissionis causa. At instrumentum, quod continet emtionem, seu acquisitionem defuncti, non aliud est, quam defuncti: non igitur est fideicommissarij. Proinde recte respondetur hic, prædus legatæ, aut fideicommissis, instrumenta eorum prædiorum acquisitionem continentia fideicommissario præstari non debere. His de causis; quia non sunt legata, & heredis interest apud eum haberi, & quoniam non sunt fideicommissarij, sed heredis. Et ob has etiam recte placuit prædiis venditis non teneri venditorem, vt instrumenta eorum prædiorum acquisitionem continentia tradat emptori, sed tantum, vt ea emptori exhibeat. l. Titius heres. l. si creditor, de act. emt.

Sed quamuis hæc instrumenta heres fideicommissario præstare necesse non habeat; tamen hic placet heredem; fideicommissario cauere debere, se illa prolatum fideicommissario, cum opus erit, si & ea adhuc apud se habeat. Cauere, id est, stipulanti fideicommissario promittere, & ita se illi obligare. l. sancimus, sup. de verb. sig. Proferendi tamen non hic significatur tantum exhibitio instrumentorum, vt scilicet heres tantum instrumentorum cognoscendorum & describendorum potestatem faciat, sed hoc continetur, vt heres ipsa instrumenta authentica proferat, vbi opus erit; nam hæc propositio tantum opus est fideicommissario, vt probetur his instrumentis hæc prædia fuisse defuncti, ac proinde à defuncto recte in fideicommissarium translata. Hoc autem non probatur, nisi authenticis; nam exempla fidem non faciunt, l. 2. de fid. instrum.

Sed tamen vnde intelligimus heredem ad hanc cautionem teneri, cum heres nihil præstare debeat, nisi legatum, aut fideicommissum sit: hic autem de hac cautione nihil à testatore expressum est? Respondeo, hanc cautionem præstari debere, ex sententia defuncti colligitur. Sententia hæc & voluntas intelligitur ex eo, quod recte generaliter constituitur, quoties conceditur aliquid, ea omnia concessa videri, sine quibus id, quod concessum est, explicari & obtineri non potest. l. 2. de iurisdict. l. 1. §. 1. si usufruct. pet. At cum testator legat prædia, intelligitur prædiorum dominium legare, vsque adeo, vt si qua pars dominio desit, adhuc integrum prædium peti possit. l. Mauius. §. pen. de leg. 2. Porro dominium obtineri non potest à fideicommissario, si de prædiis fiat controuersia, nisi probetur instrumentis. Instrumentis id probari non potest, nisi instrumentis prolatis: proinde hæc quoque sententia est testatoris, vt prædiis legatis hæc instrumenta proferantur fideicommissario.

Ad L. 25.

Iidem AA. & CC. Iulianæ.

Heredum etiam res proprias per fideicommissum relinquere posse non ambigitur. Dat. 2. Kal. Mart. CC. Cos.

S Y M M A R I V M.

1 Res aliena, item res heredis recte per fideicommissum relinquuntur.

2 Si res penitus alienæ legari possunt; multo magis potest res heredis, de quo legato dixi ad l. cum alienam, sup. de legat. Sed hoc plus est in re heredis; quia res heredis legata omnino debetur, siue testator sciuerit heredis esse, siue putauerit esse suam, l. vnum. §. si rem, de leg. 2. Cæteræ res alienæ legatæ ita debentur, si testator alienas esse non ignorauit, d. l. cum alienam.

Ad L. 26.

Iidem AA. & CC. Fortunatæ.

Ex repudiatione fideicommissi, doli mali exceptio, iusta causa intercedente, tunc opponitur, quando ipse, cui fideicommissum relictum est, repudiatione usus fuerit. Vnde cum hoc non re, sed patrem fecisse adseueres, qui tibi nocere non potuit: nihil tibi obesse potest. Dat. 2. Id. April. Sirmij, CC. Cos.

S Y M M A R I A.

- 1 Filiusfam an fideicommissum recte possit repudiare.
- 2 Fideicommissum repudiatum an postea petere possit.
- 3 Patre fideicommissum repudiante, ea repudiatio filio non nocet.
- 4 Doli mali exceptio an fideicommissario repudiante recte opponatur.
- 5 Repudiatione legatum, seu rei legata dominium amittitur.
- 6 Actionis in rem, & actionis in personam ex causa legati descendenti differentia, & ratio diuersitatis, nu. 7.

Fideicommissum datum est filiofamil. id filius repudiatur. Quæritur tamen est, an recte repudiauerit, & an sit amissum? Placet recte repudiatum, idque efficitur ex regula iuris, quæ dicitur eum posse repudiare, qui & acquirere potest, l. is potest, de acqu. her. l. eum est, de reg. iur. Filius autem familias & legatum & fideicommissum sibi relictum non tantum ignorante patre acquirere potest, sed etiam inuito, quia acquisitio legati patri nihil nocet, l. acquiritur, l. etiam inuito, de acqu. rer. dom. Quare etiam inuito patre filius recte fideicommissum repudiabit.

Quid tamen si repudiatum postea petat, pura sui iuris factus? Hic rescriptum est, ex repudiatione doli mali exceptionem ei opponi iusta causa interueniente. Quæ verba posteriora non continent conditionem, per rationem; non enim doli exceptio opponitur repudiantibus sub conditione, si iusta causa repudiationis interuenierit. Nam quacunque de causa fideicommissum repudiatum sit, hoc ipso, quod repudiatum est, amittitur. l. is, qui heres, de acqu. her. Sed exceptio opponitur repudianti, vt potest iusta causa interueniente, cur opponatur, cum scilicet is repudiatione usus sit, cui fideicommissum relictum erat, vt sequitur in rescripto. Vnde subiicitur per contrarium, si pater tamen fideicommissum repudiauerit, repudiationem filio non nocere, nempe contraria de causa, quia hic iusta causa non interuenit, cur hoc casu opponatur filio agenti doli mali exceptio. Idque ex eadem regula superiori efficitur; quia is solus repudiare potest, qui & acquirere: pater autem fideicommissum filio relictum inuito filio acquirere non potest, sed solus filius, vsque adeo, vt filius nulla vi cogi possit ad acquirendum, & eo repudiante nihil patri acquiratur. Nam id & in seruo herede in instituto placuit l. 3, sup. de her. inst. Proinde nec pater repudiare potest. Huc pertinet l. is, qui heres. §. vlt. de acqu. her. Cetera hic expedita sunt.

Illud tamen non expeditum est, quod dicitur, fideicommissario repudianti, si postea fideicommissum petat, opponi doli mali exceptionem. Non videtur defendi posse, in hac specie locum esse exceptioni vel doli, vel vlli alii. Nam exceptio nunquam competit reo, nisi agenti iure ciuili competat actio iure constituta, vt probatur in singulis, infra tit. de except. Vnde definitur exceptio actionis exclusio, l. 2. de except. vt consequens sit, nulla actione posita, nullam actionis exclusionem; ac proinde nullam exceptionem esse posse. At in proposito vbi fideicommissum repudiavit, statim actionem ipso iure amittit, leg. seruus filii. §. 1. leg. si sibi heres. §. cum seruus, de leg. 1. leg. nam sicut, ad l. Aquil. vbi expressum est. Proinde dici potuit filium, qui repudiavit; amplius petere fideicommissum non posse: illi autem agenti opponi exceptionem, dici non potest, cum ille actionem iure nullam habeat, quæ exceptione excludatur.

Dicendum est, quod de repudiatione supra dixi, & quos locos in eam rem citauimus, omnia scripta esse de dominio rei legatæ; item de actione in rem, quæ legatario ex dominio nascitur. Sic ius est; Repudiatione tamen legatum, seu rei legatæ dominium ipso iure amitti. l. seruus filii. §. 1. l. si sibi heres. §. cum seruus, de legat. 1. Vt dominium amittitur, ita consequens est in rem actionem non competere ipso iure repudianti; idque est, quod dicitur in dict. leg. nam sicut, ad l. Aquil. Consequens esse dicimus; quia aperte in rem actio iure ciuili non competit; nisi domino. leg. in rem, de rei vindic. At in hac lege de fideicommissum

missario agitur, Idque ex iure veteri, quo iure ex fideicommissio non transibat dominium rei fideicommissa recta in fideicommissarium, vt fiebat in rebus legatis. l. 2. Titio. de fur. Sed fideicommissum obtineri debebat ab herede, vel eo, à quo relictum erat.

l. 1. §. h. Nuda actio in personam tantum competeat fideicommissario, ad restitutionem fideicommissi quæ extraordinaria persæcutio dicebatur. l. pecunia. §. actionis. de verb. sign. Differt actio in personam à dominio rei legatæ & actione in rem. Ex causa legati neque dominium, neque actio in rem acquiritur legatario, aut fideicommissario, nisi sub conditione, si non repudauerit, & ideo eo repudiante, superiora perinde habentur, quasi ei nunquam quæ sita essent. At in personam actio & legatario & fideicommissario statim quæritur ipso iure, sine vlla conditione hoc loco facile intelligitur. Quæ sita semel actio, repudiatione fideicommissi amitti non potest iure civili. Nam si actio in personam non amittitur pacto, id est, debitoris & creditoris consensu; multo minus nuda voluntate solius creditoris amittetur. §. præterea. Inst. de exc. Sed quamvis repudiatione non amittitur iure actio, tamen quia iniquum est heredem hoc casu repudianti teneri, placet exceptionem doli mali illi ob stare, si contra remissionem suam fideicommissum petat, vt hic dicitur.

7 Sed cur & aliud statuimus in dominio & in actionibus in rem ex causa legati descendentes, aliud in actione in personam ex eadem causa descendente? Respondeo, differentiæ ratio est, quia si dominium statim acquireretur legatarijs, & immutabiliter, id nulla repudiatione amitti potest, neque iure, neque per exceptionem. Non potest ipso iure; quia vt dominium & corpore & animo acquiritur non sola voluntate, sic sola voluntate amitti non potest. l. si quis. §. differentia. de acquir. possess. Vt autem post repudiationem nihilominus maneret dominium rei penes fideicommissarium, ita si fideicommissarius rem fideicommissam peteret, exceptione doli mali, aut alia quavis remoueri non posset ab herede. Nam omnis exceptio iure eorum æstimanda est, qui ea vtuntur, l. penult. in fine. de bon. possess. secund. tabul. At in proposito ex repudiatione fideicommissi nullum ius acquirit heres in dominio rei legatæ, si posuerimus, fideicommissarium repudiantem nihilominus dominium manere. Proinde quævis exceptio ab illo allata illi prodesse non potest. Ob hanc causam cautum est, vt ne ante dominium certo acquireret, quam constitisset illum non repudiasse, vt sic repudiatione vere dominium amitteret. At hoc incommodum non metuitur in actione in personam, si illa statim fideicommissatio, aut legatario acquiratur; quamvis enim semel quæ sita repudiatione non amittitur ipso iure; tamen excluditur per exceptionem, quæ acquiritur hereditate heredi, vt pote ei, qui dedit fideicommissum. Nihil autem interest effectui, vtrum quis actionem non habeat, an per exceptionem actio infirmetur. l. nihil interest. de reg. iur.

Ad L. 27.

Idem AA. & CC. Olympiadi.

Fideicommissum eius, qui reliquerat, pœnitentia probata successores nunquam prestare compelluntur. Datum. V. Calen. Octob. Viminacij. CC. Coss.

S V M M A R I A.

- 1 Fideicommissum pœnitentia relinquentis probata, neq; ab heredibus, neq; ab vllis alijs debetur. & num. 3.
- 2 Pœnitentia hac quomodo probetur.

Id recte relictum debetur, nisi eum, qui reliquit, pœniteat relictæ. Nam reuocari fideicommissum & legatum semper potest ex pœnitentia, leg. datum. sup. de legatis. Pœnitentia & eius probata, fideicommissum neque ab heredibus, neque ab alijs vllis, à quibus relictum, debetur, vt hic. Pœnitentia & probatur & ex voluntate defuncti, & ex re ipsa. Ex verbis, si aperte ademit: ex re, si inimicitia capiales inter defunctum & legatarium incidant, aut incidat aliqua indignitas fideicommissarij aduersus defunctum, vnde intelligi possit, nolle defunctum in tam indignam quicquam conferre, l. 3. §. vlt. l. sequens. de admend. leg. Sic & ex pœnitentia legatum reuocatum non debetur, vt alias non debetur ipso iure, alias heres tutus sit exceptione. Ipso iure non

debetur, si legitima voluntate ademptum est, puta testamento, aut codicillis: alias exceptione tantum doli mali: quæ heredi competit. d. l. 3. §. vlt. de admend. leg.

Ad L. 28.

Idem AA. & CC. Tiberio.

Ex fideicommissio sub conditione sine libertate seruis proprijs inutiliter dato libertas peti non potest, &c.

De hac lege dixi ad leg. seruum. & supra, de legat.

Ad L. 29.

Idem AA. & CC. Achilleo.

Ex testamento, quod iure non valet, nec fideicommissum quidem si non ab intestato quoq; succedentes rogati probentur, peti potest. Dat. 8. Cal. Dec. CC. Coss.

Definitio est generalis, cuius exemplum expositum est in legem, quam, sup. hic.

Ad L. Cum acutissimi. 30.

Imperator Iustinianus A. Demostheni præfæto prætorio.

Cum acutissimi ingenij vir, & merito ante alios excellens Papinianus in suis statuerit responsis, si quis filium suum heredem instituit, & restitutionis post mortem omeri subegit, non aliter hoc videre disposuisse, nisi cum filius eius sine sobole vitam suam reliquerit: nos huius sensum merito mirari, plenissimum ei donamus euentum, vt si quis hac disposuerit, non tantum filium heredem instituens, sed etiam filiam, vel ab initio nepotem, vel neptem, pronepotem, vel proneptem, vel aliam deinceps posteritatem, & eam restitutionis post obitum grammæ subiugauerit: non aliter hoc sensisse videatur, nisi ij, qui restitutione onerati sunt, sine filiis, vel filiabus, nepotibus, vel neptibus, pronepotibus, vel proneptibus fuerint defuncti, non videatur testator alienas successiones proprijs antepone. Re ciata septimo in nouo consistorio Palatij Iustiniani. Dat. 3. Cal. Nouemb. Decio V. C. Coss. 529.

S V M M A R I A.

- 1 Heres rogatus portionem hereditatis post mortem restituere fratri, vel patruo, si susceptis liberis decedat, an fideicommissum debeat.
- 2 Tria in responsio Papiniani notanda.

SI parens & filium, vel nepotem heredem institutum rogat, vt restituat portionem hereditatis, cum morietur, vel post mortem suam, fratri, vel patruo suo, Hic mortuo eo, qui rogatus est, secundum verba, fideicommissum debetur, siue filius is, aut nepos decesserit sine liberis, siue liberis susceptis. Nam mortuo eo conditio fideicommissi existit; conditio impleta fideicommissum debetur, etiam si liberos susceperit; quoniam fideicommissum non fuit relictum sub hac conditione, si sine liberis decesseret. Et hæc ita sunt, si verba sequimur: sed in hac specie Papinianus olim respondit: Si filius, aut nepos liberis susceptis decesserit, fideicommissarium coniectura voluntatis defecisse videri, quamquam fideicommissio ineffet hæc conditio ex voluntate defuncti, si nepos decesserit, idque sine liberis. Exstat eius responsum in leg. cum auus. de condit. & demonstr. Cuius voluntatis coniecturam & rationem explicat Iustinianus in h. l. cum ait in fin. non esse verisimile quenquam alienas successiones proprijs antepone. Hoc responsum, cum esset plenum æquitatis & certam rationem haberet, Iustinianus duabus constitutionibus confirmauit, & ita explicauit, vt ad alios multos vltus produceret. Consi-

Constitutiones eius sunt hæc. l. cum acutissimi, & l. generaliter. §. vlt. sup. de inst. & substi.

In 1. responso Papiniani tria notanda sunt 1. de persona rogati. 2. de liberis ab eo susceptis, 3. de fideicommissis. Hæc capita Iustinianus ita tractauit: Papinianus de nepotibus loquitur in d. leg. cum auus. Iustinianus produxit hoc responsum ad pronepote[m] & omnem alium posterum. Hic Papinianus de nepote loquitur in sexu masculino: Iustinianus in hoc rescripto producit ad filias nepres, pronepres & alias in infinitum. Papinianus de nepote loquitur, legitimoque filio patris: Iustinianus in d. l. generaliter. §. vlt. produxit ad liberos institutos, etiam si naturales tantum sint. In liberis susceptis Papinianus de liberis generaliter & indistincte loquitur: Iustinianus hoc reuocauit ad liberos tantum legitime susceptos, & cavit, vt si filius rogatus post mortem suam hereditatem restituere, decedat liberis non ex iusto matrimonio susceptis fideicommissum æque debeatur, ac si sine liberis decessisset. Hoc in d. l. generaliter. cir. fin. significatur quoq; illis verbis. sine iusta prole, vt ibi locum exposuimus. Postremo Papinianus de fideicommissio hereditatis loquitur: Iustinianus hoc produxit etiam ad fideicommissa singula & legata, d. l. generaliter in fin.

Ad L. penult.

Idem A. Iohanni præfecto prætorio.

Quidam filium suum à sacris paternis remisit, & postea testamento condito eum præterit, nullo ei penitus relicto, aliis heredibus derelictis. Ipsum autem, quem neque heredem, neque exheredatū fecit, fideicommissum prægrauauit. quæbatur, si utile esset huiusmodi fideicommissum. Totā igitur antiqua dubietate super hoc explosa, nobis in hoc casu placuit, vt emancipatus (vt pote iniuria à patre adfectus) non compellatur fideicommissum à sua persona relicto præstare. Quod etiam in alijs personis, quas exheredari necesse est, locum habere censemus. Dat. prid. Cal. Mart. Constantin. post consulatum Lampadij & Orestis. VV. CC. 531.

S V M M A R I V M.

- 1 Fideicommissum an à filio emancipato & postea exheredato relinquatur possit.

Ab exheredati substituto legari nihil potest, multo minus ab exheredato, l. cum quidam sup. de legat. vbi hic locus apertius constitutus est à Iustiniano. Quæsitum est, si pater filium emancipauerit, an possit eo exheredato nihilominus ab eo fideicommissum relinquere? De hac specie dubitatum fuit, propterea quod pater emancipatione libertatem in filium contulerit: hæc res inæstimabilis est. Regula autem iuris facit, vt cui aliquid dedimus, etiam ab eo relinquere possimus. leg. ab eo. sup. h. Iustinianus eam dubitationem omnem remouens hic constituit, ab exheredato filio, quamuis antea emancipato, relinqui nihil posse. Non obstat, quod dicitur ab eo, cui dedimus, etiam relinqui posse. Hoc enim ita dictum est, si modo ei aliquid dederimus, quod ad eum peruenit voluntate nostra, l. i. §. sciendum. de leg. 3. Libertas autem, quæ emancipatione confertur, confertur inter viuos, nec suprema voluntate reuocari potest; vnde intelligitur eam libertatem morte nostra ad alium non peruenire. Hoc amplius, libertas hæc, quæ ex emancipatione ea nascitur, nullam æstimationem habet, vt sciri possit, quid pro ea relinqui possit. l. si filiusfam. de leg. 1.

Ad L. vlt.

Idem A. Iohanni præfecto prætorio.

Questionem ex factis emergentem rescantes & voluntati mortuorum prospicientes sancimus, si sine scriptura & presentia testium si fideicommissum derelicto fideicommissarius elegerit: heredis iuramentum, vel forsitan legatarij, vel fideicommissarij, quotiens ab eo relicto est fideicommissum, siue

uniuersitatis, siue speciale: necesse habere heredem, vel legatarium, seu fideicommissarium, prius iureiurando de calumnia præstato, vel sacramentum subire, & omni inquietudine sese relaxare: vel si recusandum existimauerit sacramentum, aut certam partem, vel quantitatē manifestare fideicommissario derelictam noluerit, si forsitan maiorem fideicommissarius exspectat: omnimodo extractioni fideicommissi subiacere, & eum ad satisfactionem compelli: cum ipse sibi iudex, & testis inueniatur, cuius religio & fides à fideicommissario electa est, nullis testibus, nullisque alijs aduentitijs probationibus requisitis, &c.

S V M M A R I A.

- 1 Fideicommissam non solemniter relicto an ab herede præstandum sit.
- 2 Heres nihil à se relicto, iurare recusans, fideicommissum soluere cogitur: & cur?
- 3 Ratio huius constitutionis.

Sic aliquot locis constitutum est, ex imperfecto testamento, item ex imperfectis codicillis, & generaliter ex omni suprema voluntate, nisi quinque cum minimum testes adhibiti sint, deberi nihil, & nihil peti posse. l. si veritas, sup. h. l. vlt. §. vlt. sup. de codicill. Iustinianus ex his responsis excepit, de quo hic cautum est. Est autem constitutionis hæc sententia. Si testis defunctus sine scriptura cum herede præsentē egerit eiusque fideicommissario, vt aliquid ei præstaret, quamuis nulli omnino adhibiti sint testes; tamen placet fideicommissum ab herede præstandum duobus casibus. Vno, qui solis verbis huius constitutionis expressus est, si videlicet heres neget, quicquam à se relicto esse, & actus ad iustificandum à fideicommissore, iurare nolit. Alter casus est superotico legitur, si videlicet heres vltro consteatur fideicommissum à se relicto esse, sed dicat, se non teneri; quia solemniter relicto non sit. Hic casus ex priori colligitur, intellecta ratione huius constitutionis.

Cur enim heres iurare recusans, fideicommissum soluere cogitur? Non alia ratio est, quam quod recusatio iurisiurandi tacitam confessionem habet; ideo enim non vult iurare, quia peierare non vult, sic à se relicto esse, l. manifesta, de iureiur. Si recte colligitur, propter quod vnumquodque tale est, illud magis tale esse, existimandum est, quod probatur vulgo ex aurb. multo, sup. de episc. & clericis. Proinde si recusatio iurisiurandi heredem obligat propter confessionem, quæ in hac recusatione inesse intelligitur; multo magis aperta eius confessio eum obligabit. Itaque, quod scriptum est in §. vlt. in fin. inst. de fideic. her. heredem in hac specie confidentem obligari, si confiteatur, postquam negauerit, non sic accipiendum est, quod confitens de fideicommissio, non alia conditione obligetur, quam si prius legauerit: sed simpliciter, quicquid confitebitur, obligabitur. Intelligendum est enim, quod hic constitutum est in hac obligatione, fideicommissum non esse constitutum pœnæ causa, vt coereatur inficiatio heredis, sed voluntatis testatoris tantum seruandæ causa, vt discrete scriptum est in hac constitutione in extremis verbis.

Prior casus ex iis duobus, cum nihil iniquum & nouum habere videretur; ideo Iustinianus hanc constitutionem aduersus obiectionem tacitam intulit, & præterea addidit rationem, cur hoc ius constituerit. Primo diceret aliquis non recte exigi fideicommissum ab herede sine probatione, vbi heres negat se scire quicquam relicto esse. Respondet Iustinianus in hac iniquum non esse, vbi heres iureiurando sibi delato, in sua causa constituitur testis & iudex, vt sit in eius potestate non teneri, iurando se nescire quicquam relicto esse. Præterea obiiceret etiam aliquis videri hoc ius nouum & contra omnes regulas iuris, secundum quas solemnis numerus exigitur, & in testamentis, & in codicillis. Atque adeo in omni voluntate, vt initio hic diximus. Respondet Iustinianus, requiri hunc numerum solemnem & iustum, cum res per testes probanda est. Ideo enim hic numerus exigitur, ne quid falsitatis admittatur, quod facile factu fuit, nisi hic numerus adhiberetur. Sed in hac specie nihil falsitatis metui potest, etiam si nulli adhibiti sint testes; quia testimonium ab ipso herede, eodemque debitor exigitur: qui si iurauerit fideicommissum à se relicto non esse, liberatus discedit. Sin autem confiteatur, aut iurare nolit, ea recusatio confessionem tacitam habet. Hæc

confessio omni suspitione falsitatis caret, cum ipse de se confiteatur.

3 Ad extremum autem, ut dixi, rationem reddit, qua motus ius superioris constituerit. Ait igitur, se motum primo legibus veteribus, quæ iubent, ratas esse supremas voluntates. Intelligit autem legem 12. tabularum, de qua *l. verbis l. de verb. sig. item leg. 1. sup. de SS. eccl. & similes*. Deinde motus est idem & ius legibus, quæ exigant, ita ut impleatur voluntas suprema, ut velint etiam eum, qui hereditatis lucrum accepit, id amittere, nisi testatoribus suis paruerit. Quas leges hic intelligat, quæ situm est? Intelligere dicimus eas leges, quibus legatum admittitur tutore, qui se à tutela excusat. *l. post legatum. §. amittere, de his, quæ ut indig. l. qui tutelam. sup. de test. t. uel.* Nec obstat; quod Iustiniani constitutio de lucro hereditatis amittendo loquitur: his enim verbis non hereditas accipienda est, sed legatum, aut fideicommissum. Nam legatum omne, aut fideicommissum est lucrum delibatum ex hereditate, ut declaratur definitione legati, *l. legatum, de leg. 1.* Huic constitutioni opponitur. *l. si veritas sup.* ubi scriptum est, ex imperfecta scriptura nihil deberi, nisi quis vltro agnouerit voluntatem defuncti. Respondeo, & hoc verissimum est, neque contrarium huic constitutioni. Proinde etiam post hanc constitutionem, id ius manere intelligitur. Quoties testator scriptura aliquid reliquit, fidem scripturæ seruati voluit, proinde si fides scripturæ non constabit ex iusto numero testium, ius antiquum erit. Iustiniani hæc constitutio loquitur de eo, quod sine scriptura relictum est, ubi scilicet testator contempta omni alia probatione, vel scripturæ, vel testium, rem fidei solius heredis commisit, ut in principio hic expressum est.

Rursum opponitur *l. vlt. §. vlt. sup. de codicill.* ubi cautum est, nisi quinque testibus adhibitis, nihil ex vlla suprema voluntate deberi. Respondeo, & hæc constitutio hodie manebit, si defunctus absente herede aliquid reliquerit. Nam in absente hæc constitutio locum non habet; quoniam heres, qui ignorauit, quid testator dixerit, facile & liquido iurabit, se nescire, quid ille dixerit, quo iuramento præstito liberatur hac constitutione. Solum ergo relinquatur locus huic constitutioni, cum defunctus sine alia scriptura, & aliis probationibus, rem, quam præstari voluit, fidei heredis præsentis commisit.

Ad Auth. Hoc amplius.

Hoc amplius qui defuncti iudicium lege non representatum monitus à iudice intra annum non implet, excluditur, eo quod præter debitum naturale perceperit ex eodem iudicio: hoc autem cum onere suo, danda super hoc cautione, deferitur primo substitutis, mox ordine seruato coheredibus aduentibus, vel generali fideicommissario, vel legatario soli, vel ex pluribus in parte potiori, vel speciali fideicommissario, vel legatario maioris emolumenti, vel omnibus, vel volentibus, vel libertate in testamento donatis, prout quisque eorum prior nominatus est: exhereditatis ne hic quidem respectis: postremo deferitur extraneo, vel fisco.

S V M M A R I A.

- 1 Occasio huius fragmenti subiiciendi vnde nata.
- 2 Verba huius constitutionis explicantur.

1 Occasio † huius fragmenti subiiciendi nata est ex postremis verbis superioris legis, quibus Iustinianus scripserat, adeo supremam voluntatem ex legibus seruandam esse, ut placeat eos amittere lucrum hereditatis, qui testatoribus suis non paruerint: ubi lucrum hereditatis dixi accipiendum legatum, aut fideicommissum alicui relictum, in hoc, ut aliquid ex iussu testatoris faceret. Adicitur igitur apte hæc Authentica, in qua superior sententia amplificatur, ut hoc amplius, quam scilicet in legatis & fideicommissis relictis, etiam hereditas in tantum amittatur ab eo herede, qui non præsterit, quod testator fieri iusserit. Id autem accidit ex constitutione Iustiniani, Nouel. 1. §. si quis. autē non implens in hac specie: Si heres aliquid facere, aut præstare iussus, & idem à iudice admonitus intra annum voluntati defuncti parere neglexerit. Si † erit admonitus, ait constitutio: quibus verbis plures

admonitiones non exiguntur. Proinde vna admonitio iudicis sufficit; quoniam singulari ratione hæc oratio contenta est, arg. in *l. vbi. de testam.* Ait constitutio, *intra annum*. Quæstio, vnde annus numerandus sit. Apparet numerandum esse ex admonitione iudicis. Ait constitutio, *si præstare neglexerit*: quibus verbis significatur is, qui alioqui de fideicommissum confitens; tamen negligentia fideicommissum non soluit. Quod si heres fideicommissum negabit, & de eo vltro ad sententiam litigauerit, eritque fideicommissum ad pias causas relictum, dupli pœna aduersus heredem constituta est, §. *ex maleficiis. versum mixta Inst. de act. §. vlt. Inst. de obligat. qua ex quasi contractu. & c.* Ait constitutio, *Si fideicommissum representatum non soluitur*. His verbis significatur fideicommissum, quod lex representare iubet, id est, quod iure valet. Pœna autem heredi iniuncta quæ sit, expressum est sequentibus verbis Authentice. Sed multo explicatius dicitur in ipsa constitutione Nouella.

AD TITVLVM XLIII. COD. COMMVNIA DE LEGATIS ET FIDEICOMMISSIS.

Cum intellectum erit, an legatum & fideicommissum relictum valeat, de quo superioribus titulis de legatis & fideicommissis tractatum est, superest, ut legatum & fideicommissum præstetur: ni præstetur, restat, ut videatur, quæ sit eius obtinendi ratio: ea ratio posita est in actionibus, de quibus maxime hoc titulo agitur, præcipue autem lege 1.

Ad Leg. 1.

Cum hi, qui legatis, vel fideicommissis honorati sunt, personalem actionem plerumque habere nascuntur: quis vel vindicationis, vel finendi modo, aliorumque generum legatorum subtilitatem prono animo admittat, quam posteritas optimis rationibus vasa nec facile suscepit, nec inextricabiles circuitus laudauit? Rectius igitur esse censemus, in rem quidem missionem penitus aboleri: Omnibus vero tam legatariis, quam fideicommissariis vnâ naturam imponere: & non solum personalem actionem præstare, sed & in rem: quatenus eis liceat easdem res siue per quodcumque genus legati, siue per fideicommissum fuerint derelicta, vindicare in rem actione instituenda: & in super vtilem Seruianam, id est, hypothecariam super his, quæ fuerint derelicta in res mortui præstare. Cum enim iam hoc iure nostro increbuit, licere testatori hypothecam rerum suarum in testamento quibus voluerit dare, & iterum nouella constitutiones in multis casibus & tacitas hypothecas introduxerunt. Non ab re est etiam, nos in presenti casu hypothecariam donare actionem, quæ etiam, nullo verbo præcedente possit ab ipsa lege induci. Si enim testator ideo legata, vel fideicommissa reliquit, ut omnimodo persona ab eo honorata ea percipiant: apparet ex eius voluntate etiam præfatas actiones contra res testatoris esse instituendas, ut omnibus modis voluntati eius satisfiat: & præcipue cum talia sint legata, vel fideicommissa, quæ pias actibus sunt deputata. Et hac disposuimus non tantum si ab herede fuerit legatum derelictum, vel fideicommissum: Sed etsi à legatario, vel fideicommissario, vel alia persona, quam grauare fideicommissum possumus, fideicommissum cuiusdam relinquitur. Cum enim non aliter valeat nisi aliquid lucri adferat, et, à quo derelictum est, nihil est graue, etiam aduersus eum, non tantum personalem, sed etiam in rem & hypothecariam extendere actionem in rebus, quas à testatore consecutus est. In omnibus autem huiusmodi casibus in tantum & hypothecariam vnumquemque, conueniri volumus, in quantum personalis actio aduersus eum competat: & hypothecam esse non ipsius heredis, vel alterius persona quæ grauata est fideicommissum rerum, sed tantummodo earum, quæ à testatore ad eum peruenierint. Data decimo quinto Cal. Oct. Chalcedone, Decio viro clarissimo consule 529.

Nunc idem hic in fideicommissis intelligimus constitutum. Intelligitur autem hoc ipso, ut actio in rem & de fideicommissis constituitur. Nam actio in rem iure civili nulli competit, quam domino, *in rem, de rei vind.* Hic consequens est, actionem in rem legatorum aut fideicommissorum nomine, non de iisdem rebus competere, de quibus in personam actio; quoniam non omnes res legatæ, aut fideicommissæ sunt in ea causa, ut efficiantur legatarij, aut fideicommissarij. Primo igitur, si quid fieri testator iussit hic locum habere non potest in rem actio, cum factum nõ sit res, quæ dominio subiiciatur culusquæ. Et ideo liberatione legatæ, id est, tunc, cum iussus est heres debitorem liberare, non potest huius liberationis consequendæ causa alia actio institui, quã in personam ex testamento, ut & olim fiebat. *l. 3. §. nunc de effectu legat. l. 4. de lib. lega.* Sed et si res, quæ subsistat, legata erit; tamen de aliena legata actio in rem competere non potest. Idemq; dicendum, si pecunia, aut res aliqua sit generaliter legata; nam hæc res ideo non sunt legatarij, quia non prius fuerunt testatoris. Nemo autem plus iuris in alium transferre potest, quam ipse habet. *l. nemo plus, de re. iur.* Ut autem in rem actio competat legatario, prius est, ut legatarius sit eius rei dominus, ut supra dictum. Solum ergo in re actio competere potest de rebus, quæ fuerunt testatoris, quorum ipse dominium transferre potuit. Idq; adeo verum est, ut quamvis res heredis propria sit legata; tamen nihilominus transferatur eius rei dominium in legatarium, eoq; nec in rem actio. Vnde placet heredem, priusquam rem suam legatam præstiterit, posse suo iure eam alienare, & quouis modo de ea statuere. *l. si inquilinus. §. 1. de lega. 1.* Nec ad rem pertinet, quod ille locus de iure veteri scriptus est; nam etiam nunc idem ius manere oportet, si rei, quæ heredis erat, dominium non transferatur in legatarium. Nunc autem non potest transferri invito herede; quoniam, ut dixi, semper verum est, testatorem eius rei non fuisse dominum; neminem autem plus iuris in alium potuisse transferre, quam ipse habuit.

Sed obstant verba huius constitutionis, *d. vers. redim.* Quibus diserte scribitur, actionem in rem de iisdem rebus competere, de quibus & actio in personam. Respondeo; Hoc interpretes sic recte acceperunt, ut in rem actio de iisdem rebus competat, si modo rerum natura patiat, vel ut competat de iisdem rebus, ubi per actionis naturam id fieri potest. Natura autem actionis in re exigat, ut is, qui in rem agit, seu vindicat, eius rei dominus sit, quam vindicat. In superiores autem res, quas dixi, non cadit, ut iis legatis dominium a testatore in legatarium transferatur. Quod si res testatoris legata erit, hic demum concurrent de ea re actio in personam & actio in rem; sic tamen, non ut legatarius utraq; actione possit experiri, sed possit alterutra, quam elegerit, ut est in *d. l. cum filius, variis. de l. 2. leg. huiusmodi. §. ult. de legat. 1.*

Sed hoc loco opponitur regula iuris, qua efficitur, neminem rem suam condicere posse, seu neminem posse de re sua agere actione in personam, ut intendat eam rem sibi dari oportere. *§. sic in aqua. Inst. de actionib. leg. ult. de usufr.* Id si verum est, consequens esse videtur, legatarium, qui rei legatæ factus est dominus, & ob id in rem actionem habet, non posse de ea re habere actionem in personam, etiam si hanc solum eligat. Resp. Nihil aduersatur superior regula. Nemo enim condicere potest rem suam, si condicit ut suã vel nemo de re sua agere potest actione in personam, si, ut dixi, intendat eam rem sibi dari oportere: sed rem suam quamvis condicere potest, dummodo condicat non ut suam, sed tanquam sibi debitam, & de ea quilibet agere potest actione in personam, dummodo ne petat, ut sibi res detur, quod fieri nequit; nam iam est illius facta; sed petit eam rem sibi dari, vel restituat, seu quod idem est, eius rei possessionem tradi. Nam hæc omnia de re nostra licet, tradit exemplis; vnusquisq; enim potest rem suam stipulari sibi restituat, & etiam ex stipulatu actio, ut restituatur. *leg. nemo rem suam, de verb. obligat.* Item constat, posse vnumquemq; rem suam commodare, & apud alium deponere, ita ut sit illi commodatarius & de positi actio ad rem suam repetendam, quæ omnes actiones sunt actiones in personam, & de re nostra competunt: sed ideo de re nostra competunt; quia his actionibus agimus de re nostra, non ut nostra, sed ut nobis debita ex stipulatu, commodato, vel deposito, nec petimus ut ea nobis detur, sed restituatur. Nihil autem prohibet, quo minus res nostra sit; & tamen possessio sit apud alium.

Hoc idem in re legata fieri intelligitur, si res testamento legata fuerit: hæc efficitur legatarij, ex quo legatario actio statim in rem nascitur: sed nihilominus idem legatarius de ea re actione in personam experiri potest, si modo intendat eam rem sibi re-

stitui debere. Nam si petit, ut sibi detur, seipsum oppugnat; sic enim faceret rem sibi legatam non esse: nam si ei legata esset, eius etiam facta esset, & si facta esset eius, inepte intenderet eius rei in se dominium transferri debere. At qui de iisdem rebus legatis actio in rem non competit aduersus easdem personas. Idq; natura actionis efficit: nam actio in personam datur aduersus eum, qui nobis est obligatus, actio in rem aduersus eum, qui rem nostram possidet; aut dolo malo desit possidere. *l. actionem, de obligat. & act. l. qui petitio. in princ. de rei vindic.* Proinde actio in personam de legato, aut fideicommissio datur solum aduersus heredem, à quo legatum est; quoniam solus est obligatus: aduersus ceteros, quamvis rei legatæ possessores, non datur. Actio in rem contra aduersus heredem non datur, si non possideat rem legatam, neq; dolo possidere desit. Et rursum quicumq; aliquam rem meam possidebunt, aut cum possiderent, dolo desierunt possidere, tenentur legatario & fideicommissario.

Tertia actio legatarij, seu fideicommissarij, hic prodita est actio, quæ Seruiana, seu hypothecaria dicitur, *d. vers. Redim.* Hæc actio est, quæ creditori de rebus illi pro debito pignori hypothecæ obligatis, inquam, in rem actio. *§. item Seruiana Inst. de actionibus. l. pignus. inf. de pig.* Hæc rursus non competit de iisdem rebus, de quibus superiores, neq; aduersus easdem personas, aduersus quas actio in personam. De quibus rebus competat, hæc constitutione expressum est. Competit autem de rebus testatoris solum his, quas heres consecutus est, siue quæ ad heredem peruenierunt. Extant hæc verba in *§. sed hæc.* Et rursum in *§. vlt. inf.* Ex his apparet hypothecariam actionem legatorum, seu fideicommissorum nomine nõ competere de rebus alienis. Et recte: nam non potest res obligari, nisi quæ in bonis debitoris fuit, *leg. cum res. inf. si aliena res pign. dat.* Sed nec competit de rebus heredis: nam hæc res neq; sunt, neque fuerunt antea vnquam testatoris. Hæc autem constitutio solum testatoris res obligat. Sane si post sex menses petatur ab herede, ut satis det fideicommissi nomine neq; satisfacat, constitutum est, ut fideicommissarius, si postulet, mittatur in bonorum possessionem etiam heredis, post quam missionem, ut supra dictum, incipiant res heredis pignori esse. Estque id genus pignorum prætorium, *l. certa. inf. in possess. legat.* Sed hoc nihil huic constitutioni aduersatur, ubi de pign. & hypoth. agitur, quæ statim constituitur legatarij & fideicommissi nomine, & constituitur sine vlla missione in possessionem.

Sed nec de rebus testatoris omnibus actio hypothecaria legatario aut fideicommissario competit. Nam de rebus ipsis legatis nullo modo datur, propterea, quod, ut supra est effectum, hæc res sunt legatarij & fideicommissarij: nulli autem res sua pignori esse potest, *leg. neque pignus, de reg. iur.* Neq; hoc aduersatur definitioni huius constitutionis. Et potius maxime hanc definitionem confirmat: nam res testatoris legatæ non perueniunt ad heredem, seu heres eas non consequitur; sunt enim legatarij & fideicommissarij, non heredis. Ex iisdem verbis definitionis superioris efficitur, quod Iustinianus hac *l. §. vlt.* constituit, nempe si plures erunt heredes testatoris, & quibusdam relicti sunt in portionem singulorum, solum teneri hypothecaria eas res, quæ sunt singulorum, non autem res coheredis; quoniam coheredis ad alterum coheredem non perueniunt.

Nunc autem Iustinianus vult solum eas res teneri, quæ ad heredem perueniunt. Sit hoc exemplum: Duo sunt heredes instituti, ab his 100. legata sunt. Mortuo testatore singuli debent 50. Sic enim diuiduntur inter heredes ea, quæ sunt in nominibus, *lea que sup. famil. eriscund.* Dicimus, si vnus ex his portionem non soluat, posse res has testatoris, quæ ad eum perueniunt, conueniri hypothecaria actione. Res autem, quæ ad alterum perueniunt heredem, conueniri eo nomine non possunt, neq; eorum rerum possessores.

Huic loco opponitur, *lex 2. inf. si vnus ex pluribus hered. vbi p. o.* eo, quod vnus ex heredibus debet, etiam res alterius coheredis pignoris nomine conueniri possunt. Sed locus is nihil ad rem pertinet. Nam illic agitur de ea specie, cum obligatio & pignus à defuncto inceperint, cum defunctus debere cœpit pecuniam, & in eam pecuniam res eius sunt obligatæ. Quemadmodum etiam pro minima parte debiti res omnes defuncti erant obligatæ, *leg. si rem, §. omnia, de pignor. actio.* Sic debita mortuo, pro quacunque parte huius debiti, omnes res eius tenebuntur. Itaque pro debito vnus heredis, etiam res alterius coheredis conueniuntur, si testatoris fuerunt; nam prius erant obligatæ. Ex

Ex personis autem heredum non immutatur conditio obligationis, l. 2. §. ex his. de verb. oblig. Et in pignore ex persona possessorum non immutatur conditio pignoris, d. l. 2. infra. si vnus ex pluribus hered. At hic agitur de legato & fideicommissio, huius obligatio ab heredibus incipit, & propterea ab his quoque incipit pignus & hypotheca, cuius consequens est, non noua, aut singulari ratione iuris, sed communi, vt in id, quod singuli heredes debent, non possint obligati esse, nisi res, quæ sunt singularum; quia pignus oportet esse, cum constituitur in bonis debitoris, l. cum res, infra. si aliena res pignor. dar.

Sed nec semper in omnibus legatis & fideicommissis hypothecaria actio locum habet, etiam aduersus res, quæ testatoris fuerunt, & ad heredem peruenerunt; quoniam interdum non est necessaria. Id contingit liberatione rei legatæ, cuius consequentia nomine nihil amplius habet debitor, quam exceptionem, si conueniatur, aut actionem in personam ex testamento, vt liberetur per acceptationem. In rem agere non potest; quia liberatio non est rei, quæ sit in dominio nostro: hypothecaria etiam non potest agere; quia pignus tantum huc spectat, vt agentium cautum sit.

Liberatione autem legata satis debitori est consultum; quia propter exceptionem liberationem iam consecutus intelligitur. Id traditur in leg. 1. §. si debitori. vt in possess. legat. Hypothecaria, vt dixi, in rem actio est, vnde intelligitur, hanc non competere, nisi aduersus eos, qui res testatoris, quæ ad heredem peruenerunt, possident, aut dolo malo deserint possidere. Ceterum si possident, aut dolo deserunt possidere, omnes tenebuntur, & maxime extranei, à quibus nihil est relictum, l. si fundus, §. in vindicatione. de pign. d. leg. 2. infra. si vnus ex pluribus.

13 Notandum est, non tantum ¶ has actiones tres legatorum, aut fideicommissorum nomine proditas esse aduersus heredem, à quo quid relictum est: sed etiam proditas esse aduersus legatarios & fideicommissarios singulares, à quibus rursus alteri quid legatum, aut fideicommissum est, quod nominatim cauetur in hac leg. §. Et hæc disposuimus. Exempli gratia, Testator ita scripsit: Fundum Tusculanum primo do, lego, ab eo peto, vt ades illis det secundo. Dicimus secundo aduersus legatarium primum, item de eo, quod à primo est relictum heredibus, has actiones tres competere, in personam, in rem, & hypothecariam. Sed vnde in personam actio aduersus legatarium? Respondeo ex eo, quod legatum fundi agnoscendo, intelligitur tacite etiam se voluntati defuncti subiecisse, & ita quasi contraxisse cum fideicommissario secundo, vt supra, de hered. act. dictum. Vnde autem actio in rem huic fideicommissario secundo? Respond. Ex eo, quod vbi primum fundum legatum agnouit, statim ædes in fideicommissarium sunt translatae, si etiam testatoris fuerunt, & primo legato simul legatae sunt, alioqui si ædes testatoris non fuissent, aut fuissent quidem, sed non primo essent legatae, aut non potuissent à primo restitui, secundi fideicommissarii fieri non possent. Hypothecariam autem actionem in fideicommissario secundo competere sic intelligendum est, si à primo legatario alia res sit relictæ, quam quæ primo legata erat, vt in specie proposita fundus primo legatus erat, ædes secundo: hoc casu dabitur secundo hypothecaria aduersus fundum primo legatum. Quod si proponeremus fundum primo legatum, & ab eo petum esse, vt fundum huic secundo restitueret, non posset actio hypothecaria secundo hoc casu competere. Non enim potest competere de aliis rebus; quia hæc testatoris fuerunt. Rursus non potest competere de fundo legato; quia hic incipit transire à primo ad secundum ipso iure, leg. neq. pignus. de reg. iur.

14 Notandum ¶ præterea, quod in eodem §. sed hæc, h. dicitur, fideicommissario & legatario relictum non valere, nisi aliquid lucri legatario accesserit. Hoc falsum prima fronte videri potest. Nam certi iuris est, quantum cuique testamento datum est, tantum ab eo fideicommissi posse, infra. de singul. rebus, & in princip. §. s. 1. Idque adeo verum est, vt si id, quod est legatum, iussus sit legatarius totum restituere, quartam ex lege Falcidia deducere non possit; quod tamen beneficium heredibus tribuitur, l. lex Falcid. §. vlt. ad leg. Falcid.

Ideo veteres quidam moti sunt hoc loco, Existimauerunt enim his verbis huius legis, emendari legem l. Falcid. §. vlt. & rem hanc deducit, vt nunc etiam ex legatis & fideicommissis Falcidia detrahi possit à legatario & fideicommissario, à quibus supra doctantem legati, aut fideicommissi est relictum. Sed hoc aut improperit sit, aut veteratorie. Nam cum constet, quid Iustinianus

hoc loco senserit, aut imperitia est non intelligere, aut veteratorum contemta sententia verba captare. Apparet vero, Iustinianum hic sentire, non valere fideicommissum relictum legatario, si legatario nihil lucri accedat, & cum ab illo fideicommissum relinquatur, est præstandum. Ceterum si eo tempore aliquid lucri ad eum peruenerit, Iustinianus sensit tantundem ab eodem relinqui posse. Id enim postea apud Iustinianum sequitur. Itaque, si quid in prioribus verbis ambiguum est, ex sequentibus interpretari debemus, ita manebit semper ius vetus, in legatariis & fideicommissariis legem Falcidiam locum non habere; id quod legis Falcidiae verba disertè expriment.

Ad L. Omne verbum. 2.

Idem A. Iuliano præfecto prætorio.

Omne verbum significans testatoris legitimum sensum legare, vel fideicommittere volentis, verile atque validum est, siue directis verbis, quale est, iubeo, forte: siue precariis utatur testator, quale est, rogo, volo, mando, fideicommitto: siue iuramentum in se posuerit: cum & hoc nobis audientibus ventilatum est, testatore quidem dicente & opus, partibus autem huiusmodi verbum huc atque illic laser anti-bus, &c.

S V M M A R I V M.

I Constitutionis capita duo.

Huius ¶ constitutionis duo sunt capita. Primum: Quibus in cumque verbis testamento quid relictum sit, relictum valere, dnm modo intelligatur, quid senserit testator. Secundum huiusmodi, eandem naturam esse legatorum & fideicommissorum. De priore capite etiam prioribus constitutionibus Imperatorum cautum erat, leg. in legati. sup. de legat. leg. quoniam. supra. de testament. quibus in locis diximus. Exæquatio fideicommissorum & legatorum, est Iustiniani propria, de quò attigimus supra leg. 1. Dixi autem plenius tit. de fideicom.

Ad L. Si duobus. 3.

Idem Augustus Iohanni præfecto prætorio.

Si duobus, vel tribus hominibus, vel pluribus forte optio serui, vel alterius rei fuerit relictæ, vel si vni quidem legatario optio serui, vel alterius rei relictæ est, ipse autem moriens plures sibi reliquerit heredes: dubitabatur inter veteres si inter legatarios, vel heredes legatarij fueris certatum, & alter alterum seruum, vel alteram rem eligere velit, quid sit statuendum. Sancimus itaque in omnibus huiusmodi casibus rei iudicem fortunam esse, & sortem inter altercantes adhibendam, vt quem fors prætulit, is quidem habeat potestatem eligendi: ceteris autem estimationem præstes contingentium eius partium, id est, seruis quidem & ancillis maioribus decem annis, si sine arte sint, viginti solidis estimationis: minoribus vero decem annis, non amplius, quam decem solidos computandis. Sin autem artifices sint, vsque ad triginta solidos, estimatione eorum procedente, siue masculi, siue femine sint: exceptis Notarijs, & Medicis vtriusq. sexus: cum Notarijs quinquaginta solidis estimationi velimus, Medicos autem & obstetrices sexaginta. Eunuchis minoribus quidem decem annis, vsque ad triginta solidos valentibus: maioribus vero vsque ad quinquaginta. Sin autem artifices sint, vsque ad septuaginta.

S V M M A R I A.

I Vbi plures, quibus optio est relictæ, discordant in eligendo, sorte ditimitur,

- 2 *Incertum vbi est, cui ex pluribus aliquid detur, nulli certo dare oportet.*
 3 *Diobus cum res legata est, inter legatarios scindetur legatum.*
 4 *Optione secuta, perinde est, quasi sine optione legatum esset.*
 5 *Constitutioni huic quando locus sit.*

Testator ita scripsit: *Primo & Secundo, Stichi, aut Pamphili optionem do.* Item, cum Titio Stichi, aut Pamphili optio esset legata, Titius priusquam optaret, decessit, prioribus heredibus relicta s, vt iam incipiat optio Stichi, aut Pamphili ad duos quoque pertinere. Siambo legatarij in vnum aliquem ex his seruis consentiant, quem optent, is debeat, si alienus est, siue testatoris, is legatatorum proprium esse incipit, *leg. apud, de optione legat.* Sin iam legatarij inter se dissentiant, atque ita se mutuo impediunt, quo minus hic, vel ille seruis eligatur, hic singulare & nouum ius est constitutum. Huiusmodi t̄ nemp̄ controuersiam tunc inter legatarios dirimendam esse forte, vt cui obtigerit fors, is solus electionem habeat. Hoc amplius, cum quis optauerit, rem, quæ electa est, solius eius in dominio esse, qui optauit; hac tamen lege, vt portionis alij collegatario debita æstimatorio ei præstetur. Deinde addit, quanti seruis sit æstimandus.

Nouum autem non est & singulare, quod res in hac specie forti committitur. Nam per sortem vni datur optio, cum secundum regulam iuris, vbi t̄ incertum est, cui ex pluribus aliquid detur, nulli certo dare oportet, *l. si fuerit legatum, de rebus dub.* Sed hoc constitutum est à Iustiano, ne voluntas defuncti intercidat, si dissentientibus legatariis nulla sit optio. Præterea & illud præcipue singulare est, quod ei, cui fors obtrigit, Iustinianus totam rem optatam tribuit: nam duobus hæc res legata est secundum regulam iuris, cum duobus t̄ res legata est, inter legatarios scindetur legatum, *l. cum fundus, de condit. & demonstr.* Nec ad rem pertinet; quod in hac specie vni tribuitur optio: Nam optione t̄ secuta, perinde habetur, quasi sine optione legatum esset, *l. apud, de opt. legat.* Sine optione autem res duobus legata ex æquo, ad vtrumque pertinebit, vt dixi. Sed tamen non est iniquum, quod hic Iustinianus constituit, propterea, quod in hac re æqualis est vtriusque legatarij conditio; nam fors à principio tam potuit vni, quam alteri contingere. Hæc æqualitas facit, vt neuter in hac re iniuria afficiatur, *argum. l. de fideicommissis, supr. de transactio.* Et si is, qui non optat, putat sibi damnosum esse, quod partem rei non habeat, de se queri debet, quia per eum factum est, vt res ad sortem deduceretur, cum ipse non consentiret, qui seruis optaretur.

Notandum est autem t̄ huic constitutioni tunc demum esse locum, cum res vna; ex duobus pluribusque, legata est duobus aut pluribus, nemp̄ e, quæ optata erit. Diuersum est, si duobus res diuersæ sint legata; quia tamen mutuo dissensu se impediunt, quod contingit in hac specie, cum duobus eiusdem fundi vsusfructus legatus est alternis annis. In hac specie placet, si legatarij concurrerent in eundem annum, eos se impedire, neque res forte dirimitur, *leg. 2. §. vlt. quibus modis vsusfructus amitt.* Hæc ratio est; quia in hac specie vtrique legatario suus vsusfructus diuersorum annorum alternorum legatus est, non debet forte hæc controuersia dirimi; quia si fors vni dederit electionem primi anni; tamen alteri legatario suam electionem, & suum vsusfructum adimere non debet. In specie autem huius loci, optio vni ex legatariis per sortem tributa, alteri legatario non adimit, vt mox dicemus.

Rursum animaduertendum est, tunc forti locum esse in hac specie, cum duobus optio legata est rerum legatarum. Diuersum est, si optio actionum tributa est lege pluribus legatariis. Exempli causa, is, cui fundus erat legatus, priusquam constitueret de legato, decessit duobus heredibus relicto. Hi heredes duas actiones habent ad legatum persequendum, vindicationem & actionem ex testamento, sed sub electione, vt eam ex his, quam veint, eligant, *l. cum filius, §. variis, de legat. 2.* Placet in hac specie, si hi heredes consentiant, qua actione agant, eos recte ea actione experiri, sin autem dissentiant & vnus velit rem vindicari, alter velit in personam agi aduersus heredem: placet eos se mutuo dissensu impedire, nec res forte dirimitur, *l. huiusmodi, §. vlt. de legat. 1.* scilicet; quia alia causa est actionum plurium, pluribus tributarum, & alia rerum legatarum. Nam cum optio rerum legata est, & vni ex legatario optio ea tribuitur, nihil adimitur collegatario. Non optio; quia eam neuter prius habuit; quia ea

ante optionem neutri debetur, & neutrius est, *d. leg. apud, de opt. leg.* At plures actiones legati nomine competentes statim à principio loco heredum, etiam antequam eligant, qua experiantur. Proinde vni electionem dabimus, ne ei electionem dando, alteri coheredi actionem ipsi quæstam adimamus, quod est contra ius, contraque æquum & bonum, *l. vlt. C. de pact. l. borreum, de e. iud. leg. 2. de his, qui sunt sui, &c.* Exemplum *leg. sancimus, §. sin autem in huiusmodi, infra, de donat.* ad hunc locum plane nihil pertinet; quia illic optio non duobus datur, sed vni.

Ad §. Sed etsi quis optionem.

Sed etsi quis optionem serui, vel alterius rei reliquerit, non ipsi legatario, sed quem Titius forte elegerit, Titius autem, vel noluerit eligere, vel non potuerit, vel morte fuerit praeventus: & in hac specie dubitabatur apud veteres, quid statuentum sit: vtrumne legatum exspiraret, an aliquod ei inducatur adiutorium, vt viri boni arbitrato procedat electio. Censemus itaque, si intra annale tempus ille, qui eligere iussus est, hoc facere superederit, vel minime potuerit, vel quandoquæ decesserit: ipsi legatario videri esse delatam electionem. Ita samē, vt non optimum ex seruis, vel alijs rebus quidquam eligat, sed media æstimationis: ne, dum legatarium satis esse fouendum existimamus, heredis commoda defraudentur.

S Y M M A R I V M.

I Optio quando & quibus casibus ad legatarium transeat.

Si optio Stichi, aut Pamphili alicui legata sit, quando non legatarius, sed Titius extraneus optarit secundum verba legatarij, optio non est. Si Titius extraneus vel non possit, vel nolit optare, Iustinianus constituit, duobus hisce casibus t̄ optionem ad legatarium transire: vno, si mortuus erit Titius; quia iam certum sit, illum optare non posse: altero, si viuus optare nolit, aut non possit, & vnus annus præterierit, ex quo optare debeat. Hic opponitur, *leg. 1. de legat. 2.* vbi traditur, legatum in alterius extranei arbitrium collatum, videri in arbitrium boni viri collatum, ita vt nullam conditionem, nullamque moram recipiat, secundum quam sententiam in proposito dici debuit, vt videtur, Titio non arbitrate confestim optionem legatario dari debere; quia bonus vir ita arbitraretur; & quia non deberet expectari longior mora.

Respond. Aliud est conferre in arbitrium extranei aliquid, aliud in optionem & electionem. Extranei arbitrium significat voluntatem cum iuricio & æquitate coniunctam, quod illis exprimitur verbis, *si arbitratu fueris, si existimaueris, si putaueris, sicut videbitur, leg. 40. §. quanquam, de legat. 3.* At electio & optio nudam & veram voluntatem eligentis continet, vt possit, qui eligit, eligere etiam deterius, prout ipsi libitum fuerit: cum in voluntatem interdum alterius aliquid confertur, ab ea voluntate non receditur, *leg. si sit legatum, de legat. 1.* Proinde merito hic expectatur, donec Titius moriatur, aut intra annum non possit, aut nolit optare.

Sed ex hac solutione incidemus in contrariam difficultatem. Nam si optio in voluntatem meram collata est, non modo aliquod tempus expectari debet, dum optet, sed etiam illo non optante, optio erit nulla, nec ad alium recurret, *l. vlt. supra, de contrahentio. l. si quis arbitrato, de verb. oblig.*

Respondeo, secundum verba ita etiam dici debuit in proposito, sed Iustinianus defuncti spectauit sententiam: nam optionem in personam Titij contulit, non Titij, sed legatarij causa. Proinde æquum, hanc legationem ad legatarium suo tempore redire. Cur igitur non statim ad collegatarium transfertur, vt sic voluntas defuncti confirmetur? Respond. Mediam viam est secutus Iustinianus in voluntate obscura, vt in rebus obscuris & perplexis fieri consuevit, *§. penult. Inst. quibus ex caus. manuum. l. vlt. in fin. si pars hered. per.*

Ad §. Sed quia.

Sed quia nostra maiestas per multos casus legatariis, & fideicommissariis prospexit, actionesque tam personales, quam in rem

in rem & hypothecarias dedimus, & in rem missionis tenebrosissimus error abolitus est: & ad hanc legem peruenimus. Nemo itaque heres ea, quae per legatum, vel pure, vel sub certo die relicta sunt, vel quae restitui aliis disposita sunt, vel substitutioni supposita, secundum veterem dispositionem putet in posterum alienanda, vel pignoris, vel hypotheca titulo assignanda, vel mancipia manumittenda: Sed sciat hoc, quod alienum est, non ei licere, ut pote sui patrimonij existens, alieno iuri applicari; quia satis absurdum est, & irrationabile, rem quae in suis bonis pure non possidet, eam ad alios posse transferre, vel hypotheca, pignorisve nomine obligare, vel manumittere, & alienam spem decipere.

S V M M A R I A.

- 1 Actio in rem de rebus legatis & fideicommissis constituta effectus.
- 2 Res pure, aut in diem legata fideicommissaue ab herede neque alienari, neque pignori obligari, neque manumitti potest.

IN his, quae sequuntur, constituitur effectus actionis in rem de rebus legatis & fideicommissis constitutae. Ergo si rei legata, aut fideicommissa dominium in legatarium, aut fideicommissarium transit, ex leg. i. supr. hic, Consequens est, quod hic dicitur, rem pure, aut in diem legatam, fideicommissamue, ab herede neque alienari, neque pignori obligari, neque manumitti posse. Consequens igitur; quia si legatarius & fideicommissarius domini sunt, heres non est dominus. Porro qui non est dominus, dominium transferre non potest, l. traditio, de acquir. rerum domini. qui rem non habet, transferre non potest, l. si dominium, in fr. de pign. nec potest quis manumittere seruum, qui seruum in sua manu & potestate non habet.

Et haec ita dicit Iustinianus se constituere, quamuis secundum veterem dispositionem aliud obseruetur. Quod ideo dicit; quia fideicommissi dominium non transibat in fideicommissarium olim, sed tantum dabatur fideicommissario in personam actio, eademque actio sola in legatis locum habebat, quae relicta erant per donationem, l. Theophilus, §. i. Inst. de legat. Nunc sub ara & legatorum & fideicommissorum differentia, consequens fuit, ut de omnibus constitueret id, quod hic constituit. Iuris autem illius antiqui, quod dixi, licere etiam heredi res fideicommissas alienare, argumentum est certum, l. si heres, §. 7. ad Trebell.

Animaduertendum puto in fideicommissio hereditatis, si heres ignarus fideicommissam rem aliquam hereditariam bona fide vendiderit, dum putat expedire, & vendiderit ignorantem, hoc casu venditionem seruandam esse, ut & olim, §. vlr. h. l. 2. de legat. 2. Neque obstat constitutio; quia cum fideicommissum hereditatis relinquatur, videntur singulae res relictae, aut pretium earum, & pretium tantum, ubi heres vendidit eas res bona fide, ignarus fideicommissas esse.

Ad §. Sin autem sub conditione.

Sin autem sub conditione, vel sub incerta die fuerit relicta legatum, fideicommissum vniuersitatis, vel speciale, vel substitutione, vel restitutione: melius quidem faciet, si & in his casibus caueat ab omni venditione, vel hypotheca, ne se grauioribus oneribus euictionis nomine supponat. Sin autem auaritia cupidine propter spem conditionis minime implenda, ad venditionem, vel hypothecam presiluerit: sciat, quod conditione impleta ab initio causa in irritum deuocetur, & sic intelligenda est: quasi nec scripta, nec penitus fuerit celebrata: ut nec usucapio, nec longi temporis praescriptio contra legatarium, vel fideicommissarium procedat. Quod similiter obtinere censemus in huiusmodi legatis, siue pure, siue sub die certo, siue sub conditione, siue sub incerta die relicta sint. Sed in his omnibus casibus legatario quidem, vel fideicommissario omnis licentia pateat rem vindicare, & sibi assignare nullo obstaculo ei a detentatoribus opponendo.

S V M M A R I A.

- 1 Res sub conditione legata, aut fideicommissa, pendente conditione

ipso iure est heredis: proinde eam ipsi distrahere licet.

2 Secus, si conditio legati, aut fideicommissi exstiterit.

3 In emtorem si dominium translatum sit, quomodo ab eo dominus auferri possit.

Consequens etiam superioribus id, quod hic cauetur, si res sub conditione legata, aut fideicommissa sit, pendente conditione ipso iure est heredis, ac proinde interim omnia tribuuntur heredi, quae domino, leg. qua post, §. i. Dig. fam. heres, leg. i. §. si filio, ad Trebell.

Proinde heres pendente conditione rem legatam distrahet, & in emtorem transferet dominium, utpote in dominum, §. per traditionem, Inst. de rerum diuis. Sed si conditio legati, aut fideicommissi exstiterit, euenit contra, ut legatarius, aut fideicommissarius rem vindicare possint, quasi prius nulla venditio praecessisset, scilicet, quia conditione existente legatarius & fideicommissarius domini esse incipiunt rei legatae, aut fideicommissae. Idemque in rebus legatis olim ius fuit, ne quis putet ius per omnia hic nouum constitui, l. seruo legato, §. i. de legat. 1. Sed non omnium rerum legatarum, aut fideicommissarum dominium transibat in legatarium, aut fideicommissarium, ut supra dixi: Et circa has res Iustinianus hic ius nouum constituit. Sed cum in emtorem dominium translatum sit, quomodo ab eo dominus res auferri potest?

Respond. Solutio iure dantis, soluitur ius accipientis, leg. lex vetig. de pignor. Heredis ius in re sub conditione legata, soluitur impleta conditione, proinde, necesse est eadem conditione solui ius emtoris.

Ad §. vlr. Emtor.

Emtor autem sciens rei graua men aduersus venditorem actionem habeat tantum ad restitutionem pretij, neque duplae stipulatione, neque melioratione locum habente: cum sufficit ei saltem pro pretio, quod sciens dedit pro aliena re, sibi satisfieri. Creditori nihilominus pignoratitia contraria actione aduersus debitorem competente: ut ex omni parte, omnique studio id, quod semper properamus, ad effectum perducatur, & vltima eologia defunctorum legitimam finem sortiantur, bona fidei proculdubio emtoribus integra iura, & nullo modo ex hac constitutione deminuta, contra venditores habentibus. Datum Kalen. Septemb. Constant. post consulatum Lampadij & Orestis VV. CC. 531.

S V M M A R I V M.

- 1 Re legata, aut fideicommissa vendita, & emtori à legatario & fideicommissario euicta, quomodo consulatur emtori ob euictionem.

Si heres rem legatam, aut fideicommissam vendiderit, ea res emtori à legatario & fideicommissario euinci potest, ut supra dixi. Re tunc euicta quomodo consulatur emtori ob euictionem? Hic duo singularia constituuntur. Primum, si emtor nominatum sibi cauerit de euictione, tunc haec pena aduersus eum constituitur, ne agere possit ex stipulatione & cautione. Rursum, quamuis nihil cauerit de euictione, tamen constituitur, ut habeat regressum aduersus heredem venditorem saltem, utque ad pretium, quod dedit. Hoc quoque singulare & contra ius; quia ei, qui sciens rem alienam emit, actio de euictione non datur, leg. si fundum, in fr. de euict. Sed Iustinianus prius constituit recte, coercendi emtoris causa. Posterius autem constituit per consequentiam prioris; quoniam qui in vna re oneratus est emtor, debuit alia parte subleuari, l. eum, qui, de iur. iur. and.

Ad Aulhen. Res. qua.

Res, quae subiacent restitutioni, prohibentur alienari quidem, vel obligari. Sed si liberis portio legitima non sufficit ad dotis, siue donationis propter nuptias obligationem: permittitur res praedictas in eam causam alienare, vel obligare pro modo honestati personarum congruo. Ea enim, quae communiter omnibus profunt, his, quae specialiter quibusdam utilia sunt, proponimus.

S V M M A R I V M.

1 Filij, aut filia heredes instituti, rogati hereditatem restituere, ante omnia legitimam portionem habere debent.

1 Si filij, aut filia heredes instituti, rogati sint hereditatem restituere, hiante omnia legitimam portionem habere debent. Quod si aut dotem, aut donationem propter nuptias dederit, prius ea soluere debent de legitima sua, si legitima non sufficit, possunt deducere de bonis paternis, aut aliter consequi id, quod ad donationem, aut dotem præstandam sufficiat, vsque adeo, vt in eam causam alienari possint & retineri res restitutioni subiectæ, quæ exceptio est superioris constitutionis. Hanc locum mihi videtur Accursius recte exposuisse in *Nou. de restit. & ea, quæ patri & c. §. quamobrem, ad verba, si non suffecerit.*

AD TITVLVM XLVIII. COD. AD
Senatusconsultum Trebellianum.

S V M M A R I A.

- 1 Fideicommissa hereditas quid?
- 2 Ratio inscriptionis, siue rubricæ.
- 3 Ordinis & methodi ratio late explicatur.
- 4 Differentia duæ inter fideicommissum hereditatis, & fideicommissum rerum singularium.
- 5 Summa huius loci quinq; questionibus proposita.
- 6 Heres an fideicommissum restituere debeat.
- 7 Fideicommissum quando recte relictum dicatur.
- 8 Si heres institutus rogatus restituere, hereditatem adire nolit, vt ita fideicommissum intercidat, quid constitutum sit.
- 9 Fideicommissum quando restitui debeat.
- 10 Quid & quantum veniat in restitutionem fideicommissi.
- 11 Fructus rerum hereditariarum an fideicommissario restituendi sint.
- 12 Heres quando moram in restitutione facere dicatur.
- 13 Hereditas quomodo restituatur.
- 14 Quæ restitutionis effectus.

1 Hoc titulo agitur de fideicommissis hereditatibus. Est autem fideicommissa hereditas, de qua restituenda aliquis rogatus est: nam fideicommittere, vt restituat, & rogare, vt restituat, idem valent. Sunt enim omnia verba fideicom. *Instit. de fideicom. hered.* Quod autem ¶ inscribitur, ad *Senatusconsultum Trebell.* eo fit; quia hoc *Senatusconsulto* de restitutione fideicommissæ hereditatis cautum est. Inde in scripto eiusdem tit. *Instit. de fideicommiss. hered. & ad Senatusconsultum Treb.* vbi & res, de qua agitur, & ius, quo de ea re cautum est, coniuncta sunt. Sed ¶ cum fideicom. hereditas sit species fideicommissi, cur de hac ipsa tractatum non est supra tit. *de fideicom. rerum singularium?* Resp. Quia fideicommissi heredit. proprium quoddam ius est, separatim à iure fideicommissi singularium rerum. Sunt ¶ enim duæ hic differentie: nam si cui singulæ res aut legatæ, aut fideicommissio relictæ sunt, is cogere non potest heredem, à quo relictæ sunt, vt hereditatem adeat, & legata præster: at quisquis est, qui heres rogatus est restituere hereditatem vniuersorum bonorum, is heredem cogere potest, vt hereditatem adeat & restituat, *l. nam quod. §. vlt. & seq. ff. eod.* Altera est, quod omne legatum & fideicommissum singularium rerum ad legatarium pertinet sine vlllo onere æris alieni. Contra is, cui hereditas ex fideicommissio restituitur, obligatur omnibus oneribus hereditariis vt heres, *l. vlt. sup. de hered. act. l. si hereditatem ff. de hered. vel act. vend. l. i. ff. eod.* Sed cur non prius de fideicommissi hereditatibus actum est, quam de fideicommissis rerum singularium, cum in institutionibus id sit factum. Prior enim est titulus *de fideicom. hereditatib.* sequitur alter *de singulis rebus per fideicommissum relictis.* Et vere præstantior est hereditas, quam singulæ res, vt videatur de hereditate restituenda prius agi debuisse? Respond. Si res relictas tantum inspicere, prius de hereditate fideicom. restituenda agi oportuit: res enim maior est & præstantior rebus singulis, vniuersitas his rebus, quæ vniuersitate continentur. Sed sub hoc titulo non agitur tantum de fideicommissa hereditate restituenda, sed fideicommissi imminutione, quæ constituta est *Senatusconsulto* Pegasiano, *§. sed quia heredes. Instit. de fideicom. hered.* Hanc imminutionem non spectamus; naturæ ordo postulat, vt prior loco

de rebus testamento relictis agatur, quam de relictis minuentibus. Quæ ratione factum est, vt post tractationem hereditatum testamentarium, item agnatarum & fideicommissarum, ad extremum sit subiecta tractatio ad l. Falcid. qua lege de minuendis legatis cauebatur. Sed cur ob hanc causam non præponitur titulus ad l. Falcid. vt in *Instit. & ff. est factum?* Respond. Vterque ordo, & qui hic seruatur, & qui seruatur illic, rectus est, & suam rationem habet, prout diuersas res spectamus. Lex Falcid. de legatis minuendis prius lata est, quam SC. Trebell. constitutum. Hoc amplius, quod SC. Peg. cautum est, vt heres rogatus hereditatem restituere, possit retinere quartam ad exemplum l. Falcid. cautum est *d. §. sed quia. Instit. h.* Proinde cum & tempus spectamus, quo hæc constituta fuit, & similitudinem, quam legiflatores hic seruti sunt, prius est, vt de l. Falcidia cognoscatur, quam de *Senatusconsulto* vel Trebell. vel Peg. Prius enim est id, ex quo exemplum deducitur, quam exemplum, quod inducitur.

Rursum quoniam sub hoc titulo ad *Senatusconsultum Trebell.* non tantum de imminutione fideicommissi, sed etiam hereditatis restitutione agitur, non male fit, si habita rei, de qua agitur, ratione, prius de fideicommissa hereditate agitur, hac lege, quam de sing. legat. & fideicom. quæ lege Falcidia minuuntur. In summa ¶ de fideicommissis hereditatib. restituendis locis his breuiter continetur. Nam cum constabit aliquem heredem rogatum esse à defuncto, vt hereditatem restituat, primo quærendum est, an fideicommissum restituere debeat; secundo loco, si restituere debet, quando debeat; tertio, quid & quantum veniat in eam restitutionem; quarto, quomodo hereditas restituatur; postremo, restituta hereditate, quid inde apud heredem maneat, quid in fideicommissarium transferatur, & in summa restitutionis effectus quis sit.

Prima quæstio ¶ est, an fideicommissum heres restituere debeat? Dicimus fideicommissum omne, quatenus fideicommissum est, iure valere, sed non continuo fideicommissario hereditas restitui debet, sed his conditionibus, si & fideicommissum recte relictum est, & is, qui rogatus est, adierit, vel quo alio modo acquisierit hereditatem. Recte ¶ fideicom. hereditate relinquit, si rite ¶ relinquitur, & ab his, à quibus oportet, & quando oportet. Rite relinquitur citra controuersiam testamento, *§. in primis. Instit. so. sed & rite relinquitur codicillis.* Quod enim dicitur hereditatem codicillis dari non posse; tunc locum habet, cum hereditas directo datur, quod fit herede instituto, aut substituto, non etiam cum hereditas relinquitur verbis precariis, seu fideicommissariis, *l. 2. sup. de codicil.* Quisquis autem est, ad quæ hereditas nostra peruenit, recte rogatus, vt eam restituat, vt sunt primo scripti à nobis *d. §. in primis.* deinde etiam heredes legitimi; nam & ab intestato fideicommissum relinqui potest. Hoc amplius & hi omnes, quibus ex fideicommissio hereditas nostra restituta est; quoniam & hi heredum loco habentur, vt postea dicitur. Hæc in *§. præterea vers. tum autem Instit. h.* Porro hic autem fideicommissa hereditas recte relinquitur, vt & pure & sub conditione, & in diem, seu ex certo die recte relinquatur, *d. §. in primis. vers. potest autem in quo p.* prius ius fideicommissarum hereditatum constituitur. Nam hereditas directe ex certo die & ad certum diem dari nequit: sed si dies adiectus fuerit vitio temporis sublato, pro pura habetur, *§. heres. Instit. de her. inst. l. hereditas. 34. ff. eod.* Quod, vt dixi, in fideicommissa hereditate danda cõtra obseruatur, & merito, quia vbi quis heres directe ad diem institutus est, nemo ante diem est heres, qui soluat creditoribus hereditariis, quod contra fit, cum quis heres institutus rogatus est, post annum hereditatem restituere: nã interim heres institutus est heres, & idem, qui creditoribus hereditariis respondeat. Non est satis fideicommissum recte relinquitur, vt is, qui rogatus est, restituere debeat, nisi prius & ipse hereditatem adeundo acquisierit. Natura enim nemo restituere potest, quod non habet, nec vnquam habuit: hereditas autem heredi non nisi adeundo, aut pro herede gerendo acquiritur, *§. vlt. Instit. de her. qual.* Quid igitur ¶ fiet, si heres institutus rogatus restituere hereditatem, eam adire nolit, vt ita fideicommissum intercidat? Aduersus hoc periculum prospectum est *SCto Treb. & Peg.* Nã quoniam ita iusserat, vt nemo inuitus hereditatem adire cogere-tur; quoniam aditio voluntate constat, *l. nec emere. supr. de iur. delib.* Ideo placuit initio heredes institutos & rogatos hereditatem restituere, adeoq; ceteros heredes eodem modo inuitate ad hereditatem adeundam: primo, periculi aditionis metu amoto; secundo, præmio etiam aduenti constituto. Metus onerum hereditatorum

ditiorum iustus est in herede, qui hereditatem adit: nam hereditas adita heredem obligat ære alieno, etiam si soluendo non sit, *l. more de acq. her.* Nec ad rem prodest heredi, si eam hereditatem postea restituat: nam qui semel heres existit, iure civili heres esse non desinit, *l. air prator. §. sed quod Pap. de minor. & l. ei qui. de hered. inst. §. restituta autem hereditate. Inst. de fidei. her.* Itaque non dubium est, quin hoc metu terri heredes, qui rogati erant hereditatem restituere, non facile adire hereditatem vellent. Proinde hoc metu primum liberati sunt SCto Treb. quo effectum est, ut quæ actiones iure civili heredi & in heredem competunt, hæc ei & in eum dentur, cui ex fideicommissio restituta est hereditas, *l. i. b.* Sed restabat adhuc hoc incommodum, quod obstat hereditibus, qui minus hereditatem adirent, quam rogati erant restituere; quia nollent hereditatem adire sine vilo, aut per exiguo lucro. Quare & huic incommodo prospectum est SC. Peg. quo cautum est, ut hereditibus rogatis hereditatem restituere, non minus quartam partem retinere liceat, quam per l. Falcidiam de singulis legatis retinere conceditur, *§. sed quia heredes. Inst. h.* His rebus fiebat, ut inuitati heredes ad aduendam hereditatem facilius adire vellent hereditatem: sed nondum tamen his rebus perficiebatur, ut hereditatem adirent. Nam fieri poterat, ut vel non necessario metu mouerentur, vel consulto hereditatem adire nollent, quo noceret fideicommissario, vel quo voluntas suprema intercederet. Idcirco visum est eodem SCto Peg. hereditibus adire recusantibus necessitatem imponere. Placuit igitur, ut desiderante fideicommissario, cui hereditas restituenda est, & postulante suo periculo hereditatem adiri, cogatur heres per prætorem hereditatem adire & restituere, sine vlla exceptione, *l. 4. l. nam quod. §. vlt. de codicill. §. sed si recusabat. Inst. h.* Idque vsque adeo, ut quamuis heres vltro hereditatem repudiasset; nihilominus tamen desiderante fideicommissario adire cogeretur. *l. nam quod. in pr. ff. eod.*

Hereditate hoc modo adita, cum & fideicommissum valeret, nihil aliud relinquitur heredi rogato, nisi ut hereditatem restituat. Sed quando restituere debet, statimne, an postea? quod secundo quaerebatur. Res posita est in voluntate defuncti: si sub conditione fideicommissum relinquitur est; tunc debebitur, cum conditio extiterit; si pure, statim & præsentis die debebitur. Hæc vis est & conditioni & aditioni adiecta *l. i. de cond. & demonstr. §. omnis. Inst. de verb. oblig. l. cedere diem. de verb. sig.*

Tertium sequitur, ut videndum sit, cum hereditas restitui debeat, quid & quantum restituat? Et quid restitui debeat, positum est in verbi significatione: hereditatem iustus est restituere; proinde id venit in restitutionem, quod hereditate continetur, id est, quod defuncti fuit, cum moreretur, *l. in fideicom. §. quoties. eod. l. hereditas. de reg. iur. l. nihil aliud. de verb. sig.* Hereditatis verbo eadem continentur, quæ verbo bonorum, *l. i. 2. 3. de bon. poss.* Bonorum autem appellatione non tantum res corporales continentur, sed iura & actiones, quæ defuncto competeant, *l. bonorum. de ver. sig.* Proinde quæcunq; actiones defuncti fuerint, hæc in fideicommissarium sunt transferendæ, *l. posthumus. §. vlt. ff. eo.* Quæritur tunc est de rerum hereditariarum fructibus, an & hi restituendi sint fideicommissario? Et placet, si hi post hereditatem aditam ab herede percepti sint ante restitutionem hereditatis, eos duobus tantum casibus restitui debere. Vno, si testator voluerit restitui, *l. in fidei. in pr. ff. eo.* Altero, si mora facta ab herede percepti sint, *d. l. eod.* In quo ius proprium legatorum & fideicommissorum notandum est. Nam in ceteris actionibus omnibus in personam, quibus non petimus quod antea nostrum fuit, fructus etiam post moram non præstantur, *l. videamus. §. actionem. de vsur.* præterquam in bonæ fidei iudiciis, *l. mora. §. in bona fid. ff. eod.* Sed placuit in hanc rem legata & fideicommissa bonæ fidei iudicio comparari. *l. 3. ff. eod.* Moram tunc autem facit heres in restitutione hereditatis, cum à fideicommissario inerpellatus opportuno loco & tempore, non restituit, *l. mora de vsur.* Quod si fructus ante moram ab herede percepti sint, neq; de his restituendis rogatus sit, hi in restitutionem non veniunt, *d. l. in fidei. in pr. & §. quoties. eo.* Quia, ut ibi scriptum est, ij magis rebus accepto ferendi sunt. Sensus est, quia nihil ab herede restitui debet, nisi quod est hereditarium, seu quod iure hereditario receptum est. Fructus enim ex rebus hereditariis non tam iure hereditario, seu ex hereditate percipere heres intelligitur, quam ex rebus ipsis, quæ post aditam hereditatem desierunt esse hereditariæ & cæperunt esse heredis, *l. heres in rem. de acq. hered. l. cum heredes. de acquir. possess.*

Sed diligenter notandum est, hoc dici de fructibus ab herede perceptis, proinde si vluræ & pensiones ex causa hereditaria de-

bitæ nondum ab herede exactæ sunt, non sunt heredis, sed actio ad eas petendas tota in fideicommissarium transferuntur, *l. postulant. §. vlt. ff. h.* Hoc amplius exigimus, ut fructus percepti sint post aditam hereditatem, ut sic fiant heredis. Nam si ante hereditatem aditam percepti erunt, hi in restitutionem venient, quemadmodum qui viuo adhuc testatore sunt percepti, *l. ita tamen. versa. in fin. ff. eo.* Et merito. Nam fructus viuo testatore percepti facti sunt testatoris; proinde in hereditate eius reperiuntur. Porro fructus mortuo testatore ante aditam hereditatem percepti à defuncto intelliguntur; quia hereditas iam adita defuncti sustinet personam, *l. hereditas. de acq. rer. dom.* Hæc sunt, quæ in restitutionem hereditatis veniunt, sed ita veniunt, ut debeant restitui tota, nisi quando ex SC. quarta pars apud heredem manere debet. Interest igitur, utrum heres volens adierit hereditatem, an coactus: Si volens adit, quartam retinere potest ex Senatusconsulto: Quod si coactus adit, totum restituere cogitur, quod restituere rogatus est, ita ut nullum commodum ex hereditate sentiat, *l. 4. ff. eod.*

Quartum sequitur, quomodo hereditas restituatur. Restitutio hereditatis non continetur cassatione rerum, ut fit in rebus corporalibus, quæ non nisi traditione transferuntur, *l. traditionibus. sup. de pact.* Sed sola voluntate hereditas restituitur, siue verbis hanc voluntatem declarat heres, siue re aliqua & facto. Verbis, ut si aperte dicat fideicommissario, se illi hereditatem restituere. Re & facto, si vel rem vnam minimam hereditariam restituit fideicommissario, ut velit hereditatem illi restitutam esse. *l. restituta. ff. eod.* Ita restitutio hereditatis, quemadmodum & aditio hereditatis, sola voluntate perficitur, dum tantum restituatur fideicommissario, qui restitutionem admittit, quod facere potest præsens, vel absens per nuntium, *l. epistolam. d. l. restituta. ff. eod.*

Restituta tunc hereditate extremo loco de effectu restitutionis quaeritur. Hic comprehensus est SCto Treb. quo, ut supra dixi, effectum est, ut omnia commoda hereditaria, & item incommoda, in fideicommissarium transferantur, *d. l. restituta.* Quo SCto effectum est, ut fideicommissarij, quibus hereditas restituta est, heredum loco adeant omnia, *l. postulante. §. vlt. ff. eod.* Et hoc fit in totum, quoties tota hereditas fideicommissario restituta est. Quod si heres voluntate testatoris, aut beneficio SCri huius, quartam retinuerit & dodrantem fideicommissario restituerit, euenit, ut scindantur inter eos actiones hereditariæ, item commoda & incommoda, pro portionibus vnique competentibus, ita ut heres pro quarta parte teneatur creditoribus hereditariis ipso iure; item & legat. & fideicom. his rebus omnibus teneatur vtili actione ex SCto, sublato iure veterum, quo obseruabatur, ut fideicommissarius tantum teneretur stipulationibus interpositis inter eum & heredem, de quo videndum est, quid Iustinianus scribat in *§. restituta. §. sed quia heredes. §. sed quia stip. Inst. de fidei. her.* Vtriusque diuisionis exempla & confirmatio petenda sunt ex *l. i. b.* Altera verba inscriptionis huius tituli, de incertis personis, non sunt ferenda. Non enim agitur hic de incertis personis,

Ad L. Si ex. i.

Impp. Seuerus & Antoninus AA. Probo.

Si ex Senatusconsulto quartam partem hereditatis retinueris, & dodrantem fideicommissario restitueris: quod creditoribus hereditariis pro nouem uncis præstiteris, à fideicommissario petere potes. PP. 15. Kalen. April. Laterano & Rufino Coss. 198.

S Y M M A R I A.

- 1 Restituta hereditate fideicommissarius tenetur creditoribus hereditariis iisdem actionibus, quibus heres.
- 2 Heres si quarta parte retenta ex SC. dodrantem hereditatis restituit fideicommissario, & creditoribus hereditariis, quod debetur, soluit solum pro dodrante à fideicommissario repetere potest.
- 3 Quid si soluerit nondum restituta hereditate, nec retento eo, quod soluit, restituat hereditatem, an solum iisdem pro dodrante repetere possit.
- 4 Qua actione id repetere possit.
- 5 Notanda hic quæ sint.

Sactiones, quæ iure ciuili in heredem competunt, transeunt in fideicommissarium restituta hereditate, vt transeunt ex Senatusconsulto Trebelliano, l. i. ff. §. restituta. In sit. h. consequens est, restituta hereditate, fideicommissarium teneri creditoribus hereditariis, iisdem actionibus, quibus heres teneretur: nam onus æris alieni heredis est, l. vlt. sup. de hered. act. Si fideicommissarius teneretur creditoribus hereditariis, consequens est, quod hic dicitur, si heres restituta hereditate ex Senatusconsulto dodrantem hereditatis restituit fideicommissario, & is heres creditoribus hereditariis soluerit, quod debebatur, eum pro dodrante repetere posse à fideicommissario, quod soluit: consequens ideo; quia ea solutione fideicommissarium liberauit, quod facere potuit, etiam pro inuito soluendo, l. soluendo. de neg. gest. eum liberando negotium eius gessit: negotiorum alterius gestio, est negotiorum gestorum eius, qui gessit, aduersus eum, cuius negotium gestum est. l. i. 2. de neg. gest. l. 3. sup. de neg. gest. Et hoc expeditum est, vbi heres restituta hereditate iam soluit creditoribus: sic enim, vt dixi, soluendo, vere fideicommissarium liberauit, qui iam teneri cœperat.

3 At quid si heres restituta hereditate soluerit creditoribus; deinde non retento eo, quod soluit, restituat hereditatem, an quod soluit, poterit iridem repetere pro dodrante à fideicommissario? Mouet dubitationem, quod heres ante restitutam hereditatem soluendo, negotiorum suum gerit, non fideicommissarii, seu vere le liberat, non fideicommissarium. Nam fideicommissarius nondum restituta hereditate non obligatur actionibus hereditariis, quæ tunc solum transferuntur, cum restituta est hereditas, d. l. i. h. Ita solus heres actionibus hereditariis tenebatur, & quia solus tenebatur, soluendo se solum liberat, eoque & solius negotium suum gerere videtur, atque ita efficitur, vt nullam negotiorum gestorum actionem habeat aduersus fideicommissarium. Hic rescriptum est, etiam hoc casu heredem, qui creditoribus soluit, repetere posse à fideicommissario, quam soluerit non restituta hereditate.

4 Sed qua actione? At Accursius, negotiorum gestorum, quod alii displicet. Rectissime Accursius. Nam nisi sit actio negotiorum gestorum aduersus fideicommissarium, nulla esse poterit aduersus eum actio. Et vero negotium fideicommissarii hac solutione aperte gestum est. Non obstat, quod heres ante restitutam hereditatis se liberat, non fideicommissarium. Substitutione enim iuris & præsentem tempore respectu fideicommissarii non liberat: at effectu liberat, quia futurum erat, vt restituta hereditate fideicommissarius teneretur: quo minus autem teneatur, consequitur heredis solutione.

Præterea certius dici potest, heredem, dum ante restitutam hereditatem soluit creditoribus, gerere negotium fideicommissarii, non quia eum liberat; sed quia soluendo locupletiolem faciat hereditatem, sublatis nimirum oneribus hereditariis. Quapropter cum eandem hereditatem fideicommissario restituit locupletiolem, huius rei utilitas ad fideicommissarium pertinet; facere enim ad rem & utilitatem alterius, est negotium eius gerere, l. 2. de neg. gest. Notandum est restituta hereditate, heredem, qui soluit creditoribus hereditariis, non repetere à fideicommissario totum, quod soluit, sed tantum pro dodrante, id est, nouem vncias. Ex quo colligitur, pro quarta parte, quam heres retinuit, onus æris alieni ad heredem pertinere; vnde rursus intelligitur, quod supra ad hunc titulum dictum, cum heres retenta quarta parte hereditatem restituit ex fideicommissario, sciendum inter heredem & fideicommissarium actiones hereditarias esse pro portionibus hereditariis competentibus, quod & rescriptum est in Insl. de fideicom. hered. §. si quis vna. Insl. eod. & apertius comprehensum l. seq. b.

Ad L. 2. Ad eum.

Imp. Philippus A. & Philippus C. Iuliano.

Ad eum, cui ex Trebelliano senatusconsulto pars hereditatis restituitur, successionis onera, seu legatorum præstatione pro competente portione spectare, indubitate iuris est. PP. 18. Cal. Nouemb. Peregrino & Emiliano Coss. 245.

S V M M A R I A.

1 Definitio, seu summa legis.

2 Onus hereditarium quid, & quatenus in fideicommissarium transeat. num. 3.

4 An quemadmodum fideicommissarius legata pro dodrante præstare debet; ita & heres pro quarta parte retenta eadem præstare teneatur.

5 Verbum partis quid significet.

6 Heres quarta parte retenta, dodrantem solum restituens, pro quarta parte & nomine & re ipsa heres est.

7 Quoties iubetur heres restituere hereditatem non quarta parte, sed vna summa, aut re aliqua singulari deducta, toties omnes actiones in fideicommissarium transeunt, & ea pars, quæ apud heredem manet, sine vilo onere remanet.

Definitio legis hæc est: Cum hereditas fideicommissario pro dodrante restituta est, quarta parte ab herede retenta, onus æris alieni, & item legata ad fideicommissarium spectare: sed dixi, pro competente portione, quæ illi restituta est. Onus restitutum est onus æris alieni, quod deberetur creditoribus defuncti. Hoc onus, vt dictum est, onus heredis est; quia hic solus ex lege 12. tabularum creditoribus hereditariis teneretur, leg. vlt. sup. de hered. act. Id est ex senatusconsulto Treb. transit in fideicommissarium, restituta hereditate. Sed transit, quatenus ius & fructus hereditatis ad fideicommissarium transferuntur, vt sunt verba senatusconsulti, d. l. i. D. hic. Proinde pro hac solum parte onus hoc ad fideicommissarium pertinet, pro parte autem ab herede retenta heres teneretur creditoribus, d. §. si quis vna Insl. h. Hoc ius in ærealieno nullam dubitationem habet. Quæritur de legatis, an quemadmodum fideicommissarius pro dodrante ea præstare debet, ita & heres pro quarta parte retenta ea præstare debeat? Nō dubitarem, nisi Accursius & alii hunc secuti statuerent, legata solum à fideicommissario deberi, ab herede autem, qui solam quartam hereditatis retinuerit, non deberi, quod statuerunt in l. i. vlt. ff. eo. l. vlt. inf. eod. Qua sententia nihil magis falsum est, proinde aduersus eam confirmandi sumus.

Sic igitur statuamus, legata testamento relicta, aut codicillis, restituta hereditate scindi inter heredem & fideicommissarium, itidem vt onus æris alieni, vt ea ab utroque præstentur, pro portionibus hereditatis, quæ illic obtigerunt. De fideicommissario non dubitatur, de herede non minus ius certum est. Id probatur verbis huius legis, vbi dicitur, legata ad fideicommissarium spectare solum pro competente portione, ex quo intelligimus pro alia parte, quæ heredi competit, id onus ad heredem spectare, quemadmodum & de actionibus idem fieret. Nec cauillari verba oportet, vt facit Accursius: nam in principio huius rescripti agitur de eo, cui pars hereditatis restituta est. Accursius ait, hoc intelligi debere de eo fideicommissario, cui heres rogatus est restituere dimidiam tantam partem hereditatis; quo casu factum, legata diuidi inter heredem & fideicommissarium pro æquis partibus. l. i. §. pen. D. eod. Et mouetur eo; quia restitutum diuidium significat, vt traditur diserte in leg. mōm. §. 1. de verb. sign. §. sic. Sed additur ibidem partis nomen non semper significare dimidiam, & generaliter non significare tunc, cum additum est; liquod verbum, quod aliam partem, quam dimidiam demonstrat, vt si quis dixerit, partem dimidiam, quartam, tertiam. Id hoc loco factum est: nam quæ initio huius legis dicitur pars, ea postea dicitur pars fideicommissario competens. Scimus autem partem fideicommissario competentem esse dodrantem, non autem dimidiam. Omnis huius legis verbis ratione minime dubia efficitur heredem pro quarta parte hereditatis retenta teneri ad præstandum legata. Nam certi iuris est, onus legatorum esse onus heredis, non minus, quam onus æris alieni. Id probat definitio legati. Dicitur enim legatum donatio testamento relicta ab herede præstanda. §. i. Insl. de leg. At cum restituta quarta parte retenta dodrantem solum restituit, pro quarta parte, & nomine & re ipsa heres est. Nominie, quia heres semel factus, nunquam iure heres esse definit, quamuis hereditatem restituit, §. restituta. Insl. h. leg. ait prætor. §. sed quod Papinian. de min. Re quoque heres est; quoniam eatenus hereditatis partem & emolumentum retinet; proinde iure eatenus onus legatorum & æris alieni ad eum pertinere debet. Idem euidenter colligitur ex Senatusconsulto: nam verbis Senatusconsulti ante restitutam hereditatem declaratur, oēs actiones in heredem competere, quæ intelliguntur actiones æris alieni & legatorum, neque hæ actiones ab eo discedunt, nisi in fideicommissarium trāseant: at quoties restituitur hereditas pro dodrante, solū actiones pro ea parte in fideicommissarium trāseunt, vt intelligitur ex verbis eius Senatusconsulti: nā eo cautū ē, ideo trāseant actiones

actiones in fideicommissarium, quia ius & fructus ad eum transeunt: ex qua ratione intelligimus, quatenus fructus hereditatis in fideicommissarium transeunt, eatenus actiones in eum transire, quatenus vero non transeunt, eatenus nec transire actiones, quia ratione legis cessante, legi locus non est, *leg. quod dictum de pact.* Eodem pertinet, quod generaliter definitur in *d. si quis vna. Instit. eodem.* quoties heres, retenta quarta parte hereditatis, dodrantem restituit, scindentur inter heredem & fideicommissarium actiones, quibus heredes tenentur. Generaliter dictum est, *actiones.* Hæc autem non sunt tantum æris alieni, sed & legatorum, quibus pariter heres tenetur. Nihil ad rem pertinet *l. 5. vlt. D. eodem.* Nam in exemplo eius loci heres quartam hereditatis non retinet, sed totam hereditatem restituit fideicommissario. Quo casu solus fideicommissarius tenetur, ut æri alieno sit obligatus, quod Senatusconsulto efficitur. Id autem ut intelligatur ita esse, observandum est, in specie illius loci heredem institutum rogatum esse, restituere hereditatem, deductis centum. Scire autem oportet, quod si iubetur heres hereditatem restituere non deducta quarta parte hereditatis, sed vna summa deducta, aut aliqua certa re singulari, toties omnes actiones in fideicommissarium transire, & eam partem, quæ apud heredem manet, sine ullo onere remanere, ut dicitur in *d. si quis. Instit. b. dictum est.* Et redditur alia ratio manifesta; quia hoc casu iure singulari non heredi, sed legatario locus est, certi autem iuris est, heredes omnibus legatariis non premi *l. vlt. sup. de her. action. leg. si hereditari. D. mandati.* Idem responsum esse volumus ad *l. vlt. b. vbi fideicommissarium solum legatum præstitit, sed ideo, quia proponitur tota hereditas illi restituta esse.* Ad extremum scindit legata inter heredem & fideicommissarium, discrete scriptum est *l. i. §. pen. ff. eodem.* Id quidem scriptum est in ea specie; cum heres iustus est dimidiam tantum hereditatis restituere. Sed quemadmodum heres dimidiam hereditatis retinens, dimidium legatorum præstare debet: sic quartam retinens legata præstare debet pro portione.

Ad L. Si per .13.

Imp. Carus, Carin. & Numeria AAA.
Zotico & aliis.

Si per fideicommissum hereditas reipublica relicta est: ex Trebellianico senatusconsulto (quod ab intestato quoque locum habet) quartæ partis & fructus eius vobis restitutio competit: Sine die & consule.

SUMMARI A.

- 1 Fideicommissum hereditatis etiam ab intestato ab heredibus legitimis relinquere potest.
- 2 Cuicumque hereditas ex fideicommissio restituenda est, aduersus eum quarta ex senatusconsulto retineri potest.
- 3 Fideicommissarius, hereditate tota sibi restituta, heredi quartam, vna cum fructibus restituere tenetur, & num. 6.
- 4 Discrimen inter partem hereditatis, quam heres fideicommissario restituere debet, & eam, quam fideicommissarius heredi restituit. Eiusdem ratio sub num. 5.

Hic tria statuuntur, 1. Fideicommissum hereditatis, etiam ab intestato ab heredibus legitimis relinquere posse, §. præterea. *Instit. eod. leg. eam, quam supra, de fideicommissis.* 2. Cuicumque hereditas ex fideicommissio restituenda est, non facere fideicommissarii ullam auctoritatem, prærogatiuam, aut fauorem, quo minus aduersus eum quarta retineri possit ex senatusconsulto, quod eodem modo constituitur, quo è conuerso placet qui quis est heres qui rogatus sit hereditatem restituere, nulla habita persona heredis, eum ex senatusconsulto teneri, ut hereditatem restituat, siue erit priuatus, siue fiscus, siue respub. *leg. recusare. §. fisco. D. eod.* Hoc ideo, quia senatusconsultum, quo de restitutione hereditatis, itema quartæ retentione cautum est, de re scriptum est, non de personis, ut dicendum sit, in quibuscunq; causis eadem res sit, id est, restitutio hereditatis & quartæ retentionis, in his idem ius statui debere ex senatusconsulto, neglecta personarum ratione, à quibus, aut quibus restituitur hereditas.

Hic et statuitur notandum præcipue, si hereditas restituta fideicommissario tota sit, eum heredi restituere oportere quartam

hereditatis, vna cum quartæ fructibus, ut generaliter hoc statuendum sit, sic heredem quartam hereditatis habere debere, ut eam heres habeat cum fructibus. In qua parte notandum est discrimen inter eam partem hereditatis, quam heres restituere fideicommissario debet, puta dodrantem hereditatis, & inter eam partem, quam fideicommissarius hereditatem possidens heredi restituere debet, nempe quartam partem hereditatis ex Senatusconsulto. Nam heres sic dodrantem hereditatis ex senatusconsulto restituere debet fideicommissario, ut in hanc restitutionem solæ res hereditariæ veniant, fructus non veniant; sed heredes fiunt; cum ab illo percepti sunt post aditam hereditatem, & ante restitutionem fideicommissi, nisi aut fecerit moram in restituenda hereditate, aut nominatim fructus restituere rogatus sit *l. in fideic. in pr. §. quoties ad Trebell.* Contra vero si quo modo cõperit hereditatem totam possidere, quemadmodum ex senatusconsulto restituere debet heredi, sic debet & fructus eius quartæ, ut hic. Cur hæc tria variet? Differentia ratio est, quia heres semel adita hereditate, statim efficitur dominus rerum hereditariarum *l. heres in omne. de acq. her. l. cum heredes. in pr. de acq. pos.* Proinde & quartæ partis hereditatis dominus est, citra contouersiam, & quamuis hereditas peruenerit ad fideicommissarium, tamen heres semper dominus manet, ut fuerat. Certi autem iuris est fructus ex re nostra perceptos, nostros esse, itaq; cū fideicommissarius fructus hereditarios percipiat, quamuis ex re communi, in qua ipse dodrantem habet, heres quartam partem recipiat, tamen non pro maiore parte fructus suos facere potest, quã pro qua res ad eum pertinet, *l. qui scit. leg. Merennius de vsuris.* At idem heres ante restitutam hereditatem non solū quartæ partis dominus est, sed etiam dodrantis, qui restitui debet, nec prius dominus esse desinit, quam transtulerit hereditatem in fideicommissarium; quod solū post restitutam hereditatem contingit ex senatusconsulto, *l. i. b.* Proinde qua ratione quartæ fructus semper sunt heredis, quia heres semper eius dominus est, eadẽ ratione fructus dodrantis ante restitutam hereditatem ab herede percepti, fuerunt heredis, quia pro eo toto tempore heres dominus est totius hereditatis, dodrans quidem etiam ante fideicommissario debetur, sed fructus ex re debita percepti non sunt eius, cui res debetur. Et hoc amplius, nec restitui debet, nisi percepti sint post litẽ contestatam in strictis iudiciis, aut post moram in bonæ fidei iudiciis, item in legatis & fideicommissis, *l. 3. in pr. l. videamus. §. si actionem. de vsur. l. si rem de ver. obl.* Sed videri potest falsum esse, quod dicitur, quartam partem heredi restituendam esse cum fructibus: nam hic proponitur heres restituisse fideicommissario re ipsa. Quoties heres totam hereditatem restituit fideicommissario, quarta non retenta, non modo fructu repetitione sed etiam quartæ repetitionem amittit. Nam si sciens se rogatum esse restituere, & quartam retinere posse, nihilominus totam hereditatem restituit, quartam donat: sin in iure errans, putauit quartam se retinere non posse, iuris error ei non prodest ad repetendam quartam, quam soluit. *leg. error. proximi. titulo seq. ad leg. Falcid.* Dicendum est, hæc ita esse, si heres totam restituit hereditatem, sed fieri potest, ut restituere hereditatem ita, ut diceret fideicommissario, se restituere pro dodrante, qui illi competit, quartam autem ad se velle pertinere, post quam restitutionem factum sit, ut fideicommissarius nihilominus totam hereditatem occuparet, non dolo aut præda; sed ut res communes facilius administraret, cum res adhuc essent indiuisæ, & ipse pro maiore parte dominus esset rerum hereditariarum, quod cum sit, heredi quarta salua est, quam sua voluntate non remisit.

Ad L. Non iustam. 4.

Imp. Diocletianus & Maximianus AAA. & CC. Quintianæ.

Non iustam te gerere sollicitudinem per fideicommissum relicta portionis hereditatis perspicimus, verentem, ne fructum amittas relicti fideicommissi, quoniam auia testatoris ex parte heres scripta, & tibi rogata restituere, calliditate ac fraude repudiavit, ut ad alium nepotem, eundemque coheredem deuoluatur portio, à quo tibi nominatim non fuerat fideicommissum relictum, & coacta suspectam hereditatem adire, priusquam pro herede gereret rebus sit humanis exempta: cum diuo Antonino parenti nostro deberi etiam à substitutis fideicommissum contemplatione iudicii testatoris,

quasi tacite ab his repetitum, iam dudum placuerit. Neg, enim quarta retentionem, quam illa, qua repudiavit, hereditatem adire coacta, ut suspectam retinere non potuit, timere debet. S. d. Jul. Philippo. AA. Coff.

S V M M A R I A.

- 1 Species huius legis.
- 2 Fideicommissaria, an, cum, qua rogata erat restituere, decedat non adita hereditate, & vel heredem habeat neminem, vel non locupletem, fideicommissum amittat.
- 3 Fideicommissaria si partem ab auiâ sibi fideicommissio relictam à nepote & coherede auiâ petere potest, an totam petere possit, coherede vltro eam restituere parato.

1 **A**uiâ † cum essent duo nepotes, vnus ex his testamento factus, auiam & fratrem suum alterum auiâ nepotem instituit, & si non heres esset auiâ, fratrem suum ei substituit, præterea auiâ rogauit, vt portionem hereditatis restitueret. Quintiana Felicitæ. Quintiana fideicommissum ab auiâ defuncti petiit. Illa adire non vult, sed repudiare hereditatem. Id eo consilio faciebat auiâ, vt ea portio hereditatis ad nepotem eius, qui illi substitutus erat, ex substitutione perueniret fraudata fideicommissaria. Nam si hereditatem adisset auiâ, substitutio vulgaris euauisset, neq; ea pars vnquam ad nepotem peruenire potuisset ex testamento. leg. post aditam. supra, de impub. & alijs substitutio. Cum auiâ perseuerauit in ea remissione, vocata est in ius ad prætorem à Quintiana fideicommissaria, ibi per prætorem coacta est hereditatem adire, vt verba sunt huius reſcripti, quæ bene Accursius accepit, coactam esse verbis prætoris, vt adiret, id est, iussam esse adire: nam reuera non adiuit, vt postea in reſcripto narratur. Ergo cum iussa esset adire, priusquam adiret, aut pro herede gereret, decessit: ita hereditas ex substitutione peruenit ad alterum coheredem nepotem eius, & quidem necessario, cum prius ex portione sua nepos heres exstitisset.

2 Hic duo quæ sita sunt. Primo † quærit Quintiana, quid se facere oporteat, & num fideicommissum amiserit, cum, quæ rogata erat restituere, decesserit non adita hereditate, & aut heredem habeat neminem, aut habeat heredem non locupletem. Hic respondet Imperatores, non debere Quintianam sollicitam esse de fideicommissio, quasi non possit ea adire, quæ defuncta sit: nã omnia auiâ & nepotibus eius, posse Quintianam ab altero nepote auiâ, eodemque coherede de auiâ, posse, quia ita ius constitutum sit, vt legata & fideicommissa ab herede defuncti relicta, etiam à substituto debeatur, quæ portio instituti ad substitutum cum suo onere pertinere debeat. l. ius de leg. 1. Idem dicendum esset, etiam si nepos coheres auiâ substitutus non esset: nam portio auiâ deficientis accrederet nepoti coheredi eius, qui suam partem adidisset, & quidem inuito, l. testamento de impub. substit. l. qui ex duobus. §. vlt. de acq. her. Accrederet autem cum onere fideicommissi ex eadem constitutione, quia coheres coniunctus in deficiente portione coheredis quodammodo substitutus est, & iam etiam olim Iustinianus hoc probauit aduersus Iuliani sententiam, vt exstat relatum in l. si Titio & Mauius. §. 1. de leg. 2. Quæ sententia confirmata est lege Iustiniani, l. vnica. §. huius ita. inf. de cad. toll. Cum Iuliano contentisse videtur Celsus: huius sententia refertur alias leg. Celsus de leg. 2. vbi hæc sunt verba, si vni ex heredibus nominatim fideicommissum sit, videri potest fideicommissum non deberi, si is heres non exstiterit. Sed non idcirco hæc lex pugnat cum d. l. si Titio & Mauius. §. 1. de leg. 2. Nam verum est, videri id posse, quod Celsus dicebat, sed tubiciendum est, quod Vlpian. in d. l. si Titio & Mauius. substituit, nempe videri id posse: sed post decretum Imperatorum existimari debere, accreſcentē portio nem debere accreſcere cū suo onere, quasi coheres, cui accreſcit portio, sit substitutus. Et ita est, vt fideicommissum ab auiâ relictum peti possit ab herede & coherede eius, cui portio auiâ accreuit.

Quæritur, cur in proposito Quintiana fideicommissaria adeo laborauerit, vt auiâ hereditate adire cogere, cum ea repudiante nihilominus fideicommissaria saluum fideicommissum haberet? Respondeo: Non potest dici Quintianæ hic quicquam interesse, si nepos coheres portionem suam adierit. Nec simile est exemplum, quod affertur ab Accursio ex leg. recusare. §. Titius. ff. eod. Nam ibi substitutus in totum non erat institutus. Sed vt Quintiana ita laborarit, multæ sunt causæ. Primo ignorabat hoc ius, de quo

hic reſcribitur; nam si etiam mortua auiâ id ignorauit, multo magis ignorabat, dum auiâ adhuc viueret: vnde hæc sollicitudo ex ignorantia huius iuris est nata. Deinde etiam si Quintiana hoc ius tenuisset, tamen eius intererat auiam cogitare, quia non erat certa nepotem coheredē partem suam aditurum. Postremo et si is quoque suam partem adiret, tamen mittebat fideicommissaria potius rem habere cum auiâ, quam cum nepote coherede, vel quod nepos litigiosus homo erat, vel quod nimium posset, vel quod inimicus esset.

Sequens † quæstio est, si fideicommissaria partem ab auiâ sibi fideicommissio relictam potest petere à nepote & coherede auiâ, an possit totam petere, si nepos vltro paratus sit eam restituere? Mouet quæstionē Senatusconsultum, quo permissum est hereditatem restituere hereditatē, retinere quartam, si volens hereditatem adeat, vt initio huius tituli dictum est. Respondet Imperatores, Ne hac quidem in parte Quintianam sollicitam esse debere de fideicommissio, quia non solum fideicommissum petere possit à nepote, sed etiam totum possit petere, hac ratione, quia metui non debet, ne auiâ, quæ coacta est hereditatem adire, possit quartam retinere leg. deducta parte quarta. ff. eod. §. sed si recusabat. Inf. eodem. Sed videtur hæc sententia falsa esse, & oratio minime coherens. Nam certi iuris est, heredem rogatum restituere hereditatem, si volens hereditatem adierit, quartam retinere posse, §. sed quia. Inf. eodem. At nepos in proposito volens adierat hereditatem, ratio autem adiecta, est aliena. Nã de nepote quæritur, an fideicommissum totum restituere debeat? Imperatores rationē reddunt de auiâ, quæ ratio ad rem nihil pertinet. Nam auiâ coacta est, sed nepos non est coactus. Respondeo, nihil rectius dici potest, neque magis est sententia Senatusconsulti, quam quod hic reſcriptum est. Verum enim est, nepotē hic volentem adidisse, sed fideicommissum ab eo non petitur ex persona eius, sed ex persona auiâ, & in eo restituendo ex persona auiâ iudicandum est: nam portio auiâ deficientis, accreuit huic nepoti cum suo onere, vt supra dixi ex leg. vnica. §. huius ita. de cad. tollend. & leg. si Titio & Mauius. §. 1. inf. de legat. 2. At onus auiâ fuit non solum, vt fideicommissum restitueret, sed etiam, vt totum quia coacta erat adire, proinde & hoc onus ad nepotem coheredem transit: vnde intelligitur Imperatores reddidisse rationem ex persona auiâ, cum ex eius persona de hoc fideicommissio iudicaretur.

Hic §. aduersari videtur l. ille, à quo §. 1. in ff. eod. vbi significatur, si rogatus heres institueret decedat, antequam coactus sit hereditatem adire, fideicommissum non deberi, & in eo fraudari fideicommissarium. Resp. Quod dicitur illic de herede coacto adire, intelligitur ex illius legis interpretatione de eo, qui iussus est à prætore adire, & ita verbis prætoris coactus. Estque hic sensus, Si heres rogatus hereditatem restituere, neque hereditatem adidisset, nec verbis iussus est à prætore hereditatem adire, & interim decessit, sine dubio fideicommissum non deberi. Sed si heres iussus sit à prætore hereditatem adire, statim heres fideicommissario obligatur, & fideicommissum peti poterit, ad quemcunque heredem peruenerit ex hac lege.

Ad L. Et sine. 5.

Idem AA. & CC. Verissimo.

Et sine scriptura per fideicommissum hereditas recte relinquitur. Igitur si uxor tua te & priuignum suum in discrimine mortis constituta designauit velle successionem obtinere vsq; ad dodrantem: eius voluntatem ratam seruari conuenit: cum ab intestato ei succedentes, de resoluendo fideicommissio conuētos vltra quartam, ære alieno deducto, quantum penes eos sententia senatusconsulti relinqui præcepit, tantum obtinere possit. præstiterit. S. 5. Cal. Maii. Sirmii. Cæs. coff.

S V M M A R I A.

- 1 Quatuor in hoc reſcripto notanda. & num. 2. 3. 4.
- 5 Interpunctio falsa huius loci emendatur.
- 6 Heredes legitimi rogati restituere hereditatem, etiam quartam retinere possunt, non ex verbis senatusconsulti, sed ex sententia.
- 7 Legitimi heredes retinent quartam & restitunt dodrantem ære alieno vltra quartam deducto: Declaratur in num. 8.

accipi, vt sit contrarium leg. 2. §. *contraria*. Cod. de vet. iur. euucleand. hinc difficultas nata ab interpretibus. Ad hanc quæstionem dissoluendam dicendum est, ius generale & commune esse, si uctus pendente conditione perceptos ab herede rogato restituere hereditatem impuissit in quartam, quam ex senatusconsulto retinere debet, sed ex hōciure speciem hic propositam, cum filius institutus est & rogatus restituere fratri, vel liberis suis. Nequideo est contraria. l. *Papin*. §. *unde si quis de inoffic. testam.* alioqui etiam contrarium dicere oporteret, leg. in quartam ad leg. *Falcid.* d. l. *mulier*. §. *si heres Dioc.* Non sunt uero hi loci contrarij, quia generaliter scripti sunt de his fructibus in quartam impuandis, sine exceptione heredis & fideicommissi, quibus hereditas restitui debet. Sic ius est, priores leges ad posteriores trahi debere, leg. *non est nouum*. & leg. *sequent. de legib.* Sensus est, quod in prioribus legibus generaliter scriptum est, si quid in posterioribus excipitur in aliqua specie cuius generis sit, priores accipi debent, quasi de ceteris tantum speciebus tentent, non de ea specie, quæ postea est excepta, quasi posteriores sese ad priores retulissent, & hoc est, quod aliis uerbis dicitur: In toto iure generi per speciem derogatur, l. *in toto. de reg. iur.* Quod ait lex, si pater rogatus sit restituere hereditatem filio suo post mortem tuam, ex leg. *Falcidia* uideri possit contrariū, l. *cum filiusfam. vers. denique de leg. 1.* ubi dicitur, pater si rogatus sit post mortem restituere hereditatem filio suo, hereditatem restituat totam nec quartam ex lege *Falcidia* retinebit. Sed dissimiles species utroque loco proponuntur: nam illic filiusfamilias institutus erat heres; & quia per filiumfamilias hereditas patri eius quærebatur iure ueteri, ideo rogatus est pater eam hereditatem restituere filio, eum pater moreretur. In hac autem lege pater ipse heres institutus est, & rogatus restituere hereditatem filio.

Differentiæ ratio inter has species hæc est, quia cum pater ipse heres est institutus, quartam retinet ex persona sua, quod facere potest ex senatusconsulto. At in specie d. l. *cum filiusfam.* ubi pater institutus non est, quartam retinet ex persona filij, qui heres institutus erat. Non potest autem idem filius & hereditatem ex fideicommissio consequi, & quartam retinere, proinde nec pater, aut patris heres, quia quarta ex persona filij retinetur.

Norandum est in pr. leg. portionem l. *Falcidia*, quæ in extremo dicitur, eandem esse portionem, quæ appellauerat quartam, quæ retinetur ex auctoritate Trebellian. vt intelligimus, cum heres rogatus est restituere hereditatem, quartam, quæ ab eo hereditate fideicommissaria retinetur, dici retineri ex senatusconsulto, & nihilominus recte ex leg. *Falcidia*. Et ita est usus iuris auctorum, vt hanc ipsam quartam, quæ uelgo Trebellianica uocatur, uocent quartam legis *Falcidia*, siue quæ ex leg. *Falcidia* retinetur. Id liquet ex §. *ult. huius leg.* idem tum ex aliis locis innumeris, tum ex his præcipue, dicitur leg. *mulier*. §. *si heres. leg. ita tamen*. §. *Trebell. ff. eodem leg. Titia. ad leg. Falcid. leg. coheredi*. §. *cum filia. ff. de uulgar.* Vtriusque appellationis hæc ratio est. Dicitur hæc quarta et tertiæ ex senatusconsulto, quia hæc senatusconsulto primo introducta est in hereditate fideicommissariis, & tamen nihilominus esse dicitur ex lege *Falcidia*, quia hæc ex senatusconsulto ita introducta est, vt sit nominatim introducta ex sententia eius legis, vt est in §. *Quia heredes*.

Ad §. In supradictis.

In supradictis autem casibus, fideicommissorum seruandorum satisfactionem cessare iubemus, si non specialiter eandem satisfactionem testator exigi disposuerit, & cum pater, uel mater secundis existimant nuptus non abstinendum. In his enim duobus casibus, id est, cum testator specialiter satisfacere uoluerit, uel cum secundis se pater, uel mater matrimonij iunxerit, necesse est, vt eadem satisfactio pro legum ordine præbeatur.

S Y M M A R I A.

1 Satisfacere quid.

2 Satisfactio an ab herede legatorum & fideicommissorum nomine exigatur.

HIC alterum singulare & nouum constituitur in specie scripta, circa satisfactionem fideicommissi: nam in ea spe

cie, quæ initio est posita, uetatur fideicommissarius, siue is sit frater filij restituti, siue sint liberi heredis instituti, exigere satisfactionem ab herede restituto & rogato instituire hereditatem. Singulare, inquam, hoc ius est: nam ius commune id est, vt heres legatorum & fideicommissorum nomine satisfacere legatariis & fideicommissariis postulantibus satisfacere, se quibus diebus legatariis & fideicommissariis promittere, se quibus diebus legata, aut fideicommissa relicta sunt, iisdem diebus legata & fideicommissa restituuntur, & in hereditate tuenda se dolum abfuerunt malum, cui cautioni etiam heres fideiussor adiciere debuit. Id enim satisfacere significat cauere stipulanti fideiussoribus datis. leg. 1. qui satisfacere cog. De hac enim satisfactione scriptum est leg. 1. ff. vt leg. Huic cautioni locus etiam fuit in fideicommissis hereditatibus, neque iis tantum, quæ pure essent relicta, sed iis etiam, quæ in diem, aut sub conditione relicta essent, l. hæc stipulatio. ff. vt leg.

Quomodo ergo id ius non potest huic legi uideri contrariū, cum hic constituatur in specie proposita eiusmodi satisfactionem ab herede non exigere? Respondeo, quod supra dixi à principio, ideo ius commune huius partis contrarium non uideri debere, quia generaliter scriptum est de satisfactione exigenda. Hoc enim loco species vna ex genere excipitur, quia exceptione fit, vt quod in lege generaliter est scriptum, uideatur cum hac ipsa exceptione esse scriptum, quia priores leges ad posteriores ita sunt trahendæ. Sed excipiuntur hoc loco duo casus, quibus fideicommissarius satisfactionem ab herede filio instituto possit exigere in specie proposita: si uidelicet testator nominatim iusserit, vt filius nominatus satisfacere: item si filius rogatus secundas nuptias contraxerit: ergo his casibus & frater à fratre rogato, & liberi à patre instituto, satisfactionem huius fideicommissi nomine exigere possunt: quæ sententia in totum uideri falsa potest, hac ratione, quia nemo audiendus sit, qui sollicitus est de hereditate uiuentis, quod is facit, qui de ea hereditate sibi cauere postulat, leg. 2. §. interdum. de uulgar. Respondeo fideicommissarium cum de ea hereditate, quæ ei restitui debet ex fideicommissio, sibi postulat cauere ab herede; qui rogatus est restituere, non sollicitus est de hereditate uiuentis, sed de mortui testatoris hereditate agit, quam hereditatem heres rogatus est restituere.

Rursus si minus falsa hæc sententia est in aliis fideicommissariis, at saltem falsa est in liberis filij heredis instituti, quibus filius rogatus est restituere hereditatem. Nam si liberi sunt in potestate patris rogati, frustra postulant à patre stipulationem, cum inter patrem & filium, qui in potestate est, obligatio nulla possit subsistere; §. *hi, qui in parentum. Institutio de obligat. quæ ex delict.* Vnde in hac ipsa quæstione de satisfactione fideicommissaria exigenda, dicitur scriptum leg. *Imperator ad Trebell.* huiusmodi constitutionem frustra postulari à patre, manente patria potestate. Facilis & expedita res esset, si hæc constitutio lata esset post constitutionem Iustiniani, nempe post leg. *cum oportet*. & leg. *ult. inf. de bon. qua lib.* quibus l. proprietates aduentitiorum bonorum filijfamilias attributa est, post quas constitutiones inter patrem & filium obligatio & actio consistere potest de proprietate aduentitiorum, quemadmodum olim poterat consistere de bonis castrensibus, leg. *is nulla de iudic.* Sed ad eas constitutiones confugere non possumus, quia hæc constitutio Zenonis eo tempore est lata, quo etiam aduentitia patri in totum acquirebantur, præterquam & certis quibusdam casibus, & paucis, vt apparet ex legibus, quæ sunt usque ad leg. *cum oportet infra. de bon. qua lib.* Itaque etiam obiectio adhuc manet. Respondeo, secundum constitutiones Iustiniani nouas rem esse expeditam, vt filius à patre satisfactionem recte exigat de aduentitiis, cum ea filio acquirantur. Quod uero ad tempora Zenonis attingit, dicendum est, hanc conditionem hic debuisse accipi vt nepos à patre rogato satisfactionem possit exigere, quo casu sui iuris esset: nam si esset in eius potestate, iure communi uti debuit ex d. l. *Imp. ad Trebell.*

Ad §. Sin autem.

Sin autem is, qui fideicommissaria restitutione grauatus est uno filio supersite, uel in pote ex filio seu filia nato uel pronepote, uel posthumo relicto decesserit: non uideatur existisse conditio: & ideo deficit fideicommissi petitio.

S Y M M A R I A.

1 Quis uideatur liberis relicto decessisse secundum conditionem.

commissum restitui non debere, quasi irrita conditione facta, ut intelligamus hoc casu reici conditionem, si sine liberis decesserit.

Sed tamen amplius querimus hic cur hanc conditionem reicit contra voluntatem testatoris. Hic enim eadem dubitatio relinquatur.

Ceterum hac opinione posita, quam sup. dixi, consequens fuit, ut reiceretur hæc conditio, si heres sine liberis, aut nuptiis decesserit, tanquam quæ esset contra bonos mores, quatenus præmio hereditatis proposito in uitabatur heres ad repudiandum propositum tam sanctum vitæ monasticæ suscipiendum. Perinde est igitur, quasi ita diceretur à Iustiniano, quod iubetur restitui sub conditione, si is, qui accepit, sine liberis, aut nuptiis decesserit, sub contraria conditione ei datum intelligitur, si nuptias contraxerit, si liberus susceperit, l. aliquando, de cond. & demon. Hæc enim conditio dicitur, si quis nuptias contraxerit, aut si liberus susceperit, est contra bonos mores in eo, qui vitam monasticam elegerit, ob eam, quam sup. dixi causam:

Placet igitur eam hoc casu reici debere. Certi iuris est enim, conditiones in testamentis, quæ contra bonos mores sunt, pro non adiectis haberi, l. conditiones contra, de cond. inst. In contractibus autem eodem numero habentur causæ impossibiles, propter quas aliquid datum est, veluti si pecunia sit data, ut nuptiæ sequantur. Si quid donatum sit propter nuptias, l. dictam, sup. de cond. ob ca. dat. Causa enim, quæ contra bonos mores est, impossibilis est, l. filius, de cond. inst. Sed hic Iustinianus adiecit exceptionem. Quod enim dicitur, quod quis rogatus esset restituere hereditatem, si sine liberis decesserit, aut sine nuptiis fideicommissum non deberi, si is, quod rogatus est, monasterium ingreditur, hoc ita esse placet, nisi rogatus sit sub ea conditione restituere, in redemptionem captiuorum, aut in alimenta pauperum. Nam hæc causæ, quæ pietatis causam habet, coniuncta cum voluntate defuncti, præualent. Hæc exceptio est in Nouell. de sanctis. epif. §. jed & hoc præfenti in fin. Vnde monendi sumus, in hac Auth. nisi, vitiose legi hæc verba extrema, siue in redemptionem captiuorum, nam pro siue legendum est nisi. Hic enim non continetur definitio præfens, sed eius definitionis exceptio subiicitur, nempe ea, quam modo diximus.

Ad Authen. Contra.

Contra cum rogatus fuerit quis ut sine liberis decedens quod tunc ex hereditate superest, restituat, vel alius huiusmodi fideicommissi verbis grauat: quartam institutionis fideicommissario restituere cogitur. Super hoc igitur & cautionem, nisi à defuncto remissa sit, exponit. Quod si contingat eam deminui: aut ex ipsius substantia suppletur, aut ea deficiente, in rem: actione & hypothecaria fideicommissario uti permittitur aduersus rerum acceptores. Ex causa tamen dotis, seu propter nuptias donationis, seu captiuorum redemptionis, vel si non habeat, unde faciat expensas, huius quartæ permittitur deminutio.

S Y M M A R I A.

- 1 Heres an possit ex iudicio defuncti alienare, & consumere quodlibet ex hereditate.
- 2 Quid iuris, si heres non tantum dodrantem, sed etiam quartam consummat.
- 3 Quid si nihil alienauerit, nihilque consumserit ex editate her, utrum eo mortuo heres eius dodrantem retinere, & suo arbitrio consumere possit, ut tantum quartam consumere cogatur.

HAc authentica nihil plane corrigitur in l. iubemus, cui hæc authentica subiecta est, sed declarat, quid inter sit, ut u-

res institutus rogetur simpliciter hereditatem restituere, an vero rogetur restituere, quod ex hereditate supererit, cū decederet. Et hoc est, quod significatur hoc verbo, contra, quod sic accipiendum est, quasi diceretur, cum heres rogatus est restituere hereditatem si sine liberis decesserit, de hereditate suo arbitrio nihil imminuere potest, sed restituens cogitur dodrantem restituere, quartam retinere potest. Contra diuersum erit, cum rogatus sit restituere decedens id, quod ex hereditate supererit. De quo quid hic constituitur, ut possit intelligi, secundum est, fuisse veterem questionem in hoc genere fideicommissi, an heres ꝑ his verbis rogatus possit ex iudicio defuncti alienare & consumere quidlibet ex hereditate, ut si quid ex ea super sit, id restituat, si nihil, debeat, id quod verbis fideicommissi videtur effici, cum ita dicitur, restituat, quod ex hereditate supererit. Hæc verba, si quid supererit, conditionem habent. l. 5. de leg. 1. Hæc autem conditio, si quid supererit, restituat contrariam conditionem tacitam habet, si nihil supererit, ne utique restituat. l. si quis, §. 2. de cond. & dem. l. 1. de offic. eius, cui mand. est iurisdict. Et hoc non aliter esse à fideicom. & M. Ant. & Papin. visum est, in hac fideicommissi specie bonam fidem heredis contineri, & ita constituerunt heredi licere hereditatem imminuere prout liberet, nisi interuertiendi fideicommissi causa id probaretur factum. l. Titius, D. eod. Sed hoc ius incertius visum est Iustiniano contra id ipsum, de quo quærebatur; & ideo visum est illi consultum esse, hæc de re, id est, de potestate imminuendi res hereditarias certi aliquid constituere, quod fecit Nouell. de restit. cuius summa descripta est in Auth. contra.

Sic veto de eo constituit, qui rogatus est restituere decedens, quod ex hereditate supererit, iure suo de dodrante hereditatis statuere pro arbitrio potest, ut vel alienet, vel consumat, prout uolet, ut omnibus iustis dominis in re sua agere licet: quartam reliquam attingere non potest, sed integram fideicommissario seruare cogitur, quam obrem etiam huius quartæ nomine satisfactio ab herede uiuo exigere potest, nisi testator uetuerit nominatim exigi. Quid si filius heres nominatim à patre institutus rogatus sit restituere, si sine liberis decedat, id quod ex hereditate supererit, sed restituat fratri, aut liberis suis, an etiam hoc casu, huius quartæ nomine satisfactio debeat? Verba constitutionis generalia sunt, nullas enim personas heredi exceptit, ut uideri possit in specie hac corrigere l. iubemus, §. 1. sup. hic, ubi satisfactio à filio herede instituto & rogato restituere hereditatem fratri, per liberos exigere prohibetur. Sed dicendum est hanc Authenticam, & consil. Iustiniani ad eam speciem l. iubemus, non pertinere. Quævis enim hæc constitutio Iustiniani generalis sit l. iubemus, tamen semper hanc regulam tenere oportet, posteriores leges ad priores trahi, nisi nominatim sint contrariæ. l. sed & posteriores, de legib. Sensus est: posteriores leges, nisi nominatim prioribus derogent, non uideri prioribus derogare, sed cum exceptione priorum intelligendas esse, de qua re supra ad l. iubemus, dictum.

Quid si heres ꝑ in specie proposita non tantum dodrantem, sed etiam quartam consumat? Placet eum de suis bonis sacre debere, si habet: si non habet, datur fideicommissario, ad huius quartæ persecutionem, & rei vindicatio, & hypothecaria actio, quas actiones diuersis de rebus dari intelligendum est. Datur vindicatio de rebus hereditariis, quia conditione fideicommissi existente, & restituta hereditate fideicommissarius rerum hereditarium dominus est effectus. At hypothecaria iisdem de rebus non competit: nam hypothecaria pignora persequitur. §. item Seruiana, Inst. de act. Nulli autem res sua pignori teneri potest. l. neg. pignora, de reg. iur. Sed datur hæc actio de rebus heredis, quæ sunt alienæ, de quo diximus sup. ad l. 2. com. de leg. Si tamē prohibetur hic quarta ab herede imminui, ut quatuor in causis etiã eius imminutio cõcedatur. Nã primum, si heres dotem filię constituturæ velit, & nihil habeat in bonis, unde dotē hanc cõstituræ, aut restituere possit, licet quarta etiã reliqua hereditatis in hac cõstitutione & restitutione dotis uti. Idē ei licet facere, si donationem propter nuptias causa mortis velit cõstituræ filię nomine, aut cum mulier esset rogata, ut soluto matrimonio donationem propter nuptias restituere debeat, & non habeat, unde hæc præstet. Sed horum utrumque conceditur sub conditione, si heres non habeat in suis facultatibus unde dotem hanc, aut donationē propter nuptias præstet: quod si habebit, de suo præstabit, non de quarta, ut nominatim in his duobus casibus cautum est Nouell. Iustin. Potest & hanc quartam consumere in redemptionem captiuorum, quod illi facere conceditur, sine ulla exceptione, siue habeat

beat quid in bonis, siue non habeat, vt apparet legenti Nouel. Iustin. Si nihil horum est, etiam permittitur heredi quartam consumere, si nihil habeat aliud, vnde viuat. Ceterum his causis exceptis non permittitur ei quartam hereditatis attingere, dodrantem autem pro arbitrio consumere conceditur. Quod si t̄ heres bonam fidem secutus nihil alienauerit, nihil consumserit ex hereditate, vtrum eo mortuo heres eius, dodrantem retinere potest, & suo arbitrio consumere, vt tantum quartam consumere cogatur? Nos ita tenebimus, vbi de hereditate nihil est imminutum, heredem heredis rogati nihil amplius ex hereditate retinere posse præter quartam, dodrantem autem restituere cogendum esse. Idq; Senatusconsulto efficitur, *S. sed quia, Inst. eod. l. iubemus, sup. h.* Hoc amplius ita statuimus; si heres rogatus, dum viuere, tantum ex fructibus hereditatis percepit, quantum ad quartam hereditatis sufficeret, eos fructus in quartam impurari, & ita totā hereditatem restitui debere, quarta exclusā, vti ius antiquum fuit. *l. Papin. §. vnde si quis ff. h. l. mulier. i. resp. §. si heres ff. eod. l. in quartam. ff. ad. l. Falcid.* Hæc ita sunt ex voluntate defuncti, qui hereditatem restitui vult, vt mutari non possit, nisi aduersus voluntatem testatoris aperte faciemus. Nam verba fideicommissi suat manifesta; iubet testator heredem suum restituere, quod ex hereditate supererit: omnia supersunt ex hereditate; quia nihil consumtum est, vt fingimus, necesse est igitur secundum voluntatem hanc omnia restitui. Et quoniam Senatusconsultum potestatem facit quartam retinendā, ideo heres rogatus, aut, eo mortuo, heres eius quartam retinere ex Senatusconsulto poterit, sed nihil amplius. Hæc ex iure veteri sunt rata, necesse est igitur eadem nunc manere etiam, nisi posterioribus constitutionibus Iustin. vel aliorum Imperatorum mutata sint, & aperte mutata. Tenenda enim semper est hæc regula: quicquid ex iure veteri correctū non est, id veteris iuris regulis esse relinquendum. *l. precipimus, in fin. inf. de appell.* At superiōri iuri posteriores nullæ leges aduersantur. In primis non obstat Iustin. *Nouel. de restit.* vnde hæc Authentica est desumpta; quia Iustinianus lata ea Nouella permittit heredi, qui ita, vt supra scriptū est, rogatus est restituere, consumere ex hereditate, quantum velit, dummodo quartam non attingat, & in ea potestatem ei facit dodrantis restituendi, sed ita, si dodrantem consumserit. Nihil autem addidit, quod i retinere heres deberet, aut posset, vbi nihil consumsit. Proinde vbi nihil consumtum est, ius erit antiquum iuxta regulam superscriptam.

Non obstat hæc authentica, vbi dicitur: eum heredem, de quo agatur, vel successorem cogi restituere quartam. Hoc enim non ita dicitur, quasi solam quartam restituere semper debeat, sed quia interdum non cogitur amplius restituere, videlicet si cetera hereditatis consumserit: quod auctor huius authentice aliter sentit; quia ex Nouella Iustin. non colligitur ita: præterquam vero, quod ex verbis Iustiniani id non colligitur, etiam minime colligitur omnium ex sententia Iustiniani. Nam multis locis Iustinianus est testatus in supremis testamentum voluntatibus, sibi hoc vnum curare esse, vt seruere ut supremam voluntatem, *l. i. z. in fin. sup. com. de leg. & aliis locis innumeris.* Idem ipse in specie proposita in *Auth. Nouel. de restit. §. pen. in fin. §.* testatur, se id agere, vt in hac quoque specie voluntas testatoris seruetur. Ait enim, si testator vetuit satisfactionem quartæ exigi, se non pati, vt ea exigatur; quin si exigatur, non sit eius, qui conseruat voluntatem testatoris: quasi hoc absurdum putet non conseruare. Atqui iam dixi & manifestum est, cum nihil ex hereditate consumtum est, voluntatem testatoris esse, vt quicquid ex hereditate supererit restituat. Ergo & secundum sententiam Iustiniani restitui debet, quo defuncti voluntas conseruetur. Nō obstat *l. quanquam, inf. ad leg. Falcid.* vbi scribitur, quemadmodum heres, a quo legata supra dodrantem relicta sunt, retinere quartam potest esse. *Falcid.* Ita et si decesserit, heredem eius, quamuis legitimum, eodem beneficio vti posse, ex quo Accursius veruere colligit, sententiam hanc generalem: quod heredi rogato aliquid præstare conceditur in eo, quod rogatus est, id etiam successoris eius concedi. *Quæ definitio, neq; ex eo loco colligitur, & per se aperte est falsa, ita vt nihil magis.*

Nā ne longius abeamus, id liqueat ex exemplo proposito. Heres institutus rogatus est, si sine liberis decesserit, restituere hereditatem Titio. Certum est heredem, dum viuere, retinere posse hereditatem. At eo mortuo heres eius statim restituere iubetur. *l. iubemus, sup. h.* Similiter in proposito est dicendum; heres restituere rogatus est, quicquid eo mortuo ex hereditate supererit: poterit is heres dodrantem restituere, si vult, ex constituto Iustin. Sed si nō consumserit heres eius, restituere cogetur; quia ex hereditate

defuncti id superest. Quid igitur ad speciem *d. l. quanquam*, dicimus? Respondeo, res expedita est: quicquid heredi rogato conceditur, id & successoris eius concedendum est, nisi voluntas testatoris refragetur, & eiusmodi sit voluntas, quam leges tueantur, vt dixi in persona eius heredis, qui moriens est rogatus. Nam viuus retinere potest, secundum voluntatem defuncti: ipso mortuo heres eius non potest; quia testatoris voluntas refragatur iuentis, tunc restitui hereditatem. Idem fit, cum heres rogatur restituere, quod ex hereditate supererit. Nam voluntas defuncti viuenti potestatem facit consumendi pro arbitrio vsq; ad dodrantem, vt Iustin. voluntatem est interpretatus: at heres eius non potest idem facere; quia voluntas testatoris iubet eum heredem restituere, quod ex hereditate supererit.

Ad L. sancimus. penult.

Imp. Iustinianus A. Iuliano præfecto Prætorio.

Sancimus, licentiam esse etiam soli tutori recte fieri fideicommissi nomine vniuersitatis restitutionem, quod pupillo relictum est, & sine onere fidei iussiois: vbi tamen pupillus dari nō possit, vel abesse noscitur: ne dum nimia subtilitate vitimur circa res pupillares, ipsa subtilitas ad perniciem eorum reuertatur. Idemq; iuris esse oportet, & si furioso fideicommissoria debeat hereditas: ut restitutio curatoris eius soli nomine scilicet furiosi celebretur. Quis enim sensus, quæ vox certa furioso esse intelligitur, cum in vtroq; casu restituentes plenissimam consequantur ex nostra lege securitatem: hoc eodem obseruando, & si ipsi pupilli, vel furiosi restitutione grauati sunt.

SYMMARIA.

- 1 Pupillo & furioso quomodo recte restituatur hereditas, vt in eos actiones transferantur ex Senatusconsulto.
- 2 An soli tutori hereditas possit restitui, vt ius casibus pupillo acquiratur, & an in pupillum actiones transeant.
- 3 Heres cum restituit hereditatem tutori, an ea restitutione liberetur, an vero cauere ei debeat cum fidei iussoribus datis à tutore, hereditatem indemnem esse futuram.
- 4 Pupillus si heres institutus, & restituere hereditatem rogatus, quis & quomodo restituat.

Rogatus est heres restituere hereditatem pupillo, rogatus est restituere t̄ furioso, in his personis queritur, quomodo hic recte restituatur hereditas, vt in eos actiones transferantur ex Senatusconsulto? Mouet quæstionem personarum conditio; quia non restituitur, hereditas, nisi consensu fideicommissarij. *l. restituta D. eod.* Et præterea valde iniquum est, quænam inuitum, aut ignorantem restituere obligari. *l. qui in aliena, in pr. de acquir. hered.* Porro infans pupillus consentire non potest: furiosus nullo modo: per tutores autem & curatores solos obligari hos, nihil continetur hic. Hinc queritur, quid in his personis sit factio opus ad restitutionem hereditatis, & translationem actionis? De pupillo primam dicemus. Ipsi pupillo, si maior est 7. annis, recte hereditas restituitur: nam ea ætate sentire aliquid & velle existimatur, sed tutoris oportet accedere auctoritas, *l. restitui. §. i. D. h.* Ratio huius rei redditur in *Institutionib. de auctor. tut.* Sed fieri potest, vt pupillus sit infans, cuius nulla voluntas: fieri potest, vt pupillus maior infante adsit. Hic duo quæsitæ sunt, de quibus ius nouum constituitur hic. I. Queritur, t̄ an soli tutori hereditas possit restitui, vt iis casibus, pupillo acquiratur, & an in pupillum actiones transeant? Et placet soli tutori his casibus recte restitui, in quo intelligimus recedi à iure veteri, quo etiā continetur factum infantis, *l. serui. §. si pupillo, D. h.* Hoc ideo constitutum est; quia necessitas & utilitas pupillorum hoc exigit: nam reuera infans consentire non potest, vt valde ineptum sit, ei tanquam consentienti adhiberi tutoris auctoritatē. Huc regula pertinet, etsi nihil facile ex solemnibus, sic mutandum, id est, ex solemnibus communi vsitato iure; tamen vbi euidentis ratio postulat, subueniendum est, *l. pen. ff. de in reg. rest. l. et si, de reg. iur.* Deinde queritur, quid pertineat ad liberationem heredis restituentis fideicommissum, an t̄ is, cum restituerit hereditatem tutori, ea restitutione plene liberetur? an vero; quia non

S V M M A R I V M.

1 Hereditas fideicommissaria, quando & quomodo adquiratur fideicommissario.

Hic locus ostendit in vniuersum, quando † & quomodo hereditas fideicommissaria adquiratur fideicommissario. De eo ita statutum est: tunc demum hereditatem acquiri fideicommissario, cum ab herede rogato restituta est. Proinde acquiri restitutione, non aliter. Id ex hoc loco intelligitur hoc modo. Nam cum hic dicitur in casib. tantum certis hereditatem fideicommissario acquiri ipso iure, hoc ipso confirmatur, non acquiri extra hos casus, non acquiriri, nisi tunc cum ab herede est restituta. Hæc autem sententia satis intellecta est ex Senatusconsulto l. i. D. h. Nam eo Senatusconsulto cautum est, ei & in eum dari actiones, cui fideicommissum restitutum erit, siue ut est in §. restituta. Inst. eod. cui ex fideicommissio restituta erit hereditas, his verbis: cui hereditas restituta est. Condicio hæc confirmatur, si ei fideicommissum, aut hereditas sit restituta. l. Strichum. 6. de leg. i. Inde dictum est, si heres, priusquam adiret & restitueret hereditatem, decesserit, intercedere fideicommissum, l. ille, à quo. ff. eod. Nam herede mortuo neq; ipse, qui non est, eam restituet, neq; heres eius hereditatem eam adire potest; quia hereditas non adita non transmittitur ad successores heredis. l. vnica. §. in nouissimo. inf. de cad. toll. Sed tamen iustus de causis interdum placet hereditatem fideicommissario etiam ipso iure acquiri, & ipso iure transire in eum actiones: quo verbo hæc constitutio vtitur in fine, ipso iure valet, iuris potestate sine vilo facto, aut opera fideicommissarii, id est, sine vlla restitutione, & susceptione hereditatis: quomodo hoc verbum vsurpatur, cum dicimus suis heredibus hereditatem ipso iure acquiri. Hoc enim significatur, suis heredibus etiam ignorantibus & inuitis acquiri, sine vlla additione hereditatis, aut pro herede gestione. §. fin. Inst. de hered. que ab intestato. Vt autem ita transferatur hereditas & actiones, tribus in casib. receptum est, de quibus hic est constitutum.

I. Casus: si heres conuictus iudicio, vt hereditatem restitueret, dolo malo se celauerit, vt post litem contestatam, vel ante. Exigit constitutio, vt se celauerit contumaci. Id ita fieri intelligitur, non si semel conuentus non venerit iudicium, sed si tribus denuntiationibus euocatus, aut vna, quam prætor etiam dixerat pro omnibus, præsentiam sui facere contemnit, sic enim definitur contumacia in l. contumacia. de re iudic. Exigit constitutio, vt se dolo malo celarit, ex quo intelligimus, aut ipsi heredi coram esse denuntiandum, aut probandum, significatum illi fuisse à domesticis, apud quos vocati in ius facta est. Notandum est autem non exigi, vt heres pronuntiatum sit à magistratu se celasse, sed solum se celauerit, ex quo colligitur, nulla sententia iudicis hac in re opus esse, ad declarandam contumaciam heredis vocati, sed satis esse probari, eum rite vocatum contemnisse. Sed quomodo id probabitur? Respond. ex actis iudicis sui tribunalis; nam in his perscribitur petitio fideicommissarii, iussus magistratus, iubentis heredem vocari & adesse, vocatio apparitoris, & contemtus heredis, qui declaratur ad conditum diem non venisse.

II. Casus, si heres rogatus ante restitutam hereditatem decesserit, sine vlla hereditate, quod sic intelligitur: si decesserit prius adita hereditate, ita vt de ea solum restitutum ageretur, Nam alioqui, qui non adita hereditate decesserit, facit, vt intercidat fideicommissum, vt in initio dixi ex l. ille, à quo. §. i. in fin. ff. eod. Sed quomodo probabitur heres decessisse sine herede, cum possent esse innumerabiles heredes, qui lateant? Respondeo, hoc ipso probatur, quod nulli heredes existent, & ideo si fideicommissarius mortuo herede rogato putet, heredem sine herede decessisse, potest tuto conuenire hereditarios debitores, quod dicat actiones hereditarias in se ipso iure transisse; quia heres sine herede decesserit: nam si debitores dicent ei esse aliquem heredem, qui dicunt, probare debent, l. 2. de probat. si non probant, nulla probatio à fideicommissario est exigenda. Quia hæc oratio, heredem decessisse sine vilo herede relicto, negatio est facti, Factum autem negantis per rerum naturam nulla est probatio, vt est in l. actor. sup. de probat.

III. Casus, si heres rogatus sit restituere hereditatem primo, & si primus rogatus sit restitueret eandem hereditatem secundo. Placet hoc casu, si primo restituta si hereditas, statim sine vlla alia restitutione actiones transire in fideicommissarium secundum, si ei pure restituitur hereditas: aut si restitui debeat sub conditione, tunc transire, cum conditio extiterit. Huic casui similis est, ac

plene liberatur, debeat ei cauere cum fideiussoribus datis à tutore, hereditatem indemnem esse futuram? Et constituitur hoc loco, restitutionem hanc sine vilo damno & periculo heredis processuram, & ob id nullam satisfactionem eo nomine à tutore exigi posse, in quo rursum ius nouum à Iustiano est constitutum. Recessit enim ab eo iure, quod prius ipse constituit l. sancimus. de restit. milit. & l. constitutionem. sup. de administr. tutor. Quibus constitutionibus cautum est, quod pupillo datur, id neque tutori, neq; pupillo tutore auctore recte solui, vt debitor plene, & sine vilo metu liberetur, nisi auctoritate iudicis id debitor fecerit, qui passus sit se in ius vocari, & vocatur iussu iudicis solus, vel tutoris vel pupilli. Iustinianus quosdam excepit casus, quib. adicere debemus casum loci huius, nempe cum de restituenda pupillo fideicommissaria hereditate agitur. Eadem dicenda sunt, inquit Iustianus, in curatore furioso. Hoc sic est intelligendum, vt sint eadem, quod attinet ad facultatem restituendæ hereditatis curatoris, & ad liberationem heredis restituentis. Ceterum multum interest ad vim acquisitæ hereditatis. Nam cum tutori pupilli restituta est hereditas, sic hereditas acquiritur pupillo, vt etiam eo mortuo intra pubertatem transferatur hereditas ad heredes eius. l. si infanti. sup. de iur. delib. At cum hereditas restituitur curatori furioso, quædiu furiosus viuuit, retineri potest hereditas, sed si is in eodem furore decesserit, perinde erit, quasi hereditas non esset quaesita l. vlt. §. tali itaque. sup. de cur. furios. Hæc dicta sunt de pupillo & furioso, quib. heres rogatus est restituere hereditatem. Quid è conuerso, † si pupillus heres institutus sit, & rogatus hereditatem restituere, quis & quomodo restitueret? Hic rescriptum est, & hic eadem esse dicenda. Id habet hanc sententiam: si pupillus & facti potest, & præsens est, ipse restituet hereditatem, sed tutore auctore, l. restituta. §. i. D. h. quod si autem infans est, & aberit, tutor solus recte restituet, idemq; in curatore furioso dicendum est, vt curator solus recte restituat. Sed hoc ita est, nisi pupillus rogatus sit hereditatem restituere ipsi tutori. Nam hoc casu ipsi sibi tutor restituere non potest; quia non habet, quod restituat, vt iura & actiones transeat. Nam hæc actiones sunt penes pupillum heredem, non tutorem. Pupillus igitur eas restituat, non tutor. Rursus pupillus restituere tutori non potest: non enim potest quicquam à se dimittere & alienare, sine tutoris auctoritate, Inst. de auctor. tut. l. obligari. de auctor. tut. Porro tutor in rem suam auctor fieri non potest l. i. de auctor. tuto. sic fit, vt eius voluntate, & auctoritate restitui ei hereditas non possit dict. leg. restituta. §. i. Et ideo aut alius tutor quaerendus est, qui pupillo auctor sit, aut iudex ad eundem est, cuius auctoritate restituat pupillus hereditatem, argumento l. si infanti. sup. de iur. delib.

Sed hic occurritur. Nam constat tutorem solum, si quod ei pupillus debeat, posse sibi soluere. l. quoties. §. si quid. de administr. tut. cur ergo & non potest fideicommissarius sibi à pupillo debitu soluere restituendo? Quia solutio, de qua dicitur in d. l. quoties, §. si quid, intelligitur naturalis solutio pecuniæ, vt solutionis verbum significat, l. solutam. de solut. perspicuum est autem multum interesse inter corpora pecuniæ, & actiones incorporeales. Corpora pecuniæ à tutore corpore sumi possunt, eaque in rem suam potest tutor conuolare natura. At actiones naturales sunt tantum in pupillo herede, quas secundum naturam tangere, & tractare tutor nequit: solum ex animo consistunt, sic animo & voluntate transferuntur, voluntate, inquam, eius, in quo subsistunt actiones.

Ad §. i.

Cum autem aliquis hereditatem restituere iussus est, & dolo malo, vel post litem contestatam, vel ante sese contumaciter celauerit: vel si suppositus fideicommissaria restitutioni, ansequam restitueret hereditatem, ab hac luce subtractus est, nullo herede, vel successore ei existente: vel fideicommissarius, cui restituta est ex Trebelliano Senatusconsulto hereditas, alij per fideicommissum restituere iussus fuerit res hereditarias: quemadmodum actionum translatio celebratur in tribus istis casibus, apud veteres dubitabatur. & Domitius Ulpianus constituendum esse super his putauit. Sancimus itaque, vt siue per contumaciam absuerit is, cui restitutio imposita est, siue morte præueniens nullo relicto successore fuerit, siue à primo fideicommissario in secundum translatio celebrari iussa est: ipso iure vtilis actiones transferantur. Da. 10.

prope idem, qui refertur in l. i. §. sed & quoties D. eod. cum videlicet heres rogatus est restituere hereditatem duobus, vni partem pure, alteri partem sub conditione, & postulante eo, cui pure relicta erat, heres hereditatem adiit, & totam ei restituit. Placet enim conditione alterius partis existente, statim postea actiones transire in eum fideicommissarium, cui sub conditione pars relicta erat. Sed cur id receptum est potius in persona fideicommissarii, quā in persona heredis instituti, id est, cur potius ab herede exigimus, vt hereditatem restituat, quam exigimus à fideicommissario primo, vt eam secundo fideicommissario restituat? Respondeo, vbi heres non restituit, nemo est, qui restituat, & vbi semel fideicommissario primo restituit, videtur sub persona eius, & primo & secundo restituisse, quasi primus & sua, & fideicommissarii gratia acceperit. Hic opponitur l. 3. §. de illo D. eo. vbi in eadem specie dicitur primus fideicommissarius restituendo transferre actiones in secundum. Respondeo, restituendo transfert, si vult: si non vult, nihilominus ipso iure transeunt actiones in fideicommissarium. Quod si Vlpianus aliud sensit, in §. de illo. sciendum, eum locum huius constitutionis emendari, quā est ex 50. decisionibus Iustiniani. Vt sunt tres hi casus hoc loco constituti, in quibus sine vlla restitutione hereditatis transeunt in fideicommissarium, ita non plures casus occurrunt, quibus actiones transeunt. Postremo obstat l. vlt. §. in autem, sup. commun. de leg. vbi si heres sub conditione rogatus hereditatem restituere, pendente conditione abalienarit res hereditarias, placet conditione existente dominium rerum hereditariarum ad ipsum fideicommissarium ipso iure pertinere. Hoc ita intelligendum est, si prius restituta erit fideicommissario hereditas: restituitur autē hereditas, vt dixi in initio huius tit. non si singulæ res hereditariæ restituantur, sed si dicat heres, se restituere hereditatem, etiam si nulla restituat corpora, l. restituta D. eod. Regulariter igitur oportet hereditatem, de qua nunc agitur, restituere, non est necesse restitui res singulas, vt illic scriptum est.

Non obstat l. ita tamen. §. si pater D. h. vbi filio suo herede instituto, & rogato restituere hereditatem, dicitur, actiones transire in fideicommissarium, quamuis filius se non immiscuerit hereditati. Adicitur eo loco, quod ad responsum pertinet. Sic enim dicitur actiones transire, si filius hereditatem restituat; restituendo igitur hereditatem, actiones transfert. Sed non est necesse, vt se immisceat hereditati, ad hoc, vt restituere possit. Optima ratio; quia sui heredes ipso iure heredes sunt, sine vlla aditione & immixtione, §. sui. Inst. de hered. qua. ab intestat. Hoc loco non importune quaeritur, quando de duobus fideicommissariis agitur, quorum prior secundo rogatus restituere hereditatem, an prior fideicommissarius itidem retinere quartā possit ex Senatusconsulto, vt potuit heres prius rogatus. Dixerit aliquis eum statim posse ex sententia Senatusconsulti: nam constat ex Senatusconsulto heredem omnem rogatum hereditatem restituere, posse quartam retinere, vt ex fingulis per l. Falcidiam cōceditur. §. sed quia heres. Inst. eo. Diximus autem fideicommissariis, quibus hereditas restituitur, heredis loco esse, l. postulante, §. vlt. ff. eo. Proinde quod iuris est in heredibus, idem & in fideicommissariis statuendum, vt & sic restituta hereditate tota possint quartam retinere. Sed hoc non est ita, alioqui duæ quartæ aliquando auferētur postremo legatario, quod est contra sententiam Senatusconsulti, quod vnam quartam retineri voluit. Proinde de ea re sic est statuendum.

Cum heres institutus rogatus est restituere hereditatem primo, & restituit, primas autem item rogatus est restituere hereditatem secundo, & quaeritur, an primus fideicommissarius quartam possit retinere: Dicendum est, si heres institutus prius quartam retinuit, nunquam fideicommissarium primum quartam retinere posse, sed quod accepit, totum restituere cogendum. Quia ab herede retentum est, quemadmodum Senatusconsultum voluit, eum vna quarta vti. Quod si heres rogatus restituere primo fideicommissario, totam hereditatem restituit nulla quarta retenta, interest, vtrum ideo non tenuerit quartam; quia coactus hereditatem adiit, & restituit: an vero; quia volens quartam non retinuit. Si coactus hereditatem adiit, & ideo nihil retinuit, primus fideicommissarius suo iure quartam retinebit, l. Marcellus. l. facta. §. si cum suspectam. D. eod. Sin autem heres volens non retinuit quartam, perinde nō habebit, quasi retinisset, & eam retinisset secundo fideicommissario. Proinde fideicommissarius primus eam non habebit, præterquam si heres primus fideicommissarii gratia non retinuit, vt si licet liberalitatem in eum exerceret; quia vellet eum quartam retinere, l. i. §. inde Neratius. D. eod.

Ad L. vlt. Quidam.

Idem A. Iohanni præfeto prætorio.

Quidam testamento condito iussit heredem omnem hereditatem, quam ei dereliquit, alij restituere: speciale etiam fideicommissum alteri adscripsit, & quaerebatur, specialis fideicommissarius, id quod ei derelictum est, à quo consequi debeat: vtrumne ab herede, vt post restitutionem eius alias res vniuersitatis fideicommissarius accipiat: an vna cum aliis rebus oporteat & hoc generali fideicommissario aggregari, vt ipse specialis fideicommissario hoc tradat, siue in rebus, siue in pecuniis fideicommissum relictum sit. Sancimus itaque, totam quidem substantiam secundum Senatusconsulti Trebelliani auctoritatem restitui generali fideicommissario, illum autem speciali fideicommissario, id, quod ei derelictum est, dependere. Dat. 15. Kalend. Nouemb. Constantinop. post consulatum Lampad. & Orestis, V. CC. anno secundo 532.

S V M M A R I A.

- 1 Heres rogatus restituere hereditatem, si totam vult, non tenetur legatarius, aut fideicommissarius, quibus quid simpliciter legatum, vel fideicommissum est.
- 2 An idem tribuendum sit heredi, nondum restituta ab eo hereditate.

Heres † rogatus hereditatem restituere, si totam restituere vult, non tenetur legatariis, aut fideicommissariis, quibus quid simpliciter legatum, aut fideicommissum est. Hoc ius constat ex Senatusconsulto, si iam restituta hereditate legatarij, aut fideicommissarij cum herede agant. Nam ex Senatusconsulto transeunt actiones in fideicommissarium. Sed quaestio est; An idem tribuendum sit † heredi, nondum restituta ab eo hereditate, de qua re ius constituitur. Idem nimirum tribuendum esse heredi, etiam antequam hereditatem restituat, si paratus sit totam restituere, in quo ius aliquod nouum constitutum videtur. Nam ex Senatusconsulto non transeunt actiones in fideicommissarium, actiones dico æris alieni & legatorum in restituta hereditate. Ante restitutam autem hereditatem actiones penes heredes manēt, vt his actionibus heredes teneantur. Sed Iustinianus hoc loco voluit, perinde esse, ac si heres restituisset hereditatem, quam restituere paratus est: proinde fideicommissarij legatarium conuenient, non heredem.

Adicitur h. l. fideicommissarium à legatariis solum conueniri, & heredem totam hereditatem restituere, cui sententiæ Senatusconsultum aduersatur. Nam quamuis heres nominatim sit rogatus hereditatem totam restituere, tamen quartam ex Senatusconsulto retinere semper potest, §. sed quia heredes. Inst. Et quāuis testator veterit quartam retinere, nihil agit, quoniam conuentionibus priuatorum iuri publico non potest derogari. leg. quod bonis. §. 1. ad l. Falc. Dicendum est, si heres in specie proposita velit quartam retinere, id ei facere licere: sed intelligendum est de eo herede agi, qui sua sponte voluntatem defuncti secutus, totam hereditatem restituit; in quo dubitari poterat, an possit à se reuocare onera hereditaria pro ea parte, quam remittit. Et hoc loco cauetur posse, quod & Senatusconsulto Trebell. efficiebatur, sed moueri potuit dubitatio Senatusconsulto Pegas. quod quartam retineri noluit.

AD TITVLVM XLIX. COD. AD
L. FALCIDIAM.

S V M M A R I A.

- 1 Breuis superiorum titulorum anacephalosis, & tripartita huius legis propositio. & num. 2.
- 2 Primum legis caput liberam legandi potestatem vsque ad dodrantem concedit.
- 4 Secundum cauet, ne vltra dodrantem legare liceat.
- 5 Tertium cauet, vt legata, quatenus dodrantem excedunt, eatenus ipso iure imminuantur. Eiusdem exceptio. nu. 6.
- 7 Dodrans patrimonii quomodo & ex quo tempore estimandus sit.

Superioribus \dagger titulis de legat. & fideicom. Item commun. de leg. & aliis aliquot locis coniunctis, ius constitutum est: Quocumque legata, aut fideicommissa sint, valere, dum eo modo, quo oportet, & quibus oportet, & quas res oportet, legatum sit. Hoc totum cum hac exceptione intelligendum est, dummodo non legetur ultra dodrantem patrimonij: nam ultra legare non licet, & quod ultra est, pro legato non habetur. De qua re hic agitur. Id autem l. Falcidia effectum est. Lex Falcidia plebiscitum est: lata est enim a C. Falcidio, Tribuno plebis, Augusti temporibus, Dion in Aug. Euseb. in Chron. Refertur ex Iliodoro in canone quadam distinctio: Eius legis complures clausulae referuntur in l. i. ff. eod. quae totidem capita legis faciunt, si verba spectemus. Quod si rem &

sententiam \dagger l. spectabimus, summa eius legis tribus capitibus continebitur.

3 Primum \dagger caput l. liberam legandi potestatem dat, vsque ad dodrantem, abrogatis contrariis legibus, l. i. statim in pr. ff. eod. Statim occurrit nobis quaestio, quid opus fuerit hac parte l. cum de ea potestate etiam abunde cautum esset leg. 12. tabularum, his verbis: Vti quisque legasset, &c. l. verbis leg. de verb. sig. Respondeo: Nihil hac lege Falcidia opus fuisse, si a lege 12. tabularum in hac re recessum non esset. Sed facultas legandi, ea lege constituta, imminuta erat l. Furia & L. Voconia, quae leges commemorantur in princ. tit. de leg. Falcid. in Inst. de quibus est apud Theophilum. De leg. Furia est in fragmento Vlpiani, Inst. Ergo aduersus has leges haec lex Falcidia veterem facultatem legandi restituit. Et quoniam huic patri aduersari poterant praecedentes leges, adiectum est in hac parte, quod ad eas leges abrogandas pertineret. Nam cum l. Furia caueretur; ne liceret cuiquam donare aut legare causa mortis supra mille asses, vt Vlpianus refert: & praeterea si quis amplius cepisset, eius, quod amplius cepisset, quadrupli poenam constitueret; cautum est lege Falcidia, vt quata pecunia cuiquam legata erit, eam pecuniam sine fraude tunc capere liceat. In his verbis: Ex, quibus quid sit datum, &c. sine fraude sua, &c. sine villo delicto: & per consequens sine villo damno poenae sua omni, quae prioribus legibus constituta esset. Rursum cum lege Voconia caueretur, ne legatarius plus haberet, quam heres, atque ita fieret, vt si cui legatum esset amplius, quam heres haberet, id, quod amplius, heres praestare non cogere. Huic quoque parti alia clausula legis Falcidiae occursum est, ad eandem potestatem legandi pertinente, qua clausula est iustus, vt heres, qui dare iussus damnatus est, id, quod dare condemnatur, ipse habeat. Quas clausulas apparet ad abrogandas l. priores pertinere. Ita ad hanc facultatem legandi, pertinent 3. clausulae l. Falcid. nempe 1. 3. 4. Secundum caput \dagger legis cauet, ne ultra dodrantem legare liceat, sed haecenus, non minus, quam quartam partem hereditatis ex testamento heredes capiant. Id effectum est secunda clausula eius legis. Et hic modus est, qui dicitur in lege Falcidia legatis esse impositus, Inst. ff. eod. tit. in princ. Modus, id est, moderatio ad quam vsque legare liceret.

5 Tertium caput \dagger totum praetermissum est, l. i. ff. b. Hoc autem capite si supra dodrantem patrimonij quid legatum erit, lex cauet, quid velit fieri de legatis. Cauet autem, vt quatenus legata dodrantem excedunt, eatenus de singulis proportionibus detrahatur, & ipso iure imminuantur, vt declaratur in l. in quantitate. 73. §. 6. vlt. ff. eodem. Addita est \dagger exceptio eodem capite, Nam lege Falcidia non minuuntur haec; Dos vxori legata. Item res vxoris causa emtae, paratae, quae ei legatae sunt, l. si vsus fruct. ff. eod. Praeterea \dagger eodem capite cautum est, huius patrimonij dodrantem lege hac vere accipi, quo modo aestimari. Nam res docet, aliam quantitatem esse solere patrimonij, cum testator moritur, aliam cum heres adit, aliam cum legata praestantur. Nam res, quae defuncti fuerunt, possunt interire vel incendijs, vel bello, vel alijs casibus; contra quoque augeri multis partibus possunt, vt per magni referat, ex quo tempore aestimemus patrimonium. Ob hanc causam cautum est, vt in exquirenda quantitate patrimonij, ad hoc, vt sciat, an supra dodrantem eius patrimonij legatum sit, mortis testatoris tempus spectetur. d. l. in quantitate. in pr. ff. eo. Praeterea vt aestimetur patrimonium deducto aere alieno, funeris impensa, & pretij seruorum manumissorum de quo dicitur in d. l. in quantitate. Sic ergo dicendum est; Vsq; ad patrimonij dodrantem legare licet, supra dodrantem non licet ex l. Falcidia. Si supra dodrantem legatum erit, quatenus legata dodrantem excedent, eatenus legata ipso iure per legem minuuntur. Vtrum supra dodrantem legatum sit, nec ne, ita constabit, si contributis in vnum legatis, & his, quae praeterea haberi debent: deinde ex altera parte

aestimato pretio harum rerum, summas inter se conferentis, vt videamus an legatorum summa dodrantem patrimonij excedat. In aestimando patrimonio obseruandum est, non ex quouis tempore aestimari, puta adita hereditatis, aut eo tempore, quo legata praestantur, sed tempore mortis testatoris. Et hanc computationem patrimonij fieri, deducto prius aere alieno defuncti, funeris impensa, & pretijs seruorum testamento manumissorum.

Ad L. Scire debes. 1.

Impp. Seuerus & Antoninus AA. Prisco.

Scire debes, omissa Falcidia, quo plenior fidem restituenda portio exhibere, non videri plus debito solutum esse. PP. 3. Id. Maii, Laterano & Rufino Coss. 198.

S Y M M A R I A.

- 1 Si heres sciens supra dodrantem in legatum esse, contemto l. Falcidia beneficio, integra legata praestet, an, quod ex eadem l. debebatur, repetere possit.
- 2 An quod ultra dodrantem solutum est, tanquam debitum, an vero tanquam indebitum datum sit.
- 3 Quaestio huius ratio.

Si supra dodrantem legatum sit, quatenus legatum dodrantem excedit, tantum heres de legato retinere potest. Quid \dagger si heres sciens supra dodrantem legatum esse omittit Falcidiam consulto, id est contemto iure, quod habet ex lege Falcidia, integra legata praestet, voluntatem defuncti bona fide secutus, an poterit, quod ex lege Falcidia debebatur, repetere? Et certum est, eum repetere non posse, siue id, quod dodrantem excedebat, debitum fuerit ab herede, seu indebitum. Nam debitum solutum citra controuersiam repeti non potest. Indebitum autem ab eo, qui sciebat se non debere, datum, non intelligitur solutum, sed donatum. Donati nulla repetitio est, l. i. de condit. indeb. l. cuius per errorem. de reg. iur. Et si hoc ita sit, tamen hic ar. lius quaeritur, an \dagger id, quod ultra dodrantem solutum est tanquam debitum solutum, an vero tanquam indebitum datum sit? Et respondetur hoc loco quod amplius, quam per l. Falcid. retinere licebat, datum est, id indebitum solutum non videri, proinde repeti non posse; quia debitum solutum videatur. Hic obiiciuntur illi loci, in quibus disterte traditum est, cum legata dodrantem excedunt, quatenus excedunt, ipso iure minui per l. Falcid. vt perinde habeantur, quasi nec legata sint, l. in quantitate. §. vlt. ff. eod. l. i. §. si quis ex mortis. ff. quod legat. Hic non possumus vt distinctione vulgari, vt dicamus id, quod dodrantem excedit, naturaliter deberi, propter defuncti voluntatem, qui legauit. Iure ciuili autem non deberi, propter l. Falcid. quae ultra dodrantem legare vetat. Nam hoc legatum totum naturaliter debetur, & quod dodrantem excedit, si soluat ab herede, nunquam repeti poterit, tamen si heres per errorem facti soluerit; quoniam etiam, quae naturaliter debentur, soluta repeti non possunt. At quod ultra dodrantem per errorem solutum est, repeti potest, l. error in ff. b. Proinde nec naturaliter id debebatur. Dicendum est igitur, quod res est, cum supra dodrantem legatum est, id, quod dodrantem excedit, alias in totum debetur, alias in totum non debetur. In totum debetur ex l. Falcidia, si heres Falcidiae beneficio vt velit, in quam sententiam accipiendi sunt superiores loci, de legatis imminuendis. Ac in totum debetur, si heres consulto legis Falcidiae beneficium omittat, vt hic proponitur. Tum enim legatum debetur totum naturaliter propter voluntatem defuncti. Idem & ciuilitur ex l. 12. tab. quae iubet, vt quisque legat, &c. Neque hoc casu. 12. tabularum impeditur lex Falcid. quia legis Falcidiae mens est, vbi heres quartam retinere non vult, vt in totum voluntas defuncti conferuetur, quoniam l. Falcidia testatoris causa lata est, Inst. eod. in pr.

Sed cur frustra \dagger quaerimus, vtrum id, quod dodrantem excedit, sit debitum, an indebitum, vbi id vltro ab herede praestetur cum etiam si indebitum fuerit, tamen repeti non possit; quia (vt dictum) videatur donatum? Resp. Effectus hic est, quod si debitum solutum est, nunquam repeti potest: si indebitum fuit, interdum reuocari potest; quia non omnes donationes inter omnes valent, qualis est donatio inter virum & vxorem. Finge hoc modo: Ma-

ritus à testatore heres institutus est, ab eo supra dodrantem patrimonij legata relicta sunt, & inter cetera legatum est ab eo relictum uxori eius. Heres sciens ultra dodrantem esse legatum uxori suæ restituit. Quæritur, an quod in hoc legato dodrantem excedit, maritus repetere possit? Quæstio in eo est, an debitum, an vero indebitum soluerit: si debitum soluit, repetere non potest: si indebitum, donauit, & ideo repetere potest; quia solutio inter maritum & uxorem interdictum non est, donatio interdicta est, l. 2. 3. de donat. inter virum & uxorem. Respondetur ex hoc loco, id, quod dodrantem excedit, repeti non potest; quia donatum non sit, sed debitum solutum. Idque ex hac ratione etiam à veteribus responsum est, l. 5. §. si quis rogatus, de donat. inter vir. & vxor. Ideoq; ex veterum Iureconsultorum sententiis hoc rescriptum translatum est.

Ad L. Falcidiam rationem. 2.

Idem A. Sanctiano.

Falcidia rationem aduersus omnes pro modo legatorum & fideicommissorum locum habere, certi & explorati iuris est. PP. Kal. Iul. Laterano & Rufino Coss. 198.

S Y M M A R I A.

- 1 An si legata dodrantem excedunt, heres id, quod amplius est, aduersus vnum legatarium, an aduersus omnes retinere debeat?
- 2 Legata dodrantem excedentia interdum non minuuntur, sed pro parte, quæ deduci debebat, æstimatio aliunde præstatur.
- 3 Si res legata diuisionem accipit, in ipsa re deductio fit, non in alia, & fit, quatenus legatum dodrantem excedit.

Cum legata dodrantem excedunt, id retinere heres potest, quod amplius est. Quæritur, ¶ utrum aduersus vnum legatarium retinere id totum possit, an aduersus omnes id retinere debeat? Hic scriptum est, retinere debere non aduersus vnum, sed aduersus omnes, quibus quid testamento relictum est. Sed cur id potius aduersus omnes est retinendum, quàm aduersus vnum, cum l. Falcid. id solum caueatur, vt heres quartam partem hereditatis habeat: unde autem habeat, l. Falcidia non exprimitur? Respon. L. Falcidia non de quarta tantum hereditatis heredi relinquenda cauet, sed etiam maxime de legatis præstandis intra dodrantem, qua in parte l. Falcid. legataris ex æquo consultum voluit. Proinde vsque ad dodrantem singulis legata præstabuntur. Quod dodrantem excedit, non poterit ab vno deduci; quia isto modo huic vni detraheretur, vt auferentur ceterorum legata, quod est contra sententiam legis. Vt aduersus omnes legatarios detrahitur id, quod dodrantem excedit: ita consequens est, id, quod heres habere debet ultra quartam, non posse eum deducere in vna aliqua re legata, quæ efficiat vniuersam eam summam, quæ heredi debetur supra dodrantem: sed singulorum legata per Falcidiam minui, vt quod in singulis supra dodrantem patrimonij legatum, id de singulis pro portione detrahatur, & quidem ipso iure, l. in quantitate. §. vlt. ff. eod. si quis ex mortuo. ff. quod legat. Id hanc vim habet, vt si proponas, patrimonium legatis exhaustum esse, & fundum Tusculanum legatum esse Titio, dicendum sit, in hoc fundo partes tres esse Titij legatarij, quartam partem esse ipso iure hereditatis, quasi nec legata, vt intelligamus ex hoc ipso prædio quartam deduci & deduci ipso iure, quasi semper apud heredem mansisset. Hinc fit, vt heres natura quartam, quæ dodrantem excedit, iure vindicare possit, in eo fundo, & à legatario, & à quouis possessore, vt scriptum est l. lineam. ff. eo. Quod non fieret, nisi dominium iure mansisset heredis; quia non alij competit in rem actio, quam domino. l. in rem de rei vind. Interdum tamen ¶ ipsa legata non minuuntur, tamen supra dodrantem legatum sit, sed pro ea parte, quæ deduci ex l. debebat, præstatur aliunde ab herede æstimatio. Id autem contingit, vbi legata natura diuisionem non recipit. Huius generis seruitus est. Si defunctus legauerit Titio ius eundi, agendi per fundum hereditarium, iter solidum præstabitur legatario, etiam si l. Falcid. locus sit; quoniam pro parte iter præstari nõ potest, sed cum pars itineris præstari nõ possit, pro ea parte præstabitur æstimatio, vt legi Falcidiae satis fiat, l. 7. ff. eo. idem accidit in libertate seruo testatori relicta, si eidem seruo aliquid

legatum sit. Nam si legata omnia contributa dodrantem excedant, nihilominus libertas in solidum præstabitur; quia pro parte non potest, sed æstimabitur seruus, cuius æstimationis pars heredi relinquatur, quatenus legatum dodrantem excedit, idq; sumetur ex eo legato, quod manumisso datum est l. plane. l. seq. ff. eod.

Ceterum ¶ si res legata diuisionem recipiat, in ea ipsa re deductio fit, non in alia, & fit, quatenus legatum dodrantem excedit. Est autem ita, vt in eo legato deductio fiat pro ceteris legatis. Opponitur l. filium, quem sup. famil. eriscund. vbi heres rogatus restituere hereditatem, quartam retinet in vno certo fundo. Respondeo: id ideo fit; quia is fundus legatus erat, & heres ex aliis rebus quartam deducere non poterat. Nam illic heres rogatus erat restituere hereditatem habens fundum, id est, restituere ea lege, vt sibi fundum præciperet, & sibi haberet. Eum igitur fundum heres iure prælegati habuit, & vt habet, ita in quartam imputat, l. in quartam. ff. ad leg. Falcidiam. Cum autem fundus sufficeret ad quartam vna cum ceteris rebus, quæ heredi relicta, aut ab eo deducta, eo fiebat, vt de ceteris rebus Falcidiam detrahere non posset: Nos autem hic dicimus, cum de ceteris rebus Falcidia detrahi potest, nunquam heres eam portionem Falcidiam in alia re deducere potest.

Opponitur l. non amplius. §. 1. de leg. 1. vbi pars bonorum legata est, placet heredem pro rebus hereditariis æstimationem præstare posse. Respondeo: hic locus nihil ad rem pertinet: nam illic apparet, non quando quid heres retinere possit, sed quid præstari debeat legatario, Et placet eum debere præstare aut res, aut æstimationem, vt illi commodum visum fuerit. Et quamuis dicemus heredem posse ex ea æstimatione, quam præstat, deducere Falcid. portionem; tamen non deducere ex alia re, quam quæ legata est: nam legata parte bonorum æstimatio legata intelligitur, prout h. redi visum fuerit, vt dixi.

Opponitur l. lineam. ff. 10. vbi rem, ex qua heres quartam Falcidiam detrahere poterat, cum ea esset apud legatarium, non pro parte tantum repeti, sed repeti totam proponitur.

Respondeo: Cum rei legatum apud legatarium reperitur sine voluntate heredis, eam heres repetere potest interdicto, quod legatorum, & c. l. 1. ff. quod legatorum, & c. Sed hæc repetitio non eo pertinet, vt totam rem legatum heres habeat, sed vt possit iudicio communi diuidendo, aut priuato consensu portionem, quæ ei ex l. Falcidia debetur, retinere. Postremo opponitur l. si ex pluribus. ff. eo. vbi pluribus rebus vni legatis, cum locus L. Falcidiae esset, & heres quaedam ex his rebus in solidum legatario præstauisset, potest reliquas in solidum retinere, nisi portio Falcid. in reliquis iam solutis debita præstetur. Respondeo: Nunquam portio Falcidiae, quæ ex certis rebus debetur, aut maior peti, retineri potest, quam debetur, aut in aliis rebus retineri, quam in quibus debetur: sed eius portionis consequendæ non vna ratio est. Nam interdum recta deducitur, interdum obliqua via, dum aut res legata, quæ est apud legatariū, repetitur interdicto quod legatorum, aut alia res legata nondum præstata per exceptionem doli mali retinetur, nisi legatarius, quod in ceteris rebus iam ei solutis, dodrantem excedit, paratus sit restituere. Quæ sunt rationes expostæ in d. l. lineam. & d. l. si ex pluribus eod.

Ad L. Etiam si. 3.

Imp. Alexander August. Hermagoræ.

Etiam si tacitum fideicommissum heredem administrasse apparuerit: legata tamē, seu fideicommissa, quæ testamento relicta sunt, præstanda esse, ambigi non oportet: ad eum videlicet modum, quem lex Falcidia paritur: cum quartam, quæ auferatur heredi, qui contra legem fidem suam obtulit, legataris præficere non placuit. PP. Id. Octobr. Alexand. A. Coss. 223.

S Y M M A R I A.

- 1 Hereditas, quæ vt indigno auferatur, ad fiscum cum suis oneribus & commodis pertinet, idemq; in ea vice heredis scripti fungitur, legata præstando & Falcidiam detrahendo.
- 2 Quæstio huius legis.

Quoties ¶ hereditas heredi scripto tanquam indigno auferatur, & fisco vindicatur, toties hereditas ad fiscum cum suis oneribus & commodis pertinet, omninoque fisco in ea hereditate

tate vice heredis scripti fungitur, & ideo si quæ legata testamento relicta sunt, ea fiscus præstat. Similiter si heres Falcid. detrudere potuit; quia dodrantem legata excedunt, etiam fiscus detrudere poterit, l. 2. §. vlt. ff. ad Trebell. leg. cum fisco. ff. de Syll. Senatusconsulto. Idem confirmatur in hoc rescripto, in persona eius heredis, qui tacite fidem suam accommodauit testatori, vt hereditatem restitueret, qui capere non poterat; quia fides hic accommodata in fraudem leg. s. Placuit fraudem ita vindicare, vt hereditas tanquam indigno auferatur & vindicetur fisco, *in fraudem. l. heres. de his, quib. vt indig. l. 3. cum tacitum, de iure fisci.* Hoc autem cum fit, etiam fiscus in legatis eodem illo iure vitur, quod supra diximus: nam & legata præstat, & præstat intra modum legis Falcid. id est, vt quartam partem hereditatis integram retineat, vt hic. Et hoc ius tunc certum est, cum heres, qui tacite fidem suam accommodauit, fideicommissario restituit quarta retenta, *d. l. cum tacitum, de iure fisci.* Nam tunc iure heredis fiscus vitur, vt videlicet quemadmodum heres quartam retinuit, sic possit & fiscus retinere.

2 Quæsitum est, ¶ an idem dicendum sit, si heres in proposito solidum fideicommissum administravit, vt rogatus erat, ita totum restituens, quæ propria huius rescripti quæstio est. Dubitationis causa hæc est; quia toto fideicommissio restituta hereditas auferatur fideicommissario, non heredi. Vnde consequens est, fisco iure fideicommissarij vti debere, non heredis. Porro certi iuris est, nunquam legatarij, aut fideicommissarij, etiam cui iure ex fideicommissio restituta est hereditas, l. Falcid. beneficio vti posse in legatis, *l. lex Falcid. §. vlt. ff. eo.* Proinde in proposito nec fiscus, qui iure fideicommissarij vitur, poterit legis beneficio vti, & quartam hereditatis retinere. Rescriptum est, nihilominus etiam hoc casu heredem quartam hereditatis retinere posse, hac ratione; quia heres, qui tacite fidem suam in fraudem legis accommodauit, etsi quartam retinere non possit, tamen perinde habetur, ac si retinisset, & quarta ad fiscum pertinet, *l. beneficio. in fin. ff. eod. d. l. cum tacitum, de iure fisci.* Et quarta sic ad fiscum pertinet ex constitutionibus, vt fisco proffit, non vt proffit legatariis, quæ ratio significatur in extremo h.

Ad L. Et in legatis. 4.

Idem A. Philetiano.

Et in legatis Principi datis legem Falcidiam locum habere merito diuo Hadriano placuit. PP. 5. Kalend. Ian. Alexandro A. Coss. 223.

S Y M M A R I A.

- 1 Cum supra dodrantem hereditatis legatum est, nullius legatarij persona vel fauor, vel amplitudo, vel necessitas facit, quo minus Falcidia detrahi possit.
- 2 Falcidia an etiam contra Principem retineri possit.

1 Cvm supra dodrantem ¶ hereditatis legatum est, nullius legatarij persona, vel fauor, vel amplitudo, vel necessitas etiam facit, quo minus de legato ei relicto portio Falcid. detrahi possit; quoniam lex Falcidia non legatarij causa constituta est, sed testatorum, *Inst. eod. tit. in princ.* Idque est, quod dicitur, legem Falcidiam & ad legata municipum, & legata Deo relicta pertinere, *l. 1. §. ad eos. verfic. ad municipum. ff. eod.* Eodem pertinet, quod de legato Principi relicto hic cauetur. Sed ¶ in Principis persona hæc dubitatio erat, cur non videretur aduersus eam Falcidia retineri posse; quia Falcidia lex est in numero legum & constitutionum. Princeps vero legibus solutus est. Sed aduersus hanc objectionem etiam hæc responsio est in legibus, etsi Princeps legibus solutus sit; tamen Principem sua voluntate legibus viuere, ita vt in omnibus negotiis similibus Princeps priuatorum iure vtatur, *l. 3. sup. de testam. l. digna vox. sup. de legib. §. vlt. Inst. quibus modis testam. infirm.*

Ad L. Si mortis. 5.

Idem A. Damasatæ.

Si mortis causa immodicas donationes in sororem tuam

matrem contulisse probare potes: legis Falcidia ratione secundum constitutionem diui Seueri aui mei tui merito potes. PP. 15. Kal. Nou. Maximo II. & Æliano Coss. 224.

S Y M M A R I A.

- 1 Circa legis Falcidia rationem qua consideranda, & quibus de causis.
- 2 Quæ res in numero legatorum haberi debeant.

Circa ¶ rationem legis Falcid. ponendam, semper quærendum est, quid & quantum in numero legatorum haberi debeat duabus de causis. I. Est, vt sciri possit ex legatorum contributione, an legata patrimoni] dodrantem excedant. Altera, vt cum constabit, quæ legata sint, possit de singulis detrahi, quod dodrantem excedit, vt in iis diximus. Hæc quæstio hoc rescripto ex parte attingitur. Declaratur enim, quid in numero legatorum haberi debeat, in quo lex Falcidia locum habeat. De eo ita statuendum est. Cum ¶ quæritur, an supra dodrantem legatum sit, in quæstione legatorum non solum computari debent, quæ vere dicuntur legata, tamen si l. Falcid. de legatis tantum nominatim scripta sit, sed etiam ex sententia legis, ea omnia, quæcunque vicem legatorum obtinent, cuiusmodi est donatio causa mortis, de qua hic. Vicem autem legatorum hæc obtinent. Primum, iam olim fideicommissa, *l. 1. de leg. 1.* proxime donationes causa mortis, *l. illud. de mortis causa donatio.* Hæc autem causa est; quia vt legata non nisi morte testatoris confirmantur; sic nec donationes causa mortis, cum possint hæc donationes ex penitentia reuocari à donatore, vsque ad vltimum vitæ spiritum, *l. senatus. §. donatio de mortis causa donationib.*

Hinc placet, hoc loco eiusmodi donationes in contributione legatorum venire, & simul ex iis posse deduci, quod dodrantem excedit. In eodem numero habentur donationes inter virum & uxorem, ob eandem causam, *l. in donationibus. infr. hoc tit.* Etiam quæ donata non sunt, nec testamento, nec à viuente testatore relicta, sed quæ solû mortis causa capiuntur, si in fraudem legis à testatore impostæ, accepta sunt, de quo genere dicitur *ad l. pen. inf.*

Ad L. In imponenda. 6.

Idem A. Secundinæ.

In imponenda ratione legis Falcidia omne as alienum deducitur, etiam quod ipsi heredi mortis tempore debitum fuerit, quamuis aditione hereditatis confusa sint actiones. ¶ 1. Omnia autem legata, quamuis in operibus publicis conficiendis statutaque ponendis data sint, ad contributionem dodrantis pro rata sua cuiusque quantitatis reuocantur. ¶ 2. Nec si quid ultra solidum heres præstiterit, aut perfecerit, legitimæ computationi præiudicatur. S. 5. Kalend. Ianuar. Maximo II. & Æliano Coss. 224.

S Y M M A R I A.

- 1 Tria huius legis capita.
- 2 Computatio patrimoni] qualis esse debeat.
- 3 Æs alienum defuncti quid.
- 4 Funeris impensa quid.
- 5 Pretia seruorum manumissorum quare deducantur, & quomodo.
- 6 Pretia seruorum, de quibus supplicium sumsum est, an deducantur & ad quod deductionis genus referenda sint.
- 7 Heres an in detrachione æris alieni etiam possit deducere id, quod sibi à defuncto debetur.
- 8 Quæ legata in contributionem legis Falcidia veniant.
- 9 Ius Falcidia deducendæ quale sit.

Hic tria ¶ capita sunt. I. De computatione patrimoni], qualis esse debeat in ratione legis Falcid. ineunda, id est, cum quæritur, an supra dodrantem patrimoni] legatum sit. II. De legatis, quæ in contributione legis Falcid. veniant. III. De iure Falcid. deducendæ. Computatio ¶ patrimoni] hæc est: Computatur patrimonium, quod fuit tempore mortis testatoris deducto ære alieno, funeris impensa & pretiis seruorum manumissorum, *l. in quantitate patrimoni]. in princ. ff. eod.* Id ita fieri debere

here intellectum est ex l. Falc. quia lex exigit, ut heres legatis solutis non minus, quam quartam partem hereditatis habeat. Nō videtur heres quartam habere, si quartam præstare postea cogitur, aut eo amplius, non est nostrum, quod mansurum non est, aliud est capere. de verb. sig. Nec videtur ea res penes nos esse, cuius pretiū abest. l. Labeo & Sabini. de verb. sig. At id futurum est, si heres legata præstat supra scriptis rebus prius non detractis: nam ipse æs alienum soluere debet, & impensas funeris facere & præterea serui manumissi illi obfuturi sunt quarum rerum æstimatione interdum quadruplo maior erit quarta. Proinde ut quartam habeat ex sententia legis, & quartam cum effectu, oportuit res supra scriptas antea de patrimonio deduci, ut reliqui patrimonij quartam heres habeat sine villo damno intactam.

3. *Æs alienum defuncti est id, quod defunctus debuit, l. cedere. §. æs alienum. de verb. sig.* Et generaliter id omne quod defunctus præstare necesse habuit, l. pater filium. in fin. ff. eo. Funeris impensa est, quæ fit funeris causa. Funeris causa intelligitur fieri, quæ fit deducendi funeris & sepeliendi mortui causa, sine qua neque duci, neque sepeliri honeste potuisset. l. & si quis. §. funeris causa. l. funeris. de religio. Ita funeris impensa est, quæ ad necessitatem funeris facta est: non est autem necesse ad mortuum sepeliendum monumentum illi ædificare, præsertim si sit sumtuosus. Proinde si quam impensam monumenti extruendi causa heres fecit, præterquam quod necesse sit, quamuis iustus sit à testatore extruere; tamen hanc impensam non deducit; quia non est facta funeris causa, ut definiuimus. Hinc est l. i. §. vit & l. seq. ff. eo. Pretia ¶ seruorum manumissorum ideo deducuntur; quia serui tempore mortis testatoris, cum nondum liberi essent, in pretio defuncti computabantur, postea adita hereditate, aut etiam non adita manumissi in patrimonio defuncti esse desunt, ut sic in patrimonio defuncti solum eorum pretia computentur, & pretia deducantur. Id hoc fit modo, ut serui manumissi perinde habeantur, quasi in pretio defuncti non fuerint tempore mortis eius. Notandum est autem generaliter esse dictū, deduci pretia seruorum manumissorum, non autem testamento, aut alter manumissorum. Vnde intelligimus, omnium manumissorum pretia deduci, nō tantum, si testamento liberi esse iussi sint à testatore, sed etiam pro pretio libertatem à testatore acceperint. l. heres. ff. eod.

6. Etiam ¶ pretia seruorum deducuntur, de quibus seruis sumtum est supplicium. d. l. as. in pr. Vnde quaeritur, ad quod genus istarum deducendum hi referri debeant, cum neque sint manumissi, neque in funeris sint impensa, neque videantur etiam esse in eo, quod debuit defunctus? Et placuit, eorum pretia deduci, tanquam æs alienum, ut ibidem est scriptum. Recte. Nam serui, qui delinquent, cum Rep. contrahere videntur pœna, vel vindicta, quam luendo soluunt. l. i. ff. de legiti. Circa ¶ æris alieni deductionem quaeritur, an heres in æris alieni deductione possit etiam detrahere, quod ei à defuncto debetur? Merito hoc quaesitum est. Nā subtilitas rationis facere videbatur, ne possit detrahere: id enim debitum deduci potest, si est aliquid debitum. At hereditate ab here de adita fit, ut quod prius ei debebatur de sinat deberi, quoniam additione actiones confunduntur, confusione tolluntur. l. debitor. supr. de pact. l. Stribum. §. à Titio. de solut. Sic fit, ut quod debitum esse desit, tanquam debitum deduci non possit. Et placuit nihilominus heredem deducere posse, quod sibi debebatur, de quo nominatim hic. Nō obstat, quod confusione actiones sunt sublatae, quoniam in ratione l. Falcidiae, cum de æstimatione patrimonij agitur, spectatur, quemadmodum patrimonium fuerit tempore mortis defuncti, ut dictum. Eo autem tempore nondum actiones confusae erant; proinde ex eo tempore æs alienum, quod heredi debebatur, deducitur. Hanc objectionem hodie non debemus metuere in eo herede, qui inuentarium facit. Nam hoc beneficium ei tribuitur, ut nec adita ab eo hereditate actiones eius confundantur, l. vit. §. in computatione. sup. de iur. deliber.

8. De legatis, ¶ quæ in contributionem legis Falcidiae veniunt, ita est scriptum, ut veniant omnia, quæcunque testamento sunt relicta siue in dando, siue faciendū, id est, ut non tantum æstimatione ea, quibus testator iussit dare heredem, sed etiam ea, quibus eum iussit aliquid facere, veluti opus extruere, statuam alicui ponere, quod non fit suis sumptibus. Hoc amplius, additur etiam, facta in contributionem legatorum venire, quamuis heres iustus sit facere, aut operibus publicis extruendis, aut in statua publice ponenda. Quibus verbis id, quod dixi l. i. in princip. & traditur in l. i. §. ad eos. vers. ad municipium. ff. eod. continetur: nempe l. Falcid. ad omnia legata etiam ciuitati & Reipublicae relicta pertinere. For-

ma autem loquendi, quæ est in vers. l. de horum legatorum contributione notanda est. Dicuntur enim omnia legata ad contributionem dodrantis reuocari. Non videtur legata esse in dodrantem patrimonij, & reuera non sunt. Aliud est enim patrimonium, aliud legata, quæ ex patrimonio debentur. Est igitur hic sensus: Legata omnia reuocari eo, ut contribuatur vsque ad dodrantem, seu vsq; ad dodrantis patrimonij quantitatem: quod amplius est, eatenus minuuntur, pro modo & quantitate cuiusque legati. Hoc autem quomodo intelligendum sit, declaratur dilucide exemplo §. vit. in fin. inst. eod. & in l. in quantitate patrimonij. in fin. ff. eod. Ius ¶ autem Falcidiae portionis detrahendæ, de quo in extremo cauetur, tale est, ut heres hanc possit deducere, nec legitima ea computatione quicquam detrahatur, quamuis quædam legata solida præstita erit: quod sic est interpretandum, siquidem ignoras l. Falcid. locum esse, solida quædam præstiterit. Nam non tantum de his, quæ nondum præstita, deducit, quod dodrantem excedit, sed etiam ea, quæ soluit iam, amplius repetit. l. error. inf. h. Quod si heres sciens quædam soluit in solidum, sensus huius loci est, eam solutionem heredi in reliquis legatis non nocere, quoniam in his Falcidiam detrahat. Nam id, quod sponte amplius soluit, & ob id donari voluit, non repetit, d. l. error. Sed hic locus emendatur in auth. sed cum testator. inf.

Ad L. In testamento. 7.

Idem August. Primo & P. Pomponio.

In testamento quidem militis ius legis Falcidia cessat, sed si ea, quæ ad vos pertinent, defunctus tenuit, bonorum eius videri minime possunt: & ideo recte rationem eorum, ut æris alieni, haberi desiderabitis. PP. Kal. Maii, Alexandro II. & Marcello Coss. 227.

S Y M M A R I A.

1. Heres testamento militis institutus l. Falcidia beneficio non vitur. Limitatur num. 3.
2. Miles hic quis accipiat.
4. Lex Falcidia quibus ex causis cesset, & locum non habeat.

Heres ¶ testamento militis institutus, à quo supra dodrantem legata relicta sunt, legis Falcidiae beneficio non vitur, ut quartam detrahat, sed solida legata præstare cogitur, id est quod hic dicitur, in testamento militis Falcidiam locum non habere. Id sumtum est ex constitutionibus, quibus de testamento militis cauetur, ut quicquid statuerit miles de bonis, id ratum sit. l. i. de testam. milit. l. i. 2. sup. eo. Sed militem ¶ accipere debemus, qui testamentum fecit in expeditione: nam si alibi facit testamentum miles, is quidem recte testatur, etiam si filius familias, qui de peculio castrensi testatur, aut quasi castrensi: sed iure communi testari debet, §. i. inst. de testam. milit. Proinde & in hoc testamento lex Falcidia ex iure communi locum habebit. Hoc est, quod alibi traditur, ad veterani militis testamenta l. Falcid. pertinere, l. ad veterani. ff. eod. Sed ¶ quamuis heres ex testamento militis solida legata præstet, & hæcenus l. Falcid. beneficio non vitur: tamen priusquam legata præstet, æs alienum, & quidem quod sibi à milite debebatur, ante omnia potest deducere, ut hic est scriptum. Et generaliter ita placet, etiam ex militis testamento heredem legata præstare non cogi, ultra facultates patrimonij defuncti, quod patrimonium æstimatur deducit ære alieno. l. sub signatum. §. bona. de verb. sig. Idque ita definitum est in l. i. §. denique. ff. ad Treb. Sed constitutiones superiores obstant, latae de testamento militis, quibus sine exceptione cauetur, ut quod testator statuit, quodque, voluit, id tanquam ius seruetur. Responso additur illis constitutionibus, quod voluit rebus suis, l. i. de testam. milit. Proinde de alieno si quid miles statuerit, ratum non erit, l. cum filius fam. ff. eod. Testabitur autem de alieno, si heres ultra quantitatem patrimonij militis legata præstare cogetur.

Huic rescripto opponitur l. i. §. hoc Senatusconsultum, ad Treb. ubi scribitur: Hoc Senatusconsultum etiam in militis testamento locum habet. Cōstat autem Senatusconsultum Pegasi, cuius auctoritas postea Trebell. est tributa, quartam ex fideicommissio hereditatis detrahi posse, sed quia heres, & §. sed quia stipulationes, de fid.

hereditatib. It. supra scriptis verbis hec sententia exprimitur, etiam in militis testamento quartam ex Senatusconsulto retineri posse, si heres rogatus sit hereditatem restituere supra dodrantem. Nec ad rem pertinet, quod illic agitur de quarta Trebell. quæ ex hereditate deducitur, non de singulis legatis. Nam Treb. nihil est aliud nisi Falcid. quarta, introducta ad exemplum eius quartæ, quæ de singulis legatis detrahatur per legem Falcid. *dict. §. sed quia heredes. Inst. de fideicom. her.* Respond. Si L. i. accipitur ex sententia scriptoris, ut accipi debet, nihil hisce aduerfatur. Nam Vlpianus cum dicit, hoc Senatusconsultum, intelligit SC. Trebell. quod illic interpretatur. Eo Senatusconsulto non cauebatur de quarta detrahenda, sed actionibus hereditarijs, & oneribus in fideicommissarium transferendis, ut SC. refertur in pr. eius legis. Verum est, hoc SC. in omnium testamentis locum habere, quoniam ex omnium testamentis hereditate restituta nihil apud heredem remanet. Postea quarta iusta est detrahi SC. Peg. de quo illic Vlpianus non tractabit, sed tamen postea Peg. auctoritatem tribuit Trebell. quasi ex Trebell. etiam iusta sit detrahi, *dict. §. sed quia stipulationes Inst. de fideicom. hered. secduum quam posteriorem legem sic placet accipi. id. L. i. §. hoc Senatusconsulto. ad SC. Trebell.* Sed tamen ne sic quidem locus aduerfabitur, sed ita interpretandus erit: Hoc Senatusconsultum locum habet in militis testamento; quia locum habet in maxima parte, non in omnib. Habet autem locum in his capitibus, ut heres cogatur hereditatem adire, aditam restituere, & ut restituta hereditate tranfeant actiones in fideicommissarium, sed non etiam, ut quarta detrahatur. L. Falcid. de omni quarta detrahenda, in militis testamento locum non habet. Interim apparet ex hoc loco interdum l. Falcid. cessare, nec quartam ex legatis deduci. Id cum non solum in hac vna specie receptum sit, sed etiam in multis alijs, de quarum aliquibus est cautum in *authent. tribus sequentibus.* non male est factum, ut auctores hoc modo subiicerentur, utroque autem loco admoneremur, ut breuiter proponamus, in quibus causis locum non habeat. Falcidia, id est, in quibus legata non minuuntur l. Falcidia, sed solida præstentur.

Lex Falcidia cessat partim ex priuilegio, partim iure communi. Ex priuilegio in testamentis militum, qui in expeditione sunt testati. Cessat etiam iure communi in testamentis paganorum. Cessat autem aut ex iudicio testatoris, aut ex facto heredis, aut ex cõditione rei legatæ, aut ex cõditione eius, cui relinquitur. Ex iudicio testatoris, si testator non ignarus, qui sit modus patrimonij sui nominatim vetat falcidiam detrahi, *Auth. sed cum testi. to. in prin.*

Ex facto heredis dupliciter, alias propter delictum eius, alias propter solutionem & tacitam quadam repudiationem Falcidiæ. Propter delictum, quoties necessarium non fecit, aut non fecit eo modo, qui præscribitur, de quo cautum est *d. authent. sed cum testator. vers. penult. & vlt.* Propter tacitam repudiationem, quoties ex pluribus legatis, in quibus l. Falcidiæ locus erat, quædam solida præstitit, non ignarus locum legi Falcid. esse. Nam hoc casu, non modo non potest repete, quæ soluit, sed etiam reliquis se in solidum alfringere intelligitur, *d. authent. sed cum testator. vers. 2.* Ex cõditione rei legatæ multis in rebus legatis cessat Falcidia. Hæc autem res numero fere sunt sex: Dos à marito vxori prælegata. Item res vxoris causa emta, paratæ, quæ ei legatæ sunt. *l. si vxor sit uictus. ff. ad leg. Falcid.* Ratio adiecta est, quia hæc potius videantur vxoris antea fuisse, quam ei de nouo legatæ. Item, libertates testamento datæ, *l. si vnuerse, supra, de legat. leg. P. apimianus. §. 4. de inoffic. testam.* Item quicquid filio & similibus personis datur, legatur, ut in quartam iure naturæ debitam habeant. Nam hanc quartam ius est sine vilo onere, & vlla de deductione tribui his, quibus debetur. *leg. quoniam, l. si unus, de inoffic. testam.* Item quæcunque res sint eiusmodi, in quibus quarta deductio heredi sit inutilis: huiusmodi sunt instrumenta prædiorum à testatore legata domino prædiorum, de quo *in l. si prædiorum, inf.* Postremo res omnes ex hac lege legatæ, ne extra familiam legatarij alienentur, *authent. sed & in ea re. inf.* Huius patris ratio deducitur ex prioribus Iustiniani constitutione, qua est cautum, licere testatori Falcidiam prohibere: qui rei legatæ alienationem vetat, quartæ deductionem vetare intelligitur: nam hæc deductio alienatio est.

Ex cõditione eius, cui quid relinquitur, cessat Falcidia in his, quæ ad pias causas sunt relicta, *auth. similiter. inf.* Pietas est erga Deum; ergo omnino causa est pia, quoties his datur legatum, quos Deus suo loco habere voluit. Christus autem denuntiat, quicquid pauperibus & egentibus datum, id pro sibi dato habi-

turum. Proinde recte dicemus, legatum esse ad pias causas, quicquid ministris ecclesiæ, quicquid in alimoniam & sustentationem pauperum, quicquid in redemptionem, & similes causas legatur. Proinde nec de his Falcidiam detrahi posse.

Ad auth. Sed cum testator.

Sed cum testator hoc expressim vetuit, non ignarus quis modus sit sui patrimonij, cessat Falcidia: & si heres in hoc defuncto non pareat, defertur hereditas personis enumeratis sub titulo de legatis & fideicommissis. Itē si heres quædã legata, substantia suæ mensurã subtiliter agnoscens, præstat in solidum: neq. ex his repetitio, nec ex alijs promittitur retentio: nisi inopinatum quid emergat. His cessantibus locus est Falcidiæ, si fiat inuentarium secundum modum tempusq. statutum in additione: Hæc quoq. adhibita obseruatione, ut in presentia omnium ipsius ciuitatis, in qua fiat, legatariorum, aut pro eis agendum, si persona ratio sit habenda, perficiatur: vel si quis absit ex ipsis, aut interesse noluerit, succedat presentia trium testium in idē ipsius ciuitatis locupletum & bonæ opinionis, absq. præiudicio tamē veritatis inquirenda per seruorum questionem & heredis testium, que insurandum, quo non obseruato, solida legata præstet, etsi fines hereditarios excedant. Nulla autem questionum ratiuum vel litium excedat annum. Anno enim culpa heredis transactio cadet à relictis.

S Y M M A R I A.

- 1 Testator an prohibere possit, ne heres Falcidiam detrahat.
- 2 Vnde probetur testatorem patrimonij sui quantitatem ignorasse, vel non: & num. 3.
- 4 Quod de quarta per legem Falcidiam ex legatis detrahenda hic constituitur, an transferri possit ad quartam, quæ deducitur ex Senatusconsulto Trebelliano.
- 5 Inuentarium quibusdam legataris presentibus, quibusdam absentibus, nullisq. in eorum locum adhibitis testibus, confectum, an quo ad presentes sit nullum, & an in etiam solida legata præstanda sint.

Alicere testatori prohibere, ne heres Falcidiam detrahat. Opponitur *lex, quod bonis, §. i. lex, si debitor, D. eod. vbi nominet* cauetur, testatorem posse inhibere deductionem leg. Falcidiæ. Respondeo: Palam est Iustinianum, veterem legem corrigere. Sed obstat ratio legis, *leg. quod bonis, §. i.* Ratio est hæc, Quoniam legibus priuatorum pactis non est derogandum, quam rationem Iustinianus mutare nec voluit, nec potuit, *argum. l. non dubium, supr. de legib.*

Respond. Cum Iustiniani institutione liceat deductionem quartæ prohibere, qui hanc prohibet, non derogat legibus, sed secundum leges facit. Sed eodem modo testator ex hac l. potest prohibere, ne heres, rogatus restituere hereditatē, retineat quartam ex Senatusconsulto, de eo dicitur *l. si vt allegas, inf.* Illud constat, quartam iure naturæ debitam à testatore prohiberi non posse, *leg. quoniam, & leg. si unus, sup. de inoff. testam.* Et merito. Hæc enim diuersæ res sunt: iam l. Falcidia iure ciuili debetur quarta, quæ filijs & similibus personis debetur, etiam natura debetur, *l. vlt. de bon. damnat.* Ciuilia iura ciuilibus mutari possunt, naturalia non possunt, *§. pen. Inst. de iur. nat. gent. & ciuil.* sed addetur cõditio, ut ita testator possit vtiliter Falcidiæ deductionem prohibere, si non ignarus quantitatis patrimonij sui id faciat. Queritur quomodo id constabit? Respond. Hoc ipso præsumitur testator non ignorasse modum patrimonij sui, quod contra non probatur, neque hic petenda probatio *l. quisquis, supr. de res. cond. vendit.* Ex quo loco dubia & infirma probatio est: sed ratio in promptu est: nam cum testator vetuerit Falcidiam detrahi, intelligebatur Falcidiæ locum esse, alioqui frustra vetuisset. Non potuit autem intelligere, se supra dodrantem patrimonij legasse, contra l. Falcid. nisi prius scierit & quantum legaret, & quantum in patrimonio haberet.

Si auctoritas queritur, hæc sententia eidenter probatur Nouell. i. §. hoc vobis. *vers. hæc autem.* vnde hoc fragmentum sumtum est.

Nam Iustinianus illic eum testatorem, qui Falcidia deductionem non prohibet, distinguit ab eo, qui nominatim prohibet, & distinguit ab eo, qui prior videtur ignorasse quantitatem patrimonij sui. Ex quo colligitur, posteriorem à Iustiniano in eo numero haberi, quasi qui quantitatem patrimonij sui non ignoraret, eoque non ignoraret, se supra dodrantem patrimonij sui legare.

Sed quomodo contra prohibetur, testator ignorasse modum patrimonij sui? Ita fieri, si testator quasdam res pro suis habeat, quæ deinde sunt euictæ. Hic euentus declarat illum plus putasse esse patrimonij, quam vere esset.

Deinde ait: Si ex pluribus legatis heres quædam solida præstitit, eum nec de reliquis Falcidiam detrahere posse, quasi vnum præstando heres agnouerit voluntatem defuncti, non in eo tantum, sed in ceteris omnibus legatis. Itaque corrigitur hac parte ius vetus, *l. quod bonis, §. non idcirco, l. si ex pluribus, D. eod. l. in imponenda, in fin. sup. hoc tit.* Et diligenter notandum est ius hic singulare esse, quod non est producendum ad consequentias, *l. quod vero, D. de legib.* Ius hoc constitutum est in legatis, quæ variant, & in portione legitima, quæ ex leg. Falcid. potest detrahi. Proinde in hac solum causa hoc ius obseruabitur. Ceterum generaliter ita definiemus. Quoties plures sunt res indebitæ, si quis vnam ex his soluat, non ideo sibi in ceteris nocet, *l. vi. sup. ne vx. pro mar. l. i. 2. sup. de fideicom.*

Ait in extremo versu: *si quis inuentarium non fecerit, aut non fecerit ad eum modum, qui hic præscribitur, heredem primum Falcidia non usurum.* quod & ante constitutum erat in leg. *vl. §. fin autem, sup. de iur. deliber.* Hoc amplius etiam solida legata præstiturum vltra facultates patrimonij, in quo ius singulare & nouum constituitur. Nam ita ius fuit, & est in reliquis causis omnibus. Legata supra facultates patrimonij à nullo præstari, *leg. i. §. denique, ad Trebellian. l. si vniuersa, sup. de legat. l. successores, infr. h. r.* quod ius sumtum est ex lege duodecim tabularum; qua l. de facultate legandi cautum est, ita vt quisque legare possit, vt velit, dummodo legget & testetur de re sua, *l. testandi, supra, de testam. l. verbis leg. de verb. sign.*

Vnde intelligimus, inuentario ab herede confecto in hac specie superiore, omnia iura & locos corrigi. Neque hoc iniquum est: Constituitur enim coercendi heredis causa, qui non videri potest inuentarij confectioem omisisse, nisi fraudandorum legatariorum, aut fideicommissorum causa, quo facilius possit res hereditarias interuertere.

Hic contra præstitum est, an, quod de quarta, quæ ex legatis detrahitur per legem Falcidiam, hic constitutum est, transferri debeat ad quartam, quæ deducitur ex Senatusconsulto Trebellian. id est, an si heres institutus rogatus sit hereditatem restituere alij, & is inuentarium non facit, aut non eo modo faciat, vt hic præscriptum est, an solidum fideicommissum restituere debeat, nec possit quartam ex Senatusconsulto retinere? Dixeris idem hic statuendum esse, quod quarta, quæ ex Senatusconsulto detrahitur, Falcidia est, aut certe ad exemplum Falcidia introducta. *instit. de fideicom. hered.*

Deinde quia in vtraque quarta non deducenda eadem ratio est, quod scilicet heres inuentarium non facit. In quibus autem causis eadem est ratio, idem ius statuendum est, *l. aliud, ad l. Aquil.* Sed verius est, quod de Falcidia in singulis legatis hic constituitur, ad quartam Trebellian. transferri non debere; quia et si in vtraque quarta, & in facto heredis, par ratio esse videatur, tamen quod hic de quarta legatorum constituitur, aperte ius singulare est, constitutum contrariationem iuris communis. Ius singulare non est producendum ad consequentias, *l. quod vero, l. ius singulare, de legib.* Adde, quod pœna est, quæ hic constituitur aduersus heredem, in interpretatione autem legum pœnæ molliendæ sunt potius, quam exasperandæ, *l. pen. de pœn.*

Ait in versu pen. nullum esse inuentarium, nisi confectum sit, aut præsentibus legatis, aut in locum absentium adhibitis tribus testibus idoneis. Eleganter hic queritur. Quid si inuentarium quibusdam legatis præsentibus confectum sit, quibusdam absentibus, & nullis testibus in eorum locum adhibitis, an etiam quod ad præsentibus legatis attinet, inuentarium nullum erit, & an ius etiam solida legata præstanda sunt? Et hac constitutione efficitur, solida præstanda esse absentibus, secundum verba constituitur omnis, nisi totum inuentarium nullum sit: nam verba de toto inuentario scripta sunt, non de parte inuentarij. Sed humanior est sententia Bartoli, in persona præsentium legatorum consistere inuentarium, ita vt ius solida legata præstari non debeant, sed

solum absentibus, in quorum persona inuentarium non consistit. Ille pro hac sententia recte vitur probatione horum locorum, *l. de vnoquoque, in fin. de re iudic. & l. Falcidianus, §. sed is qui, vers. quid si aduersus, D. quibus ex causis in possess. eatur.* Sed iis etiam locis deficientibus, tamen ratio iuris suadet, eam sententiam recipiendam esse. Nam quotiescunque lex ob certam causam lata est, cessante causa, cessat & lex, *l. quod dictum, D. de pact.* Coercendi autem heredis in hac constitutione causa est; quia legatarios non adhibuit, aut eorum loco testes idoneos. Proinde si adhibuit, & quantum adhibuit, legi locus non est.

Ad Auth. Similiter, ex Nouell. 119. cap. 11

Similiter Falcidia cessat in his, quæ ad pias causas relicta sunt.

SUMMARIUM.

1 An, quod in legato ad pias causas supra dodrantem est, heres de suo prestare debeat, an vero de bonis detrahere possit?

Ait, quod ad pias causas relictum est, solidum dari, nec minui lege Falcid. Queritur, id, quod supra dodrantem est, vtrum heres de suo præstabit, an vero onerabit legatarios, id est, an de bonis detrahi debet. Idem quaerere oportet in omnibus iis rebus legatis, in quibus supra diximus cessare Falcidiam. Et generaliter definiendum est: Quæcunque testamenta relicta solida præstantur, nec minuuntur lege Falcid. ea heres æris alieni loco ante omnia deducere potest, vt sic non cogatur ea de suo prestare heres, sed totum patrimonium minuatur: proinde etiam dodrantem, qui legatis præstari debet, & quartam, quam heres ex reliquis legatis retinere dicitur ex lege Falcidia. Id primum declaratur exemplo libertatum, quæ testamenta relicta sunt. Hæ non minuuntur lege Falcid. *l. si vniuersa, supra, de legat. l. Papinianus, §. quarta de inoff. testam.* Et ob hanc causam ante omnia earum æstimatione deducitur, *§. vlt. Instit. eod.* Præterea, si de aliquibus seruis supplicium sumtum est, si aliqui sint à prætore manumissi; quia in solidum eorum pretia de hereditate subducuntur: ideo etiam placet hæc pretia æris alieni loco deduci, *leg. aru. D. eod.* Proinde non tantum de legato ad pias causas relicto idem dicemus, sed etiam de iis, quæ in legitimam naturæ iure debitam legata sunt. Item de rebus legatis, quæ vitæ sunt alienari, & generaliter de iis omnibus, quas solidas præstandas esse diximus ad leg. in testamento, supra.

Ad L. Irritum, 8.

Imp. Alexander A. Aurelio.

Irritum quidem propterea testamentum fratris tui esse non potest, quod ex causa fideicommissi obligatus fuit, vt, si sine liberis prior decederet, paternam tibi hereditatem redderet. Sed licet te heredem scripserit: in imponenda tamen legatorum ratione, quibus te oneratum esse suggeris, fideicommissum debitum æris alieni loco deduci oportet: in superque in residuo legis Falcidia beneficium vindicabis. PP. Idus Septemb. Maximo II. & Paterno Coss. 234.

SUMMARIUM.

1 Testamentum eius, qui fratri fideicommissum debet, an iure valeat.
2 Legata ex proposito testamento, an solida præstanda sint, non deducto fideicommissio: aut si id detrahi possit, verum debeat in quartam compensari, & nu. 3.
4 Ex dicto fideicommissio quantum fratri debeat.

Pater duobus filiis, quos habebat, heredibus instituit, primo & Aurelio, à primo petiit, vt, si sine liberis decederet, portionem suam hereditatis fratri Aurelio restitueret. Is primus sine liberis decedens fratrem Aurelium sibi heredem instituit, & cum ei integrum fideicommissum hereditatis præstare deberet, multis legatis eum oneravit. Eo mortuo Aurelius fratris hereditatem adiit, legatarij ab eo legata petunt, & petunt sine deductione fideicommissi, quod Aurelio debebatur à fratre defuncto. Aurelius indignatus, se oneratum esse legatis ab eo, à quo integrum fidei-

fideicommissum accipere debebat, primum negat legata debere hac ratione, quia testamentum fratris sui irritum, seu nullius momenti sit. Hoc si verum est, recte colligitur, ex eo legata non debent. Nam ex eo testamento quod iure non valet, quocunque tandem modo fiat, ut non valeat, nihil deberi potest, leg. 3. *supr. de testam. §. vlt. inst. quibus mod. test. infr.*

1 At quomodo dicitur hoc testamentum irritum esse? Et potuit pro hac sententia hæc oratio afferri, quæ ratio fecit dubitationi causam: Quia constat ex l. duodecim tabularum, neminem posse testari nisi de suis bonis, l. *testandi. supra. de testam.* In proposito autem dicitur primus testator de portione hereditatis paternæ restituenda. Hæc non fuit primi, sed Aurelij, cui restitui debuit. Proinde hæc testamento non valet, proinde etiam ius totum non valet.

Hic primo respondetur, non ideo irritum fratris primi testamentum esse; quia is fideicommissum Aurelio debuerit. Nō obstat, quod testator non possit testari de bonis alienis. Nam hic sub tali iure portio hereditatis, de qua restituenda rogatus est, eius fuit, alio qui eam restituere non potuisset. Deinde etsi ea portio non fuit defuncti, attamen quarta eius portionis fuit defuncti: nā hæc ex Senatusconsulto deducere potuit. Postremo ut heres liber & sui iuris testamentum non facere possit, non exigitur, ut aliquid in bonis habeat, sed hoc solum, an habere possit: nam quamuis duplo plus debeat, quam habeat; tamen eo mortuo hereditas eius subesse intelligitur, de qua herede instituire potuit & voluit. Nam heredis verbum etiam damnosam hereditatem continet, & ut alibi scribitur in eandem sententiam, hereditas etiam sine vilo corpore iuris intellectu hunc habet, id est, iure subesse intelligitur. l. *hereditatis appellatio. de verb. sig. l. hereditas. de her. ed. per.* Proinde recte responsum est, testamentum, quod proponitur, non ideo esse irritum; quia testator fideicommissum debuerat.

2 Recte t ergo, ut legata præstentur non deducto fideicommissio, quod Aurelio debebatur, & vtuntur hac ratione. Fideicommissum tuum non est; quoniam non est tibi restitutum, nō potest etiam fieri restitutione; quoniam fideicommissario successisti, ipse tibi fideicommissum restituere non potest, sed confusione obligatio fideicommissi sublata est, l. *debitori. supr. de pact.* Respondent Imp. Sic Aurelium legata præstare debere, ut in patrimonio æstimando, ante omnia deducere possit fideicommissum sibi debitum. Nec obstat, quod fideicommissum eius non est, nec eius fieri potest restitutione; quoniam fideicommissum deducit, non ut suum, sed ut sibi debitum loco æris alieni, quod per l. *Falcid. conceditur*, quotiescunq; l. *Falcid. ratio ponitur*, id est, cum quaeritur, an legata dodrantem patrimonij excedant, & id patrimonium quantum sit.

3 Si t igitur fideicommissum deduci potest, saltem hoc postulant legatarij, ut de reliquo patrimonio Aurelij quartam non detrahatur, sed fideicommissum, quod deduxit, compenset in quartam. Respondent Imperatores, id repugnare l. *Falcidia*; secundum quam in patrimonio æstimando antea deducitur æs alienum. In eo autem, quod reliquum est, ita ratio subducitur, ut eius reliqui quarta apud heredem manere debeat, dodrans præstari legatariis. Proinde idem & in proposito fiet; §. *vlt. inst. eod.*

4 Sed quaeritur, quantum in fideicommissio debeatur Aurelio, ut ipse id detrahere possit æris alieni loco? Respond. Ius certum est, tantum ei deberi dodrantem eius portionis, quam frater rogatus est ei restituere, quarta ipso iure ei non debetur, sed minuitur per leg. *Falcid.* ac proinde Senatusconsultum, quod ad exemplum leg. *Falcid.* introductum est, leg. *in quantitate*, §. *vlt. D. eodem.*

Ex his apparet, Aurelium in hac deductione simul habiturum & fideicommissum, quod ei relictum est, & præterea reliqui patrimonij quartam, neque fideicommissum in quartam Falcidiam imputari. Quod tamen sic accipiendum est, nisi frater, idemque fideicommissarius debitor iussisset, ut frater Aurelius fideicommissum cum quarta compensaret; quo casu ab initio æstimabitur patrimonium deducto fideicommissio, & totius patrimonij quartam retinebit Aurelius. Hanc quartam compensabit Aurelius cum summa fideicommissi, si quid in fideicommissio amplius est, id de reliquo dodrante detrahet. Hæc sententia Papin. est in l. *quod bonis*, §. *cum fideic. D. eod. Eodem pertinet*

l. *si deb. D. eod.*

* *

*

Ad L. Error. 9.

Imper. Gordianus A. Mestriano.

Error facti quarta ex causa fideicommissi non retentare petitionem non impedit. Is autem, qui sciens se posse retinere, uniuersum restituit, conditionem non habet: quinetiam si ius ignorauerit, cessat repetitio. PP. 15. Cal. Nouemb. Pio & Pontiano. Coss. 239.

S V M M A R I A.

- 1 Si heres, quod vltra dodrantem legatum est, soluerit ut debitum, an id repetere possit. Distinguendo respondetur, & num. 4.
- 2 Per errorem facti solvere quis dicatur.
- 3 Heres quibus ex causis ignoret, supra dodrantem esse legatum.
- 5 Heres sciens legata dodrantem patrimonij excedere, si in iure errat, & legata solida præstet, an per errorem solutum repetere possit.

Q uod supra dodrantem legatum, id ex l. *Falcidia* indebitum est, & citra controuersiam retineri ab herede potest, & si id non habet, potest ab eo vindicari. Quod t si heres id soluerit tantum debitum, questum est, an possit repetere. Hic vtilis distinctio traditur, non ad hanc speciem tantum pertinens, sed omnem indebiti soluti repetitionem. Est autem hæc: Si heres per errorem facti soluit, semper repetit, idem in l. *fideicommissum. l. si per ignor. supr. de cond. indeb.* Sin aliter soluit, nunquam repetet, quamuis soluerit indebitum. Per errorem t facti solvere intelligitur, qui putat supra dodrantem non legatum esse, id est, qui putat nō esse factum id, propter quod legatum erat indebitum. Nam cum supra dodrantem legatum est, eo fit, ut quod supra dodrantem legatum est, sit indebitum. Id t autem ignorat heres factum esse, duab. de causis, vel quod legata tantum apparent testamento relicta, quæ vere dodrantem non excedebant: erant autem alia multa relicta codicillis, codicillis autem latebant, qui postea emerterant. Idem etiam contingit hoc modo, si heres nouerit, quantum legatum sit, sed multo amplius patrimonium esse putet, atq; est, id est; quia ignorat æs alienum, quod postea multo plus emerfit. Si in hac ignorantia vel legatorum, vel patrimonij heres legata soluit, quod patrimonij dodrans ad ea soluenda satis esse putaretur, errore facti soluit, ideo repetet; quoniam cum tanquam debitum soluerit, sub contraria conditione non soluisse intelligitur, arg. l. *quibus diebus*, §. 2. *de condit. & demonstr.* Vnde conditio, actio in personam §. 1. *inst. quib. modis re cont.*

Quod t si heres sciuit supra dodrantem patrimonij vere legatum esse, & sciuit l. *Falcidia* uti posse, ac nihilominus solida legata soluit, non repetet; quia qui sciens se non debere, soluit, donat, l. *cuius per errorem, de regul. iuris.* Donati nulla repetitio est, l. *si rependi, supr. de condit. ob causam*, leg. 2. *& tot. tit. de reuoc. donat. infra.* Quod t idem heres sciuit legata, dodrantem patrimonij excedere, sed in iure errauit, id est, homo imperitus iuris, & nesciens, an vlla sit lex *Falcidia*, aut quid contineat, putauerit se secundum voluntatem defuncti solida legata præstare debere, quaeritur, qui in hoc errore soluerit, an possit repetere? Mouet, quod non magis hic eo animo est, ut soluat, quam is qui in facto errat, ut si erranti in facto conditio competat ex tacita conuentione, consequens esse videatur, etiam in iure erranti dandam esse. Sed placuit erranti in iure repetitionem non dari, ut hic & l. *cum quis supra. de iur. & fact. ignor.* Ratio hæc est; quia absurdum putauerunt iuris auctores, meliori conditione esse stultos, quam peritos & stultos vocant eos, non qui ius ignorant, sed cum ignorant, peritos non consulunt, l. 4. *l. regula, cir. fin. de iur. & fact. ignor.*

Ad L. Quaquam. 10.

Imper. Gordianus A. Diogenio.

Quaquam pater tuus fratrem tuum rogauerit ut si sine liberis diem suum fungeretur, portionem hereditatis tibi restitueret: tamen intestato eo diem suum functo, id, quod beneficio legis Falcidia habere potuit, ad successorem intestati pertinere: iudeoq; non immerito sororem tuam, quæ simul tecum ab intestato ei successit, emolumentum, quod retinere potuit, portionem sibi vindicare, manifestum est. PP. 5. Idus Non. Gordiano A. II. & Pompeiano Coss. 242.

S V M -

S V M M A R I A.

- 1 *Species huius legis.*
 2 *Soror an totam portionem paternam restituere fratri debeat, an non possit eius portionis, quæ ad eam peruenit, quartam retinere.*
 3 *Frater defuncti quantum de portione hereditatis paternæ, quam restituere rogatus est, suo iure detrahere possit, & num. 4.*

EX duobus filiis à patre heredibus institutis, vnus rogatus est, vt sine liberis decederet, portionem hereditatis paternæ fratri suo coheredi restitueret. Is, qui rogatus erat, decessit sine liberis, & ita factus est locus fideicommissi. Sed decessit intestatus: intestato duo heredes exstiterunt, frater alter, quem coheredem esse dixi, & soror demortui, quæ & ipse habebat. Certe iuris est, in successione ab intestato hereditatem intestati diuidi ex æquo inter duos istos heredes legitimos, & in ea hereditate etiam contineri portio hereditatis paternæ, quam alteri fratri restituere debebat. Nam priusquam restituta sit, manet in bonis eius, qui restituere debuit, & quia manet, cõsequens est, ad heredes eius pertinere. Huius igitur portionis pars ad sororem iure pertinet. Sed quoniam heredes in æs alienum defuncti succedunt pro portionibus hereditariis, *leg. 2. l. vt debetur supra, de heredis. actioib.* eo fit, vt soror in proposito portionem eius portionis hereditatis paternæ, quæ ad eum peruenit, restituere debeat fratri suo, tanquam debitum à defuncto.

In hac restitutione quæritur, an soror totam eam portionem paternam restituere fratri debeat, an nõ possit eius portionis, quæ ad eam peruenit, quartam retinere? Frater petebat totam eam hereditatis paternæ partem, & negabat sororem posse inde quartam deducere. Et videtur ei ratio non deesse; quia quarta ex Senatusconsulto tribuitur heredi instituto, qui restituere rogatus est, *sed quia. Instit. de fideicommiss. hered.* Hæc autem soror nec est ea, quæ rogata est, sed frater eius defunctus. Porro is, dum vixit, quartam non retinuit, proinde non soror retinere debebit. In hac quæstione hic respondetur, quemadmodum frater defunctus quartam retinere poterat, sic & eius heredes legitimos de fideicommissio eo similiter quartam retinere posse. Proinde & hanc sororem pro sua portione posse quartam retinere. Hoc respondetur ex conditione & iure heredum. Nam heres eiusdem iuris est, cuius & defunctus: heres in omne ius defuncti succedit, *leg. hereditas. de regul. iuris. leg. heres in omnia de acquir. heredit.* Hinc introducit hoc loco quæstio, quantum frater à defuncto de portione hereditatis paternæ, quam restituere rogatus est, possit suo iure detrahere: Et hic Accursius scripsit: Quoties filius heres à patre institutus, rogatus est portionem hereditatis alij restituere, posse filium, itemque heredes eius deducere duas portiones. I. Portionem legitimam, quæ filio in bonis paternis debetur, quæ olim erat quarta, nunc ex constitutione Nouell. triens, aut semis pro numero liberorum, *§. i. Authent. de triente & semisse.* Deinde hac portione detracta, quæ ab initio detracta intelligitur, dum filius adhuc viueret, in reliquo patrimonio ita fideicommissa, aut legata inde præstare, vt eius reliqui quartam habere debeat filius, aut heres eius. Quod reliquum est dodrantis, restitui debeat vel legatariis, vel fideicommissariis, de qua sententia paucis nobis cognoscendum est.

Si de iure civili quæritur, dubitari non debet, si filius rogatus restituere hereditatis paternæ portionem debeat esse contentus portione legitima, quæ debetur filiis, quæ olim fuit quarta, *leg. Papinianus §. quarta. Digest. de inoffic. testam.* nunc triens, ex Nouell. *Instit. de triente & semisse, §. i.* & hac deducta, quin non possit amplius habere ex Senatusconsulto quartam Trebellian. Hæc sententia multis argumentis confirmari solet, sed magna ex parte infirmis. Hæc, quæ subiticio, certa sunt, & esse debent ex omnibus. Primum, expressum est in *leg. subemus. supra ad Trebellian.* vbi filius rogatus est, est iure portionem hereditatis paternæ fratribus suis, & nominatim constituitur, eum retenta quarta ex Senatusconsulti auctoritate, dodrantem illius portionis paternæ restituere cogendum. Non restitueret dodrantem, si amplius aliam quartam retineret. Sed certius est expressa eadem sententia in Nouell. *39. de restitut. & ea, quæ parit in 11. mens. §. quamobrem.* vbi canetur diserte, si pater velic à filio hereditatem suam restitui, filium imprimis habere debere trientem hereditatis paternæ; ex qua filius est institutus, reliquum totum restituere debere, nec posse quicquam filium ex eo retinere, si triens, quem habet sufficiat ad dotem, aut donationem propter nu-

ptias, de eo, quod restat, detrahi posse. Ex quo perspicuum est, si filius aut nullam dotem, aut donationem propter nuptias habeat, aut debeat quidem, sed portio legitima ad eas res præstadas sufficiat, nihil filium præter trientem retinere posse. Et in summa, si quid filius præter trientem retinere potest, id non est quarta ex Senatusconsulto, sed dos, dixi, aut donatio propter nuptias, ad quas præstadas triens sufficiat.

Sed vt hæc auctoritates certorum locorum nos deficiant, hæc sententia diserte probatur, ratione sumpta ex leg. Falcid. & Senatusconsulto Trebellian. Certum est, heredem, qui quartam hereditatis habet, vel iure hereditario, vel iudicio testatoris, quartam ex Senatusconsulto retinere non posse, quia habet, *l. i. vers. secundum cap. leg. quod supra. ad leg. Falcid.* At filius à patre heres institutus, qui trientem iure naturæ debitum retinet, is non solum quartam habet, sed amplius etiam vnam vnciam, proinde quartam ex Senatusconsulto amplius retinere non potest: Filium autem heredem institutum certum est eum trientem, quem retinet, habere, & iudicio defuncti, & iure hereditario. Nam non solum illi hereditas iudicio defuncti delata est, sed etiam ita delata est, vt esset heres, & cum trientem retinet, non retinet, nisi iure hereditatis, quia Senatusconsultum facit, vt non videatur si ius de eo triente restituendo rogatus esse, non saltem de quarta restituenda, quoniam legatum & fideicommissum per legem Falcidiam ipso iure minuitur, vsque ad quadrantem hereditatis, *l. in quantitate patrimonij, §. vlt. Digest. ad leg. Falcid.* Veruntamen contraria sententia suos defer. sores & assertores habet. Non dubium est, quin confirmata sit iure. Pontificio, quæ sententia existat Innocentij in cap. *Raynuvius. de restam.* Non desunt tamen, qui eam sententiam iure civili probari putent, in quibus est Accursius ad legem hanc. Qui duobus vitur argumentis, sed friuolis.

Accursius sic argumentatur. Triens natura debitus filio non potest fideicommissio onerari, quia de legitima omne ius & grauamen inducitur, *l. quoniam in prioribus. leg. scimus, de inoffic. testam.* Cum ergo filius heres institutus rogatus est hereditatem paternam restituere, perinde est, quasi de triente natura debito restituendo rogatus non esset. Ex quo colligit de reliquo patrimonio restituendo filium rogatum videri, proinde & eius patrimonij reliqui quartam retinere non posse.

Res, odoe, Vitiosissime colligit: Nam & cum heres extraneus oneratus est legatis supra dodrantem. Item, cum rogatus est hereditatem restituere, vt etur de quarta parte hereditatis nihil à testatore constitutum: nam hæc quarta retinetur ipso iure, quasi nec legata, aut fideicommissa esset, *dist. lege. in quantitate. §. vlt. Dig. eodem.* Et tamen cum heres hanc quartam habet, de reliquo dodrante deduci nihil potest. Præterea hoc argumentum aduersus auctores facit, sic enim colligi debet: Cum filius rogatus est portionem hereditatis restituere, non videtur rogatus de triente restituendo. Ergo eum trientem filius solus habet: si habet, cõsequens est eum amplius quarta hereditatis cõsequi non posse, qui quartam habet, & amplius. Deinde Accursius argumentum ducit ex *l. quous, Dig. eod.* vbi si quid legatum sit ei, qui capere non poterat & contributis omnibus legatis reperitur supra dodrantem legatum esse, placet in hoc legato, quod non capienti relinquitur, sic poni rationem l. Falcid. vt primo heres portionem Falcidiæ ex hoc legato detrahat, deinde ex reliquo dodrante eius legati detrahat eam portionem, quam legatarius capere non potest. Respondeo: Exemplum ad rem plane nihil pertinet. Nam hoc exemplo heres non retinet, nisi vnã quartam, quæ ex l. g. Falcidia ei debetur. Quod amplius retinet ex dodrante, non sibi, sed fisco retinet. Deinde non retinet, tanquam sibi debitum, sed tanquam ei legatum.

Multæ præterea rationes ab alijs in hanc sententiã colliguntur. Sed omnes eiusmodi, quæ nullo negotio refelli possunt. Vna est tamen ratio pro ea sententiã, quæ magni in speciem veri, & æquitatis habet. Ea nobis erit vna pro omnibus. Est autem hæc: cum heres rogatus est restituere hereditatem, sic ratio l. Falcidiæ, ponitur certo & explorato iure, vt heres rogatus ante deducat, quod sibi à defuncto debebatur, quod reliquum est patrimonij, id solum patrimonium defuncti esse existimatur. In eoque id obseruatur, vt heres eius reliquum partem habere debeat, reliquum dodrantem præstare legatariis, aut fideicommissariis, *leg. irritum, supra. h. §. vlt. Instit. ad leg. Falcid.* At triens & tota ea portio legitima, quam filius, vt filius habere debet, est debitum filij, quod à patre filio debetur, & quidem iure naturali, vt proban-

Præbatur in leg. vlt. de bon. damnat. in Nouell. de hered. & Falcid. §. patrimonium itaque.

Proinde, cum filius institutus rogatus erit restituere paternam hereditatem, secundum regulam supra scriptam, ante omnia deducere debet trientem sibi natura debitum; deinde in reliquo ita ponitur l. Falcidia, vt ex eo reliquo quartam retineat, & quod reliquum est dodrantis, fideicommissario restituat. Hæc ratio infirmari non potest, si statuimus trientem legitimum, qui filio debetur, esse ex numero reliquorum debitorum hereditarium. Sed hic respondebitur recte ex iure ciuili, quod dicitur in ratione leg. Falcidiæ ineunda aut deduci æs alienum, quod heredi debetur, id intelligendum est, si quod sit debitum, vt à defuncto, aut herede debeat. At si est aliquid, quod tribuatur iure heredi, non à persona defuncti, aut hereditatis, id ante omnia non deducitur, aut si deducitur, ex reliquo patrimonio nihil deducitur amplius. Argumentum est certissimum quarta, quæ ex l. Falcidia debetur: item quæ ex Senatusconsulto debetur. Nam hæc l. quoque & Senatusconsulto debetur, iidem vt portio legitima debetur lege naturæ liberis, & tamen cum heres hanc quartam semel deducit, quæ ex legibus & Senatusconsultis debetur, in reliquo dodrante nihil amplius deducere potest.

Veruntamen ad hanc responsum hoc referri potest diuersam esse causam quartæ, quæ ex l. Falcidia retinetur, & portionis legitimæ, quæ filio debetur. Nam quarta Falcidiæ tantum iure ciuili debetur: portio debita liberis naturali ratione debetur, & legibus naturæ, vt consequens sit, plus in ea debitum esse, quam ceteris, dict. leg. vlt. de bon. damnat. Et verisimile est hac ratione morum Innoc. superiorem sententiã comprobasse in d. c. Raynutius. Et certe si hoc conceditur, portionem legitimam, quæ debetur liberis, vere debitum esse patrimonium, nihil causæ dici potest, quin prius hunc trientem filius retineat, tanquam æs alienum. In reliquo autem patrimonio recte retineat ex d. l. irritum, supra.

Sed & eadem principio posito argumenta, quæ in priorem sententiã afferbantur, facile diluuntur. Non obstat, quod dicitur filium rogatum restituere portionem hereditatis paternæ, restituere debere dodrantem eius hereditatis, deducta solum quarta, l. iubemus, supr. ad Trebell. & similibus locis. Fatebimur enim hoc ita esse, led respondebimus, portionem hereditatis paternæ æstimandam esse deducto prius ære alieno, quod filio debetur. In eo autem ære esse trientem filio natura debitum in successione patris. Hoc triente deducto æris alieni loco, quod supererit, erit hereditas paternæ, cuius detracta quarta dodrantem restituere cogetur.

Non obstat etiam, quod dicitur, heredem, qui quartam hereditatis habet, non posse quartam ex Senatusconsulto, aut l. Falc. retinere; quia habet, quod petit. Hoc enim ita est, si heres quartam habeat iure hereditario, aut iudicio defuncti, l. in quartam, D. eod. At portio hereditatis debita, id est, triens ille, de quo loquimur, non accipitur à filio iure hereditario, aut iudicio defuncti, sed tanquam debitum. Iterum in eadem causâ haberi debet cum reliquis, quæ filio debentur, vt scilicet in æstimando patrimonio defuncti patris hoc debitum ante omnia deducatur. Deinde quod super sit existimetur esse hereditas patris. Non accipi autem hunc trientem iure fideicommissario, aut iudicio defuncti, sed tanquam debitum, argumento est, quod filius idem haberet ab intestato, & multo plus. Non obstat etiã, quod quidam obijciunt: Natura absurdum esse, vt duæ quartæ dicantur ex eadem hereditate detrahi posse, & nihilominus his detractis, dicatur dodrans restitui.

Facilis enim hic responsio est, admissa ea ratione, quam supra posuimus. Nam triens natura filio debetur, non vt quarta hereditatis deducitur, sed vt æs alienum, ita vt filius deducendo trientem æris alieni loco, & ex reliqua substantia detrahendo quartam, intelligatur vnã tantum quartam habere hereditatis paternæ, sed quæ æstimata sit prius deducto ære alieno.

Quid igitur in hac varietate iuris nobis sequendum est? Respondeo, Melius est, eam sententiã sequi, quæ confirmata est in cap. Raynutius, de testam. Idque his de causis. Primo, quia præterquam, quod confirmata est eius capit. auctoritate etiam in vlt. & foro ita obtinuit, vt vere vbique feruetur. Quæ ex re fit, vt sit multo tutius, non se vexare inanibus sumptibus aduersus eam sententiã. Deinde; quia etiam hæc sententiã non esset ex iure ciuili: tamen non eo minus æqua & benigna est, & benignior, quam prior. Nam ea demum sententiã benignissima

& æquissima putanda est, quæ naturæ rationem & legem sequitur, leg. penult. Dig. de iustis. & iur.

At ratio naturalis, tanquam naturæ lex tacita, successione, parentum liberis tanquam debitam tribuit, vt est in l. vlt. de bon. damnat. Proinde ea sententiã æquissima iudicanda est, quæ parentum hereditatem quam maxime & prolixissime liberis retinet, qualis est sententiã superior de triente non debito prius deducendo, deinde de quarta reliquæ sententiæ detrahenda. Postremo etiam ex ratione ciuili ea sententiã admittenda est. Et si enim non sit explorati iuris ciuili ea sententiã, sed multa contra ex iure ciuili dici possint; Tamen superior ratio, quarta pro ea sententiã adduximus, hoc saltem facit, vt res in dubitationem, & ambiguitatem reuocetur. In omnibus etiam iure ciuili placet benigniorem sententiã præferendam esse, l. si fuerit legatum, in fin. de reb. dub. l. semper in dubis, de reg. iur. Ea autem sententiã humanior & benignior est, quæ pro liberis facit.

Hac sententiã admissa propter eam rationem, quæ supra adduximus, dicendum est non tantum filium, qui rogatus est, restituere portionem hereditatis paternæ, posse ita deducere trientem, vt supra dixi, deinde reliquæ substantiæ quartam, tunc, cum rogatus est hereditatem restituere, sub conditione, si sine liberis decesserit, vt Accursius existimauit, hoc loco: sed etiam filio rogato idem tribuendum esse, etsi rogatus sit pure portionem hereditatis paternæ restituere, contra distinctionem Accursii hoc loco. Nam semper verum erit filium rogatum posse deducere trientem, vt sibi natura debitum, quo deducto, consequens erit reliquum patrimonium ita posse restitui, vt inde filius possit deducere quartam ex Senatusconsulto, l. irritum, sup.

Hac sententiã quæritum est, quatum in duabus illis deductionibus, quas filio tribuimus, filius deducere debeat, & de triente conuenit inter omnes, tunc ex tota hereditate detrahi: de quarta quæ amplius ex S. C. deduci debet, quæritio est: quidam putant præter quatuor vncias hereditatis, quas filius iam retinuit, habere eum debere eiusdem hereditatis vncias tres, vt sic totius hereditatis, ex qua institutus est, habeat 7. vncias, quinque tantum restituat. Sed hæc sententiã merito displicuit, quia triens, qui primus deducitur, non vt quarta deducitur, sed vt æs alienum & debitum filij, secundum quam sententiã huius deductionis ratio ita ineunda est ex sententiã l. irritum, sup. Filius ante quatuor vncias hereditatis deducit: id quod reliquum est, diuidetur in duodecim vncias, ex quibus filius tres accipit, reliquum dodrantem restituit. Aut quod idem est, deductis quatuor vncijs, ex tota hereditate, relinquuntur tres hereditatis, id est, 8. vnciæ, ex quibus filius quartam partem tantum habebit, id est, duas, vt sic ex tota hereditate auferat 6. vncias tantum, nõ septem. Neque nos mouere debet ratio eorum, qui 7. vncias filio tribuunt. Dicunt enim, filio tribuendam esse quartam totius portionis paternæ. Portio autem quarta totius hereditatis paternæ non sunt duæ vnciæ, sed triens. Respondemus enim verum esse, filio tribuendam esse quartam totius portionis paternæ. Sed iam diximus, hanc portionem paternam, non æstimari computato adhuc triente, qui natura filio debetur, sed computato triente ante deducto, vt ære alieno, quod reliquum est, id totam portionem paternam existimari debere.

Ad L. Si vt allegas. 11.

Imp. Gordianus A. Maximæ.

Si (vt allegas) pater tuus eam portionem, ex qua te facit heredem, fratribus tuis restituere iussit, certisq. speciebus pro Falcidia præceptis esse contentam: auxilium legis Falcidia, quod imploras, apud suum iudicem non prohiberis flagitare. PP. 7. Kalen. Nouemb. Arriano & Pappo cons. 244.

SUMMARI A.

- 1 Filia heres instituta & rogata restituere portionem paternam fratribus, quartam ita retinet, vt testator prohibere non possit, quo minus retineat.
- 2 An idem post contrariam Iustiniani constitutionem locum habeat.

Filia à patre instituta, & rogata restituere portionem paternam fratribus, quartam ita retinere potest, vt testator prohibere non possit, quo minus eam retineat, siue in totum prohibeat, siue

Ad L. Sica. 13.

Idem AA. & CC. Zetho.

Sica, cuius filium tuum seruum significas, ex iudicio defuncti, quam dicitis fideicommissariam libertatem ei reliquisse, aliquid consecuta est: ad restituendam fideicommissariam libertatem non immerito obnoxia constituta debet urgeri. Nam fideicommissum ei relictum usque ad eum modum potest petere, quem deducto pretio seruorum, quos fuerat rogata manumittere, relictorum substantia patitur. S. s. Kalend. & May, Heraclia, AA. Coss.

S V M M A R I A.

- 1 Titia rogata, ut seruos per fideicommissum sibi relictos, & amplius seruum quendam proprium manumittat, an fideicommissio agnoscenda sit manumittere.
- 2 Quatenus seruos sibi legatos petere possit.
- 3 Error interpretum huius loci notatur.

Testator seruos quosdam suos per fideicommissum legauit Titiae, & rogauit eam, ut seruos manumitteret, hoc amplius, ut manumitteret seruum quendam suum proprium, qui erat filius naturalis Seij, cuius ad consultationem hoc rescriptum relatum. Titia fideicommissum seruorum agnouit, neque postea seruum suum proprium manumittit, ut rogata erat manumittere: urget pater naturalis Seius, ut manumittat.

Quaeritum est, an debeat manumittere? Nam videbatur cogenda esse manumittere. Nam qui ex testamento defuncti nihil accipit, ab eo nihil relinqui potest, §. i. *Inst. de sing. reb. per fideicommiss. rel. l. ab eo. sup. de fideicom.* Hæc autem mulier ex testamento capere nihil videtur. Proinde rogari non potest, ut quicquam præfereat. Non videtur autem eam quicquam capere, probatur ex definitione capiendi. Nam capere non est manu capere tantum, sed cum effectu, id est, capere, ut maneat. Capere enim, quod restituere opus habet, non est capere, *l. aliud est capere. de verb. sign.* In proposito autem mulier seruos per fideicommissum relictos ita capit, ut debeat manumittere. proinde capere non videtur. Quare nec propter id fideicommissum, quicquam ab ea relinqui potest, ultra seruos legatos. Hic respondetur eam manumittere cogendam seruum, quæ seruos per fideicommissum relictos agnouit, etiam si eos manumittere sit rogata. Et recte respondetur, & secundum regulam eam, quæ obitare videbatur. Nam etiam si seruos relictos manumittere debeat; tamen non eo minus in his aliquid capere intelligitur. Nam manumissos habitura est libertos & ita consecutura in his ius patronatus. Quod ius hæc comoda secum affert, obsequium a libertis debitum, operas item officiales, & præterea ius succedendi liberti ad eum modum, qui constitutus est legibus. De obsequio est *sub tit. de obseq. à libert.* De operis est *sub tit. Inst. de success. libert.*

Hinc colligimus: quicquid est, quod ad aliquem pertinet testamenti, id eiusmodi esse, ut qui in eo voluntatem defuncti agnouit, cogendus sit, seruum, atque adeo seruos suos manumittere, quemcumque ab eo testatore manumittere est rogatus, etiam si serui manumittendi multo sint plures, quam id, quod accipitur; quoniam legatarius voluntatem defuncti agnouit etiam in minimo relicto, non videtur seruos suos pluris manumisisse, *l. sed si non seruus. D. eod. l. generaliter, §. si quis alienum. l. si debitor, de fideicommiss. libert.*

Quaeritum est amplius, quatenus Titia legataria possit petere seruos sibi legatos, quos manumittere rogata est? Respondetur, eam petere posse ad eum modum, quem relictorum substantia patitur, id est, potest petere fideicommissum horum seruorum in solidum. Et hoc est, quod dicitur, *l. Falcidiam non minueri libertates. l. si vniuersa. sup. de legat. l. Papin. §. 4. D. inoffic. testam.* Serui autem in proposito per fideicommissum relictos, sunt relictos manumissionis causa, proinde in solidum præstantur, *l. in testatorum §. 4. & l. seq. D. eod.* Sed additur in hoc rescripto ita præstare solidum hoc fideicom. ut antè deducantur pretia horum seruorum, quos Titia manumittere rogata est, quod fit ex verbis *l. Falcid. ex qua patrimonium aestimatur, deductis prius pretiis seruorum manumissorum, §. ult. Inst. h.*

Vulgo grauer erratur in interpretatione huius loci, quod fideicommissum hoc, cuius hic fit mentio, interpretarentur fideicommiss.

siue pro ea quarta aliquid filiae attribuerit, ut hic. Non quod non debeat in quartam impurari id, quod à defuncto tribuitur, *l. in quartam. ff. eod.* sed quod si id ad quartam non sufficit; possit filia, quod amplius est, ex Senatusconsulto deducere, vel petere, quod Senatusconsultum hic appellatur Falcidia, quia Senatusconsulto permissum est, ut quarta ex fideicommissa hereditate ita deducatur, ut per *l. Falcidiam de legatis deducere concessum est, ut docuimus ad l. iubemus. sup. ad Trebel.* Hæc sententia ex iure veteri certa est, quo iure testator contra *l. Falcidiam* non potuit cauere, ne quarta portio hereditaris ad heredem maneret, *l. quod bonis. §. 1. l. si debitor. D. eod.* Quid si dicemus hodie, post constitutionem Iustiniani, qua cautum est, licere testatori prohibere, ne portio ex *l. Falcidia* deducatur. *Auth. sed cum testator. sup. eod.* Respond. si hanc quartam intelligimus eam portionem, quæ filiae natura debetur ex successione patris, hanc testator prohibere non potest. *l. quoniam in prioribus. l. Scimus. sup. de inoffic. testam.* Nec constitutionem nouam Iustiniani ad eam portionem pertinet. Hæc enim portio, ut natura iure debita deducitur, non ex *l. Falcidia*. Deinde eadem *Nouella, de hered. & Falcid. §. pen. declaratur*, liberum non posse testamento suo prohibere, quominus patronus quartam sibi debitam habeat. Plus autem iuris est filiis in ea portione, quæ illis in successione patris natura debetur. Quod si præter hanc portionem filia etiam deducere volet de reliquo patrimonio quartam, ex Senatusconsulto, ut facere posse eam diximus, ex *c. Raynuitus. de testam.* puto patri licere ex Nouel. constitutione hanc quoque quartam partem prohibere.

Non obstat, quod Nouella constitutio scripta est de Falcidia prohibenda, hic autem agitur de quarta Trebell. nempe quæ ex fideicommissa hereditate deducitur. Esi enim verum est, quod in prioribus legibus nominatim correctum non est, id posteriorum legum regalis permittendum esse. *l. precipimus. in si. inf. de appellationib.* tamen verbo Falcidiae, quo Nouella vititur, satis continetur quarta, quæ retinetur ex Senatusconsulto. Nam & hæc Falcidia appellatur nominatim in hac *litem in l. iubemus. sup. ad Trebel.* de quo illic plura. Deinde ratio Iustiniani in Nouel. constit. cur velit, posse prohiberi deductionem Falcidiae, est hæc, ut voluntas defuncti conseruetur, *d. Nouell. §. hinc nobis.* Hæc ratio pariter in quarta Trebellian. locum habet. Postremo maior causa est, cur testator possit deducere quartam Trebell. quam quartam Falcid. quæ deducitur ex singulis legatis. Nam Falcidiae quarta prohibita, licet heredi hereditatem non adire, Trebelliana etiam prohibita, non licet heredi hereditatem non adire. Qui quis enim heres rogatur restituere hereditatem, is etiam adire cogitur & restituere, ut *sup. tit. dixi.* Multo igitur facilius, & huius deductio prohiberi potest à testatore.

Ad L. 12.

Impp. Dioclet. & Maximianus AA.
Iustino

In donationibus inter virum & uxorem factis legem Falcidiam habere locum, quando fideicommissi partibus funguntur nonnullis, iuris placitis comprehensum est. PP. 16. Kal. Iul. ijsis AA. IV. & III. Coss. 290.

S V M M A R I V M.

- 1 Donationes, quæ inter presentes facta morte solum testatoris confirmantur, vicem legatorum obtinent, & in ius Falcidiae locum habent.

Quæcumque sunt donationes inter presentes facta morte solum donatoris confirmantur, hæc vicem legatorum obtinent; quæ & ipsa solum morte confirmantur. Eadem ratione fit, ut in iis donationibus, itidem, ut in legatis, Falcidia locum habeat, id est, hæc donationes in numero legatorum computentur, cum quaritur, quantum legatum sit, & an legatum sit supra dodrantem. Item ut ex iis, tanquam ex legatis deduci possit, quod dodrantem patrimonij excedit, ex *l. Falcidia*. Exemplo est donatio causa mortis, de qua *in l. si mortis. infr.* item donatio inter virum & uxorem, de qua *h. Huiusmodi donationes ipso iure non valent. l. 1. 2. 3. de donat. inter vir. & vxor.* Sed tamen nisi à donatore reuocatae sint, morte eius confirmantur, *l. cum hic status, §. 1. de donat. inter vir. & vxor.* Vnde & *l. Falcid. locus ut ibi bidem scriptum est.*

commiffum pecuniatum, feu pecuniam relictam Titiae eo modo, vt feruum fuum manumitteret, & praeterea ex eo pretio alios feruos redimeret, quos rogata eft manumittere.

Primo de feruis alienis redimendis nullum hic verbum eft, deinde pecuniam effe relictam in hoc, vt legatarius aliquos manumittat, Falcidia non patitur, id eft, non praestatur ad eum modum, quem bonorum substantia patitur, fed quem dodrantis substantia patitur, *d.l. in testatoris, & l. seq. eo.* Quod eft conueniens verbis huius refcripti.

Ad L. 14.

Idem AA. & CC. Faustinae.

Licet adieris patris hereditatem, & confusione pro parte, qua eidem successeris, extingatur actio, quam tibi adieris competere, eo quod ex administratione tutela, multa eum debuisse contendis: pro residuis tamen partibus coheredes conuenire non prohiberis: & fundum a te relictum, eatenus, quo ad deducta quarta residui substantia patitur, praestare necesse habes. Dat. 6. Kalend. Octob. Viminacj. AA. Coss.

S Y M M A R I V M.

1 Creditore testatoris à testatore pro parte heres instituto, iussu praedium suum restituere Titio, siue extraneo, siue coheredi, quantum coheredes de debito huius creditoris consequi possit.

Creditor testatoris institutus est à testatore heres pro parte. Idem iussus est, praedium suum restituere Titio, siue extraneo est, siue coheres. Queritur de debito huius creditoris, quantum de eo consequi possit? Respondetur primo, posse eum citra omnem controuersiam partem hereditariam à coherede petere: quia pro ea parte actio vetus confusa non sit, reliquam autem partem, pro qua ipse heres testatoris existit, eum petere à coherede nullo modo posse. Quod duabus de causis recte respondetur. I. quia haec portio iam amplius non debetur, vt consequens sit, eam neque ab herede, neque ab vlllo alio peti posse. Nam pro ea parte obligatio non tollitur confusione; quoniam nemo idem creditor & debitor esse potest. *l. pen. sup. de hered. act. l. vxor. inf. de bon. auct. iud. poss.* Sed qua partem hic heres à coherede accipit, eam retinere potest aduersus legatariū, & hoc modo saluam habere, idque est, quod significatur extremis huius refcripti verbis per aduersarium. Nam in extremis dicitur, *debere eum praestare legatum à se relictum scilicet, quod deducta quarta, quantitas patrimonij patitur.* Quibus verbis duo significantur. I. hunc heredem, à quo supra dodrantem portionis eius legatum est, deducere posse quartam suae portionis, idque est, quod dicitur, in singulis rationibus rationem Falcid. ponendam esse, §. 1. h. Alterum iisdem verbis significatur, ita quartam hanc ex l. Falcidia deduci, vt heres prius deducat a alienum, nisi quod ei à defuncto debeat. *l. in imponenda. sup.* Quo fit, vt hic heres portionem debiti, quam à coherede exigere non poterat; tamen in ratione Falcidia ponenda, ponat, & deducat aduersus legatarios, dein reliquum ita partiat, vt retineat quartam, dodrantem restituat.

Ad L. Si praediorum dotis. 15.

Idem AA. & CC. Pomponio.

Si praediorum dotis apud te iure remanentis instrumenta verbis precariis, vel testamento, vel condicillis vxor tibi dari mandauit, eius iudicium successores implere compelluntur: cum instrumentis praediorum domino relictis, Falcidia nulla possit interuenire questio. Supposita 16. Kalend. Febr. Sirmij CC. Coss.

S Y M M A R I A.

1 Dos quando solus matrimonio mulieri, aut heredibus restituenda sit.

2 An ex legato instrumentorum Falcidia quoque, detrahi possit.

Solutio matrimonio dos mulieri, aut heredibus restituenda est, *l. 2. D. solut. matrim.* Sed hoc ita, nisi in dote danda conuenit, vt vel susceptis liberis, vel mortua in matrimonio vxore, dos maneat penes maritum, *l. 2. & l. si pater. de pactis dotalib.* Cum forte eiusmodi pacto inter maritum & vxorem interuenisset, ex qua praedia dotalia apud maritum manere deberent, vxor decedens legauit marito suo instrumenta eorum praediorum, id est, tabulas & literas, quibus origo emtionis & acquisitionis eorum praediorum continebatur. Hoc ideo recte fit ab vxore; quia nisi haec instrumenta marito legentur, non sunt mariti, tamen si maritus praediorum sit dominus. *l. instrumenta a sup. de fideicommissis.* Quasi fitum est, cum tantum legatum esset ab vxore, vt locus esset legi Falcidia, an tamen ex hoc quoque legato instrumentorum Falcidia detrahi possit secundum verba *l. pat. ff. eod.* nam legata sunt, & l. Falcidia omnia legata minuuntur, si dodrantem excedat, vt supra diximus. Hic respondetur, quod horum instrumentorum nulla sit aestimatio, & proinde non sunt in computationem legatorum aestimanda. Nam pretia rerum cum aliis in causis, tum praecipue circa l. Falcidiam non ex affectu cuiusquam aestimantur, veluti si dicat heres, *se nolle istiusmodi instrumentis carere pro iure h.* Sed aestimantur reuera communium hominum aestimatione. *l. quia. ff. eod.* At pretia instrumentorum, si quis al. is velit vendere, nullo pretio aestimantur; quia aliis omnibus sunt inutilia; proinde nullo modo aestimanda. Recte quoque hanc rationem Accursius reddit, cur non debeat ex his instrumentis quarta detrahi; quia ea quarta heredi sit inutilis, legatario proficit, vt consequens sit, heredem non posse eam quartam retinere, nisi vt officiat legatario. Praclare autem scriptum est à Celso, malitiis non esse indugendum, *leg. in fundo. de rei vindicat.*

Ad L. Successores. 16.

Idem AA. & CC. Diomedii.

Successores legata, vel fideicommissa, si a alienum hereditarium defuncti substantia fines occupauerit, legis Falcidia iussu peti, item Trebelliani Senatusconsulti praecipuum exigi non concedit. S. 16. Kalend. Febr. Sirmij AA. Coss.

S Y M M A R I A.

- 1 Heres adisa hereditate adis omnia onera hereditaria, vna cum commodis.
- 2 Onerum hereditariorum duo genera.
- 3 Quomodo ari alieno & legatari heres obstringatur.
- 4 Aes alienum si sit tantum, vt hoc dissolutio in patrimonio nihil superfit, legatorum nomine nihil debetur.

Heres t hereditate suscepta, suscipit omnia onera hereditaria, vna cum commodis *l. 1. sup. de bon. poss.* Onerum t hereditariorum duo sunt genera, a alienum defuncti & legata. His oneribus obstringitur heres, sed dissimiliter iure veteri. Nam ari t alieno obligatur in solidum: legata autem non praestantur vltra vires cuiusque patrimonij, vt hic est scriptum, & *l. 7. §. demig. ad Trebell. 1. §. in quibusdam. ff. si cui plus, quam per l. Falcid. lib. 6. c.* Id efficitur & l. Falcid. & Senatusconsulto Trebel. Proinde neque ab herede legata supra vires patrimonij exigi possunt, neque possunt à fideicommissario, cui restituta est hereditas. Efficitur hoc l. Falcidia non patitur legata praestari vltra dodrantem hereditatis, multo igitur minus patitur ea praestari, vltra vires eius patrimonij. Idem efficitur Senatusconsulto. Quod si de Pegasiano veteri intelligimus, quarta ex eo Senatusconsulto deducitur, vt deducitur, ex l. Falcid. §. sed quia hereditas. *Inst. de fideicom. hered.* Sin intelligimus de Senatusconsulto Trebel. veteri, hoc SC. non transferuntur actiones in fideicommissarium, nisi quae, & quatenus in heredem competeant. Legatorum autem petitio vltra dodrantem non competit.

Hinc t consequens est, quod in princ. hic dicitur, si tantum sit a alienum defuncti, vt hoc dissolutio nihil in patrimonio superfit, legatorum nomine nihil deberi, idem in *l. si vnuer. sa. sup. de legat.* scilicet quia in legatis praestandis ex l. Falc. patrimonium aestimatur, deducto prius a alieno, vt si quid superfit, eius quartam heres habeat, si nihil superfit, nihil praestare debeat. *l. 1. §. vlt. Inst. eo. tit.* Sed

Sed hæc iure veteri ita sunt: constitutionibus autem Iustiniani, quæ scriptæ sunt de inuentario ab heredibus faciendò, in totum à iure hoc recessum est. Nam si heres inuentarium facit, non tenetur creditoribus ultra vires patrimonij. Si non facit, aut non ita facit, ut ex illis constitutionibus oportet, non solum æri alieno in solidum obligatur, ut ante, sed etiam legatis ultra vires patrimonij, *Authent. sed cum testator. in fin. sup. eod. l. vltim. supra, de iure delib.*

Ad L. A. coheredibus. 17.

Iidem AA. & CC. Caio.

A coheredibus relicta legata, quatenus modus legis Falcidie præstitutus patitur, posse peti, certissimi iuris est. Suppos. 5. Kalend. Nouemb. Anichiali. CC. Coss.

S Y M M A R I A.

- 1 Relictum heredi à coherede quatenus debeat.
- 2 An in singulis heredibus ratio legis Falcidie ponenda sit.

Heredi à seipso legari non potest; quia non est, qui ei legatum præstet. Heredi à coherede recte relinquuntur legatum; quia est, qui illi legatum dare possit. *l. legatum. §. 1. de legat. 1.* Posterior pars huius definitionis hic constituitur, & hic queritur, quod à coherede, heredi relictum est, quatenus debeat, exempli gratia, qui 400. habeat in bonis, duos instituit heredes, primum & secundum, ex æquis partibus, primum iussit secundo 200. dare. Hic duo querimus. I. An primus 200. præstare debeat, si nulla esset l. Falcidia. mouet quæstionem; quia onera hereditaria diuiduntur inter heredes pro portionibus hereditariis *l. 2. sup. de hered. ed.* Huiusmodi onus videtur esse legatum à primo relictum, ut proinde videatur primus ex 200. ab eo relictis 100. debere duntaxat, ut portionem legati, ubi pro portione heres est. Hic respondetur 200. debere, ut legata sunt à primo: nihil ad rem pertinet, quod dicitur onera hereditaria diu di inter heredes, pro portione hereditaria. Hoc enim de ære alieno defuncti intelligendum est, ex quo prius tenebatur, *l. ea, que sup. faml. heredi. l. de bitorum. de pact. diuersa causa est legati.* Nam quantum cuique relictum est testamentum, tantum ab eo relinqui potest, *§. 1. Inst. de sing. reb. l. 4. & 6. de legat. 2.* & hæc ita sunt, si l. Falcidia non interueniat, id est, si supra dodrantem portionis hereditarie legata relicta non sint. Quid ergo, si supra dodrantem eius portionis relicta sint, ut in specie proposita contigit? Et placet heredem leg. Falcidia bono sine vsurum pro portione sua.

- 2 Hæc est illa vetus quæstio, quæ an in singulis heredibus ratio legis Falcidie ponenda sit, quod prima ratio non videtur, ut in exemplo à nobis proposito. Nam à secundo herede nulla legata relicta sunt, ita sit ut amplius, quam quarta hereditatis apud vnum heredem maneat, manet enim semis integer apud secundum. Videtur autem l. Falcidie satisfactum, si testator quartam hereditatis integram reliquit, vel apud omnes. Quod si recipitur, consequens erit, primum heredem in specie proposita detrahere de legatis à se relictis nihil posse, quamuis ea eius portionem exhauriant. Sed placuit, ut dixi, in singulis heredibus rationem l. Falcidie ponendam esse, id est, si tantum à singulis legatum sit, ut dodrans portionis hereditarie excedatur, quantum ultra dodrantem erit, tantum de legatis singulorum decedet, *l. in singulis. ff. eod. §. 1. Inst. de l. Falcid.* Quæ sententia efficitur verbis l. Falcidie. Nam in secundo capite non dicitur, tum ita deducitur legatis, ne minus, quam quartam hereditatis partem vnus heres habeat, sed ne minus, quam quartam partem hereditatis heredes capiant. Quibus verbis exigitur, ut quarta apud vniuersos heredes maneat: proinde ut maneat apud singulas portiones.

Ad L. Si quis penult.

Imp. Iustinianus A. Ioanni præfecto Prætorio.

Si quis qua tringentorum forte solidorum habens substitutionem iusserit, heredem non aliter adire hereditatem, nisi prius

trecentos octoginta solidos cuiusdam persoluat, vel aliam quantitatem, quæ deminueret Falcidie rationem potest: sancimus heredem, si adierit, legis Falcidie beneficio sustentatum, replere quidem, quod ad Falcidiam deest: & prius eo dato, vel reuocato, siue vna datio est, quæ celebrari disposita fuerit, siue in multas diuiditur personas, præfata legis immutatum habere beneficium, si enim cum mortis causa donatio procedat, & hæc modum legis Falcidie excedat, heres post aditionem repetit eam pecuniam, quæ ultra modum legis Falcidie corporaliter quidem data est, lege autem in patrimonio testatoris permansit: quare non in presenti casu & viuientibus, & morientibus prouidemus, & eorum vltima elogia conferuantes, & commodum hereditarium non minuentes? Dat. Kal. Nouemb. Constantinop. post consulatum Lampadij & Orestis VV. CC. 337.

S Y M M A R I A.

- 1 Condicio, quæ sit conditionis implenda causa, an lege Falcidia minuat, ut legatum.
- 2 Heres institutus sub conditione, si 300. dederit, an cogatur ab initio totam eam summam præstare, ut fiat heres, postea detractus Falcidiam; an vero ab initio possit detrudere 80. & 300. præstando fiat heres.
- 3 Conditionis implenda causa quæ capiuntur, an imputentur in quartam.

Cum queritur, an supra dodrantem legatum sit, ut l. Falcidie locus sit, placet in his, quæ relinquuntur, computanda esse, non tantum legatum, sed ea etiam, quæ legatorum vicem obtinent, quæ omnia in numero & computatione legatorum traduntur: & si omnia hereditatis dodrantem excedunt, singula per l. Falcidiam minuuntur, quatenus dodrantem excedunt. In his habentur donationes causa mortis, *l. si mortis. l. in donationibus. sup. h. 1.* Quæsitum est hoc loco, an in eadem causa haberi debeant ea, quæ conditionis causa implenda ab herede præstari exemplum est tale. Qui 400. habebat in bonis, non potest amplius legare, quam 300. proinde si legauit 400. de legatis 80. decedent, ut 100. apud heredem maneat. Quid si testator ita scripserit, *Lucius Titius mihi heres esto, si 400. Titio dederit.* Quæro, an huius conditionis implenda causa necesse habeat heres 400. præstare, ut fiat heres; an vero non habeat necesse præstare, nisi 200. propter l. Falcidiam, ut nihilominus recte fiat heres 300. præstitis. Quæstio est in eo, an hæc conditio, quæ sit conditionis implenda causa, lege Falcidie minuat, ut legatum, secundum verba leg. Falcid. Hæc præstatio non potest minui; quoniam lege Falcidia solum legata minuuntur, quæ legatorum vim habent, ut verba legis declarant, *leg. 1. D. eod.* & dicitur apertius in *l. in quantitate partium. §. vlt. D. eod.* Quod autem præstatur ab herede conditionis implenda causa, id neque legatum est, neque legati vim habet, quod dilucide testatur *eis, si quis omnia causa testamenti.* Nam edicto, *si quis omnia causa testamenti,* cautum est, si quis omnia causa testamenti ab intestato possideat hereditatem, ut ne minus legata, & quæ legatorum vicem obtinent, præstet, quam si ex testamento hereditatem adisset, & tamen si heres fuerit institutus sub conditione, si 10. Titio dederit, & ab intestato possideat hereditatem, placet eum 10. non debere. *d. l. si quis sub conditione. ff. si quis omnia causa. testam.* Non sunt igitur ea 10. legata, nec legati vim habent, alioqui ex edicto præstanda essent. Constituit hoc loco Iustinianus nihilominus de præstatione, quæ fiat ab herede conditionis implenda causa, quartam non minus detrahi posse, quam ex legatis & donationibus causa mortis potest. Non obstat, quod hæc præstatio non est in numero legatorum, ac eorum, quæ vim legati habent. Non enim ideo de hac præstatione Falcidia detrahitur; quia præstatio sit contra verba legis Falcidie, sed quia est in fraudem legatorum. Quando lege quid prohibetur, non tantum prohiberi intelligitur, quod est contra verba legis, sed etiam quod est contra mentem & intentionem legis, id est, contra id, quod verum lex, etsi verbis non prohibuerit. *l. non dubium. sup. de legib.*

Huiusmodi est hæc præstatio, de qua queritur. Nam lege Falcidia vetuit ultra dodrantem legari, ne alioqui heredes nullo lucro prouocati omitterent hereditatem, & ita destitueretur iudicium defuncti, ut est *Inst. eod.* At hæc præstatio heredi iniuncta, eodem res recidit, ut si heres cogatur totam eam pecuniam

præstare, quam iustus est, futurum sit, ut hereditatem omittat; ergo hæc quoque præstatio est contra id, quod lex voluit, proinde irrita est, atque sic hæc præstatio esset in numero legatorum. Hinc colligimus, non solum donationes causa mortis l. Falcidia minuit, ut legata, sed etiã omnes præstationes, quæ sine donatione mortis causa capiuntur, quæle est, quod ab herede præstandum est conditionis implendæ causa, ut declaratur l. mortis causa capitur. in pr. §. sine donatione de mort. caus. donat.

Huic sententiæ contraria videtur l. i. §. item si ita. ff. eod. Proponitur exemplum eiusmodi; testator ita scripsit: *Heredes meus Titio penum dato, si non dederit, 10. ei dato.* Hoc in casu placet, si heres in præstando penum moram fecerit, statim 10. deberi, & sola deberi: amplius autem non deberi penum, nec legatum esse; sed tamen heredem; ut liberetur, posse penum præstare, si præstiterit, in Falcidiam non imputari, id est, non computabitur in enumeratione legatorum, nec de penum quicquam detrahi posse ex l. Falcidia; & tamen penus in hac specie mortis causa capitur: nam huius capiendi occasio obuenit per mortem testatoris, quæ definitio est mortis causa capionis in d. l. mortis causa capitur. Respondeo non sunt contrariæ horum locorum species, quæ sunt dissimiles. In hac lege agitur de eo, quod heres ex conditione præstare debet, quo non præstato non est heres factus. Itaque id præstare cogitur, si vult heres esse, ut merito hæc præstatio legatis comparetur. At in exemplo legis, quod supra reulimus, heres non habet necesse, penum præstare, si non vult. Nam quamvis non præstiterit, nihilominus heres erit; potest enim præstare 10. quæ sola legata intelliguntur. Hinc hæc distinctio tenenda est, quod heres præstare cogitur, si vult heres esse, de eo Falcidiam detrahat, ut de legato, ut in hac lege. Quod autem præstare necesse non habet, de eo non detrahit Falcidiam, etiam si id mortis causa capiatur; quia si id præstat, sibi imputare debet, qui id præstare necesse non habuerit.

2 Quæsitum est circa exemplum huius legis, an si heres institutus sub conditione, si 380. dederit, cogatur ab initio totam eam summam præstare, ut fiat heres, postea detracturus Falcidiam? An vero iam a principio possit detrahere 80. & 300. præstando fiat heres? Quidam putant heredem debere 380. præstare solida, ut conditionem impleat, & conditione impleta fiat heres. Mover eos; quia conditio omnis implenda est, ut vulgo loquuntur, in forma specifica, id est, secundum præscriptum verborum conditionis, ut nihil in illis omittatur, l. qui heredi, in princ. de cond. & demonst. Sed huic sententiæ aduersantur huius legis verba, quia fiat potestas heredi retinende Falcidie, illis verbis: *dato, vel resento.* Deinde quia in extremo dicitur, hæc præstatio ipso iure minuit, quemadmodum donatio causa mortis. Non obstat, quod dicitur conditiones implendas esse ex omni parte. Hoc enim dicitur de conditionibus utilibus, non vero de conditionibus, quæ pro non scriptis habentur, qualis est hæc conditio, quatenus præstatio dodrantem hereditatis excedit, placet enim eatenus ipso iure minui præstationem. Hic introducit hæc quæstio:

3 An si ea, quæ conditionis implendæ causa capiuntur, impurentur in quartam ratione sumpta ex specie huius loci? Sed hæc quæstio hoc loco inepta est, & stolidi. Nam hic agitur de eo, quod heres præstare debet, & de quo cupit Falcidiam retinere. Quæstio autem superior ponitur de his, quæ heredi præstantur

conditionis implendæ causa, veluti si fundus legatus sit sub conditione, si 10. heredi daret, ubi quaeritur, an hæc 10. data heredi impurentur in quartam? Certi autem iuris est hæc non imputari, l. id autem quod. l. in quartam. ff. eod.

Ad L. Cum certum. vlt.

Idem A. Iohanni præfecto prætorio.

Cum certum sit, heredem, qui plenam fidem testatoris exhibet, in solidum legata dependentem non posse postea rationem legis Falcidie prætendentem repetitione uti, quia videtur voluntatem testatoris sequi: Invenimus hoc simili modo firmiter haberi, & si cautionem super integra legatorum solutione fecerit: quod veteribus legibus in ambiguis acem deductum est. In utroque etenim casu, id est, siue solverit siue super hoc cautionem fecerit, aequitatis ratio similia sua dere videtur Dat. 15. Kal. Nouemb. Constantinop. post consulatum Lampadij & Orestis VV. CC. anno secundo 532.

SUMMARIA.

- 1 Quartam Falcidiam qui retinere potest, an si ultra stipulanti promittit, idem solida legata debeat, nec retinere quartam possit.
- 2 Dubitandi rationes adductæ.

Quæritur ex lege Falcidia retinere potest, si ultro soluit, non repetis, l. error. sup. eod. Si ultro si stipulanti promittit, quaeritur est, an idem solida legata debeat, nec retinere quartam possit? Constituitur hoc loco, eum, qui solida legata promittit, quartam retinere non posse contra stipulantem. Inutilis constitutio est, nisi hac de re sit aliqua dubitatio. Et veteres de eo dubitarunt, ut hic testatur Iustinianus. Dubitatio exstat in leg. si patronus. §. 2. de donat.

Quæro, si cur hic dubitetur circa legem Falcidiam de stipulatione, cum certi iuris sit, ex stipulatione omni iure civili obligationem nasci, §. de constituta. Inst. de actionib. Respondeo, dubitatio nata est ex exemplo patroni: nam si patronus institutus sit à libero, & ex debita portione; & rogatus sit quid præstare, si id stipulanti promittat, stipulatio non valet, d. l. si patronus, in princ. de donat. Quo exemplo videtur idem dicendum in eo herede, qui promittit se legata præstiturum ultra portionem legis Falcidie debitam. Respondeo dissimilia hæc sunt: nam portio debita patrono in bonis liberi, debetur ob reverentiam patrono debitam. Hæc reverentia videtur violari, cum patrono hæc portio non servatur: sic fit, ut stipulatio contracta videatur esse contra bonos mores. At heredi extraneo testator non debet reverentiam: ob hanc causam si heres promittit, se solidum legatum præstiturum, nihil hic fit contra bonos mores, ac proinde stipulatio valet. An idem hic efficiat simplex pollicitatio, qua heres promittit se solidum, soluturum, quod efficit promissio stipulanti facta.

Et. Vide quæ diximus ad l. i. & 2. sup. de fideicommiss.



HUGONIS DONELLI, IVRISCONSULTI
CELEBERRIMI, NORICI
QUONDAM PROFESSORIS,

Commentarij

AD TIT. I. LIB. VIII. C. DE INTERDICTIS.

SUMMARI A.

- 1 Series tractatus de interdictis.
- 2 Interdictum quid, & num. 45.
- 3 Interdictum vnde appellatum.
- 4 Interdictum formula distare ab actione: re nihil aliud esse, quam actionem, & num. 7.
- 5 Actiones olim proprie ita dictas, de ceteris rebus esse: interdictum, omnemq; ex causa interdictorum actionem esse de possessione, & quasi possessione: & qua sint interdicta ex utroque genere.
- 6 Interdicta omnia esse de possessione & quasi possessione sola, et si dicatur quaedam proprietatis causam continere.
- 7 Cur placuerit olim de possessione agi interdictis, non actionibus, cum non minus & ageretur de possessione.
- 8 Interdictum ab edicto quid differat.
- 9 Interdicta omnia, et si in rem concepta, personalia esse, quid sit.

IVRIS † nostri persequendi causa proditæ sunt partim actiones, partim interdicta. Actionū quædam in rem sunt, quædam in personam. In rem, de reb. nostris, aut ad ius nostrū pertinentibus, quas petimus ab eo, qui possidet. In personam, de eo, quod nobis debetur. *l. actionum. D. de obl. & act. §. i. Inst. de act.*

Interdicta de possessione rei cuiusq; asserenda, vt mox dicitur. De his ita ius compositum est, vt prius compositores de actionibus & iis iuribus, quæ ad actiones pertinent, dicerent: quod hucusq; fecerūt. Sic deinde ordine de interdictis; quod fit hoc loco. Hanc ordinem securum esse Iustinianum in Institutionibus constat ex principio tituli *de interdictis*. Consentaneum est compositores iuris hunc eundem ordinem & in Pandectis & in Codice secutos esse. Interdictum † si formulam veterem spectes, vnde interdicta sunt appellata, sic recte definitur: formula & cōceptio verborum, qua prætor inter eos, qui de possessione, aut quasi possessione contendebant, iubebat eum, cum quo agebatur, aliquid facere, aut facere vetabat, prout id ad possessionem asserendam, de qua agebatur, conuenire videbatur. Nam alias petitur, vt possessio restituatur, aut vt res exhibeatur: hic prætor restitui, aut exhiberi iubebat. Alias qui rem tenet, aut ea fruitur, petit, ne sibi tenenti, aut petenti vis fiat: hanc prætor fieri vetabat. Colligi potest hæc definitio ex initio tit. *Inst. de interd.* de qua & mox plura dicentur.

Ex † ea intelligere possumus interdictū dictum esse, quasi inter, aut interim edictum; & interdiceret, quasi inter & interim edicere. Non dico inter duos dictum, vt est apud Iustinianum in §. *in fin. Inst. eo.* parum apte: quoniam & sententia, & arbitrium, & interlocutio inter duos dicitur: quorum tamen nihil à veteribus dicitur interdictum. Non dico interim: nam & multa interim dici & tractari solent, donec ad ius nostrum perueniamus; quæ tamen nihil minus sunt, quam interdicta. cuiusmodi sunt, quæ dicuntur à priuatis litigatoribus: in magistratu autem & iudicibus interlocutiones. Ne illud quidem placet, interdicti appellationem, quæ proprie ad probatoria interdicta pertinet (nam interdiceret proprie vetare est) ad cetera quoq; per abusionem esse translata, vt quosdam putasse refert Iustinian. in *d. §. i. Inst. de interd.* Nam vt hoc in verbo interdicti ferri possit, certe in verbo *intercedendi*, vnde est interdictum, defendi non potest. Nemo enim vnquam de exhibitoriis, aut restitutoriis interdictis loquens dixit in his interdiceret pro iubere, & decernere, ne abusiue quidem: cum tamen in his & prætor & actor etiam proprie interdiceret dicantur. Hoc dico igitur interdictum dictum quasi inter & interim edictum, & interdiceret quasi inter & interim edicere. Quod omni interdicto plane conuenit. Est enim edicere iubere aliquid. Id vero in omni interdicto prætor faciebat. Edicebat enim, & iubebat quid fieri, aut nõ fieri. Illud cum faciebat, dicebatur absolute iubere: proinde & hic maxime proprie edicere. Hoc posterius cum faciebat, dicebatur speciali verbo *prohibere*, & *vetare*; sic tamen, vt iuberet nihilominus, ne fieret: proinde & hic quoq; ediceret, vt profecto nihil aliud fit interdictum, quã inter priuatos & interim interpositum prætoris edictum. Et tamen quia non simpliciter dictum est, dicitur interim edictum. Et recte, edicebat enim hic prætor interim: id est vel obiter, vt omnis causa possessionis est momentanea, *l. vnica. sup. si de mom. poss. fu. ap. l. momentaria. infr. vnde vi.* vel interea dum de alia re principali contenditur; puta de iure & proprietate rei, per quod tempus decidi solet possessionis atq; vltus cōtrouersia. *l. ordinarij. sup. de rei vind. l. 3. inf. h. t. eaq; decisio olim transigebatur interdictis.* Ex † eadem definitione intelligimus interdictum, vt fuit vetus formula, actionem non esse. Nam actio est priuati litigantis petitio & persecutio, qua intendit sibi aliquid ab aduersario dari, aut fieri oportere. *§. i. Inst. de act.* Interdictum litigatoris petitionem & intentionem non habet; sed iussus est, & imperium prætoris aduersus eum, cum quo agitur, propositum, sed hæc ita sunt, si, vt dixi, formulam tantum in interdicto spectemus. Quod si spectabimus vim & potestatem interdicti id est, id, quod in interdicto agimus, & consequi volumus; sine dubio interdictura actio est, sicq; rectissime definitur: vt fit actio, qua de possessione asserenda, vel quasi possessione agitur, siue eam nunc primū adipisci, siue adepti retinere, siue ademptam & amissam recuperare velimus. Dixi interdictum actionem esse, recte. inde enim dicitur actionis verbo contineri. *l. actionis. ff. de obl. & act.* Hinc etiam quæcunq; de actionibus dicuntur, eadem dicuntur & de interdictis. Itaque & interdicto agere dicimur: & dicitur interdictum aliquibus & in aliquos competere; dicitur & condemnatio eius iudicij esse. *l. 3. §. i. §. condemnatio. §. vlt. ff. de rebus exhib.* Quæ omnia actionum propria sunt, ideo, vt dixi, tributa interdicto; quia etsi interdictum veteri formula petitionem litigatoris nõ continebat, sed iussum & imperium prætoris; vi tamen ipsa nihil aliud erat, nisi petitio & persecutio priuata litigatoris. Non enim ita iubebat prætor in interdicto, aut quid vetabat, vt sententiam ferret: alioqui sententia esset sine causæ cognitione, quod ius non recipit, *lex stipulationis. sup. de sens. & interloc. l. i. sup. de exsec. rei iud.* sed prætor vna causâ interdicto iudicē dabat, qui cognosceret, an vere intendere petitor causam esse, cur res sibi restitueretur, exhiberetur; possessio retineretur, atq; ita causa cognita reum condemnaret. Ita interd-

prie vetare est) ad cetera quoq; per abusionem esse translata, vt quosdam putasse refert Iustinian. in *d. §. i. Inst. de interd.* Nam vt hoc in verbo interdicti ferri possit, certe in verbo *intercedendi*, vnde est interdictum, defendi non potest. Nemo enim vnquam de exhibitoriis, aut restitutoriis interdictis loquens dixit in his interdiceret pro iubere, & decernere, ne abusiue quidem: cum tamen in his & prætor & actor etiam proprie interdiceret dicantur. Hoc dico igitur interdictum dictum quasi inter & interim edictum, & interdiceret quasi inter & interim edicere. Quod omni interdicto plane conuenit. Est enim edicere iubere aliquid. Id vero in omni interdicto prætor faciebat. Edicebat enim, & iubebat quid fieri, aut nõ fieri. Illud cum faciebat, dicebatur absolute iubere: proinde & hic maxime proprie edicere. Hoc posterius cum faciebat, dicebatur speciali verbo *prohibere*, & *vetare*; sic tamen, vt iuberet nihilominus, ne fieret: proinde & hic quoq; ediceret, vt profecto nihil aliud fit interdictum, quã inter priuatos & interim interpositum prætoris edictum. Et tamen quia non simpliciter dictum est, dicitur interim edictum. Et recte, edicebat enim hic prætor interim: id est vel obiter, vt omnis causa possessionis est momentanea, *l. vnica. sup. si de mom. poss. fu. ap. l. momentaria. infr. vnde vi.* vel interea dum de alia re principali contenditur; puta de iure & proprietate rei, per quod tempus decidi solet possessionis atq; vltus cōtrouersia. *l. ordinarij. sup. de rei vind. l. 3. inf. h. t. eaq; decisio olim transigebatur interdictis.* Ex † eadem definitione intelligimus interdictum, vt fuit vetus formula, actionem non esse. Nam actio est priuati litigantis petitio & persecutio, qua intendit sibi aliquid ab aduersario dari, aut fieri oportere. *§. i. Inst. de act.* Interdictum litigatoris petitionem & intentionem non habet; sed iussus est, & imperium prætoris aduersus eum, cum quo agitur, propositum, sed hæc ita sunt, si, vt dixi, formulam tantum in interdicto spectemus. Quod si spectabimus vim & potestatem interdicti id est, id, quod in interdicto agimus, & consequi volumus; sine dubio interdictura actio est, sicq; rectissime definitur: vt fit actio, qua de possessione asserenda, vel quasi possessione agitur, siue eam nunc primū adipisci, siue adepti retinere, siue ademptam & amissam recuperare velimus. Dixi interdictum actionem esse, recte. inde enim dicitur actionis verbo contineri. *l. actionis. ff. de obl. & act.* Hinc etiam quæcunq; de actionibus dicuntur, eadem dicuntur & de interdictis. Itaque & interdicto agere dicimur: & dicitur interdictum aliquibus & in aliquos competere; dicitur & condemnatio eius iudicij esse. *l. 3. §. i. §. condemnatio. §. vlt. ff. de rebus exhib.* Quæ omnia actionum propria sunt, ideo, vt dixi, tributa interdicto; quia etsi interdictum veteri formula petitionem litigatoris nõ continebat, sed iussum & imperium prætoris; vi tamen ipsa nihil aliud erat, nisi petitio & persecutio priuata litigatoris. Non enim ita iubebat prætor in interdicto, aut quid vetabat, vt sententiam ferret: alioqui sententia esset sine causæ cognitione, quod ius non recipit, *lex stipulationis. sup. de sens. & interloc. l. i. sup. de exsec. rei iud.* sed prætor vna causâ interdicto iudicē dabat, qui cognosceret, an vere intendere petitor causam esse, cur res sibi restitueretur, exhiberetur; possessio retineretur, atq; ita causa cognita reum condemnaret. Ita interd-

Etiam nihil aliud erat, nisi persecutio possessionis in iudicio; quæ actionis definitio est. *Inst. de act. in pr.* Nunc formulis veteribus interdictionum fabulatis, constat nihil amplius de interdiciis restare, quam actionem ex causa interdictionum. §. *vlr. Inst. de interd. leg. vltim. inst. hoc tit. vt iam inter actiones, quæ sunt ex causa interdictionum, & ceteras non formula interfit, sed res tantum, de quibus agitur.* Nam quæ ceteræ actiones sunt de rebus alijs quibuslibet. Interdictum, siue actio ex causa interdici est de possessione, vel quasi possessione obtinenda. *Inst. de interd. in pr.* De possessione in rebus priuatis & corporalibus. quæ solæ possunt possideri. *l. 3. in pr. l. qui vnuerfas. §. i. ff. de a. q. pos.* Si tamē & de harum vera possessione agatur vel adipiscenda, vel retinenda, vel recuperanda, quo pertinet omnino de possessione controuersia: vnde & interdictionum diuisio. *l. i. §. eff. igitur. ff. vlt. pos. §. seq. Inst. de interd.* Quod ideo adieci-mus, quia & de his rebus interdum agitur interdicto, vt exhibentur; vt fit in interdico de tabulis exhibendis, quo tamen genere interdictionum non petitur possessio, sed videndi tantum & cognoscendi copia. De quasi possessione dictum, propter res sacras, religio-sas, publicas, liberum hominē: quæ res cum non sunt in hominum commercio, ne possideri quidem possunt. *l. qui vnuerfas. §. i. D. de a. q. nos. Verum tamen de earum vsu interdictiones sunt prodita, vt in quid in loc. sac. tit. ne quid in loc. pub. tit. de lib. hom. ex. duend.* Hic vsus quasi possessio nominatur, de quo sic agi reperiemus, vt vel nobis, vel his ipsis rebus suam quodammodo asseramus possessionem, eamq; ab aliorum iniuncto facto velut vindicemus. Dictum est etiam propter res priuatas, sed incorporales. Nam hæc possideri non possunt. *l. seruus. §. incorporales. D. de acq. rer. dom.* De earum tamen vsu interdictiones sunt: vt de itinere actusq; priuato, de riuus, de cloacis, & similibus. *tit. De it. act. prin. & sequentib. aliquos. D.* Hic quoq; vsus quasi possessio est, atq; ita nominatur in *l. si quis daturus. D. si ser. vind.* Vnde & interdictiones huius generis veluti possessio-nia nominata in *l. vlr. ff. de seruic.* Dictum etiam propter res priuatas, easq; corporales, quas nobis exhiberi petimus ex interdico. Hic enim, vt paulo ante dixi, tantum copiam rei videndæ & cognoscendæ petimus, quæ copia reuera rei possessio non est; vsus tamen rei continet, vt sit hic vsus quædam quasi possessio. Atq; vt sunt interdictiones, & quæ eorum nomine cōpetunt actiones, omnia de possessione, aut quasi possessione: ita de possessione, & quæ possessione sola, vt diuisiones interdictionum proposuit in *l. 1. & l. 2. D. de* facile declarabunt. Quod enim dicuntur quædam proprietatis causam continere, *l. 2. §. quedam. D. de interd.* non eo dicuntur; quoniam non sunt de possessione & vsu rei tuendo, sed cū sint his de rebus principaliter, per consequentiam adiunctam habent proprietatis causam, dum placet eum vincere in hoc vsu, qui ius, de cuius vsu agitur, ad se pertinere ostenderit. Quod receptum est in interdico de itinere actusq; priuato reficiendo; vt declaratur in *l. 3. §. ait. §. hoc autem. D. de it. act. prin.* Atq; hinc coniecturā licet facere, quid causa fuerit olim prætoribus in iure dicendo ita re instituenti, vt cum de possessione non minus ageretur iudicio, quā de ceteris rebus; tamen formulis istis interdictionum placeret illis transigi causam possessionis, potius, quam actionibus, id est, quam solemnī ritu obsecrato in actionibus, & iuris nostri perfectionibus. Animaduertebant scilicet in controuersis istis de possessione & vsu rerum non tā de iure nostro agi, quā de aduersarij facto, qui impediret, quominus eam possessione, atq; vsum obtinerent, quibus ea asserta esse volumus. Itaq; & hic id agi, non tā vt aduersarius quid nobis restitueret præstaret, quā vt cōcepto desisteret, à re discederet, nos nostra possessione frui aut rem in sua velut possessione esse patere-tur. Quā ad rem obtinendā omnino interdictionum vtile esse visum est: dum scilicet prætor donec de iure rei plenius constitutum sit, edicit, vt aduersarius faciat quid, aut nō faciat, quod sit ad possessionem iam nostram interim obtinendam accommodatum. Sed quoniam hoc edictum primum ex iuris nostri persecutione prætoris nascitur, & porro ad id ius obtinendum refertur, de quo & iudicio agitur: perspicuum est & origine & sine inspecto nihil hic verari re ipsa, nisi actionem: atq; adeo interdictionum etiam iam olim re actionem fuisse: si quid differret ab ea, quæ proprie dicitur actio, formulam tantum & genus agendi interfuisse. Quid interdictionum differat ab edicto absolute ita dicto, non est obsecrum. De quo nihil monerem, nisi scirem veteres interpretes ignorantia partim verborum, partim veteris historię tradidisse ad *l. i. ff. de op. no. nunt.* interdictionum specie esse edicti, vt recte interdictionum dicitur edictum. In quo pueriliter ab illis erratum est. Edictum lex est prætoris, atq; in ius publicum, prætorum, *Inst. de iur. nat. gent. & ciuil.* Interdictum, quia ius est etiam ius generale est ad

omnes pertinens. *Liura. D. de legib.* Interdictum priuatum est, & personale, pertinentis duntaxat ad eas personas, inter quas interdico agitur. Idq; est, quod dicitur in *l. i. §. vlt. ff. de interd.* interdictiones omnia licet in rem videantur cōcepta, vi tamē ipsa personalia esse. Nō enim significatur his verbis, interdictiones esse actiones in personam, et si ita concepta sint, quasi sint actiones in re, sed interdictiones et si in re, id est, generaliter & sine designatione alicuius personæ ad quam dirigantur, scripta sunt; vi tamē ipsa personalia esse, id est, ad certam priuam personam referri. Et ita est: iure ad eum litigatore pertinet, qui interdico experitur: cōceptione verborum ad eum diriguntur, cum quo ex interdico agitur, quæ prætor aut iubet aliquid restituere, aut vni facere et verat, quod his exemplis planum fiet. Interdictum de loco sacro ita scriptum est: *In loco sacro facere, inue eum immutare quid veto. l. i. ff. ne quid in loc. sac.* Hæc verba in re & generaliter scripta sunt, quasi lex esset, non enim dicitur *re, aut illum veto*, sed nihilominus perinde accipienda sunt, quasi ita scriptum esset, *re, cum quo agitur, veto*; vt vi ipsa ad personam rei hæc verba referantur. Idem licet obseruari in interdico, ne quid in flumine publico, *l. d. ne quid in flum. pub.* Inscite autem veteres illi moti sunt, *l. prætor in pr. & l. i. ff. de op. no. nunt. l. i. ff. de rab. exh. l. i. ff. vlt. posid.* & quibusdam similibus locis, vt existimarent interdictionem esse dictum; quia his locis parim interdictionum misceretur cum edicto, partim interdico proposito postea nominaretur edictum à iure cōsultis. Hoc enim ideo factum est, non quod essent hæc eadem; sed quod prætor in alio eodem in loco & proponeret edictum, quo polliceretur se interdictionem de re quoq; daturum, & deinde subijceret interdictionis verba, quod in eam rem redditurus esset; vt interdictiones in alio proponi solita intelligimus ex *l. i. inst. hoc tit.* Quæ omnia ex tractatu de interdiciis in Pandectis facile legenti patebunt. Genera interdictionum, eorumque species si quis desiderabit, ex diuisionis ostendent, quæ de his sunt traditæ in *l. i. & l. 2. Digest. eo. tit. & Inst. eod.*

Ad L. Cum proponas. 1.

Imp. Alexander A. Euocato.

Cum proponas radicibus arborum in vicina Agathangeli area positis crescentibus fundamentis domus tue periculum adferri præses ad exemplum interdictionum, quæ in albo proposita habet prætor, si arbor in alienas ædes impendebit: Item, si in alienum agrum impendebit: quibus ostenditur, nec per arboris quidē occasione vicino nocere oportere ad suam æquitatem rediget. PP. 6. Cal. Apr. Iul. II. & Crisp. Coss. 2. 2. 5.

SUMMARI A.

- 1 De arbore aliena, quæ vicino noceat, quæ interdictiones, quibus, & quarum rerum gratia.
- 2 Ex leg. aut edicto esse, etiā quod est ex sententia; & quid sententiarum.
- 3 In paribus causis ius idem statuendum.
- 4 Directum, & vtile interdictionum quid.
- 5 Primum regundorum actionem esse de arbore in alieno insita non tribuendo legi, mo spatio.

De arbore, quæ in alieno agro nata est, duo sunt proposita interdictiones: Vnum de arbore quæ impedit in alienas ædes in hoc comparatū, vt aut dominus arborem excidat, aut patiat vicinum excidere, & ligna tollere. Alterum de arbore, quæ in alienum agrum impendit, huius rei gratia comparatum, vt arborem dominus coerceat, id est, ramos cadat vsq; ad altitudinem quindecim pedum, ne arbor umbra sua vicino agro noceat. *leg. i. D. de arbor. cad.* Neq; plura sunt interdictiones de arbore aliena, quæ vicino noceat. Hinc quaesitum est, si aliena arbor in vicini ædes, aut parietem non impendat: sed ita radices eius excutuerint, vt ecurrant sub parietem vicini, & intumescentes periculum ruinae parieti adferant: an cum vicino agi possit, vt aut arborem excerpit, aut patiat vicinum excerpere, & ligna tollere, vti de arbore, quæ impendit, iuris esse diximus. Hic placet agi posse ita, vt præses ad exemplum superiorum interdictionum rem ad æquitatem suam rediget. Æquitas, siue æquum est quod natura ius est, *leg. penult. Digest. de inst. & iur.*

Natura autem ius est, quod est positum in illis principiis natura, ius suum cuique tribuere, alterum non laedere; quae sunt praecipua iuris. *l. iustitia. §. vlt. D. de iust. & iur.* Ergo his verbis intelligimus, cum domino arboris sicagi posse, vel ut arborem totam stirpitus euellat, vel radices excrescentes cadat. Denique id faciat, quo res eo deducatur, ne radices arboris vicino noceant, aut patiatur vicinum id facere, & ligna tollere. Haec enim aequitas est, quae hic appellatur, constituta ad exemplum interdictorum, quae supra scripta sunt, ut ibidem adiicitur, quod huic spectat. Obstabat enim huic sententiae, quod verbis superiorum interdictorum nihil huiusmodi cautum est. Huic dubitationi superioribus verbis occurritur, hoc modo. Non est hoc ius ex verbis superiorum interdictorum, sed non minus ex illis interdictis ius est.

2 Ex lege enim esse intelligendum est, non solum quod ex verbis legis, sed etiam quod ex sententia. *l. nominis. §. i. ff. de verb. sign.* Sententiam legis appellamus propositum legis, seu finem legislatoris propositum, siue rationem, propter quam ius constitutum est. At in superioribus interdictis haec ratio fuit eorum proponendorum, ne per occasionem arboris vicino noceretur. Haec ratio, siue sententia interdictorum, & edicti praetoris multo magis locum habet in arbore aliena, non solum qui damni vicino occasionem praebet, ut accidit, cum in vicinum locum tantum impedit; sed etiam quae suo corpore nocet vicino, quod fit, cum radices arboris parieti vicini periculum creant. Quare multo magis in hac specie ius idem statuendum est.

3 Itaque hac ratione, atque hoc exemplo statuitur haec definitio iuris certi; quoties lex de ceteris tantum rebus scripta est, si legis sententia & ratio manifesta est, nihilominus idem ius ad ceteras res omnes, quae in lege appellatae non sunt, transferendum esse, si in his aut par, aut maior ratio est, existat in *l. non possumus. & leg. seq. ff. de legib.* Ex quo & verissime hoc vulgo dicitur, ubi eadem ratio est, ibi idem ius esse statuendum, sumtum ex *l. illud. ff. ad leg. Aquil.* Non absum exemplum esse illi, quo vitur Cicero in Topicis ad confirmationem huius ipsius sententiae, in argumento ex com-

4 paratione parium. Ergo in specie hoc loco proposita interdicto de arboribus caedendis agitur, non directo; quia verba de facili; sed vtili ex interdicti sententia. Sic enim vtilis actio appellamus, quae deficientibus verbis legis ex sententia competunt. *§. vlt. Inst. ad leg. Aquil. l. pen. ff. si quadrup. pauper. sec. dic.* Haec, quae diximus, ita sunt, si arbor, cuius radices nocent, infra sit a domino relicto legitimo spatio, quod relinqui iubetur. *l. vlt. ff. fin. reg.* Nam si hoc spatium relictum non est, agi cum domino arboris potest finium regundorum, ut siue arbor noceat, siue non noceat; tamen arborena tollat. *d. l. vlt. fin. reg.* Quod si hoc spatium legitimum relictum erit, & nihilominus arbor ita nocebit, ut supra dictum est, haec erunt actiones & interdicta, de quibus diximus.

L. Praefes Provinciae. 2.

Imp. Valerian. & Galienus. AA. Messia.

Praefes provinciae in eum, qui eiusdem provinciae non est, nec ex interdicto potest cognoscere. PP. 7. Kalend. Maij, Seculare & Donato. Coss. 261.

S Y M M A R I A.

- 1 Extra territorium neminem iudicem cognoscere posse, ne ex interdicto quidem.
- 2 Cur dubitetur, & nihilominus contra statuatur in interdicto.
- 3 Iudicem omnem in eum, qui eiusdem provinciae non est, cognoscere posse quatuor in causis, & quibus.
- 4 Id huic loco non aduersari, & cur.

PRaes provinciae, eoque multo magis inferior iudex, aduersus eum qui eiusdem provinciae & territorij non est, cognoscere non potest, quod sic interpretandum est. Non potest iure, siue vtiliter; quia quodcumque aduersus eum ius dixerit, pro non dicto est, licet enim ei non parere, id impune; quia supra iurisdictionem suam ius dixit. *l. vlt. ff. de iurisd. tot. ius. sup. si a non comp. iud.* Hoc ius pro explorato habetur tam in actionibus in rem, quam in actionibus in personam de aliis rebus, quam de possessione competentibus.

1 Quaesitum est, an idem seruandum esset, si apud praesidem provinciae ageretur interdicto; veluti, si aduersus eum alterius territorij

ageretur de possessione fundi ibi constituti vel interdicto retinenda possessionis *Vel possidetis*, vel interdicto recuperanda *Vnde vi*. Placet hoc loco idem ius esse, et si ex interdicto agatur, ut intelligamus generaliter ita definiti: neque praesidem, neque vllum iudicem vilo in iudicio cognoscere aduersus eum posse, qui eiusdem territorij non sit.

Sed cur potius dubitatur de interdicto, quam de ceteris actionibus? Quia ex interdicto de possessione agitur. Causa autem possessionis, siue victoria de possessione non magnum praedictum adfert videtur; quia sit possessio, quae inde obtinetur, momentaria, de quo dicitur ad *l. momentaria. inf. vnde vi*. Sed nihil hoc ad rem pertinet. Nam dum a praeside ius dicitur, nihil refert, quantum ea sententia noceat, & quamdiu. Ius certum esse debet, neminem supra iurisdictionem suam ius dicere posse, *d. leg. vlt. de iurisd.* Et merito, qui enim supra iurisdictionem suam ius dicit, tanquam priuatus dicit, ut proinde non magis necesse sit ei parere quam ali, cuius priuato.

Sed diligenter cauendum est, ne quod hic dicitur, simpliciter & absolute dictum accipiamus, alioqui multis modis falsum erit. E. certe ius ita habet, ut, non dico praesides, sed cuius iudex in eum, qui eiusdem provinciae non est, possit iure cognoscere, & quidem pro iurisdictione sua, quatuor de causis, quae ex argumto de iurisdictione, & foro competentis sumuntur melius, nunc pro loco, quod necesse sit, tantum leuiter perstringam. Primum, si is, cum quo agitur, in iudicem consenserit. *l. i. & 2. m. pr. D. de iud.* Tum si idem in eadem provincia contraxerit, quo nomine nunc ibi conuenitur, *l. heres absens. §. vlt. & l. seq. ff. de iud.* Et ideo si in hoc agro tibi dederim rem aliquam precario, recte aduersus te, quamvis exterum, in hac provincia tecum agam in interdicto de precario. Praeterea si quis hic agat, & vice mutua ab aduersario conueniatur. *l. qui non cogitur ff. de iud. l. cum Papin. & auct. seq. sup. de sent. & interloc.* Postremo si in hoc territorio fundus situs sit, cuius controuersiam patior ab homine extero, aut cuius de possessione ab illo sum deiectus; licet mihi aduersus illum hoc loco experiri de fundi possessione tam ex interdicto *Vel possidetis*, quam ex interdicto *Vnde vi*. Plus dico; etiam hoc loco causa possessionis agenda est. *l. vnica. sup. vbi de poss. agi. orter.*

Quid est igitur, quod hac lege dicitur, praesidem in eum, qui alterius provinciae est, cognoscere ex interdicto non posse? Id ex quaestione proposita interpretandum est. Agebatur ex interdicto apud praesidem provinciae, & actor contendebat; quia interdicto ageretur, posse in hoc territorio etiam agi aduersus exterum. Hic respondetur, si ob hanc tantum causam praesides aduersus exterum cognoscere vult; quia causa possessionis agitur ex interdicto, nullam hanc causam esse, cur possit id facere. Itaque haec solum causa cognoscendi hoc loco remouetur. Ceterum ob alias causas, si vel iudex cognoscere, potest: non dico ex interdicto, sed & ex ceteris quibusvis actionibus, dummodo vna aliqua ex illis quatuor causis afferatur, quas supra dixi.

L. Incerti. 3.

Imp. Dioclet. & Max. AA. & CC. Pompeiano praefecto Praetorio.

Incerti iuris non est, orta proprietatis & possessionis lite prius possessionis decidi oportere quaestione competentibus actionibus, ut ex hoc ordine facta, de dominij disceptatione probationes ab eo, qui de possessione victus est, exigantur. Interdicta autem licet in extraordinariis iudiciis proprie locum non habent; tamen ad exemplum eorum res agitur. Subst. Kalend. Ian. S. ipsi. AA. Coss.

S Y M M A R I A.

- 1 Proprietatis & possessionis controuersia, quae, & quando incidat.
- 2 Commodum possessoris, & petitoris omni, controuersia de possessione causam praebere, & quod sit hoc commodum, atque onus.
- 3 Possessionis litem prius, quam proprietatis decidi oportere, idque civilem & naturalem rationem efficere, & quare.
- 4 Possessorio & petitorio iudicio simul agi nunquam posse, quocumque interdicto agatur, etiam recuperanda, aut adipiscenda possessione.
- 5 Ius refragari.
- 6 Petitorio & possessorio simul agi posse, absurdum.

- 6 Petitorio & possessorio simul agi p̄ se, absurdum.
 7 Petitorij & possessorii naturam non admittere horum iudiciorum concursum.
 8 De c. Pastoralis. & c. cum dilectus de caus. pos. & prop. quid sentiendum.
 9 L. cum fundum. §. vlt. D. vnde vi explicatur.
 10 Qui cepit rem vindicare, si postea de possessione experiatur (quod facere non prohibetur) non ideo repudiari petitorium iudicium, sed pendere, donec de possessione iudicetur. & num. 12. 13.
 11 L. naturaliter. §. nihil commune. D. de acquir. pos. sententia, vbi & vulgaris error refellitur.
 12 Auth. qui semel. C. quo. & quan. iud. quam sententiam habeat.
 13 De possessione qua actiones.
 14 Interdictis hodie cessantibus eorum loco actionem esse vtilem, & cur dicatur vtilis.
 15 Interdicta hodie cur locum non habeant.
 Extraordinaria iudicia omnia nunc esse, & fuisse etiam temporibus Iurisconsultorum, cum olim essent ordinaria, nunc extraordinaria. ibid.

Tunc inter aliquos cōtrouersia ꝑ possessionis & proprietatis, cum ambo se eiusdem fundi, aut cuiusvis alterius rei possessores esse volunt, & ambo se dominos esse dicunt. Oriti solet hæc cōtrouersia, cum is, qui se dominum fundi dicit, fundum, qui ab alio detinetur, à possessore vindicat, illū suum esse & sibi restitui debere intendens: sed idē & de possessione adijcit petēs, vt nihilominus in ea lite possessoris cōmodo fruatur, aduersarius petitoris partes sustineat. Quod his de causis potest petere, vel quod dicat se eum fundum iā nunc possidere, qua in re & interdicto *vi possideris* agat: vel quod intendat sibi possessionem ad aduersario restitui debere. Quod & ipsum duplici nomine peti potest; vel quia deiectus sit de possessione ab aduersario, vbi & interdicto *vnde vi* experiatur, vel quia dicat, se possessionē nunc primum adipisci posse, & ad eam rem vtatur ijs interdictis, quæ sunt adipiscendæ possessionis, vt, *Quorum bonorum*, *Quod legatorum*. Aduersarius contra primum se dominum esse dicit: deinde, quod ad possessionē attinet, etiam se possidere contendit, & ita possidere, vt possessionem aduersario restituere non debeat. Et quod actor, qui se dominum dicit, rei vindicatione agit, vt possessionē fundi sui recuperet; recte & consueto facit. Nā hoc iudicio possessionem rerum nostrarum recuperamus ab iniustis possessoribus & quidem ita efficaciter, vt postea illi de possessione cōtrouersiam mouere non possint, obstanti his rei iudicatæ exceptione, *l. officium. D. de rei vindicat.* Sed dum hoc consequatur, nihil est, quod querat amplius. Quid igitur necesse fuit, dixerit aliquis, eum, qui hoc iudicio agit, etiam interdicto aliquo, aut actione de possessione cōtrouersiam mouere.

Id eo ꝑ fit, & recte, quia certum est cōmodum possessoris, certum onus petitoris. Petitoris onus in eo est, quod is probare debet re suam esse, quam suam esse intēdit, ac nisi faciat, reus absoluitur. *l. qui accus. sup. de edendo. l. inter. ff. de iud. cōmodum possessoris in eo, q. si petitor nihil probet, reus absoluitur, quamuis ipse nihil præstiterit: atq; ita in suo loco manet possessio. d. l. qui accus. §. retinenda. ver. cōmodum. Inst. de interd.* Hoc cōmodum sibi habere vult actor possessionem sibi asserendo, & simul petitoris partes in aduersarium transferre. Recusat is, cum quo agitur. Hinc cōtrouersia de possessione in causa proprietatis.

In ꝑ hac cōtrouersia possessionis & proprietatis. quæstio est, vtrum iudex possit prius de proprietate cognoscere, & sententiā ferre, an simul de vtroq; an vero prius possessionis litē decidere. Placet possessionis litē prius decidi oportere; q. hic scriptū est, & in *l. ord. sup. de rei vim.* Ex quo colligimus, nisi prius iudex de possessione iudicauerit, iure ab eius sententiā appellari posse, quod & ipsum est in *l. sup. de ap. Cur* placeat causam possessionis prius decidi oportere, hic ratio reddita est, ad hanc sententiā, vt scilicet finita possessionis cōtrouersia, & hoc cōstituto, vter sit possessor; tunc recto ordine, ad petitoriā actionem procedatur: in qua qui possessor pronuntiatus est, fruatur cōmodo possessoris: contra qui de possessione victus est, petitor factus partes & onus petitoris sustineat: quæ duo sunt in eo, vt p̄bationes ab eo exigantur. Et vero id ita fieri necesse est. causā. n. possessionis ante nō decidit, petitoria actio, id est, lis de proprietate, neq; potest institui, neq; iure ordinari, neq; in eo iudex idoneā sententiā ferre. Non p̄t actio institui petitoria quia vt hoc explicatur in *§. resimenda. Inst. eo. tit.* in petitoria actione oportet vnum petitorē esse & alterū possessore, à quo petatur; idq; & ciuili & naturalis ratio facit. Ciuili; quia

ius ciuile actionem in rem proponit tantum aduersus possidentem *l. actionum. ff. de obl. & act.* Naturalis; quia natura p̄t fieri, quin in petitione sit vnus, qui petat, & alter, à quo petatur. is autē est, qui pro possessore habetur. Nā cum ab eo petatur, vt rem restituat, non potest fieri, quin rem habeat apud se, aut teneat. Quod enim non possidet restituere non potest. Sed & is, qui petit, non potest possessor esse; quoniam frustra peteret, quod habet. Ergo, vt dixi, non potest petitoria actio, siue rei vindicatio, siue, quod idem est, lis de proprietate aliter institui, quā si cōstet, vter possessor sit, vter petitor. Hoc autem constitui non potest, nisi decisa possessionis lite, ex qua intelligitur, vter sit possessor. Prius igitur eam litē decidi oportet, vt petitoria actio instituat. Eadem actio sine superiore decisione ordinari non potest: non enim potest intelligi, qui commodo possessoris, quis onere petitoris fungatur. Postremo iudex, quam hic sententiā ferat, nō habet. Etenim si in petitoria actione petitor nō probat, aut pares sunt vtriusque probationes, iubetur iudex de dominio secundum possessionem iudicare aduersus petitorē. *d. l. qui accusare. de eden. l. in pari. ff. de reg. iur.* Hoc vero præstari ab eo non potest, qui vter possessor, vter petitor sit, ignoret.

Si ꝑ de possessione prius iudicari oportet, perspicuū est simul & possessorio & petitorio iudicio agi nō posse, & quod idem est falsum esse, quod vulgo dicitur, possessoriū & petitoriū iudiciū posse cōcurrere. Idq; ita est, siue iubeatur iudex iudicare de alterutro, vbi prius de eo probatum erit, siue iubeatur de vtroq; id est, & de possessione & de proprietate eodem tēpore sententiā ferre. Hoc idem & vulgo recipiunt, cum de possessione agitur interdicto retinendæ possessionis: vbi sane absurdum est, eū qui se possessore dicit ex interdicto, petitorio agere, quo modo agendo aduersariū facit possessore. Nō idem probant, si de possessione agatur interdicto recuperandæ & adipiscendæ possessionis, vt si quis deiectus de fundi possessione experiatur interdicto *vnde vi*, & idē se fundi dominum dicat; aut heres interdicto *quorum bonorum* de adipiscendæ rerum hereditariarum possessione, quarum & idē se dominum esse dicat. Hic statuunt vtrumq; iudiciū posse concurrere, vt quis agat & de possessione quā sibi restitui postulet, & simul de proprietate, de qua iudicio petitorio experiatur: ratione, vt videtur non improbabili, quia qui possessionē sibi restitui petit, is se non possidere confitetur, sed aduersariū: cui intētionē nihil facit repugnans, cum & ab eo petit re iudicio petitorio. Sed hanc sententiā falsam esse omnib. modis cōiunctur, siue queratur huius iuris ratio; siue natura ipsa spectetur, quæ conditio horum iudiciorum, istam sententiā vt absurdam & impossibilem repudiat.

Si ꝑ querimus, hæc generalis sententiā tradita est in hac lege, & item in *l. ordinarij. sup. de rei vim.* possessionis quæstionem prius decidi oportere, vbi obseruandum est dici, decidi oportere; nō quia de retinenda possessione agatur, sed tantū ideo; quia de possessione sit cōtrouersia. At possessionis cōtrouersia est etiam cum interdictis recuperandæ, & adipiscendæ possessionis agitur, vt declarat diuisio interdictorum in *§. seq. Inst. eo. tit.* Prius igitur & hæc cōtrouersia ex his indicis nata decidenda est: Quod si de specie ipsius interdicti *vnde vi*, quod est recuperandæ possessionis, queritur; res decisa est in *l. i. su. de ap.* Illic enim scriptum est, prius de possessione iudicari oportere, & de ea possessione, in qua crimen violentiæ excutitur, quod nō fit, nisi vbi interdicto *vnde vi* agitur ab eo, qui vi de possessione deiectus erat. Non additur: prius iudicandum esse, quam de proprietate agatur. Sed hoc necessario intelligēdum est. Non enim potest dici, prius iudicari de possessione ex interdicto, nisi hoc prius ad alias res relatum sic intelligamus; vt iudicetur de possessione prius, quam agatur aut de vi criminali iudicio, aut de proprietate, aut de vtroq; Cum autem, nihil adijciatur, vtrumq; intelligere debemus nempe prius de possessione iudicandum esse, quam & de proprietate & de vi, de qua iudicio criminali agitur. *l. i. qui inf. ad leg. Jul. de vi publ.*

Si ꝑ ratio huius iuris queritur, sententiā istorum absurda est. Nā cum agitur interdicto recuperandæ aut adipiscendæ possessionis, non constat, vter ex litigatorib. sit possessor, aut certe vter pro possessore haberi, & commodo possessionis sui debeat, priusquam de possessione ex interdicto iudicatum sit. Ergo & prius de eo iudicari oportet; quoniam hoc non constituto, petitoria actio institui non potest. Et quidem hac ratione fatentur omnes in interdicto retinendæ possessionis prius de possessione iudicari oportere, vt sic ad petitorium iudicium perueniatur.

Et si negent, d'erte scriptum est in d. §. *retinenda. Inst. eo.* Ergo & in interdictis recuperanda & adipiscenda possessionis eadem ista ratione fateamur, necesse est, prius ex his interdictis de possessione iudicari oportere. Nec ad rem pertinet, quod qui petit, possessionem sibi restitui, vel de qua deiectus est, vel quam nunc primum adipisci vult, is se possessorem non esse confiteretur, & aduersarium possidere agnosceret, qui alioqui male ab eo pereretur, ut possessionem restitueret. Hoc enim ita est, si spectetur id, quod videtur esse. Diuersum est, si spectetur res & effectus iuris. Reuera & iure is, qui deiecit, non videtur possidere, neq; omnis possessionem retinere nō potest. *l. non videtur. de acq. pos.* Contra, qui deiectus est, & omnis omnino, qui ad recuperandam possessionem actionem habet, proinde habetur, quasi possideret. *l. si quis vi. ff. de acq. poss. l. qui actione. ff. de reg. iur.* Itaq; siue is reuera possidet, bene est, siue non possidet; tamen possessio & vna possessionis comodum ei tribuendum est sententia iudicis. Quod si iudex ante omnia non facit, iure ab eo prouocatur. *d. l. i. sup. de appel.*

7 Postremo ¶ vt de hac re nihil iure proditum esset, vt huius iuris rationem nullam teneremus; tamen ea est conditio istorum iudiciorum, possessorij dico & petitorij, vt natura nō patiat, vt quisquā his iudicijs simul experiatur. Primi iudicia inter se sunt pugnantia, & eiu modi, vt quod actor vno consequitur, id altero repudiet. Nam possessionis controuersæ finis & exitus hic est, vt qui possessorio agit, possessor iudicatus commodum possessionis fruatur. *l. exisus. j. de acq. pos. l. inter. ff. de iud.* At petitorij iudicij hæc conditio est, vt qui eo experitur petitoris onus in se suscipiat, simul possessionis comodum repudiet. *d. l. inter. de iud. d. §. retinenda. Inst. de interd.* Nemo autem sanas ita simul agat, vt tam aperte seipsum excludat, deniq; pugnantia vt natura, sic iure non admittuntur. *l. vbi pugnantia. D. de reg. iur.* Verum fingamus hæc admitti à iudice: at tamen res apud iudicem ex tum habere non potest, vbi de possessione prius iudicatum non erit. Na si actor in iudicio petitorio non probet se dominum esse, aut probet quidem, sed pares sint ab vtraq; parte probationes; iubetur, vt ante dixi, iudex reū eundemq; possessorem absolueret, aduersarium damnare. *d. l. qui accusat. sup. de eden. l. vlt. sup. de res vind. in pars. ff. de reg. iur.* Hoc vero quomodo aut iure, aut natura iudex præstare potest, qui nesciat, inter ex litigatorib. sit possessor, vt petitor? Quod amplius volumus: vt maxime hæc duo iudicia recipiantur; tamen vter natura vincat, petitorij alterum inutile futurum. Siue enim is possessorio vincat, siue vincitur, semper ei possessorium inutile est. Nam et si eo vincat, tamen ipse sibi inutile reddit, cum nihilominus petitorio experiat, vbi possessoris comodum repudians, petitoris partes sustinet. Sin autem vincat prius petitorio, ei multo magis possessorium est superuacuum. Petitorio namq; consequitur possessionem fundi efficacius, quam possessorio; quia priore iudicio vincenti possessio amplius auocari non potest. *l. offic. de rei. v.*

8 Quod ¶ si eodem tempore & de possessione iudicabitur & de proprietate, ita vt is, qui agit, possessor pronuntietur, aduersarius pronuntietur esse dominus; eueniet mirifica illa sententia, de qua est in *c. pastor. & in c. cum dilectus. de caus. prop. & pos.* nimirum vt iudex iubeat reū n possessionem restituere actori, qui possessor est: & simul eodem momento, eademq; sententia iubeat eum ipsū actorem restituere possessionem reo, qui dominus est, & superior in iure proprietatis. Quæ sententia non tam est iniqua & absurda, quā ridicula & derisoria. Est enim festiuus iudex, qui dicit, se actori possessionem tribuere, quam non tribuit. Non enim videtur peruenire, quod mansurum non est; & præferim, si statim id auferatur, quod datum erat. *l. alius est capere. D. de verb. sig.* Itaque hic videtur magis actor, quam ei quidquam tribuitur. Quinquā hæc sententia est absurda, cum eundem reum possessionem retinere vetat, & tamen habere iubet. Est etiam contra ius; quoniam actor dolo facit, qui petit possessionē, quam statim e momento restitutus est. *l. dolo. de dol. mal. except.* Iniquum igitur statuit iudex, qui hunc dolum sententia sua tuetur. Et tamen verbis tantum tuetur, effectus autem ridet. Summa sit hæc, cum ex interdicto recuperanda & adipiscenda possessionis actor possessorem, & simul possessionis commodum consequi debeat, hoc illi ante omnia sententia iudicis tribuendum esse, hęc possessionis prius decidi. Id nisi fiat, iure ab eo appellari posse.

Cum sit hæc sententia adeo certa, & vt videtur, explorata, operæ pretium est cognoscere, quid fuerit Martino, & rel. quis hunc securis causæ, vt eam repudiarint.

9 Mouit ¶ eos præcipue *l. cum fundum. §. vlt. D. vnde vi.* Illic scriptum est eum, qui fundum vindicauit, pendente adhuc iudicio

vindicationis, quod petitorium iudicium, & de proprietate appellamus, hoc, inquam, iudicio pendente posse interdicto vnde vi experiri, nepe de possessione eius fundi, de qua actor deiectus erat. Ex quo colligitur simul eum de vtroq; iudicio experiri posse, & possessorio & petitorio, Grauis sane obiectio, & digna in primis, cur à iure tam manifesto, quam supra dictū est, discederent. At qui perspicuum est, nihil hic plane contrariū dici superiori sententiæ. Non enim dicitur cum, qui interdicto experitur sic experiri; vt simul & interdicto, & rei vindicatione agatur. Sed nec ex eo, quod dicitur interdicto agi posse pendente vindicatione, idcirco colligitur etiam vna & rei vindicatione agi eodem tempore: cum possit actor interdicto experiri omiſsa vindicatione, quā instituerat. Et vero ita fieri debere intelligendum est. Nam cum dicitur, pendente vindicatione interdicto agi posse, etiā dicitur agi de possessione. Quod si agitur de possessione, res certi iuris est possessionis controuersia prius decidi debere, nō nouo aliquo & nuper constituto iure, sed iure ordinario, vt est in *l. ordinari. sup. de rei. v. id est, iur. solemn. i. ere, & iā olim cōstituto, atq; usurpato.* At dicunt, illic non dicitur, pendente iudicio rei vindicationis, & omiſso, siue intermiſso. In proutu responsio est: non dicitur, fateor, sed etiam non negatur. Præterea non sic dicitur: interim agi posse interdicto, vt simul rei vindicatione agatur, & de ea cognoscatur. Itaq; hoc, an ita interdicto agi possit, vt coniunctim & de possessione ex interdicto & de proprietate iudicio possessorio agi possit, an vero de possessione separatum tantum: hoc, inquam, eo loco non attingitur, sed in medio relinquatur. Proinde relicta ex regulis iuris certi, quæ alibi traduntur, ad iudicandum est. Sunt autem hæc, quas dixi, prius decidi oportere possessionis causam.

Quod ¶ si verum est, consequens est, si prius de proprietate actum esset petitorij iudicium interim pendere & cessare debere, donec de possessione iudicatum fuerit. Quapropter si quis in *d. l. cum fundum §. vlt.* illa verba, pendente iudicio, interpretetur, ius iudicio rei vindicationis, & ad aliquid tempus omiſso, fortasse non erraret, quod tamen, vt verba illa non significant; nihilominus ex alij locis intelligi oportet.

Ex quo etiā intelligi potest, quid respondeamus ad id, quod vulgo quæritur *ad l. natural. §. nihil cōmune. D. de acq. pos.* quod tam multis paginis Barr. & ceteri omnes expedire adhuc non poterunt. Nam cum illic diceretur, eum, qui cepit rem vindicare, posse nihilominus interdicto *vt possidetis* de possessione experiri, idq; ita omnes acciperent, vt faterentur simul cum eo possessorio non posse agi petitorio, siue rei vindicatione prius instituta: ideo quærent, quid igitur interim petitorio fiat, cum ista concurrere in hæc causa non possint.

Est spond. eum, qui interim interdicto *vt possidetis* experitur, petitorio renuntiare aut aperte, aut tacite; aut etiam intelligendum finitū prius esse petitorium, quam possessorio agerentur. Verum q; falsissimum. Qui interdicto *vt possidetis* experitur, nō magis petitorio renuntiat, quā is, qui petitorio prius egerat, siue rem vindicare cepit, intelligitur renuntiare possessioni. Nihil enim cōmune habet proprietatis cum possessione, vt illic dicitur. quo significat Vlpianus, cum harū rerum iudicia diuersa sint si quis experitur, non ideo eū alteri renuntiare. Multo minus intelligendū est in specie illius loci, finitum fuisse petitorium, vel rei vindicationē. Nam ita verba sunt. nō denegari ei interdictum *vt possidetis* qui cepit rem vindicare. Qui cepit, nō finit. Cæprum igitur iudicium, nō finitum est. Quid ergo, inquam, petitorio iudicio fiet, cum non possit cum possessorio concurrere? Respondebimus, quod supra: nepe interim omittitur rei vindicatione, donec de possessione iudicetur. Neq; probatio huius rei lōge petenda est, subministratur enim aperte ex hac *l. incerti. & similibus*, cum dicitur, *pos. spon. controuersiam prius decidi oportere.* Non potest decidi prius, nisi interim iudicium petitorium contestetur, ad quod non nisi constituta possessione perueniri potest.

Hoc ¶ loco obijcitur *auth. qui semel. sup. quom. & quam. iud.* Illic scribitur, eū, qui semel actionem instituit, debere vsq; ad finem litem exercere. Quo eumci putant, vindicationem institutā omitti nō posse. Sed hoc iure offendi non debemus. Qui interdicto de possessione experitur pendente rei vindicatione & interim petitorio actione petitorij omittit, is non recusat litem exercere de proprietate, sed recusat in ea lite partes petitoris sustinere, ac se comodum possessoris frui vult, id quod iure postulat, cum sit possessor, nec possessioni renuntiauent vindicando. Licet etiam hoc modo responderet, quod dicitur in *auth. qui semel.* eum qui actionem instituit, actione ad extremum exercere debere: sic accipiendū est, nisi sit in ista causa

causa, cur actionem captam omittat. Quae interpretatio probatur ex sequentibus verbis illius authenticae. Subiicitur enim postea, *si is, qui actionem instituerat, litem non exercent, rem iudicandam esse, praesente adversario, auditio eius allegationibus & cognita veritate.* id est ita iudicari debere secundum praesentem, si iure id fieri oporteat, & agenti nullum ius sit. At tunc secundum praesentem adversarium iudicari non oportet, ubi non constat eum posse florem esse. Non constat autem, ubi is, qui rem vindicare cepit, interdictio de possessione experitur. Nihil igitur prohibet neque ex veteri neque ex nouo iure, quominus is, qui rem vindicare cepit, pendere iudicio de possessione aliquo interdicto experiat, & interim suspendatur rei vindicatio. Neque ideo actor in expensis litis condemnandus est, qui rei vindicationem in se utam omitterit. Is enim in expensis litis condemnandus est, qui temere litigauit. *l. cum quem temere ff. de iud.* Nihil autem temere facit actor, qui cum illi & petitorum & possessorum competant, his diuersis temporibus vitur, cum vult. Huc pertinet regula iuris, nullum videri dolo facere, qui suo iure vitur. *l. nullus ff. de reg. iur.*

Hoc iure constituto, possessionis litem prius decidi oportere, quaesitum est, quomodo decideretur. A iuris Imperatores decidi oportere competentibus actionibus. Sensus est: ita decidi oportere, ut sunt interdicta, siue actiones, quibus de possessione nobis asserenda agitur, siue quae de ea re nobis competunt. Quod propterea dicitur, quia non vnum genus est possessionis qua nobis asserimus. Est enim possessio, quam penes nos esse dicimus, quam nobis volumus retineri. Est possessio, quae nobis abest, sed quam vel adipisci, vel recuperare amissam volumus. *l. 1. §. 1. & 2. vii poss.*

De ¶ vnoquoque genere, suae sunt actiones, siue interdicta, quae non eandem petendi causam habent. Hoc igitur sentiunt Imperatores, litem possessionis decidi oportere, ut erunt interdicta, siue actiones, quibus aut retinendae possessionis causa agitur, aut adipiscendae, aut recuperandae, §. *sequens. Inst. eo.* Etiam actiones ordinariae interdum de possessione competunt ex quibusdam causis; ut conditio indebiti de possessione indebita alij tradita, ut conditio furtiua de re furtiua; ut conditio sine causa, & triticaria de possessione fundi, de quo deiecti sumus, *l. indeb. §. 1. de cond. indeb. l. 1. in fin. cum l. seq. D. de cond. trit.* Itaq; his etiam cum agitur, ex earum natura aestimandum erit, quomodo lis possessionis decidatur.

Hoc posito, occurrebat hoc loco haec dubitatio. At isto modo non poterit lis possessionis expediri, quia nullae sunt competentes actiones de ea re, aut certe per paucae. Nam de possessione interdicta competunt. Porro interdicta in extraordinarijs iudicijs locum non habent. Huic dubitationi occurrunt Imperatores; in extremo, & rem expediunt hoc modo.

14. Interdicta, ¶ id est, formulae quibus olim concipiebantur interdicta, sane hodie locum non habent, sed res interdictorum mansit. Nam res agitur actionibus exemplo interdictorum, id est, actione petet vnusquisq; ut sibi possessio defendatur, ut sibi possessio, quam non habet, restituatur ex ijs causis, ex quibus interdicta iisdem de rebus competere. Et tantum consequetur actor, quantum consequeretur, si interdictis retinendae, adipiscendae, aut recuperandae possessionis expertus esset. Vnde actio, quae de possessione nunc competit, vtilis dicitur, §. *vlt. Inst. eo.* quoniam omnis interdictorum verbis sententiam interdicti, id est, rem & effectum retinet.

15. Sed ¶ cur interdicta hodie locum non habent? Quia iudicia hodie sunt extraordinaria, ut significat Imperatores his verbis; interdicta autem licet in extraordinarijs iudicijs proprie locum non habeant, quae nisi explicentur, locus commode intelligi non potest. Primum hoc statuendum est, hodie iudicia esse extraordinaria, & quidem ijs temporibus, quibus vixerunt Iuriconsulti ac non tantum Imperatores Diocletianus & Maximianus auctores huius rescripti. Extraordinaria fuerunt, non vnum aliquod, sed omnia, §. *vlt. Inst. eo.* Extraordinaria dicta, cum olim essent ordinaria, ut est in *Inst. de success. subl. in pr.* Ordinaria iudicia olim dicta sunt ex eo, quod certo statum anni tempore, & constituto, idque certo ordine & forma exercerentur: quod tempus dicitur conuentus, ut Theophilus docet ad eum tit. *Inst. de success. subl. & ad §. eadem. Inst. quib. ex cau. manu. non lic.* Recte hoc modo iudicia ordinaria. Nam in usu veterum ordo dicitur forma & ratio, viue mos rei gerendae certus & sollemnis, idemque iam olim constitutus: quod quae certa sunt & constituta, ea certo ordine constant & administrantur. Hoc sensu dicitur ordo iudiciorum publicorum exercendorum exoleuisse: *l. ordo. ff. de pub. iud.* Hoc sensu ius ordinatum, id est, certum & vfi-

tatum, *l. ordinarij. sup. de rei vind.* Hinc feriae extraordinariae sollemnibus oppositae, *sed est. §. si feriae. ff. ex quib. cau. maior.* Hac ratione dicta executio ordinaria, cum iudicio de iure nostro agitur. Contra cum praetor vi & manu deereum suum exsequitur, dicitur extra ordinem exsequi, *l. 3. ff. no. vi. si. ei. qui in poss. mis. est.* Nempe quia ratio visitata & sollemnis iuris nostri persequendi haec est, ut iudicio experiamur, *l. 1. sup. de exse. rei iud.* Recte ergo iudicia ordinaria appellata, quae certo & statim tempore atque ordine exercentur. A quo ordine cum discessum est, quod tunc factum est, cum ceperunt quouis tempore iudicia exerceri: recte dicta sunt exerceri extra ordinem quia praeter morem veterem & visitatum. Ut autem in tempore a veteri ordine discessum est: sic discessum est ab ordine iudiciorum exercendorum, ut ambages verborum & circuitus non necessarii in iudicijs exercendis ommitterentur, *tit. de suc. subl. in Inst.* Hinc conceptio formularum in iudicijs obseruari desit: quod & Pauli tempore valuit, *l. antepen. ff. de neg. gesti.* Ius deinde renouatum, & constitutum apertius lege Constantini, *l. 1. sup. de for. & imp. act. subl.* In hoc genere erant interdicta, quae constabant formulis & conceptionibus verborum, *Inst. de interd. in pr.* Ex his iam intelligimus, cur dicantur hoc loco interdicta in iudicijs, quae nunc extraordinaria sunt, proprie locum non habere. Proprie adiectionem est, quia interdictorum conceptiones locum non habent, vis ipsa, & effectus interdictorum manet.

L. vlt.

Imp. Arcad. & Honorius AA. Aemiliano praefecto praetorio.

Si quis quolibet interdictum efflagitet ruptis veteribus ambagibus, inter ipsa cognitionum auspicia, actionem exprimere ac suas allegationes inbeatur proponere. Dat. 13. Cal. Aug. Constantinop. Arcadio A. VI. & Probo Coss. 406.

S V M M A R I A.

1. Ambages interdictorum haec formula verborum, deductiones in rem praesentem, impetratio actionis ex causa interdicti.
2. Ambages interdictorum hac lege ita sublatae ut interdictum ne postulare quidem hodie liceat.

Ambages ¶ interdictorum hic nominantur, non solus, quod interdicta formulis verborum non necessarijs constarent, sed etiam quod impetrato & reddito interdicto deductiones quaedam in rem praesentem more fieri solent, ubi possessio restitueretur, aut declararet reus se vi abstinere, vim possidentem non facere; ut colligere licet ex oratione Cic. pro Caelio. Hic si interdicto praetoris paritum non esset, tunc denique impetrabatur actio aduersus eum, qui non paruisset, quae ex causa interdicti reddebatur, ut significatur in §. *vlt. Inst. de interd.* quae bene & erudite annotata sunt a Barone ad tit. de interd. in pr. Hos circuitus & has ambages inutiles esse perspicuum est. Itaque his sublatis statim iubetur actor actionem suam de possessione proponere. Sed cum haec ambages iam ante obseruari desissent, ut declaratur lege praecedente, quid opus fuit hac constitutione?

Hoc ¶ videtur haec constitutio adiecit, nam ante interdicta non obseruabantur, id est, non necesse erat obseruari. si quis tamen interdicto experiri vellet, non prohibebatur: ut res haec videretur relinqui libera, vtrum quis interdictum postulet, an non postulet. Hac constitutione res in necessitatem iuris translata est, ut si quis interdictum postulet, non audiat.

AD TITVLVM II. QVORVM BONORVM NORVM.

S V M M A R I A.

1. Pand. Florentinarum lectio in interdicto Quorum bonorum emendata & num. 13.
2. Quorum bonorum interdictum propositum ei, cui ex elicto praetoris bonorum interdictum possessio data est: hoc totum quid sit, quidque hodie contineat.
3. Non omnibus heredibus quorum bonorum interdictum competere, sed solis, qui apud magistratum bonorum possessionem agnouerunt. *l. 1. C. hoc tit. exponitur, ibidem. & num. 6.*

l. ordo. ff. de pub. iud. Hoc sensu ius ordinatum, id est, certum & vfi-

- Quorum bonorum interdictum ideo necessarium ad rerum singularium possessionem adipiscendam, quia hanc bonorum possessio data non tribuit.
- 5 Non sufficere ad hoc interdictum bonorum possessionem datam, sed probari oportere ex iusta & vera causa datam.
- 6 Hoc interdictum competere de rebus hereditariis non solum, quae nunc tales sunt, sed etiam quae à possessore vsucaptae sunt, explicantur illa verba interdicti, possidere sine, si nihil vsucaptum esset.
- 7 Pro herede possidentem non aliter vsucapere posse res hereditarias, quam si iustam causam habeat existimandi se heredem.
- 8 Hoc interdictum cur de re hereditaria à possessore vsucapta aduersus dominum, & eum, qui actionem & exceptionem de re habeat.
- 9 Hoc interdictum solum aduersus corporum hereditariorum possessores, non etiam aduersus debitores hereditarios, aliter atque petitio hereditatis datur & differentia ratio.
- 10 Hoc interdictum cum persequatur res singulas, quid sit, quod dicitur in l. 1. D. hoc tit. referri id ad inuersionem bonorum, non ad res singulas.
- 11 Interdictum dari aduersus eum solum qui pro herede proue possessore, non etiam iusto titulo possideat, & cur.
- 12 Hoc interdictum competere etiam aduersus eum, qui dolo desit possidere.
- Tenor interdicti quid sit in l. 2. C. hoc tit. ibid.
- 13 Hoc interdictum ad hoc competere, ut quod de hereditate possidetur, restituatur, id est, praestetur actori.
- 14 Petitioem hereditatis, & hoc interdictum competere de iisdem rebus, isdem personis, & aduersus easdem personas: sed interdictum ad possessionem adipiscendam vna in re commodius vnde & comparatum.

Missis iis interdictis, quae sunt de rebus sacris, religiosis, publicis, quae proponuntur in Pandectis, solum hic traduntur interdicta de rebus priuatis. eaque sequuntur deinceps; initio facto ab iis, quae sunt restitutoria, & adipiscendae possessionis, ut fert ordo diuisionum interdictorum, quae traduntur in §. 1. & seq. In §. de interd.

- 1 Interdictum quorum bonorum, quod hic primū proponitur, existat in l. 1. ff. eo. In quo cetera recte scripta sunt in Pandectis Florentinis, illud non recte: quod quidem dolo malo fecisti legendum est enim, ut in alijs exemplaribus: quodque dolo malo fecisti, vel, quodque item dolo malo fecisti, ut in partibus huius interdicti explicandis suo loco pluribus ostendemus. Complectitur id interdictum quatuor, quae ad naturam eius pertinent; quibus expositis, simul & natura & vis interdicti, & rescipia huius tituli, quae eandem partes confirmant, intelligentur. Sunt igitur in hoc interdicto haec quatuor, Cui detur; Quibus de rebus; Aduersus quos; Cuius rei gratia, siue quid in condemnationem huius iudicii veniat.
- 2 Primum quod proponitur interdictum ei, cui ex edicto praetoris bonorum possessio data est. Bonorum possessionem cum dicimus, bonorum hereditatem & patrimonium defuncti intelligimus. Possessionis verbo ius eius patrimonii retinendi, persequendi; l. 3. in pr. ff. de bon. poss. Bonorum possessionem olim dabat praetor, cum ei, cui ex edicto praetoris declarata erat bonorum possessio, petenti & agnoscanti praetor dicebat se bonorum possessionem dare. Hodie ut quisque; apud magistratum testatus est se hereditatem alicuius ex aliqua causa amplecti & agnoscere bonorum possessio ei data intelligitur. Annuit enim magistratus; annuendo intelligitur admittere petentem; admittendo possessionem dare, ut est constitutum l. vlt. sup. qui adm. ad bon. poss. Dare possessionem bonorum ex edicto, est dare possessionem bonorum secundum edictum praetoris, id est, ex ea causa, ex qua praetor edictis suis pollicetur se bonorum possessionem daturum. cuiusmodi causae sunt, ex testamento quidem, secundum tabulas, & contra tabulas testamenti; ab intestato autem, vnde liberi, vnde cognati, vnde vir & vxor, §. sunt autem. In §. de bon. poss.
- 3 Cum quod hoc interdictum proponitur ei, cui bonorum possessio ita data est, ex eo intelligimus competere quidem hoc interdictum heredibus aut iis, qui vice heredum sunt; non tamen omnibus; sed iis duntaxat; qui apud magistratum bonorum possessionem agnouerunt, ut intelligatur praetor possessionem singularium rerum ei soli promittere, cui prius ex edicto hereditatis, siue bonorum possessionem dedit. Est quidem in l. 1. hoc tit. hoc interdictum dari ei, qui probauerit se aut ad hereditatem, aut ad bonorum possessionem admissum esse; quae verba vulgo sic acceperunt, ut hoc interdictum non minus detur heredibus, hoc ipso, quod heredes

existunt, quam bonorum possessoribus agnita apud magistratum bonorum possessionem; quamuis concedant heredibus, solum competere vtile. Sed non recte his verbis aduersus superiorem sententiam mouentur. Nam & is bonorum possessionem agnoscere intelligitur, qui dicitur ad hereditatem admitti. Is enim admittitur ad hereditatem, qui admittitur à magistratu, apud quem quis testatur se hereditatem amplecti. Hoc autem testari apud magistratum annuente magistratu est possessionem bonorum agnoscere & accipere, l. vlt. sup. qui ad bon. poss. admittitur. Tatum hoc interdictum, qui ad hereditatem admittitur, & qui admittitur solum ad bonorum possessionem, quod heres verus sic admittitur ad bonorum possessionem, ut etiam admittatur ad hereditatem, qui reuera heres erat. Is autem, qui iure ciuili heres non est, admittitur duntaxat ad bonorum possessionem. Sic fit in summa, ut non alij detur hoc interdictum, quam ei, qui apud magistratum bonorum possessionem agnouerit.

Sed si bonorum possessio alicui data est, quid opus est hoc interdictum ad novam possessionem adipiscendam? Eo opus est, quod bonorum possessio iuris, id est, hereditatis tantum possessionem tribuit, corporum possessionem & detentionem non tribuit, l. 3. ff. de bon. poss. Haec igitur adhuc restat. Ea est, quae hoc interdictum petitur, l. vlt. hoc tit.

Haecenus quod verba interdicti solum hoc exigere videntur, ut data bonorum possessio sit ei, qui hoc interdictum experiri vult, sed adiicitur in l. 1. hic, quod sit ad interdictum interpretationis vice; ita demum scilicet hoc interdictum competere ei, cui bonorum possessio data est. si etiam cum effectu sit data: id est, si ea causa, ex qua bonorum possessio data est, vera sit ut intelligamus eum, qui hoc interdictum experiri velit duas res suscipere & probare debere primum se ad bonorum possessionem admissum; deinde admissum ex ea causa, quae vera iusta, ita sit etiam vera. Id in d. l. declaratur hoc exemplo. Filius testamenti patris praeteritus est. is bonorum possessionem contra tabulas agnouit, ut ius est, §. sunt autem. In §. de bon. poss. Non poterit hoc interdictum uti, nisi se & bonorum possessionem accepisse, & filium defuncti esse probauerit; ex qua causa videlicet bonorum possessionem agnouerat. Quo exemplo idem de alijs causis ceterarum bonorum possessionum dicendum est, ut puta, qui bonorum possessionem agnouit secundum tabulas testamenti, probare debet testamentum esse, & id iustum; qui agnouit bonorum possessionem, vnde agnati, probare debet se proximum agnatum esse. Idemque de similibus iudicandum est. Is probat se filium esse, qui probat se ex vxore defuncti natum, l. filium. ff. de his, qui sui, vel al. iur. Quod si quis vulgo talis habeatur, is necessitate probationis liberatur, quasi qui sit in eius iuris possessione, argum. l. non nudis, sup. de prob. l. quidem. ff. de prob.

Cui quod detur hoc interdictum, dictum est. Sequitur, quibus rebus competat. Id expressum est illis verbis interdicti, quod de his bonis pro herede, aut pro possessore possides possideresue, si nihil vsucaptum esset, quodque dolo malo fecisti, uti de finibus possideres, id illi restituas. Quorum verborum hic sensus: restituas, quod de his bonis possides pro herede, aut pro possessore. Item, & quod pro herede proue possessore, possideres tamen pro herede proue possessore, si à te vsucaptum non esset. Quibus in summa declaratur hoc interdictum competere de iis quidem bonis, quorum possessio data est, id est, quae fuerunt hereditaria, cum defunctus mortuus est; sed id dupliciter. Non enim tantum competere de his rebus, quae hereditariae fuerunt, & etiam nunc in eadem causa manent (haec sunt, quae possidentur à te pro herede proue possessore) sed etiam de iis, quae prius quidem fuerunt hereditariae, nunc autem à te vsucaptae sunt quae iam à te non possidentur pro herede proue possessore, cum priuato titulo, id est, pro suo possideantur, l. hereditatem sup. in quib. cau. ces. long. temp. pres. sed tamen sunt eiusmodi, quae pro herede proue possessore à te possiderentur, si à te vsucaptae non essent.

At quod enim quomodo quid ex his rebus à te vsucapi potest, quod ante impletam vsucapionem isto titulo possidebas? Etenim qui pro herede possidet, is vero titulo non possidet. Is namque dicitur pro herede possidere in hoc interdicto, qui reuera heres non est; sed putat se esse, ut postea dicemus. Ita hic titulus, ut dixi, verus non est. Nihil porro vsucapi potest, nisi quod vero titulo possidetur. quam ob causam etiam receptum est, eum, qui pro herede hoc modo possidet, vsucapere non posse, l. vlt. supra pro hered. Sed hoc sic acceptum est, nisi is, qui pro herede possidet, iustam causam habeat existimandi se heredem esse, ut & in ceteris titulis non veris receptum est, l. non solum. §. 1. versic. hoc amplius. ff. de vsuc. l. quod vulgo. ff. pro emr. l. vlt. ff. pro suo.

Finge igitur hoc modo, cum pater filium peregrinum profectum haberet, certis nuntiis allatum est, illum esse mortuum. Ita cum se putaret filium non habere, extraneum heredem instituit. Is heres eodem errore se vere heredem putans bona hereditaria possedit. Si iusto tempore possederit, vsucipiet. Hic nos dicimus, quamuis heres in hoc errore res hereditarias vsuceperit; tamen filium reuersum, si bonorum possessionem agnouerit contra tabulas patris, etiam de his vsucaptis rebus hoc interdicto experiri posse. Sed obstant huic sententiae duo.

8 Illud primum, quod petitio hereditatis non datur aduersus eum, qui iusto titulo & priuato possidet, *l. hereditatem. sup. in quib. caus. cess. long. temp. praef.* Atqui qui vsucepit, iure dominus rei effectus est. Quam ob causam maxime iusto & priuato titulo possidet, *Inst. de vsuc.* Ex quo effici videtur, neque hoc interdictum aduersus eum dari debere. Alterum est, quod nulli res sua auferri debet, *l. id quod nostrum. ff. de reg. iur.* ne ei quidem, qui vsuceperit. Nam et si res rem vsucaptam non possideret; tamen ad eam perfectam actionem haberet, *l. in rem. ff. de rei vind.* Quare si rem à se vsucaptam possidebit, multo magis exceptionem habebit ad eam retinendam, *l. in ius. §. i. ff. de reg. iur.* denique haec ipsa definitio eius rei, quae est in bonis nostris, ut sit ea, quam possidentes exceptionem, aut amittentes ad recuperandam eam actionem habemus, *l. rem in bonis. ff. de acq. rer. dom.* Et vt vera sunt, ita admittenda essent haec omnia, si in hoc interdicto constaret eum, cum quo agitur, rem hereditariam aliquam vsucepisse. Sed neque hoc constat, neque adeo in hoc interdicto constare potest: nam si possessor hac exceptione utatur, rem, quam tibi restitui vis, vsucepi: possedi enim pro herede; sed probabilis error meus fuit, cur putarem me heredem; hac, inquam, exceptione si utatur, exceptio obscurior est, & quae altiore quaestione habeat. Huius generis exceptiones in praeparatorijs iudicijs non admittuntur, sed differuntur in iudicium directum proprietatis, *l. 3. §. ibidem. ff. ad exhib.* Multo minus recipienda sunt in iudicio, quod est de momentaria possessione. Sic enim vocant interdicta, *l. momentaria inf. vnde vi.* Neque hoc modo fit iniuria auctori: cui de possessione victo nihilominus causa proprietatis integra relinquatur, *l. mica. sup. si de momen. poss. fuer. appel. l. vlt. in fin. hoc tit.*

Tertium sequitur, aduersus quos datur hoc interdictum. Datur autem aduersus duo haec genera possessorum, primum aduersus eum, qui pro herede, proue possessore possidet aliquid de iis bonis, de quibus agitur, vt interdicto expressum est his verbis, *9 quod de his bonis possides.* Possidendi t̄ verbum si ad hereditatem aut bona refertur, iuris possessionem intelligeremus, vt fit, cum nominatur bonorum possessio, *l. 3. in pr. ff. de bon. poss.* Nunc cum referatur ad res singulas, quae de his bonis possidentur, seruata hic est propria possidendi significatio, quae res solum corporales continentur, *l. seruus. §. incorporales. ff. de acq. rer. dom.* Vnde placuit solum corporum restitutionem in hoc interdictum venire; non etiam competere interdictum aduersus hereditarios debitores, tametsi hi quasi iuris possessores habeantur, *l. vlt. inf. l. 2. ff. eod.* Atqui petitio hereditatis aduersus debitores hereditarios datur, *l. regulariter. l. nec vllam. §. vlt. l. quod si in diem. §. Iulianus. ff. de pet. her.* Cur igitur non datur & hoc interdictum, cum interdicto de re non vsque adeo magni momenti agatur? Differentiae ratio est, quod in petitione hereditatis constat eum, qui agit, heredem esse: neque enim aliter vincit, quam si se talem esse probauerit. Aequum vero est heredi soluere debitores hereditarios. At in interdicto quorum bonorum is, qui agit, non plene probat se heredem, aut bonorum possessorem esse, vt mox dicitur. Proinde ne illud quidem aequum in hac incertitudine ei solui, qui heres non sit; quia soluendo non possessio tantum pecunie in eum transferretur, sed etiam dominium.

10 Datur t̄ interdictum aduersus eum, qui possidet quid de his bonis. Ergo non tantum aduersus eum, qui res omnes hereditarias possidet, sed etiam, qui vnam aliquam etiam minimam, vt de petitione hereditatis placet, *l. regulariter. & l. licet. ff. de pet. her.* Nō est contrarium, quod scribitur in *l. 1. ff. eod.* hoc interdictum referri ad vniuersitatem bonorum, non ad res singulas. Hoc enim sic accipiendum est, si persona agentis spectetur diuersum, si spectetur is, cum quo agitur. At enim nihil distinguitur, dicitur aliquis. Sed ex ratione iuris necessario id intelligendum est. Nam cum de conditione actionis agitur, eam metiri oportet ex iure eius, qui agit, non eius, cum quo agitur, vt de hoc ipso genere actionis nominatim traditum est in *l. 1. §. 1. D. si pars her. per.*

11 Datur t̄ interdictum non aduersus quemlibet possessorem,

sed aduersus eum, qui pro herede, aut pro possessore possidet, id est, qui nullo titulo possidet. Nam is dicitur hoc loco pro herede possidere, qui se dicit heredem, cum non sit, siue sciat se heredem non esse, siue se esse putet. Pro possessore autem, qui nullam causam possidendi habet aliam, quam quod possidet, vnde nomen natum. haec in *l. pro herede. & l. seq. ff. de pet. her. §. sequens. Inst. de interd.* Aduersus eum autem, qui iusto aliquo titulo possidet, hoc interdictum non datur, non magis, quam hereditatis petitio, *l. hereditatem. sup. in quib. cau. cess. long. temp. praef.* Merito: non enim si quis heres est, & res, de qua agitur, hereditaria, continuo heres est dominus. Nam & res pignori datae defuncto, & bona fide ab herede possessa hereditariae sunt, *l. item veniunt. ff. de pet. her.* neque ideo heres earum dominus est. Iniquum est autem eum, qui dominus non sit, aut certe quem dominum esse non constat, rem domino auferre, aut ei, qui pro domino rem bona fide & iusto titulo possideat, *l. vlt. ff. de publ.* Adhuc est exceptio in interdicto, praeterquam si quis vsuceperit, quod prius pro herede possidebat: cuius exceptionis rationem supra reddidimus.

Est t̄ alterum genus eorum, aduersus quos hoc interdictum datur. est autem eorum, qui dolo fecerunt, quominus pro herede proue possessore possiderent. Quod illis verbis comprehensum est, *quodque item dolo malo fecisti, vt desineres possidere*, quae verba in interdicto ita restitui debere initio monuimus, quod non obscure declaratur in *l. 2. hoc tit.* vbi scriptum est, hoc interdictum propositum esse aduersus eos, qui pro herede, proue possessore possident, dolo male fecerint, quo magis desinerent possidere. Et nominatim adiicitur, hunc esse tenorem interdicti, id est, haec interdicto teneri, seu contineri. Et vero consentaneum est omnibus regulis iuris; quibus efficitur, vt quaecumque actiones, quaecumque interdicta aduersus eum dantur, qui possidet, dentur etiam aduersus eum, qui dolo desit possidere, vt fit per vtriusque causam, *l. qui petitorio. ff. de rei vind. l. parem. l. qui dolo. ff. de regul. iur.* Illa autem verba, quae sunt in Pandectis Florentinis: *quod quidem dolo malo fecisti*, penitus delenda sunt ex libris nostris. Habent enim aperte non tantum sententiam falsam, sed etiam absurdam. Hoc enim exprimit, si quidem dolo fecisti, vt desineres possidere, vt fit in illis verbis conditio. At hoc certo statui debet, qui quis rem hereditariam pro herede, proue possessore possidet, eum teneri hoc interdicto sine vlla conditione. Tum autem conditio est stulta & absurda; quia naturae aduersatur. Perinde enim valet, quasi diceretur: restituas quod possides, si modo desisti possidere.

Quod t̄ reliquum est, datur hoc interdictum huius rei gratia vt quod de bonis hereditarijs possidetur, vt supra dictum est, id restituaatur petitori, id est, in petitorum transferatur, vt est in *l. vlt. hic.* Restituendi verbum proprie refertur ad ea, quae à nobis prius profecta nobis restituuntur. Sed interdum & de iis accipitur, quae nunc primum nobis praestantur, *l. verbum reddendi. ff. de verb. fig.* quod fit in hoc interdicto. Non enim petit heres eas res, quas aliquando possedit; sed quas nunquam. Vnde interdictum est, vt restitutorium, sic adipiscendae possessionis, *l. in fin. ff. eod.*

His t̄ de interdicti, atque huius tituli sententia cognitis, non abs re quaeritur, quid opus fuerit hoc interdicto; cum videatur ad possessionem rerum hereditarum adipiscendum sufficere petitione hereditatis, iudicium & plenius & efficacius, quam hoc interdictum, Nam petitio hereditatis datur aduersus omnes, qui pro herede, proue possessore possident; neque tantum corporum possessores, sed etiam debitores hereditarios, *l. regulariter. l. nec vllam de pet. hered.* Sed & possessio, quam eo iudicio obtinemus, à nobis auocari non potest ei, quem vicimus. Nec maiora onera esse videntur in petitione hereditatis, quam in hoc interdicto, nam in petitione hereditatis qui agit, probare debet se esse heredem. At idem probare debet, qui hoc interdicto experitur, *l. 1. hoc tit.*

Quare non abs re videri possit hoc interdictum inutile esse & otiosum. Dicendum est, cetera in petitione hereditatis esse pleniora & commodiora. Vnum in hoc interdicto esse commodius, rationem probandi. Nam in petitione hereditatis; si quis se filium defuncti esse contendat, exempli gratia; eoque heredem patris, non tantum probare debet se esse filium defuncti, sed etiam si ex aduerso dicatur eum ex illo non esse natum, puta aut eam, ex qua natus est, uxorem defuncti non fuisse, aut si vxor fuit, à defuncto concipi non potuisse: exceptiones sunt, de quibus in eo iudicio quaeri oportet. Est enim petitio hereditatis directum iudicium, quo in genere plena inquisitio requiritur, *l. iudices. sup. de iud.*

de ind. In interdicto autem satis est, si quis se primo filium esse ostenderit in speciem, cui si contra obiciantur exceptiones superiores, hæc in hoc iudicio non admittuntur, sed differuntur in directum iudicium petitionis hereditatis, ut supra docuimus. Quare hoc interdictum ad possessionem adipiscendam commodius, in eo breuior & expeditior via ad possessionem adipiscendam.

AD TITVLVM III. QVOD

LEGATORVM.

S V M M A R I A.

- 1 Interdicti Quod legatorum summa, nominis ratio, & verba restituta, ac sigillatim confirmata.
- 2 Hoc interdictum esse inutile heredi, nisi aut neget rem legatam esse, aut dicat supra dodrantem esse legatum. & num. 3.
- 3 L. vnica. C. hoc tit. sententia.
- 4 Hoc interdicto si res legatas legatorum nomine occupatas recipi, ut heres, sola quartam retineat, cogatur reliquum legatario restituere: dissimiliter, si legatarius legatum subtrahat, quo casu totum amittit: & differentia ratio.
- 5 Legatarium rem legatam sua auctoritate, non vi occupantem non reuerti in constitutionibus, qua damnato rei afficiunt eos, qui res inuaserunt.

ET si legatarius rei legatæ dominus sit, & ita dominus, ut ad eam rem non indigeat heredis traditione, sed dominium rei legatæ à testatore ad legatarium recta via transeat, l. legatū ita ff. de leg. 2. l. à Titio ff. de sur. placuit tamen eum hæc tunc dominum esse, ut non eo minus iubeatur legatum ab herede petere, non sua auctoritate occupare. Si contra facit, iubeatur rem legatam heredi restituere, in quam rem hoc interdictum comparatum est, quod appellatur, *Quod legatorū*, ex initio videlicet interdici, ut & superius interdicitum *Quorum bonorum*. l. i. ff. eo. Interdicti hæc verba fuerunt: *Quod legatorum nomine non ex voluntate eius, ad quem eares pertinet, occupatum possides, aut dolo desisti possidere, si de eo tibi ab illo satisfactum est, aut per eum non stat, quominus satisfactum, id illi restituas.* I. la verba, quod legatorum nomine possides occupatum, indicantur in l. i. in prin. & versic. redigit. ff. eo. Illa autem, aut dolo desisti possidere, indicantur in d. l. i. §. quod ait prator, aut dolo. Nam quod illic ita verba sunt, aut dolo desisti possidere, in tertia persona scilicet, intelligendum est edicti verba referri, quo prator pollicetur hoc interdictum generaliter aduersus eum qui dolo desistit possidere. Sed vel hinc maxime idem interdico caueri intelligimus: mutata tamen persona, ut interdicitis mos est, quod interdicitum dirigitur ad eum, cum quo ex interdico agitur. Sic ex edicto interdici verba intelligimus, & vice versa. Illa verba, non ex voluntate eius, expressa sunt in d. l. i. §. quod ait prator, non ex voluntate. His autem verbis, eius, ad quem ea res pertinet, significatur heredes & bonorum possessores, & generaliter, qui in ius viuensum defuncto succedunt, l. sciendum. §. vlt. ff. de verb. sign. Vnde intelligendum est, hoc interdictum & heredi & bonorum possessori competere. Adde & heredes, l. i. §. i. ff. eod. quod & in L. vnica. hic. confirmatur. Illa, si de eo tibi satisfactum est, indicantur in d. l. i. §. pen. vbi pro nisi satisfactum est, legendum est, si satisfactum est, ut apparet ex interpretatione Vlpiani, quæ sequitur, qui illa sic interpretatur, si satisfactum persuerer. Quod si legeremus, nisi satisfactum sit, sic interpretari debuit, nisi satisfactum persuerer. Et sane hoc interdictum competit heredi non hac conditione, si non satisfactum sit, sed si satisfactum sit. Illa autem, aut per eum non stat, existant in l. vlt. ff. eo. Id enim restituas, indicantur in d. l. i. in prin. & fere tota l. i. & 2.

Sed si aduersus hoc interdictum initio hoc occurrit, non videri dari debuisse heredi. Meminisse enim debemus eius, quod ante dixi legatarium rei legatæ à se occupatæ dominum esse. Vnde etiam ita propositum est interdicitum, ut placeat heredem cum hoc interdico nactus fuerit possessionem rerum occupatarum, tamen postea nihilominus eas restituere debere legatariis, l. i. §. i. ff. eo. & mox pluribus ostendimus. Hoc posito, videtur hoc interdictum aut iniquum esse, aut inutile: certe pugnare cum regulis manifesti iuris, his de causis. Primum legatarius ad legatum petendum actionem habet, utpote dominus, leg. in rem. ff. de rei vindic. Igitur multo magis possidens ad legatum retinendum actionem habebit, ex regula iuris, l. in iuris. §. i. ff. de regul. iur. Deinde nulla est actio, nisi ei, cuius interest, præsertim in hoc interdico, quod tantum ei datur, ad quem res legata pertinet. Nec in eo alia cõdem-

natio est, nisi in id, quod heredis interest, l. vlt. §. ex hoc. ff. eod. At heredis nihil interest, rem legatam recipere, si res tota legatarij est, & eam acceptam heres cogitur legatarij restituere. Postremo o hoc ipso, quod rem receptam legatarij restituere cogitur, dolo facit, si eam petit. Proinde & petens doli exceptione remoueri potest, ut sunt regulæ iuris, l. dolus. ff. de dol. mal. ex. Et hæc ita se habere fatendum est, si heres & rem legatam esse agnoscat, & idem fateatur nihil supra dodrantem legatum esse. Nam in hanc rem cadunt ea, quæ supra obieci mus. Sed si quid horum deest, æquissimum est, heredi interdicitum ad res legatas occupatas restituendas dari: neque superiora aduersantur. Primum tum huic dari æquum est, cum negat res occupatas legatas esse. Sic enim fit, ut poterit res non alienas, sed suas: quæ ipsi reddi ob eam causam eius interest. Et quamuis fieri possit, ut res vere legatæ sint, tamen in hac incertitudine æquum est, legatarium rem ab herede petere, non ipsum sibi ius dicere: quod iura auersantur, l. ex stat. ff. quod met. cau. ff. Et hæc rationem huius interdici proponendi posuit Vlpianus in l. i. in prin. ff. eod. Sed et si heres fateatur, rem legatam esse, de qua hoc interdico agitur, si tamen dicat supra dodrantem hereditatis legatum esse æquissimum est, hoc interdicitum dari ad rem restituendam; ac ne hic quidem superiora obstant, quæ obieci mus. Nam quatenus supra dodrantem legatum est, eatenus res legata ad heredem pertinet ex lege Falcidia. l. i. l. lineam. ad leg. Falcid. Sic fit, ut heres rem legatam repetendo, eam repetat, quæ ipsius sit ex parte, & quam ipsi reddi hac ipsa de causa eius interest. Et quamuis pars tantum eius sit, tamen eius interest rem totam legatam recipere, ut & ea recepta suo iure quartam retineat, quam ex lege Falcidia habere & retinere debet. Et pro hac quartæ retentione maxime comparatum esse hoc interdicitum demonstratur l. vnica. hoc tit. cuius est hæc sententia: *Herede instituto testator totam hereditatem legatis erogauerat.* Ita fiebat ex lege Falcidia, ut in singulis rebus legatis quarta portio ad heredem pertineret, d. l. i. l. lineam. ff. ad leg. Fal. Et quoniã ad heredem pertinebat, eueniebat hoc quoque, ut pertineret ad heredem heredis, quoniã heres in ius defuncti succedit, l. heres. ff. de acquir. hered. Itaque si res iure & ordine gereretur, ita geri oportuit, ut res legatæ permitterentur heredi, ex quibus ille quartam partem ex lege Falcidia retineret, reliquum dodrantem legatarij restitueret. Sed legatarij sua auctoritate legata occupant, quo fiebat, ut heres quartam retinere non posset ex illis rebus, quas non possidebat. Consultit heres, non an quartam de singulis rebus legatis petere possit, & consequi, de quo ius certum erat, sed quomodo eam quartam consequatur, fortasse enim rem vindicare volebat. Respondent Imperatores, heredi, cum supra dodrantem legatum est, satis prospectum esse lege Falcidia per quartæ retentionem. Quibus verbis significant, non esse necesse heredi ad quartam consequendam vindicationem instituire aduersus legatarios, & ita iudicij & probationis molestiam suscipere, cum ei per retentionem quartæ satis consultum sit. Non indiget actione, qui retentionem habet. Quod si obiciatur, heredem in proposito retentione vti non posse, cum res legatas non possideat: in promptu remedium est. Est enim paratum heredi interdicitum *Quod legatorum*, quo consequatur à legataris, ut sibi res occupatæ restituantur: quibus restitutus, sic deinde competente ratione utitur. Hæc, inquam, rescripti sententia est: qua declaratur, hoc interdicitum comparatum esse, ut heres ex hoc interdico possessionem recuperata rerum legatarum, quartam ex lege Falcidia retineat. Ex quo duo colligimus notatū digna. Primum, si rem legatam esse constet, quam legatarius occupauit, & fateatur heres supra dodrantem hereditatis legata relicta non esse, non esse huic interdico locum, quia appareat nihil esse, quod heres restitutus rebus possit retinere. Et certe perspicuum est hoc casu illi ob stare ea, quæ supra diximus: & quod eius nihil interest, & quod dolo facit, qui petit id, quod constat illum statim restituere debere.

Alterum, et si legi Falcidiæ locus sit, tamen sic heredem recipere legatas res ex hoc interdico, ut solum quartam possit retinere. Quo efficitur, eum reliquum legati legataris debere restituere. Alioqui hic diceretur, eum totius rei legatæ retentione vti, non autem competentis partis siue quartæ. Non aduersantur huic sententiæ ij loci, quibus scriptum est, legatarium, siue fideicommissarium, si rem sibi legatam subtraxerit, legati petitionem amittere, l. non est dubium. sup. de legat. l. Paulus respondit. ff. ad sen. Trebel. Multum enim interest, utrum legatarius rem legatam occupet legatorum nomine, de quo genere hic agitur, & aduersus quod hoc interdicitum propositum est, l. i. in prin. ff. eo. an vero legatarius rem legatam subtrahat. Is rem occupat legatorum nomine, qui agnoscit

rem sibi legatam, & pro tali tanquam suam occupat. Is ideo legati petitionem non admittit, quia ita occupando legatum agnoscit, agnoscendo, & legatum & rei legatæ petitionem acquirit. Contra is rem legatam subtrahit, qui furatur, hoc enim subtrahere significat, §. *interdum etiam*. & §. *leg. Inst. de obl. que ex del. nas.* ac præcipue in hac specie rei legatæ subtrahit, subtrahendi verbum id significat, ut declaratur in d. l. *Paulus respondit. ff. ad Trebell.* Porro is rem legatum furatur, siue subtrahit, qui tanquam alienam occupat, non suam, quoniam nemo rei suæ factum facit, l. *merito. ff. pro soc.* Id si ita est, non est mirum, si is, qui rem sibi legatam subtrahit, eius rei petitionem amittere dicatur. Nam qui ita subtrahit legatum, repudiat, repudiando, vna & legatum & legati petitionem amittit. Quod ita facile probatur. Nam vi est hereditas, sic legatum. Hereditas a leundo siue agnoscendo nuda voluntate acquiritur, repudiando amittitur, l. *sicut. sup. de repud. hered.* Sic & legatum, l. *seruum filij. 4. 4. §. 1. l. si tui homo. 86. §. cum seruus. ff. de legat. 1.* Hereditas repudiatur, siue recusat non tantum verbis, sed re & facto quouis voluntatem repudiantis significante, l. *recusari. ff. de acquir. hered.* In quo genere facti est, si heres extraneus rem aliquam hereditariam surripit, ut significatur in leg. *si quis extraneus. in princip. ff. de acquir. hered.* ubi traditur, heredem, qui ita rem subtrahit, non videri pro herede genere, quia admissum eius contrariam voluntatem declarat. Contraria adveniendi est voluntas est voluntas repudiandi. Hæc voluntas superiore admisso declarari recte dicitur. Nam qui re surripit, hoc facto declarat, se velle rem alienam esse, & pro tali se eam habere. Non potest id velle heres, nisi hereditatem repudiet. Idem igitur & in legatario rem legatariam surripiente probandum est. Ex quo intelligimus, quod dicitur in hac specie legatarium rei legatæ petitionem amittere, non esse ius ob id constitutum, ut furtum poena afficiatur, sed esse ius ratiocinatione prudendum effectum, hinc natum, quod qui rem ita surripuisset, idem simul legatum repudiasset. Constare autem hoc ius responsis & auctoritate prudentium declaratur in dict. l. *Paulus respondit. ff. ad Trebellian. illis verbis, iure respondetur.*

5 Multo tamen minus superiori sententiæ aduersantur illæ constitutiones, quæ damno rei occupatæ afficiunt eos, qui res inuaserunt, ut l. *vir. l. si quis in tantam. inf. vnde vi. l. exstat. ff. quod met. caus.* Nam l. *vir.* constituta est aduersus eos, qui res alienas possessoribus vacuas inuaserunt. Hic legatarius rem suam occupat, non alienam. *Lex si quis in tantam.* pertinet ad eos, qui possessionem apud alios constitutam vi inuadunt. Hic legatarius rem occupat, non quidem consentiente herede, sed tantum non vi, non denique ita, ut illi extorqueat, propterea quod hic agitur de rebus occupatis, quæ prius ab herede non possidebantur, argumētum est, quod hoc interdictum quod legatorum proponitur heredi adipiscendæ possessionis causa, l. *in pr. ff. eo.* Id est, eius acquirendæ, quæ prius non habuit, §. *sequens. Inst. de interd. l. exstat. ff. quod met. cau.* pertinet ad eos, qui rem sibi debitam à debitore possessionem inuito debitore occupat. Hic legatarius & rem occupat ab alio non possessionem, ut iam dixi, & occupat suam, non sibi debitam. Ex his apparet, si forte heres iam ante rerum hereditariarum nactus esset possessionem, quam ille à legatariis occuparentur, hoc interdictum heredi non competere ad recuperandam possessionem. Sed & illud apparet dicere nos, legatarios, si inuito herede res occupassent, res legatas eo facto amississe, quia vi possideant. Vnde res incidat in poenam, l. *si quis in tantam. inf. vnde vi. l. exstat. ff. quod met. caus.*

AD TIT. IV. COD. VNDE VI.

S Y M M A R I A.

- 1 Vnde vi interdictum hic intelligi, & vnde appellatio. Vnde vi interdictum vicitate dici: legi tamen & interdictum De vi pro eodem. ibidem.
- 2 Collocationis huius tituli ratio reddita.
- 3 Inuasionum species, quæ quibus constitutionibus hoc titulo vindicentur.

1 **H**is tamen verbis vnde vi, significatur interdictum, quod vnde vi appellatur in leg. 1. §. *ex interdicto.* l. *neque. l. cum fundum. §. vlt. ff. eodem §. recuperanda. Inst. de interd. l. 4. inf. hoc tit.* ut sit titulus, quasi ita dictum esset, de interdicto vnde vi. quomodo & superiores inscriptiones accipi debent, & inferiores. Nomina ex initio interdictorum nata, ut supra dixi. Nam initium huius interdicti ita fuit, vnde tu illum vi deiecisti, l. *1. in prin. ff. eo.* Itaque rectius fortassis, ad eundem modum legatur titulus eiusdem argumenti in Pandectis, restituaturque ita, Vnde vi, & de vi armata, ut sit sensus,

de interdicto vnde vi, id est, vi priuata, & de interdicto de vi armata, quæ & publica dicitur, §. *recuperanda. Inst. de interd.* Et sane interdictum vnde vi sub eo titulo passim appellatur. Legimus tamen & interdictum de vi pro eodem in l. *si quis vi. ff. de acq. poss.*

Est tamen hoc interdictum recuperandæ possessionis, d. §. *recuperanda.* Ideo superioribus, quæ sunt adipiscendæ possessionis, subiicitur propter coniunctionem possessionis, quæ utroque genere interdictorum petitur. Petitur enim ea possessio, quam non habemus, petiturque eo, ut quod non possidemus, nobis restituatur. sic fit, ut vtrumque genus & restitutorium sit, & quodammodo eandem petitionem habeat. Hoc eo monemus, quia alius ordo seruatur in *Inst. sub tit. de interdictis.* Nam interdicta adipiscendæ possessionis sequuntur interdicta possessionis retinendæ. Extremo loco proponitur id, quod est recuperandæ possessionis. Habet id quidem & suam defensionem. hoc enim ordine sequimur progressum naturalem possessionis: quippe natura prius est, ut possessionem acquiramus: proximum, ut quæ sitam teneamus: tertium, ut cum cæperimus tenere, si amittamus, sic deinde de recuperanda cogitemus. Sed, ut dixi, coniunctio & similitudo possessionum & interdictorum, hic spectata est: ut & in Pandectis. Est ergo hic titulus præcipue de interdicto vnde vi, ut inscriptio indicat. Sed tamen monendi sumus titulum, seu tractationem subiectam plus complecti. Et in summa hoc titulo prohibetur omnis iniusta alienarum possessionum detentio, siue quis vi possessionem occupet, siue clam inuadat siue precario acceptam, aut ex locatione rem inuito domino retineat. Itaque totidem sunt genera constitutionum, quæ ad vnum quodque horum generum referuntur. Ad tertium genus iniuste detentionis pertinet l. *pen.* Ad secundum l. *meminerint. & vlt.* Ad primum, reliquæ constitutiones, in quo genere de his agitur, qui vim inulerunt ad occupandas alienas possessiones. de quo dicere incipimus ex l. 1.

L. 1.

Imp. Dioclet. & Maximian. AA. & CC. Theodoro.

Recte possidenti ad defendendam possessionem, quam sine vitio tenebat, inculpatæ tutelæ moderatione illam vim propulsare licet PP. Kal. Decemb. ipsi IV. & III. AA. Coss.

S Y M M A R I A.

- 1 Aduersus vim remedia duo constituta: Vim vi propulsare licere ibidem.
- 2 Vim concessam quæ propulset, quæ adhibeatur tuendis sui causa, non etiam vicisendi.
- 3 Propulsationis non est expectare, dum quis pulsetur, sed ne pulsetur, prohibere.
- 4 Tuendis sui causa quidquid fiat, quia iure fit, impunitum esse.
- 5 Vitiose, id est, vi, aut clam, aut precario possidenti non licere se aduersus vim aduersarij defendere: quia non licet impune: & quomodo illi accidat.
- 6 Tutela inculpatæ moderamen requirit, & id quodnam sit.
- 7 Armis licere se defendere etiam aduersus inermem, si inuadentem non aliter prohibere non possumus, ne ad nos perueniat.
- 8 Non esse contra moderamen inculpatæ tutelæ, si quis se defendat aduersus inuadentem, et si aliqui potuerit fugiendo sibi consulere.

SI quis alicuius rei possessionem obtinere vult, is iubetur iudicio de ea re agere, vim ad rem occupandam facere prohibetur l. *exstat. ff. quod met. cau.* Ideo etiam aduersus vim legibus prospectum est, ne frustra vis prohibeatur.

Aduersus tamen vim duo sunt remedia iure constituta. Vnum aduersus vim, quæ infertur. Alterum aduersus vim, quæ illata est. Aduersus vim, quæ infertur, hoc remedium est cautum hac lege, ut liceat vim vi defendere, propulsare nostræ auctoritate, quod ius aliis multis locis proditum est. ut leg. *vi vim. ff. de iust. & iur. leg. scientiam. §. qui cum aliter. ff. ad leg. Aquil. leg. 1. §. vim vi. ff. eo. leg. 1. supr. quam lic. vnic. fi. iu. se vind.* ubi & ratio huius iuris reddita est. Sed nusquam hoc ius melius constitutum, quam hac lege, ubi non tantum permittitur vim vi propulsare, quod fit superioribus locis: sed adiicitur, cui liceat, & præterea ad quem modum, quæ singula nobis expendenda sunt.

Primum

Primum id, quod permittitur. Aliud ¶ Imperatores, vim vi propulsare licere. Propulsare est arcere à nobis, & prohibere, ne vis & iniuria ad nos perueniat. Quo verbo admonemur, si quis rebus integris, cum vis infertur, neque dum illata est, hanc prohibet, hunc iure facere videri. Si quis autem vi illata & iniuriam accepta cum nouam iniuriam non metuat, vim inferat aduersario, veluti si fugientem persequatur, & ei noceat, hunc ad hanc definitionem non pertinere, quia non propulsandæ iniuriæ causa faciat, quæ iam accepta est, sed vlciscendæ. Tuicio & propulsatio permissa est, prohibicum, quicquid fit vlciscendi causa. d. leg. scientiam, §. qui cum aliter ff. ad leg. Aquil.

Eodem ¶ verbo admonemur, falsum esse, quod quidam censuerunt, quorum sententia in glossa refertur, eum, qui se recte tueatur vi, expectare debere, vt prius pulsetur ab aduersario, argumento sumto ex l. si ex plagis, §. i. ff. ad leg. Aquil. Qui expectat, vt pulsetur, is iniuriam & vim admittit, non propulsat. Nunc autem propulsare illi permittitur. Ergo & illud non admittit, vt pulsetur. Iam & in hac promissione expendendum est, quid valeat, quod dicitur licere propulsare, nempe vt liceat iure, & omni iure, vt dicitur in d. l. vi. ff. de iust. & iur. in d. l. scientiam, §. qui cum aliter.

Ergo ¶ etiam hoc dicitur, quicquid sit propulsandi causa, impunitum esse. Quod fit iure permittente, pœnam non meretur, vt est in l. Gracchus, inf. ad leg. Iul. adulæ. Hinc intelligimus, si quis, cū inuaderetur eius possessio, vim vi repulerit, neq; eū vi possidere videri, neq; eo nomine aduersario teneri illo interdico. Præterea si quid damni eo facto aduersario dederit, atque adeo si eum occiderit, impune esse, vt neque teneatur lege Aquilia de damno dato, neque lege Cornelia de sicariis, l. i. r. q. & l. si q. & d. l. scientiam §. qui cum aliter ff. ad leg. Aquil.

Sed permittitur hoc quibus conditionibus, quæ hic expressæ sunt. Primum ¶ permittitur ad defendendam possessionem vim vi propulsare: led recte possidenti, & vt adicitur, ei, qui sine vitio possidet. Is recte possidet, qui nec vi, nec clam, nec precario ab aduersario possidet. Contra non recte, sed vitiose is, qui ab aduersario possidet aut vi, aut clam, aut precario. l. in fin. & l. si q. ff. vi. poss. id est, qui aut aduersarium vi expulit, aut illo ignorante possessionem recuperauit, aut qui precario, id est, precibus, ab illo impetrauit, vt sibi possidere liceret, & domino reposcenti rem non reddit, vt hæc verba interpretatur Iustinianus in §. sed interdicto, inf. de interd. Ergo hoc dicitur, eum recte vim vi propulsare, qui aut omnino nec vi, nec clam, nec precario possidet, aut ita possidet, vt saltem non possideat ab aduersario. Quod autem dicimus ei, qui ita possidet, licere vim aduersarij propulsare, eo spectat, vt intelligatur, si constituerit iure eum fecisse & impune. Proinde & eo nomine aduersario nulla actione teneri. Contra vero si quis secus possideat ab aduersario, ei non licere aduersarij vim propulsare, exemplo interdicti vii possideri. in quo, cum prætor polliceatur se eum tuturam in possessione, qui nec vi, nec clam, nec precario ab aduersario possidet, ex eo omnes iuris auctores collegerunt, eum non defendi à prætoro, qui non recte ab aduersario possideat, id est, possideat aut vi, aut clam, aut precario ab aduersario. d. l. leg. i. §. vi. ff. vi. poss. Quod & nobis in hac constitutione intelligendum est. Ideo autem dicitur ei, qui vi, aut clam, aut precario ab aduersario possidet, non licere se aduersus vim aduersarij defendere, quia impune non licet. Nam si prius aduersarium vi delecerat, non efficiet sua defensione posteriore, quo minus illi interdico vnde vi teneatur, vt prius. Si aduersario ignorante possessionem occupauerat, deinde venientem vi repellat, aut certe non admittat, iam incipit vi possidere, non clam, l. clam possidere, in fin. Dig. de acquir. poss. Quo fit, vt iam incipiat aduersario teneri interdico vnde vi, tanquam illo deiecto, hoc ipso, quod admissus non sit in suam possessionem. leg. cum fundum ff. vnde vi. Item probandum est in eo, qui cum fundum precario accepisset ab aduersario, reposcenti non reddit, seu venientem in possessionem non admittit. Sic enim eum quoque deficere intelligitur, incipitque similiter ei interdico vnde vi teneri. d. l. cum fundum, ff. eo.

Alterā ¶ cautio est, hoc rescripto expressa, vt vis propulsatur ad moderamen inculpatæ tutelæ, id est, ita, vt quidquid taendi nostri causa factum est, & vis illata propulsandæ, in eo tutelæ sit inculcata. Inculpatam intelligimus eadem, quæ innoxia dicitur in d. l. leg. scientiam, §. qui cum aliter. D. ad leg. Aquil. Cum autem innoxia definiatur eo loco, cum aliter tueri nos non potuimus aduersus vim, aut iniuriam, quæ inferebatur, quam id faciendo, quod fecimus, intelligere debemus eandem quoque

definitionem esse eius tutelæ, quam hic inculpatam appellamus. Vtrum quis aliter se tueri non potuerit, quam id faciendo, quod fecit, partim ex personis, partim ex loco æstimandum est. Ex personis hoc modo: nam si is puer est, aut imbecillus, qui vim infert, is autem, cui infertur: vir & robustus, hic neque gladium stringere debuit, neque vllis armis inuadentem petere, cum liceret negligere præsentem. Ex loco ita, si quis cum pro foribus suis staret, potuerit aduersarium minitantem & ad se pergentem arcere occluso ostio ædium suarum, maluerit autem aduersario suo coram resistere. Eodem modo cum ex ædibus videret aduersarium sibi minitantem, aut se prouocantem ad certamen, non seruauit moderamen inculpatæ tutelæ, si quid in illum misit, aut si in animum induxit descendere, & cum aduersario digladiari. nam vtroque modo satis septis ædium suarum defendebatur, vt si quid præterea fecerit, intelligatur non tuendi sui causa fecisse, quod necesse non erat, sed vlciscendi. Quod si cum domi esset, aduersarij irruptionem in ædes faciebant, aut scalis ad motis murum peruadere conabantur, iure facit, si ad aduersarios deturbandos & propellendos omnibus armis vtitur, quibus deturbari cominus, & propelli possunt. Similiter si quis nudus in agro aduersarium, aut parem viribus aut superiorem vidit ad se venientem cum minis, primum se verbis tueri debet, denuntians aduersario, ne accedat, se non passurum, vt accedat. Si his verbis nihil proficit, licet aduersarium submouere omnibus missilibus, quibus homines à nobis arceri possunt. Id lapide fieri posse indicatur in d. l. leg. scientiam, §. qui cum aliter. D. ad leg. Aquil. Quare & aliis telis potest, potest & ense, non vt illum impetat, sed vt ensem venientem opponat.

Vnde ¶ intelligimus, id quoque falsum esse, quod in glossa positum est, ad moderamen inculpatæ tutelæ non posse nos armis vti, nisi armis impetamur. Si sine armis aduersarium inuadentem prohibere non possumus, ne ad nos perueniat, recte armis vtitur, cum aliter nos tueri non possumus. Non obstat, quod dicitur, arma armis defendere licere. leg. i. §. vim vi. leg. 3. §. eum igitur. D. eo. Non enim hoc ita dicitur, quia aduersus inuentum non liceat omnino nos armis defendere, si quid ad tutelam necesse sit, sed quia non semper licet. Non enim semper est necesse, ceterum aduersus arma semper armis vti licet.

Ex ¶ his quæ situm est, si quis aduersus vim, quæ infertur, fuga sibi consulere potuit, & nihilominus resistit, an videatur moderatem inculpatæ tutelæ excessisse. Mouet, quod aliter sibi consulere potuit, quam resistendo, vt scilicet non videatur ad superiorem definitionem pertinere. Sed non dubium est ex hac lege, quiniure faciat, qui non fugit. Perspicuum est enim hic permitti propulsare vim ad defendendam possessionem. Non defendit autem possessionem, qui delecta possessione fugit. Permittitur igitur possessione & loco suo consistere, & ibi vim propulsare. Nihil ad rem pertinet, quod potuit aduersus vim se tueri aliter, quam resistendo, nempe fugiendo. Hoc enim vere dicitur, si de persona tantum tuenda agatur, cui fuga consulere possumus. Sed si de loco etiam tuenda agitur, hunc tueri, nisi in eo consistendo, non possumus. Nunc autem hac lege potestas fit & personæ nostræ, & loci, quem iure obtinemus, tuendi.

L. 2. & tres sequentes.

Iidem AA. & CC. Alexandro.

Vipulsos restituendos esse interdicti exemplo, si nec tum vitilis annus excessit, certissimi iuris est: & heredes teneri in tantum, quantum ad eos peruenit, S. A. A. Coss.

S V M M A R I A.

- 1 Aduersus vim illatam qua remedia iure prodita.
- 2 Interdictum vnde vi competere solum vi deiecto, & deijci solum, qui ante vere possederit.
- 3 Interdictum vnde vi solum intra annum vitilem, non continuum datur, quis annus vitilis, quis continuus.
- 4 Interdictum vnde vi aduersus quos.
- 5 Cuius rei gratia.
- 6 Prædonem rebus peremptis non secus, atque exstantibus interdico vnde vi teneri.

- 7 Dubitatum, an idem sit, si res intra tempora iudicati perierint: & idem esse.
- 8 Condemnatum, qui ante sententiam moram fecit, etiam intra tempora iudicati moram facere perseverare.
- 9 Quod dicitur, nullam ibi moram fieri, ubi propter exceptionem pati non potest, ad exceptionem dilatoriam iudicatinon pertinere.
- 10 Condemnati in quadruplum, triplum, aut duplum singulare ius esse, ut et principali intra tempus iudicati perempta, eius rei nomine liberentur.
- 11 Quid, si res eodem modo apud actorem peritura fuerit?
- 12 Interdictum in de vi penale esse, eoque nec ultra annum, neque in heredes dari.
- 13 Quomodo probari possint res, quae ibi fuerunt, vnde quis deiectus est.
- 14 Fructus in hoc interdictum venire, & qui.
- 15 Eum, qui deiectus est, ex interdicto sine ulla exceptione restituendum.

ADuersus \dagger vim, quae nobis facta est, qua de possessione deiectionem, quam amissimus, sed idoneis iudiciis ad eam rem vindicandam constitutis, quod genus remedij alterum est, quod aduersus vim propositum esse supra ad l. i. diximus. Estque id remedium ordinarij iuris, quo de rebus ad nos pertinentibus licet tantum iudicio experiri. *l. negantes, sup. de obl. & act. leg. i. sup. de exec. rei iudic.* De vi agitur & criminaliter, & civiliter. Criminaliter accusatione, & poena constituta lege Iulia tam de vi publica, id est, armata, quam de vi priuata, id est, ea, quae fit sine armis, ut indicatur in *leg. 4. hic.* de quibus legibus est cautum in *§. item lex Iulia de vi publica. Inst. de pub. iudic. item D. & C. ad leg. Iul. de vi publ. & priuat.* Civiliter, cum de re pecuniaria agitur, iudiciis in eam rem constitutis, partim ex edicto praetoris, partim ex constitutionibus, Ex edicto praetoris est interdictum vnde vi, de quo est inscriptio huius tituli. Interdictum proponitur *l. i. in pr. ff. eo.* Nunc loco interdicti agitur actionibus civilibus, ut declaratur in *l. 2. & d. l. 4. hic.* qua de re diximus ad *l. pen. & ult. sup. de interd.* Ex constitutionibus actio est conditio ex lege, ex *l. si quis in tancam. inf. hoc tit.* Natura interdicti vnde vi, siue eius actionis, qua loco interdicti vimur, declaratur maxime his quatuor rescriptis seqq. quae ob eam causam coniungi oportet. Huius interdicti natura quatuor his in locis spectatur, qui nobis ita his rescriptis obseruandi sunt: *Cui detur, Intra quod tempus, Aduersus quos, Tum cuius rei gratia.*

2 Datur \dagger ei, qui vi deiectus est, *l. i. §. i. ff. eo. l. 2. in prin. l. 4. in pr. hic.* Hoc verbo, *deiectus*, tacite continetur, non ad alium pertinere hoc interdictum, quam qui ex eo loco pulsus est, quem prius possidebat vel naturaliter, id est, tanquam praedo, vel civiliter, id est, iure. Horum enim uterque tenet rem animo dominantis. Is autem deici intelligitur, qui ita possidet, *leg. i. §. deiecitur. §. interdictum autem, ff. eod.* Proinde cum colonus, aut inquilinus non possideat, si vel ille de agro, vel hic deiciatur de aedibus, hoc interdicto non quod impunitum sit, si isti deiciatur, sed quia ex hac deiectione interdictum ipsis dominis competit, non colonus, aut inquilinus, *d. l. i. §. deiecitur. & l. ult. ff. eo.* Quippe domini per colonum, aut inquilinum possident, *§. possidere. Inst. de interd.* Ita fit, ut istis deiectionis in ipsorum persona videantur domini deici. Hoc eodem ex verbo intelligimus non competere hoc interdictum, nisi ei, qui de rebus soli deiectus est: rebus autem mobilibus ereptis, huic interdicto locum non esse, *l. i. §. 2. & seq. ff. eod.* Non enim deiciatur de loco, nisi qui in loco consistit. Non constitimus autem, nisi in re, quae non mouetur.

Non est satis, quem deiectum esse, ut sit interdicto locus: vi deiectum esse oportet. Sic enim verba sunt interdicti, vnde vi tu illum deiecit, *l. i. in pr. & §. 2. ff. eo.* Idem expresse in *l. 2. & 4. in prin. hic.* Hac referri debet, *l. inuasor. inf. hoc tit.* ubi cauetur, ne inuasor aliter teneatur poena legitima, quam si inuasent, quia scilicet olim non aduersus alios poena legitima fuit constituta, siue intelligatur vindicta criminis, siue poena priuata, quam persequamur interdicto vnde vi. Hodie secus est in specie *l. ult. inf. hoc tit.* Sed id ius postea secutum est, quo *l. inuasor.* & priora iura immutantur, ut illic dicemus.

3 Datur \dagger hoc interdictum intra annum, & eum vilem, *l. i. in pr. & §. annus, ff. eo. l. 2. hic.* Annus utilis opponitur continuo, *l. ult. sup. de dol.* Uterque annus dicitur, quia constat trecentis sexaginta quinque diebus ut est anni dimensio: *leg. anniculus non statim. D. de verb. sign.* Hoc interest, quod continuus superioribus diebus constat continuis, utilis constat solum utilibus, intellige ad agendum, id est, iis, quibus actor experiundi cum aduersario potestatem habet,

quod explicatur in *l. i. ff. de diuer. tem. praef.* Vnde in edictis praetores hunc annum ita circuloctatione efferre solebant: intra annum, quo primum experiundi potestas erit, ut patet ex his locis, *l. i. in ff. ex quib. caus. mai. iuncta l. ult. sup. de temp. in integ. rest. & l. 4. ff. vi bon. rap. l. i. ff. de incen. ruin. nauis.* Sed intra annum tantum datur hoc interdictum de iis rebus, quae ad inuasorem non peruenerunt, de iis, quae peruenerunt, actio perpetua, *l. i. in pr. ff. eo.* Haec de actionibus praetoriis de finitio tradita in *l. in honorarijs. D. de obl. & act.*

Datur \dagger interdictum aduersus eum, qui ipse, aut cuius familia deiecit, ut est interdicto expressum, & declaratur in *l. i. §. ait prator. D. eo.* Quis deiecit intelligitur, explicatur in *d. l. i. §. ait prator. D. eo.* Datur praeterea & aduersus heredes eius, qui vi deiecit, sed quatenus ad eos peruenit, ut traditur in *l. i. §. ult. & l. 2. ibid.* Vnde intelligimus, si quid ad heredes non peruenit, eos hoc interdicto non teneri. Scilicet quia hoc interdictum poenale est, ut ex restitutione interdicti intelligitur. Ita pertinet ad eam regulam iuris, quae efficitur, ex maleficijs poenales actiones in heredes non dari, *§. i. Inst. de per. & tem. act.* Sed si quid ad eos peruenit ex maleficio, tenentur. Placuit enim semper iniusta lucra heredibus extorqueri, *l. i. §. ult. l. 2. & 3. in princ. D. eo. l. in heredem. D. de calum.*

Datur \dagger interdictum huius rei gratia, ut si quid amissum est, deiectione restituatur, *l. i. §. non solum. D. eod.* Quod his verbis expressum est in *l. 4. hoc tit.* ut dicatur ei, qui deiectus est, causam omnem praestari oportere id enim verbo causae significatur, ut declaratur, *d. §. non solum.* Hac restitutione tria continentur. Primum res ipsa, a qua deiecti sumus, ut restituatur, *§. recuperanda. Inst. de interd.* Secundo loco omnia, quae ibi fuerunt, cum deieci bamur. Ibi, id est, in toto eo fundo, & totis aedibus, vnde deiecti sumus, *l. i. in prin. & §. ibi. D. eod.* Quid \dagger ergo, si ista, quae ibi fuerunt, postea perierint? Placet eum, qui deiecit, teneri nihilominus earum rerum nomine, *l. i. §. restititio. D. eod.* hac ratione, quod ut fur, sic praedo ex ipso tempore delicti moram facere, atque adeo plusquam frustrator, debitor esse intelligitur, *l. penult. D. eod. l. in re. §. i. l. ult. D. de con. fur.* Est autem certi iuris constitutum, moram perpetuare obligationem, & quod idem est, si res debita post moram perierit, debitoris detrimentum esse, ut non aliter teneatur perpetuo, quam si res exstaret, *l. si seruum. §. sequitur. l. si ex legati. 23. l. nemo. §. i. D. de verb. obl. l. quod re. D. si cert. per. act.* Quid \dagger si, postquam is, qui deiecit, condemnatus est, res perierit intra tempora iudicati actionis, an ne sic quidem reus liberabitur? Nascitur hinc dubitatio. Quia enim perpetuo moram facit inuasor, ideo consequens est superioribus cum perpetuo teneri idque ita scriptum in *d. l. ult. ff. vnde vi.* Rursum videtur tradi in *leg. si cum exceptione. §. quid si homo. & seq. D. quod. met. caus. reum in hac specie liberari. Quem tractatum, quia ad morae periculum pertinet, libet iis, quae de moralibus scriptimus, adiacere. Sunt, qui putent, re intra tempora iudicati perempta, quod sine dolo malo & culpa debitoris factum sit, debitorem liberari, etiam si hoc interdicto teneatur. Nam si hoc de eo dictum est, qui actione, quae ad metus causa, tenebatur, in *d. l. item si cum. §. quid si homo. quod met. caus. ff.* par est idem & ita hoc interdicto admitti, cum vtrumque interdictum ex vi & maleficio nascatur. Sed quid hic argumentum est opus cum ibidem in extremo ista iudicia in hac specie comparatur? Nec caret haec sententia defensione, Constat enim, si res perierit, cum debitor in mora non esset, eum liberari, *l. si ex legati. D. de verb. obl. l. quod re. ff. si cer. per.* Nunc autem tempore indicatis ad soluendum constituto, intra id tempus debitor moram facere non videtur. Nam sic est alia regula iuris, non videri in mora esse eum a quo propter exceptionem peti non potest. *l. lecta. ver. pen. ff. si car. per. l. nulla ff. de regul. iur.* Ego autem puto verissime dici, eum, qui ante rem iudicatum teneretur re perempta, multo magis condemnatum teneri oportere, quamuis res intra tempora iudicati perierit. Non enim utique, qui ante sententiam tenebatur, liberatur condemnatione, sed magis teneri incipit: siquidem pro vna actione duae fiunt. Nam & vetus manet & noua nascitur iudicati. Denique iuxta regulam iuris, non solet deterior fieri conditio eorum, qui litem contestati sunt, quam si non esset, sed melior. *l. non solet. temp. nemo enim. seq. ff. de reg. iur.* Nec ad rem pertinet, quod indicato tempus legium ad soluendum datum est. Nam haec intercedo debitori dilationem dare, non etiam lucrum adferre debet, ut est sententia Papiniani in *l. 2. i. ref. ff. de vsur.* Afferret autem lucrum, si eum, qui prius tenebatur, liberaret re perempta. Neque \dagger moueri debemus, quod re ante moram perempta, debitor liberetur. Nam & hoc in hac specie admittendum est. Sed intelligendum est eum, qui ante rem iudicatum moram faciebat condemnatum multo magis facere, quamuis intra tempora iudicati. Quisquis enim*

enim morā facere cœpit, is facere non desinit, nisi purgata mora. Non purgat autem, nisi qui rem debitam offert, *l. si feruum. §. sequitur. l. interdum. §. vlt. ff. de verb. obl. neq; offert, qui ideo dilacione vitari, ne offerat. Quare condemnatus moram facere, vt prius, non desinit. Sic fit, vt iuxta eandem regulam, re peremta, nihilominus teneatur.*

9 Nam † quod dicitur eum moram non facere, à quo propter exceptionem peti nō potest, ad ceteras omnes exceptiones pertinet, ad exceptionem iudicati dilacionis non pertinet. non enim hæc ideo reo datur, quod in præsentia non debeat, sed quod cum debeat statim, tamen hoc spatium humanitatis causa illi indulgetur, vt est in *l. si cum militi. §. vlt. ff. de com. beneficia humanitatis causa in alterius iniuriam concedi non solent. l. nec auus. infr. de eman. lib. Ex quo est illud superius Papiniani, legitimum iudicati faciendi tempus reo dilacionem dare, non lucrum adferre consueisse. Multo minus aduersatur huic sententiæ exemplum actionis, Quod metus causa, in qua diximus condemnatum re intra tempora iudicati peremta ab eius præstatione relaxari. *d. l. item si cum. §. quid si homo quod met. cau.**

10 Nam † significari ratione in eo iudicio receptum est, vt Vlpianus dicitur illic ostendit. Id fieri nominatim ait, non quod res perierit intra tēpora iudicati, sed quod propter facinus debitor tripli pœna satisfacere cogatur, qua pœna creditori abunde satisfactum est. Loquitur enim Vlpianus de eo, qui rem metu extortā restituere iussus, cum arbitrio non pareret, in quadruplum condemnatus est, vt est vis & potestas illius iudicij. Quæ ex ratione perspicuum est recte colligi, quibus in iudicijs præter rem, quæ actori abest, non cōdemnatur reus in triplum, aut duplum, eum re debita peremta non liberari, ne res sua creditori pereat, cui aliunde non satisficit.

11 Queritur † amplius hoc loco, quid enim si res, quæ perit, eodem modo apud actore peritura fuerit, an nihilominus reus inualor eo nomine tenebitur? Quæstio ex eo, quod duobus locis scriptum est, cum apud actorem eodem modo res peritura esset, debitorum liberari, si sine dolo & culpa eius perierit. *l. item si cum. §. quid si homo. in si. §. quod met. cau. l. si plures. §. vlt. ff. de positi. Contra alijs locis, & si res natura perierit, veluti morte, quæ vitari nō potest, nihilominus non debitorum teneri, si res post moram perierit. *leg. item si verberatum. §. vlt. ff. de rei vind. l. cum. res. §. vlt. ff. de leg. 1. De quo cum scripserim iam olim in cōmentario de mora, & pluribus ad *l. si ex legati. ff. de verb. obl. ne actum agam, inde peti iubebo.***

12 Illic † redeo, eum, qui vi aliam de fundo, aut alio loco deiecit, teneri earum omnium rerum nomine, quæ ibi fuerunt, tam quæ ad eum non peruenerunt, quam quæ peruenerunt, & non exitar. Inde apparet, hoc quoq; interdictum pœnam continere. *arg. in l. 1. §. si plures. ff. de eo. per quem fact. erit. Quam ob eausam hoc interdictum neq; perpetuo, neq; in heredes dari, supra suis locis diximus.*

13 Sed † cum dicamus omnia restituenda esse, quæ ibi fuerunt, vnde quis deiectus est, existit hoc loco illa difficultas, quomodo probari possit, quæ res ibi fuerint. Non enim videtur facile posse: vbi quis scilicet repente deiectus est, neq; ad cognitionem earum rerum testes adhiberi potuerunt, vt res videatur propemodum eo redire, quasi reus de iis rebus nec teneatur. Sed aduersus hanc difficultatem remedium comparatum est, de quo in *l. si quando inf.*

14 hoc sit. Tertium † continetur superiore restitutione, positum in iis rebus, quæ non fuerunt tūc, cum quis deiectus est; hi sunt fructus, de quibus in *l. 4. hic. Percepti primū, etiam si inhoneste percepti sint. l. ancillarum. in fin. ff. de per. her. Deinde & qui percipi potuerunt, dummodo honeste. l. fructus. ff. de rei vind. l. generaliter. ff. de vsur. In quo si queritur, vtrum spectari oporteat, à quo fructus percipi potuit, eumne, qui deiecerit, an eum, qui deiectus est: certa regula vitur, spectari debere actorem, seu eum fructum, qui percipi ab actore potuerit, vt est in *leg. 4. hic. l. si nauis. §. vlt. ff. de rei vindic.**

15 Atq; hæc vis & potestas est interdicti vnde vi. Sed † an, qui hoc interdictum tenetur, nulla exceptione & defensione tueri se potest, quo minus ea restituat, quæ supra diximus? Et placet nulla vi posse. *§. recuperanda Inst. de interd. Id esse interpretor, quod dicitur in l. momentarie. inf. hoc sit. interdictum vnde vi mox audiri debere, vt illis pluribus exponemus. Quod si verum est, apparet eum, qui vi aliam de possessione deiecit, sibi possessionem iure defendere non posse, cum sit aduersus eum interdictum, quo rem sine exceptione retinere cogatur. Quod est æquissimum, tum vt vis prohibeatur, tum vt is, qui malo more deiectus, primo quoq; tempore integram restituatur. *l. 1. §. 1. ff. eo. hinc pendet. l. 3. hoc loco.**

L. Meminerit. 6.

Imppp. Grat. Valentina. & Theod. AAA.
Porito P. V.

Meminerint cuncti, siue vulgato rescripto mansuetudinis nostra, siue sententia cuiuslibet iudicij versantur in causis, conueniendos dominos locorum esse: aut si forte defuerint, eorum actores ad insinuandas sententias, procuratoresque esse quærendos, ne inde iniuriarum nascatur occasio, vnde iura nascuntur. Quod si præcepta nostra implere neglexerint, omnino negotio, de quo iurgare cœperant, priuabuntur.

§. Sin autem habito plerumq; collusio, curatores, vel tutores minorum his rem debitam ea occasione peruadant, vt pupillis, vel adultis iurgandi copia & fructus adimatur: his ea tenus subuenimus, vt eosdem non atterat damno culpa temeritatis aliena: Sed illico quidem possessio ei, à quo est ablata, reddatur: Curatores autem, vel tutores aterna deportatione punitos, bonorum quoque publicatio persequatur. Dat. 9. April. Antonino & Syagrio Coss. 382.

S V M M A R I A.

- 1 Sententia huius legis.
- 2 Hæc lex quid adiciat decreto D. Marci, quod exstat in leg. exstat. D. quod met cau. Vulgato rescripto Principis, & sententia iudicij vii, quid sit in principio huius legis: & quid vulgatum rescriptum. ibidem.
- 3 Inde iniuriarum occasionem nasci non debere, vnde iura nascuntur, quam sententiam habeat, & quid in hac lege ad rem pertineat hæc ratio.
- 4 Collusum, collusio quid, & quam in tutoribus ac curatoribus de rebus ad minores pertinentibus coercenda.

Quæ rem alienam sine vi, sua auctoritate tamen inuasent, aduersus eos duæ sunt hoc titulo constitutiones. Vna aduersus eos, qui rem alienam non sibi debitam, possessoribus vacuam, occuparunt: ea est *l. vlt. inf.*

Alteræ † aduersus eos, qui rem alienam sibi debitā & à dominis possessam ignorantibus dominis occupant: ea est hoc loco, cuius hæc est sententia. Qui rem sibi debitam sine vi, sua tamen auctoritate non conuentis & consentientibus iis, ad quos ea res pertinet, occupauit, is ius crediti amittit, etiam si in ea causa aut rescripto principis vtatur, aut alicuius iudicij sententiā. Si tutores, aut curatores minorum, rem minoribus debitam eodem modo occuparint, collusione cū aduersarijs interposita, vt eo facto minores iure suo exciderent, id factum minoribus non nocebit, tantumq; hi hætenus tenebuntur, vt quod inde ad eos peruenerit, restituant. Tutores autem & curatores ita cœrcentur, non vt ius crediti amittant, quod nullum habuerunt, sed vt propter improbam collusionem in necem minorum instructam deportentur, & simul eorum bona publicentur. Agi hæc constitutione de re, quam quis sibi debitam occupauit, intelligimus ex posteriore parte constitutionis, vbi pœna constituitur aduersus tutores & curatores, qui rem minoribus debitam inuasent. Nam initium ab extremo non distinguitur rebus occupatis, sed personis occupantium. In initio enim agitur de iis, qui sibi occupant. In extremo de iis, qui occupant nomine minorum. Pertinere constitutionē ad eos, qui rem occupat sine vi, non contentis iis, ad quos ea res pertinet, illa verba declarant, conueniendos dominos locorum esse, & quæ sequuntur. Hanc autem pœnam constituit, vt qui ita rem occupauit, ius crediti amittat, illa verba, satis aperte significant, quibus cauetur, vt qui præceptum huius legis impleri neglexerint, omni negotio, de quo iurgare cœperant, priuentur. hæc enim verba plane idem exprimunt.

Ergo † initio huius constitutionis cōfirmatur vetus illud decretum D. Marci, quo ius supra à nobis comprehensum constitutum est, exstatq; in *l. exstat. ff. quod met. cau.* Neq; ideo hæc constitutio otiosa est. Nam duo eadem hac constitutione adiiciuntur: vnum confirmandi illius decreti causa, alterum augendi. Primū hoc adicitur, eum, qui, vt supra scriptum est, rem sibi debitam occupauerit, ius crediti amittere, etiam si in ea causa ad repetitionem & persecutionem rei sue vtatur vulgato rescripto principis, atque adeo alicuius iudicij sententiā. Senfus est, nihil prodesse ei, si principem de iure suo

consulerit, & rescriptum retulerit, quo princeps respondebat, eum rem sibi debitam recepturum. Quod rescriptum hic vulgatum appellatur, quia vulgatum & vsitatum erat litigatoribus principem de iure suo consulere: ac consulentibus reddebatur huiusmodi rescripta: qualia sunt ea, quibus hic totus Codex est referens. Adde nihil ei prodesse, si cū aduersario egerit, & aduersarius sit cōdemnatus de re debita præstanda, restituendaue. Quorū tamen vtrumq; cōtra existimari poterat. Nam is certo iure vti videtur, qui auctō iūte principis vtitur, cū principis sit ius constituere. *l. i. ff. de const. princ.* Ei autē, qui iam aduersarium suū condēnauit, nihil videtur deesse ad iuris sui certitudinē, atq; adeo persequentiē. Vtrumq; hac constitutione remouetur, & merito, quia princeps rescripto suo de iure respōdet, relinquuntur facti questio cuius disceptatio & executione per iudicem transigitur. Et cum princeps rescribit, *rem tibi debitam recipies*. hoc sic accipitur, *recipies eo modo, quo oportet, siue consueto iure recipies*. Est autem vsitata ratio iuris nostri tuendi, vt iudicio agatur, vis abis, *d. l. existat ff. quod met. cau. l. negantes. sup. de ob. & act.* Et quod ad sententiam attinet, etiam post sententiam deest executio rei iudicata, quæ nō priuatis, sed iudici permittitur, ad quam obtinendam nihil amplius tribuitur litigatori, qui sententiam obtinuit, quam actio iudicati. *l. miles in fin. ff. de re iud.* Hæc est illa actio, per quam in hac constitutione iubentur conueniri domini rerum, aut dominorum actores, procuratoresue. Ceterū qui litigator contemta iudicati actione sua auctoritate aut rem, de qua agitur, occupat, aut pignora capit, aut capta distrahit, is perinde tenetur, quasi nullam sententiam obtinuisset. *d. l. miles. §. qui iudicati. ff. de re iud.*

3 Cuius ratio hæc reddita est hac constitutione, quod non debeat iniuriarum occasio inde nasci, vnde iura nascuntur. Porro ex respōsione principis, omnīq; sententia iudicis iura nascuntur. Sunt enim ista comparata, vt ius, quod est de re quaque, declaratur, & constituatur, vt secundum ea ius nostrum nobis obtinere liceat. Non debet igitur ex his nasci iniuria. Est autem genus iniuriæ, id est, eius, quod contra ius fiat, vim adhibere, & sibi in sua re ius dicere, *d. leg. existat ff. quod met. cau. ff.* Proinde hoc genus vis & iniuriæ ex superioribus rebus nasci non debet. Hoc igitur primum est, quod hac constitutione adiectum est ad confirmationem eius decreti, de quo supra diximus.

Etiam alterum adiectum est, quod est in pœna aduersus tutores & curatores constituta, qui rem minoribus debitam colludicio habito, vt lex loquitur, occupauerunt.

4 Colludium collusio est. Colludere is dicitur, qui simulat se aduersarium aliquo facto se oppugnare, vt sibi vel aliis consulat, reuera autē concilio inuito cum aduersariis id agit, vt eos oppugnet quibus consulere velle videbatur, aduersariis autem maxime cōsultat. *l. si per lusorio. ff. de appell. l. si suspensa. in pr. ff. de inof. test.* Vt in hoc facto tutorū accidit, qui res minoribus debitas inuadentes simulant se aliquid aduersariis velle eripere, quod ad minores transferant, reuera autem id agunt, vt hoc delictū minores rebus suis cadant, & sic ad veteres possessores transferantur illiq; cōfirmantur. Hoc genus est delicti, quod hac constitutione coercetur. Est enim in eo singulare improbitatis genus. Primum, quod tutores, vel curatores minores fidei & tutelæ suæ commissos nefarie produnt. Deinde ad id factum adhibent collusionē cum aduersariis, scilicet cum maxime fraudant, id agentes, vt boni viri videantur. Quo genere iniustitiæ nulla esse detestabiliorem præclare à Cicerone scriptum est *lib. i. Offi.* Ex quo intelligere licet, tutores, aut curatores si in re minorum inuadenda nullam talem collusionē adhibuerunt, pœna huius constitutionis non teneri. Et recte: neque enim sola occupatio rei debita, vt minoribus consulatur facta, deportatione & publicatione honorū digna est. Argumentū est, quod ceteri, qui rem sibi debitam occupant, ista pœna nō tenentur, multo minus igitur tenebuntur tutores, qui officio aliquatenus functi sunt, dum volunt minoribus consulere. In hac tamē specie puto eos litem suam facere, & quo modo tenerentur minores, si ipsi occupassent, eodē modo tutores & curatores, quasi sibi occupassent, teneri debere. *l. non est ignotum. ff. de adm. ius.*

L. si quis in tantam. 7.

Imppp. Valentin. Theod. & Arcad. AAA. ad Messianum Com. rerum priuatarum.

Si quis in tantam furoris peruenierit audaciam, vt possessionem rerum apud fiscum, vel apud homines quoslibet constitu-

tarum ante aduentum iudicialis arbitrij violenter inuasit, dominus quidem constitutus possessionem, quam abstulit, restituat possessori, & dominium eiusdem rei admittat. Si vero alienarum rerum possessionem inuasit: non solum eam possidētibus reddat, verum etiam estimationem earundem rerum restituere compellatur. Dat. 17. Kalend. Iun. Treueris Timasio & Promoto Coss. §. 89.

S V M M A R I A.

- 1 Eum, qui violenter inuadit possessionem rerum apud alios constitutarum ante euentum iudicialis arbitrij hac lege coerceri: Inuadere quid.
- 2 Violenter quid.
- 3 Possidētes qui.
- 4 Res omnes corporales hac lege contineri, etiam mobiles, incorporales non item.
- 5 Arbitrium iudiciale hic accipiendum iussum iudicis, quo fit potestas v. libet, rem manu militari occupandi.
- 6 Qui rem suam vi inuasit, eum ex hac lege dominium non amittere i. pso iure, sed solum sententia iudicis, a quo id peti oportet, vt inbeat in actorem transferri.
- 7 Dominium rei occupata hac lege amissum adijci non fisco, sed priuato, cui res erepta est, aut qui vi deiectus est. Sic pœnas omnes pecuniarias, qua nominatim lege non applicantur fisco ibidem.
- 8 Qui rem alienam vi inuasit, præter damnus actionis, etiam eum estimationem subire non possessionis ablata, sed ipsius corporis rei.
- 9 Ad dominium, aut estimationem rei petendam, si emg, ad possessionem ablatam recuperandam esse ex hac constitutione conditionem ex lege, neq; vnius periectione alteram consumi.
- 10 Hac lege non teneri, qui dolo carent: patrem filio, patronum liberti, magistratum iure officij rem occupantem, priuatum, qui furem fugientem persecutus ei rem suam auferit.
- 11 Etiam feminas teneri hac lege.
- 12 Iuris errorem aduersus hanc legem nullis prodesse.
- 13 Teneri hac lege etiam eos, quibus rerum suarum alienatio interdicta est.
- 14 Exceptos filiosfamilias, qui de bonis suis aduentitium quem deiecerint.

Adversus vim, quæ illata est, præter interdictum vnde vi, etiam priuatam actionem esse diximus ex hac constitutione. In qua expendendum est, quid coercetur, & quæ sit delicti, de quo agitur, pœna.

Delictum huiusmodi est, Coercetur, qui inuasit. Inuadere est rem ab illo non traditam auctoritate sua occupare. Itaq; hoc verbo remouentur ij, qui possessionis controuersiam tantum nobis faciunt, dum nos re nostra vti libere non sinunt. nihil enim isti occupant. Aduersus hoc est interdictum *visi possidetis*, aut *vi ubi, §. retinenda. Inst. de interd.* Remouentur & illi, qui vim adhiberunt, sed vim, non quia ipsi rem occuparent, sed qua dominum, aut possessorem cogent, vt sibi res traderetur. Tenentur hi actione quod metus caussa, *l. i. & tot. tit. quod met. caus.* Vulgo appellant priorem vim turbatam, posteriorem compulsuam.

Addit constitutio, qui inuasit violenter, huiusmodi violenter, seu vi inuadit, qui veterem possessore deiecto rem occupat. *l. i. §. vi possidere. D. vnde vi.* Itaq; qui ignorante domino, aut possessore rem occupauit, hac constitutione non tenetur, sed pertinet ad *l. meminerint. sup. ad l. vlt. inf. loc. rit.* Quod sic accipiendum est, nisi is, qui ab initio clam occupauit, reuertentem dominum, aut veterem possessorem non admittat. Nam hoc facto clam possidere definit, & incipit vi possidere. *l. clam. in fi. & l. seq. ff. de acq. poss.* quod ad hanc constitutionem pertinet.

Ait, Qui inuasit possessionem. huiusmodi possessionem inuadit, qui ipse non possidens rem quæ ab alio possidetur, occupat. Qui autem possidet, & rem, quæ corpore ab alio detinetur, occupat, is detentionem inuadere dici potest, possessionem non potest, sed magis possessionem, quæ apud se fuit, retinere. Hinc iudicari potest de eo, qui rem a se depositam, aut commodatam, depositario, aut commodatario vi eripuit, item de eo locatore, qui aut inquilinū cecit ex adibus, aut colonum ex fundo, nempe hos omnes hac constitutione non teneri. Nam neque depositarius, neque commodatarius, neque colonus, aut inquilinus possident, sed dominus per eos, §. possidere. *Inst. de interd.* Hinc quoque intelligi potest, quid

quid iudicandum sit de proprietario, qui fructuarium expulit ex fundo fructuario, & eum frui non patitur. Apparet hunc quoque proprietarium hac constitutione non teneri. Nam fructuarium non possidet, non magis, quam superiores. Proprietarius est, qui possidet, §. *idem placet. Inst. per quas pers. nob. acquir. l. sciendum. §. eum vero D. qui satisf. cog.* Non obstat, quod fructuario interdictum vnde vi competit, si proprietarius eum frui non patitur, l. 3. §. vnde vi D. eod. Hoc enim non ideo fit, quia fructuarium deiectus sit de possessione quam prius habuerit: sed quia aduersarius non patitur eum uti frui. Et ideo in d. §. vnde vi. dicitur interdictum vnde vi necessarium fuisse fructuario, id est, necesse fuisse ei speciarim proponere hoc interdictum, quod non fuisset necesse, si fructuarium possideret, & dici posset de fundo deiectus, quia verbis interdicti satis deiectus cōsultitur. Nihil etiam ad rem pertinet, quod fructuarium dicitur naturaliter possidere, l. naturaliter. ff. de acq. poss. Nam hoc naturaliter valet corporaliter: quod significat eum proprie possidere, se tenere tantum. In re autem dubia à verbis legis recedi non oportet, l. 1. §. licet. vers. in re. ff. de exer. act. & præsertim cum de pœna agitur. Nam pœnæ legum interpretatione mollendæ potius sunt, quam exasperandæ, leg. interpretatione. ff. de pœn. Huc pertinet, quod dicitur, odia non esse interpretatione adiuvanda, l. cum quidam, D. de lib. & post. vnde regula iuris Pontificij, in c. odia. extr. de reg. iur.

4. Ait cōstitutio, rerum apud alios constitutarum. Rerum ꝑ dicit generaliter, non distinguens, mobiles essent, an immobiles. Ex quo intellectum est, hac constitutione teneri omnes, qui rem quamlibet inuaserunt etiam mobilem, quod positum est in §. pen. Inst. de vi bon. rap. Hinc quaesitum est, an hac constitutione teneatur, qui possessionem iuris alieni occupauit, puta seruus ius. Vt si dominus, qui iter debet per fundum suum, prohibeat vi aduersarij eo itinere vi: aut si proprietarius, qui vsum fructum debet, fructuarium à fundo eiciat, eumq; uti frui prohibeat. Et perspicuum est hunc non teneri: non quod non teneretur, si istarum rerum possessionem inuadere posset: sed quod earum rerum nulla esset possessio, quam inuadat. De vsum fructuario iam supra dixi: De eo, qui prohibetur itinere sibi constituto uti palam est huius iuris possessionem non ieuadi, quia res incorporales non possidentur, nisi abusive, l. seruus, §. incorporales, D. de acq. rer. dom. Deinde dominus, qui vsum huius prohibet, nihil possidere intelligitur, eoque nullius rei possessionem sibi inuadat. Is enim inuadit possessionem, qui occupatum sibi tenet. Postremo etsi inuaderet possessionem itineris, non tamen inuadit possessionem rei apud alium constitutæ. Qui enim iter per fundum debet, is nihilominus fundum apud se constitutum habet.

5. Addit cōstitutio, ante aduentum iudicialis arbitrij. Hic ꝑ arbitrij iudicis accipere debemus, non quamuis sententiam iudicis de re controuersa, non quemuis eius iussum, sed arbitrium & iussum de re, de qua in hac constitutione agitur, id est, arbitrium, quo iudex pro potestate iudicis potestatem facit rei, de qua controuersia est, vi occupandæ. Pro potestate autem iudicis facere intelligitur, cum in rei vindicatione possessor rem restituere iussum iudici non pareat. Nam si reus rem possideat, licet iudici manu militari rem transferre, l. qui restituere, D. de rei vind. Hinc colligimus, si quis ante arbitrium & sententiam iudicis de re controuersa restituenda, rem sua auctoritate occupet, contra controuersiam hac cōstitutione teneri. Idem esse probandum est etiam si quis obtinuerit sententiam & arbitrium iudicis, quos aduersarius iubetur re restituere. Nam hæc sententia actorem non excusat, si sua auctoritate rem, de qua agitur, occupauit, ut dixi ad l. meminere, supra. Sed etsi magistratus iusserit rem alienam occupari, si id fecit causa non cognita, deniq; non pro officio & iure magistratus: hæc sententia & arbitrium neq; magistrati patrociniatur, neq; inuadenti, qui iniusto arbitrio vitur, arg. l. 3. D. quod met. caus. l. nec magistratibus, D. de iniur. Idq; consentaneum est verbis huius constitutionis, quæ arbitrium exigit: sed iudiciale, id est, conueniens iudici. Summa est hæc: qui rem, quæ ab alio possidetur, vel vi eripit mobilem, vel immobilem occupat vetere possessore deiecto, si id auctoritate legitima magistratus non facit, hac constitutione teneri.

Habemus delictum, quod coercetur, & eum, qui coercetur. Pœna constitutionis hæc est. Primum qui rem inuasit, sine exceptione rem restituere cogitur: quod est cum interdicto vnde vi commune. Deinde, quod est proprium huius constitutionis, si dominus fuit: iubetur dominium amittere. Quo loco duo quaesita sunt.

Primum, ꝑ an qui inuasit, dominium in re suo amittat, an per iudicem duntaxat, iudice de eo sententiam ferente. Verius est, idq; vulgo placet, solum per iudicem, non ea ratione, quæ illis redditur, quia constitutio ita scripta sit, ut dicat, amittat in futurum: non autem amittit, aut amittit (quod certe ejus sententiæ nõ idoneum argumentum est: cum ideo constitutioni necesse fuerit uti verbo futuri temporis, quia constitutio in admissum futurum concipiebatur, vt de eo etiam necesse fuerit pœnam futuram constituere) sed potius hoc argumento, quod constitutio eodem loco iubet eum, qui re inuasit, simul & rem restituere & dominium rei amittere. Hæc enim cum vna oratione in vnam personam coniuncta sunt: quod in altero membro intelligitur, necesse est etiam in altero intelligi, arg. in l. 4. §. i. D. de vulg. & pup. subst. At cum iubemur rem restituere, intelligimus per iudicem, vis namq; prohibetur, l. exstat, D. quod met. caus. Ergo & cum eodem contextu iubemur dominium amittere, hic quoq; per iudicem intelligere debemus. Quo admissio, consequens est, nisi à iudice petium sit, ut qui rem inuasit dominium transferat, iudicem de eo statuere nihil posse, leg. vlt. supra, de fideicom. lib. proinde etiam dominium apud inualorem manere.

Illud notandum, inualorem dominium sic amittere, si dominium ad eum, cui res ablata est, transire possit. Quod si iudex mancipium Christianum ereptum sit, ideo qui inuasit, dominium nõ amitteret Christiani mancipij, quia ad Iudæum transferri non potest, l. i. sup. ne Iud. Christi. mancip. Sed pro domino reus, qui eripuit mancipium, æstimationem præstabit ex constitutione, quæ alterutrum præstare iubet.

Quod tamen apparet ita recte dici, siquidem dominium ad eum redire debet, cui res erepta est. Hinc quaesitum ꝑ secundo loco, 7 id dominium cui adijci debeat, vtrum fisco, an priuato, cui erepta res est, aut qui deiectus est? Dicendum est priuato, ad quod confirmandum recte adhibetur l. vlt. D. de litig. l. pen. sup. de leg. Et generaliter definimus, cum aduersus delictum pœna pecuniaria infligitur, neque nominatim applicatur fisco, toties pœnam priuato tribui in solatium iniuriæ & damni, quod passus est, d. leg. vlt. D. de litig. Quod satis probatur argumento earum pœnarum, quæ conuincuntur aduersus raptos, fures, & qui vim intulerunt, quæ omnes certo iure iis, qui vim & furtum passi sunt, præstantur.

Quod si is, ꝑ qui rem inuasit, dominus non sit, iubetur æstimationem ipsius rei possessori præstare, vel vt sunt verba constitutionis, æstimationem ipsarum rerum. Quæ verba diligenter expendenda sunt, ut intelligamus, non sic præstari æstimationem possessionis, quæ possessori ablata est, vt scilicet æstimetur, quanti interfit eius ipsam possidisse, sed æstimatione ipsius corporis, etiam si is, à quo res occupata est, nullo modo dominus fuerit, sed prædo. Hoc contra fit in interdicto vti possidetis aduersus eum, qui alienam possessionem turbauit, l. pen. in fin. D. vti poss. item in actione quod metus causa aduersus eum, qui vim fecit, vt sibi possessio fundi traderetur, leg. simaliter, §. qui possessionem, D. quod met. caus. Sed hoc ius nouum est, quod vt in maiore delicto pœnam grauiorem constituit. Pœnam supra scriptam actione consequimur.

Et ꝑ cum hic noua obligatio constituatur, neq; cautum sit, qua actione experiamur, constat ex lege agendum, seu in eam rem conditionem esse ex lege, l. vnica, de cond. ex leg. Hæc possessori, cui possessio ablata est, datur his verbis, restituat possessori. Datur & recuperandæ possessionis nomine, & pœnæ, quam diximus, persequendæ: proinde duarum rerum diuersarum causa. Ex quo intelligitur, vnus rei eonditione alterius conditionem non consumi, l. si pro fure, §. i. D. de cond. fur. Itaq; qui prius de possessione egit solum, non prohibebitur postea petere, vt dominium in se transferatur, aut sibi æstimatio rei præstetur. Quinetiam si is, cui possessio ablata est, vltro possessionem recuperit sine iudice, non prohibebitur tamen pœnam postea persequi, quia qui delicto suo in pœnam postea incidit, is vt pœnitentia sua non mutat delictum, sic nec teneri definit, l. qui ea mente, D. de furt.

Etsi autem constitutio hæc generaliter scripta sit aduersus omnem, qui vi possessionem inuasit: sunt tamen quatuor ordines eorum, quos putamus hac lege non teneri.

Primum ꝑ non tenerentur omnes, qui intellectu & dolo carent, 10 quo in numero sunt furiosus, l. Diuus, D. de off. prof. item infans, & qui infantie proximus est, §. in summa, Inst. de obl. quæ ex del. nasci. Secundo loco non tenerentur patens filio, patronus liberto. Nam hi certo iure non tenerentur liberis, aut libertis vlla actione,

quæ iniuriæ, aut doli, aut vis habeat mentionem, propter honorem naturæ his debitum, *l. parens. & 2. seqq. D. de obseq. par. & pat. prest.* Nec ad rem pertinet, quod hæc constitutio nemine excipit. hæc enim regula nobis tenenda est in omni interpretatione legum, quoties vna aliqua lex de toto genere in vniuersum scripta est, & alia lege species aliqua ex eo genere excipitur, semper generi per speciem derogari, *l. in toto iure. D. de reg. iur. id est, speciem generali constitutione non contineri.* Hæc constitutio est de omnibus inuadentibus: species inuadentium sunt, pater, patronus. Proinde si quid de his proprii iuris constitutum est, ad generalem constitutionem non pertinet. Ne illud quidem ad rem pertinet, quod hæc constitutio generalis posterior est: illo iure de parentibus & patronis constituto. Nam & hoc in iure est, posteriores leges ad priores referri, si contrariæ non sint, *leg. sed & posteriores. D. de legib.* Proinde priores sic accipi debere, quasi posteriores de prioribus cogitassent, easque confirmassent, aut quasi si priores postea essent securæ. Tertio loco ad hanc constitutionem non pertinent magistratus, qui iure officij, quo funguntur, possessionem à reo occupant, & in actionem transferunt. Hoc enim iure fit, & quod fit iure, pœnam non meretur, *leg. 3. D. quod met. caus. l. nec magistratibus. D. de iniur. l. Gracchus. infra. ad leg. Iul. de adul.* Eadem in causa priuatos haberi oportet, qui auctoritate iudicis possessionem occuparunt: quod ipsum verbis huius constitutionis effici videtur. Postremo recte vulgo putant, non teneri pœna huius legis eum, qui furem fugientem persecutus ei rem suam abstulit. *argumento l. ait prator. §. si debitorem. D. qua in fraud. cred.* Quod & ipsum ex sententia huius legis satis colligitur, cum aduentum arbitrij iudicis expectari iubet, hinc enim intelligitur, constitutionem ad eas causas non pertinere, in quibus permittitur sine iudice se defendere. Licet autem toties, quoties post vulnus acceptum non licet remedium adhibere *l. 1. supra. quan. lic. sine iud. se def.*

His exceptis, sic statuemus de omnibus, de quibus hoc loco quaesitum est: quicumque rem vi inuaserint, quæ ab alio possidetur, omnes in hanc constitutionem incidere sine exceptione sexus, ætatis, conditionis, beneficij à lege tribuit. De quibusdam tamè dubitatum est. Primum ¶ de femina, quoniam constitutio ita scripta est, *si quis, non si qua.* Sed res hæc decisa est iure certo *l. hoc verbum. si quis. l. pronuntiatio. in pr. D. de verb. sign.* nempe in omnibus legibus hoc verbum, *si quis,* tam feminas, quam masculos continere, quod vel maxime admittendum est in hac lege ex legis sententia. Nam hic est constitutio in odium sexus virilis, sed ad delictum coercendum lata. Hoc delictum maius in femina inuadente, quam in masculo, quia illa inuadens, præterquam quod delinquit, quod fit illi cum aliis inuadentibus commune, etiam facit eontra modestiam & pudicitiam sexui congruentem. Magis igitur ex sententia legislatoris delictum in ea coercendum.

2 Deinde dubitatum est ¶ de iis personis, quibus permittitur in iure errare, in quo genere sunt minores, feminae, milites item rusticij, *leg. regula. D. de iur. & fact. ignor. leg. 2. D. si quis in ius voc. non ier.* Nam hoc iure posito licere supra scriptis personis hoc ius & certa ignorare, effici videtur, eas, si quid aduersus hanc constitutionem commiserint, non teneri. Sed sciendum est, nullorum delictis iuris errorem patrocinari, si quid in faciendo deliquerint, non negligendo, quod indicatur in *dict. l. regula, in pr. de iur. & fact. ignor.*

13 Postremo ¶ dubitatum est de iis, quibus prohibitum est, res suas alienare, quo in numero sunt minores 25. annis, *l. 1. D. de reb. eor. l. lex. que. supra. de admitt. ite prodigus, cui bonis interdictum est, D. l. 1. de cur. fur. l. is cui bonis. D. de verb. ob. item filiusfamilias in bonis aduentitiis, l. vlt. §. filius. supra. de bon. que lib.* Ac de his dubitanda causa ex eo, quod hac constitutione, qui rem inuasit, dominium suæ rei amittit, & alienat, aut etiam æstimationem rei de suo præstat, quod isti superioribus legibus facere prohibentur. Sed recte sentiunt, qui existimant, istos omnes hac constitutione teneri, si rem inuaserint. Neque impedimur iis legibus, quæ istis personis alienationem rerum interdicitur. Interdicitur enim alienatio voluntaria, non etiam necessaria. *l. 1. D. de fun. dot. l. alienationes. D. famil. era.* Ea autem, de qua hic agitur necessaria est. Primo enim liber am fuit non inuadere. Postquam inuaseris, hæc necessitas lege imponitur, ut alienes, sed & illud iure imponitur, ut delictum coercetur. Non incommode etiam in istis personis respondeatur hoc modo: plane superioribus legibus prohiberi istas personas, ne alienent. Nunc autem ex hac constitutione eas non alienare, sed legem, pro qua sententia facit, quod dicitur in *l. 1. D. de auct. iur. in iis, quæ sunt, spectari debere,* quod principaliter fit, non quod

per consequentiã. Principaliter hic delinquit: per consequentiã fit, ut res alienetur. Itaque & de prodigo hoc ius probandum est, qui minoribus curatorem habentibus comparatur. *l. si curatorem. supra. de in integ. rest. min.* Obiicit tamen fortasse aliquis, quod est de prodigo in *l. hi, qui. §. 1. D. de iur. & cur. dat.* prodigum furioso comparari in bonorum alienatione. Sed hoc dictum est de prodigo, cum volens alienat, non cum inuitus facit. Et sane in proposito, cum prodigus rem inuadit, non hoc animo est, ut rem alienet, sed ut sibi acquirat.

Recte ¶ tamen iudicare mihi videtur Bartolus, qui putat, ad hanc regulam non pertinere filiosfamilias, qui possessionem de bonis suis aduentitiis deiecerunt, aut rem alicui eripuerunt: denique, eos bonorum suorum aduentitiorum dominium non ideo amittere, hac ratione, quia quod interdicitur illis, ne alienent aduentitia, non magis ipso, cum causa constituitur, quam parentum, ad quos filius mortuus peculium aduentitium pleno iure redit. Neque vero delictum filij ipsis nocere, & rem eis in alium casum destinatam illis auferre debet, in quam sententiam ille recte uti videtur *arg. l. sed si alia. D. de bon. dam. l. Statius. §. vlt. D. de iur. fisc.*

Ad L. Momentaria. 8.

Imp. Arcad. & Honor. AA. Pasiphilo.

Momentaria possessionis interdictum, quod non semper ad vim publicam pertinet, vel priuatam, mox audiri, interdum etiam sine inscriptione, meretur, Datum 6. Idib. Iul. Mediolani, Olybrio & Probrino Coss. 395.

SUMMARIA.

- 1 Momentariam possessionem recte dici omnem, qua obtinetur ex quouis interdicto: & cur ea dicta.
- 2 Momentaria possessionis interdictum in hac lege non aliud dici, quam interdictum vnde vi.
- 3 Interdictum vnde vi cur per excellentiam dictum interdictum momentaria possessionis.
- 4 Mox restituendum, qui deiectus est, id est statim, & sine exceptione.
- 5 Aliud interdictum fuisse olim de vi publica, qua fit hominibus coactis & armatis: aliud de vi priuata & quotidiana, qua fit sine armis, differentiam hac lege maxime sublatam.
- 6 Interdictum vnde vi non semper ad vim publicam pertinere, vel priuatam, quam hic significationem habeat.
- 7 In interdicto vnde vi vim obijcientem in crimen se inscribere ad pœnam talionis non cogi.
- 8 Deiecto interdictum esse etiam ei, qui prius aduersarium deiecit, neque hic locum habere, quod dicitur paria delicta mutua compensatione tolli.

Momentariæ possessionis interdictum, quod hic appellatur, sunt, qui interpretentur omne interdictum: nõ tantum recuperandæ possessionis, vnde vi, sed etiam adipiscendæ & retinendæ, ut fit sententia: *Omne interdictum, siue sit adipiscendæ, siue recuperandæ, siue retinendæ possessionis, mox transigi debere.*

Et certe ¶ in omnibus interdictis de possessione momentaria agi videtur, quia omni interdicto ea possessio obtinetur, quæ apud victorem momento manet: nempe eo usque, donec iudicio petitorio de proprietate agatur, quo uti non prohibetur is, qui de possessione victus est. *l. vn. supra. si de mom. poss. fuer. appell.*

Sed ¶ multa sunt, quæ hanc reputationem repudiant. Primum 2 rescripti verba. Dicitur enim hic interdictum, non interdicta, ut species vna certa notetur. Additur, *momentaria possessionis,* quo significatur, esse quædam interdicta non momentariæ possessionis, ut si quis diceret, *interdictum recuperandæ possessionis, aut actionem rei persequendæ causæ:* intelligeremus ideo dici quia esset aliquid interdictum non recuperandæ possessionis, actio aliqua non rei persequendæ causa. Denique si hic omnia interdicta intelligebantur, ita scribi oportuit: *Interdictum omne, quod non semper ad vim pertinet, mox audiri meretur.* Iam vero in ea constitutione vnde hoc fragmentum sumtum est, quæ exstat in Codice Theodosiano, *lib. 2. tit. 1. lib. 8.* interdictum momentariæ possessionis intelli-

Intelligitur tantum interdictum *Vnde vi*. Consulebantur enim Imperatores à Passiphilo, cuius erat iurisdicção de causis criminalibus, an de causis priuatis & pecuniariis cognoscere interpellatus posset & deberet, si in his aliqua species criminis versaretur & ob id quærebatur, an momentariæ etiam possessionis interdictum proponi apud eum posset, ita vt mox audiri mereretur. Quæ questio interdictis adipsæ & retinendæ possessionis conuenire non potest, in quibus crimen non versatur. Postremo huius ipsius loci sententia repugnat, quo minus de interdictis adipsæ & retinendæ possessionis interpretemur. Nam quod dicitur, interdictam & momentariæ possessionis mereri audiri, interdum etiam sine inscriptione, nullo modo potest his interdictis conuenire, in quibus nullum crimine est. Proinde nulla accusatio: ob eamque causam nulla inscriptio in crimen. Stulte enim constitueretur id, de quo dubitari non potest, *l. Domitius, D. qui test. fac. poss.* Absurdè etiam constitueretur interdum ista audiri debere sine inscriptione, quasi aliquando cum inscriptione audiri deberet: quod falsum est. Vbi enim nulla accusatio est, illi inscriptionem locum habere non posse constat. *l. vlt. inf. de accus.*

Ex his apparet momentariæ possessionis interdictum hic intelligendum esse interdictum *Vnde vi*, in quo crimen vis versatur.

Sed ¶ hoc præcipue dicitur momentariæ possessionis, cum & ex ceteris quæcunque possessio est, ea sit momentaria, vt qua constituta, nihilominus integra proprietatis causa seruetur, vt est in *l. vnica sup. si de mon. poss. fuer. app.* Eo fit, quia in ceteris interdictis solum tunc proprie possessio est momentaria, cum ex his iam obtinetur: quæ autem adhuc in petitione est & persecutione interdicti, non item in interdicto autem *Vnde vi*, utroque tempore rectè dicitur momentaria, & quo iam recepta est, quod est cum ceteris interdictis commune, & quo de ea adhuc controuersia est ex interdicto: quia momento & summarim res transigitur. Nam in ceteris interdictis reo competunt suæ exceptiones aduersus interdictum, vt, in interdicto *Vti possidetis*, hæc exceptio est aduersus eum, qui agit: Nisi ille à reo vi, clam, aut precario possideat, *l. i. §. vlt. D. vii. poss.* In interdicto, *Quod legatorum* est hæc exceptio: Nisi legatarius facis dederit, *l. i. §. pen. D. quod leg.* Idemque in aliis interdictis similibus licet obseruare. In interdicto autem *Vnde vi*, qui deiectus est, sine exceptione restitui debet. Hinc vere & præcipue interdictum momentariæ possessionis.

De hoc interdicto duo hic constituuntur. Primum hoc interdictum ¶ audiri mox debere, Mox valere confestim & sine mora. Id sic interpretatur, *sine vlla exceptione*, vt scilicet qui deiecit, statim restituere debeat eum, qui deiectus est in eum locum, vnde deiecit, quamuis hic prius illum vi deiecesset, aut clam ab illo, vel precario possideret. Hæc sententia iuris posita est in *§. recuperanda, Inst. de interd.* Conuenientiam verbis huius loci. Proinde quin huic loco rectè à nobis pretur, dubitari non potest. Sed hic quæret aliquis, si interdictum *Vnde vi*, iam olim fuit momentariæ possessionis, & id ita interpretatur, fuisse eius possessionis, de qua statim & sine exceptione cognosci poterit, quid opus fuerit hac constitutione. Et ex iure antiquo id facile intelligi poterit.

Sciendum ¶ est olim aliam fuisse causam, si quis alium deiecesset vi publica, id est, hominibus coactis & armatis, aliam si vi priuata, id est, sine armis, quæ etiam vis quotidiana dicebatur, quia & inferretur à priuatis, & moribus inferri solet, teste Cicerone in *orat. pro Cæcin.* Si quis vim publicam fecisset, huic nulla erat exceptio aduersus interdictum, quin eum, quem deiecerat, eo, vnde deiecerat, restitueret sine vlla exceptione. Ei autem, qui vim priuata & sine armis fecisset, competebat hæc exceptio, nisi il, qui deiectus est, à reo vi aut clam, aut precario possideret, vt Cicero in eadem oratione docet: quod & ab aliis eruditissimis viris annotatum est, vt *Duarte lib. i. Disp. c. 20.* Eguin. Barone, ad initium huius tit. *D.* Hocius ita valuit temporibus Ciceronis, vt peruenerit etiam ad tempora Vlpiani & Pauli, quod hæc fragmenta probant, de vi publica, *l. sed si vi armata. D. de vi & vi ar. de vi priuata & sine armis, leg. §. qui à me, & l. cum fundum, illic, non enim ab ipso. D. eo.* Postea hocius immutatum est, & obtinuit, vt etiam qui sine armis alii deiecesset, eum, qui deiectus est, sine exceptione restitueret, quamuis ab aduersario prius deiectus esset, aut aduersarius prius clam ab ipso, aut precario possideret. Hoc ius primum constitutum videtur à Constantino in *l. si quis inf. ad l. iul. de vi publ. vbi hæc verba sunt: si quis vim possideri intulerit, vt ei, quem constitit expulsum, amissa possessionis iura reparentur, eadem que proximus restituit, a crimine quaratur.* Sed tamen restabat adhuc hæc dubitatio, an ea constitutio generaliter scripta ad vim pri-

uatam pertineret. Hæc dubitatio hac constitutione sublata est, qua cauetur interdictum *Vnde vi* mox audiri debere, non tantum si ad vim publicam pertineat, sed etiam si ad priuata.

Id enim ¶ significant illa verba: *interdum, quod non semper ad vim publicam pertinet, vel priuata.* Est enim hic sensus: interdictum quod non semper ad vim armatam pertinet, aut semper ad priuata, sed interdum ad publicam, interdum ad priuata, mox audiri meretur: vt scilicet sine vlla exceptione ad vtramque vim pertineat, siue de hac, siue de alia agatur. Ex quo iam dubitari non oportet, quin quod in *§. recuperanda, Inst. de interd.* generaliter secundum verba scriptum est, eum, qui deiectus est, sine exceptione restitui debere eo, vnde deiectus est: id etiam re & sententia generaliter accipi debeat ex hoc loco de vi vtraque. Altera ¶ adiicitur hac constitutione: hoc idem interdictum etiam sine inscriptione interdum audiri debere. Interdum dicunt Imperatores, quia si is, qui interdicto agit de re pecuniaria & sua, idem criminaliter agat de vi: cum ex forma vltima iuris se in crimen inscribere oportet. de quo iure est in *leg. vlt. inf. de accus. l. libellorum. l. si cui crimen. D. de accus.* Quod si qui interdicto experitur, idem criminaliter non agat de vi: quantumuis interdicto vim obiciat aduersario, tamen se in id crimen inscribere ad pœnam talionis subeundam non cogitur, quoniam civiliter agitur, non criminaliter, vt patet ex supra scriptis.

¶ Iud monendum sumus, ¶ quod supra dictum est, *si à te sim deiectus, deinde ego te deieci ex interuallo, me tibi teneri interdicto Vnde vi sine vlla exceptione, quamuis à me vi possideas: id non eo pertinere, vt tu mihi vim impune feceris.* Nam & mihi interdictum *Vnde vi* aduersus te competit, quo possessionem mihi restituere cogeris. Vnde quæsitum est, videatur ne id contrarium ei sententiæ iuris, quæ placet paria delicta mutua compensatione tolli: vt qui illa inuicem admisissent, neuter aduersus alterum eo nomine actionem habeat. *l. si duo, D. de dol. leg. vero. D. sol. ma.* Respondeo, nihil hanc sententiam aduersari, nec ad hoc interdictum, de quo agimus, pertinere. Tunc enim verum est paria delicta mutua compensatione tolli, cum licet vtrique ea delicta obicere, vt sic in iudicio audiantur. At interdicto *Vnde vi*, tantum quæritur de vi eius, qui deiecit, non autem de vi eius, qui deiectus est, quoniam illi vim obicere ad defensionem non licet: quo fit, vt mutua vis accusatio in hoc iudicium incidere non possit.

Ad L. Si quando. 9.

Imp. Zeno A. Sebastiano præfecto prætorio.

Si quando vis in iudicio fuerit patifaceta, deinde super rebus abreptis, vel iniussis, vel damno dato tempore impetus questio proponatur: si non potuerit, qui vim sustinuit, qua perdidit, singula comprobare: taxatione à iudice facta pro personarum, atque negotij qualitate, sacramento estimationem rerum, quas perdidit, manifestet: nec liceat ei ultra taxationem à iudice factam iurare: & quod huiusmodi turciratio dato fuerit declaratum, iudicem condemnare oportet. Datum. Idib. Decemb. Constantinopol. post consulat. Basil. II. & Armatij V. C. 476.

S Y M M A R I A.

- 1 Deiectus iuranti, quas res & cuius estimationis habuerit in eo loco, vnde deiectus est, fidem hac lege haberi, & huius iuris equitas.
- 2 Taxare iurifurandi quantitatem iudici licere, idque faciendum pro personarum & negotij qualitate & horum vtrumque, quid sit.

¶ Qui dicit sibi res in eo loco fuisse, vnde deiectus est, & sibi eas petisse, secundum regulas iuris probare debet, ac nisi probet, reus absolendus est *leg. 2. D. de prob. l. qui accusare, supr. de eden.* Porro idonea & legitima probatio ad id docendum est in rebus, non est idonea, si is, qui dicit, iuret ita esse aduersario non deferente *l. 3. in pr. D. de iure iur.* Veruntamen hoc genus probationis necessitas duabus in causis admittit. Vna est, cum actor probauit rem sibi debitam fuisse, eaq; culpa debitoris periit. Nam tunc rei eius æstimatio, quæ ab actore iam facile probari non potest,

potest, eius iuraturando committitur, ne debitoris mora & culpa ei fraudi sit *in actionibus*. §. plane, D. de in lit. iur.

1 Altera causa est, quod cum quis vim fecit in aedes, aut fundam alienum, & dicuntur in eo locos mobiles fuisse, quae perierint, de quibus is, qui defectus est, dicat se probare non posse, quae & eius aestimationis fuerint. De hac specie est haec constitutio: quae cauetur, ut aetori de quantitate & aestimatione earum rerum iuranti fides habeatur. Quod aequissime constitutum est. Quod enim generaliter traditur, neminem in sua causa iudicem, aut testem fieri debere, idque, inquit, esse, *l. v. sup. ne quis in sua cau. iud. l. iulian. ait. D. de iud. l. nullus. D. de testib.* ita verum est, nisi culpa & vitio aduersarii necesse sit rem aetoris iuraturando committi. Quod in hac specie accedit, necesse est enim id ita fieri, si volumus aetorem ius suum consequi quod aduersus vim quovis modo constitui aequissimum est. Primum, quia ipsa per se maleficia impunita esse non debent, *l. ita vuluerat. D. ad l. Aquil.* Deinde, quia ita statui tunc fit aequius, cum periculum est, ne quis impune vim, aut damnum patiarur, *l. si longius. §. I. D. de iud.* Ergo, ut supra proposui, in his causis hoc iuraturandum ad probationem necessitas induxit, sine qua iniquissimum est cuiquam in re sua, quamvis iurato, fidem haberi. Adicitur hac lege, quod aetor de aestimatione earum rerum iuraverit, id iudicem sequi oportere.

2 Sed quoniam fieri potest, ut in immensum iuret, adicitur eadem lege recte facturum iudicem, si cum audierit, quid aetor dicat de illis rebus, quas sibi periisse dicit, priusquam iuraturandum illi deferat, taxet iuraturandi quantitatem, seu modum statuat, quem iuraturando non liceat excedere, ne in infinitum iuretur, quod iudici sequi postea necesse esset. Haec eadem de necessitate sequendi iuraturandi, & de taxatione initio adhibenda, ex iure veteri sunt, tradunturque; explicati in *l. videamus. §. iurare, & §. seq. D. de in lit. iur.* quorum de utroque ad eum locum scripsimus. Adicitur his, iudicem aestimationem taxaturum pro personarum & negotij qualitate. Quod sic interpretandum est, ut si pauper sit, & dicat, sibi suppellectilem auream & pretiosam ibi fuisse: vel si locus angustus sit, & dicat, plura ibi fuisse, quam locus videbatur posse capere, non audiatur.

Ad L. Non abs re. 10.

Imper. Zeno A. Sebastiano praefecto praetorio.

Non abs re est, quemadmodum possessionis aliena inuadores, tam vetus, quam praesens sacra constitutio censuit esse puniendos: ita nec conductoribus, & possessionis aliena detentoribus impune procedere, si locatoribus forte vel possessionem rerum suarum, quam apud alios precario modo esse concesserant, recuperare secundum leges volentibus, cum nulla sibi meti cognita legibus allegatio competeret, duxerint resistendum: & non proinus, id est, non expectato iudiciorum ordine, alienam possessionem recte eam recuperantibus cedere patiantur. Eos namque iubemus pro tanta suae iniquitatis impudentia, si cognitionis iudicariae euentu fuerint condemnati: rei, cuius possessionem sponte restituerit usque ad definitiuam sententiam minime passus, aestimationem victricis parti vna cum ipsa re perbere compelli. Datum V. Cal. April. Constant. Theodorici. & Venantio Coss. 484.

S V M M A R I A.

- 1 Sententia huius legis.
- 2 Generalem hanc constitutionem esse pertinentem non ad conductores tantum, & precario possidentes, sed ad depositarios, commodatarios, & omnes aliena possessionis detentores.
- 3 Constitutio hac solum vitiosa in rebus soli.
- 4 Rei accepta recusanda interdum iustas causas esse, ex his recusantem reddere poena huius legis non teneri. *l. si quis conductio. C. de loc. & con. exposita ibid.*
- 5 Eum, qui rem iudicato denegatam ante sententiam restituit ad hanc legem non pertinere.
- 6 Eos, qui res, ius repetunt ab iniustis detentoribus, recte petere vna cum re etiam rei aestimationem, & iudicem ita condemnare eum posse & debere, et si aestimatio debeatur sub conditione, si res rem ante sententiam non restituerit.

Quod si rem ab alio acceptam eius nomine possident, quales sunt conductores, & qui rem precario acceperunt, hi quavis reposcenti rem non reddant, ac propterea inuito eo, a quo acceperunt, detineant, non tamen dici possunt rem inuasisse, quam ab initio volente domino acceperunt, & quem postea aditu eorum, aut fundi locati non prohibuerunt, eo etiam poenam *leg. si quis in tantam*, non incidunt. Placuit tamen hac constitutione eos eadem poena afficiendos esse, si modo haec concurrant: vt & sine iusta causa recusent rem restituerent iis, a quibus acceperunt, & praeterea iudicio contenti in ea reculatione perseverent vsque ad sententiam definitiuam, id est, eo vsque, donec sententia iudicis de re restituenda condemnentur. Hanc autem improbae reculationis poenam ferunt, vt vna cum re etiam aestimationem rei reddere compellantur. Quae plane poena est aduersus inuadores rei alienae constituta in *l. si quis in tantam*. Vnde facile intelligitur, veterem constitutionem, quae in principio huius legis nominatur & confirmatur, esse illam ipsam *leg. si quis in tantam*.

Observandum est, hanc poenam constitui nominatim aduersus conductores, & eos, qui precario acceperunt, vt & in *l. conductores, sup. de loc. & con.* Quod si erit is, qui rem commodatam, aut depositam acceperit, quae eadem improbitate recuset reddere? Dicemus & hunc hanc constitutionem tenere, & omnes omnino, qui sunt in possessione alienae rei, quam a possessore acceperint. Et si enim conductores & qui precario acceperunt, specialiter nominentur, tamen exempli causa id fit. Nam alioqui generalis constitutio est in illis verbis, quae sunt in principio, *ita nec conductoribus, & possessionis aliena detentoribus*. Sed ideo & de depositario & de commodatario nihil his constitutionibus exprimitur, quia si quis rem mobilem sibi commodatam, aut apud se depositam reposcenti etiam extra iudicium non reddit, eius rei furtum facit, *l. si sacculum. D. de deposit. l. 3. sup. de pos. placuit. Inst. de obl. quae ex del.* Et ita statim in duplicem poenam incidit, vt merito neque; litis contestatio, neque; alia sententia sit expectanda ad hanc poenam persequendam, neque minor poena desideranda, vbi maior suppetit.

Quamobrem haec constitutio solum utilis est in rebus solis; quarum contrectatione furtum non committitur §. quod autem. *Inst. de vsuc.* Idcirco praecipue de conductoribus rerum soli, & de iis, qui precario eas detinent, hic exempla posita sunt.

Poenae constitutionis habet duas has condiciones. Vna est, si quis reposcenti reddere rem recusent sine iusta causa, Quod eo additum est, quia iustae & probabiles causae esse possunt recusandi, *l. colonos, in fi. D. eo. l. si quis rem, in fi. D. de acq. pass.* Cuius generis est, si is, qui conduxit, aut precario accepit, dicat se eius rei dominum esse. Nam neque precarium, neque conductio rei nostrae constituit, vt proinde qui dominus est, neque precario, neque ex locato tenetur, *leg. neque pignus. D. de reg. iur. l. qui rem, D. de pos. l. qui rem, si pr. de loc. & con.* Non obstat, quod in *l. si quis conductionis, sup. de loc. & con.* dicitur, si quis conductionis titulo rem acceperit, eum prius debere possessionem restituere, & tunc de proprietate litigare. Hos enim ita interpretandum est, si de possessione agatur, quod fit ex interdico, aut actione ex causa interdici. §. *reuerenda §. possidere Inst. de interd.* Tunc enim prius de possessione lis dicenda est, deinde quaerendum de proprietate. Diuersum est, si ex locato agatur ad rem conductam recipiendam. Nam hac actione dominus non tenetur certo iure, *l. qui rem, D. de pos.* Tales sunt causae conductoribus, si nondum finito tempore conductionis res repetatur, dum illi mercedem soluerint, *l. 3. sup. de loc. & con.* Item, si quas illi impensas utiles in rem conductam fecerint, quo nomine non tantum retentione vti possunt, sed & vltro actionem ex conducto habent, *l. dominus, §. 1. l. penult. in prin. D. loc.* Altera est conditio adicitur, si supra scriptae personae in ea reculatione vsque ad sententiam perseverauerint. Vnde intelligimus, si poenitentia acta rem ante sententiam restituerint, eos, poena huius legis non teneri. Itaque hic poenam non inficiatione & contrectatione alienae constitutam esse, sed improbae & contumaci reculationi.

Quod de poena scriptum est in fine legis, conductores scilicet supra scriptos vna cum re etiam rei aestimationem praestare compelli, puto hanc sententiam habere ex perpetuo iudiciorum more, vt compelli debeant sententia iudicis, qui & ad rei aestimationem, & ad rei restitutionem condemnabit.

Quo loco quaesitum est, vtrum eodem iudicio & eadem sententia iudicis id fieri possit, an vero condemnato conductore ad rei restitutionem, nouo iudicio & noua peritioe sit opus ad rei aestimationem consequendam? Quin nouo iudicio aestimatio peti possit, si forte prior iudicio

iudicio reus in rem cōdemnatus non sit, dubitare non debemus. Nam cum sit hac constitutione noua obligatio de æstimatione constituta, intelligimus etiam petitionem, nempe conditionem ex lege, de ea esse constitutam, l. vnic. D. de cond. ex leg. Quocirca & ea separatim vti possumus cumq; sint duarum rerum petitiones, vna rei, altera æstimationis, nunquam vna alteram consumit, l. si pro fure. §. 1. de cond. fur. Sed hoc dubitatur, quod dixi, apud quem de rei restitutione agitur, possitne is eadem sententia rerum & de restituenda re condemnare, & præterea in eius rei æstimationem. Verba huius constitutionis significant, iudicem eadem sententia id facere posse. Non enim potest conductor compelli rei æstimationem præstare vna cum re, nisi eodem tempore atq; eadem sententia, eodemq; iudicio id fiat. Sed rursum ius videtur id vetare, non enim potest iudex conductorem condemnare in rei æstimationem, nisi id petum sit, l. v fundus. D. com. diuid. l. vlt. sup. de fideic. libert. Iam vero hæc æstimatio ab initio in iudicium deducit non potest. Verat enim ius id peti, quod sub conditione debeatur, ne iudicium sit in pendenti, l. non quemadmodum. D. de iud. At æstimatio rei, de qua hic agitur, debetur à conditore sub conditione, si is patiatur, se de re restituenda cōdemnari. Quo effici videtur, eam æstimationem pendente hac conditione peti non posse. Quod si verum est, nec de ea æstimatione iudex sententiam ferre potest, quapropter & ad eam pretendam nouo iudicio erit opus. Nos de recepta sententia dicemus iudicem qui de re restituenda cognoscit, eadem sententia conductorem, & ad eam rem restituendam, & ad rei æstimationem cōdemnaturum, si actor ab initio id petierit. Quo minus autem id recte petat, eum iure non prohiberi. Nam quod dicitur, nihil peti posse pendente conditione, ad eam conditionem, de qua hic agitur, non pertinet. Sciendum est enim, eas condiciones pro conditionibus non esse habendas, quæ ex iure tacite insunt, etiam si non exprimantur, l. mutuo. §. 1. D. de tutel. l. heredis. l. cum sine. §. 1. D. quan. di. leg. ced. Multo minus etiã pro conditionibus habentur, quæ certum esse existuras, l. si pupillus. §. qui sub conditiois. D. de nouat. Talis autem ea conditio est, sub qua rei æstimatio à conductore hic debetur, si de re restituenda condemnatus erit. Hæc enim conditio inest iure, etiam si non exprimatur, & præterea talis est, vt iudice sententiam ferente de re restituenda omnino existat.

Ad L. vlt.

Imp. Iustinianus A Ioanni præfecto prætorio.

Cum querebatur inter Illyricianam aduocationem, quid fieri oporteret propter eos, qui vacuum possessionem absentium sine iudiciali sententia detinuerunt, quia veteres leges nec vnde vi, interdictum, nec quod vi, aut clam, vel aliam quandam actionem ad recipiendam talem possessionem definebant, violentia in ablatam possessionem minime percedere, nisi domino tantummodo in rem actionem exercere permittentes: nos non concedentes aliquæ alienas res, vel possessiones per suam auctoritatem usurpare, sancimus talem possessorem, vt prædonem intelligi, & generali iurisdictione ea teneri, qua pro restituenda possessione contra huiusmodi personas veteribus declarata sunt legibus. Ridiculi enim est dicere, vel audire, quod per ignorantiam alienam rem aliquis quasi propriam occupauerit. Omnes autem scire debent, quod suum non est, hoc ad alios modos omnibus pertinere: cum talis depositio in furti actione iam dudum veteribus legibus definita est, dicentibus: si quis alienam rem aduersus domini voluntatem attigerit, furti actione teneatur his videlicet, qua super recipienda possessione à nobis disposita sunt, locum habentibus, si non ex die, ex quo possessio detenta est, 30. ann. excesserint curricula. Dat. 13. Cal. Nou. Constant. post consul. Lampadij & Orestis VV. CC. anno secundo, 532.

SYMMARIA.

- 1 Sententia legis sigillatim verbis legis confirmata.
- 2 Vacua possessio occupata qua hic intelligatur.
- 3 Rem suam, quæ à nullo tenebatur, qui sine vi occupauit, eum nullo iure teneri.

4 Idem esse, si quis bona fide putet suam.

5 Teneri iurisdictione declarata legibus, pro teneri eo iure, quod ex legibus dici solet.

6 Aduersus eum, qui rei aliena vacuum possessionem sciens occupauit, pœnam hic statui eandem, qua vetus fuit ex interdicto vnde vi aduersus prædones.

7 Possessori veteri ex hac lege actionem esse, non domino, nisi & is possedit.

8 Pœnam aduersus eum, qui sine vi rem alienam immobilem occupasset, nullam fuisse veteribus legibus, ideo hanc legem fuisse necessariam, qua pœnam induceretur.

Sententia est: qui † possessionem quamvis vacuum rei alienæ occupauit, quam intelligat ad se non pertinere, is tanquam prædo tenetur eo iure, quod veteribus legibus constitutum est de restituenda possessione aduersus prædones, qui rem vi inuasert. Dixi, qui vacuum possessionem, verba sunt in principio constitutionis.

Vacua † possessio proprie ea dicitur, quæ omnibus aliis iustis possessoribus & detentoribus vacua est, l. 2. §. vlt. D. de act. emt. sed nihilominus recte dicemus, hac lege teneri eum, qui re ab is vacuum, qui corpore rem teneret, sine vi occupauit, tamen si domino absente possessio eius rei animo retineretur, quod fit, cum quis exempli gratia ad nundinas profectus est nemine domi relicto. l. clam. §. qui ad nundinas D. de acq. poss. Nam si quis pœna & nomine prædonis dignus est, qui rem, quæ à nullo neq; teneretur, neq; possideretur, occupauit, multo magis eodem iure teneri debet, qui rem occupauit, quæ ab absente possidebatur, quamuis eam nemo corpore teneret.

Dixi † possessionem rei alienæ: quam lex initio vocat possessionem absentium. Hanc se intelligere indicat postea in illis verbis: nos non concedentes aliquem alienas res, vel possessiones. Item illis, ridiculum etenim est dicere, vel audire, quod per ignorantiam alienam rem aliquis quasi propriam occupauerit. Quare si quis suæ rei possessionem sine vi occupauit, cum res à nullo possideretur, is nullo iure tenetur. Merito: nulli enim quidquam detrahit, neque rem, neque possessionem.

Dixi, † quæ intelligat ad se non pertinere. Verba sunt ex versic. 4 omnes autem. Sane enim, qui iustam causam habet, cur putet rem suam esse, is bona fide possidet, eoque pœna dignus non est. Pœna, quam dixi, expressa est in constitutione his verbis: Sancimus talem possessorem, vt prædonem intelligi, & generali ea iurisdictione teneri, qua pro restituenda possessione contra huiusmodi personas veteribus declarata sit legibus.

Teneri † ea iurisdictione dixi, pro teneri eo iure, quod constitutum veteribus legibus, ex his ipsis legibus dici solet. Queritur, quodnam sit id ius, quod veteribus legibus sit constitutum aduersus prædones & inuasores pro restituenda possessione. Palam est, non intelligi l. si quis in tantam. sup. eod. cuius pœna non est pro restituenda possessione, sed de dominio amittendo, aut rei æstimatione præstanda.

Restat † igitur, vt interdictum vnde vi intelligatur, quo is, qui deiecto vetere possessore vacuum possessionem occupauit, tenetur, sitq; hæc sententia, eum, de quo agitur, teneri ex hac lege eodem modo, quo prædo, si cum eo ex interdicto vnde vi ageretur, vt scilicet nō solum rem restituat, quam inuasit, sed etiam omnia quæ vbi fuerunt, cum occuparet, quamuis ad eum non peruenerint. Et præterea vt de his, quæ non peruenerunt, teneatur intra annum duntaxat, non etiam perpetuo, vt est ius de eo interdicto constitutum. l. 1. in pr. §. rectissime. & seq. ff. eo. l. 2. sup. eod. Non obest, quod scribitur in extremo huius legis, ea, quæ de recipienda possessione hic constituta sunt à Iustiniano, locum habere intra triginta annos. Apparet enim hoc scriptum esse de possessione, quæ peruenerit ad eum, qui rem alienam occupauit, quia non recipitur, nisi quæ peruenerit. De eo actio est perpetua etiam ex iure veteri l. 1. in pr. ff. vnde vi. Sed hoc ita interpretatur Iustinianus ex posterioribus constitutionibus, dum actio non excedat triginta annos, ex l. omnes. l. sicut. sup. de præsc. 30. vel 40. an. Quod ad eas res non pertinet, quæ ad eum, qui non occupauit, non peruenerunt. Erit ergo de his ius vetus, vt is, de quo agitur, de istis rebus intra annum duntaxat teneatur. Nam qui vere prædo est, quiq; vi rem inuasit, de his rebus, quæ ad eum non peruenerunt, non nisi intra annum tenetur. leg. 2. sup. hoc tit. Multo minus qui vi non deiecit, sed tantum clam occupauit, tamen si pro prædone habeatur, de quo hæc lex lata est.

7 Erit t̄ autem de his rebus actio, non domino, sed veteri possessore, quoniam veteribus legibus possessores restituuntur. l. 1. ff. eo. Itaq; si vetus possessor dominus fuit, bene est: si non fuit, satis est, si pro domino rem tenuit: quod est possessoris. Deniq; cum is, qui rem inuasit, pro prædione habeatur, sequitur, vt eo iure, quod est de prædionibus, condemnetur. Quo iure fit, vt res veteri possessore sine alia exceptione restituatur. Quæ situm t̄ est, quid opus fuerit hac cōstitutione, cum tam multæ leges fuerint veteres aduersus eos, quis res alienas inuasent. Iustinianus in ius cōstitutionis hoc diluit, dum si in hac specie pœnam constitutam volumus, negat res ad veteres leges pertinere. Et recte: nam qui rē sine vi occupauit, cœtum est eam neq; interdicto vnde viteneri, neq; l. si quis in tantum sup. h. t. Sed et si clam occupauerit, non tenetur tamen interdicto quod vi, aut clam. Propositum est enim id interdictum non aduersus eos, qui res alienas occupant, sed qui in rebus alienis aliquid vi, aut clam fecerunt. l. 1. ff. quod vi, aut clam. Proinde ad pœnam in hac specie constitutam noua cōstitutione fuit opus. Hic occurritur. At saltem iure vetere in hoc genere fuit rei vindicatio aduersus omnē, qui quoquomodo rem alienā quālibet occupasset. Cui bono igitur noua actio constituta? Hoc rursum diluit Iustinianus in extrema parte huius cōstitutionis, indicans ideo pœnam à se constitutā, quia vindicatio non sufficeret ad delictum coercendum. Delictum autem hic versari hoc ipso, quod quis rem alienam sciens inuito domino, quamuis ignorante, contrectaret, prope non minus, quam si sciēte eo aut vi contrectaret, argumento esse res mobiles, quibus inuito domino contrectatis, non minus furtum facere intelligitur, qui clam domino rem contrectat, quam qui inuito domino rem eripuit. Idem igitur & in rebus immobilibus fuisse statuendum. Nō potuit autem in his esse furti pœna: quoniam in res soli furtum non cadit. §. quod autem. Inst. de vsuc. Ex quo vult intelligi hac cōstitutione opus fuisse. Ex his apparet vere scriptum esse in l. inuasor. supra. de re, quam quis sine vi occupasset, pœnam nullam esse. Hoc enim verum fuit, cum lex illa scribebatur. Hic pœna constituta est, sed hoc fecutum postea ad veteris illius iuris emendationem, vt hic liquet. Itaq; quin sit lex contraria, dubitari non debet, vt appareat stulte facere eos, qui in his conciliandis laborant, quæ Iustinianus voluit esse contraria hac lege, vt priora emendarentur. Neq; offendemur dicto Iustiniani, qui in hoc Codice, vt & in Digestis negat vllum cōtrarium esse, si quis rem subtiliter attendat. l. 1. §. 1. l. 2. §. contrarium. sup. de vet. iur. enucl. Hoc enim ab eo dictum est de iis cōstitutionibus, quæ nondum in Codice existabant, non de quinquaginta eius decisionibus, quæ postea emendato Codici sunt insertæ, quas ad veteris iuris emendationem consulto compositas esse constat. l. vnica. sup. de emend. Cod. Justin. Est autem hæc cōstitutio vna ex illis decisionibus, vt ex præfatione apparet: item ex subscriptione illa, Post consulatum Lampadij & Orestis.

AD TITVLVM V. COD. SI PER VIM, VEL ALIO MODO ABSENTIS perturbata sit possessio.

S V M M A R I V M.

1 Argumentum & sententia tituli.

1 Occupata aliena possessione, t̄ cōsultur superiore titulo maxime præsentibus: hoc titulo absentibus, quorum possessio occupata sit, siue per vim, siue alio modo turbetur. Per vim turbatur absentis possessio tunc maxime, cū deicitur: ad hanc speciem pertinet l. 1. Turbatur & tunc, cum possident vis fit, quo minus illi re sua libere vt liceat: quæ species ad hunc titulum non pertinet, sed ad interdictum vti possidetis, quo de ea reagitur. leg. 3. §. hoc interdictum. ff. vti poss. Alio modo, quā per vim possessio turbatur, cum clam absenti sine vi res occupantur, quod fieri prohibetur in l. vlt. hic. vt appareat eam cōstitutionem ad hanc partem referri.

L. Indices. 1.

Imp. Constantinus A. Seuero.

Iudices absentium, qui cuiuslibet rei possessione priuati sunt, suscipiant in iure personas, & auctoritatis suæ formidabile ministerium obijciant: atque ita teneantur absentes, vt id solum

diligenter inquireant, an eius, qui quolibet modo peregrinatur possessio ablata sit, quam propinquus, vel parens, vel proximus, vel amicus, vel colonus, vel libertus, seu seruus quolibet titulo retinebat: nec eos, qui deiecti sunt, absentium nomine possidentes, quia minime ipsi decisio causa mandata sit, ab experiunda re secludant, nec si serui sint, eorum reijciant in iure personas, quia huiusmodi conditionis hominibus causas perorare fas non sit. Sed post elapsa quoque spatia recuperanda possessionis legibus præstituta, litigium eis inferentibus largiri conuenit: vt eos momentaria perinde possessioni sine vlla cunctatione restituant, ac si aduersus dominos litigasset. Cui tamen domino quolibet tempore reuerso, actionem possessionis recuperandæ indulgemus, quia fieri potest, vt restitutio propter seruos infideles, vel negligentes propinquos, vel parentes, vel proximos, vel amicos, vel colonos, vel libertos interea differatur. Absentibus enim officere non debet tempus emensum, quod recuperanda possessioni legibus præstitutum est: sed reformato statu, qui per iniuriam sublatus est, omnia, quæ supererunt ad disceptationem litigij, immutata permanant: iudicio seruato iustis legitimisque absentibus personis: cum valde sufficiat possessionem tenentibus absentium nomine contra presentium violentiam subueniri. Datum 10. Kalend. Nouemb. Constantin. Constantino VII. A. & Constante Cesare III. Coss. 324.

S V M M A R I A.

- 1 Absentem deieci deiecti iis, qui ipsius nomine erant in possessione.
- 2 His, qui absentis nomine tenuerunt, deiectis actionem absentis nomine dari hac cōstitutione, non alij.
- 3 Prioribus absentis nomine actionem dari omnimodo, nulla habita ratione mandati, satisfactionisve, status persona, aut temporis, intra quod agitur.
- 4 Et dominis reuersis quandoque actionem dari.
- 5 Restituta absentis ex hac lege possessione, nihilominus victo supresse proprietatis questionem.
- 6 Deiectis absentis nomine actionem dari: sed de possessione, non de rei proprietate.

HAc lege cōsultur absentibus qui sua possessione priuati sunt, id est, quæ deiecti sunt.

Hic t̄ statim subibit querere, quomodo absens possessione sua priuari possit: neq; enim potest, nisi deiciatur. leg. naturaliter. ff. de vsup. & vsuc. Quomodo autē absens deici potest, qui in eo loco non est, vnde eum deiectum dicimus? Et id fit hoc modo, si quis domi, aut in fundo reliquerit eos, qui absentis nomine rem tenerent, vt amicos, propinquos, seruum, colonum, inquilinum, & similes, & hi deiciantur. Nam vti dominus per istos possidet, l. vlt. sup. de acq. poss. §. possidere. Inst. de interd. sic his deiectis, non ipsi, sed dominus per eos deici intelligitur. l. vlt. ff. vnde vi. Ad hos absentes hæc cōstitutio pertinet, vt declarant illa verba: Possessio ablata sit, quam propinquus, vel parens, & quæ sequuntur. Sunt autem huius cōstitutionis quatuor capita.

Primo capite t̄ absentis deiecto, vt supra diximus, cōsultur: vt non tātum ei reuerso detur actio recuperandæ possessionis causa, sed etiā eo absente, & ignorante detur iis, qui eius nomine tenentes deiecti sunt, illis verbis, quæ sunt ver. 2. Non eos, qui deiecti sunt, absentium nomine possidentes. Quo loco quæsitum est: An alij, qui absentis nomine rem non tenuerūt, agere liceat absentis nomine ad recuperandam possessionem. Et non puto alij dari, quam qui absentis nomine tenuerūt. Primum illa verba, nec eos, qui deiecti sunt, ad hos tantum pertinent: quæ ideo ad alias personas porrigi non debent. Est enim hic ius singulare constitutum contra rationem iuris. Proinde eiusmodi, quod ad consequentiam product non debeat. l. quod vero. & l. seq. ff. de legib. Deinde si alij actionem dabimus, fiet contra sententiam huius cōstitutionis, quæ absentibus cōsultum voluit, vt apparet ex illis verbis, quæ sunt in principio, atque ita teneantur absentes. Peffime autem absentis cōsultur, si possessio eius alij permittitur, quam ei, cui dominus eius curam absens demandauit. Non obstat, quod in principio cōstitutionis iubentur iudices absentium, qui cuiuslibet rei posses-

possessione privati sunt; suscipere in iure personas indefinite. Nam quas personas intelligat constitutio, postea declarat.

Ut autem intelligeremus nouum hic constitui, & antea institutum, sic iis, qui absentis nomine possidentes deiecti sunt, datur actio recuperandæ detentionis causa, videtur sine vlla exceptione, omnia quæstione, an illis mandatum sit à domino; nec ne: an legitimam personam standi in iudicio habeant, an non habeant, & an intra tempora interdicti vnde vi constituta, agant, an teneant. Primum non nocet eis, si forte à domino mandatum non habeatur. Hoc singulare, & præter rationem iuris communis. Nemo enim alieno nomine sine mandato domini agere potest: exceptis quibusdam personis, de quibus in edicto de procuratoribus comprehensum est. *l. si pupilli. §. vlt. l. si autem. in pr. ff. de neg. gest. l. sed & hæc. ff. de procur.* Quo loco quæsitum est, an ille, qui sine mandato domini absentis agunt, saltem satisfacere debeant, dominum, cum redierit, rem ratam habiturum. Vulgo placet satisfacere debere, quia quæ personæ ex edicto sine mandato experiri possunt, ab his saltem hoc exigitur, ut caueant dominum rem ratam habiturum. *l. Pomponius in si. ff. de procur.* Ego puto satisfacere non debere, idque satis efficit his verbis constitutionis: *Iudices ita teneantur absentes, ut id solum inquirent, an possessio absentis ablata sit.* Si solum hoc inquirendum est, uti non exigitur mandatum, sic nec satisfactio. Est etiam huius rei hoc argumentum; quod si satisfactio exigemus, faciemus manifeste contra voluntatem constitutionis, cur propositum fuit, ut statim possessio in suum statum restitueretur, & ut esset, qui absentis nomine id posset omnimodo consequi. At si ab agentibus satisfactio exigimus, aut nolent iudicium suscipere, quia se alieno nomine obligare nolent, aut non poterunt agere, quia non facile fidei iuramentum reperire poterunt, qui idem spondeat, quod ipsi, Sed & omnes ad hanc actionem admittuntur, puta etiam serui. Hoc quoque singulare. Nam iure communi serui in iudicio consistere non possunt. *l. seruus sup. de iud.* Postremo quamuis qui absentis nomine possidentes deiecti sunt, intra annum non egerint ad possessionem recuperandam, & eas res, quæ ibi fuerunt, cum deieciabantur, nihilominus iubentur admitti. Hoc quoque singulare, & præter naturam interdicti vnde vi. *l. 2. sup. tit. prox.* Sed cur istis post annum agentibus negligentia sua non nocet, cum omnibus iuris error noceat, & multo magis contemptus. *l. regula. & toto tit. ff. de iur. & fact. ig.* Hoc eo fit, quod de re deiectorum non agitur, sed de re absentium, quibus aliena negligentia fraudi esse non oportet. Sed huic parti obicitur *l. vlt. item. l. 1. §. deicitur. ff. vnde vi.* quibus in locis declaratur, cum hi, qui alieno nomine rem tenent, ut coloni, deiciuntur, ipsos deici non videri, sed dominos, ac proinde dominis solis interdictum competere. Cur igitur hac constitutione his actio recuperandæ possessionis causa datur, cum ipsi deiecti non sint? Nempe quia non suo nomine agunt, sed absentium, qui vere sunt deiecti. Vnde in constitutione iubentur iudices tueri absentes. Et de iis, qui deiecti sunt, sic loquitur constitutio: *Nec eos, qui deiecti sunt, absentium nomine possidentes: ut intelligamus, hic absentium causam agi, non eorum, qui deiecti sunt corpore.*

4 Secundum quod caput huius constitutionis est in versic. *Cui tamen domino.* Hoc capite etiam domino reuerso actio datur, quamuis post tempus interdicti constitutum redierit, quod & in iure vetere fuit. Nam annus, intra quem hoc interdictum competit, utilis est. *l. 1. §. annus. ff. vnde vi.* Est autem utilis, in quo non computentur ii dies, quibus absens agere non potuit. Sed ideo de eo in hac parte cautum est, ne putaremus eorum, qui possidentes deiecti sunt negligentiam dominis absentibus nocere, si forte ipsi de recuperanda possessione agere cœpissent, & destitissent.

5 Tertium quod caput est in illis verbis, *sed reformato statu* huc pertinet, ut siue dominus reuersus, siue hi, qui absentis nomine possidebant, in possessionem restituti sint, omnia immutata maneant, quæ super sunt ad litigii disceptationem. Quibus verbis significatur, sic superiores personas recuperare possessionem, ut tamē causa proprietatis integra maneant aduersario: quæ sententia expressa est in *l. vnica. sup. si de mom. poss. su. app.* Appellat Constantius id, quod super est ad disceptationem litis; causam proprietatis: id circo; quia causa possessionis & proprietatis vna lis est, nempe sola proprietatis lis, cuius appendix & accessio tantum est causa possessionis. Non enim agitur de possessione, nisi propter proprietatis controuersiam, ut scilicet in causa proprietatis, vter sit petitor, vter possessor. *l. exitus. ff. de acq. poss. §. retinenda. Inst. de interd.* Vnde vtriusque causæ dicitur esse vna contentio in *l. nulli. sup. de iud.* Et iubetur vtriusque causæ vnus iudex esse, quasi vnus litis

iudex, *ibidem.* Postremum caput est in his verbis: *Iudicio seruato iustis legitimisque absentibus personis.*

Quod quod & ipsum habet temperamentum superioris sententiæ initio positæ, quod cauet Constantius, sic se iis, qui absentium nomine possidentes deiecti sunt; permittit actionem, ut tamē tantum agere possint de possessione, quam tenebant: iudicium autem ipsum seruetur iustis & legitimis personis. Iudicium appellat *l. 2. §. 2. v. v.* iudicium proprietatis, quia hoc iudicium præcipuum & principale iudicium est, ut nominatur in *d. l. nulli. sup. de iud.* Legitimas personas vocat eas, ad quas ea res iure & legibus pertinet, de qua re agitur.

L. vlt. Nec imperiale.

Imp. Arcad. & Honor. AA. Petronio Vicario Hispaniarum.

Nec imperiale responsum, quod supplicatio litigatoris obtinuit, nec interlocutio cognitoris ex quacunque parte in nouare possessionis statum, eo, qui rem tenet, absente, permitti, quia negotiorum merita partium ad assertionem panduntur. Dat. 15. Kal. Ianua. Mediolani, Casario & Attico Coss. 397.

S Y M M A R I A.

- 1 Nullius non conuicti & damnati possessionem occupare licere prætextu cuiusuis rescripti, aut sententiæ iudicis: & hoc quid sit.
- 2 Negotiorum merita partium ad assertionem pandi, quam sententiam habeat.
- 3 Rescriptum, aut sententia iudicis, cur nihil proficit ad possessionem absentis occupandam.

Vt autem hoc rescriptum absentis non conuicti & damnati possessionem occupare prætextu cuiusuis rescripti, aut cuiusuis interlocutionis iudicis, quibus quis ad occupandam possessionem vtatur, Finge hoc modo: aliquem consuluisse Principem, narrasse se vi deiectum ab eo, qui nunc peregrinetur, petere; ut in possessionem restitueretur: Imperatorem rescriptisse, cum consultor deiectus sit, eum possessionem fundi recepturum, vel, cum quis idē exposuisset iudici, & petisset, ut restitueretur, iudicem pronuntiasse, & quod hic dicitur, interlocutum esse, ut petitor rediret in possessionem fundi sui, ut est species in *l. iudex. sup. comm. episto.* Dicemus neutrum ex his prodesse debere ad inuadendam & turbandam absentis possessionem.

Ratio præreditur in hoc rescripto, quia negotiorum merita partium assertionem panduntur. Cuius hic est sensus: ideo superiora nihil prodesse reuerfus absentem, quoniam illa ipsa hanc vim non habeant, ut aduersus absentem sine iudicio indicta causa quidquam noui statuatur, quod ius fieri vetat. *l. negantes. sup. de obl. & act.* Ita semper causæ cognitione opus esse, ut cognoscat meritum negotii, id est, an is, qui petit, meretur obtinere id, quod petit, & quia iustum sit, & quia verum. Vtrum autem iusta causa sit, & meritum id obtinendi, partium, id est, litigatorum assertionem & disceptationem intelligitur. Præsentem igitur oportet esse eum, aduersus quem quid statuere volumus.

Ideo quod autem placet, rescriptum Principis nihil prodesse ad occupandam possessionem absentis indicta causa quia quidquid Princeps rescribit fieri debere, id ita rescribit, si verum sit, quod exponitur, quia de causa & iudici adhuc cognoscendum relinquuntur. Et quamuis Princeps sine causæ cognitione aliquem absentem condemnaret: tamen rescripto statim non operaretur, quia est contra ius. *l. pen. de prec. imp. off. l. vlt. & prope tot. tit. sup. si cont. ius vel vtil. publ.* Et quod ad interlocutionem iudicis attinet, certum iuris est, nullam interlocutionem iudicis causa non cognita interpositam rei iudicatæ vim habere. *l. ex stipulatione. sup. de sent. & interl. d. l. iudex. sup. comminat. epistol.* Sententia non est ab similibus ei quam exposuimus in *l. meminere. sup. hoc tit.*

AD TITVLVM VI. COD. VTI

POSSIDETIS.

S Y M M A R I V M.

- 1 Interdicta retinenda possessionis duo, Vt possidetis de rebus soli, Vtrubi

trubi de rebus mobilibus. Appellatio vnde, vim vtriusque olim diuersam, nunc eandem: vt ex priore vtrumque intelligatur.

VT sunt interdicta † ad possessionem obtinendam quam nō habemus, siue eam nunc primū adipisci volumus, siue recuperare, quā amifimus, quæ hæcenus propofita sunt: ita sunt interdicta ad retinendam, quam habemus, ex quibus ordine id iudicatur; quod appellatur Vti possidetis. l. i. §. est igitur. ff. eod. Fuerunt autem retinendæ possessionis interdicta duo: Vti possidetis, & Vtrubi, prius de rebus soli; posterior de rebus mobilibus. §. retinenda. *Inst. de interd.* Nomina ex iniuris interdictorum data fimiliter, vt & in superioribus interdictis fieri diximus, quod ex interdictis patebit, quæ exstant in l. i. ff. vti poss. & l. vnica, ff. vtrubi. Ratio ista interdicta distinguendi hæc facit. Alia enim cōditiōne proponebatur interdictum vti possidetis ei, qui rem soli possideret, alia interdictum vtrubi ei, qui possideret res mobiles. Postea obtinuit, vt eadem vis esset vtriusque interdicti; atque ita in vtraque res tam mobiles, quam immobiles vnum interdictum sufficeret, vt declaratur in §. sed interdicto. *Inst. de interd.* Hinc factum est, vt hoc loco vnum tantum proponatur, Vti possidetis: scilicet quia quod de hoc dixerimus, idem etiam de interdicto rerum mobilium iuris esse, intelligere debeamus.

L. vnica.

Impp. Dioclet. & Maxim. AA. & CC. Cyrillo.

Vti possidetis fundum, de quo agitur, cum ab altero nec vi, nec clam, nec precario possidetis, rector prouincie vim fieri prohibet. ac si satisfactionem vel transferendam possessionis edicti perpetui forma seruata, de proprietate cognoscet. Subscripta 3. Id. Octob. Nicomedia. CC. Coss.

S Y M M A R I A.

- 1 Interdicti vti possidetis vis & sententia, eadem & huius l. i.
- 2 Hoc interdictum possessori dari, & qui possessores habendi.
- 3 Etiam inter fructuarios, itemque inter fructuarium & eum, qui sibi vsum defendit, hoc interdictum locum habere, quamuis possessores non sint, & cur.
- 4 Competere hoc interdictum etiam ei, qui vi, aut clam, aut precario possidet, dum non ab aduersario: & hoc quid sit.
- 5 Interdictum vti possidetis duplex esse, quia in eo vterque actor sit & reus: & cur ita vterque.
- 6 Inter duos tantum detentores eiusdem fundi nunquam huic interdicto locum esse posse ita, vt ambo tanquam eius fundi possessores haberi & defendi possint.
- 7 Tribus solum detentoribus eiusdem fundi propositis reperiri posse duos, quorum ambo pro possessoribus habeantur ex hoc interdicto, & quomodo id contingat.
- 8 Duos in solidum reuera possidere non posse: non repugnare interdictum vti possidetis, quo non duo possessores fiunt, sed in re incerta pro talibus defenduntur.
- 9 Competere hoc interdictum ei, qui possidet tempore litis contestatæ.
- 10 Interdictum aduersus eum, qui vni facit possessionis controuersiam: & quibus rebus possessionis controuersia fieri intelligatur.
- 11 Teneri hoc interdicto, qui possessionis controuersiam facit, etiam si non dicat contra se possidere.
- 12 Eum, qui deiectus est, eo, qui deiecit, in hoc interdicto superiorem esse, quid sit in l. 3. in pr. ff. vti poss.
- 13 Interdictum vti possidetis cur concepit, sum de adibus in l. i. ff. eo. de surdo in l. i. c. eo. cum competat de omnibus rebus soli.
- 14 Neque de rebus mobilibus, neque de seruitutibus rusticis, aut vrbans interdictum vti possidetis etiam vtile competere.
- 15 De iurisdictionis, deque iuris vectigal aut alios redditus percipiendi quasi possessione non competere interdictum vti possidetis, quamuis vtile, sed agi ad exemplum interdicti de itinere actuque priuato.
- 16 Quarum rerum gratia detur hoc interdictum.
- 17 Interdictum vti possidetis de eo quanti eares est, intra annum, eoque & penale: & cur.
- 18 Valde errare illos, qui putant illa verba, vti possidetis, ita possideatis, esse debere sententiam iudicis in interdicto Vti possidetis.
- 19 Qualem sententiam iudicis esse oporteat in hoc interdicto ad possessionem vni possessori tuendam.
- 20 Possessori aduersarium cauere non debere se cum in posterum impediturum non esse, quo minus possideat.

- 21 In prateritum ob vim possessori factam condemnationem iudicis esse debere, quanti interest actoris vim ei factam non esse: & quid eare contineatur.
- 22 Duobus possidentibus non aliam iudicis sententiam esse debere in controuersia possessionis, quam vt ambo in possessione tucatur, id est, delectet vtrumque possidere, deinde iubeat vtrumque possidere altero uiuente: inuito altero veter.
- 23 Resutata, que hic à Bartolo proponuntur in hanc sententiam, quasi inter duos, qui possident: tamen vnus possessor fieri debeat sententia iudicis.
- 24 Incommoda diluuntur, quana si videntur ex ea sententia, qua ambo litigatores iubentur ita possidere, vti possident.
- 25 Remedium hac lege vnica proditum, quo inter duos possessores consequi possit iudex, vt vnus pro possessore habeatur, quo perueniatur ad peritioriam actionem, & id quale: & de sententia illorum verbum. Ac satisfationis, vel transferendæ possessionis, & c.
- 26 Satisfationem indicatum solui recte non exigi ab eo possessore, quemolum talem esse constat: vbi autem duo pro possessoribus habentur, recte exigi, si vnus postulet ab aduersario, aut ipse offerat, vt in interdicto Vti possidetis.
- 27 Vno ex litigatoribus satisfante, & possessore constituto, non ideo adimni alteri commodum possessionis.
- 28 Solam satisfationem indicatum solui hic intelligendam, que ab eo exigatur, quam ex duobus possessoribus solum pro possessore haberi volumus, & in eam rem argumenta.

Verba initio obseruanda, † quæ ita explicanda sunt: Rector prouincie vobis de possessione retinenda contententibus vim fieri prohibet (supple, quo minus ita possideatis) vti possidetis eum fundum, de quo agitur, cum alter ab altero nec vi, nec clam, nec precario possidetis. Idem & in interdicto aliis verbis expressum est l. i. ff. eod. Summa ea, quam posuit Vlpianus in dict. l. i. §. est igitur, hoc interdicto nimirum prætorem possidenti vetare vim fieri, quo minus possideat, vti possidet. Quæ verba eo spectant, vt prætor vetet vim fieri non vni tantum ex litigatoribus, aut amobus simul, sed modo vni, modo amobus, prout scilicet hi possidebunt, vni quidem, si solum possidebit: amobus autem, si ambo possidebunt, vt sit sententia: vnum defendi, si possideat: defendi ambo, si itidem ambo possideant. Ex quo intelligimus, his hoc modo suam possessionem defendi, ac retineri. Id autem ita fieri, prohibente iudice, ne possidenti vis fiat ab altero. Vnde merito hoc interdictum dicitur prohibitorium, & ad retinendam possessionem, seu retinenda possessionis, l. i. in pr. & §. est igitur. ff. eo. Id quomodo obtineamus ex hoc interdicto, ita facile assequemur, si dixerimus distinde. Quibus hoc interdictum competat, aduersus quos: Quibus de rebus: Cuius rei gratia: tum quod sit in hoc interdicto officium iudicis de hac petitione. Quæ edicto breuiter comprehensa sunt illa quæ dem, vt & hoc loco: sed breuius, & obcurius, quam vt inde facile intelligi possint, nisi explicentur: pleraque etiam in his obfcura & difficilia explicatur: de quibus ideo sigillatim & attentius considerandum est.

Datur † hoc interdictum ei, qui possidet, his verbis, Vti possidetis, quo minus ita possideatis, vim fieri veto. Possidere est animo, seu affectu domini tenere, vt Theophilus bene definiuit in §. idem placet. *Inst. per quas pers. nob. acq. quod & exemplis eius loci liquido declarat.* Tenere rem hoc modo intelligitur; qui possessionem rei semel ingressus hoc animo, vt possideret, vel corpore est adhuc in possessione, vel egressus reliquit domi, aut in fundo eos, per quos possideret, puta colonum; aut inquilinū. §. possidere. *Inst. de interd.* vel etiam qui peregre profectus est nemine domi relicto: hoc animo tamen, vt retineret possessionem. Nam etiam animo solo possessio retinetur. d. §. possidere. l. 3. §. saluus. ff. de acq. pos. Animo domini is tenet, qui se pro domino esse vult, & pro domino se gerit. Solum autem possident, qui hoc animo rem tenent: qui alium dominum agnoscunt, & tanquam ab eo rem habent, vt sunt coloni, amici, serui, qui nomine domini sunt in possessione hi tenent duntaxat, non possident. d. §. possidere. l. certe. §. si, qui rogauit. ff. de prec. Ex quo intelligitur, si colonus, aut inquilinus controuersiam possessionis patitur, eum hoc interdicto experiri nō posse ad retinendam possessionem: idemque de similibus dicendum est. l. 3. §. creditores. ff. vti poss.

Quibus † consequens erat, vt nec fructuario vim patienti hoc interdictum competere. Non enim magis possidet fructuarius, quam superiores. d. §. idem placet. *Inst. per quas pers. nob. acq. d. l. certe. §. si, qui rogauit. Digest. de prec.* Placuit tamen & inter fructuarios hoc

hoc interdictum reddendum: itemque inter fructuarium, & eum, qui sibi vsum defendat. *l. vlt. ff. eo.* Excepti videlicet ex superioribus, ideo ut videtur, quod si inter se committantur, ambo pro dominis & possessoribus se gerant, idque pari iure: ut dum vni defendatur possessio fundi, aut ædium, nulla fiat iniuria aduersario, qui eandem possessionem, & ex eadem causa sibi defendebat. Aliter atque si his sit cum iis qui te vere possidere contendunt. Neque nouum est in hoc interdicto plus tribui fructuario, aut vsuario, quam alius, qui possessores non sunt, etsi rem similiter tenent. Nam & fructuario vi deiecto propositum est interdictum. Vnde *l. 3. §. vnde vi. ff. vnde vi.* quod argumentum est, eum pro possessore haberi, quam diu perseuerat viusfructus, quoniam nec interdictum vnde vi datur, nisi deiecto: nec putatur deiici, nisi qui possidet. *l. 1. §. de iur. ff. vnde vi.* Quo etiam argumento dici potest viusfructuario adhuc retinenti hoc interdictum dari ad possessionem retinendam. Et vero id ratione collectum esse à veteribus, non autem ideo esse constitutum, quia fructuarius vere possideret, indicio erit, quod Paulus in *d. l. vlt. ff. vi. poss.* non dicit, pro explorato hoc interdictum fructuario reddendum, quod tamen dicendum esset; si vere fructuarius possideret: sed dicit te putare dicendum, quasi in re controuersa, certe non explorata.

4 Ergo possidenti ꝑ solam hoc interdictum datur, in quo nihil intereit, vtrum quis iuste possideat, an iniuste. De eo, qui iuste possideat, id est, bona fide, dum possessionem nanciscitur ab eo, quem dominum putat, nulla dubitatio est. *l. 3. in pr. ff. eo.* Sed hoc amplius dicimus, quod edicto expressum est, etiam ei hoc interdictum competere, qui vi, aut clam, aut precario possidet, id est, qui iniuste possidet: dummodo ab aduersario non ita possideat: quod si possidebit, contra esse *l. 1. in pr. §. vlt. ff. eo.* Vt ab aliquo possidet, qui eum vi deiecit, & ita possessionem tenet. *l. 1. §. vi. possidere. ff. vnde vi.* Clam possidet, qui possessionem furtiue ingressus est ignorante possessore, cuius controuersiam metuit. *l. clam. ff. de acq. poss.* Possidet precario is, qui ab alio precibus impetrauit, vt sibi re eius possidere liceret. *l. 1. §. de prec. quæ singula indicantur obiter in §. sed interdicto. Inst. de interd.* Hoc igitur dicimus, si quis patiatur controuersiam possessionis ab eo, à quo possessionem habet: aut vi, aut clam, aut precario, vt supra, eum impune vim pati, quia sit ei hoc interdictum inutile. Quod si ab alio, quamuis ita possidebit, eum recte hoc interdictum viurum. *d. l. 1. §. vlt. & l. 2. ff. eo.*

5 Quemadmodum ꝑ autem vni, qui possidet, hoc interdictum datur: ita si ambo litigatores possidebunt, ambobus dabitur. Et quoniam fere semper ambo se possidere dicunt, vt declaratur in *§. retinenda. Inst. de interd.* eo fit, vt interdictum ita sit conceptum, vt ad ambo litigatores referatur, his verbis: *Vti possidetis, quo minus ita possideatis, vim fieri vero.* Inde dictum hoc interdictum duplex esse, quia vterque & actor sit, & reus in hoc interdicto. *l. 3. §. hoc interdictum. ff. eo. §. pen. Inst. de interd.* Vterque actor, quia vterque possessorem se esse intendit. Vterque reus, quia dum se possessorem dicit, simul aduersarium negat possessorem, quod reorum proprium est. Et vt de vno possessore diximus, hoc interdictum ei competere, siue iure, siue iniuste possidebit: ita in duobus possessoribus receptum est, vt inter eos hoc interdictum reddatur tuendæ illorum possessionis causa, siue ambo iuste possidebunt, siue vnus iuste, alter iniuste, id est, vi, aut clam, aut precario, dummodo nec vi, nec clam, nec precario ab aduersario possideat, vt verba edicti dilucide significant: sed apertius declaratur in *l. 3. in prin. ff. eo.*

6 Quo ꝑ loco existit interpretibus magna & vetus dubitatio. Queritur enim, quomodo fieri possit, vt duo in solidum ita possideant, vt prætori necesse fuerit ita dicere: *Vti possidetis, ita possideatis.* Mouet dubitationem, quod non videtur fieri posse, si vnus nunc possidet, & alter postea cepit rem possidere, vt ambo possideant. Nam si is, qui postea possessionem nactus est, eam nactus est iuste & bona fide, non potuit nancisci, nisi à priore possessore eum rem tradente, quo casu prior possessor citra controuersiam possidere desit. *l. 1. §. si vir. l. quod meo. §. si furioso. ff. de acquir. posses. §. si posterior iniuste cepit possidere, non alia de causa id fit, quam quia aut priorem possessorem vi deiecit: quod cum sit, etiam tum prior possessor amittit possessionem. l. naturaliter. ff. de acquir. posses. aut quia clam eo ingressus est possessionem, ac tum solus prior possidet. l. clam possidere. §. vlt. ff. de acq. poss. aut quia precario accepit à priore possessore, quo casu interdictum de precario redditur, non interdictum *vti possidetis.* Quid verbis opus est? loci in medio sunt, quibus diserte traditur, duos in solidum eandem rem possidere non posse, & in summa possessionis nihil in-*

teresse; iuste quis, an iniuste possideat. *l. 3. §. ex contrario. ff. de acq. poss. l. si vi certo. §. vlt. ff. com.* Hæc illa est difficultas, quæ hanc partem interdicti dubiam reddidit, quæque in interpretatione *l. 3.* quæ est de hac parte. *ff. eo.* peperit apud Accursum tot sententias. Nam dum hanc difficultatem expedire conantur: alii interdictum de vno possessore interpretati sunt, quem verbo plurali prætor alloqueretur, contra significationem verborum, & vsum latine loquentium. Alii duos possessores sunt interpretati, quorum singuli peo parte possiderent, contra *l. 3. in pr. ff. eo.* vbi Vlpianus duos proponit in solidum possidere. Alii duos querentes, qui in solidum possideant, exemplum attulerunt eius controuersia, quæ esset inter proprietarium & fructuarium, quorum vnus ciuiler possidet, proprietarius, alter naturaliter, fructuarius: ambo autem prætor in sua possessione tuetur. Hoc rursum contra *dict. l. 3. in prin. ff. eo.* vbi Vlpianus proponit duos, quorum vnus iuste, alter iniuste possidet. Constat autem fructuarium non possidere, vt supra ostendimus, aut si possidet, iniuste possidet, vt pote ex iusta causa, non iniuste. Sed laborandum non est. Fefellit eos, quod exemplum duorum in solidum possidentium, & ad hoc interdictum pertinentium quæsiuerunt in duobus detentoribus. At in his fieri non potest, vt, si posterior siue iuste, siue iniuste possideat, duo possideant simul: vnus ex his tantum possidebit, vt ante ostendi.

Sed ꝑ res procedat hoc modo: si proponamus nobis tres detentores, Primum, secundum, Tertium: & Tertium possidere à Secundo, vel bona fide, vel vi, aut clam, aut precario, hoc modo: Primum, qui iuste possidebat, peregre profectus est, nemine domo relicto. Eo absente Secundus clam occupauit possessionem. Exstitit deinde Tertius, qui à Secundo, quem dominum putabat, possessionem acciperet bona fide: aut qui Secundum vi deiecerat: aut qui eius controuersiam metuens, possessionem eo ignorante occuparet, aut qui precibus ab eo possessionem impetraret. In hac specie si proponas, Primum redire, & controuersiam facere Tertio, aut à Tertio controuersiam pati, ambo interdicto *Vti possidetis* recte agent, & ambo prætor tuebitur tanquam possessores. Primum, quia animo retinuit possessionem, quam ipse postea non amisit. Tertium vero, quia & is animo dominantis tenet. Nec ad tertium pertinet, quod possidet iniuste, nempe vi, aut clam, aut precario. Nam ab aduersario Primo ita non possidet.

Sed obicitur ꝑ hoc superior illa sententia certi iuris: duos in solidum possidere non posse. *l. 3. §. ex contrario. ff. de acq. poss.* Nos de ea hoc recte respondebimus, reuera & ad effectum iuris, duos in solidum possidere non posse. Exempli causa: in specie proposita, quia Primum possidet, idcirco nec Secundus, nec Tertius reuera possident, quia vacuum possessionem non tenent. Et ideo quamuis Tertius possederit decem, aut viginti annos, idque bona fide, tamen non vsucapiet, quia sine possessione vsucapio non contingit. *l. sine. ff. de vsuc. & vsuc.* Nunc autem hic non possidet, tantum ideo, quia Primum possidet, & duo in solidum possidere non possunt. At in interdicto *vti possidetis* veram possessionem nõ querimus, quæ talis sit natura, aut iure: sed quæ pro tali habeatur dum quis se vere possidere contendit, nec quidquam in præsentia proponitur, cur non ita esse conuincatur. Intelligitur hoc factis ex eo, quod interdictum hoc solum vult spectari, an vnus ab altero nec vi, nec etiam, nec precario possideat. Et ideo in *l. 2. ff. eo.* cum dixisset Paulus, iusta, an iniusta sit possessio aduersus alios, nihil referre, adiecit in hoc interdicto. Hoc idem Egnario Baroni vsum est ad *l. 3. ff. eo.*

Est autem ꝑ animaduertendum, quod dicimus, hoc interdictum competere ei, qui possidet. Id enim valet, competere ei, qui possidet, cum hoc interdicto agitur. Et hoc est, quod scriptum est in *§. sed interdicto. Inst. de interd.* hoc interdicto eum vincere, qui possidet tempore iuris contestata, quod ex verbis interdicti sumtum est. Nam prætor in interdicto reddendo non dicit, *vti possidetis*, vel *vti possidebitis*, ita possideatis, ed *vti possidetis*: nempe nunc, cum interdictum redditur inter vos litigatores. Cum autem reddebatur interdictum, aut actio à prætore, tum apud eum lis contestabatur. Vnde in vsu iuris hæc duo idem significant: tempus iudicii accepti, & tempus litis contestata. *l. iud. ff. de her. pet. l. cum sum. ff. si cert. pet.*

Datur ꝑ hoc interdictum aduersus eum, qui possessionis facit controuersiam. *l. 3. hoc interdictum. & seq. ff. eo.* quod & ipsum sumtum est ex interdicto. Nam cum prætor vetat vim fieri, nimirum vetat fieri ab eo litigatore, cum quo agitur. Agitur igitur aduersus eum, qui vim facit, vt desinat vim facere. Porro vim facere

possidenti, nihil aliud est, quam controuersiam possessionis face-
re: quod posterius tanquam planius iuris auctores retinuerunt.
Vis possidenti fit dupliciter: aut uerbis, aut re. Verbis, cum in cō-
trouersia proprietatis aliquis se possessorem dicit, & ita non pa-
trouersiam frui commodo possessionis in ea causa, propter
quam controuersiam proprie interdictum est comparatum.
Huc enim spectat interdictum *vi possidetis*, ut prius constituitur,
ut notum sit possessor, sic deinde peritoria actio instituitur,
ut declaratur in *§. retinenda. Inst. de interd. l. i. §. i. ff. eod.* Re fit con-
trouersia possessionis, cum quis nos possessione uti prohibet,
quomodo uti uellimus: vel impediendo, ne quid in nostro facia-
mus: puta, ædificemus, agrum colamus, & quæ sunt generis eius-
dem: vel in nostro aliquid faciendo, ueluti, per fundum nostrum
eundo, vel aquam duccendo, vel in nostrum aquam immittendo.
*l. sicut. §. Aristo. illic, sed & interdictum. ff. si ser. uend. l. vim facit. ff. unde
vi. Huius definitionis exempla sunt, quæ proponuntur in l. 3. §. 1.
& seqq. ff. eo.*

11 Quo ꝑ loco notandum est, competere hoc interdictum ad-
uersus eum, qui te controuersiam possessionis facit, quamuis se
contra possidere non dicat: argumento est, quod aduersus eum,
qui iure seruitutis sibi aliquid sumat in nostro, hoc interdictum
competit. *d. l. 3. §. si uicinus. ff. eo. d. l. sicut. §. Aristo.* Certum est autem,
eum, qui sibi seruitutem à nobis debere dicit, hoc fateri se re no-
stram non possidere. Non tamen aduersus omnem, qui posses-
sionis controuersiam facit, hoc interdictum competit. Non da-
tur aduersus eum, à quo actor uis, aut clam, aut precario possidet,
idque uerba ipsa interdicti efficiunt. Itaque si qui alium vi deiecit,
patiarum controuersiam possessionis ab eo, quem deiecit: ipse
quidem possidet, & aduersus alios hoc interdicto experiri potest
sed aduersus eum, quem deiecit, à quo uis possidet, interdictum hoc
12 illi inutile est. Et ꝑ hoc est, quod dicitur in *l. 3. ff. eo. eum, qui deie-
ctus est, eo, qui deiecit hoc interdicto superiore esse.* Hoc enim
sic interpretandū est, ideo esse superiore: quia absolutur, si cum
eo agatur hoc interdicto. Non enim prohibebitur hoc interdi-
cto vim facere, & ita absoluetur. Ceterum non ita superior est in-
terdicto, ut pronuntietur possidere, atque ita possessio ab aduer-
sario ei restituatur. Nam hic, qui deiectus est, non possidet, quia
possessionem amisit. *l. naturaliter. ff. de uisurp. & uisuc.* Porro hoc inter-
dictum possessorem tantum tuetur. *l. i. §. pen. ff. eo.* Sic fit, cum
uicis alterum deiecit, ut utriusque agentis aduersus alterum hoc inter-
dictum sit inutile. Deiectori quidem, quia is uis ab aduersario pos-
sidet. Deiecto autem, quia omnino non possidet. Neque obstat,
quod in *l. 3.* dicitur simpliciter, *deiectum hoc interdicto superiore esse.*
Hoc enim dicitur, cum is, qui deiecit, agit hoc interdicto: non au-
tem cum egit hoc interdicto is, qui deiectus est. Nam isto agente
nullum interdictum *vi possidetis* esse potest, quia non possidet.

Datur hoc interdictum de possessione rerum soli, id est, de
fundo & ædibus. *l. i. §. 1. & §. pen. ff. eo. §. sed interdicto. Inst. de interd.*
Vnde intelligimus, prætorum in edicto pollicitorum esse genera-
liter, se hoc interdictum daturum, si de possessione rerum soli
13 controuersia esset. Cur ꝑ igitur in interdicto appellatur ædes
tantum in *l. i. ff. eo.* alias tantum fundus, ut in hac lege? Quia in in-
terdicto concipiendo hoc ne cense fuit facere prætori. Interdictum
enim omne ad præsentem controuersiam referitur. Controuersia
autem præsens omnis in rebus soli aut est tantum de ædibus,
aut tantum de fundo.

14 Quæsitum est, ꝑ an hoc interdictum saltem uile competat de
rebus mobilibus, aut incorporalibus. Dicendum est, nullo modo
competere, ne uile quidem. De rusticis seruitutibus sunt inter-
dicta nominatim constituta, de itinere actiue priuato, de aquæ
ductu, de fonte, de riuis, de cloacis *tit. de itinere actiue priuato. &
seqq.* Eaque interdicta propdita sunt non possidenti, ꝑ hoc in-
terdictum, sed ei, qui hoc anno uisus est, uel superiore ætate, & si
quæ sunt, similia. De seruitutibus urbanis nulla sunt interdicta
nominatim proposita, sed non ideo de earum possessione hoc
interdicto utimur, quia est superuacuum, quod ita facile proba-
bitur. Nam interdictum *vi possidetis* ideo comparatum est, quia
in rebus soli & controuersia de possessione moratur petitoriam ac-
tionem, neque potest ea controuersia dirimi, nisi iudicio. Dirimi-
tur autem hoc interdicto. Cessat utrumque in controuersia de
seruitute. Nam etiam si non constet, utrum is, qui sibi seruitutem
debere dicit, sit in seruitutis possessione, nec ne: tamen nulla af-
fertur petitioni seruitutis mora, quoniam seruitutem petere po-
test, tam qui possidet, quam qui non possidet. *l. & si ser. §. i. ff. si ser.*

uend. Deinde si quæritur, uter sit possessor, nihil iudicio opus est
ad hanc quæstionem dirimendam, quia natura ostendit; uter
sit possessor seruitutis urbanæ, Exempli gratia: Si quis dicat sibi
debere seruitutem tigni immittendi, is possessor seruitutis habe-
tur, si tignum sit immisissum. Idemque de ceteris dicendum est, si
quis factum id habeat, quod proprium est seruitutis. *d. l. & si forte.
§. i. l. sicut. §. sed si queritur. ff. si ser. uind.* Hoc autem an tignum immisissum
sit, testibus non probatur, sed oculis, modo in rem præsentem
ueniatur. Nihil ad rem facit in contrariam sententiam, quod scri-
ptum est in *l. quoties. §. ut. ff. de seruit. possessoria interdicta esse cō-
stituta de via & alio iure fundi.* Hoc enim dictum est de interdi-
ctis, quæ à prætore constituta sunt nominatim de seruitutibus
rusticis, de quibus supra diximus, in quo genere non est interdi-
ctum *vi possidetis* quod constat de rebus soli esse propositum, id
est, de fundo & ædibus. Multo minus ad rem pertinet, quod in *l.
sicut. §. Aristo. ff. si ser. uind.* dicitur, si quis in alieno faciat aliquid iure
seruitutis, competere domo in eam rem interdictum *vi possi-
detis.* Nam hic interdictum non datur pro seruitute, sed contra
seruitutem ad retinendum fundi nostri, aut ædium possessionem
aduersus eum, qui factio suo eius possessionis nobis faciat con-
trouersiam.

De ꝑ iurisdictionis possessione, item de possessione iuris ve-
tigal, uel alios redditus percipiendi quæsitum est? Sed ne de his
quidem hoc interdictum quamuis uile dabitur. Porius de istarū
rerum quasi possessione agatur ad exemplum interdicti de itinere
actiue priuato, ut is scilicet in huius iuris possessione uincat,
qui eo iure hoc anno uisus erit nec uis, nec clam, nec precario ab
aduersario. Et certe de itinere actiue priuato hoc ius constitu-
tum esse Ulpianus scribit, quia plerumque itineribus, uel uia non
semper utimur. *l. i. §. i. ff. de itin. act. pri.* Sit ergo idem ius in iurisdictione
ne, quia & ipsa perpetuo uti non possumus.

Competit ꝑ hoc interdictum duarum rerum gratia. Una & 16
præcipua hæc est, ut qui possidet ita possideat, ut sunt interdicti
uerba. Id est in summa, datur interdictum ad retinendam posses-
sionem. Vnde dictum retinendæ possessionis. *l. i. §. 1. & §. est igitur.
ff. eod. §. retinenda. Inst. de interd.* Altera res est in præteritum tempus
ut is, qui uis facit, quo minus possideamus, damnetur in id, quod
nostra interest, nobis uis factam non esse. *l. i. in interdicto his
uerbis. neque plus. ff. eo.*

In ꝑ quo illud animaduersione dignum est, quod de hac par-
te intentionis constituta est actio à prætore duntaxat intra annū
uilem, ex quo uis fieri possidenti cepit. Vnde intelligimus, ha-
ctenus pænale interdictum esse: alioqui perpetuum esset, non
intra annum. *l. in honorarij. ff. de obl. & act.* Pænalem autem hæc pars
eo uidetur continere, quod datur eius, quod nostra interest, nomine de
eo, quod ad aduersarium non peruenit: & præterea datur ei etiam
qui iniustus interdum possessor est, nempe qui uis, aut clam, aut
precario possidet non ab aduersario: ut sic actor persequatur id,
quod sibi ex patrimonio non abest: in quo pænæ persecutionem
ponimus. *d. l. in honorarij.*

Deinceps uideamus, quam sententiam iudicis de his rebus
esse oporteat. In ꝑ quo prius de uerbis sententiæ monendi su-
mus, iudicem non debere ita sententiam ferre, ut uerba interdi-
cti concepta sunt, puta, *vi possidetis uos litigatores, ita possideatis, ad-
uersus id uis fieri uero.* Nam ualde errat, si quis illis uerbis sententiā
prætoris de possessionis controuersia continere existimat. Illis
uerbis exprimitur interdictum prætoris, id est, formula iudicis
de possessione, quam solebant prætores olim reddere litigatori-
bus, quo tempore formulæ iudiciorum in uisum erant, quæ postea
sunt sublata. *tit. de formul. & imper. ad. sub. sup.* His formulis præto-
res de iure pronuntiabant sub conditione facti, *Si hic, aut ille possi-
deret: Si Lucius Titius mutuum dedisset: Si Lucius Titius furtum fecisset: &
remittebatur res ad iudicem, qui de re & facto cognosceret, de-
inde de iure secundum formulam pronuntiaret.* Longe alia ratio
sententiæ iudicis; hæc certa esse debet. *§. curare. Inst. de act.* Incerta
nullius momenti est *tit. de sent. que sine cer. quan. sup.* Denique sen-
tentiæ ea est demum, quæ controuersiam dirimit, nec aliter iudex
iudicare debet. *l. i. ff. de re iud. lam uero in hoc iudicio controuersia
est, uter ex litigatoribus possideat, aut ambo possideant.* Ita
hanc controuersiam à iudice dirimi oportet, & certo pronuntia-
ri aut ambos possidere, aut unum, aut neutrum, & si quis possi-
det, dici, quis possideat.

Hæc ꝑ de uerbis sententiæ dicta sunt. In iure autem qualem
sententiam dicat, cum quæritur de hoc interdicto, etiam atque
etiam

etiam considerandum est. Et multum interest, utrum vnus tantum ex litigatoribus possessor sit, an ambo possessores. Si vnus tantum possessor est, officium iudicis est, vt eum possidere pronuntiet, Non enim possessionem ei dari iudex, sed eam, quæ est, declarat, vt de dominio & seruitute dicitur in l. ex & diuerso. §. i. ff. de rei vind. l. scilicet. §. sed si queritur. ff. si ser. vind. Deinde hanc possessionem ita confirmabit, vt condemnet aduersarium in futurum, ne vim faciat possidenti, quo minus ita possideat, vt verba interdicti indicant.

20 Sed ¶ an aduersarius cauere debet possessori, se eum in posterum impediturum non esse? Et hoc plerisque placet, vt Bartolo hic, & Duareno lib. 2. disput. cap. 21. argumento seruitutum viar, itineris, aquæ ductus: in quibus si dominus fundi de earum possessione victus sit, iubetur aduersario cauere le non impediturum eum, agentem, aquam uocentem. l. pen. ff. de aq. quot. & affli. Aliis non probatur: quorum sententia, vt mihi videtur, vera est. Nam quod hæc cautio in seruitutibus nominatim exigitur à victo, vel hoc ipsum argumentum est, in controuersis rerum corporalium à victo eam exigendam non esse. Nam & cum quis in confessoria actione de seruitute iudicatus est seruitutem debere, cautio superior ab illo exigitur. l. legi. l. harum. Dig. si ser. vind. Et tamē inter omnes conuenit, in controuersis de proprietate rerū corporalium nullam talem cautionem à possessore exigi. Non recte igitur, quod de genere seruitutum dicitur in hac specie, ad res corporales transfertur. Et certe differentia ratio est in promptu, quam bene reddidit Baro ad l. in pr. hic. nempe hæc, quod nihil sit in seruitute, quod dominus, qui de seruitute victus est, restituat corpore: seruitutis namque nulla est possessio. l. quoties. vlt. ff. de ser. Et ob eam causam subsidio exigitur cautio à victo, quæ sit pro seruitutis restitutione. Nihil tale in rerum corporalium possessione: quādo quidē possessio rei corporalium restitui potest, qua restituta, inepte ¶ querimus aliud, quod restituitonis vice fungatur.

21 Hæc ¶ ergo de possessione & eius tuitione iudicis sententia erit. In præteritum vero, prout petrum erat, ita aduersarium condemnabit in id, quanti interest victoris sibi vim factam non esse. Vbi non corpus ipsum rei æstimabitur, id est, quanti res ipsa est, de cuius possessione agitur: sed possessio ipsa, siue quanti interest possessoris possedisse sine interpellatione. In quo continentur fructus & mercedes quibus actor idcirco caruit, quia vis ei facta est, quo minus re libere vteretur: quæ sententia est l. 3. vlt. ff. eodem.

22 Hæc ¶ de vno possessore. Longe alia causa est, si ambo pronuntiantur possidere. Nam hic neque vnus alteri condemnabitur in id, quod alterius interest, neque prohibebitur vnus vim facere alteri, quo minus possideat libere. Quod vt intelligatur, sic habendum est, naturam non pati, vt duo libere in solidum possideant. Nam libere possidere est re vti quomodo velis, vt significatur in l. scilicet. §. Aristot. vers. sed & interdictum. Dig. si ser. vind. Vti autē quomodo velis, est vti solum, si velis, & ab vno rei prohibere ceteros, vt indicatur in eo. §. Aristot. Ita fit, vt vno vteatur, alter vti nō possit. Quocirca duorum possessorum in solidum hæc est conditio iure, vt vterque re possessa vti possit altero consentiente, cum scilicet diuidant vltum aut temporibus, aut regionibus id est, ita, vt aut alternis vtantur, aut diuidant regiones, quas singulis attribuant. Ceterum inuito altero neuter vti potest: & si vnus vteret, alter prohibendi ius habet. Nam si in re communi, quæ à duobus pro diuisio possidetur, neuter altero inuito in ea re quidquam facere potest, sed alter prohibendi ius habet. l. Sabinus. Dig. eod. diuid. multo magis id tum dicendum est, cum duo non pro parte licet indiuisa, sed singuli in solidum possident. Hoc constituto, duo sunt consequentia, vt dixi. Primum illud, si quis alterū impederit, quo minus libere possideret, tamen eum in id, quod aduersarii interest, condemnari non debere. Iure enim impediuit qui prohibendi ius habuit. Quod autem iure sit, penam nō meretur. l. Gracchus. infr. de adulter. Alterum, non debere iudicem in futurum prohibere, ne alter alteri vim faciat, quo minus possideat, quoniam singuli ita possidere non possunt sine vi, quin alter simul possidere prohibeatur, vt supra ostendi. Nunc autem ambo iubendi sunt ita possidere, vt possident. Restat igitur, vt in duobus possessoribus talis esse debeat sententia iudicis, vt primū declaret ambo possidere: indicat Vlpianus in l. 3. in princ. Dig. eod. cum ita scribit in hac specie: nam & tu possides, & ego. Deinde iubet iudex vtramque possidere altero consentiente, altero inuito vter. Quo modo intelligatur iudex secundum verba interdicti iubere, vt litigatores ita possideant, vti possident. Sic enim in so-

lidum possident, vt dixi, vt singulis sit ius prohibendi, ne se inuito alter possideat. Neque vero aliam sententiam iudex ferre potest, vbi ambo possident.

Scio ¶ multa scripta esse à Bartolo, quibus efficere conatur, vt vnus tantum possessor fiat sententia iudicis, aut vt duobus possessoribus constitutis, inter eos sententia iudicis componatur: sed in his nihil idonei attulit. Non enim probandum est, quod dicit, eum solum à iudice pro possessore habendum esse, qui antiquiorem possessionem habet, quasi posterior possessor clam possideat. Nam scimus in hoc interdicto non queri, quamdiu quis, aut quam pridem possederit, sed an possideat tempore litis contestata: & eum, qui eo tempore possideat, vincere hoc interdicto §. sed interdicto. Inst. de interd. Sed nec ad rem pertinet, si posterior clam possideat, dummodo non possideat ab aduersario, vt interdicti verba ostendunt, l. i. §. vlt. ff. eod. Multo minus probandum est, quod dicit eum potiore esse debere, qui probabitur cum titulo possidere: cum appareat ex interdicto prætorum eum tueri, etiā qui vi, aut clam, aut precario possidet, dummodo ab aduersario ita non possideat. Ne illud quidem verum est, quod dicit spectandum esse, ab vtro sint plures testes, & magis idonei, vt à quo sunt is vincat, argumento loo carmen. §. vlt. ff. de testib. Hoc enim tunc recipiendum est, vbi ex testibus vni affirmant, quod alii negant, vt incertum sit, quibus fides habenda sit. Tum enim necesse est, re numero, aut auctoritate ponderari. At cum testes partium de rebus diuersis testimonium dicunt, etiam duo fidem facient pro eo, à quo producantur, nisi refellantur. l. vbi. ff. de testib. Quod in hac controuersia possessionis accidit, vbi singuli probando se possidere, id est, rem affectu domini tenere, non ideo etiam negant aduersarium ita tenere, vnde & ambos tueretur prætor. Quod autem ille scribit, cum in pari causa duo possessores esse pronuntiantur, iudicem pronuntiare debere eos esse possessores pro parte iudiciua, vt concursu pares faciant: tale est, vt non minus, quam superiori, interdicto refellatur. Nam si in solidum possident, vt in primis possident, necesse est ex interdicto iuberi eos ita possidere, vt possident, id est, in solidum, quia in solidum possident. Neque vero recte vnus est in hac re exemplo plurium, quos prætor mittit in possessionem damni infecti nomine, qui dicuntur concurrere partes facere. l. si finita. §. cum autem. ff. de dam. infect. Nam hoc recte facit prætor in us, quos ipse possessores facit, quales sunt, quos ipse mittit in possessionem. At cum duo ante possident, & inter eos incidit controuersia de possessione, sic ad prætorum & iudicem veniant, vt possessionem suam retineant hoc interdicto: neque aliud officium iudicis est, aut prætoris, quam vt ita iubeat eos possidere. Effectum est igitur, talem sententiam iudicis esse debere, qualem dixi.

Sed ¶ video, quæ contra dici possint, ne huiusmodi sententia recipiatur. Nam ex ea hæc sunt incommoda duo. Primum, quod si litigatores de possidendo non consenserint, & ita non possident, necesse erit rem negligi, atque ita fructus & rem ipsam vtrique perire. Alterum, quod si vnus altero inuito possidere volet, eueniet, vt ab aduersario prohibeatur, quam obrem & veniet res ad rixam & arma: quæ prohibere officium est boni prætoris & iudicis, vt de claratur in l. si cuius 13. §. sed si inter duos. ff. de vsufr. Verum aduersus ista incommoda hoc remedium est, vt vnus satisdedit eo modo, quo paulo post dicemus: si neuter satisdedit, hoc relinquitur, vt inter se de possessione contentiant. Si non contentiant, ipsi se concursu impediunt, vt de duobus fructuaris resposum est, quibus vnus fructus legatus est alternis annis. & ambo primo anno frui volunt, de quo scriptum est in l. quoties. ff. de vsufruct. In quo si quid incommodi est, de te queri debent, nō de iudice, qui id pronuntiauit, quod natura iudicij ab illo exigebat. Nam quod dicitur prætorum non debere pari, vt litigatores ad rixam & arma procedant, tunc locum habet, cum prætor potest litigatores iurisdictione sua componere, vt adiectum est in dicta l. si cuius. §. sed si inter. Nunc autem in hoc iudicio res aliter componi non potest, quam vt qui in solidum possident, ita iubeantur possidere. Sed rursum ex hac re incidimus in id postremum incommodum, quod vitari non potest, si pronuntientur ambo possidere. Nam hoc interdictum comparatum est, vt pronuntietur vnus possessor esse, vt scilicet eo inuento possit petitoria actio institui: in qua vnus possessor esse debet, alter non possessor, sed petitor, §. reinenda. in Institut. de interd. At qui duobus possessoribus in solidum constitutis aperte facimus contra hunc finem, neque ad petitoriam actionem, siue ad causam proprietatis peruenire possumus. Et hoc verum esse fateor, idemque & in hac re accidere

non valent, appellamus testamenta: ea ergo ipsa solemus testa-
 menta appellare, Sed hæc sententia est Vlpiani, vt addat aliquid
 prioribus, & dicat non solum priora testamenta, quæ vitio ali-
 quo interiori laborant, ab ipse testamenta dici, & edicto illo cõ-
 tineri, sed et illa, quæ sunt imperfecta, id est, non signata, & ma-
 nifestis solemni-bus destituuntur. Num ergo in his edicti illud
 locum habet? Habet auctore Vlpiano, sed non ideo de his inter-
 dictum *de tabulis exhibendis* competit. Nam edictum pertinet ad
 eum, qui fateatur tabulas esse apud se. *l. 2. §. vlt. ff. quem test. ap.* Non
 est iniquum, enim, qui id fateatur, compelli eas exhibere, quod
 sine iudicio & nullo negotio potest facere. Interdictum aduersus
 eum datur, qui negat penes se esse tabulas, *d. l. 2. §. vlt.* Non debet
 facile iudicij institui, & molestia iudicij neganti intentari in iis
 tabulis, quas aperte non esse tabulas testamenti cõstat: quod fit,
 vbi non esse signatas interlitigatores conueniet. Nisi quis mal-
 lit, de imperfecto testamento etiam quod signatum non sit, com-
 petere non solum remedium superioris edicti, sed etiam inter-
 dictum *de tabulis exhibendis*, propter generalitatem vtriusq; loci,
 de imperfecta scriptura testamenti definitis hanc quoq; tes-
 tamentum dici: Africanum autem sic concillemus, vt idem as-
 firmet. Quod quidẽ efficere possumus non emendatione, aut res-
 titutione vlla verborum, sed ordine duorum verborum cõuer-
 so, ita commode, vt eadem verba retineantur, & optime constet
 verborum contextus, eiusq; sententia. Ceterum, inquit, si signatum
 testamentum non fuerit, magis est, vt senatusconsulto locus non sit, sicuti
 nec interdictum de tabulis testamenti exhibendis locum habet. Sic est le-
 gis o vulgaris. Hæc verba, sicuti nec, conuertamus, vt sit, nec sic vti,
 vt conuertatur ordo, & tria verba distincte efficiantur, consen-
 tientem sententiam habebimus, salua recti sermonis ratione. E-
 rit enim hæc lectio, atque hic sensus: magis esse, vt senatusconsulto
 locus non sit, nec sic fit, vti interdictum de tabulis exhibendis de huiusmo-
 di testamento locum habet quasi diceret, hic senatusconsulto locum
 non esse. Et hoc videtur melius & verius. Nam si dicamus, de
 imperfecto, id est, non signato testamento nõ competere inter-
 dictum; quia id non sit testamentum, dicendum erit nec compe-
 tere id de falso; quoniam quod testamentum falsum esse cõstat,
 id multo minus testamentum est, cum testationem defuncti o-
 mnino minime habeat: & tamen de falso testamento etiã quod
 tale esse constiterit, interdictum competit.

4 Relictæ tabulæ dicuntur, † quæ post testatorem, id est, mortuo
 testatore relinquuntur, & existant. Ideo ergo hoc additum est, vt
 intelligeremus, hoc interdictum ad viui tabulas non pertinere.
l. 1. §. pen. ff. eod. Viuus de tabulis exhibendis agit actione ad exhiben-
 dum, *l. 3. §. si ipse. ff. eod.*

5 Datur † hoc interdictum aduersus eum, penes quem sunt ta-
 bulæ, aut qui dolo fecit, quo minus penes se essent. Penes eum
 esse intelliguntur, qui aut corpore suo eas tenet, & habet exhiben-
 di facultatem, aut ita apud alium posuit, vt alieno corpore
 possideret, veluti si tabulas apud alium deposuit. Nam per depo-
 sitarium, commodatarium, & similes personas possidemus. §.
posidere. Inst. de interd. Inde recte dictum est ab Vlpiano in *l. 3. §. si
 tabulæ. ff. eod.* si quis tabulas apud aliquem deposuerit, vtrumque
 hoc interdicto teneri, & eum, apud quem sunt depositæ, quia tenet:
 & eum, qui deposuit, quamuis sine dolo deserit tenere corpore
 suo. Ideo autem hic tenetur, quia tenet nihilominus per
 eum, apud quem deposuit, vt supra dixi. Dolo desit tenere, qui aut
 suppressendi animo fecit, quo minus tabulas apud se haberet,
 aut cum sciret legatum, vel hereditate peti, ideo tabulas alii tradi-
 didit, ne ipse conueniretur. *l. 3. §. si quis dolo. ff. eod.* Et si autem ni-
 hil amplius additum sit in hoc interdicto, quam eum teneri, pe-
 nes quem tabulæ sunt: tamen sciendum est, non simpliciter eum
 teneri, sed hæc condicione dumtaxat, si aut neget penes se esse ta-
 bulas, quæ penes eum esse dicuntur; aut neget se exhibere oportere;
 quia forte aduersarii nihil inter sit, hoc Vlpiano in *l. 1. §. i. ff.
 eod.* Sed cū in interdicto non sit, vnde hoc est ab illo sumptum? Ex
 natura iudicij, quo agitur. Interdictum proponitur, proinde ac-
 tio, & actio, qua iudicio agitur, non est definitio actionis. *Inst. de
 act. in pr.* Nulla est autem hæc actio: proinde nullum interdictum
 aduersus eum, qui cõfiteretur, nec vlla defensione, aut exceptione
 vitur. Hoc n. est, quod dicitur, in confitentes nullas esse partes
 iudicandi. *l. proinde. in fin. ff. ad l. Aquil.* Quid igitur, si quis fateatur,
 penes se esse tabulas: an non exhibere cogetur? Imo multo magis,
 sed id alia parte edicti efficitur, non hoc interdicto, de quo in
 extremo dicemus. Datur † hoc interdictum illi: sic enim verba
 sunt interdicti: Illi exhibeas, illi, hæc accipe petenti, & interdicto hoc

agenti. Quid ergo, an omni petenti hoc interdictum competit?
 Et placet non competere, sed ei tantum, qui testamento, siue his
 tabulis, de quibus agitur, quid adscriptum habet. *l. 3. §. solent. ff. eo.*
 Rursum hic quæro; cum hæc verba interdicti ad omnem peten-
 tem referantur, cur de eo, quem supra dixi, interdictum tantum
 interpretetur præter vim & significationem verborum. Sum-
 ptum hoc est ex vi & potestate huius interdicti, ac proinde ex
 sententia. Intelligendum est enim condemnationem ex hoc in-
 terdicto esse in id, quod actoris interest. *l. 3. §. condemnatio. ff. eod.*
 Quod si ita est, inutile est hoc interdictum ei, cuius nihil interest.
 Porro tabulas exhiberi, eius tantum interest, qui quid testamen-
 to adscriptum habet. Quare huic solum interdictum vtiliter com-
 petit. Qui testamento aliquid adscriptum habent, duo sunt: he-
 res, & is, cui quid legatum, aut fidelicommissum est. Sic fit, vt so-
 lis legatariis & heredibus hoc interdictum competat. Vtriusque
 competere certum est: ex *d. §. condemnatio.* Veruntamen de here-
 dibus non nihil dubitari potest, propterea quod in *l. 3. §. si ipse. ff. eo.*
 scriptum est, omnes, qui corpora tabularum sua esse dicunt, ad
 actionem ad exhibendum remittendos esse, neq; hoc interdi-
 ctum habere. Atqui corpus testamenti est heredis, de quo sic ha-
 bendum est. Non semper corpus testamenti est heredis, fieri n.
 potest, vt heres nondum hereditate adierit. Fieri potest, vt adie-
 rit, sed solus non sit heres, vt proinde nec testamentum sit eius so-
 lus. Quibus casibus nemo dubitabit, quin illi interdictum *de ta-
 bulis exhibendis* competat, nec quidquam obstat superior locus,
 Quod si solus erit heres, & hereditatem adierit; vt corpus testa-
 menti eius est: ita sine dubio ad exhibendum agere potest *de ta-
 bulis exhibendis*, vt diserte scriptum est in *l. 3. ff. quem test. ap.* Sed ni-
 hilominus & de tabulis exhibendis interdicto potest experiri,
 vt constat ex *d. leg. 3. §. condemnatio.* Neque obstat, quod supra dixi
 ex *d. §. si ipse.* eos, qui corpora tabularum sua esse dicunt, hoc in-
 terdictum non habere. Nam cum heres hoc interdicto agit, non
 agit de testamento tanquam suo, seu eo, quod suum esse contem-
 dit, sed tanquam de eo, in quo aliquid adscriptum habet, quæ huius
 interdicti intentio est.

Vtrumque est, semper hoc manet, nisi quis legatarius sit, aut
 heres, e hoc interdictum non dari. Hinc pendet † rescriptum hu-
 ius tituli, cuius hæc est sententia: eos qui se pupillis à patre sub-
 stitutos esse dicunt, de tabulis, quibus substituti sunt, exhibendis
 posse hoc interdicto experiri aduersus omnes, penes quos sunt
 illæ tabulæ, si modo hæc quatuor concurrant: si ii, quibus acto-
 res substituti sunt, fuerint filii testatoris, à quo substituti sunt; si
 impuberes; si in potestate patris fuerint; postremo si decesserint.
 Quæ ideo exiguntur; quia ex substitutione pupillari, qualis hic
 obredebatur, substituti non sunt heredes, seu quod idem est,
 substitutio nullius momenti est, nisi superiora illa quatuor concu-
 rrant, vt describitur hæc substitutio. *Inst. de sub. pupil. in pr.* Pro-
 inde cū substituti hæc quatuor dicere debeant, vt qui aliter non
 sint heredes defunctorum pupillarum ex substitutione dubita-
 ri non debet, quod ab interpretibus quaritur, quin eadem qua-
 tuor debeant probare, si ab aduersario negentur, iuxta regulas
 iuris, quibus efficitur, & dicenti incumbere probationem: & a-
 ctore non probante reum absolui. *l. 2. ff. de prob. h. qui accusare. sup. de
 eden.* His autem probatis, non agent tantum substituti de tabulis
 pupillaribus, exhibendis, id est, de ea parte testam. et, in qua sub-
 stituti sunt filiis impuberibus, sed agent de toto testamento pa-
 tris: propterea quod non exhibentur tabulæ pupillares, nisi totum
 testamentum patris exhibeatur, cum sint pars & sequela testa-
 menti patris, ac sine eo nullæ sint. §. *igitur. §. liberis. Inst. de pupil. sub.*

Sed † hoc admisso, hoc interdictum nõ nisi heredibus, aut le-
 gataris cõpetere, & iis, qui se tales esse probent: incidit hoc in-
 terdictum in eam difficultatem, vt iam plane videtur esse inutile.
 Nam qui se heredem dicit institutum, aut sibi legatum relictum
 esse, is aut tabulas testamenti habet, aut non habet. Si habet, hoc
 interdictum illi non datur, cum tabulæ sint penes eum, non pe-
 nes aduersarium. Si non habet, non potest probare, sibi quid tes-
 tamento esse relictum: sine quo hoc interdictum non vincit. Ideo
 autem non videtur probare posse; quia traditum est de iis con-
 trouerfiis, quæ ex testamento nascuntur, inquiri veritatem non
 posse, nisi inspectis & cognitis verbis testam. et, *l. 1. ff. quem test. ap.*
 Sed hic non hærebimus. Nam & sine testamento, quod penes se
 actor nõ habet, probare potest de iis, quæ testamento scripta sunt;
 puta, si qui forte testes testamentum prius legerint, aut si apud
 eos testatore iubente testamentum sit recitatum, quibus testib.
 actor vtetur. Nec obstat, quod dicitur, non inspectis verbis testamen-
 ti, non

ei, non posse inquiri veritatem de iis controuersis, qua nascuntur ex testamento. Nam quaestio huius interdicti, non ex testamento est, ubi nihil ex testamento petitur, sed de testamento, id est, corpore testamenti.

10 Datur ꝑ hoc interdictum huius rei gratia, vt tabulae exhibeantur, seu vt fiat videndarum tabularum copia, l. 3. §. hoc interdictum, ff. eod. Exhibicio tabularum huc spectat, vt confirmetur recognitis signis testium. Vnde hanc exhibitionem non apud iudicem huius interdicti, si forte is iudex erit priuatus, sed apud praetorem, fieri oportet; vt scilicet eius auctoritate conuocentur testes testamentarii recognoscendorum signorum suorum causis; qui si vocati non adsint, coerebuntur. Haec in d. l. 3. §. hoc interdictum, ff. eod. Coercentur autem testes aut pignoris captis, aut multa indicta, quae sunt magistratum remedia ad cogendos eos, qui sponte non parent, vt indicatur in l. 1. §. ex hoc rescripto, ff. de inspic. vent. Ad hunc locum pertinet l. 4. §. seqq. ff. quem test. ap.

11 Haec ꝑ petitione constituta, vt tabulae exhibeantur, hoc vnum officium iudicis esse videri poterit in hoc interdicto, vt condemnet aduersarium, vt tabulas exhibeat, quo facto iudex esse desinat, ꝑ preterea quod sententiam petitioni conuenientem esse oportet, l. vlt. C. de fideicom. liber. Sed ne hic erremus, monendi sumus, ex hoc interdicto aduersus eum, qui non exhibet, condemnationem esse in id, quod actoris interest, l. 3. §. condemnatio, ff. eo. Neque haec inter se contraria sunt. Nam in hoc interdicto vtrumque facit iudex. Primum iubet reum tabulas exhibere, vt in reiecti verba declarant, illi exhibeas: & ad exhibitionem dat tempus pro distantia locorum, arg. l. 2. §. pen. ff. quem test. aper. Haec sententia non est, sed iussus iudicis tantum, quod arbitrium a nostris auctoribus appellatur. Nam si sententia esset, statim post hanc sententiam iudex esse desineret, qui iussit exhibere, l. iudex posteaquam, ff. de rei iud. Si reus intra tempus praestitutum non exhibet, hic sequitur illa condemnatio, qua supra dixi. Hoc si interdicto olim expressum fuit, bene est. Si non fuit, tamen hoc a veteribus recte dictum est ex certa natura & potestate huius iudicii. Sciendum est enim, omnia iudicia ad exhibendum, aut restituendum comparata esse arbitraria, vt indicatur in §. praeterea quasdam, Instit. de act. Arbitraria sunt, quia ex arbitrio iudicis pendet, vt ibidem traditur, id est, in quibus prius arbitratur, id est, iubet iudex restitui, aut exhiberi id, de quo quaeritur, quod si arbitrio non pareatur, tunc sequitur, quae hinc pendet, condemnatio iudicij propria. Condemnatio autem in id, quod actoris interest, quod aduersus eum, qui dolo non restituit, aestimatur, quanti in litem ab actore iuratum est: aduersus eum autem, qui non restituit culpa, quanti vere res est. Haec regula posita est in l. qui restituit, ff. de rei vind. de vindicatione quidem potissimum, de qua illic agitur: sed tamen ita, vt definitur in extremo, hanc sententiam ad omnes actiones & omnia interdicta pertinere, in quibus arbitrio iudicis quid restituitur. Si in restitutorijs iudicijs hoc ius est; quia iudicis arbitrio non pareatur: hoc idem & in exhibitorijs seruari oportet; quoniam ambo pariter sunt arbitraria, id est, ex arbitrio iudicis pendencia pariter, d. §. praeterea, Instit. de act. Vnde & in actionibus ad exhibendum similiter in litem iuratur aduersus eum, qui iussus non exhibet, l. in actionibus, ff. de in lit. iur. Hinc intelligi poterit, quomodo interpretandum sit, quod de condemnatione huius iudicij scribitur in d. l. 3. §. condemnatio. Cetera huc pertinentia ex eo §. recte petentur.

12 His ꝑ expositis de vi & natura huius interdicti, quaesitum est, quid opus fuerit hoc interdicto, cum videatur alijs actionibus & alijs partibus iuris in hanc exhibitionem satis consultum fuisse. Nam primum actio ad exhibendum generalis est de omnibus rebus proposita, quas exhiberi volumus, & omnibus proposita quorum interest rem exhiberi, l. 3. §. sciendum, ff. ad exhib. Deinde si specialis actio desideratur de tabulis testamenti exhibendis, de ea cautum est ea parte edicti, qua edicit praetor, quemadmodum testamenta aperiuntur: ubi pollicetur omnibus desiderantibus, se iussurum, vt his tabulae exhibeantur, l. 1. ff. quem test. ap. Sed neutra harum actionum ad eam speciem, de qua hoc interdicto agitur, pertinet. Idcirco de ea specie aut nullam actionem esse oportuit, aut constitui nouam in hoc interdicto. Nam primum actio ad exhibendum solis his datur, qui corpora sua esse dicunt, aut ad ius suum pertinentia: puta bona fide a se possessa, sibi pignori obligata, se in his vsum fructum habere, aut saltem sibi spem esse ea aliquando sua fieri posse, vt patet ex l. 3. §. si ipse, ff. hoc tit. item ex l. 3. §. est autem, & §. interdictum, ff. ad exhib. Porro qui ex hoc interdicto desiderat tabulas exhiberi, neque tabularum

dominus est, neque dicit tabulas ad ius suum pertinere, vt exhibitio vindicet. Datur enim interdictum legatariis: datur hereditibus nondum adita hereditate, datur hereditibus ex parte institutis. Quare in hanc causam actio ad exhibendum esse non potuit. Quod autem attinet ad eam partem, qua cauet praetor, quemadmodum testamenta aperiuntur: sane illic edicit se exhibitionem tabularum concessurum: sed longe alia conditione, & aduersus alios, & longe dissimili effectu, quam in hoc interdicto. Nam illa parte cogit exhibere eum, qui non negat apud se esse tabulas. Ipse cogit tanquam magistratus, non tanquam iudex. Ideo & cogit longe aliter, quam iudex ex hoc interdicto. Nam eum, qui non negat tabulas apud se esse, omnimodo compellit exhibere, vt scribitur in l. 2. §. vlt. ff. quem test. ap. Omnimodo sic interpretandum est, vt eum, qui non exhibet, non condemnet in id, quod actoris interest; quoniam hic iudicis officio non fungitur: sed vt vi extorqueat ab inuito exhibitionem, vel tabulas illi auferendo, si habet praemanibus, vel multa indicta, quae sunt remedia magistratus, l. 1. §. 1. ff. de inspic. ven. Ex hoc autem interdicto tantum agitur aduersus inficiantem, aut eum, qui dicit se exhibere non oportere. Iudex cogit tanquam iudex, non tanquam magistratus. Cogendi ratio est in condemnatione, ex quo discrimen vtriusque remedii manifestum est. Sed cur praetor non eodem modo se gerit aduersus inficiantem? quia aduersus inficiantem iudicio opus est, vt conuincatur, l. negantes, supr. de obl. & actio. Iudicio autem & iudice constituto, nihil relinquatur, nisi sententia iudicis, quae aut in absolendo est, aut in condemnando, l. 1. ff. de rei iud. Accursum confitemem nullo iudicio est opus. Idem tantum a magistratu vt magistratu, non vt iudice cogitur, l. si debitori, ff. de iud.

AD TIT. VIII. COD. DE LIBERIS EXHIBENDIS, SEV DEDUCEN- DIS, & DE LIBERO HOMINE EX- HIBENDO.

S Y M M A R I A.

- 1 De liberis hominibus qua interdicta. & num. 5.
- 2 Interdictum de libero homine exhibendo, aduersus quem, & quibus.
- 3 Si quis hoc interdicto iussus non exhibet, condemnationem esse, quanti actor iurauerit sua inter se, vel ex affectu.
- 4 De liberis exhibendis interdictum cui, & aduersus quem datur, & quid distet ab interdicto de libero homine exhibendo. Exhibere hominem, aut liberum esse extra secretum habere. ibid.
- 5 De vxore exhibenda interdictum peculiare proditum marito: & id quale. L. vlt. C. hoc tit. explicatur. ibid.
- 6 De liberis hominibus ducendis interdicta proposita a duo: patri de filio, quem in potestate habet: marito de vxore: aduersus quem, & quid sit ducere.
- 7 Aduersus filium negantem se esse in potestate non competere hoc interdictum, si de potestate solum sit controuersia: sed solum notionem praetoris: & cur virumque.
- 8 Notio praetoris, quid.
- 9 L. 1. §. 1. ff. de rei vind. explicatur.

DE liberis hominibus ꝑ duo sunt genera interdictorum. Vnum, vt liberi homines exhibeantur, qui detinentur ab alijs. Alterum, vt eos ducere, seu abducere liceat, qui ad ius nostrum, siue potestatem pertinent, vt domi nostrae haberi possint. Prioris generis duo sunt interdicta. Vnum de libero quouis homine exhibendo. Alterum de liberis, id est, de filiis nostris exhibendis. Prius ꝑ interdictum competit aduersus eum, qui liberum hominem retinet, sed hac conditione, si retineat dolo malo, vt sunt verba interdicti in leg. 1. ff. de liber. exhib. Is dolo malo retinere intelligitur, qui sciens liberum hominem esse, quem retinet, inultum retinet, & sine causa. siue autem seruum putet, siue retineat volentem, siue inuitum quidem, sed iustam causam habeat retinendi, hoc interdicto non tenetur. Haec definitio est, quae multis verbis explicatur ab Vlpiano in leg. 3. §. haec verba. & deinceps vsque ad §. ait praetor, ff. de liber. homin. exhib. Datur autem omnibus liberum hominem exhiberi desiderantibus, humanitatis & libertatis alienae tuendae causa; nisi suspecta persona sit, quae

quæ desiderat. Hoc idem quale sit, pluribus explicatur in d. leg. 3. §. hoc autem interdictum, de liber. homin. exhib. Sed ¶ non immerito hic quæretur, si homo liber exhibeatur iussu iudicis, quæ hic possit esse condemnatio, cum non sit condemnatio, nisi in id, quod actoris interest, quid autem actoris interesse potest, si extraneis personis hoc interdictum datur? Et erit condemnatio in id, quod actoris interest, non quod ex veritate æstimeretur, sed iurando actoris, ut iuret, quanti sua interesse putet etiam ex affectu, aut quanti iniuriam illam æstimet quasi ad se pertinere. Sic enim illis æstimator in actionibus ad exhibendum, aduersus eum, qui exhibere iussus, dolo, aut contumacia non exhibet, l. 2. §. 1. in actionibus D. de in lit. iur.

4 De liberis ¶ exhibendis interdictum eodem pertinet, quo superius, nempe ut liberi nostri nobis exhibeantur. quo verbo in utroque interdicto significatur, vt extra secretum habeantur, l. 3. §. ait prator. D. eo. de lib. hom. exhib. Sed præterquam, quod de liberis nostris, qui in potestate nostra sunt, hoc interdicto agitur, distat etiam hoc interdictum à superiore duabus hisce in rebus. Primum nõ cuius desiderari datur, vt superius, sed patri duxata, qui filium in potestate habet. d. l. 1. D. de lib. exhib. Idque hoc hæc causam, quod interdictum hoc datur patri, vt filium exhibitum ducere liceat, l. 3. §. 3. ff. de lib. exhib. Nulli autem ducendi ius est, nisi patri, qui filium habet in potestate. Deinde datur hoc interdictum, non vt superius, aduersus eum, qui dolo malo filium retinet, & nullam retinendi causam habet, sed aduersus omnem, qui filium apud se habet, siue causam retinendi habeat, siue nullam. Hoc potestati patris tributum, l. 1. §. in hoc interdicto. D. de lib. exhib. Sunt tamen, qui hoc interdicto non tenentur, vt mater interdum, l. 3. §. pen. D. de lib. exhib. vt maritus conuentus de vxore sua exhibenda. l. 1. §. vlt. l. 2. D. eo. Interdum etiam obstat patri rei iudicatæ exceptio, si iudicata sit, filium non esse in eius potestate, d. l. 1. §. pen. De hoc interdicto accipienda est l. 2. b. 1. Licet ¶ in hoc genere adicere tertium interdictum, de vxore exhibenda, quod marito datur aduersus omnem, qui vxorem eius retinet, etiam aduersus patrem vxoris, de quo in l. 2. D. de lib. exhib. Ac de hoc interdicto accipienda est l. vlt. h. r. in qua scriptum est, si de exhibenda filia Philippi patris agatur, etiam eum ipsam conueniri posse. Non adicitur, à quo, aut quo interdicto. Sed ex iis, quæ supra dixi, facile est intellectum. Nam cum ipse pater conueniatur, perspicuum est hic non agi interdicto de liberis exhibendis, quo pater agit, non autem conuenitur. Sed nec quemlibet actorem intelligemus, qui de hac filia exhibenda experiatur interdicto de libero homine exhibendo. Nam hoc edictum aduersus patrem non competit. l. 3. §. si tamen. ff. de lib. homin. exhib. Restat igitur, vt soli marito hic interdictum detur, quo desideret vxorem suam à focero sibi exhiberi, iuxta d. l. 2. ff. de lib. exhib.

6 De liberis ¶ hominibus ducendis duo interdicta sunt, quorum vnum propositum est patri de filio ducendo, quem in potestate habet, l. 3. in princ. ff. de lib. exhib. alterum marito de vxore ducenda, vt constat ex d. l. 2. de quo eadem dicenda sunt mutatis personis, quæ de interdicto de liberis ducendis dicemus. Datur autem interdictum de liberis ducendis, vt filium ducere liceat, id est, secum domum abducere, vt ibi habeat, aut vbi velit, & ea mandata, quæ velit, exigat pro imperio & potestate patris. Datur aduersus eum, qui filium retinet quouis modo, vt illud de liberis exhibendis, sed ita, si inuitum apud se habeat. Nam si volentem, magis filius apud se esse intelligitur, quam apud eum, cum quo agitur. l. vlt. ff. eo. Aduersus autem filium ipsum, qui negat se esse in potestate patris, interdum hoc interdictum datur: sed hac conditione solum, si is, quasi sui iuris esset, hereditatem adierit, aut quid aliud acquisierit, quod pater tanquam à filiofamilias quæsitum suum esse dicat, filius autem neget se esse in potestate patris, l. penultim. ff. de lib. exhib. Ad quam speciem referri debet l. i. h. r.

7 Ceterum ¶ si solum de potestate erit controuersia inter patrem & filium ipsum, hoc interdicto aduersus filium nõ agitur, sed succedit notio prætoris, vt est, in l. 3. §. hoc autem interdictum ff. de lib. exhib. Sed cur aduersus filium ipsum hoc interdictum non datur, cum is non minus suæ potestatis controuersiam faciat, quam extraneus quiuvis? Quia in omni actione, qua de re aliqua agitur, oportet rem distinctam esse ab eo, aduersus quem agitur. Est enim omnis actio de re aliqua aduersus aliquem, §. 1. Instit. de act. l. actionum ff. de obl. & act. At si aduersus filium, qui controuersiam suæ potestatis faciat, agitur, idem erit & is, cum quo agitur, & res, de qua agitur, neque quæ petitur ad deductionem. Quapropter in hanc speciem actio non cadit.

Et tamen ¶ quia filius impune controuersiam suæ potestatis facere non debet, in hac re imploratur officium prætoris, seu magistratus, qui ipse hac de re cognoscat & iudicabit. Hæc est illa, quæ hic notio prætoris appellatur. Sed cur hic magis notio prætoris dicitur, quam in interdicto, aut in actione alia? Non quod prætor in aliis actionibus cognoscere non potuerit, aut iudicare: nam qui ipse alium iudicem dare potest, & ipse iudicandi ius habet, de qua re alias. Sed quia ita cognoscere potuit prætor in ceteris actionibus, vt tamen non haberet necesse, sed iudicem dare posset. Et vero ita in more positum erat Romanis, vt prætor iudicem dare solet, & iudicium. At hic, vbi notio prætoris appellatur, sic ipse cognoscere potuit, vt etiam debuerit, nec potuerit alium huius rei iudicem dare. Vnde notio prætoris per excellentiam dicta, vt fit prætoris solius, non alterius cuiusquam, quem prætor iudicem dederit.

Ex his iam intelligitur, de iis liberis, seu filiis, qui in potestate patris non sunt, aut filii eius negantur, neque interdicta esse, neque cognitionem prætoriam, sed de his, si quid ab his, tanquam filiis exigamus, præiudicium redditur. Ex ¶ quo rursum intelligi potest, quæ sit sententia Vlpiani in leg. 1. §. 1. ff. de rei vind. vbi ita scribit: *Liberi nostri per hanc actionem non petuntur, sed petuntur aut præiudicium, aut interdictum, aut cognitione prætoris.* Præiudicium petuntur, qui se filios nostros negant. Hoc enim cum sit, redditur aduersus eos præiudicium, id est, præiudicialis actio; similia illi, quæ dicitur de partu cognoscendo in §. præiudiciales. Instit. de act. Est enim actio, qua id agitur, vt filius noster esse agnoscat, siue actio, in qua quæritur, an quis filius noster sit, necne. Quæ ideo præiudicium vocatur; quia cum quis filius noster esse iudicatus est, hoc iudicio vna eademque opera de aliis omnibus controuersis, quæ ex hac causa pendent, iudicium factum iam ante videtur. Hæc autem inde pendent, vt filius noster nobis honorem exhibeat, obsequium præster, nullam actionem, quæ turpitudinis significationem habet, aduersus nos instituat, nos egentes alar, l. 2. l. licet. & seqq. ff. de obseq. paren. & par. præst. leg. si quis à liberis. §. si vel parens. ff. de agnos. libr. Petuntur liberi interdictis ii, qui sunt in potestate nostra, si ab alio retineantur. Interdictis dicimus; quia sunt plura. Vnum de liberis exhibendis: alterum de liberis ducendis, re inter se, vt apparet maxime distincta. Quod si filius se ipse in potestate nostra esse negabit, neque ab alio detinebitur, hic notio prætoris locum habet, quam in superiore loco Vlpianus cognitionem prætoriam appellat.

AD TIT. IX. DE PRECARIO, ET SAL. INTERDICTO.

Ad L. 1.

Imper. Gordianus Aristoni.

Si se non remittente pignus, debitor tuus ea, qua tibi obnoxia sunt, venundedis integrum tibi ius est persequi, non interdicto Saluiano (id enim tantummodo aduersus conductorem, debitorem competit) sed Seruiana actione, vel qua ad exemplum eius instituitur, utilis aduersus emptorem exercenda est. PP. 6. Idus Septem. Pio & Pontiano Coss. 239.

S Y M M A R I A.

- 1 Saluiani interdicti summa.
- 2 De rebus coloni competere interdictum Saluianum: si adhuc coloni sunt, directum: si alienata sunt, vtile.
- 3 Saluianum ad res obligatas alterius debitoris, quam coloni non pertinere.
- 4 Saluianum competere non de omnibus rebus obligatis coloni, sed de inuectis & illatis in fundum.
L. 1. D. de Sal. interd. exposita.
- 5 Saluianum domino competere aduersus quemuis possessorem de rebus coloni inuectis.
- 6 Lectio l. 1. C. de Sal. int. emendata.
- 7 Quorsum interdictum Saluianum, cum de iisdem rebus competat actio Seruiana in rem.

HOc rescriptum de Saluiano interdicto est, ꝑ cuius interdicti hæc est summa. Propositum fuit Saluianum interdictum de rebus coloni in fundum conductum inuectis & illatis, quas colonus domino fundi pignori futuras pepigit, propositum de his rebus domino fundi aduersus quemuis earum rerum possessorem. Hæc partim posita sunt in §. interdictum quoque. *Institur. de interd.* partim à Theophilo ibidem & suis locis alibi confirmantur, vt indicabimus. Est ꝑ hoc interdictum de rebus coloni. Proinde si ex inuectis & illatis rebus quid vendiderit & alienarit colonus, de eo hoc interdictum non competet secundum verba; quia res coloni esse desierint. Hinc dubitatio huius leg. 1. Et conuenienter iis, quæ diximus, responderetur, de rebus ita alienatis hoc interdictum non competere. Sed de directo hoc dictum interpretandum est, ceterum vtile dabitur leg. 1. in princip. ff. eodem. Neque enim colonus pignus alienando potuit conditionem creditoris facere deteriore, *l. debitorum, infr. de pign.* Coloni dicimus, vt intelligatur ꝑ de rebus alterius debitoris, quam coloni, & conductoris hoc interdictum non dari, quantumuis creditori pignori obligatæ sint. Quapropter quod in hac l. 1. scriptum est, hoc interdictum aduersus conductorem, debitorum competere, oratio disiunctiua est, quæ pro coniuncta accipi debet, vt sit sensus: aduersus conductorem, qui & idem debitor sit; quoniam si debitor esse desisset, pignus solutum esset. Id autem facimus ex vsu iuris recepto. vbi sententia ita exigentis modo coniuncta pro disiuncta, modo disiuncta pro coniuncta accipimus, *l. saepe. ff. de verbor. signif.* Est ꝑ de inuectis & illatis: Quod prætermisum apud Iulianum recte positum est à Theophilo: & satis colligitur ex *l. 1. in princip. ff. eodem.* Ait enim Iulianus, si ancilla à colono inducta sit in fundum conductum, deinde prægnans vendita apud emptorem pepererit, de hoc partu interdictum vtile competere, significans non competere directum. Quod non alia ratione dici potuit, quam quod hoc interdictum sit de illatis & inuectis in fundum: hic autem partus reuera non fuerit in fundum inuectus, aut illatus. Cur ergo vtile etiam de hoc partu datur? Quia si ancilla prægnans inducta fuit, quodammodo pro eam etiam inductum videri potest; quod vtero eius continebatur. Et ideo bene monent, qui de hoc partu interdictum dant, si ancilla saltem apud colonum conceperit ex *l. si conuenierit, §. si fundus, ff. de pign. act.* Hoc ꝑ interdictum domino fundi datur, cui scilicet res pignori obligatæ sunt. Datur autem non aduersus conductorem tantum, sed aduersus quemuis possessorem, quod positum à Theophilo aperte probatur in *l. 1. §. 1. ff. eodem.* vbi Iulianus nominatim dat hoc interdictum aduersus extraneos, neque addit interdictum vtile. Vnde intelligimus & illum directum dare. Nam si vtile intelligeret in hac specie, adiecisset, quemadmodum prius fecerat in ea specie, de qua proxime responderat. Tum autem, si hoc interdictum aduersus conductorem tantum daretur, esset plane inuile, cum aduersus conductorem abunde sufficiat pignoratitia actio contraria de quauis re pignori data, quantumuis aliena, *l. 1. in fin. l. si rem in princ. ff. de pign. act.* Et tamen in hac l. 1. scriptum est, hoc interdictum tantummodo aduersus conductorem, debitoremue competere. Ego ꝑ puto recte dici posse locum esse corruptum, & ita legendum esse, *aduersus conductoris rem, debitorisue competere.* Nam si aduersus conductorem tantum competeret, non debuisset hoc responderi de re coloni vendita, sed de re quauis coloni, quæ etiam nunc coloni esset, quæ ab extraneo possideretur. Nunc autem in hoc rescripto quæstio mouebatur de re à colono alienata. Et quod dicitur, Saluianum interdictum aduersus rem conductoris dari, non debet inusitatum videri. Nam in actionibus in rem dicuntur res conueniri, non personæ, *l. Imperatores. ff. de public.* Si quis lectionem vulgarem retinere vult, licebit de sententia recepta ita dicere, vt fateamur ex hoc loco interdictum Saluianum aduersus conductorem tantum dari, nempe directum: aduersus ceteros dari etiam illud quidem vt est in *l. 1. ff. eodem.* sed vtile, tamen si nihil illic adiciatur. Sed hoc, vt dixi, nimis durum est, vt sunt ea, quæ supra probaui.

Quæstio est ꝑ quid de supra scriptis rebus opus fuerit introducere hoc interdictum, cum sit in promptu actio Seruiana in rem, idque sine villa dubitatione, *§. item Seruiana, Institur. de ad. & l. 1. in fin.* Recte hoc expediunt vulgo hoc modo. Constat in hypothecaria actione de pignore creditorem probate debere rem, quam persequitur, fuisse in bonis debitoris, cum pignori obligabatur, *l. & quæ nondum, §. quod dicitur, ff. de pign.* Ex quo conlicere possumus, in hoc interdicto, in quo de possessione tā-

tum momentaria agitur, non necesse esse creditori idem probare, sed hoc solum res in fundum inuectas & illatas tanquam coloni essent.

Ad L. Vltim.

Impm. Diocletian. & Maximian. AA. & CC. Fabricio.

Habitantis precario heredes ad restituendum habitaculum teneri, contra eos interdicto proposito, manifeste declaratur. S. K. Decemb. Sirmi. AA. Coss.

S V M M A R I A.

- 1 Precarium quid, & quid distet à commodato.
- 2 Interdictum cur necessarium visum de precario.
- 3 Interdicto de precario solum teneri, qui acceptum habet, aus desistit dolo malo habere, in eo culpam non præstari.
- 4 Etiam de precario esse actionem præscriptis verbis, ex contractu. Vnde contractus intelligatur, & cur cum hac esset, comparatum sit interdictum.

HOc rescriptum est de precario. Precarium ꝑ est, quod precibus roganti vtendum datum est, nullo certo vtendi constituto, neque sine, neque modo. Prius positum est in *l. 1. ff. eod.* Posterius additum est propter commodatum. Nam & commodatum est, quod vtendum datum est roganti, idque precarium cum commodato commune habet, *dict. l. 1. in fin.* Sed hoc distat alterum ab altero, quod commodatum tunc est, cum quid vtendum datur certo vtendi sine, aut modo præstitum. Exempli gratia: dedi tibi equum meum ad certum vsque locum: dedi bouem, vt ruri opus tibi faceret in duos dies: dedi tignum vtendum ad fulciendam insulam. In his omnibus commodatum est, *l. in commodato, §. sicut. ff. com.* Hæc omnia si dedi tibi roganti vtenda simpliciter, precarium est. Hac de causa commodatum, quamuis beneficii sit: tamen intempestiue repetere non licet, *d. l. in commodato, §. sicut.* Contra precarium licet repetere quandoeunque libet; quia scilicet nulla lex vsui dicta est, *l. 1. ff. eod.*

Hinc ꝑ necessaria visa noua actio de precario. quam ad rem ꝑ propositum est hoc interdictum. Propositum autem ei, qui precarium dedit aduersus eum, qui accepit, vt restituatur. Exstat in *l. 2. in princ. ff. eo. rit.* Sed obseruandum ꝑ est hoc ita dari aduersus eum, qui accepit, si is precarium habet apud se, aut dolo fecerit, quo minus haberet, quod interdicto expressum est. Ex quo intelligimus, eum, qui precarium accepit, si precarium amiserit, non teneri, siue casu amiserit, siue culpa sua, *l. quæsitum, §. eum quoque, ff. eod.* Quod eo magis notandum est; quia videtur contra regulas contractuum esse constitutum, quibus efficitur, vt cum accipientis tantum utilitas versatur, vt in commodato, qui accipit, non tantum dolum, sed etiam omnem culpam suam præstet, *l. si vt certo, §. nunc videndum, ff. com.* Sed vt aliter receptum sit in precario, ratio exposita est in *d. l. quæsitum, §. eum.* Non tantum autem hoc interdictum datur aduersus eum, qui precario accepit, sed etiam aduersus heredes eius, vt declaratur in *d. l. quæsitum, §. vlt.* Id vero est, quod hoc rescripto continetur. De precario commodari actio non datur, quia iam ostendimus precarium commodatum non esse. Sed ꝑ nihilominus & de precario actio præscriptis verbis datur, *l. 2. §. 1. ff. eod.* nempe ex contractu & conuentione. Nam præscriptis verbis actionem ex contractibus iis esse constat, quorum appellationes nullæ prodire sunt iure ciuili. *l. 3. ff. de præscr. ver.* Talis autem conuentio & contractus in precario dando inest. Nam qui dat vtendum, ita dat, vt declaret se dominium non transferre. Itaque hac lege dat, vt cū is, qui accipit, vsus erit, reddat, vsus autem finis sit, curā danti videbitur; quia & dominus manet, & æquum est vnumquemque tam diu liberalitate nostra vti, quam diu velimus quæ ratio redditur & in *l. 1. & in l. 2. ff. eod.* Cur igitur hoc interdictum datum est, cum illa actio sufficeret? Quia hæc conuentio in hoc contractu non exprimitur: vt dubitari poterit, num inesset, ac propterea num præscriptis verbis actio dari deberet. Ideo in hac incertitudine interdictum initio propositum est. postea cōuenit actio-

actionem præscriptis verbis esse, quasi eodem modo negotium geratur, vt in commodato, nempe hoc, do tibi vtendum, vt reddas.

AD TITVLVM XIV. COD. DE
PIGNORIBVS ET HYPOTHECIS.

S Y M M A R I A.

- 1 Collocatio huius tractatus.
- 2 Pignus & hypotheca qui l. & vnde hac dicta.
- 3 Pignus quomodo constituitur.
- 4 Pignori constituti vis in cautione: cautio quibus in rebus consistat.

Quod de ¶ pignoribus & hypothecis hoc loco tractatum est, factum ratione non caret. Apparet enim ex sequentibus titulis in hoc libro tractatum esse de iis in vniuersum, quæ ad obligationes omnes pertinent. Nam & de stipulatione expresso hic actum est, & sub hac specie de obligationibus omnibus, quæ solum in stipulationem deduci; actum præterea de omnium obligationum solutionibus & liberationibus. Consentaneum erat, vt & eodem libro de iis ageretur, quæ ad confirmandam quamque obligationem pertinerent, id est, de obligationum accessio- nibus: quod & factum est. Nam cum obligationum omnium firmandarum causa duæ accessiones essent, fideiussores, & pignora: vtriusque generis tractatio in hunc librum esse collata, agitur enim & postea de fideiussoribus. Sed prius hoc loco, & quidem ab initio de pignoribus; quoniam in his plus est cautionis. Subiiciunt enim pignora rem creditori. Plus autem cautionis in rem, quam in personam, l. plus cautionis. D. de reg. iur. Idcirco & de his recte actum priore loco, vt de accessione firmitore. Alia in parte in Pandectis hoc argumentum collocatum est, nempe post tractationem de contractibus in parte 4. D. gestorum. Sed nihil refert, vturum post contractus & alias obligationes de pignoribus agatur, an ante, an in medio, dum hoc intelligatur, pignus omne obligationis præcedentis causa dari, vt eo nomine creditori cautum sit. §. vlt. in lit. quib. mod. re. cons. obl. Quid sit pignus, & hypotheca, quid verbo, quid re in vi iuris alterum ab altero differat, scripsimus olim in methodo huius argumenti. Nunc ne quid desideretur, summam paucis complectar.

Et ¶ definiuntur hæc aliter, cum verbi significationem ex proprietate querimus, quæ est ex ea notatione, vnde & nomina ducta sunt: aliter, cum in his vim & effectum iuris spectamus, qui his verbis significatur. Proprietates & notatio verborum hæc est. Pignus dictum est à pugno, vt hoc verbo significetur res quidem pro debito obligata, sed ita, si tradatur creditori, & præsertim si sit mobilis. Nam hæc potissimum pugno capitur. hoc in l. plebs. §. pignus. D. de verb. sig. l. si rem. §. proprie. D. de pig. act. l. item Seruiana, in si. In lit. de act. Hypotheca autem verbum Græcum est, quod Latini retinuerunt, dictum ὑπόθεσις, id est, subiacere, & supponere, vt hoc verbo significetur res pignori supposita. vnde rem suppositam pignori pro obligata legimus in l. creditor. sup. de pig. act. & alibi innumeris locis. Obligatur autem res pignori nuda conuentione etiam citra traditionem. l. 4. D. eod. Proinde hoc nomine etiam ea res significatur, quæ sine traditione pignori obligatur. Sed cum ea, quæ traditur pignori, multo etiam magis accedente traditione obligetur, & subiiciatur obligationi, dubium non est, quin hypothecæ verbo res omnis significetur pro debito obligata, siue tradita sit creditori, siue non sit: vt appareat pignus ab hypotheca hoc differre, quod differt species à genere. Hypotheca genus est, rem omnem obligatam continens, siue quæ tradita est, siue quæ non est tradita. Pignus speciei nomen ad eam rem pertinens, quæ creditori pro debito opponitur, & traditur. Sed quod in aliis verbis generalibus accidit, idem accidit in verbo hypothecæ. Vt enim adoptionis verbum, quamuis generale; tamen docendi causa vsurpatur pro ea specie adoptionis, quæ sit per magistratum, leg. 1. D. de adopt. idemque sit in verbo cognationis. l. iurisconsultus. §. 1. D. de grad. & affin. in verbo actio- nis, l. pronuntiatio. §. vlt. D. de verb. signific. sic fit in verbo hypothecæ, vt cum pignori opponitur, intelligatur species altera pignori contraria, id est, res obligata, cuius possessio tradita non est creditori. Idque est, quod de proprietate horum verborum in hanc sententiam dicitur in dist. l. si rem. §. proprie. D. de pig. actio- nis. & in dist. §. item Seruiana. in fin. Sed hæc, inquam, ita sunt, cum

significationem verborum & notationem spectamus. Aliud dicemus, cum spectamus rem ipsam, id est, vim & effectum pignoris. Vis & effectus pignoris, seu hypothecæ hic est, vt res, quæ pignori opponitur, sit pignori obligata. Porro in iure, vt res pignori obligetur, nihil interest, vtrum tradatur, an non tradatur, dummodo conuenierit, vt sit pro debito obligata, dist. §. item Seruiana. Ita huius potestatis & effectus habita ratione inter pignus & hypothecam nihil interest. Nam si res tradita est, & proprie pignus est, & proprie hypotheca; quia semper genus dicitur de sua specie. Sin res tradita non est, hypotheca proprie dicitur, & effectus etiam dicitur pignus; quia iuris potestate pro tradita habetur; tam enim obligata est, quam si maxime esset tradita. Huc referri debet, quod de contrahendo pignore dicitur in l. in pr. D. de pig. actio. pignus contrahi non solum traditione, sed etiam nuda conuentione, etsi non traditum sit. De hac vi & effectus pignoris disterebat Martianus in l. 5. §. pen. D. eod. Est enim locus ad formulam hypothecariam, id est, ad actionem hypothecariam. Idcirco recte scripsit in eo tractatu inter pignus & hypothecam nihil nisi nominis sonum distare. Vt sit sententia, si qua differentia est, eam esse in verbis, & verborum significatione: in re, siue in effectu rei non esse; quia ad rem obligandam pro debito nihil interest, vtrum res tradatur, an non tradatur. Hoc constituto; quoniam de re querimus, nõ de verbis, pignus, seu hypothecam ita recte definiemus, vt sit res omnis pro debito obligata, quod colligitur ex l. 4. & l. 5. D. eod. Non dixi rem esse, de qua conuenit, vt esset pro debito obligata, quod factum est in §. item Seruiana. In lit. de act. Nam Iustinianus de specie pignoris id dixit, nepe de pignore conuentionali; quia ad demonstrandum, quod volebat, id sufficiebat, ceterum non sola conuentione pignus constituitur.

Dum effectum sit pignus rem esse pro debito obligatam, hoc querendum est, quomodo obligetur, vt sic intelligamus vere pignus esse, quod tanquam pignus persequi volumus.

Pignus ¶ omne aut iure ipso constituitur, aut alieno facto. Iure, cum in bonis debitoris lex creditori pignus tribuit. quod quibus in causis fiat, dicitur seq. tit. Alieno facto pignus constituitur, si is constituit, qui ius constituendi habet, & constituit, vt oportet. Constituendi ius habent duo: ex iis, qui rei domini non sunt, solus magistratus; ex dominis hi omnes, quibus rerum suarum alienatio non est interdicta. A magistratu constituitur id, quod prætorium appellamus. Quod quibus in causis magistratus constituitere possit, & quomodo constituitur, dicitur ad tit. de prat. pig. & tit. seq. inf. De hoc autem est in l. nõ est mirum. D. de pig. act. A domino pignus constituitur nuda voluntate, vt quisque; voluerit rem suam pignori esse creditori siue suo, siue alieno. Constituitur autem ista voluntate partim testamento, partim conuentione. Testamento recte constitui pignus discimus ex d. l. non est mirum. D. de pig. act. Conuentione autem præcipue constituitur. In qua hoc notandum est, nuda conuentione pignus contrahi citra traditionem, l. 4. D. eod. l. in pr. D. de pig. act. Rursum conuentione contrahitur dupliciter, partim conuentione tacita, partim expressa. Tacita, vt in uetis & illatis in prædium vt banum conductum, de qua specie cognoscemus proximo titulo. Expressa conuentione quæ sit, notum est.

Pignoris ¶ constituti hæc vis est, vt pignore pro debito cautum sit creditori, vt initio diximus. Hæc cautio tribus in rebus consistit. Primum vt rem penes se habere liceat creditori, & pignori incumbere. Quam ad rem obtinendam illi proposita est de pignore in rem actio aduersus omnem pignoris possessorem, l. pignoris. inf. h. t. Proximum est, vt dum rem penes se habebit, ea utatur fruatur, vt bono patrifamilias conuenit. Quod non tantum pro iure suo facere potest, sed etiam facere iubetur ex fide bona, vt & res colatur, & fructus percepti exonerent debitum, atque ita vtrique caueatur, & debitori, & creditori, l. 2. & l. 1. sup. de pig. act. quamquam hoc magis in obligatione personali quæ inter debitorem & creditorem intercedit, quam in iure pignoris numerandum est. Tertium est, vt si creditori videatur non esse expectandum diutius, sed suum consequi velit, liceat ei primo quoque tempore pignus distrahere, ex cuius pretio illi satisfiat. de quo sub tit. de distr. pig. inf.

Ad L. 1.

Imp. Severus & Anton. AA. Timotheo.

Debitor, qui pignoris proficitur se creditoribus edere nihil magis liberabitur. PP. V. Cal. Mart. Severo, A. II. & Albino. Coss. 195.

Debitor cessione pignoris inuito creditore liberari non potest. Ductum ex regulis iuris, quæ sunt de solutione & liberatione debitorum. Vnusquisque inuito creditore ita liberatur, qui soluat, quod debetur, quo pertinet illud, solutione eius, quod debetur, tolli omnem obligationem. *Inst. quib. mo. tol. obl. in pr. Ceterum neque minus, quam debetur, neque aliud pro alio inuito creditore solui potest, l. 2. §. 1. ff. si cert. pet.* Porro certum est, cum pignus pro debito deditur, vel minus solui, si pignus non tanti valeat, quantum debitum est, vel si tanti valeat, aut pluris; tamen aliud solui, quam debetur. Ex quo efficitur, ea cessione debitorum liberari non posse. Hoc cum in ceteris rebus, quæ solvantur, recte dicatur; tunc vero in pignore quod deditur, præcipue locum habet. Pugnat enim cum fine & natura pignoris, ut debitor ea cessione liberetur in necem creditoris. Iam enim dixi pignus dari, ut creditori magis caueatur, cui aduersatur, ut creditori noceat.

Ad L. 2. Quamuis.

Idem AA. Lucio.

Quamuis constat specialiter quædam & vniuersa bona generaliter aduersarium tuum pignori accepisse, & æquale ius in omnibus habere: iurisdictiono tamen temperanda est. Ideoque si certum est, posse eum ex his, quæ nominatim pignori obligata sunt, vniuersum redigere debitum: ea, quæ postea ex iisdem bonis pignori accepisti interim tibi non auferri præses prouincia inbeb. 1. PP. 2. Calen. Iul. Chilone & Libone Coss. 205.

S Y M M A R I A.

- 1 Bonis generaliter pignori obligatis quæ vis hypotheca ad prærogatiuam pignoris.
- 2 Specialiter quibusdam rebus pignori obligatis, deinde generaliter omnibus bonis, non perueniri ad alia bona aduersus posteriores creditores, quamdiu specialis hypotheca sufficit: & cur. & num. 4.
- 3 Species & sententia huius rescripti.
- 4 Iurisdictionem temperandam hic quid sit.

Qui generaliter bona debitoris pignori accepit, potior est eo, cui ex his bonis specialiter postea pignori data sunt, quæ ius ex ceteris pecuniis sibi debitam redigere possit: sententia est Papin. in l. 2. ff. qui pot. in pig. hab. Propone hoc modo: primo creditori bona debitoris generaliter obligata sunt. Secundo obligatus est fundus Tusculanus specialiter, qui fundus erat ex bonis debitoris. Dicimus ius esse primo creditori hunc ipsum fundum persequi aduersus secundum creditorem, nec illi quidquam obstare, si in reliquis bonis, quæ secundo non sunt obligata, satis sit, vnde primo satisfiat. Sententia vera, & regulis iuris conueniens. Nam quoties duobus, eadem res pignori obligata est diuersis temporibus, qui tempore prior est, potior est iure in pignore persequendo, l. 2. & l. 3. inf. qui pot. in pig. hab. Porro in proposito fundus Tusculanus secundo obligatus, iam ante primo obligatus fuit, cum generaliter omnia bona debitoris illi pignori data sunt. Nam generali oratione compendio sermone omnes species tam continentur, quam si specialiter expressæ essent. *l. si seruitus ff. de ser. vrb. præd. l. Manius. §. duorum. ff. de leg. 2. l. semper specialia generalib. ff. de reg. iur.* Sic fit regula superior conuenienter, ut primus creditor in hoc fundus Tusculano potior sit secundo creditore. Sed & d. l. 2. & hoc rescripto docemur, eam sententiam sic accipiendam esse, si omnia bona debitoris generaliter obligata sint primo creditori sine exceptione & enumeratione cuiusquam rei, quæ sit ex illis bonis.

2 Placet si diuersum esse, si primo creditori quædam specialiter obligata sint, deinde generaliter omnia bona debitoris. Nam primum si generaliter omnia reliqua bona obligata sint, sub hac conditione, si pecunia ex rebus specialiter obligatis seruari non possit; res dubitationem non habet, quin ex verbis ipsis conuentionis primus creditor prius persequi & excutere debeat res sibi specialiter obligatas; quoniam reliqua bona non sunt illi obliga-

ta, si ex rebus specialiter obligatis suum consequi possit. Quo fit ut si possit consequi, posterior creditor in aliis rebus sibi specialiter obligatis non tam sit potior contra regulam iuris, quam solus creditor; cum priori eadem obligata non sint. Hæc est illa species, de qua Papinianus in istam sententiam respondit in ead. l. 2. ff. qui pot. in pig. hab. Sed etsi prius creditori quædam res specialiter pignori obligatae sint, deinde generaliter reliqua omnia bona, quamuis sine vlla conditione; tamen idem placet, quod supra, primum creditorem prius persequi & excutere debere res sibi specialiter obligatas, quam perueniat ad ea, quæ ex reliquis bonis secundo creditori obligata sunt.

Quæ species est, & exceptio huius rescripti. Finge hoc modo: primo sic pignus datum est; ædes illæ meæ, & generaliter omnia mea bona tibi sunt obligata pignori: secundo creditori postea fundus Tusculanus, qui ex iis bonis reliquus erat, obligatus est. Placet primum creditorem non posse fundum Tusculanum persequi à secundo creditore, nisi prius constituerit eum ex rebus sibi specialiter obligatis pecuniam sibi debitam redigere non posse. Obstat huic sententiæ regula superior, quæ efficit, ut in fundo duobus obligato potior sit iure, qui tempore prior est. Nā hic quidem fundus primo creditori prius est obligatus, sunt enim illi omnia bona debitoris obligata, & ita in omnibus æquale ius habet, ut rescriptum loquitur. Respondent Imperatores hoc ita esse, vbi generaliter omnia bona debitoris creditori primo obligata sunt. Sed si in hac specie iurisdictionem esse temperandam, id est, ius illud quod supra posuimus de generali obligatione, esse temperandum, & secundum hoc temperamentum præfidem ius dicere debere. Sed cur in hac specie temperandum ius est? quod rescriptum non exprimit. Nempe quia secundum verba primo creditori omnia bona debitoris obligata sunt, & ideo fundus Tusculanus, de quo queritur: sed secundum sententiam contrahentium non sunt: quæ sententia hinc colligitur. Non enim frustra primo creditori specialiter obligatae sunt ædes, cum satis generali hypotheca continerentur. Et satis declaratur in l. 4. ff. de sur. cum verba plura de eadem re geminantur, sic geminari videri, ut geminatio aliquam vim habeat. Quod & hic fieri existimandum est. Nunc autem hypothecæ specialiter expressæ alius usus esse non potest, nisi ut creditor prius eam persequatur, & si sufficit, sit contentus, si non sufficit, tum ad reliqua bona perueniat.

L. Creditores 3.

Idem AA. Maximo.

Creditores, qui non reddita sibi pecunia, conuentionis legē ingressi possessionem exercem, vim quidem facere non videntur; at tamen auctoritate præsidis possessionem adipisci debent. PP. Cal. Marti Antonino A. II. & Getæ II. Coss. 206.

S Y M M A R I A.

- 1 Creditorem pignoris possessionem adipisci solum debere auctoritate magistratus competentibus actionibus.
- 2 Pignoris possessionem qui ingreditur sua auctoritate, eum ius crediti amittere.
- 3 Legem conuentionis exercere quid.
- 4 Eum, qui quamuis ex conuentione possessionem pignoris sua auctoritate & vi ingreditur, teneri legibus Iulii de vi.
- 5 Debere verbum quam per se, atque hoc loco significationem habere.
- 6 Creditorem pignoris possessionem non aliter ingredi debere quam auctoritate magistratus, et si conuenit, ut possit sua auctoritate ingredi: & aduersus eum, qui contra faciat, quæ sit poena.
- 7 Pacationem, ut creditori liceat sua auctoritate pignoris possessionem ingredi, creditori re alienata aduersus extraneum possessorem nihil prodesse.

Pignore constituto, creditori ius est pignus tenere, eique incumbere. *l. cum creditor, §. ff. de sur.* Hoc si consequitur creditor volente debitore, res caret dubitatione. Si tunc refusat debitor tradere, placet hoc loco creditorem sua auctoritate possessionem adipisci non debere, sed tantum auctoritate magistratus. Merito. nam nec mulier ipsa, quæ rem suam dori dedit, facultatem

habet solaro matrimonio ingrediendi possessionem rei dotalis, id est, suæ, sine auctoritate magistratus. *l. dotis, sup. sol. mat.* Plus autem iuris habet dominus in re sua, quam creditor in pignore. Magistratus auctoritate possessionem adipiscitur creditor, actionibus suis experiundo, ut fieri iubetur in *l. exstat. D. quod met. caus.* Est autem creditor ad pignus persequendum hypothecaria actio. Hæc igitur aduersus debitorem, qui pignus non tradat, experietur.

Si t̄ contra creditor auctoritate sua possessionem ingreditur, pœna hæc est, ut vim facere existimetur, & simul crediti ius amittatur ex decreto D. Marci, *d. l. exstat. D. quod met. can.* Non aduersatur huic sententiæ, quod in *d. l. cum creditor. D. de fur.* dicitur, si creditor rem sibi pignoratam auferat, eam contrectare, id est, furtum facere, non videri. Sane enim furtum non facit, quia dolo malo non contrectat rem ad ius suum pertinentem, sed nihilominus vim facit. Itaque hæc pœna tenetur, ut crediti ius amittatur: non tenetur pœna furti, ut duplum præster, aut quadruplum. Hæc minorem dubitationem habent, si in pignore dando non conuenierit, ut creditori sua auctoritate liceret possessionem ingredi, ius discrete cautum in *l. pen. sup. de pig. act.* ubi ita scriptum est, *creditorum citra conuentionem, aut præsidis iussione suo arbitrio pignus auferre non posse.* At illud iuste dubitari potuit, quæ huius loci quaestio propria est, nū idem dicendum sit, si conuenierit, ut creditori liceret possessionem ingredi tua auctoritate, & si conuentionis legem exerceat, sic enim rescriptum loquitur. Dicitur t̄ autem creditor possessionem ingressus legem conuentionis exerceat, ubi conuenit, ut illi liceret possessionem ingredi, & ea lege; ea conuentione utitur, vel potestatem ea conuentione sibi tributam exerceat, ut licet intelligere ex his locis, *l. si priusquam. inf. de distr. pig. l. 3. l. 4. §. eleganter. l. 6. in fin. D. de leg. commis.* Et de ea re ita huius rescripti sententia est, eos creditores, qui ex conuentione possessionem pignoris ingrediuntur, hoc differre ab iis, qui sine conuentione idem faciunt, quod priores quidem non videantur vim facere, ut posteriores faciunt quod eo pertinet, ut intelligatur eos non incidere in decretum D. Marci, & ius crediti non amittere: sed omnes in hoc conuenire, quod etiam priores conuentione superiore non adiuuentur, quominus præsidis auctoritate possessionem adipisci debeant. In quo continentur tres sententiæ, quarum vnaquæque cum suam dubitationem habeat, ideo & separatim nobis expendenda est. Prima est, creditores, qui ex conuentione possessionem pignoris ingrediuntur sua auctoritate, vim facere non videntur. Hoc tunc liquido dicitur, cum creditores uolentibus debitoribus possessionem occupant sine alia vi. At t̄ qui, si repugnante debitore idem faciunt, ut scilicet debitorem expellant, eoque vi expulso pignus possideant: Puto recte videri Azoni, recte Bartolo, eos creditores, qui id faciunt, aperte vim facere, & teneri legibus Iuliis de vi aut publica, aut priuata, prout vis armata, aut sine armis facta erit. Quod mihi plane probari uideatur. *l. in possessionem inf. ad leg. iul. de vi ubi ita scriptum est: si creditor possessionem fundi per vim ingrediatur, eam legis Iulia de vi priuata reum fieri posse.* Nihil in lege distinguitur. Ex quo colligi potest nihil referre, utrum creditor rem sibi non obligatam occupet, an sibi obligatam, & utrum ex conuentione possessionem ingrediatur, an sine conuentione. Et uero creditori nihil prodesse istam conuentionem ad defensionem vis illatæ, hoc argumentum certissimè efficitur. Nam etsi nominatim conuenisset, ut creditori liceret pignus vi occupare, conuentionis non esset seruanda. Est enim vis omnis in priuatis contra bonos mores. *l. 3. D. quod met. cau. l. nihil consensu. D. de regul. iur.* Ut nihil aliud, certe vim facere delictum est, & quidem inter alia maxime animaduertendum alioqui legibus publicorum iudiciorum non coerceretur. Nulla porro pœtio ualet, quæ sit contra bonos mores, nulla, quæ ad amouendum quid, aut aliter delinquendum inuitat. *l. 5. D. de pact. dot. l. pacta, qua contra. sup. de pact.* Non aduersatur hoc rescriptum nam hætenus dicuntur creditores hoc rescripto vim non facere, si duntaxat sua auctoritate possessionem ingrediantur, cū id à debitore nominatim non impetrassent, nō etiam si vim corpori debitoris intulerint. Non me mouent rationes Ioannis, quibus ille apud Accursium in contrariam sententiam utitur, puta, quod ab initio cum debitore placuit, id & inuito eo fieri posse. *§. 1. Instit. quib. al. lic. vel non. l. de accessionib. in fin. D. de diuer. tem. praes. l. de dominum pati iniuriam non videri, qui semel uoluit. l. in diem. D. de aqu. & aq. plu. arc.* Nam prius recte dicitur de eo, quod iure placuit. Sane uero quod ita placuit, postea reuocari non potest. At in conuentionibus iniustus hoc euenit, ut non mutatione uoluntatis debitorum rescindatur, sed sua sponte ab initio nullus sint

momenti. Quod autem dicitur inuito iniuriam non pati, qui semel uoluit, hætenus uerum est, si proponatur res tantum gesta esse inuito eo, qui uoluit, ut sit in *d. l. leg. in diem.* Non idem dicendum est, si vis ei inferatur, quam bonæ leges omnes, ut bonis moribus, & publica uiriliter inimicam auerlantur. *l. nihil consensu. D. de regu. iur. l. exstat. D. quod met. cau. l. si quis in tantum. l. penult. & vlt. sup. vnde vi.* Indicant & leges Iuliae de vi publica & priuata.

Secunda sententia est, quæ hoc rescripto non exprimitur quidem, sed per contrarium satis significatur, creditores, qui sine conuentione possessionem pignoris sua auctoritate ingrediantur, vim facere uidentur. De hac sententia satis initio supra dictum est.

Tertia sententia est præcipue animaduertenda, eos creditores, qui ingrediuntur possessionem sua auctoritate, quamuis ex conuentione id faciant, tamen id solum præsidis auctoritate facere debere. Quæ sententia incidit in difficultatem ex principio rescripti, ubi cauetur creditores ex conuentione possessionem ingressos vim facere non videri. sequitur enim uideri eos impune id facere. Quod si uerum est, non debent, ut rescriptum loquitur, id est, non necesse habent, possessionem ex magistratus auctoritate ingredi. Quod ut dissoluerent interpretes nostri, varia commenti sunt. Alii t̄ sic interpretantur, debent, id est, possunt. Non enim habent necesse. Quod perinde est, ac si diceretur: debent, si uolunt, id est, non debent. Et inepti sunt, qui nobis persuadere conantur, debet, interdum idem significare, quod potest. Nam uerbum debet naturalem intellectum habet etiam idiotis notum, ut is debere dicatur, qui inuitus debet, qui inuitus facere cogitur, quod debet, ut liquet ex *l. 1. in pr. de eden. l. 1. D. quod quis iur. in al. stat. l. debitor. D. de ver. sig.* Nec quidquam pro istis ad rem facit *l. obseruare. §. vit. D. de offic. procon.* Ait Vlpianus, proconsul, ingressus prouinciam iurisdictionem suam mandare debet. Scimus esse in potestate proconsulis, utrum iurisdictionem suam mandet, an non mandet. *l. solent. §. si iur. D. illo rit.* Ex quo effici putant in superiore sententia Vlpiani, uerbum debet necessario pro potest accipiendum esse. Sed fallit eos quod non animaduertunt Vlpianum in superiore loco non pronuntiare de iurisdictione mandanda simpliciter, sed de tempore mandandæ iurisdictionis. Sine dubio proconsul non debet id est non necesse habet, iurisdictionem suam mandare, sed si uult mandare, debet tantum mandare ingressus prouinciam, ante uero mandare non potest. Quod sentire Vlpianum in eo loco euidenter ratio ab illo subiecta declarat. Ait enim absurdum esse, ut proconsul mandet iurisdictionem, priusquam ipse iurisdictionem nactus sit. Non nanciscitur autem prius, quam sit ingressus prouinciam. Præterea illud quod scribitur in *d. l. solent. §. si iur.* proconsulem non debere adimere iurisdictionem legato suo inconsulto principe, etiam necessitatem habet eam, quam diximus, ut scilicet si proconsul aliter iurisdictionem adimat, non uideatur adempta. Nec obstat, quod prius illic dicitur liberum esse proconsuli adimere iurisdictionem suam legato. Nam hoc continenter temperatur hac conditione, dummodo consulto principe id fiat. Alii interpretantur hoc modo, creditores debent, nempe ex uoluntate. Quod perinde est, ac si diceretur, debent, si uolunt esse uolunt. Id autem significat, non debent. Nam pro non dicto est, quod quis facere, nisi uelit, non cogitur. *l. sub hac. D. de obl. & act.* Alii, ut Bartolus, rem sic explicant, si conuenierit, ut creditori possessionem sua auctoritate ingredi liceret, sane illi ingredi licebit, sed possessionem ei adipisci non licebit, quasi aliud sit ingredi possessionem, aliud adipisci. Quod aperte refellitur *l. 3. in princip. ff. de acq. poss.* ubi traditur unumquemque possessionem adipisci ingreditur fundum hac mente, ut teneat. Sed nihil his defensionibus est opus. Tenebimus t̄ nullum creditorem sua auctoritate præsidis, adipisci posse pignoris possessionem, siue conuenierit, ut ei facere liceret, siue non conuenierit. Neque initium huius rescripti repugnauit, Nam qui negat creditorem sua auctoritate ingressum possessionem uia pœna teneri, is non negat eum in aliam pœna incidere. Creditores sua auctoritate possessionem ingredienti ex conuentione vim non faciunt. Et ideo hæc pœna non tenentur, quasi vim fecissent. Sed nihilominus præsidis auctoritate possessionem adipisci debent: ut si contra faciunt, iniuste faciunt, nec sit impune, ut accidit in iis omnibus quæ contra legem fiunt *l. 1. D. de legib.* Quæremus igitur iam, quæ sit pœna aduersus eos creditores. Et quod traditum est de emtore, & similibus qui à domino possessionem accipere debent, & nihilominus eam sua auctoritate adipiscuntur, id recte transferretur ad creditores, qui sua auctoritate possessionem nanciscuntur. Emtor sua auctoritate sine

voluntate domini possessionē adeptus, iniuste & mala fide possidet. *l. si ex stipulatione. l. fundi. ff. de acq. poss.* Idem igitur & de creditoribus in simili causa dicendum est. Hinc cōsequens est, si creditor sua auctoritate pignoris possessionem ingressus erit, posse debitorem pignoris possessionem auferre interdīto. *Vri possidetis.* In quo vincetur creditor, qui aut vi, aut clam possidet. Consequens & illud, creditorem fructus rei pignoratæ suos non facere, non magis, quam faciunt ceteri malæ fidei possessores. *§. si quis à non domino. Inst. de rer. diuis.* Consequens præterea, creditorem pignus alienantem dominiū non transferre, quia iniusta possessio apud eum fuerit, quæ pro possessione nō habetur. Postremo & illud cōsequens erit, si creditor pignus vendat, & debitor denunciet emptori, ne emat, emptorem mala fide possidere. *arg. in l. si fundum. sup. de rei vind.* Et in summa recte ita dicemus: vbi conuenit, vt creditor pignoris possessionem sua auctoritate ingredi liceret, hæc conuentio id præstat creditori possessionem sua auctoritate adipiscenti, vt ipse nihil amittat; non n. ius crediti amittit, quasi vim fecerit, sed non ei hoc præstat, vt quidquam adquirat sine præsidis auctoritate. Non n. acquireret possessionem, nisi iniustam. Iniusta possessio pro possessione non est. *l. si quis vi. in pr. ff. de acq. poss.* Sed video aduersus hanc sententiam hoc dici posse, satis videri creditorem adipisci possessionem ex voluntate debitoris, postquam debitor id ab initio voluit. Quod si ex voluntate eius, etiam iuste, *d. l. si ex stipulatione. de acq. poss.* Sed vt volūrate debitoris videatur quæ sita possessio, non est satis, voluisse eum initio, nisi in ea voluntate perseveret. Nam in re tradenda, & possessione iuste acquirenda non præteritam voluntatem domini querimus, sed præsentem. *l. fundi. ff. de acq. poss.* At etiam hic nobis occurreret. nam cum debitor quid ex conuentione voluit, placet eum non posse eam voluntatem reuocare. *l. vero 12. l. ante pen. ff. de solut.* Sed hoc in iis locum habet, quæ iusta conuentione placuerunt, quæq; ideo inde iure quæ sita sunt creditoribus. Sane enim recte illi semel quæ sita debitor iniusto auferre non potest. *l. vlt. ff. de pact. d. l. vero 12. de solut.* Ad iniustas autem conuentiones, & ad ea, quæ creditoribus quæ sita non sunt, non pertinet. Nam & iniusta conuentio pro non interposita est, *l. non dubiū. sup. de legib.* & quod alicui quæ situm non est, id illi admi dici non potest. Iam cū conuenit, vt creditoribus sua auctoritate possessionem ingredi liceret, hæc iusta est conuentio, quatenus id agitur, vt ille sua auctoritate ingrediatur sine vi possessionem. Quare & hæc iusta ingrediendi illi queritur: quod semel quæ situm, nulla voluntatis debitoris mutatio illi adimet. Vt autem prohibente debitoris ingrediatur, id est, debitor prius vi deiecto, hæc conuentio contra ius est, & bonos mores: ex qua propterea nulla eiusmodi potestas creditoribus queri potuit, nec potest videri illi admi, quæ quæ sita non fuit.

Queritum ¶ est, si supra scripta conuentione interposita debitor pignus alienat, an possit creditor eius pignoris possessionem sua auctoritate ingredi, vt vim facere non videatur, perinde ac si nunc quoque pignus à debitoribus possideret. Respondeo nō posse; nec illum adiuuari superiore conuentione; quia pacta inter alios facta aliis non nocent. *l. si vnus. §. ante omnia. ff. de pact.* Nec offendemur eo, quod manus iniectione pacto recepta in mancipium venditum, placet hanc seruari suis conditionibus aduersus quoscumque possessores, etiam cum quibus venditor nihil contraxit. *l. pen. ff. de ser. expor. l. si quis sub hoc pacto. ff. de cont. emp. & vend.* Nam potestas iniiciendæ manus in rem aliquam à solo domino retinetur, & retinetur in seruos, quos ipse tradit certa conditione, vt si ea conditio non seruetur, sibi liceat in seruum manum iniicere. Et conuentio ideo recepta est, vt dominis in seruos sua auctoritas constaret, quæ neque in creditorem, neque in res pignori obligatas cadunt.

L. Cum te 4.

Idem AA. Bellio.

Cum te pecuniam accepisse, & agros tuos obligasse faciaris: non habes rationem, quod quereris vi te coactum pignori dari. Si igitur recipere vis rem tuam, solve creditoribus tuo pecuniam debitam. Dat. 3. Kal. Iun. Antonino A. III. & Cara III. Coss. 209.

1 Non dici vi coactum pignori dare, qui necessitate rei familiaris coactus est pecuniam accipere, & pro ea pignus dare.

Queritur hoc loco, cur debitor, qui dicit se pecuniam accepisse, & pignus dedisse, non iuste queratur se vi coactum pignori dare. An quod debitor impune vt cogi potest, vt det pignus? Minime vero. qualescunque enim & cuiuscunque rei traditio, aut obligatio vi extorta rata non habetur, *l. metum. g. §. idem. §. sed quod. Dig. quod met. cau.* Quid, quod non solutionem quidem rei ante debitæ vi extorque cōcessum est? *l. sed & partus. §. vlt. ff. quod met. cau.* Sed intelligendum est, proponi hoc loco cum debitorem, qui non simpliciter diceret se vi coactum esse, sed ideo; quia necesse habuerit dare, si vellent accipere pecuniam, quam creditor alia conditione non daret. Et ¶ responderetur nullum illi in eo necessitatis argumentum esse, cum ipse profiteatur se pecuniam accepisse, quam non accipere ei integrum fuit, ac propterea etiam pignus non dare. Quod si pecuniam accipere voluit, debuit vt lege creditoris, cum liceat vnicuique in traditione rei suæ quamuis legē dicere. *l. in traditionib. ff. de pact.* Nec multum creditori proderit, si dicat se necessitate rei familiaris coactum; vt pecuniam mutam acciperet. Nam hæc necessitas à nemine mortalium ei infertur; sed aut proficitur à culpa eius, aut diuina voluntate: quam ipse æquo animo ferre debet, non ad alienam iniuriam transferre.

L. Præses 3.

Imp. Antoninus A. Domitio.

Præses provincie, vir clarissimus, ius pignoris tui exsequem te audiet, nec tibi oberit sententia aduersus debitorem tuum dicta, si eum collussisse cum aduersario tuo, aut (vt dicis) non causa cognita, sed præscriptione superatum esse constiterit. PP. Idib. Maii. Roma, Duobus & Asperis Coss. 213.

S V M M A R I A.

- 1 Sententia aduersus debitorem lata de pignore, quibus casibus creditoribus in eo pignore noceat.
- 2 Collusio quid, & quibus rebus arguatur.
- 3 Que prescriptio ex persona debitoris noceat creditoribus in pignore.

VNa res creditorem pignus persequentem sine controuersia sum mouet, si non probet rem, quam persequitur, in bonis debitoris fuisse, cum ille pignus dabit. *l. & que nondum. quod dicitur. Dig. eod. tit.* Multo ergo magis, si possessor vltro probet re in bonis debitoris non fuisse. Hinc quæ sitio, quid si contra debitorem iudicatum sit, quasi res in bonis eius non esset? Finge debitorem rem, quam pignori obligauit, aliquando petiisse à possessore, & in eo iudicio cum non probaret rem esse in bonis suis, superatum esse. Queritur, an quemadmodum ea sententia debitoris eandem rem postea, ab eodem possessore persequenti noceret, sic & creditori nocere debeat: vt quemadmodum exceptio auctori nocet, sic noceat & successoribus, quod & faciendum esse traditur in *l. 4. §. si quis autem in fin. Dig. de dot. mal. & met. except.* Hoc ¶ rescripto traditur, duobus casibus eam sententiam creditoribus non nocere. Quod ita accipi potest, quasi in omnibus aliis casibus noceat. Quod cum aliter se habeat; ne isto modo accipiatur, tū vt quod hic locus dat, intelligatur; recte fiet, si quibus in causis hæc sententia creditoribus in vniuersum noceat, aut non noceat, breuiter dicamus. Et in eo hæc distinctio tenenda est. Interest, vt rem debitor de re victus sit, priusquam pignus daret, an vero tunc, cum iam rem pignori dedisset. Si ante, sententia aduersus debitorem dicta creditoribus oberit; quia non potuit debitor plus iuris transferre in creditorem, quam habuit, *l. si superatus. §. vlt. Dig. eod. leg. si mater. §. vlt. Dig. de except. rei iudic.* Si pignore iam constituto; refert, vtrem ignorante creditore debitor de re pignori obligata leg. si ignoranti creditoribus non noceat. *dict. l. si superatus. in pr. dict. leg. si mater. in fin.* Sin autem debitor egit sciēte creditore; sententia vt debitori, sic & creditoribus noceat. *l. sape. §. scientibus. Dig. de re iudic.* Hoc postremum quomodo accipiendum sit, do-

cemur hoc rescripto. Placet ergo accipiendum esse hoc modo, si debitor sciente creditore agens ideo victus sit; quia mala causam haberet, si victus sit alia de causa, ne hic quidem sententiam creditor obesse. Id autem contingere duobus modis, qui hoc rescripto comprehensi sunt.

2. Vnus est, si debitor per collusionem victus sit, id est, si ex pacto passus sit se vinci. Quod ita fieri probabitur, si sciens sua iura, & ea, quae ab aduersario dicebantur, falsa esse non ignoras, tamen dissimulauerit. indicat *l. si prolusorio. ff. de appell.* Quae exceptio manifestam rationem habet: declarat enim aperte haec collusio rem in bonis debitoris fuisse, alioqui collusio non esset. Alter tamen modus est, si debitor ideo victus sit; quia sit sum motus praescriptione, id est, exceptione aliqua extrinsecus. Nam praescriptio exceptionem significat. *l. super. sup. de long. temp. praes. l. creditor. ff. diuer. temp. praes.* Praescriptionem autem hic accipere debemus exceptionem ex facto debitoris nascentem, non ex iure rei puta rei iudicatae, aut longi temporis, aut pacti conuenti. Rei iudicatae hoc modo. Debitor rem suam persecutus ignorante creditore victus est: deinde iterum eandem rem petit sciente creditore, & sum motus est exceptione rei ante iudicatae. Neutra sententia creditori nocebit: non prior, quia ignorante creditore lata est, non posterior, quia etsi creditore sciente res acta sit, tamen debitor ob factum suum sum motus est praescriptione. Temporis exceptione culpa sua vincitur debitor hoc modo, si passus sit rem, quam pignori obligauerat, vsucapi a possessore: deinde cum eam rem a possessore vindicaret, sum motus est praescriptione temporis. Ne haec quidem sententia nocebit creditori, ubi negligentia ipsa debitoris, & vsucapio ius pignoris non sustulit. *l. vsucapio. inf. eod.* Idem dicendum est, si debitor ideo sum motus sit; quia pactus erat cum possessore se ab eo non periturum. Haec omnia ideo creditori non nocent; quia haec omnes exceptiones possessori natae sunt, non ex eo, quod debitor dominus non esset, cum pignus dabat, sed ex debitoris facto, quod postea lecarum est, non debet autem factum cuiusquam alteri nocere. *l. de pupillo. §. si plurimum. ff. de ops. nou. num. l. soluendo. Dig. de neg. gest.* Hi casus etsi tantum duo hic proponantur; tamen in his consistere non debemus, sed generaliter definire, si quam aliam ob causam debitor victus sit, quam quod malam causam haberet, eam sententiam creditori nocere non debere; puta, si debitor ideo victus sit; quia abiens erat, argumentum in *d. l. si prolusorio. §. vlt. ff. de appell. & l. si ideo. ff. de enict.*

L. In summa 6.

Idem A. Quinto.

In summa debiti computabitur etiam id, quod propter possessiones pignori datas ad collationem viarum munitarum, vel quodlibet aliud necessarium obsequium praestitisse creditorem consisteris. PP. 3. Cal. Aug. Antonino A. IV. & Balbino Coss. 214.

S Y M M A R I V M.

1. Impensas necessarias in rem pignori obligatam factas a creditore ei deberi & ab eo vltro peti posse, in eas & pignoris retentionem esse, quamuis sorte soluta; at non pignoris persecutionem.

Cum ait rescriptum, in summa debiti computari impensas necessarias: cauendum, ne hic summam debiti principalis, in qua pignus obligatum est, intelligamus. Alioqui dicendum esset, etiam pro his impensis pignus esse obligatum: ut non tantum eorum impensarum nomine esset pignoris retentio creditori, sed etiam vltra eius pignoris persecutionem. Quod secus est, eo enim nomine retentionem pignoris creditori dari legimus, actionem autem non aliam, quam in personam, nempe pignoratitiam contrariam. *l. si necessarias. ff. de pign. act.* Et certe pignus tantum ab initio in eam summam datum est, quae tum cum dabatur, debita fuit. Haec autem impensa postea deberi coeperunt: ut profecto illius debiti pars esse non possint. Constat autem nisi in quam rem pignus conuentione obligatum est, in eam rem pignus non teneri. *l. si non inducitur. inf. in quib. cau. pig. tac. cont. l. Aristo. ff. eo.* Quapropter superioribus verbis nihil aliud dici intelligendum est, quam impensas

necessarias a creditore factas ob pignoris causam, esse partem summam eius, quae creditori debeat: id est, & has quoque non minus, quam principalem sortem esse debitas. Quod & verum est; cum tamen vltra pignoratitiam contraria peti possint; haec tamen, ut tunc minorem, quod ante dixi, in eas pignoris retentionem esse posse: perfectionem autem pignoris non esse, ubi de his pignus contractum non sit.

L. vsucapio. 7.

Imp. Gordianus A. Marciano.

vsucapio pignoris conuentionem non exstinguit. PP. Non Septemb. Pio & Pontiano Coss. 239.

S Y M M A R I A.

1. Pignus vsucapione non distingui quid sit. & num. 5.
2. Car non exstinguatur.
3. Recte constituta & perfecta durare, & etsi redierint in eum casum, unde incipere non poterant: & in hoc numero esse pignus.
4. vsucapionem rerum etiam immobilium & fuisse olim, & nunc esse.
5. vsucapione nulla nec mobilium, nec immobilium rerum pignus exstingui, eiusque rei argumenta, & num. 6.
- L. 1. 2. C. si aduer. cted. explicata.*
7. Res vsucapta pignus manens quo iure habeatur a creditore.

Res dignori obligata venit in possessionem extranei ex iusta aliqua causa, a quo bona fide & per legitimum tempus possessa, tandem vsucapta est: mobilis triennio, immobilis decem annis inter praesentes, viginti inter absentes, ut est ius de vsucapione constitutum, *Inst. de vsuc. in prin.* vsucapione possessor dominus factus est, eademque opera debitor dominus esse desit. Quae situm est de pignore, an ea vsucapione amissum esset. Mouet dubitationem, quod plus est in dominio, quam in pignore. Quod si vsucapione dominium amissum est, consensaneum videtur multo magis pignus exstingui debuisse. Placuit pignus non amitti. Et res ita definita est in vniuersum: vsucapio pignoris conuentionem non exstinguit: quae huius loci definitio est. Recte conuentionem non fieri potest, cum semel conuenierit, ut res pignori esset, quin semper verum sit, ita conuenisse. Hoc enim ita conuenire facti est. Facta nulla iuris constitutione infecta fieri possunt. *l. in bello. §. facti. ff. de capt.* Atque hinc satis intelligitur de pignore. Non enim potest esse conuentio, ut sit res pignori, quin pignus continuo sequatur: qui est effectus huius conuentionis. *l. 1. in pr. ff. de pig. act. §. item Seruiana. Inst. de actio.* Quare si vsucapione non exstinguitur conuentio pignoris, necesse est & post vsucapionem pignus manere, quod ex conuentione nascitur. Quod si vsucapione non exstinguitur pignus consequens est etiam re pignorata ab extraneo vsucapta, nihilominus pignoris persecutionem creditori saluam manere aduersus rei possessorem, eundemque dominum. Et hoc est, quod Papinianus aliis verbis, eadem sententia definit in *l. iusto. §. non mutat. ff. de vsurp. & vsuc. nō mutat vsucapio superueniens, quo minus pignoris persecutio salua sit.*

Obiectioni tamen superiori occurrit eodem in loco Papinianus hac ratione; quia inquit, pignoris persecutio nulla societate dominio coniungitur. Quod perinde valet, quasi diceret, si pignus domini pars esset, siue ita cum dominio coniungeretur, ut qui dominus esset rei, idem transferret in se ius pignoris; recte diceretur eum, qui rem vsucepit, & ita dominium acquisiuit, peti consequentiam domini etiam ius pignoris in se trahulisse. Nunc autem pignus dominio nulla societate coniungitur, id est, non sic coniungitur cum dominio, ut qui dominus est, eum necesse sit ius pignoris habere. Imo contra haec natura est istarum rerum, ut qui dominus est, is ius pignoris in eadem re habere non possit, cum pignus rei nostrae non consistat. *l. neg. pignus. ff. de regul. iuris.* Quare possessor qui vsucepit, quamuis dominum acquisierit; non ideo tamen nanciscitur ius pignoris, proinde nec sibi non quae situm alteri, admittit. Denique quia ratione sit, ut per vsucapionem rei debitor eius rei dominium amitrat, eadem ratione in contrarium efficitur, nec creditor pignus amitrat in ea re constitutum. Nam debitor ideo amitrat eius rei dominium; quia possessor, qui vsucepit, dominium acquisiuit: duo autem eiusdem rei domini in solidum

dum esse non possunt. l. 5. §. vlt. ff. com. Hæc ratio cessat in pignore. Nam possessor, qui rem vsucipit, ea vsucapione pignus non acquirat, ac nec potest, cum sit dominus. Quo fit, vt pignus alteri non adimat.

Sed omisso exemplo dominij, quod vsucapione amittitur; sūt præterea, quæ huic sententiæ aduersari videantur. Primū dicat aliquis, quod ab initio pignus nō consistit, si pignus non sit in bonis debitoris, l. 3. §. vlt. l. 1. & que nondum. §. quod dicitur. ff. eod. tit. satis hoc argumenti esse, si res postea in bonis debitoris esse desierit, pignus extingui. Hoc n. consequens esse ei sententiæ, quæ multis locis tradita est, quod ab initio valuit, nihilominus extingui, cū in eū casum recidit, à quo incipere non poterat, vt l. pro parte. ff. de seruis. l. existimo. ff. de verb. oblig. §. 1. Inst. de inut. stip. Sed nullū hoc argumentum est. Nam † quod dicitur ea extingui, quæ in eum casum redeunt, à quo incipere nō poterat, de rebus promissis, & necdum impletis dicitur, seu de inchoatis & nondū perfectis, vt probant exempla superiorum locorum, quos modo indicauimus. In rebus iam constitutis & perfectis verum non est. indicant exempla l. parte. ff. de his, qui sunt sui, vel al. iur. §. præterea. Inst. quib. nom. est per. fac. test. Sed & hoc in d. §. præterea, generaliter definitur. Hinc est, quod dicitur in l. in ambiguis. §. 1. ff. de reg. iur. non esse nouum, vt quæ semel vtiliter constituta sunt, durēt, licet ille casus extiterit, à quo initium capere non poterunt. Inde & illud l. penult. §. vlt. ff. de verb. obligat. et si placeat extingui obligationem, si in eum casū incidit, à quo incipere non poterat; non tamen hoc in omnib. verum esse. de quo illic scripsimus. Atqui ad hanc partem posteriorem hæc species, de qua agimus, pertinet. Nam cum conuenit ab initio, vt res pignori esset; non tamen ea conuentione pignus promittitur, sed statim re ipsa constituitur, nec res aliam traditionem, aut præstationem, vt in rebus promissis, desiderat. l. 1. ff. de pig. act. §. item Seruiana. Inst. de act. Vnde & statim tanquam re perfecta nascitur in rem actio, d. §. item Seruiana. Quapropter non est, quod dubitemus ita statuere, pignus quidem ab initio constituitur non posse ab eo, cuius in bonis res non sit: at ab initio re & constituitur, nihilominus perseuerare, quamuis qui constitue- rat, dominus rei esse desierit.

Videntur præterea contrariæ esse definitioni superiori l. 1. & l. 2. supr. si aduer. cred. præf. op. quibus in locis cautum est, diuturnum silentium, item præscriptionem longi temporis decem, vel viginti annorum obstare creditori pignus suum persequenti. Quod negari videtur, cum in rebus immobilibus dicimus vsucapionem earū rerū creditori non nocere. Nam ea vsucapio non perficitur, nisi decem, aut viginti annorum possessione. d. tit. de vsuc. in pr. l. v. nica. sup. de vsuc. et ansf. Scio ad hæc concilianda vulgo dici, definitionem huius loci scriptam esse de vsucapione rerum mobilium: quia putent vsucapionis verbo hanc per vsum acquisitionem significari. Ideo nihil dici contrarium, cu dicitur creditori præscriptio longi temporis obesse; quia hæc præscriptio sit ex possessione decem, vel viginti annorum. Sed iam prope conuenit inter eruditos omnes, puerilem errorem esse veterum interpretū eorū, qui existimant vsucapionē dici in rebus mobilibus, præscriptionem longi temporis in immobilibus. Quasi † non cōstet de vsucapione ita scriptum esse in pr. tit. Inst. de vsucap. vt Iustinianus testis sit etiam hanc veteres vtriq; generi rerum tribuisse, & ipse eam, quam transformauit, non vtriq; etiam nūc pariter tribuat. Aut quasi vsucapionis definitio, quæ existat in l. 3. ff. de vsurp. & vsuc. non ad vtrumque genus ex æquo pertineat. Quin imo rerum soli, vt fundi, & ædium maxime vsucapio est: vt de quibus liceat obseruare fere semper exempla proponi sub titulis de vsucapionibus. cum de vsucapione agitur. de quo alius locus est dicendi. De quo autem nunc agitur, in eo res sic habet. Siue † res mobilis triennio, siue immobilis decem, aut viginti annis possessa vsu acquisita sit possessori, & vno verbo vsucapta; vsucapio ad definitionem huius loci pertinet, & vere in ea causā est, vt ea nunquā extinguat pignus, nunquā iure obstat creditori pignus persequenti. Argumento hæc sunt. Primū hoc loco generalis definitio est de vsucapione, vt & in l. iusto. §. non mutat. D. de vsurp. & vsuc. Vsucapio aut non tantū rerū mobilium est, sed etiā immobilium. Deinde ratio, qua Papinianus in d. §. non mutat. defendit vsucapionem superuenientē nō extingueret pignus, non minus ad res immobiles pertinet, quam ad mobiles. Nam pignus rerum immobilium non magis dominio coniungitur, quam pignus rerum mobilium. Quo fit, vt definitione huius loci in vsucapione rerum mobilium admittā, quam omnes concedunt, eandem etiam in vsucapione, siue malimus, in acquisitione rerū immobilium admitti oporteat.

Illud. ff. ad leg. Aquil. Postremo si debitor rem pignori obligatam alienat, & æquissimū debitoris factum & alienationem creditori non nocere: qualecunq; sit pignus, siue mobile, siue soli. l. debitor. rem. inf. hoc tit. Alienationis genus est vsucapio, cū debitor negligentia sua patitur rem vsucapi. l. alienationis. ff. de ver. sig. Quare nō magis ea alienatio creditori nocere debebit, si immobilis res erit, quam si erit mobilis. Neque † vero huic sententiæ non bene conuenit cum d. l. 1. & l. 2. supr. si aduer. cred. Nam cū dicimus vsucapionem pignus non extingueret, hoc dicimus, silentiū debitoris, quo passus est rem suam vsucapi, creditori non nocere ad pignus illius extingendum. Vsucapio n. est illa acquisitio, qua dominium acquiritur aduersus debitorem propter illius silentium. Cui non aduersatur, quod dicitur in d. l. 1. & 2. diuturnum silentium & præscriptionem longi temporis creditori pignus persequenti obesse. Nam hic diuturnum silentium, & diuturnū rēpus interpretati debemus, non id, quo debitor siluit, sed id, quo siluit creditor: deniq; silentium non debitoris, sed creditoris. Quippe de creditore illic agitur: & præterea esset iniquissimum factū debitoris creditori nocere. Hoc ita est: si nihil ponitur aliud, quā silentium debitoris, quo factum est, vt res vsucaperetur, creditor autē non item cessauit, per idem longum tempus, sine dubio neq; vsucapio illi pignus extinguet, & ipsi pignus persequenti nihil obstat. non diuturnum silentium ipsius; quia id nunc nullum est. non vsucapio, qua res debitori ablata est; quia in hac silentiū & factum debitoris versatur: in totum autem definiendum est factum debitoris creditori non nocere, l. debitor. inf. eod. Quod si & debitor per decem, aut viginti annos siluit, & creditor idem facit in pignore persequendo, vt sic silentium diuturnum creditoris cum silentio diuturno debitoris concurrat, vtrique præscriptio longi temporis obstat, & debitori dominium vindicanti, & creditori persequenti pignus, vt superioribus locis cautum est. Neque ideo aduersari putandū est, quod dicitur vsucapione pignus non extingui. Cum enim creditor ita summouebitur, nihilominus vere dicitur nō extingui illi pignus vsucapione, quippe quæ si sola esset, ei non noceret: sed extingui illi suo facto & silentio, quod silentium neq; vsucapio est, neq; possessori parit vsucapionem. Etiam rei certissimum argumentum est, quod potest silentium diuturnum creditoris interuenire, vt tamen nulla sit vsucapio: Quod n. si creditor diu siluisset, dominus autem, idemq; debitor per tempus cōstitutum interpellasset possessorem? Quid, si silente creditore res tamen vsucapi iure non possit? Finge rem pupilli pignori obligatam, quam constat vsucapi iure non posse. l. bona in pr. Dig. de acq. rer. dom. Diceremus in his omnibus summoueri creditorem ob diuturnum silentium suum: vbi tamen apparet nō posse dici vsucapionem illi obstare; quia hic nulla est. Ad hæc si vsucapione & diuturno silentio creditoris concurrentibus dici posset amissi pignoris causam esse in vsucapione, non in solo silentio creditoris: dicendum esset, quoties res esset vsucapta, summoueri pignus, etiam si creditor in pignore persequendo diu non siluisset. Causa enim posita pignoris amittendi, vsucapione, necesse esset etiam vbique sequi eius effectum, amissionem pignoris. Quod secus esse, non alii loci magis probant, quam superiores duo, quibus placet nihil aliud in præscriptione temporis nocere creditori pignus persequenti, quam diuturnum silentiū. Propone ergo rem decem, aut viginti annos possessam vsucaptā esse: sed pignori obligatam fuisse paulo ante perfectam vsucapionem, puta tribus, aut quatuor annis, per quos debitor pignus non est persecutus. Omnes concedent ex suprascriptis etiam locis id silentium, quod non est diuturnum, creditori pignus persequenti non nocere. Non ergo et si concurreret silentium creditoris cum rei vsucapione, ideo diceremus vsucapione extingui pignus: cum per se sola vsucapio semper vna & eadem sit; quæ tamen pignus non extinguit.

Maneat † igitur, re pignori obligata à possessore vsucapta, dēne silentium ipsum creditoris eum remoueat, nihilominus pignus manere. Cuius effectus hic erit, vt eodem iure sit res apud eum, qui vsucipit, quo iure futura erat, si eiusdem debitoris mansisset. Ergo creditori pignus persequenti aut pecunia solui debet, aut pignus restitui. l. si fundus. §. in vindicatione. Dig. eod. tit. Possessor dominus si hac actione conueniatur, potest, vt ceteri possessores extranei, persecutionem impedire debitum offerendo, quo factō possessionem rei sibi constituet. l. si dominium. inf. hoc tit. Ceterum nisi ipse pecuniam, quæ debetur, soluat, rem creditori restituere cogitur. Si res apud creditorem erit, potest debitor etiam nunc à creditore reperere pignoratitia actione, dum pecuniam

soluat. arg. *l. re scriptum. §. illic. & cum per iniuriam. Dig. de distr. pign.* Quod si apud debitorem res erit, & vlucepit, rem petere instituat, poterit quidem ab eo vindicare; sed hac lege, vt existimo, si paratus sit solvere debitori, quod ille creditori prius præstitit pignoris luendi causa. Et si enim debitor cum creditori soluit, ea solutione liberatus sit; tamen eadem solutione factum est, vt res vlucapta nouo domino pignoris nexu liberaretur. Ceterum negotiorum gestorum actione idem petere à nouo domino nõ potest. Sic enim definiendum est, quoties eadem res ad duorum utilitatem pertinet æque principaliter, eius solius negotium gestum videri, cuius contemplatione negotium gestum est. *leg. si pupilli. §. sed si ego. ff. neg. gest.* Nunc autem quod debitor creditori præstitit, fecit, vt & se liberaret, & pignus luere: quod emolumentum ad nouum dominum æque pertinet. Qua ratione dicemus è conuerso, si nouus dominus cum ab initio conueniretur à creditore, pecuniam illi soluerit pignoris sui luendi causa, ne ipsum quidem eam pecuniam à debitore negotiorum gestorum actione repetere posse, quamuis illum ea solutione liberauerit.

L. Quamuis 8.

Idem A. Festo.

Quamuis personali actione expertus aduersus reum, vel fideiussores seu mandatore eius feceris condemnationem: pignoris tamen adhuc habes persecutionem. PP. Id. Mart. Gordiano. A. & Aniola. Coss. 240.

S Y M M A R I A.

- 1 Personalis actione electa, atque adeo debitore iam condemnato, non eo magis tolli persecutionem pignoris.
- 2 Iudicii accepti nouatio qua.

Pignore creditori constituto duæ sunt creditori actiones. Vna de eo, quod debetur: altera de pignore. prior in personam est, siue, vt hic nominatur, personalis, aduersus eos, qui sunt obligati creditori. *l. actionum. de oblig. & action.* Quo in numero sunt reus principalis, & fideiussores, id est, qui idem sponder creditori stipulantur. *l. blanditus inf. de fideiussoribus* mandatores, qui rebus adhuc integris veniunt ad creditorem, & mandant ei, id est, petunt ab eo, vt velit pecuniam credere debitori futuro. Actio de pignore in rem est: non aduersus certam personam, sed aduersus quoscumque pignoris possessores: de qua *in l. pignoris inf.* His tamen duabus actionibus constitutis quaeritur, si creditor vna agere coeperit, an electione altera tollatur, & maxime si actione in personam egerit. Placet non tolli, non enim petitione, sed solutione debitores liberantur. *leg. 1. §. si apud duos. ff. de pos.* Quod præcipue locum habet, cum altera actio, qua creditor non egerit, est hypothecaria. nam hæc actio tamdiu est, quamdiu pignus manet. Non soluitur autem pignus, nisi aut creditori solutum sit, aut satisfactum. Porro non si lis à creditore contestata est, idcirco illi aut solui, aut satisfieri intelligitur. Imo vero ideo agit, quia illi non satis sit. Significatur hæc ratio in *leg. grege. §. etiam. ff. eod. tit.* Quæ situm est amplius, quid si creditor non egerit tantum actione in personam, sed etiam consecutus sit, vt reus sententia iudicis condemnaretur? quæ huius loci quaestio est. Et placet ne sic quidem pignoris persecutionem amitti creditori, eadem ratione, qua supra; quia quauis debitor condemnatus sit; non ideo tamen solutum est, aut satisfactum creditori. Quod & ipsum dilerte posuimus est in *dist. 1. l. grege. §. etiam.* Huc accedit, quod si debitor ante rem iudicatam tenetur, & pignus constituit creditori, multo magis vtrumque dici debet, cum erit debitor condemnatus; quia tunc illum certius debere consistit, & tum illius maior contumacia est. cur ergo magis dubitatum est de eo debitore, qui iam condemnatus esset?

- 2 Videtur tamen fuisse dubitandi causa, quod nouatio pignus perimit, vt est, in *l. solutum. in pr. ff. de pig.* Re autem iudicata prior obligatio nouatur, vt scriptum est in *l. 3. §. & ideo. sup. de vsur. rei ind.* Ex quo effici videtur, & re iudicata, vt nouatione pignus perimit. Et res ita habet. Nouatio pignus perimit, sed ita, si sit voluntaria, id est, si fiat partium consensu extra iudicium. Alia causa est nouationis necessariae, siue iudicii accepti, hæc non modo actoris conditionem deterioiorem non facit, sed etiam facit meliorem. *leg. aliam. ff. de nouat. non solet. ff. de reg. iuris.* de quo dicitur infra suo loco ad *tit. de nouationibus.*

L. Si dominium. 9.

Idem A. Attico.

Si dominium eius possessionis, qua pignori data esset à debitrice domina, ad te translatum est eamque postea creditor, vel eius heredes detinere coeperunt: vindica eam rem præside prouincia curante, vt fructuum deducta ratione, residuoque à te oblato, si fuerit satisfactum, ea possessio tibi reddatur. PP. 3. Cal. Octobr. Gordiano. AA. & Aniola Coss.

S Y M M A R I A.

- 1 Debitorem pignoris dominum manere, hoc iure rem traditam in quæsiu transferre posse.
- 2 Pignoratitiam actionem pignore alienato nunquam nouo domino competere ad pignus repetendum.
- 3 Pignore alienato à debitore competere nouo domino vindicationem aduersus creditorem; sed iisdem conditionibus, quibus debitori pignoratitia, si pecunia soluta sit, aut eo nomine satisfactum.

Debitor tamen pignus dando manente proprietate eius, solam possessionem transfert ad creditorem, vt est in *leg. cum & fortu. §. ult. Dig. de pig. act.* Dominus igitur est, qui prius fuerat, quam ob causam & rem pignori obligatam vendere potest, vt prius, neominus ex quauis causa traditam iure in accipientem transferet. *§. per traditionem. in Instit. de rer. diuis.* Quod si verum est, sequitur, vt & nouus possessor, in quem dominium à debitore translatum est, eam rem vindicare possit, non tantum à quouis alio possessore, sed etiam à creditore ipso, cui res pignori obligata erat, si forte res obligata in eius possessionem peruenerit. *leg. in rem. leg. officium. ff. de rei vind.* Cum sint hæc, quæ diximus, iuris explorati, nõ immerito quaeri potest, cur sit in hac re dubitatum, vt adiri Imperatorum oporteret. Et videri potest hæc causa fuisse dubitationis, quod debitor, qui pignus alienauit, si non alienasset, & pignus recuperare vellet, vteretur in eam rem pignoratitia actione. *§. ult. Instit. quib. mod. re cont. obligat.* Hæc tamen actio ei, ad quem res translata est, competere nõ potest. nam is neque debitor est, neque debitori successit. Sed non, si nouo domino pignoratitia actio non est ad pignus recuperandum, eo minus id recuperare potest alia actione, si quam forte eo nomine comparatam habeat. Habet autem ad eam persecutionem vindicationem, vt dominus, id, de quo Gordianus respondet.

Sed tamen additur, eum pignus recuperaturum eadem lege, qua debitor reciperet; nempe si debitum soluat, vel offerat creditori, & recte. Nam alienatio debitoris deterioiorem creditoris conditionem facere non potuit. *l. debitor. inf. eo l. si debitor. inf. de distr. pign.* Certi autem iuris est, si debitorem pignus persequi à creditore posse, si pecuniam soluat, aut eo nomine satisfaciat creditori. *leg. si rem. §. omni. Dig. de pig. act.* Sed in debito soluendo imputabuntur fructus ex re obligata à creditore percepti, vt hic cauetur. *hl in vniuersum debitum extenuant. l. 1. l. 2. sup. de pig. act. l. 1. inf. de distr. pignor.*

L. Debitores. 10.

Imp. Dioclet. & Maximi. AA. & CC. Alexandro.

Debitores presentes prius denuntiationibus conueniendi sunt. Igitur si conuenti debito satis non fecerint, persequenti tibi pignora, seu hypothecas, quas instrumentis specialiter comprehensas esse dicis, competentibus actionibus rector prouincia auctoritatis suæ auxilium impartiri non dubitabit. Dat. 14. Cal. Febr. ipsi IV. & III. AA. Coss. 290.

S Y M M A R I V M.

- 1 Ad pignorum possessores perueniri etiam olim non potuisse, nisi prius conuenti debitoribus: quam hoc humanum: & quid hoc addiderit Nouella Iustiniani.
- 2 Debitores prius denuntiationibus conueniendos, quam verum sit, refulatus locum in speciem repugnantis.

S Creditores ꝑ ab extraneis possessoribus pignora persequi velint potius, quam debitorum conuenire, id illis olim facere licuisse multis rescriptis declaratur. *l. distractis. l. persecutione. inf. eo. l. vlt. sup. de obl. & act.* Id ius temperatur hoc rescripto. Hæc enim lex & conditio ponitur creditoribus, vt si debitores præsentibus sint, prius eos conueniant denuntiationibus, id est, prius interpellent eos, vt soluant; sic deinde illis non soluentibus pignora iure persequatur. Summo quidem de iure licet creditoribus pignora persequi sine vlla debitoris interpellatione. Pignoris namq; cõuentio neq; diem, neq; conditionem habet, vt proinde sic pura sit & præsens pignoris obligatio. Sed humanitatis ratio aliud ius postulat, ex quo est ista denuntiatio, quã hic exigi videmus. Humanitas & æquitas in eo est, quod præsentibus debitoribus sine incommodo creditoris interpellari possunt; interpellati fortasse soluent; si soluerint, eadem opera & consulitur creditoribus suum consequentibus. & possessores pignorum non inquietantur. Quod factum postulant prodest, concedenti non nocet, æquum est id concedi cuius quamuis extraneo & ignoto. *l. 2. §. quamquam. ff. de aq. & aq. pit. arc. act.* Iustinianus *Nou. 4. de fideiuss. §. sed neque, alias §. enimvero.* plus exegit a creditoribus. Constituit enim, vt si debitoribus præsentibus sunt, non tantum prius denuntiationibus conueniantur, sed cum illis iudicio agatur, nec prius perueniatur ad pignorum possessores, quam excussis debitoris & omnium accessionum facultatibus. Sed ꝑ quod hoc rescripto dicitur, debitoribus præsentibus prius denuntiationibus conueniendos, multis diserte rescriptis locis contrariis refelli videtur. Ac primum constat, quod pure deberetur, statim peti posse. *§. omnia. Inst. de verbor. obl.* Si statim, non poterit ex vlla denuntiatione præcedenti. Quod & verissimum est, ac perpetuum: sed tunc locum habet, cum agitur cum ipso debitore. Iudicio cum omnibus agi potest, qui nobis obligati sunt, quamuis prius eos non interpellauerimus, vt soluerent. Hic autem obseruandum est agi de eo creditore, qui pignora persequi velit ab alio possessore, quam debitor, vt sequentia indicant, quod quam æquitatem habeat, supra ostendimus. Imo, dixerit aliquis, etsi creditor ius pignoris exsequatur, tamen hoc iure non habet necesse prius debitorem conuenire. Nam in *l. distractis. l. persecutione. inf. hoc tit. l. vlt. sup. de obl. & act.* traditum est, creditorem posse statim possessores pignorum conuenire neq; necesse habere personali actione prius conuenire debitoribus. Sed nihil aduersus hunc locum, non n. dicimus debitoribus prius conueniendos esse actione & iudicio; sed conueniendos denuntiationibus. Rursum hic occurrit. Nam si pignus creditor distrahat, constitutum est id eum iure facere, etiam si prius debitori nõ denunciauerit. *l. 4. ff. de pig. l. si cessante. inf. de dist. pign.* Sed alia causa est, cum creditor pignus distrahit, alia cum pignus ab extraneo possessore persequitur. Nam pignoris distractio nocet debitori, qui oppignorauit: persecutio pignoris extraneis possessoribus. Porro cum de debitore agitur, nullam ordinem actionis seruamus, sed tantum aduersus extraneos possessores, cum quibus creditor nihil contraxit, *auth. hoc si debitor. inf. hoc tit.* Ex his apparet, proprie & significanter hoc loco dictum esse, cum creditor pignora persequitur aduersus alios, prius debitoribus conueniendos esse denuntiationibus; vt intelligamus necessitatem iuris his verbis contineri, non autem cõueniendos esse de vrbaniitate, vt vulgo interpretantur. Et fortasse hoc ius est de conueniendis prius debitoribus, cuius mentionem facit Iustinianus initio. *Nou. 4. de fideiuss.*

L. Nominatori. II.

Idem AA. & CC. Euphrosyno.

Nominatori pignori capere sine præsidis auctoritate res nominati non licet §. 3. Id Mart. AA. & Coss.

S V M M A R I A.

- 1 Nominatores in honoribus & muneribus publicis, qui.
- 2 Nominator quibus, ad quid, & quo ordine teneatur.
- 3 Nominari aduersus nominatum quando, qua, & qua de re actio.

S Vb persona nominatoris & nominati statuitur hic sententia, quæ generalis est ad omnes creditores pertinens; neminem res debitoris sui capere posse pignori sine magistratus auctoritate, quæ sententia expressa est in *l. 3. sup. vbi diximus.* Quod ꝑ ad exemplum huius loci attinet, nominatores dicantur in honoribus &

muneribus publicis deferendis. Nam cum quis aut magistratum municipalem, aut decurionem, aut curatorem Reipublicæ offerret, & tanquam idoneum ad eam rem nominat, ex re nominator appellatur, vt intelligere licet ex toto titulo, *de peric. nom. infr. lib. 11.* Eodem modo & si quis apud magistratum tutorem aliquem nominet. *l. aduersus. supr. de mag. conuen.*

Qui ꝑ ita nominator existit, in re quidem publica Reipublicæ obligatur, in administratione autem minorum obligatur minoribus, vt si is, qui nominatus est, in ea administratione, quam suscepit, aliquid contraxerit, & non sit soluendo, id dependat aut Reipublicæ, aut minoribus eo ordine, qui præscriptus est in *l. Imperator. ff. ad municip. l. 2. & vlt. inf. quo quis. ord. non. lib. 11. & d. L. aduersus. sup. de mag. conuen.* Postquã nominator ꝑ nominati causa quid soluit, tum incipit nominatoris sui teneri vel mandati, si mandato suo nominatus est, vel negotiorum gestorum, si mandatum non intercessit. In hac obligatione quæritur, an nominator nominati res pignori capere possit. De quo id statuitur, quod supra definiuimus.

L. Si vxor. 12.

Idem AA. & CC. Eusebio.

Si vxor tua pro pecunia, quam accepit mutuo, res propria obligauit pignori, eique tu successisti: licet instrumento eius facti testimonium collatum non sit: soluto tamen debito creditorem de his tibi reddendis solemniter conuenies. S. 5. Calend. April. AA. Coss.

S V M M A R I V M.

- 1 Pignoratitia actio qua de re, cui, aduersus quem, qua conditione.

C Reditor ꝑ pignus accipiendo à debitore debitori obligatur, vt pignore soluto id ei restituar. *§. vlt. Inst. quib. mo. re. cont. obl.* In eamque rem constituta est debitori pignoratitia actio hac conditione, si pecunia soluta erit, aut creditori satisfactum. *l. si rem. §. omnis. ff. de pig. act. l. pen. sup. eo.* Hæc actio citra controuersiam & hereditibus debitoris datur, & in heredes creditoris. *§. 1. Inst. de perp. & temp. act.* Hæc ita sunt, quamuis de pignore dato nullum instrumentum interpositum sit, vt hic respondetur. In quo statuitur generalis sententia de vi instrumentorum, quæ expressa est in *l. 4. ff. eod. l. 4. ff. de fid. instr. & similibus locis.*

L. Cum dominam 13.

Idem AA. & CC. Matronæ.

Cum dominam non minorem 25. annis ea, que obligauerat tibi, iure domini possidere permisisse, & in solutum dedis- se, precibus significes; domina contractus & voluntas ad firmitatem tibi sufficiet. S. 4. Calend. Maii. Heraclia. AA. Coss.

S V M M A R I V M.

- 1 Permissum debitoris, vt creditor pignus in solutum sibi habeat, ad dominium transferendum etiam secundum formam communem iuris abunde valere: & cur.

C Vm ꝑ debitor permittit creditori suo, vt pignora, quæ prius acceperat, in solutum sibi habeat, quæritur, an dominium pignorum ea cõuentione in creditore transferatur? Tria videntur impedire. Primum, quod nulla hic traditio rerum est; dominium aut nisi traditione non transfertur. *leg. traditionibus. supra, de pactu.* Deinde quod nulla hic causa videtur interuenire noua ad dominium transferendum; et nisi iusta aliqua causa præcedente dominium non transfertur. *leg. nunquam. Digest. de acquir. rer. dom.* Postremo de iure domini impetrando in pignore certa forma præscripta est constitutionibus, qua ad eam impetrationem perueniatur.

h. & toto tit. inf. de iur. dom. imp. Ea forma in hac specie nulla est. Sed nihil hæc obstant dominio transferendo. Nam quod ad traditionem attinet, hæc tunc necessaria est, cum res, quam translatam volumus, non est apud eum, ad quem volumus transferre. Quod si prius apud eum sit, vel quod commodauius, vel quod apud eum deposuimus, vel quod pignori dedimus; hic nuda voluntas sufficit ad domini translationem. *leg. qua ratione. §. inter dū. Dig. de acquiren. rer. dom.* Et recte, satis enim prius res tradita erat, ut iam non sit noua traditio opus. Si causa hic quaeritur ad dominium transferendum, est idonea; nempe pro soluto, *leg. 4. Dig. de Publ.* Quod autem de iure domini impetrando constitutum est in pignoribus, id aduersus debitores inuitos, aut ignorantes constitutum est. Ceterum si debitor, idemq; dominus velit rem suam in creditorem transferre, nihil tam naturale est, quam voluntatem eius in hac re raram haberi, ut est in §. *per traditionem. Instit. de rerum diuis.* Proinde in proposito dominium voluntate debitoris in creditorem recte transferretur. Sed cum hac exceptione, quæ hic adiecta est, dum debitor non sit minor viginti quinque annis. Nam ita ius est, neque prædia minorum, neque res mobiles, quæ seruando seruari possunt, sine decreto magistratus alienari possent. *leg. 1. & tot. tit. Dig. de reb. eorum, qui sub iur. vel cur. sunt. & tit. de præd. minor. supra. l. lex que. sup. de administrat. tutor.*

L. Distractio 14. & auth. hoc ita. seq. l. debitorem. 15.
auth. hoc si debitor. & l. persecutione, 24.

Iidem AA. & CC. Appiano: Basilidæ:
Marco.

L. 14. Distractio à debitore pignoribus, creditores potestatem habere, utrumne personali obligatos sibi, an pignora possidentes in rem actione conuenire velint, non est incerti iuris. S. Cal. Maii. Heraclia AA. Coss.

Auth. Hoc ita. si debitor ei non satisfaciatur ex pretio rei vendita: quod ut fiat, permittitur ei vendere.

L. 15. Debitorem neque vendentem, neque donantem, neque legantem, vel fideicommissum relinquentem posse deteriorem facere creditoris conditionem, certissimum est. Vnde si tibi obligatam rem probare posse confidis, pignora persequi debes. S. Non. Maii. Heraclia. AA. Coss.

Auth. Hoc si debitor possideat, alio vero possidente inhibitor hypothecaria, donec personaliter actum sit cum reo & intercessore. Et si nec ex hypothecis debitoris satisfiat, tunc demum intercessoris hypotheca, si qua sunt, petantur: quod ius & in heredibus locum habet.

L. 24. Persecutione pignoris ommissa debitores actiones personali conuenire, creditor urgeri non potest. S. 15. Cal. Ian. Nicomed. CC. Coss.

S Y M M A R I A.

- 1 Pignore distractio à debitore, nihilominus ius pignoris creditori integrum manere.
- 2 Quo ordine perueniatur ad pignorum possessores, olim & nunc.
- 3 Auth. hoc ita. C. de pig. de quibus hypothecis interpretanda. Nouella de litigiosis, in §. hoc, sententia ibidem.

Debitor ꝑ pignus alienando, uti rei dominus erat, ita dominium ad accipientem transfert. *l. si dominium. sup. hoc tit.* sed hac alienatione creditori non nocet. Manet enim saluum ius pignoris, quod ab initio recte constitutum est. *l. si debitor. inf. de distr. pig. l. distractio. l. debitorem. hic.* Adicitur ratio in *l. debitorem* non enim potest debitor creditoris conditionem deteriorem facere. *l. soluendo. D. de negot. gestis.* Sumtum ex præceptis iuris, quibus præcipitur alterum non lædere, suum cuique tribuere. *l. iustitia. ff. de iust. & iur.* Itaque pignore alienato creditor pignora à possessoribus persequi potest. Est enim persecutio pignoris in rem, *d. l. debitor. & in fin. & l. pignoris. inf.*

2 Inde ꝑ quaesitum de ordine conuenientiorum possessorum, utrum creditor debitores prius conuenire debeat, sic deinde iis non soluentibus peruenire ad pignorum possessores. an vero sit

in arbitrio creditoris, aduersus utros experiatur? Et ius vetus fuit ita, ut huius rei electio esset creditoris. *leg. distractio. l. persecutio. hic. l. vlt. sup. de obl. & act.* præterquam in silco pignus tacitum vindicante. de quo humanitatis causa iam olim idem placuerat, quod postea generaliter admissum est in omnibus creditoribus, & omnibus hypothecis, etiã de quibus nominatim conuenit. *l. Moschi. ff. de iur. fisc. l. ius ergo, vt dixi, in totum mutatum Iustiniani constitutione Nou. 4. de fideiuf. §. sed neq. vnde fragmentum in Auth. hoc si debitor. hic.* & exemplum fisci superius admissum ad hanc sententiam, ut non aliter ad pignorum possessores perueniri possit, siquidem alii pignus possidebunt, quam debitor prius conuenit, & excussis eius facultatibus reperit sit eum non esse soluendo.

Sed ꝑ hoc ius postea temperatum est ab eodem Iustiniano in 2 Nou. de litigios. §. ab hoc. vnde fragmentum in Auth. hoc ita. ad hanc sententiam, ut si creditor aduersus debitorem pignus adhuc possidentem de hypotheca agere cœperit, & controuersia mota debitor pignus alienet, in hac specie liceat creditori statim pignoris emptorem eumdemque possessorem conuenire, & pignus persequi, si ei de pretio eius alienationis satisfactum non sit. Hoc ita interpretandum esse in constitutione Iustiniani recte visum est Ioanni veteri interpreti cuius & sententia omnium consensu recepta est. Et si enim Iustinianus in ea constitutione de litigiosis, qua parte agit de hypothecis alienatis, nihil exprimat, quo tempore alienatæ sint, utrum controuersia de his aduersus debitorem mota, an vero non mota; tamen de iis agi, quæ mota aduersus debitorem controuersia postea alienatæ sunt, cum ex instituto Iustiniani satis intelligitur, tum ex exceptione, quam priori disputationi Iustinianus subiicit. Institutum eius est tunc ea constitutione agere de reb. litigiosis. Quamobrem de hypothecis agens etiam de iis agere intelligendus est, quatenus litigiosæ videri possunt. Prius autem definerat litigiosum, de quo lis possessori mota erat. Deinde post excipit ab ea definitione hypothecas. Non potest exceptio existimari, nisi quæ verbis & finibus definitionis continetur. ut si quis ædes leget, stulte excipiat libros; quia etiam sine hac exceptione libri appellatione ædium non continerentur. Quare quod generaliter in *auth. hoc ita.* scriptum est, id ad speciem hypothecæ litigiosæ, de qua dixi, referri debet.

L. Etsi frater. 16.

Iidem AA. & CC. Heroidi.

Etsi frater tuus non suam, sed ad te pertinentem pecuniam mutuam suo nomine dedit, ac pignus accepit: tamen tibi pignoris obligationem querere non potuit. *subscripta 3. Id. Maii. Hadrianopoli. AA. Coss.*

S Y M M A R I A.

- 1 Qui pecuniam mutuam dedit suo nomine, quamuis alienam, pignoris obligationem domino pecunia querere non posse, & cur.
- 2 Qui pecuniam alienam mutuam dat nomine domini, eum domino acquirere & conditionem pecunie, & pignoris eo nomine accepti obligationem.

Cum quis pecuniam alienam mutuam dat suo nomine, ei cuius pecunia est, conditionem non acquirit; quia non vult; sibi acquirit, si nūmi ab accipiente consumti erunt. *l. nam & si fur. ff. si cer. per.* In ꝑ eã obligatione si pignus accepit, pignus illi obligatum est; ei, cuius pecunia erat, pignus non est constitutum, ut hic traditur: his de causis. Nam si ex eo mutuo nulla obligatio nata est, ut sit nūmis adhuc exstantibus; non potest vilum pignus esse neq; ei, cuius pecunia est, neq; adeo ei, qui pecuniam suo nomine dedit, non est n. pignus, nisi pro debito, & obligatione præcedente. *l. res hypotheca. ff. eo. §. item Seruiana. Inst. de act.* Quod si ex ea enumeratione cõdictio mutati nata erit, quod sit nūmis cõsumtis; tamen ei, cuius pecunia est, ideo pignus acquiri non potest; quia ei nihil debetur, cui principalis obligatio non est quaesita, neq; vero alii res pignori obligari potest, quam creditori; quoniam pignus accessio est principalis obligationis. *dict. leg. res hypotheca. Digest. eod. l. 4. §. si ex conuentione. Dig. de re iud.* Quin ꝑ etiam etsi quis pecuniam alienam mutuam det domini nomine, & pignus illius nomine accipiat: acquiritur quidem domino cõdictio. *l. certi. §. si nummos. ff. si cer. per.* quasi ipse pecuniam dedisset per alium. At pignoris obligatio illi olim non acquireretur, quam placet per liberam perso-

nam quæri non posse. *l. solutum. §. per liberam. Dig. de pig. act.* Hodie ex constitutione Iustiniani quamvis suam quis pecuniam dedit alieno nomine, is ut conditionem acquirit extraneo, & acquirebat olim, sic & acquirit pignoris obligationem. *leg. 2. supr. per quas pers.* Postquam constitutionem non erit inutile, quod adicitur hoc loco de eo, qui pecuniam alienam suo nomine dedit ac pignus accepit. Intelligamus enim hodie ideo recte adici; quia ad eum non pertineat, qui pecuniam ad se pertinentem dedit alieno nomine, & pignus accepit.

L. Quamvis 17.

Idem AA. & CC. Ponticæ.

Quamvis ea pecunia, quam à te mutuo frater tuus accepit, comparaverit pradium: tamen nisi specialem, vel generaliter hoc tibi obligaverit, tua pecunia numeratio in causam pignoris non deduxit. Sane personali actione debitum apud præsidem petere non prohiberis. S. 12. Cal. Iun. AA. Coss.

S Y M M A R I V M.

1 Rem aliena pecunia emptam non esse pignori obligatam, cuius pecunia empta est: excepto pupillo, cuius pecunia res empta sit, & cur.

2 Quod dicitur pignus contrahi conventionem, idque debitoris interposita cum creditore. *l. i. in pr. ff. de pig. act. l. 4. Dig. de pig. §. item Seruiana. Inst. de act. declarat nullius debitoris rem creditori obligari inter vivos, nisi specialiter, aut generaliter convenit, ut esset obligata, ut hic dicitur idem in *l. Aristo. ff. que res pig. obl. non pos.* Porro res empta eius est, qui eam emit suo nomine, & cui suo nomine tradita est, quamvis eam emerit aliena pecunia. *l. mulcum. l. qui aliena. sup. si quis al. vel sib. Quo fit, ut quæ res hic emptoris est non sit pignori obligata ei, cuius pecunia empta est; quia de pignore nihil convenit, quæ sententia est huius loci. In hac re pupillum excipimus, cuius ex pecunia si quid emitur, id ei pignoris iure tenetur. *l. pen. supr. de ser. pig. dat. man.***

L. Pignoris 18.

Idem AA. & CC. Euodio.

Pignoris vel hypotheca persecutio in rem est. S. Kalen. Decemb. Sirmii. AA. Coss.

S Y M M A R I A.

1 Pignoris persecutio qua actio, cui datur, aduersus quæ, cuius rei gratia.
2 Pignoris persecutio cur dicta Seruiana, quasi Seruiana, hypothecaria, & interdum pignoratitia.

DE pignore iure prætorio nascitur actio *l. si tibi. §. de pignora. ff. de pact.* Hæc actio non in personam est, sed in rem, ut hoc loco admonemur, & *l. pignori. ff. eo. item. §. item. Seruiana. Inst. de act.* Hinc intelligimus & cui deper hæc actio, & in quem, & cuius rei gratia, seu quis sit huius actionis exitus. Quod persecutio pignoris est, ex eo intelligimus eam creditori dari. Non enim persequitur pignus, nisi qui pignus habet. Non est autem pignus constitutum, nisi creditori. *l. si frater supr.* Quod in rem esse dicitur, eo declaratur actionem esse non aduersus debitorem, aut debitoris heredes; sed aduersus omnem, qui pignus possidet, tenere; quæ omnium actionum in rem conditio est. *l. si fundus. §. in vindicatione. ff. eod. l. actionum. ff. de obl. & act.* Quod si aduersus possessorem est, consentaneum est aduersus eos etiam dari, qui non possident quidem, sed pro possessoribus habentur. Hi sunt, qui dolo deserunt possidere. *l. qui dolo. l. parem. ff. de reg. iur. l. qui petitorio. in pr. D. de rei vind.* Eadem re admonemur huius iudicii exitum esse, ut possessor rem creditori restituat, nisi malit creditori soluere, quod debetur. Nam ea solutione pignus liberatur. quo liberato, nulla relinquitur creditori pignoris persecutio. Quod si neque soluit possessor, neque pignus restituit, tunc lis aduersus eum

æstimatur, quanti ea res est, pro ea distinctione, quæ est in *d. l. si fundus. §. in vindicatione. & l. si inter. §. i. ff. eo.* Huc facit *l. qui restitueret. in fin. ff. de rei vind.*

Hæc tamen actio ne nos fallat, cum in iure nominatur, nomen tenendum est. Sciendum est igitur, eam à prætoribus, à quo primum comparata est, Seruianam & quasi Seruianam dici: à re ipsa dici hypothecariam, non pignoratitiam: *§. item Seruiana. Inst. de act. propter ea quod non persequitur creditor pignus, nisi id, quod ab alio possidetur. Id autem pignus proprie hypotheca dicitur, non proprie pignus. l. si rem. §. propriis. ff. de pign. act.* Pignoratitia actio & in personam est, & debitori competit aduersus creditorem, aut creditores heredes, ut pignus pecunia soluta ei reddatur. *§. vlt. Inst. quib. mod. re cont. obl.* Recte pignoratitia, quæ debitori datur de eo pignore, quod ipse creditori tradidit, quod, ut iam dixi, proprie pignus dicitur. Interdum tamen confunduntur ista, & actio hypothecaria dicitur pignoratitia, ut *l. rem alienam. ff. de pign. act. l. duob. ff. de except. rei iud. leg. 3. §. est autem. Digest. ad exhib. leg. communi. §. si inter. Dig. com. diuid.*

L. Sicut 19.

Idem AA. & CC. Maximo.

Sicut vim maiorem pignorum creditor prestare non habes necesse: ita dolum & culpam, sed & custodiam exhibere cogitur. Dat. 17. Cal. Ianuarii. AA. Coss.

S Y M M A R I V M.

1 Culpam etiam & custodiam creditorem prestare debere in pignore; & custodia verbo quid contineatur.

PIGNORATITIA actione tenetur debitori creditor, ut debito soluto pignus debitori integrum reddat, & tale, quale accepit. *§. vlt. Inst. quib. mod. re. con. obl.* Et sine dubio ita tenetur, si rem talem habet apud se, qualem accepit, Quid si aut non habet, aut deterior facta est? Distinguitur, ut siquidem casu fortuito, seu vi maiore res absit, aut deterior facta sit; non teneatur creditor. Casus fortuiti nullo iudicio præstantur ab eo, qui rem præstare debuit. *l. que fortuita. supr. de pig. act. l. contractus in fin. ff. de reg. iur.* Sin aliter ista contigerunt, placet omnimodo creditorem teneri, siue dolo eius factum sit, siue culpa, nec solum ea culpa, quæ in faciêdo sit, sed etiam quæ in negligendo, quæ posterior custodia exhibendæ verbo hic significatur: dum scilicet ipse rem corrupti aut amitti patitur eam custodiam & diligentiam non adhibendo, quæ à diligente patrefamilias adhiberi potest: ut & in *l. si cum venderes. §. vlt. & leg. seq. Dig. de pign. act.* Hæc ideo; quia in contractu pignoris vtriusque; utilitas versatur, & debitoris, & creditoris, ut declaratur in *d. §. vlt. Inst. quib. mod. re cont. obl.* Id autem est ea distinctione, quæ pluribus explicatur in *leg. §. nunc videndum. Dig. comm.*

L. Creditor. 20.

Idem AA. & CC. Alexandro.

Creditor ad petitionem debiti urgeri iure minime potest. Quapropter eo, quod vos heredibus Euodiani debere confidistis, oblato, & si non velint accipere, consignato atque deposito: de reddendo pignore hos prædialis notione convenire. PP. 17. Calend. Februar. AA. Coss.

S Y M M A R I A.

1 Obligatione sola pecunia pignus liberari, & quali.
2 Oblatio sola pecunia in iudicio facta etsi pignus non liberet; prodest tamen debitori ad pignus & retinendum & repetendum.

IRE constituto pignus ita liberatur, si pecunia creditori soluta erit, aut eo nomine creditori satisfactum. *leg. si rem. §. omnia. Dig. de pig. act. leg. item. §. 1. Dig. quib. mod. pig. vel hypothec. sol.* Hoc ius si ad verbum exigimus, periculose constituitur aduersus debitorem.

Nam nõ soluitur pecunia creditori, nisi ille oblatam accipiat. At fieri potest, vt non accipiat, quamuis iniuria. Fieri etiam potest, vt paratus sit accipere, sed dicat sibi plus deberi, quam offertur: & ideo priusquam quidquam accipiat, postulet de ea re iudicio constitui. Quod si fit, res eodem redit. Non enim potest iudicio constitui de eo, nisi ipse agat. porro nemo cogitur iniuria agere. *tit. vt nemo iniur. ag. vel accus. cog. supra.* Ita fit vt nunquam iniuito creditore pignus liberetur, si præfracte solutionem exigimus. Id ergo ne fieret, remedium inuētur est, quod pro iusta solutione cederet, vt sic & fideiussores, & pignora ipso iure liberarentur, quamuis iniuito creditore. Id t̄ remedium est non oblatio pecuniæ sola, sed oblatio cum obsignatione pecuniæ & depositione coniuncta, id est, vt reculante creditore debitor coram testibus numeratam pecuniam sacculo includat, sacculum clausum obfig. et, obsignatū deponat in eum locum, de quo iudex idoneus constituerit. Hæc indicantur plenius in *leg. acceptam. sup. de vsur.* Idem hoc loco dicitur breuius. Similes loci notantur ab Accursio. Hæc autem liberatio pignoris ex eo est, quod hæc obsignatio & depositio solutionis vim habet *l. obsignatione inf. de sol.* Ergo t̄ sola oblatio neque principalem obligationem tollit, neque pignus liberat. Interdum tamen prodest debitori: si is puta pignus possideat, & pecuniam creditori offerat in iudicio. Sic enim consequitur, ne cogatur pignus reddere, non quia pignus liberatum sit, sed quia obstat creditori agenti doli exceptio. *l. porior. §. vlt. ff. qui pot. in pig.* Prodest etiam debitori vltro pignoratitia actio: ne agenti, qui item pecuniam in iudicio creditori offerat. Prodest autem eo, vt recte agat, & creditor damnari debeat. *l. si rem. §. vlt. D. de pig. act.* Quippe pignoratitia actio has condiciones habet, si pecunia soluta sit creditori, aut ei satisfactum. Quæ conditio ex regula iuris toties pro impleta habenda est, quoties per creditorem, cuius interest eam conditionem non impleri, stat, quo minus impleatur, *l. in iure. ff. de regul. iur.*

L. Res obligatas 21.

Idem AA. & CC. Vieto.

Res obligatas exterius debito soluto liberando, datum petere non earum dominium adipisci potest. Datum. 2. Cal. Nicemb. Retiaria. CC. cons.

S V M M A R I A.

- 1 Soluendo pro debitore extraneus quibus vt debitorem etiam iniutum, ita & pignus liberat.
- 2 Soluentem pro debitore & pignus liberantem non ideo quidquam iuris in rem liberatam consequi.
- 3 De pecunia alterius nomine soluta esse aduersus eum actionem mandati, aut sine mandato negotiorum gestorum actionem.
- 4 Soluenti pro debitore & pignus liberanti dominium, aut pignus acquiri ex conuentione, si aut ei res vendita, aut pignus in eum translaturum sit: sine conuentione etiam pignoris retentionem.

Quius t̄ pro debitore soluendo creditori, debitorem & ignorantem, & iniutum liberat. *l. soluendo ff. de neg. gest. l. soluere. l. solutione. Dig. de solut.* Vnde euenit, vt eadem opera & accessiones liberentur, id est, fideiussores & pignora. *leg. in omnibus speciebus. Dig. de solutione.* atque hæc in debitoris vis est huius solutionis. Nam t̄ quod ad extraneum attinet, qui soluit, non propterea in rem, quam nexu pignoris liberauit, quidquam iuris nanciscitur. Non dominium, de quo hic scriptum est: non pignus, de quo scriptum est in *l. i. in prin. Digest. quib. mod. pig. vel hyp. sol.* Vtrumque ideo, quia ad dominium acquirendum, & pignus constituendum pariter domini voluntate & conuentione est opus. *l. in omnib. reb. D. de obl. & act. l. quamuis. sup. hoc tit.*

Tantum t̄ is, qui soluit, hac solutione id assequitur, vt quod soluit, possit repetere à debitore, quem liberauit: non tamē quia negotium utiliter ab eo gestum. Vt autem repetat, consequitur aut mandati actione, si mandato debitoris soluit, aut sine mandato actione negotiorum gestorum, quia utiliter in rem eius impendit, dum eum liberat. *l. 2. D. de neg. gest. l. 3. & leg. filius. sup. eo. tit. de neg. gest.* Sed t̄ hæc ita accipienda sunt, si extraneus ita solum soluit, vt debitorem liberaret, quod verba ipsa rescripti satis significant,

quæ ad solutionem & liberationem debiti solum conferuntur. Quod si ita pecuniam creditori dedit, vt pignus emeret, dominium in eum transfertur non minus, quam si à domino emisset. *leg. non est nouum. Dig. de acq. rer. dom.* Sed et si citra emtionem ita pecuniam soluerit creditori, vt idem pignus sibi obligaretur, rata erit conuentionio, & in ius creditoris succedet. *leg. i. inf. de his, qui in prio. cred. loc. succ.* Neque vero aliter illum ius dominii, aut pignoris in re liberata sibi exterius acquirit. Sane & sine emtione, itemque superiore conuentione de pignore constituendo extraneus, qui debitoris nomine soluit & pignus luit, consequitur eiusdem rei retentionem in eam summam, quam soluit, *d. l. i. in pr. quib. mo. pig. vel hyp. sol.* non tamen pignoris iure, sed per exceptionem doli mali, quæ iis omnibus possessoribus rei alienæ conceditur, qui in eam rem sumtu fecerunt, dum ab his res reperitur non solutus sumtibus. *l. suntuus. l. in fundo. ff. de rei vind. l. plane. D. de petit. her.*

L. Secundus. 22.

Idem AA. & CC. Antiochiano.

Secundus creditor offerendo priori debitum confirmat sibi pignus & à debitore sortem, eiusque tantum vsuras, quæ fuisse præstandæ, non etiam vsurarum vsuras accipere potest. PP. 3. Id Decemb. Nicomed. CC. cons.

S V M M A R I V M.

- 1 Posteriori creditori priori pecuniam soluendo pignus sibi confirmare non tantum in sortem sibi debitam, sed & in eam summam, quam soluit, item & in vsuras, quæ priori soluenda essent: non etiam in vsuras vsurarum ab ipso solutarum.

Cum duobus creditoribus diuersis temporibus eadem res obligata sunt, sic prior creditor in pignore potior est, vt secundus aduersus priorem nihil iuris habeat. Sed si posterior t̄ priori creditori soluat, vel offerat, quod ei debetur, illo remoto posterior in pignore aut solius, aut certe primus esse incipit, atque ita sibi pignus confirmat. Sed quod præcipue animaduertendum est, confirmat sibi pignus non tantum in debitum tuum, sed etiam in omnem causam, qua de bitorem à priore creditore liberat, vt est in *l. in bello. §. si pignori. ff. de cap.* Et in summa in locū prioris creditoris succedit, vt traditur in *leg. 5. in prin. ff. de distr. pig.* Proinde confirmat sibi pignus non tantum in sortem, quam priori creditori soluit, sed etiam in eius sortis vsuras, quæ præstandæ fuissent, vt hic scriptum est. Quibus verbis intelligo posteriorē sibi confirmare pignus non tantum in eas vsuras, quas priori soluit, de quibus ex locis à me supra indicatis non dubitatur, sed etiam in eas vsuras, quas non soluit, sed quæ creditori priori soluendæ essent, si eius obligatio non esset sublata. Vt quemadmodum illi præstandæ essent, sic & posteriori creditori præstandæ sint ex mora, quoniam is, vt diximus, in locum prioris succedit. *d. c. leg. 5. de distr. pig.* Hinc quæ situm, an posterior creditor, quemadmodum sortis prioris soluta vsuras consequi potest, ita etiam possit exigere vsuras earum vsurarum, quas priori soluit. Finge posteriorem creditorem priori soluisse sortem mille aureorum, & eius sortis vsurarum nomine centum, quæ illi creditori debebunt cœperant. Quæro, an quemadmodum sortis mille aureorum vsuras exigere potest posterior creditor, ita possit etiam exigere vsuras earum centum, quæ nomine vsurarum priori soluerat. Quod quidem prima ratione quis dixerit. Nam in actione negotiorum gestorum id totum fors est, quod quis alieno nomine impendit. *l. 2. ff. de neg. gest.* Quod si vsuræ supra solutæ in ea actione pars sunt sortis, consequens est etiam eius partis vsuras ex mora accedere. Nam actio negotiorum gestorū bonæ fidei est, & actiones autem. *Institut. de act.* In bona fidei autem iudicis vsuras ex mora veniunt. *leg. mora. §. in bona fidei. ff. de vsur.* Et hoc loco respondetur, posteriorem creditore vsuras tantum sortis à se solutæ vna cum sorte consequi posse, vsuras autem vsurarum à se solutarum consequi non posse. Superiorem autem obiectiōni occurratur in *l. creditor. §. sciendum. ff. qui pot. in pig. hab. adhuc eodem.* Recte enim diceretur vsuras priori creditori solutas pro sorte habendas esse, si negotiorum gestorum actione pretererentur. Nunc autem de his negotiorum gestorum actio locum non habet. Nam poste-

posterior creditor dum priori soluit & sortem & vsuras illi debitas, negotium debitoris gerit, sed suum. Non enim soluit debitoris liberandi causa, sed pignoris, & iuris sui confirmandi gratia. Ita relinquitur, quod solutum est, id partim sortem esse, partim sortis vsuras. Certi autem iuris est vsuras vsurarum exigi non posse. *l. placuit, D. de vsur. l. v. nullo. sup. de vsuris.*

L. Maior 23.

Iidem AA. & CC. Macedoniano.

Maior annis 25. pignoris conventionem remissam cum hoc solum per actum, vel iurisdictione secundum ipsius voluntate tuae iur. persequi non potest. S. 18. Kal. Ian. Nicomediae, CC. Coss.

S Y M M A R I A.

- 1 Remissione & conventionem sola pignus solui.
- 2 Iurisdictione quid.
- 3 Remissione directa pignoris maxime pignus solui ipso iure.
- 4 Etiam tunc, cum res tradita est creditori.
- 5 Obliqua quoque remissione, id est, pacto interposito de pecunia non petenda, etsi sortis liberatio contingat tantum per exceptionem, pignus tamen ipso iure tolli.

6 §. de pignore. l. si tibi. D. de pact. explicatus.

7 L. 2. C. de remis. pig. explicata.

Remittit pignoris conventionem creditor, qui paciscitur, ut à pignoris conventionem, id est, à pignore discedatur, nec res amplius sit pignori. Hoc qui pactus est, pignus amplius persequi non potest, ut hic traditur. Et hoc est, pignus conventionem & remissione creditoris soluitur. *l. 2. inf. de remis. pig.* Id eo fieri dicitur hoc rescripto, quia pactum, quod inest in hac remissione, tamen si solum sit, & ut iuris auctores alibi loquuntur, nudum; tamen eiusmodi est, quod iurisdictione teneat secundum voluntate creditoris. Iurisdictione, id est, prator, & quiis magistratus ex edicto pratoris de pactis. *l. iurisdictione. §. aut prator. D. de pact. Iurisdictione* est magistratum auctoritas, & potestas in iure dicendo. *l. non possunt. §. l. seq. D. de legib. Quæritur, an remissione creditoris pactum tollatur ipso iure, an per exceptionem tantum? Quorum alterum ex verbis huius rescripti certo colligi non potest. Nā is dicitur, non posse rem persequi, non tantum qui ipso iure non potest, sed etiam qui per exceptionem remouetur. *l. nihil interest. D. de reg. iur.* Et tamē res digna est cognita propter locos de hac questione in specie dissentientes. Nos statuemus, ut consensu creditoris pignus contrahitur, ita contrario consensu ipso iure & remitti & dissolui. Remissio & conventio creditoris duplex est, directa, & obliqua. Directa, qua aperte & recta paciscitur, ut ab hypotheca discedatur, siue ne de hypotheca amplius agat. Hæc conventio circa controuersiam dicitur pignus soluere, *in l. soluitur. D. quib. mo. pig. vel hyp. sol.* Solui dicitur, quod omnino soluitur, id est, ipso iure. *§. item per acceptilationem. Inst. quib. mo. tol. obl.* Et vero id consentaneum est regulæ iuris, quæ dicitur, quibus quidque modis contractum, aut constitutum est, iisdem modis in contrarium actis dissolui. *l. nihil tamen naturale. l. seve. D. de reg. iur.* Constat autem pignus sola conventionem contrahi, siue creditori tradatur, siue non tradatur. *l. in prim. D. de pig. act. l. 4. D. de pign.* Proinde & contraria conventionem tollitur, quæ definitio expressa est in *l. 2. inf. de remis. pig.**

Nec multum ad rem faciet, si pignus præter conventionem traditam sit creditori. Nam hæc traditio non facit, ut magis pignus contrahatur, quam ante traditionem. Denique pignus quamuis traditum, sola tamen conventionem constitutum est, non etiã traditione, proinde & sola conventionem, quamuis traditum, tollitur. Nec obstat, quod in *l. ab emtione. D. de pact.* dicitur ab emtione & ceteris contractibus, qui consensu perficiuntur, contrario consensu discedi posse rebus ad hæc integris, id est, nulla re ab uno alteri data, aut tradita. Nam ex eodem loco discimus, à superioribus contractibus etiam rebus non integris discedi posse, dummodo non paciscamur, ut nobis quid præstetur ab aduersario, & noua obligatio aduersus eum non constituitur, quod postremum eius legis verbis demonstratur. At in pignore, quāuis id traditum sit creditori, si paciscatur creditor, ut à pignore discedatur, non id agitur, ut ipse quidquam præstet, sed tantum ne pignus petat. Quam ob rem etiã tunc sine exceptione ea conventio valebit. Obliqua pignoris remissio est, cum creditor non de pignore paciscitur

aperte, sed de debito non petendo. Nam qui ita de debito paciscitur principaliter, etiam per consequentiã de pignore non petendo pacisci intelligitur. *l. soluitur. §. si paciscatur. D. quib. mo. pig. vel hyp. sol.* propterea quod pignus accessio est principalis debiti, ac principali causa sublata, accessio locus esse non potest. *l. cum principalis. D. de reg. iur. l. in omnib. speciebus. D. de solut.* In hac specie quia principalis obligatio non tollitur, nisi per exceptionem pacti conuēti, *l. 5. D. de pact. §. præterea Inst. de excep. idcirco dubitari potest, an pignus quoque non nisi per exceptionem remittatur. Dicemus etiã in hac specie pignus ipso iure tolli. Nam aperte dicitur hoc modo solui in *l. soluitur*, quo verbo diximus iuris solutionem & liberationem intelligi. Eiusque rei argumenta hæc sunt. Nam & aliis modis cum debitor de debito liberatus est solum per exceptionem, tamen pignus liberari dicitur. Ut, si deferente aduersario iurauerit se non debere, aut si absolutus sit sententia iudicis. *l. si deferente. D. quib. mo. pig. vel hyp. sol.* Ex quibus tamen causis tantum debitor per exceptionem liberatur, non ipso iure. *§. aque & §. seq. Inst. de excep.* Proinde idē dicendum est, & si debitor pacto tantum conuēto de debito sit liberatus. Præterea si debitor remiserit principalem obligationem de boni, pignus ipso iure liberatum est, etiam remissio iure effectum non habuerit. *l. i. §. 1. D. quib. mo. pig. vel hyp. sol.* Multo ergo magis, si remissio valuerit saltem per exceptionem. Postremo cum creditor paciscitur, ne debitum petat, etiam de hypotheca non petenda paciscitur, ut supra dixi. Quamobrem & hoc consensu hypotheca ipso iure tollitur, quoniam iam effectus est, ut consensu pignus contrahitur, ita etiam consensu dissoluitur. Scio prima fronte non improbabiler dici, si obligatio principalis pacto per exceptionem tantum tollitur; par esse, ut etiã pignoris obligatio non nisi per exceptionem eodem pacto tollatur, quoniam pignus est accessio principalis obligationis. Sed dissimilia hæc sunt. Nam pactum ut ad constituendam principalem obligationem, & obligationem pignoris diuersam vim habet, sic & diuersam habet ad vtramque obligationem dissoluendam. Principalis obligatio pacto conuēto ipso iure non tollitur, quia pacto conuēto ab initio non contrahitur. At pignus contrahitur pacto, eo fit, ut & contrario pacto dissoluatur. Neque nos mouere debet, quod vulgò hic obicitur, accessorium sequitur naturam principalis causæ, cui accedit, argumento. *l. eos. sup. de vsur.* Hæc enim recte dicitur negatiue. Nam si principalis obligatio non consistit, non consistet etiam pignoris, aut vsurarum accessio. Sed non idē valet affirmatiue. Non enim principalis obligatio ipso iure consistit post pactum conuentum interpositum de non petendo, idcirco dixeris ipso iure consistere pignus; quoniam, ut dixi, ad tollendam principalem obligationem & obligationem pignoris pactum conuentum diuersam vim habet. Verum tamen opponitur huic sententiæ, *l. si tibi. §. de pignore. D. de pact.* ubi scriptum est, actionem de pignore tolli per exceptionem, si paciscatur, ne petat. Hic nobis duplex responsio est. Nā primum duplex illic potest exceptio intelligi: aut ea quæ opponatur pignoris persecutioni: aut ea quæ opponatur principali actioni; de qua non persequenda pactum factum est. Secundū hoc recte dicitur tolli quidem actionem de pignore per exceptionem, cum creditor pactus est, ne debitum peteret, sed per exceptionem non eam, quæ pignoris persecutionem opponatur: nam hæc persecutio ipso iure pacto sublata est: vetum per exceptionem; quæ ex pacto nata est aduersus principalem obligationem. Hæc enim actione quāuis per exceptionem remota pignus etiã ipso iure tollitur. Et hoc est, quod Marcianus significat in *l. soluitur. in si. r. resp. quib. mo. pig. vel hyp. sol.* cum ait, si creditor pactus sit, ne pecuniã petat, recessum esse ab hypotheca, cum pactum exceptionem perpetuam pariat. Exceptionem perpetuam sine dubio intelligitur, quæ nata est de pecuniã non petenda, cū de hoc pacto ageretur in *l. 1. §. præterea. Inst. de excep.* Licet & hoc modo respondere. Cum creditor paciscitur, ne debitum petat, actio de debito tollitur per exceptionem. Est: sed nihilominus tollitur & ipso iure. Neque hæc contraria iunt ipso Paulo auctore, citius est illa *l. si tibi.* Nam maiorum sententia est in hac specie, cum principalis obligatio per exceptionem sublata est, pignus iure ipso liberari. *l. soluitur. in si. r. resp. quib. mo. pig. vel hyp. sol.* Sed tamen etiam de eo dubitari potest; ut in nunc re videtur, disputatio Marciani in *l. soluitur.* Et ideo tutius est exceptionem in initio opponere aduersus creditorem pignus contra pactum persequente. Ergo tollitur pignus per exceptionem quia opponere exceptionem, est tutius, tamen si exceptionem non opposita recte defendi possit, nullā fuisse ipso iure hypothecariã actionem. Nec ab similibus Pauli sententiã & ratio*

& ratio est in l. qui seruum. §. i. ff. de obl. & act. Rursum † opponitur l. 2. inf. de remis. pig. Debitor sciente & consentiente creditore pignus vendidit. Si creditor pignus postea ab emtore vindicet, illic scriptum est, eum exceptione remoueri. Sed hoc sic interpretandum est: exceptione eum reuoueri, si emtor, idemque possessor exceptionem opponat. Quod si non opponat, non est necessaria. Nam & sine exceptione ipso iure tutus est. Idque demonstratur euidenter sequenti ratione, quæ illis subiicitur. Nam, inquit rescriptum, vt consensu contrahitur pignus, sic consensu dissoluitur. Dissolui dicuntur ea, quæ omnino tolluntur, non autem iure ipso manet, vt supra dixi. Hæc à me eo disputata sunt fusius, vt in re anticipi, licet exigua, retineretur cōstantia & veritas regularum iuris de rebus eodem modo dissoluendis, quo colligatæ sunt.

L. Persecutione. 24. Et aubi. seq.

Vide l. distractis supra.

L. Seruo. 25.

Idem AA. & CC. Dracontio.

Seruo, qui fuerat pignori obligatus, defuncto, debiti permanet integra petitio. Dat. 6. Kal. Ianuarii. Nicomedia, CC. Coss.

S V M M A R I V M.

1 Pignore casu amisso nihilominus manere creditori integram debiti actionem, & cur.

2 SI pignore casu amisso tollitur actio creditoris de pecunia debita, necesse est eo fieri, vel quia pignus detur solutionis causa, vt sic ea satisfactione debitor liberetur: vel quia damnū amissæ rei creditor præstare debeat, vt sic debitor liberetur ea compensatione. At neutrum istorum est. Nam pignus datur, vt creditori pro debito cautum sit. §. vlt. Instit. quibus mod. re con. oblig. Item pignus accedit principali obligationi, non eam perimit. l. 4. §. si ex conuentione. D. de re iudic. Vnde apparet, non dari solutionis, aut satisfactionis causam. Alioqui ipsum debitum statim tolleretur solutione. Sed nec casus fortuitos creditor præstat in pignore. leg. qua fortuitis. & leg. pignus. supra de pigno. act. Ex quibus efficitur, pignore casu amisso nihilominus creditori saluam esse principalem actionem de pecunia credita, vt hic traditur, & d. l. que fortuitis. d. l. pignus. supra. de pig. act.

L. Si pens.

Idem AA. & CC. Mauricio.

Si tibi Notarium pignoris titulo debitor tuus obligauit eū, à quo mancipium abreptum proponis, apud rectorem prouincia conueni. S. 4. Kalend. Ianuar. Sirmii, CC. Coss.

S V M M A R I V M.

1 Pignore surrepto, eius persequendi causa creditori duas esse actiones, hypothecariam, & furti.

Pignore surrepto creditor furem conuenire potest. Quibus actionibus? Nēpe aut hypothecaria actione de pignore, aut actione furti. Actione hypothecaria tenetur fur citra controuersiam, si pignus possidet. l. pignoris. supra hoc tit. Sed & si non possideat tenetur non eo minus. dolo enim defuit possidere. Et de hac actione melius est hunc locum intelligi, vt titulo & argumento conueniat. Sed & creditor aduersus furem furti actionem habet. Quo iure, & quo effectu, cognoscendum est ex suis locis.

l. creditoris. leg. creditoris. D. de furt. §. furtorum. Instit. de oblig. qua ex delict.

Imp. Iustinian. A. Mennæ præfecto prætorio.

Super hypothecis, quas argenti distractores, vel metaxarii vel alii quarumcunque specierum negotiatores pecunias sibi creditibus dare solent, hoc specialiter super amputanda omni machinatione sancimus, vt si post huiusmodi contractum liberis suis, vel alio modo cognatis, quamcunque militiam iidem negotiatores acquisierint (eam tamen, qua vendi, vel ad heredes sub certa definitione transmitti potest) liceat, creditoribus eorum etiam non probantibus ex pecuniis eorundem negotiatorum liberos eorum, vel cognatos militasse, (dum tamen contrarium nõ probetur alios ex suo patrimonio dedisse pecunias) creditum ab his, qui militarint, exigere, vel tantum eos efflagitare, quanti vendi eadem militia possit. Quod ita obtinere sancimus. & si extraneis quibusdam iidem negotiatores de suis pecuniis huiusmodi militiam acquisisse probentur: vt quod generaliter in ipsis debitoribus militantibus talem militiam, qua vendi, vel ad heredes transmitti potest permissum est, vt liceat creditoribus & adhuc uiuentium debitorum iure hypotheca vindicare militiam, nisi sibi satisfiat, & post mortem eorum exigere quod pro hisdem militiis pro tenore communis militantium placiti, vel diuina sanctionis tale præstantis beneficium, dari solet: hoc in negotiatorum personis, licet ipsi militantes minime debito obnoxii sint, integrum creditoribus eorum seruetur. Quod scilicet in futuris militiis, non etiam in his, quas liberi, vel cognati eorundem negotiatorum, vel extranei pecuniis eorum meruerunt, tenere sancimus. Dat. Kal. Iunii, DN. Iustiniiano A. PP. II. Coss. 528.

S V M M A R I A.

- 1 Militia in functionibus publicis, quid, & cur ita dicta.
- 2 Militiarum quasdam vendi & ad heredem transire posse, quasdam non posse.
- 3 Obligatione generali bonorum contineri militiam etiam postea questitam, qua quidem vendi possit.
- 4 Quisquis sit debitor.
- 5 Cur hic dubitatum de militiis.
- 6 Militiam contineri, etiam quam debitor pecunia sua acquisierit alii, non tantum sibi, & quomodo acquirere possit alii secundum regulas iuris.
- 7 Militiam alii questitam à debitore oportere questitam esse ex pecunia debitoris, vt contineatur obligatione generali pignoris, & quare.
- 8 Militia à debitore postea alteri questita quomodo possit deduci in obligationem pignoris à debitore constitutam, cum militia non sit, aut fuerit in bonis debitoris.
- 9 De militia hoc loco dictum etiam ad res omnes alias à debitore ex pecunia eius alteri questitas pertinere, vt bonis à debitore obligatis etiam heres ea obligatione contineatur.
- 10 Militia à debitore alteri questita, quibus conditionibus conuentione debitoris obligetur pignori.
- 11 Militia pecunia debitoris emta quando presumatur, & quando à creditore probari debeat, & distinctionis ratio.
- 12 Militiam pignori obligatam sic uiuente eo, cui acquisita est, à creditore vindicari posse hypothecaria, vt possessor, quamuis debitum non soluat, præstando militiam estimationem liberetur alterutrum nisi sit, militiam iure pignoris distrahi posse.
- 13 Mortuo eo, cui militia pignori obligata acquisita est, nec estimationem deberi creditori, & quid illi pro ea præstari debeat à successoribus, & qui successores.
- 14 Forma communis militantium placiti quid in hac lege. Militantes, & ibidem statuti, qui.
- 15 Mortuo militante cur pro militia ante pignori obligata nec debeat creditori præstari estimatio, & tamen debeat præstari certa summa.
- 16 Commoda ex casu, seu simpliciter. Ex casu qua dicantur Iustiniano.

17 Militiam ex casu nullam esse.

18 De commodo militia vacantis aduersus quos sit creditori actio hypothecaria.

1 **C**onstitutio ꝑ hæc est de militia hypotheca. Militia in vsu iuris dicitur functio omnis ordinaria, qua quis operam suam nauat vel Principi, vel Reipublicæ, vel magistratibus in rebus ad publicam administrationem pertinentibus obeundis, qualis est, exempli gratia, Notariorum, Secretariorum, Apparitorum, eorum, qui sunt à memoria, à libellis, & quales indicantur in l. ii. inf. de prox. sac. scrm. lib. 12. Ac pro ea præstantur salaria ex publico, aut annonis publicis: vt sic militia non sit ea comoda, quæ percipiuntur ex publico; sed ipsa functio, propter quam illa commoda capiuntur, vt patet ex l. Lucius. D. de leg. 2. l. creditor. §. inter. D. de act. empt. item l. omnimodo. §. vlt. sup. de inoffic. test. Sic dicta militia, quod qui Reipublicæ operam nauant, hi Reipublicæ militare dicuntur.

2 **L**aduocati, sup. de aduoc. diuer. iud. Ex ꝑ militiis quædam sunt, quæ vendi possunt, vel etiam ad heredes transire; quædam, quæ non possunt, sed ita personæ cohærent, vt ea egredi non possint. Quod & hæc constitutio indicat, & l. 3. §. si quid minori. D. de minor. Quæ vendi non possunt, hæc sine dubio pignori obligari non possunt, cum ita iuris regula sit, eas res pignorationem recipere, quæ & venditione recipiunt. l. g. in fin. D. de eo. Quod & hic satis significatur. De earum hypotheca, quæ vendi possunt, hæc constitutio est.

3 **C**onstitutionis tria sunt capita. Primum caput est de hypotheca militiae constituenda. Secundum de necessitate probationis, cui hæc incumbat, si forte controuersia erit, vtrum militia emta sit ex pecunia debitoris, an non. Tertium de effectu huius militiae. Primo capite de hypotheca militiae statuitur ad hanc sententiã. Obligatione ꝑ generali pignoris, qua debitor omnia sua bona obligauit creditori, contineri etiam militiam, quæ quidem vendi possit, quam debitor postea acquisiuit, non tantum si acquisierit sibi, sed etiam si acquisierit alij dummodo si alij acquisiuit, eam acquisierit ex pecunia sua. Hæc pars vt certius cognoscatur, in ea hæc expendenda sunt. Primum de quibus debitoribus agat constitutio. Deinde de quibus rebus. Tertio loco quid de earum hypotheca constituar. Postremo quibus conditionibus.

4 **Q**uod ꝑ ad debitores attinet, loquitur constitutio in principio de negotiatoribus. Vnde videri potest ad negotiatores tantum pertinere, qui militiam postea acquisierint. Sed constitutio generaliter ad omnes debitores pertinet, siue negotiatores sint, siue non sint, vt declaratur illis verbis constitutionis, quæ subiiciuntur, vt quod generaliter in ipsis debitoribus militiam, &c. Itaq; quod de negotiatoribus initio dicitur, vel exempli causa dictum est, vel vt remoueretur dubitatio, quæ maior erat in negotiatoribus, quasi his pro conditione vitæ liceat impune pecuniam acceptam, in quos velint vsus, impendere, & de ea negotiari: intelligiturque, si hi nõ possunt pecunia accepta militiam acquirere, quin ea in obligatione generalem pignoris veniat; multo magis idem de aliis debitoribus probandum esse. Inter negotiatores specialiter Iustinianus nominat argenti distractores, & metaxarios. Argenti distractores nominat non hic tantum, sed & in l. 2. in fin. sup. de con. pec. Illic autem argenti distractores interpretari videtur Theophilus argentarios in §. in personam. Inf. de act. Et sunt hi Iustinianus argentarij. Metaxarij sunt negotiatores metaxe, id est filii, aut panis ferici. Hæc recte, vt cetera, & pluribus Brissonius in Lexico.

5 **C**auti autem constitutio de militia, quod secundo loco cognoscendum fuit. Cur ꝑ de militia potius dicit, hanc pignori obligari, quam res ceteras à debitoribus acquisitas, cum consistet obligatione generali bonorum omnes res debitoris magis contineri. l. vlt. inf. qui pot. in pig. quia verus fuit dubitatio de militiis, an hæc quoque pignori subiici possint, vt res ceteræ, vt idem Iustinianus docet in §. optimum. Non. de exhib. reis. Id hæc lege decifum est.

6 **C**auti ꝑ constitutio de militia, quam debitor alij acquisierit. Quid, si acquisierit sibi? multo magis hæc pignori erit, cum citra controuersiam sit in bonis debitoris. Idque significat satis aperte Iustinianus hac constitutione, illic, vt quod generaliter in ipsis, &c. Sed hoc tanquam exploratum prætermisit. De eo cauit, quod dubitatione habere videbatur, nempe de militia, quam debitor alij acquisiuit, non sibi, vt sic non videatur in bonis eius esse. At quomodo potest debitor militiam alij acquirere, cum per liberam personam alij nihil acquiri possit? l. 1. sup. per quas pers. nob. acq. Id fit hoc modo, si debitor, qui bona sua obligauit, militiam emat sibi; deinde iubeat venditorem militiam cedere ei, cui acquisitam vult, iuxta l. §. si iusserim. D. de acq. poss. l. 3. in fin. & l. seq. D. de don. int. vir. &

vx. Id etiam fit hoc modo, si debitor militiam emat sibi, deinde eam accipiat nomine extranei, cui acquisitam vult. Nam possessionem alterius nomine acceptam illi acquirit, & per possessionem dominiũ. l. si procurator rem. l. traditio. in fin. D. de acq. rer. do. & d. l. 1. sup. per quas pers. Hæc eo dicimus, quia si debitor militiam sibi emit, & ei suo nomine traditur, ipse sibi acquirit, non debitor illi, quantumuis ipse eam emat ex pecunia debitoris. Quod enim mihi emo, & mihi meo nomine traditur, meum fit, etiam si emam ex pecunia aliena. l. 1. & l. pen. sup. si quis a se vel sibi. Restat igitur, vt dicamus debitorem militiam alij acquirere iis modis, quos indicauimus. Sed ꝑ exigitur constitutione, vt debitor acquisierit militiam ex pecunia sua. Hoc eo fit; quia si ex pecunia alterius militia emta est, & extraneo tradita, reuera militia non potest dici debitoris esse, eoq; nec in obligationem pignoris deduci à debitoris potest. At si emta est ex pecunia debitoris, quamuis tradita sit eius voluntate extraneo; tamen etiam hoc casu non male dicitur in bonis debitoris fuisse. Id enim recte definitur nostrum, cuius commodum, aut incommodum ad nos pertinet. l. 1. §. in propria. D. quan. app. fit. Cum autem debitor militiam emit pecunia sua, et si militia alij tradatur; tamen incommodum debitoris est ob pecuniam ab eo impensam. Est enim eius commodum in eo, quod ea præstatione obligat sibi extraneum, aut beneficij debitorem acquirat. Quorum nihil dici potest, vbi debitor emit militiam alij ex pecunia aliena. De ꝑ hac militia sic constituitur, hanc quoque obligatione generali, quæ à debitoribus contracta sit, in obligationem pignoris deduci. Hoc vero inique, vel potius absurde constituitur videtur. Nam hæc militia, de qua loquimur, non est debitoris, cum proponamus eam non debitori quasitam, sed alij. Quod si ita est, secundum regulas iuris non potest hoc genus militiae à debitoribus obligari, neq; generaliter, neq; specialiter. Non generaliter; quia obligatione pignoris debitor obligat bona sua. Hæc autem militia non est in bonis debitoris. Sed nec si debitor nominatim & specialiter obliget pignori eam militiam, quam postea alij acquirat, quicquam proficiet; quia vt pignus contrahatur, oportet rem tunc, cum conueniebat, fuisse in bonis debitoris. l. & que nondum. §. quod dicitur. D. eo l. cum res inf. si alie. res pign. dar. fit. Hac obiectione moti plerique omnes interpretes existimant, hic singulare ius constitui de militia: vt scilicet quemadmodum res emta ex pecunia pupilli, pupillo obligatur; sic & militia emta ex pecunia creditoris, creditori obligetur. Quæ sententia nullo modo recipienda est. Primum; quia in hac constitutione non agitur de militia emta ex pecunia creditoris, sed emta ex pecunia debitoris, vnde cumq; illa pecunia peruenerit ad debitorem. Deinde res ex pecunia creditoris emta ita demum creditori obligari potest pignori, si prius sit in bonis debitoris. Nunc autem de militia agitur, quæ non est in eius bonis, si vera sunt ea, quæ diximus. Dicitur enim est, nihil hic non recte constitui, aut præter regulam ceterarum rerum debitoris, quas pignori obligari placet, secundum quas nihil obligatur creditori, nisi quod est in bonis debitoris. Nam & hoc ipsum in hac re accidit. Militia, quam debitor alij acquisiuit, subtilitate iuris non est, nec fuit vnquam in bonis debitoris, vt pote alij quasita, non debitori, vt hic proponitur; sed naturali ratione prius illi quæri videtur, cum iubet venditorem suum extraneo militiam tradere: deinde videtur ita per eum extraneo acquiri, vt res explicatur ab Vlpiano in d. l. 3. §. vlt. iuncta l. seq. D. de don. int. vir. & vx. Et hoc est, quam obrem exigat hæc constitutio, vt militia emta sit ex pecunia debitoris. Sic enim fit, vt commodi & incommodi habita ratione verè res debitoris esse intelligatur, vt iam exposuimus. Hæc ꝑ sententia cum in ceteris rebus omnibus corporalibus locum habeat, quas is, quæ eas emit, aut cui alia ex causa debentur, iubet debitorem suum alij tradere, vt licet intelligere ex d. l. 3. in fi. de don. int. vir. & vx. neque mirum, neq; nouum videri debet, si idem probetur in rebus incorporalibus omnibus, quas debitor alij acquisierit, dum pecunia sua, vt iam non dubitemus non de militia solum, sed de omnibus rebus alij emtis generaliter definire; cum debitor bona sua generaliter obligauit, in eam obligatione venire res omnes, quas postea acquisiuit, non tantum sibi, sed etiam alij; dummodo alij acquisierit pecunia sua. Cuius ergo tantum cauit Iustinianus de militiis, si ius ad res omnes atque pertinet? Non vt in his quidquam singularis iuris constitueret præter res ceteras, sed vt dubitationem tolleret, de qua supra dixi.

7 **C**auti autem ꝑ constitutio, vt militia postea à debitoribus acquisita pignori sint his conditionibus. Primum, si vendi possint, de quo initio dixi. Deinde, si debitor eas acquirat. Præterea si militia

à debitore quaesita sint ex pecunia eius: nihil ut intersit, utrum emta sint ex pecunia, quae à creditore ad debitorem profecta sit, an ab alio. Postremo, si debitor pecuniam accipiendo obligauerit omnia bona sua. Id quod intelligimus ex eo, quod Iustinianus initio dicit se hoc constituere super hypothecis, quas negotiatores creditoribus suis dederint. Hypothecas dicit, non hypothecam, ut intelligamus genera iter hypothecas constitutas esse: deinde sine constitutione hypothecae ne militias quidem à debitore quaesitas pignori obligari;

Secundum caput huius constitutionis ex priore ita nascitur. Constituerat Iustin. militiam, quae à debitore quaesita est alij, ita demum pignori subijci, si debitor eam quaesierit pecunia sua. Unde intelligitur creditorem non posse eam vindicare, quin intendat
11 eam emta ex pecunia debitoris. Quid ergo, si possessor id neger, an creditor probare debeat secundum regulam iuris l. 2. C. de prob. Et de eo singulare quiddam constituitur hoc capite: nimirum alias id praesumi, alias creditorem probare debere. Siqui dem debitor militiam emit filijs, aut cognatis, praesumitur militia pecunia eius emta, nisi contra probetur. Sin emit alijs, nempe extraneis, creditor probare debet pecunia debitoris emtam. Huius distinctionis ratio haec est, quod ex coniunctione sanguinis colligitur affectus debitoris, ex affectu beneficium, arg. leg. quod in uxorem. & leg. si paterno. supr. de neg. gest. quod non item in extraneis dici potest.

Tertio capite de effectu superioris hypothecae ita cauetur: aliud esse, quod consequatur creditor viuenti adhuc eo, cui militia acquisita est, aliud quod consequatur eo mortuo.

12 Viuenti ideo, cui militia acquisita est, creditor iure hypothecae ab eo militiam vindicare potest; sed haec lege, ut placeat eum hac actione non consequi, quod in ceteris reb. corporalibus, ut res pignori obligata ei restituatur; sed consequi militiae aestimatione, id est, ut haec constitutio loquitur, quanti militia vendi potest. Hoc ideo, quod militia personae quodammodo cohaeret: vnde & militia legata militiae aestimatione deberi dicitur. l. Lucius. D. de leg. 2. Consequitur autem creditor, quanti militia vendi potest, nisi is, eum quo agitur, malit debitum soluere. Ceterum alterutrum facere cogitur ex hac constitutione. Quid, si neutrum facit? longius quidem non progreditur constitutio: sed dicemus creditorem iure hypothecae viuentem, id est, curatorem, ut militia distrahat, quod ius est creditoris in omni pignore. l. quamdiu l. si cessante. inf.

13 de dist. pig. Mortuo autem eo, cui militia quaesita erat, non potest exigere creditor, quanti militia vendi potest; sed id solum quod pro militia defuncti dari solet, vel ex tenore, id est, forma communis militantium placiti, vel ex forma constitutionum. Sic enim verba sunt huius constitutionis in §. 1. Quae ut intelligatur, sciendum est, mortuo eo, qui militiam obtinebat, militiam vacare, nisi ex ijs, sit, quae ad heredes transeant. Vacante certis & statutis personis deferri, quae in decedentium locum succedant. Ab ijs personis, quae succedunt in militiam, hoc exigi, ut pretium quidem militiae non praestent, sed praestent aliquam summam vel heredibus defuncti vel filijs, vel uxori vel creditoribus, quae summa cedat pro solatio militiae amissae. Et haec summa in militijs sacrorum scriniorum definita est ad ducentos, & viginti aut quinquaginta aureos. Quae omnia declarantur l. 7. & l. 1. inf. de prox. sac. scrin. libr. 12. Haec est igitur illa summa, quae defuncto militante pro militia dari solet ab ijs;

14 qui vacantem militiam nunc obtinent. Soler autem dari secundum formam communis militantium placiti, vbi commune placitum vocat Iustinian. communem consuetionem: Militantes autem vocat ordinem eorum, qui eius generis militiam exercet, ut sunt, exempli gratia, qui sunt ab epistolis, qui sunt à memoria, qui sunt à secretis: qui omnes vno verbo appellantur statuti; quia eorum numerus certus status erat in vnoquoque genere militiae, ut patet ex d. l. 7. & l. 1. de prox. sac. scrin. Ergo si quam summam isti militantes communi consensu constituerent, quam successor militiae dare deberet defuncti heredibus, haec est illa summa, quam Iustinianus hic dicit creditores exigere posse. Remoto autem placito militantium, ea summa praestanda erit, quae definita est in hac re legibus; ut in d. l. 7. & l. 1.

15 Cur ergo creditori non licet exigere aestimationem totam militiae, & militiam à successore persequi? Quia vetus militia, quae ante obligata erat iam nulla est; morte enim militantis esse desit, & ut dicitur in d. l. 1. vacare coepit; ut pote personae defuncti coherens. Quapropter militia successoris noua est; quae ideo nec iure pignoris potest à creditore vindicari. At quod pro militia vacante praestari debet, id quodammodo prioris militiae pars &

commodum est, proinde etiam ad veterem hypothecam pertinere intelligitur.

Haec igitur vero summa, atque hoc commodum, quod pro militia vacante praestari debet est id, quod Iustinianus appellat res; siue commoda ex casu, vel ea, quae simpliciter appellantur ex casu in Nou. de exhib. reis. §. optimum. vers. propterea. Et recte ex casu. Sunt enim ista commoda & praestationes ex casu militiae, id est, ex eo, quod militantis morte militia caduca facta est, seu, ut loquitur l. 1. de prox. sac. scrin. ex eo, quod militia vacauit militantis morte: qui casus recte dicitur, quemadmodum deficiente herede, aut legatario hereditates & legata caduca appellamus. De his autem commodis loqui Iustinianum superiori constitutione, ex eo manifestum est, quod de mortuo militante loquitur, & cauet, quomodo, & quibus tribuenda sint ea, quae pro militia defuncti praestantur ab heredibus, vel alijs. Mortuo autem militante militia heredibus eius non tribuitur, sed aliquid pro solatio militiae caducae, ut supra ostendi. Ex quo apparet errare eos, qui ex ea constitutione colligunt esse aliquas militiae, quae dicantur ex casu; verumque est, quod Cuiacius scripsit ad eam Nouellam, nullam esse militiam ex casu. Et certe si ex eo loco id tantum probari volunt, res est expedita. Non enim de militia illic agitur, sed de ijs, quae dantur ex casu, siue propter casum militiae: quasi dicas propter cadentem, aut caducam factam militiam id est amissam, & morte vacantem. Res etiam ipsa loquitur, non possideri militiam ex casu, nisi iudeo; quia militia casu obtineatur, nepe vel morte alterius vel emtione. Quo sensu omnes militiae ex casu dici possint. Immo vero omnes acquisitiones, & omnia iura rerum nostrarum; quia nulla sint, quae non vel morte, vel emtione, vel alio simili casu nobis obtingant. Sed queritur circa hunc locum, aduersus quos agat creditor, ut haec commoda, quae pro militia defuncti dari solent, consequatur. Ager aduersus successores qui militiam obtinent, eritque in eam rem hypothecaria actio, qua teneatur adhuc militia, solum ut id commodum, quod successor debuit, pro militia praestet creditori. Quid si successorem iam id commodum soluit defuncti heredibus, aut similibus personis? nihilominus adhuc tenebitur creditor; quia quod alij soluit, indebitum soluit, cum id praestare deberet creditori. Proinde haec tenentur saltem tenebitur, ut conditionem indebiti, quam habet, creditori cedat: sed non longius. Quis enim ideo tenetur, quia actionem habet, eam actionem cedendo liberatur, l. quod debetur. D. de pecun.

AUTH. Quod obtines.

Quod obtines, si ad hoc mutaueris pecuniam, ut militia emeretur, alioquin filij, aut uxor defuncti omnibus pro eponetur. Sed & si nullus praedictorum fueris, tunc alius creditoribus hoc damus.

S V M M A R I A.

1 Ad militiam viuentis hominis hanc auth. non pertinere; sed tantum ad commoda, quae mortuo militante pro militia vacante praestantur, & quae hic Iustiniani constitutio.

Qua parte ad superiorem constitutionem pertineat hoc fragmentum, sic intelligitur. Superiore constitutione duo constituantur, quae itidem ad sententiam huius fragmenti referri possint. Prius est, militiam, quae pignori obligata est, iure creditori teneri, quamdiu militans viuit. Alterum mortuo militante creditorem id persequi posse, quod pro militia solatij loco praestari debet. Prius de hypotheca militiae viuētis horainis non mutatur vlllo modo Nouellae constitutionibus Iustiniani. Siue enim debitor generaliter res suas obligauerit, siue specialiter militiam, semper militia ab eo quaesita obligata erit. Tantum in eo hoc effecit Iustinianus, ut mulier in ea hypotheca praefertatur creditori, nisi creditor nominatim pecuniam suam crediderit in hoc, ut ea militia emeretur, effectum hoc est Nou. de aequal. dot. §. quia vero & huiusmodi. In quo superiorem constitutionem magis confirmat de hypotheca militiae. Neque aduersatur Nou. de exhib. reis. in §. optimum. Non enim illic loquitur Iustinianus de militia viuētis, sed defuncti. Alterum, quod pertinet ad ea commoda, quae pro militia defuncti dari debent, mutatum est à Iustiniano in d. Nou. de exhib. reis. §. optimum. Nam cum ex superiore constitutione credi-

creditor possit ista exigere vbi illi obligata sunt bona debitoris; constitutum est postea à Iustiano, non aliter hæc commoda ab vnoaliquo creditore exigi posse præter ceteros, nisi nominatim pecuniâ crediderit in hoc, vt ea militia defuncto emeretur. Quod si creditor non fecit, contempta priore hypotheca voluit Iustinianus hæc commoda dari primum filiis defuncti, si qui sint, deinde vxori; idque ex beneficio principis, non iure hereditatis. Quod si neque filij sint defuncti, neque vxor, voluit hæc commoda non ad vnum aliquem creditorem pertinere, sed tribui omnibus creditoribus defuncti. Ex quo apparet Iustinianum, vacante militia facta iudicasse militiam euauisse, proinde & hypothecam: commoda autem, quæ pro ea militia præstari solent, magis principis existimari debere, quam priuati. Ideo causam fuisse, cur isto ordine attribueret superscriptis personis. Ad hanc vero sententiam exprimendam recte accommodabitur hoc fragmentum *aush. quod obrinet*. Ceterum ad priorem illam partem hypothecæ viuientis non pertinet.

chirographorum venditas, aut legatas esse; sed nomen, quod chirographo continetur. *l. qui chirographum. D. de leg. 3. l. si seruum filii. §. eum, qui. de leg. 1.* Item emtionum prædiorum instrumentis donatis, ipsa prædia videri donata. *l. i. inf. de don.* Consuetudo porro loquendi, cum de mente loquentis quæritur, imprimis spectanda est. *l. si seruum, §. o. vlt. D. de leg. 1.* Sed & propositum eorum, qui quid cauent, hoc esse intelligitur, ne frustra caueant. *l. si quando. D. de leg. 1.* Et quæ potest vitilis instrumentorum traditorum esse, si in his sola ipsorum, ac non eorum, quæ his cauta sunt, traditio intelligitur.

L. Nomen. 4.

Imp. Alexander A. Euocato.

Nomen quoque debitoris pignori datur & generaliter & specialiter posse, iam pridè placuit. Quare si de iure satis non fecerit, cui tu credidisti, ille, cuius nomen tibi pignori datum est, nisi ei, cui debuit, soluit, nondum certior à te obligatione tua factus vitilibus actionibus satis tibi facere vsque ad id, quod tibi deberi à creditore eius probaueris, compellitur: quatenus tamen ipse debet. PP. pridie Kal. Martii, Fusco II. & Dextro Coss. 226.

S Y M M A R I A.

- 1 Nomen pignori dato actiones datas videri, quæ danti competere, easque transferri in creditorem, si vitiles easdemque in personam, non hypothecariam.
- 2 Qui nomen pignori dedit, si concurrat aduersus debitorem cum eo, cui nomen pignori datum est, accipientem danti præferendum.
- 3 Debitorem, cuius nomen pignori datum est, creditori suo soluentem nihilominus ei, cui nomen datum est, teneri tribus casibus, & quibus: extra hos soluentem liberari, quamuis non ignoret nomen suum pignori datum.
- 4 Pignore pignori dato, si ei, cui datum est, solutum sit, quod debebatur, quando & quatenus liberetur primus creditor, qui pignori dedit.

AD TIT. XV. IN QVIBVS CAVSSIS PIGNVS, VEL HYPOTHECA TACITE CONTRAHITUR.

Vide; quæ scripti sub hoc titulo in Methodo huius argumenti.

AD TIT. XVI. SI ALIENA RES PIGNORI DATA SIT.

Huius tituli explicationem require ex Methodo, partim sub titulo; *Qui rem pignori dare possunt*; partim titulo sequenti; *Quæ res pignori obligari possint*. vbi de iure rei alienæ pignori datæ disserui.

AD TIT. XVII. QVÆ RES PIGNORI OBLIGARI POSSINT, VEL NON: & qualiter pignus contrahatur.

Ad priorem partem huius tituli, de reb. quæ pignori obligari possint, vel non, pertinent ordine *l. 3. & quinque*; sequentes: ad alteram, quæ est de conventionem pignoris, pertinent tres reliquæ, id est, *l. 1. 2. l. vlt.* Priorem partem, & in hac superiora rescripta exposita in Methodo, partim sub eodem titulo, partim sub titulo, *An in omnibus reb. quæ sunt in bono, consistat pignoris obligatio*, nonnulla hic attingam. Alteram partem require ex *l. vlt. hic.*

L. Cum constet. 2.

Idem A A. Rogato.

Cum constet, pignus consensu contrahi: non dubitamus, eum, qui emtiones agrorum suorum pignori posuit, de ipsis agris obligandis cogitasse. PP. 5. Kal. Iul. Apro & Maximo Coss. 209.

S Y M M A R I V M.

- 1 Instrumentis pignori datis res contentas pignori datas videri, & vnde hac sententia colligatur.

Emtionibus prædiorum (id est, emtionum prædiorum instrumentis, vt in *l. i. inf. de don.*) pignori datis, volunt Imperatores ipsa prædia obligata videri. At enim constat, cum quid specialiter pignori datur, non aliud quidquam pignori esse, quam de quo nominatim cõuenit, *l. 1. §. de pig. leg. 3. D. quares pig. ob. poj* Et hoc factentur Imperatores. Sed eum, qui emtiones, seu instrumenta emtionum prædiorum pignori dedit, respondent de ipsis agris obligandis cogitasse: proinde & consensisse: constare autem pignus consensu contrahi. At verba refragantur, dicit aliquis; nominatim emtionem emtiones pignori datæ sunt, non prædia. Et hoc rescripto monemur, non verba spectanda esse, sed sententiam. Sententia partim ex consuetudine sermionis, partim ex proposito contrahentium intelligitur. Constat vsu loquendi, continens pro eo attentio poni solere; emtiones prædiorum pro prædijs, quæ emtione continentur. Vnde illa chirographis venditis, aut legatis, non tabulas

Nomen pignori dari potest, vt hic traditur, & leg. postquam, *1 supra de hered. vel act. vend.* Nomen est id, quod nobis debetur, siue id, quod est in actionibus. *l. qui chirographum. Digest. de leg. 3.* Vis huius pignoris est hæc, vt quemadmodum creditor, qui nomen pignori dedit, pecuniam à debitore suo exigere potuisset, si vellet, sic possit & is creditor, cui nomen pignori datum est, etsi dominus non sit illi obligatus. *l. si conuenerit. D. de pact.* Quibus ergo actionibus id consequeretur creditor, cui nomen pignori datum est? Vitilibus, vt hic scriptum est, & significatur in *d. l. postquam sup. de her. vel act. vend.* Quas vero vitiles hic intelligimus, vtrum hypothecariam actionem, quæ de pignore constituta est iure ciuili, an vero actionem in personam aduersus debitorem, cuius nomen pignori datum est? Et hypothecariâ intelligere non possumus. Hæc enim possessionem pignoris auocat. *l. si cum venditor. 2. resp. D. de euct. l. si fundus. §. vindicatione. D. de pig.* Nomen autem ius est, cuius nulla est possessio: & si esset, ea esset penes creditorem, non penes debitorem. Restat igitur, vt vitilem actionem hic interpretemur actionem in personam, qualem creditor debitoris aduersus debitorem suum haberet. Exempli gratia, si quis mutuum dederit, conditionem certi habet ex causa mutui. Hæc vero creditori creditoris summo iure competere non potest aduersus eum debitorem, cum quo creditor secundus nihil cõtraxit, cum omnis actio in personam sit aduersus eum, qui nobis obligatus est. *l. actionem D. de ob. & act.* Et ideo creditor, cui nomen pignori datum est, directa non datur. Sed dabitur vitilis, quasi creditor debitoris actionem, quam aduersus eum habet, in creditorem suum transtulisset. Ergo creditor, cui nomen pignori datum est, recte pecuniam exiget à debitore, cuius nomen pignori datum est. *1* Quid si debitoris creditor concurrat, & velit prius sibi solui? *2* Dicitur creditor, cui nomen pignori datum est, vero creditori præferendum posteaquam vt les actiones habere eum effectum est, *l. procuratore in rem suam dato. D. de procur.* *1* Quid, si debitor cuius nomen pignori datum est, creditori suo soluerit? *3* Nihil minus tenebitur ei creditori, cui nomen pignori datum fuit, si ab eo certior factus de pignore sibi dato, nihilominus creditori

ditori suo soluerit, ut hic significatur. Ex quo intelligimus, multo magis eius debitorem teneri creditori creditoris sui, si secundus iste creditor cum debitore litem sit contestatus, aut etiam iam partē debiti ab eo acceperit, ut declaratur in *l. 3. inf. de nouat.* Quod si debitor à creditore creditoris sui non admonitus creditori suo soluerit, impune soluerit; quia iusta ignorantia ei nocere non debet §. *recte. Inst. de mand.* Quid, si is debitor soluerit nomen suum pignori datum esse, neque ei quidquam denuntiatio sit ab eo creditore, cui nomen pignori datum est, an impune creditori suo soluerit impune; quia & hoc rescriptum, & *l. 3. inf. de nouat.* denuntiationem exigunt eius, cui nomen pignori datum est. Nec obstat, quod in *l. 1. in fi. D. de act. emt.* dicitur, eum certiorandum non esse, qui non ignorauit. Nā hoc tunc locum habet, cum denuntiatio & certioratio alicuius ideo solum exigitur, ut is, cui denuntiat, sciat rem gestam esse. Sic enim eum, qui aliter nouit rem gestam esse, superfluum sit amplius de ea re admoneri. Nunc autem in proposito denuntiatio creditoris exigitur, non ut debitor sciat nomen suum pignori datum esse; sed ut sciat creditorem cui nomen pignori datum est, sibi solui uelle, quod iuste ignorat debitor, priusquam illi à creditore secundo sit denuntiatum. Neque uero debitori uirio uerti debet, si creditorem secundum non adit, & rogauit, num sibi solui uellet, non enim debuit debitor in re aliena esse curiosus, ut bene præcipitur in *l. doli. in fin. D. de donat.* Quid si debitor soluit creditori, cui nomen pignori datum erat? Solutionis hæc uis est, ut debitor liberetur non tantum à creditore, cui nomen pignori datum est, sed etiam à creditore suo, cui pecuniā non numerauit. Solutione namque eius, quod debetur, tollitur omnis obligatio. *Inst. quib. mo. sol. obl. in prin.* Soluta autem pecunia intelligitur, siue debitor soluerit creditori suo, siue alij uoluntate creditoris, quod hic factum est, *l. solutam. D. de solut.* Et hoc est, quod dicitur in *l. si conuenerit. D. de pig. act.* cum debitor cuius nomen pignori datum est, soluit ei creditori, cui datum est, prætorem eum tueri debere aduersus creditorem suum.

4 Quod igitur attinet ad creditorem primum, qui nomen pignori dedit, interdum is ea solutione liberatur interdum non liberatur. Liberatur, si pecunia debebatur, quæ soluta est. Sic enim fit, ut creditor secundus eam pecuniā secum pensare debeat. Unde & is creditor, qui nomen pignori dederat, compensatione liberabitur. Idem debitor non liberatur, si species & corpus certum debebatur, quod solutum est, nam hac præstatione non soluitur creditori, cui nomen pignori datum erat: propterea quod aliud pro alio inuito creditore solui non potest. *l. 2. §. 1. D. si cer. pes.* Sed ea res erit creditori pignoris loco: hæc est sententia *l. si conuenerit. D. de pig. act. l. grege. §. 1. in fin. D. de pig.*

L. Spem. 5.

Idem A. Septimio.

Spem eorum præmiorum, quæ pro coronis athleticis pensanda sunt, prius a pactione pignori minime admittendum est, & ideo nec si generale pactum de omnibus bonis pignori obligandis interuenierit, tenet. PP. Kal. Maii. Maximo II. & Paterno Coss. 234.

S V M M A R I A.

- 1 Sacra certamina, Athleta, Athletarum præmia, & præmiorum causa.
- 2 Horum præmiorum spem pignori non potuisse, & cur spem dictam sit, non ipsa præmia.
- 3 L. commodis. D. de re iud. exposita.

1 Fuisse igitur apud veteres Græcos certamina quædam sacra constat, in quibus certabant, qui ab illis dicebantur athleta. De quibus videre est apud Budæum in annotationibus ad Pandectas. Existimabant illi, ad Rempublicam & cultum Deorum suorum pertinere, si haberent egregios athletas, qui in honore Deorum fortiter certarent. Et quo magis id facerent, uictoribus propositæ erant coronæ. Quæ dicuntur sacræ in *l. commodis. D. de re iud.* pro coronis præmia & commoda, quæ publice deinde his pensabantur, quæ significantur in *hac l. & in d. l. commodis.* igitur Spes eorum præmiorum hic prohibetur pignori. Prohibendi ratio fuit, quia præmia publice constituta erant, ut excitaretur athletarum uirtus. Hanc ne-

cesse erat debilitari, si pignus istorum commodorum admitteretur. Nam hoc recepto non erant laboraturi, ut uincerent, cum scirent etiam post uictoriam se præmijs uictoriæ non fruturo: utpote quæ redirent ad creditores iure pignoris, non ad ipsos. Et notandum est, prohiberi obligari spem præmiorum; non ipsa præmia, ut intelligamus, futura præmia & nōdum quæ sita ante uictoriam pignori non posse; præsentia & iam quæ sita posse; quia in his, quæ iam quæ sita sunt, cesset superior ratio. igitur Et hoc est, quod dicitur in *d. l. commodis. D. de re iud.* ea commoda pignori capi posse, quæ a theatris præstantur pro coronis sacræ. Recte quæ præstantur, ut intelligamus id dici de quæ sitis, quæ sola iam nunc præstari possunt, non de spe præmiorum futurorum. Quæ de his præmijs athletarum dicuntur hic recte transferuntur ad ea stipendia, quæ publice constituta sunt uel militibus, uel magistratibus, uel professoribus liberalium artium: huiusmodi ea constituta sunt non ordini & personæ tantum, sed ijs, qui recte suo munere fungentur, ut certantibus scilicet proposita sint præmia.

L. Qui Filios. 6.

Imp. Diocletia. & Maximin. Augusti & CC. Rufo.

Qui filios uestros, uel liberos homines pro pecunia, quam uobis credebat, pignoris titulo accepit, dissimulatione se iuris circumuenit: cum sit manifestum, obligationem pignoris non consistere, nisi in his, quæ quis de bonis suis facit obnoxia. S. Kalend. Maii, Heraclia, AA. Coss.

S V M M A R I A.

- 1 Liberum hominem pignori dari non posse. Si d. ut sit, quæ accipientis pæna.
- 2 Liberi hominis pignus duabus in causis receptum & quibus.

Si solæ res pignori obligari possunt, quæ sunt in bonis, ut solent possunt. *l. quæ prædium. sup. prox. tit.* recte colligitur hoc rescripto in libero homine pignoris obligatione consistere non posse, ne si pater quidem filium pignori dederit. Constat enim liberum hominem in bonis & commercio non esse. *l. 6. in pr. D. de cond. emt.* Sed etsi frustra detur liber homo pignori: tamen iure ita prohibetur accipi, ut si acceptus sit, quamuis inuoluntate, non sit impune. Nam qui uel filium familias à parente pignori acceperit, in eum pœna iam olim constituta est, ut rescribitur. *l. vi. D. hoc tit.* Addit postea ad hanc pœnam Iustinianus, ut hæc casu etiam creditor & debitor cadat, & alterum tantum libero homini, qui pignorus est, aut parenti eius inferre cogatur. *Novell. vi. nul. iud. §. quia uero & huiusmodi.*

Sciendum igitur est tamen singulari iure in liberis hominibus, duabus in causis pignus receptum esse. Primum, cum pater filium aut filiam ob extremam famem pignori obligauit. Nam in hac specie permittitur sibi patri filium etiam vendere. hoc in *l. vi. sup. de partib. qui si. distr.* Quod si pater in hac specie filium vendere potest; multo magis poterit pignori obligare. Plus enim est uendere, id est, quodammodo totum in alium transferre, quam pignori solum obligare. Nō debet autem cui quod plus est, licet quod minus est, nō licere. *l. non debet em. D. de reg. iur.* Id quoque efficitur ea regula, quia traditur, quæ emtionem & uenditionem recipiunt, ea & pignorationem posse recipere. *l. 9. D. de pig. Præerea in quouis libero homine, qui redemptus sit ab hostibus, pignus tacitum redemptori datum est in eum, qui redemptus est, donec pretium redemptionis redemptori soluat, aut donec per quinquennium redemptus redemptori operas præstiterit. De hoc genere pignoris est in *l. 2. & in l. vi. inf. de post. iur. reuer.* Esse autem hoc pignus in libero homine ex eo intelligimus, quod redemptus statim sit liber, ut supra scriptis locis declaratur. Et certe ideo redimitur ab hostibus, ut ne sit amplius seruus. Sed quoniam iniquum erat redemptori pretium redemptionis non præstari, & præterea etiam periculose constituebatur aduersus omnes captiuos, si quis non moueretur ad eos redimendos: ob eam causam consultum est ita redemptori, ut redemptus donec pecuniā soluisset, maneret in potestate redemptoris: sic enim hæc potestas appellatur in *l. qui testamento. §. 1. D. qui testam. fac. poss.* Sed hæc tamen in potestate; ut tamen non esset in domi-*

dominio redemptoris, denique non esset redemptoris seruus; hoc vero ius non aliter appellari potuit, quam ius pignoris.

L. Si quis. ult.

Imp. Iustinianus August. Mennæ præfecto Prætorio.

L. Executores. 7. L. Pignorum. 8. Auth. Agricultores. seq.

Imp. Constant. A. ad vniuersos prouinciales.

Executores à quocunque iudice dati ad exigenda debita ea, quæ ciuilitèr possuntur, seruos, aratores, aut boues aratorios, aut instrumentum aratorium pignoris causa de possessionibus non abstrahant, ex quo tributorum illatio retardatur. Si quis igitur intercessor, aut creditor, vel præfectus pagi, vel vici, vel decuria in hac re fuerit detectus: estimando à iudice supplicio subiuetur. Dat. 3. Non. Iun. Sirmij, Constantino A. & Licinio Coss. 312.

SUMMARI A.

- 1 Res ad culturam agrorum necessaria quæ.
- 2 Eas ab agricolis pignori sponte traditas iure teneri.
- 3 Conuentione obligatas ita teneri, vt vendi possint, sed tantum iis, qui in eadem possessione ad agros colendos vtantur.
- 4 Villico eiecto, aut possessione eius vendita, obligatas eius res omnibus vendi posse.
- 5 Et tunc pignori iure vendi posse omnibus res culturae necessarias, cum agricola nullas alias in bonis habeat.
- 6 Casus quatuor summarij, quibus res agricole ad culturam necessariam vtiliter pignori dari possint.

His constitutionibus tribus ob eandem vtilitatem publicam constitutum est, ne res ad culturam agrorum necessariae, quæ indicantur in *lex. executores*, pignori capiantur. In quibus constitutionibus diligenter obseruandum est, istarum rerum non præcise vetari pignora, sed prohiberi, ne ipsæ res abstrahantur de possessionibus, ex quo tributorum penitatio retardetur: Sic enim verba sunt *lex. executores*. Vetant igitur constitutiones eas res pignoris iure auferri. Vnde intelligimus, si agricolæ eas res sponte sua pignori dederint, pignus consistere. Non enim auferretur, quod quis volens tradit. Id confirmatur in *Nouell. nullum credentem agricolæ. circa mod.* Deinde vt verant constitutiones auferri istas res de possessionibus. Ex quo rursus colligimus, etsi istæ res pignori tantum obligatæ sint creditori, neq; traditæ, tamen pignori non inutiliter constituiti. Nam à creditore vendi possunt, dummodo ijs vendantur, qui in eadem villa, in eadem possessione istis reb. ad agros colendos vtantur. Sic enim fiet, ne res istæ auferantur de vetere possessione, quod ad tententiam legis satis est. Sed et si villicus eiectus sit à domino ex possessione, aut villici possessio vendita, vt iam agrum colere non possit, constitutiones hæ non sunt impedimento, quo minus res ad culturam agrorum necessariae illi auferantur. Nā de possessione non auferunt, quod in possessione non fuit: Neq; isto facto impeditur cultura agrum, cum etsi agricolæ hæ res non auferrentur, tamen agrum non coleret, ex quo expulsus est. Quid, si agricola in vetere possessione manebit, ne res ad culturam agrorum necessariae ibi vendi possint, verum tamen agricolas nulla alias res in bonis habeat: an ne sic quidæ hæ res pignoris iure à creditore capi poterunt? Et verba quidæ harum constitutionum scripta sunt simpliciter, ne hæ res pignoris iure auferri possint: vt videantur etiam hoc casu auferri non posse. Sed æquius est dici, hoc casu eas pignori capi posse, & distrahì, vt creditori satisfiat, vt de stipendijs significatur in *lex. stipendia. sup. de exc. rei iud.* Huius rei argumentum hoc erit. Nam & ipse agricola, qui soluendo nota est, capi potest, & in carcerem detruhi; neque aliter carcerem euitat, quam si bonis cesserit. *leg. 1. sup. qui bon. ced. poss.* Multo igitur magis res eius quælibet pignori capi poterunt, etiam si soluendo non esset. Probabiliter hoc dicitur, etiam si harum constitutionum verba generalia sint: sed verba æquitate, & alijs locis similib. temperanda sunt. *arg. ml. non sine. illic. quamuis ergo. sup. de bon. que lib.* Ex his colligimus in summa, res agricole ad culturam agrorum necessariae, quatuor casibus vtiliter pignori dari. Primum, si à volente agricolæ tradantur creditori. Deinde si à creditore vendantur ita, vt in eadem possessione maneat ad opus ruri faciendum. Præterea si agricola agrum colere desierit vetere possessione eiectus. Postremo, si nullus alias res habeat, ex quibus creditor ad ius suum peruenire possit.

Si quis in cuiuscunq; contractus instrumento ea verba posuerit; Fide & periculo rerum ad me pertinentium; vel, per earum exactionem satisfieri tibi promitto: sufficere ea verba ad rerum tam earum, quas in presenti debitor habet, quàm futurarum hypothecam, sancimus: nec ex prioribus sanctionibus minus habere specialis hypothecæ memoriam videri: cum sit iustum, voluntates contrahentium magis, quam verborum conceptionem inspicere. Super qua generali hypotheca illud quoque ad conseruandam contrahentium voluntatem sancimus, vt si res suas supponere debitor dixerit, non adiecto; Tam præsentem, quam futuram; ius tamen generalis hypothecæ etiam ad futuras res producat. Dat. 3. Id. Decem. Constantinop. DN. Iustiniano. A. PP. II. Coss.

SUMMARI A.

- 1 Obligatione bonorum seu rerum suarum generali contineri præsentia bona, & futura: & hoc quam recte.
- 2 L. si ita. D. de aur. & arg. leg. expostita. Res suas si quis legat, aut donat, nihil amplius legatum, aut donatum videri, quam res præsentem, si pignori obligat, contineri etiam futuras, & differentia ratio. ibidem.
- 3 Obligatione generali pignori non contineri, quæ sunt in usu quotidiano, & res ad affectionem pertinentes: & quamquam hæ sint.
- 4 Hoc, nisi debitor alias res nullas habuerit in bonis.
- 5 Obligatione generali contineri etiam eam pecuniam mutuanam in quam debitor bona sua pignori obligauit.
- 6 Obligatione generali seruos contineri, si manumissantur postea, non contineri, & cur.
- 7 Obligatione generali eximi res consensu creditoris semel alienatas, quamuis iterum ad debitorem redeant.

Qui pignori obligauit res suas, vel bona sua, vno verbo intelligitur in obligationem deduxisse res suas omnes, non tantum, quas habet in præsentia, sed etiam quas postea in bonis habiturus est. Cautum hoc loco: & recte. Hæc enim vis est generalis verbi, vt quoniam in genere species omnes continentur, ideo verbo generali res omnes eo verbo comprehensæ tam contineantur, quam si specialiter expressæ essent. *l. semper specialia generalibus. D. de reg. iur. l. si seruitus. D. de ser. vrb. præd.*

Sed hoc, nisi quid sententia loquentis refugetur. Quo pertinet responsum Pauli in *l. si ita. 7. D. de aur. & arg. leg.* vbi ille de futuris rebus videtur dissentire. Ait enim in hoc legato, *veste meam, argentum meum heres dato*, hac demonstratione *Meum* præsens, non futurum ostendi. Sed hoc ille responderet in eo genere legati, non vtique, ex significatione orationis, sed ex legantis sententia. Significatio si spectatur, *Mei* appellatio non minus futuris rebus, quam præsentibus conuenit. Nam vsu loquendi ex quo recte dicimus, *serui, qui meus est, & seruum, qui meus erit.* Sed in hoc legato, *Vestem meam, argentum meum lege*, non videtur testator de futura veste, de futuro argento sensisse. Ideo neq; hæc ex mente testatoris in hoc legato ostenduntur. Et generaliter definiemus, quoties quis legat, donatue res suas, nihil amplius legatum, aut donatum videri, quam res præsentem. Quod si sententia loquentis non repugnabit, hoc tenebimus, eum, qui res suas nominat, eo verbo omnes res suas complecti tam præsentem, quam futuram. Quod in eo accidit, qui res suas dat pignori. Quæ distinctio ab omnibus recepta est. Differentia ratio hæc est, quod cum quis res suas pignori dat, eadem causa est, cur res futuras obligatas velit, propter quam obligatur præsentem. Nam præsentem obligat pignori, vt creditori cautum sit. At cautionis æquitas, quæ exigit, vt creditori omnimodo cautum sit, hoc postulat, vt ei cautum sit omnibus rebus debitoris, tam futuris, quam præsentibus. In reb. autem donandis & alienandis longe diuersa causa est, cur quis præsentem datas velit, quam cur velit futuras, & nondum quæ sitas. Qui legat præsentem, & eas, quas non nit, ideo legat, quia iudicat legatarium hæc tenus de se meritum esse. Hac enim de causa quid legatur. *l. nec adiecit. D. pro soc.* Hoc vero de futuris statuere testator non potest, Nā qui dignus est centum aureis, non continuo dignus est mille.

At fieri potest, ut mille, aut b's mille testator postea acquirat. Quid autem, aut quantum acquiratur sit, ignorat. Sententia igitur, ut dixi, & voluntas domini facit, ne verbo *Meum* res futurae contineantur, non autem verbi significatio. Secundum hanc vero etiam futurae continentur, à qua nunquam recedendum est, nisi ubi manifestum est aliud sensisse contrahentes. *l. non aliter. D. de leg. 2. quod non fit in pignore.*

3 Sed et generalis obligationis hæc vis sit, quam diximus, tamen quædam excipiuntur. Ac primum generalis obligatione placet non contineri ea omnia, quæ verisimile est debitorem specialiter pignori daturum non fuisse. *l. obligatione. D. de pig.* Huius generis duæ species habentur. Quædam sunt res, quæ sunt debitori in vltu quotidiano, & necessariæ, hæc non continebuntur, quales sunt, vestis, suppellex, artificii instrumenta artis, militi arma, studio libri, agricolæ boues, iumenta, & instrumenta aratoria. *d. l. obligatione. in fi. & l. seq.* Aliæ sunt res, quæ ad affectionem debitoris pertinent, neque hæc continebuntur. In quo genere numerantur serui, filij naturales, concubinæ, alumni, & similes personæ. *l. denique. D. de pig. l. i. sup. h. r.* Questum est, an hæc obligatione pignoris non contineantur, etiam si debitor alia bona non habeat? Et si debitor, cum res suas obligauit, alias res in bonis habuit præter potiores, hæc non continebuntur. Nam hæc à principio obligatæ non sunt, ut docuimus. Quare nec ex euentu obligabuntur, quamuis debitor alias res habere desierit. Hic enim ab initio obligatio certam legem & conditionem accepit. Hæc ex euentu non

4 mutabitur inuito debitor. *l. vero 12. §. 11. D. de sol. Quod* si debitor ab initio nullas alias res habuit, puto superiores istas obligatione generali contineri: alioqui obligatio esset inutilis. Quoties autem id metumus, semper id agendum est, ut videatur obligatio aliquid egisse. *l. quoties in stipulationibus. D. de ver. obl. l. quoties. D. de reb. dub.*

5 Etiam hoc loco quaesitum est, an obligatione generali pignoris contineatur etiam pecunia, quam debitor mutuam accepit, & propter quam res suas obligauit. Plerique putant non contineri. Et mouentur argumento, *l. pen. §. vlt. D. de pign.* ubi scriptum est, obligatione generali contineri eam pecuniam, quam debitor postea ab alio mutuam accepit. Quasi non sit obligata ea, quam accepit ab eodem creditore. Ego autem existimo etiam hanc pecuniam pignori esse eiusdem illius loci argumento. Nam Paulus loquitur quidem illic de pecunia, quam debitor ab alio mutuam accepit: sed cur hæc pecunia obligatione generali contineatur, hanc rationem reddit; quia in bonis debitoris facta sit. Ergo hac ipsa ratione & illa pecunia pignori obligabitur, quam à suo creditore accepit. Nam & hæc in bonis debitoris cæpit esse: siquidem rei mutuae dominium in accipientem transfertur. *Inst. quib. mo. re cont. obl. in pr.* Pro qua sententia facit *l. idemq. in fin. D. qui pot. in pig. hab.* ubi scriptum est indefinite nummos debitoris, qui generaliter bona sua obligauit, pignori esse obligatos. Neque quidquam

6 illic distinguitur, unde nummi profecti sint. Secundo loco obligatione generalis non continentur serui debitoris, si ab eo manumissi sint. *l. 3. sup. de ser. pig. dat. man. arg. l. est differentia. D. in quib. cau. pig. vel hyp. tac. cont.* Hic occurret aliquis. Nam quomodo hi generali obligatione non contineantur? Non manumissos obligatione contineri constat. Quidni ergo contineantur & manumissi? Certi enim iuris est, debitorem in pignore non posse facere vlla alienatione sua creditoris conditionem deteriorem. *l. debitorem. & l. distractus. sup. de pig.* Id fit hoc modo. Nam qui manumissus non est, ideo obligatione contineri intelligitur; quia interpretatur hanc speciem genere contineri. Manumissus non continetur; quia interpretari incipimus eum nunquam antea obligatum pignori fuisse fauore libertatis. *l. libertas omnibus. D. de reg. iur.* Secundum hanc interpretationem non videtur debitor conditionem creditoris deteriorem facere, si eum manumisit, qui obligatus non habebatur. Postremo et obligatione generali pignoris non continentur eæ res debitoris, quæ postea voluntate & consensu creditoris alienatæ sunt. Non dico, si in eodem statu semper maneant. Nam hoc modo alia ratione hæc res non contingerentur obligatione generali: propterea quod non sunt ex bonis debitoris. Sed hoc amplius dicimus, etiam si eadem illæ res postea iteram debitori quaesitæ sint ex iusta causa; tamen in obligationem pignoris non redire; quasi pignus ab initio remissum sit, non tantum in præsens tempus, sed etiam in futurum. Effectum

hoc esse constitutione Iustiniani. *l. vlt. inf. de remiss. pign.*

AD TIT. XVIII. QVI POTIORES IN PIGNORE HABEANTVR.

Qui ex creditoribus in pignore potiores sint, comprehensum est regula iuris, quæ traditur *in l. 2. inf. hoc tit.* In cuius regulæ explanatione totius fere huius tituli sententia continetur. De ea illic dicemus.

L. Qui pignus. 1.

Imp. Seuerus & Antoninus AA. Secundo.

Qui pignus secundo loco accepit, ita ius suum confirmare potest, si priori creditori debitam pecuniam soluerit, aut cum obtulisset, isque accipere noluisset, eam obsequi, & deposuit, nec in usus suos conuertit. PP. Kalend. Febr. Laterano & Rusino Coss. 198.

S Y M M A R I V M.

1 Creditorem posteriorem posse sibi confirmare pignus aduersus priorem, & confirmandi ratio.

Pendet hic locus ex eo iure, quod de prærogatiua creditorum in pignore constitutum est *in l. seq. & similibus.* Nam cum dicitur, ex creditoribus eum in pignore potiorum esse, qui prior est tempore; hoc dicitur, quamdiu prior creditor, cui res pignori obligata est, rem pignoris iure retinere volet, tamdiu posteriori creditori in eo pignore locum non esse. Ita fieri, ut tamdiu pignus illi sit inutile.

Hinc et quaestio, possitne aliquo modo secundus creditor sibi confirmare pignus aduersus priorem creditorem. Et hic admodum, posse. Confirmandi autem pignoris hanc esse rationem, si ipse priori creditori pecuniam soluat, aut illo non accipiente pecuniam obsequi, & legitime deponat, neque deinceps ea utatur. Idem traditur *in l. prior. inf. in l. secundus. sup. de pig.* Hæc forma confirmandi pignoris hanc rationem habet. Nam priore creditore remoto, necesse est eum, qui posterior erat, non tam fieri priorem, quam solum iam esse. Remouetur autem prior creditor solutione; quoniam solutione eius, quod debetur, tollitur omnis obligatio. *Inst. quib. mod. toll. obl. in princ.* Et obligatione principali sublata etiam liberantur accessiones, ut pignora, *l. in omnibus speciebus. D. de solut.* Quid consequatur posteriori creditori confirmatione, id est, in quod debitum sibi pignus confirmet, comprehensum est. *l. secundus. sup. de pig.* ubi diximus. Quid valeat obsequiatio pecuniæ, diximus *ad l. creditor. sup.*

L. Si Decreto. 2.

Imp. Antoninus A. Chresto & aliis.

Si decreto prætoris, qui de fideicommissis ius dixit, in possessionem fundi hereditarij fideicommissi conditionalis seruandi gratia prius inducti estis, quam aduersarius vester in causam iudicati eiusdem fundi pignus occupauerit: iussu eius, qui iure sententiam exsequatur, tempore potiores estis. Nam cum de pignore utraq. pars contendit, præualeat iure qui præuenit tempore. PP. 5. Id. Maij. Duobus & Aspris Coss. 213.

S Y M M A R I A.

- 1 Qui prior est tempore in pignore, potiorum esse iure, quid sit.
- 2 Quibus pignus datum non est, in his nunquam vnum altero tempore esse potiorum.
- Inter chirographarios creditores nullam esse prærogatiuam temporis. *ibidem.*
- 3 Creditoribus in possessionem missis rei seruanda causa, nullum alio esse tempore potiorum in prætorio pignore, nisi priuilegium habeat.
- 4 Priuilegia non ex tempore estimari, sed ex causa, quid sit.
- 5 Qui hypothecam habet, omnibus præferri tum chirographariis, tum priuilegiariis creditoribus.

- 6 *In eos, quibus eadem res eodem tempore pignori data est, si simpliciter, pignus diuidi concursu, si pro parte, diuidi pro portione debet cuiusque.*
- 7 *Secundum creditorem soli primo cedere in pignore, aduersus omnes alios integrum ius pignoris obtinere.*
- 8 *Tempore priorem, iure potiorum esse, quid sit.*
- 9 *Cur potior, qui prius pignus accepit, non item extra pignus, qui prius contraxit.*
- 10 *Potiorum esse in pignore, qui prius accepit, sine discrimine prioris, aut posterioris pignoris, item fauoris cause, vel persone.*
- 11 *Legatarios etiam vendente conditione legati præferri in pignore prætorio omnibus creditoribus, qui postea pignus, quamuis presentis debiti causa, acceperint.*
- 12 *Pendente conditione dici posse deberi, & nihil deberi diuersis rationibus.*
- 13 *Creditoribus si bona omnibus soluendo non sint, semper legatariis præferri, quamuis pignus nullum habeant.*

In hoc præscripto præcipue notanda est regula iuris, quæ traditur de prærogatiua creditorum in pignore. Nam hæc, vt dixi inuito, totam fere sententiã huius tituli continet. Regula est huiusmodi: *Cum de pignore duo creditores inter se contendunt, qui tempore prior est, is potior est iure.* Eadem regula expressa in *l. si fundum, seq.* Hæc definitio pluribus verbis sic explicatur in *l. licet, & l. diuersis, inf.* Quoties duobus pluribusue eadẽ res diuersis temporibus pignori data est, si hi de pignore inter se contendunt, is iure potior erit, qui prius hypothecam accepit. In hac definitione nihil otiosum est. Itaque singula diligenter sunt expendenda. Ergo his definitionibus statuitur prærogatiua temporis inter creditores: sed his conditionibus. Primum, si duobus eadem res pignori data erit. Recte; nam inter eos creditores, qui hypothecam eandem non habent, nunquam quisquam tempore altero potior est. Inter chirographarios creditores id est, eos, quibus nihil debetur, nisi ex chirographo, qui neque hypothecam, neque priuilegium habent, nullus temporis ordo seruatur. Is in suo obtinendo potior est, cui debitor soluit, aut qui prius damnato debitor ex causa iudicaci pignus accepit. Idque nondum bonis debitoris à creditoribus possessis.

Bonus tamen debitoris possessis, quod fit, cum creditores mittuntur in possessionem bonorum absentis, aut se non defendentis rei seruandæ causa, omnium creditorum conditio par esse incipit. *l. qui autem, §. sciendum, l. pupillus, ff. que in frau. cred. alie, sunt.* Sed & cum vnus ex creditoribus postulat in bona debitoris se mitti, & prætor permittit, omnibus creditoribus, & in rem permissum videtur. *l. cum vnus, D. de reb. auct. iud. poss.* Et hoc ita, nisi aliquis sit ex creditoribus, qui priuilegium habeat. Qui priuilegium habeat & quibus ex causis dicte ex *l. que situm, §. vlt. & l. si qq. D. de reb. auct. iud. poss.* Hoc cum sit, is præferatur chirographariis creditoribus, qui priuilegium habet. Sed non quia tempore prior sit, sed quia priuilegium habeat, etiam si extremus cred. derit.

Hoc tamen enim est, quod dicitur, priuilegia non ex tempore æstimari, sed ex causa. *l. priuilegia, D. de reb. auct. iud. poss.* Ex causa sic interpretandum est, ex ratione propter quam priuilegium tribuitur. Nam non omnia priuilegia rei tribuuntur, sed pleraque persone: quale est priuilegium fisci. Quod tamen si quis ex creditoribus hypothecam habeat, is præferatur non tantum chirographariis creditoribus, sed etiam ijs qui priuilegium habent. *l. eos, inf. hoc tit. vbi ratio adiuncta est.* Sed præferatur ideo, non quia tempore prior sit, sed quia hypothecam habeat solus, quamuis crediderit postremus. Ergo tunc solum prærogatiua temporis locus est inter creditores, cum his eadem res pignori data est.

Non est satis, volumus eandem rem pignori datam esse diuersis temporibus. Quod & satis significatur, cum in priori regula prior & posterior creditor nominatur. Non enim prior est, nisi cui priore tempore hypotheca data est. Hoc tamen eo exigimus, quia si duobus eadem res simul, & eodem tempore pignori data erit, si quid simpliciter, singulis in solidum data esse intelligitur, sic vt concursu partes faciant, nisi forte vnus possidebit pignus. Nam is in pari causa potior est iuxta regulam iuris. *l. in pari, ff. de reg. iur.* Hæc ad hanc sententiã differit Vlpianus in *l. si debitor, D. de pig.* Quod si pignus datum erit pro parte, singuli creditores in pignore partem habebunt pro portione debiti, *l. si fundus, §. si duo, ff. de pig.* Sic fit, vt si prærogatiua temporis querimus, oportet pignus diuersis temporibus datum esse.

Tamen sed ne sic quidem prior creditor solus pignus obtinebit, vt nihil relinquatur posteriori creditori, sed tunc solum, cum ambo,

quibus pignus datum est, de pignore inter se contendunt. Nam si secundus creditor aduersus extraneum de pignore agat: siue pignus retinere uolet, dabitur ei exceptio ad retinendum; siue pignus persequetur, hypothecariam habet iure pignoris, quæ pignus à quouis possessore extraneo auferat. *l. creditor, in pr. D. de tit. Merito;* quia et si secundo loco pignus accepit, accepit tamen, vt nisi quis iure pignoris illi obster, necesse sit, cum omnibus superiorum esse in pignore. At ambo creditores inter se contendunt, tum erit prærogatiua locus, quæ hic statuitur, vt qui tempore prior est, is potior sit iure.

Tempore tamen priorem hic accipimus, qui prior est tempore non credendi, sed hypotheca accipiendæ, & vt explicatur in *d. l. diuersis*, qui prius hypothecam accepit. Potiorum iure intelligimus, potiorum iure pignoris: scilicet vt quemadmodum pignus vindicare possit à quouis possessore, idemque aduersus quemuis retinere, si solus esset, ita & possit suo iure aduersus secundum creditorem. *d. l. creditor, ff. eo.* Hoc amplius, & si pignus distraxerit prior creditor, dominium in accipientem iure transtulerit, vt isto modo nullum plane pignus super sit secundo creditori. *l. 3. D. de dist. pig.* Sed tamen cur extra hypothecam prior creditor potior non est, in hypotheca is potior est, qui prius hypothecam accepit? Quia extra hypothecam creditor personam tantum debitoris sibi obligatam habet, in bonis eius nihil iuris. Vnde creditoris actio quæ dicitur in personam. *l. actionum, ff. de obl. & act.* Ita fit vt in bonis debitoris non excludat posteriorem creditorem prior, cum prior in ea bona nihil plus iuris habuerit. At pignus ius in re est: quo iure licet creditori & pignus retinere, quod & possidet & vindicare, quod amisit, aut nondum cœpit tenere. Hoc ius creditori semel questum debitor illi nulla alienatione adimere potest. *l. debitorum, l. distrahitis, sup. de pig.* proinde nec vlla noua oppigneratione.

Hoc tamen ius de prærogatiua hypothecæ perpetuum est. In quo tamen de his dubitatum est. Primum, nihil ne referat, quo modo prior creditor pignus habeat, constitutum, vt posteriori præferatur, qui habet alio modo constitutum pignus, de quo hic significatur. Deinde, an nihil intersit in pignore conuentionali, vt ut priori creditori specialiter eadem res obligata sit, quæ posteriori, an vero generaliter sint obligata omnia bona, de quo in *l. si generaliter, inf.* Postremo an nihil fauor cause, aut persone secundo creditori proficit, vt prior in hypotheca præferatur, de quo significatur in *l. si fundum, inf.* Et in summa in his omnibus hæc sententia generalis retinetur, eum in pignore potior esse, qui prius accepit. Et merito, ob eam causam, quam paulo ante reddidimus de iure pignoris, quod creditori questum constituto pignore, deinceps auferri non potest.

De primo autem hæc species est hoc loco proposita. Testator legauit quibusdam fundum sub conditione, si nauis ex Asia ueniret. Mortuo testatore legatarij perunt ab herede, vt sibi satis de legati condicionalis nomine ex edicto, *totum sit, vs leg. seu fide nom. cau.* Cum non satisfaret heres, ex eodem edicto impetrarunt legatarij a magistratu, vt mitterentur in possessionem bonorum defuncti. Missi in possessionem uenerunt. Hoc modo pignus consecutus sunt, quod prætorium appellatur. *l. 3. & l. 5. sup. vt in poss. leg. esse lic. l. non est mirum, D. de pig. act.* Exiit deinde alius creditor vel heredis, vel defuncti, qui aduersus heredem iudicio egit, & uicit, & ad executionem sententiæ impetrauit à magistratu, cuius ea de re iurisdicatio erat, vt sibi res debitoris pignori capere liceret, quas postea distraheret, vt est forma iuris. Cepit, & ita pignus quoque illi ex causa iudicati constitutum est. *l. 1. si in cau. iud.* Questum est inter istos, qui ex diuersa causa pignus habent, qui quibus præferantur.

Respondetur tamen ex regula superiore, legatarios esse potiores, qui in possessionem missi sunt. At hic fuit hæc dubitatio, cur non uiderentur præferri debere. Primum, quod legatarij de lucro certant, creditor de damno. Deinde, quod legatarij certant de legato condicionali, vt uerba ostendunt, id est, de eo legato, quod nondum debetur. *l. cedere diem, D. de verb. sig.* Creditor uero ex causa iudicati præsens debitum petit. Nam de alio iudicium esse non potuit. *l. non quemadmodum, D. de iud.* Sed hæc nihil obstant, quominus præferatur, qui pignus accepit. Recte enim dicuntur in personalibus actionibus in hypotheca locum non habent. Semper enim hoc tenendum est, quisquis prius pignus sibi comparauit, ei inuito pignus adimi non posse. Quod fieret, si secundus creditor pignus postea nactus priori præferretur. Sed hic occurritur. Non enim potest legatarius prius pignus habere, quam illi aliquid debeat. *l. res hypotheca, D. de pig.*

Nunc autem legatarijs in proposito legatum debetur sub conditione, ac pendente conditione nihil debetur. *d. l. cedere. de ver. sig.* Proinde nec pendente conditione illis pignus iure constitui potest. † Respondeo: quod dicitur pendente conditione nihil deberi, hanc significationem habet, nihil deberi, certo, id est, quod certum est, non ita deberi, ut certo affirmari possit esse, quod debeat. Est enim incertum, quia pendet ex eo, an conditio existat: potest autem non existere. Sed non ideo absolute verum est per id tempus nihil deberi. Si quidem defecerit conditio postea, recte dixeris etiam in præteritum nihil iniqua fuisse debitum: Quod si conditio extiterit, ex euentu intelligimus retro versus iam à principio quod legatum, promissum, cautumue erat, debitum fuisse. *l. necessario. ver. idem Pomponius. D. de per. & com. rei vend.* Quo fit, ut ad id quoque tempus relata hypotheca exinde contracta intelligatur. *leg. potior. Digest. hoc tit.* Sed quamvis legatarijs legatum sit pure, quamvis & hi prius hypothecam acceperint, ut hodie ex constitutione Iustiniani his tacita hypotheca data est: videtur tamen aduersari. *l. vltim. §. et si præstatam. sup. de iur. del.* vbi cautum est, creditores quoslibet legatarijs esse potiores: vsque adeo, ut ea ipsa, quæ iam legatarijs data erant, his auferant, ut suum consequantur. † Sed id tunc constituitur, cum bona omnibus soluendo non sunt. Quod cum accidit, prius creditoribus soluendum est, etiam si hi nullam hypothecam habeant. *l. successores. sup. ad l. Fal.* Neque id huic loco contrarium est, legatarios enim præferri intelligimus, qui vere legatarij sint, ut & iure res pro legato obligatas habeant, non debentur autem legata, nisi de eo, quod ære alieno deducto superest. *d. l. successores.*

L. Si fundum. 3.

Idem. A. Varo.

Si fundum pignori accepisti, antequam reipublica obligaretur. Sicut prior est tempore, ita prior est iure. PP. S. Id. Octob. Antonino A IIII. & Balbino Coss. 214.

S V M M A R I V M.

1 *Fauorem persona nihil prodesse secundo creditori, ut priori in pignore præferatur.*

EX duobus creditoribus, quibus eadem res pignori obligata est, quamvis priuato vno, & altera reipublica, etiam priuatus, si prius pignus acceperit, reipublica præferetur ex regula iuris. Atqui fauor reipublicæ aliud exigere videbatur. Nam in alijs causis reipublicæ & ciuitatis præcipuam causam esse indicant. *l. ciuitatib. D. de vsur. l. reipublica. sup. qui. §. ex caus. maio.* Sed hæc in hypotheca locum non habent, ut superiore rescripto diximus. Hæc enim semel quæ sita creditoribus adimi non potest, neque à reipublica, neque ab alio quouis. Ideo placuit priuatum etiam fisco præferri, cuius tamen præcipuum fauorem esse constat ex *tit. sup. de priuili. fis.* huc pertinet *l. si pignus eo.* Hoc † exemplo docemur, fauorem personæ nihil prodesse secundo creditori, ut ei, qui prius pignus accepit, præferatur.

L. Cum reipublicam. 3.

Idem A. Syluano.

Cum reipublicam Heliopolitanorum, propter emolumentum sententiæ in rerum tam hereditariarum possessione missam esse proponas, intelligis, quamuis pater tuus cum Sofiano contraxerit, tamen personali actione eum habuit obligatum. præponi reipub. iure pignoris in his, quæ auctoritate eius, qui iubere potuit, seruandi iudicati causa occupauit. PP. 2. Id. Decem. Lato II. & Cereale Coss. 216.

Species hæc est: Sofianus quidam debitor fuit, ut rescriptum ostendit. Huius Sofiani duo creditores, reipublica Heliopolitanorum, & pater Syluani eius, quem hoc rescriptum alloquitur: & is pater prior creditor. Mortuo Sofiano debitore reipublica cum herede egit, & herede victo ex causa iudicati reipublicam in possessionem rerum omnium hereditariarum missa est, & pignus

ita accepit, ut superiore rescripto diximus. Postulat Syluanus heres alterius creditoris, ut reipublica præferatur; quoniam prius crediderit Sofiano. Rescriptum est, reipublicam potiore esse. Merito; quia etiam si pater Syluani pignus accepisset postea, tamen reipublica ei præferretur, ut quæ in pignore prior esset. Multo igitur magis præferretur, vbi sola pignus constitutum habet. Huc pertinet *l. eos infra eodem.*

L. Prior quidem. 5.

Imp. Alexander A. Septimio.

Prior quidem creditor compelli non potest tibi, qui posteriore loco pignus accepisti, debitum offerre. Sed si tu illi id omne, quod debetur, solueris; pignoris tui causa firmabitur. PP. 3. Kalend. Maii Maximo II. & Paterno Coss. 234.

Prior creditor si cum posteriore agat, hypothecam iure suo auferet, etiam si ei debitum non offerat. Pertinet hoc ad regulam iuris de prærogatiua in pignore, de qua diximus *ad l. 2.* Posterior contra ex eadem regula, si cum priore agat, hypothecam auferre non potest: sed nec aduersus eum hypothecam retinere, nisi pecuniam debitam primum offerat. Sic enim pignus suum confirmat. de qua confirmatione diximus *sup. ad l. 1. hoc tit.* Idem traditur in *l. diuersis. in fin. & l. cum tibi. in prin. sup. eodem.*

L. Si generaliter.

Imp. Valerian. & Galien. AA.
Philoxeno.

Si generaliter bona sint obligata, & postea res alii specialiter pignori dentur: quoniam ex generali obligatione potior habetur creditor, qui antea contraxit: si ab illo priore tempore tu comparasti: non oportet te ab eo, qui postea credidit, inquietari. PP. 2. Id. Maii. Seculare II. & Donato Coss. 261.

S V M M A R I V M.

2 *Cui generaliter bona omnia prius obligata sunt, quando præferatur secundo, cui ex his bonis quedam specialiter sunt obligata.*

Primo † creditori debitor generaliter omnia sua bona pignori obligauit, in quibus fuit fundus Tusculanus; deinde hunc ipsum fundum secundo creditori obligauit specialiter. Placet in hoc fundo potiore esse primum creditorem; quia idem fundus etiam ei pignori prius obligatus est. Continebatur enim generali obligatione pignoris non minus, quam si specialiter designatus esset: de quo diximus *ad l. vlt. sup. prox. tit.* Hinc consequens est, quod hic traditur, primum creditorem suo iure hunc fundum & persequi & distrahere posse non minus, quam si in eo pignore solus esset. Hæc eadem in *l. 2. D. qui pot. in. pig. hab. l. qui prior. Dig. eo.*

Quæ sic accipienda sunt, si primo creditori simpliciter bona omnia debitoris pignori obligata sint, ut hic factum significatur. Diuersum est, si primo creditori res quedam specialiter pignori obligentur, deinde generaliter omnia bona debitoris, in quibus sitis fundus, qui secundo creditori postea obligatus est. Nam his verbis obligationis generalis nihil obligari intelligitur, priusquam constiterit res specialiter primo creditori obligatas in debitum eius non sufficere. Hoc in *l. 2. sup. de pig.* vbi hac de re diximus.

L. Licet. 7.

Imp. Dioclet. & Maxim. A. & CC.
Iuliano.

Licet iisdem pignoribus multis creditoribus diuersis temporibus datis priores habeantur potiores: tam eum, cuius pecunia prædium comparatum probatur, quod ei pignori esse specialiter obligatum statim conuenit, omnibus anteferrere iuris auctoritate declaratur. Subscripta 16. Kalend. Feb. A. A. Coss.

S V M M A R I A.

1. Posteriores præferri in pignore, qui ad rem rescindendam, conseruandam, emendamue pecuniam crediderunt; quibus conditionibus, & quam recte.
2. Mulierem quamuis posteriorem præferri anterioribus creditoribus in dotis repetitione.
3. Posteriores, qui publico instrumento pignus accepit, præferri priori, qui ex chirographo tantum accepit.
4. Funeris impensam posteriorem esse creditoribus hypothecam habentibus: præterquam in tacita hypotheca inuictorum ab inquilino, & legatorum: & cui in his sit potior.

Quod diximus ad leg. 2. sup. perpetuum esse, vt qui in pignore tempore prior est, sit potior iure, sic accipiendum est, nisi magna & iusta causa suadeat ab eo iure discedi, quod interdum accidit. Ergo posterior interdum præferitur priori, vel propter causam de qua agitur, vel propter causam & personam posterioris creditoris, vel propter cautionem instrumenti in hypotheca danda adhibitam.

Propter ꝑ causam posterior potior est is, qui pecuniam ita credidit, vt eius pecunia efficeret, vt vel res salua esset, vel esset in bonis debitoris. Quo in numero sunt, qui ad rem rescindendam, aut conseruandam, aut emendam, pecuniam mutuam dederunt, si modo & res resceta, aut emta erit ex ea pecunia, & his ea res pignori obligata sit. *l. interdum. & l. seq. ff. eod. & h. l.* Adieci, dummodo posterioribus ea res, que resceta, aut emta est ex eorum pecunia, sit etiam illis pignori obligata. Nam non continuo si ex pecunia alicuius res resceta, aut emta est, ideo illi tacite est pignori obligata; sed solum si pecuniam credidit ad rescetionem ædificiorum. Non idem iuris est, si pecunia credita sit ad ceterarum rerum rescetionem, vt colligitur ex *l. i. ff. in quibus caus. pig. vel hyp. tac. cont.* Sed etsi res emta sit ex alicuius pecunia; constat non aliter ei eam rem obligatam esse, quam si conuenerit, vt pignori esset obligata, vt hoc rescripto declaratur, & *l. quamuis. 7. sup. de pig. nisi emta sit ex pecunia pupilli, vt illic diximus.* Nec obstat, quod in *Lidemque. ff. eodem sit.* generaliter dicitur, eos omnes esse potiores, qui ad rem aliquam rescindendam pecuniam crediderunt. Hoc enim sic accipiendum est, potiores esse, sed in pignore, id est, potiores hac conditione, si modo & illis ea res pignori obligata sit; quoniam de duobus creditoribus agitur, quibus eadem res pignori obligata est; vnde prior hæc quaestio introductur, an, & quomodo res emta, aut resceta ex alicuius pecunia ei obligata sit pignori. Sed nonne iniquum est etiam in his causis posteriorem creditorem priori præferri, cum isto modo videatur fieri, vt prioribus suum pignus auferatur? Non est iniquum: imo vero nihil æquius, quam eum ex aliqua re fructum percipere, cuius beneficio factum est, vt ea res fructum ferret, dummodo id fiat sine aliorum iniuria. Nunc autem in hac specie, dum posterior præferatur, nihil priori adimitur, sed in eum confertur potius. Nam etsi debito posterioribus creditoribus soluto nihil relinquatur in pignore; tamen id non tam posteriores creditores auferunt, quam casus abstulit. Etenim idem futurum erat, si nemo ad rem rescindendam pecuniam credidisset. Quod si debito posterioribus soluto aliquid superest, id vero beneficio posteriorum in priores confertur, nisi saluam fecerunt pignoris causam. Beneficio igitur afficiuntur priores, non iniuria, si posterioribus prærogatiua seruat in hac causa.

Propter ꝑ rem & personam potior est mulier, quamuis posterior, in repetitione dotis, ex *l. aspidius. infr.* Tribuitur hoc priuilegium partim rei; quia mulier non in omni causa præferatur anterioribus creditoribus, sed solum in dotis repetitione: partim personæ; quia non quisquis dotem repetit, hoc priuilegio vititur, sed mulier duntaxat, vt facilius possit nubere, *arg. l. i. ff. sol. matrim.*

Propter ꝑ cautionem hypothecæ præferatur posterior creditor, qui publico instrumento vititur aduersus priorem creditorem, qui ex chirographo tantum, vel instrumento priuato hypothecam accepit. *l. scripturas. infr.* Neq; plures sunt, vt mihi videtur, qui cum posteriores sint, prioribus præferantur. Accursus tamen ad *l. diuersis. infr.* numerat in hoc genere fidei agentem ex causa primipilari, qui in vult etiam mulierem in dote præferri. Mihi secus videtur, sed de eo dicemus ad *l. aspidius. infr.* Numerat ꝑ etiam eum, qui credidit ad funus ex *l. pen. ff. de rel. & sum. fun.* Sed male eo loco vititur ad hoc conseruandum. Nam hic scriptum est, impensam funeris præcedere omne creditum. Atqui hic sensus est, cum is, qui in funus impendit, creditum repetit, id est, personali actione

agit aduersus creditores ceteros, qui item creditum suum petunt, id est, personali actione petunt, eum his omnibus præferri; nempe ex priuilegio, quod funerariæ actioni tributum est. Sed male ex eo colligitur eum præferri iis, qui hypothecam habent. Nam contra hi, qui hypothecam habent, siue prius eam acceperint, siue posterius; quoniam habent actionem in rem, præferuntur omnibus priuilegiariis creditoribus personali tantum actione vitentibus, vt est in *l. 4. sup. l. eos. infr. eo.* Plane funeris impensa duarum causarum tacitas hypothecas præcedit: inueictorum & illarum ab inquilino: item legatorum; sed ideo; quia in his cum ad funus vitum est, nec hypotheca subesse intelligitur. Nã si inquilinus sit is, qui mortuus est, nec sit, vnde funeretur, placet ex inueictis & illatis eum funerandum, & si quid superfluum remanserit, hoc pro debita pensione teneri. *l. etsi quis. 1. 4. §. i. ff. de rel. & sum. fun.* Atqui hæc sunt tacite obligata locatori. *l. 2. l. 3. ff. in quib. cau. pig. tac. cont.* Sed hæc tenus hæc sunt pignori, dum id pignus non officiat rebus fauore dignis. Vnde placet eiusmodi pignus non officere libertati. *l. licet. D. in quib. cau. pig. vel hyp. tac. cont.* Non mirum, si in eadem causa habetur funeris causa. Similiter si res legata sit a testatore, de cuius funere agitur, nec sit, vnde funeretur, ad eas quoque res manum mitti oportere placuit *d. l. etsi quis. §. i. de rel.* Et tamen legatariis res omnes defuncti obligatae sunt pignori. *l. i. sup. com. de leg.* Sed satius est, ait Vlpianus, de suo testatorem funcrari, quam aliquos legata consequi, *d. l. etsi quis. §. i.* Aut si certius aliquid hic responderi placet, nulla est hic hypotheca, cum de funere agitur. Non est enim hypotheca legatorum nomine, nisi prius legata posueris. Atqui cum defunctus soluendo non est omnibus, tum creditoribus, tum legatariis, non debentur legata, nisi deducto omni ære alieno aliquid superfit, quod legatis superfit. Et in summa creditores præferuntur legatariis. *l. successores. sup. ad leg. Falc. l. vlt. §. etsi præfatam. sup. de iur. dei.* Porro funeris impensa æs alicuius patrimonij defuncti existimatur. *l. impensa enim. 18. D. de rel.* Interdum tamen posterior creditor etiam ex alia causa præferatur priori creditoribus in hypotheca. Sed hoc non perpetuo, sed ad tempus dumtaxat, quod contingit in specie, de qua constitutum est in *Authent. seq.*

Authent. item possessor.

Item possessor pignoris negans rem eius, cuius actor eam esse adseuerat: si probata ea intentione nitatur rem retinere, dicens ex hypotheca, vel alia causa in eandem personam delata, se propinquiorem esse, quam qui mouet causam: prius transferat possessionem, quam ius suum proponat.

S V M M A R I V M.

1. Casus, vbi posterior creditor potior sit priore in pignore ad tempus.

Species facti hæc est. Posterior creditor hypothecam vindicauerat a priore creditore. Prior vt agentem remoueret, hac defensione vsus erat, vt diceret rem, de qua agitur, in bonis debitoris non fuisse, eoq; nec potuisse posteriori creditori obligari, ex *l. & que non dum. §. quod dicitur. D. de pig.* Posterior creditor probauerat rem in bonis debitoris fuisse. Ita prior creditor victus, iustus est hypothecam restituere. Prior exclusus superiore defensione nunc ad hanc confugit, vt dicat, eam quoq; rem sibi a debitore prius obligatam esse, ideo & se posteriore creditore esse potiorrem. In hac controuersia constitutum est a Iustiano id, quod hoc fragmento traditur, nihilominus possessionem pignoris a priore in posteriorem creditorem transferendam esse, donec prior de iure suo probauerit, vt intelligamus hanc esse mendacij poenam, quemadmodum & in rei vindicatione possessio a possessore transfertur in actorem, cum possessor prius negauit se possidere, & conuictus possidere cepit dicere, rem esse suam, non actoris. *l. vltim. D. de rei vind.* Ex hac constitutione apparet, si prior creditor victus probauerit postea, eam rem sibi prius pignori esse obligatam, vt dicebat, eum ius suum obtinere aduersus posteriorem creditorem, & ita verum esse, quod supra dixi in extremo ad *l. i. cet.* in hac specie ꝑ posteriorem creditorem præferri priori in possessione pignoris, sed ad tempus dumtaxat, donec scilicet prior de iure suo probauerit, certum vbi de iure prioris constabit, semper eum posteriore esse potiorrem.

L. Diuersis. 8.

PRior pars continet eam definitionem, quæ exposita est ad l. 2. sup. Posterior est de iure secundi creditoris in confirmando pignore, de quo diximus ad leg. 1. sup.

L. Ets. 9.

Hic locus satis expositus est partim ad l. 2. sup. eod. vbi, cur qui pignora acceperunt, præferantur privilegiis omnibus, rationem explicatius reddidi partim ad proximam l. licet. vbi de objectionibus quibusdam natis ex l. pen. & leg. & si quis. 14. ff. de relig. respondi in extremo.

L. Cum tibi. 10.

Idem AA. & CC. Polipeucæ.

Cum tibi pro dote, quam acceperat maritus, res obligauit: eo mortuo, hi, quibus eadem pignori dederat, non offerant debitum, nulla possunt persequi ratione. Nam chirographarios creditores nec in rem, nec in personam eos, qui debitori non probantur successisse, vlla ratione conuenire posse, manifestum est. PP. Non. Decemb. CC. Cass.

S V M M A R I V M.

1. Chirographarios creditores frustra agere de pignore sibi restituendo aduersus creditores hypothecarios, quantumuis pecuniam debitam sibi offerant.

Maritus dote accepta mulieri quasdam res suas in eam causam pignori obligauit, & tradidit; deinde cum marito alij creditores contraxerunt. Mortuo marito cum mulier ea bona pignori sibi obligata possideret, creditores posteriores aduersus mulierem agere cœperunt, vt vel sibi satisfaceret, vel restitueret bona defuncti, quæ possideret. Rescripti distinctio est in hanc sententiam: si quidem ij agant, quibus eadem pignora data sint, eos frustra agere; quia sunt scilicet tempore posteriores: sic tamē frustra, nisi offerant debitum, intellige vt oportet, id est, aut soluant, aut priore creditore non accipiente pecuniam obsequunt: quo modo vt oportet ad liberationem pignus sibi cōfirmant, vt est in l. 1. sup. eo. Sin t̄ ij tantum sint, qui chirographarij appellantur, id est, ij, quibus cautum non est, nisi chirographo, plane eos frustra agere, quantumuis pecuniam offerant; quia nullam aduersus mulierem actionem habent, neque in rem, neque in personam. Non in rem; quia res illis pignori obligata non sunt, vt quis dicat eos actionem hypothecariam habere. Non in personam; quia actio in personam solum aduersus debitorem competit, aut heredem eius. Mulier autem in proposito nec debitor fuit, nec mariti debitoris heres.

L. Scripturas. 11.

Imp. Leo A. Erythrio, præfecto Prætorio.

Scripturas, quæ saepe assolent à quibusdam secrete fieri, inuenerunt amicis, nec ne, transigendi, vel paciscendi, seu fœnerandi, vel societatis cocunde gratia, seu de aliis quibuscunq; causis, vel contractibus, conficiuntur. quæ idcirco Græce appellantur, siue rota series earum manu contrahentium, vel Notarij, vel alterius cuiuslibet scripta fuerit, ipsorum tamen habeant subscriptiones, &c.

S V M M A R I A.

1. Instrumenti priuati, quod constat à debitore scriptum, non minorem vim esse creditori ad suam personam actione obtinendam, quam publici.
2. Instrumentum priuatum vim suam obtinere, & simpliciter vim obtinere, longe diuersa esse: prius verum, & quid sit: posterius falsum.
3. Instrumento priuato, etiam de cuius fide constat, præferri publicum ad hypothecam priore loco obtinendam: & quam recte constitutum.

Si duo sint creditores eiusdem debitoris, quorum vni cautum sit à debitore priuato chirographo, vel alio priuato instrumento, alteri cautum instrumento publice confecto, id est, cōfecto ab iis, qui in conficiendis instrumentis publico munere funguntur: & hi contendant inter se, vter altero potior sit, quia forte bona debitoris omnibus non sufficiant: quæritur, an sit quidquam in instrumento publico, cur is, qui eo vitur, præferri debeat ei, qui vitur instrumento tantum priuato. De hac re ita ius constitutum est hoc loco, interesset, vtrum hi creditores personalibus actionibus agant eodem tempore aduersus debitorem, an vero agant hypothecaria de ea re, quam suis quisque instrumentis pignori accepit à debitore. Si t̄ personalibus actionibus agant, tummodo de fide priuati instrumenti probetur, nempe id à debitore scriptum esse, non minus id prodesse creditori suo, quam si publice conscriptum esset. Nam hæc vis est priuati instrumenti, vt cum constat à debitore scriptum esse, id aduersus debitorem fidem faciat, de quo, vt & de eo, quomodo id probetur, dicemus aptius in Auth. seq. Hinc intelligimus in hac specie alterum ex creditoribus propositis alteri non præferri.

Obseruandum t̄ est autem constitutionem non dicere; instrumentum priuatum in hac causa vim habere aduersus debitorem; sed vim suam obtinere, inter quæ multum interest. Nam qui dicit instrumentum priuatum quouis modo vim habere aduersus debitorem, is dicit priuatum instrumentum fidem facere, etiam si de eius fide non constat: quod est absurdum dictum. Quid enim, si instrumentum priuatum causam adiectam non habeat? Quid, si debitor neget à se scriptum esse? Quibus casibus iure instrumentum fidem non facit, vt dicemus ad Auth. seq. Qui autem dicit instrumentum priuatum obtinere vim suam in ea specie, de qua quæritur, is hoc dicit, quæ alias vis est priuati instrumenti aduersus debitorem tunc, cum creditor, qui eo vitur, est solus: eandem vim & in hac causa futuram esse, etiam si alij creditores concurrant, qui vitantur instrumentis publicis. Hoc vero est æquissimum. Quod cum non intelligatur, aut non animaduertatur vulgo ab interpretibus, non est mirum, si colluctentur in huius loci interpretatione, neque adhuc rem expedire potuerint. Atque hæc, inquam, ita sunt, si creditores isti personalibus actionibus experiantur.

Quod t̄ si agent hypothecaria actione vindicantes eam rem, quæ ambobus pignori data est, partim priuato instrumento, partim publico: placet in hac causa priuatum instrumentum vim illam suam non obtinere, sed quamuis constat id scriptum esse à debitore, tamen eum, qui publico instrumento nititur de hypotheca, præferri ei, qui eandem hypothecam accepit priuato instrumento, nisi priuatum id instrumentum habeat trium idoneorum testium subscriptiones. Quæritur ratio cōstitutionis. Cur enim placeat magis priore casu priuatum instrumentum vim suam obtinere, quam posteriore? Nam vtrobique eadem est fides & probatio instrumenti priuati, cur non in pari causa ius idem statuitur? iuxta l. illud. D. ad leg. Aquil. Mihi hæc differentia ratio videtur non improbabilis; quod cum creditores isti duo agant personalibus actionibus, singuli de suo debito, id est, de rebus diuersis agunt, quæ ita sunt singulorum, vt quod est vnus, ad alterum non pertineat. Quam ob rem singuli in suo debito sunt soli: vt proinde aliis in eo debito non concurrentibus, non sit quærendum, qui quibus sint potiores, sed vnusquisque separatim in suo debito ius suum obtinere debeat: argumentum in l. 2. ff. eo. tit. At cum ambo de hypotheca eadem agunt, hic de eadem re agunt, & ob id merito quæritur, vter altero in ea re debeat esse potior. Et non inique constituitur, in ea contentione maiorem vim habere publicum instrumentum: itaque id priuato præferri.

Auth. si quis vult caute.

Si quis vult caute deponere, non solum credat accipientis scripturæ, sed aduocet etiam testes idoneos & fide dignos non pauciores tribus. Sed & si quis aut mutui instrumentum, aut alterius cuiuspiam contractus fecerit, & noluerit hoc specialiter in publico consisteri: non ex ipso videatur credibile, quod scribasur super mutuo documentum, nisi etiam trium testium adhibeatur presentia fide dignorum, vt siue veniant, & subscriptionibus propriis attestentur, siue alij quidem testificentur, quia eis presentibus confectum est documentum: fidem eandem ex vtraque

que causa percipiat. Si tamen quisquam aut deponens, aut mutans, aut alias contrahens, consentus sit sola scriptura eius, cum quo contrahis: sciat scripturam non sufficere ad probationem.

S Y M M A R I A.

- 1 Instrumenti privati ad fidem vis, qua.
- 2 Comparatio literarum ad probandam manum scripturae quatenus admittat.

Aptissime hæc *Auth.* superiori constitutioni subiecta est. In ea constitutione scriptum erat, cum duo creditores personibus actionibus agunt eodem tempore, instrumentum vnius priuatum nihilominus robur suum obtinere. Hinc ꝑ quæstio introducturæ ad explanationem eius constitutionis necessaria, quænam sit vis instrumenti priuati. Et iure vetere hæc vis fuit, si debitor fatebatur à se, vel suo mandato scriptum, & causa debiti dicta erat, cogebatur debitor confessioni suæ stare, quantumvis diceret se instrumentum scripsisse vel ioco, vel errore. *l. cum de indubito. §. vit. ff. de prob.* Quod ꝑ si debitor negaret à se scriptum esse, vel mandato suo, conuinci poterat id scripsisse, in eamq; rem recipiebantur & testes, & comparatio literarum, dummodo hæc literæ, ex quibus comparatio literarum petebatur, ab eodem debitore publice scriptæ essent, aut trium testium subscriptiones haberent. *leg. comparationes. supra, de fid. instrum.* Hanc vim intelligebat superior constitutio. Ne quis in eo iure erraret, commonefacit nos hæc authentica, quid de eo constitutum sit à Iustiniانو. Eius constitutionis hæc est summa, si debitor fateatur chirographum à se scriptum, nihil immutauit Iustinianus. Si neget scriptum à se, & testes non minus, quam tres producantur, qui interfuerint, cum debitor id instrumentum scriberet, ne hic quidem quidquam immutauit Iustinianus. Sed si tres testes adhibiti non sunt, ille in totum comparationes literarum repudiavit tanquam suspectas, nisi instrumento priuato conficiendo tres testes interfuerint. **Q**uæ casu comparationem literarum admittit, si esset necessaria: nempe si testes illi, quorum mentio fit in chirographo, mortui essent, aut alioquin non exstarent. Postquam constitutionem eo res redit, vt quoniam semper periculum est, ne debitores negent chirographum à se esse scriptum, dare operam creditor debeat, si caute vult contrahere, vt adhibeantur tres testes.

L. Assiduis. ult. & dua Authent. seqq.

Imp. Iustinianus A. Ioanni præfecto Prætorio.

Assiduis aditionibus mulierum inquietati sumus, per quas suas dotes deperditas esse lugebant, & ab anterioribus creditoribus substantias maritorum detentas. Nos itaq; ad antiquas leges respeximus, in personalibus actionibus rei uxoris actionem (quam in presenti sustulimus) magnam prærogatiuam præstantes, vt contra omnes pene personales actiones habeant priuilegia, & creditores alios antecedant, licet fuerint anteriores. Et hoc cum in personalibus statuerant actionibus, si hypothecam respiciebant, illico iustitia vigorem relaxabant, & senioribus hypothecæ nouas mulierum hypothecas, si habebant actiones, expellebant: nec ad fragilitatem muliebrem respicientes, nec quod & corpore & substantia & omni vita sua maritus fungitur: cum pene mulieribus tota substantia in dote constituta est, &c.

S Y M M A R I A.

- 1 Mulierem præferri omnibus creditoribus quamuis anteriorem hypothecam habentibus, dum tacitam, & ex priuilegio.
- 2 Mulierem præferri etiam fisco, quamuis tempore priori, & quidem ex omnibus causis.
- 3 Mulierem postponi liberis prioris matrimonij, aduersus quos nouerca de dote agit, item creditoribus quamuis, tempore posterioribus, qui marito pecuniam crediderunt ad militiam emendam ea lege, vt militia esset pignori.
- 4 Mulierem anterioribus creditoribus hypothecam conuentione sua partem habentibus non præferri.

- 5 Prioris creditores in hypotheca conuentionali præferri posterioribus iure communi, non ex priuilegio.
- 6 Mulierem hypothecæ conuentionibus prioribus non esse potiorum, demonstratur rationibus Iustiniani.
- 7 Equitate rei.
- 8 A persona constituentis principij.
- 9 Obiecta diluuntur.

Singulare hic beneficium tribuitur in repetitione dotis dicitur; mulieri; item mulieris liberis. de muliere prope tota constitutione cauetur, de liberis in *vers. exceptis videlicet.* Beneficium, quod ꝑ mulieri tribuitur, hoc est, vt mulier siue agat personalia actione de dote aduersus alios creditores priuilegiarios, siue agat hypothecaria actione, quæ illi lege concessa est *l. vnciam. §. & vt plerumque. sup. de rei. vx. act.* ea præferatur omnibus creditoribus anterioribus, licet prioris temporis priuilegio sint vallati, sic enim verba sunt huius constitutionis in *§. ad hæc. & vers. seq.* Quibus verbis efficitur, mulierem præferri omnibus creditoribus, quamuis hypothecariis & anterioribus; si tamen hypothecam ex priuilegio habeat, id est, tacitam beneficio legis. Igitur si proponas maritum administrasse tutelam pupillorum, antequam uxorem duceret; item pecuniã accepisse ad insulam exstruendam, aut reficiendam: quibus in causis & res mariti sunt tacite pignori obligatæ pupillo, & ædes obligatæ ei, qui ad refectioem credidit. *l. pro officio. sup. de adm. tut. l. i. ff. in quib. cau. pig. vel hypoth. tacit. con.* si is deinde vxorẽ duxerit, & dotẽ acceperit, dicimus soluto matrimonio, si mulier & superiores creditores mariti concurrant, mulierem in hypotheca his omnibus, quamuis anterioribus, præferri; quia et si prius hypothecam acceperunt; tamen habent ex beneficio legis tacite, non autem ex conuentione. Huius generis creditoribus hypothecariis mulier præferretur omnibus, vt sunt verba constitutionis. Ergo ꝑ & mulier præferretur fisco, quamuis maritus eius ante cum fisco contraxerit. Nam quod scriptum est in *leg. 2. sup. de priuileg. ff. fisco*, qui prius contraxerit cum marito, mulieri præferri, est quidem huic constitutioni contrarium; sed sciamus hac constitutione abrogatum esse. Tametsi enim Iustin. in *l. 2. §. contrarium. sup. de vet. iur. enu. neg.* in libris iuris à se compositis vllum contrarium esse; tamen hoc in Codice ad veterem Codicem pertinet, non ad eas constitutiones, quæ nouo codici sunt insertæ. Hæc autem sunt quinquaginta decisiones Iustiniani, quas constat nouo Codici insertas ad veteris iuris emendationem, *tit. de nouo. Codic. confir.* Ex his constitutionibus est hæc vna, quæ hic proponitur. Ergo ꝑ mulier præferretur fisco, quamuis maritus eius ex causa primipilari conueniatur, abrogato eo in e, quod est in *leg. 4. sup. in quib. cau. pig. vel hyp.* Præferretur ergo & ei, qui pecuniam ad funus crediderit. Idq; eo magis, quod hic nihil amplius habet, quã priuilegium: hypothecam non habet. Nec impediemur eo, quod legitur in *l. pen. D. de relig. & sum. fun.* impensam funeris omne creditum præcedere. Sciens enim & hoc similiter abrogatum esse hac constitutione; non solum quia discrete Iustinianus constituit, vt mulier in actione personalia præferatur omnibus priuilegiariis creditoribus; sed etiam quia mulier hypothecam habet, quam, vt dixi, non habet is, qui in funus impendit. Constat autem omnes hypothecarios creditores, cum in rem actionem habeant, omnibus priuilegiariis, qui personalem tantum actionem habent, præferri, *l. eos. sup. hoc. tit.*

Ex ꝑ omnibus creditoribus, qui beneficio legis prærogatiuam temporis habent, excipiuntur duo, quibus placet mulierem non præferri. Primum filij prioris matrimonij, aduersus quos nouerca de dote agit *§. exceptis. hac leg.* quod apertius confirmatur in *auth. ult. hic.* Deinde hi creditores, qui pecuniam marito crediderunt ad militiam emendam ea lege, vt militia eis esset pignori obligata. In hac militia marito emta potiores sunt, qui crediderunt. *auth. quo iure. inf.* Idque etiam si posteriores sint. Cuius iuris duplex ratio reddi potest. Primum, quod in hac militia pecunia creditoris salutem fecit totius pignoris causam. *argum. in l. interdum. & seq. ff. eod.* Deinde, quia hæc militia marito emta non tantum ad utilitatem mariti pertinet, sed etiam ad utilitatem & honestamentum mulieris. Nam eiusmodi militiis maritos cohonestari constat. Maritorum honos & decus etiam ad vxores pertinet. *l. summe. ff. de senat. Nouel. de consul. §. hac itaque.*

Sed hæc omnia dicta sunt de iis creditoribus, qui priuilegio, id est, beneficio legis hypothecam habent, aut certe in hypotheca habent iuris prærogatiuam. Quod ꝑ si qui creditores prius hypothecam acceperint conuentione, & vigilantia sua partem, nos de comuni sententia interpretum putamus mulierem ex hac constitutione.

stitutione ijs nullo modo præferri; atque adeo nullo iure proferri aut posse, aut debere. Id defenditur & verbis huius constitutionis, & in primis sententia. Verba constitutionis ad eos creditores anteriores pertinent, qui sunt muniti temporis priuilegio. His verbis proprie non continentur ijs, qui sibi de hypotheca cauerunt. Hi enim hypothecam habent non priuilegio, sed communi iure; quo iure constat pignus conuentione contrahi, *l. 4. ff. de pig. l. si tibi. eo. §. de pignore. ff. de pact. l. i. in pr. ff. de pig. act.*

5 Nec t̄ vero audiendi sunt, qui conuentione de pignore interposita fatentur pignus ex priuilegio non esse; sed vt creditor prior secundo præferatur, id ex priuilegio esse dicunt, non ex conuentione, quod aperte falsum est. Nam prior creditor in pignore ideo præferatur posteriori, quia habet actionem in rem aduersus omnes possessores, non tãtum extraneos sed etiam posteriores creditores. Eam quidã actionem habet etiam aduersus debitore ipsam, quia pignus obligauit. Ergo multo magis aduersus eos creditores, qui causam habent à debitore. At creditor hac actionem habet iure pignoris. Quare prærogatiua in hac actione ex iure pignoris nascitur, ac proinde ex conuentione, non item ex priuilegio. Atq; in hac prærogatiua priuilegium non esse certo argumento est, quod dicuntur priuilegia non ex tempore æstimari, sed ex causa. *l. priuilegia. ff. de reb. auct. iud. pos.*

Nam prærogatiua, quæ in pignore est, solum ex tempore æstimatur. Non nego prærogatiuã hanc ab Vlpiano priuilegium appellari in *l. si & iure. ff. qui pot. in pig. hab.* Sed si ea prærogatiua ex iure & ratione communi est, negari non potest, quin abusiue priuilegium appellatur. Quis est enim, qui nesciat priuilegium ius esse in gratiam certæ causæ, aut personæ præter rationem iuris communis constitutum? Tunc de num prærogatiua temporis vere priuilegium est, cum creditores, qui nullam hypothecam habent alijs non habentibus, præferantur; in quo etiam in vsu iuris solum hoc verbum proprie vsurpatur. *d. l. priuilegia. ff. de bo. auct. iud. pos. & hac lin. vers. cum enim in personalibus.*

6 Sententia t̄ Iustiniani spectatur ex ijs rationibus quibus vitur, ex æquitate causæ, tum ex persona scriptoris. Ratio Iustiniani, qua in hac constitutione vitur, euidenter sententiam eius ostendit, & superiore sententiam confirmat. Ait enim, mulierem ideo in hypotheca præferendam esse anterioribus creditoribus, quia in personali actione tali priuilegio vitur. Hoc Iustiniani argumentum est in *hac lin. vers. cum enim in personalibus.* At in personali actione constat mulierem non præferri creditoribus anterioribus, nisi priuilegiarijs, id est, ijs, qui beneficio legis prærogatiuã habent, vt ceteris creditoribus præferatur. Ergo nec in hypotheca præferatur alijs creditoribus, quã qui eodem beneficio hypothecam habent. Nam quoties lex aliqua ob certam causam & ratione lata est, conuenit cessante ratione legis, illic legi locum non esse. *l. quod dictum. D. de pact.* Idem licet intelligere de sententia Iustiniani ex ea ratione, quam reddit in *§. & ideo.* scribit enim se in hoc priuilegio mulieri tribuendo hoc securum esse, vt consummaret, quod veteres cœperant, neq; perfecerant. Ex quo intelligitur non aliud consummasse Iustinianum, quam quod veteres cœperant nouum autem negotium eum non instituisse. Iam vero veteres cœperant tantum mulierem præferre alijs priuilegiarijs creditoribus, neq; id perfecerant; non enim præfererent omnibus, neq; præfererant in hypotheca, vt constat ex initio huius constitutionis. Iustinianus hoc ius imperfectũ consummauit, nã mulierem prætulit creditoribus priuilegiarijs, ijsq; omnibus; puta etiam ei, qui in funus credidit, & prætulit non solum in actione personali, sed etiam in hypotheca. Itã ius cœptum à veteribus consummauit, sed ita, vt non egredietur id, quod veteres cœperant. Cœperant autem præferre mulierem priuilegiarijs. Quare & priuilegiarijs præferat Iustinianus, non alijs.

7 Quod t̄ si de sententia Iustiniani & verborum significatione ambigeretur, tamen in diuersis & ancipitibus interpretum sententijs ea regula vti debemus, quæ præscribitur in *l. non sine. sup. de don. qua lib.* nempe vt ambiguam causam & varijs legum interpretationibus titubantem iuris naturalis, id est, æquitatis, moderate temperemus. Vnde in legibus quoties verba ambigua sunt, ea sententia accipitur, quæ æquior & benignior est; non alia de causa, quam quod menti auctoris est conuenientior. *l. in omnibus quidã. l. semper in dubio. D. de reg. iur.* At æquitatis rationem si audimus, non solum æquum est, mulierem ei creditori non præferri, qui ex conuentione prius hypothecã habet; sed etiam si contrarium hic constitutum esset, officiu esset boni principis eam constitutionem abrogare. Pro certo, nã hoc statui debet, quod est in

principijs iuris, ius suum cuiq; tribuendum esse, nulli mortalium ius suum detrahendum, *l. iust. ff. de iust. & iur. l. 2. ff. de his, qui sunt sui, vel al. iur.* Id quod si recte constituitur in alijs causis; tum vero rectissime in pignore conuentionali, quod quis cautione sua & vigilantia sibi parauit. Hoc, inquam, nulli creditori adimendum est. Nã, vt est egregia sententia Scaeuolæ, ius vigilantibus scriptum est, id est, ijs, qui in negotijs gerendis aduersus futura pericula sibi vigilantur, & cauerunt. *l. pup. in fin. ff. qua in fraud. cred.* Ius scriptum vigilantibus ideo, quia fauet vigilantibus, & cauet, ne damno afficiatur, neue quid his auferatur in eo, in quo sibi vigilauerint, sibi que tempestiue prospexerint. *l. 3. ref. ff. de sep. l. quod autem. §. sciendum. ff. in frau. cred.* Et certe nihil potest cogitari iniquius, quam si cum creditores contraxerint cum aliquo debitore, qui nondum vxorem duxerat, qui iisdem diligenter sibi cauerint, vt eius bona sibi essent obligata, sit in potestate debitoris eos, cum velit, fraudare, vxorem postea ducendo, & dotem accipiendo, sic enim miserere creditores frustra sibi cauerint, neq; erit vigilantia locus. In hac tanta iniquitate non est credendum, Iustinianum sententiam tam iniquam constituitur voluisse, nisi euidentissimis verbis probari possit, id illum sensisse.

Atque t̄ huic etiam rei tertio loco argumentum præbet persona eius, nam is legum conditor est. Legum conditores æquitatis fautores esse oportet, vt bene scriptum est in *l. hac lege. sup. de pact. conu. tam. sup. dot.*

Ad t̄ obiecta quibus vitur contrariæ sententiæ defensores, breuiter respondebo. Illi vtgent verba. Ait Iustinianus, mulierem habere potiora iura aduersus omnes cred. Hic quidem nihil excipit; sed addit, licet sint anterioris temporis priuilegio vallati. Quæ verba nõ pertinent ad eos, qui hypothecam vigilantia sua sibi acquisuerunt, vt supra docuimus. Ait item Iustin. se pleno iuris articulo in hoc priuilegio mulieris consummasse, quod veteres cœperant. Non consummauit, inquit, nisi mulierem omnibus creditoribus anterioribus prætulit sine exceptione. Recte dicerent, si Iustinianus simpliciter scripsisset se cõsummasse pleno iure prærogatiuã temporis in muliere. Nunc autem dicit se consummasse, quod veteres cœperant. At veteres non cœperant mulierem præponere hypothecarijs creditoribus, sed ijs, qui prærogatiuam temporis ex priuilegio legis haberent. Hoc igitur posterius ille consummauit, nõ item prius alterum, quod veteres nõ cœperant, vt supra quoq; docuimus. Vrgent & illi rationem huius constitutionis, quæ sparsa est varie in hac lege, puta in *vers. & hoc cum in personalibus.* item in *vers. qui enim,* hanc illi ratione dicunt, non minus efficere, vt mulier præferri debeat anterioribus creditoribus expressam hypothecam habentibus, quam qui hypothecam beneficio legis habent. Hoc vero illis concedi non oportet. Nam rationes sunt introductæ & sumt ex fragilitate mulieris; ex obsequijs, quæ marito præstat; ex periculo partus, ex procreatione liberorum, ex inopia mulieri, quæ in bonis nihil solet habere præter dotem; ex officio mariti, quo ille cogitur dotem omnimodo restituere vxori, hæ omnes in summa nihil aliud efficiunt, nisi mulierem dignam esse priuilegio, quod Iustinianus hic constituit. Non fatemur non tãtum eo priuilegio dignam esse, sed etiam dignissimã. Adjicimus amplius, dotis causam semper & vbiq; præcipuam esse debere. *l. 1. ff. sol. mat.* Sed hæc omnia accipienda sunt cum hac exceptione, dum alteri iniuria non fiat. Nam hoc vtrãq; manu retinendum est in omnibus beneficijs & priuilegijs, in iniuriam alterius beneficii alteri concedi non solere, neq; debere. *l. nec auus. inf. de emanc. liber. l. 2. §. si quis à prim. ff. ne quid in loc. pub.*

Addunt his argumenta duo, prius tale est. Mulierem constat hac constitutione præferri anterioribus creditoribus, saltẽ qui pignus lege constitutum habent. Ergo & ijs præferri debet, qui pignus conuentione, aut vigilantia sua sibi acquisierunt. Apparet ex superioribus, male ista comparati. Nã legitimum pignus contra legem adimi potest sine iniuria; quoniã eius est beneficium adimere, cuius est dare; quod & in priuatorum beneficijs receptum est. *l. 2. ff. de prec.* At pignus vigilantia creditoris partum, ipsi creditori sine summa iniuria adimi non potest, vt supra probatum est. Alterum argumentum habet firmamentum illorum sententiæ, est autẽ tale. Mulier præferatur ei creditori, qui pecuniam credidit ad rem emendam ea lege, vt illi ea res pignoris obligata esset. *§. hu conseq. Nouel. de equal. dot.* At qui pecuniam credidit ad rem emendam, præferatur anteriori creditori, & cui ea res pacto pignori obligata est. *l. interdum. & seqq. ff. eo.* Ergo huic ipsi quoque creditoris expressam hypothecã habenti multo magis mulier præferetur. Sed & hoc male colligitur, quoniã non est eadẽ causa in

duobus illis creditoribus, propter quam mulier postulat se his præferri. Imo vero quam ob causam mulier præferatur ei, qui pecuniam credidit ad rem emendam, hanc ipsam ob causam alij credit. si priori præferri non debet. Nam ei, qui pecuniam credidit ad rem emendam, præferatur, si ipsa tempore prior sit, is autem, qui credidit posterior, ut est expressum in d. §. his conseq. Ergo hac ipsa ratione alij creditori non præferetur, si mulier erit posterior; quoniam ea causa cessat, propter quam alteri præferatur. Hic occurrit hac ratione, si vinco vincentem te, multo magis te vincere debeo. de accessionib. in fin. i. resp. ff. de diuers. tem. præfor. Sed hoc dictum tunc locum habet, cum in extraneo & in te adem causa est, cur vos vincere debeam. Quod si causa vincendi in vno alia est, & alia in altero, non si alium vinco, qui te vincit, ideo te vincere debeo. Sancta est hæc regula ex comparatione maiorum. cui argumento locus non est in disparibus causis. Res per se paulo obcurior exemplo plana fiet. Propono hoc modo. Tres sunt creditores, quibus eadem res obligata est diuersis temporibus, primus, secundus & tertius. Ego primus si vinco secundum, uti vinco, multo magis vincere debeo tertium, qui vincitur à secundo, scilicet quia qua ratione vinco secundum; eadem ratione & maiore vinco tertium. Vinco enim secundum; quia sum prior tempore. Ergo multo magis vincam tertium; quia si secundo prior sum, multo magis prior sum tertio. At è conuerso argumentum non valebit hoc modo. Ego primus egi aduersus tertium, qui hypothecam possidebat, & ab eo victus sum; quia me remouit exceptione pacti conuenti, vel iuris iurandi. Quamuis tertius me primum vicerit, & ego primus vincam secundum, tamen si tertius cum secundo agat, secundum non vincet; quia videlicet vincendi secundi dissimilis causa est. Non tertius me vicit, non quia me prior esset tempore, sed quia actum erat inter nos, ne hypothecam ab eo peteret. Hæc ratio aduersus secundum cessat, & si tertius secundum volet vincere, non poterit alia ratione, quam si sit prior. Atqui secundus prior est, Ergo & in hac specie secundus vincet tertium, quamuis tertius primum vicerit, & primus potior sit secundo. n. epe ideo, ut iã dixi, quia vincendi secundi dispar causa est, non autè illa, ob quam primum vicit. Confirmatur hæc sententia in hoc ipso exemplo in l. Claudius. ff. eo tit. Quare cum nihil relinquatur ad defensionem contrariæ sententiæ, & ea sententia, quam statuimus, aperte defendatur & verbis huius legis, & sententia, & manifesta equitate, & præterea communi sententia recepta sit; non est, quod dubitemus eam retinere, quantumvis quibusdam in præfecturis, quantumvis summis, aliter iudicetur. Meminisse enim debemus legibus iudicandum esse, non exemplis, aut præiudicijs. leg. nemo, sup. de sent. & interloc. om. iud.

AD TIT. XIX. DE HIS QUI IN PRIORUM CREDITORUM LOCUM SUCCEDUNT.

SUMMARYM.

1. Eum, qui primo creditori soluit, succedere in pignus duobus casibus.

EXijs, quæ de iure primi & secundi creditoris in hypotheca proxime diximus, duæ dubitationes natæ sunt, quæ explicantur his duobus titulis, qui sequuntur. Primum dictum est, secundum creditorem nihil habere iuris in pignore aduersus primum, nisi primo pecuniam offerat, quod si rite offerat, tunc secundum creditorem sibi confirmare pignus l. i. sup. prox. tit. hoc amplius & in ius primi creditoris succedere. l. secundus, sup. de pig. quod & confirmatur in l. vlt. hic. Hinc quæsitum, si alius, qui hypothecam non habet, aut habet, sed posterior secundo, pecuniam soluat primo creditori, ut is dimittatur, an & hic, qui soluit, succedat in locum primi creditoris, de quo hoc titulo constituitur.

Placet tamen eam, qui primo creditori soluit, quantumvis prius nihil iuris habuerit in pignore, tamen succedere in pignus & locum primi creditoris duobus casibus. Vnus est, si creditor ipsi soluerit ex pacto, ut in eius locum succederet, l. hic. Alter est, si pignus emerit à debitore ea lege, ut pretium ad creditorem perueniret, & peruenit, l. penul. hic. Perinde est enim, quasi qui pecuniam dedit, ipsi creditori numerasset. Cum his modis succedat in locum primi creditoris ille, cuius pecunia primus dimissus est; consequens est, quod exprimitur in l. 3. hoc tit. eam, qui in pignus successit creditoribus omnibus aljs in eo pignore esse potior, quemadmodum primus creditor esset potior, si pignus retinisset.

Quod si is, cuius pecunia creditor primus dimissus est; de pignore seu de successione eius pignoris nihil conuenit, placet cum in ius pignoris non succedere, l. i. hic. l. Aristo. ff. quæ res pig. obl. poss. Sumtum ex eo, quod de contrahendo pignore superioribus titulis posuimus, ut in l. quamuis. 17. sup. de pig. & l. licet sup. prox. tit. nempe pignus inter viuos nisi conuentione non constituitur, ubi pignus à magistratu non detur.

AD TIT. XX. SI ANTIQVIOR CREDITOR PIGNVS VENDIDERIT.

SUMMARYM.

1. Primus creditor si pignus vendit, sic transfert, ut emtori auocari non possit. Idem si emat à debitore, dominium non ita acquirit, quin possit ei auocari à secundo creditore, cui res obligata erat, si pecuniam offerat, & cur.

QVod traditur in l. 2. sup. qui pot. in pig. hab. primum creditorem, qui prius hypothecam accepit, secundo esse potior: diximus eum effectum habere, ut primus iure suo hypothecam distrahat, quantumvis obnuntiant secundo creditore. Id ipsum confirmatur in l. vlt. hic.

Inde t quoque consequens esse diximus, ut si primus hypothecam distraherit, eam ab emtore auocare non possit, neque secundus creditor, neque debitor, quantumvis pretium emtori offerat, l. 2. ff. qui pot. in pig. Et hoc idem apertius confirmatur in l. 2. hic. Vtrumque ideo; quia ea vis esset venditi pignoris, si primus creditor in pignore solus esset, & id distraheret. l. non est nouum. D. de acq. rer. dom. Inst. quib. alie. lic. vel non in princip. Ex hoc posteriore nata est hæc dubitatio, an idem dicendum sit, si primus creditor pignus non vendiderit alij, sed ipse sibi à debitore emerit, aut in solidum acceperit. De quo constituitur in l. i. hic. ad hanc sententiam, ut in proposito salua sit actio hypothecaria secundo creditore, qua pignus auocare possit à primo, dummodo illi debitum offerat. Id prima fronte videri potest iniquum, constitutum. Nam si primus creditor dominium pignoris in alium transferre potuit, cur sibi acquirere non potuit? Et in promptu ratio est, cur non possit. Ipse dum vendit, ideo transferre; quia ius transferendi habuit, d. l. non est nouum. ff. de acq. rer. dom. Idem emendo, acquirendoue, rem accipit à debitore, qui rei alienandæ ius non habuit, nisi hæctenus, ut alienaret rem cum sua causa, l. traditio. ff. de acq. rer. dom. l. alienatio. Dig. de cons. ems.

Porro debitor eam rem secundo creditori obligauerat. Eo fit, ut re alienata, etiam hæc causa pignoris secundi maneat. Quod si manet, iure secundus creditor primo pecuniam offert pignoris sui confirmandi gratia, l. i. sup. qui pot. in pig. l. vlt. sup. prox. tit. Sed nõne iniquum est, plus iuris in hac re tribui secundo creditori, quam primo, qui sibi cauit pignus in solutum accipiendõ? Esse iniquissimum si modo plus iuris secundo tribueretur. Nunc autè ita dicimus, secundum creditorem posse pignus auocare à primo, si pecuniam illi offerat. In quo semper præcedit causa primi creditoris. Nam & pignore primi creditoris manente; tamen secundus creditor illi pecuniam offerendo pignus sibi confirmat, ut supra diximus. Sed rarsum alia parte hic occurritur. Quidni enim dicamus secundum creditorem à primo auocare posse, quamuis illi pecuniam nõ offerat? Non enim debet ei offerre, quod ei iam non debetur. Atqui nihil ei debetur, si ei solutum sit. Solutum est autem, cum aliud pro alio illi solutum est volenti, l. si quis aliam. Dig. de solut. Sed pro soluto non habetur, quod solutum potest euinci, dict. leg. si quis aliam. Apparet autem in proposito, pignus primo creditori venditum, ei euinci posse à secundo creditore. Nihil igitur in toto hoc iure l. i. non recte constitutum.

AD TIT. XXI. SI COMMVNIS RES PIGNORI DATA SIT.

SUMMARYM.

1. Fiscum rem communem totam alienare, & pignori obligare posse.

Hic locus appendix est eius definitionis, qua constituitur, neminem rem alienam pignori obligare posse. l. cum res l. qua prædium. sup. si alie. res pignori. dat. sit. Quod de re tota dicitur, id ad partem rei pertinet, l. quæ de tota. D. de rei vind. Proinde in re com-

muni vnus ex dominis partem socij pignori obligare non potest, suam potest, vt hic traditur.

1 Recte † Accursius excipit fiscum, cuius inter cetera hoc ius est, vt cuius rei partem is alienare potest iure suo, idem eam rem totam alienare possit, quo facilius res emtorem inueniat pro vtilitate publica. l. 2. sup. de comm. rei alien.

AD TIT. XXII. DE PRÆTORIO PIGNORE, & vt in actionibus etiam debitorum missio prætoria pignoris procedat.

- 1 Prætorium pignus quid.
- 2 Prætorium pignus sine controuersia ex iis causis, ex quibus quæ in possessionem missus est.
- 3 Prætorium item pignus ex causa iudicati, cum iussu magistratus ex ea causa pignora capta sunt eiusque rei argumenta.
- 4 In pignore ex causa iudicati quam ex re sit prætorij appellationem retineri.
- 5 Refutantur argumenta, quibus quidam probare conantur pignus ex causa iudicati captum non esse prætorium.
- 6 Pignora in causa iudicati à magistratu capi ordine & iure communi: distrahantur per apparitores extra ordinem: & hoc quid sit.
- 7 Prætorij pignoris appellatione contineri id quoque, quod à magistratu municipali captum sit in causa iudicati.
- 8 Prætorium pignus non prius constituitur iubente magistratu rem capi, quam & creditor ceperit.
- 9 Prætorium pignus ex causa missionis, & iudicati constitui posse etiam in mobilibus rebus, itemque in incorporalibus: & qua in his dubitationis causa.
- 10 Pignoris prætorij possessione amissa, nihilominus pignus durare, & vindicationem pignoris creditoris: & qua hic dubitatio.

Diximus initio pignus, quod hominum opera constituatur, partim à domino cõstitutum, partim à prætore, seu magistratu. De priore genere hucusq; De altero hic agitur, & titulo sequenti. Hoc enim est, quod prætorium hic appellatur. Prætorij † pignus sic definitur in l. 2. hoc tit. quod à iudicibus datur. Recte, dum à iudicibus intelligamus, à magistratibus. Nā temporibus Iustini. & multo ante obtinuerat, vt magistratus appellarentur iudices, tit. de iuris d. omn. iudic. sup. tit. de rebus auct. iud. cap. Dig. Et certo sic res habet, vt prætorium omne pignus constituatur iussu & auctoritate magistratus. l. 3. D. de reb. eor. qui sub. tutel. vel cur. sunt. Prætorij pignoris duæ sunt species. Vna est ex causa missionis in possessionem, altera ex causa iudicati.

2 Prior † species ex hac causa nascitur. Sunt. n. quædam causæ, ex quibus creditores à magistratu impetrant, vt mittantur in possessionem bonorum, vel rei alicuius debitoris: de quibus in l. 1. Dig. quib. ex caus. in poss. eat. Hoc impetrato, si creditor possessionem rerum occupat, pignus illi hoc modo cõstituitur, quod prætorium sine controuersia appellatur. l. qui legat. sub. vt in poss. l. missio. D. pro emt. Altera species pignoris nascitur ex hac causa. Cum quis condemnatus est, neque pecuniam soluit, impetrat creditor à magistratu, qui iudicauit, aut iudicem dedit, vt res debitoris pignori capiantur & distrahantur, vnde iudicatis satisfiat. leg. à Diuo. §. in vendit. one. Dig. de re iud. l. 1. sup. de ex. rei iud. Hic pignus constitui non dubitatur. l. 1. & toto tit. inf. si in cau. iud.

3 Sed † an sit, & dici debeat prætorium, quæratur. Nos prætorij pignus esse dicimus, neque id dubijs argumentis sumtis cura ex definitione prætorij pignoris, itemque diuisione pignorum, quæ existat in leg. 2. hoc tit. tum ex verbis prætorij significatione, & notatione nota. In l. 2. definitur pignus prætorium, quod à iudicibus id est, magistratibus, datur. Id quod capitur ex causa iudicati, cõstituitur à magistratibus, l. inf. si in cau. iud. l. à Diuo. in. prim. D. de re iud. Est igitur prætorium. Nec ad rem pertinet; si quis dicat Iustinianum hac definitione vt de eo tantum pignore, quod est ex causa missionis in possessionem. Nam præterquam quod id verbis repugnat, etiam licet hoc modo argumentari. Cui conuenit definitio, ei conuenit & definitum. At pignori, quod ex causa iudicati capitur, eadem definitio conuenit. Conueniet igitur & definitum. Diuisio pignoris in eadem l. 2. est hæc, vt dicantur duo esse genera pignorum, conuentionale, & prætorium. Licet igitur colligere hoc modo. Si, quod capitur ex causa iudicati, pignus est, aut erit conuentionale, aut prætorium. Non enim plura genera hic numerantur. Non est conuentionale, vt constat. Restat ergo, vt sit prætorium. Dixit aliquis, tria esse genera pignorum distincta;

conuentionale, prætorij, & iudiciale, id scilicet, quod in causam iudicati capitur: verum visum esse Iustinianum in d. l. 2. agere tantum de duobus, non autem de eo, quod capitur in causam iudicati. Sed sententia Iustiniani, & conditio rerum refragatur. Nā pignus ex causa iudicati non minus occupari & possideri debet: quam id, quod ex causa missionis constituitur: vt proinde non minus, quam de alijs etiā de eo quærendum fuerit, an amissa eius possessione actio hypothecaria de eo danda sit creditori. Et de eo Iustinianum constituit. Significatio autē & origo verbi intelligitur ex definitione prætorij stipulationis. Ea definitur esse, quæ ex mero prætoris officio proficiscitur. l. 5. D. de verb. obl. Prætoris, id est, magistratus, officio, id est, iussu & auctoritate. Si ea stipulatio, quæ iussu magistratus interponitur, recte prætorij appellatur, & ex vsu veterum: eontentaneum est, & id pignus, quod iussu magistratus constituitur, recte prætorium appellari, vt scilicet, quibus eandem definitionem nominis tribuimus, iisdem & idem definitum nomen tribuetur.

Non † laboratemus de verbo, si de verbo tantum esset quæstio. Nam dum res intelligeretur, facile pateremur vnumquemq; suis verbis vti. Nunc autē vt pignus ex causa iudicati captum prætorium appelleretur, agitur in eo & de sententia legum, & de re ipsa quam ob causam hoc verbum vrgemus. Retinenda est autem hæc appellatio quatuor de causis. Primum, vt retineamus definitionem Iustiniani, quæ est in d. l. 2. inf. consentientem cum vsu & consuetudine loquendi veterum. Quam de finitionem euerti necesse est, si aliquod pignus à iudicibus datur, & tamen non est prætorium. Deinde, vt reueneatur etiam eiusdē loci diuisio in pignora, cõstitutis, quam & ipsam vitiosam esse oportet, si erit aliquod pignus, quod neq; conuentionale sit, neq; prætorium. Tum vero, vt verbo prætorij pignoris admoniti intelligamus in re esse, quod verbum significat nepe pignus ex causa iudicati capi non cuiusuis iudicis auctoritate; sed solum iussu prætoris, id est, magistratus, cuius sit de ea re, de qua iudiciū factum est, iurisdictio. l. 1. inf. si in cau. iud. Postremo vt intelligamus, quæ sub hoc titulo constituta sunt de prætorio pignore item alibi, pertinere etiam ad id pignus, quod ex causa iudicati captum sit.

Nonnulli † tamen aliter docent: negantq; pignus, quod in causam iudicati capitur, dici prætorium, atq; ita disputant. Aiunt pignus prætorium esse quod ex causa missionis cõstituitur, & probant ex l. missio. D. pro emt. l. qui legat. sup. vt in poss. ff. leg. quib. in lecto dicitur pignus ex causa missionis constitutum prætorium esse. Si hoc intelligunt, pignus, quod constituitur ex causa missionis, esse prætorium, nõ negamus; neq; de eo controuersia est. Sed si hoc dicunt esse solum prætorium pignus, id male ex suprascriptis locis colligunt. Non enim si hoc pignus est prætorium, idcirco solum prætorij est. Nam & homo animal est: neq; ideo recte colligitur eum solum esse animal: cum & brutum quoq; sit animal. Deinde sic argumentantur. Pignus prætorium dicitur ex eo, quod iure prætorio, siue edicto constituitur. Pignus autem quod in causa iudicati capitur, non constituitur, neq; permittitur edicto, sed constituitur extra ordinem, vt probant ex l. si pignora. D. de iudic. Ergo hoc pignus non est prætorium. In hac argumentatione nescio quid potissimum improbem, vtrumque, propositionem, an assumptionem, an magis assumptionis probationem. Primum nullo modo concedendum esse, pignus prætorium dici ex eo, quod iure prætorio conceditur. Idq; euidenter probatur exemplo conuentionalis pignoris. Nam alioqui ista ratione dicere liceret conuentionale pignus esse prætorium. Cõstituitur enim iure prætorio: certe de eo solum iure prætorio constituitur actio l. si tibi decem. §. de pig. D. de pact. Atqui id pignus omnium confessione non est prætorium. Non ergo profecto prætorium pignus dicitur ex eo, quia constituitur solum iure prætorio. Dicent pignus conuentionale edicto prætoris constitui, sed non nisi cõuentione debitoris præcedente: ex qua conuentione, tanquā proxima causa, pignus conuentionale appelleretur. Accipio solutionem, & acceptā illis repono. Similiter enim & pignus prætorium, quod cõstituitur edicto, non constituitur, nisi iussu magistratus præcedente, eaq; causa est proxima huius pignoris, quā deinde edictum confirmat. Ergo vt ex conuentione dicitur pignus conuentionale, quamuis edicto constituitur; sic ex iussu magistratus & prætoris dicitur prætorium pignus, quamuis constituitur edicto. Quod si concederemus pignus prætorium ex eo dictum esse, quod iure prætorio & edicto constitueretur; tamen hac ipsa ratione efficeretur etiam pignus ex causa iudicati captum prætorium dici oportere. Nam & hoc nõ minus permittitur edicto, quā illud, quod constituitur

ex causa missionis in possessionem: quod isti negant in assumptione.

6 Constat enim de actione iudicati propositum fuisse editum pratoris, ut condemnatus pecuniam soluere cogeretur, ut indicant fragmenta eius edicti, quae extant in l. 4. §. ait prator. & l. 5. D. de re iud. Actio autem iudicati proponitur a pratore rei iudicatae exsequenda causa, id est, ut pignora in eam causam capere liceat, & distrahere, ut colligitur ex d. leg. 4. §. si ex conventionione. D. de re iud. l. 1. in fr. si in cau. iud. l. 1. sup. de ex se. rei iud. Quare & hoc pignus ex edicto capitur, non minus, quam superius. Neque contrarium probant ex l. si pignora. D. de emitt. ubi scriptum est, pignora extra ordinem distrahi per apparitores. Si extra ordinem, inquit, non ex edicto. Sed obseruare debuerunt, illic agi de pignoribus distrahendis, non de pignoribus ex causa iudicati capiendis & constituendis. Distrahuntur pignora extra ordinem; quia quod fit iudicio & actione proposita, id ordine, id est, vltimate fieri dicitur. Quod autem magistratus sine iudicio exsequitur vi & manu tantquam dominus, id extra ordinem exsequi dicitur, id est, extra confuetum magistratus morem, ut colligitur ex l. 3. D. ne vis fiat. et. At pignora distrahantur per apparitores vi & manu. Eo extra ordinem distrahi dicuntur. Ceterum ab initio capiuntur actione iudicati instituta, qua consequitur creditor, ut nisi condemnatus pecunia soluat, sibi liceat res eius pignori capere. Hoc vero fit ordine non extra ordinem. Postremo sic argumentantur. Pignus ex causa missionis constitutum est pratorium. Differt autem multis modis ab eo pignore, quod in causa iudicati capitur. Ergo hoc posterius non est pratorium. Accipe argumentum isti similitudine: Homo est animal, differt autem homo multis modis a bruto atque adeo toto genere contrarius est. Ergo brutum est non animal. Quod si diceremus, omnes nos irriderent uti Dialecticis ne imbutos quidem. Species eidem generi subiectae non tantum intra se differunt, sed etiam si verae sint, sunt contrariae: ut in specie recte dicatur, vnam non esse id, quod est altera. Sed quod ad summam generis attinet, vtraque est idem. homo animal est: & item brutum animal est. Sic pignus ex causa missionis non est id, quod capitur ex causa iudicati: sed nihilominus vtrumque pratorium est; quia pratoris iussu constituitur.

Summa huc redit, ut intelligamus etiam iussu magistratus pignus constitui, non tantum debitoris voluntate. Hoc pignus constituitur ex duobus generibus caularem: altero, cum quis a magistratu mittitur in possessionem ex ijs causis; ex quibus mitti solet in possessionem: altero ex causa iudicati. Quod vtrumque quoniam a magistratu solo constituitur, qui per sinecdochen prator appellatur in usu iuris; ideo pratorium appellamus.

7 Quid ergo, si a magistratu municipalis pignus captum sit in causa iudicati: an hoc quoque pratorium recte dixeris, puto recte dici posse, ut intelligatur id, quale a pratore in simili re capi solet. Nam & alij magistratus, quam prator mittunt in possessionem bonorum, ut praesides, proconsules, legati proconsulum, & nihilominus pignus hic constitutum dicitur pratorium. Constituitur enim pro eo officio, quod esset pratoris in vrbe.

8 Sed non est satis iussu magistratum ex his causis res debitoris capi, nisi etiam creditor eas res iussu pratoris occuparit. idque vtriusque generis comune est. l. non est mirum. ff. de pig. act. l. 3. §. 1. ff. de reb. eor. l. 2. l. cum re pub. sup. qui pot. in pig. hab. Vnde intelligimus, pratorium pignus a conuentionali distare duabus rebus: constitutis persona & constituendi modo. Constitutis persona; quia conuentionale constituitur ab eo tantum, cuius in bonis res est l. que praedium sup. si alia res. Pratorium constituitur iussu magistratus, qui dominus non est. Constituendi modo; quia conuentionale sola conuentione constituitur, quamuis res tradita non sit creditori l. 1. in pr. ff. de pig. act. pratorium non aliter, ut dixi, quam si creditor possessionem rerum occuparit. Ex quo sunt illae dubitationes, quae hoc tit. deciduntur.

9 Vna haec an iudices possint pignus pratorium ex supra scriptis causis constituere non tantum in rebus immobilibus, sed etiam in rebus mobilibus, nec tantum in corporalibus, sed etiam in actionibus. Dubitatio nascitur ex verbis eorum edictorum quibus pollicentur pratores se supra scripta pignora constituturos. Nam ex prioris specie pollicetur se in possessionem missuros, sine se in possessionem ire iussuros. l. 1. & l. 2. D. quib. ex caus. in poss. eat. Quae verba cum significant motum ad locum, aperte ad res soli pertinent, non ad res mobiles. Ex posteriore specie fit potestas, rerum pignori capiendarum l. 1. in fr. si in cau. iud. Capiuntur autem res, quae tangi possunt, id est, corporales. Incorporales, ut non tanguntur, sic nec capi possunt. Hinc ut dixi, dubitatio, an istarum quoque rerum possessio &

pignus possit tribui iussu magistratus. Iustinianus constituti posse in l. hic. Verba quidem desunt: sed & in rebus mobilibus, & in actionibus eadem ratio est, quae in corporalibus & immobilibus: proinde recte ius idem constituit. arg. in l. vlt. sup. de const. pec. Altera haec quaestio est, an amissa possessione pratorij pignoris, data sit creditori pignoris, persecutio. Nascitur dubitatio ex eo, quod hoc genus pignoris ita constitui diximus, si occupetur a creditore. l. non est mirum. Dig. de pig. act. l. 2. supra, qui pot. in pig. Ex quo sic recte colligi videbatur. Ex his generibus primum tribuitur possessio, deinde per possessionem, em pignus. Igitur possessione, ut re principali amissa, non est pignoris accessio locus. l. 2. D. de pec. l. cum principalu. D. de reg. iur. Item quibus quidque modis contrahitur, ijdem in contrarium actis dissoluitur. l. fere. D. de reg. iur. Pratorium pignus possessione constituitur, ut diximus. Quare & amissa possessione idem dissoluitur, d. l. fere. D. de reg. iur. Aduersus has dubitationes constituitur in l. vlt. hic, pratorio pignore semel constituto eandem vindicationem creditori tribui, quae tribuitur ijs, qui pignus ex conuentione habent, & recte. Non enim obstat, quod diximus in hoc genere pignorum pignus ex possessione nasci. Nascitur ex possessione, sed non sola. Constituitur etenim & animo creditoris, qui possessionem occupando eo animo est, ut & pignori rem habeat. Proinde pignus hoc modo constitutum non amittitur amissa possessione, nisi & animus descendendi a pignore accesserit. Nec verum est pignus in his causis constitui per consequentiam ex possessione. Duo enim principaliter ex hoc genere constituantur, possessio, & pignus: Eo fit, ut vno amisso nihilominus alterum retineatur, iuxta l. si mihi eo. D. de ser. rust. praed.

AD TIT. XXIII. SI IN CAUSA IUDICATI PIGNUS CAPTVM SIT.

S V M M A R I A.

- 1 Pignus in causa iudicati captum cum sit pratorium, cur distinguatur a superiore titulo, qui est de pratorio pignore.
- 2 Pignus in causa iudicati captum quid differat ab altero pratorio, item a conuentionali in iure vendendi pignoris.
- 3 Pignora ex causa iudicati cum capta distrahantur per apparitores, cur magistratus dicatur rem exsequi extra ordinem.
- 4 Si pignus ex causa iudicati captum non reperiat emtorem quid agendum.

Quod haec distinguitur hic titulus de pignore in causa iudicati capto a titulo superiore de pratorio pignore, non est argumentum prius illud non esse pratorium. Sic enim distinguitur, ut species a genere. Superiori titulo generaliter de omni pratorio pignore actum est, proinde & de pignore ex causa iudicati capto: ad quod potissimum dubitationes & decisiones superioris tituli pertinent. Hoc titulo agitur de specie eius pignoris, cum pignus ex causa iudicati capitur: ideo separatim, ut exponatur ius, quod est in ea specie singulare, & eius proprium. Neque nouum est propositis generalibus titulis, subijci titulos de specie, aut contra, ut quid sit proprium in ea specie, cognoscatur. Tit. de pactis subijcitur titulus de transactionibus. Titulo de verborum obligationibus subijcitur titulus de stipulatione seruorum, & de duobus reu. Et ne longius abierimus, titulus, Si aliena res pignori data sit, distinguitur a generali subiecto; Quae res pign. obligari possint. Et huic generali subijcitur titulus, Si pignus pignori datus sit; qui sequitur. Item titulo De pignoribus subijciuntur isti de pratorio pignore, & Si in causa iudic. Quid autem contineatur in hac specie pignoris, sic optime intelligetur, si cognouerimus, quid habeat haec species cum prioris specie commune; tum quid proprium distinctum a superiore specie idemque a pignore conuentionali. Huius speciei & superioris communia haec sunt. In vtraque constituitur pignus iussu magistratus. In vtraque ita constituitur, si creditor pignus occuparit, ut superiore titulo ostendimus. Sed & ex prioris specie creditor ipse pignus occupat, occupat item & ipse ex hac posteriore, ut aperte scriptum est in l. 2. & l. cum re pub. sup. qui pot. in pig. hab.

At haec speciei posterioris, de qua hic agitur, hoc est proprium. Nam pignus occupatum ex ijs causis, ex quibus in possessionem mitti solet, non statim distrahi potest, neque semper, ut de clarabunt singulae causae, ex quibus fit missio in possessionem, quae suis titulis declarantur. Notatur tituli in glossa l. 1. D. quib. ex caus. in poss. eat. Pignus vero ex causa iudicati sic capitur, ut etiam distrahi possit, ut & possunt pignora conuentione constituta. l. 1. hic. Sed tamen &

hæc distinctio differt à iure distrahendi pignoris conuentionalis. Pignus conuentionale vnusquisque creditor sua auctoritate recte vendit, si cessante. *inf. de distr. pign.* Non ite pignus ex causa iudicati captum. Id enim distrahi debet à magistratu per apparitores, vt cautum est in *l. 2. hic.* Præterea quia creditor pignus conuentionale vendit, necesse est alium emtor esse, quâ ipsum creditorem. Neq; enim idem creditor venditor esse potest & emtor. At quia pignus ex causa iudicati captum, à magistratu distrahitur per apparitores, eo fit, vt creditor etiam ad licitationem & emtionem eius pignoris admittatur, & rem auferat ex auctione, si vel nullus alius emtor existat, vel existat, sed creditor pluri licetur. Hæc in *ead. l. 2. hic.*

3 Atq; † hinc obiter notandum est, quod dicitur magistratus in hac distractione sententiam suam exequi extra ordinem vt in *l. si pignora. Dig. de euic. quam red.* id dicatur non vna de causa. Scripsi superiore titulo eo recte dici, quia magistratus rem capiens & distrahens per apparitores sententiam isto modo exequatur manu & vi. Quod & verum est. Sed adde ex hoc loco hanc quoq; causam alteram, quod in reliquis pignori. ordinario & consueto iure tribuitur creditoribus ius pignoris distrahendi, à quo more & ordine cum discedatur in hac specie pignoris; quod à magistratu distrahitur per apparitores merito distrahi dicitur extra ordinem. Sed † ex causa iudicati pignus distrahitur, si reperiat aliquis emtor. Quid igitur, si fraude debitoris nullus emtor reperiat? Creditor ius dominij impetrabit à principe, vt est in *l. vlt. hic.* de quo dicitur proprio titulo *inf. de iur. dom. imp.*

AD TIT. XXIV. SI PIGNVS PIGNORIDATVM SIT.

S Y M M A R I V M.

1 Pignus pignori datum quid iuris in secundum creditorem transferat.

Creditor rem sibi pignori obligatam alij creditori suo recte pignori obligat, & quod hic dicitur pignus pignori dari potest. *l. 1. hic. l. grege. §. 1. D. de pig.* Huius † posterioris pignoris quæ vis fit, hoc titulo explicatur. Vis ea est, vt quantum primus creditor iuris habuit in pignore, tantum iuris in secundum transferatur, nihil amplius. Primus creditor hypothecariam actionem habuit ad rem vindicandam. *l. pignori. sup. de pig.* Habebit igitur & secundus. *l. 1. in pr. hic.* Primus creditor iure suo potuit rem distrahere, ac re distracta emtor retractari non posset neque à debitore, neque ab illo alio creditore. *l. pen. & l. vlt. sup. si antiq. cred.* Idem iuris erit, & si secundus vendidit erit, quamuis debitor cum eo nihil contraxerit, *l. 1. in fi. hic.* Sed tantum vindicare potest, & distrahere secundus creditor, quantum primus potuit; nihil amplius, vt declaratur exemplo in *l. 1. hic.* Nam si primo creditori possessio pignori data sit, id est, fundus, & is eam pignori dederit, recte eam distrahit creditor. Sin vñ usufructus tantum primo creditori pignori datus sit, & is integram possessionem secundo creditori pignori dederit, frustra secundus creditor possessionem alienabit, quia nec posset alienare primus creditor. Plus autem iuris ille transferre non potuit, quam habuit. Tandiu quoq; pignus secundi creditoris manet, quamdiu & manet ius primi creditoris. Ea res facit, vt si debitor pecunia primo creditori soluerit, eadē opera & pignus à primo creditore liberetur, & liberetur à secundo. A primo; quia illi solutum est, & pignus solutione tollitur. *l. item. ff. quib. mod. pig. vel hyp. sol.* A secundo quia ille nihil amplius iuris habuit, quam quantum fuit penes primum creditorem. Hæc sententia est *l. vlt. h. sit.*

AD TIT. XXV. DE PARTV PIGNORIS ET OMNI CAUSA.

S Y M M A R I V M.

1 Re aliqua pignori obligata, etiam fructus, & quæcunque inde edita pignori esse: & cur.

RE certa † qualibet quamvis specialiter pignori data, etiam quæ ex ea re nascuntur, pignori esse intelliguntur, quamuis de his nihil nominatum conuenerit, veluti ancillæ partus *l. 1. hic. l. Paulus. §. 1. fideius. §. vis. ff. de pig.* In eadem causa sunt fructus fundi, pecorū foetus *l. si conuenerit. §. si fundus. ff. de pig. act. l. grege. in pr. D. de pig.* Non obstat, quod dicitur, nullam rem pignori esse, nisi quæ generaliter, aut specialiter pignori obligata sit. *l. quamuis. 17. sup. de*

pig. Nā & re aliqua principali obligata intelliguntur vna obligata: singulæ eius partes. Fructus autem omnes, & quæcunque ex re postea nata sunt, aliquando rei pignoratæ partes fuerunt: nempe tunc, cum rei, vnde nata sunt, coharebant. *l. fructus. D. de rei vind.* Lex vltima hoc titulo explicanda est *ex l. 1. & l. 2. sup. de pig. act. & l. creditor. sup. de pig.*

AD TIT. XXVI. DE REMISSIO-NE PIGNORIS.

S Y M M A R I A.

- 1 Remissione pignus tolli, & remittere quid.
- 2 Quocunq; modo declaretur consensus de remittendo pignore, ad liberandum pignus nihil referri; & quibus modis declaretur.
- 3 L. debitum. C. de rem. pig. exposita.
- 4 Consentientem alienationi pignora pignus remisisse videri, cur, & quid hic consensus desideret.
- 5 Consensum in alienationem apertum requiri.
- 6 Causa tres, in quibus hypotheca sciente creditore alienata pignus remissum viderur.
- 7 Rem pignori obligatam, remisso semel eius rei pignore, non recidere in obligationem pignoris, quamuis rursus acquisita sit debitori, & eius bona omnia ante remissionem fuerint pignori obligata. *L. vlt. C. de remis. pig. explicata.*

Pignus circa consensum & remissionem creditoris non tollitur, quantumuis debitor rem obligatā alienarit, aut postea cum alio quouis creditore contraxerit. *l. pen. & l. 3. hoc tit.* Creditore † autē pignus remittente, statim eius consensu pignus soluitur. *l. 3. & l. 4. h. tit.* Remittere pignus est voluntate sua à pignore discedere, seu consentire, ne res amplius pignori hypothecæ sit, vt significatur in *d. l. 4.* Vtrū hoc consensus ac remissione pignus tollatur ipso iure, an per exceptionem, diximus *ad l. maior. sup. de pig.* Quocunq; † modo hic consensus declaretur, pignus liberatur. Semper enim idem consensus est. Declaratur hic consensus ac remissio tribus modis. Primum aperta conuentione de remittendo pignore, cū scilicet pacificetur creditor, ne res pignori sit, ne de pignore amplius agat. *l. soluitur. in pr. l. ficut. §. 1. ff. quib. mod. pig. vel hyp. sol.* quæ pars dubitationem non habet. Secundo modo declaratur hic consensus conuentione de principali debito interposita, seu principalis debiti remissione: cum creditor aut pacificetur, ne pecuniā petat, aut alio modo declarat voluntatem suam de debito remittendo, quocunq; modo id faciat. *d. l. soluitur. in pr.* Huc pertinet *l. creditoris hoc tit.* in qua pro certo ponitur creditorē videri ius pignoris remisisse, si cautionem debiti debitori reddiderit. Hoc ideo, quia creditor cautionem reddendo debitori suo, conuenire intelligitur, ne ab eo petat. *l. 3. D. de pact.* Adeo autem verum est, remissione debiti principalis per consequentiā à pignore diledi, vt quamuis debitum inutiliter remittatur, tamen pignus tollatur à remissione: si modo is, qui debitum remittebat, pignus quoq; remittere potuit, & voluit. Vt, si proponas vxorem debuisse marito suo decem, & marito quasdam suas res pignori dedisse; si maritus hoc debitum vxori remittat, inutiliter remittit; quia ius prohibet donationem inter virum & vxorem. Sed nihilominus pignus liberatum erit; quoniam in pignore nulla donatio est. hoc Papinianus in hac specie in *l. 1. §. 1. D. quib. mo. pig. vel hyp. sol.*

Videtur † tamen ob stare huic sententiæ. *l. debitum. inf. hoc tit.* 3 vbi debito per pacti conuentionem inutiliter factam remisso, placet non tantum principale obligationem manere, sed etiam pignora. Dicendum est, conuentionem inutiliter factam in eo rescripto accipi debere, quæ vere & in totum inutiliter facta sit tam de principali debito, quam de pignoribus. Quod tunc accidit, cum is creditor debitum remisit, qui nec debitum remittere potuit, nec pignus, aut neutrum voluit. Non potest remittere pupillus, minor viginti quinque annis, furiosus, prodigus. Non vult autem remittere vtrumque, qui pacificetur aut deceptus dolo, aut coactus metu. Et ideo bene Accursius id rescriptum ad has species reulit, non repugnantibus, sed maxime consentientibus verbis. Non est in hac causa maritus, qui vt remittere vxori debitum voluit, & per debitum pignus; ita & potuit remittere, si non debitum, ac certe pignus.

Tertio † modo declaratur consensus creditoris de pignore 4 remittendo, si venditioni, alienationi, oppignorationi hypothecæ consentiat. *l. 2. hic. l. si consentit. l. ficut voluntate. D. quib. mod. pig. vel hyp.*

hyp. Hæc contentio & remissio etiam in hac specie & in superiore proxima colligitur non ex verbis, sed ex consequentia præcedentis consensus necessaria. Non enim potest debitum remitti, quin tollatur accessio pignoris. *leg. in omnibus speciebus. ff. de solut.* Non potest etiam creditor vtiliter consentire alienationi pignoris, nisi pignus remittatur. Nam manente eadem causa pignoris licuit creditori etiam invito debitore rem alienare. *l. debitorem. sup. de pig.* Hinc ita voluntas colligitur. Voluit creditor, quod antecedit, voluit igitur, & quod necessario consequitur. Illud in hac specie tenendum est, venditionem & alienationem eam nos hic accipere debere, non de qua solum consenserit creditor, ut sequeretur; sed quæ etiam reuera secuta sit, & cum effectu ita, ut nec solueretur: & præterea secuta eo modo, in quem creditor consensit. Nam alioqui aut non est alienatio, quam hic quærimus, aut non interuenit creditoris consensus. Quibus rebus pariter efficitur, ne videatur creditor pignus consensu remississe, *leg. sicut. §. superuacuum. leg. 4. leg. voluntate. ff. quib. mod. pig. vel hyp. sol.* quem locum pluribus exposui in methodo huius argumenti sub tit. quib. *mo. pig. vel hyp. sol.* Ex hoc postremo modo remittendi pignoris quæstio nata est, si debitor pignus alienet sciente creditore, neque aperte consentiente alienationi, neque rursus aperte dissentiente, an videatur silentio suo alienationi consensisse, atque ita pignus remissum esse. Et placuit non videri, sed ut pignus remittatur, oportere creditorem aperte consensisse alienationi. *l. sicut. §. non videtur. ff. quibus modis pig. vel hyp. sol.* Et ita quod in *leg. 2. hic.* dicitur, pignus remoueri, si sciente & consentiente creditore pignus alienatum sit, hoc verbum *consentiente*, per emphasin dictum accipere debemus, ut sit aperte & nominatim consentiente; quandoquidem scientia creditoris sola non sufficit.

6 Sed hoc loco tres species rerum excipiuntur, in quibus re alienata sciente creditore silentium creditoris solum pro consensu habetur, & pignus remittitur. Primum serui sciente creditore manu missi, de quo scriptum est in *l. 1. hic.* Hoc propter fauorem libertatis. Deinde res omnes venditæ sciente creditore, de quibus creditor publico programme admonitus est eas vendi, neque ius suum exsecutus est: de quo in *l. si eo tempore. inf. h. tit.* Publicum programme sunt literæ publicæ & palam proscriptæ & proposi- tæ, quibus continentur res illius debitoris vendi, & admonentur creditores, ut si qui putent eas res sibi obligatas esse, adsint, quod intelligitur ex *l. sed si pupillus. §. 1. ff. de inst. aci.* In hac specie placet creditores præsentibus programme admonitos videri pignori renuntiasse, ne eorum fraudulenta dissimulatio emtoribus noceat, qui si sciuisent, rem aliis pignori obligatam esse, non emissent. Postremo excipiuntur res, quæ a fisco venditæ sunt sub hasta scientibus creditoribus, ut est in *leg. si hypothecas. hoc tit.* Quibus verbis intelliguntur creditores, qui sciuerunt res à fisco vendi. Et hoc propter fauorem fisci, ut eadem lege declaratur.

7 Remissionis hoc pignoris hæc vis est, ut pignore semel remisso voluntate creditoris, eadem res non recidat postea in pignoris obligationem sine noua pignoris conuentione; quamuis creditor eius ei dominium denuo postea acquisierit, & quamuis res suas omnes obligauerit creditori, & quas postea acquisiturus est. Quod postremum effectum est constitutione Iustini in *l. ult. hic.* Sed videtur prima fronte iniquum constitutum. Nam quæ res verbis generalis obligationis continentur, eadem etiam obligatione pignoris continentur. Atqui hic res postea à debitore quæ sita verbis obligationis generalis continentur, est enim ex his rebus, quas debitor postea habuit. Ergo & ea continentur obligatione generali pignoris. Sed verum non est, quidquid verbis obligationis generalis continentur, id etiã obligatione pignoris contineri, nisi contineatur sententia quoque contrahentium. Vnde dicimus obligatione generali pignoris non contineri eas res, quas verisimile est aliquè specialiter obligatum non fuisse. *l. obligatione. D. de pig.* Iam vero in proposito ita est res, de qua quæritur, quæ denuo acquisita est debitori, ut verbis quidem generalis obligationis contineatur; sed non contineatur ex sententia contrahentium. Est enim excepta postea remissione creditoris, dum is consensit, ut liceret debitori eam alienare. Sed & hic rursus nobis occurreret. Hæc res desit obligata esse; quia alienata est. Quare si redierit postea in bona debitoris, restaurabitur etiã pignus; quia causa cessante cessare debet effectus. *l. quod dictum. ff. de pact.* Sed nec hoc verum est, hic pignus ideo extinctum esse; quia res alienata sit. Imo ideo extinctum est; quia creditor rem pignoris obligationem eximi voluit. Proinde nec redibit in eam obligationem sine contraria debitoris & creditoris voluntate. Bene igitur su-

perius illud à Iustiano constitutum est. Sed animaduertendum est, hoc dictum esse à Iustiano de ea re à debitore consensu creditoris alienata, quæ ad debitorem postea reuerfa est legitimo modo. Vbi legitimo modo reuerfam intelligere debemus, quæ rediit ad debitorem sine vlla fraudis suspitione. Id enim referri debet ad id, quod placuit, ubi debitor rem recipit non sine suspitione fraudis, non videri pignus remissum, quasi nec vere alienatum fuerit, atque id tunc euenire, cum debitor rem alicui vendidit, & eandem postea ab eo recepit. Sic autem rem carere suspitione, ut res recepta non redeat in obligationem pignoris, si proponas debitorem successisse ei, cui prius rem vendiderat, aut eam rem debitori legatam esse, quæ sententia est *l. sicut. §. superuacuum. ff. quib. mo. pig. vel hyp. sol.*

AD TIT. XXVII. ETIAM OB CHIROGRAPHARIAM PECUNIAM PIGNVS teneri posse.

L. Vnica.

Imp. Gordianus A. Festo.

Pignus interdidit, si nouatione facta, in alium ius obligationis transulisti, nec ut ea res pignoris nomine teneretur, tibi cautum est. Quod si pactum inter te, eumque, qui postea dominus fundi constitutus nouam obligationem susceperat, intercessit, ut idem fundus tibi pignoris nomine teneretur, quamuis personali actione expertus feceris condemnationem, pignoris tamen habes persecutionem. At si in possessione fueris constitutus, nisi ea quoque pecunia tibi a debitore reddatur, vel offeratur, quæ sine pignore debetur, eam restituere propter exceptionem doli mali non cogaris. Iure enim contendis debitores eam solam pecuniam, cuius nomine ea pignora obligauerunt, afferentes, audiri non oportere, nisi pro illa etiam satisfecerint, quam mutuam simpliciter acceperunt, quod in secundo creditore locum non habet, nec enim necessitas ei imponitur chirographarium etiam debitum priori creditori offerre. PP. Idus Martii Gordiano A. & Auiola Coss. 240.

SUMMARI A.

- 1 Chirographaria pecunia quæ.
- 2 Nouatione voluntaria pignus tolli: si tamen interposita sit hæc lege, ut eadem res sint pignori, pignus cum eadem prærogatiua temporis renouatum videri.
- 3 Nouatione necessaria, seu litis contestatione pignus non solui.
- 4 Etiam ob chirographariam pecuniam, quæ peti possit, retineri posse à creditore id pignus, quod ei in aliam causam obligatum erat: & quo iure.
- 5 L. solutum §. si sortem. ff. de pig. act. explicatur.

Huius rescripti duæ sunt summæ quæstiones, de quibus consultus fuisse videtur Gordianus Imperator. Prior est, an nouatione qualibet pignus soluat. Altera, an pignore manente possit id pignus retineri à creditore, non tantum in eam summam, in quam nominatim obligatum est à debitore, sed etiam in chirographariam pecuniam ab eodem debitore eidem creditori debitam. Chirographariam hoc pecuniam titulus vocat, quæ in rescripto dicitur accepta esse sine pignore, item accepta simpliciter in illis verbis; At si in possessione, ut intelligamus chirographariam dici, quæ chirographo tantum cautæ est, non etiam pignore.

De hoc nouatione sic constituitur hoc loco, interesse, vtrum voluntaria sit nouatio, an necessaria. Nouatione voluntaria pignus interdicere: sed ita, si in nouatione faciendâ non conuenit: ut eadem res pignori esset creditori in nouam obligationem, diuersum esse, si id conuenit. De nouatione idem traditur in *leg. solutum. in princ. ff. de pig. act.* Et habet hanc rationem; quia nouatione principalis obligatio tollitur. *§. præterea. inst. quib. mod. toll. obl.* Dissoluta autem obligatione principali etiam liberantur accessiones, ut pignora, *l. in omnibus speciebus. ff. de solut. l. item. ff. quib. mod. pig. vel hyp. sol.* Quod de conuentione superiore diximus, idem traditur in *d. l. solutum. ff. de pig. act.*

persecutionem & distractionem eligendo videretur alij iuri suo renuntiasse. Quod non ita est, nullum enim in hoc facto renuntiationis creditoris argumentum est. De qua re vide plura ad l. quamuis. s. supr. de pign.

L. Creditor. 4. Et quinque seqq.

Idem A. Crescenti.

Creditor hypothecas, sine pignus cum proscibit, notum debitori facere, & sibi bona fide rem gerere, & quando licet, cessato dicere debet. Si quid itaq; per fraudem in pignore villa vendita commissum probare potes: vt inferatur actio, quæ eo nomine competit: adi cum, cuius de ea re notio est. PP. Calend. Jun. Fusco & Dextro Coss. 226.

S Y M M A R I A.

- 1 Pignus distrahere licere inuito debitore, & citra conventionem.
- 2 Licere distrahere, etsi conuenerit, ne distrahere liceret; quando & quatenus: & cur nihil hic obstat conuentio.
- 3 Pignus statim vendi posse cessante debitore.
- 4 Oblationem pecunia solam non impedire distractionem pignoris in pecuniis priuatis: in vectigalibus contra.
- 5 L. ult. C. de iur. dom. imp. non impedire, quominus pecunia non soluta pignus statim distrahatur.
- 6 Nec parte debiti soluta ideo impediri totius pignoris distractionem.
- 7 Bona fide & solemniter pignus vendi debere, & hoc quid sit.
- 8 Pignore à creditore nec bona fide, nec solemniter distractio venditionem nihilominus valere, dum entor si audiū particeps non sit: sed actionem esse aduersus creditorem in id, quod debitoris interest.
- 9 Vendito pignore dominium in emtorem transferri, & quo iure.
- 10 Vendito pignore venditionem reuocari non posse: extra quam si vendicum sit à creditore, vt debitori oblato pretio recipere liceret rem suam qua hinc debitori actiones ad rem recuperandam.

Horum sex rescriptorum summa ad vnam sententiam refertur. Explant enim, quodnam sit ius creditoris in pignore distrahendo. Itaque de his, quantum huic loco conueniat, coniunctim dicemus. De iure creditoris in distrahendo pignore quatuor hæc quærenda sunt. Primum, an possit creditor suo iure pignus distrahere etiam inuito debitore. Secundo loco, si potest, quando possit, vtrum statim, & cum videtur, an illi aliquod tempus expectandum sit. Tertio, quid in pignore distrahendo obseruare debeat. Postremo qua sit vis huius venditionis. De primo sic statuimus, & creditori pignus distrahere licere. l. si cessante hic. Et quidem licere inuito debitore; quæ sententia est tituli proxime sequentis. Plus dicimus, si forte eiusdem debiti nomine plures res creditoris pignori obligatæ sint, esse in arbitrio creditoris ex his rebus, quibus velit distractis ad ius suum peruenire, l. creditoris. D. eo. tit. vna hac specie excepta, si cui vniuersa bona pignori obligata sint, & quædam ex his specialiter, vbi placet temperari iurisdictio nē, vt de iis, quæ specialiter obligata sunt, prius agi debeat, quam ad reliqua veniatur, de quo cautum est in l. 2. supr. de pign. vbi diximus. Et hoc ius distrahendi pignoris in re certo obligata dubitationem non habet, si ab initio conuenerit, vt creditor distrahere liceret. Sed quid, si nihil de eo conuenerit, vt creditor distrahere possit, siue id conuenerit, siue non conuenerit, dummodo non conuenerit, ne distrahere liceret, vt est in l. 4. D. de pig. act. Et hoc est, quod dicitur in d. l. si cessante hic. pignus recte vendi, dummodo venditum sit non reluctante lege contractus. Lex enim hic conventionem significat in traditione, aut alienatione rei nostræ interpositam. l. legem. sup. de pact. l. ea lege. sup. de cond. ob. caus. dat. & tot. tit. sup. si mancip. ita sue. alien.

Plus t̄ completur Vlpianus in d. l. 4. D. de pig. act. nempe quāuis conuenerit ab initio, ne distrahere pignus liceret; tamen creditorem pignus distrahere posse, si ter denuntiauerit debitori, vt solueret, neq; soluerit. Ter denuntiare quomodo accipiendū sit, quæ situm est. Nos ex tribus edictis, quæ proponuntur aduersus debitores absentes ad contumaciam coercendam, l. contumacia. D. de re iud. quid hic statuendum sit, intelligimus. Nō dubium est enim, quin in proposito tres denuntiationes ab Vlpiano exigantur, vt intelligatur debitor post eas extrema frustratione vti. Ita

finis & causa vtrobique par & edictorum illorum & denuntiationum, de quibus Vlpianus agit. At inter vnum quodq; edictum ex illis tribus exigitur, vt non minus intervallū intercedat, quam decem dierum, l. ad peremptorium. & l. seqq. D. de iud. Quamobrem & in his tribus, de quibus agit, recte idem intervallum exigemus: vt sic ad extremam frustrationē debitoris conficiatur mensis vnus, priusquam creditor pignus contra superiorem conventionem possit vendere. Sed hic occurreret Vlpiano. Nam ius iubet pacta seruari, l. iuris gentium §. cum ait. D. de pact. Quomodo igitur licet pignus vendere contra conventionem? Respondeo, non vendi hic pignus contra conventionem. Nam cum ab initio conuenit, vt res pignori esset, vi ipsa conuenisse intelligitur, vt distrahere liceret. Ius enim distrahendi pignoris est ita pignoris proprium, vt ab eo nō possit separari, adeo, vt cum conuenit, vt rem aliquam liceret distrahere, etiam si non nominatim conuenerit, vt ea res pignori esset; tamen pignus constitutum intelligatur. l. 3. §. ult. D. qui pot. in pig. hab. nempe vt ex eo, quod proprium est solius pignoris in re aliena, ipsum quoque pignus colligatur. Ergo cum ita conuenit à principio, vt rem distrahere liceret, non debemus, neque possumus posteriorem conventionem sic interpretari, quasi omnino pignus distrahere non liceat, alioqui id ageretur, vt pignus non esset pignus, quod est absurdum. Quare posteriorem conventionem commode sic interpretamur, vt ne liceat pignus distrahere, antequam constet extremam frustrationem debitoris præcedere.

Postquā t̄ creditor pignus distrahere potest, videamus, quando possit: quod secundo loco quærebatur. Et expressum est in l. si cessante hic. pignus recte vendi, si cessante solutione venditum sit. Ex quo intelligimus, pignus statim vendi à creditore posse, simulque pecunia debiti ceperit, neq; soluetur. Idque adeo verum esse declaratur aliis rescriptis, vt quamuis creditor non interpellatus debitor vt solueret, pignus distraherit; tamen placeat ratam esse venditionem, si distraxerit, priusquam debitor pecuniam offerret. l. si prius hic. Plus t̄ dicimus, etsi debitor pecuniam obtulerit, quam creditor recuset accipere: tamen nihilominus pignus recte vendi, nisi debitor ea adiecerit, quæ solutionis vim habent; puta, nisi pecuniam obfignarit, & obfignatam testato deponuerit, vt declaratur in d. l. si prius. & l. 2. inf. prox. tit. debito. vend. pig. imp. non posse. De qua obfignatione diximus ad l. creditor. sup. de pig. Sed huic iuri locus est in pecuniis & quibuslibet præstationibus priuatis. In publicis pensionibus, vt vectigalibus. & tributis, quorū nomine prædia obligata sunt, locum non habet. In quibus hoc seruatur humanitatis causa, ne liceat ob vectigal non solum pignus vendere, nisi debitore vectigal non offerente, & iussu præsidis, tum iusto pretio solemniter res distrahat. l. 2. sup. si prop. pub. pens. Vnde non mirum, si in hoc genere legimus venditionem fundi ob vectigal reip. venditi rescissam; quia dominus professus esset paratum se solvere & fundus minoris venisset, quam debita summa esset. hoc. in l. pen. D. de resc. vend. Quod cum in publicis pensionibus responsum sit, in quibus singulari iure id obseruatur, satis intelligitur, superiori iuri de priuatis pecuniis & hypothecis constituto non esse contrarium, nec debere ad eas hypothecas & pecunias trāsferri. Sane si creditore priuato accipere pecuniā recusante, aut recusante dicere, quantum debeatur, debitor aduersus eum iudicio pignoratitio agere cœperit, inhiabitur pignoris distractio, vt est in l. si residuum hic. Hoc ideo; quia pignoratitia actio nascitur debitori, cum hæc conditio extiterit, vt pecuniam solueret. l. si rem. §. omnia. D. de pig. act. Videtur autem impleta esse conditio, cum per creditorem stat, quominus impleatur. l. in iure. D. de reg. iur. l. iure. D. de cond. & demon. Et ideo placet sola oblatione pecuniæ in iudicio facta pignoratitiam actionem nasci, & procedere debitori. d. l. si rem. §. ult. D. de pig. act. Quæ omnia, vt dixi, euidenter probant creditori statim pignus vendere licere.

Sed t̄ huic sententiæ opponitur l. ult. §. 1. inf. de iur. dom. imp. vbi scriptū est, creditorem pignus suo iure distrahere posse. si ab eius interpellatione, aut iudicis sententia biennium intercesserit. Et vulgo existimatum est, eam legem veteri iuri derogare, quod nō probo. Etsi enim illic generaliter de omni creditore scribitur; tamen responsum ex præstatione & proposito Iustiniani interpretandū est. At Iustianus initio constitutionis præfatur se agere de eo creditore, qui ius dominij impetrare velit. Huic recte accommodabitur, quod dicitur in §. præterea. Instit. de iur. stip. responsum quamuis simplicem & generalem; tamen ad interrogatū referri debere, vt nō amplius quisquā respondisse intelligatur, quam de quo interrogatus est, vt puta stipulatus sum decē, si nauis ex Asia

venerit promissor respondit, dabo, sine vlla conditione. nihilominus eadem conditione respondisse intelligitur, vt semper responsum temperet interrogacione. Huc etiam pertinet, quod dicitur, ea, quæ in præfationibus comprehensa sunt, in subiectis stipulationibus intelligi debere. *l. Titia. §. i. ff. de verb. obl.* Eodem recte accommodabitur & illud, quod in *l. si feruus plurium. §. vlt. ff. de leg. 1.* scribitur de interpretatione voluntatis testatoris, nempe hanc, si cetera obscura sunt, recte colligi ex præcedentibus, & sequentibus. At in constitutione Iustiniani legenti apparet, & prima & postrema esse de iure dominij impetrando. Quamobrem longius constitutionem porrigere nõ debemus: præsertim cum perineat ad ius vetus & illud æquissimum corrigendum, quod nunquam creditur Imperator facere voluisse, nisi nominatim expresserit. *l. si quando. sup. de iust. test.* Et certe manifestum est, pignus constitui in utilem creditoris, si tandem expectare cogitur, vt ad suum perueniat. Tenebimus igitur, quemadmodum creditoris ius est pignus distrahere, ita ius esse distrahere, quodcumque pecunia soluta non erit. Sed hoc exigitur, vt pecunia soluta non sit. Quod si soluta erit aut tantum consecutus erit creditor de fructibus pignoris, quantum illi debetur, pignus distrahi non potest: vt pote liberationem obligatione pignoris, vt scribitur in *l. i. sup.*

6 Hinc ¶ quæsitum de parte soluta. Quid ergo, si debitor partem debiti soluerit, partem non soluerit, an quæadmodum saltem pro parte obligationis principalis liberatio nata est, sic pro parte pignus liberabitur, & retardabitur ius pignoris distrahedum? Hic placuit, omnem pecuniam solutam esse oportere, vt inhibeatur pignoris distractio. Quod si factum non erit, quantumcumque deerit vel de sorte, vel de furis, nihilominus totum pignus vendi posse, vt ante poterat. *l. quamdiu. hic. l. vlt. inf. prox. tit.* At enim, dicit aliquis, quæ de tota re constituta sunt, eadẽ valent etiam de parte. *l. que de tota. ff. de rei vind.* Iam tota pecunia soluta totius pignoris liberatio nascitur. Quare & parte pecuniæ soluta pro parte pignoris nascetur liberatio, inhibebiturque eius distractio. Et recte hæc dicuntur in ijs, in quibus totum est, & pars. Quod in pignore locum non habet. Pignus enim non recipit partis liberationem, non natura sua: nam quæ res pignori dantur, diuidi possunt: sed lege cõuentio. Datur enim pignus, vt liberetur sub conditione, si pecunia soluta erit, nõ intelligitur pecunia soluta esse, nisi quæ tota soluta est. *l. heredes. §. idem iuris. ff. fam. ere.* Proinde nisi tota pecunia soluta, nihil de pignore liberatur. Et hoc est, quod dicitur, omnem pecuniam solui debere, vt nascatur pignoratitia actio. *leg. si rem. §. omnia. ff. de pig. act.* Sed hic rursum occurritur, nam principali obligatione sublata nõ potest pignus manere, cum sit principalis obligationis accessio, *l. in omnibus. specul. ff. de sol.* At parte debiti soluta, nascitur pro ea parte principalis obligationis liberatio. *leg. §. vlt. ff. de solut.* Ergo & pro ea parte pignus, id est, accessionem liberari necesse est. Et totum hoc verum est, dummodo intelligatur, pignus in proposito non simpliciter dici liberari, sed cum adiuncto: liberari videlicet pro ea parte, quæ soluta est: intelligaturque ira pro ea parte pignus liberari, vt iam pro ea parte pignus nec peti possit, nec distrahi. Sed hoc ad rem non pertinet. Non enim querimus de ea parte debiti, quæ soluta est: sed de ea quæ soluta non est. Pro ea vero parte nos dicimus pignus teneri, & in solidum teneri, quantum ab initio datum est; quia non pariter lex pignoris, vt pignus solutione partis debiti liberetur, vt supra docuimus. Ergo, vt dixi, creditor pignus suo iure distrahere potest, & cum vult, potest, si cessarit vel minimæ partis debiti solutio.

7 Sed ¶ in ea venditione creditoris quædam obseruanda sunt, de quo tertio loco quærebamus. Hæc autem sunt, vt bona fide vendat, & solemniter, vt est comprehensum in *l. specialiter. hic.* Bona fide vendere, est ita vendere, vt bonus paterfamilias faceret in re sua, id est, omnia obseruare, propter quæ res facile emtorem reperire possit, & quam optime vendi. *argumen. leg. ea igitur. ff. de pig. act.* vel, quod idem est, bona fide vendere, est vendere obseruatis ijs, quæ in distrahendis pignoribus obseruari solent. Quod colligitur ex *leg. penult. inf. si vend. pig. ag.* vbi scriptum est, pignore vendito his non obseruatis, vigeri pignus contra bonam fidem distractum. Solemniter vendere idem prope valet. Solemne enim appellamus vilitatum & cõsuetum, seu quod in re quas; obseruari solet, vt indicat illa regula iuris: Et si ex solemnibus nihil facit immutandum: tamen vbi evidens æquitas poscit, subueniendum est. *leg. et si ff. de reg. iur. l. pen. ff. de in ius. restitut.* Vnde & solemnnes feræ opponuntur extraordinarijs, id est, non certis, non vilitatis, sed pro tempore constitutis. *l. sed et si per prætorum. §. si feræ. ff. quib. ex caus. maior.* Est igitur solemniter vendere id ipsum, quod dicitur in *l. i.*

pen. inf. si vend. pig. ag. vendere obseruatis ijs, quæ in pignoribus vendendis celebrari solent. Quænam hæc sint, comprehensum est in *l. 4. hic.* Sunt autem hæc. Primum, vt si res immobilis est, puta ædes; aut fundus, venditor rem proscribat. Proscribere est literis publicis ante ædes, aut eum locum, quo venditur, propositis significare rem venalem esse. *l. sed & pupil. §. proscribere. ff. de inst. act.* Proscripio hæc eo pertinet, vt excitentur lectores a i emendum, atque ita res emtores reperiat. Deinde exigitur, vt creditor, dum proscribit, notum id debitori faciat. Hoc ideo ex bona fide; quia admonitus debitor poterit querere, & reperire facilius emtorẽ, aut etiam soluendo creditori eum omni molestia distractionis liberare. Tertium exigitur, vt quoties licet in re distrahenda testator notum debitori faciat, testator, id est, testibus adhibitis. hoc ideo, vt scire possit debitor, quanti res vendatur, & ne quaratur, si creditor non percipiat tantum, quantum ipsi debetur, & sic constare possit creditori, non posse ex eo pretio satisfieri, vt significatur *l. l. que specialiter.* Quod si res mobilis erit, quæ à creditore distrahetur, ea proscribi non potest, sed erit ex fide bona, & ex vsu, si ea vendatur sub auctione publica, si forte ea loca erunt, vbi auctiones publicæ vulgo frequententur.

Quid, ¶ si his non obseruatis creditor pignus distraxerit, an nullius momenti erit venditio? Immo nihilominus valebit, dummodo is, qui emit, non sit particeps fraudis. Huius rei certissimum argumentum habemus in *l. si cessante. in fin. hic.* vbi scriptum est, et si fraudulenter res vendita sit à creditore, id est, aduersus ea, quæ supra diximus, vt indicat *l. 4. sup.* tamen non emtorem de ea re conueniri posse, sed solum creditorem. Si emtio rata nõ esset, etiam emtor posset conueniri à debitore: iure enim debitor rem suam vindicaret. Nunc autem conuenire emtorem non potest. Nõ sane alia de causa, quam quod dominus rei venditæ esse desit, atque ideo desit; quia valuit emtio. Hic aliquis dicit: stulte igitur superiora illa videntur obseruari: si creditor his contemtis potest impune pignus distrahere. Non ita est. Et si his contemtis valeat emtio, non ideo impune feret creditor, qui illa contemserit: vt non otiose superiora ab illo exigantur. Hæc est pœna, vt debitori sit aduersus eum actio, quæ eo nomine competit. sic enim verba sunt *l. 4. in fin. hic.* Quam ergo actionem hic intelligimus, & cuius rei nomine? Nam illic nihil adjicitur amplius, vt nec in *l. pen. inf. si vend. pig. agat.* vbi iubetur simpliciter debitor in causa experiri cõpetenti actione. Et pignoratitia directam hic accipere debemus, quæ debitori aduersus creditorem datur de pignore restituendo, siue id creditor habet, siue culpa sua habere desit. Hæc enim est actio, quæ de pignore tradito inter creditorem & debitorem nascitur. *§. vlt. Instit. quib. mo. re. com. obl.* Quid hac actione petet debitor? Aget in id quod sua interest pignus non ita distractum fuisse, vt creditor distraxit, vt est in *l. i. inf. si vend. pig. agat.* Quatenus interesse putamus debitoris pignus non ita distractum fuisse? Quanto videlicet plus valuit, quam venditum est: vt quoniam venditum non est, quanti erat, tantum præstetur, quanto minoris venditum fuit, quam valuit. *argumen. in leg. §. inf. si vend. pig. agat.* Ex quo colligimus, si supra scriptis rebus non obseruatis creditor rem tanti vendiderit, quanti valet, tum debitorem nullo modo teneri, sed tenebitur, isto modo, si non bona fide distraxit. Quid, si bona fide? hic vero nullo modo tenebitur, quamuis minimo res distracta sit; quia nihil sit hoc casu, quod ei possit imputari. Sane si fraudulenter creditor pignus minoris distraxit, & emtor fraudis particeps fuit, nulla erit venditio: certe non impediet, quo minus & emtor de ea re conueniri possit de quo dicitur, *ad l. i. inf. si vend. pig. ag.*

Reliquum ¶ est, quod quarto loco proposuimus, vt videamus, cum pignus recte distractum erit, quæ sit vis, & quis effectus venditionis. Et scriptum est in *l. si cessante. & l. si prius. in fin. hic.* venditione iure subsistere, venditionem, quæ subsistit, reuocari non posse. Quibus verbis intelligere debemus, non tantum contractum venditionis valere, vt nascatur ex eo actio emtori aduersus creditorem; sed ita valere, vt pignore ex ea causa tradito emtori dominium ad emtorem transferatur. *l. nõ est n. cum. D. de acq. re. dom.* Sed quomodo dominium transferre potest creditor, qui dominus non fuit; cum regulæ iuris non patiantur plus iuris quemquã in alium transferre, quam ipse habet? *l. nemo plus iuris. ff. de reg. iur. l. traditio. ff. de acq. re. dom.* Nihil hic fit aduersus regulas iuris, nam cum creditor pignus distrahit, & alienat, ipse debitor alienare videtur, qui dominus fuit, alienatur enim eius voluntate, qui ab initio ita dedit, vt creditor distrahere liceret. *§. i. Instit. quib. al. lic. vel non.* Nec ad rem pertinet, si nominatim non conuenit, vt creditor liceret distra-

distringere, satis enim hoc conuenisse intelligitur, cum conuenit, ut res pignori esset; quoniam pignoris proprium est vendere licere, ut supra docuimus, & huc pertinet l. 4. D. de pig. act. Sed adieci- mus dominium pignoris in emtorem transferri, si pignus ei tradi- tum erit à creditore. Quod si ei traditum non est, is dominus pignoris effici nō potest, ut est in l. qui pradium inf. propterea quod ita ius est de transferendis dominiis, ut dominium ex consensu non transferatur, nisi traditione, l. traditionib. sup. de pacti § per tra- ditionem. Inst. de rer. diuis. Ceterum pignore tradito sic dominium transfertur, ut emtori postea auocari nō possit; ne à debitore qui- dem, quamuis illi precium offerat, l. pen. sup. si aut. cred. Et hoc est, quod in d. l. si cessante. his, dicitur, venditionem reuocari non posse. Idq; consequens est regulæ iuris, qua efficitur, id, quod nostrum est, sine facto nostro à nobis recedere, & ad alium transire non posse. Ad quod nostrum. D. de reg. iur.

10 Hoc ita, † nisi cum venderet creditor pignus, conuenit in- ter ipsum & emtorem, ut si solueret debitor pecuniam pretij em- tori, liceret ei recipere rem suam, facit hæc conuentio, non solum ut mandata à creditore actione ex ven. ito agere possit debitor aduersus emtorem, & rem repetere oblato pretio, sed etiam pos- sit rem suam vindicare, aut in factum, id est, vtili actione suo no- mine aduersus emtorem agere. l. si cum venderet. D. de pig. act. Cuius iuris rationem exposui in methodo sub hoc ipso titulo. Vnde & hoc, & alia pleraque ad distractionem pignorum pertinentia tra- ctata copiosius perere licebit. Tantum hic attingere visum est ex eo genere, quantum proprie ad huius tituli Codicis explicatio- nem & nonnullorum locorum huius patris certiores interpreta- tionem facere videbatur.

L. Et qui sub imagine. 10.

Idem AA. & CC. Rufino.

Es qui sub imagine alterius persone, quam supposuerat, iu- giter tenet: cum sibi negotium gerat, alienasse non videtur. Iu- re enim pignoris obligatum pradium, neque si per subiectam personam creditor comparauerit, neque si sibi addixerit, debi- tori affert præiudicium: sed in eadem causa permanet, in qua fuit ante huiusmodi collusionem. Sane si debitore distrahente comparauerit, consensu emtionem perferatam (si neque aolus aduersarij, neque metus causa gest. agentur) reuocari, exem- plo graue est. Si igitur poterit euidemibus probationibus mon- strare, creditorem per suppositam imaginarij emtoris perso- nam semper possessionem tenuisse, nec vendita bona fide præ- dia postea sinceriter comparasse: potest oblata pecunia cu- usur- ris, ad restitutionem creditorem compelli. re. PP. 3. Non. Octob. ipsi IV. & III. AA. Coss. 290.

SUMMARI A.

- 1 Creditores pignus emere non posse aut à se sibi addicendo, aut per sup- positam personam & cur. num. 2.
- 2 Per suppositam personam emere quis intelligatur.
- 3 A debitore ipso creditorem recte pignus emere.
- 4 Debitoris esse, probare emtorem pignoris esse imaginarium, & quo- modo id probetur.

Effectum est supra, creditorem pignus vendere posse: si ven- diderit, emtorem reuocare non posse. Id sic accipiendum esse docemur hoc rescripto, si modo vere vendiderit, id est, ven- diderit alij, non sibi. Ipse pignus à se emere non potest. Et † siue pignus sibi ipse addicat eo pretio, quo quis alius emturus esset, sine emat per suppositam personam extranei emtoris, utrobique perinde res habebitur, quasi rem non vendidisset. Merito, non est enim emtio, nisi ubi alius est emtor, alius venditor. l. 1. D. de rer. permur. quod non fit, ubi idem creditor & emtoris, & venditoris vice fungitur.

- 2 Per † suppositam personam emere intelligitur, cum rogat ali- quem, ut pignus emat non suo nomine, sed nomine creditoris, & cum pignus acceperit, id creditori reddat, atque hic euentus se- quitur. Ideo autem in hac specie extraneus, qui pignus emit, non dicitur emere, quia is demum emere & capere intelligitur, qui id caput, quod est apud eum permansurum. l. aliud est capere. D. de ver. b.

fig. Quod autem quis ita capit, ut restituat alteri, is nec capere vi- detur. l. cum ei 42. D. de leg. 2. Eo fit, ut hic emtor magis imaginem & speciem emtoris habere intelligatur, ut hic dicitur, quā emtor esse. Ita restat, ut creditor emisse potius inte- l. gatur, quod cum facere non possit, quia à semetipso emit; efficitur utroque modo nullam esse venditionem pignoris, siue ipse addicat sibi, siue per suppositam personam emat. Vnde etiam necesse est, pignus in sua causa manere.

Ind. † quæsitum est, an propterea creditor omnino pignus emere 3 non possit. Resp. indent Imperatores, posse eum emere à debitore, non à se. Recte nam à se ideo non potest; quia non est alius, qui vendat; à debitore autem recte emit, qui est, quia vendat debitor, idemq; rei dominus: qui proinde ius transferendi habet. Quod sine non facit, ut videatur creditor à se emere; quod eum facere posse recte in vniuersum negauimus. Relinquitur igitur, quod est in extremo rescripti, ut si creditor per suppositam personam illius emtoris, de quo diximus, pignus adhuc possidere reperitur, pos- sit debitor de suo pignore pignoratitia actione experiri. Hoc enim conse- quens erat citra controuersiam, si creditor nunquam pignus distraxisset. Interim † necesse habet debitor in hoc iudi- 4 cio intèdere, personam illius emtoris, de quo diximus, per quem creditor pignus recepit, esse à creditore suppositam. Quod, an hoc debitor probare debet, an vero etiā citra aliam probationem debitori fides habebitur? Et hic expressum est, debitorem cui- dentibus probationibus ad monstrare debere. Quod respondetur conuenienter regulæ iuris his; Eius, qui dicit, incumbere probatio- nis: l. 2. ff. de prob. item; Actore nō probante reum obtinere, quam- uis nihil ipse præstiterit, l. qui accusare. in fin. sup. de eden. Sed de hac probatione laboratur propter leg. sicut §. superuacuum. ff. quib. mod. pig. vel hy. sol. ubi in specie pati non videtur exigi probatio ab actore. Et probandum est, debitorem, ut & hic dicitur, semper proba- re debere, quod intendit, id enim exig. nt regulæ superiores iu- ris. Sed id probabit dupliciter, alias ex iis sermonibus, quibus res gesta est inter creditorem & illum emtorem imaginarium; alias coniecturis ex iis, quæ postea secuta sunt, sumtis. Ex sermonibus; si probatur testibus, creditorem illi emtori mandasse, ut sibi rem emeret. in coniecturis ea erit, de qua agitur in d. l. sicut §. superua- cuum. nimirum si res apud creditorem reperiatur, neque vquam pecunia pretij, ubi soluta sit illi emtori imaginario. In hoc ge- nere coniecturarum quæsitum est, an satis sit argumenti, emto- rem imaginarium fuisse, si probetur pignus venditum nunquam fuisse illi emtori traditum, sed semper apud creditorem mansisse. Plerique putant hanc probationem esse satis idoneam, ut saltem onus probationis transferatur in creditorem. Sed refragantur verba huius rescripti, in quo proponitur creditor iugiter rem possidisse & in principio, & in extremo; & tamen in ea specie ex- igitur, ut debitor nihilominus probet, personam emtoris suppo- sitam fuisse.

L. Mulier. 11.

Idem AA. & CC. Rufinæ.

Mulier licet specialiter res pignori dederit pro alio, credi- tor eas distrahendi non habet facultatem, nisi dissimulatione, marito obligante velut proprias, creditoris ignorantiam cir- cumscriptis. PP. 5. Kal. Maij, Heraclia, AA. C. ff.

SUMMARI V M.

- 1 Mulieris res pignori pro alio à muliere ipsa obligari non posse: ab alio posse qui tanquam suscipiente & dissimulante muliere obliget: & cur virumque.

Si mulier rem suam pro marito, aut alio quouis debitore pi- gnori obligauit creditori, hic traditur creditorem pignus dis- trahere non posse. An quod est aliqua causa, in qua creditor ius distrahendi pignoris sui non habeat? Minime: sed quia in propo- sito pignus nullum fuit. Prohibet enim Senatusconf. Velleianum, quo vetantur mulieres pro aliis intercedere, l. 1. l. 2. ff. ad Vell. Inter- cedit autem mulier, non solum, quæ se pro aliis obligat vel man- dando, vel constituendo, vel fideiubendo, sed etiam quæ res suas obligat pro aliis, eo fit, ut pignus non consistat. l. quamuis. ff. ad Vell. l. si sine supr. ad Velleian.

Inter-

Interdum tamen possunt res mulieris pro alio obligari, quod tunc fit, cum debitor res mulieris tanquam suas pignori dat creditori, mulier autem praesens dissimulauit eas suas esse, id est, silet, neque refragatur: quæ species hic ponitur in extremo, idem scriptum est in d. l. si sine. Et hæc ratio est, non quod mulier in hac specie non intercedat, vt in superiore, cum aperte rem suam pignori obligat, sed quia hac dissimulatione creditorem decipit, qui rem debitoris esse creditur, non mulieris: cuius si rem esse sciuisset, pecuniam non credidisset. In hac causa ideo mulieri non succurritur; quia senatusconsulto deceptis tantum succurritur, non deceptis in iuris. l. 2. §. pen. ff. ad Vell.

L. si debitor. 12.

Idem AA. & CC. Zotico.

Si debitor rem tibi iure pignoris obligatam, te non consentiente distraxit: dominium cum sua causa transtulit ad emptorem. S. Pridie Kal. Maij, Heraclia, AA. Coss.

Non solus creditor pignoris distrahendi ius habet; sed habet & debitor, & ita habet, vt si rem pignori obligatam ex ea causa tradiderit, dominium in emptorem transferat, vt qui dominus fuerit. §. per traditionem. Inst. de rer. diuis. Sed hac alienatione creditori non nocet. l. distractus. l. debitorem. supr. de pig. vbi diximus. Et hoc est, quod hic dicitur, dominium transferri cum sua causa, quod significat rem transferri cum sua conditione, id est, ea conditione, quæ futura esset, si res alienata non esset. leg. traditio. ff. de acquir. rer. dom. l. alienatio. ff. de contr. emt. l. via. §. si fundus. ff. de ser. rust. prad. Si debitor consentiente creditore alienauit, sine vetere causa dominium in emptorem transtulit; quoniam pignus consensu creditoris remissum est. l. 2. sup. de remis. pig.

L. Qui pradium. 13.

Idem AA. & CC. Theodotæ.

Qui pradium obligatum à creditore comparauit, si in vacuum possessionem inductus non est, nullam in rem actionem habet.

SUMMARIUM.

1. Creditorem pignus distrahentem dominium transferre: sed ita, si vacuum possessionem tradat emptori, vacua, quæ.

Creditor rem pignori obligatam distrahendo eius dominium transfert ad emptorem. l. non est nouum. D. de acq. rer. dom. Hoc sic accipiendum est, si ea interuenerint, quibus dominium iure transferri solet; inter cetera si res tradita erit emptori: nam sine traditione dominium non transfertur. leg. traditionibus. supr. de pact. Eo fit vt rem emptori non tradita, is quoque actionem in rem nullam habeat: quippe quæ soli domino competat. l. in rem. ff. de rei vind. Exigitur autem hic, vt inducatur emptor in vacuum possessionem, vt & in l. cum res. supr. de prob. Vacuum possessionem hic accipere debemus, quam emptor ingreditur creditore tradente, nemine emptorem prohibente. Contra ea non est vacua, quam emptor sic ingreditur, vt alij eam rem possidenti vim faciat, & eo deiecto rem occupet. Quod eo pertinet, vt intelligamus, si emptor ita possessionem occuparit, non iure eum occupasse videri, neque dominum fieri, vt diximus ad l. 3. sup. de pig.

L. si in hoc. 14.

Idem AA. & CC. Modesto.

Si in hoc, quod iure tibi debetur, satisfactum non fuerit, debitoribus res obligatas tenentibus: aditus praeses prouinciae, tibi distrahendi facultatem iubebit fieri. PP. 16. Kal. Decemb. Sirmij AA. Coss.

Diximus creditorem sic pignoris venditi dominium transferre, si etiam rem tradat emptori. Quid fiet, si debitor pignus possideat, quod ob eam causam creditor tradere non possit? Rescripi huius sententia est, creditorem ius habendi pignoris consecuturum; sed rationem obtinendi esse per praesidem.

Quod eo dicitur, vt intelligatur creditorem sua auctoritate possessionem pignoris occupare non posse, de quo in l. 3. sup. de pign. vbi diximus. Sed verba rescripi expendenda sunt. Ait, *praesidem iussurum fieri creditori facultatem distrahendi.* Non recte hoc responsum, dixerit aliquis, atque ideo hæc facultas creditori fieri non potest. Oportet enim id ei tribui sententia praesidis, quod ipse prius non habuit, quod actor habet, id sententia iudicis nulli tribuitur, l. sicut. §. sed si queritur. ff. si ser. vind. l. vnica. inf. de thes. lib. 10. At constat creditorem facultatem distrahendi pignoris iure publico habere, l. si cessante. supr. eod. Et hæc omnia vera sunt, si facultatem distrahendi pignoris hoc loco intelligimus nudam & simplicem facultatem. Sed facultatem distrahendi hic intelligere debemus facultatem cum effectu, vt sit sensus; praesidem iussurum rem, quæ à debitore detinetur, restitui creditori, vt cum ille acceperit, tum deinde possit vendere, & ex venditionis causa tradere, vt sic venditio ad effectum perducatur.

L. obligatis. 15.

Idem AA. & CC. Auianæ.

Obligatis pignori mancipiis à creditore distractis ac traditis: si post debitor quondam hac sollicitauerit, non venditori, sed emptori contra possidentem in rem competit actio. Dat. Kalend. Mart. Sirmij. CC. Coss.

Si vendito pignore & tradito emptor dominus efficitur, vt effici supra diximus: fit eodem tempore, vt & creditor actionem hypothecariam, quam prius habuit, amittat; quia pignus solutione debiti liberatum est, & simul emptor actionem in rem nanciscatur, quæ domino competit, l. in rem. D. de rei vind. Id si ita est, apparet veram esse, quod hic traditur, si emptor eius rei à creditore emptæ possessione exciderit, non creditori actionem in rem competere eius rei persequendæ causa, quippe quam habere desierit; sed emptori, qui priore traditione dominus sit effectus, quod fit in specie proposita, cum creditor seruos sibi pignori obligatos vendidit, & emptori tradidit, & hi postea à debitore sollicitati ad eum redierunt, vel ad alium, vt iam de iis reuocandis agatur.

L. vnus ex multis. 16.

Vide l. 1. inf. de luitioe pign. & l. 1. inf. si vnus ex plur. her. credit.

L. rei creditor. 17.

Idem AA. & CC. Agapæ.

Rei creditor obligata generali sine speciali conuentione, per creditorem alium, cui non fuerat nexa, vanum date, non amittit persecutionem. Dat. prid. Non. April. CC. Coss.

Si debitor, idemque dominus rei pignoratæ alienando pignus, eo facto creditori non nocet, quo minus pignoris persecutionem saluam habeat, vt prius: multo minus nocet eius venditio, aut alienatio, qui nec dominus fuit, nec rem pignori habuit. Vide l. debitorem. supr. de pig.

L. quia creditore. 19.

Idem AA. & CC. Caiano.

Qui à creditore pignori obligatum pradium iure emit, de proprietate vinci non potest. S. 6. Kal. Maij, CC. Coss.

Si emptor pignore à creditore tradito eius rei dominus est, vt saepe iam diximus: efficitur eum de proprietate eius rei à nullo vinci posse, siue agat, siue de ea re conueniatur. Si agat; quia vt dominus habet actionem in rem ad eam persequendam; cuius exitus hic est, vt res actori restituatur, l. officium. ff. de rei vind. Quod si conueniatur, multo magis exceptionem habebit ad rem retinendam, qui ad eam persequendam actionem habuit, iuxta regulam iuris l. in iur. §. 1. D. de verb. sign.

E. si maritus. 19.

Idem AA. & CC. Libiz.

Si maritus tuus mutuum (licet tuam) dedit pecuniam: eorum, quæ pignoris titulo accepit, si ei non successisti, distrahendi nomine tuo nullam habes facultatem. S. 6. Idus Non. Heracleæ, AA. Coss.

Qui pecuniam alienam mutuo dat suo nomine, & pignus in eam causam accipit, is pignus domino pecuniæ non acquirit; sed aut sibi, aut nulli, de quo diximus ad *l. et si frater*. ubi eadem sententia est, *sup. de pig.* Id si ita est, apparet, dominum eius pecuniæ pignus in eam causam constitutum vendere non posse; quia is pignus non habuit, nisi creditori successerit.

L. ult.

Idem AA. & CC. Sabino.

Secundum placiti fidem, si nihil conuenit specialiter pignoribus à creditore maiore, quam ei debebatur, pretio distractis, licet ex eo fundus comparatus sit, non super hoc in rem, sed in personam, id est, pignoratiua de superfluo competis actio. S. 6. Idus Nouemb. Byzantij CC. Coss.

SYMMARIUM.

1 Pignori pluris vendito, quam debetur, rem ex pecunia superflua à creditore emtam esse creditoris, nec debitori restitui debere.

Creditor si pluris vendat pignus, quam ei debetur, debitor ad concurrentem vsque quantitatem debiti liberatur, *l. rescriptum. §. 1. D. eod.* de residuo potest aduersus creditorem experiri, ut hic dicitur, idem in *l. ult. infr. si vend. pig. agat.*

2 Quid, si ex ea pecunia superflua creditor rem aliquam emit? utrum de ea restituenda debitor agere potest, uti posset de ea pecunia agere, ex qua ea res emta est? Et significatur hoc rescripto non posse, quod & recte constituitur. Nam aut erit debitori de ea re emta in rem actio, aut in personam. In rem esse non potest; quoniam debitori ea res quaerita non est, sed creditori, in quem dominus rem translata voluit, *§. per traditionem. Inst. de ver. diuis.* In personam, id est, pignoratiua non erit; quia hæc de superfluo, non de re inde emta competit. Imo contra obiciet aliquis, traditur enim in *l. rescriptum. §. 1. ff. eod.* quidquid ex occasione pignoris ad creditorem peruenit, id debitoris vilitati & commodo cedere debere. Dicendum est in proposito, solam pecuniam, quæ ex venditione pignoris à creditore percepta est, ex occasione pignoris ad creditorem peruenisse. Res ex ea pecunia emta non percipitur ex occasione pignoris, sed ex creditoris negotiatione, *arg. in l. venditor ex hereditate.* in illis verbis, *pretium enim. §. de hered. vel act. vend.* Obicitur etiam, quod traditur in *l. quamuis. §. vlt. ff. de pign. act.* si creditor pignus plaris vendiderit, quam debetur, debitor non solum agere posse de superflua pecunia, sed etiam de vsuris, quas ex vsu eius pecuniæ creditor perceperit. Quo exemplo videtur idem quoque de ceteris rebus statuendum, quæ ex ea pecunia paratæ sunt. Sed dissimilis istarum rerum causa est, vsuras dico pecuniæ, & res ex ea pecunia emtas. Vsurae ideo, cum ea pecunia restituendæ sunt debitori; quia vsuræ sunt fructus pecuniæ, *l. vsura vicem. ff. de vsur.* Constat autem fructus ex re pignorata perceptos aut debitum extenuare, aut vna cum re esse restituendos, *l. 1. l. 2. sup. de pig. act.* At res ex ea pecunia emtæ non sunt eius pecuniæ fructus; sed pretium industriae & negotiationis creditoris.

AD TIT. XXIX. DEBITOREM VENTIONEM PIGNORIS IMPEDIRE NON POSSE.

Effectum est supra, creditorem iure suo pignus distrahere posse, *l. si cessante. sup. prox. tit.* Hoc si ita est, sequitur, quod hic dicitur, debitor nulla obnuntiatione sua, aut prohibitione impedire posse, quo minus creditor recte vendat, & qui emit, emat bona fide, alioqui liceret debitori conditionem creditoris sui facere deteriores; quod nulli conceditur, *l. soluendo ff. de negot. gest. l. non debet alteri. ff. de reg. iur.*

AD TITVL. XXX. SI VENDITO PIGNORE AGATUR.

SYMMARIA.

- 1** Pignore iure vendito, nullam esse eius emtionis reuocationem.
- 2** Pignore contra conuentionem vendito, ius suum debitori integritate manere in re sua, & actionem in personam esse aduersus creditorem.
- 3** Pignore vendito non bona fide, quamuis ab eo creditore, qui ius vendendi habuit, ipsum creditorem teneri semper in id, quod debitoris interest: emtorem ad rem restituendam certis conditionibus: & quibus.
- 4** Mala fides emtoris in pignore emendo quid, & quomodo probetur. Per gratiam pignus vendere, quid, ibidem.
- 5** Aduersus emtorem, qui mala fide emit pignus, non esse vindicationem pignoris, nisi excussus prius creditor reperiatur sit non soluendo.
- 6** Sed nec hunc emtorem teneri aliter vindicatione, quam si offeratur ei pretium, quanti pignus emit, cum vsuris: & cur.
- 7** Aduersus emtorem pignori, qui mala fide emit, actionem esse suis conditionibus, non pignoratiuam, non ex edicto de rebus in fraudem alienatis, sed in rem beneficio restitutionis in integrum, & ex qua causa.

Questio est, si creditor pignus vendiderit, utrum debitor possit agere aduersus creditorem de pretio pignoris, an aduersus emtorem rei recuperandæ causa. De quo ita statuendum est ex sententia eorum, quæ diximus ad *l. 4. & seq. sup. de distr. pig.* Si tere-ditor ius distrahendi habuit, & bona fide distraxit, id est, obseruat is ius, quæ in pignoribus distrahendis obseruari solent; ita rata est venditio, ut debitor neq; aduersus creditorem agere possit de pretio, quamuis rem non iusto pretio vendiderit; neq; agere aduersus emtorem, ut rem ab eo auocet. Sed non semper creditor, cui pignus datum est, ius vendendi habet, quod tunc accidit, eum conuenit, ut creditori distrahere non liceat, *l. 4. ff. de pig. act.* Fieri etiam potest, ut qui iure suo distraxit, mala fide & fraudulenter distraxerit. In quibus causis vendito pignore debitor experiri potest, quæ summa est huius tituli. In quo de his rebus ita statuitur. Interest plurimum, utrum creditor qui pignus vendit, ius vendendi non habeat, an cum habet, mala fide vendat. Si tere ius vendendi non habet, id est, si refragante conuentione vendidit, nulla est venditio. Quo fit, ut debitor non tantum aduersus emtorem, sed etiam aduersus quemuis possessorem actionem in rem habeat, quæ omnibus dominis competit, *l. in rem. ff. de rei vind.* Nam hæc superiore venditione non est extincta. Et hoc, quamuis res à possessore vsu-capta non erit. Aduersus creditorem autem semper actionem habet de pretio rei venditæ. Ea est autem actio pignoratiua in hoc, ut vel res pignori data restituatur, vel saltem æstimatio. hæc sententia *l. 2. hoc t.* Quod si sic creditor ius vendendi pignoris habuit, sed vendidit dolo malo: hic semper vendito pignore aduersus creditorem agi poterit, *l. 1. hic.* Diximus autem ad *l. 4. & seq. sup. de distr. pig.* in hanc rem competere de debitori pignoratiuam actionem, id quod in id, quod sua interest. Hastenus autem interest, si res minoris vendita sit, quam valet, hæc ex *l. 1. in pr. & l. 3. hic.* Aduersus emtorem etiam hoc casu debitor agere potest: sed interdum, non semper. Non potest autem agere, nisi præter dolum creditoris hæc tria concurrant. Primum exigitur, ut & emtor ipse mala fide emerit, *l. 1. in fin. hic.* Mala fide, id est, quod dicitur in *l. ult. per collusionem.* Vtrumque autem valet id, quod dicitur in *l. pen. si emtor fraudis particeps fuerit.* Duobus autem modis probabitur emtorem fraudis participem fuisse. Vno, si per gratiam creditor vendiderit, ut est in *l. 3. hic.* Per gratiam vendidisse intelligitur, qui aperte dixit rem pluris esse, quam venditur, sed se non pluris vendere, quam vendit, ut emtori gratificetur, petit autem, ut hanc gratiam ab emtore ineat. Emtor contra sic accipit, & pollicetur se gratum fore. Altero modo id probatur, si emtor præmio creditorem corrupit, *l. qui fundum. §. procurator. ff. pro emto.* Extra hæc species estimatur emtor bona fide emere, quantumuis rem minoris emat, quam valet: non est enim contra bonam fidem, rem quam minimo emere, dummodo sine fraude fiat, ut fati colligitur ex *l. 1. qui fundum. §. procurator.*

Secundum tere accedere oportet, ut creditor, qui pignus vendidit, soluendo non sit, id quod videlicet ita probetur, *l. 1. in fin. l. 3. hoc tit.* Id autem sic constabit, si debitor prius cum creditore egerit, & creditor erit condemnatus: deinde in executione sententiæ excussis facultatibus creditoris reperiat non habere, unde iudicatis

dicatis satis fiat. Hinc est, quod de condemnato prius creditore dicitur in *d. l. i. vers. quod si hic*. Non obstat huic sententiæ *l. pen. infr.* in qua scriptum est, cum creditor pignus contra bonam fidem vendidit, emtore fraudem participante, posse debitorem competenti actione experiri vel aduersus creditorem, vel aduersus emtorem, neque exigitur circa emtorem, vt prius constet creditorem soluendo non esse. Non exigitur hoc quidem; sed tamen & in reuocare debere non negatur. Proinde in dubio relicto ex alijs locis interpretandum est. Hæc autem conditio exprimitur in *l. i. & l. 3. hic*. Dicemus etiam commodissime hoc modo: conditionem hanc, vt creditor soluendo non sit, satis exprimitur in *l. pen. hic*. cum dicitur, aduersus emtorem agi posse competenti actione. Non est actio aduersus emtorem competens, nisi prius constiterit creditorem soluendo non esse, *d. l. i. & l. 2.*

6 Tertium etiam & postremum exigitur, cum debitor vendito pignore aduersus emtorem agit, vt emtori pretium cum v. satis offerat, quanti scilicet pignus venditum est, *d. l. i. in fin. & l. 3. hic*. Quod merito exigitur à debitor, quamuis domino, versum est enim hoc pretium in vtilitatem eius, vt pote solutum creditori: quo accepto, debitor eodem tempore liberatur. compenatur enim hoc pretium cum debito, *l. vlt. infr. tit. prox.* Iniquum est, debitorem ea emtione liberari, & nihilominus non oblato pretio rem suam repetere: vbi scilicet contra bonam fidem bis idem exigat: quod vetat regula iuris, *l. bona fides. ff. de reg. iur.* Inde placuit in proposito debitori ab emtore rem suam repetenti ob stare exceptionem doli mali, nisi pretium, quo liberatus est, emtori offerat, *l. emtor. ff. de rei vind.* Quod si proponeremus ex ea venditione, qua res aliena vendita est, pretium in vtilitatem domini conuersum non esse, certi iuris est, dominum à quouis possessore, etiam bonæ fidei, rem suam repetere posse, quamuis non oblato pretio, quanti possessor emit; ne alienum factum domino noceat, *l. 3. sup. de rei vind. l. 2. sup. de for. l. i. sup. de prescrip. 30. an.*

7 Sed et his omnibus rescriptis, quibus vendito pignore debitori actio aduersus emtorem datur supra scriptis conditionibus, non exprimitur, quæ debitori in eam rem actio competat; cum tamen permagni referat id nosse. De eo sic habendum est. Non potest in eam rem debitori esse actio pignoratia. hæc enim inter debitorem & creditorem solum nascitur ex contractu & negotio gesto, *§. vlt. infr. quib. mod. re cont. obl.*

Debitor cum emtore pignoris nihil contraxit, vbi debitor pignus non vendidit. Vulgo putant esse actionem vtilem ex edicto fraudatorio, id est, ex edicto, quod est de iis rebus, quæ in fraudem creditoris alienatæ sunt, sed id non probant. Quinimo verba eius edicti aperte refragantur; sed & ratio edicti. Edictum illud est de iis rebus, quas debitores ipsi alienant. hic agimus de iis, quas creditores alienant in fraudem debitorum. Rebus à debitoribus alienatis, necesse fuit actionem creditori proponere ad eas res reuocandas; quoniam debitor dominus fuit; vnde & iure suo alienauit. Creditores domini non sunt, vt possint actione in rem de illis rebus experiri. At cum creditor dolo malo pignus vendit, & emtor item emit dolo malo, non fuit necesse nouam actionem debitori proponere; cum venditio iure non valuerit omni ex parte, eoque & debitor dominus manserit, vt prius. Superest igitur, vt debitori aduersus emtorem ex hac causa sit actio in rem, ea, quæ dominis competit rem suam à possessore vindicantibus. Sed etiam atque etiam notandum est, hanc actionem vtilem esse, & quæ in integrum restitutione impetrata restituatur debitori. quod probatur *l. 2. sup. de prad. min.* Nam etiam tunc, cum res minoris viginti quinque annis à creditore vendita est dolo malo emtore fraudem participante; illic scriptum est, non aliter consiliu minori aduersus emtorem, quam beneficio restitutionis in integrum secundum edicti formam, vbi edictum intelligitur de minoribus. Si minoribus in hanc causam non aliud remedium competit, quam in integrum restitutio; multo minus aliud competet maioribus. Restituentur igitur in hac causa debitores, qui maiores sunt. Restituentur autem ex edicto, quod est de iis causis, ex quibus maiores in integrum restituuntur, ex illa clausula edicti: *Item si qua alia mihi iusta causa videbitur, in integrum restituam. l. i. in fin. l. sed et si §. vlt. ff. ex quib. cau. maior.* Ex eo intelligimus, debitorem vendito pignore, à creditore, qui ius vendendi habuit, debere aduersus emtorem petere in integrum restitutionem intra quatuor annos, his exactis, amplius aduersus emtorem, quamuis sit malæ fidei, agere non posse. Est enim hoc tempus integrum restitutioni præstitutum, *l. vlt. sup. de emp. in integ. restit.* Hæc omnia ita sunt, si debitor in pignore vendendo nihil conuenit de re vendi-

ta restituenda. Quod si conuenit, vt vel sibi res restitueretur oblato pretio, vel restitueretur debitori; in vtroque conuentio seruanda est, vt creditori quidem vel actio ex vendito competat, vel actio præscriptis verbis, debitori autem competat rei vindicatio, vt veteri domino; aut certe actio in factum, id est, actio in rem vtilis, quæ magis superiori conuentione confirmatur, quam summo iure ex dominio eius nascatur. Hæc sententia est *l. si cum venderet. ff. de pig. act.* Cuius rationem si quis requirit, quando sententia à regulis iuris, quæ sunt de iis, qui paciscuntur alijs, & de dominijs transferendis, videri potest alienior, licebit sumere ex methodo de pignoribus, *tit. quibus modis pig. vel hyp. soluitur*, vbi huic locum diligentius sum exsecutus.

AD TIT. XXXI. DE LVITIONE PIGNORIS.

L. vlt.

Imp. Dioclet. & Max. AA. & CC. Flor.

Si reddita debita quantitate, vel rebus in solutum datis, siue distractis, & compensato pretio, satis ei, contra quem supplicas, factum esse, adito præside prouincia probaueris: vel si quod residuum debetur, obtuleris, ac si non acceperis, deposueris consignatum, restitui tibi res pacto pignoris obligatas prouidebit: cum etiam edicto perpetuo actione proposita pecunia soluta creditori, vel si per eum factum, quominus solueretur: ad reddenda ea, qua pignori acceperat, iure eum satis euidenter urgari, manifestum. S. 6. Id. Octob. AA. Coff.

SUMMARI.

- 1 Luere pignus, liberare, & vnde ita dictum.
- 2 Lui pignus solutione, & si qua solutionis vicem habent.
- 3 Lui satisfactio: quid sit satisfacere, & quid inter solutionem & satisfactionem intersit ad liberationem pignoris.
- 4 Pignoratiam actionem nasci pignore liberato, non aliter, nisi pecunia offeratur in iudicio.
- 5 Parte debiti soluta nulla ex parte pignus liberari neque debitori, neque debitoris heredibus, qui non soluerunt: & huius partis tum dubitatio, tum ratio.

Luitio pignoris pars est eius solutionis, qua pignus liberatur. Luere etiam pignus est pignus solutione, vel satisfactio libera- re: quasi dicas abstergere & delere pignus, seu nexum & obligationem pignoris, metaphora ducta à lotionem, qua maculæ, quæ alicui rei in hærent, abluuntur & absterguntur. Est enim luere lauare verbum à Græcis ductum, Illis enim *λέω* est lauo: ac luere idem esse Latinis, quod lauare, composita declarant, abluo, eluo, diluo, & similia. Quomodo luatur pignus, comprehensum est in *l. vlt. hoc tit.* Est autem hæc sententia,

Luitur etiam pignus, seu liberatur à debitor, si omnis pecunia, quæ debetur, soluta erit, aut eo nomine satisfactum creditori, *l. si rem. §. omnis. ff. de pig. act. l. item. ff. quib. mod. pig. vel hyp. sol.* Soluitur pecunia, quæ numerata & representatur creditori, *l. soluta. ff. de solus.* Solutionis vim habet compensatio, id est, cum creditor aliquid vicissim debet debitori, & debitor id vult apud creditorem esse pro solutione, *l. 4. sup. de compen.* In hoc numero est pretium, quod creditor ex distractione pignoris consecutus est; de quo in *d. l. vlt. hic.* Est & pecuniæ obligatio & depositio, de qua ibidem addicitur. Nam pecuniam totum offerre creditori sine obfignatione & depositione, ad solutionem debiti & liberationem debitoris omnino nihil prodest, vt iam sæpe à nobis dictum est. traditur in *l. vlt. sup. deb. vend. pig. imp. non poss. l. si. prius. sup. de distr. pig. l. obfignatione. inf. de solut. l. acceptam. sup. de vsur.*

Satisfacere etiam est, creditorem pro eo, quod ei debetur, contentum reddere, *l. i. ff. qui satisf. cog.* Id fit, cum creditor debitorem pro eo, quod debetur, aliud soluentem, vel præstantem, se ea re pro debito contentum esse ostendit, huc pertinet *dict. l. si rem. §. omnis. D. de pign. act. dict. l. item. D. quib. mod. pig. vel hyp. sol.* Solutio debitorum etiam inuito creditore liberat. Satisfactio non nisi volente creditore, cum scilicet ille satisfactionem admittit, *d. l. item.* Nec obstat,

obstat, quod dicitur satisfactionem pro solutione esse, *leg. satisfactio. ff. de solut.* Sic enim pro solutione est, si modo prius sit satisfactio. Non est autem satisfactio, nisi quæ à volente creditore admissa est, cum definiamus satisfacere esse creditorem contentum reddere, non enim contentus redditur quisquam inuitus, sed volens.

4 Pignore ita liberato, tum ꝑ demum ex edicto nascitur debitori pignoratitia actio ad pignus repetendum, vt adiectum est in *d. l. vlt. hic. id. in d. l. si rem. §. omnis. ff. de pign. act.* Sed hic notandum est, quod dicitur oblatione sola pecuniæ pignus non liberari, eoque nec competere pignoratitiam actionem, sic esse accipiendum, nisi in iudicio pecunia offeratur, sic enim pecunia oblata pignoratitia actio tenebit creditorem, quasi conditione impleta, sub qua actio proposita est. de quo diximus *ad l. si residuum. sup. de distr. pig.*

5 Illud ꝑ manebit, quæcunq; hic solutio, aut oblatio ad liberationem pignoris satis futura sit, semper oportere totam pecuniam offerri, quæ debetur, vel totius eius pecuniæ nomine satisfieri. Quod si parte debita soluta adhuc aliquid ex debito superest, in id, quod reliquum est, quamuis minimum, totum pignus obligatum manet, vt prius: ea lege, vt creditor non tantum possit totum pignus à possessore persequi, sed etiam totum pignus vendere, pertinetq; hæc sententia non tantum ad debitorem, de quo comprehensum est in *l. quamuis. sup. de distr. pig.* sed etiam ad debitoris heredes de quibus hic scriptum est in *l. i. idem in l. i. sup. de distr. pig.* Sed est in persona heredum dubitatio maior. Nam cum debitor partem soluit, & adhuc aliquid reliquum est, non est mirum, si pro ea parte dicimus nihilominus totum pignus obligatum manere, sibi enim imputare debet, qui totum non soluit, cum totum deberet. & præterea cum totum pignus pro minima summa obligatum teneretur, nulli alij sit iniuria, quoniam res tota est debitoris. At horum vtrumq; cessat in persona heredum. Nam si proponas debitorem centum debuisse, & obligasse in eam summam fundum Tusculanum, deinde decessisse duobus heredibus relictis pro æquis portionibus, diuiditur obligatio inter heredes pro portionibus hereditariis ita, vt singuli quinquaginta solum debeant, quibus solutis pro ea parte in totum liberantur. *leg. ea. qua. sup. fam. ercisc. leg. pacti successorum. sup. de pact. l. 2. sup. de act. hered.* Quod cum ita sit, iniquum videtur exigere ab vno, vt solidum soluat, quo eius pars in pignore liberetur, cum ipse partem solum, non solidum debuerit. Iniquum præterea totum fundum adhuc teneri in eam partem coheredis, quæ soluta non est, quia nõ possis fundus in eam partem teneri, quin pars aliena pignori obligetur, id est, pars, quæ est eius coheredis, qui iam soluit, constat autem res hereditarias inter heredes diuidi, & solidas ab vno ex heredibus pignori obligari non posse, *l. vnica. sup. si com. res pig. dat. sit.* Hinc dubitandi causa in heredibus. valde enim consentaneum videtur, vt iis rationibus cessantibus, quæ sunt in debitore, non idem ius in heredibus eius statuamus, quod in debitore, *argum. in l. quod dictum. ff. de pact.* Sed nihil hic proponitur, cur non idem ius in heredibus retinendum sit in proposito, quod in debitore fuit, cum & in his eadem causa & ratio sit totius pignoris retinendi pro ea parte, quæ soluta non est. Nam cum debitor adhuc partem ex sorte debet, non ideo totum pignus obligatum manet, quia debitor prius totum debuerit, aut quia res pignori obligata in solidum sit debitoris: sed quia ab initio in solidam summam, quæ debeatur, pignus obligauit ea lege, vt nõ liberaretur, nisi pecunia soluta esset. Hæc conditio pignoris etiam manet in heredibus, quamdiu nõ omnes solidum, quod deberetur, soluerint. Quare & in his ius idem retinendum est. non enim ex persona heredum immutatur conditio obligationis, *leg. 2. §. ex his. D. de verb. oblig. l. 2. D. de prat. stip. l. cui fundus. D. de cond. & demon.* Nihil ad rem pertinet, si quis dicat fieri non posse, quin personali obligatione summota in persona vnus heredis, qui partem suam soluit, iniquum sit, & contra naturam, vt res pro ea parte amplius pignori obligetur, *in omnibus speciebus. ff. de solut.* nam & hic idem respondimus, quod in *l. quamuis. sup. de distr. pig.* Fatebimur nimirum hoc ita esse: sed nihilominus verum est, adhuc totum pignus obligatum manere. est enim obligatum pro ea parte, quæ soluta non est, non pro ea, quæ soluta est. Sed illuc redeo, quod initio posuimus: si tota pecunia soluta erit, aut eo nomine satisfactum creditori, & generaliter si quo modo actio principalis summota est, pignus in totum extingui. Cui sententiæ cum videatur ex diametro aduersari *lex. 2. hic.* in eam pluribus inquirendum videtur.

L. intelligere debes. 2.

Imp. Gordianus A. Domino.

Intelligere debes vincula pignoris durare personali actione submota. PP. 12. Cal. Iun. Sabino, & Vennsto Coss. 241.

S V M M A R I A.

- 1 *Falsum, Personali actione summota vincula pignoris durare, vt est lectio vulgata: sed legendum non durare, multo argumentu evidenter demonstratur.*
- 2 *Hæc verba, intelligere debes, perspicis, intelligis, & similia vsurpari solita de iis rebus, de quibus non debuit dubitari.*
- 3 *Personali actione seu ipso iure, seu per exceptionem perpetuam quamlibet sublata pignus extingui, sine exceptione verum esse.*
- 4 *Etiam per prescriptionem triginta annorum actione personali summota, pignus solui.*
- 5 *Vno ex heredibus debitoris soluentem, eatenus tolli personalem actionem, sed & pignus, & nihilominus verum esse in totum pignus manere, quia manet pro ea parte, quæ soluta non est.*

Verba sunt hæc, *intelligere debes vincula pignoris durare, personali actione submota.* Non ꝑ dubito, quin hic locus corruptus sit, & contra ita legendum: *vincula pignoris non durare personali actione submota.* Moueor his rebus. Primum sententia affirmatiue hoc loco scripta aperte falsa est, siue in vniuersum actione personali submota pignus extinguitur, sine extingatur vt plurimum, interdum autem duret. Nam ad refellendam generalem aliquam orationem, satis est ostendere, eam in vna aliqua parte falsam esse, vt falsa in totum probetur. quod à Dialecticis sumtum Iulianus vsurpauit in *leg. si is, qui §. vtrum. illic, quia cū significatio. ff. de reb. dub.* Multo magis, si fere in omnibus partibus falsa sit, in vna autem aliqua vera. qualem esse hæc sententiam necesse est omnium interpretum confessione, etiam si concesserimus interdum pignus durare personali actione submota. Nam hoc conuenit inter omnes, si actio personalis ipso iure submota sit, pignus non durare, vt mox dicemus pluribus. Sed et si submota sit per exceptionem, certum est regulariter pignus extingui. Quod si hoc casu duret pignus, concedunt tamen id fieri, vbi actio personalis submota per prescriptionem triginta annorum, aut cum vnus ex pluribus partem suam soluit. Qui sunt duo casus ex innumerabilibus, in quibus solis omnium confessione personali actione sublata pignus non extinguitur. Ex quo intelligimus aperte falsam futuram hæc sententiam, si generaliter & sine exceptione definiemus, personali actione sublata pignus durare. Cum sententia per se talis est, id est falsa, si affirmatiue legitur: tum vero neq; hoc tenuisse Gordianum Imperatorem, neq; affirmatiue scripsisse facile probari potest, & ex verbis huius loci, & ex consuetudine respondendi Imperatorum, ac iura constituentium.

Ex verbis sic colligitur. nam ꝑ hæc verba, *intelligere debes,* quibus Imperatores in rescriptis vt consueuerunt, adhiberi solent ad eas res, quæ sunt iuris certi & manifesti, quæque sine exceptione recte in vniuersum definiuntur. Sunt enim verba increpantium, quasi dicerent, non debuisti me hac de re consulere, cum intelligere debueris ius ita se habere, veluti cum ita respondent, intelligere debes ex pacto actionem non habere. *leg. cum proponas. 21. sup. de pact.* item intelligere debes donationem à marito tuo factam contraria eius voluntate reuocari, *l. si maritus. sup. de don. int. vir. & vxor.* Simile est, cum respondent, perspicis, intelligis ius ita esse, *leg. si actionem. sup. de pact. leg. cum proponas. 17. sup. de transact. cum doctem. sup. de iur. do.* At personali actione summota si debitor consulit, vtrum pignus extinguitur sit, an duret, & putet non extinguitur debuit increpari, neque debuit ei dici, intelligere debes pignus durare, cum regula iuris communis sit in contrariam sententiam.

Præterea vsus respondendi Imperatorum lectionem affirmatiuam repudiat. nam iura non constituuntur ex iis, quæ forte vno aliquo casu accidunt. *leg. 4. & seq. ff. de legib.* At secundum sententiam eorum, qui putant adhuc pignus durare, vno aliquo casu accidit, vt pignus duret personali actione submota.

Non debemus igitur existimare ius hoc generaliter de eo casu esse constitutum. Hac accedit, quod cum aliquid simpliciter verum non est, sed tantum sub conditione, si illud, aut illud factum sit, nunquam Imperatores respondere generaliter solent, sed sub

conditione, quam præmittunt, vt patet *ex leg. vt responsum. supr. de tranfact. l. præcibus. sup. de impub. & alijs. subst.*

Quare & in hac constitutione, cum omnium consensu non sit verum, actione personali submota pignus durare, nisi sub distinctione, intelligi debet de eo Imperatorem non sensisse, qui sine distinctione respōdit. Quapropter cum neq; hæc sententia affirmatiua vera sit, quocunq; modo eam cum alijs interpretabimur, neq; verbis Imperatoris conueniat, neq; sit ex consuetudine loquendi Imperatorum, dubitare non debemus, quin ita Gordianus non scripserit, sed scripserit hoc modo, *Intelligere debes vincula pignoris non dubitare personali actione submota.* Et recte. nam hoc ita generaliter rectissime definitur secundum omnium sententias, & est certi iuris definitio: tmerito de eo dubitanti dici debuerit, intelligere debuisti id, quod est manifesti iuris, actione personali submota pignus non durare.

3 Sed † ne quis scrupulus nobis restet, doceo sine exceptione verū esse, personali actione submota pignus semper extingui, neque durare. Quod si verum est, de sententia, quam posuimus, dubitari nullo modo potest. Id autem primū hoc argumento recte colligitur.

Personalis actio submouetur aut iure ipso, aut per exceptionem. *l. 5. sup. de pact.*

Iure ipso, iis modis, quibus obligatio iure tollitur, de quibus modis agitur tit. *Inst. quibus mod. toll. obligat.*

Per exceptionem, cum id factum interuenit, quo iure ciuili non tollitur obligatio, sed tamen eo interueniente non est æquū debitorem teneri veluti, si creditor pactus sit, ne ab eo petat, si debitor sententia iudicis absolutus sit, cum pecunia ab eo peteretur, si deferente creditore iurauerit se non debere: ex quibus factis nascuntur debitori aduersus creditorem exceptiones pacti conuenti, rei iudicata, iurisiurandi, de quibus & similibus agitur tit. *Inst. de except.* At quocunq; modo ex his actio personalis submota sit, pignus tollitur. Si submota sit ipso iure omnes concedunt pignus extingui, *l. item. ff. quib. mo. pig. vel hyp. sol. l. in omnib. speciebus. ff. de solut.* Sed et si submouetur per exceptionem pacti, iurisiurandi, rei iudicata, etiam pignus extingui constat, *l. soluitur. in prin. & fin. leg. antepen. ff. quib. mod. pig. vel hyp. sol.* Quinimo si actione personali ipso iure submota pignus perimitur, recte colligitur hoc ipso etiam perimi, et si actio personalis per exceptionē submota erit, quoniam nihil interest, vtrum quis actionem ipso iure non habeat, an etiam habeat, quæ per exceptionem infirmetur, *l. nihil interest. ff. de reg. iur.* Neq; plures sunt modi, quibus actio personalis submouatur. Quare quocunq; modo ea submota erit, pignus non durabit. Et vero nec potest, id quod rursus ex natura pignoris certo efficitur. Nam pignus est res pro debito obligata, *si item Seruiana. Inst. de act. l. res hypotheca. ff. de pig.* Proinde vbi nullū debitum est, ibi nec pignus potest intelligi. Iam vero nullum debitum est ne tunc quidem, cum actio personalis per exceptionē perpetuam remouetur. Ergo ne tunc quidem pignus consistet. Nullum debitum esse, vbi actio personalis per exceptionem perpetuam submouetur, hæc liquido probant. Debitor is intelligitur, à quo inuito pecunia exigi potest *l. debitor. ff. de verb. sign.* Non potest autem ab inuito exigi, cum exceptione perpetua tutus est. Quapropter hac exceptione tutus nihil debere intelligitur. Idē declarat definitio creditoris in *l. creditores. l. creditor autem. ff. de verb. sign.* In quibus non alius dicitur esse creditor, id est, is, cui aliquid debetur, quam qui exceptionem perpetuam non meruit. Item qui exceptionem perpetuam habet, si per errorem soluit, repetit *l. qui exceptionem. ff. de cond. indeb.* Item qui exceptionem perpetuam habet, si id constituit, de quo exceptionem habet, non tenetur ex constituto. nempe quia non debitum constituit, *l. 9. §. 1. ff. de const. pec.* Relinquitur igitur illud, vt actione personali submota, quamuis per exceptionem pignus durare non possit, quia non possit dici res esse pro debito obligata, vbi nullum debitū esse constituit. Hinc dictum est, pignus esse accessionem principalis obligationis, *l. in omnib. ff. de solut.* Porro certi iuris est, cum principalis causa non consistit, nec accessionibus locum esse, *l. cum principalis. ff. de reg. iur.* quam definitionem etiam ad pignus pertinere scimus ex *d. l. in omnib.* Non infirmant hæc sententiam ea, quæ ab interpretibus adferri solent, vt probent, in his saltem actione personali submota pignus durare. Vulgo † receptū est id accidere, cum actio personalis submota est præscriptio triginta annorum. Nam in hac specie constitutum est, nihilominus hypothecariam actionē durare post triginta annos vsq; ad annos quadraginta, si cum debitore, aut heredibus eius agitur. Non potest autem post triginta

ta annos agi hypothecaria de pignore, nisi post triginta annos pignus duret. Durat igitur & post triginta annos pignus, proinde & post exceptionem debitori quæritam. Sed exemplum ad rem nihil pertinet. Intelligere enim debemus post triginta annos sic durare hypothecariam & pignus, vt simul etiam duret actio personalis: quod sit, vbi prius ea actum est, aut interposita saltem per executionem conuētio, aut debitor secunda cautione debitum agnouit: quibus modis interrumpitur præscriptio temporis, & fit actio personalis exinde perpetua ad annos vsq; quadraginta, *l. sicut. illic. nec sufficiat. l. cū notissimi. §. sed et si quis. l. vlt. sup. de pres. 30. vel 40. ann.* Idq; ex eo intelligimus, quod quoties aliquid concedi non potest, nisi prius aliud concedatur, posteriore concessio etiā prius constituit & concedi placet, *l. 2. ff. de iurisdict.* Non potest autem hypothecaria actio durare post triginta annos, nisi etiam actio personalis post illud tempus maneat, vt fit videlicet debitum pro quo de pignore agitur. Quare etiam hoc casu vt hypothecaria agi possit, hoc constitui intelligendum est, vt ne personalis actio submota sit, sed ante facta sit perpetua. Alij malunt hanc sententiam aptari ad duos heredes debitoris, qui sub pignore debuit. Nam si vnus ex his heredibus partem soluerit, in totum pro ea parte submouetur actio personalis. Atqui nihilominus pignus durat, *l. 1. sup. hoc tit.* Sed hoc exemplum multo minus conuenit. Nā pro parte quidē eius, qui non soluit, pignus manet: sed pro ea etiā parte actio submota nō est. Pro ea autem parte, quæ soluta est, verum est, actionem perentialem submotam esse. Sed nihilominus & hoc verum est, pignus pro ea parte extinctū esse, vt supra docuimus. Ex quo apparet, in hoc exemplo quatenus actio personalis submota est, eatenus etiam pignus non teneri, quatenus autem pignus durat, eatenus durare, quatenus pars soluta non est. Quo exemplo magis sententia à nobis posita confirmatur.

AD TITVLVM XXXII. SI VNVS EX PLVRIBVS HEREDIBVS CREDITORIS, VEL DEBITORIS PARTEM SUAM DEBITI SOLUERIT, VEL ACCEPERIT.

S Y M M A R I A.

- 1 *Singulis heredibus creditorū partem solum deberi: pignus autem pro ea parte in solidum teneri, & vendi posse.*
- 2 *Singulos heredes debitorū partem debere: hypothecaria autem non teneri, si non possideant: si possideant, teneri in solidum.*

Quod dictum est in *l. 1. superiore tit.* vnum ex pluribus heredibus debitoris pro parte hereditaria soluendo nulla ex parte liberare pignus, quæritationem atruit, quæ hoc titulo explicatur, Quatenus in vniuersum heredes tum creditoris, tū debitoris in pignus succedant, seu quatenus singuli agant, aut conueniantur. Exemplū personalis actionis facere videbatur, vt hypothecaria actio inter plures heredes scindatur pro portionibus hereditariis. Nam hoc modo inter plures heredes diuiditur actio personalis de eo, quod debetur, idq; tam heredes creditoris, de quibus ius statuitur in *l. 1. huc. & l. heredes. §. an ea. ff. fam. erc. sc. quom inter plures heredes debitoris, de quibus in leg. vlt. huc. l. pacto successorum, supr. de pact. l. 2. sup. de hered. act. l. 1. inf. de excep.* Sed placuit aliam conditionē esse hypothecariæ actionis, de qua his recriptis duobus statuitur. Act. de heredibus creditoris hæc sententia est *l. 1. personalem actionem inter heredes creditoris diuidi pro portionibus hereditariis, & singulis pars tantū hereditaria debeat, & singuli pro ea tantum parte agant.* At pignus singulis in solidum teneri pro ea parte, quæ singulis debetur: vt intelligamus & singulos actione hypothecaria in solidum agere posse, & singulos distrahendi pignoris ius habere. Cur hæc tam dissimiliter, cum constet, quæcunq; res hereditariae sunt à defuncto relictæ, non vltra heredes in eas succedere, quam quatenus heredes sunt? Id conditio earū obligationum facta, ex quibus nascuntur hæc actiones. Quod enim dicitur, actionem inter heredes diuidi pro portionibus hereditariis ex lege duodecim tabularum, sic accipiendum est, si & possit diuidi. Quod si non potest, vt creditori, sic & singulis heredibus creditoris solida petitio est, *d. l. hered. §. an ea. fam. erc.* Quapropter inter eos personalis actio diuiditur, quia ea actio est de pecunia debita, de fundo, & similibus rebus, quæ natura sua partis præstationem recipiunt, *l. 2. §. 1. stipulationes non diuiduntur. ver. Celsus. D. de verb. oblig.* Hypothecaria actio inter heredes non diuiditur, quia non

non potest, obstante non natura rei pignoratæ, quæ non minus diuidi potest: sed lege & conditione obligationis. nam pignus sic obligatur, vt tam diu teneatur, donec omnis pecunia soluta erit, *l. si rem. §. omnis. D. de pig. actio.* Vnde et si debitor maximam debiti partem soluerit, tamen in id, quod adhuc residuum est, solidum pignus tenetur creditori, *l. quamdiu. sup. de distr. pign.* Proinde & singulis heredibus solidum tenebitur, quantumcunq; id erit, quod ex obligatione principali his debebitur. Non enim ex persona heredum immutatur conditio obligationis, *l. 2. §. ex his. D. de verb. oblig.* De heredibus ꝑ debitoris hæc sententia est, *l. vlt. hic.* diuidi inter eos personalem obligationem, vt singuli actione personali hereditaria pro portionibus hereditariis tantum teneantur: sic tamen, vt semper teneatur. Diuersam esse causam hypothecariæ actionis. hac actione neq; eos semper teneri, neq; in solidum, sed quatenus possideant res pignori obligatas. nam & defunctus, cui successerunt, isto modo tenebatur. Hanc dissimilitudinem iuris facit natura & conditio actionis hypothecariæ. Hæc in rem est, *l. pignoris. sup. de pig. & vt explicatur in l. vlt. rem pignoratam sequitur & propter rem eius rei possessoræ, id est, aduersus eos solum competit, qui possident, aut dolo malo desierunt possidere. l. si fundus, §. in vindicatione. D. de pign.* quæ conditio est omnium actionum in rem, *l. actionum. D. de obl. & act.* Hinc fit, vt si heres debitoris nullam rem pignori obligatam possidet, neq; dolo malo desit possidere, nullo modo teneatur hac actione. Cõtra autem, si quid possideat, eatenus in solidum teneatur, non pro parte hereditaria, quia solidum pignus possidet, non partem. Quid ergo si vnus ex heredibus, qui pignus totum possidet, offerat partem hereditariam eius, quod debet? Nullo modo pignus liberat, *l. 1. sup. tit. prox. l. vnus. sup. de distr. pig.* Quo fit, vt solidum pignus restituere debeat, nisi solidum, quod debetur, paratus sit soluere, vt in *l. vlt.* dicitur. Neq; quicquam dicat iniquum esse, cogi vnum ex heredibus solidum soluere, cum partem tantum debuisset. Non cogitur id facere, si velit, est enim in eius potestate pignus restituere, sed si pignus retinere vult, alterum facere cogitur, *l. si fundus, §. in vindicatione. D. de pign.* Quid, si heres velit creditori tantum soluere, quanti pignus valet? traditur in *l. vlt. ne sic quidem audiendum eum esse, hoc enim, quod dicitur teneri eum non pro modo singularum rerum substantiæ: quo significatur non teneri, quanti singulæ res substantia sua valent. Exempli gratia, centum debentur creditori, fundus in eam summam obligatus est. Defuncto debitore, vnus ex heredibus possidet eum fundum, qui valet tantum sexaginta. dicimus nihil agere heredem, si ad retinendum hunc fundum illa sexaginta offerat. Nempe hac res reddit, aut solidum quod debetur, soluere debet, aut fundo cedere, *leg. si inter. §. vlt. D. de pign.**

AD TITVLVM XXXIII. COD.

SI PIGNORIS CONVENTIONEM
numeratio pecuniæ secuta
non sit.

SYMMARIA.

- 1 Occasio tituli, & sententia.
- 2 Cautio chirographum. cur.
- 3 Debitori eidemque domino ad repetitionem pignori duplicem actionem esse, in rem, & pignoratitiam, neque priore posteriore impediri.
- 4 Condicere rem suam neminem posse, præterquam à fure, quomodo accipiendum.
- 5 In actione in rem quarum rerum intentio & probatio ab actore exigatur, & quomodo probentur debitori pignus à se datum repetenti hac actione.
- 6 Intentio dati pignoris & pecunia non reddita non aliter tenet, quam si de fide debiti constiterit: quid sit in l. 1.

NON ꝑ male subiicitur hic titulus proximis superioribus. Dimixtus sub titulo de luitone pignoris, pignus liberati, si debitor id luat: nempe id, quod debitum est, soluendo. Huius tituli hæc sententia est, non esse tunc necesse pecuniam soluere & pignus luere, cum reus pecuniam non accepit, ideo si spe futuræ numerationis debitor cautionem emisisset, qui fateatur sibi de eam mutua numerata esse, & pignus in eam summam dederit, si postea pecuniam non accepit, non impediatur eum mendaci scriptura,

quominus rem à se pignori datam sine alia solutione pecuniæ repetat. Cautio ꝑ hic appellatur chirographum, vt alibi sepe, quia 2 chirographo aduersus periculum inopie probationis creditori cauetur. *l. qui tabulas. D. de sur. l. emtor. §. vlt. D. de pact. leg. 3. l. aduersus. & pane toro tit. sup. de non. num. pec.* Significatur hæc sententia in *l. vlt. hic.* Quæ posita, hæc quæ sita sunt. Primum, quæ actione possit debitor pignus à se datum repetere.

Hic ꝑ scriptum est in *l. 1.* posse eum in rem experiri, id est, aut 3 rem iure ciuili vindicare tãquam suam, aut vindicare pretorio iure Publiciana actione tanquam rem à se bona fide possessam, *l. in rem. D. de re vind. §. namque. Inst. de act.* Non est cõtrarium, quod legimus in *leg. solutum. §. 1. D. de pign. act.* in hanc rem competere debitori pignoratitiam actionem. Nam vtraque actio debitori in eam rem competit, licetq; ei, vtra velit, experiri, neq; impeditur regula iuris, ꝑ qua traditur neminem condicere rem suam posse, præterquam à fure, id est, neminem de re sua in personam agere posse, 4 præterquam cum fure, *§. sic itaque. Inst. de act.* Hoc enim sic accipiendum est, si quis rem suam tanquam suam condicat: alioqui tanquam à se pignoratam, tanquam depositam, tanquam commodatam nemo prohibetur condicere, quia qui his modis condicit, non condicit tanquam suam, condiceret enim eo modo, et si res aliena ab eo pignoratam, commodatam, depositam esset. Deinde quæ situm est, quid debitor in rem agendo intendere, & probare debeat. Hic in *l. 1.* duo exiguntur dumtaxat: vt debitor dicat sibi pecuniam numeratam non esse, quam sibi numeratam scripsit, & præterea se pignus dedisse, sed de hoc posteriore solum probatio exigitur, & recte. Prius ideo non probat, quia negat, & factum negantis per rerum naturam nulla probatio est. *l. offeneratio sup. de non. num. pecun. l. actor. sup. de probat.* Posterius probat, quia dicit & intendit, & quod quicq; dicit, probare debet, *l. 2. in exceptionibus. D. de probat.*

Sed videamus, ꝑ ne huic responso aduersatur natura actionis 5 in rem. Nam hæc actio hic non competit, nisi domino, aut bonæ fidei possessori. quo fit, vt qui hac actione agit, alterutrum intendere debeat, aut se dominum esse, aut se bona fide emisisse, vel ex alia iusta causa accepisse. Eadem actio non datur, nisi aduersus eum, qui possidet aut dolo desit possidere, vt hoc quoq; non tantum intendere oporteat, sed etiam probare, vt is, cum quo agitur hac actione teneatur, *l. qui petitori. D. de re vind.* Quæ si ita sunt, verum non videtur, nihil amplius exigendum à debitore, qui de pignore in rem agit, quam vt probet pignus à se datum, quod tamen hoc rescripto significatur. Sed & priora vera, & verum nihilominus hoc etiam posterius. Debet in proposito intendere debitor superiora omnia, quæ natura vindicationis exigunt: nempe & rem esse in bonis, & eum, cum quo agit, possidere, aut dolo malo possidere desisse, & quia intendit, etiam probare illum oportet. Sed ad ea probanda hoc vnum sufficit, si probet pignus à se datum: vt merito vnus huius rei exigatur hoc rescripto probatio, quæ superiora omnia cõtinet. Nam quod attinet ad ius petitoris, quo rem suam, aut in bonis suis esse dicit, satis probatur aduersarij cõfessione, qui rem sibi pignoris titulo defendit. Qui enim pignus sibi datum intendit, vi ipsa hoc dicit, rem fuisse in bonis debitoris, quia alioqui pignus non esset, *l. que prædium, sup. alien. res. l. & que nondum, §. quod dicitur. D. de pign.* Quod attinet ad possessionem, hæc satis probatur hoc ipso, quod probatur pignus sine causa illi datum esse. Nam si adhuc possidet, expressum est: si non possidet, desit possidere dolo. Cum enim sciret re sine causa à se teneri, statim restituere debuit, quod si non fecit, dolo fecit. Alterum autem satis est, vt quis rei vindicatione teneatur, si vel possidet, vel dolo desit possidere, dolo pro possessore est, *l. parem, l. qui dolo. D. de regul. iur.* Recte igitur statuunt Imperatores in proposito sic debitorem actione in rem experiri posse, vt nihil amplius probare debeat, quam pignus à se datum, vbi intendat pecuniam sibi numeratam non esse. Sed quæritur, an non agentis obster exceptio & defensio creditoris, qua sibi pignus datum esse intendit, & pecuniam, quæ ipsi in chirographum deducta est, sibi redditam non esse. Videtur vero iusta hæc esse defensio ad remouendum petitorum. Nam si creditor pignus non possideret, vltro haberet actionem ad id persequendum, *l. pignoris, sup. de pig. l. item Seruiana. Inst. de act.* Ergo si possidebit pignus, multo magis exceptionem habebit ad id retinendum, iuxta regulam iuris, *leg. in iuris. §. 1. D. de reg.* Hic ꝑ occupantur Imperatores in *dic. leg. 1.* & addunt ad depulsionem huius obiectionis, *hanc intentionem dati pignoris & pecunie non reddita non tenere, nisi prius de fide debiti constiterit.* Intentionem vocant, vt recte Accursius interpretatur, exceptionem,

qua creditor vitur ad pignus retinendum. Nā vt reus in exceptione actor est, sic eius exceptio intentio est, *in exceptionib. D. de prob.* Dicunt intentionem non tenere: vt sit sententia, non tenere debitorem agentem. Dicitur autem actio & intentio tenere aduersarium, quæ aduersarium constringit, & cogit ei intentioni stare. *L. quæsitum, in pr. D. de pecul.* Quod dicunt hanc intentionem non tenere, nisi prius de fide debiti constiterit, occupatio est illa, quam dixi, quæ hanc sententiam habet, quasi ita scriptum esset? Potest quidem creditor illa intentione, seu defensione vti, quam diximus, quæ hanc significationem habet: qui pignus vindicare potuit, multo magis potest possessum retinere. Sed hoc ita est, si vere sit pignus. Non autem in proposito pignus non constitit. Nam sine principali obligatione pignus nullum esse potest, *leg. res hypotheca. D. de pign.* Hic autem nulla est obligatio principalis, vbi pecunia, quam debitor scripsit numeratam esse, non est numerata. Certe non constat numeratam, nisi prius de fide numerationis constiterit probatione creditoris. Quare priusquam ille hoc probauerit, exceptio pignoris agenti non obstat, vbi pignus nullum est, hoc loco occurritur Imperatoribus. Esto enim, probatio debiti exigatur à creditore, at hoc modo res illi expedita est, nam debitum latis probat chirographo debitoris, quo is proficitur sibi decem mutua esse numerata. Ita enim est, vt qui quid scripsit, confessioni suæ stare debeat. *L. cum de indebito, in fin. D. de prob. l. generaliter. sup. de non numer. pec.* Sed hoc ius in pecunia mutua locum non habet: in qua confessio pecuniæ numeratæ fidem non facit, vt proinde cogatur creditor hoc amplius probare, pecuniā à se numeratam, *leg. 3. sup. de non numer. pec.* quam ad rem prodita est reo in hac specie exceptio non numeratæ pecuniæ, *l. aduersus. sup. de non numer. pec.* Hæc vero est illa probatio debiti, quæ hoc loco à creditore exigitur. Si tunc, cum creditor pignus possidet, quod à debitore repetitur, agenti debitori cautio eius, seu chirographum mendax non nocet, sed nihilominus creditor pecuniam à se numeratam probare debet, multo magis id probare debet, si pignus à debitore possessum vindicabit. Est enim maius onus petitoris, quam rei, *leg. fauorabiliores. D. de regul. iur.* Ita si creditori reo hoc onus imponitur: multo magis imponetur pignus perfecti, quæ sententia est *L. vltim. hic.*

AD TITVLVM XXXIV. COD. DE IURE DOMINII IMPETRANDO.

S Y M M A R I A,

- 1 Ius creditoris in pignore, vt aut distrahat, aut nemine ad emtorem accedente ius dominij à principe impetret.
- 2 Impetrationem dominij qua præcedere debeant.
- 3 Forma in dominio impetrando obseruanda.
- 4 Impetrati dominij effectus.
- 5 L. vltim. C. de iur. dom. imp. ius vetus distrahendi pignoris non mutari.

Pertinet hic † titulus ad ius creditoris in pignore. Id ius summum esse diximus, vt distrahere liceret, *leg. si cessante, sup. de distr. pignor.* Neque vero quidquam amplius creditori conceditur in dominio pignoris. Itaque pignus sibi frustra addicit: frustra per interpositam personam emit, *leg. & qui sub. sup. de distr. pign.* Si tamen pignus expositum emtorem non reperiat, consultum est creditori, vt rem dominij iure ei possidere liceat. Id ius impetratur à principe ad eum modum, qui hic præscriptus est in *leg. vlt. h. od. titul.* Quam ita commodissime intelligemus, si in hac impetratione hæc ordine spectentur, primum ea, quæ hanc interpretationem præcedunt, deinde ipsa interpretatio, postremo, quæ hanc sequuntur. Quæ præcedere † debeant, hæc sunt. Primum, vt creditor denunciaret debitori, vt soluat, alioquin fore, vt ius pignoris exsequatur. Et hoc, si debitor non negabit se debere, quod si negabit, creditor iudicio aduersus eum experiri debet, & efficere, vt condemnetur. Secundum est, vt post hanc denuntiationem, aut sententiam acceptam totum biennium cesset debitor. Tertium, vt biennio exacto creditor pignus venum exponat. Quartum, vt exposito pignore emtorem non reperiat, cum qua parte congruit *l. debitor. D. ad Treb.* Quintum, vt ad extremum creditor iterum præsentem debitori denuntiet, vt soluat. Sin aberit, curet, vt magistratum adeat, qui absentem per spariorem tempus præstituat, intra quod adsit, & pecuniam offerat.

His † peractis rebus, recte perueniet creditor ad dominij impetrationem. In quo impetrando hæc forma obseruatur, vt creditor precibus, principi oblati petat sibi pignus dominij iure possidere licere. quo facto, rescripto principis id impetrat. Quod de precibus hic dicitur, monendi sumus hæc esse, quæ his precibus creditor completi debeat: nempe & nomina debitorum, & declarare se solemniter peregrisse, de quibus diximus, sumum ex *l. i. h. r.* Ex eadem lege intelligimus creditorem non debere generaliter petere, vt sibi vniuersa bona debitoris addicantur, sed nominatim res certæ, vt de his venum expositis constare possit, deque earum æstimatione, ne plus cõsequatur creditor, quæ ei debetur.

Impetrationem † sequitur huius effectus. est autem hic in §. 4. *fin. autem tempore.* vt post impetrationem debitori nihilominus aliquid iuris relinquatur in eam rem. Ac primum intra biennium ex quo ius dominij impetratum est, sit potestas debitori rei suæ recuperandæ, si modo debitum offerat cum vsuris, & omni damno, quod ex eius frustratione offerat passus est. Hoc ius singulare esse notandum est. Nam postquam creditor dominus esse cepit, postulabat ius dominij, vt res ei inuito auocari non posset, quantumlibet ei debitum offerretur, *l. non est. sup. de resc. vend. l. id quod nostrum. D. de reg. iur. l. penult. sup. si anq. cred.* Et ideo bene hic dictum est, hoc ius humanitatis causa debitori tributum. Vsuræ, de quibus hic dicitur, hæc erunt, quæ frequentantur in regione, vbi res agitur: dummodo non excedant modum constitutum, *l. r. D. de vsur. l. eos. §. 1. sup. de vsur.* De damno quod diximus, si erit controuersia, de eo iuranti creditori fides habebitur, *d. §. fin. autem tempore. in fin.* Biennio post impetrationem dominij peracto ius dominij creditori omni ex parte confirmatur. Sed tamen etiam tunc hoc relinquatur, de quo & agat ipse, & item debitor, vt siue ex ea re creditor minus consecutus sit, quam ei debetur, siue plus, id quo minus consecutus est, repetere possit veteri actione à debitore, *§. sed siquidem.* quod est amplius, id cogatur debitori reddere, *§. fin. autem minus.* At qua actione? Nam debitor dominus rei esse desinit, & Iustinianus hoc casu omnia debitori iura integra hac ipsa lege seruari ibidem iubet: vt intelligere quis possit hoc casu etiam in rem actionem debitori competere, vt prius. Sed idem Iustinianus ibidem etiam post hanc quæstionem emergentem vocat creditorem dominum. Melius est igitur, ne hic pugnantia inducantur, sic locum accipere, vt omnia iura debitori integra seruentur, non in rem, cuius dominium iam confirmatum est creditori, sed ad hoc, vt quod amplius in pignore est, quam debuit, id à creditore consequatur: verum tamen propriis actionibus. Quæ actio: ne igitur? non rei vindicatione, quæ ei non competit, qui dominus esse desinit, sed conditione ex lege, quæ hac lege noua constituta in eam rem intelligitur, *l. 1. D. de condit. ex leg.* Cauet tamē Iustinianus, vt in eam summam, quæ excedit debitum, res, cuius dominium impetratum est, pignori sit vel ipsi debitori, vel eius creditoribus, quibus ipse prius eam rem obligauerat. Quod si sit controuersia, quanti valeat pignus ultra quam creditori debetur, vt hoc ab eo reddatur, de eo sic constituit, vt inter sit, verum eam rem apud se retineat creditor an vendat. Si sibi retinet, tanti res æstimatur, quanti reuera est. Quod si de eo dubitetur, iudicis erit cognitio & æstimatio, *ver. vlt.* Sin creditor eam rem vendat, non plus consequi intelligitur, quam quanti vendit, & si forte minoris vendiderit, quam quanti valet, non erit ei fraudi: dummodo iuret nihil dolo malo à se factum esse, vt minoris iusto venderet, *§. fin. autem dubitatio.* Hactenus constitutio. Sed † meminerimus huic locum esse, cum dominij ius impetrare vult creditor in pignore, ad ius autem distrahendi pignoris non pertinet, de quo dixi *ad l. 4. & seqq. sup. de distr. pig.*

AD TITVLVM XXXV. COD. DE PACTIS PIGNORVM, ET LEGE commissoriam in pignoribus rescindenda.

Ad L. 1.

Imper. Alexand. A. Victorino.

Qui pactus est, nisi intra certum tempus pecuniam, quam mutuat accepit, solueret, cessurum se creditoribus, hypotheca vendi-

venditionem non contraxit: sed id comprehendit, quod iure suo creditor in adipiscendo pignore habiturus erat. Communi itaque iure creditor hypothecam vendere debet. PP. Id. Octob. Alexandro A. Cof. 223.

Creditor pactus est, si intra certum tempus pecuniam non solueret, se creditoribus cessurum hypothecæ venditionem. Quæsitum est, an pecunia sua die non soluta intelligatur pignus creditori venditum esse ex supra scripta conventionione. Respondet Alexander non eam vim esse superioris conventionionis. Pactus est enim debitor se cessurum hypothecæ venditionem, id est, potestatem & ius hypothecam vendendi. Proinde nihil amplius ex conventionione habiturum creditorem, quam ut iure communi hypothecam vendat. Potest & rescriptum sic accipi, quasi quæsitum sit, an et si tantum potestas tribuatur creditori ex superiore conventionione hypothecam vendendi, tamen conventionio servari debeat. Mouet, quod lex commissoria in pignoribus repudiata est.

Videri autem potest hæc conventionio legi commissoriæ similis. Etenim lex commissoria in pignoribus est, ut res sit vendita creditori pœnæ causa, si sua die pecunia soluta non erit. Hac vero conventionione efficitur, ut res vendatur, si minus creditori, at certe alij. Respondet Alexander, conventionionem hanc valere, neque enim esse legi commissoriæ similem, quoniam ex lege commissoria venditio contrahatur cum creditore pro ea pecunia, quæ debetur, hac autem conventionione debitor venditionem non contrahit, neque cum creditore, neque cum villo alio: sed tantum id tribuit creditori, quod ipse etiam sine conventionione esset habiturus, nempe vendendi potestatem. Ex quo recte colligit, eum iure communi recte pignus vendere posse. Potest etiam locus sic accipi verbis non repugnantibus, quasi dicat Imperator, conventionionem hanc qua debitor paciscitur, se pecunia non soluta cessurum hypothecæ vendendæ potestatem, esse inutilem, quia sit superuacua, nam etiam sine conventionione ius idem creditor esset habiturus. Quod verum esse docuimus ad leg. 4. & seqq. sup. de distr. pign. Hac postrema sententia exprimitur illud, quod indicatur in l. Cornelius. D. de hered. instit. adiectionem omnem superuacua esse eius rei, quæ et si adiecta non esset, intelligeretur tamen.

Ad L. Si fundi nomine. 2.

Impp. Dioclet. & Maximian. AA. & CC.
Dionysio.

Si fundi nomine, quem vendideras, emtori ab alio mota proprietatis questione alterum fundum pro eius evictione pignoris hypothecæ nomine emtionis instrumentis ea lege dedisti, ut quem secundo tradideras, si is, quem vendideras, evictus non fuerit, obtineas: de hoc contra eum, qui mouerit questionem lata sententia: emtori parata securitate circa eum, quem obligaveras, restituendum: conventionionis fidem impleri (si negotium integrum est) præses iubebit. S. Calend. Decembr. Sirmij, AA. Cof.

Sententia hæc est, cum pignus sub conditione datum est, deficiente conditione pignus nec datum videri, eoq; & de pignore competere pignoratitiam actionem quod pene totidem verbis comprehensum est in l. solutum. §. 1. D. de pign. actio. Rescriptum id hoc loco ex facto in hac specie, cum fundus creditori obligatus esset hac conditione, si alius fundus venditus evictus esset, & constitit eum fundum evictum non esse. Ergo quod quæsitum est hoc loco, erit in hanc rem de pignore recipiendo pignoratitia actio. Quæ actio, quia certa est & vulgaris, ideo præscriptis verbis actioni in proposito locus non est, si ius vetus sequamur. l. 1. 2. & 3. de præscr. verb.

Ad L. Vlt.

Imperat. Constantinus A. ad populum.

Quoniam inter alias captiones præcipue commissoriæ pignorum legis crescit asperitas, placet infirmari eam, & in po-

sterum omnem eius memoriam aboleri. Si quis igitur tali contractu laborat, hac sanctione respiret, quæ cum præteritis præsentia quoq; repellit, & futura prohibet. Creditores enim reamissa iubemus recuperare quod dederunt. Data 2. Cal. Febr. Serdica, Constant. A. VII. & Constant. o. Casare Cof. 354.

S V M M A R I A.

- 1 Lex in conventionibus, quid.
- 2 Commissoria, quid.
- 3 Lex commissoria in emtione, quæ.
- 4 Lex commissoria in pignoribus, quæ: & cur improbatæ.
- 5 Legem commissoriam in emtione ne nunc quidem improbari, aut improbatam antea: & cur aliter in pignoribus.
- 6 Legem commissoriam in pignore nusquam alibi admissam proponi, & de locis in speciem contrariis responsum.

Cetera pacta in pignore dando recipiuntur. Improbatur id solum, quod hic dicitur lex commissoria in pignore, de qua dicemus hoc ordine: Quid sit lex commissoria, & unde dicatur: Quid sit causæ, cur lex commissoria in pignore improbetur, nõ in emtione: Quibus conditionibus improbetur, & qui loci in iure hanc legem admittere videantur. Lex in conventionibus traditur conventionio non quævis, sed conventionio traditioni rei nostræ adiecta, aut conventionio, qua in re nostra tradenda convenit, ut qui accepit, aliquid faceret, aut non faceret, quasi dicas, traditionis rei nostræ temperamentum quoddam, l. legem, sup. de pactis, ea lege, sup. de condict. ob cau. dat. leg. 1. l. 3. l. servus ea lege. D. de ser. expor. quam vim huic verbo subesse, & unde sit ducta, ostendit ad d. legem, sup. de pactis.

Commissoria traditur à committendo. Dicitur autem res quæq; committi alicui, cum domino rei suæ dominio excidente dominium alteri acquiritur, ut sic res dicatur alteri commissæ, quasi dicas ita ei traditam, ut incipiat in eius iure & potestate esse. deniq; sic commissam alteri, ut is pro suo arbitratu de ea re possit statuere. Id intelligere possumus in iis mercibus, quæ ob delictum fraudati vetergalis dicuntur in commissum cadere, id est, in pœnam commissi. l. inter dum, D. de publ. Nam hic in commissum mercem cadere dicuntur, quæ committuntur fisco, & dicuntur fisco committi, quæ veteribus dominis ademta fisco vindicantur, quasi dicas, fisco traduntur, ut sint iam in eius potestate, l. commissæ, D. de Publicia, quam verbi significationem & originem confirmari pluribus ad l. 4. §. Cato. D. de verb. obl.

Hinc tradita est lex commissoria in emtione. Est enim hæc lex, cum in conventionione ita convenit, ut pretium certa die solueretur, & nisi solutum esset, res esset inemta, id est, emtor dominio eius rei excideret, res ad venditorem veterem dominum reverteretur, l. 2. D. de leg. com. Qua conventionione apparet, rem emtori ademtam venditori committi, id est, quasi tradi & addici, ut is de ea pro suo iure statuat. Hoc exemplo tradita est hoc loco lex commissoria in pignore, cum creditor pecuniam credit ea lege, id est, eo pacto & conditione, ut pecunia certa die sibi reddatur, si ea die soluta non erit, ut pignus, quod eo nomine obligatum est, suum fiat pro pecunia credita, & quod iam læpe diximus, ei committatur pignus pœnæ causa ob id, quia pecunia sua die soluta non sit. Hæc est lex, seu conventionio traditioni pecuniæ & pignoris adiecta, quæ hac lege improbatæ. Non recte improbatæ, dixerit aliquis, quoniam si nõ læditur hac conventionione debitor, nulla causa est eius improbandæ. Sed et si lædatur, tamen ideo conventionio servanda est, quia licet vnicuiq; de re sua pacisci: licet etiam vnicuique paciscendo deteriore conditionem suam facere. l. iuris gentium §. si paciscar. leg. pactum. D. de pact. l. pen. sup. de pact. Et improbandi ratio est, quod non omnia pacta de re priuata valent, sed ea, quæ neq; dolo malo facta sint, neq; contra bonos mores, cetera contra, l. iuris gentium, §. ait, D. de pact. l. pact. quæ contra sup. de pact. Hæc autem lex, de qua agitur, ex hoc genere est, est enim contra bonos mores. Et probabile est, non hac constitutione Constantini primam hanc legem improbandam esse, sed etiam displicuisse veteribus, tantum pœna aucta est, & ius æperius constitutum hac constitutione, cum aut veteres in eo variarent sententiis, aut ab his ita conventionio acciperetur, ut reciperetur per conventionionem. Est autem contra bonos mores, quia inuitat creditorem ad delinquendum & fraudandum eos, qui non consentiunt, quod genus totum improbari constat l. 5. D. de pact. dot. Inuitamentum ad

fraudandum huiusmodi est. nam si impune licebit creditori hoc pacisci, semper hanc legem in pecunia credenda adicient creditores, & res ad se quam minimo transferent, debitores autem necessitate pecuniæ accipiendæ constructi & hanc legem & alia quamuis facile suscipiant, ut sibi pecunia potiri liceat. Hæc lex nominatim improbat in pignore. Vnde ¶ intelligimus legem commissoriam in emtione etiam nunc manere. Id enim manere necesse est, quod sublatum non probatur, *l. precipimus, in fi. supr. de appell.* Et merito lex commissoria in emtione non item improbat, ut in pignore. Altera enim iniusta est, altera iusta. Lex commissoria in pignore dominium veteri domino auferit. Lex commissoria in emtione dominium veteri domino conferuat, nempe venditori. Lex commissoria in pignore pignus addit creditori pro minima pecunia interdum, quæ credita est. Lex commissoria in emtione re venditori suo additiuio petio, certe eo, quod ab emtore prius profectum erat, de quo ille queri non debet. Postremo lex commissoria in pignore addicitur non contentiente debitore, qui necesse habet propter inopiam pecuniã accipere. Lex autem commissoria in emtione nulla necessitate adicitur, quia nemo cogitur emere. Non est igitur mirandum, si in emtione recepta, in pignore improbetur. Neq; vero credibile est vnquam constitutione. Constantini in emtione legem commissoriam repudiatam fuisse. Etsi enim hæc constitutio in Codice Theodof. indefinite legatur scripta de lege commissoria: tamen ex adiunctis constitutionis apparet Constantinum sensisse de lege commissoria in pignoribus. Primum, quia nominat acerbitatem huius legis commissoriæ, quæ acerbitas huius legis nulla est in emtione. Deinde iubet creditores accipere, quod dederunt, quæ verba ad venditorem non pertinent, sed ad eum, qui mutuum pecuniam credidit. Vt cumque est, semper illud constat legem superiorem improbari saltem in pignore hac constitutione.

6 Sed videndum est, ¶ ne qui loci huic constitutioni aduersentur. Ex quo genere pleriq; esse videri possunt. Primum recipitur hæc venditio, si debitor pecunia accepta, & dato pignore, simpliciter postea pignus det creditori in solutum, *l. cum dominam, sup. de pig. l. Titius, D. de pign. act.* Quidni igitur & ab initio in pignore dando pignoris quoq; venditio recte contrahatur sub conditione, si pecunia soluta non erit? Sed longe dissimilia hæc sunt. Nam hac venditione ab initio interposita fraudatur debitor, qui necesse habuit eam interponere, cum creditor alia lege pecuniam non daret. Postea autem si debitor rem vendit pro pecunia vendita, volens rem vendit, non coactus, *l. nec emere, supr. de iur. delib.* Nemo autem videtur fraudare eos, qui sciunt & consentiunt, *l. nemo videtur, D. de reg. iur.* Immo, dicet aliquis, etsi venditio pignoris contracta erit ab initio sub hac conditione, si pecunia soluta non erit, venditio recte contrahetur. Sic enim recte contrahi placet, ut pecunia sua die non soluta, res creditori emta sit iusto pretio tunc æstimanda, *l. si fundus, §. ult. D. de pign.* Sed multum interest, vtrum conuenerit, ut res creditori emta esset pro pecunia credita, an vero emta esset iusto pretio. Nam hoc casu posteriore nulla iniuria fit debitori, si iustum pretium accipit. Postremo obiicitur *l. ult. D. de con. emt.* vbi ipsissima lex commissoria, de qua diximus, admitti videtur. Recipitur enim hæc conuentio, fideiussor, qui creditori debitoris datus est, habeat pignus creditori datum sibi emtum, si pecuniam nomine debitoris creditori soluerit, & habeat tantum pro pecunia creditori soluta, id est, debitori credita. Respondet: Lex commissoria in pignoribus improbat, quæ rem addit ipsi creditori non etiam quæ rem addit vel fideiussori, vel alij, qui pecuniam non credit. Differentiæ ratio est, quod creditori adicere hanc legem cogitur debitor, qui aliter pecuniam non accipere a creditore: alij adicere non cogitur, quoniam ab eo pecuniam non accipit. Iam autem dixi neminem fraudari, qui sciat & consentiat non coactus.

AD TITVLVM XXXVI. COD.

DE EXCEPTIONIBVS, SEV PRÆ-
SCRIPTIONIBVS.

S V M M A R I A.

- 1 Liberationum summa diuisio.
Ipso iure liberari, quid, & quid per exceptionem, id id.
- 2 Exceptionem ad liberationem initio opponi debere: & illud Pauli quid

fit, in stipulationibus ius, in pactis factum versari. *l. si vnus, §. pactus, D. de pact. & num. 10.*

- 3 Exceptio quid?
- 4 Exceptionis vis ad liberandum, & huius vis ratio, & num. 6.
- 5 Nullam esse exceptionem, nisi quæ actioni prius iure summo constituta opponatur.
- 6 Iusta petitio, & iniqua apud Iustinianum quid distent.
- 7 Exceptiones facti, quæ vulgo dicuntur, exceptiones non esse.
- 8 Intendere, ut entio, quid, & vnde translata appellatio.
- 9 In condemnationem quid deducere, quid sit in leg. 2. D. de excep. Eximere condemnationem, minuere condemnationem, de quibus exceptionibus dictum. *ibid.*
- 10 Exceptionis visus, ut in lite contestanda opponatur actori: hinc illa verba, opponere obicere exceptionem, exceptionem actori occurrere.
- 11 Exceptio vnde sic dicta, & cur dicta conditio.
- 12 Exceptiones temporales, aut perpetuas esse, & quid horum vtrumque.
- 13 Temporalium exceptionum genera, & causæ.
- 14 Perpetuarum exceptionum species & causæ.
- 15 Prescriptionem nihil aliud esse, quam exceptionem, & vnde huius appellationis origo.
- 16 Prescribere alicui idem esse, quod prescribere, seu exceptione vti aduersus aliqueum: & errare eos, qui prescribere putant idem esse, quod tempore acquirere, prescriptionem longi temporis esse acquisitionem, quæ longo tempore contingat.

Cum propositum sit deinceps de liberationum generibus agere, & de stipulatione, sine qua non sit recte nouatio & acceptilatio: non inepte factum videtur, ut coniungeretur hic tractatus de exceptionibus. Est enim exceptio species liberationis. Et quoniam minus hoc modo debitores liberatur, quam cum liberantur ipso iure, in eo etiam factum videri potest, ut hic tractatus pramitteretur iis causis, quibus ipso iure obligatio tollitur. Id quale sit, intelligitur ex diuisione liberationis.

Ergo ¶ liberantur debitores iure omnium obligationum communi partim ipso iure, partim per exceptionem, *l. qui seruus, §. 1. D. de obl. & act. l. cum quis, 38. §. 1. l. qui decem, 72. D. de sol.* Ipso iure, cum ipso solum iure, puta verbis ipsis legis sine alio suo facto quis liberatur. quod quibus modis fiat, dicitur opportunus, infra ad tit. de nouar. Per exceptionem, cum subtilitate iuris, id est, verbis ipsis manente obligatione, reus equitare aliqua defensionis se tuetur: quæ defensio actioni opposita dicitur exceptio. *Inst. de excep. in pr. & deinceps. l. si quis cum, 36. de verb. obl.* Valet interdum ipso iure idem, quod iure civili, non prætorio, de qua significatione horum verborum in vsu iuris scripsi pluribus ad §. actiones autem. *Inst. de act.* Hic ipsum ius exceptionis oppositum idem valet, quod ius solum. Estq; omnino superioris distinctionis hæc sententia. Tollitur obligatio & actio ipso iure, id est, solo ita, ut ad omnem defensionem in lite contestanda sufficiat reo negare se debere. Perimitur per exceptionem, cum necesse est, ut fateatur se adhuc iure civili debere, sed aduersus intentionem iure civili comparatam opponere debet defensionem, quæ actionem excludat: quæ, ut dixi, defensio exceptio appellatur. *Inst. de excep. in pr. & deinceps.* Ita fit, ut defensio exceptionis sit in facto rei posita ad eius liberationem. Hoc est, ¶ quod Paulus scribit in *l. si vnus, §. pactus, D. de pact.* in stipulationibus ad liberandum reum ius, in pactis autem factum versari. Non significat, ut vulgo ea sententia accipitur, pacta iure non valere ad liberationem, sed tantum factum nudum habere. Nam reuera pactum prodest ad liberationem non minus, quam stipulatio Aquiliana. *l. 5. sup. de pact.* Sed inter vtrumque hoc interesse significat Paulus, quod stipulationes & liberationes iuris ciuilis ius continent, id est, iure ipso debitorem liberant & actionem perimunt, pacta autem factum debitoris continent ad liberationem, id est, ita debitorem liberant, si ipse in iudicio exceptionem opponat, & eo facto se tueatur aduersus intentionem, de quo scripsi plura ad *d. l. s. sup. de pact.*

Hæc diuisione constituta, res eo redit, ut si nouerimus, quid sit exceptio, & quibus ex causis exceptiones de re quaq; nascantur, siue quot genera sint exceptionum, eadem opera quibus modis quisq; per exceptionem liberetur, intelligamus, quæ nunc breuiter subiiciam. Exceptio ¶ sic definitur ab Vlp. in *l. 2. de excep.* quasi quædam exclusio, quæ actioni cuiusq; rei opponi solet ad excludendum id quod in intentionem condemnationemve deductum est. Aliis verbis, sed prope eadem sententia sic definitur a Paulo in *l. exceptio, 22. D. eod.* ut sit conditio, quæ modo eximit ream damna-

damnatione, modo minuit damnationem. Definitiones sunt illa ab effectu exceptionis, & utendi modo, hæc etiam à conceptione.

- 4 Effectus þ hic est. Exceptio exclusio est actionis. Hinc intelligimus, tamen si debitor qui exceptionem habet iure comparatam actione veteri iure civili teneatur, tamen opposita exceptio id eum cõsequi, vt non magis teneatur, quam si aduersus eum nulla esset actio ad quod demonstrandum pertinent exempla tit. *Inst. de excep.* Atq; hinc nata regula iuris, nihil interesse, vtrum quis actionem non habeat, an ea per exceptionem infirmetur, *l. nihil interesse. D. de reg. iur.* Ex eadem vi nata verba rei cõuenientia, repell, remoueri, submoueri, excludi, infirmari actionem exceptione, seu ope exceptionis, quæ legenti passim in hoc argumento occurrer. Non est þ exceptio quæuis exclusio, sed exclusio actionis: ex quo intelligimus nulli competere exceptionem, nisi sub sit actio iure civili constituta, qua is teneatur: vt persecutio quidem iusta aduersus eum, cum quo agitur, vt loquitur Iustin. *Inst. de excep. in pr. & deinceps.* Iustam vocat, þ quæ iure nititur & consistit, inquam, ex qua non sit æquum debitorem condemnari, postulante id legis sententia. Et vero hac de causa recte constituitur, ne actio legitima noceat, quæ iure tantum summo noceat. Neque enim ius summum dicendum ius est, nisi abusiue. Vnde ius definitur ars non summi iuris & verborum, sed æqui & boni, *l. 4. D. de iust. & iur.* Quod þ si ita est, apparet errare vulgo interpretes, qui cuderunt nobis eas exceptiones, quas appellant facti, id est, eas allegationes, quibus ostenditur actionem ipso iure sublatam esse veluti cum debitor solutionem allegat. Atqui non est exceptio, quæ actionem præcedentem non excludit. Solutionis autem allegatio non potest actionem præcedentem excludere, cum actio post solutionem nulla esse cõperit. Explicat autem Ulpianus qualis sit hæc exclusio, quæ obicitur. Ad excludendum inquit, id, quod in intentionem condemnationemue deductum est. In intentionem, id est, in petitionem. Intendere þ est contendere aliquid ab aliquo, vt nobis præster, vel affirmare aliquid, quo ab alio quid peramus, *§. 1. Inst. de act.* Hinc intentio omnis affirmatio, qua aliquid ab aliquo petimus. *l. si quis intentione. D. de iud. l. vindicantem. D. de euic. l. in exceptionibus. D. de prob.* Significatio trãslata à sagittariis, qui arcum intendunt in rem aliquam, vt eam petant, quod facit omnis, qui iudicio experitur, dum aduersus ream intendit actionem. Vnde & actor, cum agit, dicitur dirigere actionem aduersus ream, *l. 2. h. tit. & l. 1. sup. de exec. rei iud.* In condemnationem þ accipere possumus, & in condemnationem futuram, & in condemnationem præteritam: vt significetur exceptioem excludere id, quod in intentionem deductum est in hoc, vt reus postea condemnetur in id, quod petitur, vel vt excludatur id, in quod iam reus condemnatus est, quam ad rem comparatæ sunt exceptiones iis, qui in id, quantum facere possunt, conueniuntur ex condemnatione. de quibus in *§. pen. Inst. de ad. l. sunt qui. & seqq. ff. de re. iud.* Ex hoc sensu illud dictum accipi potest, quod est in definitione Pauli, cum dicitur exceptio esse, qua modo reus eximitur condemnatione, modo minuitur condemnatio. Eximitur condemnatione, cum petitio penitus excluditur, minuitur condemnatio, cum in id solum, quod facere potest, condemnatur, aut in solidum condemnatus conuenitur tantum in id, quod facere potest, propter exceptionem.
- 10 Atq; þ hic effectus est exceptionis. Sed quomodo exceptione utitur reus ad defensionem? Id indicatur verbis illis definitionis, quæ cuiusq; rei actioni opponi solet, quibus significatur ita exceptione excludi actionem, si exceptio actioni opponatur. Hinc illa rursum nata ex re, obicere, opponere exceptionem, petenti actori exceptione occurrere, quod postremum est in *leg. 4. D. de feruit.* Opponitur autem in lite contestanda. *l. siquidem. leg. prescrip. tionem. inst. hoc tit.* Atque hæc opposita ita exceptionis propria, vt si sit prætermissa, nihil proficit postea reo exceptio ad liberationem. Vnde merito diximus defensionem omnem exceptionis in factio rei esse positam. Sic ergo exceptione utimur ad excludendam actionem.
- 11 Est þ præterea & exceptionis sua conceptio & formula verborum, à qua exceptio cõditio appellatur in *d. l. exceptio. ff. de excep.* Si cognouerimus, quam obrem defensio ad excludendam actionem comparata dicatur exceptio, simul quam obrem dicatur cõditio intelligemus. Nonnulli putant exceptionem dictam esse quia exceptione sic excipiatur actio intentata à debitore, vt pila in nos emissã à nobis excipiatur, quam in alium retorquemus. Non male fortasse, si vis verborum spectetur. Sed verendum est, ne non

fatis sit ex vsu actorum. Nam exceptio dicitur actio repellens. Contraria sunt emissum accipere & repellere. Res sic habet. Defensio omnis actioni opposita ad eam excludendam eodem modo dicitur exceptio, quo vsitate exceptiones dicuntur orationes quibus aliquid de regula excipimus. Id enim facit omnis defensio, si cum intentione aduersarij conferatur. Nam intentio actoris generalis est, qua exempli gratia, decem mutua petens id agit, vt reus in ea decem condemnetur, quia intendat omnem, qui mutuum accepit, mutuum reddere debere. Exceptio à reo opponitur, qua excipit pactum, iusiurandum, rem iudicatam, & similes causas, ex quibus exceptiones nascuntur: vt dicat videlicet, quod intendis, actor generaliter omnem, qui mutuum accepit, mutuum reddere, sic accipiendum est, nisi pactum inter nos interuenit, ne à me peteres, nisi ego iurauerim re deferente me reddere debere, & si quæ sunt similes causas, quæ totidem sunt superioris definitionis exceptiones. Iam vero omnis exceptio, qua quid excipitur de regula, conditio est, certe concipitur sub conditione. Sic enim subiicitur: hoc ita est, si non, nisi illud, aut illud factum erit, & si quæ particule eandem vim habent. Hinc factum, vt exceptio conditio appelletur. Quam ob causam animaduertere possumus fere omnem exceptionem concipi sub conditione. Ex innumeris locis liceat duos citare, *leg. 2. leg. si à re. ff. de excep. rei iud.* de quo more iudiciorum veterum si quis pluram desideret, reperiet diligenter expositum à Duarero *ad iur. gentium. §. 1. ff. de pact.* in illis verbis, *actionem à prætorè dandam.*

Nunc þ quæ sint exceptiones, seu quæ modi, quibus per exceptionem in re quaq; quis liberetur, videamus. Exceptionum duo sunt genera. Quædam sunt temporales & dilatorie, quædam perpetuæ & peremptoriæ. Temporales & dilatorie sunt, quæ ad tempus nocent, & in id tempus actionem differunt. Aliter temporales præscriptiones dicuntur sub titul. *de diuers. tempor. præscription.* Illic enim exceptiones temporales dicuntur, etiam quæ sunt perpetuæ: sed temporales ideo, quia ex vsu longi temporis nascuntur. Perpetuæ & peremptoriæ sunt, quæ perpetuo agenti obstant, eoque modo rem, id est, causam, de qua agitur, perimunt: hæc in *l. 3. ff. de excep. & §. appellatur. Inst. eod.* Dilatorias þ & temporales exceptionum tria genera sunt. Quædam sunt iudicij recusandi & transferendi causa, nata ex eo, quod quis non recte iudicium ordinat, puta quia is agit, cui actio non competit, aut eo loco agitur, vel apud eum magistratum, vbi & apud quem conuenit quis non potest: quo in genere est exceptio, quæ dicitur procuratoria, & eæ, quæ dicuntur vsitate fori præscriptiones. *§. penult. Inst. eod. leg. vlt. hoc tit.* Quædam sunt de re ipsa, quæ ex pacto nascuntur, cum ita conuenit, ne intra certum tempus ageretur. *§. appellatur. Inst. eod.* Quædam minuendæ condemnationis gratia, quæ non tam ex re, quam ex conditione personæ debitoris nascuntur, eique humanitatis causa tribuuntur. Huius generis est exceptio omnis, quæ datur debitori in id, quod facere potest. Quæ quibus personis, & quibus ex causis tribuantur, exponitur in *§. pen. Inst. de ad. l. sunt qui. & seqq. ff. de re. iud.* Huius generis exceptiones recte dilatorias & temporales esse dicimus: nam tamdiu nocent creditoribus, quamdiu debitor facere non potest: quod si debitor facultatibus auctus sit, & facere posse incipiat, iam amplius non vitur hac exceptione. *leg. vnica. §. cum autem. sup. de rei vx. act.*

Perpetuæ þ & peremptoriæ exceptiones causis itidem distinguuntur: quæ sunt variæ. Licet autem hanc generum distinctionem in his obseruare. Igitur quædam à principio in re contrahenda statim nascuntur, quædam existunt postea. Nascuntur ab initio exceptiones perpetuo partim ex re, & eo, quod factum est: partim ex persona aut rei, aut debitoris. Ex re nascuntur, si quis quid metu promiserit: si promiserit inductus dolo, si promiserit errore laesus, dum putat se debere, quod non debet: si cauerit pecuniam tanquam acceptam, quæ ei munerata non sit. Hinc illæ exceptiones: *Quod metus causa.* de qua in *Inst. eod. in prin.* Exceptio doli species de qua in *Inst. ibidem. & titul. ff. de doli mali & metus excep.* nam & generalis doli exceptio est, quæ ex omnibus aliis exceptionibus oritur, quoniam dolo facit, quicunque id, quod quaqua exceptione elidi potest, petit. *l. 2. §. & generaliter. ff. de doli & metus exceptio.* Exceptio in factum erranti, de qua eodem loco *Inst. eod. & leg. si quis cum aliter. ff. de ver. obl.* Item exceptio non numeratæ pecuniæ, de qua in *§. 2. Inst. eod. leg. aduersus. & tot. tit. sup. de non num. pec.* Has exceptiones iam ab initio nasci apparet, quia iam ab initio causas, ex quibus nascuntur, constitutas

habent. Ex persona nascuntur ab initio duæ exceptio SC. Macedoniani, & exceptio SC. Velleiani. Prior filiis familias comparata est de pecunia ipsis credita: comparata non ipsorum fauore, sed odio fœneratorum. Posterior tributa mulieribus, quæ pro aliis intercesserunt, ipsarum scilicet gratia, dum earum infirmitati consulitur. de his est in l. 7. §. 1. ff. eod. l. qui exceptionem. ff. de cond. ind. Ad de titulis, qui sunt de his causis D. & C. de senatus consult. Macedon. & ad senatus consult. Velleian. Existunt post rem contractam exceptiones ex his pene causis. Primum ex voluntate actoris, si voluit debitorem, aut eum, cum quo agitur, non teneri. Tum ex iureiurando debitoris, si iurauerit debitor actore deferente se non debere. Præterea si debitor iudicio absolutus erit. Postremo ex tempore. Voluntas actoris debitorem exceptione liberat, quocumque modo nuda voluntate constituerit, ne debitor teneretur. Hinc exceptio pacti conuenti, si conuenit inter debitorem & creditorem, ne creditor peteret: de qua in §. præterea. Inst. eo. hæc edicto de pactis comparata est, l. iuris gentium. §. sed cum nulla. & §. ait. ff. de pact. l. in bona fidei. sup. de pact. Hinc & exceptio in factum, vel doli mali aduersus heredes, si testator voluit debitorem aliquo modo liberari: de qua specie est in l. 1. hoc tit. Ex eodem fonte est exceptio rei venditæ & traditæ, proposita ei, cui res vendita tradita est ex voluntate venditoris, aut eius, qui postea venditori heres exstiterit. l. 1. & toto tit. ff. de excep. rei vend. Ex iureiurando est exceptio iurisiurandi, de qua in §. æque. Inst. eo. hæc proposita est edicto de iureiurando: de qua in l. ait. & l. nam posteaquam. ff. de iureiur. Ex sententia, qua absolutus est debitor, est exceptio rei iudicatæ: de qua in §. item. ff. Inst. eod. & tot. tit. ff. de excep. rei iud. & l. 2. hoc tit. Ex tempore nascitur exceptio ex constitutionibus, cum intra tempora constitutionibus constituta creditor non egit. leg. sicur. & pene tot. tit. sup. de præscript. vel quad. anno. & si qui sunt similes loci, quibus ad agendum certa tempora præstituta sunt. Hæc fere exceptiones; & exceptionum causæ sunt: quod si quæ aliæ reperientur, sunt eiusmodi, vt ad has nullo negotio referri possint. Vnde tit. Dig. quarum rerum actio non datur. Quæ ¶ de exceptionibus diximus, eadem dicta intelligenda sunt de præscriptionibus, quæ pars est altera huius inscriptionis. Nam præscriptio nihil aliud omnino, quam exceptio. Vnde inscriptio huius tituli non sic concipitur, de exceptionibus & præscriptionibus, quasi de rebus diuersis, sed de exceptionibus, seu præscriptionibus, particula, seu, interposita, quæ easdem res proponi declarat: vt in illis inscriptionibus liquet, Lalius, seu de amicitia: Cato maior, seu de senectute. Præscriptionem autem idem declarare, quod exceptio, hinc facile intelligitur, quod quæ exceptiones vritate dicuntur, eadem dicuntur præscriptiones: & contra quæ vritate dicuntur præscriptiones, hæc dicuntur etiam exceptiones. Vt puta, defensio, quæ nascitur debitori ex re iudicata, vritate appellatur exceptio rei iudicatæ. toto tit. de excep. rei iud. At hæc dicitur præscriptio rei iudicatæ in l. iudicatæ. ff. de excep. rei iudic. Sic & doli exceptio vritate exceptio dicitur: in quæ verba est titulus de hac specie ff. de doli mali & metus exception. sed & hæc dicitur doli præscriptio in l. si debitor. 91. ff. de sol. E conuerso defensio, quæ nascitur debitori ex eo, quod quis in suo foro non conuenitur, aut non conuenitur ab eo, qui sit procurator, dicitur frequentius præscriptio fori, & procuratoria. l. penult. & vlt. hoc titul. Ad hæc eadem dicitur exceptio procuratoria in §. penult. Institut. eod. Item defensiones, quæ nascuntur ex possessione longa, vritate dicuntur præscriptiones longi temporis. tit. de præscription. long. tempor. sup. Atqui hæc præscriptio nihil aliud est, quæ exceptio temporis, idque ita interpretantur l. creditor. ff. de diuers. tempor. præscript. l. 1. sup. super. sup. de præscript. long. tempor. Significatio inducta est: nam inter cetera præscribere est dicere, & ostendere alicui, quo modo se gerat, & quid factum sit opus. Id autem facere intelligitur omnis reus, qui exceptione vtitur. Nam creditor, cum exempli gratia contra pactum de pecunia non petenda, pecuniam à se creditam petit, & intendit reum ex causa mutui dare oportere, generaliter intentionem concipit: reus exceptione pacti vtendo hoc dicit, illum male generaliter agere, & debuisse addere hanc exceptionem, nisi pactum interuenerit, ne peteret. Hoc autem dicere, & docere actorem, nihil est, quam ei præscribere, quomodo intentionem suam concipiat, & postulare, vt ad eam normam in iudicio exceptio pacti adiudicatur. Inde factum est, vt hæc exclusio, & quasi præformatio eius, quod actor in concipienda intentione facere debeat, præscriptio rei datur.

16 Id autem ¶ esse præscribere declaratur in leg. Titia. §. Caius. ff. de leg. 2. vbi dicitur heres præscribere coheredibus suis, pro eo,

quod est contra heredes suos exceptio vti. Ex quibus adparet, quid iudicandum sit iis, qui vulgo putant, præscribere esse longa possessione acquirere, & eam acquisitionem ita distinguunt, vt res quidem mobiles dicant vsucapi, res autem immobiles præscribi, quod longum secus est. Nam qui acquirit, acquirit sibi, non aduersario: at qui præscribit, is aduersario præscribit, non sibi. d. l. Titia. §. Caius. Non est idem igitur præscribere & acquirere. Denique apparet ex iis, quæ posuimus, præscriptionem in vsu iuris nihil aliud esse, quam exceptionem: & præscriptionem temporis, seu longæ possessionis, de quo plura alias.

L. Debitores. 1.

Imp. Antoninus August. Claudio.

Debitores quidem hereditarij vniciuique heredem proportionem hereditaria, antiqua lege obligati sunt. Sed si eis hereditarius omnem pecuniam exsoluisti, quibus nomen patris tui testator in diuisione adscripserat, doli mali exceptione aduersus alios agentes tueri te potes. PP. Kalend. August. Duobus. & Aspris. Coss. 213.

S Y M M A R I V M.

1 Testatorem creditorem vni ex heredibus suis iubentem totum solui, non idem facere, quo minus & ceteris summo iure pars hereditaria debeatur. Hinc debitorem legatario soluente non liberari summo iure: at liberari per exceptionem.

EL cui centum à Titio ¶ debebantur, plures heredes exstiterunt. Lege duodecim tabularum actio huius summæ nomine inter heredes diuisa est pro portionibus hereditariis, vt hic traditur in leg. 1. sup. si vnus ex plur. leg. licet. sup. sam. arcisc. Ita fit, vt singulis heredibus non tota centum debeantur, sed portio hereditaria. Quod si verum est; non potest debitor consequi summo iure, vt liberetur à singulis aliter, quam si singulis soluerit portionem hereditariam, quæ eis debetur, aut soluerit alij voluntate singulorum. Ita ius est, vt quoniam nemo alterius inuit, aut ignorantis conditionem deteriorem facere potest, leg. soluendo. ff. de neg. gest. ideo nec quisquam inuito, aut ignorante creditore alij soluendo liberetur, vbi scilicet hoc factio creditori actionem suam adimat. leg. inuito. infr. de solut. Quapropter hoc constabit, si debitor vni herecum totum soluerit ceteris non contentientibus, soluentem ea solutione ab aliis non liberari. Quid tamen, si testator quibusdam ex heredibus nomen hoc totum Titij adscripserit, vt hic factum proponitur, id est, legauerit: de quo genere est in leg. ex legato. sup. de legat. debitor autem cognita testatoris voluntate his totum soluerit, quibus nomen adscriptum est? Respondetur hoc loco, si à ceteris conueniatur, posse eum se tueri doli exceptione. Quo maxime confirmatur id ipsum, quod dixi, debitorem à ceteris, quibus non soluit summo iure non esse liberatum, sed his superesse adhuc veterem actionem, aduersus quam hæc sit exceptio, quandoquidem non potest exceptio esse, nisi aduersus actionem iure ipso constitutam, vt docuimus supra in definitione exceptionis. Et recte hic quoque hoc idem constituitur, & conuenienter superioribus regulis iuris. Nam etsi testator voluerit hoc debitum vni ex heredibus solui: tamen non eo minus ipsi testatori debetur totum, vt prius. Quod si debetur, ius facit, vt eo mortuo id pertineat ad singulos heredes pro portionibus hereditariis, quia heres succedit in omne ius defuncti. leg. heres in omne. ff. de acq. her. Nec quisquam puter, cum debitor voluntate testatoris vni ex heredibus totum soluit, ideo eum liberari, quia voluntate creditoris soluat: nam testator defunctus creditor esse desiit, & coeperunt creditores esse heredes, qui ei successerunt. Ita fit, vt quia debitor vni totum soluerit, non ex voluntate aliorum coheredum, qui etiam creditores sunt, ipse ea solutione aduersus ceteros ipso iure non liberetur. Sed quia est in potestate creditoris vetare, ne quidam ex heredibus id debitum petant, hac voluntate defendetur debitor, si petant ij, quos testator vetuit petere. Intelligendum est autem, cum testator voluit vni ex heredibus totum debitum attribui, eadem opera voluisse, ne ceteri à debitore peterent

Dixerit

Dixerit aliquis, eum, cui nomen legatum est, actiones utiles habere, atque ita creditorem esse. *d. l. ex legato, supr. de legat.* proinde & ei rei solui. Quod & verum est: neque de eo nunc queritur, an recte ei solvatur inuitis ceteris: sed pecunia ei soluta quomodo debitor liberetur. Liberari eum fatemur: sed negamus id fieri ipso iure. Merito nam & is, cui nomen legatum est, summo iure non est creditor. Observandum est enim eum actiones tantum utiles habere. *d. l. leg. ex legato, supr. de legat.* quo declaratur, eum non habere verbis legis, id est, summo iure: proinde nec solum creditorem esse, sed & ceteros quoque coheredes. Quae res facit, ut si debitor his quoque non soluat, eodem isto summo iure non liberetur.

L. Proportione. 2.

Cognosce sententiam huius loci ex leg. supr. quibus res iud. non noc. l. saepe. ff. de rei iud. tot. titul. supr. res inter alios iud. leg. 1. & leg. 3. ff. de except. rei iud.

L. Aduersus. 3.

Idem A. Vitali.

Aduersus fratrem tuum quondam tutorem legitimum tutelae iudicio si expertus non es, proposita actione consistit, nec timeris exceptionem pacti, si in ea fraudem dolumque admisum probare potes: nam replicatio doli opposita, bonae fidei iudicium facit, & commentum fraudis repellit.

S V M M A R I A.

- 1 Replicationis exemplum, & quid sit replicatio.
- 2 Lectio corrupta emendatur.
- Replicatio bonae fidei iudicium non facit. *ibid.*
- 3 Replicatio fraudis commentum repellit, quid sit.

SI paciscatur creditor, ne à debitore suo petat, habet debitor exceptionem pacti, qua creditorem petentem sommoueat. §. praeterea. *Instit. eod. titul.* Sed hoc ita est, nisi pactum dolo malo debitoris factum sit: nam quae pacta dolo malo facta sunt, ea edicto praetoris non seruantur. *leg. iuri gentium. §. praetor ait. ff. de pact.*

Ut tamen hoc pactum, seu eius pacti exceptio creditor non noceat, consequitur id doli mali replicatione opposita, qua pacti exceptio eliditur, ut hic declaratur. Non enim pactum ipso iure tollitur. *leg. si vnus. §. pactus. ff. de pact.* In proposito autem sic euenerit, ut pactum dolo malo debitoris factum sit, si proponas eum, qui olim tutor fuisset, affirmasse ei, cui tutelae nomine obligatus erat, multo minus esse in bonis, quam erat: de reliquo, se tantum in id impendisse, quantum ex reliquatione debere potuit. Itaque facile impetrasse, ut pupillus creditor pacisceretur, ne amplius tutelae nomine cum eo ageret. Sententia notanda est de replicatione. Quemadmodum si actio iniqua est, defenditur reus aduersus actionem exceptione vel pacti vel alia qualibet: ita si iniqua est exceptio, ut interdum accidit, veluti in specie hoc loco proposita, creditor aduersus exceptionem alia exceptione contraria defendetur, quae exceptio in persona creditoris dicitur replicatio. De quo genere est sub titul. *Instit. de replicat.*

Est tamen lectio postremorum verborum in hoc rescripto animaduertenda. Recepta ab omnibus lectio haec est: nam replicatio doli opposita bonae fidei iudicium facit, & commentum fraudis repellit. Haec scriptura defendi non potest. Non enim villo modo recipiendum est, ut dicatur replicatio doli opposita facere iudicium bonae fidei. Si replicatio opponitur à creditore, qui ex stipulata agit, id est, iudicio stricto, replicatio non facit, ut iudicium, quod sua natura strictum est, efficiatur bonae fidei. Quod si opponitur replicatio, in iudicio bonae fidei, ut in iudicio tutelae, de quo hoc loco agitur, est quidem iudicium tutelae bonae fidei, §. actiones autem. *Instit. de act.* sed ideo bonae fidei est, quia est de tutela, non autem quia replicatio in id iudicium deducitur. Nam & sine replicatione, aut exceptione vili bonae fidei iudicium esset. Et in summa, quia bonae fidei iudicium est, & deinceps doli eo iudicio excluditur: non autem quia doli in eo

excluditur, ideo est bonae fidei iudicium: excluderetur enim doli replicatione & in strictis iudiciis. Si quis in re nota exemplum desideret, habet in *l. tres fratres. ff. de pact.* vbi in actione furti, aut conditione furtiua exceptio pacti, quae actioni opponeretur, replicatione doli eliditur. Locus igitur aperte corruptus est, sic autem emendandus, ut pro, & repellit, legamus ut repellat, hoc modo: nam replicatio doli opposita bonae fidei iudicium facit, ut commentum fraudis repellat. Ut tamen sit sensus: Bonae fidei iudicium, nempe tutelae; de quo hic agitur, facit, ut replicatio doli, quae ab actore, qui tutelae agit, opposita est, commentum fraudis, quae fraus in pacto fuit, repellat, id est, in hoc iudicio maxime exceptio pacti replicatione doli infirmabitur. Sed cur dicit imperator id effici iudicio bonae fidei, cum replicatio doli in iudicio stricto opposita idem efficeret? Nempe hoc sentit, praecipue & maxime bonae fidei iudicium id facere. Nam iudicium bonae fidei vbi que bonam fidem exigit: nihil autem tam bonae fidei contrarium est, quam doli. *l. 3. in si. ff. pro soc.* proinde in hoc iudicio bona fides iudicij propria praecipue excludit fraudis commentum, id est, machinationem doli in pacto exprimendo adhibitam.

L. Cum nondum. 4.

Imp. Alexander A. Iuliano, & aliis.

Cum nondum finitam sententia causam, sed dilatalem allegatus: non est dubium omnes integras defensiones vobis esse. *PP. Non. Oct. Maximo II. & Aeliano Coss. 224.*

SI reus causam agere diu distulerit, & defensiones suas probare, existimari potest, ob eam dilationem iuri suo diffidere, eoque defensionibus suis renuntiare: ut postea si velit, eas exequi non possit. Hic monemur non ita esse. Defensiones re iudicata excluduntur: ceterum re nondum iudicata reus quouis tempore his uti potest. *l. praescriptionem. inf. hoc tit.* idque quantumuis causam actionem distulerit, quae pars hic traditur. Defensiones sunt exceptiones, quae reis competunt, quoniam omnis exceptio defendendorum reorum causa comparata est. *l. defensiones. l. siquidem. inf. hic. Inst. eo. in pr.*

L. Licet. 5.

Imp. Dioclet. & Maximianus AA. & CC. Basilio.

Licet unde vi interdictum intra annum locum habeat, tamen exceptione perpetua succuri ei, qui per vim expulsus post retinuit possessionem, auctoritate iuris manifestatur. *S. Kal. Maiis, Trallis AA. Coss.*

S V M M A R I A.

- 1 Exceptionem peremptoriam esse perpetuam, etiamsi competat ex ea causa, ex qua actio sit annalis: & quare.

BASILIIUS quidam possessorem de fundo delecerat, & eum funum per vim occupatam possidebat. Aduersus eam vim habuit vetas possessor interdictum Unde vi ad recuperandam possessionem, si eo uti vellent: sed habuit intra annum duntaxat. *l. in pr. ff. unde vi. l. 2. sup. unde vi.* Intra quem cum forte interdicto usus non esset, nempe eo interdicto exciderat. Sed idem postea Basilio peregre profecto possessionem eius fundi etiam Basilio occupauit. Reuerso Basilio controuersiam eius possessionis facti: sic tamen, ut eum inquireret, non ut eam deiciat. Basilius aduersus veterem possessorem experitur interdicto Unde vi possidetis retinenda possessionis causa: & recte: quamuis enim is vi possideat: vere tamen possidet, quia ad summam possessionis nihil interest, vtrum iuste quis, an iniuste possideat. *leg. 3. §. ex contrario. ff. de acq. poss.* Sed verus possessor hac exceptione vitur: non licet tibi hoc interdicto mecum experiri, neque debes in possessione me vincere, quia possides quidem, sed vi à me. Hac exceptione actor in interdicto Unde vi possidetis remouetur. *leg. 1. §. vit. ff. vii. poss. leg. vnica. supr. vii. poss.* vbi exponimus. Si vetus possessor hac exceptione vteretur intra annum, ex quo deiectus fuit, nulla esset dubitatio, sed Basilius cepit

contestationem proponi & probari debent. *dict. leg. Pomponius. §. ult. ff. de proc. l. sed est suscept. in princ. ff. de iud.* Solum agnoscunt omnes definitioni *leg. exceptionem.* locum esse in exceptione dilatoria solationis, cum creditor pactus esse se in quinquennium non petiturum. Sed frustra: nam hæc quoque initio opponenda & decidenda est. Dicitur enim iudicium differre in §. *appellatur. Inst. eod.*

Quod si differt, non potest in eo iudicio probari tunc, cum actor intentionem suam probauerit: non enim differtur iudicium, quod susceptum & constitutum est. Præterea si in stipulatione ab initio dies adiectus sit, ut si promissus sit fundus post tres annos, si quidem creditor fundum ante petat, debitor dicat diem stipulationi adiectum esse, actor autem probet non esse adiectum pro lato instrumento stipulationis: apparet eodem tempore hanc exceptionem opponi, & de ea disceptari. Quod si ab initio quid pure promissum sit, deinde creditor pactus, ne ante diem certum peteret, si hanc exceptionem opponit reus confessus ante de intentione actoris, constat eum statim exceptionem probare debere, *dict. leg. siquidem.* Quamobrem cum nulla sit exceptio dilatoria, quæ probari debeat tunc, cum actor intentionem suam probauerit: omnimodo falsum est, exceptionem dilatoriam istam sententiam admittere. Postremo repugnat aperte definitio exceptionis dilatoriae. Dilatoria dicitur, quæ iudicium differt, *dict. §. appellatur. Inst. eod.* Non differtur autem iudicium, si lis cum actore contestatur, & post eam contestationem actor intentionem suam probare cogitur.

Non est ergo dilatoria exceptio, quia opposita actor intentionem suam isto modo ante probare cogitur. Quod si verum est, non dubitabimus affirmare, quod supra dixi, *leg. exceptionem supr. de prob.* de exceptione peremptoria scriptum esse: de ea illic eandem sententiam comprehensam, quæ in *leg. prescriptionem. blo.* sed definitione aliis verbis paulo dilucidius explicante id, quod erat obscurius in *leg. prescriptionem.* Hoc tamen iure constituo de peremptoriis exceptionibus initio opponendis & contestandis: reliquum est, ut moneamus, quibus in iudiciis id locum habeat. Et si igitur hæc rescripta duo, & similia superiora generaliter scripta sunt, & exceptionum peremptoriarum contestationem sine ullo discrimine iudiciorum exigant: sciendum tamen pro natura iudiciorum id ita accipi debere, nisi si pro natura iudicij non sit necesse exceptionem initio contestari, quia alioqui ex ipsis verbis iudicij satis intelligitur eam iudicij constitutioni inesse: ut accidit in iudiciis bonæ fidei. Et hoc est in summa: quod superioribus rescriptis exceptionis contestatio exigitur, in strictis iudiciis tantum valet: in quibus potestas iudicis constitutioni iudicij, id est, litis contestationi, adstricta est.

Ad bonæ fidei iudicia non pertinet: de quibus ita à veteribus traditum est, exceptiones bonæ fidei iudiciis inesse, bonæ fidei iudiciis contineri. *leg. 3. ff. de rescin. ven. l. huiusmodi. §. qui seruum. ff. de leg. 1. leg. sed est. ff. sol. mar.* dum hoc intelligi volunt, quamuis initio litis contestatione aperte in iudicium deductæ non sint, non eo minus tacite iudicio contineri; ut conuicto postea reo liceat ei quandoque eas iudicio opponere: idque ex iudiciorum natura, quæ cum in bonam fidem concepta sint, his ipsis verbis admittunt omnem defensionem, propter quam non sit æquum reum condemnari. Quod totum ius quale esset, exposui copiosius, ut in loco ad §. *actiones autem. num. 27. & 32. Inst. de act.* Inde peti velim, si quis hic amplius desiderabit.

L. Non exceptionibus. 10.

Quid sit, quod hic traditur, reis exceptionem, actoribus replicationem tribui, qua illi defensionem, hi intentionem suam muniant, docemur *Inst. tit. de replic. l. 2. ff. de exc.*

L. Defensiones. 11.

Hunc locum interpretatur *leg. exceptiones 7. ff. eo.*

L. pen. & ult.

Vide, quæ diximus ad *leg. prescriptionem. & leg. siquidem. seq. in fin. supra.*

AD TITVLVM XXXVIII. COD. DE CONTRAHENDA ET COMMITTENDA STIPULATIONE.

Locus de contrahenda stipulatione est is, in quo quaeritur, quomodo contrahatur, seu quibus rebus constet, & perficiatur stipulatio. Locus de committenda stipulatione est is, in quo quaeritur de vi & effectu stipulationis contractæ. Dicitur enim stipulatio tunc committi, cum in ea causa esse incipit, ut ex ea agi possit §. *sub conditione. Inst. de ver. obl. cuius verbi vim exposui ad l. 4. §. Cato. ff. de ver. obl.* Effectus autem stipulationis positus est in obligatione verborum, quæ inde nascitur, & in actione eius obligationis propria. In quo hæc insunt, *quid hinc peti possit, quantum, quando, & ubi: quæ inde actio, cui hæc detur, & aduersus quos, tum quatenus.* De quibus omnibus scripti accurate, ut quisque locus se dedit, in commentariis ad titulum de ver. obl. ff. Inde sumere licebit, quæ ad vtriusque partis, & huius tituli explicationem pertinent.

AD TITVLVM XXXIX. COD. DE INUTILIBVS STIPULATIONIBVS.

Quæritur, quas res desideret, ut perficiatur stipulatio, idem eadem opera, quæ sint viles quæque inutiles stipulationes, nouerit. Ea enim est vtilis, quæ iure perfecta est concurrentibus videlicet iis rebus, quæ ad vim stipulationis ius desiderat. In qua autem aliquid earum rerum deest, ea est inutilis. Et hunc locum totum simul & in eo omnium rescriptorum huius tituli argumentum & sententiam tractavi diligenter suis quæque locis ad titulum de ver. obligat. ff.

AD TITVLVM XL. COD. DE DVOBVS REIS STIPVLANDI, & PROMITTENDI.

Cur iuuenti duo rei stipulandi, & promittendi. Reus quis. Cap. I.

S Y M M A R I A.

1. Duos reos tam stipulandi, quam promittendi ad cautionem creditorum esse inuentos: & in quo sit hac cautio.
2. Plures eiusdem rei stipulatores cur rei dicti: & quid hoc verbo contineatur.

Quæstionem de duobus reis stipulandi & promittendi cum argumento communi de stipulatione, ac verborum obligationibus coniunctam, acmissam tamen à me in Pandectis, visum est hoc loco, ubi se occasio dat, exsequi: sed plenius propter vtilitatem & difficultatem: ut sit tractatio, quæ totam huius questionis, itemque vtriusque tituli de duobus reis, tam qui in Pandectis est, quam qui hoc loco, explicationem complectatur. Quam ad rem cum methodo esset opus, tantum adhibui, quantum huic cognitioni conuenire videbatur. Duos tamen reos stipulandi & promittendi peperit creditorum vtilitas, id agentium, ut in eo, quod deberetur, tutius sibi cautum sit. Est enim in his constituendis ea cautio sita, quam dicimus. Ea autem cautio est huiusmodi. Etenim siue stipulator, idemque verus creditor alium adhibet, qui idem stipuletur, hic ita fiunt eiusdem rei duo creditores, ut his constitutis multo facilius verus creditor ad suum perueniat, quia siue vnus ex stipulatoribus absit, vel ei non liceat rem persequi, est alter, qui persequatur: siue vnus est creditor tantum, & is vno promissore non contentus alium adiungendum curat, qui principaliter idem promittat: hoc modo id consequitur, ut pro vno habeat duos debitores, quorum ab vno si quid facile consequi non possit vel propter eius inopiam, vel propter potentiam, vel propter ingenium contentioaum amans, id ab altero possit obtinere. Qui plures eandem rem stipulantur, stipulandi rei qui plures eandem rem principaliter promittunt, rei promittendi appellantur. *leg. 1. ff. hoc titul.* Nam tamen quod reos vtitato more loquendi intelligimus tantum eos, qui debent, & cum quibus iudicio agitur, ut cum dicimus, fauorabiliores esse reos, quam actores. *leg. fauorabiliores. ff. de reg. iur.* item, æquum esse eum, qui acturus est edere actionem, ut

proinde sciat reus, utrum cedere, an contendere debeat. l. 1. ff. de eden. vsu obtinuit propter excellentiam: quia qui in crimen, aut aliud quodvis iudicium vocatur, eorum res precipue in iudicio agitur: ut quibus solis imminet periculum condemnationis. Sed tamen & is, qui agit, non minus recte dicatur reus, si verbi originem & proprietatem spectemus. Dicitur enim reus à re, ut sit is, cuius de re agitur: sicque reos veteribus dictos omnes, quorum de re disceptatur, auctor est Cicero lib. 2. de Orat. Ex adiuncto discernitur significatio: ut cum dicimus reum stipulandi, aut promittendi. Neque enim aut illic promissorem, aut hic stipulatorem intelligere possumus.

Cur de duobus reis stipulandi & promittendi agatur seorsim à reliquis stipulatoribus & promissoribus. Cap. II.

SUMMARIUM.

Partitio huius tractatus, & summa.

IN his reis si sequeremur regulam iuris de eis, qui quid stipulati sunt, aut promiserunt, non erat, cur ageretur de his separatim. Nunc autem est in his aliquid proprium, quod à iure reliquorum stipulatorum & promissorum longe distat. Eo quidam id sit, separatim exquiritur. Et quidem secundum communes regulas iuris hoc ius in hac specie futurum erat, ut cum duo stipulati essent, uterque etiam exigendi ius haberet, nec quod vni solum esset, id noceret alteri, cum vtrique deberetur. Vice versa, & si quid duo promississent, ita uterque promissum exsolueret, quia non aliter liberatur quisque, quam si debita pecunia soluta sit, aut eo nomine satisfactum. l. si rem. §. omnibus. ff. de pig. act. Nunc autem vna hic obligatio est, vna res, quæ debeat. Ex quo quid consequatur, videndum est. Primum igitur, qui sint duo rei tum stipulandi, tum promittendi, dicatur. Deinde quomodo constituantur. Tū quid sit illud, quod horum proprium dicimus. Postremo an ut rei duo pluresve stipulandi, aut promittendi fieri possunt, ita possintne & ex aliis causis plures constitui rei credendi, debendive.

Duo rei stipulandi qui, & quomodo constituantur. Cap. III.

SUMMARIUM.

- 1 Duo rei stipulandi, qui.
- 2 Duorum reorum stipulandi esse, ut rem eandem stipulentur, non diuersas.
- 3 L. si id quod. ff. de duob. reis explicatur.
- 4 Ut stipulentur rem vnam ab vno promissore, non à diuersis.
- 5 Ut stipulantur singuli rem in solidum, non eiusdem rei partes.
- 6 Ut stipulentur singuli solidum ita, ut tamen res vna tantum in obligatione versetur, & vnde id actum intelligatur.

ET duo rei stipulandi recte definiantur hoc modo, qui eandem rem ab eodem in solidum stipulati sunt ea mente, ut quamuis solida singulis, vna tamen omnibus debeat. Ita extra stipulationem, quæ omnium stipulantium communis est, quatuor sunt, quæ proprie duos reos stipulandi constituunt: si eandem rem stipulentur omnes, si ab eodem, si solidam singuli, si ita solidam, ut tamen vna res versetur in vtriusque obligatione. Hoc ergo primum in obligatione duorum reorum stipulandi, ut ambo rem eandem stipulati sint, quo scilicet debeat singulis vna & eadem. §. pen. Inst. eo. & ut loquitur Papinianus, ut ab vtroque; par eiusdem rei, non impar rerum diuersarum suscepta sit obligatio. l. eandem. §. penult. ff. eo. Quocumque ergo modo res diuersæ à duobus in stipulationem deductæ erunt, siue verbis aperte, siue tacite & vi ipsa, etiam si maxime conuenierit, ut duo rei essent, tamen duo rei non erunt, quos conuenit duos eiusdem rei reos intelligi. Et de eo quidem nemo dubitat, quin duo rei stipulandi non sint, si vnus stipulatus sit à Seio Stichum, alter ab eodem Seio Stichi æstimationem, quamuis placuerit inter contrahentes, ut duo rei essent. Ipsa enim conceptio stipulationis diuersas res in obligationem deductas satis ostendit. Sed plus dicimus, etsi proponas duos verbis stipulationis eandem rem stipulatos: si tamē quod

stipulati sunt, re idsa in singulis personis proprium intelligitur, ut loquitur Caius, id est, tale erit, ut in singulis aliud, atque aliud intelligatur, duo rei non erunt. Hoc tamen Caius in l. si id, quod. ff. eod. Quod in his exemplis accidere docet, si stipulati sint duo ab eodem fundi Tusculani vsu fructum, stipulati eadem conceptione decem dotis nomine. Negat cum Iuliano in his duos reos stipulandi constitui posse, etsi verbis eiusdem rei vsu fructus, & eadem summa continetur. Merito. Verbis enim hæc eadem sunt: re autem ipsa pro persona cuiusque reorum distinguuntur: ut in singulis alius atque alius vsu fructus, alia atque alia dos efficiatur. Vsu fructus enim in vtrius persona constituetur, personæ illius proprius futurus est, ut nec ad alium possit transire, quin alius esse incipiat. Indicio est, quod cum vita eius durat, & morte eius, aut alienatione extinguitur. §. finitur. Inst. de vsu fr. Quod si voluntate domini ad alium transferas, iam hic alius erit vsu fructus, qui rursum cum persona eius aut duret, aut extinguitur. Et quis nescit non eandem personam esse vtriusque, sed alium alio citius mori posse, aut diutius viuere? Eadem ratio dotis: quæ cum constituitur pro matrimonio cuiusque, utpote quæ sine matrimonio nec dos sit, l. 3. ff. de iur. dot. non potest, quin ut in vtriusque stipulantis persona aliud, atque aliud matrimonium est, alius, atque alius maritus: ita etiam alia, atque alia dos in singulorum persona intelligatur. Sic & cum Titius & Seius decem, aut Stichus, qui Titii sit, stipulati sunt, negant eundem videri eos duos reos stipulandi: hac ratione, quod Titio decem tantum, Seio Stichus, aut decem debeantur, id est aliud, dicit. l. si id, ff. hoc tit. Ex quibus hoc eueniet, ut cum promissor in prima specie vni ex stipulatoribus vsu fructum dederit: in secunda autem vni dederit decem dotis nomine, nihilominus alteri dare debeat, nec quod contigerit in vnus persona, id alteri proficit, aut noceat. Quod ad tertiam speciem attinet, de ea ita scribit Caius in d. l. si id, ut fateatur Titium & Seium in Sticho, qui Titii sit, reos stipulandi non esse, ut si is soluetur Seio, nihilominus Titio decem debeantur: sed putet reos esse in decem, idque eo pertinere, ut si promissor alterutri decem soluerit, ab altero liberetur.

Voluntatem præterea, ut duo rei stipulandi fiant, ita duos stipulati eandem rem, ut stipulentur ab eodem. Inst. eo. in pr. Si stipulentur à diuersis, puta Primus à Seio Stichum, Secundus eundem Stichum, sed à Sempronio, duo rei stipulandi intelligi non possunt: siue quod singuli velint in solidum & coniunctim eandem rem sibi dari: in quo continentur res duæ, Stichus, & eius Stichi æstimationis: siue quod etsi actum sit, ut alterutro promissorum stipulatori suo soluent, alter quoque à suo liberetur: tamen personæ stipulatorum & promissorum diuersæ diuersas quoque & proprias obligationes inter stipulatores & promissores efficiunt. Nunc autem in duobus reis stipulandi vnam obligationem esse oportet, §. pen. Inst. eod.

Sed & duo rei stipulandi eandem rem à promissore ita stipulati debent, ut stipulentur singuli solidum, non eius rei partes, quo & singulis solidum debeat: quod est proprium duorum reorum, §. pen. Inst. eo. l. 2. ff. eo. Qua ratione placet, si duo coniunctim eandem rem, aut eandem summam stipulentur, duos reos stipulandi non esse, quia diuisa pro numero personarum stipulatione videantur singuli partem virilem esse stipulati: nisi adiectum sit, ut duo rei stipulandi essent, ut hoc modo velint videri singuli solidum stipulati esse, l. reos. §. 1. ff. eo.

Postremo, ita volumus singulos stipulati ab eodem rem vnam & in solidum, ut tamen debeat vna omnibus, quæ sola versetur in vtriusque obligatione, d. §. pen. Inst. eo. De quo si aperte conuenit, quæstio sublata est. Ita enim fient duo rei stipulandi, ut nihil quæramus, utrum stipulantibus duobus eandem rem promissor simul ambobus responderit, ut proponitur exemplum Inst. eod. in princ. an vero singulis separatim interrogantibus separatim & ipse responderit. In re enim certa ineptum est voluntatis & facti coniecturas quærere, l. continuus. §. cum ita. in fin. ff. de verb. obligat. Quod si de eo nihil dictum sit, intelligemus id tum agi videri: proinde & hac parte duos reos stipulandi fieri ita, ut describitur Inst. eod. tit. in princ. cum post omnium interrogationem promissor non separatim, sed semel stipulantibus responderet hoc modo; vtrique vestrum dare spondeo. Nam si, inquit Iustinianus, prius Titio sponderit, deinde alii interroganti spondeat, alia, atque alia erit obligatio, nempe ut in diuersis & distinctis stipulationibus.

Duo rei promittendi qui, & quomodo
fiant. Cap. IV.

S Y M M A R I A.

- 1 Duo rei promittendi, qui.
- 2 Duos reos promittendi non esse, siue vnus aliam rem promittat, siue promittat eandem, sed aliquid in re aut minus, aut amplius.
- 3 Diuersitatem obligationis, quae in re promissa non sit, duorum reorum promittendi constitutioni non obstat.
- 4 Duorum reorum promittendi esse, vt vni stipulanti idem promittant, non singuli singuli.
- 5 Vt promittant singuli solidum, & quando id secisse intelligantur. & num. 6.
- 6 Vt promittant ita, vt vnus in obligatione versetur, & quando id agi videatur.
- 7 Duos separatim respondententes alias ita duos reos fieri, si statim respondeant, inter dum et si ex intervallo, & quando horum virumque, & quamobrem.
- 8 L. 3. in prin. ff. de duo reis, exposita.
- 9 Duos reos promittendi non aliter fieri, quam si ambo idem & in solidum promittentes, etiam promittant principaliter.

Duo rei promittendi sunt, † quorum singuli eandem rem eidem stipulanti, in solidum & principaliter promiserunt eadem mente, qua superiores, vt quamuis solidum singuli, vnum tamen omnes debeant. *d. l. 2. l. 3. §. vlt. ff. eod. §. pen. Inst. eo.* Itaque cetera in re promissa cum duobus reis stipulandi communia, vt eandem rem omnes vni promittant, vt solidam, vt ea mente, quo vna res tantum versetur in vtriusque obligatione. Illud amplius hic exigimus, vt qui ita promittunt, promittant principaliter. Primū

† à singulis rem per omnia eandem promitti oportet, vt neque aliam vnus promittat, neque ita eandem, vt promittat amplius. Quocunque modo impar in re obligatio à duobus suscepta erit, placet duos reos non esse, veluti, si duo Stichum promittant, sed nominatim caueatur ab vno, vt negligentiam quoque in ea re, aut casum praestet: quae duo ab altero promissore iure non praestantur. *l. si seruum. in pr. ff. de verb. obl.* Hoc Papinianus in deposito ita confirmat *in l. eandem. §. 1. ff. eo.* Si quis, inquit, in deponendo penes duos paciscatur, vt ab altero quoque culpa praestetur quae alioqui in deposito non praestatur sine conuentione. *l. 1. §. si conuenit. §. si sepe ff. de dep.* verius est, non esse duos reos, à quibus impar suscepta est obligatio. Sed hoc ita, si initio ita conuenit, vnde subiicit: *Non idem probandum est, cum duo quoque culpam promississent, si alteri postea pacto culpa remissa sit, quia posterior conuentio, qua in alterius persona intercessit, statum & naturam obligationis, qua duos initio reos fecit, mutare non potest.* Haec ille, vno exemplo in aliis contractibus omnibus idem confirmans. Ex hac re est, quod si duo fabri eandem insulam fieri promittant, placet non aliter duos reos promittendi fieri, quam si fabri eiusdem peritiae fuerint. *l. 5. ff. eod.* Tum enim scilicet eandem operas promittere intelliguntur: alioqui diuersas cum inter artifices longa sit differentia, *l. inter. ff. de sol.* Sed in re, inquam, promissa parem duorum reorum promittendi obligationem esse volumus. Quae si erit, † aliis in rebus diuersitas obligationis duorum reorum constitutioni non obstat: puta in vi obligationis, iremque; in circumstantiis dandi. Et ideo quamuis à Titio & à pupillo sine tutoris auctoritate stipulatus fuero eandem decem, vel à Titio, & à seruo, vbi neque pupillus, neque seruus obligantur, nisi naturaliter: placet tamen quasi duos reos constitui, *l. si ex duobus. §. vlt. ff. eod.* Similiter & ex duobus reis promittendi alius in diem, vel sub conditione, alium pure recte accipi placuit, *Lex duobus. 7. ff. eod. §. vlt. Inst. eod.* Quippe cum dies venerit, eadem per omnia obligatio futura est. Quo recepto etiam illud Papiniani consequens fuit, vt si cum duos reos promittendi, ex diuersis locis Capuae pecuniam dari stipulatus sim, & duo rei sint, & ex persona cuiusque ratio proprii temporis habeatur: hoc ille *in l. eandem. §. vlt. eo.* Quod hanc significationem habet, vt non ante vterque Capuae conueniri possit, aut arbitraria actione alibi, quam tantum temporis praeterierit, intra quod ex eo loco, ex quo vterque se daturum promissit, Capuam peruenire possit. Id, vt dixi, superiori consequens est; quia loca temporis dilationem afferunt, intra quod eo possit perueniri; vt ex remotioribus locis longiore die, ex minus remotis citiore debere intelligatur. *l. interdum. ff. de verb. obligat. §. loca Inst. de verb. obl.* Non idem probauerimus, si duo non ex diuersis locis, sed diuersis locis se daturus

promississent, puta vnus Capuae, alter Ephesi. Nam cum in vtriusque obligationem veniat utilitas loci, *l. 2. ff. de eo, quod cer. loc.* eaque ipsa non sit eadem. *l. 3. ff. eod.* perspicuum est, diuersis locis in vtriusque persona ad dandum constitutis parem ab vtroque non suscipi obligationem.

Vni † stipulanti duos promittere debere, vt duo rei promittendi fiant, iam effectum est; cum si ex duobus promissoribus singuli singulis stipulantibus promittant, pro numero stipulantium & promittentium, aliae, atque aliae stipulationes & obligationes fiant. In duobus autem reis promittendi versatur vna tantum obligatio. *l. 3. §. vlt. ff. eod.*

Sed † & singuli promittendi rei ita eandem rem promittere debent, vt promittant singuli in solidum. *l. 2. l. 3. §. vlt. ff. eod.* Vnde et si duo de decem interrogati coniunctim respondeant, placet ideo duos reos non esse; quia pro numero personarum diuisa obligatione videantur singuli non decem tota, sed partes viriles spondisse. *d. l. reos. §. 1. ff. eo. l. cui fundus. ff. de cond. & dem. l. 1. supr. si plu. vna sent. fu. cond.*

Est † etiam similiter, vt in duobus reis stipulandi, hoc proprium duorum reorum promittendi, vt dum eandem rem in solidum singuli promittunt, id agatur, vt nihilominus rem vnam omnes debeant, quo hac quoque parte dici possit in vtraque obligatione rem vnam versari. *§. penult. Inst. eod.* Quod & ipsum agi vnde intelligatur, cognoscendum est. Quod apud Iustinianum sub eodem titulo explicatur, cum ex forma conceptionis verborum docet, quomodo duo rei promittendi fiant, vt & in duobus reis stipulandi prius fecerat. Indicat igitur, duos reos promittendi fieri hoc modo, cum separatim interrogati de eadem re tota danda, respondent singuli separatim, *spondeo.* Et quidem separatim interrogati oportet ob eam causam, quam supra reddimus. Quod si stipulator coniunctim ita roget, centum dare spondetis? partes viriles à singulis stipulatus videtur, *d. l. reos. §. 1. ff. eod.* Plane si aperte hoc agatur, vt sint duo rei promittendi, nihil nocebit & coniunctim interrogatos esse: cum, vt dixi, semper etiam in stipulationibus si quid obscurum est, id sequamur, quod actum est. *l. semper in stipulationibus. ff. de regul. iur.* In quam sententiam accipi debet, quod dicitur *in l. 4. ff. eod.* duos reos promittendi recte obligari, non tantum si separatim interrogati, *spondetis? respondissent? spondemus,* sed etiam si ita interrogati, *spondetis? respondeant singuli, spondeo.* Recte, inquam, cum duos reos promittendi fieri volumus, & hoc quaeritur, *an duos reos facere volentibus nihil noceat forma interrogandi superior.* Ceterum simul interrogati, si nihil aliud proponitur de sententia contrahentium, de partibus singuli interrogati videntur: & interrogati dum simpliciter respondent, in eandem sententiam respondisse existimantur. *§. praeerea Inst. de iur. stipul.* Sed vtrum separatim interrogati, spondeant & ipsi separatim, vt dicant singuli, *spondeo,* vt proponitur exemplum. *Inst. eod. tit. §. 1.* an vero coniunctim, vt dicant, *spondemus,* nihil interest. *l. 3. ff. eod.* Merito: nam cum vni stipulanti duo spondent, quocunque modo id faciant, semper videntur in eandem conceptionem respondisse. *dicit §. praeerea.* Solidum autem à singulis stipulator stipulatus est. Quare simpliciter respondententes etiam singuli in solidum respondisse videntur. Non idem fit, cum duobus reis stipulandi separatim interrogantibus promissor separatim singulis responderet: vbi ante negauimus, duos stipulandi constitui. Hoc ideo, quod responsum simplex ex interrogantis persona aestimatur: quae res facit, vt cum duobus separatim stipulantibus promissor separatim responderet, pro singulorum stipulantium persona alia, atque alia stipulatio intelligatur.

Quamquam † autem illud praecipue constat, duos reos promittendi ita fieri, si separatim interrogati, respondeant etiam singuli separatim, *spondeo:* tamen adiiciendum est, hoc ita esse, dum respondeant ambo non ex intervallo, sed statim ita, vt inter vtriusque responsum neque vnus dies intercedat, neque in eodem die is actus, qui sit obligationi contrarius, vt praecipitur *in l. duos. §. vlt. l. si ex duobus. 12. in pr. ff. eod.* Non sane quia intervallo hoc quidquam ad reos ipsos inter se iungendos pertineat, sed quia cum vno statim respondente alter postero die, aut contrario actu interueniente responderet, intercedit hoc ipsum intervallo inter interrogationem stipulantis & istius promittentis responsum: quod cum sit, stipulatio non valet, eoque nec posterior iste obligatur. *d. l. si ex duobus.*

Plane † sic ex intervallo duo rei accipi possunt, si ambobus † primo interrogatis vnus statim respondeat, posterior autem ex intervallo accipiat, atque hoc ipsum agatur, vt posteriore accipio

cepto duo rei fiant: quæ verba sunt *l. 2. in princ. ff. eo. At* quomodo, quæret aliquis, posterior ex intervallo respondens reus fieri potest, cum si inter interrogationem stipulantis & responsum promittentis vnus dies intercedat, non consistat stipulatio? *l. 1. §. 1. l. continuus. in princ. ff. de verb. oblig.* Et fatendum est eum, qui ex intervallo respondeat, non obligari, eoque nec reum promittendi fieri posse, quantumvis conuenerit initio, aut postea, vt reus fieret: hæc enim conuenticio ius mutare non potest, atque hoc efficere, vt vbi iure stipulatio nulla est, ibi aliqua verborum obligatio intelligatur fuisse. Sed neque hoc negatur superioribus verbis. Non enim dicitur, posteriore reo post priorem respondente duos reos ex conuentione fieri posse, si posterior ex intervallo respondeat, sed si posterior ex intervallo accipiatur. Sic posterior ex intervallo accipitur, si iure & cum effectu accipitur. Accipitur autem isto modo, si ex intervallo post priorem reum respondens iterum interrogetur à stipulatore, an eandem rem det, de qua prius interrogatus erat, & statim interroganti respondeat. Sic enim intervallo istud inter vtriusque rei responsum intercedit, non inter interrogationem stipulantis & promittentis responsum. Inter quæ multum interest. Nam posterius inutilem stipulationem facit: nec potest quisquam vnus esse reus, qui ex stipulatione ne reus quidem est. Prius duorum reorum constitutionem non impedit: vbi constat vtrumque recte eandem rem promississe, & stipulatione esse obligatum atque id actum, vt quamuis diuersis temporibus accepti sint; tamen duo rei essent. Nisi quise iure vetere hic nouationem metueret, vbi posterior id promittit, quod prior debebat, quasi noua persona interueniens nouationem faceret. Sed non debet ibi timeri nouatio, inquit Vlpianus *in d. l. 3. eod.* vbi id agitur, vt posterior non pro nouatore, sed pro altero promittendi reo accipiatur: in quo aperte id agi intelligitur, ne vlla nouatio fiat.

Vt concurrant superiora omnia, id est, vt duo vni stipulanti promittant, & eandem rem, & in solidum, & vnã: nondum tamen satis ad duorum reorum promittendi constitutionem. Adendum est, si modo & hanc ipsam eandem rem promittant principaliter, vt fiant principales debendi rei. Nam & reus principalis & fideiusor, duo sunt, qui eandem obligationem & eiusdem rei, idque in solidum in se suscipiunt. Suscipiunt in commune & duo fideiusores. *§. si plures. Inst. de fid.* Neque tamen aut illi, aut hi sunt duo promittendi rei, cum fideiusores à reis promittendi, & appellandibus & iure multum distent, vt postea dicetur pluribus, cum quæremus; an duo rei vice mutua pro fideiusoribus habendi sint. Id autem & verbo ipso, & natura huius obligationis satis admonemur. Nam reus in promissoribus dicitur is, qui principaliter quid promittit. *l. mora. 88. ff. de verb. obligat. l. hi, qui. 34. l. cum is, qui. 36. & passim. ff. de fid.* Vnde intelligi debet & duos reos esse, qui principaliter simul quid promittunt. Sed & duorum reorum promittendi sic constitutio est, vt tanquam in principali duorum debitorum obligatione, ita de eorum obligatione iudicetur, *§. penult. Inst. eodem tit.* fideiusor autem omnis accessio est principalis obligationis, eamque sequitur, *§. si fideiusores. Inst. de fid.*

Duorum reorum stipulandi ius quale, & quibus in rebus positum sit. Cap. V.

S V M M A R I A.

1. Reus stipulandi, singulis solidi petitionem esse.
2. Reus stipulandi singulis ius esse debitorem liberandi, vt debitor ab vno liberatus vel ipso iure, vel per exceptionem quamlibet, simul ab altero quoque liberetur.
3. Vnum ex duobus reis stipulandi in obligatione communi posse alterius correi conditionem facere deteriorem, debitorem liberando: neq; id pugnare cum æquitate naturali, qua alteri detrahi vetat.
4. Vno ex duobus reus promittendi exceptione liberato, non item liberari alterum, & differentia ratio.
5. Vnius ex stipulandi reus petitione, id est, litem contestatione totam tolli obligationem, & hoc quam sententiam & rationem habeat.
6. Vnum ex duobus reis stipulandi sociis solutum recte accipere ad debitoris plenam liberationem: aliter autem debitorem liberando alteri sociis non nocere: cur, & quam alius locis conuenienter.

DVobis reis stipulandi promittendive constitutis, deinceps quid sit horum proprium, propter quod nunc de his sepa-

ratim agitur, cognoscamus. Et duorum reorum stipulandi meminimus summum hoc ius esse, quod comprehensum est in *§. pen. Inst. eo. vt solidum debeat* singulis, sic tamen, vt in vtraque obligatione res vna versetur. Id singulis duas res tribuit, exigendi solidi potestatem, & promissorem in solidum liberandi. Primum ¶ ex hac causa singulis solidi petitionem esse constat, *l. 2. ff. eo. l. si rem. §. 1. ff. de nouat.* Nam cui quid debetur, ei etiam eo nomine actio est, id est, ius id, quod debetur, iudicio persequendi. *Inst. de act. in pr.* Singulis autem solidum deberi posuimus. Sed ¶ nec minus ex eadem causa singulis promissorem liberandi ius est, quibuscunq; modis creditor, cui aliquid debetur, debitorem suum liberare potest. Nam & hic singuli creditores sunt, & singulis solidum debetur. Ergo vni recte soluetur, vt promissor ab altero quoq; liberetur ea obligatione. *§. pen. Inst. eo.* Sed & citra solutionem quicunq; modi sunt, quibus actio iure tolli, aut per exceptionem remitti potest, si quo ex his vnus promissorem liberauerit, non à se tantum liberabit: sed à ceteris quoq; omnibus etiam inuitis, & totam tollet obligationem: puta; si accepto ferat promissori, quod debetur: si nouandi animo alium reum ab eo accipiat. *l. 2. ff. eo. l. si rem. §. 1. ff. de nouat.* atque adeo si paciscatur tantum, ne à promissore petat. *l. si vnus. in pr. ff. de pact.* Qua ratione & ab vno ex duobus reis stipulandi delatum iusiurandum etiam alteri nocere placet. *l. in duobus. in pr. ff. de iur.* In quibus si exceptio pacti & iusiurandi aduersus vnum ex reis stipulandi reum liberat, dum ei eadem nocet exceptio: dubitandum non est, quin & rei iudicatur exceptio promissori aduersus vnum ex reis stipulandi quæ sita, dum vnus agens iudicio victus est, etiam promissori aduersus alterum reum proficit, eumq; similiter liberet. Quare & vno pecuniam offerente si stipulator accipere sine iusta causa recusat, eaq; postea perierit, vt offerenti competit doli mali exceptio, *l. qui decem. ff. de sol. sic & alteri reo eadem exceptio dabitur.* Quippe hæc omnia ita fierent, si vnus esset tantum creditor, & vna obligatio. *Inst. quibus modis toll. obligat. in pr. l. pactum. ff. de pact.* Nunc autem in duobus reis stipulandi sic obligatio accipitur, quasi in singulis obligatio esset vna, cum in vtriusque obligatione vna res versetur. Idque est, quod Venuleius definit *in dict. l. si rem. §. 1. ff. de nouat.* vnumquemque ex reis stipulandi perinde sibi adquisisse, ac si solus stipulatus esset, excepto eo, quod etiam factum eius, cum quo commune stipulandi ius est, amittere debitorem potest. Ex quo ¶ apparet, vnumquemque reorum stipulandi promissorem liberando posse alterius rei conditionem deteriorem facere & ignorantis & inuiti. Neque tamen hoc pugnat cum regulâ iuris, quæ vetat alterius conditionem facere deteriorem, *l. soluendo. ff. de neg. gest.* Hæc enim ad eos pertinet, qui de alieno statuendo recta id faciunt, quod aliis noceat, quod non licet. Hic de eo agitur, qui promissorem liberando de suo statuit: quod cuique facere concessum est. Nocet deinde id aliis correis: sed per consequentiam: quod ideo hic non spectamus, ne per consequentiam & appendicem impediatur id, quod principaliter iure fieri potuit. *arg. in l. 1. ff. de aucl. tut.*

Non ¶ idem seruator è conuerso, vt ex duobus reis vni exceptio quæ sita etiam proficit alteri promittendi reo, eumque liberet, vt postea dicetur. Hoc ideo, quod vnus promissor sibi soli exceptionem recte acquirere potest: qua quæ sita aduersus omnes eiusdem pecuniæ stipulandi reos recte vt sua vitur. At non item qui sibi exceptionem quærere potuit, etiam potuit alteri, quamuis eiusdem pecuniæ reo; quia ius vetat quidquam quærere alteri.

His consequens est, ¶ quod traditur *in l. 2. ff. eod.* etiam vnus ex reis stipulandi petitione totam tolli obligationem, id est, tunc, cum vnus iudicio egerit cum promissore, & litem cum eo fuerit contestatus; quomodo petitionis verbum accipitur *l. amplius. ff. rem rat. hab.* quod aliis verbis sic explicatur *in l. si rem. §. 1. ff. de nouat.* vnum iudicio petentem totam rem in litem deducere: sed apertius *in l. fideicommissa. §. plerumq; ff. de leg. 3.* cum dicitur, vnum ex pluribus reis stipulandi agendo occupare, & totum consequi. Qui ergo hoc superioribus consequens? non quod reus stipulandi iudicio agendo promissorem statim liberet in totum, priusquam pecuniam acceperit: sed quod pro commodo suo liberet eum à priore obligatione. Iudicio enim cum promissore contrahit, *l. 3. §. idem scribit. ff. de pecul.* In quo & notatio quædam fit, vbi vetus actio transfertur tota in actionem iudicati, quatenus petitori commodum est. *l. aliam. ff. de nouat.* de quo postea ad titulum de nouat. Eadem que opera tollitur ceteris vetus actio ex stipulatu: m-

d'cati autem obligatio sic petitoris propria efficitur, vt promissor postea condemnatus hanc mutare non queat, si velit, nisi petitori soluendo. Hinc illud dictum est, ex duobus reis stipulandi si semel vnus egerit, alteri promissorem postea offerendo pecuniam, nihil agere. *l. ex duobus. 16. ff. eod.* Quippe offert ei, cui post illam iudicij accepti nouationem debere desit inuito petitore. Et hæc quidem sine exceptione ita tradita sunt *in dicta leg. 2. ff. eod. & dicta leg. si rem. §. 1. ff. de nouat.* Et sane prioribus illis positus sunt consequentia. Paulus tamen *in l. si vnus. in pr. ff. de pact.* hæc ita vera esse scribit, si rei stipulandi socii non sint: quod si sint socii, vni quidem solui posse: vnum autem aut nouando, aut pacificendo alteri nocere non posse. Vere Paulus, & superioribus admodum conuenienter. Quod enim diximus, vnus rei stipulandi acceptilationem & factum alteri nocere ad liberationem, de iis dictum est, quorum vterque in solidum obligationis ius sibi quaesiuit, & quorum vtrique solidum debeatur, vt declaratur vtroque; illo loco superiore, id est, *l. 2. ff. eod. & l. si rem. §. 1. de nouatio.* Hoc vero ita fit, si rei stipulandi socii non sint: qui si ex ea causa stipulentur, aut promittant, in qua socii sunt, scriptum est *in l. in lege. 62. ff. ad leg. Falc.* perinde inter eos diuidi debere obligationem, atque si singuli partem pecuniæ stipulati essent, vel promississent. In his igitur omnibus hoc ipsum temperamentum tenendum est.

Duorum reorum promittendi obligatio qualis, & quid contineat, & de solidi exactione, qua singuli in solidum tenentur.
Cap. VI.

S V M M A R I A.

- 1 Ab vno ex duobus reis promittendi solidum peti posse, etsi reus sumtus sit, qui fideiussor esse poterat, & debuerat.
- 2 Idem, etsi sine rei promittendi socij.
- 3 Idem, etsi pecunia credita ad vnum perueneris.

Duorum reorum promittendi hæc item summa obligatio est, quæ iisdem illis locis describitur, id est, *l. 2. ff. eod. & §. pen. Inst. eo.* vt singuli solidum debeant; non tamen, quam vt ab his res vna debeatur. Cuius iuris vis hæc est. Quod singuli solidum debent, facit, vt possit peti ab alterutro solidum; sic tamen, vt non sit ea res impedimento, quo minus partes à singulis peti possint: hoc enim totum pro commodo stipulatoris accipiendum est. *l. 3. §. 1. l. reos. in pr. ff. eo.* Quod autem ita in solidum obligati sunt singuli, vt vna res tantum in obligatione versetur, id eam vim habet, vt vno ex reis promittendi liberato, vna quoque; ceteri, etiam cum quibus nihil actum est, liberentur. *l. 3. in fin. ff. eod. dict. §. pen. Inst. eod.* non etiam vt vnus factum alteri noceat, eique nouam obligationem inducat, quam non constet inter eos interuenire. Ita fit, vt duorum reorum obligatio duas hæc res contineat in summa: in excipienda actione onus solidæ actionis, quod singulis imponitur: in soluenda autem obligatione communis liberationis beneficium, quod singulorum liberationi tribuitur. Quod vni autem factum vnus ad aliam obligationem alteri inducendum horum obligationis conditio non admittit, de quibus capitibus tribus dicam ordine. Iam tamen primum duo rei promittendi ita solidum debent, vt possit vel ab vno eorum solidum peti, idque eorum proprium est, nisi malit creditor actionem inter eos diuidere, *d. l. 3. §. vlt. l. reos. in pr. ff. eod. §. pen. Inst. eo.* Nihil hic excipiunt veteres. Neque vera sunt ea, quæ de obligatione inter reos quandoque diuidenda scribit Bartolus *in auth. hoc ita hic. num. 68. & deinceps.* Ait diuidi actionem inter duos reos, si cū acciperentur pro aliena obligatione, color sit quaesitus, & tanquam rei principales accepti sint. *arg. litem si. §. 1. ff. de Mac.* Sed ne colorem esse dixerimus, cum creditor vult sibi ita cauere, vt qui accipiuntur, rei principales promittendi fiant. Tunc color est, cum ius vetat fideiussorem accipi, vt teneatur, & ne videatur fideiussor, tanquam reus principalis accipitur, vt est species *d. litem si. §. 1. de Mac.* Vbi autem non prohibetur quis reum accipere, quem fideiussorem accipere poterat, si vt reum acciperit, conditio duorum reorum ex conuentione seruanda est. Quid, tamen si duo rei sint socij? Idem ait & pro parte eos conueniri debere; quia dicatur in lege Falcidia inter eos diuidi obligatio. *l. in lege 62. ff. ad leg. Falcid.* Sed & hoc conditioni duorum reorum & conuentioni aduertatur. Ideo enim duo rei accepti sunt, vt stipulanti solidum deberent; eamque conditionem accepit stipulatio. Hanc inuito eo rei mutare non possunt,

l. vero. ff. de sol. l. Herennius. ff. de euid. Non obstat, quod dicitur *in d. l. 62. ad leg. Fal.* inter duos reos socios circa legem Falcidiam perinde diuidi obligationem, quasi singuli partem pecuniæ stipulati essent, vel promississent. Hoc enim recte dicitur circa legem Falcidiam, cum quaeritur, quantum singuli in bonis habeant, vt fit in quantitate patrimonij inquitenda ex lege Falcidia. Sed hoc creditori nocere non debet, nec debitorum pactio creditoris ius mutat. *l. debitorum. sup. de pact. l. 3. in pr. ff. de transact.*

Quid tamen plura? Adeo verum est, singulos posse in solidum conueniri, vt quamuis pecunia credita ad vnum ex reis peruenerit; tamen nihilominus alter recte in solidum conueniatur; quia hæc in duobus reis accipiendis obligationis lex & conuentio est, *l. propter. hoc tit. l. si non. sup. si certum petatur.* Sed hic obiicitur exemplum duorum fideiussorum, inter quos diuidi obligationem constat. Ne quis autem exemplum repudiet, duo rei dicuntur vice mutua pro fideiussoribus accipi. *l. reos, in pr. D. eod.* Sed cum hæc obiectio ad alias quoque partes huius obligationis pertineat, de ea dicam in commune ad extremum. Illud in hac parte monendum sumus, quæ de solidi exactione aduersus singulos ex duobus reis promittendi dicta sunt, ex iure veteri dicta esse. Ius immutatum constitutione Nouell. Iustiniani, de quo dicam ad *auth. hoc ita infr.*

Quibus modis vno ex reis promittendi liberato liberetur alter. Cap. VII.

S V M M A R I A.

- 1 Vno ex reis promittendi liberato, quocumque modo accidat, ne in eius persona iusta & perfecta sit rei liberatio, nec alterum liberari: & quibus modis id accidat.
- 2 Vno ex reis promittendi non ipso iure, sed per exceptionem liberato, non ideo alterum liberari: & cur.
- 3 Exceptæ tres causæ, & quæ.
- 4 Vni ex reis promittendi exceptione pacti parte, alterum non liberari: exceptione iuristarum vni quaesita, contra esse: differentia ratio.
- 5 Vnius ex reis promittendi moram alteri non nocere, id est, non efficere, quominus re postea perempta & teneatur, qui moram fecit, & liberetur, qui non fecit; proinde neque huius liberatione liberari eum, qui moram fecit.

DE liberatione vnus, quid ceteris adferat, videamus. Quod pluribus verbis indiget. Non enim vsque quaque; verum est, vno ex reis liberato alterum quoque; liberari. Habet id has cautiones. Nam & ad veram ac iustam liberationem tantum pertinet, & in vera etiam liberatione interdum locum non habet. Sunt etiam quædam causæ, de quibus dubites, an pro iusta liberatione habendæ sint, de quibus ordine dicendum est.

Principio tamen igitur non quaeris liberatio vnus rei promittendi alterum quoque; liberat, sed tantum vera & iusta liberatio. Ea est autem, qua tollitur ipsa obligatio, & tollitur ipso iure, non per exceptionem, nisi ex causa. Ante omnia obligationem iure solui, seu reum obligatione sublata liberari volumus, *l. 2. l. 3. in fin. D. hoc tit.* Ita quocumque modo fiet, ne sit iusta liberatio, & solutio obligationis, quocumque; id factum erit, nunquam id alteri reo proderit ad liberationem, Tribus autem modis accidit, ne sit vera liberatio. Vno, si liberatio ipsa, puta acceptilatio, iure non constitit in persona eius, quem creditor acceptilatione liberare voluit; si iure maritum, cum duos reos haberet Titium & mulierem, mulieri accepto tulisse donationis causam. Ipsam quidem mulierem non esse liberatam constat; quia donatio & quidquid sit donationis causam, inter virum & uxorem inhiabitur. Quid Titius, in cuius persona consistere donatio potuit, an non liberabitur? Placet neutrum liberari; quia acceptilatio in persona mulieris non valuit. est autem absurdum eam, quæ in huius persona non valuit, ab ea ad alium transire, *l. 5. §. 1. D. de don. int. vir. & vxor.* Altero modo fit, ne sit vera liberatio, quæ profit alteri reo, si iure quidem ipso ab initio constitit, sed postea rescissa est, & restituta actio creditori. Quod accidit, cum mulier pro vno reo ita intercessit, vt eum nouatione liberaret. Nam Senatusconsulto Velleiano ita inuatur mulier exceptione, vt simul restituatur actio creditori aduersus eundem reum, atque hoc modo euentu desinat esse liberatio, quæ esse videbatur. Quamobrem tanquam in ea liberatione, quæ vere non est, placet nec liberari alterum reum, sed aduersus vtrumque pariter restitui actionem, *l. si pro vno. D. ad Velleian.* Tertio modo idem fit, cum vnus ex reis definit quidem vere teneri, sed ita, vt persona solam

solum obligatione eximatur, manente nihilominus obligatione. quod cum sit, sola persona eximetur: obligatio, quæ manet, alterum reum tenebit, *l. vlt. D. eod.* Sic autem rem, siue obligationem solui intelligimus, si manente persona, quæ possit debere, desinat reus quouis modo iure teneri. Personam autem eximi manente obligatione, cum reus ideo debere desinit; quia iam non sit, qui debeat. Quod conringit duobus modis. Vno, cum bona reo damnatione, puta deportatione, adimuntur, *d. l. vlt. D. eod.* Altero, cum stipulator vni ex duobus reis stipulandi heres existit, *l. Granini. 71. D. de fid.*

2 Non est satis, si aliquem vere esse liberatum. Etiam obligationem in vnius persona ipso iure tolli volumus, quo liberetur alter, non autem solum per exceptionem. Ex hoc iure placet, si creditor cum vno ex reis promittendi, qui socii non sint, pactus sit, ne petatur, pactum, quod pacifcenti prodest ad totius rei exceptionem, quamuis in rem conceptum sit; tamen alteri reo non prodesse. Hoc ideo; quia alteri exceptionem dari nihil interest eius, qui pactus est, *l. et heredi. §. vlt. l. fideiusorij. §. 1. leg. idem. D. de pact.* Sic autem regula iuris est, per liberam personam, quæ iuri nostro subiecta non sit, excepta possessione nobis nihil acquiri posse, *l. 1. sup. per quas person. nob. acquir. §. ex his. Inst. eod.* In eadem causa est rei iudicata exceptio. Finge ex pluribus eiusdem pecuniæ promittendi reis vnum iudicio electum. Diserte scriptum est in *l. amissi. §. vlt. D. de fid.* absolutione quoque huius secuta, eoque & quæ sita ei exceptione rei iudicatæ, ceteros non liberari. quod tamen negat Bartolus ad *auth. hoc ita. num. 43. hic.* & probat scilicet ex *d. l. amissi.*

3 §. vlt. quo loco maxime refertur. Sed tamen & hæc ita sunt, nisi iusta causa sit, quæ suadeat etiam alteri reo exceptionem dari. Iustæ causæ tres. Vna, si promittendi sint socii. In his pactum cum vno factum placet alteri proficere, *leg. eandem, §. penult. D. hoc tit. l. sed si. 24. et l. idem. seq. D. de pact.* nempe commutata superiore ratione; quia scilicet tum pacifcentis interest ab altero non peti propter societatem, qua sit, ut dum à socio meo petitur, ego inquiet, ut est in *l. 3. §. nunc de effectu. D. de lib. leg.* Ita fit etiam hoc modo, vt qui verbis pactus est alteri, re ipsa videatur eodem modo pactus sibi, quod per regulam iuris facere concessum est. Altera causa est in iis, qui socii non sunt, si vnus pactus sit nominatim, ne à se, neue ab altero reo petatur. Tum enim placet hoc pactum hætenus alteri prodesse, vt si ei pacti exceptio non datur, quod regula iuris prohibet, saltem profit ei doli exceptio. *d. l. idem. in fin. iuncta l. videlicet. seq. de pact.* Tertia est in his etiam ipsis reis non sociis, si causa, ex qua exceptio nascitur, eiusmodi sit, quæ habeatur pro solutione. Hoc, inquam, cum sit, vno ex reis promittendi per exceptionem tantum liberato, eadem exceptio alteri dabitur.

4 Talis tamen causa est iusiurandum, quo reus iurauit se non debere. Id in ceteris effectus etiam hunc habet, vt pro solutione cedat, *l. iusiuram. cum etiam. 27. D. de iur.* Qua ratione etiam placuit, quamuis à fidei iure exactum iusiurandum proficere etiam reo: multoque magis ex duobus reis promittendi, si alter iurauit, alteri quoque prodesse debere, *in duobus. §. 1. et §. ex duobus. D. de iur.* Eamque rationem non dubium est à veteribus redditam esse, vt intelligeretur, cur non ita placeat in pacto cum vno ex reis interposito. Non enim vt iusiurandum, ita & pactum solutionis loco est. Quippe in pacto nihil præstat creditor debitor, sed ab eo accipit. In iure iurando autem vt creditor pacifcitur, ne post iusiurandum petat, ita & pro eo debitor præstat iusiurandum, atque ex præstatione tanquam aliud pro alio soluendo satisfacit creditor. Satisfactio pro solutione est, *leg. satisfactio. D. de solut.* Comparatur quidem pactum solutioni *l. si vnus. §. si cum decem. ver. sed si stipulatus. D. de pact.* Sed tunc, cum vnus est promissor: quod recte fit. Nam de exceptione soli ei acquirenda agitur. Porro soli ei iure acquiri posse constat. Cui autem semel exceptio competit, huic non magis nocet actio, quam si sublata esset ipso iure, *l. nihil interest. D. de reg. iur.* Non idem dici potest, cum duo sunt promittendi rei, quorum vnus pacifcitur, ne petatur. Hic enim laboratur de exceptione alteri acquirenda. Hanc autem illi per alterum, cuius nihil interest, acquiri ius non concedit.

5 Interdum tamen vera sit & iusta liberatio, qua liberetur debitor etiam ipso iure: tamen eiusmodi est, qua vno reo promittendi liberato nihilominus alter teneatur. Id in vna hac specie receptum est, cum species debita, puta Stichus promissus neutro ex reis causam interitus præbente post vnus tantum moram perit. Nam qui moram non fecit, hunc ius certum liberat, quo efficiatur, debitorem re debita peremta, quod quidem sine eius culpa

factum sit, liberari, *l. si ex legati. ff. de verb. obl.* Moratorem autem alia constitutio in obligatione retinet, qua placet culpam perpetuare ei obligationem, *l. si feruum. §. sequitur. eod. tit.* Et hoc est, quod dicitur, si duo rei promittendi sint, alterius moram alteri non nocere *l. mora. §. vlt. D. de vsur.* Ideo enim non nocet; quia qui moram fecit tenetur: neque tamen tenetur alter, si extra culpam est, sed iure ipso liberatur. Ex quo rursus vice versa intelligitur huius liberatione illum alterum non liberari. Sed hoc propria ratione efficitur. Nam qui liberatur in hac specie, ideo id consequitur; quia vere res perit, nec vlla causa est, cur aduersus eum res adhuc existere existimeretur. Contraria de causa necesse est, non liberari alterum, quia etsi vere res perit, tamen culpa eius, quæ impunita esse non debet, facti, vt videatur res adhuc existere, *l. nemo. 82. §. 1. l. si feruum. §. sequitur. D. de verb. obl.* Est æquissimum, ne aut illius factum alteri noceat, aut cuiquam profit frustratio sua: vtrumque aduersus certas regulas iuris, & naturæ æquitatem, *l. factum cuius. l. in condemnatione. §. penult. D. de reg. iur. l. hominem. D. mand.* Et tamen ne hoc quidem ius in quauis culpa vnus ex reis promittendi receptum est, sed tantum in mora. Vno, inquam, moram faciente, huius mora non facit, quominus iuxta regulam communem iuris, quæ est de interitu rei debita: liberetur alter: neque etiam huius liberatio alterum, qui deliquit, liberat. At de facto vnus aduersus definitio est in *leg. penult. D. eo. in hæc verba: ex duobus reis eiusdem Stichi promittendi factis, alterius factum alteri quoque nocet.* Sed de eo mox plura, cum dicam in commune, vbi vnus factum nocere possit, aut non nocere.

Nec compensationem ab vno ex reis promittendi ex alterius persona opponi posse, nec lite cum vno contestata, ea petitione alterum liberari. Cap. VIII.

S V M M A R I A.

- 1 Vnum ex promittendi reis compensationem eius, quod alteri reo debetur, obicere non posse, & cur.
- 2 Si cum vno ex duobus reis iudicio actum sit, ea petitione alterum non liberari, nec nouo, nec veteri iur.
- 3 Vno ex reis stipulandi agente, cur ea petitio pro nouatione cedat, vt debitor ab altero liberaretur: vno autem ex duobus reis promittendi conuento, non fiat ea petitione nouatio, qua alter liberetur.

Atque vt in his liberationibus locum non habet beneficium liberationis, quod ab vno ex reis promittendi ad alterum transferri volumus: ita, vt proposui, dubitatur de quibusdā causis, an in vnus persona pro liberatione haberi debeant, vt sic profint alteri ad liberationem. Ambigitur autem de duabus, de facultate obiciendæ compensationis ex alterius persona, & de petitione solidi, quæ vnus ex reis conuentus fuit.

De iure obiciendæ compensationis hæc dubitatio fuit, an si stipulator vni ex reis promittendi pecuniam debeat, quo nomine is reus compensatione aduersus stipulatorem vti potuit, possitne etiam alter conuentus ex illius persona compensationem obicere, atque hoc modo contendere se liberatum. Mouet, quod compensatio pro solutione habetur, & quidem ipso iure, *l. 4. sup. de comp.* Quod si vnus ex reis liberatus esset solutione, nemo dubitaret, quia tota soluta esset obligatio, *§. pen. Inst. h. tit. l. 2. D. eo.* Et de eo ita scriptum est in *l. si duo. 10. D. eo. si duo rei promittendi socij non sint, ei, cui nihil debetur, non prodesse, quod stipulator alteri reo pecuniam debeat, quod nihil aliud est, quam eum, cui nihil debetur, compensationem ex persona alterius, cui debetur, obicere non posse, quamuis ille conuentus obicere potuisset. Ita etiam hoc dicitur ius obiciendæ compensationis, quod vnus ex reis ex persona sua habuit, si cum eo non agatur, pro solutione & liberatione habendum esse. Et recte, non enim ius compensandi pro solutione est, sed ipsa compensatio, vt est in *d. l. 4. sup. de comp.* Tunc autem compensatio est, cum is debitor, cui vicissim pecunia debetur, conuentus compensationem obicit, seu declarat se paratum compensare aut cum possit compensatio ab eo conuento obici, per errorem est ommissa, *l. 2. l. si ambo. §. 1. D. de comp. l. vlt. C. eo.* Faciamus ergo, cum eo, cui pecunia debetur, nondum actum esse, vt nec compensationem vti possit, si vellet. Consequens erit nullam esse compensationem. Non potest autem compensatio alteri prodesse, quæ in eius persona, vnde incipere debuit, nulla est. Sed meminerimus de duobus reis, qui socij non sint, hoc di-*

etiam esse *d.l. si duo. 10. D. eo. Quod si soc'jerunt*, quæ pecunia vni debetur, perinde est, quasi deberetur alteri, cum quo iure societatis communicari debet. quo fit, vt & alter conueniatur, eadem compensatione pro eo, quod ipsi debetur, vt possit.

2. De petitione, qua conuentus est iudicio vnus ex reis promittendi à stipulatore, vetus dubitatio est, an ea petitione liberetur alter ex reis, ita ne cum eo amplius agi possit. Et fuisse quorundam veterum sententiam, quasi inter duos reos promittendi esset hoc genus liberationis, significatur non obicere in *leg. decem. 116. illic, non enim sunt duo rei. D. de verb. obl. Indicat & constitutio Iustiniiani. l. vlt. inf. de fid. qua in duobus reis promittendi nominatim gauct, ne vno ex reis conuento, & lite cum eo contestata, ea re non ceatur creditori, quominus aduersus ceteros actiones integræ sint. Quæ constitutio fuit superuacua, nisi aut antea obtineret, aut certe ius esset controuersum. Et si autem ea constitutione quaestio sublata sit; tamen quia quædam etiam nunc obici possunt, oportet præterea eam sententiam hoc loco certius confirmare. Hæc autem fere sunt, quæ solent obici. Nam si vnus ex duobus reis stipulandi cum promissore egerit, diximus ea petitione nouationem fieri, qua actio transferatur in actorem solum, promissor autem ab altero reo stipulandi liberetur. Quidni ergo in duobus reis promittendi idem probemus, vt si stipulator cum vno egerit, eadem petitione fiat nouatio, qua interueniente etiam alter ex reis liberetur? Exstat præterea definitio de duobus reis tum stipulandi, tum promittendi concepta in *l. 2. D. eod. tit.* qua ita definitur, ipso iure & singulis solidum deberi, & singulos debere, ideoque petitione acceptilationeque vnus totam solui obligationem. Sed de hac re etiam ex vetere iure sic habendum est, si forte hoc iure quibusdam visum est, vno ex reis promittendi conuento, alterum ea electione liberari: tamen contrarium obrinuisse plurimum sententiarum. Testata est enim hæc sententia pluribus responsis diserte scriptis, aduersus vnumquemque ex duobus reis debendi agi posse, ne liberari alterum, si cum altero agatur. *l. 1. §. si apud. D. dep. l. si vt certo. §. vlt. D. com. l. 8. §. 1. D. de leg. 1. l. creditor. 60. D. mand.* Et cur ea petitione liberetur alter, cum ne ipse quidem, cum quo actum est, hac ipsa petitione liberetur? Non enim, aiunt veteres, petitione, sed solutione & perceptione debitor liberatur, *d. l. 1. §. si apud. dep. l. 4. D. de his, qui de ioc. vel effud.* Nisi quis dicat, quod creditor vnum elegerit, qui cum iudicio ageret, hoc factum illi nocere debere, quod longe secus est. Nemo enim agendo & litem contestando deteriorem conditionem suam facit, sed meliorem, *l. non solet. l. nemo enim. D. de reg. iur.* Et certe esset absurdum, diligentiam suam culquam fraudi esse: præsertim cum ius vigilantibus scriptum sit, vt Scæuola scripsit. *l. penult. in fin. D. qua in fraud. cred.* Quamobrem & hæc sententia merito Iustiniiani constitutione confirmata est *d. l. vlt. inf. de fid.* Neque tamen mouere nos debet, quod vno ex reis stipulandi agente, hanc petitionem pro nouatione cedere placet, vt nouata prioræ actione & translata in nouam iudicati, promissor ab altero ex reis stipulandi liberetur. Hactenus enim hæc petitio pro nouatione est, quatenus hanc fieri petitori expedit, alioqui contra, *l. aliam. D. de noua. de quo plura infra ad tit. de nouat.* At tunc expedit ita fieri, cum ex pluribus reis stipulandi vnus agit cum promissore. Sic enim fit, vt reo aduersus alterum ex stipulandi reis nouatione liberato, solida actio efficiatur propria eius, qui egit, vt iam neque alteri solui possit, neque alteri exigere, vt promissor liberetur. quæ plane mens est & consilium eius, qui prius egerit, vnde nouatio. Contraria plane utilitas & mens actoris contrariam sententiam inducit, cum vnus est stipulator, duo rei promittendi, & aduersus vnum agitur. Faciamus enim cum vno agendo alterum liberari. Manifestum statim inuicem inuicem actoris, qui cum prius duos haberet eiusdem rei debitores in solidum, agendo incipit vnum tantum habere. Et vero agendo hæc mens eius nequam fuit, vt vel eum, cum quo agit, vel alium quempiam eo facto liberaret. Nam qui sibi consulum voluit ea petitione, obesse certe sibi eam petitionem noluit. Neque potro secus, quam agenti expedit, & ab illo actum est, litis contestatio vnquam prioris obligationis nouationem, aut liberationem induxerit. Nam nec extra iudicium nouatio vnquam admissa est, nisi cum probaretur id actum esse, vt noua obligatione inducta, prioris nouatio fieret, *leg. 4. §. si ex conuentione. D. de re iud.**

De definitione *l. 2. D. hoc tit.* post constitutionem Iustiniiani laborare admodum non oportet. Et si enim in illa oratione; *petitione acceptilationeque vnus tota soluitur obligatio*, concederemus hæc verba, *petitione vnus*, etiam referri ad petitionem, qua vnus

ex reis promittendi conuenitur: tamen sic acceptus locus nihil obicit superiori sententia; quia in promptu erit dicere Iustiniiani constitutione emendari *d. l. vlt. inf. de fideiuss.* Sed ne necesse sit, ad hanc responsionem confugere, recte defendemus petitionis verbum in ea de finitione actiue tantum accipi posse, non passiuæ, vt intelligamus scilicet totam solui obligationem vnus petitione, non qua cum vno ex pluribus agatur, sed qua agat vnus ex pluribus. Id quidem proprietatis sermonis solum admittit. Petitione enim eius solius esse intelligitur, qui petit. Quod si quis est, cum quo agitur, non eius, sed ab eo petitionem esse dicere soleamus, *l. vlt. D. de seru.* Cum autem ad significationem verbi etiam auctoritas & certitudo sententiæ, quæ inde efficitur, accedat, non est, quod eam sententiam in illis verbis accipere dubitemus: quæ etiam in ambigua voce legis, cum vitio careat, vltro esset amplectenda. *l. in ambigua. D. de legib.*

Nec moram, nec factum vnus ex promittendi reis alteri nocere: sed nec interdum prodesse. Cap. IX.

S V M M A R I A.

- 1 Vnus ex reis promittendi factum, quo se obstringit, alteri reo non nocere.
- 2 Vnius rei factum alteri quoque reo nocere, quomodo interpretandum in *l. pen. D. de duo. reis.*
- 3 Vno ex reis promittendi moram faciente si res intereat, nihilominus liberari alterum: at si vnus animal promissum occiderit, non item, & qua differentia ratio.

Liberationem habemus vnus rei promittendi, qua & ipsa liberatur alter, proinde factum vnus in obligatione communi, quod factum pro sit alteri. An etiam vnus rei factum nocere possit alteri, sitque id proprium huius obligationis, tertium fuit à me propositum, quod in conditione istius obligationis quaerere mus. Et quatuor fere facta sunt cuiusque rei debendi, quæ illi noceant ad eum obstringendum, vbi alioqui non teneretur, delatum ab eo iusiurandum, quo aduersarius iurauit sibi deberi: eius confessio, qua fatetur se debere: damnum rei debitæ ab eo datæ: mora ab eo solutioni facta. An ergo hæc item alteri reo noceant, & an his vti possit creditor ad alterum his nominibus conueniendum, quaeritur. Et si quidem factum vnus rei promittendi eiusmodi est, vt se eo obstringat, et si prius non teneretur: generaliter probandum est, id factum alteri reo non nocere, tantumque abesse, vt id nocere alteri sit proprium obligationis duorum reorum, vt nihil sit magis contrarium. Rei enim sunt vnus eiusdemque obligationis, *l. 3. §. vlt. D. hoc tit. §. pen. Inst. eo.* Proinde extra eam obligationem non sunt rei, nec quidquam inter se habent commune. Quæ res facit, vt hic ad communem iuris constitutionem pertineant, qua placet res inter alios actas alijs non nocere. *l. toto tit. sup. res inter al. act.* Hac de causa delatum ab vno iusiurandum placet aduersus alterum stipulatori nihil prodesse, *l. nam posteaquam. in fin. & l. quia seq. D. de iur. nempe* ideo, quod alter ex causa eius iusiurandi conuentus si neget se debere, negat se, vt reum teneri ea obligatione, quæ iureiurando inducta est. Idem ergo dicemus, etsi vnus ex reis, quamuis in iure, confessus fuerit se debere, eadem de causa. Quod si factum vnus rei tale erit, quod non inducatur noua obligatio, sed perpetuetur vetus, quam constat duorum reorum fuisse, hic interesse dicemus, moram vnus rei id acciderit, an factum; id est, culpam, quæ in non faciendo sit, an ea, quæ sit in faciendo, veluti, cum reus animal promissum occidit. De mora exstat definitio in *l. mora. §. vlt. D. de vsur.* in hæc verba: *si duo rei promittendi sint, alterius moram alteri non nocere.* Qua significatur, si post vnus rei promittendi moram res promissa perierit, perpetuari aduersus eum obligationem: sed eam rem alteri, qui moram non fecit, non nocere quominus in eo veatur suo proprio iure, & eo interitu liberetur, atque ita simul vtrumque, acciderit, vt neque illius mora alteri noceat ad eum in obligatione retinendum, neque huius liberatio moram alteri proficiat ad eum liberandum, de quo iure dixi paulo ante.

De facto tamen vnus rei promittendi exstat contraria Pomponij definitio in *l. pen. D. hoc tit.* his verbis: *ex duobus reis eiusdem reus promittendi factis, alterius factum alteri quoque nocet.* Factum vocat Pomponius, quod proprie ita dicitur, id est, id admissum, quod vere in faciendo est, quale est, cum vnus reus animal promissum occidit: non autem id admissum, quod est in cessando,

aut negligendo, quo in genere est mora, cessatio nempe posita in non soluendo: sicq; mora à facto d' stinguitur in *l. si seruum. §. sequitur. D. de verb. obl.* Id eo pertinet, vt cum dicitur alibi moram vnus rei alteri non nocere, sciamus non esse contrarium, cum dicitur factum vnus alteri nocere; quoniam mora non est factum, quod quidem proprie ita vocetur, vt dixi. Sed & cum dicitur factum vnus alteri quoq; nocere, aperte de eo facto dicitur, quod ipsi facienti nocet vel ad inducendum aduersus eum obligationem, de qua prius dubitari posset, vel ad eam, quæ certo constituta erat, perpetuandam. Sed cum adiicitur, factum vnus ex duobus reis promittendi, satis declaratur agi de his, qui vere rei sint. Proinde & id factum notari, non quo inducatur obligatio, sed quo ea, quæ duorum reorum erat, perpetuetur, cum absque eo facto foret, esset interitura. Id autem factum est, vt dixi, cum vnus reus promittendi aliquid fecit, quo res promissa vel exstare, vel integra esse desineret, puta, cū animal promissum occidit, aut debilitauit. Ita fit, vt sit hæc sententia definitionis, si quod tale factum vnus ex reis promittendi acciderit, id factum primum ei nocere, ne eo interitu iuxta regulam communem iuris liberetur: quod certi iuris est, *l. si ex legati, l. si seruum, in princ. §. sequitur, D. de verb. obl.* Sed hoc amplius & conreo nocere, ne & ipse liberetur, quamuis ille nihil in eo neque dolo, neq; culpa, aut per dissimulationem fecerit: de quo dubitari merito poterat. Est enim contra regulam iuris, quæ eum debitorem, sine cuius culpa res perit, liberat. *d. l. si ex legati.* Quod cum ita sit, & præterea in mora diuersum obseruari dixerimus, haud abs re erit videre, cur id in hac specie tam varie constituitur. Et recte generaliter definiemus, iniquum esse vnus ex reis factum alteri reo nocere: ne incipiat dici licere cuiquam alterius conditionem deteriorem facere, contra regulam naturæ, *l. soluendo, D. de nego. gest.* Sed & illud etiam esse æquissimum, vnus factum non prodesse vel ipsi, vel alteri ad eum liberandum in necem creditoris. Nam à quo iusta solutio, aut satisfactio proficisci debuit, valde iniquum est, atq; adeo absurdum ab eo nasci iniuriam liberationis inuito creditore. Sequitur igitur, vt re post moram vnus ex reis peremta, quamuis qui moram fecit, teneatur adhuc, tamen liberetur alter, qui moram non fecit; quia si etiam ob id factum alter tenetur, aperte mora prioris illi alteri nocet, cum sine cuiusquam mora futurum esset, vt rei interitu liberaretur. Negamus autem vllum factum, aut culpam cuiusquam debere alteri nocere. Contraria de causa dicendum est, cum vnus ex reis animal promissum occidit, aut alter fecit, quominus res promissa exstaret, sicut tenetur qui occidit; ita alterum quoque reum teneri debere; quia si eo interitu liberatur alter, perspicuum est occidentis factum illi prodesse ad liberationem, cum sine eo vterq; adhuc teneretur, vt prius. Iam vero & hoc factum alteri prodesse debere negauimus. At enim factum vnus ex reis promittendi dicitur nocere alteri, in *dict. leg. penult. D. eo. &* nocere ibidem admittitur. Sed idem factum in hac re dicitur modo simpliciter non prodesse, modo etiam aperte nocere diuersis rationibus. Si liberationem tantum spectamus, vt certe de hac sola nunc querimus, occidentis factum alteri non prodest; quia eo facto alter non liberatur. Si spectamus regulam iuris, quæ ex interitu rei debita liberationem reo tribuit, dicitur factum alteri, qui non occidit, nocere; quia factum id quodammodo obstat, ne alter reus ea regula utatur. Sed tamen semper fatendum est, hoc posterius abusive dici, non proprie. Reuera enim non factum occidentis obstat, quominus alter liberetur, cum potius factum spectet ad alterum re peremta liberandum, sed in causa est ius, quod non patitur in interitu rei fraudem vnus ex reis alteri prodesse.

IN his tamen factis vnus ex reis promittendi, quæ facta ad perpetuandam obligationem valent, qualis est eius mora, & rei debita interemptio, exceptit Iustinianus interruptionem præscriptionis, quam in vnus persona admittam voluit etiam alteri reo & prodesse, & nocere. Quod dico, huiusmodi est. Diximus, si quod factum sit, quo vnus ex reis promittendi perpetuauit aduersus se obligationem, id factum neq; alteri reo nocere ad eum in obligatione retinendum, vbi ex sua persona liberari per se potuit, qualis est vnus ex reis promittendi mora: neque prodesse ad eum liberandum, quamuis alioqui, si esset solus, potuisset alieno eodem facto liberari: quale est, si res ab vno sit peremta. Hic, & inquam, exceptit Iustinianus interruptionem præscriptionis, exstatque de ea re eius constitutio, in *l. ult. inf. hoc tit.* Constituit enim, quæ eius legis sententia est, quocumque facto in vnus ex reis persona interrupta sit præscriptio temporis, quæ aduersus actionem curreat, siue hanc interruptionem passus sit vnus ex reis promittendi, siue vnus ex reis stipulandi intulit, eam & alteri reo promittendi nocere, & alteri reo stipulandi prodesse. Nocere, vt aduersus alterum quoque reum præscriptio sit interrupta, quo aduersus eam etiam finito tempore præstituto vtiliter agi possit. Prodesse, vt alter quoque reus stipulandi videatur interruptisse, quo & ipse perpetuo possit agere. Interrumpitur autem præscriptio, si reus aut debitum agnoscat apud creditorem, aut à creditore iudicio pulsetur. Siue ergo vnus ex reis promittendi debitum agnouit, vel iudicio conuentus est, perpetuatam eo facto aduersus eum actionem placet, etiam aduersus alterum reum perpetuatam videri, quali & ipse agnouisset idem ad iudicio conuentus esset. Siue apud vnum ex duobus reis stipulandi agnatum est debitum, aut ab vno promissor iudicio conuentus: perpetuatam huic actionem placet etiam alteri reo quasi communi quodam facto effici perpetuam. Ergo vnus ex reis interpellati partim mora, partim agnitio alteri quoque reo nocet ad interrumpendam præscriptionem: quod supra de mora & facto generaliter negabamus: & vnus ex reis stipulandi interpellatio alteri quoque prodest ad eandem interruptionem, quamuis ipse ad eam rem nihil contulerit: quod & ipsum in pacto vnus rei stipulandi, itemque in re cum vno ex his iudicata, & similibus factis ante negauimus. Sed meminerimus constituta hæc præter ceteras causas in interruptione præscriptionis temporis, vtrumque non sine certa ratione. Odiola enim res est præscriptio temporis, utpote constituta etiam ei, quem constare possit prius debuisse, & constituta ob id solum, quod debitor per tempus constitutum cessauerit. Favorabilis igitur, & digna quouis auxilio eius præscriptionis interruptio, idque eo magis, quod quandoque & quocumque ex facto concessa fuerit, semper interruptio sine debitoris, cum quo nihil actum est, damno continget cum, vt dixi, & ipse prius debuerit, nec moleste ferre debeat, se probabili quavis ratione à præscriptione temporis excludi, quæ potius conueniebat ex cessatione sua lucrum non sentire. Vnde & Iustinianus in *dict. l. ult. in pr. hic*, testatur se eos modos interruptionis, quos ab aliis positos inuenerat, etiam ampliasse, nempe quia bene regula iuris Pontificij comprehensum est, odia restringi, fauores ampliari conuenire. *e. odia. de reg. iur. in §. sumtum ex l. cum quidam, in fin. D. de lib. & posth.* Cur autem hæc interruptio in persona vnus ex reis stipulandi, vel promittendi vnde cumq; semel admitta etiam ad alios reos omnes pertineat, hæc non improbabilis ratio est, quod sit interruptio de tota obligatione. Iam vero hæc obligatio in omnium reorum non diuersa, sed vna & eadem est. Et hanc Iustinianus secutus est, vt declarat ipse in *d. l. ult. in extremo*. Ratio infirma per se, sed accedente illa ratione, atque æquitate præscriptionis impediendæ, quam supra dixi, vtrique eam interpretationem abunde in hac specie suader. Nec aliorum factorum exempla aduersantur. Poterat quidem eadem ratione defendi vno ex reis re post eius moram peremta obligato, eam obligationem etiam in altero reo retineri. Sed ideo non placuit, quia æquitas prohibet rem, quæ non est in rerum natura, aut in hominum commerciis, deberi ab eo, qui ipse nec rem sustulerit, nec in ea soluenda moram fecerit. Eadem quoq; ratione poterat defendi, exceptionem ab vno ex reis pacto, vel re iudicata quæ sitam ad alterum quoque reum pertinere; quia liberationem ab obligatione contineret, hæc autem obligatio etiam alterius rei est. Sed vetat regula iuris, per liberam personam alij vel actionem, vel exceptionem acquiri, *l. i. sup. per quas pers.* Cum autem actione ab vno ex reis stipulandi interrupta placet interruptionem alteri quoque reo ad perpetuandam obligationem prodesse,

Interpretationem præscriptionis temporis ab vno ex reis adhibitam alteri reo & prodesse, & nocere. & ad *l. ult. hic.*

Cap. X.

S V M M A R I A.

1 *L. ult. C. de duobus reis. explicatur.*

2 *Facta cetera vnus ex reis alteri nec nocere, nec prodesse: interruptio- nem autem præscriptionis ab vno ex reis promittendi, aut aduersus vnum ex reis stipulandi adhibitam alteri reo & prodesse & nocere: & huius rei æquitas.*

nlla hic actio, aut exceptio acquiritur, sed ea obligatio, quæ eius erat, retinetur. Acquirere alij non licet; retinere, quod eius sit, etiam in aljs causis denegatum non est. *l. si quis solutioni. §. ult. D. de usur. l. si cum venderet. in pr. D. de pign. act. l. 3. in princ. D. quod vi, aut clam.*

Duos reos promittendi vice mutua nec fideiussores esse omnino, nec pro fideiussoribus haberi inuito stipulatore.

Cap. XI.

S V M M A R I A.

- 1 *Inter reos promittendi, & plures fideiussores differentia.*
- 2 *Reos promittendi vice mutua fideiussores non inutiliter accipi, quid sit in l. reos. D. de duobus reis.*
- 3 *Rei promittendi quando habendi pro fideiussoribus.*

Sunt ergo hæc duorum reorum promittendi propria, siue de diuidenda inter eos actione, siue de eorum liberatione, siue de facto quod his noceat, agatur. Sed quoniam in his, quæ diximus, necesse est pleraque immutari, si duo rei promittendi vice mutua fideiussores sunt, & tamen tales accipi conuenire, scriptum est à Papiniano in *l. reos. in pr. D. h. rit. superest*, ut videamus hoc etiam, quam vere id dicatur, vel potius quomodo accipiendum sit, conueniat cum superioribus. Et non dubium est, quin duo rei promittendi fideiussores non sint. Duo enim rei promittendi sunt, qui principaliter idem promittunt, non enim ita, ut quod vnus prius principaliter spondit, ei postea alter accedat, ut dicat nominatim se promittere, quod ab illo, aut illo debetur, & est proprium accessio. Idque ex constitutione duorum reorum supra intellectum est. Nullus autem fideiussor principaliter & per se quid promittit, sed omnis fideiussor principalis alicuius obligationis accessio est, §. *fideiussores, Inst. de fid.* Non ergo duo rei promittendi inuicem sunt fideiussores. Hinc duo rei promittendi ubique à fideiussoribus distincti, *l. sed si. 2. 4. iuncta l. idem. seq. D. de pact. l. ult. infr. de fid.* Hinc & tituli distincti, *De duobus reis, & De fideiussoribus*. Nec vero parum interest id ita recte statui: alioqui, ut dixi, pleraque falsa erunt ex ijs, quæ supra posuimus. Est autem inter reos debendi,

& fideiussores harum rerum differentia. Inter fideiussores, qui soluendo sint, diuiditur actio etiam iure veteri, singuli rei solidum debent, & à singulis solidum peti potest, *leg. 2. l. 3. §. ult. D. eo. Fideiussor, quod reo debetur, compensare potest, si conueniatur, leg. 5. D. de compens. reus promittendi quod alteri reo debetur, nõ potest l. si duo. 10. D. hoc rit.* Item fideiussori exceptio pacti competit, quæ competet reo, etiam si pactum in personam rei dumtaxat collatum sit, *leg. & heredi. §. ult. l. quod dictum, D. de pact.* Vnus autem ex reis promittendi conuenio quamuis in rem collata alteri reo, qui socius non sit, non proficit, *d. l. & heredi. §. ult. l. sed si. 2. 4. l. idem. seq. D.*

de pact. Quod ergo est, quod ita scribitur in *d. l. reos. D. eo.* reos promittendi vice mutua fideiussores non inutiliter accipi conuenit? Vel hoc ipsum maxime significat reos promittendi fideiussores non esse. Hæc enim oratio, *reos promittendi fideiussores recte accipi*, nihil aliud significat, quàm reos pro fideiussoribus recte accipi, seu esse loco fideiussorum, quò maxime significatur eos non esse fideiussores. Id ex simili hac oratione licet intelligere, cum dicimus creditores accipiendos esse omnes, quibus ex quacunque causa debetur, etiam ex quasi contractu, aut male factò traditum in *l. creditores accipiendos. D. de verb. sig. vbi sane constat hoc dici non omnes istos creditores esse; non sunt enim: cum credere sit ex contractu alterius fidem sequi: l. 1. D. si cert. per. sed esse loco creditorum, seu pro creditoribus haberi, idque ita explicatur in *ead. leg. creditores.* cū ita subijcit paulo post: *Quod si natura debeat, non sunt loco creditorum.* Non ergo rei promittendi sunt vice mutua fideiussores, etsi quis concedat pro fideiussoribus habendos. Sed quid refert, dicit aliquis, si fateamur effectum pro fideiussoribus esse habendos? Sane nihil refert, si Papinianus generaliter definiret, reos promittendi ita esse habendos. Nunc autem hæc sententia est Papiniani: conuenire inter omnes, seu, ut alibi loquitur, vulgo receptum esse, reos promittendi pro fideiussoribus accipi non inutiliter. Non tamen semper, sed vice mutua, id est, cum ita accipiuntur ambo, ut simul habeantur pro fideiussoribus vice mutua, non etiam ita, ut vnus eodem tempore fungatur persona rei principalis, alter habeatur pro huius fideiussore: quo illius iure, puta*

compensatione eadem, aut eadem exceptione utatur. Quinetiam hoc ipsum, quod dicit Papinianus, reos promittendi non inutiliter simul pro fideiussoribus vice mutua accipi: non generaliter definit, sed ita, ut intelligat id aliquando fieri utiliter, at non semper. Declarat enim paulo post id fieri tantum tunc, cum reus stipulandi pro talibus eos haberi vult, non etiam ita, ut eos pro talibus admittere cogatur. Et ideo, inquit, ut reus stipulandi inter fideiussores diuidere posset actionem: sic inter reos, tanquam vice mutua fideiussores sint pro arbitrio eius, diuidere poterit, non secus, ac si duos promittendi reos diuisis actionibus conueniret. Sed hoc, inquam, si velit: ceterum, inquit ille, diuidere cogendus non est.

Non tantum duos reos stipulandi & promittendi fieri posse, sed & plures; nec tantum verbis stipulationis, sed & ex ceteris contractibus; itemque testamento fieri posse duos reos debendi, credendique. Cap. XII.

S V M M A R I A.

- 1 *Ex contractibus alijs, quam stipulatione, duos reos debendi fieri posse, & quomodo fiant.*
- 2 *Etiã ex mutuo duos reos debendi eiusdem pecunia credita fieri posse, & quomodo, ac quam recte hic fieri dicantur.*
- 3 *Et testamento duos reos debendi fieri posse, & quomodo fiant.*
- 4 *Ex alijs causis obligationis, quam contractibus, aut testamento, duos reos debendi non constitui.*
- 5 *Etiã duos reos credendi ex alijs contractibus fieri posse, & quomodo fiant.*
- 6 *Ex mutuo quomodo duo rei credendi.*
- 7 *Ex testamento quoque, duos credendi reos posse fieri, & quomodo fiant.*

Quæ de duobus reis stipulandi & promittendi hæcenus dicta sunt, exempli causa dicta sunt; quia & ita reos fieri vilitius est, & hic titulus de his conceptus est cum hoc loco, tum in Pandectis. Ceterum & in pluribus reis, quam duobus idem iuris est, *Inst. eod. rit.* & ad alios quoque reos credendi, debendique ius pertinet; si tamen ex alijs quoque causis, quam ex stipulatione, duo pluresue rei credendi & debendi constitui possunt. De quo sequitur ordine, ut breuiter cognoscamus. Et constat ex alijs quoque causis duos debendi reos voluntate fieri posse, partim ex contractu, partim ex testamento. De quo ita scriptum est à Papiniano in *Leandem, in princ. D. eodem. Eandem rem apud duos pariter deposui, vtriusque fidem in solidum secutus: vel eandem rem duobus similiter commodavi, sunt duo rei promittendi; quia non tantum verbis stipulationis, sed & ceteris contractibus sunt, veluti emtione, venditione, locatione, conductione, deposito, commodato, testamento.* Hæc Papinianus. Quomodo ergo fiunt ex his causis duo debendi rei? Indicat superiore definitione Papinianus in contractibus, cum ait in eo, quod apud duos deposui, duos reos fieri, cum vtriusque eorum fidem in solidum sum secutus. Significat ergo ex contractu duos reos debendi constitui, cum in eandem obligationem sic duo consenserunt, ut vellent ei, cum quo contrahitur, in eam causam in solidum obligari, quod sit aperto consensu, puta, si in emtione duo constituent se eiusdem rei emtores, in venditione duo se eiusdem rei venditores, velinque vtriusque, illi venditori, hi emtori in solidum obligari. Quod quidem in his contractibus & similibus recte fit etiam sine stipulatione; quia in his obligatio contrahitur solo consensu. Sed non minus & in ijs, qui re fiunt, ut deposito, & commodato, duos reos debendi recte constitui supra diximus, sitque eadem illa conuentione, cum re apud duos deposita nominatim id agitur, ut vterque eo nomine in solidum obligetur. quam & fidem vtriusque is, qui deposuit, sequitur, ut est in *d. Leandem. D. eo.* Quod si apud duos res deposita sit simpliciter, aut duobus simpliciter commodata, duo quidem quodammodo rei habeantur; quia ut in re indiuisa dolum & culpam, & diligentiam, & custodiam in totum præstare debent: reuera duo rei non erunt, quod eo pertinet, ut in eo duorum beneficio per omnia non utantur, sed solum vnus solutio liberet alterum, indicatur hoc in *l. 5. §. ult. in fin. D. com.* Quod si in his receptum est, receptum est & in mutuo, ut eiusdem pecuniæ mutuo data plures rei fieri possint, quamuis vni tantum pecunia numerata sit,

fit, & quidem ita, ut rei fieri possint non tantum, si propter pecuniam mutuam vni datam omnes rei promittendi fiant, quod quia stipulatione fit, iure optimo fieri posse constat, eaque species est *l. propter inf. h. tit.* sed etiam si pecunia vni numerata, constituentur se omnes eius pecuniae debitorum, velintque singuli in solidum, quasi pecunia in solidum à se accepta, obligari. quod & sine stipulatione fieri posse declaratur in *leg. si non singuli. sup. si cert. per.* De quo tamen non parua dubitatio est. Nam quomodo ex mutui causa rei fiant, qui mutuam pecuniam non acceperunt: cum mutuum non contrahatur consensu, sed re, dum & pecunia proficitur in accipientem? *l. 2. §. creditum. ff. si cert. per. Inst. qui. mo. re cont. ob. in pr.* Dicendum est, cum vni pecunia traditur aliorum voluntate, satis omnibus traditam videri. illi quidem per se, cui vere traditur: ceteris autem per huius personam; quoniam nihil interest, vtrum alicui tradatur quid, an alij voluntate eius. *l. restitut. a. ff. ad Treb.* Sed nondum ad mutui causam satis, his omnibus pecuniam traditam videri. Etiam omnium pecuniam fieri oportet, si hos ex mutui causa reos fieri, id est obligari volumus. Sic enim mutuum est, si ita dentur nummi, ut fiant accipientis. *Inst. quib. mod. re cont. obl.* At quomodo eadem pecunia fieri istorum omnium potest tanquam mutua, cum plures eiusdem rei in solidum domini esse non possint? *l. 5. §. vlt. ff. com.* Dicimus plures istos eodem tempore dominos eiusdem pecuniae fieri non posse: diuersis temporibus posse. Quod in hac constitutione plurium reorum fieri hoc modo. Nam iis, quibus pecunia naturaliter numerata non est, videtur numerata, ut dixi, per interpositam personam eius, cui numerata est. Scilicet deinde ab his velut accepta, videtur ab his ipsis ad eum profecta, cui numerata est: ut sic ad singulos pecunia perueniat diuersis temporibus, tanquam breui manu, occultatis non necessariis traditionibus; ut in causis similibus factum accipiendum esse docemur in *l. 3. §. vlt. ff. de don. inter vir. & vxor. l. singularia. ff. si cert. per.* Testamento sic fieri duos reos docet Papinianus in *d. l. eandem. ff. eo. si pluribus, inquit, heredibus institutis testator dixit, Titius & Mauius Sempronio decem danto. Quod ex initio eius loci sic intelligendum est, si modo id senserit testator, ut singuli isti appellati heredes solida decem deberent, & vt loquitur Papinianus, si, ut in deposito, sic in legato testator ita à duobus heredibus legauerit, ut vellet legatarium vtriusque fidem & personam in solidum legi, quomodo Accursius locum bene accepit. Sic autem videbitur testator id sensisse, si expresserit. Alioqui eadem summa pluribus coniunctim adscripta, si nihil aliud actum probetur, pro numero personarum diuisa intelligitur, ut singuli partem dumtaxat debeant, in quam sententiam omnes veteres consentiunt. *l. reos. in pr. l. sine. ff. eo. l. eum, qui. §. 6. in pr. ff. de verb. obl. l. cui fundus. ff. de cond. & dem.* Diuersum est, si testator diuisim eandem summam leget à duobus hoc modo: Lucius Titius heres meus, aut Mauius heres meus decem Seio dato. Apparet enim hic solida decem legata esse à singulis; sic tamen, ut velut testator vna decem in obligatione versari, ut ab vtro fuerit solutum, alter liberetur. Ideo & hic placet ita duos reos esse, quasi essent duo rei promittendi. vt est in *l. si ex toto. §. 1. ff. de leg. 1.**

Ex ceteris causis obligationis duo rei debendi non constituuntur, etsi maxime proponas duos pluresque eandem rem debere. Aut enim ex eadem causa non debent, aut non id agitur inter eos & creditorem, ut vna sit omnium obligatio, & res vna in obligatione versetur. ut puta, plures tutores obligantur ex tutelae causa in solidum, sed singuli ex suo facto, & sua culpa, in quos sunt diuersae. Ideo non sunt plures rei debendi, neque per omnia eodem iure vtuntur, etsi vt in obligatione communi pleraque habent similia, vt declaratur. in *leg. 1. §. nunc tractemus. ff. de tut. & rat. dist. l. si pupillus. ff. de adm. tut.* Plures ex eodem delicto, quod in commune admissum est, tenentur in solidum, sed aperte non sunt duo rei; quia diuersa sunt facta, & delicta singulorum, & vnaquisque proprii delicti poenam patitur, quae ideo in diuersis delictis non potest esse vna. *leg. si quis. §. vlt. & leg. sequen. ff. de iuris d. l. 1. sup. de cond. fur.* Cumque in quasi maleficio plurium similiter suum cuiusque peccatum sit, quod poena coercetur; non dubium, quin & hic plures quamuis eius admitti nomine teneantur in solidum; tamen duo rei debendi non sunt: etsi hoc simile habent, quod vno solente, quod auctori debetur, alter liberatur. *l. 1. §. vlt. & l. seq. ff. de his. qui deiec. vel effud.*

Ut autem ex contractibus aliis, quam stipulatione duo rei debendi fieri possint: contra & duo rei credendi etiam in iis, qui re conficiuntur; puta deposito, commodato, mutuo, fientque hoc modo, si nominatim hoc agatur, ut tanquam duo deposuissent, aut

comodassent eandem rem, vel eadē decē mutua dedissent singuli in solidum, ita horum singulis, qui accepit, in solidum obligetur. Quod in deposito indicat *Vlp. in l. 1. §. sed si duo. ff. de pos. his. verbis: Si duo deposuerunt, & ambo agant, siquidem sic deposuerunt, ut vel vnus totum, poterit in solidum agere.* Vult ergo singulis in solidum depositum deberi, singulos eo nomine recte agere in solidum, eandem rem in obligatione versari, id autem conuentione effici. At qui haec plane duorum reorum stipulandi descriptio est in *l. 2. l. 3. §. 1. ff. eo. §. pen. Inst. eod.* Quidni vero ita duo quoque; credendi rei in deposito recte constituantur, cum fateamur duos debendi reos ex eadem causa fieri posse? facilius enim duobus acquiratur eiusdem rei nomine actio, quam duo eiusdem rei nomine obligentur: cum acquisitio faciat conditionem acquirentis meliorem, quod licet obligatio autem faciat obligati conditionem deterio-rem: quod non perinde concessum est, *l. soluendo. ff. de neg. gesti.* Sed duo deponere & commodare eandem rem possunt: ut nihil prohibeat ex his contractibus duos reos credendi ita fieri, tanquam quorum singuli vere rem totam deposuissent, aut totam commo- dassent. At quomodo possunt duo eandem rem mutuo dare, ut quasi in solidum dedissent, ita fiant duo eiusdem pecuniae credendi rei? Possunt videri dedisse eadem illa fictione, quae in pecunia credita est; ut scilicet vnus dando suo nomine, velit quoque; datam nomine alterius, ac debitor sic accipiat. Sic enim fiet, ut perinde habeatur, quasi debitor pecuniam acceptam illi alteri dedisset, sic deinde ab eo ad eundem debitorem rediisset. Quae breuis manus traditio in mutuo constituendo praecipue admissa est. *l. singularia. l. certi. l. pen. ff. si cert. per.* Ex testamentis sic duo rei credendi in re legata fieri possunt, si testator duobus leget eandem rem, eandemque summam diuisim, hoc modo: *heres meus Titio, vel Manio decem dato.* Nam sic cum haec à duobus isto modo legata sunt, sunt duo rei debendi; quia à singulis solida decem, vna tamen summa legata sunt; *leg. §. 1. ff. de leg. 1.* fient & tunc duo rei credendi, cum haec summa eodem modo legata erit duobus; quia legata sit solida singulis; sic tamen, ut vna summa in obligatione versetur. Quod si coniunctim eadem summa legata erit duobus, puta Titio & Mauius decem, ita his decem communiter legata sunt, ut singulis intelligatur solum quinq; data, nisi aliud testator aperte cauerit. *leg. eum, qui ita. §. 6. in pr. Dig. de verb. obl.*

Quid ex iure vetere de duobus reis constitutio Nouella Iustiniani de duobus reis immutari. Et ad ant. hoc ita. Cap. XIII.

S V M M A R I A.

- 1 Duobus reis stipulandi, credendūe nihil Nouella Iustiniani de iure veteri immutari: in duobus reis promittendi vix pauca etiam omnium consensu, & qua.
- 2 Nouella Iustiniani, qua inscribitur de duobus reis, perperam acceptam vulgo de duobus reis simpliciter acceptis, eo que nihil eam de veteri iure duorum reorum immutare.
- 3 Nouella de duobus reis inscriptionem esse de duobus reis, qui vice mutua accepti sunt, ut Haloander recte est interpretatus: & quomodo plures tales constituantur, quidque à duobus reis differant.
- 4 Nouella de duobus reis sententiam ad fideiussores vice mutua acceptos solum, non ad duos reos promittendi pertinere: & quid ea lege constituatur.
- 5 Duos reos vice mutua fideiussores acceptos, si nihil aliud aperte conuenit, singulos pro parte teneri, non in solidum: & hoc quam recte constitutum.
- 6 Duos reos vice mutua fideiussores acceptos, quamuis conuenit, ut tenerentur in solidum; non tamen conueniri posse nisi pro parte, si ambo praesentes sint, & sint soluendo, & hoc quam recte.
- 7 Ex duobus reis vice mutua fideiussoribus acceptis praesentem conueniunt in solidum, petere posse spatium, intra quod absentem creditorem exhibeat.
- 8 Non soluendo, quis, & à quo, & quomodo id probetur, si de eo sit conuersa.
- 9 Non praesens, seu absens in proposito quis: & à quo in re dubia, ac qualis sit eius rei probatio.
- 10 Pro absente habendum etiam praesentem, quisquis praesens conueniri non potest, & quibus de causis accidat, ne possit quis conueniri.

11 Qui factio creditoris conueniri non potest, pro presente & idoneo semper habendum, quo alter pro parte solum conueniatur.

12 Duos reos promittendi etiam, qui vice mutua fideiussores accepti sunt, singulos in solidum etiam nouo iure conueniri posse quatuor casibus, & quibus.

Hactenus ius vetus de duobus pluribusque reis non solum stipulandi, & promittendi, sed & in vniuersum credendi, debendiue. Quoniam ei iuri derogasse putatur constitutio. Nouella Iustiniani 99. quæ vulgo, *De duobus reis promittendi*, inscribitur: superest, vt num quidnam illa hic immutavit, & quidnam id sit, breuiter cognoscamus. Atque hic maxime cognoscendi locus est, vbi proponitur fragmentum tanquam ex illa constitutione expressum, quo ab eo iure, quod est in lege præcedere de duobus reis promittendi, aperte dicitur. Et ne quis nos in his, quæ de duobus reis ante ex iure vetere differimus, nihil aut parum egisse existimet, quasi superior constitutio aliter nobis duos reos informet, quam supra admisimus, aut de his aliud ius nobis præscribat: sciamus aut nihil esse, aut certe esse perexiguum, quod de iure superiore ea constitutio immutavit: vt necesse sit cetera, quæ constitutio non attigit, omnia integra manere. *l. præcipimus in fin. sup. de app.* Quorum maxima pars est etiam ex omnium aliorum consensu. Nam cum omnis tractatio de duobus reis sit aut de eorum constitutione, aut de iure, quod in his constitutis seruatur: primum animaduertendum est, Iustinianum constitutione sua nihil de duorum reorum tum credendi, tum debendi constitutione attigisse. Quod ad ius constitutæ obligationis attinet; ne hic quidem quidquam de eo iure in persona duorum reorum stipulandi, credendiue omnino immutavit. Vt enim plurimum ei constitutioni tribuimus, certe verba ostendunt constitutione caueri tantum de duobus reis promittendi. Quid, in his ipsis promittendi reis ius innouauit per omnia? Ne id quidem. Nam Iustiniani constitutio de solidi exactioe aduersus singulos reos promittendi olim constituta tantum cauens, haud dubie partem illam, quæ est de potestate totius obligationis tollendæ, singulis tributa; item & illam, quæ est de facto vnius, quod alteri noceat; vtramque; inquam, hanc partem vt intactam, ita saluam & integram reliquit. Restat sola exactio, quam ius vetus, vt dixi, solidam aduersus singulos reos promittendi statuit, & de qua cauet superior constitutio. Atqui illa ne hanc quidem detraxit creditori per omnia: sed quod ex verbis apparet, duobus casibus etiam nunc reliquit. Vno, si vnus reus non sit soluendo, altero, si absit. Vt iam si quid est, quod constitutio immutavit, redigatur in admodum angustum hunc locum, cum ambo rei promittendi & soluendo sunt, & sunt præsentis: De quibus & ipsis, vt video, inter omnes, certe inter saniores, conuenit. Quid ergo hoc casu fiet? Et manifestum est; quid constitutio in his, de quibus cauet, velit fieri. Iubet enim singulos pro parte agnoscere onus, & pro ea parte conueniri: in solidum vetat. vt si de duobus reis id constitutum est, haec tenus saltem recessum sit ab eo iure, quod supra exposuimus, recteque *auth. hoc ita*. Iubet & sit præcedenti legi ad temperamentum & exceptionem, cum ea lege creditori solidi exactio aduersus vtrum ex eis vellet, tribueretur.

2 Sed videndum hic etiam atque etiam puto, an id cautum sit de duobus reis promittendi, id est, iis, qui simpliciter & principaliter eandem rem solidam promiserunt. Vulgo pro certo habent, quod & apparet sensisse auctorem huius fragmenti, qui id ita concepit, vt in eo negaret, quod in lege præcedente de duobus reis ex iure vetere scriptum erat. A quibus valde dissentio, omninoque ita constitutionem Iustiniani esse puto, vt non sit de duobus reis simpliciter acceptis, quales supra descripsimus. proinde nec quidquam de vetere iure duorum reorum promittendi ne in exactioe quidem immutavit. Id quidem & verbis ipsis constitutionis, & sententia non vno modo perspicue efficitur. Primum ita conceptus est titulus constitutionis: *ἄλλ' ἀπ' αὐτῶν*, quod si ad verbum exprimas, valet, de mutuis fideiussoribus. Id autem est, de duobus pluribusque, qui vice mutua inter se fideiussores accepti sunt. Quod Haloander recte intelligens vertit, non simpliciter de duobus reis, vt vulgaris interpretes non bonus: sed periphrasim exprimere volens, quod erat in verbo, *De duobus reis promittendi*, qui vice mutua accepti sunt. Neque hoc Haloander tantum; sed & vetus ille interpretes in constitutione ipsa vertenda agnouit. Illa, n. verba quæ sunt, *in §. 1. in prim. ἐὶ γὰρ πρὸς ἀπ' ἀλλήλων ὁ ὑπευθύνους λαβεῖν πινός*, vertit, *si quis alterna fideiussione obligatus sumat aliquos*. Tametsi idem paulo post *ἢ ἀπ' ἀλλήλων ὁ δανεισθῆν*, verit, *quod sub alterna promissione creditum est*; cum vertere deberet, quod sub alterna,

aut mutua fideiussione. Loquitur ergo constitutio non de duobus reis, sed de duobus pluribusque fideiussoribus mutuo inter se acceptis: aut si reos appellare libet, de reis quidem, sed qui aperte ita accepti sunt, vt vice mutua alij aliorum essent fideiussores. Quod ita fit in duobus, cum vnus primo & principaliter promittens aperte fideiussorem dat. sed & fideiussor rursus sic accipitur, vt reus, qui prius promiserat, pro eo fideiubeat. Atqui non sunt in hac causa duo rei promittendi simpliciter accepti. Hi, vt supra ostendi, nec fideiussores sunt omnino, nec pro fideiussoribus habendi longius, quam stipulator haberi velit. Et quæso, cum singuli in solidum idem promittant, & fideiussionis mutue in ea obligatione suscipienda nullam mentionem faciant, quomodo ius stipulatori quæsitum aduersus singulos inuito adimatur, contra omnem iuris, & æquitatis rationem? *l. 2. ff. de his, qui sunt sui, vel al. iur. l. ult. ff. de pact. l. habere. ff. de euic.* Quid enim ad rem pertinet, quid inter se egerint, dum cauent, vt vnus sit reus principalis, alter pro eo fideiubeat, qui pactioe sua creditoris sui ius mutare non poterit? *l. debitorum, sup. de pact.* Atque hæc de verbis constitutionis. Quid sententia? Etiam apertius arguit sententia Iustinianum de duobus fideiussoribus mutuo acceptis; de fideiussoribus, inquam, talibus, quales proprie nominantur, & quales nominauerat in constitutione sua de fideiussoribus. Etenim initio constitutionis præfatur se prius tulisse legem illam vtilem de fideiussoribus conueniendis; sed cui puter aliquam explicationem & appendixem non ignobilem deesse, eam autem in præsentia se adiciere hac constitutione. Ex quo apparet & hanc constitutionem esse de iisdem fideiussoribus, de quibus illic cauerat. Agit ergo & hic de iis, qui vere fideiussores sunt: minime autem de duobus reis principalibus, de quibus in priore constitutione non egerat. Sed & id, quod nunc constituit, quale sit, spectemus. Tum facile intelligemus totam constitutionem ad veros fideiussores pertinere, & ad temperandam, explicandamque priorem illam de fideiussoribus omnino referri. Prius constituerat, si ex iis, qui idem debent, vnus sit reus debendi, alter fideiussor à teo datus, prius conueniendum esse reum principalem, quam perueniatur ad fideiussorem, etsi hoc iure vetere contra erat. Iustinianus posteriore hac constitutione, de qua loquimur, id ita accipi vult, si aperte vnus sit reus debendi tantum, alter tantum fideiussor. Quod si ambo vice mutua fideiussores accepti sint, vt pro fideiussore, qui aperte talis interuenerat, etiam inuicem fideiubeat, qui prius promisit: erit quidē vterque; debendi reus, vt pote pro quo alter fideiusserit: vt secundum constitutionem illam priorem videatur vterque à stipulatore, quem is vult, in solidum conueniri posse; quia vterque est reus. Sed quia rursus idem quoque est fideiussor, sit eadem illa constitutione, vt iam neuter possit prior in solidum conueniri. Hinc illa difficultas in specie duorum reorum, qui inuicem fideiussores accepti sunt, nata ex constitutione superiore. Ea vero difficultas explicatur hac posteriore constitutione: eaque omnino explanatio est & appendix illius prioris constitutionis, quam Iustinianus initio huius posterioris pollicetur. Cauet igitur vtrumque; in proposita specie eodem tempore conueniri posse; quia vterque reus est debendi. Sed rursus quia est fideiussor, vult vtrumque; ex parte frui beneficio fideiussorum prioris constitutione tributæ, ne conueniatur saltem in solidum. Restat igitur, vt conueniantur pro parte, vt fieret inter plures fideiussores. Quod & Iustinianus constituit in §. 1. & quidem sine exceptione, si non conuenierit, vt quisque eorum in solidum teneretur. Quod si conuenierit, tamen vult hic quoque; singulos teneri pro parte: sed hac conditione, dum hoc contingat sine damno creditoris. Quod ita fiet, si conueniatur vterque; pro parte, cum vterque; & idoneus, & præsens est. Quod si alter soluendo non erit, aut aberit; æquum est creditorem non periclitari. quod & ille constituit. Ideo iubet præsentem, qui soluendo est, vt vere debendi reum periculum subire, & satisfacere creditori. Hinc facile agnoscimus explicationem difficultatis eius, quæ dixi, natam ex superiore constitutione, tantum ideo, quod in duobus reis, qui vice mutua fideiussores accepti sunt; proponitur ea species, in qua quidem vnus sit reus, & alter fideiussor; sed tamen ita, vt vterque; vice mutua sit talis: vt non sit causa, cur vnum potius velis priore loco conueniri debere, quam alterum; neque vnum in solidum potius, quam alterum. Cui sane difficultati locus non est in duobus reis, promittendi simpliciter & in solidum acceptis sine vlla mutue fideiussionis commemoratione. vbi vterque ita reus est principalis, vt neuter alterius sit fideiussor. certe neuter pro alterius fideiussore accipitur. Quam ob causam nec iure placet pro fideiussoribus vice mutua accipiendos, nisi creditore volente inter eos actionem suam diuidere.

diuidere, d. l. reos in pr. ff. eod. Hæc est, opinor, germana sententia constitutionis Iustiniani, de duobus reis promittendi, vt vulgo inscribitur. In qua non solum interpretatio verbis, & consilio constitutionis congruit, sed & sententia ipsa certa ratione iuris & æquitatis defenditur. Cur enim in vetere iure non maneat, quod posterioribus legibus specialiter mutatum non docetur? d. l. precipimus in fin. sup. de app. & præsertim si iure vetere de re alicui quæ sita & non detrahenda agatur, quam quidem non tam æquum est nulli detrahi, quam cuiquam detrahi summe iniquum. l. 2. ff. de his, qui sunt sui, vel al. iur. Quod si ita est, non recte vulgo interpretes constitutionem Iustiniani acceperunt de duobus reis promittendi simpliciter acceptis, quales nunc quærimus. Non recte ne auctor quidem huius fragmenti eam de iisdem interpretatus est, & ad exceptionem emendationem que iuris veteris de duobus reis retulit.

Sane in duobus reis promittendi constitutioni Iustiniani locum esse admittimus: sed dum hoc adiiciatur, si modo il sint rei, qui iidem & fideiussores vice mutua accepti sint, vt constitutio loquitur. Quæ specie proposita, quid hic de duobus istis siue reis, siue fideiussoribus Iustinianus constituat, diligenter videndū est. Pleraque enim hic singularia, & quorum ratio merito requiratur, ab eo constituta esse reperlemus. Illud ꝑ̄ primum, quod si nō conuenit nominatim, vt duo isti rei vice mutua fideiussores accepti singuli in solidum teneantur, vult singulos solum teneri pro parte, quasi diuisa inter eos in partes ab initio obligatione. idque sine exceptione: vt proinde nihil referat, vtrum vterq; soluendo, & præsens sit, an non: sed quamuis vnus soluendo non sit, an non sit præsens, tamen alter non teneatur, nisi pro parte. hoc in Nouel. de duob. reis. §. 1. in pr. & hac auth. hoc ita. vers. fin. autem. Hoc vero statim à principio merito est animaduertendum. Nam cum hic duo rei accepti sint, quorum vterq; pro altero fidelusserit: nihil aliud proponi videbatur, quam vt isti aut tanquam rei ambo, aut ambo tanquam fideiussores, aut certe vnus tanquam reus, alter vt fideiussor acciperetur. Potuit quidem Iustinianus pro potestate iuris constituendi, qua præditus erat, dubitationis tollendæ causâ vnū ex his eligere, atq; id lege sancire. At illud certe secundum naturam & ordinem rei getæ fieri posse non videbatur, quin vnū saltem sequeretur. Nunc autem diuisione ista obligationis, quam potuimus, inter istos cōstituta nihil istorum sequitur. Non habet istos pro duobus reis, qui vult eos teneri tantum pro parte. Nihil enim æque pugnat cum obligatione duorum reorū promittendi quam diuidi ab initio inter aliquos pro parte obligationem. l. reos §. 1. ff. eo. Non habet etiam pro duobus fideiussoribus, qui vult eos omnimodo teneri pro parte, etiam si vnus soluendo non sit: cum non aliter diuidatur actio inter plures fideiussores, quam si tempore litis contestatæ omnes sint soluendo. §. plures. Inst. de fid. l. inter eos. §. 1. in pr. ff. de fid. Multo minus habet vnum pro reo, & alterum pro fideiussore in ista diuisione; cū semper reus principalis omni iure in solidum teneatur: idq; tãto magis, quod fideiussorem dedit, idq; accessit ad confirmationem obligationi. l. 4. §. si ex conuentione. ff. de re iud. Sed & fideiussor quoq; tenetur in solidum, saltem tunc etiam ex Nouella Iustiniani, de fideiussoribus, cum reus principalis abest, aut non est soluendo. Nou. 4. de fid. §. 1. Quod ergo est; Dicendum est non putasse Iustinianum duos reos promittendi esse, seu solidam videri promississe, qui quamuis verbis promiserint; tamen sic accepti sunt, vt vice mutua vnus pro altero fideiuberet. Hæc enim mutua fideiussio declarat, re, pro qua isti se obligant, in commune ad vtrumq; pertinuisse, eosq; se in ea vt in re communi obligasse; proinde & pro parte. Vbi autem pro eadem re, aut summa duo in cōmune accipiuntur, diuiditur in viriles partes inter eos obligatio, eoq; nec duo rei fiunt. d. l. reos in fin. ff. eo.

Quod ꝑ̄ si conuenit, vt ex duobus istis vice mutua acceptis fideiussoribus singuli in solidum tenerentur; non minus & hic nouum & singulare ius agnoscas. Nam si ambo præsentis sint & idonei, etiam in superiore conuentione non vult Iustinianus eos vltra teneri, quam pro parte. Nou. de duob. reis. §. 1. & hac auth. in fin. Quod si vnus soluendo non sit, aut non sit præsens, ius quidem mutat: sed ita, vt cum vnus non est soluendo, non iubeat alterum continuo in solidum conueniri, sed solum quanto minus prior facere potest, cum autem vnus præsens non est, tunc demū velit alterum in solidum teneri. Et hæc, inquam, non minus animaduertenda. Nam cum duo isti eandem rem promiserint, idque ipsam nominatim actam sit, vt solidum singuli deberent; nemo dubitat, quin sint duo rei promittendi, ex definitione l. eandem. l. reos in fin. ff. eo. Cur non igitur non dico, vt duo rei, sed vt qui aperte solidum promiserunt, etiam in solidum tenerentur, etiam si

omnes & præsentis sint, & sint soluendo; Sed iam dixi, ita duos reos esse, vt simul sint vice mutua fideiussores, vt hac parte non male præuerit Iustinianus æquum esse, eos frui beneficio constitutionis suæ, qua ante cauerat de fideiussoribus post reum principalem ordine conueniendis. Quod sine dubio secutus est, cū vno ex his reis absente, aut non idoneo constituto vult alterum in solidum conueniri. Nam & hoc idem constituit aduersus fideiussores, cum reus principalis abest, aut non est soluendo, Nouel. 4. de fid. Sed esto, hac parte congruat illa constitutio. At certe, ea parte videtur eadem illa refragari, quod illic reum principalem, cum præsens est, & idoneus, iubet Iustinianus prius in solidum conueniri: & quidem ita, vt simul vetet tantisper conueniri fideiussorem vel in totum, vel pro parte. Hic autem contra vult vtrumq; istum reum simul conueniri, & neutrum in solidum, sed vtrumq; pro parte. Si sunt duo rei, cur non conueniuntur iure in solidum, si vnus reus, & alter fideiussor, cur non superiore constitutione hic vtrumque, vt vterque tanquam reus principalis pro arbitrio creditoris prius in solidum conueniatur, omisso altero, qui habeatur pro fideiussore? Et recte hoc quæreretur, si aut duo rei tantum essent, aut vnus certus tantum reus, alter tantum fideiussor. Nunc autem sic vnus reus est, vt sit etiam alter: & sic vnus fideiussor, vt sit & alter eodem tempore fideiussor. Hæc conditio personarum eorum deducit, vt neque singuli tanquam rei principales in solidum conueniri possint, quia sunt & fideiussores, si modo his fideiussorum beneficium tribuere volumus: neque vnus tanquam reus prius, quam alter quasi fideiussor; quia & alter reus est. Cui consequens est, vt si vnus vt reus potest conueniri, possit conueniri & alter, qui etiam reus est. Et quoniam non possunt conueniri ita, vt singuli solidum præstent, cum res vna in obligatione versetur; restat, vt conueniantur pro parte, quoad eius fieri sine incommodo creditoris potest. quod tunc accidit, cum ambo & soluendo sunt, vt possint partem, quam debent, præstare, & sunt præsentis, vt possint præstare in præsentia. Illud iniquum esse fortasse quis dixerit, cum conuenit, vt singuli in solidum tenerentur, hanc partionem creditori non seruari. Occurrit obiectioni Iustinianus in d. Nouel. de duob. reis. illic, sic enim & illis. & inuuit, ideo non esse iniquum, quia fideiussoribus istis consulatur hac diuisione, & nullo damno ex ea re creditor afficiatur. Hoc sentit; quod alij proferunt, tibi non noceat, humanitas esse, id cuique concedi, etiam si summo iure in ea re deficiamus. sententia Pauli in l. 2. §. quanquam. ff. de aq. plu. arc. Ita in summa duo isti rei, iidemque vice mutua accepti fideiussores, à duobus, quorum vnus sit reus, alter fideiussor, vna hac re differunt, quod vnus ambo soluendo sunt, & præsentis, conueniuntur ambo, & conueniuntur singuli pro parte; quia necessitas cogit ita eos conueniri. quod secus sit in reo & fideiussore. At si vnus ex duobus istis reis, de quibus agimus, pro parte soluendo non sit, aut non sit præsens; hic plane sequimur constitutionem Iustiniani de fideiussoribus, vt tanquam si ille in parte, quam debet, esset principalis; sic possit alter tanquam huius fideiussor pro ea quoque parte conueniri. quod illius constitutionis ius est, cum de fideiussore conueniendū agitur.

Quid tamen, ꝑ̄ si dum vnus ex istis reis abest, præsens conuenitur spatium petat, intra quod absentem euocet, & creditori exhibeat? an impetrare debeat? Nam hoc impetrat fideiussor, cum pro absente reo conuenitur. Nou. de fid. §. 1. Et putem in proposito hunc quoq; reum absentis nomine in solidum conueniendum impetrare debere, quia & hic fideiussor est, & cum absens partem debuerit, apparet præsentem eius partis nomine conueniunt tanquam fideiussorem conueniri. Et cur ad præsentem reum venitur iisdem conditionibus, quibus ex priore constitutione Iustiniani de fideiussoribus. venit ad fideiussorem, nisi quia & hic reus habetur in hac re pro fideiussore, vt & vere fideiussor vice mutua acceptus est? Quod si & hoc tribuitur fideiussori; quia non magnum damnum est in mora modici temporis, l. si debitori. ff. de iud. cur non tribuamus & huic reo, cui Iustinianus in diuisione tam diu consulatum esse vult, dum nullum damnum patiatur actor? d. Nou. de duob. reis. vers. sic enim & illis. Neq; vero refragatur cōstitutio, quasi quæ præcise velit, si vnus absit, alterū conueniri. Non. n. simpliciter dicitur superiore conditione alterū conueniri: sed teneri in id, quod creditor ab alio accipere nō potuit. At non prius certum est, eum non potuisse id ab alio consequi, quam constiterit absentem euocatum esse, neq; venisse.

Hoc iure posito vnumquemq; ex duobus istis reis conueniri posse in solidum, si alter soluendo non est, aut non est præsens, qua-

querendum fuit de his conditionibus quando videantur existisse, vt sit solidi exactionis locus.

8 Et soluendo non esse, seu non esse idoneum intelligimus eū, à quo creditor suum consequi non potest, idque constitutio significat. *Novel. de duo. reis. vers. si vero minus.* Quid ergo, si de eo inter actorem, & eum, qui in solidum conuenitur, sit controversia, quia conuentus dicat alterum esse soluendo, actor neget? Et Iustinianus huius rei probationem vult esse actoris; cuius facultatem commodam illi suggerit, & sine vilo ipsius incommodo. Vult enim ambos reos simul de vniuersa summa conueniri, cum degunt in eodem territorio, rem communiter disceptari, vtrumque in comune condemnari. Sic deinde in executione sententiæ discurti singulorum facultates pro ea parte, in quam vult eos teneri, dicit. *Novel. de duo. reis. vers. Sin autem iussem. & hac Authen. hoc ita.* Hæc vero discussio declarabit, quid quique habeat in bonis, & an hæc ad cuiusque partem dissoluendam sufficiant. Si sufficient, habemus eos, qui sunt soluendo, nec iam amplius creditor quam partem ex singulorum bonis capiet. Si vnus non sufficient, quantum deerit ad præstationem partis, tanto minus erit soluendo, & eatenus alterum onerabit: quod & actione iudicati actor ab altero coniequetur.

9 Eum, qui præsens non est, seu absentem varie in vsu iuris dici constat. quos modos collegit Accursus in *Novel. de fid. §. 1. ad verbum, presentes.* Nec difficilis est animaduersio, proposita vnaquaque lege, in qua absens nominatur. Vt enim est locus, de quo in lege agitur, ita necesse est absentem varie accipi eum, qui ab eo loco abest, cum præsentia & absentia personæ ad eum locum referatur. Quia ex regula, si queratur, quem hic præsentem, aut absentem intelligere debeamus, recte dicemus cum Accursio in eo loco, quem supra indicaui, præsentem in illa constitutione de fideiussoribus (quod & in simili re ac iure ad hanc constitutionem pertinet) accipiendum eum, qui est in territorio, in quo cum altero præsentem agit: etiam si forte non sit in iure, aut in ipsa vrbe atque adeo in locis continentibus. Absentem contra eum, qui non sit in eo territorio, etiam si sit forte in eadem prouincia. Hoc ideo, quia in vtraque constitutione notatur is locus, in quo cum vno præsentem in solidum agitur: placetque, si vterque sit in eo loco, diuidi debere actionem: si vnus absit, alterum, cum quo agitur, in solidum teneri. Id non obscure declarat in *d. Nouel. de fid. §. 1. vers. si vero intercessor.* cum absurdum esse dicit creditorem alio mittere, quam vbi cum fideiussore agit, & potest ab eo pecuniam exigere. Is porro fideiussor est is, cum quo agitur in solidum omnino reo principali, qui dicebatur abesse. Nec alia est huius constitutionis hypothesis, aut ratio in præsentem reo conueniendo, cum alter abesse dicitur. Quid, si & hic de eo, qui abest, sit controversia: dum scilicet creditor tanquam vnus absit, agit cum altero præsentem in solidum, qui autem conuenitur, dicit alterum præsentem esse, aut se nescire, an absit, & prius id explorari, & absentem esse sibi probari postulat? Vtri probationem imponimus: actorine, vt probet eum, de quo contenditur, non esse in eo territorio, in quo cum præsentem agit, nec ante procedat eius intentio: an vero reo conuenito, vt probet alterum esse præsentem, ne secum agatur, atque hoc non probato actionem creditoris omnino excipere debeat? Et cum non detur hac constitutione actio aduersus vnum in solidum, nisi hac conditione, si alter præsens non sit: est hic quoque actoris ante omnia docere illum alterū abesse, atque hoc modo existisse actionis conditionem. Nisi enim conditio existit, nulla esse potest actio. *l. cedere. D. de verb. sig.* Nec satis est dicere existisse, nisi probes. *l. 2. ff. de prob.* Neque hoc probare difficile est creditori. Id consequetur hoc modo, si domum eius mittat apparitorem, per quem in ius vocetur, & neque ibi reperiatur, neque quicumque existat eius nomine defensor, iuxta formam præscriptam in *l. 4. §. prator. ff. de dam. infect.*

Sed et cum hic duæ tantum sint conditiones ad alterum in solidum conueniendum, si alter soluendo non sit, aut si absit: quid fiet, si vnus & idoneus, & præsens erit, sed præsens conueniri non possit? quod multis de causis accidit. Quid enim, si ex duobus reis, qui vice mutua fideiussores accepti sunt, vnus sit pupillus, aut seruus, qui obligetur tantum naturaliter? vt in specie *leg. si ex duobus. §. 1. ff. de fid.* Quid si sit, qui obligetur civiliter, sed restitutus sit in integrum beneficio ætatis? vt in specie *leg. si Titius. Dig. de fid.* Quid, si vnus acceptus in diem, aut sub conditione, & ante quam dies venerit, cum altero in solidum agatur? vt in specie *leg. si plures. ff. de fid.* Finge etiam pupillum præsentem die recte obligatum tutore auctore sine spe in integrum restitutionis; sed abesse

tutorem, sine cuius auctoritate pupillus conueniri non potest. *l. 1. §. 1. ff. de adm. tut.* Quid, inquam, fiet in his omnibus causis? An qui conueniri non potest, habebitur pro absente, vt sic ex conditione legis alter possit in solidum conueniri: an vero quia idem & soluendo est, & præsens est, alter conuenietur tantum pro parte; quia conditio legis, quæ actionem tribuit in solidum, deficit? Dicemus satis haberi pro absente in proposito, qui iure conueniri non potest, aut non potest in præsentia: eoque quamuis idem soluendo sit, & præsens corpore; tamen tanquam absente eo nihilominus alterum in solidum conueniri posse. Idque mens & sententia legis exigit. Cur enim vno absente placet Iustiniano alterum in solidum teneri? Explicat Iustinianus in *Novel. de duob. reis. vers. si vero minus.* & quamuis non exprimeret; tamen est in promptu; quia videlicet absens conueniri non potuit in eodem territorio, nec potuit ibi creditor ab eo partem, quæ deberetur, accipere. Atqui multo minus conueniri ibi potuit, qui omnino iure non potuit, neque illic, neque alibi; multoque minus potuit creditor ab eo suum consequi. Quare & multo magis hoc casu aduersus alterum in solidum actionem dari voluit, atque hoc modo creditori consulti. omninoque ita ius est, quibus in causis ratio legis versatur, in his idem æstimari debere; quia ea sit sententia & voluntas legis. *Lillud. ff. ad leg. Aquil. non possunt, leg. nam vt. ff. de legib.* Neque hic distinguemus, vtrum creditor ignorarit vnum ex reis in ea causa esse, vt posset non conueniri; an vero sciuerit, quasi si sciuerit, ei nocere debeat. Hæc enim distinctio in duobus reis recipienda non est, de quibus nominatim conuenitur, vt singuli in solidum tenerentur: ac de his nunc agimus: cum ideo creditor sibi cauerit ab altero solidum; quia sciebat se ab altero inuito partem non posse consequi. Plane et si proponas per creditorem factum esse, ne vnus teneretur, non nocebit ea res alteri, quominus & is pro parte semper teneatur. Vetant regulæ iuris, quæ dicunt; Neminem alterius conditionem facere posse deteriorem: item, Alteri per alterum iniquam conditionem inferri non posse: item; Factum cuique suum, non aduersario nocere debere, *l. soluendo. D. de neg. gest. l. non debet alteri. l. factum cuique. D. de reg. iur.* Finge vnum pacto creditoris liberatum; aut creditorem vel non petendo intra tempora constituta, vel male agendo ab vno cecidisse; aut vnum dolo malo inductum, vt promitteret, quibus in causis factum creditoris alteri confideiussori, aut contutori ad eum in solidum obligandum non nocere responsum est, *l. si pupillus. D. de adm. tut. l. si Titius. in fin. D. de fid. congruit l. Stichum. §. pen. D. de sol.*

Sunt igitur hæc constitutæ conditiones hæc tres, quarum vnaquaque existente placeat quemque ex duobus reis, etiam qui vice mutua fideiussores accepti sunt, in solidum teneri: si alter scilicet non sit soluendo; si præsens non sit; si præsens conueniri non possit, idque factum, aut culpa creditoris non acciderit postea. Addeamus ex iure communi quartam conditionem, quæ & vulgo recte recepta est, si ita conuenitur de singulis in solidum conueniendis, vt beneficio diuisionis hac constitutione sibi tributo renuntiant. Sic enim ius perpetuum est, licere vnicuique iuri pro se introducto renuntiare, *l. pen. sup. de pact. l. pactum. D. eo. l. si iudex. D. de min.*

AD TIT. XLI. DE FIDEIUSSORIBVS, ET MANDATORIBVS.

S V M M A R I A.

- 1 Cautionum genera duo, & quæ.
- 2 De fideiussoribus cur hoc loco, non coniunctim cum pignoriibus.
- 3 Interuenientium pro aliis species.
- 4 Fideiussores, qui.
- 5 Ex promissoribus, & quid à fideiussore differat.
- 6 Fideiussorum obligatio.
- 7 Fideiussores vnde dicuntur.
- 8 Mandatores qui, & quæ eorum obligatio.
- 9 Constituta pecunie rei, qui, & quid intersit inter horum & fideiussorum obligationem.

Fideiussoribus tunc locus est, cum id agitur, vt creditori magis cautum sit. *Inst. eod. tit. in prin.* Cautionum et duo genera. Nam aut pignoriibus cauetur, aut reis, id est, iis, qui pro alio rei fiant. *l. 1. §. iubet. D. de collat. bon. l. 4. §. addici. D. de fid. liber.* De pignoriibus su-

pra diximus. His adiungitur alterum cautionis genus, quod est positum in personis pro aliis interuentum. De quo tamen genere potius hoc loco separatim traditum est; quia fideiussores, quorum reorum numero, verbis constituuntur: ut proinde placuerit tractationem de verborum obligationibus præmitti. Reorum, qui pro alio, qui idem principaliter debitor sit, interueniunt, tres sunt species: fideiussores, mandatores & qui constituunt. *Novel. 4. de fideiuss. §. pen.*

Fideiussores sunt, qui pro alio obligato vna idem promittunt verbis. *l. 5. §. satis acceptio. ff. de verb. obl.* Itaque desiderat fideiussores duas ad obligationem: in forma contrahendi, verba, seu stipulationem; in causa, alienæ obligationis susceptionem. Sine stipulatione non constituuntur fideiussores. *l. blandus. inf. hic. d. l. 5. §. satis acceptio. de ver. obl.* Nisi autem fideiussor alienam obligationem in se non dico transfert, sed suscipit, ut distinguuntur ista in *l. 1. sup. ad Vellei.* ut sic ad alienam obligationem fideiussor accedat, non obligatur, ac ne fideiussor quidem est. *§. fideiussores. Inst. eod.* Inde fideiussores ad promissores dicti; quia scilicet ad id, quod alius debuit, accedentes idem promittunt. *d. l. 5. §. satis acceptio.* Inde etiam dicti accessiones principalis obligationis, sine qua nec consistunt. *§. fideiussores. Inst. eod.* Ex quo illa: nisi quid debeatur, & principalis obligatio aliqua præcedat, fideiussores obligari non posse. *l. is cui bonis. ff. de ver. obl.* Item, fideiussorem in maiorem quantitatem aut deteriore causam obligari non posse, *d. §. fideiussores ita.* Postremo, principali reo liberato & fideiussores liberari; quoniam principali causa non subsistente, non possit esse accessioni locus. *l. in omnibus speciebus. ff. de solut. l. cum principalis. ff. de reg. iur.* Sed ut obligationem præcedentem requiramus, cui fideiussor accedat, quomodo obligetur: ita qualiscunque obligatio præcedat, nihil interest, utrum ciuiliis, an naturalis; & ciuiliis utrum verbis contracta, an re, an literis, an consensu solo. *§. 1. Inst. eod.*

Sane fieri potest, ut quis obligationem alienam in se suscipiat liberato priore reo, aut eo nomine non obligato; cum tamen obligati deberet: qui in usu iuris dicitur expromissor. *l. & eleganter. §. seruus. pactio. ff. de dolo. l. qui liberatus. in fin. ff. de oper. libr.* Sed hic fideiussor non est, neque ad promissor; quia non idem cum alio promittit, vnde & à fideiussore vbique distinguitur. *l. ut res. ff. de cont. em. §. vendita. Inst. de rer. diuis.* Quamobrem & ad hunc tractatum nihil pertinet. Cum tamen dicamus fideiussores verbis constitui, ex eo apparet, quam teneatur, & quo iure. Quisquis stipulanti quid promittit, iure ciuili obligatur. *§. de constituta. Inst. de act. Inst. de verb. obl. in pr.* Proinde hæc ipsa fideiussorum obligatio est. Dicuntur tamen fideiussores ex formula vetere in fideiussoribus constituendis recepta. Interrogabantur enim ad promissores futuri, an id, quod ab alio debetur, fide sua esse iuberent, id est, vellet id constitutum esse fide sua, & an in eam rem fidem suam obstringerent, respondebant illi se iubere esse fide sua, ut indicatur in *§. pen. Inst. eod.* Alioqui omnes debitores etiam principales fidem suam obstringunt. *l. 1. ff. si cert. pet.*

Mandatores tamen in iis, qui pro aliis intercedunt, dicuntur, qui ad creditorem futurum veniunt, & eum rogant, ut pecuniam credat debitori futuro. Nam cum his creditor ita pecuniam credit, duo ex ea causa obligantur. primum is, cui ea pecunia credita est, qui obligatur ex causa mutui, qui idem reus est principalis, ut cuius causa mutuum comparatum sit. Alter is, qui mandauit, qui ex mandati causa tenetur creditori contrario iudicio mandati, ut illi præstet, quod is rogatus credidit. Nascitur hæc obligatio ex consensu, ut & obligatio mandati omnis. *Inst. de obl. ex cons.* Sed nihilominus eadem vis est obligationis huius, quæ & stipulationis, qua fideiussores constituuntur. Quid distent mandatores à fideiussoribus, ex his definitionibus manifestum est.

Qui tamen pecuniam ab aliquo debitam vel pro se, vel pro aliis constituit se soluturos, hi non minus, quam superiores ex constituto obligantur: quamuis neque verbis, & stipulatione fidem suam adstringant, neque quidquam mandent creditori, sed potius his mandetur, ut constituant. *§. de constituta. Inst. de act. l. 1. & soro tit. ff. de const. pec.* Roget igitur aliquis, cum omnis, qui pecuniam constituit, nudo pacto pro aliis obligetur, quid adeo opus sit stipulatione ad fideiussores constituendos. Nempè ideo opus est; quia utrum fideiussores verbis constituuntur, an quis pecuniam solo pacto constituat, multum interest. Fideiussores statim & sine vlla conditione tenentur, si quidem pure accepti sunt. Qui autem pecuniam constituit, non tenentur, nisi certis conditionibus edicto prætoris de hac causa comprehensis. Nam si per actorem steterit, quo minus fieret, quod constitutum est, qui constituit, non

tenetur, *l. si duo. 16. §. 1. ff. de const. pec.* sed nec tenetur ante, quam dies saltem decem præterierint, *l. promissor. Sticubi. ff. de const. pec.*

L. I.

Imp. Seuerus & Antoninus AA. Lyfiæ:

Si Lyfias adempta parte bonorum exulare iussus est: non nisi pro parte, quam resinuit, creditoribus obligatus est. Verum qui pro eo fidem suam adstrinxerunt, iure pristino conueniri possunt. PP. Idib. Octobr. Seuerus A. III. & Victorino Coss. 201.

S V M M A R I A.

1. Publicatis extranei debitoris bonis, aut parte bonorum, ita damnatus liberari, ut fiscus eatenus damnato succedat cum suo onere.
 2. Publicatis bonis fideiussores damnati quamuis liberati nihilominus teneri: & quam recte.
 3. Extra quam si damnatus, ex alia causa liberatus sit, quam damnatione, & l. 4. in pr. ff. si quis caut. sententia.
 4. Damnato debitori suo si fiscus succedat, & penitus tolli obligationem, & liberari fideiussores.
- L. in fraudem. §. si principalis. ff. de iur. fisc. explicatur. ibid.

Quoties tamen quis ita damnatur, ut ex damnatione eius bona publicentur siue vniuersa, siue pro parte (quod posterius in quibusdam iudiciis accidit, ut lege Iulia de vi priuata, §. item lege Iulia de vi. Inst. de pub. iud.) toties damnatus, si quid prius debuit, pro ea parte liberatur, pro qua bona publicata sunt. Neque id eo constitutum est, ut damnatio prodesset debitori, quod esset iniquissimum; sed quia bonis publicatis sicut tanquam mortuo fiscus eatenus damnato succedit, & succedit cum suo onere: ut iam pro damnato si quis tanquam successor incipiat teneri, *l. 2. infr. ad leg. Jul. de vi. l. cum tabulis in fin. ff. de his qua vt indig. auf. l. fiscus in princ. ff. de iur. fisc.*

Ea res facit, quod hic traditur, ut si damnatus fideiussores dederit, nihilominus publicatis bonis fideiussores in solidum, ut prius, teneantur. Et si enim principalis reus liberatus videatur, tamen eius persona sublata supererit fiscus, qui in eam obligationem succedit, & ita succedit, ut nihilominus eadem persona cum defuncto esse videatur. hæc enim conditio est personæ heredum, *Novel. de iure iur. à morien. præst. leg. quadam. §. 1. ff. de edem.* Quapropter nihil hanc sententiam offendit regula iuris, qua efficitur, liberato reo etiam liberari fideiussores, *leg. in omnibus speciebus. ff. de solut.* Hunc enim effectum est non liberari principalem reum, qui successorem habet; ut qui in persona heredis debere adhuc intelligatur.

Sane tamen si damnatus reus ita liberetur ex aliqua causa, ut nec heredes eius ex ea causa teneantur; probandum est principali causa ita sublata, etiam fideiussorem liberari. Id accidit in ea causa, cum is, qui promiserat se iudicio stirum certa, die, & in eam rem fideiussorem dederat, ideo non stetit, quia iudicio capitali damnatus erat vel morte, vel exilio. In qua specie scriptum est in *l. 4. in pr. ff. si quis caut.* promissorem quidem ex ea stipulatione certo non teneri; quia exceptionem habet, sed adicitur, nec teneri fideiussores. Atqui in ea specie bona dānati publicata sunt, & in eius locum fiscus succedit, ut est in specie huius loci. Ita est: sed longe dissimilis est liberationis causa vtroque in loco. Nam cum quis ideo non venit in iudicium; quia damnatus est, nempè ideo non venit; quia non potest venire sententia prohibitus, quod cum accidit, toties aduersus actionem ex ea stipulatione comparatam datur promissori exceptio, *l. 2. ff. si quis caut.* Vnde rursum euenit, ut non magis teneantur promissoris heredes, quam ipse promissor; quoniam impossibile um nulla obligatio est, *l. impossibilium ff. de regul. iur.* proinde nec fiscus post damnationem tenetur. Quod si ita est, consequens est regulæ iuris nec fideiussorem ex ea causa teneri, *d. l. in omnibus speciebus. ff. de solut. l. cum principalis ff. de reg. iur.* Verum tamen huic rescripto, atque isti damnationi opponitur generalis definitio *l. in fraudem. §. si principalis. ff. de iur. fisc.* vbi hæc Pauli verba sunt: *si principalis rei bona ad fiscum deuoluta sint, fideiussores liberantur.* Sed de alio, atque alio debitor & hæc dicta sunt. Agitur hoc rescripto de debitor extraneo, cui cum fiscus succedat,

dicit, non ideo successione obligatio tollitur, sed confirmatur. hic in mente etiam fideiussores obligatos teneri necesse est. Pauli autem definitio superior de principali reo, qui fisco debuerit, intelligenda est: cuius postea bona ad fiscum creditorem deuoluta sunt, id est, cui fiscus successerit. Nihil certius, quam in vniuersū hoc casu fideiussores liberari. Hic enim creditor debitori succedit, quum sit, obligatio confusione tollitur, *l. Stichum. §. aditio. ff. de solut. l. debitori. supra de pact.* Obligatione principali hoc modo sublata fieri non potest, quin & fideiussores liberentur, *d. l. in omnibus speciebus. l. 4. hic.* Et vt sequentia verba definitionis illius Pauli obiter explicemus, subiicit Paulus, vt est lectio Pandectarum Florentinarum; *nisi forte minus idonei sint, & in reliquum non exsoluta quantitati accesserint.* Quorum verborum hæc est sententia. Fideiussores superiorem confusione liberatur; nisi fiat fideiussores rei principalis minus idonei, id est, rei, qui non sit soluendo; vt fideiussores in eam quantitatem, in quam reus principalis soluendo non fuit, sese obligauerint, vt in specie *l. decem. ff. de verbor. obl.* Itaque hæc exceptio hæc declarat, etiam tunc, cum fiscus debitori suo succedit, nihilominus fideiussores debitoris teneri, si principalis debitor partem soluere non potuit, & nominatim fideiussores in eam partem interuenierint. Alia lectio fuit tempore Accursii, quam ille commemorat ad eum locum, in hæc verba; *est minus idonei sint, & in reliquum non exsoluta quantitas accesserint.* et si, pro nisi. Lectio superiori contraria. Nam prior illa de definitione proposita excipit eos fideiussores, qui pro reo minus idoneo interuenierint. Posterior etiam in hoc casu retinet definitionem, ad hanc sententiam; vt cum ad fiscum bona rei principalis peruenerint, fideiussores omnino liberentur; nec ad reum pertineat, an reus principalis soluendo fuerit, & fideiussores in eam quantitatem, quæ exsoluta non est, interuenierint. Nam ne in eam quidem quantitatem fideiussores amplius teneantur, hæc lectio & sententia nobis retinenda est priore repudiata. Est enim iuris certi, cum fiscus debitori suo succedit, obligationem rei tolli confusione, etiam si reus principalis soluendo non fuerit. Nam si obligatio rei principalis tunc tollitur, & fisco amittitur, cum reus soluendo fuit; multo magis tollitur tunc, cum reus soluendo non fuit. denique siue reus soluendo est, siue non est, semper debitor pariter obligatur. Atqui hæc obligatio omnis confusione tollitur, quoties creditor succedit debitori, *d. l. debitori. supra de pact. l. Stichum. §. aditio de solut.* Obligatione principali sublata, necesse est etiam fideiussores liberari sine exceptione; quia vt iam aliquoties diximus, fieri non possit, vt sublata causa principali accessioni sit locus, *d. l. in omnibus speciebus. & §. fideiussores. Inst. de fid.*

L. Creditori. 2.

Iidem AA. Plotio.

Creditori, qui pro eodem debito & pignora & fideiussorem accepit, licet, si malit, fideiussorem conuenire in eam pecuniam, in qua se obligauerit, quod cum facit, debet ius pignorum in eum transferre. Sed cum in alia quoque, causa eadem pignora, vel hypothecas habet obligatas, non prius compellendus est transferre pignora, quam omne debitum exsoluatur. *Dat. s. Cal. Febr. Apro. II. & Maximo Cos. 208.*

S V M M A R I A.

- 1 Fideiussorem non prius conueniri posse, quam aut ab ipso probetur reus, aut non esse soluendo.
- 2 Fideiussorem quamuis recte conuenitum non prius cogi soluere, quam cessu sibi a creditore in debitorem actionibus, & pignoribus, & quo iure, quamque recte id tributum fideiussori.
- 3 Pignora in aliam quoque summam obligata, quam in quam fideiussor tenebatur, fideiussori cedi necesse non esse.

Hic locus est de rei & effecta obligationis fideiussoriae. Cum fideiussor stipulatione obligetur; si hic stipulationis & obligationis eius, quæ inde nascitur, regulas sequeremur, contentaneum erat, vt fideiussores a creditore, eodemque stipulatore statim conueniri possent, & ita conueniri, vt fideiussores conueniri necesse haberent soluere, etiam si creditor vicissim eis nihil præstaret. Sic enim ius est de stipulatione, omni que obligatione

pura, vt quod pure promissum est, id statim a promissore peti possit, *§. omnium. Inst. de verb. oblig.* Et si creditor vicissim nihil promissit, nihil habet debitor, quod iure suo possit ab eo exigere. Conditionem enim stipulationis ab initio constitutam mutare non potest neque creditor, neque debitor, *l. vero. ff. de solut. l. habere. ff. de euid.* Sed de his singulare constitutum est in persona fideiussorū. Ac primum ita quidem ex supra scripta regula ius vetus erat, vt liberum esset creditori statim fideiussorem conuenire omisso principali reo, quod ius traditur in princ. huius *l. 2. item in l. 3. & l. 5. eo tit.* Hodie contra ex constitutione Iustiniani, qua id ius mutatum est, *Nou. 4. de fideiuss.* cuius summa expressa est in *auth. præsentente. inf. hoc tit.* de qua ibi dicitur. Præterea ¶ hoc proprium fideiussoriae obligationis, vt non prius fideiussores cogantur creditori soluere, quam ille actiones suas aduersus reum & pignora ab eo accepta cesserit, vt declaratur hac *l. 2. item l. cum u. 36. ff. eod.* Sed vnde hoc ius petitur, cum repugnet naturæ obligationis? Non sane ex communi iure, & potestate obligationis, sed ex æquo & bono. In eamque rem datur fideiussori doli mali exceptio, quæ excludatur creditor, qui non oblata actione & pignoribus ius suum persequatur. Exceptionis ratio & æquitas hæc est. Scimus exceptionem doli mali competere aduersus eum, qui subtilitate iuris fretus aliquid contra naturalem æquitatem petit, *l. i. ff. de doli ma. & met. exc.* At æquum est, creditorem cum illi pecunia soluitur a fideiussore, actiones suas fideiussori cedere. Id enim fideiussori prodest, & cedenti nihil nocet; & præterea etiam in eam rem creditor pecuniam accipit. Quod præstitum accipienti prodest, nobis nihil nocet, id secundum naturam æquitatem est cuius præstari etiam ignoto, *l. 2. §. quamquam. ff. de aq. & aq. plu.* Ita hanc cessionem fideiussori denegare hoc prætextu; quia de eo nihil conuenit, est contra naturam æquitatem facere per subtilitatem & occasionem iuris summi. Quare & aduersus eam denegationem doli exceptionis locus est. Quod ¶ tamen dictum est, creditorem pignora a debitore accepta fideiussori cedere debere; recte monemur hoc rescripto sic temperandum esse, si pignoratantum in eam summam, quæ a fideiussore soluitur, obligata sint, quo casu cessio creditori nihil nocitura est. Diuersum esse, si ea pignora præterea a debitore in aliam summam sint obligata. Nam tunc creditor pignora fideiussori cedere non potest, quin in illam summam amittat pignorum persequutionem. Sic cessio a creditore exigenda est, ne illi noceat. Quapropter recte placet non aliter impetrare debere fideiussorem, vt sibi cedantur pignora, quæ si paratus sit omnem pecuniam, quæ debetur, exsoluere.

L. Non recte. 3.

Iidem A. Maximo.

Non recte procuratores nostri, si allegationi tua fides adesset, audiri te noluerunt ex bonis fideiussoris, qua ad fiscum peruenerunt, pecuniam repetentem, sed reum principalem conuenire iusserunt, cum electionis potestas permittatur creditori. Sed cum duos fideiussores accepisse te proponas: si alter idoneus est, intelligis te diuisa quantitate partem competentem a Procuratore nostro petere debere, & aduersus alium fideiussorem eius experiri. Nam licet significes adiectum esse in obligatione, vt singuli in solidum tenerentur: tamen nihil hæc res mutat conditionem iuris & constitutionem. Nam & cum hoc non adicitur, singuli tamen in solidum tenentur: sed ubi sunt omnes idonei, in portionem obligatio diuiditur. *PP. 17. Calen. Septembr. Antonino A. III. & Geta III. Cos. 209.*

S V M M A R I A.

- 1 Fideiussores plures singulos iure non tantum veteri, sed & nouo in solidum teneri, quatenus ceteri soluendo non sint.
- 2 Inter plures fideiussores si omnes soluendo sint, diuidi obligationem ex epistola D. Hadriani, sed per exceptionem duntaxat, non ipso iure, & qui effectus.
- 3 Beneficium tributum solum pluribus fideiussoribus vnus debitoris, non plurium debitorum, et si vnus summa fideiussores sine.
- 4 Beneficium denegatum pluribus fideiussoribus tutorum; & cur.
- 5 Fideiussores plures an omnes soluendo sint ad beneficium diuisionis spectant.

spectandum tempore litis contestatae: & hoc quam vim habeat.

- 6 Beneficium diuisionis inter fideiussores inficiantibus denegatum.
 7 In pluribus fideiussoribus accipiendis si conuenierit, vt singuli in solidū teneantur, nihilominus eos beneficio diuisionis vti posse, & cur non repugnet conuentio.
 8 Beneficio diuisionis non vsu fideiussorem, si solidum soluerit, nullam eo nomine aduersus confideiussores actionem habere.

Dva sunt partes huius rescripti. Priore id ius traditur, de quo supra in l. 2. diximus, licere creditori omisso reo principali fideiussorem conuenire, idem in l. 5. hic. Hoc ius immutatur auct. presente. quæ sequitur, & ad huius iuris exceptionem id fragmentum pertinet. Altera pars est, qua de obligatione plurium fideiussorum comprehenditur, in qua queritur, quatenus fideiussores teneantur, de quo ita statuendum est.

Plures † fideiussores eiusdem rei, seu pecuniæ, quæ deberetur, singuli in solidum tenentur, siue id nominatim conuenierit, siue non conuenierit: & siue omnes soluendo sint, siue non sint, vt in extremo huius rescripti declaratur. Neque hoc ius mutatum esse putandum est cōstitutione Nouella Iustiniani de duobus reis, vnde auct. hoc ita sup. de duobus reis. Sumpta ea quidem constitutione effectum est, duos reos promittendi non teneri in solidum, sed p. parte, etiam si singuli soluendo non sint; nisi nominatim conuenierit, vt in solidum obligarentur. Et potest existimari ea constitutio ad fideiussores transferri debere, vt nec fideiussores plures tantum rei eiusdem summæ teneantur in solidum, nisi nominatim conuenierit. Sed recte recepta est vulgo hæc sententia, eam constitutionem, quæ de duobus reis est, ad fideiussores non pertinere. Differentiæ ratio non est obscura. Nam plures rei promittendi eodem tempore eiusdem pecuniæ nomine accipiuntur. Vnde existimari potest pro numero personarum diuidi obligatio inter eos, vt illis respondentibus de centum, intelligantur singuli promississe quinquaginta, l. reos. ff. de duobus reis l. cui fundus. ff. de cond. & demon. Potest quidem accipi & illud coniectura voluntatis, quasi singuli vt verbis solidum responderunt, ita & re videantur solidum promississe. Sed cum id incertum esset, voluit Iustinianus non aliter id accipi, quam si nominatim conuenierit, vt singuli vel in solidum tenerentur. In quo sustulit dubitationis causam, quemadmodum prius fecerat in nouatione, l. vlt. infr. de nouat. At plurium fideiussorum obligatio dubitationem non habet, quin ex eorum promissione singuli in solidum obligentur. Nam singuli promittunt id, quod reus debet, & quantum debet: debet autem solidum. Quamobrem & singuli fideiussores promittunt solidum, vt ad eam rem explicatione alia apertiore non sit opus. Tenentur ergo plures fideiussores in solidum, idque sine controuersia, si ceteri idonei non sunt. Quod † si omnes sint soluendo, hic beneficium fideiussoribus tributum est epistola quadam Hadriani Imperatoris, vt obligatio inter fideiussores diuidatur, §. si plures. Inst. iur. eod. l. si plures. ff. eod. & hac l. in fin. In qua diuisione hoc primum notandum est, diuidi obligationem inter plures fideiussores per exceptionem duntaxat, non ipso iure. Huius differentiæ quis sit effectus, samendum ex l. inter. 26. ff. eo.

Sed † non tribuitur hoc beneficium omnibus, nec sine exceptione. Non omnibus fideiussoribus hoc beneficium datum; sed illis, qui non solum eiusdem summæ, sed etiam eiusdem debitoris fideiussores sunt. Ceterum inter plures diuersorum debitorum fideiussores actio non diuiditur. Vt puta, stipulatus sum decem ab aliquo, & fideiussorem ab eo accepi. Eadem decē ab alio sum stipulatus, & ab eo quoque accepi fideiussorem: vt appareat duos eiusdem summæ fideiussores esse. Nihilominus singuli in solidum conueniuntur, non enim sunt vnus debitoris fideiussores, sed plurium debitorum, & in negotio debitoris principalis sunt singuli, non plures, l. si à Titio. ff. eod. Similiter si à debitore fideiussorem accepi, & à fideiussore alium fideiussorem eius nomine; duo quidem sunt hic fideiussores eiusdem summæ, sed nō ideo inter eos actio diuiditur, l. si plures. §. vltim. ff. eodem, quoniam scilicet sunt plurium debitorum fideiussores; prior debitoris, posterior fideiussor fideiussoris. Sed † & in persona plurium fideiussorum vnus debitoris, placuit hoc beneficium fideiussoribus tutorum non dari; sed fideiussoribus tantum eorum creditorum, qui ipsi fideiussores sua conuentione accepissent. hoc in l. vlt. ff. rem pup. sal. fore. vbi & differentiæ ratio à Papiniano explicatur ad hanc sententiam. nam qui cum fideiussoribus contrahunt, possunt ab initio conuenire, vt singuli fideiussores in solidū conueniantur. Quod si non fecerunt, de se queri debent. Pupillo ni-

hil tale imputari potest in fideiussoribus tutorum; quoniam ipse cum tutore non contrahit, eoque nec cum eius fideiussoribus, sed in eos incidit.

Datur † autem hoc beneficium duabus conditionibus. Vna est, si omnes fideiussores idonei sint, vt hic dicitur, id est, si sint soluendo omnes, idque spectatur tempore litis contestatae, §. si plures. Inst. eod. Linter. 51. §. 1. ff. eod. Quod dicimus tempus litis contestatae in hac re spectari id eam vim habet, vt nihil proficit fideiussoribus, qui soluendo sunt, si ceteri fideiussores aliquando soluendo fuerint ante litem contestatam, & ante soluendo esse defuerint; sed qui eo tempore soluendo non est, hoc ceteros onerant, d. §. si plures. Inst. eod. E conuerso si omnes proponantur tempore litis contestatae soluendo fuisse, & postea aliqui minus idonei esse cœperint etiam ante sententiam, ea res ad onus eius, qui soluendo est, non pertinet. Addit Papinianus, nec auxilio defendi ætatis actorem. non enim deceptum videri, qui iure communi sit vsus, hoc in l. inter eos. §. pen. ff. eod. Et generaliter quociens constituitur, vt inter aliquos diuidatur actio, si certo tempore idonei sint, toties soluendo esse defuisse aliis non nocet, si post tempus id contigit, l. 1. sup. de diuid. iur.

Altera † conditio est, si fideiussores non negent se fideiussores esse. Inficiantibus auxilium diuisionis non tribuitur, l. si dubit. §. 1. ff. eod.

Quid, † si in fideiussoribus accipiendis conuenierit inter creditorem & fideiussores, vt fideiussores singuli in solidum teneantur, an ex hac conuentione singuli in solidum cōueniri possunt? Hic rescriptum est, non eo minus fideiussores beneficio iuris vti posse, vt non nisi pro parte conueniantur. additur ratio; quia iure hoc fit, vt inter fideiussores diuidatur actio: hæc autem conuentionio, quæ proponitur, iuris conditionem & constitutionem non mutat. Sed huic rationi vnuerſi iuris de pactis ratio atque æquitas reclamare videtur. etſi enim hic beneficiū diuisionis tribuatur fideiussoribus iure: tamen beneficium est de re priuata & familiaris, idemque pro fideiussoribus constitutum. At qui ius certum est licere cuius pacisci, & paciscendo deteriorem conditionem suam facere, l. iuris gentium. §. si paciscar. l. pactum. ff. de pact. & in vnuerſum licere iuri pro se introducto renūtiare sine exceptione, l. pen. sup. de pact. Proinde etiam ex hoc iure hæc conuentionio seruanda est, ac seruata plusquam manifestum est mutare superioris iuris conditionem. De quo ita recte constituetur, negari non posse, nec debere, quin hic quoque, vt in ceteris causis, inter priuatos conuentionio sit seruanda: sed non ideo ita esse seruandam, vt singuli fideiussores conueniri possint in solidum contra iuris superioris rationem; non quia ius superius impediatur; sed quia non id agatur conuentione, vt id ius mutetur. Sic enim fuit conuentionio, vt singuli fideiussores in solidum tenerentur. at hoc ipsum & iure constitutum est, vt in solidum teneantur. Hactenus ergo cōuentionio iuris constitutionem non mutat, sed confirmat. At enim ius constitutum est, vt fideiussores pro parte tantum conueniri possint, si omnes sint idonei. Ne hoc quidem mutat superior cōuentionio. Non enim conuenit, vt fideiussores in solidum conueniantur, sed vt teneantur. tenentur autem in solidum semper etiam tum, cum conueniantur pro parte. Humanitatis enim causa ita conueniuntur, vt conuentionio sit ipsis quam minimum damnosa; non autem ideo; quia non teneantur. Argumento est, quod si non omnes soluendo sint, hi, qui soluendo sunt, tenentur, & cōueniuntur in solidum. Hoc loco varie nobis occurritur. Nam primum hoc ipso, quod conuenit, vt in solidum tenerentur fideiussores, conuenisse intelligitur, vt in solidum conuenirentur, etiam si omnes essent idonei; quoniam verba cum effectu accipienda sunt, l. pen. §. docere. ff. ne quis eum qui in ius voc. est. Effectus autem nō intelligitur teneri, qui remoueri non potest; quoniam dicimus creditores non esse eos, qui exceptione perpetua conueniri possunt, l. creditores. ff. de verb. sign. Respondeo, etiam si interpretemur fideiussores in solidum teneri, qui conueniri tantum possunt pro parte; nihilominus tamē verbum tenendi cum effectu à nobis accipi. Nam is, qui soluendo est, si ceteri non sunt soluendo, vt in solidum tenetur; ita & conuenitur in solidum. si omnes soluendo sunt, etiam effectu creditor consequitur suum à ceteris, à quibus autem consequatur, nihil eius interest, dummodo consequatur. Rursum alia ratione effici dixeris, superiore conuentionem de singulis fideiussoribus in solidum conueniendis accipi debere. Etenim si ita interpretamur, vt fideiussores singuli in solidum non possint conueniri, etiam tunc, cum omnes idonei sunt, conuentionio est inutilis. Nam & sine conuentione idem

iure efficebatur, vt hoc rescripto traditur. At in interpretatione orationis omnis hæc regula præscribitur, orationem sic accipi debere, vt omnino aliquid egisse videatur, *l. si quando in prin. D. de leg. 1. l. i. in fin. D. ad municipi.* Quare hanc quoque conuentionem sic interpretari debemus, vt fideiussores idonei singuli in solidum conueniri possint, ne sit contentio inutilis. Hac facit *l. quoties in stipulationibus. D. de ver. obl. l. vbi. l. quoties in actionibus. D. de reb. dub.* Sed quod dicitur, conuentionem sic interpretandam esse, ne sit inuicibilis, sic intelligendum est, si modo etiam ea sententia, quam accipi volumus, verbis contineatur. Nunc autem conuenit, vt omnes fideiussores teneantur in solidum, his verbis non contineatur, vt omnes in solidum conueniantur, cum possint teneri in solidum iure, vt certe tenentur; & tamen humanitatis causa non conueniantur in solidum, nisi quatenus necesse sit, id est, quatenus non sunt soluendo. Bene igitur & prudenter responsum est, superiore conuentione non adimi beneficium diuisionis fideiussoribus. Sed † quodcumque hic beneficium est diuisionis, sciamus id tribui fideiussoribus pro parte conueniri desiderantibus. Quo neglecto si solidum soluerint, sciant eo nomine actionem se tantum habere aduersus debitorem, non etiam aduersus ceteros fideiussores, *l. cum alter. inf. hoc rit. §. si plures. Inst. eo.*

Authent. presente.

Presente tamen utroque non permittitur intercessorem conueniri, priusquam reus inuentus est minus idoneus, siue in totum, siue in partem. Absente autem reo, presens intercessor iure quidem conuenitur: ipso tamen desiderante iudex desinit tempus, intra quod deducatur reum primo conueniendum, ipso in subsidium reseruando. Nam transacto tempore compellitur intercessor satisfacere, cessis sibi à creditore actionibus, absque distinctione contractus, siue intercessionis.

S V M M A R I V M.

- 1 Ad fideiussorem non prius perueniri posse, quam reus principalis absit, aut non sit soluendo: & quam recte id præter conditionem obligationis constitutum.

Olim liberum fuit creditori omisso principali reo fideiussorem conuenire: quod ius positum est in *l. 2. l. 3. sup. l. 5. inf. eod.* Id necbatur optima ratione, si quis sequeretur conditionem obligationis. Nam fideiussores se obligarunt, non sub conditione, si reus principalis prius conueniretur, non in diem, cum aliquod spatium interuenisset, intra quod reus principalis posset euocari. Pure igitur; quo in genere regulæ iuris efficiunt, vt qui eo modo se obligauit, statim possit conueniri sine exceptione, §. *omnis. Inst. de verb. obl. l. eum, qui Calendis. §. 1. ff. de verb. obl.* Iustinianus † hoc mutauit. *Novell. 4. de fideiuss. in pr.* vnde hoc fragmentum, vetuitque, ne ad fideiussores perueniretur, nisi aut reus principalis absens esset, vt non esset eius conueniendi copia, aut ita presens esset, vt constaret eum excussis eius facultatibus non esse soluendo. Hoc etiam addidit, vt quamuis reus abesset, fideiussori desideranti spatium à magistratu daretur, intra quod posset reum euocare, & dare creditori conueniendum. Sed quo iure, quæ ratione æquiritatis potuit Iustinianus actionem creditori semel quæsitam ei auferre: cum sit certi iuris, & conuenientissimum rationi naturali, nulli ius suum detrahi, nulli actionem quæsitam auferri inuito? *l. 2. ff. de hæ. qui sunt sui, vel alie. iur. l. habere. ff. de euict.* Item cum constet conditionem, quam stipulatio ab initio accepit, non posse mutari inuito aut creditore, aut debitore *l. vero. §. 1. ff. de solut.* Nempe summi iuris ratio id postulabat, ne fieret: sed constitui humanum visum esse, & conueniens æquiritati naturæ. Ratio humanitatis & æquiritatis hæc est, quod fideiussores ad fideiubendum ex liberalitate & beneficio accedunt. Est æquissimum nulli officium suum damnosum esse, quod eius sine iniuria creditoris consequi liceat, *leg. si seruus. §. quod vero in fin. ff. de furr. l. sed si quis. ff. quem test. aper.* At sit sine iniuria creditoris, si prius cogitur debitorem conuenire. Nam si ab eo consequitur, quod vult, malitiose amplius requirit. Si non consequitur, habet fideiussorem, ad quem regreditur. In

eo et si nonnullum interuallum sit temporis, tamen non est magnum damnum in mora modici temporis, vt scriptum est in *l. si debitori. ff. de iudic.* In his si quæritur, quem reum absentem accipere debeamus, quomodo abesse doceatur; quis sit non soluendo, & quomodo de eo recte constare possit; tum num quid sit hæc dissimile à duobus reis, & quid sit: petendum ex his, quæ vt in simili argumento scripsimus supra *cap. 13. seu ad auth. hoc ita. de duob. reis.*

L. Nouatione. 4.

Imp. Antoninus A. Rufæ.

Nouatione legitime perfecta debiti in alium translati, prioris contractus fideiussores, vel mandatores liberatos esse non ambigitur: si modo in sequenti se non obligauerunt. PP. 15. Cal. Octob. Antonino A. IV. & Balbino Coss. 214.

Quocumque modo principalis obligatio tollitur, liberantur & accessiones: vt fideiussores, & mandatores, vt initio huius tituli diximus, *l. in omnibus. ff. de sol.* Liberationis autem species est nouatio. §. *præterea. Inst. quib. mod. toll. obl.* Proinde & nouatione fideiussores liberari necesse est. Vide *l. sup. etiam ob chiro. pec. pig. ten. poss.*

L. Iure. 5.

Hic locus expositus est ad *auth. presente. sup.*

L. Si pater. 6.

Idem A. Pollæ.

Si pater tuus pro Cornelio, cum pecuniam mutuam acciperes, se non obligauit: frustra ex eo, quod tabulas obligationis vt testis signauit, conueniris. PP. 11. Calend. Iul. Messala & Sabino Coss. 215.

S V M M A R I V M.

- 1 Subscribendo testamento neminem ideo videri in eandem causam se obligasse: & cur.

Nemo † instrumento de alieno negotio confecto subscribens, ideo à creditore conueniri potest debitoris nomine; quoniam creditori non ideo se obligat. idque sic recte colligitur. Si is, qui ita subscripsit, obligatur, necesse est, aut tanquam fideiussor obligetur, aut tanquam mandator, aut tanquam qui pecuniam constituit. quod intelligitur ex ea partitione, quam ab initio posuimus. exstat in *l. vlt. sup. de const. pec.* Nihil fideiubet, qui nihil est stipulatus, *l. blanditus. infr. hic.* Non mandat, qui creditorem non rogauit, vt pecuniam crederet. Non constituit, nisi qui pacto & consensu constituit se pecuniam debitam soluturum. Ex subscriptione porro hic consensus non arguitur. Nihil enim prohibet, quo minus quis videat, quid geratur, & rebus gestis subscribat; & tamen non probet, quæ geruntur, aut quo minus probet quidem; sed tamen fidem suam nomine alieno non interponat. Ita cum subscriptio sine consensu esse possit, ex subscriptione, vt dixi, non recte consensus colligitur, quod & scriptum est in *l. neque natales. sup. de prob.* Sed pater est, qui subscripsit obligationi cum filio contractæ. Nihil hoc facit ad obligandum patrem: quandoquidem vt filius pro patre conueniri non potest; sic nec pater pro filio emancipato *l. 1. l. 2. sup. ne filius pro patre.*

L. Si creditor. 7.

Idem A. Eroti.

Si creditor conditioni mandato adscriptæ, cum pecuniam mutuam daret in accipiendis hypothecis, non paruit: frustra te iudicio mandati conuenit, quando non aliter te obligasse intellegaris, quam si pigrioribus contraheretur obligatio. PP. Calen. Iul. Laro. II. & Cereale, Coss. 216.

S V M M A R I V M.

- 1 Pecunia non per omnia is a credita, vt mandatum est, mandatorem creditori non teneri.

Mandatores non minus, quam fideiussores diximus initio huius tituli à creditore conueniri posse, idque iudicio mandati. Hoc ita est, nisi is, qui mandauit pecuniam credi, certa lege & condicione mandauerit, & ei legi creditor non paruertit. Diligenter enim fines mandati custodiendi sunt: atque his non seruatis non intelligitur quisquam implese mandatum, *l. diligenter. ff. mand.* Hinc est, quod hic dicitur, cum quis mandauit creditori futuro, vt pecuniam Titio crederet pignoribus ab illo acceptis, si rogatus credidit, neque pignora accepit, actionem eum mandati aduersus mandatorem non habere: scilicet quia, vt dixi, mandatum non impleuit. Dices, non debere nocere creditori, quod pignora à debitore non accepit; quoniam pignora illius causa accipiuntur; licuit autem ei, quod pro se est, contemnere, *l. si index. ff. de min.* Sed non eius tantum causa pignora accipiuntur, verum & mandatoris. Interest enim mandatoris, cum pecuniam soluit creditori, cedi sibi actiones & pignora, quæ creditor habuit, ac nisi his cessis non cogitur soluere, *l. 2. sup.* Quare cum creditor in proposito non habeat pignora, quæ mandatori cedat, recte mandator actionem aduersus se recusabit; præsertim cum creditoris culpa factum sit, quo minus pignora illi cederet.

L. Filiusfamilias. 8.

Imp. Alexander A. Longo.

Filiusfamilias, qui pro patre, quamuis in venditione fundi, fideiussit, tenetur. PP. 2. Idus Octobris, Maximo II. & Aeliano Coss. 224.

S V M M A R I V M.

- 1 Filiusfamilias quamuis pro patre vendente fideiubentem obligari, & qua in eo dubitandi causa.

Filiusfamilias ex omnibus causis obligatur non secus, ac quiuis paterfamilias, *l. tam ex contractibus. ff. de iudic. l. filiusfamilias. ff. de obl. & act.* Ergo & si fideiusserit, obligabitur, id, quod constat, si pro quouis extraneo fideiusserit, *l. 3. §. si filiusfamilias. §. sed si filium. ff. de pecul.*

Quid, si fideiusserit pro patre; placet eum nihilominus teneri, vt hic scriptum est. In quam sententiam & loci complures notantur ab Accursio. Sed cur in patre dubitamus potius? quia verus est circa fideiussores dubitatio, an iis fideiussoribus succurrendum sit aduersus creditorem, qui cum soluerint, actionem nullam habeant aduersus eos, pro quibus fideiusserint, quod indicat *l. Marcellus. ff. eod.* Ex hoc autem numero est filiusfamilias, qui pro patre fideiubet; quoniam inter patrem & filium, qui in eius potestate est, nulla nascitur actio, *§. h. qui. Instit. de obl. qua ex del. nasc.* Sed non placuit hanc idoneam esse causam, cur fideiussoribus succurratur, quæ sententia est *d. l. Marcellus. ff. eod.* Eadem sententia & ad filiumfam. pertinebit pro patre fideiubentem. Et merito ob hanc causam fideiussori subueniri non potest. Nam si fideiussor saluum habere non potest, quod soluit creditori, ipsius damnum est. Non debet damnum suum ad alterius iniuriam referre, & creditorem decipere, *arg. in l. 3. in princ. ff. de transf. act.* Sed cur additum est in hoc rescripto, *quamuis in venditione fundi filius fideiusserit?* Videri potest additum huius dubitationis remouendæ causa. Nam filius viuo patre quodammodo existimatur dominus bonorum patris, *l. in suis. ff. de lib. & posth.* Quæ res facit, vt in venditione patris ipse filius quodammodo venditor esse intelligatur, eoque & debitor. Non potest autem idem & debitor esse principalis, & fideiussor. Quid ergo est? Negabimus scilicet filium dominum esse bonorum paternorum, quod & verum est. vnde & dicitur existimari dominus, non esse, *d. l. in suis.* Existimatur autem quodammodo dominus propter spem futuræ successionis, quæ ita addicitur liberis, vt nec iudicio parentis sine meritis causis ab ea suamoueri possint, *l. vlt. in pr. ff. de bon. dam.*

L. Etiam. 9.

Idem A. Aristocrati.

Etiam si de iure obligationis pignorum actum fuerit, fideiussoribus liberatio non contingit. PP. Kal. Decemb. Maximo II. & Aeliano Coss. 224.

S V M M A R I A.

- 1 Vna persecutione iuris sui electa non ideo alteram repudiatam videri.
2 Ex pluribus actionibus diuersarum rerum vna remissa, hoc ipso alteram manere.

Creditor, cui fideiussores dati erant & pignora eiusdem obligationis nomine, si omisis fideiussoribus egerit cum possessioribus pignorum, non ideo fideiussores liberantur. Hoc ita ideo rescriptum hoc loco, quod potuerit in proposito dubitari, an creditor vna via ad iuris sui persecutionem electa, videatur aliam repudiasset. Nam & alias accidit, vt vna actione electa creditor ad aliam, quæ eiusdem rei nomine competat, redire non possit; vt in actione de peculio, & tributaria, *l. quod in herede. §. eligere. ff. de tribu.* Sed hoc in his actionibus ideo receptum est, non solum quia sunt eiusdem rei nomine; sed etiam quia hæc condicione propositæ sunt edicto à prætoribus, vt vna duntaxat experiri liceat. Ceterum vbi id nominatim constitutum non est, nunquam vna actione electa, non dico remissa, ab altera recessum intelligitur. Solutione enim debitor, non electione actionis liberatur, *l. 1. §. sed si duo. ff. de pos. huc pertinet l. qui seruum. §. 1. ff. de obl. & act.* Atque hæc dicta sunt de pluribus actionibus eiusdem rei nomine competentibus.

Quod si plura iura erunt, pluresque actiones diuersarum rerum, citra exceptionem illud tenendum est, nunquam vno iure remisso, alterum repudiatum videri, quanto minus vno electo ad iuris nostri persecutionem? *l. si domus. ff. de ser. vrb. præd. l. si mihi. ff. de ser. rust. præd.* Quinimo cum ex duobus vnum remittitur, hoc ipso quod remittitur vnum tantum, certum argumentum est, alterum non remitti. alioqui licebat vtrumque remittere.

L. Fideiussor. 10.

Idem A. Vitali.

Fideiussor, seu mandator si in vsuras quoque obligatus est, istam causam recusandi eas soluere non habet. §. Vt autem is, qui cum altero fideiussit, non solus conueniatur, sed diuisatur actio inter eos qui soluendo sunt: ante condemnationem ex ordine postulari solet PP.

S V M M A R I A.

- 1 Fideiussorem in sortem acceptum, in vsuras sortis quamuis ex mora rei accedentes non teneri.
2 Diuidenda actionis beneficium tribui fideiussori ex ordine postulanti: & hoc ex ordine, quid sit.
3 Diuisionem actionis à fideiussoribus quancumque recte postulari ante condemnationem, quamuis non contestata huius rei exceptione.
4 Diuisionem actionis inter fideiussores frustra obijci post condemnationem ab eo, qui in solidum sit condemnatus.

Continet hoc rescriptum duo capita. Vnum est de vsuris sortis à fideiussore præstandis, alterum pertinet ad diuisionem actionis inter fideiussores. De vsuris hæc sententia est: *fideiussorem vsuras sortis recusare non posse, si in eas sit obligatus.* Quæ condicione admonemur, nisi sit fideiussor in eas obligatus, iuste illum eas recusaturum, quantumuis reus principalis debuerit, quorum vtrumque certi iuris est. Nam si actio in personam semper aduersus eum est, qui nobis obligatus est, *l. actionum. ff. de obl. & act.* fit, vt qui est obligatus, teneatur ea actione; & qui obligatus non est, eatenus non teneatur. Illud modo queritur, quomodo & quando fideiussor in vsuras à reo sorti debitas obligetur. Dicendum est, sic eum obligari, si nominatim in eas

fidem suam obstrinxerit; non aliter: quantumvis ea sit obligatio principalis, in qua ex mora rei vsuræ officio iudicis accedunt; vt sit in bonæ fidei iudiciis, puta in conductione, *l. quæro. in prin. ff. loc.* qua in specie placet, fideiussorem conductionis, qui se in sortem tantum ex ea causa debitam obligauit, in vsuras à reo contractas non teneri, *l. fideiuss. res magistratum. 68. §. 1. ff. de fideiuss.* nec quia vsuræ debeantur ex mora rei, eo magis in eas fideiussorem teneri debere; quia & illud placeat: mora rei non augeri obligationem fideiussoris, *l. centum. ff. de eo, quod cer. loc.* Non obstat, quod scriptum est *in dict. l. quæro. ff. locat.* fideiussorem locationis nomine acceptum, in vsuras etiam pensionum tardius illatarum teneri hoc ipso, quod in omnem causam locationis se obligauit. Nam is se obligare in omnem causam locationis intelligitur, qui promittit, & fide sua esse iubet, quidquid conductorem in causa locationis ex bona fide dare, facere oportebit, vt ibidem explicatur. His autem verbis continentur vsuræ pensionum; quia locatio bonæ fidei iudicium est: quo in genere iudiciorum vsuræ ex mora debentur officio iudicis, *d. l. quæro loc. l. mora. §. 1. ff. de vsur.*

De quo differui fufius *ad l. centum. ff. de eo, quod cer. loc.*
 De diuisione actionis inter fideiussores hoc loco appendix est, pertinens ad ea, quæ diximus de hac specie *in l. 3. sup.* Diximus inter alia, si omnes fideiussores idonei sunt tempore litis contestatæ, diuidi actionem debere inter fideiussores, etsi iure diuisi singuli in solidum teneantur. Hic ¶ comprehendimus est, cui fideiussori hoc beneficium tribuatur, & quando id desiderare liceat. Verbis igitur huius rescripti tribuitur postulanti fideiussori. Queritur, quando postulari possit. Additum est, id ante condemnationem ex ordine postulari solere. Ex ordine fieri & postulari quid dicitur, cum plura sunt, quæ fieri debent, aut possunt iure, sed ita, vt quædam priora sint, quædam posteriora. Nam cum prioribus transactis venitur ad posteriora, tum posteriora ex ordine fieri, & postulari dicuntur. Id ita accidit in fideiussionibus, cum de hoc beneficio diuisionis agitur. Nam fideiussori in solidum conuento plures defensiones esse possunt. Prima illa, vt dicat, se non teneri, idque varie accidit; vel quia reus principalis liberatus sit aut ipso iure, aut per exceptionem; qua exceptione fideiussoribus uti licet. *leg. 7. Dig. de exceptio.* vel quia ipse fideiussor etiam vtatur ex sua persona exceptione vel pacti, vel iurifurandi, vel rei iudicatæ. Quod si his defensionibus fideiussor exclusum se sentiat; siue quod reuera nullæ sint; siue quod eas probare non possit, vt iam non possit effugere, qui teneatur: tamen extremum illi subsidium relinquatur desiderandi, vt saltem pro parte conueniantur; pro reliquis partibus conueniantur reliqui fideiussores. Ad quod si peruenerit, recte dicatur id ex ordine postulare: vt sit, ex ordine, seu seruato ordine earum defensionum, quæ fideiussoribus competere solent. Itaque ex ordine hic valet idem, quod dicitur seruato ordine *in l. 1. sup. de ex se. rei iud.* Hoc autem fideiussor postulare potest ante condemnationem. His verbis duo continentur: quæ qualia sint, videamus. Primum ¶ hoc declarant, quando cumque ante condemnationem id postulare licere, etiam si in initio litis huius beneficij exceptionem fideiussor non sit contestatus. Atqui scriptum est *in l. siquidem. & l. prescriptionem. sup. de exc.* exceptiones contestari initio oportere, sed sciamus hoc dictum esse de exceptionibus facti, quibus aliquid factum esse intendimus, & ob id probare debemus, vt intelligitur ex *leg. in exceptionibus Dig. de probat.* Et merito hæc contestandæ sunt. Nam cum quæstionem habeant facti, non intelliguntur in iudicium deduci, nisi facti contestatione. Diuersa causa est exceptionum iuris, seu earum, quæ cuiquam conditione ipsa personæ iure ipso tribuuntur, qualis est ea defensio, de qua nunc agitur; qua scilicet fideiussor hoc ipso, quod fideiussor esset, iure postulari, vt actio inter fideiussores diuidatur. Hoc genus contestari necesse non est; ante condemnat onem quandoque allegari sufficit, his de causis. Primum; quia dum creditor cum fideiussore tanquam cum fideiussore agit, factis auxilium diuisionis sub appellatione & persona fideiussoris in iudicium deduci intelligitur: cum id fideiussori iure tribuatur, hoc ipso, quod fideiussor est. Deinde, quia quæ sunt iuris ea ad iudicium & cognitionem iudicis pertinent; & quidem etiam si non sint à partibus nominatim petita. *leg. vnica. sup. vt que des. aduo. par. iud. sup.* Multo igitur magis si petita erunt, vt hoc beneficium postulari debere dicimus.

4 Alteram ¶ ex contratio iustem verbis efficitur, si fideiussor in solidum conuentus, ante quam condemnaretur, non postulauerit, vt actio inter se & reliquos fideiussores diuideretur, & ita in solidum passus sit se condemnari; frustra eum postea, vt actio diuida-

tur, postulaturum. Et recte. nam qui in solidum condemnatus, cæpit iudicari actione in solidum teneri, hanc actionem semel creditori quæsitam, inuito postea adimere non potest, partem dumtaxat offerendo. *arg. in leg. vlt. Dig. de pact. l. habere. in fin. D. de euict.* Nec metuemus, ne hic nobis aduerferent ea, quæ Accursium in superiore sententia hæsitare coegerunt. Nam primum nihil aduersus eam sententiam *in l. fideiussores. §. vlt. D. eod.* Illic scribitur mandatore in solidum condemnatum recte postulare à creditore, vt sibi pro parte cedantur actiones aduersus ceteros mandatores. Ac constat, quod de mandatore dicitur, ad fideiussores pertinere. Sunt enim omnes isti principalis obligationis intercessores. *l. vlt. sup. de const. pec.* Sed multum interest, utrum fideiussor condemnatus postulet adhuc actionem diuidi cum reliquis fideiussoribus, an postulet actionem aduersus eos sibi cedi. Immo vero hæc sunt contraria. Nam qui diuisionem postulat, is postulat, ne solidum soluat. qui cessionem desiderat, is declarat se paratum esse solidum soluere, dum sibi aduersus confideiussores consulatur. Nihil etiam contrarium habet illud Papiniani ex *leg. inter eos. §. vlt. D. eo.* bonis damnati fideiussoris fisco vindicatis, inter fideiussores postea actio si diuidi cæperit, vt heredis, ita & fisci rationem haberi oportet. Apparet enim in hac definitione damnatum fideiussorem intelligendum esse, non eum, qui damnatus est fideiussionis nomine, sed qui damnatus sit capitis ita, vt propter eam damnationem bona eius fisco vindicarentur. Nam de bonis fisco vindicatis perspicue definitio scripta est. Est autem hic sensus; si vnus ex quatuor fideiussoribus capitali supplicio damnatus sit, & ob eam damnationem bona eius publicata, & vindicata fisco; potest postea creditor aduersus fideiussores ius suum exsequi, qui recte postulabunt, vt inter omnes, qui soluendo sunt, actio diuidatur: in quo numero etiam fisco, qui damnato succedit, habebitur. Vt scilicet si sint tres fideiussores priuati, & fisco, qui damnato successit, non tres tantum partes fiant in hac diuisione actionis; sed fiant partes quatuor, ex quibus fisco quartam agnoscere cogetur. Nam si vnus ex his fideiussoribus decessisset, eius heres in quartam partem vocaretur. Proinde & fisco vocabitur. nam & fisco heredis loco est in iis bonis, quæ ex damnatione ad eum peruenerunt, vt diximus *ad l. 1. sup. hoc tit.* Hoc vero quam nihil hoc loco aduerferet, perspicuum est.

L. Cum alter. II.

Idem A. Salustio.

Cum alter ex fideiussoribus in solidum debito satisfaciatur, actio ei aduersus eum, qui vna fideiussit, non competit. posuisti sane, cum fisco solueres, desiderare, vt ius pignoris, quod fisco habuit, in te transferretur. & si hoc ita factum est, cessis actionibus uti poteris. Quod & in priuatis debitis obseruandum est. PP. 7. Cal. Nouemb. Alexandro A. III. & Diono. Coff. 230.

S V M M A R I A.

- 1 Vnum ex fideiussoribus solidum sua sponte soluentem non cessis sibi à creditore aduersus confideiussores eo nomine actionibus actionem non habere nec mandati, nec negotiorum gestorum, eog, nullam habere. & num. 3. in fin.
- 2 Negotiorum gestorum actionem non competere aduersus eos, ad quos negotij utilitas per consequentiam tantum pertinet.
- 3 Vnum ex pluribus tutoribus solidum soluentem aduersus reliquos tutores pro ipsorum parte vtilem actionem habere: & cur hoc diuersum in fideiussoribus.
- 4 Fideiussori solidum soluenti nullam ideo actionem esse aduersus pignorum creditori obligatorum possessores.
- 5 Fideiussorem consequi posse à creditore, vt sibi cedantur actiones aduersus debitorem, confideiussores, & pignorum possessores: sed cum soluit, non ante, aut postea; nisi ea lege soluerit, vt sibi cederentur actiones.
- 6 Mandatorem etiam pecunia soluta sine alia conuentione agere posse aduersus creditorem, vt sibi cedat actiones aduersus reum principalem, & alios eius obligationis reos.
- 7 Soluta à fideiussore pecunia superesse nihilominus actionem creditori, quam si possit soluenti aduersus debitorem aut confideiussores cedere: non item si pecunia ab vno ex tutoribus soluta sit. vbi l. cum is, qui. 36. D. de fid. l. Modestinus. Dig. de sol. explicantur.

8 Nullam pecunia soluta conditionem esse aduersus creditorem, qui pecunia simpliciter soluta a fideiussore non cedat ei actiones aduersus reum, aut confideiussores.

Vnus ex pluribus fideiussoribus omissio beneficio diuisionis, quod fideiussoribus tribuitur ex epistola D. Hadriani, solidum soluit creditori. Quæritur ad cautionem fideiussoribus, cum quibus agere possit eo nomine, & pecuniam, quam soluit, repetere? Et posse eum à debitoribus repetere constat, de quo dicitur in l. mandati, in prin. inf. An possit etiam experiri aduersus confideiussores suos, præterea an possit pignora persequi, quæ creditori eiusdem obligationis nomine obligata erant, quæ sit est. De utroque hoc rescripto respondetur. Ac primum quod ad confideiussores attinet, hoc statuitur; Vnum ex fideiussoribus solidum sua sponte soluentem, aduersus reliquos confideiussores suos eo nomine actionem non habere. Recte, nam si quam aduersus eos habeat, necesse est aut mandati esse, aut negotiorum gestorum actionem. Mandati non habet, cui confideiussores nihil mandatum, ut fideiuberet. Negotiorum gestorum actionem habere videri potest, quod ea solutione fideiussor debitorem suum liberauit saltem per exceptionem. l. Papinianus D. mand. ac proinde etiam per consequentiam debitoris fideiussores. In omnibus speciebus. Dig. de sol. l. 7. D. de excep. Liberando negotium confideiussorum vtiliter gessisse intelligitur. Ex qua causa est negotiorum gestorum actio. l. 2. Dig. de neg. gest. Sed si ita ius habet, ut quoties negotium, seu vtilitas auctoris negotii ad duos pertinet, ad vnum principaliter, ad alterum per consequentiam; si negotium gestum sit contemplatione eius, ad quæ principaliter pertinebat, huius solius negotium videatur gestum. proinde aduersus hunc solum sit actio; aduersus enim, ad quem per consequentiam res pertinet, nulla. l. si pupilli. §. Dig. de neg. gest. Id autem accidit, cum vnus ex fideiussoribus solidum soluit. Sane enim is duo genera personarum liberat, debitorem, & eius fideiussores. Inst. qui mod. toll. obl. in prin. sed debitorem principaliter, si eius nomine soluit; fideiussores tantum per consequentiam, de quibus non laborat, dummodo debitor, & ipse cum debitore sit liberatus, aut si soluit suo nomine, se ipsum liberauit principaliter; per consequentiam debitorem, ac per debitorem fideiussores. Proinde semper hic aut debitoris, aut soluentis solum negotium gestum est, non confideiussorum. Nec ad rem pertinet, quod vtilitas eius liberationis etiam redit ad fideiussores. Hoc enim per consequentiam contingit. Nunc autem id spectamus, quod sit principaliter, non quod per consequentiam. l. 1. Dig. de auct. tut. Verum hic obicitur exemplum tutorum; ex quibus si vnus soluerit, nihilominus aduersus contutores vtilem actionem pro eorum parte habet, vt est in l. §. nunc tractemus. Dig. de tut. & rat. dist. Sed apparet ex eo loco, constitutum hoc ius esse proprie & singulariter in tutoribus. Ideo non est producendum ad consequentiam. l. quod vero. l. in his ff. de legib. Nec obicura ratio est, cur soluenti tutori vtilis actio detur aduersus contutores potius, quàm fideiussori aduersus confideiussores. Datur vtilis actio tutori aduersus contortorem pupilli causa. Sic enim citius tutor soluet solidum pupillo, cum sciet fore, vt hoc quod soluit, à contutoribus repetere possit. Sed & postquam soluit, minus molestus erit pupillo, si malit aduersus tutores experiri. Fautor igitur pupilli hanc actionem vtilem introduxit. Nullus eiusmodi fauor est in creditoribus aliis. Proinde non mirum, si idem non tribuitur eorum fideiussoribus. Sane fideiussor, qui solidum soluit, si à creditore cessit sint ei actiones aduersus confideiussores, nulla dubitatio est, quin aduersus eos experiri possit cessis actionibus, l. cum is. 3. ff. eod. Sed hoc nihil huic loco aduertitur. Quod enim hic dicitur, fideiussori aduersus confideiussorem nullam actionem competere, ita dictum est, vt intelligeremus, nullam esse ex eo tantum, quod fideiussor solidum soluit, siue nullam esse ex fideiussoris persona & facto, quod & verum est.

4 Hoc fideiussoribus, aduersus quos desideret experiri fideiussoris, qui solidum soluit. Sed an non saltem actionem habeat aduersus possessores pignorum, quæ creditor obligas erant? Multo minus, nisi et actio hypothecaria à creditore cessit sit, vt hic significatur, & traditur dilerte in l. mandati. inf. hoc tit. Merito, nam reliqui confideiussores saltem eodem nomine obligati erant; qui tamen non tenentur ei fideiussori, qui soluit. Pignorum autem possessores non fuerunt obligati.

5 Sed si cessis actionibus à creditore poterit fideiussor pignorum possessores conuenire. Quid si creditor non cedat actiones? iure fideiussor ab eo desiderabit, vt cedat. l. 2. sup. Quando id desiderare potest? Hic scriptum est, desiderare eum posse, cum soluit. Con-

sulto additum; quia fideiussor desiderare id non potest ab inuito, priusquam soluit, sed nec postea, nisi in soluendo conuenierit nominatum, vt cederentur actiones, Nam fideiussor aduersus creditorem neque mandati actionem habet, vt pote cui non mandauerit, vt pecuniam crederet; neque negotiorum gestorum, quia ei soluendo negotium suum gerit, dum se liberat; non creditoris, qui suum recipit. Quomodo igitur fideiussor hanc cessionem consequitur, dum soluit? non agendo, sed, vt dixi ad l. 2. sup. opposita agens creditori exceptione doli mali. Plane si fideiussor soluit ea lege, vt sibi cederentur à creditore actiones, etià post pecuniam solutam recte ager, vt sibi cedantur. Nam fideiussor ita soluendo fecit, vt vicilium creditor faceret. Ex quo genere conventionium constat nasci ciuilem actionem præscriptis verbis. l. iuris gentium. in pr. ff. de pact. l. legem. sup. eo. Ceterum nullo eiusmodi pacto interposito, frustra fideiussor pecunia soluta desiderabit à creditore, vt sibi cedantur actiones ab eo, quem ad eam rem nulla ex causa obligatum habuit. Quod de pignore & hypothecaria actione cedenda dicimus, idem & de actione personali aduersus debitorem, aut confideiussores cedenda dictum intelligendum est, de quo in d. l. 2. su. Summa igitur est, desiderare posse fideiussorē, qui solidum soluit, vt sibi actiones cedantur aduersus debitorem, aut confideiussores, & pignorum possessores: sed tunc cum soluit. Semel autem pecunia soluta, si in soluendo de cedendis actionibus nihil conuenierit, agere eum non posse. Sed si sciamus hoc in fideiussore recte dici. Alia causa est mandatoris, quæ & dum soluit, & postea soluit, placet agere posse aduersus creditorem, vt sibi cedat actiones aduersus principalem reum, & ceteros eiusdem obligationis reos. l. Papinianus. D. mand. Recte, quia mandator mandati actionem habet aduersus creditorem, fideiussor non habet, vt qui creditori non mandauerit, vt pecuniam crederet.

Atque hæc de eo fideiussore dicta sunt, qui desiderat actionem 7 sibi cedi ab inuito creditore. Quod si de volente creditore queritur, sententia Pauli est in l. cum v. 36. D. eo. etiam pecunia creditori ab vno ex fideiussoribus soluta, posse eum, si velit, desideranti fideiussori actiones suas cedere. Sed eiusmodi sententia, quæ hanc dubitationem animaduertendam habuerit. Nam pecunia creditori à fideiussore soluta, ea solutione debitor liberari videretur. Debitore autem liberato, consequens est, etiam tolli actionem aduersus omnes accessiones. In omnibus. Dig. de sol. Quæ si sublata est, quomodo eam cedere creditor potuit, quam non habet? Sed & hæc obiectio illic diluitur ad hanc sententiam. Si pecunia à fideiussore daretur creditori, vt solueretur & tolleretur obligatio, recte diceremus nullam actionem ei superesse. Nunc autem magis fideiussor pecuniam dare intelligitur emendi nominis, & creditor pecuniam accipere eius vendendi causa. Et certe verum est, quod Papinianus scribit in d. l. Papinianus. D. mand. non debere estimari debitorem liberatum esse solutione mandatoris; cum mandator ob suam obligationem soluat, & soluat suo nomine, non de bitoris. Ac fideiussoris eadem causa est, traditorque; idem in l. filius familias. D. de in rem verso. Hoc loco obicitur l. Modestinus. Dig. de sol. vbi de vno ex pluribus tutoribus solvente Modestini responsum est, si is nullo pacto interposito de cedendis sibi actionibus pecuniam soluerit pupillo ex administratione tutelæ debitam, actiones ei postea à pupillo cedi non posse, nominatim addita hac ratione, cum nulla actio superfuert. Sed hoc in vno ex pluribus tutoribus solvente recte placuit: in fideiussoribus locum non habet. Nam, vt recte Bartolus animaduertit ad dict. l. Modestinus. in tutoribus etiam plures debitores sint; vna tamen obligatio est omnium. debent enim idem, & ex eadem causa, id est, ex administratione. Itaque vnus soluendo solidum, ceteros liberat, non quia non soluat suo nomine tantum; sed quia pro se soluendo totam soluat obligationem, quippe quæ in omnium persona vna sit, vt accidit in pluribus reis promittendis, Inst. de duobus reis stip. At cum plures fideiussores dati sunt, etiam si quis concedat omnium fideiussorum vnam obligationem esse; tamen nihilominus in hac causa duæ sunt obligationes longe distinctæ, vna debitoris, quæ est principalis; altera fideiussorum, quæ est accessoria. Hic vnus ex fideiussoribus solidum soluendo, dum soluit suo nomine, debitorem ipso iure non liberat, siue, quod idem est, principalem obligationem non tollit. Dicitur quidem simpliciter debitorem liberare acceptilatione, in l. & per. 13. §. si fideiussori. D. de acceptil. quod multo magis de solutione eius dixerit. Sed liberat tantum per exceptionem, non ipso iure, vt declarat in dict. l. Papinianus. D. mand. Quæ res facit, vt reliqui confideiussores etiam adhuc teneantur: vt qui nisi liberato debitore principali non liberentur.

tur. Atque hinc etiam fit, ut creditor, quamvis pecunia ab vno ex fideiussoribus accepta, saluas habeat veteres actiones cum aduersus debitorem, tum aduersus reliquos fideiussores, qui nihil soluerunt. Et quia habet, etiam potest cedere ei fideiussori, qui soluit. Sed potest, ut dixi, cedere, si velit. si nolit, nulla est actio fideiussori ad eum cogendum, vbi fideiussor non soluerit hac lege, ut sibi cederentur actiones.

8 Sed et esto, nulla sit actio, qua ea cessio petatur. Quid, pecunia à fideiussore soluta, an non recte creditori condici potest, nisi actiones cesserit? Et hoc quidem putant. Sed nulla hic conditio esse potest fideiussori ad eam rem. Non enim potest condicere pecuniam tanquam indebitam, cum ut debitam soluerit, & ea solutio sit liberatus. *l. si non sortem. §. si decem. Dig. de cond. indeb.* Non tanquam ob causam datam re non secuta. Nam cum simpliciter pecuniam soluit suo nomine, soluit ob hanc causam, ut liberaretur. Atqui hæc causam secuta est, quod cum sit, non potest locus esse conditioni ob causam dati causa non secuta. *l. i. ff. de cond. cau. dat.* Neque verum est, quod isti volunt, cum fideiussor soluit, videri soluere ideo, ut sibi cedantur actiones. Nam primum verba solventis id non significant. Deinde multis locis diserte scriptum est, eum, qui soluit creditori, non succedere in pignora prioris creditoris, nisi nominatim soluerit ea lege, ut in pignora succederet, siue ut in se actiones hypothecariæ transferrentur. *l. soluitur. §. si conuenierit. Dig. quib. mod. pig. vel hypoth. sol. l. i. supra. de his, qui in prior. cred. loc. succed.* Et ideo quod scriptum est in *l. cum is, qui in sin. D. eod.* cum vnus ex fideiussoribus solidum soluit, ideo creditorem habere actiones; quia tenetur, ut eas præstet: sic accipiendum videtur ex præcedentibus, ut eas habeat, cum aperte nomen vendidit fideiussori; neque pecuniam ab eo in solutum accepit. Nam si accepit in solutum, fideiussor sibi omnem actionem præcidit.

L. Blanditus. 12.

Idem A. Theodoto.

Blanditus tibi est, qui non teneri te persuasit, quod cum pro alio interuenires, ὁ πῦν θέλεις ποιῶσω, dixisti: cum & his verbis obligationem verborum posse contrahi pridem receptum est. PP. 6. Kal. Sept. Agricola & Clemente Coss. 231.

S V M M A R I A.

- 1 Fideiussorem nisi stipulatione non obligari.
- 2 Lectio recta huius loci.

Fideiussor interrogatus, an fide sua esse iuberet, siue græce, siue latine, responderat, *Φημί, αἰο*; vel potius *τί μὴ*; quid ni? Is persuasus erat his verbis se non teneri hac ratione; quia non obligaretur fideiussor, nisi stipulatione. hic autem non videatur stipulatio esse contracta, in qua his verbis, quid ni, ad interrogatum conuenienter non esset responsum, id est, non iisdem verbis, quibus interrogatus erat, ut diceret, fideiubeo. Rescriptum est hoc loco, errare fideiussorem. Nam stipulationem his verbis vtiliter contractam, idque pridem receptum esse. Ergo et hoc dicit Antoninus, fideiussorem ideo obligari in proposito; quia stipulatio vtiliter sit interposita. Ex quo recte colligitur vulgo, fideiussorem nisi stipulatione non obligari. quod confirmatur in *l. 5. §. satis accipio. Dig. de verb. oblig.* De et lectione huius loci monendi breuiter sumus, vulgarem lectionem esse hanc in verbis græcis ὁ πῦν θέλεις, ποιῶσω, quod unquam vis faciam. Hæc lectio recte notata est ab Alciato *lib. 1. Parerg. cap. 3.* Nam reuera in his non fuit id, quod ab Imperatore scriptum est. Proponuntur enim verba, ex quibus hæsitatur, an stipulatio recte sit contracta, ut ex responso apparet. Nemo autem vnquam dubitauit, quin recte responderet & conuenienter, qui spondit id, quod stipulator vult. Ille igitur pro his verbis reposuit *λέγω*, aut *Φημί* ex sententia *l. Græce. in pr. ff. eo. & §. pen. Inst. eod.* Sed multi testes sunt se in veteribus exemplaribus legisse hoc loco *τί μὴ*; quid ni? quod si verum est, nihil est hac lectione melius, neque huic loco conuenientius. Scimus enim ex *l. 1. §. si quis ita. ff. de verb. obl.* veterem fuisse dubitationem, an his verbis recte contraheretur obligatio, cum quis interrogatus, *dabis?* respondit, *quidni?* & placuit v-

tilem videri. Id autem est, quod verbis huius rescripti significatur, cum dicitur, his verbis obligationem verborum contrahi, pridem receptum esse.

L. Si Barsatoram. 13.

Pars ex epistola Gordiani A. ad Auxium.

Si Barsatoram latronem Lysanias decurio inuenturum se spondisset: aut exhibere compellendus est, aut transmittendus ad præfectum prætorio, vel ad præsidem Prouinciæ.

S V M M A R I A.

- 1 Inuenturum se latronem, qui alicui promissit, videri deprehenso exhibendo promississe.
- 2 Latronem non inuenisse, non exhibuisse, aut indicasse inuentum, extra crimen, & impunitum esse.

Decurio alicuius vrbs, cum latronem prehendere posset, missum fecit. Cum forte is, qui spoliatus erat, expostularet cum eo ob dimissum latronem, decurio, ut se liberaret omnino crimine, spondit stipulanti spoliato, se illum latronem inuenturum. Quæsitum est, quid his verbis contineatur, ut sciamus, quid decurionem præstare oporteat, ut nisi præstiterit, possit ex stipulato conueniri in id, quod spoliati, eiusdemque stipulatoris interest. Hic duo respondentur: prius, de quo rescriptum clare scriptum est: posterius, de quo dubitari potest propter incertitudinem scripturæ.

Prius est, et decurionem compellendum esse exhibere hunc latronem: ut sit sentus, non esse satis, si reperiat, vbi sit ille latro, & eum locum indicet; sed hoc amplius, decurionem debere latronem prehendere, prehensum exhibere spoliato, ut sit eius conueniendi copia. Sed videndum, ne hoc non recte exigatur à decurione. Constat enim non debere eum ultra præstare; quam promissit. *l. quidquid. D. de verb. obl.* Non promissit autem se latronem prehensurum, sed inuenturum. multoque minus promissit etiam se prehensum exhibiturum. Imo promissit hæc omnia; quæ & partim verbis, partim sententia contrahentium continentur. Verbis; quia inuenire aliquid, aut aliquem, non est reperire locum, vbi sit: sed est rem animaduersam prehendere, & occupare. Quod enim dicitur in *§. item lapilli. Inst. de ver. diuis. lapillos & gemmas in litore inuentas fieri inuentoris*; hanc sententiam habet, fieri eius, qui animaduersas occuparit, siue earum apprehenderit possessionem, nam aliter non fieri nostras, scriptum est in *l. i. in princ. ff. de acq. poss.* Atque ut verbis non promississet decurio se prehensum latronem exhibiturum; tamen id satis intelligitur ex eo, quod actum est, quæ est sententia contrahentium. Nam stipulator id agebat, ut sibi caueret, & acquireret, quod sua interest. Denique id agebat, ut latronis conueniendi esset potestas: quod declarant & ea, quæ præcesserunt stipulationem, & finis omnis stipulationis: qui est, ut quisque acquirat, quod sua interest. *l. stipulatio ista. §. alteri. D. de verb. oblig.* Quia actum est, etiam pro cauto habendum; eoque etiam ex stipulatione præstandum est. *l. 3. ff. si cere. pet. l. semper in. ff. de regul. iur.*

Posterius adiectum est hoc rescripto; aut decurionem compellendum esse exhibere, aut transmittendum esse ad præfectum prætorio, vel ad præsidem prouinciæ. Hæc verba si naturalem & rectam structuram orationis sequimur, sic interpretanda sunt: decurionem debere latronem prehensum exhibere; nisi exhibeat, transmittendum esse (intellige decurionem, de quo instituta est oratio) ad præfectum prætorio; ut puniatur videlicet ob latronem non inuentum, non exhibitum. Sed hæc et sententia defendi non potest. Nam decurio, qui latronem non inuenit, nihil deliquit: eoque nec ad præsidem transmitti debet, ut puniatur. Etenim si quæsitum à se diligenter reperire non potuit, nulla est eius culpa, si non reperit. Nulla autem poena esse debet, vbi nullum delictum est. *l. aliud est fraus. Dig. de ver. sig.* Quod si inuenire potuit, & neglexit: tamen ne hic quidem delictum vllum contrahitur, quod coerceri oporteat. Fecit enim decurio iure permittente: cum ita ius sit, ut nemo inultus agere, vel accusare cogatur. *in. sup. ut nem. in iur. ag. vel ac. cog.* Quod si accusare nemo cogitur,

cogitur; multo minus cogitur nocentem quærere, & inuentum prehendere. Restat ergo, vt verba rescripti sic interpretemur; aut exhibere compellendus est decurio, de quo institutus est sermo, aut transmittendus, nempe latro, vt sit hæc sententia; decurionem alterutrum præstare debere ex supra scripta stipulatione, aut vt inuentum latronem exhibeat stipulatori, vt ille aduersus latronem de iure suo statuatur, vt existimauerit; aut si decurio exhibere nolit, saltem latronem transmittat ad magistratum, qui in illum inquirat; quo factò etiam obligationi satisfacies. Erit enim stipulatori apud magistratum inueniendi, & conueniendi latronis copia. Fatendum quidem est hoc sensu perturbari orationem personis, sed non est noua hæc perturbatio, quæ plerumque etiam doctissimis excidit. Similem animaduertere licet in d. l. 1. §. si quis ita. D. de ver. obl. si modo illic vera est Pan. Floren. lectio.

L. Mandati. 14.

Idem A. Saliuo.

Mandati actio personalis est, quæ si nomine fideiussoris, vel aduersus debitorem, seu heredes eius competat; præses Provincia, quæ deberi compererit, reddi iubebit. Pignora etenim, quæ reo stipulandi nexa fuerunt, ita demum ad vos transfunt, si facta nominis redemptione solutio celebrata est, vobisq; mandata sunt actiones. Quod si factum est: ea quog; vobis persequentibus, aduersus pignorum possessores, ex ordinariam iurisdictionem idem vir clarissimus impertietur. PP. 3. Nonas Iulij, Gordiano, A. & Aniola Coss. 232.

S V M M A R I A.

1. Iurisdicção extraordinaria impertienda, pro actione extraordinaria, id est vtili, danda: & cur.
2. Fideiussori, qui pro debitore intercessit & soluit, quando & quæ actio competat.

Fideiussor, qui debitum soluit, & non accepit à creditore aduersus debitorem actiones, non eo minus recuperandi eius causa ex sua persona agere aduersus debitorem potest, eiusque heredes, idque mandati actione: si modo hæc illi competat, vt hic initio traditur, de qua actione, & an vlla fideiussori competat, sic paulo post. Nunc hoc ante statuatur, quod est proprium huius rescripti, non cessis fideiussori à creditore actionibus; sic illi habere ex sua persona mandati actionem, aut similem, vt sit hæc omnis actio aduersus debitorem tantum, eiusq; heredes. Ceterum res debitoris creditori pignori obligatas hac actione persequi aduersus pignorum possessores non potest: propterea quod mandati actio cum sit ex contractu, est in personam. ideo aduersus eum tantum, qui est eo nomine obligatus, non aduersus res obligati, aut earum rerum possessores. *L. actionum. D. de obl. & act. §. ut insit. de act.* Si igitur fideiussor hæc pignora persequi vult, nihil aliud ei relinquatur, quam quod hic comprehensum est, vt consequatur à creditore, vt sibi recte cedantur pignora, eorumq; actiones, quod quando recte desideretur, vt cogatur creditor facere, traditur in *l. cum alter. sup. hoc tit.* Cessis actionibus, tam est ius persequendi aduersus pignorum possessores. *id est. l. cum alter.* Sed adicitur in hoc rescripto, cessis pignorbis posse fideiussorem sic agere aduersus pignorum possessores, vt præses extraordinariam iurisdictionem ei præbeat. His verbis ea sententia continetur, quæ de nomine, aut pignore tradito multis locis expressa est: Quoties nomen aut venditum, aut in solum traditum est, aut legatum, tones eum, in quem nomen translaturum est, posse aut ex persona cedentis vt directis actionibus, aut ex persona sua experiri vtilibus. *l. postquam sup. de her. vel act. vend. l. ex legato. sup. de lega.* Id significatiuè actio extraordinaria hoc loco. Dicitur enim iurisdicção extraordinaria *per vno minus* eadem figura, qua pallidam mortem vocamus, quæ pallidos facit, rem tristem, quæ nos tristes reddit, vt sit ea iurisdicção, quæ dat actionem extraordinariam ad pignora persequenda. Est autem extraordinaria actio, quæ est vtilis, quod ex conuentione duorum locorum intelligitur. *l. si longius. §. vlt. ff. de iud. & l. cum filiusfam. D. si cert. pat.* Illud expendendum, quod de actione personali mandati initio rescripti dicitur, dari hanc quidem fideiussori

aduersus debitorem & eius heredes, sed hac conditione, si modo hæc actio illi competat. Quid ergo, hanc actionem ille non semper habet? quod si non semper, quando igitur? Et reuera non semper habet. Quando tamen & hanc habeat eo nomine, aut 2 aliam, aut nullam, de eo ita ius est. Si fideiussor aut repugnante debitore fideiussit, aut donandi animo, nullam omnino actionem habet. *l. si remunerandi. §. si passus. l. si pro te. Dig. mand.* Priore quidem casu, quia debitor inuitus obligari non potuit: posteriore autem; quia fideiussor debitorem sibi obligare noluit. Quod si pro non repugnante quis fideiussit, neque id actum est, vt donaret: habet ille quidem actionem in personam; sed alias mandati, alias negotiorum gestorum. Si pro absente fideiussit, non potest esse mandati actio, quæ non nascitur, nisi ex contractu, proinde & consensu. *Inst. de obl. ex consen.* Nullus est autem consensus absentium & ignorantium. Itaque hic negotiorum gestorum actio est, non mandati. *l. ex mandato. §. vlt. Dig. mand.* Quod si pro præsentem quis fideiussit, nec repugnante debitore, nec donandi animo; hic demum mandati actio est, non negotiorum gestorum. Nec interest, vtrum præsentem nominatim mandet suo nomine fideiuberi, an taceat. Illic quidem mandati actionem esse constat; quia aperte præcessit mandatum. *l. ex mandato. §. 1. l. si præcedente. ff. mand.* Sed nihilominus & hic eadem actio est, quia qui patitur pro se fideiuberi, aut mandari ab alio, vt sibi credatur, mandare intelligitur. *l. qui patitur. ff. mand.*

L. Si indebitam. 15.

Idem A. Claudiano.

Si indebitam pecuniam quasi ex causa fideiussionis obstructus in cautionem per errorem deduxisti, tam doli mali exceptione vri, quam condicere, vt obligatio tibi accepto feratur, potes. Non est autem dubium, fideiussorem rei promittendi, bonis ad fiscum deuolutis, si idem fiscus ob debitum restituendum fuerit conuentus, & soluerit, liberari. PP. 5. Kal. Dec. Gordiano Aug. & Aniola Coss. 240.

Proponitur hoc loco quis pro debitore se obligasse creditori per errorem, dum falso putat fideiussionis alienæ nomine se obstructum esse. Finge heredem esse defuncti eius; qui dicebatur pro debitore fideiussisse: ac verbis creditoris persuasum, iterum ex persona sua se obligasse nomine eiusdem debitoris, vt euitaret creditoris perfectionem, & rerum suarum distractionem. Hoc amplius proponitur, debitorem, pro quo ita fideiussit, damnatum fuisse, & bona eius vindicata fisco. hac de causa fisco tanquam successorem conuentum esse, & soluisse. Cum rebus ita gestis hic fideiussor conueniretur à creditore, cui se obligauerat, negabat se teneri ex sua fideiussione, an teneatur, quæsitum est. Rescriptum est, eum duplici de causa securum esse. Primum, quod is promiserit indebitum per errorem. Deinde, quod debitor principalis pecuniam soluerit. Si quis promittit indebitum per errorem, is vltro agere potest conditione indebiti, vt hic dicitur; & multo magis, vt cautio exposita, seu chirographum suum sibi reddatur. Proinde etsi ex ea promissione conueniri cæperit, multo magis aduersus petitionem habebit exceptionem doli mali. Cui enim damus actionem, ei multo magis exceptionem competere dicendum est. Hoc ita explicatur in hac ipsa specie in *l. 3. sup. de cond. ind.* ex regula iuris, *l. inuitus. §. 1. ff. de reg. iur.* Sed etsi fideiussor per errorem non promississet, tamen vbi debitor principalis soluit, & solutione eo modo liberatus est, extra omnem controuersiam est vna, & fideiussores liberari. *l. in omnibus. specieb. ff. de sol.* Id autem contingit, cum fisco publicatis debitoris bonis ipse soluit creditori: sic enim fisco successisse damnato cum suo onere intelligitur, vt diximus ad *l. 1. sup.*

L. Liberum. 16.

Sic huius legis sententia coniuncta est cum *l. reos. inf.* vt nihil illa exposita, huius sententia intelligi facile non possit. Itaque de vtriusque sententia eo loco dicitur.

L. Omiffis. 17.

Idem A. Brasidæ.

Omiffis quoque pignoribus fideiufforem à creditoribus utiliter conueniri: nisi in id tantum, quod ex his refici non poterit, acceptus fit: explorati iuris est, PP. 6. Idus Mart. Attico & Prætextato Coss. 243.

S V M M A R I V M.

Fideiufforem acceptum in id, quod ex pignoribus refici non poterit, non nisi post pignorum possessores etiam iure conueniri posse.

Vbi creditori debitor pignora dedit, & fideiufforem, non tantum omiffis pignorum possessoribus fideiuffor conueniri potest, vt hic dicitur, sed etiam hodie ex constitutione Iustiniani prius conueniri debet. *Nov. 4. de fideiuf. §. sed neque ad res.* Sed t̄ hoc ita, nisi fideiuffor acceptus fit in id, quod ex pignoribus refici nō poterit, vt hic scriptum est. quæ conuentio etiam nūc post superiorem constitutionem Iustiniani seruanda est. Nō obstat, quod ea constitutione sine exceptione cauetur, vt prius conueniantur fideiuffores, quam pignorum possessores. Nam fideiuffor ea cōuentione acceptus, quam diximus, fideiuffor non est ante, quam pignora distracta sint, vt dicendum sit, si pignora prius conueniuntur, non conueniri ante fideiufforem, qui nullus est. Nam ex supra scripta conuentione fideiuffor promittit sub conditione, si pignora distracta sint, & distracta non sufficiant ad debitam quantitatem. Quare priusquam id factum sit, non promittit, eoque & fideiuffor non est. Qui debet sub conditione, antequam conditio extiterit, nihil debet. *l. cedere. ff. de ver. sig.*

L. Si vt proponis. 18.

Imperator Philippus Augustus Smyrnæ.

Si (vt proponis) fundum ob debitum obligatum non iusto pretio vēdidisti: residuam quantitatem, quam ex pretio eiusdem seruare potuiffes, refundi tibi à fideiuffore non iure poscitur. PP. 5. Kalend. Augusti, Peregrino & AEmiliano. Coss. 245.

Creditor pignus sibi datum, quod valebat centum, vendit tantum octoginta, cum posset centum vendere. Viginti, quæ superant, à fideiuffore petit. Negat Imperator eum recte petere. Hoc ideo, quia ea viginti, nec debitor principalis debuit. Nam & debitor de illis viginti vltro actionem habuit aduersus creditorem. *l. 1. in princ. supr. si vend. pign. ag.* Idque ex lege & obligatione pignoris. Nam creditor in pignore omnem diligentiam, & fidem præstare debet, & ea omnia facere, quæ in re sua faceret bonus paterfamilias, *l. si cum venderet. §. vlt. & l. seq. ff. de pign. act.* Quod cum in hac venditione contra fecerit creditor, ad summam eorum viginti, de quibus agitur, necesse est eum eo nomine debitori teneri. Quod si tenetur & eadem summa adhuc debetur, iure fit compensatio vtriusque debiti, & crediti, quomodo debitor ipso iure liberatur. *l. 4. supr. de compens.* Liberato reo, recte dicitur fideiufforem eatenus non teneri. *d. l. in omnibus speciebus. Digest. de solut.*

L. Si alienam. 19.

Eadem sententia est, quæ traditur in *l. 3. in princ. & l. 5. supr. hoc tit.* de potestate nimirum prius fideiufforis & omnis intercessoris, quam rei principalis conueniendi. Ius immutatum in *auth. præsentis. sup. hoc tit.*

L. Sententia. 20.

Eadem sententia, quæ *l. 1. supr.* nisi quod de parte bonorum adempta illic species proponitur, hic de omnibus ademptis

bonis. Sed vtroque ius idem pro portione *l. qua de tota. ff. de re vind.*

L. Sicut eligendi. 21.

Prior pars rescripti de potestate prius conueniendi fideiuffores exposita est ad *l. 3. supr.* Altera de necessitate cedendorum pignorum, quæ imponitur creditori, cum pecuniam petit à fideiuffore, eadem est, quæ est exposita ad *l. 2. & ad l. cum aliter. & ad l. mandati. sup. hoc tit.*

L. Si vltra. 22.

Idem Augusti & Cæsares Hermiano.

Si vltra hoc, quod accepit ea, pro qua te mandatario nomine intercessisse commemoras, daturum te scripsisti: Præses provincie ex hoc, quod vltra mandatum tuum numeratum est, à te nihil exigi patietur. S. 12. Kal. Maii. CC. Coss.

S V M M A R I A.

- 1. Lectio emendata.*
- 2. Vltra, quam datum est, nihil deberi posse, quamuis promissum pacto, neque à debitore ipso, & multo minus à mandatore, aut fideiuffore, & quare.*

Propomuntur hic tres personæ, mandator, creditor, & debitor, quæ à creditore alterius mandato pecuniam creditam accepit. Res ita gesta est, Mandator mandat creditori futuro, vt decem mutuo det debitori cuidam future, & in instrumento, quod de eo mandato intercessit, mandator promittit, si creditor ea decem mutuo dedisset debitori, se duodecim creditori daturum. Creditor decem debitori dedit: duodecim à mandatore ex pacto petit. Quæritur, an à mandatore duodecim debeantur? Rescriptum est, ab illo nihil deberi præter decem, quæ debitori ex mandato eius numerata sunt, idque hac ratione maxime, quod vltra mandatū mandatoris debitori numeratum non est. Vulgo t̄ in omnibus exemplaribus legitur, quod vltra mandatum tuum numeratum est. Sed refragantur verba rescripti, quæ sunt in principio, quibus proponitur debitor non accepisse vltra mandatum mandatoris, id est, vltra decem. Ex quo vel cæco apparet, vltra mandatum mandatoris illi numeratum nihil esse. Nam ipsam accipere aliquid, & ei aliquid numerari, idem valent. Accipit enim, quod sibi numeratur; & numeratur ei, quod ipsa accepit. Non debemus igitur dubitare, quin ita legi debeat; *vel ex hoc, quod vltra mandatum tuum numeratum non est, nihil à te præses provincie exigi patietur.* Inest autem in his verbis ratio huiusmodi. Si creditor in proposito vltra mandatum tuum numerasset: tamen vltra mandatum tuum exigere nihil posset. *l. diligenter. Dig. mand.* Nunc autem vltra mandatum tuum numeratum non est debitori. Quare vel hac ratione maxime nihil à te potest amplius exigi, quam debitori datū est.

Quæ t̄ ratio sic recte defenditur. Aut enim creditor superfluum à petet mandati actione, aut ager ex pacto. Mandati agere non potest; quia mandator neque mandauit creditori, vt præter decem aliquid crederet; neque si mandasset; tamen vltra decem quidquam numeratum est. Non potest agere ex pacto: etsi enim ex pacto agi possit, vbi non est nuda conuentio, vt nō est nuda hæc, quæ proponitur, cum creditor decem mutua dedit debitori, vt duodecim à mandatore acciperet, *l. legem. supr. de pact. l. solent. ff. de verb. obl.* tamen sic ex omni pacto agi potest, nisi sit pactum contra leges, aut bonos mores. *l. iurigenium. §. ait. ff. de pact. l. pacta, qua contra. supra de pact.* At tale est hoc pactum, quod id agitur, vt mandator amplius præstet creditori, quam creditor numerauerit. Nam aut creditor id superfluum esse vult tanquam sortem, aut tanquam vsuras pecuniæ creditæ. Si tanquam sortem; ideo iniustum pactum; quia est contra legem & rationem naturæ, vt sit quicquam in sorte, quod numeratum non est. Et hoc est, quod dicitur in *l. si tibi decem. ff. de pact.* vltra quam datum est, obligationem re contrahi non posse. Si tanquam vsuras; primum recte negabitur hic vllū pactum esse, vt id superfluum pro vsuris cederet. Deinde vid conueniri; tamē et hoc pactum iure

iure inutile est; quoniam vsuræ stipulatione tantum, non etiam pacto deberi possunt. *l. 3. sup. de vsur.* Postremo et si vsuræ pacto à reo principali deberi possent; tamen à mandatore in proposito deberi non possunt; vbi constat debetricem principalem eas non debere. Nam neque fideiussor, neque mandator, neque eorum quisquam, qui alieno nomine intercedunt, in duriolem causam obligari possunt. *l. Grace. §. illud. ff. eod.* Bene igitur rescriptum hanc rationem reddidit, cur vltra id, quod numeratum est, nihil à mandatore exigi possit; quia quod vltra petitur, numeratum non est, idque secundum mandatum mandatoris, qui decem tantum mandauit credi.

L. Reos. 23.

Idem AA. & CC. Antipatro.

Reos principales, vel mandatores simpliciter acceptos eligere, vel pro parte conuenire, vel satis non faciente, contra quem egeras primo, post illum ad alium reuerti (cum nullus de his electione liberetur) licet. S. Non. Decemb. Nicomedia. CC. Coss.

S V M M A R I A.

- 1 Vno ex pluribus reis debendi; aut fideiussoribus conuento, nihilo magis liberari ceteros quin vt ante conueniri possint. & cur.
- 2 L. 2. ff. de duobus reis, exposita.
- 3 Sententiam Labeonis relata in leg si per imprudentiam. §. vlt. ff. de euct. non probari.
- 4 Vnum ex pluribus fideiussoribus, aut pluribus debendi rei pro parte conuentum non ideo in reliquam partem liberari: ac ne tunc quidem, cum partem, pro qua conuentus erat, soluit.
- 5 Vnum ex duobus reis debendi parte simpliciter soluta, nihilominus in reliquam partem statim conuenire posse, etsi ceteri soluendo sint: in fideiussoribus contra.
- 6 Vnum ex pluribus reis debendi partem pro sua persona, vel suo nomine soluentem in reliquam partem liberari: fideiussorem contra: & differentia ratio.
- 7 Inter plures fideiussores diuisa per litis contestatione actione, non posse deinceps pro vno, etiam qui soluendo non sit, ceteros conueniri: & diuisa actio inter eos quando intelligatur. L. liberum. supra hoc tit. explicatur ibidem.
- 8 Diuisa actione inter fideiussores, non iam amplius teneri singulos, quã pro parte, etiam si qui fideiussores tempore ipso litis contestate soluendo non fuerint.
- 9 Id effusi non creditoris conuentione, sed sententia epistola D. Hadriani.

Cum plures fideiussores dati sunt, constat ita in solidum iure teneri omnes, vt & singuli in solidum conueniri possint à creditore, si ceteri minus sint idonei. *l. 3. in fi. l. liberum. in pr. sup. hoc tit.* Sed & pro parte vnumquemque; conueniri posse multo minus dubitatur. Vtraque res dubitationes has peperit. Quid, si creditor vnum ex pluribus conuenierit in solidum, dum ceteros non putat idoneos? an ea res nocet creditori aduersus ceteros: id est, an ceteri ea conuentione liberantur; an vero eo, qui conuentus est, non satisfaciente, etiã ceteri in solidum conueniri possunt? Quid item, si creditor pro parte cum vno egerit? an etiam hæc conuentione proderit conuento, vt in reliquam partem non possit amplius conueniri, si forte alter ex fideiussoribus soluendo non sit? De his ius constitutum est partim hac lege, & *l. vlt. inf. partim leg. liberum. sup. hoc tit.* De singulis dicam ordine.

- 1 Sit ¶ igitur prima hæc quæstio, vno ex pluribus fideiussoribus, aut etiam debendi reis conuento, an ceteri liberentur. Dicemus non liberari, nec prohiberi creditorem, si is, cum quo primo egerat, non satisfaciatur, quo minus possit cum ceteris in solidum agere, si sunt plures debendi rei, aut si sunt plures fideiussores, & is, qui primo conuentus est, non sit soluendo. Sed et si soluendo erit, ne sic quidem prohiberi creditorem, quominus conueniat pro parte nondum soluta ceteros, vt ius ei facere concedit. §. si plures. in litis. eodem. Hæc sententia est huius *l. reos.* & *l. vlt. hoc tit.* Habet autem hanc rationem iuris certi, quod cum semel deberi quid cœperit, solutione quisque eius rei, non conuentione, aut litis contestatione liberatur. *l. 4. Dig. de his, qui deie, vel effu. leg. 1. §. si apud duos. Di-*

gest. dep. leg. semper. §. si in sepulchro. in fin. Dig. quod vi, aut clam. Ratio autem sumita est ex constitutione notissima iuris. Nam quamdiu res debita eodem statu manet, & manent personæ debitoris & creditoris, nunquam debitor liberatur, nisi aut soluendo, aut creditori satisfaciendo. *l. si rem. §. omnium. ff. de pign. act. l. item. ff. quib. mod. pig. vel hyp. sol.* At cum vnus ex pluribus fideiussoribus aut reis conuenitur, non ideo solvunt ceteri, aut satisfaciunt creditori. Proinde hac conuentione non magis liberantur, quam si creditor cum vno non egerit. Huic parti duo loci opponuntur. Primum ¶ *l. 2. ff. de duob. reis.* vbi definitione de duobus reis promittendi & stipulandi simul concepta, vt diceretur, ipso iure & singulis in solidum deberi, & singulos debere: subicitur, quod videatur necessesse esse in cõe ad vtrosque reos, de quibus propositum erat, pertinere: ideoque petitione, acceptilationeque vnus tota soluitur obligatio. Quæ verba si, vt dixi, ad vtrosque pertinent, nempe illa, petitione vnus, sic erunt accipienda, vt sit sensus *sive vnus ex reis stipulandi petat, sive ab vno ex reis promittendi petatur.* Hoc autem posterius contrarium huic loco. Sed sciamus petitionem vnus, quæ in superiore definitione nominatur, non posse referri, nisi ad petitionem vnus ex reis stipulandi. Petitio creditoris est, nullo modo debitoris. Eius enim petitio esse dicitur, qui petit, atque is est creditor. A quo autem petitur, qui idem debitor est, non dicitur eius petitio esse, sed ab eo esse petitio; quia scilicet alius ab eo petit. *l. via. ff. de seruit.* Sic ergo dicitur vnus ex duobus reis petitione totam solui obligationem, vt intelligatur, vno ex duobus reis stipulandi petente debitorem huic vni incipere debere, simul ab altero liberari, quod & verum est, *l. ex duobus. 16. ff. de duob. reis.* quasi scilicet vnus agendo, atque ita iudicio contrahendo, nouata in se obligationem transferat iudicati. *l. 3. §. idem scribit. ff. de pec.* Quod certe non contra idem valet, cum ab vno ex duobus reis promittendi petitur. Neque enim litis contestatio debitoris agentis conditionem facit, sed meliorem, *l. non solet. l. nemo enim. ff. de reg. iur.* Faceret autem hic deteriorem, si vno conuento desineret alter teneri actori, cui prius tenebatur. Et vero vno ex duobus reis debendi conuento alterum non liberari, diserte scriptum est in *d. l. 1. §. si apud. ff. dep.* Sed de hac re scripti plura supra tit. de duobus reis stip. & prom. c. viii. Obstat præterea hæc parti *l. si per imprudentiam. §. vlt. ff. de euct.* vbi hæc verba sunt: *Si plures in solidum pro euictione teneantur (qui plures sunt ex hac causa debendi rei) deinde post euictionem cum vno fuero expertus, si agam cum ceteris, exceptione me esse repellendum, Labeo ait.* Dicendum ¶ est referri illic Labeonis sententiam, sed non probari, idque intelligi ex *l. 3. & l. seq. ff. de his, qui deie. vel eff.* Nam cum in *l. 3.* ex Vlpiano scriptum esset, vnum ex duobus reis debendi conueniri in solidum posse, & eo conuento ceteros liberari; subiecta est correctio ex Paulo his verbis, perceptione, non litis contestatione. Idem ergo & sententiæ Labeonis superiori subiiciendum est. Idque eo magis facere debemus, quod Iustinianus noua constitutione hoc temperamentum confirmauit in *l. vlt. inf. hoc tit.*

Alter ¶ quæstio est, si creditor cum vno ex fideiussoribus, aut pluribus debendi reis pro parte tantum egerit, an ea res pro parte conuento, vt in reliquam partem liberetur; an etiam pro reliqua parte conueniri possit, vt ante petitionem. Et generaliter probandum est, quemadmodum vno conuento ea conuentione non prodest ceteris ad liberationem: sic nec prodesse ipsi conuento, vt in eam partem, quæ ab eo petita non est; liberetur. idque efficitur eadem illa ratione, qua supra vlt. sumus. Nam is, qui conuenitur pro parte, solidum debuit. *l. 3. sup. hoc tit.* Non potuit igitur liberari ea obligatione, nisi aut creditori soluendo, aut satisfaciendo. Qui pro parte tantum conuentus est, is non ideo reliquam partem soluit, aut eo nomine satisfacit creditori. Non est igitur in eam partem liberatus, nõ magis, quã ante. Hæc sententia de vno ex duobus reis pro parte conuento posita est in *l. sex toto. §. 1. ff. de leg. 1.* De vno autem ex pluribus fideiussoribus conuento colligitur ex *l. inter eos. §. 1. ff. eo.* Id adeo verum est, vt quantum creditor ab vno parte petierit, & parte est consecutus, nihilominus ab eodem possit reliquã petere eadẽ conditione, vt ante potuit, vt superioribus duobus locis discrete comprehensum est. Sed in hac parte aliquid inter plures debendi reos, & plures fideiussores interest. Nã cum vnus ex pluribus reis parte soluit interdum grauius tenetur, quã vnus ex fideiussoribus, qui eadẽ parte soluit; interdum tenetur leuius. Grauius ¶ in eo, quod cum is parte creditori simpliciter soluit, nihilominus creditor alterã parte ab eo statim potest petere, neque distinguitur, vt vlt. alter ex correis soluendo sit, an nõ sit; quoniam singuli in solidum tenentur, neque diuiditur actio inter eos, nisi si id actum est, *d. l. si ex toto §. ff. de leg.*

At si fideiussor, qui partē soluit simpliciter, ita demū in reliquam partē conueniri pōt, si ceteri fideiussores soluēdo nō sunt. Nā cū alter soluendo est, diuiditur actio inter eos, qui soluendo iunt ex 6 epistola D. Hadriani, hoc in d.l. inter eos. §. 1. ff. eod. Et ꝑ conuerso ē, vbi vnus ex plurib. debēdi reis teneatur leuius. Nā si partem creditor soluit nō simpliciter, sed nominatim pro sua persona, vel suo nomine, & creditor ita solutionē admittit, deinceps ex alterius rei persona in reliquam partem cōueniri non pōt. idq; ē, quod cōprehensum est in l. si creditores. sup. de pact. Fideiussor cōtra quātumuis suo nomine se dicat partē soluere, & creditor ita accipiat, nihilominus in reliquā partē cōueniri pōt, si alter ex fideiussoribus soluendo non sit, vt est in d.l. inter eos. §. 1. ff. eo. De duob. autem reis debēdi, non de duob. fideiussorib. agi in l. si creditores. sup. de pact. intelligitur ex verbo admisisse, quo rescriptum vtitur. Propōnuntur creditores admisisse vnū pro sua persona soluentem. Nō additur vnū ex reis, aut fideiussoribus, sed nihilominus reos intelligimus, non fideiussores; quia eum solum soluentem admittere dicimus, quem volentes admittimus, & à quo partem oblatam si vellemus, accipere non cogebamur. quod tunc solū sit, cū sunt plures debēdi rei. Nā ab vno ex fideiussorib. partē accipere creditor cogitur, si oēs sint soluendo. §. si plures. Inst. eo. Quæritur differentię ratio. Est in promptu. nā cū vnus ex plurib. debēdi reis dicit se pro sua persona soluere, hoc dicit, se nolle amplius personā suam teneri soluta parte. Quem ita soluentem cum creditor admittit, nempe consentit, vt is amplius non teneatur. Hic cōsensu pactum habet de reliqua parte non petenda. Hoc pacto debitor, qui partem soluit, liberatur. Cum autem fideiussor partē soluit pro sua persona, tamen si idem dicere intelligitur, quod supra, nimirum velle se suam personam obligatione eximī; tamen creditor vt eam partem tantum ab eo accipiat, non consentit: quippe quam ideo accepit; quia accipere cogebatur; non quia vellet quidquam remissum. Ne quod quis facere necesse habet non intelligitur in eo voluisse esse liberalis. l. et legatam. ff. de ad. leg. In quā sententiam eorum differit pluribus, vt in loco ad d.l. si creditores.

7 Interim ꝑ hoc hæc tenus reorum & fideiussorum plurium manet commune, vt si creditor ab vno partem petierit tantum, non proficit ea res cōuenio, quo minus idem ipse in reliquam partem conueniri possit, vt ante petitionem partis poterat. Veruntamen hoc si accipiendum erit, si creditor cum vno tantum ex fideiussoribus egerit pro parte. Diuersum est, si cum omnibus fideiussoribus simul egerit, cum singulis autem pro parte, atque ita inter fideiussores actionem suam diuiserit. Hoc enim cum fecit, amplius post litis contestationem vnum vltra partem, quam ab eo semel petiit, continere non potest, etiam si reliqui soluendo non sint. hæc sententia est l. liberum. sup. hoc tit. Illic enim ita scriptum est, post litis contestationem diuisam actionem instaurari iuris ratio non patitur. Diuiditur actio creditoris, cum aduersus omnes fideiussores pro parte agitur, & ita actio tota in iudicium deducitur diuisim, vt colligere licet ex l. inter eos. §. 1. & §. penul. l. amisti. §. 1. ff. eo. & l. fideiussor. sup. Instaurari actio dicitur, cum ab eo, qui pro parte cōuenus erat, solidum petitur ex persona eorum, qui soluendo non sunt. Hoc fieri ius vetat, vt est in dict. leg. liberum. Proinde hoc vetare intelligitur, ne quisquam eorum, qui pro parte initio conuenti sunt, vltra eam partem postea conueniantur. Hæc sententia dubitationem non habet, cum fideiussores, inter quos actio diuisa est, tempore litis contestatæ fuerunt soluendo. Nam ex epistola D. Hadriani inter eos, qui tempore litis contestatæ soluendo sunt, actio & obligatio diuiditur. l. 3. in fin. sup. hoc tit. dicto §. si plures. Inst. eodem. Beneficium iuris hoc modo fideiussoribus singulis quæ situm nullo euentu his auferri potest. Idcirco si inter fideiussores, qui soluendo erant, diuisa actione quidam postea soluendo esse desinant, ea res ad onus eorum, qui soluendo sunt, non pertinet, vt est Papiniani responsum in dict. leg. inter eos. §. pen. ff. eod. Sed res non caret dubitatione iusta, si creditor diuiserit actionem inter eos fideiussores, qui tempore litis contestatæ soluendo non fuerunt. Nam inter eos ex epistola D. Hadriani actio non diuiditur, vt videtur: cum iubeatur inter eos tantum diuidi, qui soluendo sunt. Rursum creditor partem petendo à singulis, non ideo pacisci intelligitur, ne à singulis reliquam partem petat, quo fit, vt nō videatur prohiberi partem reliquam à singulis petere, etiam post litem cum singulis pro parte contestatam.

8 Sed ꝑ nihilominus & hoc verum est, diuisa inter fideiussores actione, id est, omnibus conuentis, & singulis pro parte, sic inter eos actionem diuidi, vt non magis ab vno reliqua pars peti

possit, quam peti posset, si omnes soluendo fuissent tempore litis contestatæ. Id non obicure colligitur ex l. amisti. §. 1. ff. eodem. Illicita Papiniani responsum est; si ex persona pupilli tutoribus auctoribus cum pluribus fideiussoribus, qui pupillo obligati erant actum sit iudicio, & diuisa inter eos actio, cum quidam ex illis soluendo non essent tempore litis contestatæ: posse minorem in integrum restitui aduersus eum, qui soluendo erit, vt in eam partem conueniatur, in quam reliqui soluendo non sunt. Cum Papinianus dicit pupillum in integrum restitui posse, satis significat eum iure communi aduersus eum, qui soluendo esse, agere non potuisse. Quoties enim minor iure communi, & auxilio ordinario munitus est, cessat in integrum restitutio. l. in causa. 2. ff. de minor. Ergo maior creditor si idem fecisset, nullum remedium iure haberet aduersus eum, qui esset soluendo. Id etiam satis aperte colligitur ex dict. leg. liberum. Nam quæstio illic initio posita est de pluribus fideiussoribus, quorum quidam minus idonei fuerunt tempore litis contestatæ, & ante. Et rescriptum est, vnū ex his conueniri posse in solidum ab initio: sed semel actione inter eos diuisa, non licere post litis contestationem actionem instaurare. Refertur hoc igitur ad eos, de quibus quæstio posita erat, id est, ad eos, qui tempore litis contestatæ soluendo non fuerunt. quibus dicimus superiorem diuisionem prodesse.

Sed aduersus hanc sententiam multa disputari possunt, quæ breuiter diluemus. Ac primum in eam rem hoc argumentum est. Si vnus ex pluribus fideiussoribus pro parte conuentus in reliquam partem liberatur, vt deinceps de ea conueniri non possit; necesse est aut iure liberetur, aut creditoris conuentione. Neutrum esse reperietur. Non liberatur iure ciuili. nam singuli hoc iure solidum debent. leg. 3. sup. eodem. Non ex epistola D. Hadriani. nam ex hac epistola diuiditur actio tantum inter eos, qui soluendo sunt. d. l. 3. sup. §. si plures. Inst. eodem. Nos autem agimus de his, quorum quidam soluendo non fuerunt tempore litis contestatæ. Rursum non liberatur fideiussor pro parte tantum conuentus creditoris conuentione. Non enim si creditor partem petiit à singulis, ideo cum singulis pacisci intelligitur, ne reliquam petat, vt iam dixi. argumento est, quod si creditor ab vno solo petierit partem, non ideo is in reliquam partem liberatus intelligitur, vt supra docuimus. Quapropter ne tunc quidem liberabitur, cum creditor non cum vno tantum egerit, sed egerit pro parte cum omnibus.

9 Respondeo; ꝑ cum creditor partem petit eodem tempore à singulis fideiussoribus, fateor, singulos consensu creditoris in alteras partes non liberari, certe de eo consensu nihil probare. Sed liberantur ex epistola D. Hadriani, quoties creditor inter fideiussores diuisit actionem: non quidem verbis epistolæ, sed sententia. Nam epistolæ verba cogūt solum diuisam actionem, cum fideiussores soluendo sunt, non autem cum soluendo non sunt. Sed si nihilominus creditor sua spē actionem inter eos diuiserit sententia epistolæ est, vt omnes pro parte tantum deinceps teneantur, quamuis ab initio non omnes soluendo fuerint, quia creditor actionem inter fideiussores diuidendo solidi petitioni renuntiarit. Colligitur hæc sententia hoc argumento. Nam si creditor coactus diuiserit actionem inter eos, qui soluendo erant, non potest postea ex epistola vnum ex his in solidum conuenire, quamuis alter desinat esse soluendo. Ergo multo minus poterit vnum conuenire in solidum, vbi sua sponte non coactus diuisit actionem inter eos, qui iam tum soluendo non erant. Nec in eo fit creditori iniuria, atque adeo nullum damnum eius esse videtur, si sua culpa damnū sentit, vt est regula iuris. l. quod quis ex culpa. ff. de regulis iuris. Nunc autem certa culpa eius id accidit. Nam si scribat aliquos soluendo non esse, cur non cōuenit in solidum eum, qui soluendo erat? si ignorabat aliquos soluendo non esse; tamen fuit in potestatem eius vnum quolibet in solidum conuenire. nec cogitur ceteros cōuenire pro parte, nisi is fideiussor, qui in solidum conuenitur, id postulet, vt fiat periculo suo. leg. si dubitet. eo. in pr. ff. eo. Id si non fecit creditor, de se queri debet. Cōfirmatur hæc sententia verbis leg. liberum supra. Nam cum illic diceretur diuisam actionem instaurari non posse, ratio hæc addita est; non quia creditor consenserit; sed quia iuris ratio id non patitur.

Secundum argumentum aduersus superiorem sententiam hoc est. Cum sunt duo fideiussores, puta. Primus & secundus, ac secundus soluendo non est, si creditor cum vtroque parte agat, & volumus. Primum non posse cōueniri ex persona Secundi, qui soluendo non necesse est Primum pro ea parte liberari, aut ex

aut ex persona sua, quia ipse pro parte conuentus sit: aut ex persona Secundi; quia Secundus pro parte fuerit conuentus. Atqui non liberatur Primus; quia sit tantum conuentus pro parte. Nam si solus conuentus esset pro parte, non ideo in reliquam partem liberaretur, vt supra docuimus ex *Linter eos. §. 1. D. eo.* Non debet etiam liberari pro altera parte; quia Secundus pro ea parte conuentus sit. Quippe electione Secundi Primus non liberatur, & generaliter vnus electione non liberatur ceteri, si is qui electus est, non satisfaciatur, vt in hac *l. reos. diserte* constitutum est. Quare primus in proposito nullo modo pro reliqua parte Secundi liberatur. Respondeo, sic res habet: neq; Primus ideo liberatur; quia cum ipso pro parte actum sit, neque ideo; quia Secundus in reliquam partem sit electus, deniq; neque consensu creditoris liberatur, neque Secundi fideiussoris electione. Sed liberatur propter diuisam à creditore actionem; quia hanc diuisiōnem ius ratam habet, quasi actiōne diuisa solidi petitionem ille remiserit, vt dixit.

Tertium & postremum in eandem sententiam argumentum hoc est, creditor antequam litem cum omnibus fideiussoribus cōtestaretur pro parte, potuit vnumquemlibet ex his in solidum conuenire, si ceteri id ei non essent. *l. liberum in pr. sup.* Ergo & post litem contestatā poterit, quamuis inter eos dimiserit actionem litem contestando; quoniam nemo litem contestando deteriorē suam conditionem facit, sed meliorem. *l. non solet. l. nemo enim. ff. de reg. iur.* Respondeo: quod creditor post diuisam inter fideiussores actionem non potest amplius vnum in solidum conuenire non fit propter litem cōtestationem; quæ reuera nunquam nocere solet, sed fit, vt iam dixi, propter diuisiōnem actionis; quæ tamen diuidi non potest, nisi litem cum singulis creditoribus pro parte contestando. Ita rata erit hæc sententia, diuisa inter plures fideiussores actione, id est. omnibus pro parte virili conuenitis, non posse deinceps vnum ex fideiussoribus in solidum conueniri ex persona eorum, qui soluendo non sunt, siue tempore litem contestatæ omnes soluendo fuerint, siue iam tum quidam ex his soluendo non fuerint.

L. Fideiussoris. 24.

Idem AA. & CC. Pergamio.

Fideiussoris quidem heres exemplo rei principalis tenetur. Sed si idem vtriusq; succedat, intercessionis obligatione finita, velut principalis tantum debitoris heres conueniri potest. S. 11. Kal. Ian. CC. Coss.

S V M M A R I V M.

- 1 Cum fideiussor debitori, aut debitor fideiussori, aut vnus & idem vtriusque succedit; toties vnā tolli obligationem, & eam fideiussoriam, non principalem & cur ita vtrumque.

Fideiussore mortuo etiam heres ex causa fideiussionis obligatur. *§. fideiussor non tantum. Inst. eod.* Hoc ita est, nisi hic heres sit heres debitoris eius, qui fideiussori suo prius successerat, Nam & hic heres vt debitori, ita per interpositam personam debitoris fideiussori quoque heres est. *leg. 2. l. 3. ff. de her. pet. l. vlt. supr. de Instit.* Nunc ¶ autem quoties aut fideiussor debitori principali, aut debitor fideiussori, aut quod idem valet, vnus idemq; fideiussori & debitori succedit; toties altera obligatio tollitur; quoniam necesse est natura diuersos esse, eum, qui fideiubet pro aliquo, & eum, pro quo fideiubetur. *l. heres. §. seruo. ff. h. e.* Vtra igitur obligatio tollitur, fideiussoria, an principalis? Placet fideiussoriam obligationem perimi, principalem manere. *d. l. heres. §. seruo. l. Stichus. §. quod vulgo. D. de sol. & hoc loco.* Et recte: nam si principalem perimi vellemus, eadem opera accideret, vt tolleretur & accessoria. *l. in omnib. speciebus. ff. de solut.* Itaq; vtraque perimeretur cum summa iniuria creditoris. Nos autem vnam saltem manere volumus.

L. Pignoriibus. 25.

Idem AA. & CC. Philippo.

Pignoriibus datis à reo principali distractis, nec post longi temporis interuallum residuum à fideiussore creditor petere prohibetur. S. 6. Kal. Ian. CC. Coss.

Creditor parte debiti soluta, res, quas pignori obligauerat, vendidit, non consentiente debitore. Deinde res ab emtoribus possessæ longo tempore aduersus creditorem vsucaptae sunt, iuxta *l. 1. & leg. 2. sup. si aduer. cred. pr. oppo.* Pignore liberato quaeritur, an liberentur quoque fideiussores pro eo, quod reliquum debetur. Rescriptum est, vno genere cautionis soluto, non ideo fideiussores liberari, de qua re diximus ad *l. etiamsi. sup. hoc tit.*

L. Sancimus. 26.

Imp. Iustinianus A. Iuliano præfecto Prætorio.

Sancimus, si quis pro alio sponderit, quatenus eum intra certum tempus tradat, vel certam quantitatem pecuniarum pro eo inferat, & tempore statuto iam effluente nō poterit eum representare, non statim pecunias pro eo stipulatas, inferre, sed competere quidem post temporis lapsum omnimodo, pœnalem actionem: non autem statim summam, pro qua fideiussor admissus est, profligari. Sed si quidem vsque ad sex mensium spatium tempus statutum sit, aliud tantum ei indulgeri sancimus, intra quod si possit personam exhibere, & eam tradere, pœna sit liberatus, &c.

S V M M A R I A.

- 1 Summa constitutionis.
- 2 Singulæ constituta hæc lege, & constituendæ ratio.

Promisit ¶ aliquis se alium iudicio stitutum intra certum tempus; & nisi stitisset, prom sit pœnam, vt est species *leg. quoties quis. si. ff. de ver. obl.* Intra tempus stipulatione constitutum pœnam peti non posse semper constitit, siue is, de quo agitur, stitit adhuc possit, siue non possit, & quidem culpa promissoris. *leg. si eum. §. 1. ff. si quis caut.* Tempore constituto transacto, an pœna statim peti possit, qua situm est. Olim potuit, nisi quod liberari potuit promissor, si post tres pluresve dies stiteret iudicio eum, quem oportebat, & non fecisset actoris ius deterius. *l. et si post tres. ff. si quis caut.* Hic constitutum est, non statim pœnam peti posse. Estque totius constitutionis hæc definitio. Nam si is, de quo sistendo agitur, viuit, Iustinianus post tempus conuentione comprehensum etiam aliud adiecit legitimum, intra quod adhuc promissori hominem sistere & exhibere liceret. Id tempus est sex mēsiū, si stipulatione sex item mēses dati erant, aut longius tempus, quam sex mensium. Quod si infra sex menses tempus conuentione constitutum sit, Iustin. nihil expressit, quod tempus hic insuper velle adici. Sed bene Accursius colligit ex sententia legis tempus conduplicari. Præterea intra hoc legitimum tempus, quod à Iustiniano adiecti diximus, non solum is promissori ad liberationem hominem sistere, seu exhibere; sed etiam fecit ei potestatem eius nomine defensionem suspiciendi; vt siue eum exhiberet, siue eum defenderet, pœnam non deberet: dummodo non conuenisset nominatim ab initio, nec eum, de quo agitur, defendere liceret. In hac defensione hoc adiecit, vt si promissor absentis defensionem suscipit, sciat sibi postea liberum non esse eum hominem exhibere, sed debere ipsum in ea defensione ad extremū perseuerare. Hæc, vt dixi, si is, qui stitit debuit, adhuc viuit. Quod si mortuus est, si quidem intra tempus stipulatione constitutum, promissor liberatur: sin post id tempus, statim pœna committitur, & statim à promissore exigi potest. Hæc ¶ summa constitutionis, in qua duo singularia notanda sunt. Primum illud quod Iustinianus nouum spatium promissori dedit ad hominem exhibendum, & pœnam euitandam. Nam ante vbicumque intra certum tempus quid fieri promittitur, & nisi factum sit, promittitur pœna, sic ius fuit perpetuum, vt si factum non esset, quod debet, ita pœna committeretur, vt eam postea purgare non liceret ad pœnam euitandam. *leg. traiecit. ff. de oblig. & act. leg. magnam sup. de conc. stip.* contra quam Iustinianus in hac specie constituit. Constitutionis ratio & æquitas hæc videri potest, quod difficile sit homines sistere, & multæ causæ incidant, propter quas sisti non possint, etiam cum maxime promissor voluerit, & dederit operam, vt stiteret. Itaque hanc difficultatem leniit Iustinianus longiore tempore ad exhibendum constituto. Alterum illud singulare, quod intra tempus legitimum à se constitutum fecit potestatem promissori suscipiendæ

defensionis absentis. Nam alioquin ita ius est, ut qui promissit se aliquid stitutum, eum sistendo, id est, faciendo, quod promissit, liberetur: aliud autem faciendo, & generaliter aliud pro alio soluendo promissor inuito creditore liberari non possit. *leg. 2. §. 1. ff. si cer. pec.* Cur ergo Iustinianus hic contra constituit aduersus creditorem? quia hoc constituto, non ideo videtur creditori fieri iniuria, sed potius id præstari, quod promissum est, si spectamus id, quod actum fuit, id est, mentem, & propositum contrahentium. Nam ideo promittitur quis sisti, ut sit creditori eius conueniendi, & cum eo iudicio agendi copia, satis autem conueniri videtur, qui aut per se defenditur, aut per alium, qui condemnatus iudicatum facit. *leg. 2. ff. quib. ex caus. in poss. eat.*

Quod Iustinianus constituit, ut homine, de quo agitur, intra tempus cōventionale defuncto liberetur promissor; & hoc item ius verus est. *l. si decesserit. ff. qui satis. cog.* cuius ratio redditur in *l. si homo. ff. de verb. obl.* Quod constituit, ut homine post id tempus defuncto statim pœna peti possit, habere potest dubitationem ex præcedentibus partibus huius constitutionis. Quæritur enim, quare & in hac causa Iustinianus non conduplicauerit tempus, ut fecit, cum is homo, de quo agitur, adhuc viuuit. Sed ratio non est obſcura. Quippe nequidquam in hac specie tempus nouum daretur. Nam prius dabatur tempus nouum eius hominis exhibendi, aut defendendi gratia. Ineptè daretur hoc tempus eo homine iam mortuo: cum mortuus neque exhiberi, neque defendi possit.

L. Si fideiussor. pen.

Idem August. Ioanni præfecto Prætorio.

Si fideiussor nullam quidem cautionem faciat, ostendens se fideiussorem existisse, presentibus autem tabulariis hoc confessus est, quod in fide sua, eum suscepit: Dubitabatur a Palestina aduocatione, utrum ve post duos menses liberetur, quasi sine scriptis fideiussione facta, secundum generalia edicta sublimissima prætoriana sedis: an, utpote scriptura interueniente, teneatur. Et diuisio alio introducebatur, si idem iuris esse debeat tam in publicis causis, quam in priuatis, &c.

IN præfectura Ioannis præfecti Prætorio hæc lex seruabatur, ut si fideiussor promississet aliquem iudicio sisti, siquidem & scriptis interuenientibus, perpetuo teneretur; sine scripto autem liberaretur post duos menses. Hoc iure posito, ex facto quæsitum est. Fideiussor promissit alium iudicio sisti sine scriptis. Postea apud tabellarium confessus est se id promississe, & eius confessionis instrumentum factum est. Quæritur, an hic videatur in scriptis promississe, an sine scriptis? ut sic intelligamus, an is ad legem superscriptam pertineat, an non pertineat. De ea re hic ita constitutum est; siquidem de causa ciuili agatur, videri fideiussionem sine scripto factam, ut scilicet initium spectemus. ideo fideiussorem secundum legem superscriptam post duos menses non teneri. Sin in causa criminali idem factum sit, videri contra fideiussionem in scriptis factam, ut sic fideiussor perpetuo teneatur; quia res pendit debeat ex contestatione sequente, non ex eo, quod ab initio factum sit. Cur hæc tam variè, cum utrobique factum sit idem? ait Iustinianus, id se propter vtilitatem publicam in causa criminali constituere. Quænam ergo ista est necessitas, & vtilitas publica, quam intelligit? Ea est, quam dicimus in persecutione delictorum versari. Reipublicæ enim interest delicta non manere impunita. Pertinet id ad vigorem disciplinæ publicæ, propter quam vtilitatem multa iure ciuili contra regulas communes iuris recepta esse constat. *l. ita vulneratus. ver. si quis. ff. ad leg. Aquil. l. locatio. §. quod illicite. ff. de public.*

L. Generaliter. vlt.

Hæc lex exposita est ad *l. reos. sup. hoc tit.*

LIBERATIONVM DIVISIO, HARUM Genera, & sequentium duorum titulum argumentum, ac sedem in hoc genere indicans.

- 1 Ipso iure tolli obligationem quid.
- 2 Liberationum, quæ ipso iure contingunt. genera.
- 3 Solutio.
- 4 Compensatio.
- 5 Obſignatio.
- 6 Nudo consensu quæ tollantur obligationes.
- 7 Nouatio.
- 8 Acceptilatio.
- 9 Mutatione prioris status obligationis quibus modis tollatur obligatio.
- 10 Confusio.
- 11 Interitus rei debite.
- 12 Duarum causarum lucratuarum concursus.
- 13 Tempore quæ, & quomodo finiuntur, obligationes.
- 14 Pacto obligationem ad tempus constitui non posse ipso iure.

Diximus ad titulum de exceptionibus, supra, liberationum genera summa esse duo: aut enim ipso iure liberari debitores, aut per exceptionem. Quibus modis liberetur quis per exceptionem, illic indicauimus. Sequuntur liberationes eæ, quæ ipso iure contingunt, quo ex genere sunt hæc, de quibus proximis tribus titulis agitur, sed pauca ex innumeris. Plures Iustinianus in *Instit. quib. mo. tol. obl.* hoc argumentum ex professo tractans complexus est. Non plures tamen, quam quæ ex voluntate reorum contingunt: ac ne eas quidem omnes. Quas ut esset complexus, non tamen haberemus omnes species huius generis, sunt enim non pauca, quæ & sine voluntate reorum eueniunt. Quare cum de liberationibus sint hi tituli, qui sequuntur; ne quis iam ab initio eo numero deceptus in his generibus versari omnes liberationes existimet; simul ut monitus longe plura genera esse, hæc ipsa, quæ sunt, iam ante animo perspicere possit, & videre, ista, quæ sequuntur, ad quod ex his genus referri debeant; recte fecerimus, si initio liberationum omnium istarum, quæ iure ipso obligationem tollunt, genera, eorumque generum species breuiter complectamur. Id ita commodissime consequi posse videmur.

Ipso iure liberatio est, cum qua obligatione prius tenebatur debitor, ea ita tollitur verbis ipsius legis, ut nulla amplius supersit. Tollitur i hoc modo iure communi omnis obligatio dupliciter. Aut enim soluitur eorum facto, ad quos ea res pertinet: aut his etiam inuitis sua sponte exstinguitur. Prioris generis sunt eæ liberationes, quæ sequentibus titulis exponuntur. Posterius genus, ut dixi, totum & hoc loco, & in Institutionibus in hoc argumento prætermisum est. Facto reorum obligatio partim solutione tollitur, partim dissoluitur consensu.

Solutio i est præstatio rei debite. *l. solutam. D. de solut.* Hac præstatione maxime naturaliter tollitur omnis obligatio. *Instit. quib. mo. tol. ob. in pr.* Nam obligatio omnis huc spectat, ut aliquid præstetur, ut declarat obligationis definitio, *Instit. de obl. in princ.* Ita hoc præstito obligationi satisfactum est. Solutionem cum dicimus, etiam eas species volumus intelligi, quo solutionis vicem habent. Hæc duæ sunt: Compensatio, & Obſignatio pecuniæ debite. Compensatio i est crediti & debiti inuicem contributio. *l. ff. de compens.* Hæc ita fit, cum ex duobus, quorum vterque & debitor est creditor, vnus debitum cum credito contribuit. Hoc modo iure ipso tollitur obligatio: non alia de causa, quam quod compensatio pro soluto habetur, ut est in *leg. 4. sup. de compensatio.* Et recte habetur, sic enim debitor compensare intelligitur, cum quod à creditore suo sibi debitum exigere poterat, id apud eum esse vult pro soluto, quod perinde est, ac si id à creditore exigisset, & acceptum illi soluisset. Hic ordo naturalis futurus erat: ed celeritate actionum coniungendarum hic circuitus vitatur, iuxta *l. 3. §. vlt. ff. de don. int. vir. & vx.*

De i obſignatione est in *l. obſignatione. inf. de sol. vbi* dicitur. Si ne solutione consensu dissoluitur obligatio, cum id agitur, ut ab obligatione discedatur: siue ut qui tenebatur, amplius non teneatur. Id contingit alias nudo consensu; alias cum legitimus aliquis actus ad cōsensum accesserit. Nudo i seu solo cōsensu obligationes dissoluntur, quæ consensu contractæ erant, cum id agitur rebus adhuc integris, ut ab obligatione recedatur. Huiusmodi contractus sunt, emptio venditio locatio cōductio, societas, mandatum. De hoc genere est in *§. vlt. Instit. quib. mo. tol. obl. ab emptione. D. de pact.* Hoc modo ceteræ obligationes non tolluntur. Verat regula iuris, quæ dicitur, secundum naturam esse vnum quodque dissolui eo modo, quo colligatum est. *l. nihil tam naturale. l. fere. quibus.*

quibuscumque. ff. de reg. iur. Sed tolluntur tamen & ceteræ obligationes consensu, cum ad consensum idoneum aliquid, quod valeat ad liberationem, accesserit. Quam ad rem recepta sunt genera duo, Nouatio & Acceptilatio. In quibus præter consensum licet obseruare hæc, quæ confirmant liberationem; partim obligationem nouam, partim verba, partim litis contestationem, de quibus postea suis locis.

- 7 Nouatio ¶ est prioris obligationis in aliam transfusio. l. i. De nouat. Vel hinc intelligitur sic nouatione nasci nouam obligationem, vt simul tollatur prior translata in posteriorem. d. l. i. l. 2. ff. de nouat. De hoc genere est in §. præterea. Inst. quib. mod. tol. obl. De eo dicemus amplius ad titulum proximum De nouat. Acceptilatio ¶ est verborum conceptio, quibus creditor à debitore interrogatus, an quod sibi debetur, acceptum habeat, acceptum ferat, respondet se acceptum habere, acceptum ferre. Hoc modo non omnes obligationes tolluntur, sed quæ verbis, id est, stipulatione contractæ erant, idque efficit eadem illa regula iuris, quam ante dixi. d. l. nihil tam naturale. D. de reg. iur. De hoc genere est in §. item per acceptilationem. Inst. quib. mod. tol. obl. Et de eo non nihil amplius attingemus ad tit. De accept. inst.

Non solum à consensu tollitur obligatio; quod fit superioribus modis: sed etiam inuitis & ignorantibus iis, ad quos ea res pertinet: quod erat alterum genus iustæ liberationis. Hoc modo extinguitur obligatio dupliciter. Nam aut mutatione prioris status intercidit, aut finitur tempore. Licet enim nobis hoc loco breuitatis causa amissionem rei, quæ saluo corpore contingit, ad mutationem prioris status referre, vt interitu rei contineatur: et si in iure quoque harum rerum non nihil interfit. Neque enim nunc omnia genera liberationum exacte persequimur: sed tantum genera summa leuiter indicamus, plenius alias de his & subtilius suo loco per opportunitatem dicturi. Mutatione ¶ prioris status intercidit, quoties res redit in eum casum, à quo incipere nõ potest, quæ perpetua iuris definitio est in obligatione ex contractu. l. pro parte. D. de seruit. l. existimo. D. de verb. obl. Nulla ab initio contrahi obligatio, aut consistere potest sine personis debitoris & creditoris, inter quas contrahatur: nulla sine re, quæ deducatur in obligationem: nulla sine eo, vt quid inde creditori acquiratur. Proinde siue persona ista postea esse desinat; siue desinat esse res, quæ possit deberi; siue iam inde creditori nihil acquiri possit, obligatio sua sponte ex euentu intercidit, rediens in eum casum, à quo incipere non poterat. Hinc hæc genera liberationum nata, vt extinguantur obligatio; à personis, confusione; à rebus, interitu rei debita; à potestate acquirendi, dominio rei debita creditori quæsito.

- 10 Confusio ¶ est, cum creditor debitori, aut debitor creditori suo succedit. l. debitor. sup. de pact. l. Stichum. §. aditio. ff. de solus. Hic confundi obligatio dicitur; quia concurrunt in vnã personam obligatio & actio, in qua persona & hæc confunduntur, cum scilicet idem creditor esse incipit, & simul debitor, quod natura non patitur. Ex quo euenit, vt obligatio hoc modo extinguitur.

- 11 Interitu ¶ rei debita, qui sine culpa & mora debitoris contigerit, omnis debitor liberatur. l. ex legati. D. de verb. obl. l. quod te. D. si cert. pet. Hoc ex eo, quod sine re ab initio consistere non potuit obligatio, quo fit, vt ea re sublata res redeat in eum casum, à quo incipere non poterat, ac proinde tollatur. §. item contra. Inst. de inutil. stipulat. Si culpa debitoris res pereat, vel quia rem debitam occidit, vel quia mora eo facta est, quominus eam recte daret: perinde tenetur quasi res exstaret. d. l. si ex legati. & l. seq. l. nemo. §. i. ff. de ver. obl. Interitum rei cum dico, non tantum intelligo naturalem interitum; sed & civilem, cum res debita ex hominum commercii eximitur. d. §. item contra. Inst. de inutil. stip. l. inter. §. sacram. ff. de verb. oblig.

- 12 Dominio ¶ rei debita creditori quæsito eadem de causa obligatio extinguitur; quia ab initio res nostra nobis deberi non potest. Inst. de iur. stip. in pr. Sed hoc ita temperatum est à veteribus, vt ira demum dominio rei debita creditori quæsito, debitor liberetur, si res debeatur ex lucratiua causa, eademque ad eum peruenerit ex alia causa lucratiua. Vt, si res aliena ei legata sit testamento alicuius; deinde sit donata à domino: heres is à quo legata erat, ipso iure liberatur. l. omnes debitores. ff. de obl. & act. §. si res aliena. Inst. de legat. Quod si res ex causa lucratiua debita, peruenerit ad creditorem ex alia causa onerosa; puta quia prius legatam, aut donationis causa promissam ab eo, qui dominus non erat, postea vel ex permutationis causa, aut in dotem à domino accepit; debitor prior non liberatur. l. ex promissione. ff. de obl. & act. Idemque è con-

uerso dicendum est, si res creditori emta sit; deinde ad eum peruenerit ex causa lucratiua. Verum hic occurritur veteribus: nam quocunque modo res debita facta sit creditoris, semper verum est, rem illi amplius dari non posse, atque ita rem rediisse in eum casum, à quo incipere non poterat. Cui consequens erat, etiam hoc modo tolli obligationem, secundum constitutionem illam iuris supra à nobis positam, & ab his ipsis veteribus receptam, quod illi in hoc temperamento mutant. Imo illi hic omnia tecum admodum consentient. Cum enim res ex causa onerosa peruenerit ad creditorem, perinde habetur, quasi non peruenerit: propterea quod creditori pro ea re aut pretium abest, aut alia res pro pretio. Sic autem definitur iidem illi veteres, & recte, ei rem abesse videri, cui pro re tantumdem abest. l. Labeo & Sabinus. D. de verb. sig. Tempore ¶ finitur obligatio ipso iure, cum lege obligatio & actio ad certum tempus constituta est, exemplo est redhibitoria, & actio quanto minoris res valuit, quam emta est; quantum illa intra sex menses: hæc intra annum datur ed cto aditum, l. sciendum. §. vlt. D. de ad. ed. nempe prior post sex menses illa erit, posterior post annum. Idem accidit in omnibus honorariis actionibus ex maleficio, quæ intra annum constitutæ anno finiuntur, l. in honorariis. ff. de obl. & act. Si ab initio simpliciter actio constituitur lege; deinde aliis legibus caueatur, vt actio duret tantum ad triginta, aut quadraginta annos: sic hæc derogatio accepta est, vt posteriore lege non tollatur obligatio ipso iure post triginta, aut quadraginta annos, sed tantum per exceptionem, quæ dicitur præscriptio temporis. l. omnes. l. sicut. sup. de præsc. trig. vel quad. ann. Scilicet quia ab initio sine præfinitione temporis obligatio constituta erat, quæ cum sit vna ex legibus prioribus, non recte videntur leges priores in ea obligatione pro parte temporis iuberi manere, & pro parte abrogari. Ita manent in omne tempus ipso iure, sed post tempus posterioribus, legibus constitutum exceptione opposita oblique abrogantur. Illud ¶ monendum sumus, solum hoc lege effici posse, vt constituat obligatio ad tempus ita, vt transacto eo tempore finiatur. Ceterum pacto ad tempus obligatio constitui non potest, quin post tempus iure civili obligatio maneat. Sed post tempus petenti obstabit pacti, seu doli exceptio. l. obligationum fere. ff. de obi. & act.

AD TIT. XLII. DE NOVATIONI- BUS ET DELEGATIONIBVS.

SUMMARI A.

- 1 Nouatio quid.
- 2 Nouatio fit solum per stipulationem, & litis contestationem, non nudo consensu.
- 3 Naturalem pupilli obligationem posteriorem verbis inductam ad nouationem sufficere: serui non item: & cur.
- 4 Nouationem nullam sine animo nouandi, & eo verbis nuncupato.
- 5 Nouatio voluntaria & necessaria.
- 6 Voluntaria qua; & quomodo fiat tum cum debitore, tum cum extraneo.
- 7 Delegatio, quid.
- 8 Voluntaria nouationis effectus.
- 9 Necessariam nouationem fieri lite cum vero debitore contestata.
- 10 Litis contestationem nouationem habere, & hoc quam verum sit, & quatenus.
- 11 Nouatio necessaria per litis contestationem quibus in rebus spectetur pro commodo creditoris.

Nouatio, vt supra attingimus, est ¶ prioris debiti in aliam obligationem, vel civilem, vel naturalem transfusio, atque translatio, sic Vlpianus in l. i. ff. eod. Fit hæc translatio duabus his rebus interuenientibus: noua eiusdem debiti obligatione contractus; & interposita nouandi voluntate. d. l. i. ff. eo. & l. 3. in fin. inf. hic. Noua ¶ obligatio ad eam rem utilis contrahitur aut stipulatione, aut iudicio de eadem re suscepto, seu per litis contestationem. Vnde & totidem modis dicitur fieri delegatio species nouationis in l. delegare. D. eod. Quippe ex stipulatione nascitur actio de iure civili. §. de constituta. Inst. de actio. Iudicio autem recepto contrahitur, sicut stipulatione. l. 3. §. idem scribit. D. de pec. Solum consensus, seu nudum pactum ad nouationem nihil prodest, quamuis animus nouandi accesserit; non tam ideo, quod ex pacto non nascitur actio (quid enim, si quis hinc naturalem nasci obiciat, quæ ad nouationem sufficit) quam quod pacto non tollitur obligatio civilis nudo consensu non contracta. l. si vnus. §. pactus. ff. de pact.

Nouatione autem priorem obligationem tolli volumus. At potest obligatio prior tolli verbis, id est, stipulatione; quia in stipulationibus ius versatur, ut est in *d.l. si vnus. §. pactus*. Potest & iudicio propter rerum iudicatarum auctoritatem: quam seruari publice interesse putatur. *l. seruo §. cum prator. D. ad Trebell.* Vnde hæc inter se comparantur in *d.l. §. idem scribit. de pec.* Hinc extra iudicium verba ad nouationem verba & verborum obligationem exigi, ac per hæc nouationem fieri dici videmus, vt *l.l. l. 2. D. eo. l. 3. in fin. inf. eo.*

3 Sed ¶ notandum, dum superiorum alterutrum interuenit, stipulationem dico, aut iudicium: nihil referre ad nouationem, quæ obligatio noua inde contracta sit; ciuili, an naturalis. Etiam naturalis ad eam rem sufficit, vt, si pupillus sine tutoris auctoritate nouandi animo promiserit, fiet nouatio. *l. i. ff. eo. atq;* hoc modo res amitteretur videlicet: vbi & liberabitur prior debitor nouatione, & posterior obligatio, quæ tantum est naturalis, nulla futura est, vt hoc explicatur in *§. præterea. Inst. quibus mod. toll. obl.* Additur tamen ibidem non idem iuris esse, si à seruo quis fuerit stipulatus nouandi causa. nam tunc priorem perinde obligatum manere, ac si postea nullus stipulatus fuisset. Et tamen obligantur serui naturaliter. *l. serui. ff. de obl. & act.* Sed hoc ita est in ceteris causis. Exceptæ sunt ceteræ, quare adeo seruus capax non est, vt in his nihil putetur agere, eoque nec ex his obliget dominum etiam de peculio. Hæc causæ sunt, iudicium, compromissum, iusiurandum, intercessio. *l. §. si filius familias. §. si seruus. ff. de pec.* Est autem species intercessionis pro alio obligationem in se suscipere nouandi animo. *l. 2. §. vlt. D. ad. Vell. l. i. C. eod.* Nihil ¶ agit ad nouationem noua obligatio de eadem re suscepta ne ciuili quidem, nisi animus nouandi accesserit. Sine hoc nulla fit nouatio; sed posteriore obligatione secuta pro vna duæ constituuntur obligationes, veteris, & noua. *l. 3. in fin. inf. hoc tit. l. 2. ff. eo.* Hunc animum magna ex parte placebat veteribus satis probari coniectura voluntatis, si in posteriore stipulatione, aut noua persona intercederet, aut aliquid rei nouæ: puta si dies, aut conditio obligationi adiceretur. Denique hunc animum coniecturis inquirebant: ex quo magnæ controuersie nascabantur. Quæ res præbuit occasionem constitutioni Iustiniani, quæ est *l. vlt. inf. hic.* qua omnem ansam superioribus controuersis præcidens cauit, ne aliter posteriore obligatione interposita nouatio fieri intelligeretur, quam si nominatim dictum esset ideo adhiberi, vt nouatio fieret, qui locus explicatur pluribus in *§. præterea. Inst. quibus mod. toll. obl.*

Sed neque hæc iustius animi probatio ad omnem nouationem pertinet, neque omnis nouatio ad tollendam obligationem eandem vim habet. Genera hic nobis distinguenda sunt: ex quibus 5 quid sit proprium singulorum intelligitur. Nouatio ¶ omnis aut voluntaria est, aut necessaria. Voluntariam quædam esse, & hæc potissimum dici nouationem, inter omnes conuenit, an vlla sit necessaria, ambigitur. Ego esse puto, & indicari ¶ vtrumque 6 in *l. aliam. ff. eo* de quo dicam amplius suo ordine. Voluntaria ¶ est, quæ si libera voluntate & consensu eorum, inter quos res agitur, non vlla iudicij necessitate. Hæc aut cum debitore ipso veteri interponitur, aut cum alio debitoris obligationem in se suscipiente. Cum debitore ita, vt creditor à debitore suo idem, quod prius debuit, aut aliud pro eo stipuletur nouandi animo. Iudicio, cum eo suscepto nulla sit eiusmodi nouatio; quoniam debitor à creditore suo conuentus necesse habet iudicium suscipere, vt pote illi iure obligatus, & propter obligationem obstrictus actione, idque est, quod dicitur iudicium reddi in inuitum. *l. inter. §. i. ff. de verb. obl.* Cum alio interponitur nouatio, cum debitoris obligationem extraneus in se suscipit nouationis causa. Id vero facere quiuis extraneus potest superioribus illis duobus modis, quibus nouationem fieri posse dixi; stipulatione, & iudicio, seu litis contestatione. Stipulatione, cum stipulanti creditori promittit nouandi animo idem, quod reus debuit, aut aliud pro eo, *d. §. præterea. Inst. quibus mod. toll. obl.* Iudicio, seu per litis contestationem, cum pro debitore se offert liti, & pro eo iudicium suscipit eodem animo nouandi. Hoc modo eum obligari, qui iudicium suscipit, iam dixi: cum iudicio contrahatur, *d. l. 3. §. idem scribit. ff. de pecul.* Sed & debitorem eo facto etiam inuitum & ignorantem liberari certi iuris est. *l. solutione. 23. ff. de sol.* Quo iure? Nō dubium, quin nouatione, cum ex præcedente causa ita constituatur noua obligatio, vt prior perimatur: quod est nouationis. *l. i. ff. eod.* Et si quidem hic extraneus non mandante debitore vltro obligationem ita in se suscipit, nihil amplius in eo existere dicitur, quam nouatio.

7 Quod ¶ si tubente, & hunc reum creditori dante debitore si sus-

cipit debitoris obligationem, sit ea species nouationis, quæ proprie dicitur delegatio. Est enim delegare vice sua alium reum dare creditori. *l. delegare. ff. eo.* inquam, cum effectu, vt & qui datur, volens reus fiat, & creditor volens volentem admittat. Nam neque delegatur quisquam inuitus, nec nisi consentiente, & stipulanti promittente, aut agenti respondente debitore, de quo dicitur *ad l. i. inf.* Nouationis ¶ huius voluntariæ vis proprie iam intellecta est. Nempè obligationem nouam constituit, & tollit priorem. *l. i. ff. eo.* Nouæ, si ciuili est, vis ea, quæ foret sine nouatione, vt sit nimirum actio noua creditori aduersus eum, qui nouauit, siue is debitor est, siue extraneus, si naturalis, totum amittitur creditori: Vetus autem & prior actio ita tollitur, vt nulla superfit aduersus veterem debitorem, qui ita liberatur, vt si forte delegatio facta sit, nec soluendo sit debitor delegatus, nihilominus liberetur debitor, qui delegauit, vt hic quoque pereat res creditori, bonum enim nomen fecit creditor, qui admisit debitorem delegatum, hoc in *l. inter. §. abesse. D. mand.*

Necessaria ¶ nouatio est, quæ fit per litis contestationem tunc, cum iudicio agitur cum ipso debitore. Nouationem hic fieri dicimus ex definitione: siquidem hic omnia congruunt, quæ conueniunt nouationi. In nouatione nouam obligationem quarimus, in quam deducatur prior. Et hæc noua iudicio contrahitur de ea ipse re, quæ prius debebatur, quæ & ipsa deducitur in iudicium. *l. 3. §. idem scribit. ff. de pecul.* Nouatione sic noua constituitur obligatio, vt prior perimatur. Hoc & in litis contestatione cum debitore interposita accidit. Fit autem & hoc à creditore animo nouandi, vt paulo post vtrumque ostendemus. Nihil igitur hic deest ad nouationem. Quod si hic nouatio est, non potest, quin sit necessaria, quoniam, vt ante dixi, iudicium cum vero debitore institutum tale est, quod reddatur in inuitum: proinde tale, quod debitor inuitus suscipere necesse habeat. *l. inter. §. i. ff. de verb. oblig.* Recte igitur necessaria nouatio dicta, quæ ex ea necessitate iudicij suscipiendi nascitur. Sed & voluntaria, quæ recte opponatur, nulla est, nisi necessaria. *l. alienationes. ff. fam. erg.* Sed ¶ prius est, vt 10 constet ista litis contestatione, seu iudicio accepto fieri nouationem: de quo inter omnes non conuenit. Et vero magna causa est, cur hic negetur vlla inesse, quod & probat Accursius *ad l. vlt. in pr. sup. de vsu rei iud.* Nam in *l. aliam. ff. eod.* vnde hæc diuisio potissimum sumitur, de necessaria ista nouatione nihil exprimitur. Sic enim tantum verba sunt, aliam causam esse nouationis voluntariæ, aliam iudicij accepti, multa exempla ostendunt: nec deinceps iudicium acceptum, seu litis contestatio dicitur esse, aut nominatur nouatio. Quod si de re quaritur, deque veterum hac de re responsis, omnia videntur hic nouationem repudlare. Agitur hic de litis contestatione cum debitore interposita. Constat neminem ita iudicio agere cum debitore, vt quidquam amittat, sed vt ius suum retineat potius, & si fieri potest, augeat. Absurdum igitur dici litis contestatione priorem obligationem tolli creditori, quod tamen futurum est, si hic vllam nouationem intelligimus: cum nulla sit nouatio, nisi noua obligatione contracta simul etiã prior tollatur, idque ipsum reguæ iuris aperte confirmant, quibus declaratur, neminem suam facere, sed plerumque meliorem. *l. non solet. l. nemo enim. ff. de reg. iur. dist. leg. aliam. ff. de nouat.* Congruunt responsa veterum, qui cum faterentur nouatione pignus tolli, iidem tamen iidem in locis scribunt lite cum debitore de debito contestata non item hac contestatione pignus tolli, sed nihilominus, vt prius obligatum manere, vt *l. solutum. in pr. ff. de pig. act. l. greg. §. etiam. ff. de pig.* Sed verius est inesse quoque & in litis contestatione suam nouationem, eamque necessariam: nō sane semper, sed quibus in rebus eodem modo actoris id exigere videbitur. Primum ex verbis *d. l. aliam.* satis hæc nouatio colligitur. Nominatur enim nouatio quædam voluntaria. Ex quo intelligitur aliquam esse non voluntariam. Nam si nulla est, nisi voluntaria, sufficiebat ita dicere, aliam esse causam nouationis, aliam iudicij accepti. Deinde iudicium acceptum opponitur nouationi voluntariæ: quorsum, nisi vt intelligamus in iudicio inesse nouationem necessariam, cui soli voluntaria recte opponitur? Sed & ibidem aliqua in re tantum distinguitur nouatio voluntaria à iudicio accepto. Ex quo rursum colligitur istas res aliqua in re esse similes: in eo autem similes, quod vtraque nouationem habet, de qua illic differit Paulus; verum effectu dissimili; quem effectum eo loco idem Paulus ostendit. Sed & sublatæ est dubitatio ex *l. vlt. §. & ideo. sup. de vsu rei iud.* vbi Iustiniani sententia est in hæc verba, actione iudicati priorem contractum nouari. Actione iudicati ille dixit,

dixit, non litis contestatione; quia et si dicamus per litis contestationem, seu iudicio accepto nouationem fieri; sic tamen intelligimus, ut fiat sub conditione, si secundum actorem iudicatum erit, & ideo effectum non fit nouatio, nisi post rem iudicatam. Ne illa nos hic impediant, quæ supra obicitur. Non enim dicimus litis contestatione passim fieri nouationem, dum ita inducitur noua obligatio, ut tollatur prior: sed tantum pro commodo creditoris, & ut eius persecutio id exigere videbitur. Itaque quod dicitur litis contestatione non fieri detractionem conditionem actoris, admittimus, neque volumus hic nouationem inesse, nisi quæ prodest. Quæ ratione, & illud concedimus, lite contestata de sorte nihilominus pignus manere; quia isto modo noceret nouatio actori, non prodesset, quod non recipimus. Sed est, cum expedit actori sic iudici iudicio accepto nouam obligationem, ut prior in hanc transferatur. Quatenus id fit, sciamus & hæc tamen nouationem fieri pro commodo creditoris. Quæ & ipsam veteres hic receperunt. Nam de animo notandi cur tum dubitetur in actore, nihil est: qui agendo nihil aliud spectat, quam ut sibi quam optime consulat. In eo autem consensum exigere eius, cum quo agitur, absurdum fit: cum aduersus eum in iudicio reddatur. Licet tamen hanc nouationem pro commodo creditoris in his tribus agnoscere; in petitione vnus ex reis credendi, in vsuris rei iudicatae; in pœnalibus actionibus, iudicio inclusis. Vnus ex reis stipulandi, si cum promissore agat, traditur in l. 2. ff. de duo. reu. ea petitione totam solui obligationem. An iudicari? sed hæc potius petitione & litis contestatione constituitur, d. l. 3. §. idem scribit. D. de pec. Tollitur ergo prior. Quo iure? non potest aliud hic intelligi, quam nouationis: dum ita constituitur noua iudicati obligatio, ut in hanc deducatur prior, deducta perimatur. Atque hinc nouatio, quod vnus ex reis stipulandi agendo hoc animo est, ut totam actionem propriam suam efficiat, quod non aliter fit, quam si alteri stipulandi reo actio adimatur. Et vero ei admittitur. Vnde placet amplius ei promissore soluere non posse. l. si ex duobus. 16. ff. de duo. reu. In quo licet manifestus hanc nouationem animaduertere: quæ quia agenti expedit, ideo pro commodo eius æstimatur. Eandem istam nouationem in domino & procuratore litis tanquam duobus eiusdem pœcuniæ creditæ reis euidenter agnoscat. Nam cum dominus procuratorem ad agendum dedit, incipiunt duo eiusdem rei nomine directam actionem habere: dominus propria, procurator mandata. Quod si procurator iudicio agere cœperit, ipse agendo sic priorem actionem transfert in actionem iudicati, ut hanc sibi æquiritens simul & veterem perimat, atque hoc modo auferat priori domino: ut in vno ex duobus reis stipulandi agente fieri modo diximus. Vnde procurator post litem à se contestatam dominus litis fieri dicitur: prior autem, qui dominus fuerat, dominus esse desinit, ita, ut nec suo nomine litem possit persequi. l. procuratoribus. sup. de procur. Quod certe non alia de causa fit, quæ quod lite à procuratore contestata priori domino actio sublata est translata in procuratorem, neque est sublata, nisi ista, quam dicimus, litis contestationis nouatione. In vsuris rei iudicatae eandem nouationem prioris actionis necessariam esse creditori visum est, quod eas centenas consequatur, ut explicatur in d. l. vlt. in princ. sup. de vsur. rei iud. In pœnalibus actionibus aduersus heredes transmittendis hanc ipsam nouationem agnoscat. Lite contestata pœnæ persecutio transit aduersus heredes, l. constitutionibus. l. sciendum. ff. de obl. & act. An ita, ut vetus actio transferatur, an noua tantum iudicati, quæ litis contestatione contracta est? Noua omnino, non vetus, quæ morte delinquentis extincta est. Ius certum est heredes pœna non teneri, heredes in pœnam non succedere. l. pen. ff. de op. no. nunt. d. l. constitutionibus. de obl. & act. Quod si ita est, nouationem prioris factam oportuit litis contestatione, dum priore sublata constituitur noua, quæ in heredes transferatur. Et tamen quia prior deducta est in posteriorem; quasi adhuc in sit in posteriore ideo dicitur prior per litis contestationem transmitti, & eadem perpetuari. l. omnes. D. de obl. & act. l. vlt. in fin. D. de fid. iur. Ex quibus iam intelligi potest, quid distent hæc nouationes inter se, voluntaria & necessaria: siue causas & rationem vtriusque inducendæ spectemus, siue vim & potestatem. Sed Iustiniani constitutio, quæ est de nouatione, l. vlt. inf. hoc. r. exigat ad nouationem, ut nominatim dictam sit, secundam obligationem interpositam nouationis causa. An ergo & post eam constitutionem etiam isti nouationi necessariæ locus erit: ut scilicet sola litis contestatione superiora commoda actori tribuantur? Et cum sint illa commoda, atque illa nouatio ex iure vetere certo, etiam nunc manere oportet, si non sunt sublata. Neque vero abrogantur Iustiniani constitutione: quæ de

voluntaria nouatione scripta, sine dubio ad necessariam non pertinet. Exigit enim constitutio, ut contrahentes de animo nouandi expriment; loquitur præterea de iis, quæ in secunda obligatione adiciuntur ex consensu, quod apertius declaratur in §. præterea. Inst. quibus mod. tol. obl. omnia eorum tantum propria, qui ex consensu ad secundam obligationem veniunt. Nihil ad iudicium, quod redditur in inuitum debitorem, & nullam petitionem admittit, nisi eius, quod ante debebatur, & vti debebatur. Et certe in qua nouatione non exigimus consensum à reo; multo minus, ut aperte consentiat, ab eo exigere debemus.

L. 1. & L. Si delegatio. 3.

Imp. Alexand. A. Timotheo.

Delegatio debiti, nisi consentiente & stipulanti promittente debitore, iure perfici non potest. Nominis autem venditio & ignorante, vel inuito eo, aduersus quem actiones mandantur, contrahi solet, PP. s. Id. Febr. Max. II. & Ælian. Coss. 224.

Idem A. Mutiano.

Si delegatio non est interposita debitoris tui, ac propterea actiones apud te remanserunt: quamuis creditori tuo aduersus eum solutionis causa mandaueris actiones; tamen antequam hic contestetur, vel aliquid ex debito accipiat, vel debitori tuo denuntiauerit, exigere à debitore tuo debitam quantitatem non poteris, & eo modo tui creditoris ex actionem contra eum inhibere. Quod si delegatione facta, iure nouationis tu liberatus es frustra vereris, ne eo, quod quasi à cliente suo non faciat ex actionem, ad te periculum redundet, cum per verborum obligationem voluntate nouationis interposita à debito liberatus sis. PP. s. Id. Jun. Gordiano A. & Aniola Coss. 240.

S V M M A R I A.

- 1 Neminem posse quemquam inuitum delegare creditori suo, ne debitorem quidem suum.
- 2 Neminem posse debitorem debitoris sui conuenire personali actione, non prius translatis actionibus, & cur.
- 3 Creditorem actiones suas aduersus debitorem etiam inuitum vtiliter in alium transferre posse, & quibus modis transferantur.
- 4 Mandatis translatis actionibus semper directas retineri ab eo, qui mandauit & cur.
- 5 Mandare actiones, quid.
- 6 Mandatis cessis actionibus semper vtilis actiones suo nomine habere eum, cui cessis sunt.
- 7 Mandatas directas actiones exerceri ex persona mandantis: vtilis ex persona eius, cui cessis sunt: & quid inter sit, vtrum fiat.
- 8 Cessis actionis effectus.
- 9 Concurrente eo, qui cessis actiones, & eo, cui cessis sunt, hunc præferri.
- 10 Mandatum actionum reuocari non posse, & quare.
- 11 Denuntiatione eius, cui cessis sunt actiones, inhiberi debitorem, quamuis creditori, qui cessis, possit soluere: & qualem hic denuntiationem esse oporteat.
- 12 Debitorem scientem mandatas esse aduersus se actiones sine alia denuntiatione creditori mandanti soluendo non liberari.
- 13 Mandatis actionibus, quando directas vtiliter exercere possit, qui mandauit.
- 14 Lite ab eo, qui actiones mandatas, contestata, debitorem nouationis quodam iure liberari vtilibus actionibus, quas habuit is, cum mandatas erant.

Circa tamen delegationem, de qua supra diximus, incidit ex re ipsa quæstio huiusmodi. Diximus neminem posse alium vice suam reum dare inuitum; & quod idem est, neminem posse inuitum quemquam delegare, quod & traditur in leg. 1. hic. Inde hæc quæstio sunt: Quid si creditor creditori suo delegat debitorem suum; an non hunc saltem potest inuitum delegare. Et placet ne hoc quidem eum posse. l. nec creditoris. inf. eo. Recte, non est enim delegatio, nisi delegato promittente: nemo autem promittit per stipulationem inuitus. Sed tamen non etiam sine vlla delegatione, & aliena opera potest creditor debitoris sui debitorem conuenire? Hoc vero multo minus potest, l. penult. hic. Et generaliter ita ius constitu-

tum est, neminem creditorem posse actione personali debitorem debitoris sui conuenire non translatis prius actionibus à debitore in creditorem. *l. vlt. & ros. tit. sup. si fisco, vel priu.* Hoc efficiunt regulæ iuris: non enim est actio in personam, nisi aduersus eum, qui nobis obligatus est. *l. actionis. D. de obl. & act.* Debitores autem debitoris mei non sunt mihi obligati; quoniam nihil mecum gesserunt eorum, ex quibus obligatio nascitur.

3 Quid ergo, an nullo modo sine delegatione creditor aduersus debitorem debitoris sui inuito experiri potest? Imo potest, si ex iusta causa debitor in creditorem actiones transfulerit: quod facere potest etiam inuito debitore suo. Et hæc est sententia *l. i. huc.* Quomodo autem debitor actiones, quas habet aduersus debitorem suum, in creditorem suum transferre potest? His modis omnibus, quibus ceteræ res transferri solent: puta vendendo actiones, de quo modo in hac *l. i. postquam. l. emto. sup. de hered. vel act. vend. item legando, l. ex legato. sup. de legat. item in solutum dando, & similibus. l. vlt. sup. si fisco, vel priu.*

Hoc posito quaesitum deinde est, quis sit huius venditionis, & translationis effectus: de quo est in *l. 3. hoc tit.* Qui locus ut commode explicetur, sciendum est hic duo quæri. Primum, an debitor venditis creditoribus suis actionibus, aut ex alia causa translatis, desinat veteres actiones habere, quas exercere possit. Alterum, quid ex ea translatione actionum in creditorem transferatur. De quibus sic breuiter habendum est. Qui actionem vendidit, legauit, aut in solutum dedit, etiam si creditori suo mandet actiones suas, nihilominus iure omnes veteres actiones retinet; quia eas non transfert, neque adeo ius paritur transferri, ut traditur in *l. huc. l. 3. in princ. ff. pro soc.* Sed cur actio non potest transferri, cum possint res omnes ceteræ? Id natura actionis facit. Sic enim lege omnis actio in personam constituta est, ut non sit, nisi aduersus eum, cum quod contraximus, aut quasi contraximus, aut qui nobis nocuit. *l. actionum. ff. de oblig. & act. §. 1. Inst. de act.* Nemo autem actiones suas nobis cedendo efficere potest, ut cum eius debitore contraxerimus, aut ab eo nobis nocitum sit, ubi reuera neque contraximus, neque ab eo nocitum est. Necesse est igitur, ut apud veterem creditorem actio maneat, quæ non est translata. Nihil ne igitur venditis, aut ex alia causa datis actionibus, in emtorem, & eum, cui dantur, transferatur? Imo transferatur. Nam is, qui actiones vendidit, cogitur emtori, in quem actiones translatas voluit, actiones suas mandare: quo verbo vitur *l. 3. & est in hac re vsitatum.*

5 Est etiam mandare alicui actiones, committere ei actiones suas exercendas: quod fit eum procuratorem in rem suam faciendo, ut hoc verbum explicatur in *l. ex nominis. supra, de hered. vel act. vend.* Quid si creditor, qui actiones vendidit, aut ex alia causa dadas voluit, actiones suas non mandet emtori? Nihilominus et emtor, & quisquis est, qui actiones ex alia causa dadas sunt, vtilis actiones habet suo nomine. *l. postquam. supra, de her. vel act. vend. l. ex legato. sup. de legat. l. vlt. sup. si fisco, vel priuat.* Si hoc ita est, quid opus est creditori, cui actiones creduntur, expectare, ut sibi mandentur actiones à venditore actionum; cum ipse vtilibus actionibus experiundo; quas habet, non minus idem consecuturus sit quam directis: nam vtramque actionem eiusdem potestatis esse, eundemque habere effectum, scriptum est in *l. actio. antep. ff. de neg. gest.*

6 Et sane si vtraque idem petat, eandem vim habet ad id obtinendum. Sed non semper vtraque idem persequitur.

7 Idque et ex ea re accidit, quod emtor mandatas actiones exercet ex persona creditoris mandantis, dum procuratorio nomine experitur, vtilis autem vti suo nomine habet, ita & exercet suo nomine, ut est in *l. vlt. si fisco, vel priuat.* Vtrum autem fiat, multum refert. Nam qui mandatis actionibus experitur, quia experitur ex persona mandantis, etiam eius vice vti potest, & debet. *l. emtor. sup. de her. vel act. vend.* Et eodem privilegio etiam ex persona mandantis vti potest, ut, si fingas pupillum debitorem meum mandasse mihi creditori suo actiones aduersus debitorem suum; in his actionibus exercendis vti privilegio pupilli, quo in bonis eius debitoris ego præferar omnibus aliis creditoribus chirographariis: scilicet quia ex persona eius experior tanquæ eius procurator. Dersum est, si non mandatis ab illo actionibus, tantum experiar vtilibus aduersus eius debitorem. Hoc tamen ita, si cessio sit voluntaria. In necessaria cessione nihil amplius transferri placet, quæ quod fuit proprium actionis, etiam si quis ipsis directis mandatis actionibus experiat: qualis cessio est pupilli vni ex tutoribus mandantis actiones suas aduersus alios contutores. In qua specie responsum est illud, quod modo dixi, tutorem in his actionibus aduersus contutores privilegio pupilli non vsurum. *l. ex plurib. ff. de*

adm. tut. & hoc optima ratione; quia nemo in necessitatibus liberalis esse solet. l. rem. legat. am. ff. de ad leg.

Hæc actiones in emtorem, eundemque creditorem creditoribus translatae id efficiunt, ut is, qui mandatas, aut vtilis actiones habet, possit & ab inuito exigere, quod is debet, aduersus quem actiones cessæ sunt, *d. l. vlt. sup. si fisco, vel priu. l. 3. sup. de her. vel act. vend.* & volens volentem à veteri creditore quouis modo liberare: puta solutum à debitore accipiendo, de quo in hac *l. 3.* aut cum eo transigendo, paciscendoque, ne ab eo petatur. *l. si cum emtore. ff. de pact. At et quid, si creditor, qui actionem mandauit, aut aliter cessit, inhibeat petitionem? Puta, si is eodem tempore petat à debitore suo, & simul is, cui mandatas sunt actiones, atque ita ambo concurrant: vter alteri præferetur? nam ambos actionem aduersus debitorem habere diximus. Placet eum veteri creditori præferri, qui suo nomine actiones habet. *l. procuratore in rem sua dato. ff. de procurat.* Atqui constat mandatum reuocari posse, quando cumque mandator voluit *§. 1. de Inst. mand.* Sed et mandatum rei nostræ reuocare possumus, cum liberti rei alienæ non possumus. Actiones autem mandatas subtilitate iuris sunt adhuc mandantis: cetera autem sunt mandatarij, id est, eius, cui mandatas sunt. Is enim factus est quidem procurator, sed in rem suam, ut supra diximus. Tum autem vtilis actiones in eum translatae sunt: quæ id eo vere illius sunt, quasque exercet suo nomine. Ad eum etiam verum est, eum, cui mandatas sunt actiones, aut qui actionibus venditis vtilis habet, veteri creditori præferri, ut si tantum denuntiauerit ei debitori, aduersus quem cessæ sunt actiones, ut sibi solueret, postea debitor soli ei teneatur, & si creditori suo soluat, frustra soluat, id quod hac *l. 3. in pr.* comprehensum est. Illic enim traditur, veterem creditorem posse actionem inhibere, quam mandauit, si experitur aduersus debitorem suum, priusquam is, cui actiones mandatas sunt, denuntiauerit debitori, ut sibi solueret. Postquam ergo denuntiationem ei erit, si veteri creditori soluat, non inhibentur cessæ actiones. Denuntiationem tamen accipere debemus, cum effectu: ut scilicet ita denuntietur debitori, ne veteri creditori soluat, ut certior fiat denuntianti mandatas esse actiones, & hanc illi causam esse ad inhibendam solutionem. *l. nomen. sup. quæ res pig. obl.* Fiet autem certior exhibitio instrumento cessionis, aut vltro consentiente creditore, qui mandauit. Idque ita bene accepit Bartolus ad *l. i. in pr. nu. 20. D. de op. no. nunt.* Ego etiam potest et si denuntiationem non sit ab eo, cui cessæ sunt actiones, sed aliter sciuerit actiones ei esse mandatas, non magis eum veteri creditori soluendo liberari, de nique ut liberetur ei soluendo postea, solum ignorantia defendi, ut indicatur in *l. vlt. ff. de transact.* Nam quomodo actione vtili, qua teneri cœpit, facta suo liberetur? *l. si seruum §. nunc videamus. D. de verb. obl.* Ergo et dixerit aliquis, directe actiones, quæ apud veterem creditorem manserunt, erunt illi inuitiles, & ita frustra apud eum mansisse dixerimus. Et declaratur in *ead. l. 3.* non esse inuitiles; sed tamen tunc solum vtilis fore, cum vetus creditor aduersus debitorem suum cessionis ignarum iudicio expertus, nec vlla exceptione à debitore summopius litæ cum eo contestatus fuerit; quod eum pro veteris actionis iure facere posse constat, certe si veteres actiones apud eum manserunt, recte eas exercet.*

Quid etiam tamen, si litæ à veteri creditore contestata existat, is, cui mandatas sunt actiones & suo nomine aduersus eundem debitorem experiri velit vel mandatis actionibus, vel vtilibus? Hic satis significatur eum audiendum non esse; cum ita dicatur creditorem veterem aduersus debitorem agendo inhibere actionem mandatam. At hoc quam recte, cum dixerimus eum, cui mandatas sunt actiones, habere actiones vtilis suo nomine, & earum actionum eam vim esse, ut in illis debeat veteri creditori præferri? Efficitur id nouæ obligationis iure, non veteris. Nam vetus creditor iudicio agendo cum debitore suo nonam obligationem contraxit iudicati. *l. 3. §. idem scribit. D. per.* hanc nemo alius illi inuito potest adimere. *l. vlt. ff. de pact.* Itaque eadem hic nouatio animaduerti potest prioris obligationis, quam in duobus reis stipulandi fieri initio diximus, cum vnus iudicio agendo cum promissore, consequitur tanquam veteri actione sublata, ne possit iam solui alteri, neue is possit amplius petere. *l. ex duobus. 16. D. de duo. reis.* Et certe mandatis actionibus incipiunt fieri duo rei credendi eiusdem pecuniæ: qui mandauit, dum is directas actiones ad huc retinet; & cui mandatas sunt actiones, qui vtilis habet suo nomine.

AD TIT. XLIII. DE SOLVTIONIBVS
ET LIBERATIONIBVS.

S V M M A R I A.

- 1 Soluere quid.
- 2 Solutionis verbum omnem liberationem continere quod sensu dictum.
- 3 Satisfactio quid, & quid distet à solutione.
- 4 Creditores cur dicantur accipi, quibus etiam sine consensu quid debetur.
- 5 Solutionis verbo contineri solum pecunia numerationem, non ceteras liberationes, vbi solutionis & satisfactionis verba coniunguntur, vt in edicto & pignoratitia actione: & quare. & num. 6. in fin.
- 6 Sententia l. solutam. Digest. de solut. vbi & satisfactionis, pro satisfactionis legendum esse probatur.
- 7 Inscriptio de solutionibus & liberationibus sententia.
- 8 Solutio quid, & cur dicta naturalis præstatio.
- 9 Etiam facti præstationem solutionem esse.
- 10 De solutionibus duas esse questiones, in singulis quæ spectanda, tituli argumentum & summa.

Soluere ꝛ aliquid cum dicimus, proprie intelligimus id præstare, quod solui dicimus. Et si apertius dicendum est soluta res, seu pecunia ex significatione verbi non alia intelligitur, nisi quæ naturaliter soluta est, id est, numerata reuera & præstita creditori: vt etiam ex significatione verbi id rectissime dictum sit à Marciano in *l. solut. ff. de sol.* Id declarat regula iuris, Solutione eius, quod debetur, tollitur omnis obligatio vbi solutionis verbum non potest accipi, nisi pro pecuniæ præstatione. Nā acceptilatione, nouatione, contrario consensu, quibus modis etiam tolluntur obligationes, non omnis obligatio tollitur, sed certæ dumtaxat. Id etiam declaratur edicto de pignoratitia actione in quo hæc verba sunt: *Si pecunia soluta erit, vel eo nomine satisfactum*; quibus verbis aperte satisfactio, id est, omnis alius modus debitoris liberandi ex voluntate & consensu creditoris, distinguitur à pecuniæ solutione, id est, præstatione, *l. si rem. §. omnis. ff. de pig. act.*

Et ꝛ tamen definitur in *l. solutionis. ff. hoc tit.* solutionis verbum omnem liberationem continere, magisque ad substantiam obligationis referri, quam ad pecuniæ præstationem. Sensus est, magis solutionis verbo contineri eos modos, quibus substantia obligationis, id est, obligatio ipsa tollitur, quam pecuniæ naturalem numerationem, vel cuiuscumque alterius rei præstationem. Recte hoc quoque scriptum est, verum non ex significatione verbi, de qua supra diximus, sed ex legis sententia, vbi lex pecuniæ solutionem exigit, neque quidquam addit amplius. Vt, exempli gratia, edicto de re iudicata, ita exigebat prætor, vt condemnatus pecuniam solueret, *l. 4. aut prætor. sup. de re iud.* His verbis si proprietatem verbi sequimur, nihil aliud exigitur omnino, nisi vt debitor pecuniam numeret, in quam condemnatus est. Sed ex edicti sententia contineri intelligimus omnem liberationem; id est, intelligimus debitorem huic edicto satisfecisse, non tantum, si ipse pecuniam numerauerit, sed etiam si acceptilatione liberatus erit, aut nouatione, aut alio quo modo, quo obligatio tollitur. non ex significatione verbi, in qua, sed ex sententia edicti; quia ceteræ liberationes eandem vim habeant, quam solutio pecuniæ. Effectus igitur hic spectatur, non verbi proprietates; vt solutionis verbo contineri intelligantur, non tantum, quæ vere solutiones sunt, sed etiam quæ solutionis vim habent. Et hoc est, quod alia regula dicitur, satisfactionem pro solutione esse, *l. satisfactio. ff. de solut.*

Satisfacere ꝛ est creditorem pro eo, quod ei debetur, contentum reddere, vt sic ille discedat ab obligatione, vel acceptum ferendo, vel nouando, vel paciscendo, ne petat, *leg. 1. Digest. qui satisf. cog. dict. leg. si rem. §. omnes. Digest. de pig. act.* Vtrum creditori pecunia numerata sit vt sic reuera ei satisfieret, an vero voluntate eius discessum sit ab omni obligatione, dum ei quouis alio modo satisfiat, ad voluntatem eius & debitoris liberationem nihil interest. Ita recte dicitur, hanc satisfactionem pro solutione esse. Hoc autem pro solutione esse, valet effectu satisfactionem solutionem esse; & quod supra diximus, omnem hanc liberationem aliam solutionis verbo contineri.

Quod ꝛ in solutionis verbo consimiliter dictum est, vti in verbo creditorum, cum dicimus creditores accipiendos esse omnes quibus ex quacumque causa debetur, id est, quibus non tantum ex contractu debetur, sed etiam ex quasi contractu, aut ex male-

ficio, *l. creditores. ff. de ver. sig.* At qui scimus creditores dictos esse à credendo: tunc autem solum dicimus quemque credere, cum contrahit cum alio; quoniam tum fidem ab illo accipit, & eam fidem sequitur: vt solum proprie creditores sint, quibus ex contractu debetur, *l. 1. ff. si cer. per.* Sed & hoc ita est, cum verbi significationem spectamus. Ex sententia autem legis etiam creditores dicuntur, quibus debetur ex alia causa; quoniam & hi omnes creditorum loco habentur. Vnde alibi dicuntur non creditores esse, sed creditorum loco haberi, *l. creditorum. ff. de ver. sig.* Hoc autem ideo ex legis sententia ita dicitur; quia in quibus eadem ratio est, in his idem ius statui oportet, *l. illud. Digest. ad leg. Aquil.* Porro tam iis debetur, quibus ex maleficio debetur aut ex alijs causis, quam quibus debetur ex contractu. Hoc ipsum ergo fieri dicimus in verbo solutionis.

Sed ꝛ videtur Marcianus *l. solutam. ff. de solut.* non tantum dicere solutam pecuniam intelligi, quæ numerata est; sed etiam negare; si debitor sit alio modo liberatus, pecuniam solutam videri, aut eam liberationem solutionis verbo contineri. Illic enim scriptum est in extremo his verbis: *Si debitori accepto latum sit, solutionis quidem verbum non proficiet; sed satisfactionis sufficit.* Dicendum est recte id dici à Marciano; sed in eo loco, quem interpretabatur. Obseruandum est enim Marcianum scripsisse ad formulam, id est, actionem hypothecariæ, vt inscriptio capitis indicat. Illic interpretabatur eam partem edicti, qua cautum est, vt pignus, vel hypotheca soluat, seu quod idem est, vt pignoratitia agi possit, pecunia soluta esse debere, vel eo nomine satisfactum, vt constat hæc verba edicti fuisse ex *l. si rem. §. omnis. ff. de pig. act. l. item. ff. quib. mo. pig. vel hyp. sol.* His verbis, quibus distinguitur nominatim satisfactio à solutione, non est obscurum solutionis verbo ceteras omnes liberationes non contineri, sed solum pecuniæ naturalem numerationem; propterea quod ceteræ liberationes à prætorum comprehensa sunt verbo proprio satisfactionis.

Hoc ꝛ est igitur, quod Marcianus dicit: si debitori accepto latum sit, non liberatur is in hypotheca ex edicto, quasi soluerit; quoniam reuera ex verbis & sententia edicti non soluit, sed liberatur ex eodem edicto verbo satisfactionis; quia is satisfecit, cui accepto latum est. Illud animaduertendum est, corrupte legi in Pandectis Florentinis in *d. l. solut.* in extremo, sed *satisfactionis sufficit.* satisfactionis legendum, vt & alias suo tempore legi Accursius monet. Nam verbum satisfactionis non fuit in edicto de pignoribus, aut de pignoratitia actione, sed verbum satisfaciendi, *d. leg. si rem. §. omnis. Digest. de pig. act. dicta leg. item. Dig. quib. mo. pig. vel hyp. sol.* Deinde aperte fallum est acceptilationem contineri verbo satisfactionis. Acceptilatio est liberatio. Satisfactio est obligatio, qua quis quid promittit fidei iussoribus, datis, *l. 1. ff. qui satisf. cog.* Vt ad rem redeam, cum coniunguntur ista in lege aliqua, aut edicto, solutio & satisfactio, recte dicitur solutionis verbo non contineri eas liberationes, quæ satisfactionem habent, vbi apparet tam aperte satisfactionem à solutione separari. Quod si verbum soluendi solum in lege positum erit, tenendum est, quod supra diximus, ex sententia legis solutionis verbo omnem liberationem contineri; id est, quocumque modo præter naturalem numerationem liberatus erit debitor, legi satisfactum esse.

Illud semper tenendum erit, ex sententia legis hoc dici ceterum proprie solutionis verbo significari tantum naturalem præstationem. Ex quo sensu regula illa concipienda est, vt dixi, solutione tollitur omnis obligatio. Sic ꝛ hoc titulo verbum solutionis accipiendum est. Liqueat enim ex proximis titulis solutionem hic possum esse pro specie liberationis, quæ sit distincta à nouationibus, & acceptilationibus. Ita inscriptionis erit hæc sententia: *De solutionibus*, id est, de rei debitæ præstationibus, & liberationibus, quæ inde nascuntur; vt solutio sit causa, liberatio effectus solutionis, vt patet ex tot tit. *Inst. quib. mo. tol. obl.*

Ex ꝛ hoc sensu sic solutio definitur, vt sit naturalis rei debitæ præstatio. Naturalis dicitur in *l. solutam. ff. eo. id est*, vera, positum, vt distinguitur solutio ab acceptilatione, quæ & ipsa solutio dicitur: sed imaginaria, vbi quis dicit se accepisse, quod non accepit, *l. item per acceptilationem. Inst. quib. mo. tol. obl.* Præstationem dixi, non numerationem, et si numeratio nominetur, in *d. l. solutam. ff. eo. vt completeret omnes species rerum debitaram.* Nam in obligatione aut res sunt, aut facti, vt est in *§. vlt. Inst. de obl. id est*, omnis obligatio aut in eo est, vt quid detur, aut in eo, vt quid fiat, *l. 2. in pr. ff. de ver. obl.*

Sive ꝛ fiat, quod fieri debet, sive detur, quod dari oportuit; quia præstatur id, quod debetur, soluitur. Nam & qui facit, quod promittit,

nisi, soluit. *l. qui res 98, §. mihi. in fi. ff. de sol.* certe ea præstatione liberatur. *inter. D. eod.* proinde solutione, si non aliter, quam solutione inuito creditore tollitur omnis obligatio. Qui autem rem, quam dare debuit, præstat, idem soluit, si præstat, ut debetur, id est, si dat; quod valet, si dominium transfert. *§. sic itaque. Infit. de act.* Unde toties legimus non liberari debitorem, qui ita rem præstat, et non faciat omnimodo accipientis, quia nec soluat. *l. cum qui. §. 1. & §. qui hominem. ff. eo.*

De solutionibus duæ sunt quæstiones, quibus hic titulus continetur. Prior est, quæ sit iusta solutio, qua obligatio aliqua tollatur, cum dicimus solutione omnem obligationem tolli. Altera, cum iustam solutionem esse constat, quæ obligatio ea solutione tollatur. Huic quæstioni tunc locus est, cum quis ex pluribus causis diuersas summas debet, & unum debitum soluit, ita, ut dubium relinquatur, in quâ causam solutum esse debeat. An sit iusta solutio, spectatur ex his rebus; ex soluendi modo; ex soluendi fine. In personis quæritur, ut is soluat, qui potest: de quo dicitur *in l. 5. inf. & ut ei soluat, cui solui potest, de quo in l. 3. & 4. & inuito. inf.* In re est, ut soluat ea quam oportuit: de quo *in l. manifesti. inf.* In soluendi modo, ut opportuno loco, & tempore soluat: de quo *in l. obfignatione.* Finis soluendi est, quem definitione supra complexi sumus; ut creditor consequatur præstatione, quod debetur, id est, ut si quid fieri promissum est, fiat; si quid dari debet, detur, id est, eius rei dominium perfecte transferatur. Posterior quæstio explicatur *in l. 1.*

L. In potestate. 1.

Imp. Antoninus A. Aristeneto.

In potestate eius est, qui ex pluribus contractibus pecuniam debet, tempore solutionis exprimere, in quâ causam reddat. Quod si debitor id non fecit, conuertitur electio ad eum, qui accepit. Si neuter voluntatem suam expressit: prius in usuras id, quod soluitur: deinde in sortem accepto feretur. PP. 2. Non. Novemb. Duobus & Aspris. Coss. 213.

S V M M A R I A.

- 1 Debitor in soluendo constituto, in quam causam solutum velit, in eam causam, quod soluitur, solutum haberi, & hoc quam conueniat cum *l. 2. Dig. de sol.*
- 2 Liberum creditori in eam causam non accipere, quomodo intelligendum *in l. 2. D. de sol. & quatenus verum sit.*
- 3 Debitor in certam causam nominatim non soluente, posse creditorem constituere in re præsentis, in quam causam acceptum ferat, etiam leuiorem & hoc rursus, quam conueniat cum *leg. 2. Digest. de sol.*
- 4 Lectio *l. 1. D. de sol. emendata.*
- 5 Creditore constituto, in quam causam solutum accipiat, posse debitorem in re gerenda obfistere, ne in eam causam habeatur, id cum consequi non dando.
- 6 Quod ex pluribus causis principalibus debitum simpliciter solutum est, non posse id postea creditorem constituere solutum, nisi in diuorem & grauiorem debitoris causam.
- 7 Causa debitori grauior, quæ & quo progressu deprehendatur.
- 8 Causam non grauiorem debitori esse, ex qua debitum exigi non potest, aut nondum in hanc solutum non imputari: & quæ sint huius generis.
- 9 In illis verbis *l. 1. D. de sol. aut illud, in quod; aut pro non accipiendum.*
- 10 In quibus causis dilatio periculum, aut molestiam allatura est, causam famosam esse grauisimam; proximam penalem; tertio ordine eam, quæ sub pignore contracta est; quarto eam, ex quo quid debetur satisfactum.
- 11 Extra periculum dilationis grauiorem esse causam propriam, quam fideiussoriam: & cur.
- 12 Si superiora desint, grauiorem esse causam, quæ est antiquior: & cur.
- 13 *L. in libert. 77 ff. de sol. exposita.*
- 14 Ampliore summa soluta, quam quæ in unam causam grauiorem debeat, superfluum reliqua causis suo cuique ordine tribuendum.
- 15 In pari dierum & contractuum causa, ex omnibus causis pro portione solutum videri.

16 Cum ex pluribus causis principalibus debetur, cur simpliciter solutum imputetur in causam debitori onerosiorem: cum autem debentur fors & usura: solutum imputetur prius in usuras, id est, in causam debitori leuiorem.

17 Creditorem quamuis cauentem se, quod soluitur, accipere in sortem & usuras; non tamen cogi solutum acceptum ferre, nisi prius in usuras; deinde si quid superest, in sortem: & cur hoc præter ordinem verborum.

18 Solutum an possit prius imputari in usuras pacto tantum debitor, quando, & quatenus.

Cum debitor ex pluribus causis debet diuersas summas, & unum debitum soluit, definit Antoninus esse in potestate debitoris tempore solutionis exprimere, in quam causam soluat; ut intelligamus in eam causam solutum futurum, quam dixit *idem in l. 1. in prin. D. eodem.* Cui contraria videri potest *l. 2. D. eod.* ubi scriptum est liberum esse creditori, pecuniam, quæ ita soluitur, non accipere, si alio nomine solutum velit. Recte, ut videtur, hæc contraria dixeris, cum si liceat creditori repudiare hanc solutionem, non sit in potestate debitoris ita solvere. Et essent contraria omnino, si quod dicitur, id, quod solutum est, in eam causam solutum videri, quam initio debitor dixit, simpliciter diceretur. Sed ita intelligendum est, si creditor accipiat, tantum enim illi tribuitur hoc, ut possit non accipere *in dict. leg. 2.* Ex quo intelligitur, si acciperit, in eam tantum causam solutum haberi debere, quam debitor expressit. Quid, si creditor pecuniam accipiat, & protestetur se in aliam causam accipere, quam in quam debitor soluit? nihil agit, si pecuniam retinet *in d. l. 2.* non tribuitur ei, ut possit protestari in aliam causam, sed ut possit non accipere in eam causam, in quam soluitur.

Rursum hic dicitur aliquis, isto modo falsum videri, quod dicitur *in d. l. 2.* liberum esse creditori pecuniam, quæ in certam causam à debitor soluitur, non accipere. Nam ut intelligatur non esse creditori liberum hoc facere potest debitor pecuniam obfignare, & ea obfignatione liberatur. *l. obfignatione. inf.* Præterea cum creditori sine iusta causa recusat accipere, moram facit, & si ea pecunia postea pereat debitori sine culpa eius detrimentum erit creditoris. *l. qui decem. in prin. ff. eod.* Sed quod dicitur *in d. l. 2.* liberum esse creditori pecuniam non accipere, si alio nomine ex solutum velit, ex quæstione proposita intelligendum est, nempe hæc tenus, ut ea pecunia intelligatur non esse soluta, quæ creditor non accepit. Et reuera soluta non est. Sed hoc non facit, quin creditor non iure eam pecuniam recuset. Quamobrem & pecunia illi obfignari potest, & quamuis non sit obfignata; tamen moram facit & periculo eius pecunia alligatur. Interim si neque ea pecunia perierit, neque obfignata erit, semper verum est, eam non esse solutam, quam ipse non accepit. Et semper hoc modo in eius potestate est non accipere. Subicit Antoninus: *Quod si debitor id non fecit, conuertitur electio ad eum, qui accepit.* Id est, si debitor initio non dixerit, in quam causam solutum vellet, conuertitur electio ad creditorem, qui accepit; ut sit in eius potestate, tum cum pecunia soluitur, constituere; in quam causam acceptam ferat, & in eam causam pro soluta habeatur.

Et diligenter verba huius loci expendenda sunt: dicitur enim electio hoc casu esse creditoris, quo verbo aperte significatur licere creditori constituere, pro suo arbitratu, in quâ causam pecuniam acceptam velit, etiam leuiorem, ac non tantum grauiorem, id est, etiam in eam causam, quæ sit illi commodior, et si leuior sit debitori. Nam si cogeretor constituere tantum in grauiorem causam, nulla hic eius electio esset. Nihil enim tam pugnat cum electione, quæ necessitas alicuius causæ suscipiendæ. Sed hæc contrarium scriptum videtur *in d. l. 1. vers. quoties. ff. eod.* Verba hæc sunt: *quoties vero non dicimus, id quod solutum sit, in arbitrio est accipientis, cui potius debito acceptum ferat: dummodo in id constituat solutum, in quod ipse se deberet, esse solutum.* Quæ verba significant, dummodo constituat in grauiorem & diuorem causam, ut & explicatur *in leg. 3. ff. eo.* Male vero vulgo hæc Vlpiani verba accepta sunt de eo creditore, qui in re præsentis id est, tempore solutionis, diceret, in quâ causam acceptum ferret, quod soluitur. Loquitur Vlpianus de eo, qui post perfectam solutionem id constituit. Quod colligitur aperte & ex verbis superioribus, & ex verbis postremis eius *leg. 1.* Sed omnium euidentissime ex *leg. 3.* quæ est eiuldem auctoris Vlpiani. *eodem titulo de solutio.* Ex verbis superioribus ideo, quod Vlpianus non dicit; quoties vero debitor non dicit, sed, quoties vero non dicimus, quod valet, quoties ambo, id est, debitor

bitor & ego creditor, non dicimus. Sed & in extremis verbis *dicta leg. i.* Vlpianus nominatim & distincte de eo creditore loquitur, qui in re presenti constituit, quid velit. Ex quo intelligitur Vlpianum de eo prius locutum non esse. Alioquin stulta & inepta esset inculcatio, praesertim eius rei, quam prius diligentissime exposuisset. Sed omnem dubitationem tollit *d. l. 3. eo. Ibi. n.* subijcit Vlpianus, post perfectam solutionem non permitti creditori constituere, in quam causam acceptum ferat, nisi in grauiore, & duriore. Quo aperte declaratur ante ei licere, in quam velit causam, etiam leuiorem constituere, dum in re presenti id faciat. Et t obiter hoc loco animaduertenda est lectio, *d. l. i. in fi.* quae manifeste vitiosa est. In Pád. Florentinis, & fere in omnibus alijs exemplaribus ita legitur: *permittitur ergo creditori constituere, in quod velit solutum; dummodo sic constituat, ut in re sua constitueret, hactenus recte aliud vitiose, quod sequitur. subijcit enim continenter. sed constituere in re presenti, hoc est. statim, aequo solutum est.* neque quidquam additur praeter ea. Sed verbum deesse perspicuum est. Itaque veteres quidam addiderunt, *debet;* non recte. Nam creditor constituere potest, in quam causam acceptum ferat; sed potest, si velit non cogitur. Non est difficile intelligere, pro illis verbis, hoc legendum esse, *post est aspiratione in p. mutata, & c. in t.* quarum literarum tantam affinitatem esse constat, vt saepius quam frequenter aliae in alias mutentur. Verbo autem, *post est,* restituito optime constat sententia. Summa haec erit: *vbi debitor in re presenti non dixit, in quam causam soluetur, est in arbitrio creditoris in re presenti constituere, in quam causam acceptam ferat, etiam leuiorem.*

5 Quod tamen rursus sic accipiendum est ex *leg. 2. D. eod.* si debitor aut non contradicat, aut contradicens pecuniam apud creditorem manere patiatur. Ceterum si alio nomine pecuniam ei solutam velit, est in eius potestate id consequi; sed pecuniam non dando non praestando.

Ait deinde Antoninus: *Si neuter voluntatem suam expressit, prius in vsuras id, quod soluitur, deinde in sortem accepto feretur.* His verbis multa desunt ad questionem propositam. Quid enim, si de pluribus diuersis contractibus agatur? denique; si de pluribus summis principalibus; de quibus propositio huius rescripti concepta est? Deinde etiam haec sententia de vsuris notissimis locis de hac imputatione scriptis aduersari videtur. Nam in *l. 3. & l. 5. D. eo.* constat definitur, creditorem post perfectam solutionem non posse id quod soluitur, acceptum ferre, nisi in grauiorem causam. quod contra fit, si pecuniam solutam acceptam ferat prius in vsuras, deinde in sortem. Nam aperte grauius est debitori debitum sortis, quam vsurarum, de quo postea. Quare vt hic locus pateat, de re tota semel dicendum videtur: quae ita partes inter se coniunctas habet, vt vna sine altera intelligi non possit. Ergo cum neuter ex reis voluntatem expressit (intellige tempore solutionis, quae verba initio posita, ad reliquas partes distinctionis propositae referenda sunt) cum ergo neuter ex reis voluntatem expressit tempore solutionis, & quaeritur, in quam causam id, quod ex multis debitis solutum est, acceptum ferre possit creditor; multum refert, vtrum de pluribus summis principalibus agatur, an vero de sorte & vsuris.

6 Si t de pluribus summis principalibus, siue de pluribus sortibus; haec definitio certi iuris tenenda est, non posse creditorem postea constituere, in quam summam acceptum ferat, quod solutum est nisi in duriores & grauiorem. *d. l. 3. & l. 5. ff. eo.* Grauiorem intelligere debemus, quae debitori grauior est; id est, quae magis eum onerat, ac proinde quae verisimile est eum ante omnia se exoneratum fuisse; vt aperte colligitur ex *l. illic quoque debitor. ff. eo.*

7 Hinc t quaeritur, *quanam esset causa debitori grauior.* In quo hic rectus est & naturalis progressus, vt ante omnia constituamus causam aliquam, quae sit grauis, sic deinde graui inuenta quaeramus, inter plures graues quae sit grauior, & vt quaeq; erit grauissima, ita primo loco amoueatur debitori. quae & progressum reperiemus veteres re ipsa seruaasse magis, quam verbis expressisse. Illud ergo primum in hac re, vt constituamus in his causis pluribus, quanam 8 sit grauis causa, quae non grauis. Et t recte definiemus eam debitori causam & obligationem grauem esse, ex qua agi potest ad soluendum, quod debet: illam autem non grauem, ex qua quod debetur, exigi non potest. Propemodum enim pro non debito est, quod dare nisi velis, cogi non possis. *leg. sub hac. Digest. de obl. & act.* Hinc nata illa definitio Iuliani, quae ex hoc progressu primum locum obtinet; cum ex pluribus causis debitor pecuniam soluit, ex ea causa eum soluisse videri debere, ex qua tunc cum soluebat, compelli poterat ad soluendum. *l. cum ex plurib. 63. ff. eo.* nempe quia haec sola grauis debitori, quam nunc quaerimus; ceterae autem

non graues. Causae, ex quibus debitor cogi ad soluendum non potest, sunt tres: obligatio naturalis, obligatio civilis puta, sed quae sit in controuersia. Ex obligatione naturali in totum nulla petitio est; eoq; nulla necessitas praestandi. *l. naturales. ff. de obl. & act.* Quod in die, aut sub conditione debetur, interim peti non potest. *l. dedere ff. de verb. sig.* Sed & quod controuersum est, non prius constat ex eo petitionem esse quam reus eo nomine iudicio victus & condemnatus fuerit. Hinc totidem causae superiore definitione exclusae, ne in has solutum acceptum feratur. quod & de singulis alibi nominatim traditum legimus a veteribus: Et si quid naturaliter debetur, vt vsurae, pacto, exstat etiam de his constitutio Antonini, ne quod solutum est, in eam causam acceptum feratur: vt quamuis vsurae ex pacti conuentione nominatim solutae retineri a creditore possint; tamen proprio titulo non numeratae pro solutis ex arbitrio percipientis non habeantur: id est, quod simpliciter solutum est, non possit retineri a creditore in eas vsuras, tanquam in eas pro aestimatione percipientis solutum esset. exstat in *l. 5. §. Imper. in fi. ff. eo.* Similiter & si quid in diem, aut sub conditione debetur, diserte scribit Vlpianus in *l. 3. eo.* id videri solutum, cuius dies venit. At enim ex eodem Vlpiano prius scriptum legimus in *l. 1. ff. eo.* in haec verba: *creditorem in id constituere posse solutum, in quod ipse si debetur, esset solutus;* id est, id debitum, quod non est in controuersia, aut in illud, in quod pro alio quis fideiusserat. aut cuius dies nondum venerat. quod sane aperte contrarium est, si prius illud, aut, pro, vel, accipimus. Erit enim haec sententia; creditorem id, quod soluitur, constituere posse solutum in id debitum, quod non est in controuersia, vel in illud, in quod pro alio fideiusserat, vel in id cuius dies nondum venerat. quorum posterius Vlpianus idem diserte negat in *dict. leg. 3.* prius autem diserte Pomponius in *leg. 4. eod.*

Et t vero ex ea definitione, quam supra posuimus, prior illa sententia aperte falsa est: vt dubitandum non sit, quin aut superior locus *leg. i.* mediofus sit, & pro priore particula, *aut,* legendum, sit, *haud,* quod valet, *non;* aut eadem particula recte interpretanda *aut pro non.* Prius alicubi se legisse significat Accursius in glossa ad eam particulam, cum in extremo ita scribit: *vel dic haud pro non.* Idem & se legisse in vno veteri exemplari testatur. Ruffardus. Sed & posteriore & vulgari scriptura retenta; tamen nihil prohibet, quominus hoc idem, *aut, pro haud,* id est, *non* positum accipiamus. Non enim nouum est in Pandectis Florentinis omiti aspirationem, vbi ex vsu communi addi solet. vt in *leg. illud. circa fin. Dig. de per. & com. rei ven.* legitur *accasu,* pro *hoc casu:* & in *l. 5. vlt. D. de res. vend. legitur omo pereat,* pro *homo pereat:* item in *leg. 4. in fi. princip. Dig. de in diem. add. anc. speciem,* pro *hanc speciem.* Et quod ad literam, t, postremam attinet, ne ea nos moretur. nam plerique non infimae notae Grammatici auctores sunt *haud* pro *non* scribendum per z, non per d, vt *lit haud,* non *haud.* Quod cum ita sit, postquam accedit certi iuris ratio ex alijs locis cognita, quae sententiam negatiuam exigat, non habebimus in hac re, quin alterutro modo ex his locum aut emendemus, aut interpretemur. In eadem causa cum superioribus est ea, quae est in controuersia, vt ante ostendi. In quam idcirco ex superiore interpretatione *l. i.* placet creditorem solutum acceptum ferre non posse.

Hoc intellecto, quae sit grauis debitori causa, in quam primo loco solutum constitui oporteat: proximum est, vt si quae plures huius generis occurrant, ex quibus debitor diuersas summas debeat, quaeratur, quae sit ex duabus grauior, ex multis, quae grauissima, quod haec pro commodo creditoris primo loco subducatur. In quo animaduertito tres a veteribus obseruatos esse summos & principales gradus, & in his seruatum hunc ordinem, vt a grauissimis causis progressus fieret ad minus graues.

Primum t ergo gradus est in eo, si qua sit causa eiusmodi, in qua t dilatio damnum aliquod, aut periculum adferat vel famae, vel pecuniae, vel molestiae a pluribus creditoribus subeunda. Periculum famae versatur in ijs actionibus, ex quibus damnatus ex edicto fit infamis: vt furti, vi bonorum raptorum, iniuriarum, pro socio, tutelae, mandati, depositi. *l. i. D. de his qui not. inf.* Periculum pecuniae est in ijs, quae si quid non praestetur, aut poenam, vel pecuniae vsuram continent, aut inficiatione crescent; aut hypothecam adiunctam habent: vbi scilicet pecunia non soluta debitor pignoris distractionem patitur, in qua saepe magnum debitoris damnum est. Atq; hoc ex genere maxime est actio iudicis; ex qua bona debitoris capiuntur pignori, & distrahantur vnde iudicatis satisfiat. Accedunt etiam vsurae centesima, quibus ex causa iudicatis subijcitur condemnatus Iustiniani constitutione. *l. vlt. Cod. de vsur. rei iud.*

Periculum molestiæ à pluribus creditoribus imminet, cum debitor aliquid debet satisfactum, id est, fideiussoribus datis. *l. i. ff. qui sat. cog.* Hic enim habet duorum generum creditores; creditorem principalem, & fideiussoribus, qui non desinent debitori molesti esse, donec soluat. Placet igitur, ut quæq; harum causarum primo occurrerit, ita in eam causam accepto ferendum, quod solutum est. Et quoniam in his periculis alijs sunt grauiora, ideo etiam in hoc genere hic ordo seruatus est à veteribus, ut primo loco potior habeatur ea causa, quæ famosa est, ut in qua de æstimatione agatur, re omnium grauiissima. *l. cum ex plurib. 97. l. si quid. 7. ff. eo.* Secundo loco ea, quæ pœnam continet: qualis est, quæ habet stipulationem pœnæ, aut vsurarum adiunctam; qualis, quæ crecit per infictionem; qualis obligatio & actio iudicati. *l. cum ex pluribus, 97. l. 4. l. 7. ff. eod.* Tertio ea causa, quæ sub hypotheca, vel pignore contracta est, propter periculum distractionis pignorum. *l. cum ex pluribus, 97.* Postremo ea ex qua quid debetur satisfactum *d. l. 4. eod.*

11 Si ¶ in causis, ex quibus debitor ad soluendum compelli potest, nullum tale periculum metuitur ex dilatione, quale ante diximus; proximus grauitatis gradus est in eo, si qua sit causa propria debitoris, non aliena: seu si quid is suo, non pro alio fideiussorio nomine debeat. Ideo & post superiorem ordinem placet potiorē haberi causam propriam, quam fideiussoriam. *dict. leg. cum ex pluribus 97. l. 4. eod.* Quæ sententia apud veteres iustam dubitationem habere potuit: cum iure vetere tam tenetur quiuis ex causa fideiussoria, quam ex sua. nam eo iure potestas fuit creditori relicto reo eligendi fideiussores. *l. 5. sup. de fid.* Vnde & Papinianus in *d. l. cum ex pluribus, 97.* huius sententiæ rationem reddere studuit præter ceteras, & ait id veteres ideo definiisse, quod vtilitatem videretur, diligentem debitorem admonitum ita negotium suum gesturum fuisse. Ratio sumta ex more & ingenio hominum; qui quia se sibi proximos ducunt, ideo non tantum ad vtilitatem, sed etiam officium suum pertinere putant, sua potius curare, quam aliena. ex quo & illud tritum sermone prouerbium apud Terentium in Andria; *Proximus sum egomet mihi.* Sed hodie res expedita est, neque omnino superiore ratione indiget. Nam hodie beneficio Iustiniani fideiussor propemodum in dictum debet, vel potius sub conditione, si debitor principalis absit, aut præsens non sit soluendo, *auth. præsentis. sup. de fid.*

12 Si ¶ nihil eorum interueniet, sed omnia nomina erunt & in cōmodo, & proprietate similia: etiã his tertius grauitatis gradus admissus est à veteribus. ut ex omnibus habeatur causa grauior, quæ antiquior. Ideo placet, cum cetera concurrunt, quod indistincte soluitur, in antiquiore & vetustiore causam solutum videri. *d. l. cum ex pluribus 97. l. 5. in pr. l. vbi. 2. 4. l. creditor. 92. §. Valerius. ff. eo.* Quod tamen prima fronte videretur à veteribus contra statum debuisse. Nam quo quæq; causa recentior est, eo est & debitori grauior: ut quæ longius distans à præscriptione lōgi temporis tollatur difficilius, eoq; & magis debitorem oneret. Illa contra leuior debitori, quæ est antiquior propter hanc ipsam præscriptionem temporis, à qua quo minus distat obligatio, eo prius est liberationi, eoq; & minus debitor oneratur. Et ita res habet, si vtilitatem spectamus debitoris, leuior illa causa est, quæ est antiquior: in qua non soluenda citius perueniat ad lōgi temporis præscriptionem. Sed hanc expectare, atq; ideo non soluere non est honestum. Turpe est diu debere aliquid, & in eo frustratorem videri. Turpius exceptionem temporis querere, ut creditorem fraudes. Inde quæsitum interduum, quis sit antiquior contractus.

13 Ut ¶ in liberto de contractu operarum dubitatum indicat definitio ad id explicandum comparata in *liberto 77. ff. eo.* Finge libertum debere patrono operas. eundem post manumissionem pleraque contraxisse cum patrono, aut ex alijs causis ei debere cœpisse ita, ut extra causam temporis nulla ex his causis alia esset grauior. deinde summam aliquam patrono soluere sine designatione eius summæ, in qua solutum vellet. Quia hoc casu dicimus id, quod soluitur, in antiquiorem causam cedere, quæ sit uti operarum contractus ceteris esset antiquior, an ceteri hoc contractus. Quid enim, si proponas libertum ante ceteros contractus nihil operarum nomine debuisse patrono, sed tantum postea debere cœpisse; quia cum postea operæ indictæ essent eas non præstitisset? Et res definita est in *dict. leg. in liberto. eod.* his verbis; *in liberto antiquior contractus operarum esse non potest, sine quo libertus ei dat a non esset.* Si hæc ratio addita non esset, intellegereimus ex verbis prius hoc dici, in liberto contractum operarum non posse esse antiquiorem ceteris, quos libertus cum patrono constitutos ha-

bet; & ideo ceteros esse antiquiores. Nunc hæc ratio ostendit contrariam sententiam accipi debere: esse autem hanc; contractum vllum antiquiorem esse non posse operarum contractu, ut hic verbum *contractu* reperamus ex proximo, significeturq; cum nullus alius contractus liberti possit esse antiquior, restare, ut sit antiquior ceteris contractus operarum. Id autem dici sic ratio subiecta efficit, quod cum dicitur, sine contractu operarum futurum fuisse, ut nec libertas data esset, significatur hunc contractum iam à principio libertatis datæ cum patrono esse interpositum. quod & verum est. non enim debentur operæ patrono, nisi tempore manumissionis impositæ. *l. i. sup. de oper. lib. l. vlt. ff. de statul.* Quod si ita est, perspicuum est hoc colligi, quicumq; contractus post hanc manumissionem secuti sunt, esse posteriores operarum contractu. eoque & hunc contractum ceteris esse antiquiorem. Hoc & Accursius recte intelligens eodē modo locum accepit. nisi quod ante verbum *operarum* putat subaudiendum, *quam*, quasi ita scriptum esset; *in liberto antiquior contractus, quam operarum esse non potest.* Hoc quidem ad contextum orationis parum tolerabile, cum nusquam prius sit hoc, *quam*, vnde in reliqua oratione id repetatur, sed tamen ad sententiam idem efficit.

Sunt ¶ ergo hæc causæ ordine, in quas quod solutum est, ante alias acceptum ferri debeat. Quod tunc nullam dubitationem habet, cum nihil amplius solutum est, quam quod in vnam aliquam queat imputari. Quid fiet, si maior pecunia numerata sit, quam ratio singulorum exposcit? quod amplius est, reliquis causis suo cuiq; ordine tribuetur. quod his verbis expressit Papinianus in *d. l. cum ex pluribus, 97. eo.* nihilominus primo contractu, inquit, soluto, qui potior erit superfluum ordini secundo vel in totum, vel pro parte minuendo videbitur datum.

15 Quod ¶ si par dierum, & contractuum causa sit; dierum ut nulla causa alia alijs sit antiquior: contractuum, ut alij alijs non sint debitori onerosiores: hic Pomponij recepta definitio est, ex omnibus summis pro portione videri solutum. *l. illud. 8. ff. eo.* Recte ex omnibus, non x vna aliqua præter ceteras; cum omnes causæ pares sint. Recte pro portione, non æqualiter; ut in paribus causis tantum vni tribuatur, quantum alij pro portione, quod proportio arithmetica exigit.

Hæc ¶ dicta sunt de pluribus summis principalibus. ex quibus itidem diuersæ summæ debentur. In quibus de solutione vnus summæ hoc placere in summa animaduertimus, quod sine demonstratione debitoris creditorisue iniurio solutum est, in grauiorē debitori causam solutum videri. proinde in eam, quæ tolli debitori expedit. Diuersa causa est, ut proposui, cum agitur de sorte & vsuris, ex quibus sortis obligatio principalis est, vsurarum accessoria. Hic si quid solutum sit, quod ad vtramq; causam non sufficiat, neutro voluntatem suam experimere seruatur id, quod scriptum est in hac *l. i.* ut prius in vsuras id, quod soluitur; deinde in sortem accepto feratur. Ergo in eam causam, in quam accepto ferri creditori expedit, non debitori. Est enim, ut initio dixi, creditori vtilius ante acceptum ferri in vsuras, quam in sortem: contra debitori prius acceptum ferri in sortem, quam in vsuras. Nam sublata obligatione vsurarum præteritarum, nihilominus manet sortis obligatio integra creditori, & simul obligatio futurarum vsurarum. cum si fors prius soluatur, vna cum sorte etiam tollatur obligatio vsurarum accessoria. *l. eos. in prin. sup. de vsur.* quod creditori incommo- dum est; vtili debitori. Cur ergo non hic quoq; sequimur id, quod debitori vtilius cōmodiusq; est, uti & in pluribus causis principalibus? Quia in principalibus id fieri licet sine creditoris damno & iniuria: in sorte & vsuris non licet. Nam cum in principalibus causis, quod soluitur, acceptum fertur in causam debitori grauiorē pro commodo eius; quamcūq; eam causam esse placet, semper ea vna obligatio creditori tollitur, ceteræ vti quæ principales integræ ei manent. Est æquissimum; quod debitori prodest, & creditori non nocet, id debitori tribui, quod nec extraneo cuiuis in rebus alijs denegaretur. *leg. 2. §. quamquam. Digest. de aq. plu. arg.* Et hæc tunc verum est, quod Vlpianus in hac specie in *leg. 1. Digest. eodem.* æquissimum visum esse creditorem ita rem agere debitoris, ut suam ageret. nempe in his causis principalibus, in quibus id constituit solutum, quod debitori expedit; quia nihil propter ea ei in ceteris causis dedit. Id contra sit in sorte & vsuris, si creditori solutum cogatur prius acceptum ferri in sortem. Sic enim eueniet, quod iam dixi, ut vna cum sorte soluta tollatur etiam obligatio vsurarum; quæ tanquam accessoria sequitur obligationem principalem sortis. Hoc vero non sine damno & iniuria creditoris. Ideo recte placuit non esse admittendum.

Quod dicitur, in proposito id quod soluitur, prius in vsuras accepto ferri sic accipiendum est, si creditor ita constituat. Potest enim in vsuras acceptum ferre, si velit; potest & si velit, in sortem. Sed hoc posterius facere non cogitur. Totum enim hoc pro commo-
 17 do eius constitutum est. Quid tamen si creditor dum pecuniam accipit, ita cauerit debitori, ut diceret se in sortem & vsuras accipere? An prius in sortem acceptum ferre debet, deinde quod superest in vsuras, ut est ordo verborum superioris cautionis; an quia coniunctim dictum est, in sortem & vsuras, debet quod solutum est, simul sorti & vsuris decedere pro rata? Nam superior ratio utramque interpretationem recipit. Et placuit neutrum admittendum sed ius superius in hac quoque cautione seruandum, ut solutum prius acceptum feratur in vsuras; tum deinde si quid superfluit, in sortem cedat. hoc in *l. s. §. vlt. D. eo. At* enim in re dubia à verbis cautionis discedendum non est. *l. non aliter. Dig. de leg. 3. l. 1. §. licet. ver. in re igitur dubia. Digest. de exerc.* Quid autem aliud significatur superioribus, verbis, quam alterutrum eorum, quæ dixi? Immo illis verbis intelligi potest & istud tertium, ut quod solutum est, imputeretur prius in vsuras, tum si quid superest, in sortem. Nam & cum summa accipitur isto ordine, semper verum est accipi in sortem & vsuras, etsi verborum ordine ista conuertuntur. Esto, contineatur superioribus, verbis & hoc tertium. At certe semper constabit contineri etiam superiora. Cur ergo hoc tertium potius sumitur? Et huius obiectio occupandæ causæ ratio redditur in *l. 6. seq. Dig. eod. nec* enim, inquit Paulus, ordo scripturæ spectatur, sed potius ex iure sumitur id, quod agi videtur. Recte Paulus, significat enim, ut sunt superiores sententiæ, quas cautio proposita recipit, cautionem esse ambiguum. In ambigua oratione ex perpetuis præceptis iuris sequendum esse id, quod actum est. *l. vbi ff. de reb. dub. l. semper in stipulationibus. D. de reg. iur.* Id quod si in hac cautione quaeritur, recte id sumi ex constituto iure. Verum simile est enim contrahentes id, quod agunt, attemperare velle ad id, quod in more est, & iure publico, & id sequi, nisi quid appareat aliter eos sibi cauisse.

18 Vsuras tamen hic quas accipere debeamus, videndum est. Nam quædam per stipulationem ciuili ter deberi possunt: quædam pacto tantum naturaliter. De ijs quæ debentur ciuili ter, quas eadē debitor cogitur exsoluere, nulla dubitatio, quin aut ad nullas, aut ad eas superior constitutio maxime pertineat. Sed an pertineat etiam ad indebitas, quæ pacto naturaliter tantum debentur, ut possit creditor, quod solutum est, etiam in eas solutum pro arbitrio constituere; id vero est quod in hac parte dubitationem recipit. Nam & hæ vsuræ sunt, eadēque creditoribus debentur. Rursum iure ciuili ita indebitæ, ut ab iniusto exigi non possint. Et quod alia constitutione effectum est, placuit ad eas vsuras constitutionem superiorem non pertinere, nec licere creditori in eas quidquam retinere, quod non aperte in eas datum solutumque sit. *l. d. l. s. §. pen. illic quod generaliter. eo.* Plane si in eas quoque pignus datum erit, quemadmodum per retentionem pignoris vsuræ seruari possunt. *l. per retentionem. l. pignoris. sup. de vsur. ita* pignore distracto multo magis licere debet creditori pretium acceptum referre in eandem quantitatem, etsi natura tantum debeatur. *l. Paulus. 10. l. ff. eod.*

Nam quod manentibus adhuc pignoribus, tribuitur creditori ad pecuniam debitam seruandam; multo magis pignoribus pro commo-
 modo eius distractis illi tribui debet in ea pecunia, quæ inde redacta est. Quod tamen si seruari placuit, si vsuræ debeantur solum naturaliter, ut pacto. Quod si quædam earum ex stipulatione quædam ex pacto naturaliter debeantur; constitutum hic est, cum creditor pignore distracto pecuniam redigit, non posse eum, quod soluitur, in vsuras, id est, quod sic accipit, ut imputetur in vsuras, non posse, inquam, eum id retinere pro arbitrio in eas vsuras, quæ naturaliter debeantur, sed ad utramque causam vsurarum, tam debitam pertinere; & quidem æqualiter, etsi summa utrarumque non sit eadem. *l. d. l. s. §. penult. D. eod.* ut si proponas vsuras ciuili ter debitas esse ad quinquaginta, natura tantum debitas esse ad viginti, & viginti à debitore soluta, detrahentur de singulis vsuris decem ex æquo, non autem pro rata cuiusque vsuræ portione, *dicta leg. 5. §. penult.*

L. Liberari. 2.

Imp. Alexander. A. Bassæ.

Liberari fideiussores, quoties fiscus tam debitori, quam cre-

ditori (licet diuersis stationibus) succedit, ius certum est. Quod & in tua persona procuratores mei custodiant. P. P. Cal. iul. Lupo & Maximo Coss. 233.

S V M M A R I A.

- 1 Confusione fideiussores, etiam cum fiscus debitori simul & creditori succedit, licet non vna, sed diuersis rationibus.
- 2 Vna ratione aut diuersis fiscus succedere debitori & creditori quid sit.
- 3 Vtro modo ex his fiscus succedat, fideiussores liberari, & cur.
- 4 Diuersis rationibus hic legendum, ut vna, non diuersis stationibus: & cur hoc posterius conuenire non possit.
- 5 De confusione cur sub titulo de solutionibus.

Quoties tamen creditor debitori suo succedit, vel contra toties in confusione tollitur obligatio. *l. debitori sup. de pact.* Obligatio ne sublata hoc euenit, ut & fideiussores liberentur. *l. in omnib. speciebus. ff. eod.* Hoc ius in priuatis certum est. Idem in persona fisci, qui debitori simul & creditori successerit, seruandum esse hoc rescripto declaratur. Sed additur, quod nonnullam difficultatem habet; nempe euenire hic quoque, ut fisci fideiussores liberentur, licet debitori & creditori successerit fiscus, non vna ratione, sed diuersa. His verbis quid significetur, ambigitur.

Et tamen dicitur fiscus succedere ambobus vna ratione, cum succedit ex vna causa ambobus. Diuersi autem rationibus, tunc, cum ambobus succedit ex diuersis causis, ut hic ratio significet causam. Vtrumque autem coniungitur hoc modo. Fiscus ambobus succedit vna ratione, cum creditor priuatus prius heres institutus à debitore suo ei heres existit, vel tanquam proximus agnatus intestato successit, ac deinde creditore damnato ex publico crimine, bona eius ea damnatione ad fiscum perueniunt. Hoc modo primum fiscus creditori dånato succedere intelligitur. His n. fiscus successor est, quorum ille bona occupat. *l. cum tabula. in fin. ff. de his quib. ut ind. l. 2. inf. ad l. iul. de vi.* Post deinde idem fiscus per hunc creditorem heres fit etiam debitori, cui creditor prius heres existit. *l. 3. D. de per. her. l. vlt. sup. de her. inst.* Sic autem dicitur fiscus succedere utrique vna tantum ratione, quia succedit ex vna tantum causa, nempe ex vno delicto creditoris. Contra fiscus utrique succedit diuersis rationibus, cum primum damnato debitore fiscus eius bona ex ea damnatione occupat, deinde etiam damnatur creditor ex alio crimine. sic enim fit, ut ambobus succedat se paratim, & ex diuersis causis, id est, diuersis criminibus, & diuersis damnationibus.

Ergo tamen cum fiscus priore modo succedit utrique & creditori & debitori ex solius creditoris dånatione, pro confessio hic sumitur fideiussores liberatos fisco non teneri. Et recte. nam vno adhuc creditore suo liberati erant, cuius debitori successisset. Semel liberati non reuocantur amplius in obligationem, in perpetuum enim extincta obligatio non resuscitatur, *l. quæ res. ff. eodem.* Huc accedit, quod fiscus creditoris successor est. Quoties autem fiscus priuato succedit, toties iure priuati utitur pro anterioribus suæ successione debitis & creditis. *l. fisci. 6. ff. de iur. fisci.* At cum fiscus succedit utrique diuersis rationibus, puta debitori damnato primum, post deinde & creditori ex alio crimine, iusta dubitatio est, num fideiussores liberentur. Et vero non liberari quis dixerit. Cum enim primum fiscus succedit debitori, manet adhuc obligatio principalis, qua tenetur fiscus creditori, cui ob id & fideiussores adhuc obligantur. *l. supra. de fideiuss.* Ita cum postea idem fiscus creditori huic succedit, nepe ei succedit, cui fideiussores adhuc tenebantur: ut consentaneum videri possit, fiscum, qui in eius locum succedit, eodem iure vti posse aduersus fideiussores. Huc accedit priuilegium, & fauor fisci de quo *tot. tit. sup. de priuileg. fise. & dict. l. 6. D. de iur. fise.* Et ad minuendam hanc dubitationem hoc rescriptum relatum est; quo declaratur etiam hoc casu, cum fiscus succedit creditori cui fideiussores tenebantur, nihilominus fideiussores liberari, si prius idem fiscus debitori successisset, quamuis separatim & diuersa ratione. Hoc ideo; quia hic quoque confunditur obligatio non minus, quam priore casu. Nihil ad rem pertinet priuilegium, & fauor fisci. Vtrumque enim in fisco seruatur, quoad potest. Nunc autem natura non patitur, ut idem creditor sit & debitor. Eademque natura efficit, ut principali obligatione sublata, non sit accessionibus locus. *l. cum principalis. D. de regul. iur. l. in omnibus speciebus. D. de sol. Fideiussores* porro accessio sunt principalis obligationis, *§. fideiussores. Inst. de fideiuss.*

Accurrius tamen legit, diuersis stationibus, quam lectionem etiam quidam retinendam putant, interpretanturque stationes, officinas, leu

seu tabernae & mensas varias fisci; ut sit sensus, aliquem accepisse pecuniam ex vna taberna à fisco, eundem in alia taberna pecuniam fisco credidisse, & ita eundem esse debitorem & creditorem fisci ex diuersis stationibus, id est, officinis & tabernis. Quod nullo modo huic loco conuenire potest. Primum sententiæ orationibus aduersatur. Hæc enim oratio, licet diuersis siue stationibus siue rationibus, quocumque modo ex his legamus aduersatiua est, posita augendæ dubitationis causa; quam tamen remouet. At si legimus, diuersis stationibus, ut efficiatur ea sententia, quam dixi nullam habere, ea ratio probabilem causam dubitationis, cur fideiussores tunc non liberentur, cum fiscus idem creditor & debitor suo succedit, sitque idem debitor & creditor. Immo vero tantum abest, ut faciat ad augendam dubitationem, ut magis dubitationem tollat. Nam hoc modo bis confunditur obligatio in persona fisci. Tum autem verbis conuenit et non potest vlllo modo. Ex hac enim interpretatione fingitur fiscus esse debitor primus, & creditor. Nunc autem hic agitur de fisco, qui tam debitori, quam creditori subest. Deinde ex hac interpretatione verba hæc, licet diuersis stationibus, necesse erit referri ad verba, debitoris & creditoris, ut intelligamus eum, qui sit debitor & creditor ex diuersis stationibus, quod contextus non patitur: in quo illa adiectio non potest referri, nisi ad verbum, succedit, quod solum est in vniuersa facti propositione. Est enim adiectio motus eiusque progressum à causis obligationis indicans. Motus autem tantum cadit in nomen, quod neque actionem, neque passionem significat. Vnde necesse erit hunc sensum esse, ut dicatur fiscus succedere debitori, & creditori ex diuersis officinis, quod apparet non tantum falso, sed etiam ineptissime dici. Ut enim debitor ex vna officina debere cæperit, creditor ex alia officina crediderit fisco, non potest tamen fiscus his succedens dici succedere ex his officinis, succedit enim ex crimine & damnatione, non ex loco, aut causis contractuum præcedentium. Non omnino autem abs re est, quod hic locus de confusione in hunc titulum relatus est. Nam confusio interdum pro solutione est, l. Stichum. §. additio. ff. eo.

L. Si cum 3. L. Nihil. 4.

L. Cum maritum, II. L. Inuito. 12.

Imp. Gordianus A. Apollonio.

Si cum seruus liberam peculii administrationem haberet, mutuam ab eo accepisti pecuniam, eiusque ante ademtum peculium, vel priusquam ademtum cognoscens eam exsoluisti: ea solutione liberatus es. PP. S. Cal. Octob. Pio & Pontiano. Coss. 293.

S Y M M A R I A.

- 1 Creditori maiori & sanae mentis recte solui.
- 2 Alii, quam creditori recte solui voluntate creditoris.
- 3 Voluntate creditoris solui, siue mandat, siue ratum habeat.
- 4 Procuratori recte solui.
- 5 Seruo, qui peculium habet, recte solui, quando.
- 6 Mandato reuocato non recte solui procuratori: & peculio adempto non recte solui seruo, si debitor hac facta sciat: diuersum, si ignoret.
- 7 Minoribus quomodo recte soluiatur.

His rescriptis quatuor exponitur ille locus, cui recte soluitur ad liberationem debitoris. De eo ita statuendum. Alia in eo causa est creditoris minoris & eius, qui auxilio tutoris, aut curatoris regitur, alia maioris viginti quinque annis, qui curatorem non habet. Creditor ipsi, dum maiori & sanae mentis, citra controuersiam recte soluitur. l. 4. in pr. l. inuito. in fin. hic. Est enim is, cui debetur, id est, is, cui ex obligatione præstandum est: ut dum ei soluitur, plane eo modo satisfiat obligationi. Vnde & liberationem existere necesse est.

2 Contraria tamen de causa alij frustra soluitur inuito, aut ignorante creditore. d. l. inuito. in pr. Quippe hoc modo non fit, quod debuit ex obligatione. Sed hoc, inquam, ita, si inuito, aut ignorante creditore soluitur. Voluntate eius, qui alij soluit, non minus liberatur, quam si ipsi creditori soluisset. d. l. leg. inuito. d. l. 4. hic. Voluntate tamen creditoris alij solui intelligitur, siue mandat creditor debitori, ut alij soluat; siue cum ignorante eo solutum esset postea ratum habeat. d. l. leg. inuito. Idem est et si debitori creditor nihil

mandauerit; sed mandauit alij, ut pecuniam à debitor acciperet. leg. 3. hic. De mandante creditore nulla dubitatio est. De eo, qui ratam habet, desit dubitari, postquam obrinuit ratihabitionem mandato comparari. l. vero. in fi. D. eodem. Quod autem diximus idem esse, et si creditor non debitori, sed alij mandauit, ut pecuniam vel exigeret, vel oblatam acciperet; declaratur ea re maxime, quod et si tacitum mandatum creditoris interuenerit de pecunia exigenda, recipienda; tamen ei, cui ita mandatum sit, placet recte solui. Argumento sunt procurator vniuersorum bonorum, & seruus, cui dominus liberam peculij administrationem dedit. Vero tamen procuratori recte solui placet, non tantum si ei mandatum est specialiter, ut pecuniam exigeret, vel acciperet oblatam: sed etiam si ei omnium negotiorum administratio mandata sit. l. vero. n. pr. ff. eo. Nepe quia administrationis verbo tacite etiam exactio huius pecuniæ concessa est. t. Hac de causa & ei seruo recte soluitur, qui liberam peculij administrationem habet, si ei soluitur, priusquam debitor ademtum ei peculium cognosceret, ut est in l. hu. Imo adeo si seruo dominus peculium habere permisit, hoc ipso & eum peculiare nummos recte mutuo dare, & cum dederit recte ei solui placuit. l. 2. §. vlt. D. si cer. pet. l. si seruus. l. quod seruus. D. eod. Non alia de causa, quam quod peculium est, quod seruus habet permissu domini separatum à rationibus dominicis. l. quum Taberoni. D. de pec. Hoc autem permittere, est permittere, ut id omne seruus habeat tanquam proprium patrimonium: sic enim peculium definitur, quasi pusillum patrimonium seruorum filiorumque; familias. §. actiones autem, Inst. de act. Hactenus ergo seruo saltem hoc concessum, ut peculium tanquam patrimonium suum exercere, si non per omnia ut dominus, at saltem ut tanquam bonus paterfamilias possit peculiare nummos recte collocare, & cum debere cæperit, recte accipere ne nummi apud eum vacent, ut scripsi ad l. 2. vlt. si cer. pet. Quid est igitur, quod hic in l. 3. adijcitur, liberari debitorem, si pecuniam mutuam à seruo, qui liberam peculij administrationem habet, acceperit, ei; ante ademtum peculium, vel priusquam ademtum cognosceret, eam soluerit? Non sane; quia pecunia à seruo, qui peculium habet, mutuo dari non possit, aut ab eo data non possit ei solui, nisi liberam peculij administrationem habeat; sed ut significetur, quamuis libera ista administratio ei concessa sit; tamen ne sic quidem ei recte solui, si soluitur post ademtum peculium. quod debitor ademtum non ignoraret, atque hoc modo declaratur, quod seruo recte soluitur, totum id neque ex peculij iure, neque ex liberæ administrationis concessione, sed ex voluntate domini eiusdemque creditoris pendere.

Mandante tamen & volente creditore pecunia alicui solui intelligitur, si mandatum & voluntas perseveret. Ceterum mandatum reuocatum, mandatum esse definit. Quo fit, ut reuocato mandato si debitor, quamuis illi ipsi, cui prius mandatum erat, soluat, non liberetur. si tamen sciat reuocatum mandatum. Si ignoret, utilitatis causa receptum est, ut nihilominus liberetur. l. vero. D. eo. §. recte. Inst. de mand. Inde & peculio finito, & libera peculij administratione reuocata, potestatem seruo soluendi finiri placet, d. l. 3. hic. Sed hic monendi sumus tunc solum creditorem posse voluntatem suam de pecunia alij soluenda reuocare, cum potestas alij soluendi ex stipulatione, aut conventionione debitori tributa non est.

Diuersum est, si debitor ab initio in te contrahenda hanc potestatem acceperit voluntate creditoris, ut puta, promissit quis centum tibi, aut Titio. Huic Titio recte soluetur quodcumque volet, etiam inuito & prohibente creditore; quia stipulatio ab initio certam conditionem accepit, quam debitori inuito creditor auferre non potest. d. l. vero. D. eodem.

Hæc de maioribus creditoribus dicta sunt. In minoribus autem contra euenit, ut his solui non possit sine tutorum, aut curatorum auctoritate. l. cum maritum. hic. §. at ex contrario. Inst. quib. al. lic. vel nom. l. pupillo. D. eod. Ex horum autem auctoritate minoribus recte soluitur, d. §. at ex contrario. Quinimo & tutoribus & curatoribus, l. quod si forte. §. i. Dig. eo, quia scilicet tutores & curatores dominorum loco sunt, cum tutelam administrant. l. tutor, qui tutelam. D. de admn. tut. Sed quam non sit tuta hæc liberatio in omnibus causis, & quid ad plenam cautionem debitoris in ea solutione requiratur, alibi admonemur, per eundem ex constitutione Iustiniani, quæ de hac rescripta est, l. sancimus. C. de adm. tut. & refertur in d. §. at ex contrario.

* * *

L. Nulla. 5.

Idem A. Celso.

Nulla tibi aduersus creditorem alienum actio superest, eo, quod ei debitam quantitatem offerens, ius obligationis in te transferri desideras; cum ab eo tenomen comparasse non suggeras: licet solutione ab alio facta nomine debitoris, euanescere soleat obligatio. PP. 5. Kalend. Nouemb. Pio & Pontiano Coss. 239.

S V M M A R I A.

- 1 Extraneum solutionem offerentem frustra petere ab inuito creditore, vt sibi cedat actiones aduersus debitorem, & hoc quam recte.
- 2 Soluendo quemq; pro debitore eum inuitum & ignorantem liberare: & quam recte hic liberatio inuito acquiratur.
- 3 Soluere quemq; posse non solum pro debitore inuito, sed etiam inuito creditori; vt nisi pecuniam accipiat, liceat oblatam resignare, & ea obligatione debitorem liberare.

Quia ita ius erat, vt liceret vnicuique pro debitore soluere, de quo paulo post: querebatur, an extraneus, qui pro debitore soluere paratus esset, posset etiam iure petere à creditore, vt sibi crederet aduersus debitorem actiones suas; quasi hoc priori illi iuri consequens foret. Mouet exemplam fideiussoris; qui cum pro debitore soluit, potest & considerate à debitore, vt sibi cedat actiones aduersus debitorem, itemque actiones hypothecarias. l. 2. l. cum alter. l. mandari. sup. de fideiuss. l. Modestinus. D. eod. Hoc accedit, quod ea res soluenti prodest, creditor nihil nocet, vt videatur non iniquum id à creditore petere, argum. in l. 2. §. quamquam. D. de aq. & aq. plu. arc.

- 1 Rescriptum est hoc loco, frustra extraneum id ab inuito creditore petere, quamuis solutionem pro debitore offerat: hac ratione, quod nulla ei ad eam rem superest actio. Compositum pro simplici positum. Nulla superest actio, pro nulla est actio. Nam nec ante vlla tibi soluturo competeat. Nihil ad rem pertinet exemplum fideiussoris. Nam hic soluit creditori suo, non alieno, & de alieno hic agitur. Mandator, itemque fideiussor aduersus creditorem actionem habere possunt. d. leg. Modestinus. Atque vt nullam actionem habent: tamen exceptionem habent, qua se aduersus creditorem tueatur, nisi paratus sit actiones cedere, vt docuimus ad l. 2. sup. de fideiuss. Nihil horum est in soluturo extraneo, qui creditori alieno soluit. Nā nulla potest exceptio ei esse aduersus creditorem, qui nihil petit. tot. tit. de excep. Nullam ei actionem esse constat; quia cum alieno creditore non contraxit. Et quod dicitur hanc cessionem non nocere creditori, vere dicitur. Sed & illud verum est, eam solutori nihil prodesse; quia is soluere non cogitur, & melius est, eum ab initio non soluere, quam pecunia soluta ad eam repetendam remedium querere.
- 2 Quod reliquum est, statuitur hoc loco ad extremum generalis sententia illa, vnde superiore quaestio nascebatur, solutione ab alio facta nomine debitoris, euanescere obligationem. Quod sic interpretandum est, vt liceat cuius extraneo pro debito soluere non solum ita, vt ea solutione debitorem volentem liberet, sed etiam vt liberet ignorantem & inuitum. l. solutione. l. si pro me. l. solutio. D. eo. Inst. quib. mo. rol. ob. in pr. Ne quem moueant ea, quæ cōtra disseri solent. Pro inuito creditore pecuniam alij exigere non licet, vt debitor eo facto liberetur. l. inuito. infr. Cur igitur magis pro inuito debitore liceat soluere? In promptu ratio est, quæ compluribus locis est tradita. Pro creditore quis exigens creditori nocet, si debitorem liberat. At pro inuito si soluit, debitori prodest simul & creditori. Est autem secundum naturam & omnis iuris regulam, licere vnicuique alterius conditionem meliorem facere, non licere autem facere deteriorem, hoc in l. soluendo D. de neg. gest. & l. soluere. D. eod. Est præterea regula iuris, Inuito beneficium non dari, seu non acquiri, l. inuito. D. de reg. iur. l. hoc iure. §. non potest. D. de don. An non igitur eadem opera negatur inuito acquiri liberationem, in qua est beneficium? Non negatur. Illud enim, inuito beneficium non adquiri, sic accipiendum est, vt inuito principaliter & recta nunquam adquiratur, per consequentiam autem quominus possit acquiri, nihil prohibet, si prius acquisitio in re aliqua, aut in aliqua persona constiterit, ex qua re, aut persona necessario beneficium ad nos deriuetur, vt in specie proposita accidit. Nam cum extraneus soluit creditori, quod debetur, facit, vt nō sit res amplius, quæ debeatur. Re debita sublata, consistit in ea

re obligationis solutio. Nam sine re, quæ debetur, nulla obligatio esse potest. Vnde etiam debitores omnes interitu rei debita liberantur leg. si ex legati. D. de verb. obl. Porro obligatione rei quouis modo sublata, necessaria consequentia efficitur, vt debitor, qui prius fuerat, liberetur, qui sine obligatione teneri non potuit. Idem dicendum est de personis aliis, in quibus prius acquisitio constitit, à quibus deinde ad nos necessaria consequentia iuris ea acquisitio transfertur, vt, cum ij, qui sunt in potestate nostra, aut aliquid acquirunt, aut in re aliqua liberantur. Quia enim acquisitio primū in eorum persona consistit, & iuris ratio facit, vt quidquid per eos acquiratur, statim nobis acquiratur. l. placet. D. de acq. her. §. ita nobis. Inst. per quas pers. nob. acq. fit hic quoque per consequentiam, vt beneficium ad nos transeat, quod prius in aliis constitit, quam in nobis. Huc pertinet l. feruus vetante. D. de verb. obl.

Non tantum autem cuius extraneo licet soluere pro inuito debitore, sed etiam licet soluere inuito creditori, tamen hoc loco nihil aliud dicitur, quam solutione facta, id est, à creditore admissa, debitorem liberari: vt scilicet quemadmodum debitor ipse, si pecuniam offerat creditori, & illo reculante pecuniam obligatam solemniter deponat, se omni obligatione liberat. l. ob signatione. infr. ita & quiuis, qui creditori nihil debeat, eadem ob signatione debitori idem præstet. l. Paulus. §. 1. D. quib. mo. pign. vel hy. sol. l. 1. sup. qui pot. in pign. hab. Merito, nihil enim interest ad liberationem debitoris, vtum ipse soluat, an vero alius pro eo. Inst. quib. mod. sol. obl. in princ.

L. Si inter. 6.

Idem A. Alexandro.

Si inter patrem tuum, eosque quos debitores esse dicebas, non de dubia lise transactio facta est, sed parte tantummodo recuperata, vniuersum se recepisse cauit, nec de superfluo eos, quos verbis obligauit, per acceptilationem liberauit, nec donationis causa id factum est, exsuperantis debiti integra ei repetitio competit. PP. Idus Febr. Gordiano A. & Aniola Coss. 240.

S V M M A R I V M.

- 1 Falsa confessio debiti accepti quatenus non noceat creditori.

Falsa confessio & professio omnis, vt substantiam rei non mutat, ita veritati non nocet. l. Imperatores, D. de prob. l. non nudū. sup. de prob. l. 2. sup. de non num. pec. Proinde si quis in instrumento confessus sit, se pecuniam à debitore accepisse, quam non accepit, non nocebit confessio creditori, quo minus illi integra maneat actio; nisi de eo, quod non accepit, debitorem liberari, aut per acceptilationem, aut pacto trans. ctionis, donationisve causa interposito, vt hic traditur, & l. interest. l. si literarum. infr. eod. Sed diligenter animaduertendum est, his rescriptis hoc solum constanter dici, post hanc confessionem integram actionem manere. Non dicitur simpliciter, hanc confessionem non nocere creditori, & recte. Reuera enim nocet in re dubia, in qua oportet vnumquemque confessioni suæ stare, quamdiu nihil contra probetur. leg. generaliter. sup. de non num. pec. l. cum de indebit. o. in fin. D. de prob.

Sed si creditor, qui confessus est, paratus sit probare, se confessum esse accepisse, quod non accepisset, veritati, vt dixi, locus supererit, & recte debitum repeti, vt hic dicitur. Id autem ita probare potest confessus, si doceat, se esse in se ipsum esse deceptum errore falsæ causæ præteritæ, aut futuræ, quæ secuta non est. Præteritæ, vt si sibi persuaserit eam pecuniam, de qua confitebatur, recte solutam esse, cum debitor diceret, se eam soluisse eius instituti, aut procuratori, aut filio peregre agenti. Errore falsæ causæ futuræ, si quis spe futuræ numerationis confessus sit in præsentia se accepisse. d. l. interest. & l. si literarum. infr. eod.

L. Eius. 7.

Imp. Philippus A. & Philippus C. Antiocho.

Eius quantitatem, cuius per tionem ratio compensationis excludit, & suras non possit repoi in ipsum est. PP. V. Kal. Aug. Perchrimo & Acryliano Coss. 245.

Cccc

S V M -

S Y M M A R I V M.

1 *Compensationem pro solutione esse, eandemq; vim habere.*

Compensatio pro solutione est. *l. si constat. sup. de comp.* Proinde & eisdem habet effectus: inter quos est liberatio usufructuum. Ut pecunia soluta, aut creditore non accipiente ob signata & deposita, debitor periculo omnium usufructuum & aliarum rerum liberatur. *l. acceptam. sup. de vsur.* ita admissa compensatione, cuius ratio ipso iure habetur, non ex eo tempore, quo debitor iudicio conueniri coepit, & exceptione compensationis usus est, liberatur, sed ex quo à debitore & creditore eadem summa utriusque deberi coepit, quod eleganter comprehensum est in *d. l. si constat. & l. seq. sup. de compens.* idem hoc loco.

L. *Vsuras. 8.*

Idem A. & C. Rufino.

Vsuras, quae quotannis in vrbe numeranda sunt, promittere alio loco dependi, nisi ex iusta causa, exempli ratio minime finit. PP. V. Idus Maij. Philippo A. & Titiano Coss. 246.

S Y M M A R I A.

- 1 Permittere, & dependi hic legendum, & loci sententiam eandem esse, quae expressa est in *l. pen. D. de eo quod cer. loco.*
- 2 Exempli rationem non finire hoc loco, quid sit.
- 3 Certo loco promissum alio loco etiam inuito creditore solui posse ex causa: & qua hic causa.

LECTIO huius loci variat, à qua quoniam pendet sententia huius rescripti, ideo initio nobis animaduertenda est. In quibusdam exemplaribus legitur, *promittere alio loco*: in alijs, *permitttere alio loco*, quam varietatem Accursius agnouit, & cum eo vulgo interpretes utramque lectionem retinent, parum intelligenter.

1 Aperte t enim legendum est, *permitttere*, non, *promitttere*. Nam quod certo loco dari promissum est, licet debitori alio quouis loco promittere; quoniam non promittit nisi volenti, non enim perficitur stipulatio, nisi ex duorum consensu. *l. inter. §. i. l. cōtinuus. §. D. de verb. obl.* Licet autem cuius citra cōtrouersiam volenti alio loco promittere, quemadmodum & volenti soluere licet. *arg. l. pen. D. de eo, quod cer. loc.* Permittere autem alio loco solui, quam quo loco ex stipulatione dari debuit, hoc est, quod iuris ratio non finit; idem, quod hoc rescripto permitti prohibetur. Itaque rescripti ea sententia est, quae expressa est in *l. pen. D. de eo, quod cer. loc.* id, quod quis certo loco promissit, alio loco inuito creditore solui non posse. Quo eodem ex loco intelligimus, in hoc rescripto non *deserri* legendum esse, sed *dependi*, ut est in veterib. exemplaribus. Dependere praestare est, & soluere. *l. §. i. D. de vsur.* Adicitur hoc loco causa, cur id non permittatur.

2 Ratio t exempli, aiunt Imperatores, id non finit, id est, quia id, nempe permitttere alio loco solui pecuniā, si non per se iniquum est, ac iniquum est propter exemplum, & ut alibi dicitur, exemplum perniciosum est. *l. exemplo. sup. de prob.* Id hanc sententiam habet: fieri potest, ut in ea causa, quae nunc proponitur, debitor sic alio loco pecuniam offerat creditori suo, ut reuera nullum sit incommodum creditori eo loco accipere, eoque in ea causa non sit iniquum per se eum cogere. Sed si in hac causa admiserimus, in omnibus alijs causis & debitoribus admittendum erit propter exemplum; iura enim non in singulas personas, sed generaliter constituuntur. *l. iura. D. de leg.* Hoc autem exemplum admittere, iniuriosum, & ut supra diximus, perniciosum, id est, tale, quod alijs in re pari perniciem publice adferat, multis enim modis accidere potest, ut non expediat creditori pecuniam accipere.

3 Adicitur t hoc rescripto exceptio, nisi ex causa iusta, quam exceptionem intelligimus adiciendam esse. *d. l. pen. D. de eo quod cer. loc.* Duplex autem iusta causa est, cur alio loco pecunia offerri possit: vel quod solui pecunia constituto loco non possit, puta sublato loco chasmate, aut occupato à mari, vel ab hostibus, aut itineribus vi externa interclusis. Vel quod alio loco soluere euidenter expediat & creditori & debitori. Veluti, si creditor eo loco pecuniam debeat alij, quam & necesse habeat soluere, debitor autem eam pecuniam offerat pro creditore, vbi is aliam non habeat. Hic manifestum est, si creditor hanc solutionem recuset,

non ob aliam causam recusare, quam ut molestiam exhibeat debitori suo nullum aliud commodum inde laturus, malitiis non est indulgendum. *l. in fundo. D. de rei vmd. l. si cui simplici. D. de seruit. de quo plura scripsi ad d. l. pen. D. de eo, quod cer. loco.*

L. *Ob signatione. 9.*

Imp. Dioclet. & Maximianus AA. Cassio.

Ob signatione totius debita pecunia solemniter facta, liberationem contingere manifestum est. Sed ita demum oblatio debiti liberationem parit, si eo loco, quo debetur, solutio fuerit celebrata. PP. V. Id. Maij. Maximo 2. & Aquilino Coss. 286.

S Y M M A R I A.

- 1 Ob signatione pecunia debitorem liberari: & quali.
- 2 Ob signatio solemnis, qua.
- 3 Oblatio pecuniae ad ob signationem solemnem, qualis esse debeat.
- 4 Testatio in oblatione quid, & cur adhibenda.
- 5 Ob signare quid.
- 6 Ob signationis finis.
- 7 Depositio pecuniae ad solemnem ob signationem qualis, & cur requiratur.
- 8 Totam pecuniam offerri debere: partem oblatam iuste creditorem recusare, siue debitor totum se debere fateatur, siue partem tantum.
- 9 Opportunus locus dandi & offerendi quis.
- 10 Opportunum soluendi & offerendi tempus.
- 11 Ob signationis effectus ad liberationem.
- 12 Debitorem, si pecuniam ob signatam ad se receperit, incipere vtili actione ex veteri causa teneri.
- 13 L. debitor. D. de vsuris. explicatur.
- 14 Oblatio sola neminem à principio liberari vel per exceptionem, nisi ex causa publicorum pensationum.
- 15 Oblationis effectus quatuor.
- 16 Oblata pecunia amissa sine culpa debitoris liberari debitorem, in stricto iudicio per exceptionem, in bona fidei ipso iure, cur, & quid intersit.
- 17 Pecunia ad solutionem destinata amissa non liberari debitorem, nisi prius pecunia oblata: specie debita amissa sine culpa debitoris continuo nasci liberationem, & differentia ratio.

Ob signatione pecuniae t debitor liberatur; sed iis conditionibus, quae hoc rescripto praestituuntur; si solemniter ob signatio fiat; & si iusta sit oblatio. Solemnis t ob signatio est, in qua haec tria ordine concurrunt, oblatio pecuniae debita; ob signatio oblatæ, & oblatæ in locum publicum depositio, quae comprehensa sunt maxime in *l. acceptam. sup. de vsur.* sed & alijs locis similibus prope innumeris, ut *l. si creditrici. eo. tit. l. creditor. sup. de pign. l. vlt. sup. deb. vend. pig. imp. non pos. l. vlt. sup. de luit. pig. l. tutor pro pupillo. in fin. D. de adm. tut.*

Oblatio t id continet, ut pecunia offeratur creditori. Hac oblatione non praecedente nihil prodest debitori ad solutionem, pecuniam ob signatam apud se habere. *l. 2. sup. de vsur.* In t oblatione pecuniae ius exigit testationem, siue contestationem. *d. l. acceptam. sup. de vsur.* Id significat, pecuniam offerri debere testibus praesentibus, ut explicatur in *l. si creditrici. sup. de vsur.* Vfus testationis hic est, ut si neget creditor pecuniam totam sibi offerri, aut neget esse probam, debitor, utrumque possit ostendere testibus praesentibus. Item si creditor recuset omnem numerationem, testari possunt testes, pecuniam illi recte oblatam, ipsum autem reculasse accipere. Oblationem sequi debet ob signatio. Hoc autem continet, ut creditore oblatam pecuniā reculante debitor ob signet. *d. l. si creditrici. & l. acceptam.* Ob tulisse non est satis, nisi ob signetur. *l. tutor pro pupillo. in fin. D. de adm. tut.* Ob signare t pecuniam est in sacculum, aut aliam materiam immixtam includere, & sacculo ita sigillum imponere, ut nisi amoto sigillo sacculus aperiri non possit. *l. §. si pecunia. D. de pos.*

Ob signationis t finis hic est, partim ut debitoris existimationi consulatur, partim ut creditoris vtilitati. Nam si pecunia à creditore recipietur manente sigillo, intelligitur ex eo, debitorem rem ab initio bona fide gessisse, dum apparebit, congruere summam, quam ille dixit, cum postea in sacculum nihil adiectum sit, ut integrum sigillum declarat. Quod si sacculus resignatus erit, quod

quod ex signo amoto facile apparebit, causa erit creditori, cur aduersus depositarium agat, & quo probet, sacculum dolo resignatum esse. Ne tamen hoc quidem satis, pecuniam obfignasse, nisi debitor obfignatam deponat in tuto loco, ut est in *d. tutor pro pupillo. in fin. D. de adm. tur.* Tutus autem locus is habetur; qui est publicus, ut hoc explicatur in *d. acceptam. sup. de vsur.* Sed ne quemuis publicum hic tutum & idoneum putemus, adiicitur ibidem, in hoc casu publicum intelligi oportere vel ædem sacrã, ut olim, cum pecuniã apud ædituos deponerentur, vel ut nunc & olim, cum locum, ubi competens iudex super ea re aditus deponi constituerit. Hanc depositionem perspicuum est, creditoris causa exigi, ne pecunia in medio relicta ab obuiis quibusque auferatur. Sed & debitoris: ut scilicet cum superiora tria præcesserint, si pecunia postea pereat, habeat creditor, quod de se solum queratur, nõ de debitore. Sciendum est tria ista exigi, cum creditor præsens est, cui pecunia offerri possit. Quod si creditor aberit, magistratus interpellandus est. *l. si creditor. sup. de vsur.* Nempe ut eo præfente pecunia offeratur, deinde obfignata eius auctoritate deponatur. tum id pro iusta oblatione cedet.

Non est satis obfignationem solemniter fieri, oblatione præterea iustam esse oportet, ut nulla sit creditori recusandi causa. Ut oblatio iusta sit, in eo tres sunt conditiones, quas sigillatim exsequar. Prima est, ut tota pecunia debita offeratur, ut hic constitutum est, & *d. acceptam. sup. de vsur.* ubi hoc amplius additur, pecuniam cum vsuris offerendam esse. Idem in *l. ult. sup. deb. vend. pig. imp.* Hinc intelligimus esse verissimum, quod communi sententia interpretum constituitur, solutionem partium iuste creditorem recusare. Et hic locus diligenter in eam sententiam notandus est aduersus cauillationes Alciati, qui in omnibus locis, in quibus legitur, particulatim pecuniam creditori offerri non licere, ait ideo fieri, quia in illis de conditione implenda agitur: conditio autem pro parte impleri non potest. *l. cui fundus. D. de cond. & dem.* Et si hoc nonnullam probabilitatis speciem habet in aliis locis; tamen cauillatio hoc vno loco aperte retunditur, ubi de pecunia principali debita agitur, & nihilominus exigitur; ut obfignetur tota. Adeoque verum est, non cogi creditorem per partes accipere, ut putem, ne tunc quidem cogendum esse partem accipere, cum debitor partem tantum fatetur, & partem negat. Nam si creditori ab initio ius constitutum est partem oblatam recusandi, hoc ius vlla confessione, aut negatione debitoris illi extorqueri non potest. *arg. in l. vltim. D. de pact. l. habere. in fin. D. de euict.* nec ad rem pertinet *l. quidam. D. si cert. per.* cuius argumento vulgo in contrariam sententiam vruntur. Nam quod illic dicitur, cum debitor fatetur, partem se debere, creditorem cogendum esse partem accipere, non absolute dicitur, sed cum conditione, si creditor, id quod petit, velit consequi. Prius enim responsum erat, creditorem eam partem, quam debitor fatetur, in iudicio consequi non posse. Vnde subici intelligendum est, si quidem eam consequi velit, cogi eum accipere extra iudicium. Sed hac conditione, inquam, si velit partem oblatam consequi. Quod si eam oblatam accipere neque in iudicio, neque extra iudicium volet, ita accipere vtiq; non cogitur. Optima ratio, quæ & vulgo redditur; quia non est cogendus creditor eam solutione accipere, ex qua aliquod damnum metuat. *l. debitorem. 99. D. de eo.* Partium autem solutio non minima incommoda habet. *l. 3. D. fam. hercis.* Sed de hac quaestione scripsi pluribus & ex professo ad *d. quidam.*

Alteram conditionem est, ut pecunia idoneo loco offeratur; quæ hic traditur, & *l. qui Roma. in pr. D. de ver. obl.* Proinde quod non offertur oportuno loco, iuste à creditore recusatur. Quod sine loci adiectione dari promissum est, si quidem species certa, ibi recte offertur, ubi est: nisi inde, ubi erat tempore contractus obligationis, alio translata sit à debitore dolo malo. Si genus, puta decem, ibi dari debet, ubi & recte petitur. Exstat hæc distinctio in *l. quod legatur. D. de iud. de re legata* quidẽ, quæ ut debita petitur: sed quæ ob eam causam ad res alias debitas transferenda est. Duobus autem locis pecunia debita peti potest; vel ubi reus domicilium habet, vel ubi obligatio contracta est. Quare & totidem locis agentia dari debet; totidem & recte offertur: alibi oblatam recte creditor recusabit. Sane in pecunia muro data, quoniam agit, ut reddatur sine incommodo creditoris, *l. 3. D. si cert. per. l. creditor. 99. D. de sol.* id quoque agi videretur, ut reddatur ibi, ubi accepta est; quia sine incommodo creditoris aliter non fit. Ideo placuit desiderante creditore etiam ibi pecuniam reddi debere, quamuis alibi de pecunia actum sit. & reus ibi cõde natus. *l. argentarium. §. 1. D. de iudic.* Vnde intelligimus nec inuito creditore eam pecu-

niam alibi solui, aut recte offerri posse. Quod si quid aperte certo loco dari promissum est, id demum certo constat alio loco dari, aut offerri non posse, utpote aperte non opportuno. *l. vsuras. supr. eo. l. pen. D. de eo. quod cer. loc.*

Tertia conditionem est superiori proxima, ut offeratur pecunia oportuno tempore. *l. si soluitur. D. eod.* Opportunum soluendi tempus debitoris regulariter, est omne tempus, si quid pure, aut in diem debeat. Nam & quod in diem debeat, ante diem recte solui potest. *l. quod certa. D. eo. l. eum, qui Calendis. §. vlt. D. de verb. obl.* Sed hoc regulariter, in quã, ut proposui, nõ enim est perpetuum. Tunc ante diem pecunia inuito offerri non potest, cum apparet diem creditoris causa adiectionem esse. *l. 3. §. pen. D. de vsur.* Sed & in iis; quæ præfenti die debentur, dici potest non esse idoneum soluendi tempus, si quis offerat ei, qui uxorem ducit, eiuẽ, quæ nubit, aut ei, qui funus familiare ducit; quoniam in his occupationes sunt iustissimæ & ad officium cuiusque pro modo necessarium pertinentes. *arg. in l. 2. in fin. & l. 3. D. de in ius voc.* Hæc strictim, ac velut obiter de hac parte, quam ideo non persequor hoc loco pluribus, quia à me copiose tractata est alibi ad *l. eum, qui Calendis. §. vltim. de verb. obl.* vnde licet petere certiorẽ eius cum cognitionem, tum confirmationem. His in oblatione tamen & obfignatione pecuniæ constitutis, vis hæc est obfignationis, ut debitor liberetur, ut hic scriptum est. Hoc modo debitorem liberari cum dicimus, intelligimus id, quod verbum significat liberari ipso iure, ac non per exceptionem tantum. Id autem magis intelligitur ex eo, quod dicitur debitor post obfignationem solemnẽ omni actione etiam vtili liberari. *l. acceptam. in fin. sup. de vsur. l. 1. §. si pecunia. in fin. D. de pos.* Hinc huius obfignationis eadem effecta, quæ & ceterarum liberationum. In quibus hæc sunt: periculi omnis amotio, interpellatio vsurarum, & accessionum liberatio, comprehensa & ipsa simul omnia in *d. acceptam. sup. de vsur.* Et hoc est, obfignata & deposita rite pecunia, debitor omni periculo amissa postea pecuniæ deinceps liberatur, ut est in *d. acceptam.* Idem ex eo tempore præstare vsuras non debet. *l. si creditor. supr. de vsur. l. tutor. §. 1. D. de vsur. tutor pro pupillo. §. vlt. C. de adm. tur.* Exinde & liberantur pignora, quæ sola oblatione non liberantur. *l. creditor. supra de pig. l. vlt. supra de bit. vend. pig. imp. non pos. l. vlt. supr. de iur. pig.* Nam quod dicitur in *l. item. §. 1. D. quib. mod. pig. vel hyp. sol.* eum pignus liberare, qui soluere paratus est: sic accipiendum est, qui soluere paratus est cum effectu, id est, ita soluere, ut creditor accipiat, aut creditore recusante pecuniam obfignet, & deponat. Sic enim obfignatio pro solutione erit, non oblatio sola. Quod de pignoribus dicitur, idem intelligendum est de fideiussoribus, ut & hi post obfignationem pecuniæ liberentur. *l. in omnibus speciebus. D. eod.*

Sed quod dicimus obfignatione pecuniæ debitorem ad istum modum ipso iure liberari, hic duo loci aduersari videntur. Primum eadem ipsa *l. acceptam. in fin. supr. de vsur.* ubi traditur post obfignationem pecuniã, si debitor pecuniam ad se receperit, eum vtili actione creditori teneri. Quo effici videtur, eum prius liberatum non fuisse, qui si esset liberatus, nunquam posset teneri postea, semel enim extincta actio, postea reuocari non potest. *leg. Mænius. §. duorum. D. de leg. 2. l. qui res. §. aream. D. de solut.* Dicendum est tamen debitorem, qui pecuniam obfignauit, statim ipso iure omni actione vetere esse liberatum & directã & vtili, idque ius perpetuum esse, quamdiu pecuniam ad se non recipit. Quod si obfignatam ad se recipere cõperit, ne sic quidem restituetur vetus actio, quæ semel extincta suscitari non potest. Sed hoc de directã, quæ prius fuit, accipiendum est, ceterum restituetur vtilis ex ea causa ipsa, ex qua prius reus tenebatur. Hæc enim liberationis superioris causa fuit, quod reus pecuniam recte obfignatam à se remouisset: qua causa facta eius sublata, ratio non patitur, ut locus sit liberationi. *arg. in l. in omnibus causis. id. D. de reg. iur.* At pecunia à debitore recepta, eo res redit, ut nec videatur obfignata, atque hoc modo deficiat causa liberationis. Equum igitur debitorem eadem actione, qua prius, teneri. Non potest teneri directã, quia ius superius prohibet. Restat, ut teneatur vtili: quæ tamen priorem illam obfignationis liberationem non tollit, quam dicimus. Obstat tamen præterea *l. debitor. D. de vsur.* ubi scriptum est, si post obfignationem rite factã debitor conuentus moram faciat, nummos ex eo tempore steriles non futuros, id est, debitorem ex eo vsuras debiturum. Non potuit debitor moram facere, nisi pecuniam obfignatam debuit. Nulla est enim mora aduersus eum, à quo peti non potest. *l. nulla. D. de reg. iur.* Sed nec vsuræ deberi possunt, nisi eius fortis, quam quis debeat, *l. eum. supra hoc tit.* Quæ omnia aperte euincunt etiam post obfignationem pecuniæ, debitorem

bitorem pecuniam obſignatam debere poſſe. Quod & ipſum verum eſt, & fatemur. Sed quaeritur, quando, qua ex cauſa, quae actione debere poſſit. Et cum de eo comprehenſum ſit in *d.l. acceptam. ſupra de vſur.* inde ſumendum eſt, quod hic ſequamur. Qui ergo debitam à ſe pecuniam obſignauit, eamdem & poſt obſignationem debere poteſt: ſed tum reperiatur eam ad ſe recepiſſe, atq; hoc modo pro obſignata & depoſita habere deſiſſe. Nō quidem vt teneatur veteri actione directā: ſed vt teneatur tamen; nempe vtili. Poſt quod tempus vt eamdem pecuniam cepit debere, qui prius debebat; ita & moram eum facere poſſe verum eſt, & faciet tū n, cum exinde interceptatū non ſoluert.

14 Hæc ꝑ obſignatione dicta ſunt, quæ cum non fruſtra exigatur ad liberationem debitoris, ex eo intel igimus id, quod de oblatione ſola qua eſt ſumum eſt, non quam oblationem rei debitæ debitorem liberare vel ipſo iure, vel per exceptionem; præterquam in vna ſpecie, de qua poſtea. De quo ne dubitetur, argumenta hæc ſunt. Primum, quod creditor poſt oblationem rei debitæ poteſt adhuc eamdem re ſuo iure à debitore petere, & quidem ita, vt ſi debitor non præſter, moram faciat: quæ illi nocet non aliter, quā ſi prius rem nunquam obtuliſſet. *l. iud. Dig. de per. & com. rei vend. l. ſed ſi poſtea. 24. Digest. de rec. arb.* Deinde quod poſt eamdem oblationem placet non eo minus vſuras deberi. *d. l. acceptam ſupra de vſur. l. tutor pro pupillo. §. vii. Digest. de admniſt. iur.* Hoc amplius nec pignora liberari ſola oblatione. *leg. vlt. ſupra deb. vend. pig. imp. non poſſe. l. creditor ſupra de pig.* Et quod dicitur in *litem. §. 1. D. quib. mod. pig. vel hyp. ſol.* eum pignus videri liberari, qui paratus eſt ſoluere: quomodo accipiendam ſit, paulo ante offendi. Nec dubium eſt, quin idem probandum ſit in fideiuſſoribus: qui & ipſi acceſſio ſunt principalis obligationis, vt & pignora. *l. in omnib. ſpeciebus. D. de eo.* Vna tamen in ſpecie conſtitutum eſt, vt ſola oblatio pecuniæ pro ſolutione cedat, cum ſcilicet pecunia tributorum & publicatum penſitationum nomine debita ſuſceptoribus oblata eſt, quam illi accipere recuſant. *l. i. inf. de ſuſcep. lib. 10.*

15 Sed quamuis ſola oblatio pecuniæ ꝑ debitores non liberet; nō tamen per omnia debitori eſt inutilis. Habet autem hæc fere cōmoda quatuor. Oblatio cuſtodie periculo liberat debitorem, cū prius ex poteſtate obligationis cuſtodiam rei præſtare deberet. *l. iud. D. de peric. & com. rei vend.* Oblatio facit, ne aduerſus debitorem vſuræ, aut pœnæ ſtipulatio committatur, cum vtrumq; deberetur ea conditione, ſi pecunia ſoluta nō eſſet, & ea pecunia non ſoluta quidem; ſed tamen à debitore creditori oblata eſt. *l. ſi pro te. ſupra de vſur. l. Celfus. §. 1. D. de recep.* Ita obligatio debitorem quidem obligatione contracta non liberat, at ne in obligationem incidat, facit. Differentiæ ratio eſt, quod obligationes contractæ certis tantum modis ſoluuntur, inter quos non eſt oblatio ſola. ſub conditione vero contractæ non prius vere contrahuntur, quam conditio impleta ſit. Talis eſt autem omnis vſurarum, aut pœnæ promiſſio: quorum vtrumque promittitur ſub conditione, ſi ſors ſoluta non ſit. Vnde hoc quoque ſub contraria conditione dici intelligitur, ne quid horū debeat, ſi ſors ſoluta erit. *l. quibus. §. 7. D. de cond. & dem.* Hæc autem conditio exiſtere intelligitur, pecunia oblata. Et ſi enim oblata non ideo ſoluta: tamen quia per creditorem ſtat: quo minus ſoluatur, atq; ita quominus impleatur conditio, iure pecunia pro ſoluta, & conditio pro impleta habetur. *l. iure. D. de cond. & dem.* Demus hanc conditionem, ſi pecunia ſoluta, ſit, exiſtiſſe. conſequens eſt contraria deſeciſſe, ſi pecunia ſoluta non ſit. Qua conditione non impleta, apparet pœnæ & vſurarum ſtipulationem non poſſe committi. Eadem oblatio facit, vt ſi creditor poſtea fructus percipiat ex rebus ſibi pignori obligatis, eos fructus non poſſit imputare in vſuras, quæ ipſi debentur, ſed cogatur imputare in ſortem: quæ ſententia eſt. *l. ex prædiis. ſupra de vſur.* Quæ res vt eatenus debitorem à ſorte, ſic à præſtatione vſurarum futurarum in poſterum liberat.

Sed ſi quæ vſuræ antea debebantur, non deſinent deberi, & præterea ea ſumma ſortis, in quam fructus non ſufficiunt, ita debentur, vt ſimul eiuldē ſummæ vſuræ cutrant. Ita non minus verum erit, quod ſupra diximus, nunquam contracta & manente ſortis obligatione oblationem ſolam liberare debitorem à præſtatione vſurarum vel præteritarum, vel futurarum. Poſtremo ꝑ oblatio debitorem non liberat, quam diu ſumma oblata ſalua eſt. At ea amiſſa, ſi ſine culpa debitoris amiſſa ſit, debitor liberatur, ne fruſtratio creditoris debitori noceat. hoc in *l. qui decem. in pr. D. de ſolut.* Videtur tamen is locus contraria de hac ſpecie conſtituere. Nam initio reſponſi dicitur debitor in hac ſpecie liberari per

exceptionem, in extremo liberari ipſo iure. Sed nihil hic contrarium. Obſeruandū eſt enim in fine eius reſpōſi agi de marito, qui pecuniam ex cauſa dōtis deberet, quam vxori, aut heredibus obtulit. Hoc iudicium bonæ fidei eſt, §. *actiones autem. Inſt. de act.* Vnde ſub hac ſpecie generaliter hoc dici intelligitur, eum, qui ex iudicio bonæ fidei pecuniam debet, ſi obtulit eam creditori, ea deinde amiſſa ipſo iure liberari. Quod ergo dicitur in principio debitorem pecunia oblata ac poſtea amiſſa liberari per exceptionem, de eo debitore dictum intelligendum eſt, qui ex alio genere actionum, id eſt, ſtricti iuris, pecuniam debeat, veluti ex ſtipulatu, aut ex teſtamento. *leg. alius Digest. de in lit. iur.* Ex his cauſis, inquam, ſi debitor pecuniam debitam obtulerit creditori, quæ deinde illo recuſante ſine culpa debitoris perierit, recte dicitur debitor liberari, ſed per exceptionem. Hoc ideo diſſimiliter in his iudicijs, quod cum ex oblatione pecuniæ quæ poſtea amiſſa eſt, naſcatur pariter in omnibus iudicijs exceptio debitori: tamen inter iſta iudicia in exceptione vſurpata hoc intereſt, vt plerumque ſupra ſuis locis offendiſſimus, & maxime ad §. *actionum. Inſt. de act.* quod in ſtrictis iudicijs exceptio initio conſtandam, atque ita in iudicium deducenda eſt. *l. præſcriptionem. l. ſi quidem. ſupra de excep. bonæ fidei. autem iudicijs exceptiones* quamuis non conſtatꝑ ipſo iure inſunt, vt poſſint ſine vlla conſteſtatione quandoque ante ſententiam allegari. *l. 3. Digest. de reſc. vend. l. huiusmodi. §. qui ſeruum. Dig. de leg. 1.*

17 Illud monendi ſumus, quod de debitore poſt oblationem per exceptionem, aut ipſo iure liberando dictum eſt, conſulto dictum eſſe de eo, qui pecuniam debuit, & obtulit. Nam ſi ſpecies debeat, & ea ſine culpa debitoris perierit, debitor ſtatim, & ſine vlla eius ſpeciei oblatione liberatur. *l. ſi ex legati. D. de verb. oblig.* Vtrumque recte, & ei regulæ, quæ eſt de interitu rei debitæ conueniēter. Placet enim, ſi prius quam per debitorem factum ſit, quominus daret, perierit, quod debebatur, eo interitu debitore liberari. *d. l. ſi ex legati. de verb. oblig. l. quod re. D. ſi cer. pes.* Iam vero ſpecie certa in obligationem deducta, ſi ea perierit, verum eſt periſſe, quod debebatur, itaque & hic interitus ad regulam pertinet. Non idem dici poteſt, ſi quis pecuniam debuit in genere, deinde certam offerat. Vt enim maxime hæc oblata poſtea pereat: tamen ſemper conſtabit non periſſe eam, quæ debebatur: quoniam debitor neque illam, quam obtulit, neq; vllam aliam certam debuit. *l. in raiōne. §. incerta. D. ad l. Fal.* Ita ſit eadem iſta conſtitutione iuris, vt ſummo iure debitor liberari nō poſſit, cum ſemper pecunia maneat in rerum natura, quam is poſſit præſtare. Sed nihilominus eum liberari æquum eſt. Non enim æquum eſt teneri eum pecunia oblata amiſſa, qui non teneretur, ſi creditor accipere voluſſet. ratio Marcelli, atque hinc doli exceptio in *d. l. qui decem. Digest. eo.* quæ exceptio eſt, qua in propoſito debitorem liberari, ſupra diximus.

L. Succesſores. 10.

Idem AA. & CC. Ambroſio.

Succesſores eius, qui maior viginti quinque annis in ſolutum pro debito iure mancipia dedit, hæc reuocare non poſſe conſtat. S. V. Id. April. Bizantis, AA. Coſſ.

S V M M A R I A.

- 1 Aliud volenti ſolutum parere liberationem, nec poſſe reuocari ab eo, qui ſoluit, ſi maior eſt, aut ab eius heredibus.
- 2 Minoribus aliud pro alio ſoluentibus, quamuis tutorum curatorumue auctoritate, aut decreto magiſtratus, paratam eſſe in integrum reſtitutionem ad repetendum ſolutum, ſi laſi ſint, inde & eius heredibus.

16 Pro ꝑ pecunia, quæ debetur, volenti creditori recte aliud ſoluitur, vt fundus, mancipia, & res ceteræ. *l. manifeſti. Inſt. Semel recte ſolutum debitor reuocare non poteſt. Quippe datum eſt creditori ob cauſam, vt debitor liberaretur. Hæc cauſa poſt ſolutionem ſecura eſt, quo ſit, vt ceſſet repetitio. l. 1. Digest. de con. cau. dat. cau. no. ꝑec.* Quod debitor ipſe reuocare non potuit, ſi viueret; multo minus reuocare poterunt eius heredes, de quo hoc reſcripto cautum eſt. Hi enim ſuccedunt in ius deſuncti & per omnia

omnia eodem iure tenentur. *l. qui in ius. ff. de reg. iur. §. vlt. Inst. de locat.* Adeoque id verum est, vt quamuis debitor soluisset rem heredis sui; tamen heres factum decessoris sui infirmare non posset. *l. si à matre. sup. de rei vind. l. venditrici. sup. de reb. al. non. al.* Sed hæc ad eos pertinent, qui sunt maiores viginti quinque annis, & ad eorum successores, quod est temperamentum huius rescripti. ² Quod si debitor minor aliud pro debito soluerit, aut nihil alienat, si res immobilis soluta est: *200. iis. ff. de reb. eor. qui sub tut. vel cur. sunt.* aut si quid ex decreto magistratus, vel auctoritate tutorum curatorumue soluit nihilominus si læsus est, potest consequi in integrum restitutionem beneficio ætatis. *l. non omnia. ff. de min. & quæ restitutio ipsi debitori viuo competeret, eadem competit eius heredibus. l. non solum. ff. de in. rest. l. minor autem. 18. vlt. ff. de minor.*

L. Cùm Maritum. 11.

Exemplum hic est legis sequentis.

L. Minio. 12.

Expq̄ hunc locum ad *l. 3. & l. 4. supra.*

L. Si obligatum. 13.

Species prope eadem, certe eadem plane sententia, quæ *l. si inter. supra hoc tit.* In verbis mendose legitur, post acceptilationem liberaſti. legendum, post acceptilationem liberaſti. Agitur enim hic de eo, qui falso scripsit se accepisse, quod non accepit, neque debitorem nouatione interposita, neque post nouationem interposita acceptilationem liberauit.

L. Pecunia. 14.

L. Quod debitori. 15.

Idem AA. & CC. Cohortæ.

Pecunia soluta a professione collata in instrumento, maiorem rei gestæ probationem continet, quam si chirographum accepta pecunia mutua fuisset redditum. S. V. Id. Iul. A. A. Coss.

Idem AA. & CC. Quartina.

Quod debitori tuo chirographum redditum contra voluntatem tuam adseueras, nihil de iure tuo deminutum est. Quibuscumq̄ isaque argumentis iure proditis hanc obligationem tibi probanti, eum pro huiusmodi factio liberationem minime consecutum, iudex ad solutionem debiti iure compellet. S. V. Cal. Sept. A. A. Coss.

S V M M A R I A.

- 1 *Chirographum quamuis debitori non redditum fieri soluta pecunia inane, vt iam nec creditori proſit, nec debitori noceat.*
- 2 *Chirographum quamuis inane soluta pecunia recipere cur vitile, & quæ in eam rem actio.*
- 3 *Quæ solutionis probationes. Apocha quid.*
- 4 *Confessum creditorem sibi pecuniam esse solutam quamuis sine scripto, confessioni suæ stare debere.*
- 5 *Sed post triginta dies ex constitutione Iustiniani.*
- 6 *Chirographum debitori redditum liberationis fidem facit, si modo redditum sit à creditore, non aliter: debitoris in eo esse probationem.*

Hæc regula certi iuris initio huius tituli posita est, solutione eius, quod debetur, tolli obligationem. *Inst. quib. mod. tol. obl. in prin.* Et si quidem de solutione constat, tollitur controuersia. ¹ Adeoque si verum est debitorem liberari, vt liberetur, etiam si chirographum suum à creditore non receperit, planeq; id chirographum sit inane, vt amplius nec creditori proſit, nec debitori noceat. *l. 4. supra hoc tit. l. si actore. infra. eo l. qui tabulas. ff. de sur. Re- cte inane: quando quidem chirographum nihil amplius conti-*

nebat, quam obligationem debitoris. Hanc autem constat sublata esse solutione. Quo fit, vt obligatione sublata, nihil relinquatur in chirographo proprium chirographi. Quod si chirographum, quamuis apud creditorem integrum manens, debitori, qui soluit, nihil nocet, multo minus nocebit, si erit inductum. Vnde recte dicitur in *leg. inductum. inf. eo.* debitoribus solutionem probantibus nihil eorum interesse, vt rum chirographum inductum fuerit, an non fuerit. Quia si tamen vitale est chirographum à debitore recipi, ne postea aut ipse, aut heredes eius ignari ex eo chirographo conueniri possint, consultum est, vt debitor chirographum repetat. in quam rem est conditio sine causa. *l. 2. supra. de cond. ex lege. l. vlt. infra. eod.* Hæc, vt dixi, si constat de solutione: Quod si de eo ipso controuersia, an debitor soluerit; quia debitor dicat se soluisse, creditor neget, hic de probatione quaeritur. Ac primum vtri incumbat probatio, debitorine, vt probet se soluisse, an creditori, vt probet sibi solutum non esse. Et placet debitorem, qui se soluisse dicit, solutionem probare debere. *l. vlt. hic; leg. 1. supra de probat.* Quod regulis iuris de onere probandi conuenit, quibus efficitur & ei, qui dicit, incumbere probationem, non ei, qui negat. *l. 2. ff. de probat.* & factum negantis per rerum naturam nullam esse probationem. *l. actor. supra de prob.* Hoc posito quaeritur, quomodo recte & facile debitor solutionem probet: de quo sunt hæc rescripta duo.

Et si extra testes, quibus maxime res probari solent; *leg. vlt. supra, de prob.* duo pecuniæ solutæ probationem continent, professio acceptæ pecuniæ instrumento collata, quæ vno verbo à nostris auctoribus dicitur apocha, *leg. qui tabulas. §. vlt. supra de sur. & præterea chirographum à creditore debitori redditum.* Professio creditoris aduersus ipsum probationem habet, quia æquissimum putatur vnumquemq; confessioni suæ stare, & quod idem est, fidem vnicuique aduersus se haberi debere. *leg. generaliter. supra de non num. pec. l. de asate. §. 1. ff. de interro. in iur. fac.*

Sed si cur additur hoc loco collata instrumento? Non sane quia ⁴ creditori sine scripto extra iudicium profertenti sibi pecuniam solutam esse, ea confessio aduersus eum fidem non faciat. Nam si debitor extra iudicium se debere verbis professus, confessioni suæ stare cogitur. *l. generaliter. in fin. sup. de non num. pec. auth. rogari. supra de testib.* vbi tamen confessio spectat ad eum obligandum: quanto magis creditor extra iudicium sibi solutum esse verbis professus, confessioni suæ stare cogendus est, vbi professio confertur ad reum liberandum? Scimus enim proniores nos esse, debere ad liberandum, quam ad obligandum. *l. Arrianus. ff. de oblig. & act. l. fauorabiliores. ff. de reg. iur.* Cur additur igitur de instrumento? Non ad excludendam professionem verbis tantum testatam; sed ad discrimen indicandum, quod esset inter apocham creditoris debitori datam, & chirographum ipsius debitoris illi redditum: de quo discrimine debitor laborabat. Constabat debitori rem liberari tacito pacto, si creditor ei chirographum suum reddidisset. *l. 2. ff. de pact.* Forte id non fecerat creditor, sed instrumento liberationis, id est apocha, professus erat sibi pecuniam esse solutam. Huic instrumento non satis fidens debitor laborabat, vt etiam chirographum suum sibi redderetur, quæ rebarque, num satis superiore instrumento esset sibi cautum ad liberationem. Et rescriptum est non modo id eandem probationem habere, atque chirographum redditum, sed etiam maiorem, vt hoc instrumento accepto de probatione liberationis suæ laborare non debeat. Hactenus si tamen professio pecuniæ solutæ quamuis instrumento testata fidem facit ex constitutione Iustiniani, dum triginta dies excesserint. Alioqui intra eos dies datus creditori exceptio non numeratæ pecuniæ. *l. in contr. actibus. §. super. supra de non num. pec.* Quod si attinet ad chirographum à debitore receptum, id eandem fidem liberationis facit: sed hac conditione, si à creditore sit redditum *l. leg. 2. ff. de pact.* Quod si ab alio redditum erit, aut aliter receptum, quam voluntate creditoris, nihil possessio chirographi prodest debitori ad liberationem, aut soluti probationem, vt significatur in *l. quod debitori. sequen.* Sed vter probare debebit? Intelligimus ex eodem rescripto, debitorem probare debere chirographum sibi à creditore redditum. Alioqui satis esse creditori ad vincendum, si dicat sua voluntate redditum non esse, quoniam illic scribitur creditorem vincere debere, si obligationem probauerit: & præterea debitorem pro huiusmodi factio (intellige redditi chirographi) liberationem minime consecutum.

* * *

L. Eum à quo 16. Auth. Hoc nisi.

&

L. Manifesti. 17.

Idem AA. & CC. Charidemo.

Eum, à quo mutuam sumpsisti pecuniam, in solutum nolentem suscipere nomen debitoris tui compelli iuris ratio non permittit.

Auth. Hoc nisi.

Hoc, nisi debitor in pecunia, vel alia re mobili soluere nequeat. tunc enim res immobilis, quæ debitor habet meliorem, solui potest. facta per iudicem subtili eius causa æstimatione: ut rem prædictam & debitori soluere, & creditori liceat, petere præstanda creditori cautela de euictione, quæ debitori possibilis sit. quod est in omni actione. At si creditor paratus sit onerem rei præstare, oportet debitorem cautela iudicis arbitrio creditori præbita, rem tunc distrahere, ut satisfiat creditori.

Idem AA. & CC. Cassio.

Manifesti iuris est, tam alio pro debitore solvente, quam rebus pro numerata pecunia consentiente creditore dari, zolli paratam obligationem. S. Calend. Dec. Sirmii. AA. Cass.

S V M M A R I A.

- 1 Aliud volenti solutum ita debitorem liberare, ut creditor nec quod accepit, possit reddere, nec si plus debebatur, quod amplius est, possit petere.
- 2 Aliud pro alio semel solutum, amplius reuocari non posse.
- 3 Lucrum ex ea re factum multo minus creditori auocari.
- 4 Aliud pro alio inuito creditore solui posse, si quod debetur, solui à debitore non potest; & quibus in causis non posse existimerur.
- 5 Aliud pro alio solui posse, si debitor huius rei potestatem, unde oportet, accepit. & unde hac potestas.
- 6 A lege potestas, quando.
- 7 A testatore, quando.
- 8 A conventionione, quando.

His locis explicatur locus ille, quid soluendo debitor liberetur. Statuuntur autem hic sententiæ duæ † Vna est, aliud pro alio volente creditore recte solui. *l. manifesti. hic.* Cui hæc sunt consequentia. Primum illud, liberari debitorem non fecus, quam si id, quod debetur, solutum esset. *l. si quis aliam. ff. eo. Quæ res facit, ut quamuis postea creditorem pœniteat, quamuis res pereat; aut exstet quidem, sed minoris sit; quam debeatur; tamen nec si quid amplius est, à debitore possit petere.* Id enim fieret, si debitor nihil debuisset, cœpit autem nihil debere, posteaquam liberatus est.

2 Deinde † & hoc consequens in creditore, sic ea solutione dominium rei solutæ in eum transferri, ut nunquam possit debitor postea ex pœnitentia eam rem auocare. *l. success. sup. hoc tit.* scilicet quia quod nostrum esse cœpit, id nobis inuitis ad alium transferri nō potest. *l. id quod nostrum. ff. de reg. iur.* Efficitur † & illud, si debitor rem multo meliorem fecerit, siue etiam vendiderit multo pluris, quam illi debebatur, hanc industriam, atq; hunc seuentum ipsi prodesse debere, non debitori. *l. pen. hic.* Optima ratio; quia si res soluta periret, creditori eidemque domino suo periret. *l. pignus. supra de pig. act.* Hoc autem secundum naturam est, commoda cuiusque rei eum sequi, quem sequuntur incommoda. *leg. secundum. ff. de reg. iur.*

Altera sententia est superiori contraria, aliud pro alio inuito creditore solui non posse. *l. eum à quo hu.* Sententia diferta expressa in *l. 2. §. i. ff. si cert. per.* Sed hæc duas has exceptiones habet summas, vnam, nisi id, quod debetur, in ea causa sit, ut à debitore præstari non possit; alteram, nisi debitor potestatem aliud soluendi aliunde accepit, de quibus videamus.

4 Si † quod debetur, solui non potest, necessitas eo rē deducit, ut aliud solui debeat, si creditori satisfactū volumus. Sed an nō possit debitor præstare, variè æstimatur. variæ enim causæ sunt, cur præstare non possit, ex quib. omnibus placet eum auoiendum esse, si aliud offerat. Interdum res debita perijt. Hic nulla dubitatio est, quin aut nihil à debitore præstari debeat, aut si quid debet, debe-

at æstimationem. Id vero ita fieri traditur in *leg. in re furtiua. Dig. de cond. fur. & l. qui restituere. Dig. de rei vind.* Interdum res debita per rerum naturam præstari potest, sed non potest debitor præstare propter inopiam; quia soluendo non est. Hic permillum est inopi debitori speciem vnam aliquam ex rebus suis creditori pro debito offerre, dummodo offerat optimam, hoc in *auth. hoc nisi. que* sequitur. Interdum res à debitore præstari potest; quoniam & exstat & est in potestate debitoris, sed eam debitor honeste præstare non potest, ut accidit, si ab herede legatus sit eius pater, aut mater, aut filij naturales. Hos heres si in potestate habet potius pro officio manumittere debeat, si non manumittat, aut etiam si det in alterius potestatem, non tam inhumane, quam contra officium pietatis faciat. proinde nec facere id posse existimandum est. *l. si filius. Dig. de cond. inst.* Merito igitur placuit in hac specie audiendum esse heredem debitorem, si pro his æstimationem legatario offerat. *l. si dominus. §. qui constitetur. ff. de leg. 1.* Interdum etiam honeste res à debitore potest præstari; sed non sine magno eius incommodo, veluti si res aliena debeatur, quam dominus aut non vendat, aut magno vendat. Hic quoq; visum est iustam esse causam, cur audiat debitor æstimationem offerendo, quasi nec possit præstare quod sine magno incommodo & iniuria sua nō potest, vbi ex ea re nihil commodi ad creditorem redeat. Et hoc quoque scriptum est in *d. l. si domus. §. qui constitetur.* Quod si res erit in potestate debitoris, quam & ipse præstare possit non inhoneste, nunquam audiendus est, si aliud pro alio, quod debet, offerat. Sed † & hic altera exceptio est, nisi huius rei potestatem inde accipiat, unde ei potestas hæc tribui potest. Tribuitur autem potestas aliud soluendi interdum à testatore in re legata, nonnunquam etiam contrahentium conventionione.

A lege † hæc potestas tribuitur in noxali actione, quæ aduersus dominos competit ex maleficio seruorum. Nam ex hac causa nihil amplius à dominis debetur, quam damni & maleficij æstimatio; & tamē dominus seruum noxę dedendo, si velit, liberatur. *l. si seruus. 7. ff. de nox. act. Inst. eo. tit.* Sed ideo; quia hæc potestas à lege accipitur, ut scriptum est in *l. miles. §. 1. D. de re iud.* Quod eo pertinet, ut intelligatur definitioem superiorem iuris nihil obesse, cum dicimus aliud pro alio solui non posse inuito creditore. A † testatore hæc eadē potestas accipitur in huiusmodi legatis. Heres meus penum dato; si penū nō dederit, decem dato. Placet in hac specie, simul atq; heres penum dare potuit, neq; dedit, sola decem incipere deberi, non penum; & tamen in eadem specie placet, quamuis heres penum non debeat, penum in solutione esse, id est, heredem si penum offerat, liberari. *l. i. Digest. de penu. leg. l. i. §. item si ira. D. ad leg. Falcid. leg. cum sine. D. quand. di. legat. ced.* Ex quo apparet hic pro eo, quod debetur, recte aliud solui, quod non debebatur, idque etiam inuito creditore. Sed hoc eo fit; quia hanc potestatem heres à testatore accepit. Cum enim penus ab initio legata est, simul potestas data est heredi penum dandi: hæc potestas semel data heredi ante litem contestatam non adimitur, quamuis penum debere desinat.

Idem † existimandum est fieri contrahentium conventionione, cū similiter penus promissa est, & nisi promissor penum daret, promissit decem ita, ut hæc sola deberentur. *l. stipularum. in fin. ff. de ver. obl.* Idem etiam probandum est in faciendi obligationibus: veluti, si quis promiserit se insulam ædificaturum, vbi receptum est, posteaquam transierit tempus, intra quod insula ædificari potuit, non iam factum deberi, sed pecuniam, id est, quanti stipulatoris interest insulam suo tēpore ædificatam esse. *l. stipulationes non diuiduntur. ver. Celsus. ff. de verbor. obligat.* Et tamen in hoc genere placet promissorem ante litem contestatam insulam ædificatam liberari. *l. si insulam. ff. de verbor. obligat.* Ergo libera i placet præstantem aliud, quam debebat, pecuniam enim debere cœperat. Quomodo igitur, quæret aliquis, liberatur aliud pro alio inuito creditore soluens contra, aut certe præter superiorem regulam iuris? Intelligemus hanc esse causam, quod promissor insulæ ædificandæ potestatem ab initio ex conditione stipulationis accepit, licuit enim ei ab initio insulam ædificare. Hanc potestatem nulla cessatione sua amittit. Simile est, quod dicitur, alij, quam creditori inuito creditore solui non posse. *leg. inuito. supra.* Nam & hoc nihilominus sic accipimus, nisi debitor potestatem alij soluendi ex conditione stipulationis ab initio accepit: ut sit, cum promissit se stipulatori aut Titio daturum. Nam Titio reuera nihil debetur, & tamen Titio inuito stipulatore recte soluit, nimirum ex conditione stipulationis,

l. vero. ff. hoc tit.

L. Inquisitio. 18.

Iidem AA. & CC. Domitio.

Inquisitio veritatis tolli non potuit, quod chirographa, quae fecerat procurator tuus, recepta, tibi que restituta ab ipso herede proponas cum subscriptione procuratoris significante, quod nihil creditoribus debeat: cum nihil prohibeas, & creditoribus satisfactum esse, & non vestra pecunia, sed ipsius, cui negotium gerendum mandaueras, processisse solutionem. S. Idem Febr. CC. Coss.

S Y M M A R I A.

1. Cibi graphum à creditore redditum procuratori, & rursum à procuratore debitori, nihil aliud arguere, quam liberatum debitorem à creditore, non procuratore.
2. Subscriptum à procuratore chirographo reddito, creditoribus nihil deberi, ad procuratorem ipsum non pertinere, si soluerit de suo, & ita creditor debitoris, pro quo soluit, esse coeperit, & cur.
3. Falsum esse vulgare illud, oratione generali instrumenti non contineri eum, qui scribit.

Hoc dicit: cum procurator debitoris soluit creditoribus, & ab his chirographa recepit, receptis subscriptis creditoribus nihil deberi; deinde aut ipse, aut heres eius ea debitori restituit, non idcirco hac argumento sunt, satisfactum esse creditori de pecunia procuratoris. Quapropter si heres procuratoris pecuniam à debitore repetet tanquam à procuratore eodemque decessore suo solutam, non ideo tollitur veritatis inquisitio, ut hic scriptum est. Quae verba hanc significationem habent, in re dubia non statim fides habebitur heredi procuratoris dicenti procuratorem de sua pecunia soluisse creditori. Sed tamen si paratus sit id probare, audiendus est, & veritati locus supererit. Duo hic faciebant, cur videretur à debitore hæc pecunia reperti non posse, vnde controuersia. Primum quod illic chirographa reddita essent, chirographum autem à creditore redditum debitori probationem continet debitoris liberati. *leg. pecunia. sup. leg. 2. D. de pact.* deinde quod procurator ipse de liberato debitore vltro professus esset. Quibus moueri non oportet. Chirographum debitori ꝑ redditum debitorem liberatum arguere verum est; sed liberatum à creditore, cui pecuniam chirographo comprehensam debuit, non item à procuratore, qui chirographum reddidit. Videndum est enim, qua mente isti chirographum reddant: quorum propositum liberationem distinguit. Creditor reddit, ut declaret debitorem à se liberatum, alioqui inutiliter reddidit. Procurator à creditore acceptum reddit debitori hac ipsa de causa, ut declaret à creditore liberatum, non etiam à se; cum eo chirographo nihil tanquam procuratori debitum caueretur, quod chirographi redditione remitti ab illo oporteret. Quare nihil inde pro procuratore colligi potest, quasi eo facto debitorem à se vlla ex causa priuata liberarit: cum nihil prohibet eum reddere hoc chirographum, vt debitori consultum sit aduersus creditorem, & nihilominus vts actiones proprias manere velle. *leg. neque. supra de probat.* Neque vero factum cuiusquam, præterquam quod ei propositum fuit, debet alio produci, & vt vulgo dicitur, actus agentium non debent vtra eorum intentionem operari. *leg. non omnis. D. si cert. pet.*

2. Quod ꝑ autem procurator chirographo subscripsit nihil creditoribus deberi; probabilius dici potest, hanc subscriptionem procuratori nocere debere. Nam aut inter creditores debitoris hic procurator erat, aut non erat. Si non erat, nihil est, quod à debitore repetat. Sin erat, verba confessionis eius eum excludunt. Professus est enim creditoribus nihil deberi, & ipse creditor est: ac ius facit, ut quisque confessioni stare debeat. *leg. generaliter. supra de non num. pec.* Sed negandum est his verbis, creditoribus nihil deberi, contineri procuratorem. Esto enim, generalis sit hæc oratio, creditoribus nihil deberi: nunquam tamen generalis oratio intelligitur ad alia pertinere, quam ad ea, de quibus prius specialiter actum est. *leg. si de certa. supra de transact.* In chirographis autem, in quibus erat hæc subscriptio, non agabatur de procuratore, sed de ijs creditoribus, ad quos chirographa pertinebant. Proinde & cum creditores illic nominantur, eius loci creditores intelligendi sunt. Est ꝑ autem ineptum, quod ad explicandam huius loci difficultatem vulgo hic affertur, in quam sententiam etiam vulgo hic locus allegari solet, nempe oratione generali non contineri

eum, qui scribit. Cur quæso, si verbis orationis scriptor continetur, & nihil aliunde adfertur de scribentis sententia? Et certe contra probatur in *l. fideiussor. §. 1. D. de pig.*

L. Si Actore. 19.

Eadem sententia, quæ l. 4. supra.

L. Si operas. 20.

Iidem AA. & CC. Eucrati.

Si operas certi serui pro pecunia sumpta sibi in debitum compensare placuit creditori: his secundum conventionis fidem præstis de mancipio restituendo pacti tenor seruari debet. S. V. Cal. Nov. Hadrianop. CC. Coss.

Debitor pro eo, quod debebat, creditori seruū dedit, ut eius operis vteretur, quoad tatum percepisse operarum, quantum sufficeret ad id efficiendum, quod debebatur: conuenitque, ut eo percepto seruus restitueretur. Placet, vbi tantum percepit creditor, quantum debebatur, primum liberatum esse debitorem, iuxta *l. manifesti. sup.* deinde seruū ex pacto repeti posse. Nam id pactum esse seruandum, *l. legem. sup. de pact.* Est autem in eam rem actio in factum, seu præscriptis verbis; quoniam pactio nuda non est sed debitor fecit, vt creditor faceret; dedit seruū fruendum, vt cum creditor fructum percepisset certi temporis, seruū redderet. *d. l. legem. l. solent. D. de præf. ver.*

L. Interest. 21.

Vide, quæ diximus ad *l. si inter. 6. sup.*

L. Inductum. 22.

Vide *l. pecunia. 14. supra.*

L. Si literarum. 23.

Et hic locus expostus est ad *l. si inter. 6. sup.*

L. Penult. & Vlt.

Hi loci expostiti sunt ad *l. eum. 16. sup.*

AD TIT. XLIV. C. DE ACCEPTILATIONIBVS.

1. Acceptilatio quid.
2. Acceptilatione tolli obligationes ipso iure, sed solum verbis contractas.
3. Aquiliana stipulatio quid, & eius vsus ad acceptilationem.
4. Acceptilationem inutilem pactum habere, nisi aliud actum probeatur.

Acceptilatio ꝑ est verborum conceptio, quibus creditor à debitore interrogatus, an quod promissum est, acceptum habeat, acceptum ferat: respondet, se habere acceptum, acceptum ferre, hæc illa sunt solemnia verba, quæ nominantur in *leg. 1. hic.* Definitio declaratur in *§. item per acceptilationem. Inst. quib. mo. sol. oblig.* Acceptilatione ꝑ liberatur debitor, & quidem ipso iure, ita vt nulla amplius agendi via superfit creditori, vt declaratur *l. pen. vlt. hic.* Sed hoc modo tolluntur duntaxat obligationes verbis contractæ: ceteræ nullo modo. *d. §. item. vers. quod genus.* Quod conueniens est regulæ iuris, qua efficitur quibus quidquid modis contractum est, iisdem in contractum actis dissolui. *l. nihil ram. & l. fere. D. de reg. iur.*

Enimvero ꝑ quod recta non possumus in ceteris obligationibus, id obliqua via consequimur. Nam inuenta est stipulatio, in quam deducatur veteres obligationes & actiones ceteræ, tam in rem, quàm in personam: quæ stipulatio dicitur ab auctore Aquiliana. Exstat formula in *d. §. item.* Hæc autem stipulatio interponitur nouandi animo: vt scilicet nouatione priores obligationes tollantur,

tur, & sola maneat noua obligatio stipulatione Aquiliana contracta, quæ deinde acceptilatione secuta perimatur. Hinc est, quod nouationis, fit mentio in hac stipulatione interponenda in l. 2. hic. Hinc etiam, quod cum de acceptilatione agitur, tam multis locis coniunguntur hæc, Aquiliana stipulatio, & acceptilatio secuta. l. vlt. hic. l. vt responsum. l. vbi. sup. de transact. l. 2. l. cum Aquiliana. D. de transact.

Ex his apparet duas res acceptilationi ob stare, si desint; solemnitate verborum, & obligationem præcedentem, si ea aliter contracta sit, quam verbis, ad quam dissoluendam subiecta sit acceptilatio. Sed † quæcunque acceptilatio ex his causis iure summo est inutilis, eam hæcenus vtilem esse placet, vt debitor pacto liberetur; quia inutilis stipulatio pactum habeat. l. si vnus. §. vlt. D. de pact. l. an inutilis. D. hoc tit. Sed & hoc ita, nisi aperte constet non fuisse creditorem hoc animo, vt pacisceretur, vt est in d. l. an inutilis. Vtrum debitor acceptilatione liberetur, an pacto, hoc interest, quod acceptilatione verus obligatio & actio penitus tollitur: pacto non tollitur, sed infirmatur per acceptilationem. §. præterea. Inst. de excep. Quem id effectum habeat, & quam conueniat ista distingui, refrangente, vt videtur, regula iuris, l. nihil interest. D. de reg. iur. require ex l. creditori. §. sup. de pact. vbi pluribus quale hoc ius esset, exposui.

L. I.

Imp. Antoninus A. Apronio.

Iam tibi scripsi, posse apud iudicem quari, an solemnibus verbis tutoris auctoritate interueniente, soror tua acceptilationem debitorem suum liberauerit, quare si in repetenda pecunia, quam exsoluit, diuersa parte perseueraueris, vteris defensionibus competentibus. PP. 3. Id. Feb. Duob. & Aspris Coss. 217.

P Pillam à debitore suo pecuniam accepit ea lege, vt debitorem per acceptilationem liberaret: quem deinde liberauit auctoritate tutoris interposita. Ea deceffit fratre herede relicto, qui nunc consulit Imperatorem. Ab eo fratre debitor pecuniam à se solutam repetebat tanquam ob causam datam causa non secuta, quod diceret se dedisse, vt liberaretur per acceptilationem: se autem liberatum non esse, cum minor possit in integrum restitui: nemo autem videatur veteri actione exclusus, quem prætor integrum restitutum se pollicetur. l. nemo. D. de integ. restitut. Consultus Antoninus rescripsit, debitorem pecuniam repetere non posse, si modo sit liberatus solemnibus verbis, & accesserit auctoritas tutoris. Et recte, hæc enim sufficiunt ad debitorem liberandum. Nec debet in proposito metuere debitor restitutionem; quia, vt minor, aut heres eius restituatur, non est factis minorem esse, sed etiam læsum esse oportet. Hic autem minor læsa non est, quæ pecuniam debitam accepit. Atque hæc sunt defensiones competentes, quæ hic commemorantur, & quibus dicitur fratrem pupillæ heredem vlturum esse.

L. 2. & L. vlt.

Exposui initio huius tituli.

AD TIT. XLV. DE EVICTIO-
NIBVS.

SYMMARIA.

- 1 Venditorem ob euictionem rei vendita teneri iudicio emti.
- 2 Euincere quid.
- 3 Non euinci rem, quæ emtori non aufertur, quamuis constet alienam, aut pignori obligatam. ibidem.
- 4 Non euinci rem, nisi quæ aufertur iudicio.
- 5 Non euinci rem, quæ aufertur iudicio emtoris culpa, aut iniuria iudicis.
- 6 Euictio in summa quibus rebus contingat.
- 7 Euictionis nomine qua actio, cui, in quem, cuius rei gratia.

Questio de euictionibus hinc nascitur. Sic † ius est de obligatione venditoris, venditorem rem venditam tradere debere, & insuper euictionis nomine obligari, id est, si res vendita euicta erit, teneri eum emtori, vt euictionem, id est, euictionis periculum & damnum præbet. Hoc ius traditur in l. ex emto. in pr.

D. de act. emt. item, in l. 6. inf. hic. Vt vel hinc liquido appareat, hanc obligationem partem esse obligationis emti & venditi, & ad eam partem iuris debere referri. Hoc iure posito quæritur de euictione, ac primum quando res euicta intelligatur. Quæstio in eo est, quid sit euincere, & quibus rebus euictio contingatur.

Euincere † est rem iure iudicioque possessori auferre. Est auferre, vt intelligamus, quantumuis res vendita aliena sit, aut pignori obligata, idque constet: ramen emtorem aduersus venditorem regressum non habere rei venditæ nomine, quamdiu res illi ablata non erit, seu quamdiu illi rem venditam habere licebit sine cuiusquam interpellatione, scilicet quia non est euicta, quæ ablata non est. l. habere. D. eo. leg. 3. hic. Hoc autem indicat particula è in verbo euincere. Hæc enim particula in motum significat, vt sit euincere ita vincere, vt ea victoria aliquid à victo in aduersarium transferatur. Est † auferre iudicio, vt intelligamus, si quomodo res perierit emtori, aut etiam ablata sit aliter, quam iudicio, euictam non videri: ac proinde eius rei periculum à venditore non præstari. l. si seruus. 21. in princ. illic, quamuis. D. eod. l. atqui. §. omne. D. de negot. gest. Hæc quoque sententia verbo vincendi efficitur. Nam victoria certamen præcedens significat. Duplex autem certatio est inter aliquos, vna, quæ fit vi altera quæ iudicio. Prior omni iure prohibita: posterior iusta & legitima. l. ex stat. D. quod met. caus. Iure autem vincere cum dicimus, verbo iuris legitimam certationem & legitimam victoriam intelligimus. Est † auferre iudicio & iure: quod & ipsum vincendi verbum significat. Is enim vincit, qui ratione vincit. Hoc eo pertinet, vt intelligatur re vendita iudicio euicta, sic euictionem præstari à venditore; si ob id res euicta sit; quia esset actoris, aut esset ei pignori obligata: ceterum si res aut culpa emtoris euicta sit, aut euicta iniuria iudicis, his rebus efficit, vt venditor euictionis nomine non teneatur. De culpa emtoris est in l. emtor. infr. de iniuria iudicis est in l. si non iniuria. infr. & d. l. emtor. in fin. eod. Quæ † si ita sunt, apparet euictionem tribus his rebus contineri. Primum, vt res vendita emtori ablata sit. Tum, vt iudicio ablata, & controuersia mota. Postremo vt ablata neque culpa emtoris, neque iudicis iniuria, sed tantum ob id, quod res esset petitoris aut illi pignori obligata. Quorum aliquid si deest, emtor aduersus venditorem de euictione regressum non habet, omnibus his concurrentibus habet. Quo † constituto, quæritur deinceps, quæ in eam rem sit emtori actio, cui detur, in quem, & cuius rei gratia, de quo multis rescriptis hoc titulo agitur: sed summa indicatur in l. si tibi. 26. infr.

L. I.

Imp. Seuerus & Antoninus AA. Munitio.

Emtor hereditatis rem à possessoribus sumtu ac periculo suo persequi debet. Euictio quoque non præstatur in singulis rebus, cum hereditatem iure venisse constet, nisi aliud nominatim inter contrahentes conuenit. PP. 6. Cal. Marij. Seuerus A. 3. & Victorino Coss. 201.

SYMMARIA.

- 1 Venditorem hereditatis res hereditarias, quæ ab aliis possidentur: nec persequi debere, & multo minus suo sumtu. & cur.
- 2 Solum in hoc teneri, vt cedat actiones suas periculo emtoris.
- 3 Rebus hereditariis singulis euictis venditorem ob euictionem non teneri, & cur.
- 4 Probandum idem, et si res omnes hereditariae sint euictæ.
- 5 Vniuersitate qualibet vendita, vt grege, armento, peculio, idem ius esse rebus singulis ex ea vniuersitate euictis.
- 6 Qui affirmauit res aliquas esse hereditarias, eum de euictione earum rerum teneri, quasi si ea conuenisset.

Venditor hereditatis † res hereditarias, quæ ab aliis possessoribus tenentur, suo sumtu persequi non debet, siue eas nondum tradiderit, siue tradiderit, & exciderit emtori earum possessione, & quidem sine culpa sua. Quod hic factis aperte significatur initio, dum statuitur, emtorem hereditatis id ipsum sumtu & periculo suo facere debere. Hic statim occurritur ex eo iure, quod de rebus venditis constitutum est, quo efficitur venditorem rem venditam tradere debere, ac nisi tradat, in id, quod interest emtoris, teneri, l. 1. in pr. l. ex emto. in pr. D. de act. emt. Dicendum est, vendita hereditate id ius ad res hereditarias non pertinere.

Nam

Nam res hereditariae non sunt hereditas. *Inst. de reb. corp. & incorp.* idque est, quod pro ratione subiicitur in rescripto, cum hereditatem iure venisse constet. Hereditatem dictum, ut ex conditione rei incorporalis intelligeremus, hereditatem venditam esse, non res singulas, ut dixi, proinde & hereditatem praestari necesse esse, non etiam oportere res singulas. Imo & res singulas hereditarias tradere venditorem debere diserte scriptum est in l. qui filiam, D. de her. vel act. ven. Quod si debet, etiam debet persequi suo sumtu. Nam nisi prius eas consecutus erit, tradere emtori non potest. Sed quod illic dicitur, sic interpretandum est, si modo venditor res hereditarias habeat in sua potestate, aut dolo fecerit, quominus haberet. Nam is locus, & similes referri debent ad eam definitionem, quae est in l. 2. §. non tantum. D. de her. vel act. vend. ex qua etiam pendet huius rescripti ratio, nempe venditorem hereditatis emtori praestare debere id, quod ad ipsum peruenit ex hereditate, aut dolo fecit, quo minus perueniret. Cui congruit, ut si ipse habeat res hereditarias, eas & tradere debeat.

2 Sin ¶ neque habeat res, neque habere potuerit, nihil amplius debeat praestare emtori, quam actiones suas, ut significatur in d. l. qui filiam, in pr. de her. vel act. vend. Quod si verum est, venditor actionibus suis emtori cessis liberatur, sic enim praestat, quod debuit, l. si. D. de pec. Et quia liberatur, idcirco res amplius persequi non debet, quod si non debet simpliciter persequi, multo minus debet suo sumtu. Ita fit, quod hic dicitur initio, ut emtor hereditatis res singulas à possessoribus sumtu suo persequi debeat, siquidem velit eas habere. Aditur eum persequi debere, & periculo suo. Quod hanc significationem habet, quamuis ea res non consequatur à possessoribus; tamen eo nomine aduersus venditorem hereditatis actionem non habeat, neque de pretio earum rerum, neque de sumtibus in litem factis. Ut ¶ autem venditor hereditatis res singulas hereditarias emtori tradere non debet: ita nõ dĩ simili ratione efficitur, quod subiicitur, ut euictio quoque non praestatur ab eo in rebus singulis, id est, ut rebus emtori traditis, quae erant, aut putabantur hereditariae, si hæ emtori euincantur, venditor euictionis periculum non praestet. Sic enim ius esse diximus de euictione, ut venditor teneatur ob euictionem; sed his conditionibus, si euicta sit res vendita, & euicta non iniuria iudicis. Atqui res singulae hereditariae non sunt venditae, sed hereditas, quae ratio hoc quoque loco in hanc partem redditur: cum constet, ait rescriptum, hereditatem iure venisse. Sed finge venisse res singulas. Tamen illud constabit non venisse, nisi hereditarias. Atque hac ratione nunquam praestabit venditor euictionem rei euictae. Vis enim non esse hereditariam? non debetur eius euictio; quia non est vendita. Vis hereditariam esse? tamen ideo non debetur; quia necesse est hoc modo euictam esse iniuria iudicis; quo casu negamus euictionem praestari. Hic autem emtor in iniuriam à iudice passum esse sic facile intelligitur. Nam si hereditaria fuit, heres eius rei dominus factus est. l. cum heredes. D. de acq. poss. Si dominus, re emtori tradita simul in eum dominium transtulit. §. per traditionem. *Inst. de reb. diuis.* Emtori domino res sine iniuria auocari non potest. *leg. id. quod nostrum. D. de reg. iur.* Adeoque

4 verum ¶ est, euictionem rerum singularum à venditore hereditatis non praestari, ut probandum sit, quod Ioannes vetus interpretis putauit, ne sic quidem ab eo praestari debere, quamuis res omnes hereditariae, aut quae hereditariae putabantur, sint euictae. Nam & singulis rebus hereditariis omnibus euictis, nihilominus manet hereditas, quae & vendita est, & praestatur: hereditas enim sine vilo corpore iuris intellectum habet. *leg. hereditas. D. de pet. her. id est,* intelligitur ius esse etiam sine vilo corpore. Porro hereditas solum vendita est, non res singulae. Hæc ¶ sententia generalis est, pertinens ad omnes vniuersitates venditas. Veluti, si peculium venditum sit, si grex, si armentum, & quid ex rebus singulis, quae eius vniuersitatis esse putabantur, euictum fuerit, quod declaratur exemplo peculii in l. 5. D. eo. tit.

In his semper conuentio excipienda est, ut hic fit. Si conuenit, ut venditor rerum singularum euictionem praestaret, conuentio praestanda est, idque vel maxime ex iudicij emti & venditi natura, quod cum sit bonae fidei, maxime conuentorum veritatem desiderat. *Lex emto. D. de act. emt.* Conuentio ¶ species est, si venditor de substantia hereditatis affirmauit. l. nisi D. hered. vel. act. vend. id est, si venditor dixit nominatim has & illas res esse hereditarias. Quare si postea hæ res euincantur, euictionem praestabit; quia ita affirmauit, ut praestaret, quippe propter eam affirmationem pluri vendidit. *leg. sciendum §. 1. D. de ad. ed. l. ea, quae in princ. D. de contr. emt. & vend.*

L. Quoniam. 2.

Idem AA. Quarta.

Quoniam auus tuus, cum prae dia tibi donaret, de euictione eorum cauit, potes aduersus coheredes tuos ex causa stipulationis consistere ob euictionem praediorum, proportionem scilicet hereditaria. Nudo autem pacto interueniente, minime donatorem hac actione teneri certum est. PP. 2. Calend. Mart. Antonino A. 2. & Get. II. Coss. 206.

S Y M M A R I A.

- 1 Donata re euicta donatorem euictionis nomine non teneri, & generaliter, quae de praestationibus emti & venditi constituta sunt, ad res donatas non pertinere, & hoc quam recte.
- 2 Donatorem, qui sciens rem alienam donauit, re euicta teneri de dolo, sed solum de sumtibus, quos donatarius in eam rem fecerit.
- 3 Actio de dolo, quae aduersus donatorem fraudulentum competit, quantum distat ab actione, quae competit ob eius rei euictionem.
- 4 Donatorem euictionem rei donatae praestare, si stipulatione cauerit, se praestitutum, non si nudo pacto tantum conuenit.
- 5 Cum sine stipulatione paciscitur donator, se euictionem praestitutum, quantum in donando id fecerit, nihilominus nudum pactum esse, quo non tenetur.
- 6 Non mutari hanc sententiam in l. si quis argentum. §. penult. inf. de donat. quia nec simile pactum fit de re pacto donata tradenda, vel si simile esset, lex ius vetus emendans producenda sit ad consequentias.

Constitutio iuris certi est ¶ diserte confirmata hoc loco: re donata donatario euicta, quod aliena donata esset, donatorem ei extra conuentionem euictionis nomine nõ teneri. Ex quo intelligimus, quod de euictione praestanda constitutum est in venditione, id ad res donatas non pertinere, uti placet, nec cetera, quae à venditore exiguntur. l. ad res donatas. D. de ad. ed. Ius æquissime constitutum, Nam aut donatarius rei euictae pretium repetere vult à donatore, aut sumtus à se in eam rem factos, quos facturus non esset, si sciisset rem esse alienam. Pretium repetere non potest: quando quidem hoc ei non abest, qui propter rem nihil in donatorem contulit, quod fecus est in emtore, qui pro re vendita dedit pretium. Sumtus à se factos iniustus videbatur repetere posse; quia alia causa est damni, alia aduentitij lucri, l. non debet auctori. §. 1. D. de reg. iur. Sed & hos à donatore, qui nihil dolo fecit, repeti iniustum est. Neque enim donator liberalitatis suae poenam pati debet, ut est in d. l. ad res donatas. ductum ex hac æquitate natura, qua placet nulli officium suum debere esse damnosum. l. sed si quis. D. testam. quem. ap. l. si seruus. §. quod vero. in fin. D. de fur. Nihil tale dici potest de venditore, qui in re vendita praestanda non confert beneficium in emtorem, sed id praestat, quod iure obligationis praestare necesse habuit.

Sane ¶ si quis sciens, rem alienam esse ignoranti donauerit, & sic res euincatur, habet deceptus de dolo actionem aduersus donatorem, si quos sumtus in eam rem fecerit, l. Aristo. §. ult. D. de donat. Sed ne sic quidem efficitur, ut vel hoc casu donatario praestetur euictio. Quia enim de dolo actio est, non potest ei competere, nisi quatenus deceptus est à donatore. At non est deceptus in pretio & aestimatione rei donatae. Non enim propter dolum aestimationem rei amisit; sed ideo; quia res aliena erat; idem passurus, etsi donator ignorans rem alienam donasset. Quare ne hoc quidem casu re euicta donatarius de aestimatione rei recte agat, cui in eam rem ne actio quidem de dolo competit. In eo fraudatur donatarius, si quos sumtus fecit in rem donatam, quos si rem alienam esse scisset, non esset facturus. Et hætenus erit ei de dolo actio, ut hos sumtus, & quidquid eo nomine illi abest, à donatore recuperet. *dict. leg. Aris. §. ult. D. de don.*

Sed ¶ & hic vide, quantum distat hæc actio ad sumtus recipiendos ab ea actione, quae ob euictionem competit in id, quod actoris interest. Quia hic de dolo actio est, hinc intelligimus, si donatarius dum res ab eo vindicatur, eos sumtus à petitorum retinere potuit doli mali exceptione opposita, de his postea aduersus donatorem agere non posse. Potest autem eos sumtus, si viles fuerint, & si rem possidebat, seruare à petitore, l. sumtus, D. de rei vind. Id si non fecit, doli actionem aduersus donatorem non habebit.

Quisquis enim rem saluam habere potest villo alio remedio, quam actione de dolo, placet cum actionem de dolo non habere, quamuis ad seruandam exceptionem tantum habuerit, *l. 1. § ait prator. D. de dol.* Nec interest, vtrum donatarius exceptionem adhuc habeat ad sumtus seruandos, quos fecit, an vero eam amiserit sua culpa, vt hic contigit, *d. l. 1. §. pen. D. de dol.*

4 Vna est ergo cōuentio, quę donatario re donata euicta actionem ob euictionem possit præstare. Sed hoc præstat non omnis, qua in re est distinctio huius rescripti, vt si quidem donator de euictione cauit donatario, teneatur eo nomine. Si tantum conuenit, vt præstaret, idque nudo pacto, non teneatur. Si cauit, sic interpretandum est ex significatione verbi vsitata, si per stipulationem cauit, siue si stipulanti promisit se euictionem præstaturum. *l. sancimus. sup. de verb. sign.* Distinctio ex iure certo sumta. Nam ex stipulatione iure ciuili actio nascitur, §. de constituta, *Inst. de act.* Ex pacto autem nudo non nascitur, *l. iurigenium, §. sed cum nulla. §. quimmo, l. diuisionis, D. de pact. l. legem. sup. de pact.* Tale est autem pactum, cum circa stipulationem donatarius pactus est sibi à donatore euictionem præstari. Id enim pactum non nudum dicitur, cum quis dedit, aut fecit quid ea lege & pacto interposito, vt vicissim sibi quid daretur, aut fieret. Contra vbi pactus est sibi quid dari, aut fieri, neque prius quidquam dedit, aut fecit ea lege, vt illud, de quo pactus est, sibi præstaretur, id pactum nudum dicitur, *d. l. legem. sup. de pact.* nudum, id est, solum, quod nihil habet ad obligationem contrahendam præter conuentionem. Huiusmodi, si in qua, pactum est, cum donatarius paciscitur sibi euictionem præstari, quamuis id paciscitur tunc, cum res ei donatur. Nam is nihil prius donauit, aut fecit donatori ea lege, vt sibi ea euictio præstaretur, sed contra à donatore accepit. Pactum igitur nudum est ex superiore definitione: ex quo genere iure ciuili non nascitur actio.

6 Hoc loco quæsitum est, num hoc ius mutatum sit constitutione Iustiniani, *l. si quis argentum, §. pen. inf. de don.* quoniam illic constitutum est noue à Iustiniano vt ex solo pacto de donando obligetur donator in hoc vt rem tradat, quam se donare dixit, idque ad exemplum venditionis. Vulgo placet ea constitutione ab hoc rescripto recessum esse, & ex pacto solo vel de donando, vel de euictione rei donatæ præstanda donatorem æque teneri, atque si stipulatione cauisset. Mihi falsum videtur. Et constat huius sententię ratio. Neesse est enim, quod hic constitutum est, ex iure publico manere, nisi aperte & specialiter sublatum sit. *l. precipimus. in fi. sup. de appel.* Non mutatur autem hoc ius superiore constitutione Iustiniani. Nam sic ille vult ex pacto de donando obligari donatorem, vt vbiq; nominatim adiiciat se velle ad hoc, vt donator rem tradat, quemadmodum in venditione venditor rem tradere oporteret. Ex quo colligitur, si donator rem, de qua donanda pactus est, tradiderit donatario, legi Iustin. satisfactum esse, eoq; & donatorẽ liberari. Cui rursus consequens est, si postea res tradita euincatur, euictionem à donatore non debere præstari, quia nihil de eo cautum sit lege Iustiniani; & quia prius donator liberatus sit tradendo, vt diximus. Sed & hoc euidenter efficitur ex sententię eius constitutionis. Apparet enim Iustinianũ voluisse, eum, qui pactus est de donando, ex hoc pacto teneri, vt ita rem tradat, vt traderet, si vltro donasset. Denique non vult ex hoc pacto donatorem amplius teneri, quam vt faciat, quod faceret, si sua sponte rem tradidisset. At omnib; interpretib; cõsentientib; si donator vltro sine pacto rem donauerit, & tradiderit, ea euicta non tenetur. Quare nec tunc tenebitur, cum ex pacto tradiderit. Nihil ad rem pertinet, quod Iustinianus voluit hoc pactum actionem parere, atq; hoc modo pactum stipulationi comparari. Sane enim hic cõparat: sed videndum est, quatenus ne vltra, quam voluit, eius constitutionẽ producimus ad ius verus emendandum. Dedit ex hoc pacto actionẽ tantum, vt res traderet, non etiam vt ea re euicta præstaretur euictio. Quapropter & intra hos fines cõsistere debemus: nec de re euicta ex pacto actionẽ dabimus, de quo ille nihil cauit. At enita vtrumq; pactum alteri simile est; est enim vtrumq; de re donata: prius de tradenda; posterius de retinenda, & perpetuo habenda. Proinde & in hoc posteriore, dicit aliquis, ius idem statuendum, *leg. illud, Digest. ad leg. Aquil.* Sed non est in vtroque par ratio eius tuendi. Vt rem tradat donator ex pacto, nulla eius iniuria est, certe nulla pœna, siue res eius est, siue est aliena, cum tradere possit, quam apud se habet. At re aliena forte donata si euicta sit, idagi pacto, vt id periculum donator præstet: hic vero eius damnum & pœna versatur. & iniquum est eo casu quemquam liberalitatis suę pœnam

pati. hoc Modestinus de huiusmodi præstatione scribit *in dict. leg. ad res donatas. Digest. de ad. ed.* Sed demus & pact. de re donata tradenda, & pacti de eius euictione præstanda eandem rationem & æquitatem esse. Non tamen istis concedendum est, quod de priore constitutum est, vt valeat, idem quoque admittendum in posteriore. Prius enim admissum est à Iustiniano contra iuris communis de pacti rationem. Proinde certo iure vtitur, vt non sit producendum ad cõsequentijs, etiam in quibus videatur eadem ratio, *l. quod vero. D. de legib.* Postremo illud tenendum est, quod supra dixi, cum quid immutatur ex priore iure, si quid specialiter immutatum non sit, id veterum legum constitutionum regulis relinquij oportere, vt dixerit cautum est in *d. l. precipimus. in fin. sup. de app.*

Ad L. Qui rem. 3.

Idem AA. Aureliano.

Qui rem emit, & post possidet: quamdiu euicta non est, auctorem suum propterea, quod aliena, vel obligata dicatur, conuenire non potest. PP. 8. Cal. Aug. Faustino & Rufino. Coss. 211.

S Y M M A R I A.

- 1 Quamdiu res vendita tradita emtori euicta non est, tamdiu cum venditore nullam actionem esse, quamuis constet rem alienam, aut pignore obligatam esse, idque esse perpetuum.
- 2 Quam varie consistere possit emtor aduersus venditorem etiam re nondum euicta: sed quam hoc nihil superiori sententię, qua huius loci est, aduersetur.
- 3 Venditorem rem venditam tradendo quamuis alienam liberari: ceteros debitores, qui rem debuerunt, nullo modo, & differentie ratio.

Certi iuris est, re vendita emtori euicta emtorem aduersus venditorem euictionis nomine actionem habere, *leg. 5. inf.* Quid si res nondum euicta sit; constet tamen aut alienam esse, aut pignori obligatam, aut hominem, qui venditus est, liberum esse, & in libertatem proclamare posse? deniq; rem venditam in ea causa esse, vt emtori auocari possit: An emtor venditorem suum possit eo nomine conuenire vel in id, quod sua interest rem perfecte suam factam esse, vel vt sibi pretium restituatur, queritur. Constituitur hoc loco, non posse, idque est, quod in *l. ex emto, in prin. ff. de actio. emt. traditur*, venditorem rem solum tradere debere. si tradiderit, quamuis alienam, ita liberari, vt tantum euictionis nomine obligetur. Nihil est hac sententię verius, neque rotundius. Multa colligit Accursius in glossa: quę ipse pro contrarijs citat. ad quę explicanda hac ratione vtitur, vt dicat ea certam rationem diuersitatis habere. Non recte, non quod emtor aduersus venditorem suum non possit multis de causis consistere etiam re nondum euicta, sed quod nihil eã causã aduersetur huic loco, vt potest quę omnes verbis huius rescripti satis remoueantur. Nam in eo nihil otiose scriptum est. Id vt intelligatur, sic habendum est.

Emtor venditorem suum etiam re nondum euicta conuenire potest, sed ob alias causas, quam quod res aliena, aut pignori obligata sit. Rursum ob hanc ipsam causam, quod res aliena est, aut pignori obligata, potest emtor consistere aduersus venditorem suum: sed non vt petat sibi ab illo aliquid dari, vel restitui, sed ne ipse cogatur postea quid dare ei, aut ab eo accipere: quod excipiendo consequitur, non conueniendo. Conuenire debitorem suum potest, sed re non tradita, vt sibi tradatur, *l. 1. in pr. Dig. de act. emt.* Quod si venditor alienam offerat, aut pignore obligatam, est in potestate emtoris non accipere; quod fit recusando non venditorem conueniendo. *l. 5. l. si post perfectam. inf. eo.* Nunc autẽ hoc rescriptum vetat, ne emtor conueniat venditorem. Item re tradita potest emtor petere à venditore, vt repromittat sibi rem habere licere. *l. ex emto in pr. & §. venditorem etiam, D. de act. emt.* Hoc amplius potest petere, vt venditor eo nomine duplam, aut simplam repromittat pro ea distinctione, quę legitur in *l. emtori. D. de euict.* Sed nihil hæc ad hunc locum. Non enim petitur hæc repromissio, quod res aliena sit, sed quod sine his non videatur tradita. Nam etsi res esset venditoris, tamen promittere cogere. Præterea si venditor sciens rem alienam ignorantem emtori vendidit & tradidit, placet

placet statim emtorem agere posse aduersus venditorem in id, quod sua interest. *l. 4. in pr. leg. seruus, quem. §. vit. D. de act. emt.* Sed hoc non eo fit tantum; quia res aliena vendita est; sed quia emtor deceptus est: non & turus alioquin, si deceptus non esset quantumuis res aliena esset vedita. Nihil est igitur verius, quam quod hic dicitur, re vendita tradita emtorem non posse agere aduersus venditorem suam, non simpliciter, sed eo eam causam, quod res aliena est, aut pignori obligata. In quo cum lex inhibeat tantum actionem aduersus venditorem & eam ex superiore causa, apparet, si emtori licet consistere aduersus venditorem alio modo, quam agendo, & ob aliam causam, quam supra scriptam, nihil his contrarium dici in hoc rescripto. Sane si conuenit inter emtorem & venditorem, & simulatque controuersia mota erit de re vendita, liceat emtori aduersus venditorem eo nomine agere, conuentio seruanda est, *l. siue in libertatem. 12. hic.* Sed ne hoc quidem huic loco aduersatur, in quo respondetur de ijs, quæ secundum naturam emti & venditi præstanda sunt, aut non sunt. Ea autem natura conuentione mutari potest, nam contractus ex conuentione legem accipiunt, *l. 1. §. si conuenit, D. de pos. l. contractus. D. de reg. iur.*

3 Illud t animaduertendum est, quod placet, re quamuis aliena aut pignori obligata tradita, non eo magis venditorem ab emtore conueniri posse, in venditore recte dici, ad ceteros debitores, qui rem aliquam præstare debeant, non pertinere. Liberatur venditor, quamuis rem alienam dando, propterea quod in hoc solum obligatur emtori, vt ei rem tradat, & ei habere licere præstet, quod fieri intelligitur, quamdiu res vere emtori euicta non sit. *dict. leg. ex emto in prin. & l. seruus quem. 30. §. vit. Digest. de actio. emt.* Ceteri debitores, qui rem aliquam debuerunt, id est, qui debuerunt dare creditori suo vel ex stipulatu vel ex legati causa, vel dotis, & similib. in ea causa sunt, vt si rem alienam, aut pignori obligatam creditori suo soluerint, deniq; eam, quæ perfecte non fiat accipientis, placeat nullo modo eos liberari, sed creditori pristina actione manere, qua statim agere possit, vt sibi ea res, quæ debebatur, præstetur, *leg. cum quis. §. qui hominem. Digest. de solut. nimirum quia & hoc conditio obligationis facit.* Nam dare est dominium transferre. *§. sic itaque. Institut. de act.* Vnde qui promisit se fundum daturum, dicitur in id obligari vt omnimodo rem faciat accipientis, *l. ubi autem, §. vit. D. de verb. oblig.* Non dat autem rem; aut dominium eius transfert, qui eam rem dat, quæ iure potest creditori auocari. Proinde debitor ita dando non præstat, quod debuit, ex quo etiam efficitur, vt non liberetur; quoniam tollitur quidem solutione obligatio, sed solutione eius, quod debetur. *Instit. quib. mod. sol. obl. in prin.*

Ad L. Si prædium.

Imper. Antoninus A. Georgio.

Si prædium tibi pro soluto datum est, quod alijs creditoribus fuerat obligatum, causa pignoris mutata non est. Igitur si hoc iure fueris euictum, utilis tibi actio contra debitorem competet. Nam huiusmodi contractus vicem venditionis obtinet. PP. II. Cal. August. Duobus & Appris. Coss. 213.

S Y M M A R I A.

- 1 Extra emtionem, aut si qui sunt contractus emtioni similes, actionem ob euictionem non esse.
- 2 Pignore in solutum dato cur non videatur contrahi emtio.
- 3 Re in solutum data emtionem contrahi videri, & vnde, hinc eare euicta creditori esse actionem vtilem ex emto ob euictionem.
- 4 Emtor ab eo, qui in solutum accepit, cur distinguatur.
- 5 Re in solutum data euicta veterem actionem creditori manere: sed nihilominus ei actionem vtilem ex emto competere: & quid intersit, hac, an illa creditor experiatur.

Quicquid debet, prædium volenti creditori in solutum dedit. Id prædium cum alijs creditorib. obligatum esset, ab ijs postea ei creditori, cui datum erat, iudicio euictum est. Quæsitum est, an creditor prædio euictio actionem habeat aduersus debitorem ob euictionem in id, quod sua interest? Sed hanc quætionem præcedit illa necessario, an cum debitor prædium creditori in solutum dedit, sublatum sit eo prædio pignus auctorum creditorum, an vero manserit?

Nam si mansit, iure ab illis euinci potest, & ita locus fieri actioni ob euictionem. Quod si sublatum est pignus ea alienatione, non potuerunt creditores, quib. obligatum erat, id prædium iure euincere. Quo fiet, vt si euincant, id contingat iniuria iudicis, non actoris iure. Iniuriam autem iudicis actor non præstat ei, cui rem tradidit, etiam si tradiderit ex causa emtionis. *l. si per imprudenciam. ff. de l. emtor. inf. hic.* Quomobrem & de eo respondetur hic primo loco, vt sic deinde recto ordine perueniatur ad quætionem de euictione. Placet ergo prædio in solutum dato, nihilominus causam pignoris alijs creditoribus constituti integram manere, quod rescriptum est ex iure certo, quod est in *l. debitorum, l. d. distractis. supr. de pig. l. si debitor, supr. de distract. pign.* Ex quo intelligitur, si creditores postea prædium euincant, iure ab illis euictum videri, ac proinde nihil esse in alienatione debitoris, quod impediatur actionem de euictione. Hoc positum; tamen adhuc dubitabitur, an creditor, cui prædium euictum est, possit agere ob eam euictionem aduersus debitorem: nec abs re dubitatur. Nam si in proposito emtio contracta non est, creditor nullam actionem habet euictionis nomine. Primum; quia de eo nihil conuenit inter debitorem & creditorem, cum prædium in solutum daretur. Deinde; quia etsi conuenisset; tamen creditor ex ea conuentione actionem non haberet. Est enim pactum nudum; quia nihil dedit, aut fecit creditor ea lege, vt sibi id prædium præstaretur, aut eius prædij euictio, ex pacto autem nudo actio non nascitur, *legem supr. de pact.* Nihil eum dedisse debitori certum est. Nam debitor rem, quam debebat, prius vt suam habuit, neque aliam a creditore accepit, aut si accepit, accepit sine vilo pacto & constitutione.

Quibus t de causis generaliter probatum est, extra emtionem, & si qui sunt contractus emtioni similes, actionem ob euictionem non esse, vt hoc rescripto satis declaratur, & *l. i. iudicial. 2. supr. de rer. per.* quibus in locis de re in solutum data, aut permutata datur ob euictionem actio, solum hac ratione, quod hic negotia gerantur, quæ vicem emtionis obtinent. Atqui t pignore in solutum dato creditori, de qua specie nunc agitur, non videtur dici posse emtionem esse contractam. Non modo enim nihil dictum est de emtione, sed etiã aperte prædium in solutum datum est. Sed etsi rem & mentem contrahentium spectemus, idem dicemus. Nam qui dat in solutum creditori suo, id agit, vt negotium & obligationem præcedentem distrahat. Contraria sunt autem velle negotium distrahere, & velle contrahere. Quare qui in solutum dedit, non intelligitur contrahere voluisse, ac proinde non contraxit: collectio est *§. u. quog. in fin. Inst. quib. mod. re cont. obl.* Hæc dubitatio est, quæ mouit æstimationem huius loci.

Et respondetur, t nihilominus creditori vtilem actionem aduersus debitorem competere: Sed non adijcitur, quæ actio, neq; ad quid competat. Et actionem vtilem intelligere debemus ex emto, quæ in hoc genere solet competere, cum res in solutum data euicta est, vt diserte traditur in *l. eleganter in pr. D. de pig. act.* Sed & hoc ex ratione huius rescripti satis colligitur, quæ ad aliam sententiam confirmandam referri non potest. Est enim hæc: nam huiusmodi contractus vicem venditionis obtinet. Primum Alexander contractum nominat, deinde ait, *eum vicem venditionis obtinere*, vt hic quasi venditionem contractam intelligamus, vnde fit illa actio utilis; quam nominat. Sed quomodo hic potest esse emtio, ubi & verba repugnant, & finis soluentis, vt diximus? Emtio esse intelligitur ex ijs rebus, quæ interueniunt. Nam quoties pecunia pro re datur, toties emtio contrahi intelligitur, *l. naturalis in princ. illic, & si quidem. Digest. de pres. verb.* Id autem fit in proposito. Non obstat, quod aperte pretium hic non dicitur: de quo tamen in emtione contrahenda conuenire oportet *§. pretium. Inst. de contr. emt.* Satis enim pretium dicitur rei soluta, cum ea datur pro pecunia, quæ debetur. Apparet namque rem tanti æstimari, quanta est summa, quæ debetur: Sed tamen quia verbis aperte non contrahitur emtio, eo fit, vt non proprie emtio esse existimetur. Vnde non datur directa actio ex emto, sed tantum utilis; quia scilicet contrahatur id negotium, quod obtinet vicem emtionis: vt pote omnia habens, quæ sunt emtionis propria. Nam quod supra diximus, *debitorem prædium in solutum dando non id agere, vt contrahat, sed vt distrahat potius*: verumque verum est, debitorem prædium hoc in solutum dare & contrahendæ emtionis causa, & nihilominus præcedentis obligationis dissoluendæ. Præcipuus quidem eius finis est, vt liberetur obligatione; nam nisi solutum voluisset, non vendidisset prædium.

Sed vt ad hunc finem perueniat. prius hoc ei propositum est, vt vendat, cum enim pecuniam non haberet, vnde solueret, idcirco vendidit prædium creditori, vt pretium inde debitum cederet in eam pecuniam, quam debet, atque ita compensatione liberaretur. Recte ergo dicimus euictio eo prædio emti actionem ⁴ vtilem creditori competere ob eam euictionem. Quod ¶ est igitur, quod in *l. libera. in fin. supr. de sent. & inter.* aperte distinguitur emtor ab eo, qui in solum accepit. Nempè hoc significat, hunc posteriorem non esse emtorem, vt est is, qui aperte emit. Quod & nos fatemur. Ideo enim non emtorem, sed quasi emtorem esse dicimus. Et ¶ quo illic dicitur, *cum ancilla in solum data est, posse ea euicta debitum reperiri*, sane hoc significat. & verum est, euicta re in solum data, veterem actionem de debito manere. Sed ea res non facit, quo minus etiam creditori competat vti is emti actio, vt est in *d. l. eleganter, D. de pig. act.* Vtramque hanc creditori competere non est otiosum. Re euicta expedit ei emti actionem potius habere. Est enim hæc multo, quam illa, plenior: quippe quæ datur in id, quod creditoris interest, prædium euictum non fuisse, *l. si tibi, in fr. hic.* Quod sæpe pretium excedit, vt est in *l. i. in pr. D. de act. emt.* In eo enim continetur, & quanto pluris res valuit & præterea, quæ in rem emtam, vt melior fieret, erogata sunt, *l. si controuerfia, g. l. cum successoribus, 23. in fr. eod.* Rursum re nondum euicta, vtile est actionem de eo, quod debebatur, adhuc saluam habere. Nam tum actio ex emto creditori nulla est, quæ tunc solum competit, cum res, quæ tradita erat euicta fuerat: non ante, quamuis constet rem alij pignori obligatam esse, vt superiore rescripto diximus. Actione autem veteri integra manente, cum res aliena, aut pignori obligata in solum data est, vt certe manet, *l. cum quis, §. qui hominem, D. de sol. eueniet*, vt ea agi possit etiam antequam res euincatur, si modo constet rem alienam, aut pignori obligatam datam esse. Et certe, etiam tum manere veterem actionem necesse est, si nouatione non est sublata. Nullam enim hic solutionem esse conuenit. Atqui nec nouationem hic interuenisse vllam apparet.

Ad L. Ex his. 5.

Idem A. Petroniæ.

Ex his prædijs, quæ mercata es, si aliqua à venditore obligata, & nec dum tibi tradita sunt: ex emto actione cõsequeris, vt ea à creditore liberentur. Idem etiam fiet, si aduersus venditorem ex vendito actione pretium petentem doli exceptionem opposueris. PP. 15. Cal. Octob. Duobus & Aspris Cõss. 213.

S V M M A R I A.

- 1 Re pignori obligata vendita posse emtorem aduersus venditorem ignorantem agere, vt pignus liberet re nondum tradita, semel autem ea tradita non posse: & cur hæc dissimiliter.
- 2 Re obligata marito æstimata data in dotem, posse maritum etiam re tradita agere, vt qui dedit, pignus luat aliter, atque in ceteris emtionibus: & differentiæ ratio.

Cum res pignori obligata ¶ vendita est, potest emtor aduersus venditorem ex emto agere, vt pignus luat, sed hoc re vendita nondum tradita, vt hic nominatim adiectum est. Et recte. nam re tradita si deceptus emtor non esset, nullam aduersus venditorem actionem eo nomine haberet, quoniam satis est emtori præstari rem habere licere, *l. feruus, quem, §. vlt. D. de actio. emt.* Nec est, quod quisquam putet, ideo deteriore conditionem emtoris fieri re tradita, quam nondum tradita. Nam re nondum tradita ideo agit, quia res ex emto ei tradi debuit, neque tradita est, *l. i. in prin. & l. ex emto. D. de actio. emt.* Re autem semel tradita habet, quod ex emto ille debebatur. Solum enim hoc, vt dixi, præstari debuit, vt ei habere liceret. Adde, quod re emtori tradita non potest emtor consequi à venditore, vt pignus liberet, nisi agendo. At re nondum tradi, id consequitur à venditore rem recusando, agit namque in hoc, vt sibi res tradatur: quod potest, quia hæc erat obligatio emti. Quod si res liberata à pignore ei traditur, bene est. Sin obligata adhuc traditur, licet ei impune dicere, non accipiam, priusquam liberet, & ad hoc obtinendum defenditur doli mali exceptione.

² Sed ¶ in hac re controuerfiam facit *l. creditor, §. prædium D. de*

act. emt. vbi re vendita tradita nihilominus datur emtori actio aduersus venditorem, vt pignus luat. Proponitur eo loco pater filix nomine prædium æstimatum marito eius dedisse in dotem. In quo et si videtur datio in dotem esse, non emtio, de qua nunc agimus; tamen reuera emtio est. quotiescunque enim res alicui æstimata datur, æstimatio emtionem facit: & qui rem accipit, emtor est; qui tradit, venditor, vt qui pro re pretium rei traditæ accipiat, *l. plerumque §. pen. D. de iur. dot.* Et tamen in ea specie respondetur, si prædium æstimatum deprehendatur obligatum esse, posse maritum statim aduersus heredem patris, qui prædium dederat, agere, vt pignus luat, id est, liberet, contra quam significatur hoc loco, & rescriptum est in *d. l. 3. sup. eod.*

Hic respondendum est, quod est in *l. quoties, D. de iur. dot.* non simplicem hic emtionem esse, sed dotis causâ. Ea res facit, vt quoniam mulieri soluto matrimonio pretium prædij in dotem dati restituendum est, maritus statim agere possit, vt à pignore liberum prædium habeat. Nõ enim æquũ est, eum soluto matrimonio pretium restituere, nisi prædiũ interim habeat pro pretio. At nisi iam nunc agat, vt pignus luatur, futurum, est, vt prædium non habeat, & tamen pretium debeat restituere. Sed aduersus eum, qui prædium dedit, aut heredem eius non licet agere, fieri potest, vt is destinat esse soluendo. Quod si sit, prædio quandoque euictio prædium illi perierit; quia eius æstimationem consequi non possit. Non ab eo, qui dedit, cuius inopia inanem fecit actionem, *l. 6. D. de dolo.* non à muliere, quæ prædium non dedit. Et tamen nihilominus pretium soluto matrimonio restituere debeat. Dote enim ab extraneo data, aut promissa, si qua marito aduersus eum de dote seruanda fuit actio, & hic forte defectus sit facultatibus, imputatur marito, cur eum non conuenierit, *l. si extraneus, Dig. de iur. dot.* Et in superiore *l. creditor.* aduersus extraneum agitur. Pater enim, à quo dos erat, iam decesserat, & filia hereditate patris se abstinerat dote contenta. Cetera rescripti exposita sunt *ad leg. 3. supr.*

Ad L. Non dubitatur. 6.

Imper. Alexander A. Octauio.

Non dubitatur, & si specialiter venditor euictionem non promiserit, re euicta ex emto competere actionem. PP. 8. Id Martii. Alexandro A. Cõss. 223.

S V M M A R I A.

- 1 Euicta re venditorem præstare debere euictionem emtori, quamuis de eo nihil aperte conuenierit.
- 2 Sciens rem alienam, aut pignori obligatam vendi, euictionem non præstari.
- 3 De euictione præstanda si conuenit, hanc emtori etiam sciens conditionem rei præstari.
- 4 Venditorem paciscentem de euictione non præstanda non teneri, si ignorans conditionem rei vendiderit: si sciens, conuentionem nihil ei prodesse.
- 5 Et si ignorans quis rem alienam vendidit, & conuenit, ne euictionem præstaret; hæc tamen eum re euicta teneri, vt falsum pretium restituat, dummodo & ignoranti vendiderit, & cur non obset conuentio.

L. ex emto, §. vlt. D. de act. emt. explicatur ibid.

De euictione præstanda hic ius constituitur. De quo in vniuersum ita puto, recte statuetur, si dixerimus, primum quid de ea iuris sit, cum de ea nihil omnino conuenit deinde quid, cū aliquid conuenit in alteram partem, vel vt præstetur, vel vt ne præstetur. de quibus ita dicam breuiter ordine. Si ¶ de euictione nihil aperte conuenit, placet nihilominus re euicta venditorem hanc præstare debere emtori, vt hic definitum est, & *l. ex emto, D. de act. emt.* Sed ¶ cum hac exceptione, nisi emtor sciens rem alienam, aut pignori obligatam emerit. Sciens euictio non præstatur. Vique adeo, vt ne pretium quidem venditor restituere debeat hoc casu, *leg. si fundum, in fr. hic.* Et recte. Nam hoc conuenit inter omnes, si venditor moneat rem alienam à se vendi, & pro tali vendat, eum teneri ob euictionem non debere; quia appareat nihil eum amplius vendere, quam quod habet. Et hinc est, cur placeat creditorem, pignore ab eo vendito, euictionis nomine non teneri, si res tanquam aliena euicta sit, dummodo tanquam

quam pignus, siue iure creditoris vendiderit, & reuera fuerit res illi pignori oblata, l. ex emto. §. sententiam. D. de act. emt. Quod si verum est, par est, et si nihil tale dixerit venditor, si tamen emtor id ita esse non ignorarit, non magis ei prestari debere euictionem. Non enim debuit certiorari, qui non ignorauit, leg. i. in si. ff. de act. emt.

Quod si de inuictione aliquid conuenit, quæri solet, utrum, & quatenus conuentio seruanda sit. Et multum interest, conuenientie, ut euictio prestaretur emtori, an ne prestaretur. Si ut prestaretur, conuentio omnimodo seruanda est, quæ quidem in re gerenda interposita fuerit, & seruanda etiam emtori conditionem rei non ignorant. Nam cum in l. si fundum. inf. eo. dicatur ei, qui fundum sciens alienum, vel obligatum comparauit, euictionem non prestari hac conditione, si de euictione non conuenit: vi ipsa satis hoc dici intelligitur, si conuenit in re vendenda, ut huic ipsi scienti euictio prestaretur, et esse prestandam. Idq; per se satis efficitur generali edicto de pactis, quo prætor pollicetur se pacta seruaturum, quæ neq; dolo malo facta sint, neq; contra leges l. iuris gentium, §. ait. D. de pact. Nihil hic dolo malo facit emtor, qui sibi cauet: nec decipitur venditor, qui scit, quid promittat & consentit, l. nemo videtur. D. de reg. iur. Non est contra leges id pactum, quod est de re familiaris & priuata: in qua licet vnicuique pacto deteriore suam conditionem facere. d. l. iuris gentium, §. si paciscar. l. pactum, D. de pact.

Non eadem causa est contrariæ conuentionis, si forte conuenit, ne venditor re euicta euictionis nomine teneretur. Nam neq; semper prodest venditori, neq; in totum: & in summa tunc solum propter hanc conuentionem tutus est venditor, ne quid re euicta præter emtori, cum ille ignorauit rem alienam esse, hic sciuit alienam. Hoc quidem casu non teneri venditorem constat. Nam si emtori scienti non prestatur euictio, quamuis de ea nihil conuenit: d. l. si fundum. inf. multo minus ei prestanda esse dixerimus, si nominatim conuenit, ne prestaretur. Sed hoc ita est, inquam, si venditor rem alienam ignorans vendiderit scienti. Quod si sciens vendidit ignorantem, nihil ei præferit conuentio, quomodo re euicta ex emto teneretur, l. ex emto. in si. D. de actio. emt. Quippe venditor celando emtorem decipit. Sic enim silentio suo consecutus est, ut is facilius remitteret euictionem, dum existimat venditorem agere bona fide. Nunc dolum ubiq; iudicio emti præstat venditor. l. i. §. i. l. ex emto. §. sententiam, & §. vlt. in fin. D. de act. emt. l. ea, quæ. D. de contr. emt. & vend. In quo nihil iuuat eum, sed oppugnat potius edictum prætoris de pactis quoniam ea non seruat prætor quæ dolo malo facta sunt. Sed et tunc venditor & emtor ignorauerint rem alienam esse, tamen hæc tamen solum proderit supra scripta conuentio venditori, ne re euicta teneatur in id, quod emtoris interest, quominus autem pretium saltem restituere debeat, non proderit: quæ sententia est Iuliani in d. l. ex emto §. vlt. D. de act. emt. quam & Ulpianus confirmat eo loco repudiens exemplum earum specierum, in quibus alea emitur: veluti cum emitur iactus retis, aut captus auilum, vel missilium. quo in genere quamuis nihil capium sit, aut quod captum erat, sit euictum, nulla tamen eo nomine ex emto obligatio contrahitur, l. nec emtio. D. de contr. emt. Et recte exemplum repudiat. Hic enim nihil certi venditur, sed tantum quod capieretur casu. quam obrem & hoc agi intelligitur, ut quamuis nihil inderit, tamen si emtio, & pretium apud venditoris maneat, quia spel emtio est, ut est in d. l. nec emtio. de contr. emt. Longe diuersum est, ubi res certa, & quæ in rerum natura est, venditur. de qua hoc agi constat, ut ipsa sit emta, ac sine ea nulla sit emtio. Sed hic obicitur edictum de pactis, quo efficitur, ut pacta de re priuata seruanda sint, etiam si sint cum incommodo emtoris paciscentis coniuncta, d. l. pactum, D. de pact. Nihil id huic sententiæ aduersatur. Fatemur enim conuentionem hanc seruandam ita, ut nec venditor pretium restituere debeat re euicta, si nominatim id conuenisset. Nunc autem cum ita conuenit, ne quid venditor euictionis nomine præster, conuentionem sic interpretamur, ne præster id, quod proprium est euictionis. Est autem hoc proprium, ut præster id, quod interest, l. si tibi, inf. hic. Id vero venditor propter conuentionem superiorem non præstabit. Sed non ideo efficiet conuentio, ne venditor pretium reddat, quia hæc interpretatio neq; verbis satis conuenit, neq; villo modo congruit bonæ fidei iudicij naturæ, & præsertim naturæ emtionis: in qua negotium geritur mutuum, ubi venditor pretium accipit, sed vicissim rem tradit pro pretio. Et ideo bene dictum est à Iuliano, ut Ulpianus ibidem refert, bonæ fidei iudicium non pati hanc conuentionem, ut emtor rem amitteret, venditor pretium lucraretur. Hoc sic accipere, in re

dubia. Nam si aperte conuenisset, ne venditor etiam pretium restitueret, dubitari non debet, quin conuentio seruanda sit ex edicto de pactis, Argumento erit creditor, qui pignus iure pignoris vendidit: quem placet re euicta non teneri, ne ad pretium quidem. d. l. ex emto. §. sententiam. D. de act. emt.

Ad L. Auctore. 7.

Idem A. Hilariano.

Auctore laudato, si euicta res est, fideiussorem (etiam si agens causam ignorauerit) conueniri euictionis nomine posse non ambigitur PP. 3. Non. April. Alexandro A. Cos. 223.

Venditor euictionis nomine fideiussorem emtori dedit, non quia cogebatur, sed quia ita placuit, l. emtori, D. eo. Si emtori controuersia de re vendita moueri cœperit, satis est emtorem id denunciare venditori, fideiussori denuntiare non est necesse. Itaq; post denuntiationem venditori factam re euicta, emtor actionem ob euictionem habebit, non tantum aduersus venditionem heredes eius, sed etiam aduersus fideiussorem, ut hic constitutum est. Atenim venditori denuntiandum est, qui euictionis nomine tenetur. Cur non videatur etiam denuntiandum esse fideiussori, qui & ipse euictionis nomine obligatur? Sed hæc paria non sunt. Nam in obligatione fideiussoria nihil est proprium fideiussoris, sed totum pendet ex obligatione principalis rei. Est enim fideiussio accessio principalis obligationis, §. fideiussores, Inst. de fideiuss. Itaque venditore liberato, vna etiam liberantur fideiussores sine villo suo facto, l. in omnib. speciebus, D. de solut. E conuerso quoq; si venditor euictionis nomine tenetur, ut hic teneri constat, cum ei denuntiatum est, necesse est & fideiussorem in eam causam teneri, quia in hanc ipsam causam conuentione se obligauit. huc facit l. mora 88. D. de verb. obl. Hoc autem denuntiare venditori, ut ad agendum causam emtori adsit, hoc loco dicitur auctorem laudare, quod quia ad questionem sequentis rescripti pertinet, ibi dicitur.

Ad L. Emto. 8.

Idem A. Clementino.

Emtor fundi, nisi auctori, aut heredi eius denuntiauerit, euictio prædij, neq; ex stipulatu, neq; ex dupla, neq; ex emto actio. nem contra venditorem, vel fideiussorem eius habet. Sed & si iudicio emtor non adfuit, aut præsens per iniuriam iudicij uictus est absente auctore, vel fideiussore: regressum aduersus eum non habet. PP. 8. Id. Decemb. Alex. A. Cos. 223.

S V M M A R I A.

- 1 Iure rem euinci oportere? & hoc quid sit.
- 2 Euicta re vel culpa emtoris, vel iniuria iudicij, venditorem ob euictionem non teneri.
- 3 Si de possessore petitor factus ob id uictus est.
- 4 Si cum posset faciliore iudicio rem persequi, maluit difficiliore experiri exempla.
- 5 Si emtor aliqua exceptione ex persona sua re-motus est.
- 6 Si causam non defendit, ut debuit, dum aut non adfuit causa agenda, aut exceptiones aliquas prætermisit.
- 7 Si venditori non denuntiauit in tempore litem sibi moueri: & cur.
- 8 Denuntiandum venditori, herediue eius, non autem necesse esse denuntiare fideiussori.
- 9 Denuntiationem ommissam emtori non nocere, siue venditor absit: siue fecerit, ne sibi denuntiauerit: siue iuste ignoret emtor, ubi sit.
- 10 Denuntiandum pupillo venditoris heredi, quamuis tutor absit.
- 11 Denuntiandum venditori, quamuis litem moueri emtori non ignoret.
- 12 Quo tempore denuntiandum sit, ut agendam causam adsit: quo tempore heredi, si re aliena soluta moueatur de eare controuersia legatario.
- 13 Auctor proprie venditor ab augendo: & cur.

- 14 *Auctor per metaphoram omnino, qui alicuius rei habenda alteri causam probet: unde translatum.*
 15 *Laudare auctorem quid.*
 16 *Venditore causam negligente emtorē nihilominus causam agere debere. hac deserta si vincitur, actionem de euictione non habere.*
 17 *Iniuria iudicis victo emtori euictionem non praestari.*
 18 *Fideiussorem iniuria iudicis victum nihilominus actionem habere aduersus reum, pro quo soluit: & cur dissimiliter in emtore iniuria iudicis victo, cum agitur aduersus venditorem.*
 20 *Emtorem a venditore de proprietate rei victum, licet culpa emtoris sit, qui agentem exceptione non remouit, aut iniuria iudicis, nihilominus actionem habere ob euictionem: & cur.*

HOC rescriptum continet de euictione eam sententiam, quam in initio huius tituli posuimus: non esse factis videlicet ad euictionem, rem venditam emtori iudicio ablatam esse, sed & iure oportere esse euictam, quod verbum positum est in l. 4. sup. Eo verbo continetur, ut non aliter euictionis nomine teneatur venditor, quam si condemnatus sit, cum malam causam haberet, puta quia res in causa esset, ut iure ei eninci posset, vel tanquam aliena vel tanquam plgnori obligata. Quapropter et duabus de causis efficitur, ut quamuis res euincatur iudicio: tamen venditor ob eam euictionem non teneatur. Vna causa est: si res euicta sit culpa emtoris: altera, si euicta sit iniuria iudicis. Prior causa hic vno & altero exemplo declaratur: posterior etiam expressa est, vtraque diffuse comprehensa in l. 1. sup. de ver. perm. de vtraque cognoscendum est. Culpa emtoris est, cum ea praetermisit, quae ad retentionem, aut defensionem rei pertinebant, & ob id victus est. Id autem quinq; modis accidit. Primus est, et cum emtor sua culpa possessionem rei venditae amisit, quae re de possessore petitor factus victus est, non quia possessor probaret se dominum esse, sed quia emtor se dominum esse probare non potuit, unde & possessor absolutus est, iuxta l. qui accusare sup. de eden. Species posita in l. si rem, §. 1. D. eo. Hoc factum negari non potest, quin emtor victus sit sua culpa: cum si possessionem retinisset, aduersarius eius rem non euicisset. Etenim si egisset aduersus emtorē, neque de iure suo probare potuisset, ut nunc probare non potuit, emtor idemque possessor esset absolutus, & in suo loco mansisset possessio, d. l. qui accusare, §. retinenda, vers. commodum. Inst. de interd. Secundus et modus est, cum emtor quamuis casu & sine culpa possessione amissa, cum faciliore iudicio & expeditiore rem persequi posset, maluit difficiliore experiri. Veluti, si cum posset Publiciana agere, aut actione, quae competit de agro vectigali, rei vindicatione uti maluerit, cum esset a venditore admonitus, l. si cum venditor, D. eod. Publiciana actione is vincit, qui probat solum se ex iusta causa ab aliquo accepisse: quod facile probatum est. Actione de agro vectigali is vincit, qui actorem suum non dominum, sed vectigalis praedij possessorem solum fuisse probat. At in rei vindicatione non est satis probare se rem ex iusta causa accepisse, sed probandum est etiam, eum a quo accepisset, dominum fuisse: quod est probatum difficilimum. Intelliguntur haec ex §. namq;, Inst. de act. l. in rem. D. de rei vind. & l. 1. D. si ager, vectig. vel emph. per. Tertius modus est, et cum idoneo & expedito iudicio vsus emtor aliqua exceptione remouus est, quae ei obiecta sit a possessore ex persona eius, l. hoc iure, & seq. D. eod. Veluti, si cum excidisset emtor possessione rei, & mota controuersia inter eum & possessorem pactus esset, se fundum illum amplius non petiturum, aut iusiurandum possessori detulisset, & ille iurasset suum fundum esse: post deinde ipse iudicio de ea re instituto summotus sit a possessore exceptione pacti superioris, aut exceptione iusiurandi, quantum vtraque; ex persona & facto emtoris aduersus illum nata est. Quartus et modus est, cum emtor possessionem rei adhuc retinet: sed dum res ab eo vindicatur, causam non defendit, ut oportet, & debuit, quod dupliciter contingit. Vno modo, si non adfuit, quae causa hoc rescripto addita est in illis verbis, sed & iudicio, & clarius posita est in l. si ideo, in prim. D. eod. Altero modo, si emtor cum exceptiones aliquas haberet, eas praetermisit exemplo fideiussoris, qui idem fecit, de quo in l. idemq;, §. generaliter, Dig. mandat. Postremo et hoc in praecipua culpa emtoris numeratur, cur vincatur, ut venditori suo non denuntiet litem sibi moueri de re vendita. Nam venditor vtriusque & rei dominus, scire potuit ius suum, & quibus rebus id ius instrueretur. Itaque & ipse causam proprietatis & emtoris instruere potuit ad motus: quod si non fecit, quia denuntiatum ei non est, perspicuum est ideo emtorem victum esse, quia culpa sua instructus non fuerit ad causae defensionem. l. si fundo, §. vit ff. eod. Hac de caus-

sa etiam si emtor in causa agenda & deferenda praestet officia omnia, tamen hoc in primis ab eo exigitur, ut lite sibi mota id denuntiet venditori, ut is, si videtur, ad causam agenda ad sit, ut hoc rescripto cautum est, & l. seq. item l. si parentes, in fi. l. cum successores, inf. eo. d. l. si fundo, §. vit ff. eo.

In hac denuntiatione haec cognoscenda sunt: cui hoc denuntiandum sit litem moueri emtori, an semper denuntiandum: postremo quo tempore denuntiandum. Et auctori, id est, venditori denuntiandum est, aut eo mortuo heredi eius, ut hoc rescripto comprehensum est, & seq. Fideiussori denuntiare non est necesse, si superioribus denuntiatum fuerit: tamen si verum sit, non minus teneri fideiussorem euictionis nomine, quam venditorem. l. auctore sup. vbi ratio exposita est. Neque etiam tamen his semper denuntiare necesse est. Sunt in eo haec conditiones, ut venditori denuntiandum sit, si & praesens sit, & sui copia faciat. Absente venditore omisa denuntiatione nihil nocet. l. si ideo, §. vit ff. eo. Absens qui definitur in l. absentem, ff. de ver. sig. Sed & si venditor praesens sit: si tamen aut dolo fecerit, ne sibi denuntiaretur, aut nesciat emtor, vbi sit, impune denuntiatione omittitur. l. si dictum, §. si praesente ff. eo.

Quod et si haec concurrent, ut & praesens sit emtor, & sui copia faciat omnimodo ei denuntiandum est, adeo ut placeat etiam pupillo, qui patri venditori successerit, denuntiandum esse, quamuis eius tutor absit. d. l. si dictum, §. vit ff. eo. Non obstat quod tutoris auctoritas in hac denuntiatione non interuenit, alioquin tutoris in rebus ad pupillum obligandum necessaria. Inst. de auct. tut. Nam etsi neque pupillus, neque tutor praesentes essent, tamen impune & sine vtriusque voluntate omitteretur denuntiatione, ut in omnium venditorum absentiam persona ius esse supra dicimus. Quae situm est hoc loco, et an venditori praesenti denuntiandum sit, si is litem emtori suo moueri non ignoret. Mouet dubitationem, quod dicitur non esse certiorandos eos, qui non ignorant. l. 1. in fi. ff. de act. emt. Et recte placuit nihilominus venditori denuntiandum, ut ad agenda ad sit. Nam ea rescripta quae hac denuntiatione citauimus, puta hoc, & l. seq. l. si parentes, l. cum successores, inf. denuntiationem praecise exigunt. Vbi autem lex denuntiationem exigit, hanc semper interuenire oportet, etiam si is, cui denuntiationem ex lege est, non ignorauerit id, de quo agitur. leg. denuntiasse in pr. ff. ad l. iul. de adult. At enim recte dicitur non esse certiorandos eos, qui non ignorant. Rectissime dum de eo agatur, quod non ignorant. Sed id huc non pertinet. Etenim lite emtori mota de duabus rebus agitur, quarum vnam scit venditor, alteram ignorat. Lis emtori mouetur: hoc scit venditor, de ea re moueri non debuit. Sed agitur praeterea de voluntate emtoris, quaeriturque, vtrum sibi velit adesse venditorem, an vero causam periculo suo agere. Hanc voluntatem cognoscere venditor non potest, nisi emtor ei denuntiet, quid fieri velit. Recte igitur ad hanc declarationem voluntatis denuntiationem emtoris exigimus.

Quo et tempore emtor venditori denuntiet, ut ad agenda ad sit, nihil refert, ut traditur in l. si rem 29, §. vit ff. eod. Sed additur, dummodo ne prope ipsam condemnationem id fiat. Quibus verbis hoc dici intelligere debemus, posse quidem emtorem ante condemnationem denuntiare venditori suo quouis tempore, dum tamen tunc denuntiet, cum adhuc integrum erit venditori causam instruere, ne emtor vincatur. Nam si ad rem satis temporis non erit, dolo emtoris id factum est, quam ob causam venditor ei non tenebitur re euicta, l. si fundo, §. vit ff. eo. Hic opponitur l. qui concubinam, §. penult. ff. de leg. 3. vbi in persona heredis, qui homine generaliter legato certum hominem legatario dedit, scriptum est, si de eo homine controuersia fiat legatario, legatarium debere ante litem contestatam denuntiare heredi, ut homine euicto actionem aduersus heredem habeat. Dicendum est, quod & Bartolus videtur, aliam causam esse emtoris & venditoris, aliam heredis & legatarij. Nam in emtione re tradita, incipit res & causa emtoris esse propria. Incipit enim exinde commodum & incommodum omne rei ad eum pertinere. §. cum autem, Inst. de emt. & vend. Et ea dicitur propria causa cuiusque, ad quem commodum & incommodum suo nomine pertinet, l. 1. §. in propria, ff. quand. appellan. sit. Quocirca si in hac causa sit emtori controuersia proprietatis, iure suo is facit, si causam defendit & persequitur suo arbitratu: dummodo defensionem integram venditori relinquat ante sententiam. Diuersa causa est legatarij. Nam re legata euicta, nullum in eo periculum agitur legatarij: vbi si heres euictionem praestat, solum incommodum est heredis. Si non praestat, tamen nullum est incommodum legatarij, cui pro re legata nihil abest. Quare recte visum est in ea re, cuius periculum ad he-

ad heredem pertinet, totam causam heredis arbitrio permitti debere, ut ipse de ea statuat, ut vult, aut sibi commodum existimat. Atque hoc ius est de hac denuntiatione.

De verbis iuris ad hanc denuntiationem significandam vltatis monendi sumus totum hoc, denuntiare venditori, ut ad agendum adfit, veteres vno verbo dixisse laudare auctorem suum, ut in *L. auctore, sup. l. Herennius. §. i. ff. eo.* Quorum verborum hæc significatio & ratio est. Auctor ꝑ venditorem proprie significat, quod cum ex innumeris aliis locis intelligitur, tum maxime ex hoc rescripto, & *leg. si controuersia, seq.* Ita dicitur venditor ab augendo. An quod, ut quidam volunt, venditor auget emtorem re vendita? Non satis conuenienter rei hoc dicitur. Ista enim ratione etiam emtor, & is quidem maxime dici debuit auctor, quia præcipue is auget venditorem pretio, cuius dominium in venditorem transferre debet, cum venditor non amplius debeat, quam rem tradere. *l. ex emto. in pr. ff. de act. em.* Nunc autem scimus nunquam emtorem auctorem dici, sed semper auctorem ab emtore distinguimus. *l. hoc iure, & l. seq. ff. eo. & hac leg. emtor. & leg. seq.* Sed dicitur auctor ab augendo pretio, quia venditoris demum est, qui cum effectu emtoris pretium auget, ut puta, emtor offert viginti, venditor dicit, non esse satis, & postulat aliquid addi. Emtor addit quinque, venditor negat adhuc esse satis. Emtor addit alia quinque, ut sint triginta. Et hoc venditori placet. Hic perspicuum est, hæc omnia aucta esse emtori à venditore: vnde merito auctor dicitur, quoniam auget. Idem ꝑ venditor dominus est rei, certe rei habendæ & possidendæ ius habet: quod & ius in emtorē trāsferret venditoris iure. Inde factum, ut omnes, qui alicuius rei habendæ & obtinendæ initium ac causam alij præstarent, hi dicerentur auctores ei rei. *l. 4. §. auctores. ff. de dol. & met. excep.*

13 Laudare ꝑ autem veteribus est nominare, & appellare, ut Agellius docet *lib. 2. cap. 6. Macrobr. lib. 6. cap. 7.*

14 Ex ꝑ his apparet, si controuersia mora de proprietate rei vendita emtor sibi consultum velit, recte eum facturum, si statim id denuntiet auctori suo. Si is causæ defensionem suscipit, liberatur emtor omni molestia iudicij, & nihilominus re euicta actionem habebit de euictione. Quod si venditor defensionem negligit, sciat emtor non ideo se liberari, sed ut in causâ sua agere debere, & causam defendere quibuscunq; modis potest. Quod nisi faciat, quia sua culpa vincitur, euictio ei non præstatur, ut hic traditum est.

15 Sed ꝑ et si omnia faciat emtor, quæ ad defensionem rei pertinent, tamen etiam altera causâ est, quæ inhibeat actionem ob euictionem, si iniuria iudicis res euicta sit, ut hoc rescripto item comprehensum est. Neque hic quidquam interest, utrum emtor sordibus iudicis & corruptione victus sit, an imperitia, ut est in *l. per imprudentiam. ff. eo.* Quod ideo dictum est, quia si iudex pecunia corruptus sententiam aduersus emtorem tulerit, sententia nullius momenti est. *leg. venales sup. quan. prouoc. non est nec.* ut hoc casu cum emtori sententia nihil noceat, frustra ei detur actio aduersus venditorem euictionis nomine. Sed non idem iuris est, si iudex per imperitiam iudicauit: valet enim sententia nihilominus, nisi prouocatum sit. *l. cum prolatis. ff. de re iud.* Vnde dubitatio, quæ eximitur in *l. si per imprudentiam.* cum adicitur, et si per imprudentiam iudicauerit iudex, tamen emtorem aduersus venditorem regressum non habere, addita hac ratione, quia iniuria emtori facta venditori nocere non debeat. Sed opponitur ꝑ exemplum fideiussoris. Nam quemadmodum emtor si conueniatur de proprietate rei, causam recte tueri debet, ut actionem ob euictionem habeat: ita & fideiussor conuenus si aliquas exceptiones habeat ex persona rei principalis, iudicio contendere, & his exceptionibus uti debet, ut mandati actionem aduersus rem nanciscatur, si postea victus soluerit, *l. idemque. §. generaliter. ff. mand.* Et tamen si fideiussor nulla sua culpa, sed iniuria iudicis victus sit, nihilominus mandati actionem habet. *leg. exceptione 67. ff. de fideiuss.* Cur non igitur & in emtore iniuria iudicis victo idem dixerimus? Sed in promptu est differentiarum ratio. Nam emtione contracta omne periculum rem ad emtorem pertinet. *leg. necessario. ff. de per. & com. rei vend. §. cum autem. Instiur. de emt. & vend.* In periculo autem & casu fortuito est omnis iniuria a ab alio illata, quia nulla diligentia iniuriam alienam vitare possumus. *l. ad eos. ff. com. l. sed de damno. ff. loc.* Quare & hoc periculum iniuriarum ad emtorem pertinebit. Diuersa causa est fideiussoris: huius negotium in fideiussione non geritur, sed rei principalis: quam ob causam & ipse, & quisquis negotium alienum gerendum suscepit vel ex mandato, vel sine mandato, culpam tantum & diligentiam ut in

re aliena, non etiam casum fortuitum præstare debet. *l. contra actus. ff. de reg. iur.*

Atque ꝑ hæc causæ sunt duæ in summa, propter quas emtor re euicta actionem ob euictionem aduersus venditorem non habet, emtoris culpa, & iniuria iudicis. Sed ex hoc iure excipiuntur emtores victi ab iis, qui euictionem præstare debeant, puta victi aut à venditore, aut ab heredibus eius, aut à fideiussore euictionis. Propone hoc modo: venditor fundum alienum euicit, & tradidit emtori. Idem domino fundi existit postea heres, atque dominus fundi successione factus est. Quo iure vsus cepit eum fundum tanquam suum ab emtore vindicare. Hic duo sunt emtori remedia aduersus venditorem. Nam primum, si videtur, potest vindicantem exceptione doli summouere. *l. vindicantem. ff. eo. l. exceptione. inf. eod.* Quod si hoc non placet, liberum est ei parti venditorem agere, & se vinci: ea lege, ut si eo iudicio res illi à venditore euicta sit, nihilominus actionem habeat aduersus venditorem ob euictionem. *dict. leg. vindicantem. & seq. ff. eo.* Arqui si ius superius sequimur, emtor in hac causâ actionem ob euictionem habere non potest. Nam exceptionem doli mali, qua submouere emtorem poterat, si non opposuit, culpa eius est. Si opposuit & tamen victus est, iniuria illi manifesta facta est à iudice. Ita alterutra de causâ necesse est, eum actionem non habere, si in iure superiore consistimus. Sed hac in hac causâ non placuit, ut dixi, cum aut venditor euincit, aut ceteri, qui euictionis nomine obligantur. Merito. Esto enim, obicit hic possit aliqua culpa emtori. At hæc maior venditoris culpa, atque adeo manifesto dolo in ea causâ vincitur. Quæcunque enim hic condemnatio fuit, huic causam dedit improbitas venditoris, qui hoc iudicium mouit, & quem in ea venditione tueri debuerat, eum iudicio isto oppugnauit. Quare si agentem de euictione emtorem summouebit exceptione, quasi culpa sua victum, merito replicatione doli mali exceptio elidetur: eritque in eam rem actio ex stipulatione, intellige simpliciter, vel ex dupla, id est, ex stipulatione duplæ, vel ex emto, ut hoc rescripto expressum est: quæ verba quid valeant, exponetur commodius ad *l. si tibi inf.*

L. Si controuersia. 9.

Quod de denuntiatione hic dicitur, pertinet ad rescriptum superius, vbi dixi. Quod reliquum est, re euicta hic datur actio emtori aduersus venditorem, successoremque eius in id, quod emtoris interest, qui locus recte reicietur ad *l. si tibi inf.*

L. Si fines 10.

Idem A. Largo.

Si fines agri venditor demonstrauit, & legem dixit intra eos neminem ingressurum: si quid inde euincatur, periculosus auctoris. Quod si finibus suis, quos demonstrauit, agrum vendidit: his finalis ad venditorem non pertinet. PP. 7. Calend. Decembr. Maximo II. & Aeliano Coss. 224.

S V M M A R I V M.

1 Finibus fundi certis demonstratis, si quid ex his euincatur, an, & quando præstanda sit euictio.

Venditor fundum Tusculanum, ꝑ qui constabat centum iugeribus emtori vendidit, & in finibus demonstrandis dixit, fundum continere centum quinquaginta iugera. Ex hoc numero quinquaginta euicta sunt, ut reuera aliena erant, non fundi Tusculani. Quæsitum est, an venditor ob euictionem eorum iugerum teneatur. Distinguitur. Si venditor fines demonstrauit, & legem dixit, id est, demonstrauit nominatim adiecta hac lege & conuentione, ne quis in eos ingrederetur, euictionem præstabit, quod hic scriptum est in principio. Plus dicimus et si venditor tantum fines demonstrauit, neque quidquam adiecit nominatim de his finibus præstandis, nihilominus tamen eorum euictionem eum præstare debere: hoc in *leg. qui fundum. ff. eo.* Et recte: nam quæcunque dicuntur ita, ut præstentur emtori, præstanda sunt. *leg. sciendum. §. i. ff. de edil. ed.* Sunt autem in hac causâ, quæcunque ita dicuntur, ut propter hæc res plus vendatur, *leg. ea, qua. ff. de cont. emtion.*

Nemo porro dubitat, quin quo ampliores fines fundi erunt, eo pluris fundus sit, atque ideo pluris veneat. Quod si venditor fines quidem demonstravit, sed ita, ut nihilominus diceret se fundum vendere suis finibus, quidquid ultra veros fines eius fundi euictum erit, venditor non præstabit: quæ altera pars est distinctionis tradita hoc scripto. Hoc ideo, quia id ipsum actum est. Nam qui vendit fundum suis finibus, siue intra suos fines, aperte hoc dicere intelligitur, se fundum vendere tantum, quantum est, non ultra.

Nemo autem venditor rei à se non venditæ euictionem præstat, ut diximus *ad l. 1. supr.* Et quod demonstratio ampliorum finium vel præcessit, vel secuta est hanc conuentionem, ideo factum est, ut admoneret sui iuris emtor, non autem ut venditor ultra veros fines quidquam præstaret, ut conuentio declarauit. Quod tamen de eo venditore accipiendum est; qui putauit eos fundi fines esse, quos demonstrauit. Nam qui scuit minores fines esse, & ampliores dixit, præstabit, nec defendetur conuentione, quæ dolo malo facta est. Hoc enim ipso decipit emtorem quod cum sciret minores fines esse, non solum celauit emtorem, sed etiam mentitus est esse ampliores. *l. 1. §. 1. ff. de act. em.* Remoto dolo si quis fundum vendiderit suis finibus, quoscunque prius dixerit sibi videri, verum est, quod hic scribitur, litem finalem ad eum non pertinere. Ideo autem non pertinet, non quia fines isti euincantur finium regendorum iudicio & perperam in glossa scriptum est, cum nihil intersit, quo iudicio res vendita emtori euincatur. *l. si mancipium. §. 1. ff. eo.* sed quia qui postea euincantur fines, hi fines fundi non fuerunt. Nunc autem proponitur venditor fundum vendidisse finibus suis, quæ adiectio conuentionem habet apertam, alios fines, quam qui veri fines sunt, præstari non debere.

L. Exceptione. 11.

Idem A. Clementi.

Exceptione doli recte cum submouebis, quam ab auctore tuo fideiussorem accepisti, si eius nomine controuersiam referi, quasi per uxorem suam, antequam tu emeris, comparaueris: qui uenditioni adeo consensum dedit, ut se etiam pro euictione obligauerit. PP. Non. Feb. Pompeiano & Peligno Coss. 232.

S V M M A R I A.

- 1 Qui re euicta tenetur ob euictionem, eum de re vendita controuersiam emtori mouere non posse: agentem exceptione doli mali summoueri, quisquis est, siue venditor, heresve eius, siue fideiussor, heresve eius.
- 2 De herede fideiussoris vindicantse: vbi & l. ult. hoc tit. explicatur.
- 3 Supra scripti iuris ratio.

Hic illa definitio in vniuersum statuenda est, quæ declaratur cum hoc rescripto, tum apertius. *l. si ob causam. & l. siue possessio. seq. inf. eo. tit.* † quisquis re euicta ab alio, ob euictionem obligatur emtori, eum de re vendita controuersiam mouere non posse: quod istorum obligatorum genera declarabunt. Euictionis nomine obligantur hi quatuor, venditor, itemq; venditoris heres, *l. si controuersia. sup. fideiuss.* qui idem secundus actor, id est, venditor appellatur, *l. 4. ff. eo.* & ite heres fideiussoris, *l. ult. inf. hic.* Hos omnes dicimus, si rem vendicent ab emtore, etiã ex noua causa, quæ euictionem secuta sit, tamen frustra controuersiam mouere, quia exceptione doli mali ab emtore summoueri possint. De venditore vindicante traditur in *l. vindicantem. ff. eo.* & in *l. si ob causam. inf.* De herede uenditoris in *l. siue possessio. inf.* De fideiussore hic scriptum est. De herede † fideiussoris dubitari potest propter *l. ult. inf. hic.* vbi scriptum est, heredem fideiussoris posse rem suam ab emtore vindicare, si non iure hereditario, sed ex persona sua dominium vindicet, id est, si non ideo rem vendicet, quia res fuerit fideiussoris, eiusdemq; decessoris eius, in cuius dominium postea heres successit, sed ideo, quia res eius fuerit propria, perueneritq; ad eum ex alia causa, quam hereditaria. Sed hoc priorem sententiam non mutat. Ita enim verum est, heredem fideiussoris, qui rem ex persona sua ita vindicat, iure vindicare, uti certe verum est, *l. in rem. ff. de rei vindicat.* ut nihilominus vindicans exceptione

doli mali possit summoueri. Nam & de herede venditoris idem scriptum est in *l. Scia. ff. eod.* quod de herede fideiussoris in *d. l. ult. inf.* Et tamen nihilominus adicitur in *d. l. Scia.* heredem iure alioqui vindicantem exceptione summoueri posse. Idque etiam satis defenditur eadem *l. ult. inf.* Nam illic etiam tribuatur heredi fideiussoris, ut iure rem vindicare possit: tamen hoc additur, eum re inuicta ob euictionem teneri: certo argumento, si rebus integris controuersiam facit emtori, posse eum exceptione summoueri. Hoc ex priore colligitur & in *l. si ob causam* & in *l. siue possessio. inf. hoc tit.*

Et recte hoc † ita constituitur, ut quisquis ob euictionem rei obligatur, is de ea re controuersiam mouere non possit, duabus de causis. Primum, quia quod de euictione obligatur, iudicio est eum emtorem in re vendita defendere debere. Qui defendere emtorem debet perspicuum est ei emtorem oppugnare non licere: sunt enim hæc contraria. Deinde pro certo definitur, omnem dolo facere, qui petit id, quod restitutus est: ex quo etiam aduersus eum, qui ita petit, comparata est doli mali exceptio *l. dolo. ff. de doli mali & metus except.* At qui tenetur ob euictionem rei venditæ, is de ea re restituenda tenetur, aut quod tantundem valet, tenetur in id, quod emtoris interest, eã rem præstari. Quare si eam rem petat, ad superiorem definitionem pertinet.

L. Siue. 12.

Imperator Gordianus Augustus Philino.

Siue in libertatem euictus est seruus, quem mercatus es, siue comparares, conuenit, ut si questio nomine eius relata esset, & si necdum euictus esset, in pretium recuperares: praesens prouincia, quod tibi præstandum animaduertis, restitui iubebit. PP. 7. Idib. Mart. Gordiano A. & Anulo Coss. 240.

S V M M A R I Y M.

I Euictio quibus ex causis præstanda.

Euictione † rei venditæ iure secuta constat venditorem ob euictionem teneri. *leg. 6. supra.* In eo nihil interest, quæ de causa iure res euincatur, & auferatur emtori utrum ideo, quia aliena, aut pignori obligata erat, *leg. 3. supra.* an vero quia tanquam seruus, aut ancilla vendita, quia venditi liberi erant, & in libertatem euicti sunt, de quo hoc loco. Nondum re euicta venditorem emtori non teneri scriptum est in *dict. leg. 3. supra.* Hæc exceptio est, extra quam si contra conuenerit, quæ conuentio dicitur hoc loco seruanda esse.

L. Si ob causam. 13.

Idem A. Zoilo.

Si ob causam iudicati pignora capta sunt ex eius auctoritate, cui præcipiendi ius fuit, eaque, de quibus complecteris, tu mercatus es: frustra ab ea, quæ condemnata est, vel quæ in eius locum successit, eorum refertur questio: quandoquidem & si euictio eorum ab alio subsequuta fuisset, aduersus eos debuisset dari actionem, à quibus pretij solutio proficit, rectissime responsum est PP. 16. Calend. Iun. Gordiano A. & Anulo Coss. 240.

S V M M A R I A.

- 1 Pignoribus ex causa iudicati distracta euictis, debitorem tanquam venditorem de euictione teneri, non magistratum, non apparitores, non creditorem.
- 2 Actionem ex hac causa esse non in id, quod emtoris interest, sed dumtaxat de pretio.

Pignoribus debitoris in causam iudicati captis, & auctoritate magistratus, cui de ea causa iurisdictio fuit, per apparitores distractis, tam res in emtores transferuntur, quam si à debitore ipso eodemque possessore venditæ essent. *leg. 1. leg. 2. sup. si in cau. iud. pig. cap. sit.*

Hic † quæritur ad cautionem eintorum aduersus futuros casus euictionis, quis in hac venditione venditor haberi debeat, vt cum eo agi possit de euictione, vtrum magistratus, qui iussit vendi, an apparitores, qui vendiderunt, an creditor, cuius opera factum est, vt pignora venderentur, an debitor, cuius res fuerunt. Et placuit in hac specie, eum vere venditorem videri, proinde & aduersus eum dari debere actionem re euicta, cui pretij solutio proficit, seu qui pretio liberatus est, vt hic traditur in fin. & l. si plus. antep. in pr. ff. eo. Is autem est debitor, cuius pignora capta distracta sunt. Superiores, vt magistratus, apparitores, item creditor, videri possunt in hac specie vendidisse, quia de re & pretio conuenerunt cum emtoribus: apparitores aperte, magistratus & creditor, quia res vendi mandarunt. Vendit autem, quisquis per alium vendit. Sed reuera nemo horum venditor est. Quidquid enim hi agunt, non suo nomine agunt, sed debitoris, cuius res est, neque id agitur, vt pretium ad eos redeat. Solus est debitor, ad quem emolumentum huius venditionis pertinet: quam ob causam & merito existimetur vendidisse. Hinc scilicet illa consequentia, de quibus hoc rescripto comprehensum est, vt & is re euicta teneatur euictionis nomine, idque actione ex emto, vt est in dict. l. antepenult. ff. eod. & præterea debitor, qui ob euictionem ita obligatur, controuersiam de re vendita emtori mouere non possit, qui præcipuus scopus est huius rescripti, de quo in l. exceptione. sup.

Haecenus † tamen debitorem euictionis huius nomine teneri placet, vt sit actio aduersus eum, non quanti interest emtorum, sed de pretio dumtaxat, eiusque vsuris, habita ratione fructuum, vt est in dict. leg. antep. ff. eod. Nec abs re: quod enim illo inuito & ab alio gestum est, non proprie ab illo venditum dixeris: vt vltra, quam ad eum peruenit, non sit ex bona fide eum teneri.

L. Siue possessio. 14.

Idem A. Secundino.

Siue possessio venditoris fuit, filius eiusdemque patris heres frustra questionem mouet: siue non patris, sed filij ius possessio fuit, de qua iure hereditario auctor laudari potest: controuersiam mouere non potest. PP. 14. Calend. August. Gordiano A. & Aniola Coss. 240.

S V M M A R I V M.

1 Heredem venditoris de re à defuncto vendita, quamuis sua, controuersiam auctori mouere non possit: & cur.

HERES venditoris † si rem venditam vindicet ab emtore, negat hoc rescriptum id eum iure facere posse, quocunque iure & cuiuscunque ex persona id faciat, quod diuisione ostendit. Aut enim heres vindicabit vt hereditariam, quæ olim defuncti fuerit, aut vt suam & proprio iure. Si vt hereditariam, id est, ob id, quod venditoris fuerit, & ipse venditori successerit, frustra vindicet: sic enim vindicat alienam. Nam si venditor dominus fuit, rem tradendo dominium transtulit ad emtorem, eoque & dominus esse desinit. §. per traditionem. Institus. de rer. diuis.

Quæ defuncti non fuit, ea nec successione fiet heredis, cum hereditas non sit, nisi successio in id, quod fuit defuncti. leg. hereditas. ff. de regul. iur. Sic fit, vt heres rem defuncto venditam nullo iure vindicet vt hereditariam: cum in rem actio soli domino competat. leg. in rem. ff. de rei vind. Quod si res fuit heredis, quam olim defunctus vendidit ignorante herede, quam ideo & vt suam & ex persona sua vindicet, plus ea res habeat dubitationis, numquam hanc saltem possit vindicare: ac videatur etiam non prohiberi id facere, neque ex persona defuncti, neque ex sua. Non ex persona defuncti, quia is rem alienam tradendo eius dominium transferre non potuit. leg. traditio. ff. de acquir. rer. do. l. nemo plus iuris. ff. de reg. iur. Non ex persona sua, quia heres neque rem vendidit, neque venditioni consensit. que in quo domino sunt, ei venditio aliena non nocet. leg. quidam ff. eodem. Et omnino ita res habet, vt si ius summum spectemus, is heres iure eam rem ab emtore vindicet. leg. Scia. ff. eodem. Sed nihilominus exceptione summocti potest, vt ita effectu frustra vindicet. dict.

leg. Scia. in fin. Ad quem effectum referri debet, quod absolute dicitur hoc rescripto, heredem de re sua à defuncto vendita emtori controuersiam mouere non posse. Non potest propter exceptionem: cum nihil intersit, vtrum quis actionem non habeat, an ea per exceptionem infirmetur. l. nihil interest. ff. de reg. iur. Exceptio aduersus heredem ex eo, quod et si venditor non transtulerit dominium rei venditæ, qui dominus non fuit: tamen vendendo euictionis nomine se obligauit. l. ex emto. ff. de act. emt. In hac obligationem heres succedit. leg. qui in us. ff. de regul. iur. §. vlt. Institus. de loc. Quare si vindicet heres, patietur & ipse eandem exceptionem, pertinetque omnino ad eam definitionem iuris, quæ & hic comprehensa est, & in leg. si ob causam. supra: de qua diximus ad leg. exceptione.

L. Si non iniuria. 15.

Imp. Philippus A. & Philippus Cæsar.
Menandro.

Si non iniuria iudicantis, sed iuris ratione superatis es pignus ob euictionem acceptum solemniter persequi potes. PP. Calend. August.

SVPERATO iaris ratione emtore, vt hic scriptum est, id est, euictione secuta neque culpa emtoris, neque iniuria iudicis (nata horum vtrumque nisi interueniat, non videtur emtor superatus, quia ius eum deficeret, de quibus diximus ad Lem. sup.) quemadmodum de euictione actio est aduersus venditorem, heredemve eius. d. Lem. & l. seq. ita & incipiunt teneri ex ea causa venditionis accessiones, id est, fideiussores, & pignora: de fideiussoribus est in l. si statim. in ff. eo. de pignoriibus hoc rescripto traditur.

L. Super. 16.

Imp. Diocletianus & Maximianus AA. Alexandro
& Diogeni.

Super emti agri questione disceptabis præses prouinciae: & si portionem diuersa partis esse cognouerit, impensas, quas ad meliorem rem vos erogasse constiterit, habita fructuum ratione restitui vobis iubebit. Nam super pretio euicta portio non eum qui dominium euectis, sed auctorem conueniri consequens est. PP. 10. Cal. Iulij 4. & 3. AA. Coss. 290.

S V M M A R I A.

- 1 Bona fidei emtorem sumtus vitales in rem possessam factos à domino rem vindicante consequi posse non actione, sed per retentionem rei opposita doli mali exceptione.
- 2 Dominum rem suam recte vindicare, & auferre etiam non oblato pretio.
- 3 Euicta re emtori actionem esse ob euictionem de pretio, non de sumtibus ab eo in eam rem factis, si rem possidens huius non receperit rem restituit.
- 4 Vxorem militis rem suam per absentiam mariti & suam vsucaptam recipere posse, sed non nisi oblato pretio: & cur.

EMTOR † rem alienam emit, in eaque excolenda & meliore redenda sumtus fecit. Si existat dominus, qui rem suam vindicet ab emtore, & emtor à domino seruare velit ea, quæ eius rei nomine sibi absunt, vt sumtus in eam rem factos, & præterea rei pretium: constituitur hoc loco, quid de his consequi ab illo possit. Et de sumtibus scriptum hic est, iudicem, qui de proprietate cognoscit, iussurum hos emtori restitui, quos quidem ad meliorem rem erogatos esse constiterit. Nempe ideo, quia eos consequi emtor à domino rem suam vindicante debet. At quo iure, cum ei hi sumtus non debeantur? nihil enim cum domino contraxit, neque in his sumtibus faciendis negotium dominus gessit. leg. si in area. ff. de cond. iur. Et certum est, hos non deberi ne emtori quidem bonæ fidei: quam ob rem & re restituta nulla illi de his competit actio. Sed rem ad huc possidens eos seruare per retentionem rei opposita doli mali exceptione. l. sanctus. ff. de rei vind. l. si quis sciens. sup. de rei vind. Doli exceptio ex eo est, quod dominus, qui petit sibi rem restitui non refusit sumtibus, quibus rem suam meliorem consecutus est, petit, vt locupletior fiat cum ia-

Stura emtoris. Hoc autem natura iniquum. *l. nam hoc natura. ff. de cond. ind.* Iam vero facit dolo, eoq; & exceptione doli mali remouerit, quisquis subtilitate iuris nixus contra æquitatem naturalem aliquid petit. *l. i. de dol. mal. & met. exc.*

2 Quod ad pretium rei emtæ attinet, non tantum de eo conueniri non potest actione is, qui rem euincit, quod hic scriptum est: sed nec aduersus eum id seruari vlla exceptione. Nam sumtuū de quibus dixi, vilitas ad dominū redit: pretium autem a eum non peruenit: vt si iniquum dominum id dependere, quod non accepit, & cuius nomine multo minus se obligauit. Ideo recte generaliter definitum est, vnumquemque dominum re suam recte vindicare etiam à bonæ fidei possessore, quamuis non oblato ei pretio. *l. mater. in princ. l. si mancipium supr. de rei vindicat. l. 2. supr. de fur.* Neq; hoc aliter fit vnquam, quam diu is, qui iure dominus est, rem suam vindicat ab eo, à quo pretium non accepit. Sane si pretium in rem domini verum fit, hic eadem exceptio obstat rem suam non oblato pretio vindicanti, vt fit, cum emtor emit à domino, sed pretium solutum est creditoribus iis, quibus id prædium à domino obligatū erat. *l. emtor. ff. de rei vind. aut cum emtor emit à vero domino, qui alienandæ rei potestatem non habuit, puta prædium à minore, & pretium in rem minoris verum est, ac deinde minor rem suam vindicat. l. vt re. sup. de præd. min.*

3 Sed si quod pretium rei euictæ emtor à domino seruare non potest, id consequi potest à venditore ita, vt de eo etiam vltro actionem habeat, qua ille recte conueniatur, quod hic positum est in extremo. De pretio rei euictæ hoc tantum dictum est hoc loco, posse scilicet auctorem de eo conueniri. Consulto: de pretio enim rei euictæ conueniri potest: non etiam de sumptibus ab emtore in eam rem factis. *l. idque. §. i. ff. de act. em.* Idque efficitur ex iis principiis, quæ posuimus in *l. emtor. sup. hoc tit.* Nam si emtor non consequitur sumtus à se factos opposita doli mali exceptione, necesse est aut culpa eius euenire, aut iniuria iudicis, culpa, si exceptionem doli non opposuit: iniuria iudicis, si opposuit, & index non habuit eius exceptionis rationem quod eum facere oportebat. *d. l. sumtus. ff. de rei vind.* Vtrum autem horum acciderit, venditor emtori non tenetur. *l. emt. sup.* Sed recte monemur in *d. l. idque. §. i.* hoc tantum pertinere ad eum emtorem, qui possidebat, eoq; per retentionem rei opposita exceptione sumtus seruare à domino poterat: non pertinere ad eum, qui non possidebat: puta ad eum, qui cum non possideret, rem vindicauit, & eo iudicio victus est. Quippe hoc casu nihil est, quod imputetur emtori, si sumtus in rem veditam factos consequi à possessore non potuit. Vt enim supra diximus, nullam habuit actionem emtor de his sumptibus: retentionem vero multo minus, vt qui rem non teneret. Secundum quam sententiam recte vulgo accipitur *l. controuersia. sup. eo.*

4 Quod si supra dixi, quemuis dominum rem suam recte vindicare etiam non oblato pretio, dommodo vere dominus sit, id eo adiectum est, quia in vxoribus militum, quæ diu abfuerunt cum maritis, dum militiæ operam dant, ius constitutum est, vt si per eam absentiam vxores militum aliquid de rebus suis amisserint, dum res vsucapiuntur, non minus restituantur in integrum ad res vsucaptas vindicandas, quam restituerentur ipsi milites, si quid per eandem absentiam de rebus suis amisissent. *leg. i. supr. de vxor. mil.* Sed hac lege, dum pretium refundant, *leg. vlt. sup. de vxor. mil.* Non mirum, quoniam & hic ius singulare tributum est ei, quæ vere domina non fuit iure, aduersus eum, qui dominus esse cœperat per vsucapionem: quam ob causam visum est & beneficium ita temperari, vt sine damno possessoris eiusdemque noui domini contingeret.

L. Si cum questio. 17.

Idem AA. Mutiano.

Si cum questio tibi super eo, quem comparaueras, mouetur, auctorem tuum certum fecisti, nec citra iudicis disceptationem eum, quem emeris, tradidisti: præses provincie in damnis, que te tolerasse meministi, medelam iuris adhibebit. PP. V. Id. Nomencl. ipsi 4. & 3. AA. Coss. 290.

S Y M M A R I V M.

1 Euictio quibus conditionibus præstetur emtori.

RE si vendita emtori ablata venditor eo nomine illi tenetur his conditionibus: si controuersia mora emtor venditori denuntiauerit, vt ad agendam causam adesset, si videtur, & præterea si non sponte rem restituerit petenti, sed iudicio & sententia iudicis victus, vt sit ea, quæ dicitur euictio, de quibus diximus initio huius tituli, & summa ad istam sententiam hic comprehensa est.

L. Si status. 18.

Idem AA. & CC. Eutychio.

Si status tibi super homine venundato mora questio est: sollemnibus, qua iuris admittit ratio, interpositis: si secundum libertatem fuerit lata sententia, poteris de euictione eius, quem comparaueras, si nesciens eius conditionem comparasti, sine aliqua dubitatione auctorem, vel eius fideiussores, heredes ve eorum conuenire. Quod si fuisse seruum sententia declaraueris, intelligis ad venditor em te reuerti non posse.

S Y M M A R I A.

- 1 In lite euictionis re secundum emtorem iudicata, ac proinde re non euicta, nullam actionem esse emtori aduersus venditorem ne de sumptibus quidem in ea lite factis.
- 2 Bartolus in eo reprehensus.

Hoc rescriptum quatuor continet. Primum, homine venditori ob euictionem, quam si euictus esset ob id, quod alienus esset, aut pignori obligatus: idem scriptum est in *l. siue in libertatem. sup.* Secundum, ita demum emtorem actionem ob euictionem habere, si nesciens, qualis res esset, comparauerit. Scienti euictio non præstat. *l. si fundum. inf. de quo ad l. 6. sup. eo.* Tertium, ob euictionem obligari quatuor, venditorem, venditoris heredes, fideiussores, item & heredes, fideiussores, de quibus diximus *ad l. exceptione. sup.* Quartum si singulare est, & præcipue notandum, quod est in extremis verbis rescripti, si in controuersia, quæ de re vendita mora est, secundum emtorem iudicatum sit, vel dum dominus pronütiatur, vel dum absoluitur ideo, quod petitor de suo iure probare non potuit, toties emtorem aduersus venditorem reuerti non posse: non dico ob euictionem, quod stultissimum esset hic monere, cum certum sit hoc casu rem non euinci, sed ob omne aliud damnum, quod emtor propter litem motam passus est. vt puta, non potest de sumptibus in ea lite factis venditor conueniri i quod recte Accursius ex his verbis censuit. Sed eius sententia reprehenditur à Bartolo in *leg. i. supr.* cuius reprehensionis ille quasdam rationes adfert, de quibus postea.

Nos auté statuamus nihil esse verius, quam re emtori non euicta emtorem nullam aduersus venditorem actionem habere, ne de sumptibus quidem litis, quod euidenti bus locis & certissimis rationibus confirmatur. Locis in hanc sententiam hi sunt. Primū hic vbi apparet non de actione ob euictionem respōsum esse, si quidem constabat nullam esse euictionem: sed de actione aliorū damnorum nomine, quæ emtori ob litem motam contigissent. Præterea *l. ex emto in pr. & l. seruum, quem. §. vlt. ff. de act. em.* quibus in locis clare scriptum est, veditorem emtori re vendita tradita non teneri, nisi ob euictionem dumtaxat: vel quod idem est, non teneri, si emtori habere liceat. Licet autem emtori habere, quamdiu res non est euicta. *l. habere. ff. de euict.* Rationes autem in hanc sententiam multo certiores sunt hæc. Primum iniuria emtori facta venditorem contingere non debet. *l. si per imprudentiam. in pr. ff. eo.* Quod autem controuersia facta est ab eo, contra quem sententia lata est, aperte in eo facta est iniuria emtori, vt scientia declarauit. Proinde hæc iniuria venditorem non attingit, id est, si quod ex ea iniuria emtori damnum est, id venditor præstare non debet. Deinde emtionem non contracta certum ius est, omne periculum in re vendita ad emtorem pertinere. *l. necessario. ff. de per. & com. rei ven. §. cum autem. Inst. de emt. & vend.* In hoc autem periculo & incommodo rei, siue in casibus fortuitis, quæ circa rem contingunt, est vis, aut iniuria, quæ emtori ab aliis infertur. *l. ad eos. ff. comm. Quare & huius iniuriæ periculum atq; incommodum ad emtorem pertinere debet.* Postremo casus futuros post emtionem contingentes certum est ad venditorem non pertinere. *leg.*

Lucius. ff. eo. lam vero hæc controuersia, quæ incidit aduersus emtorem post emtionem contractam, non incidit ex causa præcedente, quam constitit petitorum nullâ habuisse. Non igitur hunc casum, & si quid ex eo damni est, præstat venditor. Non me mouent, quæ contra afferuntur.

2 Bartolus † ita argumentatur: venditor præstare debet emtori vt rem venditam illi habere liceat: quod & verum est, *l. ex emto. §. venditorem. ff. de act. em.* At, inquit, qui promisit emtori habere licere, is tenetur emtori ob sumtus in litem factos, si controuersia emtori mota fuerit. Hoc vero negamus: & aperte falsum est, vt quæ ante differuimus, conuincunt. Nam indignum est relatu, quod ille adfert ad probationem: dum id scriptum esse ait in *l. stipulatio ista, in pr. in glos. magna. de verb. obl.* Nos æque Accursium in eo falsum esse dicimus, vt & Bartolum hoc loco. Plus probabilis habet altera ratio, qua illic vititur. Ait, controuersia emtori mota venditorem debere emtorem defendere. Admittimus ex *l. si plus. antep. §. mora. ff. eo. de quo constat ex his, quæ diximus ad leg. ems. sup.* At qui defendere debet, nisi defendat, tenetur in id, quod emtoris interest. Et hoc verum est. Ergo, inquit, venditor ob sumtus in litem ab emtore factos tenetur. Non recte colligit. Venditor enim defendere quidem debet: sed non suis sumtibus, verum emtoris, nec difficile est intelligere ex eo, quod constat, re vendita omne commodum & incommodum rei ad emtorem transire. Retinebimus igitur definitionem huius loci, quæ dilucide non de euictione, sed de sumtibus in litem factis scripta est.

L. Si obligata. 19.

Idem AA. & CC. Theodoro.

Si obligata prædia venundedisti, & longi temporis præscriptione solita emtores se tueri possunt: euictione periculum timere non potes. S. 2. Cal. May, A. A. Coss.

S Y M M A R I V M.

1 Emtori exceptione temporis postea quasita venditorem omni periculo euictionis deinceps liberari.

Pædia, quæ pignori obligata erant, vendita sunt. Ea emtor possedit decem annos inter præsentem, aut viginti inter abentes sine vlla interpellatione eorum creditorum, quibus erant prædia obligata. Ea possessione emtor sibi præscriptionem longi temporis parauit qua tutus remouere possit creditores postea pignus persequentes. *l. 1. l. 2. sup. si adu. cred. præscr. opp.* Ita factum est, vt emtori, qui hac exceptione defenditur, iure re habere liceat, eoq; nec possit res ei iure euinci. Hoc posito quesitum est, si nihilominus post longum tempus creditores aduersus emtorem hypothecaria actione agant, & emtor denuntiet venditori, vt ad agenda causam adsit, vtrem venditor defendere debeat emtorem, & nisi defendat, vtrem re à creditoribus euicta teneatur ei ob euictionem. Hic † rescriptum est superiore præscriptione emtori semel quasita venditorem periculum euictionis timere non posse. Quo significatur neque venditorem cogi adesse ad defendendum emtorem, neque eum re euicta emtori teneri. Hoc consequens est illi, quæ de causis euictionis non præstandæ diximus ad *l. emi. sup. hoc tit.* Nam si emtor præscriptionem longi temporis creditoribus opposuit, & iudex habita ratione præscriptionis emtorem absoluit, palam est eum ob euictionem actionem habere non posse, cum res non sit euicta, *l. si status sup.* Quod si emtor præscriptionem longi temporis vsus non est, aut cum vsus esset, nihilominus iudex præscriptionis rationem non habuit, eumque condemnauit: idcirco necesse est eum actionem ob euictionem non habere, quia culpa eius est, si præscriptionem non opposuit: iniuria iudicis, si is præscriptionis oppositæ rationem non habuit. Vtrumuis autem factum sit, venditor emtori non tenetur.

L. Si parentes. 20.

Idem August. & CC. Solidio & aliis.

Si parentes vestri mancipia venundedunt, & questio dominij mota est: emtoribus adesse: ac defendere causam non pro-

hibemini. Quod si eis hæc etiam euicta sunt, instauratio litis ex persona vestra, si appellationem non interposuistis, contra ius desideratur. Empti sane iudicio pro euictione si conuinciri ceperitis, nec vobis negotium, vt defendatis, denuntiatum probetur: intelligimus quatenus vosmetipsos tueri debeatis. 6. Calendar. lul. A. A. Coss.

S Y M M A R I A.

- 1 Venditorem non appellatum ab emtore, vt ad agenda causam adfit, non cogi adesse: sed nihilominus posse adesse ac defendere vel inuito emtore.
- 2 Defendente venditore si res euicta sit, emtorem de eadem re agere non posse, nec ex persona venditoris, nisi ab eo appellatio sit interposita.
- 3 Venditorem, cui denuntiatum non est, vt ad agenda causam adsit, quamuis defensionem vltro susceperit, re postea euicta non eo magis ob euictionem teneri.

Ex leg. emtor. & similibus locis superioribus intelligimus, si venditori denuntiatum non sit, vt emtori ad agenda causam adsit, venditorem non cogi emtorem defendere, neque re euicta ob euictionem teneri. Hinc tria quasita sunt, de quibus ius constituitur ordine hoc rescripto.

Primum, † an quamuis non cogatur venditor adesse, & causam defendere: tamen possit, si velit, vltro id facere. Et placet eum non prohiberi. Quod sic accipiendum est, vt possit venditor causam defendere & absente emtore sine mandato, & præsentem eo quamuis inuito. Absente emtore potest, quoniam omnibus licet iure publico absentem, sine vilo mandato defendere. *l. seruus. §. publice. D. de procur.* Etiam præsentem & inuito potest duabus de causis. Primum, quia licet cuius alterius conditione etiam inuiti meliorem facere. *l. soluendo. Dig. de negot. gest.* Deinde, quia causa de proprietate rei venditæ quodammodo ad venditorem pertinet: vt videatur interesse eius, eam causam instruere & defendere. Pertinet enim ad eius existimationem intelligi ab omnibus ipsum in ea venditione bona fide versatum esse. Ea res facit, vt quamuis emtor nolit admitti defensionem venditoris, tamen iudicis officium sit eam admittere, & nisi admiserit, iusta sit causa ab eo prouocandi, quia reiecerit in causa, quod ex iure recte in causa fieri potuit.

Sequens † questio est, si defendente vltro venditore nihilominus res euicta sit, vtrem emtor possit iterum de eadem re agere ex persona venditoris. Mouet dubitationem, quod sententia aduersus emtorem lata est: res autem inter alios acta, aut iudicata aliis non nocet, puta venditori, eius heredibus. *leg. sape. ff. de re iud. res inter alios act. supra.* Et placet, si venditor appellauit, adhuc agi posse ex appellatione. Potest autem appellare venditor, sine in causa adfuerit, vt defenderet, siue non adfuerit, quoniam eius interest. *leg. ab executor. §. 1. D. de appel.* Ceterum non interposita appellatione, ex persona venditoris eadem lis instaurari non potest, vt hic cautum est, non quod emtori noceat sententia aduersus venditorem dicta, sed quod venditor nihil iuris in re habeat, vt proinde ex persona & iure eius agi non possit. Nam si ante venditionem nihil habuit iuris in re vendita, ne nunc quidem habeat ex antecedente causa. Quod si habuit, id rem emtori tradendo in emtorem transtulit, transferendo amisit. *§. per traditionem. Inst. de rer. diuis.* Tertium † queritur, si emtor eandem litem instaurare non potest, postquam saltem agere ob euictionem aduersus venditorem, qui in litem defensionem susceperat, quasi videatur eo facto etiam euictionis periculum suscepisse. Et significatur in extremo, venditorem propter defensionem vltro susceptam non teneri ob euictionem, si ei ab emtore denuntiatum non sit, vt adesset. adeo verum est, quod dicitur in *l. emtor. §. 1. leg. sup. venditorem*, cui denuntiatum non est, vt ad agenda causam adsit, ob euictionem non teneri. Et recte, non enim debet ei nocere, quod vltro accessit ad defensionem causæ, quamuis non interpellatus, nam in eo officium præstitit emtori vtile, sibi minime necessarium, posteaquam illi denuntiatum non erat. Nulli porro debet officium suum esse damnosum. *leg. si seruus. §. quod vero. ff. de sur.*

Iidem AA. & CC. Heliodoro.

Emptio actio longi temporis prescriptione non submoetur, licet post multa spatia rem euictam emptori fuerit comprobata. Si itaque is, quem te comparasse commemoras, nunc in libertatem proclamet: interpellare venditorem, siue successorem eius debes, ut tibi assistant, causamque instruans. Quem si liberum esse, vel seruum non esse, fuerit pronuntiatum: nec te conuentione remisit periculum euictionis fuerit comprobatum: praesens provincia, si res integra est, quanti tua interest, restitui tibi prouidebit. S. 11. Cal. Aug. Serdica. AA. Coss.

S V M M A R I A.

1. Actionem ob euictionem non ante cedere, quam res euicta sit, ideo nulla prescriptione precedentis temporis, quamuis longissimi, excludi.
2. Emptorens non diu possidendo rem emptam, sed possessione prescriptionem acquirendo actionem de euictione amittere.

Homo liber pro seruo venditus est, & triginta annos possessus ab emptore, tandem cum de suo statu cognouisset, proclamauit in libertatem, & iudicio liber pronuntiatum est. Emptor seruo euicto cum omnia fecisset in lite, quae emptores facere conuenit, & euictionis periculum non remisisset, agit aduersus venditorem ob euictionem actione ex empto, quae in hanc rem competit. *l. si tibi infr.* Venditor se tuetur prescriptione longi temporis triginta annorum, quod dicat post triginta annos, quam uenditio perfecta est, secum agi non posse. Defendi uideatur in hac re iis constitutionibus, quibus cautum est, ne actionis in personam excedat triginta annos. *l. sicut. supr. de praes. trig. vel quad. an. l. 2. §. ad hac. supr. de ann. excep.* Est autem empti actio in personam. **Q**uestio, an empti actio ob euictionem ab superiores constitutiones pertineat, ac propterea summoueat prescriptione longissimi temporis. Rescriptum est hoc loco non summoueri. Et recte, nam ↑ superiores constitutiones locum habent in iis actionibus, quae semel natae sunt, ut scilicet ex quo tempore competere coeperunt, exinde etiam cedere incipiat prescriptione. Sic enim uerba sunt *dict. leg. 1. §. ad hac. supra, de ann. excep.* At non est in hoc numero actio ex empto ob euictionem. Cum enim non competat, nisi sub conditione, si res euicta sit: *leg. 1. leg. euicta. Dig. eodem. priusquam haec conditio extiterit, neque uenit, neque cessit huius actionis dies: denique nulla fuit actio. leg. cedere. ff. de uerb. significat.* Ex quo intelligitur hanc actionem ante euictionem superioribus constitutionibus non contineri. Quapropter recte respondetur in proposita specie, quamuis post triginta aut quadraginta annos seruus in libertatem euincatur, tamen cum actio de ea euictione nunc primum nasci coeperit, emptorem prescriptione temporis non impediti, quo minus ob euictionem ex empto recte agat. Sed uidetur ob stare huic sententiae *l. si obligata. supr.* ubi emptor cum proponitur praedium pignori obligatum diu possedisse, idem eodem tempore dicitur amittere actionem euictionis nomine.

Sed ↑ non si in ea specie post longam possessionem emptor actionem ob euictionem amittit, ideo id contingit propter longam possessionem. Contingit ideo, quia emptor diu possidendo prescriptionem acquisiuit aduersus creditores, qua prescriptione tutus consequitur id, quod habere debet, nempe ut sibi habere rem liceat. At hic ubi proponimus hominem liberum uenditum esse, et si is homo diu possessus sit ab emptore, tamen non ideo emptor ullam prescriptionem acquisiuit aduersus eum, ut eius libertatem uicuperet: quoniam aduersus libertatem nulla prescriptio quamuis longissimi temporis ualeat. *leg. ult. supra, de long. temp. praes. qua. pro liber.* In summa emptor ob solam longam possessionem rei emptae actionem ob euictionem non amittit, ut hic declaratur, quod secus sit acquisita emptori prescriptione ad tuendam rei traditae possessionem, ut in specie *leg. si obligata. supr.* Quod in hoc rescripto adicitur de denuntiatione, id ipsum est, de quo dictum est *ad leg. emptor. & l. si controuer. supra.* Quod dicitur de remissione periculi euictionis, a nobis expositum est *ad leg. 6. supr.* Quod dicitur euictionis nomine actionem esse in id, quod interest, exponitur *ad leg. si tibi infra.*

Iidem AA. & CC. Iulio.

Cum tibi liberum uenditum fundum ab actore proponas: si ex antecedente obligatione, quod debebatur, iure solusisti stipulationem, quam subiectam emptioni de indemnitate proponis, ipsam conceptio commissam manifeste declarat. S. 7. Cal. Sept. Viminacj. AA. Coss.

Fundus uenditus est liber ab omni nexu pignoris. Siue aperte dictum est, siue de eo nihil dictum est, semper hac lege fundus uendi intelligitur, ut declarat *l. ex his praedij. supra.* Emptor casus fortuitos metuens stipulatus est a venditore, si apparet postea rem alienam aut pignori obligatam esse, & aliquid ob eam rem amississet, se indemnem praestari, venditor stipulanti promisit. Tandem extiterunt creditores uenditoris, quibus fundus pignori obligatus erat, qui fundum ab emptore eodemque possessore peterent actione hypothecaria. Emptor iudicij euentum metuens illis soluit, quod debebatur, ut sic fundum retineret. Eam summam nunc a venditore repetit. **Q**uæritur, an venditor eo nomine possit conueniri. Mouet quaestionem, quod emptor non expectata sententia iudicis ultro soluit creditoribus. Supra autem effectum est, emptorem euictionem, atque adeo ullo modo actionem ex empto aduersus uenditorem non habere, si rem non expectata iudicis sententia restituerit, *leg. si cum quaestio. supr. leg. utique. D. de rei uind.* de quo etiam initio tituli diximus. Et placet hoc loco emptorem de ea summa a se soluta cum uenditore agere posse: non ex empto, ne quis superiora nobis obiciat, sed ex stipulatione, quam supra interpositam proposuimus. Haec enim, inquit Imperatores, commissata est, id est, eius conditio extitit ita, ut iam ex ea agi possit. *sub §. conditione. Instituit. de uerb. oblig.* Id declarat huius stipulationis conceptio, qua uenditor promisit se emptorem indemnem praestaturum, si quid emptor amississet propterea, quod res pignori obligata esset. Haec autem pecunia, quae soluta est ob eam causam, illi amissa est ob id, quod fundus fuit creditoribus obligatus. Nam creditores hypothecaria agentes alterutrum a possessore consequi debent, aut quod sibi debetur, aut ut pignus restituantur. *leg. si fundus. §. in uindicatione. ff. de pig.* Recte igitur ex hac stipulatione etiam ante euictionem agitur.

L. Cum successores. 23.

Iidem AA. & CC. Eustochiz.

Cum successores etiam uenditoris pro euictione teneri possint: si uelut obligata sibi res publica Thessalonicensium pignoris instituat iure persequi, qua comparasti: auctoris hereditibus quocumque gradu constitutus adstiterit negotio denuncia. Quod siue presentibus his fundus, quem emisisti, fuerit euictus, siue absentibus postea, quanti tua interest rem euictam non esse, teneri non quantum pretij nomine dedisti, si aliud non placuit, publice notum est. S. 2. Cal. Ian. Sirmij. AA. Coss.

S V M M A R I V M.

1. Euicta re uenditorem ob euictionem teneri, quamuis in re defendenda omnia fecerit, qua ad iustam defensionem pertinebant.

Cum res emptori iure euicta est, & uenditori recte deauntiatum, ut ad agendam causam adesset, uenditorem ob euictionem teneri constat. traditum in *leg. 6. supr.* Hic adicitur, quod notandum est, uenditorem hoc casu teneri, siue ipso absente res euicta sit, siue praesente. Si eo absente res euincatur, nulla dubitatio, quin teneri debeat, quia manifesta eius culpa est, quod rem non defendit.

At ↑ cum ipse causae agendae adfuit, & omnia fecit, quae ad defensionem pertinebant, ubi apparet eum extra omnem culpam esse: merito dubitari potest, num hic etiam de euictione teneri debeat, cum nihil debeat iure praestare praeter culpam. *l. 2. si uendita. D. de per. & com. rei uend.* Et placuit nihilominus eum teneri. optima ratione, quia praeter diligentiam, quae in re seruanda ab eo exigitur, etiam rem ipsam debet. Quae res facit, ut cum hic omnia adhi-

adhibuerit, quæ illum à culpa vindicent, tamen necesse sit ideo cum in proposito teneri, quia id non præstet, quod debuit. Nam debuit rem idonee tradere, & præstare emtori rem habere licere. *l. ex emto. D. de act. emt.* Non est autem tradita, quæ non perfectuerat tradita esse, nec licet habere eam, quæ euincitur.

L. Si post perfectam. 24.

Idem AA. & CC. Eutychio.

Si post perfectam venditionem ante pretium numeratum rei uenundata mota fuerit questio, vel mancipia vendita proclamata in libertatem: cum in ipso limine contractus imminerat euictio: emtorem, si satis ei non offeratur, ad totius vel residui pretij solutionem non compelli, iuris auctoritate monstratur. Vnde cum parte pretij numerata, domus quam emisisti, tibi uelut pignoris iure obligata, ne ad emtionem accederes, denuntiatum ab aliquo proponas: iudex tibi, quæ ex emtione veniunt præstari providebit. S. 6. Cal. Febr. Sirmij, CC. Coss.

SUMMARI A.

- 1 Ante pretium solutum mota proprietatis questione, non cogi emtorem pretium soluere, nisi ei satis offeratur à venditore.
- 2 In limine contractus imminerat euictionem, quid sit.
- 3 Euictione imminente nondum ullam actionem esse emtori aduersus venditorem non fraudulentum: sed emtorem tamen exceptione doliturum esse, ne quid etiam venditori præstet.
- 4 Satis offerre quid sit.
- 5 Venditorem de euictione non cogi satisfacere, verum & perpetuum, et si interdum non cogitur pretium soluere sine hac satisfactione.

TRADITUR in *l. Iulianus. §. ex vendito. Dig. de act. em. ex vendito* aduersus emtorem agi posse, ut pretium soluat, idque eum post rem traditam præstare debere. Id cum ea exceptione accipiendum est, quæ hoc loco traditur, nisi ante pretium solutum lis mota sit de proprietate emtori, aut nisi sit saltem ei controuersia facta. Nam alterutrum satis est, ut constat ex principio huius rescripti, & sine.

1 Ante pretium solutum si controuersia emtori de re vendita fiat, non cogitur pretium soluere, nisi ei à venditore satis offeratur euictionis nomine, ut hic cautum est, & *leg. pen. §. i. D. de per. & com. rei vend.* Sed hoc, inquam, si ante pretium solutum dominij questio mota sit, ut est in *d. l. pen. vel. §. i.* ut hoc loco modo in limine contractus imminerat euictio, id est, periculum euictionis. Limen contractus accipere debemus, ingressum contractus. Ingressum autem totum illud tempus, quo nondum emtio ex utraque parte impleta est, id est, nondum res à venditore tradita, & pretium ab emtore numeratum. Proinde et si post quinque pluresue annos ante pretium solutum lis moueatur emtori de re vendita, non cogetur venditori pretium soluere: quasi & hæc euictio imminerat in ipso limine, id est, eo tempore, quo nondum omni ex parte venditio perfecta est, atque ita, quo cæpit tantum. Hoc autem, ne emtor pretium soluat hoc casu, consequitur exceptioe dolimali opposita, *d. l. §. sup. hoc tit. l. pater. §. ex quadrante. Digest. de dol. mal. & met. exe.* Dolus venditoris in eo est, quod petat ab emtore pretium, cum ipse quod debuit, recte non præstaret: quæ postulatio est contra æquitatem naturæ, qua fit, ut quod quisque in alterius persona æquum statuit, ipse in sua quoque persona valere patiatur. *l. i. ff. quod quis iur.*

3 Cum pretium dicimus emtorem hoc consequi exceptione, qua venditorem petentem summouet, apparet nihil nos contrarium dicere *l. §. sup. hoc tit.* ubi placet, quamuis res vendita aliena sit, aut pignori obligata, non ideo tamen eum, qui emit, conuenire posse auctorem suam, quamdiu res non sit euicta. Sane enim emtor venditorem conuenire non potest eo nomine. Sed si quid à se petatur, non cogitur præstare, ut hic constituitur.

4 Sed addita est exceptio hoc loco, nisi emtori satis à venditore offeratur. Quod si sit, emtor pretium soluere cogitur. Satis pretium offerre est, offerre satisfactionem. Satisfactio est emtori promittere, quod eius interest, si res euincatur, & eo amplius eo nomine fideiussore dare. Et in summa satisfacere est cauere de re aliqua fideiussoribus datis. *l. i. D. qui satisfid. cog.* Itaque in hac re promissione vendito-

ris fideiussores exiguntur supra scriptis verbis, ut apertius res definitur in *dict. leg. pen. §. i. de per. & com. rei vend.* Quod dicitur, venditorem non consequi pretium, nisi satisfactio euictionis nomine, non est contrarium ei, quod traditur in *l. emtori. D. eo. venditorem* ita duplam repromittere debere euictionis nomine, ut satisfacere non cogatur. Verissimum est hoc, & perpetuum, venditorem, à quo cautio de euictione postulat, non cogi satisfacere, quantumuis cogatur repromittere. neque id negamus hoc loco. Nam emtor, à quo pretium petitur, non petit à venditore, ut satisfactio: sed petit, ne ille pretium petat. Et vero si satisfactionem postulet emtor euictionis nomine, est in venditoris potestate non præstare, pretium non petendo. Petitione enim pretij remota, non est locus exceptioni, qua petitionem istam in hac causa summoueri dicimus. Porro emtor solam hic exceptionem habet ad eam satisfactionem obtinendam, si venditor pergat pretium petere: actionem ad eam rem nullam. Quæ si ita sunt, apparet, quamuis imminerat periculo euictionis, non posse tamen emtorem aliud à venditore consequi, quam ut ne pretium soluere cogatur. Proinde si venditor pretium ab emtore non petat, non posse emtorem consequi à venditore, quod sua interest, id quod ex emtione præstari solet. *l. i. in princ. ff. de act. emt.* Videtur tamen hoc negari in extremo huius rescripti, ubi ita verba sunt: *Si ab aliquo denuntiatum sit emtori, ne ad emtionem accederet, iudicem promissurum ei præstari, quæ ex emtione veniunt.* Sed hæc adiectio, quæ ex emtione veniunt, rem expedit. Non enim venit præstatio eius, quod emtoris interest reuindum euicta. *leg. 3. sup. eod.* sed nec satisfactio euictionis nomine, nisi imminente periculo euictionis venditor pretium petat, ut hic cautum est, & *d. leg. pen. §. i. de per. & com. rei vend.*

L. Si tibi. 23.

Idem AA. & CC. Saturninæ.

Si tibi liberam Saturninus conditionem eius ignorans distraxit, ac nunc eam defendit in libertatem: hac libera promittata, venditorem vel ex stipulatione dupla, quantum in hanc deductum est, uel emi actione, quanti tua interest, conuenire potes. S. Idib. Febr. AA. Coss.

SUMMARI A.

- 1 Venditori liberum hominem, à se venditorem, in libertatem asserere licere, siue ignorans vendiderit, siue sciens, hoc favore libertatis.
- 2 Euictionis nomine duas esse actiones, ex emto, & ex stipulatione dupla.
- 3 Ex emto actio ob euictionem cui, aduersus quem ad rem.
- 4 Id quod interest in actione ex emto quod continetur.
- 5 Summus in rem emtam factus emtorem à venditore ita consequi posse, si à domino eos seruare non potuerit, & rem meliorem fecerit.
- 6 Quanti emtoris interest rem non euictam, spectandum eo tempore, quo res euincitur, non qua vendita est, & quid referat illud positum, quam hoc spectari.
- 7 Dupla stipulatio, quæ sit, & quid dupla.
- 8 Ex stipulatione dupla quid dupletur: tum quando dupletur pretium, quanti res vendita est, quando estimatio pro bonitate rei, quæ euicta est.
- 9 Bonitas partis euictæ cum estimatur, eam bonitatem spectandam, quæ fuit, cum res vendita est, aut cum aliquid accessit fundo.
- 10 Simpla quoque stipulationem esse, ut dupla: quæ sit, & quibus in rebus venditis locum habeat.
- 11 Dupla & simpla stipulationis quis usus, cum competat actio ex emto in id quod emtori interest, quod interdum multo plus continet.
- 12 Duplum emtori à venditore promitti debere, in eam rem esse emtori actionem ex emto, & quo exitu.
- 13 Duplam promitti debere in rebus pretiosioribus: & quæ sint huius generis.
- 14 Duplam non exigi in illis locis, in quibus moris non est eam exigi.
- 15 Dupla & simpla nudam repromissionem esse, non satisfactionem.
- 16 Dupla aut simpla stipulatione interposita, licere emtori re euicta uera uel actioe experiri, ex stipulatu, aut ex emto, prout sibi commodum esse statuet.
- 17 Ex stipulatione dupla aut simple, quæ actio, cui, aduersus quem, & ad quid.

Hoc rescriptum tria complectitur. Primum huiusmodi: Eui-
ctionis nomine venditorem teneri, siue sciens rem alienam
aut pignori obligatam, aut liberam vendiderit, siue ignorans. *l. ex
emto. l. si seruus, quem. §. vlt. ff. de act. emt.*

1 Alterum est, † Libero homine vendito licere venditori aduer-
sus emtorem cum hominem à se venditum in libertatem defen-
dere. Singulare ius propter libertatem: cum alioqui placeat ven-
ditorem vindicantem eam rem, quam vendidit, exceptione doli
mali summoueri posse. *l. vindicantem. ff. eod. tit.* Hic significatur ven-
ditorem id facere posse, si ignorans mulierem liberam vendidit.
Dicimus idem eum facere posse, etsi sciens vendiderit. Nam qui
ignorans vendidit, non minus dolo facit vindicando rem, quam
vendidit, quam si sciens vendidisset. Vnde semper exceptione
doli summouetur. *d. l. vindicantem.* Sed hoc in libero tantum homi-
ne vendito receptum est: primum fauore libertatis, quæ omnibus
rebus fauorabilior esse dicitur in *l. libertas omnibus D. de regul. iur.*
deinde, quia cum libera defenditur in libertatem, magis ipsa age-
re videntur, quam venditor, qui tantum defensoris officio fungi-
tur, non vindicantis. vindicat enim non sibi, sed liberæ.

Tertium pertinet ad eas actiones, quæ euictionis nomine
competunt, de quibus breuiter dicemus. Quando re euicta actio
fit emtori aduersus venditorem, initio huius tituli diximus. Hoc
2 † constituto actionem emtori eo nomine esse, quaritur, quæ sit
actio. Hæc duæ sunt rescripto hoc comprehensæ: actio ex emto, &
actio ex stipulatu de dupla, siue ex stipulatione duplæ. adde etiam
3 ex stipulatione simplæ. Actio † ex emto se euicta semper compe-
tit ob euictionem. *l. 6. sup. hic. l. ex emto. D. de act. em.* Hæc actio em-
tori datur, vt hic significatur. *d. l. ex emto. D. de act. em.* Datur aduer-
sus venditor em maxime: sed & aduersus omnes, qui euictionis
nomine obligantur, in quo numero sunt fideiussores, & heredes
tam venditoris, tum fideiussoris. *l. emtor. l. si controuersia. l. si status.
sup. eod.* Vnde circa venditorem illa quæstio, pignori bus auctori-
tate magistratus ex causâ iudicati distractis quis sit venditor, vt
iis rebus euictis ob euictionem conueniri possit, de qua *ad l. si ob
causam. sup.* Competit hæc actio in id, quod emtoris interest, vt
hæc expressum est. Addere oportet, in id, quod emtoris interest
rem euictam non esse, vt est in *l. cum successores. sup. item in l. euicta.
4 70. ff. eo.* Id † quod interest ita definitur Paulo, quod nobis abest,
quoque lucrari potuimus. *l. si commissa. ff. rem. rat. hab.* Vnde intel-
ligimus venditorem emtori teneri ob euictionem actione ex em-
to in id quod abest emtori ob eam causam, quod res euicta est, &
quod lucrari potuisset, si res euicta ei non esset. His verbis hæc
continetur: non pretium rei duntaxat, vt est in *d. l. cum successores.
sup. d. l. euicta. ff. eo.* sed æstimatio rei venditæ, quæ interdum longè
pretium excedit, *leg. 1. in princ. ff. de act. emt.* accessionem rei, &
quæcunq; per occasionem rei venditæ obtingere poterunt, quib-
us ideo caret emtor: quia rem habere ei non licet: eiusmodi sunt
fructus agrorum, animalium foetus, ancillarum partus, quæ allu-
uione fluminis accesserunt, vsus fructus, qui ad proprietariū em-
torem rediit, item si qua hereditas per seruum venditum obtin-
gere potuit, qui heres erat institutus. *l. vend. ff. eo.* Adde damna im-
pensarum, quas fecit ipse de suo in rem emtam, vt melior fieret.
quæ ideo illi perierunt, quia res euicta est: de quibus in *l. si cum
quaestio. l. si controuersia. sup. eodem.*

5 Sed † in his sumtibus duo præcipienda sunt: primū non aliter
eos consequi emtorem, quam si à domino, qui rem euincit, eos
seruare non potuerit, vt diximus *ad l. super. sup. hoc tit.* Hoc amplius
non aliter eum consequi, quam si non dico fecerit eo consilio, vt
res esset melior: sed re ipsa rem meliorem fecerit. Meminisse enim
semper oportebit, nihil amplius consequi posse emtorem, quam
quod sua interest rem euictam non esse: proinde nihil nisi quod
ei abest, ob id, quod res sit euicta. Iam vero si sumtibus ab emtore
factis res melior facta non est, non absunt ei hi sumtus propter e-
uictionem: cum & sine euictione iam ei periissent.

Vt autem actio ex emto competit in id, quod emtoris interest,
ita semper hoc addendum est, competere ius id, quod eius inter-
est rem euictam non esse. *d. l. cum successores. sup.* Quod † hanc sen-
tentiam habet, vt in æstimandis damnis emtoris, & æstimando
eo quod ei abest, deniq; n æstimacione rei emtæ faciendâ tem-
pus spectandum sit non illud, quo res vendita est, vt æstimemus,
quantum res fuit, sed illud, quo res euicta est, vt tantum præste-
tur, quantum fuit. Ex quo duo sunt consequentia. Primum, vt si
post vendicionem perfectam valde creuit rei venditæ æstimatio,
vel quia exulta est à venditore, vel quia accessionibus naturali-
bus aucta est, vel quia aliquid accreuit per alluionem, & ea fue-

runt tunc, cum res euicta est, sciamus horum omnium æstima-
tionem emtori præstari debere, quia est id, quod habere posset,
quod nunc ideo non habet, quod res euicta est. *dist. l. euicta. 70. ff.
eod.* Alterum, vt si res post venditorem non culpâ venditoris mul-
tis partibus imminuta est, debilitata, fracta, rupta, vt multo pluri-
s fuerit, quam vendita est, quam nunc est, cum euincitur, nihil am-
plius præstare debeat venditor emtori, quam quod nunc est. *d. l.
euicta. 70.* Et hoc postremum ideo, quia quæ ita perierunt, casu
perierunt calus fortuiti periculum emtione contracta ad emto-
rem, non ad venditorem pertinet. *§. cum autem. Institut. de emt. &
vendit.* Deinde perierunt ista, sed euicta non sunt: venditor tan-
tum ob euictionem tenetur. Hæc de actione ex emto.

Est præterea, vt diximus, euictionis nomine actio ex stipula-
tione duplæ aduersus venditorem. Sed prior actio semper compe-
tit: actio ex stipulatu tunc solum, cum stipulatio interposita
est. Videndum, quid sit stipulatio duplæ: tum, quæ sit necessitas
huius stipulationis interponendæ, ne frustra de ea hoc loco aga-
tur. Stipulatio † duplæ in emtione est, qua venditor emtori sti-
pulantem promittit rem emtori habere licere, & nisi habere liceat,
duplam. *leg. habere. leg. euicta. 16. §. 1. Dig. eodem.* Dupla hic idem valet
quod duplum. Duplæ stipulatio est dupli stipulatio, indicat *l.
penult. inf.* vbi emtor dicitur duplum stipulari, pro duplam. item
l. vindicantem. Dig. eo. vbi dicitur emtor ex stipulatione duplæ du-
plum consequi. Non consequitur autem, nisi quod in stipulatio-
nem deductum est. Erat igitur duplum deductum in stipulatio-
nem. Idem significatur, cum dicitur, nisi venditor duplam pro-
mittat emtori, condemnari eam dupli, in *leg. 2. Dig. eod.* Non con-
demnatur, nisi eius rei nomine, quam præstare debuit. *leg. vlt. sup.
de fid. lib.* Itaque apparet duplam à veteribus ita dictam esse, vt in-
telligeretur verbum quantitas, siue æstimatio eius rei, quæ ven-
dita est. Duplum nullum est natura, nisi ad rationem simpli: &
quantum simplum est, tantum duplum esse oportet propor-
tione.

Quæritur † igitur, quid hic dupletur, vt intelligamus, quan-
tam duplam esse hic velimus. Et interdum duplatur pretium rei,
quanto res distracta est, interdum æstimatio pro bonitate eius
rei, quæ est euicta. Pretium duplatur, quoties aut res tota euicta
est, aut pars quidem, sed in quam certum pretium dictum est. *l. si
fundo. D. eod.* Idem est, & si pars pro diuiso euicta sit. *l. 1. leg. ex mil-
le. D. eo.* Ex bonitate autem rei euictæ simplum æstimandum est,
cum de dupla queritur, quoties pars certa euincitur, de cuius bo-
nitate constare potest, & in eam partem pretium separatim non
est constitutum. *dist. leg. 1. ff. eo.* Differentiæ ratio est, quod cum
pretium certum constitutum est in rem euictam, tum promitti-
tur dupla æstimacionis eius, quæ constituta est rei venditæ: ea au-
tem est pretium. *d. l. si fundo. D. eod.* Sed etsi constare non possit,
vtrum pars, quæ euicta est, pretiosior sit ceteris, quæ euictæ
non sunt, ibi quoniam de bonitate partis euictæ queri non po-
test, res eo deducitur, vt necesse sit, aut nihil, aut tantum pretium
ab initio constitutum spectari pro portione. quod contingit tunc,
cum pars pro diuiso euicta est. Nam pars pro diuiso non ap-
paret, intelligitur tantum, quippe quæ per totum fundum fusa
est. At cum pars certa euincitur, in quam nullum pretium separa-
tim constitutum est, non possumus in ea æstimanda id pretium
sequi, quod dictum non est. Ita relinquatur, vt æstimetur pars ex
sua bonitate.

Bonitatem † autem hinc partis euictæ longe ex alio tempore æ-
stimamus quam cum æstimatur bonitas actione ex emto, cum æ-
gitur ob euictionem in id, quod interest. Nam id, quod interest
rem euictam non esse, æstimatur ex eo tempore, quo res euincitur:
ideo & illius temporis bonitas & æstimatio spectatur. quæ si nul-
la noua esse cepit post contractam emtione, aut si magna ex
parte imminuta est, eatenus non æstimatur. *l. euicta. 70. ff. eodem.* At
in stipulatione duplæ cum de bonitate partis euictæ æstimanda
agitur, eam bonitatem spectamus, quæ fuit, cum res vendita est,
aut cum aliquid accessit fundo vendito, non autem quæ est eo
tempore, quo res euincitur. *l. bonitatis. & l. 2. seqq. D. eod.* Differenti-
æ ratio ex his rebus, de quibus hæc actiones constitutæ sunt, non
difficile intelligitur. Actio ex emto ob euictionem competit de
eo, quod euictum est, nec aliud persequitur, quam id, quod interest
rem non euinci: vt necesse sit in eo id tempus ipsum intelligi, quo
res euicta est. At actio ex stipulatione duplæ id petit, quod in sti-
pulatione deductum est, vt in hac *l. si tibi.* dicitur. Deducta est au-
tem dupla eius temporis, id est, eius, quo stipulatio interponeba-
tur. Proinde in ea æstimanda id tempus spectandum est.

10 Scendum est autem, non tantum ob euictionem duplam promitti, sed etiam simplicem, ut in rebus venditis non pretiosis. *l. empor. 37. §. 1. D. eo.* Hinc duplex & simplex stipulatio interdum legitur, & hinc illa verba *l. emtor. sup. hoc tit. neq; ex stipulatu, neq; ex simpla neq; ex emto actionem contra venditorē habet.* Quid est illic actio ex stipulatu? aut cur tres actiones illic numerantur, cum in hac lege si tibi numerentur tantum duae? Nempe actio ex stipulatu illic intelligenda est actio ex stipulatu simplici, quae collata cum actione ex stipulatu de dupla, nihil aliud est simpliciter, quam actio ex stipulatu. Iam autem dixi interdum interponi duplex stipulationem, interdum simplicem tantum. Simplicem intelligimus simplicem quantitatem, seu aestimationem, quemadmodum & cum duplam nominamus. Hoc est loco existit quaestio, cum emtori re euicta constet semper actionem esse ex emto aduersus venditorem in id, quod sua interest, quod interdum non simplicem tantum sed etiam duplam longe excedat, cui bono duplam, aut etiam simplicem dumtaxat a venditore stipulari, ubi emtori liceat actione ex emto multo plus & facilius consequi. Et duas ad res conducit, vel potius necessaria est non dico duplex stipulatio, sed etiam stipulatio solius simplicis. Primum hoc efficit, ut liceat emtori re euicta consequi aestimationem, quae fuit, cum res vendita est aut certe pretium illius temporis, ut supra diximus ex *leg. bonitatis. & seqq. D. eo.* Quod interdum emtori utile est, quid enim, si post venditionem res multis partibus sit imminuta? actione ex emto aestimationem praeteriti temporis consequi non potest, ut ante dixi. Valeret ad hoc praeterea simplex aut duplex stipulatio, ut re etiam ab extraneis euicta, tamen venditor teneatur ex stipulatione rem emtori habere licere. Sciendum est enim, quemadmodum venditor praestare debet emtori, ut ei rem habere liceat: ita teneri eum ex emto, ut id emtori promittat. *l. ex emto. in prin. & §. venditorem. Dig. de act. emt.* In hac stipulatione si venditor nihil amplius promittat, quam emtori rem habere licere, non tenetur venditor, nisi re ab ipso, aut heredibus eius euicta. extranei si euincant, non tenetur, quia aut factum extraneorum non promittit, aut si quid, promittit inutiliter, *leg. stipulatio ista. in pr. §. 1. Digest. de verb. oblig. l. ex emto. §. qui autem. Dig. de act. emt.* Sed haec ita sunt, nisi poenae stipulatio subiecta sit. Haec ubi promissa est, re ad quous euicta, utiliter poena petitur. *d. leg. stipulatio ista. §. 1. de verb. oblig.* Et poena est, simplex & duplex stipulatio. Nam haec stipulationes, nihil aliud continent, quam certam quantitatem, alias simplicem, alias duplam, quam promittit venditor emtori, si rem emtori habere non licebit, id est, si ei euincatur.

Ergo, ut cepi dicere, re euicta non tantum est emtori actio ex emto, sed etiam actio ex duplex, aut simplex stipulatione ob euictionem, sed ex stipulatione ita, si stipulatio sit interposita. Hinc de necessitate huius stipulationis interponendae querendum est. Frustra enim de ea agitur, nisi necesse habeat venditor hanc interponere: cum pro non dicto sit, quod ipse praestare, nisi velit, non cogatur. *l. sub hac. Dig. de obl. & act.* Ne est igitur putemus frustra susceptam disputationem de hoc genere stipulationis, hoc constituendum est, venditorem emtori obligari, ut duplam promittat, saltem ut promittat semper simplicem. *dist. leg. emtori. 37. in princip. & §. 1. D. eodem.* Videndum, qua actione id consequatur, tum an semper dupla promitti debeat: postremo quomodo debeat. Et quod ad actionem attinet, competit actio in eam rem ex emto actio. *leg. quod si nolit. §. quia assidua. Dig. de ad. ed. leg. ex emto. §. venditorem. Dig. de act. emt.* Huius iudicij exitus hic est, ut si conuentus venditor duplam non repraesentat, dupli condemnatur: nempe tanti quantum petebatur. *leg. 2. ff. eodem.* Duplam promittit oportet: verum neque in rebus omnibus, neque omnibus locis.

13 In istis tantum rebus moris fuit Romanis duplam exigere, quae pretiosiores sunt. *d. l. emtor. 37. §. 1. Di. eod.* In hoc genere rerum habentur, primum citra controversiam res omnes soli: proximo loco mancipia. *d. l. quod si nolit. §. quia assidua. de ad. ed.* Ex ceteris rebus non male videtur definiti posse, res esse pretiosiores, quae duos aureos excedunt. argumento vel licet *l. si quis assidua. in fi. inuncta. ex l. seq. Dig. de dol.* ubi ea summa dicitur esse non modica, quae excedit duos aureos. Porro non male dici posse videtur, eam rem pretiosiore habendam esse, cuius non modica aestimatio est.

14 Sed est nec in istis locis duplam exigi potest, ubi moris est eam non promitti, sed simplicem dumtaxat. Hic enim morem & consuetudinem regionis sequimur. *l. 6. ff. eod.* Et certe duplex stipulatio ideo tantum exigi dicitur, quia moris & consuetudinis est eam praestari. *d. l. quod si nolit. §. quia assidua.* Promittitur est autem duplam,

aut simpla nuda re promissione tantum, non satisfato, id est, venditor duplam, aut simplicem stipulanti emtori promittere cogitur sed fideiussores in eam rem dare non cogitur. *l. 4. in pr. d. l. emtori in princip. Digest. eodem.*

Haec stipulatione interposita siue duplex, siue simplex, euenit, quod in hac lege scriptum est, ut emtori re euicta duae sint ob euictionem actiones emtori aduersus venditorem, ex emto, & ex stipulatione vel duplex, vel simplex, quarum alterutra emtor vel poterit, prout sibi expedire existimabit. *l. sed & si. 18. & l. seq. ff. eod.* Actione ex emto tunc, cum res plurimi erit, cum euincitur, actione ex stipulatione, cum res pluris fuit, cum distracta est, quam nunc cum euincitur, secundum supra traditam a nobis distinctionem.

Stipulatione est constituta, quaeritur de actione, quae ex ea stipulatione nascitur. Haec vere est conditio certi ad poenam certam in stipulatione deductam. *Inst. de ver. obl. in pr.* Haec ut ex reliquis stipulationibus stipulanti competit aduersus promissorem, & competit in id, quantum in stipulatione deductum est, ut scriptum est in hac lege.

L. Si quis tibi. 26.

Idem AA. & CC. Neoni.

Si quis tibi seruum vendidit, postquam is rebus humanis exemptus est, cum euictionis periculum finitum sit, a te conueniri non potest. S. 2. Cal. April. Sirmij. CC. Coss.

S V M M A R I A.

- 1 Re vendita a casu extincta venditorem emtori non teneri, quamuis extiterit postea rem alienam, aut pignori obligatam fuisse.
- 2 Hoc casu emtorem rem amittere, & nihilominus venditorem pretium lucrari: aliter, atque si res euictione amissa esset.
- 3 Re vendita post litem cum emtore contestatam extincta, sententiam ferri de proprietate rei, quasi res exstaret. hinc emtori regressum esse aduersus venditorem tanquam re euicta.

SI est venditor re vendita tradita, solum ob euictionem tenetur emtori, ut solum obligatur. *leg. ex emto. in princip. Dig. de act. emt.* si non tenetur, quamdiu res euicta non est, ut non teneri scriptum est in *l. 3. sup.* consequens est, quod hoc loco constituitur, re vendita casu extincta venditorem eo nomine emtori non teneri, quantumuis rem, quae extincta est, alienam fuisse, aut pignori obligatam postea constiterit. Quippe res casu amissa euicta non est. Nam euincere est rem iudicio auferre. *l. non. amen. l. habere. ff. eo.* Non auferretur autem iudicio, quae amittitur casu. Et haec est ratio, quia Valerianus in hac specie utitur in *l. si seruus. Dig. eod.* ideo hoc casu venditorem emtori non teneri, quia nemo rem euicerit, sed fatum humanae sortis. Atque haec etiam euenit, ut hoc casu emtor rem amittat, & nihilominus venditor pretium lucretur. Quod prima facile iniquum videri potest, praesertim cum scriptum sit *l. ex emto. §. qui autem. Dig. de act. emt.* bonae fidei iudicium non pati hanc conuentionem, ut emtor rem amittat, & venditor habeat pretium. Sed nihil est aequius. Nam emtione contracta, pro emtore hoc constitutum est, ut commoda omnia rei venditae ad eum pertineant. Cui consequens fuit, ut & incommoda eum sequi oporteret. *§. cum autem. Inst. de emt. & vend. l. necessario. D. de peric. & com. rei vend.* Consequens dixi, quia ut est secundum naturam, commoda cuiusque rei eum sequi, quem sequuntur incommoda, *l. secundum. D. de regul. iur.* ita contra, quem commoda cuiusque rei sequuntur, eum quoque sequi incommoda, *l. vnica. §. pro secundo. in fi. C. de cad. toll.* Est autem incommodis rei venditae casus omnis fortuitus, vel potius casus omnis, qui sine culpa & facto venditoris contingit. Et quod dicitur in *l. ex emto. §. qui autem. de act. emt.* bonae fidei iudicium non pati hanc conuentionem, ut emtor rem amittat, & venditor pretium lucretur, nominatim dictum est de eo emtore, qui rem amittit propter euictionem. Est vero iniquum propter euictionem pretium ei petere, quamuis conuenierit, ne ob euictionem ageret. Nam euictio ex facto venditoris nata est, qui rem alienam vendidit, & ita euictioni causam dedit.

Haec est etiam simpliciter ita dicuntur in hoc rescripto, item in *dist. leg. si seruus. Dig. de euict.* tamen bene monet Accursius sic acci-

sic accipiendum esse, si res vendita interierit ante litem cum emtore contestatā. Nam si postea perierit, postulante emtore sententia ferretur de proprietate rei: & si res aliena pronuntiata sit, is aduersus venditorem regressum habebit non tantum actione ex emto id, quod sua interest rem alienā non fuisse, sed etiam actione ex stipulatione duplæ, aut simplæ in id, quantum in stipulationem deductum est, quasi re emtori vere euicta. *Lyrique. Dig. de rei vind. l. vlt. sup. de assert. toll. l. cum seruus. Digest. iud. sol.* Sed huic parti videtur refragari ea principia, quæ posuimus de euictione in principio huius tituli, & ad l. 3. & l. 6. *sup.* Sunt autem hæc, venditorem quamdiu res euicta non sit, non teneri. l. 3. *sup.* item, venditorem non teneri, nisi quis rem vendicat, vel nisi res amissa sit ob euictionem. Iam vero licet res vendita post litem cum emtore contestatam perierit, non tamē res euincitur, atq; adeo nec euincit potest. Nam, vt supra dixi, euincere est rem auferre. Non potest autem sententia iudicis auferri ea res, quæ non est. Et hæc omnia vera sunt, si fateamur rem, quæ post litem contestatam interit, nō exstare, quod secus est. Non exstat illa quidem natura, sed iurē exstare fingitur. vt sententia de proprietate eius rei lata perinde habeatur, quasi ea exstaret, & esset ablata. Nam si emtorem moram fecisse proponas iudicium accipiēdo, mora perpetuam facit actionem, id est, facit, vt perpetuo teneatur, quasi res exstaret, l. item si verberatum. in fin. *Dig. de rei vind. l. nemo. §. 1. Dig. de verb. oblig.* Quod si emtor moram non fecit, is quidem non tenetur ob rem peritam neq; in æstimationem eius rei: sed nihilominus aduersus venditorem res adhuc exstare intelligitur, vt emtori à venditore eam consequi liceat. d. l. *Lyrique. de rei vind.* Ita & hæc pars quoque posterior recte constituitur, neque priori aduersatur.

L. Si fundum. 27.

Iidem AA. & CC. Theophilo.

Si fundum sciens alienum, vel obligatum comparauit Athenoies, neque quicquam de euictione conuenit: quod eo nomine dedit, contra iuris poscit rationem. Nam si ignorans: desiderio tuo iuris forma negantis hoc reddi refragatur. S. 15. Cal. Oct. CC. Coss.

S Y M M A R I A.

- 1 Ei, qui sciens rem alienam emit, euictionem non prestari: nisi si quis de euictione nominatim sibi cauerit.
 - 2 Casus, vbi & scienti praestetur euictio, & paciscenti nihil amplius, quam rei pretium.
- L. vlt. §. pen. §. vlt. C. com. de leg. sententia & ratio exposita. ibid.

1 **Q**ui † rem emit conditionis rei non ignarus, talem videtur emisse, qualis est. Proinde re ob eam conditionem euicta venditor non tenetur, extra quam si cōuenierit, vt ei euictio praestaretur. Semper enim hoc tenēdum est ex generali edicto de pactis, omnem pactiōnem seruandam esse, quæ non sit dolo malo interposita, si modo & de re priuata est. *l. iuris gentium. §. ait. §. si paciscar. Dig. de pact.* Et maxime si est contractus bonæ fidei, in quo interposita est conuentio, qualis est emtio & venditio, de qua hic agitur, *l. ex emto. Dig. de act. ems.* De hoc iure diximus ad leg. 6. *sup.*

2 Vtraq; † tamen in parte superioris iuris sua quædam exceptio est in ea specie, de qua cōstitutum est à Iustiniano in *l. vlt. sup. §. pen. & vlt. sup. com. de leg.* Species ea est, cum rem hereditariam sub cōditione legatam heres pendente cōditione vendit ei emtori, qui ita legatam non ignorat: deinde impleta conditione rei legatæ legatarius, qui ex euentu conditionis dominus esse cœpit rei legatæ, eam rem ab emtore eodemq; possessore vendicat, & iure suo euincit. In hac specie duo illic singularia cōstitutum sunt de euictione rei. Primum, vt emtor quamuis non ignorauerit conditionem rei emtæ, tamen pretiū ab herede eodemq; auctore suo possit repetere, contra quam hic constitutum est. Alterum, vt nihil possit amplius repetere, quam pretium, etiam si emtor nominatim sibi duplam cauerit, id est, conuenierit, vt re euicta sibi dupla praestaretur. Vtriusq; huius partis ratio fuit Iustiniano id ipsum, quod prius ibidem constituit, vt existente conditione rei legatæ venditio, quæ præcesserat, perinde irrita fiat, ac si nulla interuissset. Hoc iure posito, reliqua duo sunt consequentia, quæ supra

diximus. Nam si emtio pro nulla habetur, causa, quæ prius fuerat, finita est, nempe emtio. Ita incipit pretium, quod datum est, repeti posse cōditione sine causa. *l. i. in fin. Dig. de cond. sine caus.* Deinde si venditio nulla est, consequens est nihil ex iis peti posse, quæ per causam emtionis promittuntur. Proinde nec dupla ex conuentione praestabitur emtori quoniam dupla ex causa emtionis & rei venditæ euictæ promittitur. Quod autem Iustinianus in supra scripta specie constituit, vt existente conditione legatæ emtio habeatur pro nulla: id fecit, vt coerceret auaritiam heredis, qui tam turpiter contra voluntatem defuncti rem vendidit restitutioni obnoxiam, vt ibidem ipse idem significat. Sane emtor, qui sciuit rem alienam, aut pignori obligatam à se emi, interdū pretium à se numeratum seruare potest: sed hoc solum à domino, qui rem ab eo vindicat, & tunc cum pretium in rem domini versum est. *l. i. sup. si vend. pig. ag. l. emtor. Dig. de rei vind.* de quo diximus ad l. *super. sup. hoc iur.* Nec posse eum hoc pretium consequi à venditore propter euictionem hoc loco negamus.

L. Emtori. 8.

Iidem AA. & CC. Maximiano & aliis.

Emtori etiam venditoris iura prodesse non ambigitur. Si dicitur vobis propter rei proprietatem mota fuerit questio: tam propriis, quam venditoris defensionibus uti poteritis. S. 3. Non. Oct. Scuppis CC. Coss.

S Y M M A R I A.

- 1 Emtorem in lito proprietatis sibi mota & suis propriis & venditoris defensionibus uti posse: & hæc quæ sint.
- 2 Pacti cum venditore interpositi, item rei cum venditore iudicata exceptio, quo iure ad emtorem transferatur.

Lite de proprietate rei venditæ emtori mota, is venditore causam non suscipiente necesse habet ex fide causam agere, & tueri iis omnibus defensionibus vtendo, quæ ad rem pertinent, & quibus potest, de quo diximus ad *l. emtor. sup.* Quæritur, quæ defensiones emtori in ea causa competant. Hic † cōstitutur emtorem in ea re non tantum propriis, sed etiam venditoris defensionibus, & iure uti posse. Defensiones vocamus exceptiones *l. 4. l. defensiones. sup. de ex.* quoniam exceptiones defendendorum reorum causa comparatæ sunt. *Inst. de excep. in princip.* Propriæ exceptiones emtoris sunt, exceptio pacti cum ipso emtore interpositi, rei cum emtore iudicata, iurifurandi emtori dilati. His omnibus emtorem uti posse constat. Hic adiicimus, etiam si venditor ipse pactus sit, aut iudicio absolutus, aut deferente aduersario iurauerit rem suam esse, posse emtorem uti iisdem exceptionibus. Propone hoc modo: emtor fundi controuersiam de proprietate passus est à Lucio Titio, deinde lis inter eos composita, & Titius pactus, ne fundum ab emtore amplius peteret: hinc pacti exceptionis emtori quæ sita, quæ emtoris propria est *§. praterea. Inst. de excep.* Vel iudicium inter istos processit, & tandem emtor absolutus est hinc propria exceptio nata emtori, exceptio rei iudicatæ. *§. itē si. Inst. de exc.* His exceptionibus ita emtori quæ sitis, dicimus, si Titius eundem fundum ab eodem emtore, aut eius heredibus postea petat, summoneri eū posse, illi quidem exceptione pacti, hic autem exceptione rei iudicatæ, aut iurifurandi: quæ sunt propriæ emtoris exceptiones. Dicimus idem iuris esse, si eadem Titio cum venditore intercesserint, hoc modo: venditor fundi priusquam fundum venderet, ab eodem Lucio Titio controuersiam passus est, & tandem Titius pactus est, se à venditore non amplius petiturum eum fundum, aut venditor eo iudicio absolutus est, aut deferente Titio iurauit fundum suum esse: vnde illi eadem exceptiones comparatæ sunt, quæ supra. Deinde fundum vendidit, & Titius idem hunc fundum ab emtore vindicat. Dicimus, inquam, in hac controuersia emtorem posse eum summoneri exceptione pacti cum venditore interpositi, exceptione rei cum venditore iudicatæ, exceptione iurifurandi à venditore præstiti. Nam hæc sunt defensiones venditoris, de quibus hic dicitur. Et de exceptione pacti conuentioni hoc ius traditum est diserte in *l. si tibi §. pactum. D. de pact.* Sed † quomodo pactum cum venditore interpositum, in alia persona, puta emtoris, potest nocere Titio:

cum sit certi iuris regula, pacta de vna re, aut cum vna persona facta, non posse in alia re aut in alia persona nocere? *l. si vnus. §. pacta. in fin. Digest. de pact.* Dicendum est, cum emtor exceptione pacti, cum venditore facti vitur, pactum non tam prodesse emtori, quam venditori ipsi, qui pactus est: & quod idem est, pactum non tam nocere in persona emtoris, quam in persona venditoris. Interest enim venditoris emtorem eo pacto vti: propterea quod nisi vtatur emtor ea exceptione, habiturus sit regressum aduersus venditorem ob euictionem. Et hoc est, quod alia regula iuris traditur, pacta cum alijs personis facta omnibus prodesse, quos non teneri paciscentis interest. *l. & heredi. §. vlt. l. fideiussores. §. vlt. ff. de pact.* Adde, quod venditor rem vendendo & tradendo emtori omnes actiones suas ad emtorem transferre intelligitur, *l. postquam. l. ex nominis. sup. de hered. vel act. vend.* Multo igitur magis existimandus est transferre exceptiones, quibus ad emtorem defendendum opus est. *l. inuitus. §. 1. ff. de reg. iur.*

Eadem dicere licet de exceptione rei cum venditore iudicata. Constitutum est, res inter alios iudicatas, quemadmodum alij non nocent, ita prodesse non posse. *l. 2. sup. quib. res. iud. non noc.* Quo effici videbatur rem iudicatam inter Titium & venditorem fundi non debere emtori prodesse, tanquam alij personæ. Sed dicemus idem, quod supra, cum emtor hac exceptione vitur ex persona venditoris, rem iudicatam non tam ipsi prodesse, quam venditori, cum quo res iudicata est. Idem de ceteris exceptionibus licet intelligere.

L. Si permutationis. 29.

Idem AA. CC. Rhefo.

Si permutationis gratia prædia curatoribus, quondam fratris tui mater tua dedit: his, quæ in eorum vicem accepit, posteaquam ad defensionem fuerit denunciatum, vel cum eorum non haberet facultatem, euictis, quanti interest, eos conueniri posse, rationis est. S. id. Decemb. Nicomedia. CC. Coss.

S V M M A R I A.

- 1 Ex permutationis quoque causa actionem esse ob euictionem ei, cui res euicta est: dum omnia fecerit in lite proprietatis, quibus factis emtori eadem actio competit.
- 2 Re aliena in permutationem deducta ei, qui accepit, etiam nondum re euicta conditionem esse ob causam dati causa non secuta: aliter in emtione.

Quod de euictione constitutum est, re videlicet alicui tradita euicta ei actionem aduersus eum esse, qui tradidit, ob euictionem: de emtione solum constitutum est, vt videre est in *l. ex emto. in prin. ff. de act. emt.* Sed hoc sic acceptum est ex sententia eius iuris, vt placeret ius pertinere ad omnes contractus, qui emtionis & venditionis vicem obtinent. Cuius generis est, si quid in solum datum sit, de qua specie dictum est in *l. 4. sup.* Eiusdem generis est permutatio, de qua hic agitur. Hæc quoque dicitur vicem emtionis obtinere in *l. 2. supra. de rer. perm.* Vnde in permutatione vterque ex contrahentibus dicitur emtoris & venditoris loco esse, *l. sciendum. §. penult. ff. de ad. ed. venditoris*; quia mercem dat: emtoris quia pro merce aliud accipit. Hinc est, quod hic constituitur, si res ex causa permutationis vni ex permutantibus euicta sit, eum ob euictionem actionem aduersus alterum habere in id, quod sua interest, vti fieret, si res ei esset vendita: proinde & eadem lege, qua ob euictionem rei vendita actio competit, id est, si is, cui res permutata euicta est, in controuersia euictionis omnia fecerit, quæ emtorem facere oportet, vt actionem ob euictionem habeat; puta denunciarit alteri reo, & præterea causam defenderit, vt potest. De denuntiatione hic ratur dicitur: sed ita, vt hic alterum quoque; sicut in emtione, ad cuius legem reuocatur permutatio, intelligi oportet, quoties ob euictionem agitur. Sed quoniam de euictione tantum hic dicitur, traditurque eum, qui ex causa permutationis rem accipit, actionem habere in id, quod sua interest, si ea res euicta sit: quæremus, an priusquam res euicta sit, nullam actionem habeat aduersus eum, qui dedit, quamuis constet rem esse alienam. Nam si res illi vendita esset, quantumuis esset aliena aut pignori obligata; tamen nullam actionem haberet aduersus venditorem, priusquam res esset euicta. *l. 3. sup.* Num ergo in per-

mutatione, quam emtioni similem esse volumus, idem probandum est? Respondeo, non idem. Illud emtioni per omnia simile, quod is, cui ex causa permutationis res aliena data est, non potest agere in id, quod sua interest, priusquam res euincatur, vt conditio hoc rescripto addita satis indicat. Hoc interest, quod qui rem alienam accepit, potest id, quod dedit alteri, repetere tanquam ob causam datum, causa non secuta. *l. natur. alis. §. 1. ff. de pres. ver.* Quod non licet facere in emtione & venditione. In qua, quamuis constet rem venditam esse alienam; tamen emtor pretium a se numeratum condicere non potest in arg. in *l. si non donationis. sup. de contr. emt.* Hoc ideo, quod in contractibus, qui suum nomen habent, sic obligatio contrahitur inter contrahentes, vt ex pœnitentia mutare factum non liceat. *l. ab emtione. ff. de pact.* quod contra facere licet in contractibus innominatis. *l. 5. ff. de cond. cau. dat. cau. non. sec.*

L. Non ex eo. pen.

Idem AA. & CC. Hastio.

Non ex eo, quod duplum is, qui à matre tua mancipium cõparauit, euictionis nomine stipularus est, aliena rei scientia conuincitur: nec opinio eius ex hoc leditur, vt mala fidei emtor existimetur. Aliis itaque hoc iudicis si vis, probare debet. S. id. Decemb. AA. Coss.

S V M M A R I A.

- 1 Venditorem emtori obiciientem rei aliena vendita scientiam, hanc probare debere & cur.
- 2 Non ideo emtorem probari sciuisse rem alienam vendi, quia de euictione sibi cauit.

Quæstio huius loci nascitur ex eo, quod traditum est in *leg. si fundum. sup.* eum emtorem, qui sciens rem alienam emit, re euicta iure ob euictionem agere non posse. finge enim eum emtorem agere ob euictionem nihilominus, & venditorem vti hac defensione, vt dicat, emtorem sciuisse rem alienam vendi & talem, qualis euicta est, ac de eo esse controuersiam an emtor sciuerit, nec ne. In hac controuersia introducitur quæstio de probatione, de qua hoc rescripto. In eo duo quærentur.

Primum ¶ *veri incambat probatio, emtorine, vt probet se ignorasse rem fuisse alienam; an vero venditori, vt probet emtorem sciuisse.* Et de eo significatur hoc rescripto in extremo, venditoris probationem esse. Quod recte ita constituitur, nam cum venditor dicit emtorem sciuisse, in eo exceptione doli mali vitur, qua emtorem summoneat. *l. 2. pud. §. item Labeo. ff. de dol. mal. & met. exc.* In omni autem exceptione reus actor est, & exceptionem tanquam intentionem probare debet. *l. in exceptionibus. ff. de prob.* Hoc ¶ posito, alterum quærentur, an venditor idonee hoc probet, si dicat, emtorem duplam à venditore stipulatum esse, de quo hic præcipue quærebatur. Et rescriptum est, non ideo argui emtorem sciuisse rem esse alienam; quia sibi duplam cauit. Recte: hoc enim facere solent boni emtores, non tantum qui sciunt rem alienam esse, sed etiam ignorant, nam et si ignorant reuera; tamen sciunt fieri posse, vt aliena sit, & postea euincatur. quapropter & aduersus futuros casus sibi prospiciunt, ne cum illi inciderint, tum cogantur oratione stultorum vti, vt dicant, *non putaram.* Fieri potest, vt quis duplam stipuletur ideo; quia scit rem alienam sibi vendi. Sed hoc non semper accidit. ideo ex stipulatione duplæ non recte colligitur, iuxta vulgare dictum, *Non probat hoc esse, quod ab hoc contingit, vt absit. l. neque natalis. sup. de prob.* Sed videri potest hæc quæstio esse superuacua in specie proposita. Proponitur enim emtor sibi nominatim duplam stipulatus esse euictionis nomine. Quod qui fecit, is actionem ob euictionem habet, siue sciuerit rem alienam esse, siue ignorauerit. *l. si fundum. sup. 10.* vt proinde etiam de scientia emtoris probare æque venditori sit inutile. Et fatendum est, in actione ex stipulatione duplæ quæstionem venditori esse inutilem. Sed qui duplam stipularus est, potest idem re euicta & ex emto agere. *l. si tibi. sup. eod.* verum hac conditione, si non sciens alienam rem vel obligatam emiit. *l. leg. si fundum. sup. 10.* Atque hic demum superior quæstioni locus est, vbi & superior probatio venditoris admittitur.

* *

L.Vlt.

Vide *l. exceptione. sup. hoc tit.*

AD TIT. XLVI. CREDITOREM
EVICITIONEM PIGNORIS
non debere.

S V M M A R I A.

- 1 Creditorem re euicta, quam iure creditoris, seu iure pignoris vendiderat, si vt aliena euicta sit, emtori eo nomine non teneri, neque in id, quod interest, neq. ad pretium restituendum.
- 2 Extra quam, si qua contra conuenierit, aut creditor scierit esse alienam, emtor ignorari.
Creditorem pignore, quod vendidit, euicto, hactenus teneri emtori, vt cedat ei actiones suas.
- 4 Pignore vendito euicto, & sine cessione vtilem esse actionem pignoratitiam emtori aduersus debitorem, quatenus debitor locupletior factus est.
- 5 Creditorem re, quam iure pignoris vendidit, euicta, si in bonis debitoris fuit, omnimodo ob euictionem teneri: & cur.
- 6 Creditorem in vendito pignore prestare debere emtori, rem sibi obligatam esse, se in pignore omnibus aliiu potiore esse, & se ius vendendi habere.
- 7 Creditorem nulla ex causa quamuis dominij postea sibi quaesiti de pignore a se distractio emtori conuentionem mouere posse.

Constanter traditum est, si creditor iure creditoris, vel quod idem est, iure pignoris rem sibi obligatam vendat, eum re euicta ob eam euictionem emtori non teneri: ne ad pretium quidem restituendum. Traditur hoc in *leg. ex emto. §. sententiam. ff. de act. em. leg. et si ff. de dist. pig.* Traditur hoc idem in his duobus rescriptis, quae sequuntur. Sed habet haec sententia multas cautiones, multis enim modis accidit, vt creditor teneatur ob euictionem. Quare, vt id quale sit, plane intelligatur, de re tota sic habendum est. Cum quaeritur, an creditor, qui iure creditoris pignus vendidit, ob euictionem pignoris teneatur; multum intereit, quam ob causam res euicta sit emtori: vtrum ob id, quod res aliena esset, non debitoris; an vero ob id, quod non esset creditori obligata, siue quod creditor in ea re ius creditoris, seu ius pignoris constitutum non haberet. Si t̄ ob id euincitur; quia in bonis debitoris non fuit, haec demum euictio est, quam non praestat creditor, adeoque hanc non praestat, vt nec pretium ex hac causa restituere debeat. Id intelligitur ex supra scriptis quatuor locis, in quibus indistincte scriptum est, creditorem non teneri. Nusquam autem alibi hic casus exceptus est, cum res in bonis debitoris non fuit. Non aduersatur huic sententiae, quod generaliter traditur in *l. sup. eod. et si specialiter venditor euictionem non promiserit, re euicta ex emto competere actione.* Hoc enim cum hac exceptione semper accipiendum est, nisi aperte aliud actum sit, vt ibi docuimus. Nunc autem cum creditor vendit rem iure creditoris, hoc agi intelligitur, vt praestet venditori creditoris ius: extra hoc ius ne teneatur. Quid est enim iure creditoris, nisi pro eo iure, quod creditor in pignore constitutum habet? Iure pignoris idem valet, vt indicatur in extremo *leg. i. hic.* Idem valet lege pignoris vendere. *l. et si u. D. de distr. pig.* Hoc enim significatur vendere hoc pacto & conuentione interposita, vt dicatur creditor rem tanquam pignus vendere. Sed t̄ hic duae res receptae sunt; conuentio creditoris, & dolus. Primum, vt maxime creditor iure creditoris rem vendat; tamen euictionem praestabit, si hanc emtori repromiserit, vt est in *l. 2. hic.* Cum omnis pactio non fraudulenta in bona fidei contractu interposita seruanda est, & actionem parit, *l. ex emt. in pr. D. de act. em. l. in bona. sup. de pact.* tum maxime eius rei interposita stipulatio, quae etiam per se valet iure ciuili. *§. de constituta. Inst. de act.* Sed & extra conuentionem si creditor sciuit rem alienam esse, non debitoris, aequo tenebitur ob euictionem rei; quoniam deceptor emtorum. Sine exceptione definiendum est, semper emtorem venditori, & venditorem emtori dolum suum praestare debere, estque haec exceptio in *leg. vlt. in fine. hic.* eadem in dicta *leg. ex emto. §. sententiam. ff. de act. em.* His remotis recte dixerimus, creditorem ob euictionem venditi pignoris, quod quidem vere ei datum sit, non teneri, dum tamen hoc ita temperetur, vti proposuimus, vt ne scilicet teneatur aut in id, quod interest emtoris, aut ad pretium restituendum. dicta *leg. ex emto. §. sententiam.*

Ceterum t̄ placet cum re euicta saltem ad hoc teneri ex emto, v. 5 quam habet actionem aduersus debitorem suum, qui rem alienam pignori dedit, eam praestet: id est, contrariam pignoratitiam actionem, aequissimum enim videri id saltem consequi emtorem, quod sine dispendio creditoris futurum est. Hoc in *leg. creditore. ff. de euiction.* Ita qui rem aduersus creditorem seruare non potest, potest hac actione cessa seruare aduersus debitorem. Quinimo t̄ & nulla cessa actione placet emtori vltro vtilem actionem 4 dandam ex emto aduersus debitorem ipsum, quatenus pretio illius rei locupletior factus est. *l. rescriptum. §. i. ff. de dist. pig.* Atque haec ita sunt, si res euicta sit ob id, quod non esset in bonis debitoris.

Quod t̄ si res in bonis debitoris fuit, & nihilominus iure euicta est, generaliter probandum est, omnem eam euictionem sine exceptione creditorem praestitutum; quoniam ideo euinci rem necesse est; quia defuit ei ius creditoris, siue ius pignoris; quo tamen iure rem vendidit, semper autem in venditione id praestare venditor debet, quod dixit, vbi propter id rem pluri vendidit. *l. ea, quae. ff. de contr. emt. & vend.* Idque aperte declaratur exemplo hereditatis venditae: qua cum heres vendit iure heredis, semper hoc praestare debet, se heredem esse, & eam hereditate, quam vendit, esse eam, ex qua heres exstiterit. *leg. quod si nulla. ff. de her. vel act. vend.* Vt autem certius statuamus id ita esse in pignore vendito, facient ea, quae plura in hac venditione a creditore exigimus, quae ex illo principio ducta, id verissimum esse confirmant.

Hinc t̄ ergo est, quod placuit, cum creditor iure creditoris pignus vendit, ante omnia illum praestare debere emtori, rem sibi obligatam esse pignori. Id declaratur in principio *l. i. & l. 2. hoc tit.* Quod enim dicitur vtroque in loco, creditorem euictionem non debere, adiecta hac conditione, si vendidit fundum obligatum: satis significat, si creditor res pignori obligata non sit, eum ob euictionem non teneri. Cur ergo teneatur hoc nomine, nisi quia dixit se creditorem esse, & pignus se vendere, quod dictum in omni venditione praestandum est? Placet praeterea creditorem emtori in hac venditione praestare debere non tantum sibi rem pignori obligatam esse; sed etiam se in eo pignore omnibus aliis creditoribus esse potiore. *leg. i. in fin. hic.* Quod quidem non alia de causa exigitur, quam quod qui posterior creditor est ex pluribus, is ius vendendi pignoris non habet; atque ita simpliciter ius plenum pignoris non habet, vt priori creditori noceat, *leg. creditor. 12. ff. qui pos. in pign. hab. leg. 2. & vlt. sup. si antiq. creditor.* Porro creditor, qui se dicit vendere iure creditoris, hoc dicit se ius pignoris habere; proinde & ius habere vendendi pignoris. Nam proprium ius pignoris est vendere licere. *l. si cessante. sup. de dist. pig. l. 4. D. de pig. act.* Cui consequens esse recte quis dixerit, si creditor fuit quidem primus, atque adeo solus; si tamen propter conuentionem nominatim interpositam cum debitore non habuit ius vendendi pignoris, atque ideo venditum ab illo pignus euictum est: euictionis nomine hic quoque eum teneri; quippe multo minus hoc casu ius habuit vendendi pignoris, quam posterior creditor.

Ad t̄ extremum notandum est, vbi cumq. euictionem creditori in pignore non nocere placet, ibi euictionem alienam intelligi debere. Vt autem euincat ipse; quod vendidit, eiusq. rei ex alia causa quamuis postea sibi nata quaestionem moueat, neque ius, neque aequitatem pati. *l. et si ff. de dist. pig. l. i. illic; si tamen. haec tit.*

AD LEG. SI VNQVAM TIT.
LVI. lib. VIII. C.

Idem AA. ad Orphitum praefectum Praetorio.

Si vnquam liberis patronus filios non habens bona omnia, vel patrem aliquam facultatum fuerit donatione largitus, & postea susceperit liberos: totum quicquid largitus fuerit, reuertatur in eiusdem donatoris arbitrio ac ditone mansurum.
Dat. 5. Cal. Apr. Arbitrione & Lolliano Coss. 355.

S V M M A R I A.

- 1 Reuocanda donationis causa.
- 2 In beneficio l. si vnquam, qua spectanda.
- 3 Patrono soli beneficium hic tributum, non aliis donatoribus.
- 4 Qui liberos habet, cum donat, ad eum non pertinere beneficium huius legis: & cur.

- 5 Ne sic quidem, quamuis idem alios liberos postea susceperit: & quare.
- 6 Inofficiosa donationis reuocationem esse dissimilem, & cur.
- 7 Donanti tribui beneficium huius legis, non autem aliter contrahenti: differentie ratio.
- 8 Ad quas cumque res donatas etiam singulas reuocationem huius donationis pertinere.
- 9 Liberis postea susceptis reuocationi donationis ex hac lege locum esse; nec conualescere donationem, quamuis si liberi postea decesserint viuo donatore, & eo, qui viuius non reperietur donata.
- 10 Testamentum agnatis postea liberis ruptum conualescere, si liberi viuo adhuc testatore decedant: aliter atque in donatione infirmata ex hac causa: & differentie ratio.
- 11 Liberis post donationem susceptis, quamuis decedant postea viuo donatore, non ideo tamen cessare causam reuocata prius donationis.
- 12 Liberis postea susceptis donatori ipsi tribui reuocationem donationis, non liberis: vt neque liberorum consensus ad eam rem sit necessarius, nec liberorum factum patri noceat.
- 13 Totam donationem reuocari ex beneficio huius legis.
- 14 Ipso iure donationem reuocari ex causa huius legis, & num. seq.
- 15 Reuertendi verbo quid significetur.
- 16 Reuocanda donationis causa ex beneficio huius legis donatori competere, & actionem in rem, & conditionem.
- 17 Conditionem in proposito esse tanquam ob causam dati causa non secuta, aut finita. eandem ex obligatione: obligationem ex contractu.
- 18 Beneficium reuocanda donationis ex hac lege ad alios donatores, quam ad patronum non pertinere, & qua in eam rem argumenta.
- 19 Demonstratur liquido ex verbis ipsius l. si vnquam.
- 20 Demonstratur ex aliis partibus iuris.
- 21 Demonstratur ex sententia Augustini translata in ius Pontificium.
- 22 Demonstratur ex sententia & ratione l. si vnquam. & quam dissentient reliqui donatores a patrono in beneficio eius legis.
- 23 Singulare hic beneficium tribuitur patrono: vt quamuis in aliis donatoribus eadem ratio esset, tamen non debeat beneficium ad eos produci.
- 24 Inofficiosa donationis propter liberos reuocationem multum distare a reuocatione huius legis, distare in causa reuocationis.
- 25 Distare genere ipso reuocationis; quippe cum illa, & aliis detur, & alio tempore, & de alia quantitate, & non ipso iure.
- 26 Inter reuocationem inofficiosa donationis, & eam, qua ex hac lege est, differentie ratio: cum videatur vt res, concedi propter liberos.
- 27 Natis post testamentum liberis non ideo legata prius data reuocari, multo minus donationem inter viuos ab extraneo donatore ante perfectam.
- 28 Legatum ita datum filio, vt id restituat post mortem suam Titio, liberis ab eo relictis reuocatum intelligi.
- 29 Idem probandum in donatione inter viuos, si pater filio emancipato quid donauerit ea lege, vt id post mortem suam restitueret Titio.
- 30 Iure poli restitui debere donata, quid sit Augustino.
- 31 Natis donatori post donationem liberis, non cogi ne iure quidem diuino donatarium, vt donata reddat, excepta ecclesia Augustino: & cur putemus hanc in hac re excipi debere.

Reuocanda ꝑ simplicis donationis causæ summæ duæ sunt: ingratitude donarij, & liberi à donatore postea suscepti. De priorè genere, id est, causis ingritudinis, propter quas donationem reuocare liceat, comprehensum est maxime in l. vlt. hoc tit. De genere posteriore ius totum propositum est in l. si vnquam. C. de reuoc. don. qua de hac reuocatione & causa cautum est, nec vsquam a libi in iure ciuili nostro. Itaque eius legis explicatio, quale sit hoc genus reuocationis, ostendet. Verba legis hæc sunt: Si vnquam liberis patronus filios non habens bona omnia, vel partem aliquam facultatum fuerit donatione largitus, & postea susceperit liberos: totum quid largitus fuerat, reuertatur in eiusdem donatoris arbitrio ac ditione mansurum. Tribuit ergo hæc constitutio, vt apparet, beneficium nouum donatori ad reuocandam donationem iure ante perfectam.

In ꝑ eo duo spectanda, quibus & beneficium hoc continetur; primum causa beneficij, tum beneficium ipsum illius causæ effectus. In causa beneficij est illa omnis conditio, qua hoc beneficium tribuitur lege superiore. Beneficium est ipsa illa reuocatio donationis, in qua videndum est, qualem eam esse velimus ex verbis legis, eamne, quæ iure ipso donationem infirmet, & res donatas

ad donatorem statim transferat, an vero quæ nihil aliud ius tribuat, quam rerum donatarum conditionem. Causa & conditio beneficij initio legis comprehensa, si obleruamus, quinq; contri; personam certam donatoris, ad quam beneficium referitur; tempus donandi, seu statum donatoris, quo ille donat; causam dati res datas; & agnationem liberorum. Quæ singula quid valeant; quia non perinde omnibus liquet, diligenter consideremus: ne aut minus faciamus beneficium, quam est, aut producamus longius, quam quo ex lege pertinet.

Primum ꝑ constitutio personam certam donatoris exprimit, cui reuocationem tribuit. nimirum patroni: Sic enim scribit, si liberis patronus donauerit. Proinde si quis non patronus donauerit extraneo, ad beneficium legis non pertinet: vt quæuis liberos non habens donauerit, ac postea suscipiat liberos, nihil magis infirmetur donatio ex hac lege. Hæc enim conditio est, si patronus liberis donauerit. Certi iuris est, hanc vim esse conditionis omnis, vt q; sub conditione cessante ad m intelligitur, & contra. quib. §. 2. l. aliquando, ff. de cond. & dem. valeto; hæc sententia & interpretatio non tantum in contractib. & supremis volu. tra. ff. de etiam in legib. sub conditione conceptis; & quidem in his in x. me. ex. epla. in l. i. ver. huius rei. ff. de off. eius, cui man. est. iur. l. si procuratorum, §. si ignorantes in si. cum §. seq. ff. mand. Sed d. illeniunt prope omnes ad vnum interpretes; exceptis admodum paucis, vt ex veterib. Azone, ex doctis viris nostræ ætatis Connano, vicq; hæc opinio, vt exitimetur, ac velut pro explorato statu. ut, quilibet liberos non habens cuiusq; donauerit, liberis postea ei susceptis, donata ad eum redire. Itaque maiorem disceptationem res desiderat, quam idcirco in extemum reieciimus, vt separatim discutatur. Nunc tantum sumemus id, quod dant verba constitutoris, eoq; & orationem ad patronum conferemus.

Tribuitur igitur beneficium huius legis patrono donatori primum, sed neq; id simpliciter. Secundum ꝑ exigitur in conditione huius legis, vt donet liberos non habens. Ex quo intelligitur, si patronus ipse liberos habens donet libertis, donationem non infirmari propter liberos. Efficiturq; verbis eadem ratione, qua supra. Hæc enim oratio, filios non habens, resoluitur in hanc, cum filios non haberet. Hæc autem, cum filios non haberet, conditionem habet, si filios non habeat, l. si Titio, ff. quan. di. leg. ced. l. quodcumque. §. pen. ff. de ver. obl. Quo fit, vt liberos habenti, si donet, tanquam cessante conditione legis, cesset etiam donationis reuocatio. Quod tamen videri possit constitui absurde, contraque regulas iuris & naturæ. Et si enim posthumis, & qui postea nascuntur, item tribuitur, quod liberis iam natis: nunquam tamen tantum, vt sint meliore conditione, quam nati. Quinimo id in beneficio iuris ponitur, quod qui in vtero sunt, habentur pro iam natis, cum de commodis eorum agitur, l. qui in vtero. l. pen. ff. de statu. hom. Quapropter videbatur conuenire, quod propter liberos postea natos tribuitur donatori, idem illi tribui propter liberos iam natos, quos habuit, cum donauit, quod contra statuatur, absurde constitui, vt hoc loco. Et cesset ita, si beneficium reuocationis in hac lege tribueretur patrono propter liberos postea susceptos. Nunc autem tribuitur ei propter voluntatem & tacitam conuentionem eius, qua id egit, vt donatio propter liberos ad se rediret. Hæc voluntas existimatur esse in eo, qui liberos non habens donauit; non item in eo, qui habuit, cum donaret, atq; hinc differentie ratio. Nam qui liberos non habet, si donat, videtur idcirco donare; quia liberos non habet, non donaturus vtique, vt credibile est, si haberet. Nemo enim in re dubia creditur alienas successiones proprijs, extraneos suis liberis velle antepone. l. cum acutissimi. supr. de fideicom. Hæc autem cogitatio facit vt qui hoc statu donat, intelligatur donare hac lege, vt donatio maneat, si liberi postea ei non nascantur, ex contrario autem, vt si nascantur, redeat. In eo, qui liberos habens donat, apparet nullam eiusmodi mentem & cogitationem esse de reuocanda donatione propter liberos eos, quos iam habet. Qui enim liberos se habere sciens donat, hoc ipso aperte declarat, se non prohiberi libris, quominus donet, nec velle propter eos reuocare donationem, quam illis iam natis maxime confirmat.

Et hæc de iam natis ante donationem liberis facilius quis admiserit, quia lex nominatum exigit, vt donator liberos postea suscipiat. Quid ergo, si patronus liberos quidem habens donet, sed postea susceperit alios liberos? An non saltem propter eos, qui postea nati sunt, reuocationem donatori dabimus? Verba ostendunt nihil magis hoc casu reuocationem locum esse. Lex enim reuocationem tribuit liberis quidem postea susceptis, sed hæc con-

ditione, si patronus donauerit, cum filios non haberet. Quare si tum habuit, manifestum est legi locum non esse, vt de vi conditionis ante diximus. Dixerit aliquis, verba legis etiam hoc casu reuocatione donationis admittit. Sic enim dat reuocatione patrono, si donauerit filios non habens, deinde postea suscepit liberos. Quod quidem in proposito videtur contigisse; donauit enim patronus, cum hos liberos non haberet, ac deinde eos postea suscepit. Sed conditio legis non est hæc, si patronus non habens liberos hos aut illos, aut qui postea suscepti erunt, donauerit; sed simpliciter, si liberos non habens donauerit: vt dicendum sit, si quos tum habuit, non esse reuocatione ex conditione huius legis. Id facit eadem illa ratio, qua ante vsi sumus. Nā qui liberos habes donat, aperte ostendit se non esse hac mente, vt propter liberos velit donationem infirmari; quā, vt dixi, non impediunt libris nihilominus constanter confirmat. Quod si hac mente est aduersus liberos iam natos, vt nolit propter eos reuocari donationem; par est estimari, illum eadem mente esse erga eos, qui postea nascuntur. Repugnat n̄ charitas & sensus cōmunis naturæ, quominus existimetur pater velle plus tribui libris futuris, quos non nouit, q̄ iam natis & presentibus, nec male meritis, quos nouit. Itaq; si quis in hac specie illud obiciat, in quibus tum causis, tum personis eadē ratio est, in his idem ius statui debere. *leg. illud. D. ad l. Aquil.* liberos autē postea natos semper in eadem causa esse, siue pater, cum donauit, liberos alios habuerit, siue nō habuerit. Proinde vtroq; casu donationem pariter reuocari, quāuis pater alios liberos habens donauerit, hoc modo, inquam, si quis argumētur, in promptu est responsio ex iis, quæ modo posuimus; recte scilicet colligi, siquidem reuocatio huius legis rātur propter liberos postea susceptos tribueretur. Sic enim cum in omnib; libris postea natis eadem causa esset, nec mutaretur propter eos, qui ante nati essent; recte diceretur etiam in omnib; idem ius esse oportere. Iam autem diximus, idq; ex hac conditione, filios non habens, satis apparet, reuocationis eius, quæ hic tribuitur, causam nasci ex tacita voluntate donantis id agentis, vt propter liberos donatio reuocetur, cuius voluntatis coniectura non cadit in eum, qui liberos habere se sciuit, & donauit tamen. Sed † vtiriq; huic parti de libris iam natis, & de iis qui post illos postea nati sunt, opponitur totus titulus *de inoffic. don. sup.* Omnia enim rescripta eius tituli consentiunt in hanc sententiā; si parens omnia bona sua donauerit, vt sic immoderate & inofficiosa sit donatio, placere reuocari donationem vsq; ad debitum bonorum subsidium, id est, vsque ad legitimam portionem iure naturæ liberis debitam, olim quartam eius portionis, quæ futura esset ab intestato succedentibus: *leg. Papinianus. §. quoniam. D. de inoffic. test.* hodie trientem, aut semissem pro numero. *auth. nouissima. sup. de inoff. test.* idq; indigne propter liberos quoslibet non tantum post donationem, sed etiā iam ante natos. Et omnino ita ius est de inofficiosa donatione: sed adici debuit, tribui istā reuocationem inofficiosa donationis nō parenti, sed liberis fraudatis donatione, proposita his inofficiosa donationis querela, idq; mortuo parente ad exemplum querelæ inofficiosi testamenti. *l. 2. pen. l. ult. sup. de inoff. don.* Et quod dicitur in *l. si totas. sup. eo.* donationem inofficiosa, quatenus inofficiosa est, ad patrimonium † patris donantis reuerti; sic intelligendum est, vt redeat mortuo tantum patre, & ita, si liberi id postulent, adiciuntur enim ibidem, *reverti ista donationem ad patrimonium patris, sed hæc tenus, vt liberi debitum bonorum subsidium consequantur*, cui subsidio locus non est viuo patre, vti nec querelæ inofficiosi testamenti, cui per omnia similis est in officiosa donationis querela *d. l. ult. sup. de inoffic. don.* Nihil hoc ius huic constitutioni aduersatur, qua tribuitur reuocatio donationis propter liberos non liberis, sed donatori ipsi viuo, & statim. Hæc vero reuocatio, siue omnium bonorum donatio fuit, siue partis tantum nulli tribuitur, nisi ei, qui donauit liberos non habens ei, qui tunc habuit, nunquam, neque propter liberos iam natos, neque propter postea susceptos.

Tertium † exigit conditio huius legis, vt patronus donauerit, id est, vt dandi causa sit donatio. Quod eo pertinet, vt si quid vendiderit patronus liberto, si quid cum eo permutarit, si quid denique negotij cum illo ex alia causā donationis gesserit liberos nō habens, sciamus hic nihilominus infirmari, quod gestum est, quāuis patronus postea liberos suscepit. Atqui donatio in libertum collata non magis cōfirmatur ab initio voluntate patroni, quam venditio, permutatio, aut negotium quoduis alud cum liberto interpositū. Cur igitur minus reuocentur cetera negotia, si interfit patroni, quam donatio; si proponatur patronus ea fecisse, quæ facturus non esset, si liberos haberet; veluti si latifundia quædam

paterna vendiderit, quæ si liberos haberet, his seruasset, vt dignitatis & nomini familiæ conueniebat. Differentiæ ratio est, quod in ceteris negotiis, ex quib; quid liberto abest, reuocari gestum non potest sine damno liberti, cui aut non reddetur, quantum abest, aut si reddetur, cogetur recipere, quod iam ei non expedit. At donatio sine damno donatarij reuocatur, hac enim reuocata dici quidem potest donatarius lucrum non facere, seu lucrum, quod prius ex donatione fecerat, non retinere, damnum autem facere dici non potest; quia hic nihil ei abest de suo, est autem damnum patrimonij nostri deminutio. *leg. 3. ff. de dam. infect.* Porro vt in re, sic & iure multum interest, amittat quis debita aut sua, an lucra non capiat, vt est in *l. ult. vers. pen. sup. de codic.*

Quartum † est in hac conditione, vt patronus donet omnia bona, v. l. partem aliquam facultatum, quod ad res vniuersim donatas pertinet. Quid ergo, si donet res aliquas singulas, vt neque donet omnia sua, neq; dicat se donare partem certam bonorum, puta dimidiam, tertiam, quartam? Nihilominus idem iuris erit, vt susceptis videlicet postea libris res donatæ reuocentur; quia & hæc superioribus verbis continentur. Sunt enim & ipsæ pars bonorum, vt pote & ipsæ ex bonis, & eæ, quibus bona constant. *l. si quis cum totum. in pr. & vlt. ff. de exc. rei iud.* Vnde & illud responsum est, inter legatum partis bonorum, & legatum rerum singularum nihil inter se, nisi quod in legato partis bonorum electio datur heredi, vtrum det res singulas, an rerum estimationem. Sed vtrumuis fecerit, semper verum est res singulas, vt bonorum partes, legato contineri. *l. non amplius. §. vlt. ff. de leg. 1.* Loquitur quidem hæc constitutio de parte non bonorum, sed facultatum. Sed facultates cuiusque, & bona idem valent. *l. nam quod. §. vlt. iunct. leg. logi. in princ. ff. ad Trebell.*

Quintum † & postremum exigit conditio huius legis, idque vel præcipue, vt patronus, qui donauit, liberos non habens, postea liberos suscepit. Ita libris postea susceptis, si cetera concurrant, donationis reuocatio est ex hac lege. Quid ergo, si qui nati erant, idem deinde viuo donatore decesserint, & eo quidem donatore, qui donatione aperte non reuocata obierit: an nihilominus manebit reuocatio; an vero donatio, quæ agnatione liberorum infirmata erat, sublati postea libris conualescet? Pleriq; putant cōualescere, cum ob alias causas, tum ob hanc maxime, quod causa huius reuocationis cessare videtur sublati postea libris: sic autem ius est, vt cessante causa beneficij, cesset & beneficium. Sed verius est, quod & Bartolus recte sensit aduersus illos differens in *l. Titia. §. Imperator. D. de leg. 2.* libris semel post donationem susceptis ab eo donatore, qui liberos non habens donauit, ita donatas res redire ad donatorem ex beneficio huius legis, vt quamuis postea liberi vel statim decesserint, nihilominus conualescat donatio, restituaturque in pristinam causam, sed donatum maneat perpetuo penes donatorem. Si verba legis spectamus, propemodum id expriment. Volunt enim donatum ita redire, vt in dominio donatoris deinceps maneat. Verant ergo id vilo casu auferri. Ablatum enim quouis casu non maneret. Si rationes iuris quærimus, hæc sunt compures, quæ rem minime dubiam efficiunt. Primum inest in beneficio huius legis, vt dominium rerū donatarum statim ad donatorem redeat susceptis libris, vt postea dicitur. Certi iuris est, quod cuiusque factum est, id ab inuito domino ad alium non tranfire. *leg. id. quod. ff. de reg. iur. leg. si procurator meus. ff. de acquir. rer. dom.* Tum autem vt nihil aliud ex hac lege acquireretur donatori, quam conditio rei donatæ, atque ita post susceptos liberos res maneret donatarij, vt ante: tamen vel hæc ipsa causa satis est, ne cōfirmetur donatio quouis casu inuito donatore. Nam & hoc iuris certi est, actionem alicui semel quæsitam inuito eo resoluji, eique auferri non posse. *l. habere in fi. D. de euict.* Postremo eodem beneficio legis efficitur, vt quemadmodum res redit ad donatorem, sic prius à donatario recedat, vnaque & actio omnis, quæ illi eo nomine competierat, extinguatur. Non minus autem & hæc iuris certi sententia est, actionem semel extinctam euentu non reuocari. *l. Meuius. §. duorum. ff. de le. 2. leg. qui res. §. arcam. ff. de sol. Disputari tamen contra solet, in eoq; tria afferuntur, quæ opponuntur superiori sententiæ, de quibus breuiter respondebo.*

Primum † opponitur exemplum testamenti rupti, vnde hæc ratio ducitur. Paria sunt, vt videtur, per omnia testamentum agnatione liberorum ruptum, & donatio agnatione liberorum irrita facta. Vtrobique enim proponuntur res similiter irrita factæ, & ambæ irritæ ex eadem causa, puta ob liberos postea natos, ille restatori, hic donatori. At testamento natis postea libris rupto, si iidem liberi viuo testatore deinde decesserint, quod prius subuli-

tate iuris nullum erat, iure prætorio tanquam sublato impedimento, quod prius obstabat, conualefcit. *l. postumus. ff. de iniust. rup.* Pat est igitur, vt donatio, quæ ex hac lege irrita facta erat ob natos postea liberos, iisdem postea viuo donatore decedentibus conualefcit. Sed etsi hæc prima fronte similia videri possint; multa tamen in his sunt longe dissimilia, quæ & ius istarum rerum in eo, de quo quæritur, merito distinguunt. Testamentum, in quo postumus præteritus est, agnatione postumi rumpitur iure ciuili. Et hoc iure quamuis mortuo postea postumo testamentum non restituitur; quia eo iure nullum est, quod & ipsum in donatione agnatione liberorum reuocata seruari dicimus. Sed confirmatur testamentum iure prætorio, si mortuus erit deinde, qui natus erat. Merito, quia & potest, & æquum est confirmari iis de causis, quarum nulla cernitur in donatione semel reuocata. Testamentum nato postumo, qui præteritus erat, rumpitur, sed subtilitate iuris ciuili, ceterum re ipsa & natura nihilominus manet. Superest enim semper scriptura eadem testamenti, eadem subscriptiones, atque eadem signa testium: sed & voluntas testatoris. Quare si moriente deinde statim eodem postumo confirmetur à prætore testamentum, mirum videri non debet, est enim, quod confirmetur, quod agnatione postumi tolli non poterat. Atque hinc prætoris confirmatio, vt declaratur in §. non tamen. *Inst. quib. mod. test. infir.*

At donatio semel irrita facta ob liberos postea susceptos, in totum ita tollitur ex hac lege, vt nihil inde superfit. In totum enim recedit dominium à donatario, & eadem opera ad donatorem redit. Quo fit, vt mortuis postea iisdem liberis, non confirmetur donatio; quia nec potest, quæ nulla est. Præter rem, quæ subest in testamento, est etiam magna causa, cur sublato deinde postumo ipsum confirmetur. Manet enim eadem voluntas testatoris, quæ prius fuerat, & hæc etiam publice interest exitum habere. *l. vel negare. ff. quem testam. ap.* In donatione, quæ irrita facta est, omnia contra. Sic enim res ad donatorem redeunt, vt non modo dici non possit interesse, voluntatem donatoris de confirmanda eadem donatione ratam haberi, quod certe dici non potest, etiam si hæc vlla voluntas esset; sed ne hic quidem quidquam proponatur de eius voluntate, cur velit eas res iterum à se discedere, & donationem reuocari. Inuito autem eo donatio confirmari non potest. Nulli enim debet ius suum auferri. *l. 2. ff. de his, qui sunt sui, vel al. iur.* Huc accedit, quod cum testamentum sublato postumo confirmatur, vt fit hoc testatoris voluntate; ita fit & sine cuiusquam iniuria. Cum enim viuo testatore nascitur postumus, simul & moritur, si scriptis testamentum heredibus tribuitur hereditas, ea prius nullis admittitur, ne postumo quidem, aut eius heredibus; quia prius nulli quaesita erat, viuentis enim nulla est hereditas. *l. 1. D. de her. vel act. vend.*

At donationem semel reuocatam ob liberos postea natos, iisdem statim mortuis confirmare sine manifesta iniuria donatoris non possumus. Huic enim per infirmitatem donationis res quaesita erant, aut conditio, quas res illi adimimus, si donatio confirmamus. Hoc vero neque ius, neque æquitas patitur. Nihil igitur simile in testamento rupto conualefcite, cur huius exemplo similiter & donatio in proposito conualefcere debeat mortuis iis liberis, quorum agnatione intercederat. Obicitur etiam exemplum *leg. fœminæ. in fi. sup. de sec. nupt.* Vbi fœminæ liberos habenti, si trāsierit ad secundas nuptias, admittitur potestas omnis alienandi res à marito priore profectas. At idem liberi si decesserint, redit alienandi potestas. Dicamus igitur, inquit, hoc idem in donatione, vt si auferatur propter liberos, iisdem postea de medio sublatis restituatur. At quæ nihil est in hoc exemplo simile? Non enim fœminæ superiori admittitur illarum rerum alienatio sub conditione, si liberos habere cœperit, aut si liberos quandoque habuerit, sed ad tempus, quamdiu habebit liberos. Proinde iisdem verbis legis illi conceditur, si liberos habere desierit. Non sic reuocatur in proposito donatio, sed hac conditione, si liberos postea susceperit. Quæ conditio impleta sine vlla præfinitione temporis & in perpetuum reuocat donationem. Sed præcipue mouentur quidam illa ratione, quam supra attingimus, causâ beneficij cessante, cessare & beneficium, sicuti & natura in omnibus rebus accidit, vt sine causâ non fit effectus. *l. in omnibus causis id obseruatur. ff. de reg. iur.* Hoc enim positum ita assumunt; at donatio in proposito reuocatur propter liberos postea susceptos, atque his postea mortuis cessat causâ reuocationis. Quo efficitur & his mortuis deficere beneficium legis, eoque & conualefcere donationem, quæ prius agnatione liberorum irrita facta erat. Et puto nil verius dici in uni-

uersum, quam causâ cessante cessare effectum. Sed falsum est in proposito causam beneficij huius legis cessare, si liberi, qui postea suscepti erant, decedant deinde viuo donatore. Causa enim reuocationis hæc est inter cetera; quia liberi postea suscepti sunt. Hæc causa semel impleta cessare, aut deficere non potest. Quantumuis enim vel millies, si fieri posset, liberi postea decesserint, tamē semper verum erit liberos à donatore fuisse susceptos, nec quominus ita suscepti sint, villo euentu potest fieri, facta enim infecta fieri non possunt. *l. in bello. §. sac. ff. de capt.* Desinere quidem possunt esse liberi, at susceptos eos esse, quæ huius reuocationis causa est, nunquam verum esse definit. Ster igitur hæc sententia, *si patronus liberos non habens aliquid de bonis suis libero donauerit, & is postea susceperit liberos, sic donatione infirmari, & donata ad donatorem redire, vt cum redierint, perpetuo maneat, quisquis erit liberorum euentus.*

Causam beneficij huius legis habemus, beneficium quale sit, videamus. Id continetur his verbis: *totum quidquid largitus fuerat, reuertatur in eiusdem donatoris arbitrio ac ditione mansurum.* Quo indicantur hæc tria: cui tribuatur hæc reuocatio; quantum reuocatur, & quo iure, quoque effectu.

Tribuitur ergo reuocatio donatori, ad quem donata redeunt, non item liberis postea susceptis, vt intelligamus, etsi liberi postea suscepti huius reuocationi causam præbeant, nihil tamen illorum causâ constitui: certe nihil his tribui, sed tantum patri donatori, qui hac lege donauit, vt datum redderetur, si liberos postea susceperet, quæ conditio existit liberis susceptis, de quo mox plura. Sequitur igitur, vt siue liberi ratam habeant donationem, siue non habeant, & siue viuant, siue moriantur, nihilominus donatori reuocatio statim competat, & semper, quorum vtrumque diuersum est in reuocatione in officiosa donationis: quippe quæ liberorum causa constituta est, non donatoris.

Eademque fit ista de causa ex beneficio huius legis ob susceptos postea liberos, totum reuocatur, quod donatum est, non vt in inofficiosa donatione, tantum vsque ad debitum liberis bonorum subsidium. Sed de hac dissimilitudine dicam paulo post plenius, vbi locus incidet istas species distinguendi, ne ius de vna constitutum videatur alterius iuri aduersari. Nunc tantum indicare latis est, ne frustra videamus monere, donatori hic consuli, & simul eodem beneficio totum reuocari.

Reuocatur etiam hic donatio ipso iure, id est, ita vt sine facta donatarij, itemque donatoris dominium donatario recedat, & ad donatorem legis huius beneficio transeat. Id enim dicimus existere ipso iure, quod existit iure solo sine opera cuiusquam. *§. sui. Inst. de hered. que ab int. def.* Duo priora verbis huius legis expressa sunt, vt non egeant probatione. Tertium non est expressum, sed tantum significatur illis verbis; *donatum reuertatur in donatoris arbitrio ac ditione mansurum.*

At et dubitari potest de verbo *reuertendi*. nam quæ à donatario redduntur donatori, non male, opinor, dicuntur reuerti, vt & quæ traduntur alij à domino, dicuntur transire. *l. id, quod nostrum. ff. de reg. iur.* Cur ergo ex his verbis dicamus donata redire ad donatorem statim & ipso iure, ex eorum verborum significatione amplius cognoscendum est. Et vero reuerti proprie significat. Vt enim ire dicitur proprie, qui per se it: qui autē alieno facto, magis dicitur aut agi, aut ducti, aut ferri, vel portari: *leg. 1. D. de ser. rust. prad. leg. ferri. ff. de verb. sig. ita redire & reuerti dicuntur, quæ per se redeunt, quæ autem aliena traditione, magis transferri, aut restitui, reddiue. §. per traditionem. Inst. de rer. diuis.* Atque hic fere huius verbi vsus est in iure: vt cum dicimus bona à patre in filium familias profecta ad patrem reuerti; b. significatur, hæc bona ita reuerti ad patrem, vt etiam maneat in dominio eius ipso iure. *§. 1. Inst. per quas pers. nob. acq.* item cum dicimus, ædificio sublato, quod in litote positum erat, locum in pristinam causam reuerti. *l. in tantum. in pr. ff. de rer. diuis.* vt intelligamus locum fieri publicum, vt ante, sua sponte sine cuiusquam factu. Quare ex hac significatione & hoc cauere in hac lege intelligendum est, vt totum, quod donatum est, donatarij esse desinens statim ad donatorem transeat iure ipso sine vlla donatarij restitutione, aut donatoris possessione. Didicimus enim à proprietate verborum recedendum non esse, nisi manifestū sit aliud sensisse scriptorem. *l. non aliter. in pr. D. de leg. 3.* Id amplius verba sequentia confirmant in *l. si vnaquam. ad dicendam lex; reuertatur in arbitrio donatoris ac ditione mansurum.* Et dicitur esse arbitrij & ditionis nostræ, quorum arbitri & moderatores sumus, eæ autem sunt res nostræ, seu quæ sunt domini nostri. *leg. in re mandata. sup. de mand.* Vult ergo lex sic donata ad donatorem reuerti, vt sint in dominio viuentis, & maneat, neque

enim manere possunt, nisi quæ prius peruenerint. Vult igitur statim redire, nec donatarij factum, aut restitutionem desiderari. Nam si hanc expectamus, sepe eueniet, ne res donatæ post susceptos à donatore liberos, subiciantur dominio donatoris, nedum in eius dominio maneant. Multis enim modis accidere potest, ne ei viuo restituantur, vel quod ante mortuus sit, quam repeteret, vel quod ante mortuus, quam repenti redderentur. Et ita reuertendi verbum, & beneficium huius legis vulgo recte acceperunt. In quo ius singulare reuocationis notandum est. In quæ ita donantur inter viuos, vt fiant accipientis, si reuocata donatione restitui debent, ita reuocatur donatio, vt non aliter rursus fiant donatoris, quàm si ei reddita sint, & tradita à donatario: iuxta regulas iuris, quæ ad transferendum dominium ac eum, qui dominus nõ erat, & voluntatem prioris domini exigunt, & traditione, quæ & res in possessionem noui domini veniat. *Id. quod nostrum. ff. de reg. iur. l. traditio. C. de pact. Beneficium est igitur, & quidẽ singulare, cõtra rationem iuris communis donatori in hac specie tributum. Cui locum fecit persona donatoris. Obseruandum est enim id tribui patrono aduersus libertum, quod non item tribueretur in simili reuocatione alijs donatoribus. Hoc ¶ iure posito, cõsequens est id, quod Accursius sine probatione quidem; vere tamen scripsit ad hanc legem in fine. donatori patrono post liberos susceptos & actionem in rem cõperere, & conditione: illam, qua vindicet res donatas à possessoribus; hanc, qua cõdicat rerum donatarum possessione à donatario, eiusq; heredibus. Vindicatione esse certum est, hanc enim non omnib. dominis competit. *lin rem. D. de rei vind. Posuimus autẽ donatorem iam inde à liberis susceptis retro dominum factum esse ipso iure. De conditione potest dubitari, propterea quod ita traditur, neminem rem suam condicere præterquam à fure. *l. vlt. ff. vsuf. quem. cau. §. sic itaque. Inst. de act. Et sane res ipsas donator, idemq; dominus condicere non potest, vt fiant eius, quæ iam satis eius sunt. Sed potest condicere rerum possessionem, quæ eius non est; quippe quæ ad eum nisi naturali apprehensione peruenire non potuit. *l. l. 3. in pr. l. cum heredes. in pr. ff. de acq. pos. Deque ea re ita ius est: quoties dedi tibi, quod necesse habeas iure mihi reddere, si dominium in te translatum non est, puta quia rem alienam dedi; aut translatum quidem dominium, sed quod apud te esse desit, vt in proposito; toties mihi conditio cõpetit, saltem vt possessio reddatur: vt de re indebita soluta, quæ aliena erat, responsum est in *l. indebiti. §. I. ff. de cond. ind.*****

17 Est ¶ tamen & hic iudicatio. Est enim conditio actio in personam. *l. actionum. ff. de obl. & act. §. sic itaque, Inst. de act. Quod si in personam, etiam ex obligatione: cum non sit in personam actio, nisi aduersus eum, qui nobis obligatus est. *dicitur leg. actionum. §. I. ff. de act. Quod si qua hic donatarij obligatio est ad possessionem rerum reddendam, necesse est ex vna aliqua earum causarum nasci, quas ius agnoscit, contractu quasi contractu, maleficio, aut quasi maleficio. Ex qua igitur volumus? Constat hic nullam esse maleficio, aut quasi maleficio donatarij. Ne quasi contractus quidem intelligi potest in ea re, quæ communi consensu gesta est inter aliquos, vnde & obligatio oritur: qualis est donatio, quæ proponitur. Relinquebatur igitur ad conditionem in proposito contractus. At nulus contractus sine consensu de ea re, de qua agitur. *l. §. I. D. de pact. vbi autem iste consensus de re susceptis postea liberis restituenda. vbi res simpliciter & sine vlla conditione restituendi data est: Sed ne dubitemus obligatione hic esse ex contractu & negotio gesto: idq; ideo, quia ex conuentione & consensu. Est enim hic conuentio inter donantem patronũ, & libertum accipientem interposita: tacita illa quidem, at tamen conuentio, quæ hanc lex admittit. Id ita esse sic intelligere possumus. Aut enim obligatio ad reddendam possessione constituta est hac lege propter liberos ipsos, aut si quid est causæ extra liberos, necesse est causam esse in voluntate donatoris, qui hac mente & lege dedit, vt si liberos postea susceperet, sibi donata restituerentur. Propter liberos solos non esse constitutam hanc reuocationem, non difficile est intelligi ex constitutione, alioqui enim aut tribueretur reuocatio liberis, non donatori; aut si donatori propter liberos, tribueretur non tantum propter liberos post donationem natos, sed etiam propter eos, qui tempore donationis nati essent, quorum vtrumq; lex non vult. Restat igitur, vt intelligamus causam reuocationis esse in tacita mente & cogitatione patroni ideo donantis, quia liberos nõ haberet, ac si haberet vel tum, vel postea, donatum nollet. Ex quo intelligi thriti donasse, vt donatum maneret velut ob causam, si liberos non susceperet, quod si susceperet postea, velut causa non secuta vellet donatum ad se reuerti.***

Estq; hæc coniectura voluntatis maxime probabilis, eademque recepta iure in persona patris, vt existimetur in liberali erogatione bonorum suorum nolle extraneos liberos suis antepone. *l. cum acutissimi. in fin. sup. de fideicom. Non dum satis ad conuentione, donatorem hac mente fuisse, vt sibi donatum reddi vellet, nisi & donatarius eadem lege acciperet. Est enim conuentio non vnius voluntas, sed duorum pluriumve consensus. *l. ff. de pact. Sed et si conuenisset tantum, vt res redderentur, non tamen efficeret hæc cõuentio, vt causa non secuta dominium ipso iure rediret ad donatorem, sed vt obligaretur tantum donatarius ad reddendum. Hic ergo constitit beneficium huius legis, duo patrono donatori tribuens. Primum, vt eius mens & voluntas de infirmata donatione si susceperit liberos, rata sit, perinde quasi eam legem dixerit donatori, libertus autem eadem legem acceperit. nam hoc nisi sit, nulla est donatoris reuocatio, *leg. si repetendi. C. de cond. ob caus. Alterum, vt videatur patronus ita legem dixisse, vt susceptis postea liberis non redderet donatum, sed pro non donato haberetur, atque hoc modo ad donatorem rediret: libertus autẽ in hanc ipsam legem consensisse. Vtrumque recte præsumtum ex conditione personæ eius, qui accepit, liberti. Est enim, cur existimetur libertus pro officio idem sensisse, & concessisse patrono, propter honorem & affectum, quem debet cum patrono, tum liberis eius. Tacita igitur hic conuentio inter dantem & accipientem lege confirmata. Vnde & obligatio huius generis ex contractu, quia ex consensu. Non enim quia conuentio tacita est, eo minus valet, quam expressa. *l. 4. D. de pact. Et quoniam donatarius obligatur hic ad reddendum; apparet eum re obligari, qui ideo obligatur; quia prius rem acceperat. *§. I. Inst. quib. mo. re const. obl. Ex quo conditio donati, quam hic querimus, tanquam dati ob causam causa non secuta.*****

Cognita sententia legis de beneficio reuocationis, quod hic propter liberos postea susceptos tribuitur donatori patrono, superest, discutiamus diligenter, vtrum ex hac lege, aut vllò alio iure idem tribuatur, aut tribuendum putemus donatori extraneo. Vulgo, vt dixi, inualuit hæc sententia verus, legem hanc ad omnes donatores etiam extraneos pertinere: vt quisquis liberos non habet, si donet, & postea susceperit liberos, eodem iure donata ad eum reuertantur. Et quidem ita accepta est hæc sententia iam olim etiam à Bartolo, vt ne in eam quidẽ ille inquirendũ putauerit; vbiq; videlicet eam, p explorata lumen, & eam reliquis quæstiones & responsiones suas accomodans, maxime ad *l. Titia. §. Imperator. ff. de leg. 2. De qua prius, quã dico, paucis præfabor, si alicubi translata sit hæc opinio in mores, aut legẽ scriptã non esse ius iniquũ, & vt reliqua iura seruandum esse, *leg. 2. l. de quibus. ff. de legib. Sed et si sint aliquæ præfecturæ, aut aliqui magistratus, qui cõtrariam sententiam omnino nõ audiant; suadendum est, non esse temere suscipiendã defensionem eius rei, quæ obtineri nõ potest: præsertim vbi amissa causa sequatur periculum famæ cum damno litis coniunctum. Sed ¶ si nobis res sit apud eos magistratus, qui patiuntur le regi iure cõmuni, & vinci rationibus, & queritur, quid hic statuendum sit ex iure ciuili, & Pontificio, sine hæsitacione cõtecto nihil minus verum esse, quã donationem perfectam ab eo, qui liberos non habuit, reuocari liberis ab eo postea susceptis; excepto solo patrono donatore, de quo ius singulare hic constitutum est. Id vt certius liqueat, pauo pluribus demonstrabo, omnia, in quib. sit aliqua auctoritas iuris, reclamare. Primum ipsam hanc *l. si vnam. maxime tantũ abest, vt ex ea potuerit, aut debuerit colligi ista sententia. Secundo loco ius commune in vniuersum, eiusque regulas. Tertio optimam sententiam Augustini de hac specie dilerte contra scriptam, quæ & ipsa pro iure accepta translata sit in ius Canonicum, & quodnam in eo fuerit etiam ius ciuile, dilucide ostendit. Omnia tamen hac lege, vt si forte apud aliquos hanc sententiam nõ obtinebimus, non ideo his superuacua sint ea, quæ supra de reliqua sententia legis disseruimus; sed pariter eos adiuent, vt quæ ad omnem donatorem, cui ex hac lege reuocandæ donationis potestas est, ex æquo pertineant. Volant autem isti ad omnes donatores sententiam huius legis potrigi: quod nunc negamus. Tam ergo ad id refellendum, vt instituit; quia minore cum damno id futurum est, libertatis accedo.***

In primis, vt proposui, refrangantur ¶ manifeste verba & ratio huius legis, quominus existimetur hoc beneficium pertinere ad donatores extraneos. Primum, vt nihil sit aliud, lex de patrono donatore, & liberto donatario tantũ loquitur. Non enim ita scripta est, sit quis cui donauerit, sed nominatim, si patronus libertis donauerit. Hæc interpretatio in huiusmodi legibus apud omnes iuris

ris auctores pro certa recepta est, quoties lex de certis personis tantum loquitur, quib. aliquid beneficij tributum voluit, legem ad alias personas non pertinere. *l. si vero. §. pen. ff. sol. mar. quem dos pet. l. quod constituitur. ff. de test. mil.* Quare quod patrono tantum nominatum hic tribuitur, non potest ex hac sententia non videri denegatum ceteris donatoribus. Quae ut interpretatio à nullis veterum constituta esset, tamē manifesta ratio suadet legem ita accipi oportere. Est enim hæc in primis præceptis legum omnium, semper legem ita accipiendam, ne sit superuacua, aut inepta. *l. si in ff. ff. de capti.* quia scilicet aliter prudentia legislatorum non conuenit. At si *l. si vnquam.* sic accipimus, vt pertineat beneficium legis ad omnes donatores, non tatum superuacue, sed etiam inepte referuntur constitutio ad certam personam patroni. Cur. n. nominatum de patrono tantum dicitur, quod & quod omnes pertinet præsertim cum vt verius, sic & facilius dici poterit hoc modo; si quis cui donauerit, quam si patronus liberis donauerit: Sed quo magis ex his verbis id dicamus, hoc accedit, quod lex de patrono tantum non simpliciter loquitur, ei superius beneficium tribuens; sed ita, vt, tribuat ei beneficium nominatum sub conditione, si vnquam patronus liberis donauerit. Nihil est certius, quam quod supra posui, in omnibus legibus, in omnibus scriptis atque conventionibus, quod sub conditione datur, sub contraria conditione adimi, & contra quod adimitur sub conditione, sub contraria conditione dari. *l. quib. §. 2. ff. de cond. & dem. l. i. ver. huius ff. de off. eius. leg. si procuratorem. §. si ignorantes. in fine, iuncto §. sequent. Dig. mandat. l. pecuniam. ff. si cer. per.*

Quare hac conditione tributa reuocatio, si patronus donauerit, non potest ex his verbis, quin sub contraria conditione denegari intelligatur, si patronus libero non donauerit. Idque etiam, ab istis, qui dissentiunt, admitti necesse est vel ipsi auctoribus, si modo libi constent. Cur enim vulgo volunt non infirmari donationem, si donator liberis habens donauerit? nempe quia hac lege infirmatur sub conditione, si liberis non habens donauerit. Ex quo intelligitur sub contraria conditione donationem statui. Item cur voluit donationem, permutationem à patrono initam cum liberis non reuocari ob liberos postea susceptos, quia reuocatio huius legis est sub conditione, si patronus donauerit. Vnde intelligatur sub contraria conditione cetera excludi. Postremo cur volunt liberis ante donationem natis, aut liberis postea non susceptis donationem reuocari, cum potius conuenire videretur, vt quod tribuitur natis postea liberis, idem tribuatur citius iam natis & superstitibus: non ob aliam causam, quam quod conditio hæc erat, si patronus postea suscepit liberis; qua conditione deficiente necesse est reuocationem denegari, quod nihil aliud est, quam denegari sub contraria conditione. Concedant igitur oportet ex eadē hac sententia sua, beneficium huius legis non tribui extraneis donatoribus quia hæc quoque conditio legis pars sit, si donauerit patronus liberis, ipsi autem in reliquis partibus conditionis consentiunt, quod sub conditione constitutum est, sub contraria denegari. Si ratio legis quaeritur, non minus & hæc aduersatur sententia superiorum; neque enim eadem est conditio extranei donatoris & donatarij, patroni donatoris & liberis. Sed de hac ratione dicitur opportunus infra in ijs, quæ pro ista sententia offerri solent.

20 Venio ꝑ ad alias partes iuris, de quibus pariter constabit non minus eas in vniuersum eidem sententiæ refragari: in quibus hæc sunt. Quæ ab initio recte gesta perfectaque sunt, euentu non infirmantur, quauis in eum calum incidierint, à quo incipere non poterant: multo minus, si incidierint in eum, à quo potest anticipari. *l. in ambiguis. §. i. ff. de reg. iur. §. si iuris. ff. de iur. iud. quib. non est per. fac. test.* Donatio, quæ proponitur, iure perfecta est, nulla nominatum conditione addita repetendi. Quocirca nullo eueni in liberorum postea susceptorum infirmari potest, præsertim cum liberis susceptis constitutis ille casus, à quo donatio incipere ita poterat, vt non metueret donatarius reuocationem. nam si donator liberis habens donasset, effectum est donationem reuocari non posse. Item, quæ consensu duorum pluriumue geruntur, ad ea gerenda, liberum est cuique accedere, aut non accedere. Re autem consensu semel contracta & perfecta, nulli contrahentium licet ab ea recedere inuito aduersario. *l. sicut. sup. de obl. & act.* Merito est enim regula nature, quæ dicitur, nullius in suum detrahendum. *l. 2. ff. de his qui sunt sui, vel alieni iur.* quia eadem efficitur, actionem alicui semel quaesitam ad res acceptas persequendas, aut exceptionem quaesitam ad res retinendas nulli auferri posse. *l. habere. in. ff. de iur. iud. §. vt. ff. de pa.* Proinde nec poterit auferri donatori in proposito, postquam res donata simpliciter in eum translata sunt. Hinc superior regula

cum in alijs negotijs omnibus tum maxime in donationibus obtinet: de qua hæc nota est, & crebro vsurpata iuris dicitur sententia, semel perfectam donationem, cui lex ab initio dicta non sit, reuocari non posse. *l. cum ancillam. l. si repetendi. Cod. de cond. ob caus. l. 5. l. 6. sup. de reuoc. don.* Vna exceptio est in donatione, nisi sit iusta aliqua causa donationis reuocandæ. Hanc. n. ob ingratitudinem donatarij reuocari posse constat. *l. vlt. & toto rit. hic. nō alia ex re quam quod hæc reuocationis iusta causa habita est ingratitudo donatarij.* Sed tamen reuocandi iustam causam semper subesse oportet. At ubi extraneus donator liberis susceptis postea, nulla hic causa est ad donationem reuocandam. Erit enim hæc causa aut in donatario, aut in donatore aut in liberis post susceptis. Nihil horum est. Non est vlla omnino in donatario, quia nihil admisit, quam obrere donatum amitteret, vt sit, cum donatarius se ingrati præbuit. Non est in donatore, qui simpliciter donans nihil ostendit, cur vellet aliquo casu donata ad se reuerti. *l. i. ff. de don.* Et vt forte apud se fuisset hoc animo, vt vellet aliquid sequi, quo non secuto nollet donatum manere; tamen nihil hoc ei prodest ad reuocationem, nisi nominatum eam causam & conditionem adiecerit donationi: placet que non propterea donationem reuocari posse, vt diserte traditum est in *d. l. si repetendi. sup. de cond. ob caus.*

Non est etiam causa ad reuocandum in liberis postea susceptis. Nam si nati sunt facti donatoris, vt pote ab eo procreati, nemo facti suo actionem exceptionem alteri quaesitam potest ei auferre, aut mutare. *l. debitorum. sup. de pig. & generaliter nemo alterius conditionem potest deteriore facere. l. soluendo. ff. de neg. gest. leg. non debet alteri. Dig. de regulis iuris.* Sed & propter liberos solum non reuocari donationem ex hac lege, hinc facile intelligi potest, quod lex reuocationem solum dat ob liberos postea susceptos, & ei, qui tunc cum donabat, liberos non habuit. Quod sane futurum non erat, si lex in eo habuisset rationem liberorum. Nam alioqui idem tribuisset & natis iam ante, quibus vt filijs non minus consulti oportuit. Fortasse etiam magis propter prærogatiuam nascendi. Adde his ex iure comuni exemplum legatorum, quod superiorem sententiam perspicue refutat. Constat facilius reuocari legatarum voluntate testatoris, quam donationem voluntate donatoris. Nam legata pendent ex vnius testatoris voluntate, eaque ambulatoria vsque ad vltimum vitæ spiritum, quamobrem & sola voluntate testatoris etiam tacita reuocantur, *l. 3. in. ff. l. 4. ff. de ad. leg.* Donatio quoni duorum consensu constat, non potest donatoris voluntate reuocari inuito donatario, *d. l. sicut. sup. de obl. & act.* Atqui legatum ipsum propter liberos postea à testatore susceptos non reuocatur, si nge aliquid relictum codicillis ab eo, qui liberos non habebat, deinde postumum natum, placet nihilominus legata deberi ab intestato. *l. ab intest. ff. de cod.* si nge testamentum factum præterito postumo, aut liberis iam natis, quos putabat pater mortuos. Placet ad eos liberos, qui postea existent, sic hereditatem pertinere infirmato testamento; vt nihilominus legata ex testamento relicta debeantur. *auth. ex causa. sup. de lib. præ. vel. exh. l. vlt. ff. de her. inst.* quo fit, vt nihil eorum propter susceptos postea liberos reuocetur. Multo ergo minus liberis post donationem donatori natis, propter eos reuocabitur donatio. Siue enim quaeritur facultas reuocandi in eo, qui legauit donatariæ; hæc plena est & libera est in testatore legante, siue reuocandi voluntas; multo plus tribuitur supremæ voluntati, quam viuientium, *leg. i. supra, de sac. ecc. l. vel negare ff. quem. test. ap.* Quare si is, qui cum vult legatum reuocare, potest, non intelligitur tamen reuocare, si ei postea liberi nati sunt, qui & sint heredes: multo minus existimandus est reuocare donationem ob liberos postea susceptos, qui etiam si velit, id facere solus non potest.

21 Tertio ꝑ loco exstat de hac ipsa specie, quæ tractamus, sententia Augustini, quæ si audimus, omnis qua stio tollitur. Exstat autē in *c. vlt. 17. q. 4.* ibi inter alia hæc verba sunt: *Quam laudabile factum sancti Aurelii Carthaginensis episcopi. Quidam enim cum in domo non haberet, nec speraret, res suas omnes reuocato sibi vsu fructu donauit ecclesie, nati sunt ei filii nec opimanti. Agnosimus per omnia ipsissimam speciem, de qua nunc quaeritur. De iure ita subiicit: reddidit episcopus ea, quæ ille donauerat. In potestate habebat episcopus non reddere, sed iure fori, non iure poli.* Hactenus ille, quod ad hunc locum pertinet. At igitur in specie proposita susceptis postea à donatore liberis, non eo magis donatarium cogi reddere, eo que nec ad donatorem reuerti, id, quod volumus. At quo iure iure fori, inquit, id est, eo iure, quo in foro vtuntur, id est, iure publico, legibus, constitutionibus, moribus. hæc enim sunt iura, quæ iubetur quibus iudex in foro obseruare. *Institut. de off. iud. in princip.* Si quaeritur,

ritur, an hæc sententia pro iure habenda sit, non potest dubium esse apud eos, qui iuri pontificio iuris publicæ auctoritatem tribuunt, quod faciunt ij fere, qui sententiam illâ vulgarem defendunt. Nam sententia Augustini superior in ius canonicum relata est. Sed tamen dicent aliter iure civili esse aut si ius non dicatur esse. Pontificium iuri civili derogare: ideo de iure civili hic querendum esse. Agnosco vere dici, ac volo etiam sententiam Augustini in hac re sic accipi, vt sit tantum priuati hominis sententia, quæ ipsa per se pro iure non valeat. At certe illud tenebimus, saltem haberi eam debere pro idoneo & vero testimonio, quo ille testatur iure civili, & publico non reuocari donationem donatori extraneo ob liberos ab eo postea susceptos, quamuis tunc, cum donabat, nullos habuerit, nec sperarit. Nâ Augustinus etiam iuris doctriam eruditus fuit, vt multa eius scripta indicant. Sed eo non moueor. Esto, non fuerit ille iuriconsultus, at quod inter omnes doctos & pios conuenit, vir fuit præter eximiam doctrinam, summa tum pietate, tum prudentia præditus. fecit pietas, vt nollet mentiri: prudentia, vt nollet temere affirmare, quod nesciret; quod est summæ stultitiæ. Hinc intelligi volumus, Augustinū, cū superius illud scripsit, aut ipse sum per se cognouisse, ita ius esse aut si ius non dicerat. Iuriconsultos sui temporis eruditos cōsuluisse, à quibus intelligeret, quid de ea re in foro seruaretur, atque id ius pro certo accepisse. Quæ res declarat fuisse hanc illius temporis Iuriconsultorum receptam sententiam. Ex qua etiam intelligimus statuisse eos donationem propter liberos postea susceptos non tantum non reuocari iure alio quouis cōmuni; sed nec *l. si vnquam*, de qua præcipue queritur; siquid eam iam multo ante edita tum in vfu erat. Est enim lex Constantij, Augusti, autem vixit temporibus Theodosij prioris & posterioris, qui longo post tempore secuti sunt Constantium. Quæ cum ita sit, res, mihi dubitationem habere non videtur, qui in donatore extraneo qui liberos non habens donauit, non reuocetur donatio propter liberos postea susceptos: præterquam sit inofficiosa donatio, de qua postea non nihil dicemus.

Reliquum est, vt quæ contra afferantur ad defensionem vulgaris illius sententiæ, cognoscamus, de quibus iam dicam, & sigillatim respondebo. Et primum ac præcipuū firmamentum eius sententiæ illis positum est in hac *l. si vnquam*, qua & id ipsam statui volumus. Atque iam ante satis ostendimus non modo id ex verbis non colligi, sed etiam verba aperte reclamare. Et de verbis, non negant id verbis non exprimi, quod & ipsa negari non potest. Est enim lex nominatim scripta de patrono donatore, & libertis donarijs. Sed dicunt effici legis sententia. Sententiam enim intelligi ex ratione legis: hanc autem eamdem esse in extraneis donatoribus, & donarijs, quæ in patrono donatore & donarijs libertis. Porro in quibus causis eadem ratio est, in his etiam ius idem statui debere; quia lex id senserit. *l. illud*, ff. ad *l. Aquil.* De hac vero ratione & collectione duo respondemus: primum verum non esse eandem esse rationem legis in extraneis donatoribus, & donarijs: quæ in patrono & libertis. deinde vt esset eadem; tamen valde errari, cum quod patrono singulari iure hic tribuitur, transfertur & producit ad alios casus, quamuis similes. Primum hoc fatemur communia hæc esse patrono cū extraneo donatore in specie proposita, quod tam extranei donatores, quæ patronus donare possunt liberos non habentes, & postea suscipere liberos. Sed hoc dissimile est, quod in donatione patroni donator est patronus, donatarius libertus in donatione extranei, vterque extraneus, & qui donat, & qui accipit. Non est vero eadem conditio istarum personarum; ne ratio quidem in his eadem, sed longe diuersa: non dico alijs in rebus sed in ea ipsa, de qua agitur.

Extraneus qui eum donat or liberos non habens si donet, existimari potest hoc animo esse, vt liberis susceptis, si forte suscipiant, redeat donatum, non minus, quam patronus donator; quia ab eo sunt patres: proinde paterno, id est, eodē affectu erga liberos. Sed inter donatarios hoc interest, quod libertus à patrono accipiens, videtur eadē lege accipere, qua patronus pro affectu donare intelligebatur: nimirum vt natis postea patrono liberis reddat donata. quod de extraneo donatario dici non potest, atque hic constitit differentie ratio manifesta. Vt libertus donatarius videatur eadem mente esse, qua patronus in donatis reddendis, facit conditio personarum duabus de causis. Primum libertus propter beneficium manumissionis omnem honorem debet patrono; nec tantum patrono, sed eius liberis. *l. si quis à lib. §. vtrum ff. de agn. lib.* Huic honori conuenit, vt patrono desideranti velit libertus præstare omnia, quæ potest sine damno, suo alioqui ingratus futurus. *arg. in l. ingratus ff. de iur. pat.* At desiderante patrono donata ad se redire, potest

libertus ea reddere sine damno suo; nihil enim hic de patrimonio suo deminuit, qui accepta reddat. Tum autem præter honorem etiam bona ipsa sua propria debet libertus patrono, cum res exigit. Nam patronus egentem alere debet de suo, debet & liberos patroni egentem. *d. l. si quis à liberis. §. solens. & §. vtrum, de ag. lib.* Item & moriens libertus bona sua relinquere debet patrono certis conditionibus. Etiam intestati bona ad patronum, eiusque liberos certis item conditionibus redeunt. *§. sed nostra. Inst. de suc. lib.* Qui sua propria patrono largiri debet, cum opus est, non mirum, si reddere debet ea, quæ sunt profecta à patrono, cum res postulat, & voluntas patroni, quod sit, cum patronus liberos non habens donauit, & postea liberos suscipit. Nihil simile in donarijs extraneis, qui neque honorem donatori extraneo debent, qualem liberti patrono; & multo minus illi debent bona, quem neque egentem alere necesse habent, neque morientes heredem facere. Perspicuum est igitur non esse in his eamdem rationem, quæ vt in libertis suadeat eos donata reddere debere donatori extraneo, quamuis libertia postea à donatore susceptis.

Sed si concedamus eandem rationem esse in omnibus, qui donant liberos non habentes, & qui ab his accipiunt; tamen ratio iuris prohibet, quominus quod hic patrono tribuitur, transferatur ad alios, etiā in quibus par videri possit causa. Certi iuris regula est, quod contra iuris rationem receptum est, non esse producendum ad consequentias. *l. quod vero, ff. de legib. l. quod contra, ff. de reg. iur. c. qua à iure ext. de reg. iur.* Cuius hæc sententia est, quæ constituta à iure communi recedunt (sic enim explicatur in *d. c. qua à iure*.) ea non sic esse producenda ad alios casus, vt dicamus, quia proponuntur in casibus, in quibus forte eadem ratio sit, ideo consequens esse, vt in his idem admittatur. At beneficium, quod hic tribuitur patrono, est huius generis, atque adeo bis singulare ius habet, constitutum aduersus manifestam rationem & formam iuris communis. Illud primum, quod conceditur reuocatio donationis saltem ob id, quod donator postea liberos susceperit. constitutum aduersus certas iuris sententias, quibus efficitur, quæ recte ab initio gesta sunt, & præsertim quæ duorum consensu constant, non infirmari vlllo euentu inuito aduersario, quemcumque in casum reciderint, vt supra ostendimus. Et maxime id receptum est in donatione, cum donationi nulla conditio repetendi adiecta est. *l. si repetendi, sup. de cond. ob. caus.* Præterea & illud singulare in hoc beneficio, quod placet donatum redire ad donatorem ipso iure, quo continetur, vt & recedat dominium rerum donatarum ab inuito donatario sine facto eius, & transeat ad donatorem sine traditione. Vtrumque aduersus regulas certi iuris, prius aduersus *l. id, quod nostrum, ff. de reg. iur.* posterius aduersus *l. traditionibus, supra, de pact.* Quæ cum ita se habeant cum in verbis, tum in ratione ac sententia *l. si vnquam*, erepta est, nisi fallor, omnibus facultas superiorem sententiam ex ea lege defendendi.

Sequitur alterum argumentum eius sententiæ sumtum ex *l. si voris, sup. de inoff. don.* ubi proponitur patet omnia bona sua contulisse in filios emancipatos, quos iam tum habebat, cumque illi postea nati essent alij filij, vel nepotes, placet donationem reuocari, vt qui postea nati sunt, debitum bonorum subsidium, id est, legitimam, consequantur. Sed hoc dictum est de inofficiosa donatione quod ad reuocationem *l. si vnquam*, nihil pertinet. Et ideo illic reuocatur donatio, quamuis is, qui donabat, liberos tum habuerit, & reuocatur vique ad legitimam dumtaxat. Quorum vtrūque in beneficio *l. si vnquam* contra fit, nâ & hic cessat reuocatio, si quis liberos habens donauit, & cum reuocationi locus est, reuocatur totum, quod donatum est non pars tantum. Quod eo pertinet, vt si donatio erit inofficiosa, semper reuocetur ex ea causa ad legitimam libertorum. Est autem inofficiosa, qua nec legitimam patrimonij relinquit liberis, quod fit, cum olim excedebat dodrantem debita ab intestato portionis, nunc bessem, aut semissem pro numero liberorum. Hunc modum, inquam, cum donatio excedit, quatenus excedit reuocari potest à liberis, quisquis erit, qui accepit, siue libertus, siue extraneus, nec intererit liberis habuerit donator, cum donabat, an non habuerit, tunc illud quidem, quinam sint liberi, an qui tempore donationis iam nati erant, an qui sunt nati postea. Quod si donatio consistet intra eum modum, eoque inofficiosa non erit, vt iam vna sit reuocandi causa in liberis, non reuocabitur ex *l. si vnquam*, ne propter liberos quidem postea susceptos, si donator erit extraneus, siue is iam ante habuerit liberos, siue tum non habens postea susceperit. Non sunt hæc contraria.

Nam si inter reuocationem ex hac lege, & reuocationem inofficiosa donationis multum interest in omnes partes, siue causa

causa reuoca ionis spectetur, siue ipsius reuocationis ius & conditio. Causa reuocationis longe dissimilis, eaque dupliciter. Nam ex *l. si vnquam*, quamuis non sit inoffic. oia donatio; reuocatur tamen ob liberos postea susceptos, dum is, qui donauit, nō habuerit liberos, cum donabat. nec refert, quantam partem bonorum suorum donauerit, magnamne, an minimam. Ex causa inoffic. donationis reuocatio nulla est, vt apparet, nisi prius inoffic. donatio posueris. Item ex *l. si vnquam*, ita est reuocatio donati ob liberos postea susceptos, si donator tum, cū donabat, liberos non habuerit, quod si habuit, neq; propter iā natos reuocatur, neq; propter eos, qui postea nati sunt. Inoffic. autē donatio patris vt liberos omnes offendit, eorumque causa constituta est; ita reuocatur propter omnes liberos siue qui iam tum, cum donabatur, nati erant, siue qui postea nati fuerint.

25 Reuocationes ¶ autem ipsae ex his causis, multo plurib. rebus inter se dissident. Ex *l. si vnquam*, donator ipse reuocat donationem. Inoffic. donationem patris soli liberi. Ex *l. si vnquam*, si donator reuocat, nempe reuocatur donatio eo viuo. nō enim reuocat quisquam, nisi viuus. Inoffic. donationem reuocat liberi mortuo tantum patre donatore ad exemplum querelae inoffic. testamenti, cui per omnia si milis est querela inoffic. donationis. *l. vlt. sup. de inoff. don.* Ex *l. si vnquam*, totum aufertur, quod donatum est. Inoffic. donatum eatenus, quatenus in officiosa donatio co. lata sit, filiumne donatoris, an extraneum. Nam nec aduersus extraneum reuocatur latius, sed in hac re liberi & extranei donatarij comparantur in *l. supra, eod.* Postremo ex *l. si vnquam*, reuocatur donatio ipso iure, id est, ita, vt statim post liberos susceptos donata redeat ad donatorem. Inoffic. donatio non item donata adijct libris, sed duntaxat proposita querela ad exemplū querelae inoffic. *l. 2. cum donationib. l. pen. & vlt. sup. de inoff. donat.* Huic autem renuntiare possunt, possunt & decedere ante, quam querelam moueant, quib. casibus non transmittitur querela ad heredes, eoque nec reuocatio donationis, de quibus dicendum est alia pluribus. Quae cum tam multa, tamq; dissimilia insunt in his reuocationibus, & quidem ex iure certo: si qui sunt, qui eas comparant, vt quod de vna dicitur, transferant ad alteram, hi comparant inter se res dissimilimas, & manifesti iuris imperitia labuntur.

26 Queret ¶ ergo aliquis, vnde sit dissimilitudo istarum rerū, quae vnam causam cōmunem habere videntur, nempe donatoris liberos. Differentia ratio haec est, quod qui donat liberos non habes, hac mente est, vt sibi co. sular, id est, vt sibi donatum reddatur, si postea liberos susceperit. Hanc cogitationem si lex confirmat, vt sit in patrono donatore, consulit ex donatori, non liberis; nisi quatenus per patrem donatorem etiam ad ipsos eadē res rediturae sunt, *l. c. solum hic quod vtile sit, & conueniat donatoris voluntati, co. considerandum fuit.* Illud autē in primis exigendum, vt tunc donauerit, cum liberos nō haberet; quod si certum intelligat, si haberet, datus nō fuisset, eoq; his susceptis donatum nō sit. Inoffic. autem donatio quae sciente patre fraudat liberos legitima portione, sit & manet etiam secundum voluntatem patris ac soli liberi hic iniuria afficiuntur. Quia tunc non fuit hic reuocatio donatori danda, qui sibi consultum noluit, sed fuit consulendum liberis fraudatis, & consulendum, quatenus sunt fraudati, nec dissimiliter, quam si testamento illis quarta relicta non esset.

Tertium argumentum vulgari sententia, & quo maxime ductus videtur A. car. ius ad *l. si vnquam*, vnam hanc rationem solum reddit, vt eandem reuocationem tribueret extraneo donatori, quae illi tribuitur patrono, est illa ratio, quae vlt. est iustitiam in testatore. in *l. cum acutissimi. in sup. de fidei.* non videri scilicet testatorem a tenas fidei. siones pro prijs antepone. Ex ea enim colligitur id, quod responsum est a Papiniano in *l. cum acutissimi. de cond. & dem.* & confirmatum de productum longius in *l. cum acutissimi. si testator filio suo herede instituo, rogauerit eum, vt post mortem suam restitueret hereditatem extraneo: videri fideicommissum relictum sub conditione, si filius nō liberis decederit, ac liberis postea natis deficere fideicommissum. Hinc officii voluntas, & si quis quid inter viuos donauerit extraneo, eadem ista ratione videri eum velle donatum manere sub conditione, si liberos nō susceperit, proinde his natis postea donationem reuocari. Sed vitiose admodū id colligitur. Primum, quia superior ratio & sententia pertinet ad successionem, & hereditatem defuncti, ad legata ab eo relicta reuocari non pertinet. Tam autem, vt pertinet referentiam ad legata, & supremas omnes voluntates, tamen ad donationem transferri non debet, nec potest. Ad successionem &*

hereditatem à defuncto ipso relictam fateor pertinere, sique hoc modo. Nam si testator liberos non habens instituat extraneum heredem postumo præterito, deinde liberis postea natis decedat; testamento, quod ad successionem atinet, euanescente liberi sunt heredes scripto herede excluso. aut *li. ex causa. supra, de lib. prat. vel ex h.* Idemque est, si testator existimans filium mortuum, quem habebat, extraneum heredem instituerit, deinde existat filius, qui vindicet hereditatem. *d. l. vlt. ff. de her. inst.*

At ¶ hoc non itē pertinet ad legata à testatore relicta. Nam si 27 testator liberos non habens legata, aut fideicommissa reliquerit vel testamento, vel co. iicilis, quamuis postea nati sint illi liberi; nō eo tamen magis legata reuocantur, sed debentur ab heredibus legitimis, etiā relicto propter liberos testamento. *dict. auth. ex causa. d. l. vlt. de her. inst. l. ab intestato. ff. de iur. cod.* Neque offendemur superiore illa sententia, non videri testatorem alienas successiones suis antepone. Non enim hic in successionem defuncti anteponuntur extranei & alieni liberi, sed liberi omnibus, cum & hic defuncti patris sui successores exclusi scriptis ijsque alienis heredibus. Quod si ob liberos à testatore susceptos non reuocatur legata ante ab eo relicta, nec quominus id dicamus, superiore ratione impedimur, multo minus ob eandem istam rationem reuocabitur donatio liberis à donatore postea susceptis; cum vt ante dixi, legata sola voluntate testatoris consent, donatio duorum contentu, & vt non nisi horum consensu perfici potest sic nec nisi vtriusque consensu resolui. *l. sicut. sup. de obl. & act.* Sed amplius dicimus, et si maxime ex superiore ratione & hereditatis & legata à testatore relicta reuocantur liberis postea natis testatoris, tamen non recte transfertur hoc ius ad donationes inter viuos factas. Quamquam enim qui donat inter viuos, eodem animo est, quo testator, vt scilicet v. lit, si sibi nascantur liberi postea: donatum ad se redire; non est hoc tamen ius ad reuocationem, exigitur amplius & in testatore, & in donatore, vt quod voluit, etiam potuerit iure, id est, vt in eo quod voluit, rata sit iure eius voluntas. Atqui hoc testatori concessum est: donatori nequaquam, vti quisq; legisit rei suae, ita ius esse iubetur legibus. *l. verbus. D. de ver. sign. vnde vt leg. ta valent sola voluntate testatoris; ita & sola eius voluntate licet tacita reuocantur. l. 3. §. vlt. l. 4. ff. de ad. leg.* Non eadē potestas est donatoris in reuocandis donationibus. Non perficitur quidem donatio ab initio, nisi voluntate eius. At semel perfecta non potest ab eo ex pœnitentia reuocari; vt ante ostendimus. *leg. cum ant. l. am. l. si repetendi. sup. de cond. ob caus. l. 5. l. 6. sup. de reuoc. don.* quippe quae vt modo dixi, perfecta sit duorum consensu, quo fit, vt non possit, nisi vtriusque consensu ab ea recedi. *d. l. sicut. sup. de obl. & act. l. ab em. sione. ff. de pact.* Vna exceptio communis haec est, nisi quis donauerit ob causam, & causa secuta non sit. Sed hanc nominatim ad j. oportet, quam si quis apud se cogitat, & sequi vult, neque aperte in donando adijct, placet nihil ei prodesse. & quamuis nihil eiusmodi secutum fuerit, quale sperabat, nihilominus manere integram donationem, vt iam diximus diserte scriptum esse in *l. si repetendi. sup. de cond. ob caus.* Nihil igitur superior illa ratio *l. cum acutissimi.* ad rem pertinet, si de legatis à testatore relictis propter liberos postea ei natos reuocandis agitur, multoque minus, si agitur de donationibus propter liberos à testatore susceptos reuocandis. Et vero nec de institutione ipsa testatoris, qua heredem sibi instituit, quaque reuocetur liberis postea illi natis, species illic proponitur: vt nihil relinquatur ex eo loco, quod pertineat ad donationem ab eo, qui donauit, reuocandam propter liberos ab ipso postea susceptos.

Plane sic potest reuocationi & legatorum & donationis locus esse, si in his ea concurrant, de quibus in fideicommissis restituentendē hereditatis comprehensum est in *dict. leg. cum acutissimi. de fideicom. & l. cum auus. ff. de cond. & dem.*

In ¶ legatis quidem hoc modo, si proponas testatorem quid 28 legasse filio, & rog. sse, eum, vt post mortē id restitueret Titio. Tū enim recte dixerimus in fideicommissis, quod hic datur Titio, inesse conditionem tacitam, si filius, qui rogatus est restituere, decederit sine liberis: Itaque nullis liberis relictis deberi fideicommissum. his relictis fideicommissum nec datum videri, sed transire ad filij liberos. Coniectura voluntatis non obscura ex eo, quod filium rogando vt tantum post mortem suam legatum restitueret, peripicuum sit voluisse eum legatum nō aliter à filio recedere, & transire ad extraneum, quam si filius esse defuisset. Atqui is in filijs perpetuo viuere intelligitur, & certum est eos filios, qui testatori sunt nepotes, non minus imo nō agis auo dilectos & charos fuisse. *l. liberorum. ff. de ver. sig.*

Quare qui voluit legatum perpetuo apud filium manere, is utiq; voluit manere & apud filios eius suos nepotes, vt sic videatur semper mansisse apud filium in eius liberis; & maxime, si res in contentione veniat cum extraneo, vt quarendum sit, qui in legato aui præferendi sint, nepotesne defuncti, an extraneus. In qua contentione semper vincit ratio, non videri auum alienos successores suis liberis prætulisse, iuxta rationem *d. l. acutissimi*. Extraneo si leget testator, & roget eum post mortem suam restituere Titio, nihil causæ dici potest, cur post mortem legatarij fideicommissum non debeat, etiam ille decesserit relictis liberis; quia non minus hi liberi testator extranei sunt, quam Titius: vt nihil sit in his, cur propter eos velit restator legatum ademptum Titio, & ad istos potius transire. Sed etsi filio legans pater, roget eum legatum restituere Titio statim, aut post certum tempus; quamuis liberos suscipiat postea, & habeat die fideicommissi cedente, Papiniani & Iustiniani sententia est, eum cogi omni modo restituere, qui de eo filio tantum loquentur, qui iussus est post mortem suam restituere hereditatem. *d. l. cum auius. de cond. & dem. d. l. cum acutissimi. sup. de fideicom.* Idq; ratione ipsa Iustiniani efficitur, nõ enim dicendum est pater in ea restitutione videri alienum suo successoriam posuisse, eum filium in eo sine legato, siue hereditate perpetuo successorem esse noluit, translata ad alium hereditate, aut legato per fideicommissum. Quod si illa concurrent, vt & filio legatum sit datum, & idem rogatus restituere post mortem suam; tum recte defendemus idem probandum esse, quod ante diximus, id ipsum quod iuris esse dicitur in supra scriptis locis, cum filius heres institutus est, & rogatus post mortem suam restituere hereditatem. Quo ¶ exemplo idem ius & in donatione inter viuos admittere possumus, vt si pater inter viuos filio emancipato quid donauerit ea lege, vt id post mortem suam restitueret Titio, tum filio decedente sine liberis, sit Titio utilis actio ad petendum donatum, vt esse in hac specie placet in *l. quoties. sup. de don. qua sub mod. sin. decedat filius relictis liberis*, nihil debeat Titio; sed donatum apud liberos filij donatarij maneat, eadem illa ratione videlicet, vt qui filium suum id donatum perpetuo habere, dum vixit, voluit, velit etiam eum habere in filiis suis, si quos post se relinquet, in quorum persona, & ipse viuere intelligitur, præsertim cum & hi filij sint donatori liberi: charitas autem aui in nepotes suadeat ita existimare, auum magis consultum voluisse neporibus suis, quam extraneo, confirmaturque coniectura ex eo, quod prius eodem isto animo fuit in filium in hac ipsa donatione, neq; vero plus dilexit filium, quam nepores. Sed recte hæc dicuntur in donatione futura, & pendente, quæ filio mortuo donatum adimens collata est in extraneum, qualis est ea, quam modo proposuimus. Hæc quia nondum perfecta est, sed pendet, donec filius viuit, voluntate donatoris impediti potest, ne impleatur, & ad hoc solius eius voluntas sufficit, neq; consensum Titij exigimus. Quæ enim duorum consensu geruntur, nõ perficiuntur, nisi consensu vtriusq; concurrat. *l. in omnibus. ff. de obl. & act.* At vbi donator ipse viuos donauit, & perfecit donationem, quæ species est, de qua agimus: sciamus nihil prodesse donatori cogitationem & voluntatem de reuocanda donatione, si liberos postea susceperit. Nõ si hanc conditionem adiecerit, donatio perfecta est, perfecta non potest reuocari inuito aduersario. *d. l. si repetendi. sup. de cond. ob. caus.* Hactenus ergo constat nihil adferri ex iure ciuili, quo vulgaris superior sententia, vel tenuerit defendi possit. Sed ¶ huius iuris defensione erepta, moueri possunt piæ mentes saltem sententia illa superiore Augustini, de qua etiam quarto loco non nihil dicendum est. Scribit ille, vt supra retulimus, liberis in specie proposta postea natis donatarium non cogi reddere donata iure fori, id est, iure publico & legibus. at cogi reddere iure poli. Opinor, polum dici id, quod scriptura sacra vocat regnum cælorum, quo verbo intelligitur nonnunquam aut Ecclesia, in qua Deus regnat, aut doctrina cælestis, per quam Deus regnat in Ecclesia, sic accipitur aliquoties *Matth. 13*. Itaque hæc sententia erit Augustini, re donata ab eo, qui liberos non habebat, si is postea susceperit liberos cogi donatarium iure diuino & mandato Dei donata reddere. Omnes autem mandato Dei parere debent. Et quod Augustinus dicit, hæc in proposito non necesse esse reddi iure publico, recte dicit: idque inde nobis liquet, quia probatur manifestis sententiis iuris ciuili, & in primis *l. si vnquam*. quæ beneficium singulare patrono tribuens ceteros donatores excludit. Quod autem dicit iure diuino cogi donatarium reddere, recte fecisset, si addidisset probationem ex verbo Dei.

Sed ¶ tamen defendi potest, Augustinum etiam in hac re recte

diceret, sed in persona Ecclesiæ, de qua loquitur, vt constat ex toto illo *c. vlt. 17. quest. 4*. vbi refertur illius sententia: & magis ex *sermone 52. ad populum Hipponensem*, vnde illud fragmentum translumptum est. Longe alia est persona Ecclesiæ, quæ donatum accipit, alia priuatorum. Licet priuatis etiam ex verbo Dei sua tueri, & quod recte acceptum sit, vbi nulla sit conditio reddendi iure cognita, id retinere. Non idem licet Ecclesiæ in rebus ab eo acceptis, qui liberos non habens donauit, ac postea liberos suscepit. Nam Ecclesia est mater omnium nostrum; quæ etiam de suo debet egenes alere, vt est officium parentum. Multo magis igitur si quid donatum acceperit Ecclesia ab eo, qui liberos non habebat, cui nati sunt postea liberi, id debet reddere, vt inde filij alantur, sed & eo magis, quod parentum bona quodammodo sunt filiorum. *l. vlt. D. de bon. dam. quibus proinde ea reddi æquum & honestum videtur.* Loquitur igitur Augustinus de iure proprio Ecclesiæ, quod ad priuatos donatores non pertinet. Idque cum ex alijs pleriq; eius sententijs intelligi potest, quæ sunt in eo sermone, quem dixi; tum maxime ex his duabus. Primum, si pater filio suo iustus de causis exheredato instituerit extraneum heredem, nemo, opinor, non fatebitur licere huic priuato etiam ex verbo Dei retinere eam hereditatem, quæ meritis de causis indigno filio ablata est. At si idem exheredato filio fecerit heredem Ecclesiam, negat eo loco Augustinus Ecclesiam suscipere debere hereditatem, vt & refertur in *dict. c. vlt. 17. q. 4*. Idem in eodem sermone scribit ad hanc sententiam; si qui compilarint nauem, aut in causa fuerint, vt periret nauis, & naufragium faceret; eos magister nauis fluctibus eiectos traderet magistratui, vt de submersione nauis quæreretur, & torquerentur à iudice, qui essent de fluctibus liberati. Sed non eos daremus, inquit: nullo enim pacto hoc facere deceret Ecclesiam. Apparet igitur loqui Augustinum de eo, quod decet, valeatque ad bonam famam, decet tamen Ecclesiam, non etiam conuenit personæ cuiusque priuati. Quibus ita constitutis tam quæ ad confirmationem veræ sententiæ valent, quam quæ pertinent ad confutationem contrariæ; non dubitabimus statuere in summa id, quod supra differuimus pluribus, nullo iure ciuili, aut Pontificio donationem inter viuos nulla addita causa donandi recte perfectam, reuocari ideo, quod donator, cum liberos non habens donasset, liberos postea susceperit: præterquam in patrono donatore, cuius hoc proprium beneficium est illis conditionibus, quas dixi, ex *l. si vnquam. de reuoc. don.*

CLARISSIMIS VIRIS, RECTORI,
Senatuique Academiae Heidelbergensis
Hugo Donellus S.

Quod si illa sententia, vt supra retulimus, liberis in specie proposta postea natis donatarium non cogi reddere donata iure fori, id est, iure publico & legibus. at cogi reddere iure poli. Opinor, polum dici id, quod scriptura sacra vocat regnum cælorum, quo verbo intelligitur nonnunquam aut Ecclesia, in qua Deus regnat, aut doctrina cælestis, per quam Deus regnat in Ecclesia, sic accipitur aliquoties *Matth. 13*. Itaque hæc sententia erit Augustini, re donata ab eo, qui liberos non habebat, si is postea susceperit liberos cogi donatarium iure diuino & mandato Dei donata reddere. Omnes autem mandato Dei parere debent. Et quod Augustinus dicit, hæc in proposito non necesse esse reddi iure publico, recte dicit: idque inde nobis liquet, quia probatur manifestis sententiis iuris ciuili, & in primis *l. si vnquam*. quæ beneficium singulare patrono tribuens ceteros donatores excludit. Quod autem dicit iure diuino cogi donatarium reddere, recte fecisset, si addidisset probationem ex verbo Dei.

quere inchoatam, aut huius quoque partis, quæ illius propria est, explicationem adiungere debent; sic nos præsentem temporis occasione ad hanc explicationem maturandam esse vsos; vt tamen eam non magis occasio & casus mihi obiecit, quam conjunctionis rerum necessitas post illam tractationem priorem à me expressisse videatur. Habet hic locus controuersias aliquot subdificiles, & parum explicatas, dignas, in quibus elaboretur. quod vel doctorum hominum de his accuratæ & discrepantes disputationes facile testari possunt. Res videbuntur fortasse ad morem veterum iudiciorum magis, quam ad vsus horum temporum pertinentes. & ita sunt omnino, si per se spectabuntur: sed pertinent tamen ad eos locos, quibus res ad vsus præsentem rerum vilius necessariæ continentur: ac sine his loci illi, qui sunt innumeri, facile intelligi non possunt. De quibus quid nobis videatur, exposui diligentius, vt in re controuersa, in qua cum scirem fore, vt multis, noua dicere videar. non satis fuit id ponere, quod sentiebam, nisi etiam, quomodo confirmetur, & ab iis, quæ dicuntur contra ab illis, quomodo vindicetur, ostenderem.

Tituli de præscriptis verbis, & in factum actionibus, hæc fere summa est. Cum conuenit, vt mihi de quid, aut facias, interdum sola est conuentio, siue hæc nullo proprio nomine appelleretur, siue in aliud nomen contractus transeat: interdum præter conuentionem prius ipse dedi, aut feci quid ea lege, vt dares, aut faceres illud, de quo præstando conuenit, vt sic dicatur causa subesse præter conuentionem, vt loquitur Vlpianus in l. iurisdictionum, in prin. sup. de pact. causa nimirum, propter quam mihi dare, aut facere debeas, id est, causa dandi, aut faciendi. præter conuentionem dicitur, quia conuentio & ipsa vna est ad dandum aut faciendum causa: vt si iam duplex obligandi tui causa fieri intelligatur, & quod dedi, aut feci, & quod te daturum, facturumue pactus es. De priore genere nihil hic dicimus: ex quo aut plane nulla actio nascitur, id genus est earum conuentionum, quæ vel in proprium nomen contractus transeunt, vel lege confirmantur: ex quibus certæ sunt & propriæ actiones, non præscriptis verbis. ita totum hoc genus à titulo, de præscriptis verbis, est remotum. Posterius est, de quo sub eo titulo agitur. Quid autem hic quærat, vide. Earum siue conuentionem, siue negotiorum, siue contractuum, quibus causa faciendi subest præter conuentionem, quatuor sunt genera aut enim do, vt des: aut do, vt facias: aut facio, vt des: aut facio, vt facias. tot enim genera natura esse ostendit, neque plura eadem natura esse possunt: quæ Paulus posuit in l. naturalis, in prin. eod. tit. atque omnia vno generis nomine complexus est, ob rem datum appellans, quod ista lege datum, factumue est: nimirum dati nomine etiam factum intelligens. Quoties vnum aliquod ex his incidit, si, posteaquam dedi, aut feci, ipse cessas dare aut facere, quatuor sunt in vno quoque, de quibus quæri solet. Nam cum interdum interfit mea nõ dedisse, quod dedi, aut feci, interdum magis interfit id consequi, quod pactus es, vtrumque habet dubitationem, & eam duplicem: primum, si velim reuocare, quod datum, aut factum est, an possim, & si possim, qua actione id consequar: deinde, si putem magis è re esse id consequi, de quo conuenit, an petere liceat: si licet, quæ sit in eam rem actio. His vero in rebus & Paul. disputatio in d. l. natural. & totius tituli tractatio continetur. De quibus quid iuris sit, videamus.

In iis contractibus, qui in proprium nomen transeunt, neque conditioni dati ex pœnitentia locum esse, & certam in omnibus esse actionem, tum qua nota discernamus in omni conuentione, vtrum res in proprium nomen contractus transeat, an non transeat.

CAP. II.

SUMMARIÆ.

- 1 In sequestrem actio depositi, & actio præscriptis verbis, sed quibus.
- 2 Præscriptis verbis actio, & actio ex vendit. de eadem re in specie leg. 2. Cod. de pact. int. emt. & vend. com. & l. si conuenit. Dig. de rescin. vend. & cur.
- 3 L. naturalis. Dig. de præsc. verb. tractatio, & scopus.
- 4 Condictio dati ob causam causa non secuta, cur non sit in iis contractibus, qui transeunt in proprium nomen.
- 5 Condictioem esse pecunie datæ ob causam mandati, vt seruus eme-

[Faint, mostly illegible text, likely bleed-through from the reverse side of the page.]

TITVLI DIGESTORVM, DE PRÆSCRIPTIS VERBIS, ET IN FACTVM actionibus, hic tractandi ratio, eiusque argumentum & summa.

CAP. I.

Magna ratio est, cur de præscriptis verbis & in factum actionibus scribam hoc tempore atq; hoc loco, sententiam maxime percutus eius tituli, qui in Pandectis exstat hac ipsa inscriptione. Et si enim occasio illa, de qua superiore epistola sum præfatus, ad hanc curam satis videri potuit: tamen vt sunt ea, quæ mihi antecesserunt, ipsa res me, vt facerem, multo magis debuit inuitare. Scripsi anno superiore in titulos Codicis, de pactis, & de transactionibus, nec tam in illos titulos, quam disputatio illa huc spectauit, vt vis pactorum à nobis explicaretur. Porro sic quæstio de actione præscriptis verbis, sic totius illius tituli tractatio ad quæstionem de pactis pertinet, vt nequeat separari. non enim ita pertinet, quasi quæ genere disiuncta; tamen ad partem aliquam de pactis melius intelligendam conducatur: sed tanquam quæ sit ex media quæstione de pactis, atque adeo optimam eius quæstionis partem contineat. In titulo de pactis, de vi pactorum quæritur, atque vis pacti, quod quidem ad agendum profit, posita est pæne tota in ea actione, quæ præscriptis verbis nominatur, vnde tot locis sub titulis, de pactis, & de transactionibus, eius actionis fit mentio. Sed quod præcipue animaduertendum est, titulus ipse de præscriptis verbis totus hanc summam habere reperietur, vt, cum præter conuentionem quid datum à me, aut factum est, vt vicissim mihi dares, aut faceres, norimus, quæ hic conuentiones, & quatenus valeant, quæque sit ex his actio, cum ad petendum, quod conuenit, tum ad id, quod datum factumue est, reuocandum, in quo de vi pactorum agi perspicuum est. Neque vero alia quæstio est, quæ est exposita breuius ab Vlpiano in l. iurisdictionum, §. 1. Dig. de pact. Ita fit omnino, vt aut nusquam eius tituli tractatio locum habeat, aut ad quæstionem de pactis, cuius pars, vel appendix quædam est, debeat referri. Quamobrem cum, vt dixi, scripserim antea de pactis, in quo eius quæstionis explicationem susceperim: necesse est videri me aut instituræ disputationi non satisfacere, sed relin-

retur & manumitteretur, quamvis nondum seruus emtus sit, & cur.

ET de his ex genere contractus statuendum est. Interest enim plurimum, utrum contractus, de quo agitur, in proprium nomen contractus transeat, an non transeat, puta, sitne emtio & venditio, quæ contrahitur, locatio & conductio, aut similes contractus: an vero nihil horum dicatur, nullaque alia hic contrahatur obligatio, quam ob rem dati re non secuta, ut Celsus loquitur in *l. ult. D. de cond. caus. dat. caus. non sec.* Cum contractus incidit, qui proprio nomine appellatur, veluti cum dedi pecuniam, ut fundum a te accipiam, ubi emtio contrahitur; aut dedi pecuniam, ut mihi tabulam pingas, ubi locatio est: in his & similibus res breui, nec difficili definitione continetur, neque id, quod datum est, reuocari posse, ubi is, qui promisit, id, quod dare debet, offerat, & id, de quo præstando conuenit, ita peti posse, ut sit eo nomine certa actio ex contractu certo constituta; ut proinde alia, id est, aut præscriptis verbis, aut de dolo non requiratur. Imo vero ne locum quidem habet: nam actio quidem de dolo hac conditione propofita est edicto, si alia actio nulla erit, *l. i. ff. de dol.* de actione autem præscriptis verbis ita traditur in *l. i. & l. 2. ff. hoc tit.* tunc ad eam confugere nos, cum deficiunt prodita iudicia, & vulgares actiones. Nam quod de re apud sequestrem deposita & depositi actionem in sequestrem dari legimus, & item actionem præscriptis verbis, *l. ei apud. §. i. D. de pos. l. si gratis am. §. vltim. hoc tit.* nihil huic sententiæ aduersatur, datur enim depositi actio in sequestrem: sed ei, qui deposuit, de re ab ipso deposita, quam ad rem præscriptis verbis actio non competit. Rursum datur præscriptis verbis: sed victori de re, quæ ab ipso deposita non est, sed ab aduersario, cum quo certabatur, quam quidem ad rem certum est illi non magis depositi actionem competere posse, quam in superiore specie potest deponenti competere actio præscriptis verbis. Vnde ergo hæc actio victori aduersus sequestrem, cum apud sequestrem eam non deposuerit? ex eo videlicet, quod in rebus sponfionis causa deponendis ab initio conuenit inter sequestrem & eos, qui deponebatur, ut, uter certantium vicisset, ei sequester res depositas traderet, postquam conuentionem fecit victor, ut accideret id, de quo conuenerat, decertauit enim, & vicit. Neque hoc aliter fieri reperiemus, quam ut ex contractu certo certa sit actio, & ita certa, ut non sit præscriptis verbis. Quod tamē contra propria quadam ratione in vna causa receptū esse hoc loco monendi sumus, nimirum cum vendidi tibi fundum ea lege, ut mihi quandoque pretium offerenti eum reddas, in qua conuentione scriptum est in *l. 2. C. de pact. int. emt. & vend. com.* ut contractus fides seruetur, actionem præscriptis verbis, vel ex vendito mihi dari. Sed quo in hac specie præscriptis verbis, cum sit certa actio: aut cur hic à regula iuris discedimus, quæ tunc solum concedit venire ad actionem præscriptis verbis, cum certum nomen actionis inuenire non possumus? *d. l. i. eod.* Puto eo factum, quia in hac specie ab initio nihil amplius de sententia veterum admiffum fuerit, quam actio præscriptis verbis, ut indicat *l. si vir. hoc tit.* post tandem certa actione recepta, aut constituta (quod factum esse veterum questione decisa scribit Vlpianus in *l. si fundus. in princ. D. de leg. com.*) sic illa admiffa sit, ut prior, quæ fuerat, etiam maneret. Nam illud quidem de superiore conuentione primo dubitatum videtur, an conuentionio pars emtionis haberi deberet: nec abs re, neque enim prima ratione videtur ea conuentionio ex emtione esse, quæ eo facta, ut emtio rescindatur: ut necesse fuerit in hac dubitatione non ex vendito, sed aut nullam, aut præscriptis verbis actionem dare. Sed obtinuit tandem hanc conuentionem emtionis partem esse, & quodammodo pretij partem obtinere; quia sihe ea emtio contracta non esset, cui sententiæ consequens fuit, ut de ea etiam actio ex vendito admitteretur. *arg. in l. sed Celsus §. i. D. de cont. emt. l. si ferit. §. si tibi. ff. de act. emt.* Cur ergo hæc iam sola non datur, sed vnum etiam actionem præscriptis verbis? Nempe quia, quæ ex veteri dubitatione fuerat præscriptis verbis actio, ea semel inducta etiam nunc manserit. Eadem dicemus in specie *l. si conuenit. 6. D. de res. ven.* in qua ut superiori simili, nempe ad rescindendam venditionem pertinente, easdem actiones dari legimus. Ceterum quod in omnibus aliis generibus contractuum, quos certos esse constat, sic datur certa actio, ut alia actio non quaeratur. Quæ causa fuit. Paulo videlicet in *l. naturalis. §. i. §. ac cum do. & §. sed si facio.* cur, cum de superioribus differeret, ante omnia distinxerit, in illo quidem genere, cum do, ut des, contrahereturne emtio, an permutatio: in illo, cum do, ut facias, v-

trui esset locatio, an non in illo vero, cum facio, ut facias, utrum contraheretur mandatum, an non, & simul quando esset emtio, locatio, mandatum, ostenderit. Id eo fecit, inquam, quia in hoc genere diuersa omnia cum de repetitione, tum de promissio petitione ab illo altero, de quo dicemus postea, esse intellecta. At de eo nihil aperte pronuntiauit. Nimirum quia ex aduersaria oratione, quam de altero genere subscribebat, id satis intelligebatur, & ex genere ac natura eorum contractuum non poterat esse obsecurum. Nam primum quod ad id, quod in his contractibus datum, aut factum est, utinet, id repeti non posse inde intelligimus, non solum quia traditur ab his contractibus, nisi utroque consentiente, discedi non posse, *l. ab emtione. D. de pact.* sed etiam quia contractus eiusmodi sunt, ut quamuis mihi vltro nihil decesses, tamen solo consensu tibi obligaret, tuque promissum iure à me exigites. Porro cui actionem ad id petendum dāmus, multo magis eo dato ad id retinendum exceptionem esse oportet *l. manus. §. i. D. de reg. iur.* Iam vero in his contractibus si quid dederim iam, aut fecerim, ut dares, aut faceres, peti posse id, de quo conuenit, ut dares, faceres, plurimum certum est. Primum non est hic nuda conuentionio, ut quis dicat ex pacto actionem non nasci; sed rem dedisti, ut dares, aut faceres, ex quo genere cuius actio oritur, quamvis in alium contractum res non transeat, *l. iure gentium §. i. D. de pact. l. silent. hoc tit.* Tum autem est nihil dedissem: tamen iam dixi ex eo genere contractuum, qui proprio nomine appellantur, etiam solo consensu obligationem iure gentium nasci *l. iure gentium.* Ex quo intelligi debet loqui nos de his contractibus, quibus quantum adhuc integris ab vno ex contrahentibus inuito altero reuocari non possunt. Quod si quis sint, qui possunt reuocari, qualis est societas, cui reuocari potest à quouis ex sociis, aut à mandatum, quod rebus integris à mandante reuocari potest, hæc eorum conditio est, ut reuocatioe vnus non tam de manu, quam viderimus nulli fuisse. Vnde et reuocari, ut pecunia, aut locum, ne data erant à mandante, ut quid emeretur, rebus adhuc integris reuocari posse, & posse conditione ob causam dari causa non secuta. Quod Vlpianus in hac specie respondit, cum dedi tibi pecuniam, ut seruum emereres, & manumitteres, ait enim ante quam emeris, competere mihi conditionem ad pecuniam, quam dedi, repetendam *l. si pecuniam. §. si seruum. vers. item si quis. D. de cond. caus. dat. caus. non sec.* Atqui mandatum est, dixerit aliquis. Sed mandatum potest reuocari rebus integris, ut dixi: quo facto eo res deducitur, quasi nec fuerit. Dici tamen potest, & fortasse verius, in hac specie nullam omnino ne ab initio quidem mandati obligationem existisse, quia nihil interfit mandantis seruum extraneo emi, vt ab eo manumittatur, cum ex ea emtione, aut manumissione nihil ad mandantem rediturum sit. Nulla est autem mandati obligatio, seu actio, cum eius nihil interest, qui mandauit. *l. si procuratorem. §. mandati. Digest. mand.* Ita in his contractibus, qui proprio nomine appellantur, eo res redit, ut quamdiu ex his obligatio est, tamdiu ex iis non sit dati repetitio. Quamobrem, ut dixi, quod certum erat, quodque ex aduersaria, quam subscriberet, intelligebatur, id Paulus prætermisit, solum hoc questionem habere potuit, cum dedi, aut feci ea lege, ut quid dares, aut faceres, existente is contractus, cuius sit proprium aliquod iure civili nomen, ut emtio & venditio, locatio, conductio, aut similes, an alius generis contractus. Id ergo Paulus docuit in tribus illis, cum do, ut des, cum do, ut facias, cum facio, ut facias. Quam autem det in singulis huius rei explicandæ causa regulam, operæ pretium est cognoscere.

Cum do, ut des, quod certi contractus genus, & quando, ad *L. naturalis. in pr.*

C A P. III.

S V M M A R I V M.

l. ult. D. de cond. caus. dat. exposita.

ET in eo genere, cum do, ut des, tunc emtio est, inquit, cum pecuniam do, ut rem accipiam, quod hanc sententiam habet, cum do non rem quamlibet, sed pecuniam: neque pecuniam, ut pecuniam accipiam, sed ut rem aliam; hac lege interposita, inquam, ut rem accipiam, cum scilicet ita conuenit, ut aliam mihi traderes, aut nominatim, ut aliam rem quampiam accipiam. Nam si rem do, ut aliam mihi des, permutatio est. *l. i. ff. de contrah. emt. l. i.*

D. de rer. perm. si pecuniam, vt pecuniam mihi reddas est mutuum, Inst. quib. mod. re contra. obl. in pr. Si tibi pecuniam pro re quidem, sed hac lege nominatim interposita, vt eam mihi des, est & hic permutatio, contractus innominati genus, non emtio vlla ex parte, vt Celsus disputat in l. vlt. ff. de cond. caus. dat. caus. non sec. Est enim hic conuentio contraria emtioni: in qua non id agitur, vt necesse habeat venditor re dare, id est, dominium rei transferre, sed solum rem tradere, vt sic ob euictionem obligetur emtori, *lex emto. ff. de cont. emt.* Itaq; illud, vt rem accipiam, sic accipimus, si nominatim ita conuenerit, vt rem accipiam: nam id cum factum est, perinde valet, quasi dictum esset, vt rem vel datam, vel traditam accipiam, & mihi euictionis nomine obligeris: non tantum quia verbum ad vtramq; speciem rei traditæ referri potest: sed etiam quia pecunia hinc interueniens, illinc res pro pecunia emtionem contrahi satis arguunt: cuius proprium est, vt ab vna parte pecunia sit, ab altera merx, quæ pecunia, id pretio æstimetur. *l. i. D. de contrah. emt. l. i. D. de rer. perm.*

Cum do, vt facias, quando contrahatur locatio, aut non contrahatur, ad *L. naturalis. §. i.*

CAP. IV.

SUMMARI A

- 1 Facta que locari possint, aut non possint.
- 2 Operam non omnem locari posse: & quarum operarum sit locatio.
- 3 Locare quid.

IN eo autem genere, cum do, vt facias, sic locationem & conductionem contrahi ait, si tibi pecuniam dem, vt facias, quod sit tale, vt factum soleat, & possit locari. Recte nam si eo nomine, quod facis, de tibi non pecuniam, sed rem, locatio esse non potest: propterea quod nec sine mercede locatio est, nec consistit merces, nisi in pecunia numerata. *Inst. de loc. & conduct. in prin. & §. i.* Sed etsi pecuniam dem, vt quid facias, non potest esse locatio, si id factum sit, quod locari non soleat.

1 Quæ facta soleant locari, hoc exemplo demonstrat, veluti vt tabulam pingas, inquit, nēpe meam. Nam si tibi pecuniam dem, vt tuam pingas, & pictam, mihi des, emtio erit, non locatio, *L. Sabinus. ff. de contrah. emt. §. item queritur. Institutio. de loc. & conduct.* Quæ autem facta locari non possint, declarat hoc exemplo; puta vt seruum manumittas. Hæc ego exēpla in vtrāq; partem pro definitione accipio, vt scilicet, si quid tale sit, quod in re nostra exerceatur, collocetur, vt sic per re nostram ad nos redeat, sit factum tale, quod locari possit: veluti vt me vehas, vt insulam in area mea ædifices, vt tabulam meam pingas, vt vestimēta mea polias, sarcias, vt ex auro meo mihi annulum conficias, & quæ sunt eiusdem generis. Contra verò si id, quod sit, non fiat in re dantis, ac ne possit, sit factum eiusmodi, in quod locatio non cadat. Animaduerto enim non tantum placere tunc locationem non contrahi, cum pecuniam tibi do, vt Stichum manumittas in qua specie dici potest, ideo manumissionem non esse factum, quod locari possit; quia momentarium sit, & nullum laborem nullamq; operam desideret: sed etiā tum, cum do pecuniam, vt Romam eas. Cum enim in l. ff. de cond. caus. dat. dicitur in hac specie pecuniam reuocari posse rebus integris, si me pœniteat, satis declaratur locationem non esse contractam: alioqui ab ea inuito altero recedere non licere. Atqui vt Romam eas, sine opera & labore tuo non perficitur. Cur igitur non est id factum, quod recipiat locationem? Non video, quæ hic alia ratio reddi possit, quam quod vt manumissio serui in re dantis non exercetur, ac nec potest: sic nec profectio, quæ Romam suscipitur, alia in re potest exerceri, quam in ijs locis, per quæ commearur: quæ dantis non esse constat. Nam quod Bartolus ad l. §. ff. de cond. caus. dat. tunc dicit locationem in hac specie posteriore non contrahi, cum is promittit se iturum esse, si dem cursori, qui soleat operas locare: facit contra Vlpiani manifestam sententiam, qui vt repetitionem det, non personæ accipientis, sed solius huius facti habet rationem. Legimus tibi quidem locari posse operas, vt in l. qui operas. ff. loc. sed hoc non significat, vbi cumq; opera est, eā locari posse. Locare potest operas artifex, vt mihi domi pingat, vt ædificet, vt scribat: sed non erit locatio, si mihi operam præbeat, vt Romam eat, vt iam diximus. Accedit ad huius sententiæ confirmationem quod in l. Sabinus. ff. de contrah. emt. scriptum est, sic locationem videri, si aream darem vt insulam ædificares; quoniam tunc à me substantia proficiatur. Ex quo colligitur, vbi substantia rei non proficiatur ab eo, qui dat pecuniam, vt in ea labor locationis ponatur, locationem non contrahi. At quo locationis

nomen abhorre non videtur. Sic enim dicitur locare à loco, vt nisi recepta, in qua tanquam constituto in loco operam suam locet & conductori impendat, non sit locatio.

Cum facio, vt des, quod contractus genus.

CAP. V.

SUMMARI V M.

- 1 Societatem contrahi, cum do tibi equum, aut pecus pascendum, vt si post certos annos vanisset, pretium inter nos communicaretur.

IN illa specie, cum facio, vt des, nihil dicit Paulus quādo locatio contrahi intelligatur; quia hoc ex superiore satis intelligitur. Nam si cum do decem, vt insulam mihi ædifices, à me conductio est: necesse est te, qui ædificas, vt tibi dem ea decem, locatorem videri, de quo paulo post plura. Interdum tibi in hac specie societas contrahitur: vt si dem tibi pecus pascendum, aut equum nutriendum, vt si post certos annos vanisset, pretium inter nos communicaretur. hic trado re, vt pretij partem mihi des. In eo placuit esse societatem, *l. si tibi rem. §. i. eo.* Nisi quis dicat videri me tibi dare pecus, aut equum, cum permitto tibi vendere, quod non ita est. nominatim enim in d. l. si tibi rem. §. i. scriptum est hic dominum manere, qui prius fuerat.

Cum facio, vt facias, nullum hic certum genus contractus existere, ad *L. naturalis. §. sed si facio.*

CAP. VI.

IN ea specie, cum facio, vt facias, de qua in §. sed si facio. ostendit, si mutuum mandatum sit, non contrahi negotium, quod in proprium nomen contractus transeat. Nos generaliter definimus nunquam in hac specie id negotium contrahi quod certo nomine appelletur. Aut enim mutuum mandatum est, vt si pacti simus, vt tu in meo, ego in tuo solo ædifices: quo exemplo Paulus vtitur in d. §. sed si facio. aut mutuum commodatum, vt si placuerit inter nos, vt ego tibi meum bouem in denos dies, tu tuum mihi comodares: quæ species est *l. si gratuitam. §. si cum vnum. eo.* Si mutuum mandatum est, neutri est mandatum; quia non est gratuitum. *l. si tibi rem. §. i. eo.* si mutuum commodatum est, probandum est eadem ratione neutri esse commodatum. *d. l. si gratuitum. §. si cum vnum. eo.* Neque vero mutua facta in alias species cadere videntur.

Quod ob causam datum sit, causa non secuta reuocari posse conditione: & hoc quicumque casus accipienti obstiterit, quominus causa sequeretur.

CAP. VII.

SUMMARI V M.

- 1 L. naturalis in principio. illic. Sed si scyphos. explicatur.

ATq; hoc ius est de his quatuor generib. negotiorum, cum res in aliud nomen contractus transit. Quod si negotium manebit in suo nomine, & nulla hic alia obligatio contrahetur, quam ob re dati re non secuta: ius in vtramq; partem commutatur, siue de eo, quod datum, aut factum est, reuocando agetur: siue de eo consequendo, quod ex conuentione vice mutua dari, aut fieri debuit. Ac de eo, quod datum factumue est, reuocando prius dicemus. In quo genere alia facti ratio est. Neque enim vt fundum quæ tibi dedi, vt mihi Stichum dares. repetere natura possum, cū exiter: sic cum seruum manumisi, aut quid aliud feci, vt dares faceres, ego mutare factum possum, & efficere, vt res in suum locum restituatur, id est, factum infectum reddere. Proinde & hæc nobis ordine distinguenda sunt. Ergo si dedi tibi quid, vt aut vicissim dares, aut vicissim quid faceres, & de re, quæ data est, queritur, certi iuris est, si hanc recipere velim, posse me datum repetere quasi ob rem datum re non secuta, constituta in eam rem propria conditione nimirum ob causam dati causa non secuta. neq; in eo refert, vtum dederim, vt des, vt in permutacione: an dederim, vt facias, veluti vt Stichum manumittas. Hæc Paulus in d. l. naturalis. in pr. §. at cum do. & §. quod si tale. Quæ in quæstione cum res ad conditionem ob causam dati pertineat, nempe eo reuocanda est, & ex eius præceptis & ratione explicanda.

Illud notandum est, si causa non secuta esse dati conditionem, vt ad facultatem repetendi nihil intersit, vtrum ideo non des id, quod te dare oportuit; quia nolis: an vero quia non possis: & quominus possis, vtrū casu, an culpa impedire. Vt puta, si tibi scyphos

dedit, ut mihi Stichum daret, etiam mortuo sine culpa tua Stichus, scyphos a te condicere poterit auctore Celsus in l. vii. supra. de cond. caus. dat. Et recte dedit enim ob causam: quæ si secuta non est, conditioni locus factus est; quia conditio eius existit. & quamvis casus in re tua incidat, tamen si aduerit nocere debet, æquius est eum domino nocere, quam mihi. l. pignus. C. de pig. act.

1 Non aduerfatur huic sententiæ, quod Paulus scribit in hac specie Stichum, quem paratus es te daturum, periculo meo esse, qui scyphos dedit. d. l. naturalis. in princ. vers. sed si scyphos. Est enim periculo meo eo sensu, quo res debite dicuntur periculo esse creditoris. hoc autem periculum creditoris in rebus debitis peremptis intelligitur, ut debitor in his liberetur, nec illæ scilicet iam amplius ab eo peti possint. l. si ex legati causa. ff. de verb. obl. l. quod te. ff. si cert. pet. Ceterum si qua alia petitio fuit creditori, ea non tollitur. proinde non eo minus, quod dedit, condicere poterit: utpote ob causam datum, quæ causa secuta non fuerit. hæc enim alia obligatio & actio est, ut dixi. Nec quisquam mihi dicat hoc modo fieri, ut hic nihil mihi pereat, si quod dedit, recipiam. Satis enim perit. quod Stichi æstimationem petere non possum, si is forte duplo plus fuerit, quam quod dedit, & tamen eo, quod dedit, iubeat esse contentus.

De reuocatione facti, cum Facio, ut des, aut facio, ut facias, in iis contractibus, qui in aliud nomen non transeunt, ad L. naturalis. in extremo.

CAP. VIII.

SUMMARIUM.

- 1 Cum feci, ut daret, aut faceret, causa non secuta agi posse in id quod nostra interest, id factum esse.
- 2 Facti reuocandi causa actione esse de dolo: & qua conditione. & n. 3. L. cum proponas. C. de dolo exposita ibid.
- 3 Datum sit quid ob causam, an factum, quid intersit in iure eius reuocandi, cum causa secuta non est.
- 4 Facti reuocandi causa actionem esse intra duos annos de dolo: post id tempus in factum. Decerni actionem de dolo quam recte dicatur. ibid.
- 5 Facti reuocandi causa esse conditionem ob causam, cum debitori meo acceptum tuli, ut quid daret, aut faceret: & cur in hac specie.

Alia, ut dixi, facti conditio est. Nam aut in eo præter factum mihi nihil abest, ut cum pinxi tabulæ, cum infulam ædificauit, in tuo, cum seruum faræ tibi indicauit: & hic nihil est, quod reuocetur, auolauit enim statim opera, & indicium, ut nihil iam maneat, quod possit vel reuocari, vel mutari: aut eo facto abest aliquid, ut cum Stichum manumisi, ut daret, cum Titium liberaui tuo nomine, ut me quoque liberares, & hic plerumque ea res abest, quæ iam plane esse desierit, nec possit reuocari: ut, seruo manumisso abest seruitus, quæ reuocari nullo modo potest plerumque ita abest, ut ad eum, cum pacti sumus, non peruenerit, ut ne sic quidem ab eo repeti possit, ad quem non est profecta. Itaque sane de his conditionibus ob causam non competit.

1 Sed si nihilominus & de eo retractando vi ipsa agi potest, si quid forte eo facto nobis aberit, quod plus sit, quàm quod nobis vice mutua promissum est: non ut ipsum, quod non dedimus, condicatur: sed ut in id agamus, quod nostra interest, id factum non esse, quod fecimus. ut, si manumisi Stichum, ut Paphilum manumittas, prius quam manumiseris, possum tecum agere quanti interest mea seruum habere, quem manumisi, ut Paulus scribit in d. l. naturalis. §. vlt. Quod si id tum fieri potest, quum manumisi, ut alium manumittas: etiam tum eodem modo agere licebit, cum manumisi Stichum, ut mihi decem daret, id est, non solum cum feci, ut faceres, sed etiam cum feci, ut daret; quia utrobique idem factum est, & tu non dando, aut faciendo pariter fidem non præstas. Sed de actione Paulus nihil exprimit.

2 Verum si erit in eam rem de dolo actio, ut declaratur in l. cum proponas. Cod. de dolo. Manumisi ancillam meam, quæ apud te in contubernio erat, ut mihi Paphilum daret. Paphilum non das quærebam de ancilla, an eam in seruitutem reuocare possem. Rescriptum est, reuocandæ libertatis potestatem me non habere, sed solum desiderare posse de dolo mihi decerni actionem nempe ad reuocandam ancillam, ut Bartol. recte accepit, & nos postea pluribus ostendemus. Recte vero de dolo in hanc speciem, ubi videlicet nulla est alia iuris ciuilis actio. Deest enim conditio, quæ de iis, quæ data non sunt, ac præsertim quæ in commercijs esse desierunt, nulla est. Atque esse in hac specie de dolo actionem in id, quod mea interest, ancil-

lam non manumissam, ubi libertas reuocari non potest, licet intelligere ex l. verum in princ. ff. de minor. ubi & minori, qui deceptus ancillam manumiserit, quia ancillam in seruitutem reuocare non potest, ideo datur de dolo actio, & datur in id, quod eius interest ancillam non manumissam.

Sed si cum hanc actionem in his dari dicimus, hoc ipsum primum nos admonet, eum, qui Paphilum ex cōuentione non manumisit, sic teneri ea actione in id, quod mea interest ancillam à me non manumissam, si per eum steterit, quominus Paphilum manumittat. ceterum si paratus sit eum manumittere, aut etiã Paphilum sine dolo malo eius perierit, hac actione non tenetur. Non enim dolo facit, qui paratus est viuere manumittere, aut eum, qui non est, aut quæ in potestate non habet, manumittere non potest. In quo quid datum à facto etiã in hac tractatione differat, potest animaduerti. Nam conditio ad datum repetendum datur, etiam si aduersarius dare, aut facere paratus sit, quod promissit, tantum ut dantem pœniteat. l. 5 ff. de cond. caus. dat. non item datur de dolo actio in id, quod facientis interest, si per aduersarium non steterit, quominus quod conuenit, impleat.

1 Iam si quoniam de dolo actio hic datur, consequens est intra constitutum tempus dari, ut est comprehensum d. l. cum proponas. C. de dol. Id tempus olim annus utilis fuit, nunc biennium continuum ex constitutione Constantini, l. vlt. C. de dol. Recte vero eodem rescripto dicitur decerni hæc actio, quæ datur causa cognita. l. 1 ff. de dol. nam decernere dicitur magistratus, cum aliquod causa cognita tribuit. l. 3. §. si causis. ff. de bon. pos. Quod post biennium, nulla ne erit actio? imo erit utilis, seu in factum in id ipsum, mea interest, ut scriptum est in d. l. verum. de minor. Neque enim hic actio pœnalis est, ut quis dicat eam post annum non competere: cum detur de eo, & quod nobis abest, & quod in re aduersarii versum videtur, cum ex voluntate eius factum sit, arg. l. 3. §. nec non illud. ff. de in rem vers. Sane si accidit interdum, ut quis quid prima ratione videatur fecisse, vi autem ipsa eo facto aliquid in aduersarium contulerit, itaque ei dederit, ut sit, cum creditor debitorem suum liberat acceptum ei ferendo ea lege, ut debitor vicissim quid det, aut faciat sic enim creditor liberationem rem incorporalem confert in debitorem. Proinde mirum videri non debet, si eius liberationis nomine conditio datur. l. 4. ff. de cond. caus. dat.

De eo, quod conuenit, ut daretur, aut fieret, an sit, & quæ sit actio in quatuor generibus contractuum propositis, cum res in aliud nomen contractus non transit. ac primum de his tribus, cum do, ut des; do, ut facias; facio, ut facias.

CAP. IX.

SUMMARIUM.

- 1 Furti actionem & conditionem furtiuam esse, non actionem prescriptis verbis, ut fiat quod conuenit, cum dedit tibi rem meam inspicendam, explorandam, ut postea reposcendi reddas. L. Si gratuitam, §. Papinianus. ff. de præf. ver. explicatur. ibid.
- 2 Prescriptis verbis actionem ex contractu incerto esse, ut præstetur id, de quo conuenit, si maleficium aberit. atque hanc solam, excepto precario, cuius nomine & hæc actio est, & interdictum de precario.
- 3 Prescriptis verbis actio ubi erit, ibi actioni de dolo locum nunquam esse.
- 4 L. permisi. D. de præf. ver. exposita.

Hæc de eo, quod datum, aut factum est, reuocando dicta sunt. De eo, quod pacti sumus inter nos, ut daret, aut faceres, si forte id petere malim, videamus. In quo natura prima est questio, an sit actio ex eo genere conventionum. Sed esse constat, de quo satis diximus l. leg. C. de pactis. Hoc constituto secunda questio introducit, quænam hic actio competat certane & vulgaris, an prescriptis verbis incerta, an de dolo. Et interdum certa dabitur. quod si sit, cessabit prescriptis verbis. Quid ergo, ex contractu incerto certa actio esse potest, dixerit aliquis? Minime: sed potest in eam rem, quæ ex conventionione præstari debet, maleficium incidere, quod de eadem re nobis certam actionem subministrat. quæ cum exstiterit, ita dabitur, ut non sit alij actioni locus.

Maleficium si quod dico, non in quouis genere contractuum ex superioribus incidere potest: sed in eo solum, cum facio, ut facias: neque id in quouis specie eius generis, sed tunc solum, cum rem meam

meam tibi trado, puta vtendam, inspiciendam, explorandam, vt postea reposcenti reddas. Hic. n. euenit, vt si recte reposcenti non reddas, & res apud te sit, tu eius rei furtum facias. quo sit, vt & tecum furti agere possim, & rem condicere à re, & de ea ad exhibendum agere: idque ita scriptum est in *l. si gratuitam. §. Papinianus. hoc tit.* Sed ibidem additum est de Papiniani sententia, ita me in proposito superioribus actionibus experiri posse, si nihil queat rem esse apud te: non quod si ignorem: eo minus re ipsa furtum facias: sed quia frustra furti agam, si ignorem, vt rem apud te sit, atq; ita eam contrectes, vbi neq; de contrectatione tua, id est, furto affirmare possim, neq; id probare. Interim hoc constat, cū liquebit re apud te esse, hic mihi de re, quam ex conuentione reddere debeas, certam & vulgarem actionem esse propositam conditionem furti, quæ in hanc speciem certo incidens etiam præscriptis verbis actionem excludit: ad quã solum tunc confugere possimus, cū deficient vulgaria nomina & vsitata actionum. *l. 1. & l. 2. eo. Id vero ipsum est, quod in d. l. si gratuitam. §. Papinianus.* scribitur, ita demum mihi præscriptis verbis actionem in proposito competere, si ignorem, vbi sit res, quã mihi nõ reddas. Iam enim effectum est hoc casu furti agi non posse. Sed hæc, in quã, certa actio ad petendum id, q̄ conuentione præstari debuit, ex maleficio est, quod in re, quæ restituenda erat, cadit. Quod ¶ si nullum maleficio in eam rem incidens nullam extrinsecus certam actionem dabit, hic certum est, ex contractu incerto actionem certam & vulgarem esse non posse: cum vnaquæq; ex ipso contractu nomẽ habeat. *l. 3. & l. 4. eo.* Quæ igitur hic erit actio? Et generaliter definitum est in *l. 2. & l. 3. eod.* esse præscriptis verbis. Sic. n. verba sunt: nam cum deficient vulgaria atque vsitata actionum nomina præscriptis verbis agendum est: ad quam necesse est confugere, quous contractus existunt, quorum appellationes nulla iure ciuili prodita sunt. Sed an ita est in his generibus contractuum actio præscriptis verbis, vt sit sola: an vero etiam hac admittit alij remedio locus esse potest? Et interdum de eadem re non actio, sed interdictum locum habet. quod tamen in vna specie precarij receptum video quo sic interdictum propositum est, vt possit etiam eo nomine agi præscriptis verbis. *l. 1. §. 1. l. duo. §. vlti. infra. de prec.* Ceterum neque alibi interdictum, neque in vno genere omnino alia actio cum actione præscriptis verbis concurrere potest. ita fit, vt hæc sic in his generibus competat, vt precario excepto sit sola. Illud ¶ quidem certe extra controuersiam esse debet, vbi actionem præscriptis verbis dari statuerimus: sibi actioni de dolo locum esse non posse: vt quæ ex edicto nominatim tantum detur hac conditione, si de his reb. alia actio non erit. *l. 1. sup. de dolo.* Ac de tribus generibus minus dubitatur, cum do, vt des, cum do, vt facias, cum facio, vt facias. nam in vnoquoq; horũ nominatim præscriptis verbis actionem dar Paulus in dicta leg. naturalis. in princ. §. ac cum do. §. quod si tale. & §. sed si facio. Quo admissio etfi de actione de dolo nihil adiciat tantum illo edicto posito, quod dixi sua sponte satis intelligitur hanc nõ competere. Quominus tamen de his ipsis trib. generib. dubitetur, aut etiam ne istorum desiderentur exempla, ipsa capita alia, quæ tam multa sub hoc titulo legantur, exempla & fidem huius sententiæ subministrabunt, quæ nũc breuiter indicabo. Ergo primi generis exempla hæc sunt: Do seruum estimatum, vt mihi eum reddas. si de crimine, cuius eum insimulabas, non cõpereris. *l. si dominus. 8. Vẽditum fundum tibi trado, vt si velim, eodem pretio mihi transcribas. l. si vir. 12. Do tibi rem vendendam æstimatam, vt rem, aut pretium reddas. l. si gratuitam. 17. §. 1. Dedi tibi aream, vt insula in ea ædificata eius insulæ partem mihi redderes. Dedi puerum, vt eo vendito pretium inter nos communicetur. l. si tibi reus. 13. §. Iulian. Ad secundum genus hæc pertinent: Do insulam, vt mihi aliam ædifices. *l. insulam. 6.* Do decem, vt Stichum manumittas. *l. si tibi decem. 7.* Accepto te liberaui, vt nomẽ Titij mihi delegares. *l. ob eam causam. 9.* Tertij generis hæc sunt exempla: Permihi tibi cretã eximere, vt eum locum, vnde exemisses, repleres. *l. permisi. 16.* Concedo tibi inhabitare aedes meas, vt cū mihi visum erit, reddas. *l. si gratuitam. 17. in pr.* Do rem inspiciendam, vt reddas. *d. l. si gratuitam. §. Papinianus. & §. si cum mihi. l. duo. 23.* Commodum tibi bouem, vt mihi alternis tuum commodas. *d. l. si gratuitam. §. si cum vnum.* Certo cum aduersario, & vinco, vt mihi annulos spõsionis causa ab illo apud te depositos ex spõsione mihi victori restituas. *dicta leg. si gratuitam. §. vlt.* Prædium pro te obligauit, vt mihi fideiussores præstares, *leg. rogasti. 19. §. vlt.* Reliqui argentum apud te, vt si dupliciisset, redderes. *l. apud. 20. §. vlt.* In quib. omnibus reperimus supra scriptis in locis præscriptis verbis, seu quod idem est, in factum actionem ciuilem dari. Sed num etiam de dolo dabitur? Et iam*

dixi prohibere edictum de dolo, quo ita comparata est de dolo actio, si de his reb. alia actio non erit. In quo tamen nos impediunt *l. cum proponas. C. de dol. & l. permisi. §. vlt. hoc. tit.* nam in priorẽ responderetur eum, qui ancillã suam dedit, vt Pamphilum acciperet, nullã aliam actionem habere quã de dolo. In posteriore proponitur aliquis permisisse mihi, vt sererem in fundo suo, & fructus tollerẽ: cum tenuissem; non pati me fructus tollere. responderetur in hanc rem nullam iuris ciuilis actionem esse: at esse de dolo. Sed in *l. cum proponas,* de reuocanda solũ ancilla, quæ data erat, agitur. cuius rei nomine recte dicitur solam actionem de dolo competere: cū alia deficiat, vt paulo post, cum de quarto genere agemus, plurib. demõstrabimus. In ¶ *l. permisi.* nullum negotium ciuile gestum est inter nos, cum permisisse mihi, vt sererem in fundo tuo, & fructus tollerẽ. apparet enim hic nihil me fecisse, vt vicissim mihi dares quid, aut faceres: sed solum me tenuisse, vt mihi ipse consulerẽ. Quod si actio præscriptis verbis solum ex contractibus est, *l. 3. eod.* consequens est, eam ex hoc facto competere mihi aduersus te non posse. Restat igitur, vt sit de dolo, ne impune me deceperis.

Cum facio, vt des, neque locatio contrahitur, vnam hic quoque esse actionem præscriptis verbis, vt & in supra scriptis generibus: & quibus locis iuris id confirmetur. *Ad §. quod si faciam. l. naturalis.*

C A P. X.

Ergo, vt dixi, de tribus illis generib. minor est dubitatio, cum do, vt des: do, vt facias: facio, vt facias. De quarto genere, cum facio, vt des, nihilo magis dubitauerimus, quam de superiorib. si nõ tantum quid superioribus locis generaliter definiatur, spectaremus: sed etiã quid de hac specie nominatim ab alijs iuris auctoribus traditum sit, & q̄ ad rem maxime pertinet, quam sit eadem ratio in hac specie, quæ aut in superioribus generib. hanc actionem denegare, aut illa admittit in hoc quoq; genere admittere debeat. Sed Paulus nobis dubitationem attulit: cuius in *l. naturalis. §. quod si faciam.* de eo ipso genere hæc verba sunt: *Quod si faciam, vt des, & postea quam feci, cessas dare, nulla erit ciuili actio: & ideo de dolo dabitur.* Id quod si de eo dictum intelligimus, cum de re promissa agitur, vt omnes ante nos magno consensu facere animaduerto: incurrat ea sententia in eas difficultates, quas nulli ad huc iudicio meo expedire potuerunt. nec mirum, cum omnibus de hac re scriptis locis, & rationibus prope exploratis hæc sententia velut irretita teneatur. Ego autem, quod bona venia doctorum hominum, qui de hac re scripserunt, facere liceat, sic statuo, audentius fortassis, vere tamen, etiam in hoc genere, cum facio, vt des, & postea quam feci, cessas dare, siquidem de eo, quod dare debuisti, agatur, esse mihi aduersus te eo nomine præscriptis verbis actionem: idq; non tantum, si dolo tuus nullas arguatur, sed etiam si arguatur: addo sic esse in ea causa actionem præscriptis verbis, vt non sit de dolo. In quo quoniam obstant nobis Pauli verba, & me in his explicandis ab alijs omnibus etiam doctissimis interpretibus dissentire intelligo, putauit de eo mihi paulo pluribus & diligentius esse differendum. Ac primum illud doceamus, esse in hac specie aduersus eum, qui non det, actionem præscriptis verbis. Sunt vero in hanc sententiam tam multi, & hi diserte scripti loci, tã multæ, neque hæc dubie, aut obscure rationes, vt his obiectis quid ceteris in hac quæstione accidat, n. sciam: me quidem, cum illa expendi diligentius, pudeat, & valde quidem pudeat contra sentire. Et in locis huc pertinentib. non minimam vim habere debet illa definitio non infinite, sed vniuersali particula addita concepta, quæ legitur in *leg. 3. Dig. eod.* cum ita definitur, *ad præscriptis verbis actionem confugere necesse esse, quoties contractus existunt, quorum appellationes nulla iure ciuili prodita sunt.* Dixit Iulianus, quoties contractus existunt, ergo & tunc, cum facio, vt des. nam & hic existit contractus, cuius iure ciuili nullum est proditum nomen. Sed quia nihil aperte & nominatim de eo, quod quærimus, dicitur, eam definitionem omittamus: eos locos, qui de specie ipsa scripti sunt, consideremus. Ac præcipui loci, quibus de hac specie superior sententia statuitur, vel potius pene diserte expressa est, iunt tres *lex, iurif. genium. §. 1. supra. de pact. lex solent. lex si tibi polienda. hoc titulo.* ex quibus quia duo priores, quamquam dilucide scripti vocantur à nonnullis in quæstionem, melius erit, ne qua dubitatio relinquatur, eorum sententiam paucis expendere.

In specie proposita in *l. iurifgentium. in prin. illic, & pu-
to. ff. de pact.* esse id negotium, cum facio, vt des,
non cum do, vt facias.

C A P. XI.

S Y M M A R I A.

- 1 Valde errare eos, qui in specie tractata *l. iurifgentium. in pr. illic, & puto, putant proponi negotium do, vt facias: cum perspicue id sit, in quo facio, vt des, cuius nomine ei, qui fecit, datur præscriptis verbis actio.*
- 2 Contractus *Do, vt facias, aut facio, vt des, absurdum esse a dici ex conuentione sola præcedente dandi, aut faciendi.*
- 3 Contractus *Do, vt facias, facio, vt des, ex implemento, id est, ex eo, quod vere datur, aut fit, non ex conuentione esse existimandos.*

In *leg. iurifgentium. in pr.* proponitur hæc species. Dedi tibi Stichum, vt Pamphilum manumitteres. manumifisti. Stichus, quem tradi iteram, euictus est. vnde apparuit eum datum nõ fuisse. non enim datur, cuius dominium nõ transfertur. §. *si itaq. Inst. de ac.* non fuisse autẽ translatum ex eo planum factum est, quod fit ab alio euictus, qui dominus esset. itaq; petis, vt Stichum tibi dem, quẽ tibi ex conuentione dare debet vt Pamphilum manumitteres: & de actione quã sitũ est. Diserte illic scriptum est, esse tibi in hanc rem ciuile actionem, & eam præscriptis verbis. At qui nihil aliud hic reperietur, quam munumifisse te Pamphilum, id est, fecisse, vt Stichum darem. Immo, ¶ inquit Accursius, hic est, do, vt facias, sic enim appellat negotium illud, cum do, vt facias. In quo ego, ne quid dicam grauius, Accursii, & veterum illorum, quorum ille in hac re sententiam secutus est, sæpe iudicium requiro. Nam, vt verum quod est, dicere liceat, quis non videt hæc verba, do, vt facias, mihi in hac specie conuenire non posse? quomodo enim ego dici possum dare, vt facias: cum constet me hic neque dare quidquam, neque dedisse? Ergo profecto in hac re non recondita aliqua ratione, sed sensu communi Accursius refellit. Quid si neuter nostrum dedit alteri? potestne alteruter ita dicere? ego dedi, vt facias? at qui neutrum dedisse perspicuum est. nam tu quidem manumifisti Pamphilum, non dedisti quidquam: ego Stichum tibi tradidi: sed tradidi dumtaxat, non dedi. non enim dominium transfali, cum dederim alienum, & eum, qui postea sit euictus. Absit igitur, vt hic quisquam dicat esse contractum, vt ille loquitur, do, vt facias vbi neutri datum quidquam proponatur. Sed quid verbis opus est? an non certum est te fecisse, id est, manumifisse? cur manumittebas: an non, vt Pamphilum, qui tibi à me traditus est, haberes, id est, vt traderem cum re, id est, darem? Quisquamne igitur negare possit fecisse te, vt darem: non me dedisse, vt tu faceres? Immo, ¶ inquit ille, est, do, vt facias (liceat enim mihi ita nunc cum illo loqui) quia conuenit, vt prius darem, etsi tu faciendo anteuersisti. hi autem contractus ex eo, quod initio conuenit, non ex eo, quod secutum est, sunt appellati, vt si conuenit, vt darem, tu faceres, sit id, quod appellat, do, vt facias, quamuis tu prior feceris, vt hic: sit contra conuenit, vt ego manumitterem, tu dares, sit id, quod vocat facio, vt des, etsi tu prior mihi dederis. Iam mallem prius illud sine vlla ratione pro sua auctoritate sibi credi Accursius voluisset, quam ad id probandum tam absurda ratione vteretur. Quid enim, quæso, absurdus, quam dicere hoc negotium, do, vt manumittas, ex eo, quod non est, esse appellatum? at qui hoc dicitur, qui ex conuentione de dando hæc negotia dicta esse volunt. Nam profecto cum pacificum solum; vt dem tibi Stichum, vt Pamphilum manumittas, in hac conuentione non est id, quod dicitur, do. reuera enim nihil do neque dedi, & quod præcipue animaduertendum est, nec dare volo. alioqui non nunc mecum ageretur, vt darem. Quomodo igitur ex conuentione dicatur hoc negotium, cum id vnde negotium dicitur, non sit in conuentione? Si conuenisset, vt Stichum manumitterem, tu Pamphilum dares, nemo ferret, si dicerem esse negotium, do, vt facias: aut si conuenisset, vt ego facerem, vt tu faceres, nemo nõ rideret. si dicerem esse do, vt des: scilicet quia nõ esset in re, & conuentione, q; his verbis expremo. Quis potius igitur me ferat, cum conuenit, vt de postea, vt tu facias, vbi constat me plane nihil dare, si ego id factum dicã esse do, vt facias? Nisi forte, quia conuentione id agitur, ideo ego dicendus sum dare. At hoc multo dictu est absurdum. quasi vero ideo dem; quia conuenit, vt darem: aut quasi hæc eadẽ sint, dabo, vt facias, & do, vt facias. At qui apparet, quantumuis conuenit, vt darem, me tamen nõ dedisse neq; nunc ob alia causam mecum agitur, quã quia

non dedi sed cur laboramus? hoc ipso, quod conuenit, vt dem, natura ipsa intelligitur me non dare. Sunt enim hæc duo, dabo & do, ita non diuersa tantum, sed etiam contraria, vt sint ex genere eorum, quæ aientia & negantia appellantur. Qui dat, iam nunc re repræsentat, & in posterum negat se daturum, quia iam impleuit, quod debuit, qui se dicit daturum, is dicit se nunc non dare, at postea daturum esse. hæc qui eadẽ esse putat, fateatur se hoc dicere, aientia & negantia esse eadem. Vt ¶ paucis rem omnem definiã, hæc negotia, do, vt des, do, vt facias, & reliqua similia, dicta sunt ex eo q; est, non ex eo, quod nõ est. cum autem conuenit, vt dem Stichum, vt Pamphilum manumittas, in conuentione non do, vt manumittas: sed tunc solum, cum impleo re, quod verbis promisi. Nõ sunt igitur hæc verba conuentionis, sed implementi: & quod idẽ est, non sunt hæc verba, seu negotia ex conuentione, sed ex implemento æstimanda. Hoc neq; verius quidquam, neq; certius. Itaque sententia Accursii omnib; cordatis interpretibus merito semper displicuit: Bartolo in primis, qui ad hoc veterum commẽtum refellendum rationes (si quis forte plures desideret) non ineptas multas attulit. *ad l. naturalis. §. sed si facio, vt profecto, qui hac etiam ætate eadẽ sententiã renouant, hi, vt dicam leuissime, magnã mihi existimationi (uã iniuriam facere videantur. Est igitur, vt ad id, quod probare institui, redeam, in superiore specie id negotij genus, cum fecisti, vt darem neq; do. iam vero in eo genere diserte scribit Vlpianus, esse præscriptis verbis actionem, neque id de functorie, & velut obiter, sed ex professo, idque de veterum sententia, reprehensio etiam nominatim in ea re Iuliano, qui diuersum sentiret, & vt intelligeremus in hoc exemplo consistendum non esse; addita est præterea nominatim ratio, quæ ad omnes contractus, in quibus facio, vt des, vel quod idem est, facit, vt dem, sine vlla dubitatione pertineret. Quare ex eo loco, quid illi in hac specie placeat, tenendum esse de actione præscriptis verbis, dubitari non debet.*

In *l. solent. xv. D. de presc. verb.* proponi id negotium, in quo facio, vt des, & tamen si non des dari mihi præscriptis verbis actionem, quamuis dolo facias, ne des.

C A P V T XII.

S Y M M A R I V M.

- 1 Nisi quis dicat, verba esse Latinis, vt plurimum non excipienis sed repudians, quod subicitur.

In specie *l. solent. hoc tit.* nemo negat proponi id negotium, de quo querimus, cum facio, vt des. Indicaui enim tibi seruũ tuum furem, vt mihi decem dares & ne Accursius exemplum repudiet, quasi ab initio ita conuenit, vt tu prius dares, ego indicare, vt sic fiat illud, quod appellat ex conuentione, do, vt facias: nominatim ita rem proponit Vlpianus, vt pactio intercesserit ob iudiciũ, & hoc qui sit, interpretatur. hoc est, inquit, vt si indicassem apprehensũ, esset fugitiuus, tum certum aliquid daretur: vt vel ipso iudice Accursio fatẽdum sit, siue, ex conuentione, siue ex implemento res æstimeretur, esse id negotium, quod vocat, facio, vt des. Quid autem Vlpianus in hac specie, quã dat actionem? & hic illius verba sunt, *habere hanc conuentionem in se negotium aliquod. ergo ciuilem oriri posse, id est, præscriptis verbis.* In quo plane dixit, quod querimus, & ita dixit, vt adiuncta etiam ratione confirmaret, ne forte de eo dubitarem. Sed enim Vlpianus subijcit continenter hæc verba, *nisi quis & in hac specie de dolo actionẽ competere dicat, vbi dolus aliquis arguatur.* Quibus verbis existimet fortasse aliquis Vlpianũ mutare, quod prius dixerat. Sed tantum abest, vt mutent hæc verba priorem sententiã, vt statuant & confirmet potius. Iam ¶ primum non sunt hæc verba, ne quis erret, excipientis, aut approbantis, quod ab alijs ita dici possit, vt subijcitur: sed repudiantis potius, seu indicantis neminem id esse dicturum; quia ineptum sit, & minime recipiẽdum, quasi dolo tuo rem oro præscriptis verbis actio mihi aduersus te dari debeat: tuo autem tuo interueniente, vbi idẽ factum tuum sit eadẽ actio dari non debeat. Scio hæc verba, *nisi quis dicat, nisi quis dubitet.* interdũ habere correctionem præcedentium: sed hoc tunc fieri obseruabimus, cum is, qui scribit, & his verbis vtitur, nominatim adscribit se hanc correctionem probare, vt fit in *l. si mihi pure. 59. ff. de leg. 2.* At vbi nihil tale adscriptũ est, animaduerti veteres his verbis vti solitos, cum sententiam alienam recitant, quã tamen vel improbant, vel etiam cõtemnendam putent: ad quam ideo non respõdeant

deant pluribus; quia non existiment magna refutatione indigere. Notæ sunt illæ formulæ orationis Ciceroni familiares, nisi forte quis dicat, nisi vero quis putet: quibus nunquam ferè ille videtur, nisi eum id, quod subijcit, significare vult aut neminè esse dicturum, aut nò esse tale, quod nos mouere debeat. Sed ne quis cauiletur nos ista ad normam loquendi Ciceronis imponi tane exigere, nostrorum testimonij, atq; adeo eiusdè auctoris Vlpiani, de cuius verbis nunc agitur contentus ero. Isto vero sensu, què dixi, his verbis duob. in locis ille ita vsus est, vt nemo lectis locis possit dubitare, l. 2. §. tractari; illic, nisi forte quis putet. ff. ad senat. Tert. l. & eleganter. §. seruus pactionis. illic, nisi forte q. ff. de dol. Aliter nostri aliquando, sed rarius, vt in l. Luc. 31. in ff. de adm. tut. l. 2. §. si quid in loco. ff. ne quid in loc. pub. Quæ vt ita non esse quis concedat; tamen vide, quã nihil superiorum verborum vili interpretatio nos de priorè sententia Vlpiani dimouere debeat. In illis verbis postremis, nisi quis in hac specie, inest, inquis exceptio & correctio præcedentis sententiæ. Sit sane ita: attamen, quod ex verbis apparet, hæctenus exceptio est, vt mihi, qui indicaui tibi furem, tunc solù detur de dolo actio aduersus te, si aliquis tuus dolus arguatur. Ita auctore Vlpiano relinquatur actio præscriptis verbis, si nullus tuus dolus arguatur, quod nunc nobis concedi satis est, vt efficiatur etiam tunc hanc actionem dari, cum dolus aliquis tuus arguetur, quod cum venerimus ad eum locum, in quo de eo agemus, qui dolum adhibuit, pluribus ostendemus.

In l. si tibi polenda XXII. D. de præscr. ver. agi id negotium, in quo & conuentione & implemento prius facio, vt des, hic tamen dari mihi aduersus te omnimodo actionem præscriptis verbis.

CAPVT XIII.

Sed vt de superiorib. duob. locis queat dubitari: attamen in l. si tibi polenda hoc tit. est omnino ea species, atq; id responsum, quod omnem tergiversationem præcidat. Dedi tibi vestimenta sarcienda, aut polienda, vt cum sarcissis, aut poliuisis, ego tibi tantum darem quantum inter nos postea statutum esset: fecisti quod conuenerat, neq; do quidquam, aut do quidem, sed non æquum. Placet in eam rem esse tibi a iuribus me actionem præscriptis verbis. Atqui non solum tu fecisti prior, vt darem, atq; ita prior implesti id, de quo conuenerat: sed etiam in ipsa conuentione, quæ de toto negotio futuro antecessit, id actum est, vt prior faceres, deinde ego darem: vt siue implementum spectes, siue conuentionem de faciendo, omnia hæc spectent, vt negotium à faciendo cœperit, vt sic deinde ego tibi darem. Et ne cum Bartolo hic mihi quis dicat, ideo cum facio, vt des, esse de dolo actionem; quia aut facienti mihi nihil abest, aut in dantem nihil transferatur: obseruetur eiusmodi esse superiorè speciem, qua tota hæc distinctio euidenter resellatur. Nam & tibi sarcienti, aut polienci abest opera, quam alijs in rebus, & alijs hominibus locare potuisses, quo facto mercedem operæ esses consecutus: & præterea in me, cuius vestimenta sarcisti, aut poliuisisti fructum operæ confers, vt qui iam vestimenta sarta, & polita habere incipiam, quæ prius lacera erant, rupraue, aut rudia, & infesta.

Argumenta non dubia, quibus euincitur, actionem præscriptis verbis non minus competere, cum facio, vt des, quam in alijs tribus generibus.

CAPVT XIV.

SYMMARIA.

- 1 Negotium omne inter aliquos gestum, quod in aliud nomen non transit, parere actionem civilem præscriptis verbis.
- 2 Negotium geri inter aliquos dici in vsu iuris, non solum cum do, vt des, vel facias, sed etiam cum facio, vt des, vel facias.
- 3 Cum facio, vt des, negotium vt plurimum simile esse emtioni & venditioni, similiter vt cum do, vt des: ideo & in vtroque recte pariter admitti præscriptis verbis actionem.
- 4 Siue facio, vt des, siue do, vt facias, vtroque geri negotium idem, & id simile locationi: ideo vt in hoc sic illo pariter admittendam actionem præscriptis verbis.
- 5 Cum facio, vt des, & cum facio, vt facias, vnâ & eadem in vtroque negotio esse causam obligationis & actionis ideo cum in posteriore sit actio præscriptis verbis, necesse esse & in priore admitti.

Hi fere loci sunt, quibus maxime superior sententia demonstratur, vt si auctoritas statuentium quaeritur, nò sit de ea sententia dubitandum. Age, argumenta huius sententiæ non minus certa cognoscamus. Principio hoc pro certo statuerit veteres, quoties negotium inter aliquos gestum est, siue contractum id, quod Aristoteli συστάσις vocat, toties oriri inter consentientes iure ciuili actione, siquidem res in aliud nomen contractus transcat, certam: sicut aliter, ciuilem quidem, sed in factum, seu præscriptis verbis. Indicat hanc sententiam duob. locis Vlpianus, nimirum in d. l. solent. hoc tit. & l. iurispergentium in princ. ff. de pact. At si idem isdem illis locis huius generis negotium esse declarat, nò solum cum do aliquid certa lege, puta vt des quid vicissim, aut facias: sed etiam cum facio hac ipsa lege, vt des, vel facias: & nominatim id confirmat in hac specie, cum facio, vt des. Quid restat igitur, nisi vt ex hoc genere tanquam negotio ciuili gesto sit factum actio præscriptis verbis? Sed mittamus Vlpianum, ne quis forte causetur eum à nobis citari, à quo fortasse Paulus, de cuius sententia nunc quaeritur, in hac quaestione dissenferit. Ipso auctore Paulo vtamur. Et in ceteris omnib. generib. nominatim Paulum dedisse actionem præscriptis verbis constat. Id si sine ratione facit, & tantum eo dicit, quia eo iure vtamur, quanquam id in iure, ac præsertim in Iurisconsultorum non est: tamen si id ita est, fileamus, & vt sine ratione dicitur, ita & sine ratione constitutum, si liber, sequamur. Sin id non sine ratione dicitur, & ratio etiam, cur ab eo dicatur, certa est, necesse est, si par aut eadem ratio in hac specie reperitur, cum facio, vt des, idem ius in ea statui debere. Accur detur hæc actio in ea specie, cum do, vt des, ratio ab illo exposita est in l. naturalis. §. vlt. quia sit videlicet species similis emtioni, cui sane hæc species, cum facio, vt des, per omnia comparare non possumus, led quid refert, si cum facio, vt des, in eo negotio illa interueniunt, propter quæ ex superiore genere tanquam ex emtione & venditione hæc actio danda est? Cur si ergo cum do, vt des, negotium emtioni simile habetur? quia permutatio est, vbi vni res abest, quæ confert in alterum, vt vicissim re alia ab eo accipiat. At vt plurimum ita fit in hac specie, cum facio, vt des. Quid enim interest, vtrum de ancillam, an eam, quæ apud te in cõtubertino est, maumitram, vt mihi Pamphilum des? Cum dedi ancillam, in te confero aliquid: & cum manumisi eam, quæ in cõtubertino tuo erat, hoc confero, vt liberam apud te habeas, & vt apud te eam non habeas, tamen vel hoc confero, vt voluacati tua mos geratur, vel certe confero libertatem in illam, quam manumitto: quod cum tua voluntate facio, perinde haberi debet, ac si in te cõtulissem, arg. l. solut. am. ff. de sol. Quid, cum sarcio, aut polio vestimenta tua, vt mihi Stichum des, an minus mihi abest, aut in te confero, quam si aliquid dare, vt mihi dares? Iam dixi & mihi hic abesse operam, ac mercedem operæ, & per vestimenta sarta, aut polita fructum operæ in te transferri. Sed quoniam in plerisque tantum causis huius generis ista eueniunt, non autem in omnibus, neq; per omnia vnum negotium alteri simile est, dici potuit nò effici hoc argumento, vt in omnib. causis, in quibus facio, vt des, actio præscriptis verbis dari debeat. Immo cetera duo negotia, illa dico, cum do, vt facias, & cum facio, vt facias, ita conueniunt, aut certe ita conuenit ratio, propter quam in illis datur actio præscriptis verbis, vt aut ob eam causam in illis hæc actio danda non sit, aut si recipitur, sit quoq; & in ea specie, de qua quaeritur, pariter admittenda. Nam si vt ab eo genere ordiar, cum do, vt facias, quid est, cur si posteaquam dedi, cesses facere, & velim consequi, vt facias, aut præstes, quanti interest mea placeat esse mihi eo nomine actionem præscriptis verbis? Dubitarem, nisi Paulus ipse expressisset in d. l. naturalis. §. vlt. Id eo fieri ostendit, quia sit hoc negotium simile locationi. Atqui in hoc negotio, cum facio, vt des, eadè omnino locatio est: aut si de similitudine locationis quaeritur est locationis similitudo plane eadè. Cur enim locationi simile est, cum do vt facias? nepe quia vt in locatione facti vnus dat pecuniã pro opera, alter pro pecuniã operã præbet: sic in hac specie vnus est, à quo res pro opera: alter, à quo opera pro re proficitur, itaq; ego cõtuctori similis, quasi qui operam tuam re conducam; tu similis locatori, qui pro re tanquam pro pecuniã operam tuam mihi impendas. At eadem personæ dantis & accipientis, eademq; facta versantur in eo genere, cum facio, vt des, Perpicuum est enim & hic vnum esse, qui operam suam præbet pro re, alterum, qui rem det pro opera, quam accipit. Est igitur vtroque; aut eadem locatio, aut negotium, quod pariter refert locationem & conductionem. Si quid interest, solum hoc interest, quod in priore ego quasi cõtuctor sum, tu locator operæ: in posteriore ego quasi locator operæ, tu conductor. Sed hoc ad con-

trahendam, aut impediendam conductionem quid pertinet? Siue ego locator sim, tu conductor: siue ego conductor, tu locator, semper locatio & conductio est: aut si quod negotium simile incidit, id simile est locationi & conductioni. Et sane audire cupio, qui fateatur, cum do tibi decem, vt tabulam mihi pingas, locationem & conductionem esse eadem negotium locacionem contrahi, cum ego pingo tibi tabulam, vt mihi decem des. nam qui prius in persona dantis conditionem esse dixit, idem dixit in persona pingentis esse locacionem: quod nunc negat, cum eum, qui prius pinxit, vt acciperet, negat esse locatorem. Postremo ab vtro initium dandi, aut faciendi nascatur, in conductione nihil interest. Ordine ab eo, qui datur, quidam conductio, quæ in locacionem definit: sit initium ab eo, qui facit; erit locatio, quæ definit in conductionem: inrerim idem contractus vtroque locacionis & conductionis. Quod si verba Pauli vrgere volumus, facile obtinebimus magis locacioni similem esse contractum, cum facio, vt des, quam cum do, vt facias. Nam cum facio, vt des, quasi loco operam, tu conducis, sic fit, vt si à me initium contractus æstimeretur, dicendum sit esse contractum similem locacioni & conductioni. Sed verba non cauillabor, vt qui sciam veteres locacionis & conductionis verbo, itidem vt emtionis & venditionis promiscue vsos esse, vt vno vtrumque significarent. *l. verere. & l. seq. D. de act. emr.* hoc dico, si res spectabitur, in omni operæ locacione esse vnum, qui det, alterum, qui faciat, & in quo contractu horum vtrumque sit, eum aut locacionem, aut similem locacioni haberi debere, ridiculum autem esse, si quis ab eo ordiens, qui dat, dicat esse locacionem: ordiens autem ab eo, qui facit, neget eandem esse locacionem: cum si ille, qui dat, conductor est, necesse sit eum, qui contractu facere debet, locatorem intelligi, quod si is locator tunc intelligitur, cum nondum fecit, sed facere debet: quanto magis pro locatore tunc habendus est, cum iam fecit, vt acciperet? neque vero pro locatore haberi debet, quin ex aduerso is, qui debuit dare, pro conductore intelligatur. Quæ obrem res dubitationem non habet, quin, vt proposui, negotium non minus locacioni & conductioni simile sit, cum facio, vt des, quam cum do, vt facias. Porro iam dixi Paulum ipsum id docere, ideo ex negotio, do, vt facias, actionem præscriptis verbis nasci; quia contractus sit similis locacioni, nec vero iure fieri aliter potest, quam vt quibus in causis eadem ratio sit, in his ius idem statuatur. *l. illud. D. ad leg. Aquil. l. a. Titio. D. de verb. obl.* Ex quo efficitur, & in eo negotio, cum facio, vt des, ei, qui fecit, eandem actionem dari debere.

Sed ¶ esto, distet aliquid in hac questione, vtrum dem, vt facias, an vero è conuenio faciam, vt des, vt quæ in vno genere actio in factum civilis prodita est, non continuo in altero esse debeat. At certe omnibus bonis & æquis iudicibus vincam, necesse est, in causis obligationis, hanc esse conditionem & coniunctionem horum duorum contractuum, cum facio, vt facias, & cum facio, vt des, vt si in priore genere detur actio præscriptis verbis, non possit, quin sit & in altero. Propone hoc modo: manumisi seruum meum, vt tuum manumitteres, quo exemplo Paulus vtitur in *d. l. naturalis*, obligari te mihi ex conuentione constat, vt tuum manumittas. Cur: quia prius manumisi meum, & præterea pactus es te tuum manumissurum: neque præterea alia obligandi tui causa est, nihil enim ad rem pertinet, quod promisisti te facturum, non daturum. Non res, quæ in obligationem deducitur, obligationem facit, sed conuentio: quæ siue in dando, siue in facièdo sit, pariter promissor obligatur, qui se daturum, aut facturum promissit. *l. 2. in pr. l. 5. §. stipulatio. D. de verb. obl. §. vlt. Inst. eo.* Imo vero, si quid res promissæ ad obligationem contrahendam pertinerent, citius obligaretur is, qui promissit se quid daturum, quam qui se facturum promissit; quia certius est, quod dari promittitur, *d. §. vlt. Inst. de verb. obl.* vt dicendum sit, si obligatur is, qui promissit se facturum, multo magis eum, qui se daturum promissit, obligari. Ergo cum manumisi, vt manumitteres, & generaliter cum feci, vt faceres, duæ sunt tantum causæ, cur mihi iure civili obligeris, manumissio mea, seu factum meum, & tua conuentio, qua te in hoc obligasti, vt vicissim quid præstares. Atqui cum manumisi seruam, vt tuum mihi dares, id est, cum feci, vt dares, totidem sunt obligandi tui causæ, vt mihi des, non dico pares, aut similes, sed plane eadem omni ex parte. nam & manumisi seruum meum, vt prius, & tu te quid præstaturum pactus es, & parui refert, quod promisisti te daturum, nam, vt iam dixi, tæto magis obligari te oportet ex hac conuentione, quia certum promissisti. Ex quo quis non videt in vtroque negotio in eodem facto, eademque conuentione, & iisdem obligationis causis aduersus eum, qui se daturum, aut facturum promissit eandem actionem pariter esse oportere? At constat, Paulum in ea

specie, cum facio, vt facias, dare præscriptis verbis actionem, sit igitur eodem auctore & tunc, cum feci, vt dares.

Cum facio, vt des, non tantum esse actionem præscriptis verbis, cum nullus tuus dolus arguetur, sed etiam si arguatur.

CAP. XV.

SUMMARI A.

- 1 In §. quod si faciam. l. naturalis. Pauli verba nullam admittunt distinctionem, vt de dolo detur, si postquam feci, cessas dare.
- 2 Si cum feci, vt dares, est mihi actio præscriptis verbis aduersus te, vbi nullus tuus dolus arguitur, quominus des: necesse esse, & tum dari, cum dolo non das.
- 3 Ex quo factio aliqua mihi aduersus te actio constituta est, cum nihil dolo fecisti, ex eodem generaliter eandem esse actionem, cum dolus tuus accesserit.
- 4 Errare eos, qui putant, cum quis promissit se daturum rem alienam sciens, & dolo malo, & quid facerem, ideo conuentionem non valere, quasi dolo malo factam.
- 5 Pacta dolo facta seruanda non esse aduersus eum, qui deceptus est: aduersus eum, qui decepit, contra.

His rebus videti eruditi interpretes plerique admiserunt etiam in hac specie, cum facio, vt des, & postquam feci, cessas dare, esse præscriptis verbis actionem: sed tunc, cum nullus dolus tuus arguetur: si arguatur, hoc tuetur de dolo dari. Ideo faciunt; quia de dolo dari negare non audent, cum tam aperte dicat Paulus eam in hac specie competere: sed quod verbum concedere videtur, id accipiunt, vt dicant Paulum de eo sentire, qui me deceperit sciens. nam quomodo esset de dolo aduersus eum, qui dolum non adhibuisset? Ita aduersus eum, qui dolo nihil fecit, relinquatur præscriptis verbis actio ex supra scriptis locis. Ne quis autem eam distinctionem repudiet, videtur expressa esse in *l. solent. hoc t. vbi Vipianus* in extremo ita scribit, nisi quis & in hac specie de dolo actionem competere dicat, vbi dolus aliquis arguatur, sed præcipue in *l. naturalis. §. sed si dedi. eod. vbi Pauli* ipsius ita verba sunt: *si dedi tibi seruum, vt seruum tuum manumitteres, & manumissisti, & in quem dedi, euidetur est: si sciens dedi, de dolo in me dandam actionem Iulianus scribit: si ignorans, in factum civilem.* Sed dum hoc incommo- dum vitare volunt, ne contra Pauli verba faciant, in eos locos, & alique ipsas rationes, quibus supra vsi sumus, incurrunt. Nam primum quale est illud exemplum facti, cum das mihi vestimenta tua polienda, vt postea des, quantum inter nos statutum sit: an si polio, nec pateris quidquam statui, sed mihi illudis, abs te decipi non videor? nusquam magis, & tamen nihil amplius datur in hac specie, quam præscriptis verbis in *d. l. si tibi polienda. h. t.* Quod, cum do, vt facias, & postquam dedi, cessas facere, an si sciens prudens non facias, quod possis, aut etiam dolo feceris, quominus præstare posses, quod te oportuit, mihi actio de dolo aduersus te dabitur, non etiam præscriptis verbis: finge me tibi dedisse ancillam, vt Pamphilum manumitteres: ancillam acceptam te manumissam, Pamphilum dolo alienatum, ne eum manumitteres, & ita me abs te decipi. Sed nihil amplius in hac specie dat Paulus, quæ præscriptis verbis actionem. *d. l. naturalis. §. cum do. & seq. h. t.* neque quicquam hic distinguendum putat, vtrum ideo non manumittas, quia non possis, an ideo, quia nolis, & data opera me decipias. Idemque fieri dicimus, cum feci, vt faceres, & postquam feci, fidem fallis. *d. l. naturalis. §. vlt.* Atqui quibus de causis datur præscriptis verbis actio in superioribus generibus duobus, iisdem de causis, & in hac specie, cum facio, vt des, eam actionem dari diximus, & probasse satis videtur. Quibus efficitur, & in hac specie sic eandem actionem dari, vt quamuis dolo facias, ne mihi des, nihilominus tamen eadem illa actione mihi teneris.

Quod ¶ si locus Pauli eos mouet, vt hac distinctione vtantur, videant etiam atque etiam, ne quamuis hanc distinctionem admiserimus, tamen non expediant. Paulus enim nihil distinguens, vtrum dolo non des, an sine dolo, simpliciter de finit in hac specie, cum facio, vt des, nullam esse actionem civilem. Si hoc sic accipiendum est, si dolus tuus arguatur, cur non dixi, vt ipse supra in ead. *l. naturalis. §. sed si dedi.* & Vipianus in *d. l. solent. in fin.* quod si id intelligendum est, cur non & in superioribus generibus, & in eo, quod sequitur, ex dolo aduersarij eandem distinctionem introducemus? quod si admittenda est, cur hoc genus, cum facio,